



თამაზ კვაჭანტირაძე

დაიბადა 1940 წელს თბილისში. დამთავრა თბილისის მე-60 საშუალო სკოლა და თსუ ფილოლოგიის ფაკულტეტი. ასპირანტურის დამთავრების შემდეგ დღემდე ეწევა პედაგოგიურ საქმიანობას თსუ ახალი ქართული ენის კათედრაზე. 1978-89 წლებში რედაქტორობდა ჟურნალ „ბალავერს“ („ქართული ენა და ლიტერატურა სკოლაში“). 1975-1990 წლებში

საქართველოს ტელევიზიით კითხულობდა ყოველკვირეულ ლექციათა ციკლს ქართულ ენასა და ლიტერატურაში, ამჟამად უძღვება საავტორო ტელეპროგრამას „მოგ ზაურობა სასიტყვეთში“. იბეჭდება 1965 წლიდან; არის საქართველოს პედაგოგიური აკადემიის ნამდვილი წევრი, საქართველოს მწერალთა ეროვნული კავშირის წევრი, ავტორი ხუთი წიგნისა და ასზე მეტი სამეცნიერო და კრიტიკულ-პუბლიცისტური წერილისა. 1989-90 წლებში იყო რუსთაველის საზოგადოების თანაპრეზიდენტი, 1991-92 წლებში — საქართველოს სახელმწიფო საბჭოს წევრი, 1993-98 წლებში საქართველოს განათლების მინისტრი.

ჰყავს მეუღლე, სამი ქალიშვილი და ხუთი შვილიშვილი.

თამაზ კვაჭანტირაძე

სიტყვა

პუბლიცისტიკა
კრიტიკა
ესეისტიკა
საჯარო გამოსვლები
დიალოგები

„სამეოხლო ფორტა“
თბილისი
2002

სარჩევი

ძალა სიტყვისა

ძალა სიტყვისა.....	11
თავისუფალი — უფალი თავისა.....	26
თავისუფალი ვარ — ესე იგი, პასუხს ვაგებ.....	29
საფლავი	31
გვირგვინი.....	35
დევიზი	37
იმოდრავე, იბერიაე!.....	39
გიხაროდენ.....	42
უნდა ვიფრინო, უნდა ე ზიდო.....	44
იანვარი	45
ჟამი ბრძოლისა და ჟამი მშვიდობისა	49
მადლი	56
„ამისთანა მკურნალს ვაქებ, მილესევედეს ფაზარ-ხუთოს“.....	58
ძალაუფლების საცდური.....	59
კარიერისტი	62
გადადექით!.....	66
მერაბ კოსტავა — კაცი-იდეა.....	70
დეენილობიდან — მღვერობამდე	71
ვაგლახ, უკვდავი.....	75
შინაომში გამარჯვებული არ არსებობს	81
მოჯადოებულ წრეში	82
მსხვერპლი ხელისუფალმა უნდა გაილოს.....	83
რეპეტიტორობა — ბოროტება თუ სიკეთე?	84
ბალავერი.....	89
რა ენა ნახდეს	91
მსგეფსი	94
მარადისობის მძევალი	97
სამშობლომანი.....	104
დაღვრილსა და დასაღვრელს.....	106
სიმღერა.....	109

მესიტყვანი

მონაღვლეები.....	113
ოცნების მასწავლებლები.....	116
თანამდევნი.....	117
ვუსმინოთ ყაზბეგს	120
ვაჟა-ფშაველას გაკვეთილები.....	122

სინამდვილის მსახური	126
ანდერძი	128
„აღდეგ და ქართულად უბნობდი“	130
ქიაჩის რაინდი.....	132
სარანგი.....	134
წყურვილი სულისა.....	136
ხმაძალიანი.....	139
ხასიათების მხატვარი.....	146
შენშია სხვა, სხვაში ხარ შენ... ..	149
ყოფილა, დღეს ველარ არის, მაგრამ იქნება, ცხადია!	152
უხეი.....	171

სიტყვისგება

პაოლოს ნეენისაგან.....	185
დრო იტყვის	187
„აე-ფთონი“ ანუ ავად მღელღარი.....	190
აკაკი ბაქრაძის „კრიტიკული შენიშვნების“ გამო.....	197
ვის „ეროზგავთ“?	208
ცოტა რამ მჯიღზე, დედაენაზე და კვერცხისმდებელ მამლებზე.....	213
აღმოიღე, ორგულო... ..	218
მუსტაფაზე მეტი მოგვეთხოვება.....	228
„არს უმყავესი წმახისა“	240
ექსპერიმენტი პლაგიატზე ანუ ფერისცვალება „აკ-მაიმუნისა“.....	250
რომლითა სანყაულითა... ..	254
ბოდიში, მაგრამ ბოდიშს ვერ მოგიხდით!	257
ბანის გარემეც.....	259
ხუთიანი პლუსით	261
მაგ „პრაედით“ იარონ!	264
მონინებული მადლობა	267
ხურავენ... ..	267
აუცილებელი განმარტება ანუ ერთი ცილისწამების გამო.....	268
ვამტიციო, რომ განათლების მტერი არა ვარ?	277
ყვარყვარეთი	279
ჭუა	288
აცილებული განცხადება	297
მატრაკვეცი	298
ემფატიკური „ა“	306
საქმით იცანით	311
რეპლიკის რეპლიკა.....	317

ცოცხალი სიტყვა

დედაენის ფრთებით	321
„კრულია მისი ხსენება, ვინც დაკგმობს დედაენასა“	322

დედაენა — მეექვსე გრძნობა.....	325
ენა — დედა, ენა — შვილი	327
დიდი ილიელი	328
სიშორით სიახლოვე!.....	331
კვირადალი.....	332
კულახდელი დიალოგი	333
ნიგნი — განსაქმებული სიტყვა	338
უგულო კაცი ვერ კაცობს... ..	339
ქება სიჯანსაღეს	341
საქართველოს ცოტნე არ დაეღევა	343
ჩვენი დრო და ზნეობრივობა	344
დიდგორი	346
ნელი პირველი	347
ილია და ანტილია	350
მიეცით და მოგეცემით.....	360
არჩეულმა სწორად უნდა აირჩიოს	362
უნდა ვიყარო თუ არა კენჭი?	363
ხმა იმას მიეცით, ვინც თქვენს ხმას შეისმენს	364
ამბოხი.....	369
ფიალა	374
დაბლოკილი განცხადება	376
ერთად	377
ტინდაცვეთილნი	378
გვარს კაცი ამშვენებს	382
ორი მიმართვა აფხაზებს	384
გული ტვინს ვერ გაეფიცება	387
პაერის ფასად	389
სიტყვა კულტურის ინსტიტუტზე.....	390
განათლება — ზომიერების სრუტის ლოცმანი.....	391
ორმოცდაათწლიანი ციკლის ეფექტი ანუ — არ გამოგეპაროთ!.....	395
მხედ ანუ მაიორულად!	396
ტოზე ჩვენი ბავშვები სხედან	397
სახეალო საქართველოს დამლა.....	400
უკანონო ძალა უძღურებაა, უძალო კანონი — უკანონობა	401
ხმა მლაღადებლისა „ლიტერატურული საქართველოდან“	403
პასიანსი.....	404
ორიოდ სიტყვა „დილაბნელზე“	405
უბერებლობამისჯილი.....	407

სიტყვა-პასუხი

მოეუაროთ საქართველოს!.....	411
ყოფნა ქართველობის დონეზე	418
პრეზიდენტი, უპირველესად, სამართლიანი უნდა იყოს	425

„იფრინდა“-ს აინტერესებს	427
არ მოხდეს მეორე „ბაზალეთი“	428
მთავარია, ზნეობრივად არ დამარცხდე	430
ნუ დაჰკარგავ ძველსა გზას	438
წინამორბედთა საქმეს ვაგრძელებ	439
გარანტი	443
ვაითუ	448
სკოლა შინაგანად ტაძარს უნდა დაემსგავსოს	450
ინტერვიუ ზეპირი, ინტერვიუ წერილობითი	452
გადავარჩინოთ განათლება — გადავირჩინოთ თავი	457
თუ გადავვარჩენთ — გადავარჩენთ	462
პედაგოგს რეფორმა სჭირდება, რეფორმას — პედაგოგი	466
ბოლო შანსი ღირსეული სიკვდილია	467
არჩევნებამდე და მის შემდეგ	475
მთავარია, ჩვენ ვივარგოთ	488
რომ გაგიგონ, უნდა გაუგო	494
„თუ“-ს გარეშე	500
ჯერ კანონის შესრულებაა კანონი	503
მეუღლის პრიზმაში: არ ვსდექ უამთაცვლას	505
ზოგჯერ ნასვლაც დარჩენაა	509
წყლის ნაყვა	511
რა ხალხი იჩემებს გამსახურდიას მეგობრობას?	517
ისტების ქვეყანა	523
ცხოვრება თამაშიცაა	530
პაემანი „ნატოზე“	531
მე მარტო მაშინაც არა ვარ, როცა მარტო ვარ	538
გადატრიალება თუ ამბობი?	542

სიტყვით ნატირაკვი

შეეძინა ერსა თვისსა	549
ვაი, რა ბოძი ნაიქცა	550
ამაღლება	551
უკეთესი საქართველოს მაცნე	552
ნათელში	554
ვისთვის — საჭირო, ვისთვის — საშიში	555
სიმღერა გრძელდება	556
ვალმოხდილი მოვალე	557
სულეთს შავიდეს ხმლიანი	559
შემოქმედი	560
სანთლები	564
ცხენდაცხენ	566

„სიტყვის“ ნინათქმა

ამ წიგნში თავი მოკუყარე ძირითადად ბოლოდროინდელ ჩემს კრიტიკულ-პუბლიცისტურსა და ესეისტურ ნაწერებს. კრებულში შევიტანე აგრეთვე ჩემი საჯარო გამოსვლები და ჟურნალისტებთან საუბრებიც, ოღონდ – მხოლოდ ის მასალა, რომელშიც მე ან წერილობით ვუპასუხებდი შეკითხვებს, ან ამ დიალოგებს საბოლოო წერილობით სახეს მე ვაძლევდი. ორი წერილი თანაავტორობით დაიწერა: „ვის ეროზგავთ“ – კოტე გაბაშვილისა, „რომლითა საწყაულითა“ – სოსო ცისკარიშვილისა (ამ უკანასკნელი წერილის პირველ პუბლიკაციაში, სამწუხაროდ, ტექნიკური ხარვეზის გამო, მხოლოდ ერთი ავტორი იყო მითითებული). შესაბამისი მასალის თანაავტორებადვე ვთვლი ზემოხსენებულ ჟურნალისტებსაც. აღრე გამოქვეყნებული მასალა ამჯერად წარმოდგენილია ყოველგვარი სარედაქციო კუპიურის გარეშე. ცალკე თავებადაა გამოყოფილი:

1. „ძალა სიტყვისა“ (პუბლიცისტიკა);
2. „მესიტყვენი“ (მწერალთა ლიტერატურული პორტრეტები);
3. „სიტყვის-გება“ (პოლემიკა);
4. „ცოცხალი სიტყვა“ (საჯარო გამოსვლები);
5. „სიტყვა-პასუხი“ (დიალოგები);
6. „სიტყვით ნატირები“ (გამოსათხოვარი).

წიგნსაც სათაურად „სიტყვა“¹ დავარქვი – ქართულ სიტყვას მიყურადებული, ეს ორმოცი წელიწადია მის მსახურებას ვცდილობ; სიტყვის მსახურებისას კი, მწამს, იმ სიტყვასაც ვემსახურები, რომელიც „პირველითგან იყო“.

თ. ა. ა. ჯავახიშვილი

ქალა სიტყვისა

პუბლიცისტურ-კრიტიკული ნერილები, ესეები, ნარკვევი



სიტყვა გადვადღე ერშია,
სიტყვა, რა სიტყვა? – ეული,
ტანჯულის გულით ნაცრემლი,
ვარმით ნაკვები, სნეული,
გულგანგმირული, ბეჩაეი,
თავს მანდილჩამოხეული!
ასე წვა-დაგვით გაზრდილმა,
რას ვიფიქრებდი, იხარა,
წვერს მარგალიტი მოისხა,
ტანი ზურმუხტით იფარა;
მთელს ქვეყანაზე სხივსა ჰფენს,
როგორც ცამ, გამოიდარა.

ქალა-სიტყვისა

ქალა სიტყვისა

... და აქუნდა მას სიტყუაჲ გამოჩინებული...

და იტყოდა სიტყუასა სულიერებისსა.

ცხორებაჲ სვიმონ მესვეტისაჲ

კინოში, ალბათ, ბევრს გინახავთ საკორიდე ხარ-მოზვერი, ბნელიდან რომ გამოიჭრებიან განათებულ არენაზე ერთადერთი სურვილით — იბულრაონ, ერჩოლონ, ურქინონ... ჩვენც, მესამოცე სკოლის მეცხრეკლასელებს, ზუსტად ასეთივე რამ გვემართებოდა გეოგრაფიის გაკვეთილის შემდეგ — მასწავლებლის ზარდამცემი კივილისა და ჟურნალში მამალი ორიანის შიშით გათანგულები, ციურ მანანასავით ველოდით გამოსვლის ზარს... და როგორც ზამბარა გაიშალოს ნულით — კლასშიც ყველა და ყველაფერი ყალყზე დგებოდა... ორიოდ გოგო თუ ასწრებდა კარში გასხლტომას, დანარჩენები შიშით მიიკუნჭებოდნენ ერთ კუთხეში; მაშინვე იწყებოდა „ჩანთებით ბოი“ — ასე ვეძახდით უპრიმიტიულეს ბრძოლა-თამაშს: ოცდახუთი საკორიდე მოზვერი — თითოეული ცალ-ცალკე და ყველა ერთად — ერთმანეთს ვუშენდით ჩანთებს, განურჩევლად იმისა, ჩვენი იყო თუ სხვისი... ბევრი ჩანთა ვერ უძლებდა ასეთ დატვირთვას და ჰაერში მათთან ერთად დაფრიალებდნენ წიგნები, რვეულები, სახაზავები, რეისფედერები, „კედები“, „ტაპოჩკები“... ცხადია, ეს ყოველივე „დაისის“ უვერტიურის ფონზე არ ხდებოდა, პირიდან გაცილებით უფრო მაჟორული ჰანგები ამოგვედიოდა — ბლავილი, კივილი, ჭიხვინი, ნკმუტუნი, ღრიალი, ყროყინი, სტვენა — მოკლედ, თავი საკლასო ოთახში კი არა, ნოეს კიდობანში გვეგონებოდათ ყველაზე ძლიერი შტორმის დროს.

იმ წელს გოგოები შემოგვეერთეს და ჩვენს თამაშს სიფიცხე მიემატა. ერთ დღესაც, ამგვარ გართობაში რომ ვართ და თანაც გვიხარია — ქართული უკვე ერთი კვირაა გვიცდება და ბრძოლას კიდევ ორმოცდახუთ ნუთს გავაგრძელებთო, უცებ შევნიშნეთ — დაფის წინ ვილაც უცნობი იდგა. გაკვეთილი ცდებოდა, არავის ველოდით, ჩვენი საქმით ვიყავით სერიოზულად დაკავებული და — ეს კაცი რა შუა იყო? მისი არც შემოსვლა გაგვიგია... უცნობი ჯოხსდაყრდნობილი იდგა და საკმაო ინტერესით ადევნებდა თვალს ჩვენს საქმიანობას. ზორბა კაცი ჩანდა, ნოლა ცხვირითა და ირიბად აჭრილი თვალის კილოებით; ყბიდან უზამდე, ნიკაჰს ამოყოლებით ნახანჯლარავით ველებოდა ღრმა ნაოჭი, ნაოჭი კი არა — უფრო ღარი ეთქმოდა. უკმაყოფილონი, ნელათრევით დავიძარით ჩვენ-ჩვენი მერხებისაკენ და, როცა ყაყანი სტაბილურ ზუზუნში გადაიზარდა, უცნობმა ხელჯოხით მისნი-მოსნია მის წინ მიმოფანტული ჩანთები — თითქოს არენა მოისუფთავაო — და გვითხრა:

— ყმანვილებო, ილიაზე ვილაპარაკებ.

ეს პაროლსა ჰგავდა, განდობილები რომ ეუბნებიან ერთმანეთს. თანაც ასე არავის მოუმართავს ჩვენთვის... არანაირი „მხეცებო“, „ნადირებო“, „მუტრუკებო“ არ გაგვაკვირვებდა ისე, როგორც ეს უწყინარი „ყმანვილებო“, მაგრამ მარტო ეს არ ყოფილა იმის მიზეზი, რომ ორი წინადადების მერე ხმაური მიწვლეულნიყო, ხუთის მერე — შემწყდარიყო, ათის მერე კი სამარისებური დუმილი მხოლოდ უცნობის ძალეში ფილტვებიდან უწყვეტ ნაკადად ამოტანილ ხმასლა დაერღვია. მიზეზი ის გახლდათ, რომ უცნობის ხმა ამ პირველი ათი წინადადების შემდეგ რაღაც სასწაულით თითქოს თანდათან სურათებად გვექცა: ჩვენ ვხედავდით, და ძალიან ნათლადაც ვხედავდით — ისე როგორც ეკრანზე — პატარა ბუთხუზა ილიკოს, მშობლებსა და და-ძმებს ტახტზე რომ მუთაქასავით გაუგორებიათ, ზედ ვეება წიგნი გადაუშლიათ და გვესმოდა კიდევ ბებურიშვილის ქალის, მაგდას, ხმა — „არაბეთს გასცა ბრძანება დიდმან არაბთა მპყრობელმან“... ვეფხისტყაოსანს მიყრდნობილი ცოცხალი მუთაქა კი გატრუნულა, თითქოს რაღაცით კმაყოფილიცა და ნაწყენიც ერთსა და იმავე დროს... მერე დავინახეთ ეს ქალი კუბოში, და პატარა ილიკო, მამისხელჩაბლუჯული... მერე ვხედავდით სევედისაგან დამუნჯებულ გრიგოლს, ილიკოს მამას, მამიდა მაკრინეს, ტკბილად ჩაძინებული ყანის მუშების სუნთქვას მიყურადებულ ბავშვს, მერე — უკვე ყრმას, ყვარლის მთებს ზემოთ მაცქერალს და მობუტბუტეს — „თქვენ ჩემთან ივლით... თქვენ ჩემთან ივლით“... ვხედავდით ჩრდილოეთის დაუსრულებელი ღამის გამტეხ სტუდენტს, სანთლის შუქზე განაცრებული სახით რომ კითხულობს სანუკვარი ხელნაწერი რვეულიდან — „და ჩემს შემდგომად სიძნელე გზისა მოძმესა ჩემსა გაუადვილდეს“... დავინახეთ, როგორ ანახდად მოზიდა ცხენს ლაგამი ჭაბუკმა და გაშეშდა — ტვინში დაჰკრა და ხერხემალში გაუარა მეგზური მოხვევის სიტყვებმა „ჩვენი თავი ჩვენადვე გვეყუდნეს“... ვხედავდით თვალეზანთებულ ახალგაზრდა რედაქტორს, კალმის მტკიცე მოსმით რომ გამოჰყავს: „ჩვენი საქმე საქართველოს ხალხის ცხოვრებაა. მისი გამჯობინება ჩვენი პირველი და უკანასკნელი სურვილია“... დავინახეთ ფოთოლივით მოცახცახე ოლიკო გურამიშვილი, უცხო თვალისგან ნამალევეად რომ კითხულობს ბარათს: „შენი კი ჭირიმე, ოლიკო! როდესაც შენ ვერა განახამ, ის დღე ჩემთვის დაკარგულია, მითამ არც კი გათენებულა“... დავინახეთ ცეცხლისმფრქვეველი პირიდან ამოთქმული ფიცვი — „მარად და ყველგან, საქართველოვ, მე ვარ შენთანა“; დავინახეთ ქართული დროშის ხილვისას ცრემლმონოლილი მაყურებელი, „სამშობლოს“ ავტორი ატატებული რომ გამოჰყავს თეატრიდან, და კიდევ მოგვესმა მჭახე ლანანი — ეს ლირფი კატკოვის ყბაზე აღიბეჭდა ილიას ლომივით ტორი: „გაცვეთილი კაცისაგან ყველაფერი მოსალოდნელია, მაგრამ ეგრე უკადრისად ხსენებას მისი, რასაც ყოველი პატიოსანი კაცი, ყოველი ერი თაყვანსა სცემს, როგორც ემბლემას ერის პატიოსნებისას, არ ვიცით, რა სახელი დავარქვათ და მისი ეგრეთ მომხსენიებელი რა სულიერებში შევრაც-

ხოთ!" ვხედავდით განდობილთა სერობას ხუთშაბათობა-დღეს ილიას ბინაზე — მასპინძელს საქართველოს მაჯა ეჭირა და „მის გულისფეთქვას ყურს უგდებდა სულგანაბული“... ყველაფერი დავინახეთ, ყველაფერს მოვუსმინეთ და აი, აგვისტოს ერთ ჩამოხუთულ დღეს ჩვენც გაეყვით ეტლს საგურამოსკენ, ჩვენც შეეჩერდით არაგვის პირად და დავინახეთ ეტლიდან გადმოსული მოხუცი, მჭმუნვარე სახით ბოლთის მცემელი, მერე ეტლში რომ ჩაჯდა და — „გარეკეო“, — მტკიცე ხმით უთხრა იუდა-მეეტლეს. დავინახეთ უკეთური თვალი, თოფის სანიშნეზე საქართველო რომ დაესვა და ჩვენც დაგვზაფრა შავი ტყიდან „ბერდანკის“ გამოქუხებამ... დავინახეთ, როგორ წამოიძარტა მოხუცი ეტლში, „რას სჩადით, ილია ვარო“ — დაიძახა და ნაგანიც შემართა. ისევ დაიქუხა „ბერდანკამ“ და ჩვენ, თვალეზე ნისლგადაკრულები, უკვე ველარაფერს ვხედავდით, მხოლოდ გვესმოდა შლიგინი, ცხენების ჭიხინი, ყრუ ბაგუნი, ამოკენესა და უცნაური ტკაცანი, კონდახდაკრულმა შუბლისძვალმა რომ გაიღო... მერე სისხლში ამოთხვრილი, მტკერსა და მინაში აზელილი მოხუცი კნენა იხვეწებოდა: „აგვიყვანეთ, ნაგვიყვანეთ, მითამ საყდარი აგიგიათ“... მერე სიონის ზარების გუგუნი მოგვესმა, დავინახეთ ჩალენილ შუბლზე მუხისფოთოლდაფენილი ცხედარი, მის წინ დაჩოქილი საქართველო... ვხედავდით, როგორ წამოიტივტივა კუბო ხალხის მდინარემ, დავინახეთ მხრებში შემდგარმა ორმა ახალგაზრდამ როგორ მოაყენა აივანს აცახცახებული მოხუცი პოეტი და სამარისებურ სიჩუმეში როგორ დაირხა: „თუ საქართველოს სიკვდილი არ უნერია“ — და ექოსავით რამდენჯერმე გამეორდა — საქართველოს სიკვდილი არ უნერია... სიკვდილი არ უნერია... არ უნერია...

ანაზდეულმა სიჩუმემ კლასში დაგვაბრუნა. ხელჯოხიანი უკვე გასულიყო კლასიდან... ნელ-ნელა ვიღვიძებდით...

— ეს ვინ იყო, ტო? — პირველი დათო ხომტარია გამოერკვა.

ვინ იყო, არავინ ვიცოდით. იმას კი ვხედავდით, რომ კლასში რალაც უჩვეულო ხდებოდა: გურამ კვინიკაძე, რომელსაც, ფინალი რომ გექგერებინა, თვალს ვერ დაახამხამებინებდი, რალაც საეჭვოდ ქსუტუნებდა და თვალებს იჭყურტინდა. უფრო გულჩვილ თემურ გეგენავას ნიკაპზე ესკვნებოდა ცრემლი... გოგოებისკენ ხომ გახედვაც არ ღირდა. არც მე გახლდით მაინც-დამაინც აზიზი და მგრძნობიარე, მაგრამ რატომღაც იმ დასვენებაზე აღარ ვინდომე უსიამოვნო საუბარი გამეგრძელებინა პარალელური კლასის ერთ ენაჭარტალა გოგოსთან...

დასვენებაზე ჩვენი კლასიდან გამოვარდნილმა დუმილმა, ეტყობა, სამასნაველებლოშიც შეაღწია და ჩვენი დამრიგებელი, პატივცემული თამარ ყლენტი, დაფეთებული შემოვარდა — ალბათ შატალოზე გაიპარნენო... მთელი კლასი გაუნძრევლად ვისხედით...

— რა მოხდა, მოკვდა ვინმე?..

ვუთხარით, რაც მოხდა.

— დამაინყდა გამეფროთხილებინეთ — ქსენია მასწავლებელი პენსიაზე გადის. თქვენ ხომ ყველაფერში იღბალი გაქვთ — დღეიდან ბატონი სიმონი გასწავლით.

ამის შემდეგ ბატონი სიმონი (სხვათა შორის, მასწავლებელს რომ თავისი კოლეგისათვის ასე ეწოდებინოს, ესეც პირველად მაშინ მოვისმინეთ) ანუ სიმონ სხირტლაძე ორ წელიწადს გვასწავლიდა და, გინდ დამიჯერეთ, გინდ არა, მისი ყოველი გაკვეთილი, უფრო სწორად, საუბარი მახსოვს... ამას ჩემი მეხსიერების განსაკუთრებულ ღირსებად ნუ მიიჩნევთ — ყველას, მთელ კლასს გვახსოვს. ერთადერთი გაკვეთილის თემას ვერ ვიხსენებ და იმაზეც ქვემოთ მოგახსენებთ — რატომაც... მას შემდეგ ბევრმა წყალმა ჩაიარა — ოცდახუთი წლის წინანდელ ამბავს მოგიყვით — ბევრი ოქროპირისთვის მომისმენია, მათ შორის ბიძინა ბარათაშვილისა და თვით შალვა ნუცუბიძისათვის, მაგრამ ასეთი გამაოგნებელი შთაბეჭდილება აღარავის მოუხდენია... შეიძლება ვინმემ იფიქროს, თუ კაცს ენა და გონება უჭრის, რა უნდა 15-16 წლის გოგო-ბიჭების ხელში დაჭერას, სიტყვით მათ „დაბმასო“. არადა, ასე მგონია, რომ ყმანვილის „დაბმა-გაცურება“ გაცილებით უფრო ძნელია, ვიდრე უფროსისა: გაუცვეთელი კანითა და ნერვით ახალგაზრდა უფრო ადვილად „იჭერს“ სხვათაგან მომდინარე ყოველგვარ იმპულსს, ყოველგვარ სიყალბეს. ჩვენს ახალ მასწავლებელს იმიტომაც „დავებმევინეთ“, რომ მას ეს აზრადაც არ მოსვლია. მოსწავლე უტყუარად გრძნობს, რა არის ალალი, ნაღდი, ხალასი და რა — ნანვალზე-გამოტანჯული, წინასწარ დაგეგმილი, გათამაშებული. სიმონის როგორც მასწავლებლის მოუგერიებელი ხიბლის გასაღები, შესაძლოა, ისიც გახლდათ, რომ მას რაღაც ძალიან მნიშვნელოვანი ჰქონდა ჩვენთან ზიარი — სულის სიყმანვილე. ამიტომ ვიგრძენით ამ ყოვლისმცოდნე და მაღლადმხედ კაცში მარადი ბავშვი, ჩვენი კბილა: ცოტა გულუბრყვილოც, ცოტა წინდაუხედავიც, ცოტა ეშმაკიც, ცოტა უმართავიც... რას მოიძოქმედებდა, რას იტყოდა — ამის წინასწარი ამოცნობა ისევე შეუძლებელი იყო, როგორც — ჩვენი საქციელისა. ამიტომ ახალი მასწავლებელი ყველამ ჩვენს მარაქას მივათვალეთ; მოსწავლის ცნობიერებაში ხომ ყოველთვის არის მკვეთრად გამიჯნულ-დაპირისპირებული ორი „კასტა“ — ჩვენ და ისინი, მოსწავლეები და მასწავლებლები. ზოგიერთი მასწავლებელი ცდილობს სიყვარულისა და ნდობის მოსაპოვებლად მოსწავლეთა „კასტას“ მიეტმანოს... საეაღალო წინდაუხედავობაა: მოსწავლე ყველაზე ნაკლებად ამგვარ მასწავლებელს სცემს პატივს და ხშირად დაუნდობლადაც ექცევა. სამაგიეროდ, ღრმა და გამტანი სიყვარულით უყვარს იგი, ვისაც თვითონ მიიჩნევს „განდობილად“. სიმონ სხირტლაძე ჩვენი „განდობილი“ იყო, უფრო სწორად, ჩვენ აღმოვჩნდით მისი „განდობილები“. ამით ახალ მასწავლებელ-

სა და მის კოლეგასა შორის არ გარჩენილა რაიმე, თუნდაც იოტისოდენა, ბზარი. მოგეხსენებათ, სკოლა, სამსახაროდ, არც ახლაა და არც მაშინ გახლდათ დაზღვეული პედაგოგთა კინკლაობის, ქიშპობისა და არაკოლეგიალობისაგან. მით უფრო საცნაურია, რომ სიმონ სხირტლადისა არც ერთ მის კოლეგას არასოდეს შურდა; არავის არასდროს გადაკრულადაც კი არ უთქვამს მისი ძვირი. ნესით, თუ ვინმესი უნდა შეშურებოდათ, სწორედ — მისი: მასავით არავინ გვიყვარდა, მასავით არავის ვუჯერებდით, მასავით მონინებით არავის ვექცეოდით სკოლაში, არავის შეუნდობდა ხელმძღვანელობა იმას, რასაც მას... მაგრამ სიმონი იმდენად ერთადერთი იყო, იმდენად განსაკუთრებული, რომ შურს აზრი ეკარგებოდა — შემინდეთ უზუსტო ანალოგიისათვის, მაგრამ განა შეიძლება რომელიმე ქართველ პოეტს, რაოდენ გამორჩეულიც უნდა იყოს იგი, რუსთაველისა შემურდეს?

ერთ ამბავს მოგიყვებით, ოღონდ ეს მერე, სხვა სკოლაში გადასვლის შემდეგ, მომხდარა: სიმონ სხირტლადე ფიზიკა-მათემატიკურ ინტერნატში მიიწვიეს ქართული ენისა და ლიტერატურის მასწავლებლად. ამ სკოლაში მათემატიკური ნიჭისა და მიდრეკილების ყმანვილებს მოუყარეს თავი მთელი საქართველოდან. ინტერნატელებს ძილშიაც მათემატიკა აბოდებდათ და სიმონ სხირტლადეს აქ ფრთები მისთვის ჩვეული ეშხით თითქოსდა ვერ უნდა გაეშალა. პირველსავე შესვლაზე უთქვამს მეთეკლასელებისთვის — ყმანვილებო, აქ იმიტომ შემოვედი, რომ თავებიდან იქს კვადრატები გამოგიბერტყოთო — და გალაკტიონზე დაუნყია ლაპარაკი. დამთავრდა გაკვეთილი, დაირეკა ზარი, მაგრამ მერხზე არავინ გატოკებულა და სიმონსაც გაუგრძელებია სიტყვა. დაირეკა შესვლის ზარიც და, როცა სიმონ სხირტლადემ გამოაცხადა — დანარჩენზე ხვალ ვისაუბროთო, მთელი კლასი თითქოსდა ვილაც უჩინარის ბრძანებით ფეხზე წამოიჭრა, წინა ორ მერხს ხელი სტაცეს, კარს მიადგეს, ოთხნი იქვე დასხდნენ, დანარჩენებმა თავიანთი ადგილები დაიკავეს და, ცოტა არ იყოს, შემცბარ სიმონს გამოუცხადეს — რომც გაგვირიცხოთ, ახლა აქედან ვერც თქვენ გაგიშვებთ და ვერც სხვა მასწავლებელს შემოვუშვებთ, გეხეწებით, გააგრძელეთ გაკვეთილიო.

მოსწავლის თვალს არაფერი გამოეპარება-მეთქი... მიუხედავად იმისა, რომ სიმონ სხირტლადის გაკვეთილებზე გონებამახვილობის, ხუმრობის, ენამოსწრებულობის ფეიერვერკი იფრქვეოდა, მიუხედავად იმისა, რომ დროდადრო ჩვენი კლასიდან ისეთი სიცილი გამოიქუხებდა ხოლმე, რომ თავის კაბინეტში ჩათვლემილ ჩვენს „დობრი მიშკას“ — ჩვენს კეთილ დირექტორსაც კი ფეხზე წამოახტუნებდა, მიუხედავად იმისა, რომ არც სკოლაში და არც გარეთ, ქუჩაში, სიმონ სხირტლადე მოსწავლეებს თითქმის არასოდეს გვინახავს მარტო — გარს მუდამ ასაბია ეხვია — მაინც

ვგრძნობდით, რომ ამ კაცს ბედნიერი არ ეთქმოდა... ბედნიერი კი არა, მის ირიბად აჭრილ თვალებში ზოგჯერ იმხელა სევდა დამილანდავს, რომ დავ-ზაფრულვარ. ოჯახური ცხოვრების მოუწყობლობაზე ფიქრიც ზედმეტი იყო — მთელი კლასი კარგად ვიცნობდით ჩვენსავე სკოლაში ქიმიის ლაბორანტად მომუშავე მის სათნო მეუღლეს, თამარ ჯაფარიძეს, ქმარს რომ თვალებში შესცივინებდა და შეუმჩნევლად, სხვათა დაუნახებლად ცდილობდა, უთქმელად ამოეცნო და შეესრულებინა მისი სურვილი. გოგოები ჰყავდა და — იმათაც კარგად ვიცნობდით — მამას აღმერთებდნენ. გარს მუდამ მეგობრები ეხვია — ნალდი, მისანდო, მზრუნველი და მოამაგე, თანაც ალალი ხალხი, უშურველი, მისი ფასი რომ იცოდნენ (მარტო პოეტები და მეცნიერები, კოლეგები და მხატვარ-მსახიობ-მუსიკოსები კი არა — უბრალო, უსახელო, უნიღბო ხალხი: ხელოსნები, გამყიდველები, ოფიციალტები, გლეხები, ზოგჯერ, როგორც იტყვიან, „ნაძრახი“ ბიოგრაფიის მქონე პიროვნებებიც). ეს არ გახლდათ მისი განურჩევლობისა და — როგორც, ჩვეულებრივ, ქვეყანას მოდებულ ხალხს სჩვევია — ღრმად შენიღბულ-დაფარული შინაგანი გულგრილობის გამოვლინება (ამგვარ კაცთათვის ხშირად მეგობრობა ეჩოსა ჰგავს, მუდამ ერთი მიმართულებით, თავისკენ რომ მიითლის!) — არა, უბრალოდ, დიდი კაცი იყო, დიდი გული ჰქონდა — ბევრს იტევდა და ბევრსაც აწვდენდა... მამ რალა იყო ამ სევდის მიზეზი? სიმონ სხირტლაძე ის მასწავლებელი არ გახლდათ, მოსწავლეს მხოლოდ სკოლის დამთავრების მეთაე ან მეოცე წლისთავის ბანკეტზე რომ გაგახსენდეს... მით უფრო ჩემთვის — ცხოვრების გეზი მიცვალა, სხვა მხარეს მიმამბრუნა — არა რჩევით, არა შეგონებით, არამედ თავისი არსებობით... სკოლის დამთავრების შემდეგაც არ გამიწყვეტია მასთან კავშირი და მერე, მის პიროვნებასთან უფრო ახლო მისულს, კიდევ უფრო მიგრძნია ამ კაცის ბუნებაში ღრმად ჩაბუდებული კაეშანი. ახლახან მიაბმო იზამ, მისმა ქალიშვილმა: „მამამ ღამით იცოდა მუშაობა. ზოგჯერ შუალამეზე შუქი გამალვიძებდა და ძილი გამიტყდებოდა. ფეხაკრეფით ნამოვდგებოდი და მამას ოთახში შევიხედავდი — კითხულობდა ან წერდა. ასეთ დროს ყველაფერს ეთიშებოდა. რამდენჯერ მინახავს, ხელში კალამი გაუშემდებოდა, თავს გადაიკვებდა, თითქოს მალა ვილაცას თვალი გაუშტერაო, და — გადმოსაკვებოდა ცრემლი...“ რა ატირებდა სიმონ სხირტლაძეს, სხვათაგან მალულად რატომ იღვრებოდა ცრემლებად ეს უმტკიცესი სულის ვაჟკაცი? მიფიქრია ამაზე, მიზეზებიც მიჩხრეკია და იმ დასკვნამდე მივსულვარ, რომ თვითონ ცხოვრებაა „ორგემაგე“ და, თუ ცალფად ნაქსოვი კაცი არა ხარ, შეუძლებელია ადამიანმა უნალვლოდ იცხოვრო... და თუ ღრმა პიროვნებაცა ხარ, მაშინ ჩემი მასწავლებელივით მოგიწევს მარადიული ხეტიალი სკენელთა შორის — სიხარულის ზესკნელიდან კაეშნის ქვესკნელამდე.

სიმონ სხირტლაძის ემოციური სამყაროს ამ პოლუსებს რომ ვუკვირდე-

ბოდი, თვით კაეუჩის წყაროს უშუალო მიზეზს მის პიროვნულ ყოფაში, ცხოვრების წესში ვეძებდი. ხან მეგონა (ვინ იცის, იქნებ არცთუ სასუსპიბო უსაფუძვლოდ), რომ იგი თავისი სულიერი სწრაფვისა და მოწოდების განუხორციელებლობის, საკუთარ შესაძლებლობათა გამოუვლენლობის ან, სულაც — უანგარიშო და შეუბრალებელი, უწყალო ხარჯვა-ფანტის სევდას შეეპყრო; მართლაც, ვინ იყო იგი თავისი უშინაგანესი არსით? განუხორციელებელი პოეტი? თუ — განუხორციელებელი მეცნიერი? უდავო ის გახლდათ — და ამას ჯერ კიდევ სკოლაში ვხვდებოდით 15-16 წლის გოგო-ბიჭები, რომ ჩვენს მასწავლებელს განსხვავებული მზერა ჰქონდა, მოვლენებს უჩვეულოდ აკავშირებდა ერთმანეთთან, საგნებს მოულოდნელად აღმოუჩინდა საერთოსა და მსგავსს, მოკლედ, პოეტურად აზროვნებდა. მან არა მარტო უამრავი ლექსი იცოდა, მას არა მარტო სასწაული მახსოვრობა ჰქონდა, მასში არა მარტო უწყვეტად ღვივოდა ის რაღაც, რაც მუდმივად უფიცვებდა ტვინს და სადღაც ზემოთ ეზიდებოდა ამ, თითქოსდა კლდიდან უხეშად მოგლეჯილი ლოდის მსგავს ფიგურას, მის თითქმის კვადრატულ, მძიმე ტორსს — არა, მთავარი სხვა იყო. იგი პოეზიის კანონებით ლაპარაკობდა არა მარტო ლექსად, არამედ, ჩვეულებრივი პროზით მეტყველების დროსაც. მე მაინცდამაინც მის მჭევრმეტყველებას, უყოყმანოდ ამონადენ სიტყვათა ლეგიონს როდი ვგულისხმობ — ესეც ნიჭია, მაგრამ არა პოეტური. მეტიც ითქმის, ასე დაუძაბავად, რომ იტყვიან, წყალივით მოლაპარაკე ხალხის ინტელექტუალურ სიღრმეში მუდამ ეჭვი ეპარება კაცს... სულ გგონია, რომ რაღაცას — ერთხელ და სამუდამოდ გაზეპირებულს — ამბობენ, თანაც ეს ყველაფერი საკუთარი სულიდან არ არის გამოტანჯული. ყოველგვარი ქმნადობა, შობა — მათ შორის, სიტყვის, ფრაზის, აზრისა — გარკვეულ ძალისხმევას გულისხმობს, ამიტომ შინაგანი დაძაბულობის გარეშე დინება თითქოს ენერგიას უკარგავს აზრსა და სიტყვას. ცხადია, იმას როდი მოგახსენებთ, რომ ენაბრკუ და ენაბრგვილი ხალხი მიმაჩნდეს ინტელექტუალობის ეტალონად, მაგრამ ღრმა კაცი ადვილად და ჰაიპარად ვერ უნდა ლაპარაკობდეს. სიმონი ლალად მეტყველებდა, მაგრამ მის სიტყვასა და ფრაზას წონა ჰქონდა, სიმძიმე, თქვენ ნარმოიდგინეთ, ერთგვარი სიუხეშე-სიტლანქეც კი, რაც მას ცოცხალ, მედინ, მფეთქავ არსად აქცევდა... ადვილად მოლაპარაკე ხალხი ხშირად იმეორებს თავის თავს, მათი ფრაზის პირველი სიტყვა უკვე გვაგვარაუდებინებს უკანასკნელს, მსმენელს გიქრება მოულოდნელობის, გაელვების განცდა — ესე იგი, გიქრება ინტერესიც... სიმონ სხირტლაძე არასოდეს მეორდებოდა. მასაც ჰქონდა ამოჩემებული ზოგი სიტყვა თუ ფრაზა, ზოგი შედარება თუ მხატვრული სახე, მაგრამ ყველა დიდი ორატორის მსგავსად შეუცდომლად გრძნობდა სიტუაციას, აუდიტორიის განწყობილებას და თვით გაცვეთილ ენობრივ კლიშეებსაც კი ისე მიუსადაგებდა კონკრეტულ სიტუაციას, რომ ახლადქმნადობის ეფექტს ახ-

დენდა. ალბათ, პოეტური ნიჭის ერთ-ერთი ნიშანი ისიც არის, რომ პოეტი საკუთარ თავს მუდამ განსხვავებულად იმეორებს.

ჩვენი მასწავლებლის პოეტური უნარი მაშინ, სკოლაში, უფრო თვალშისაცემი ნიშნებითაც ჩანდა — ყველაფერზე ლექსად მეყსეული რეაგირებით, სიტყვათა თამაშით, კალამბურებით, ცხელ-ცხელი სახუმარო ეპიგრამებით... მთელი ქართული პოეზიის დამტვე ტვინს, ცხადია, არ უძნელდებოდა სახელდახელოდ გამოედებნა შესაფერისი რითმა და ლექსად გაენყო აზრი — არა პოეზიად, არამედ ლექსად; ამასაც თავისი ეშხი ჰქონდა, ვინაიდან ეს ყველაფერი თქვენს თვალწინ იბადებოდა. სხვათა შორის, კაფიის ეფექტიც ძირითადად ეს გახლავთ, თორემ სიტუაციიდან ამოგლეჯილი და ქალღღ-ზე აღდგენილი, იგი წყლიდან ამოღებული ზღვის კენჭივით უფერულდება. სიმონ სხირტლადის ეპიგრამებიც, სიტუაციიდან ამორიდებულნი, ერთგვარ „რითმაჩობად“ მოგეჩვენებათ, მაგრამ მათ, როგორც მეყსეულ სიტყვიერ რეაქციებს, საოცარი ხიბლი და იუმორი ახლდა. იმ ღირსსახსოვარ პირველ გაკვეთილზე ჟურნალი და სიის ამოკითხვა არავის, არც მთქმელსა და არც გამგონებს, არ გაგვხსენებია, მაგრამ მერე ახალმა მასწავლებელმა ჩვენი სახელდებით გაცნობა განიძრაბა, ჰოდა, დაიწყო სიის ამოკითხვა; ჩვენი სკოლა ვერაზე იყო, ახლა ამ უბანს პრესტიჟულს ეძახიან — აქ ბობოლეები ცხოვრობენო; რა მოგახსენოთ, ჩვენს კლასში კი ძალიან უბრალო ოჯახიშვილები ვსწავლობდით. მით უფრო გაგვიკვირდა და გაგვიხარდა, რომ თითქმის ყოველი ჩვენგანის მამას თურმე ჩვენი ახალი მასწავლებელი იცნობდა და ზოგთან მეგობრობდა კიდევც... ჩემამდეც ჩამოვიდა:

— კასიანეს ბიჭი ხარ, ჩემი კასიანესი? — გაებადრა სახე და უცებ მიმიბა:

ვენაცვალე კასიანეს,
აშრიალებს ასიანებს...
ერთად დასხამს საქეიფოდ
ტენორსა და ბასიანებს...

ასევე, რომ იტყვიან, თათარიანხნად არის შექმნილი მისი ცნობილი მუნა-სიბი დუდიზე — საყვარელ შვილიშვილზე, ერთი წლის ბიჭუნაზე:

ვენაცვალე დუდის,
თაფლის სუნი უდის,
ნაპერნკალი მოხვედროდეს
რუსთაველის ქუდის,
სიბრალული დაჰყოლოდეს
ჩიტუნების ბუდის...
დაიხსომე, დუდი,

კაცს ამშვენებს ქუდი,
შორით გითვალთვალებს
გზა სველი და მრუდი.
არ შეშინდე, დუდი,
ჩემკენ შემობრუნდი.

პოეტური უნარი სიტყვიერების მასწავლებელს, კაცმა რომ თქვას, მეტ-ნაკლებად ყველას უნდა მოსდგამდეს... სიმონ სხირტლაძეს ეს უნარი ჭარბად ჰქონდა, მასწავლებლის პირობაზე, ალბათ, ზედმეტად ჭარბადაც კი... მაგრამ ის, რაც მასწავლებლისთვის — თუნდაც სიტყვიერებისა — ჭარბია, პოეტობას, შესაძლოა, ვერ გასწვდეს. თანაც უზადო გემოვნება, ლექსის აბსოლუტური გრძნობა, რაც უნდა უცნაურად მოგვიწვევოთ, პოეტურ შემოქმედებას ზოგჯერ საფრხედ ექცევა. მით უფრო — თავმოყვარე, ამაყ კაცს, ვინც ზედმინევნით და ღრმად სწვდება გენიოსთა კალმის ნალვანს; ასეთს სხვებზე უფრო უჭირს საკუთარის გამოფენა ან, რაც უფრო ტრაგიკულია — თავისას უკვე ველარც ქმნის. პოეტს თუ არ ექნა ღრმა შინაგანი რწმენა იმისა, რომ, რასაც და რაზეც წერს, იმას და იმაზე სხვა მისწარად ვერ დანერს, ის ველარც დანერს ისეთ რასმე, ნასაკითხად რომ ღირდეს. ალბათ შეგიმჩნევიათ, დიდი პოეტები თავიანთ დიდ თანამოკალმეებს, ჩვეულებრივ, არ სცნობენ და თითქოს ვერც აფასებენ. არადა, ამგვარ „არაობიექტურობაში“ ისინი გულწრფელი არიან: ეს ყბადაღებული „ჩემი სჯობსო“ — უფრო პოეტური თვითშენახვა-გადარჩენის ინსტინქტის გამოვლინება მგონია, ვიდრე — განდიდების მანიით შეპყრობილი ხალხის „უცილობლობა“. სწორედ ამგვარი „უცილობლობისგან“ იყო შორს ჩემი მასწავლებელი. მოკლედ, ძნელია იმის განსჯა, სიმონ სხირტლაძე განუხორციელებელი პოეტი იყო თუ განსახორციელებელი... რაც არ მომხდარა, რაც არ გამოვლენილა, იმაზე მსჯელობა მარჩიელობას ემსგავსება... იქნებ მის ბუნებას ყველაზე უფრო მიესადაგებოდეს გიორგი ლეონიძის სიტყვები „ნატურის ხიდან“ — ელიოზზე თქმული: „პოეტები მხოლოდ ქალაქ-დზე რითმით მოლაპარაკენი როდი არიან. პოეტური თვალთ, პოეტური გულით და დიდი ოცნებით გასხივოსნებული სხვაც ბევრი დადის დედამიწაზე“.

ახლა განუხორციელებელ მეცნიერზეც ვთქვათ ორიოდ სიტყვა. განუხორციელებელი, რომ ვამბობ, დიდ მეცნიერს ვგულისხმობ, თორემ უაღრესად საინტერესო პედაგოგიურ-ლიტერატურული წერილების ავტორს, ცხადია, ეს სიტყვა არც მიესადაგება... იმაზეც მიფიქრია, აკადემიურ ასპარეზს ჩამოცილება ხომ არ იყო-მეთქი მისი სევდა-კაემნის მიზეზი? არა მგონია. თუმცა ერთი კი ითქმის: ის, ვისაც ეთაყვანებოდა, ვისთანაც საოცარ სულიერ ნათესაობას გრძნობდა, ვისაც ცნობიერად თუ ქვეცნობიერად ჰბაძავდა ოქროპირობაში და ვისი უზარმაზარი და, დროებით მივიწყებულ-მიდუმებული ღვან-

ლის გაცოცხლება-ნარმოჩინება ენადა ახალგაზრდა ასპირანტს, გაბრიელ-დიდი, იმერეთის ეპისკოპოსი — ოცდაათიანი წლების დასასრულს და მერმეც, კარგა ხანს, მავანთა ჭკუის სიმოკლით ქართული მეცნიერებისთვის ლამის პერსონა ნონ გრატად გამოცხადდა. სიმონ სხირტლაძე ის კაცი არ გახლდათ, ვისაც კონიუნქტურა სიყვარულსა და რწმენაზე ხელს აალებინებდა... იგი წლების განმავლობაში მაინც აგროვებდა მასალებს გაბრიელ ქიქოძეზე, სწავლობდა, ანალიზებდა მის მეცნიერულსა და ჰომილეტიკურ მემკვიდრეობას და შემდეგ, როცა ამისი შესაძლებლობა მიეცა, დასტამბა კიდევ ერთი ნაწილი ამ კვლევა-ძიებისა... მაინც აწუხებდა უქმარისობის განცდა ამ დიდი კაცის ხსოვნის წინაშე და, ლოგინად ჩაეარდნილი, სასიკვდილო სარეცელზეც ამას იმეორებდა — გაბრიელის ვალი მიმყვებო...

სიმონ სხირტლაძე როგორც პიროვნება მეტი გახლდათ მის პოეტურსა თუ მეცნიერულ უნარზე... მაგრამ ჭარბად მომადლებული სწორედ ეს უნარები მის პედაგოგობას განსაკუთრებულობისა და განუმეორებლობის ბეჭედს ასვამდა... ისე, ერთი ჩემი სკოლისდროინდელი ეჭვიც მინდა გაგიზიაროთ: იყო კი ბატონი სიმონი ტიპიური მასწავლებელი? შეიძლებოდა თუ არა მისი პედაგოგიური გამოცდილების განზოგადება, სხვათათვის სამაგალითოდ და სანიმუშოდ ქცევა? თითქოსდა, ახირებული კითხვებია — სიმონს ვინც იცნობდა, უყოყმანოდ იტყვის — რალა თქმა უნდა, შეიძლება და სასურველიცააო... სიმონი რომ დიდებული პედაგოგი იყო, მისი გაკვეთილები რომ საოცრებას ნარმოადგენდა, ამის მოწმეები, ჩვენდა საბედნიეროდ, მეცა და ჩემი კლასელებიც ვიყავით ორი წლის მანძილზე... მით უფრო საგულისხმოა ეჭვი, რომ იგი არ ყოფილა ტიპიური მასწავლებელი, რომლის გამოცდილების განზოგადება — ესე იგი, გარკვეულ ფარგლებში მიბაძვა — შესაძლებელი ყოფილიყოს... სიმონისნაირად გაკვეთილს მხოლოდ სიმონი თუ ჩაატარებდა, ყველა სხვას, თვით ძალიან კარგ პედაგოგსაც კი, ასე ჩატარებული გაკვეთილი ჩაუვარდებოდა. სიმონ სხირტლაძე აბსოლუტურად გულგრილი იყო იმ შავი და — ცოტა უხეშად კი არის ნათქვამი, მაგრამ — ჩინოვნიკური სამუშაოს მიმართ, რასაც ყოველი მასწავლებელი ასრულებს. ამით იმას კი არ მოგახსენებთ, თითქოს გეგმები და გეგმა-კონსპექტები მასწავლებლის ზედმეტი ბარგი იყოს, მაგრამ სიმონისთვის გაკვეთილზე არავითარი გეგმა და ჩარჩო არ არსებობდა. თავად ვარ მონმე, სამასწავლებლოში უთქვამს ჩვენი დირექტორისთვის: ჩემო მიხეილ, რა გეგმებს მთხოვე, მე თვითონ ვარ გაკვეთილის გეგმაც და ზეგეგმაცო... სხვას ამას არ აპატიებდნენ, მაგრამ სიმონის ჩვეულებრივი საზომით აწყვა არ შეიძლებოდა... არ შეიძლებოდა არც მისი შემონმება-გაკონტროლება... ჩვენ იმ ორი წლის მანძილზე ერთადერთხელ ვნახეთ სიმონი ტიპიური, ჩვეულებრივი მასწავლებლის როლში, როცა იგი შემოვიდა კლასში, წესისა და რიგის მიხედვით სიაც ამოიკითხა, დავალების შესამონმებლად მერხებშუაჩ ჩამოიარა, ფრონტალური კითხვე-

ბიც დასვა, სამი მოსწავლე კიდევ გამოიძახა, შეაფასა და ნიშნები გაუფორმა ჟურნალშიც და დღიურშიც, ახალი მასალის საზეპიროებიც მოგვინიშნა, ტექსტის კომენტირებულად წაკითხვაც მოასწრო და ბოლო სამ წუთში დავალებაც ჩაგვანერინა. ყველაფერ ამას კი წინ ის უძღოდა, რომ ზარის დარეკვისთანავე დირექტორმა უჩვეულო მოწინებით შემოიყვანა კლასში ვილაც ხვანჩიანი ახალგაზრდა კაცი, რომელიც უკანა მერხზე კი არ დაჯდა, სადაც, ჩვეულებრივ, დამსწრენი სხდებიან ხოლმე — წინა მერხზე მოკალათდა და, რაც ყველას თვალში გვეცა, რატომღაც მაჯიდან საათი მოიხსნა და წინ დაიდო. ჩვენი მასწავლებელი კლასში შემოვიდა, ერთი ალმაცერად გადახედა სანერკალამ და ბლოკნოტმომარჯვებულ კაცს და — ყველაფერი ისე გააკეთა, როგორც სხვა მასწავლებლები აკეთებდნენ. რა აგვიხსნა, ვისზე გველაპარაკა, არ დამმახსოვრებია — სწორედ ეს გახლდათ ორი წლის მანძილზე ის ერთადერთი შემთხვევა, ზემოთ რომ მოგახსენეთ.

სიმონ სხირტლაძეს შეეძლო-მეთქი გაკვეთილზე ის გაეკეთებინა, რაც წარმოსადგენადაც კი ძნელია სკოლაში. შეეძლო მთელი მეოთხედი არ გამოეძახე და ნიშანი კი ისეთი სიზუსტით დაესვა, გინდაც გაკვეთილს ყოველდღე შეგკითხვოდეს; ჟურნალში არც ერთი ხუთიანი არ გყოლოდა, მეოთხედში კი შეეძლო ფრიადი დაენერა შენთვის. საერთოდ, ჟურნალსა და ნიშნებს ირონიულად უყურებდა, იმ მასწავლებლის რა მცოდნია, ორიანით რომ დაგანყნარებთ და ნიგნს ხელში აგალებინებთო... მის გაკვეთილებზე ჩვენ ძირითადად მსმენელები ვიყავით, მაგრამ ხანდახან ჩვენი მოსმენის იმტახზეც მოვიდოდა... მახსოვს, „არსენა მარაბდელს“ გავიდიოდით... გაიძახა მერაბ მახარაძე და იმანაც, როგორც სჩვეოდა ხოლმე, ცხადლივ დაგვისურათხატა ახალციხის ალება. „ — ყოჩაღ, ფრიადი... გოზალიშვილის ნიგნიც წაიკითხე? ყოჩაღ. ისტორიაშიც გამოგადგება... რა გყავს ისტორიაში?“ — „წინა გაკვეთილზე კარნახის გულისთვის პორფილე მასწავლობა ორიანი დაუნერა, მასწავ...“ — დაასწრო ყველას ბელა თოფურიაშვილს. ჩვენს მასწავლებელს უცებ თვალელები აუციმციმდა: — „აბა, მერაბ ჩემო, გშუმხავ ჩემი პორფილუკას საგანშიც ხუთიანს, მე შენ გეტყვი, საწყობში დააკლდება. პორფილე მე მენდობა, მე კიდევ — შენ...“ და პირდაღებული კლასის წინ ჩვენმა მასწავლებელმა ორი ფრიადი გააფორმა ჟურნალში — ქართულშიც და ისტორიაშიც.

მთელი ის კვირა მერაბ მახარაძე ძმაკაცებმა შინიდან ველარ გამოვიტყუეთ, იჯდა და ისტორიას მეცადინეობდა...

შორიდან ხომ ასეთი, თითქოსდა, დაუდევარი კაცი ჩანდა — არ მახსოვს, გაკვეთილზე დაეგვიანოს. გაცდენაზე ხომ ლაპარაკიც ზედმეტი. მერე, ქალბატონ თამარისგან შევიტყვე — სახლიდან ხომ თხუთმეტი წუთის სავალზე იყო ჩვენი სკოლა, მაგრამ საათნახევრით ადრე გამოვიდიოდით შინი-

დან — ერთ საათს მაინც ანდომებდა ქუჩაში სალამ-ქალამსა და ნაცნობების მოკითხვასო. მეც ვარ იმის მოწმე, რომ ვერის ბალიდან ზემელამდე ჩემი მასწავლებელი სალმის მიცემით დალილა. ვილა არ იცნობდა, ვინ არ უჩერდებოდა — პაპიროსის გამყიდველი ქურთის ბიჭიდან დანყებული — ჭალარა აკადემიკოსით დამთავრებული. სალამში და ყურადღებაში გამორჩევა არ იცოდა. მისი უახლოესი მეგობარი და კოლეგა, მისი ჭირისა და ლხინის თანაზიარი ირაკლი ბაქრაძე მომიყვა:

„ირაკლი აბაშიძის იუბილედან მოვდივართ. მოხატა, მოქარგა იქაურობა სიმონმა. ირაკლიმ მითხრა თვითონ — უსმენდი, კაცო, და ვტკებოდი — საიდან მოდის ეს ძვირფასი სიტყვებიო... მოვდივართ დალილები — ქეიფმა რავარი დალაღვა იცის, მუშაობაზე უფრო! სალამოზე, გენერალი რომ იყო, ჩვენებური ძვირფასი კაცი, გიორგი ყურაშვილი, იმასთან ვართ წვეული. ბალიშზე ერთი თავის მიდება ყველაფერს მირჩევნია, მაგრამ ყურაშვილს რავა ელაღატება. მოვადექით ბელინსკის ამოსახვევს და — აგერ სადარბაზოდან ერთი ტარაკანივით შავად გამჭვარტლული უღვაშა კაცი გამოძვრა, ცალ ხელში დაგორგლილი მავთული, ცალშიც რალაც მილები უჭირავს... დაინახა სიმონი და გაუნათდა სახე. სიმონიც შებრუნდა მისკენ და — ხო იცი, ვისთანაც ვარ მისასვლელები-მეთქი, დავქაჩე სახელოში. რას ლაპარაკობო, — გაიკვირვა სიმონმა, — ეხუმრები შენ ამ კაცს — დღეს ოც ოჯახში მაინც მოხსნა დღის წესრიგიდან „გარშოკის“ პრობლემა. სანტეხნიკია ჩვენი. აბა, ჩემო კალისტრატე, — მიეხალისა უღვაშას, — გადგრიხე უღვაშები და შევიდეთ ჩემთან...

რანაირი ენაკვიმატიც იყო, მისი მოწაფე ხარ და, გეცოდინება, არადა, რომ არავის სწყინდა მისი ზუმრობა! შეხვედრას მინყობენო და — ნავყევით ერთხელ ერთ პოეტს, დღეში რომ ორ დუყინ ლექსს წერს, თავის სოფელში. იღბალი არ გინდა? ძველი კლუბი ჰქონიათ, ჩამოშვავდა ჭერი და დირემ გვარიანი ბრაგვანი მოიღო ამ ჩვენი პოეტის თავზე. მიეცვივით, წამოვაყენეთ... — ბენეზე გადარჩიო, — დაამშვიდა სიმონმა გაბურბუსალებული პოეტი, — ხომ დავილუპებოდით, დირე ხელზე რომ დაგცემოდაო...

იცინა, მაგრამ რა იცინა ამაზე თვითონ ამ ჩვენმა პოეტმა.

ეს ცნობილი ხალხი ხომ პატივს სცემდა და აფასებდა სიმონს, უბრალო ხალხს კიდევ უფრო უყვარდა. თვითონ ხომ მთლად ირეოდა მუშაკაცზე. მახსოვს, რაჭისკენ მივდივართ. გზის გადაღმა გლეხი ხნავდა ხარით... მანქანა გამაჩერებინა, საგ ზღის კალანჩხა წამოიღეო, მითხრა და გადავიდა ხნულში. გლეხმა ხარები შეაჩერა. მივიდა, მიესალმა, ხარის ქედზე ჭიქა დაღვა, დაილოცა, მაგრამ რა დაილოცა — ასე მეგონა, ხარიც უსმენდა... ბოლოს — მაგ შენს კოყრიან მარჯვენას ვენაცვალე, მაგით გიჭირავს საქართველოო — ჯერ ხარს ემთხვია ქედზე და, გლეხის ხელისკენ რომ დაიხარა, გადაგვერია გლეხი კაცი, იქით ჩაუჩოქა სიმონს და მუხლზე მოხვევა დაუპირა...

მე შენ გეტყვი, ერთხელ ნანახი და გაცნობილი დაავინყდებოდა ვინმე. ან

სალამსა და დახმარებას დაუკავებდა და დაუძვირებდა. შენც გემახსოვრება — სამხატვრო აკადემიაში მისაღებ გამოცდებზე ქართულის კომისიის თავმჯდომარედ იყო რამდენჯერმე. პირველად რომ მიინვიეს, გამოცდის წინ, რექტორს ფანჯარასთან მიუყვანია, გადაუხედინებია და მორიდებულად უთხოვნია: ბატონო სიმონ, ხომ ხედავთ, ათასი მშობელი და ახლობელი მაინც უცდის და ელოდება ნიშანს. გამწარებული ხალხია, ყველაფერს რომ იკადრებს და ყველაფერს რომ კუდს გამოაბამს... ამიტომ, გთხოვთ, გარეთ რომ გახვალთ, ნურავის გაუჩერდებით და დაელაპარაკებითო... სიმონს ფანჯრიდან ჯოხი გადაუშვერია და უთქვამს, — აგერ, ბატონო, ხის ქვეშ რომ კაცი დგას, მაგასთან ერთი ჭური ლეინო მაინც მექნება დალეული და სალამი როგორ დაეუკავოო. გასცინებია რექტორს და მეტი აღარც უკადრებია მისთვის ამნაირი რამ...

წმინდა კაცი იყო და ამიტომ არ ეშინოდა არაფრის“...

მახსენდება სიმონ მასწავლებლის ძველებური, საერთოაივნაიანი სახლი ვერაზე, ბინა, რომელიც არ იკეტებოდა ამ სიტყვის არა მხოლოდ გადატანითი, არამედ პირდაპირი მნიშვნელობითაც — სხირტლაძეების ბინას არც საკეტი ედო და არც ურდული. ქალბატონი თამარი იგონებს: „თუ შინ იყო, სტუმარი გამოუღეულად გვეყავდა. ხელმოკლედ კი ვცხოვრობდით, მაგრამ ისეთი ხალხი ვესტუმრობდა, ყველი, პური და კეთილი გული არ შეგრცხვებოდა ადამიანს. ზოგჯერ უცხო ადამიანის წინაშე რომ მოვიბოდიშებდი უბრალო სუფრისთვის, სიმონი მეტყობდა — გული, ჩემო თამარ, გული დაედოთ მაგიდაზე, ვთალოთ და არ გათავდებო... გალაკტიონს უყვარდა ჩვენთან ამოსვლა, ამ დაბალ ჭერს და მაღალ სულს გაუმარჯოსო — იტყობდა ხოლმე... რემონტის თავი სად გექონდა, მაგრამ კარ-ფანჯარა რომ ნამეტანი შეგველანძღა, გადავალებინოთ-მეთქი, სიმონს ვუთხარი. შენ იციო, მიპასუხა. დაეუძახე ხელოსანს, მოვერიგდი და იმანაც დაიწყო საღებავის შეზავება. სიმონი წაეიდა; არ გასულა ნახევარი საათი და — თამარ! თამარ! — მესმის ეზოდან აქოშინებული სიმონის ხმა. რა იყო-მეთქი, სიმონ, დაგრჩა რამე? კარის სახელური ხომ არ გადაულეგავსო?! ახლა იწყებს-მეთქი. არიქა, სახელურზე საღებავი არ გადაასმევინო, გალაკტიონს აქეს ხელი შენავლებიო. ასე დამიტოვა სახელურები შეუღებავად“.

განუხორციელებელი პოეტი, განუხორციელებელი მეცნიერი — ეს ყველაფერი ვარაუდებია, ეჭვმიუტანელი კი ის გახლავთ, რომ სიმონ სხირტლაძე იყო განხორციელებული, ხორცშესხმული მოძღვარი. ტიპიურობისა რა მოგახსენოთ, მაგრამ მომავლის მასწავლებელი კი სწორედ მისნაირი წარმომიდგენია — კაცი, რომელიც თავის პიროვნებაში გააერთიანებს პოეტსაც, მეცნიერსაც, აღმზრდელსაც. ჩვენს კლასს მართლაც იღბალი ჰქონია — მომავლის მასწავლებელი გვზრდიდა ადამიანებად, გვნერთინდა მოქალაქეებად, გვეშავდა ქართველებად...

სიმონ სხირტლაძე სამოცდაცამეტში ახალ ბინაში გადავიდა, მიცკევიჩის ქუჩაზე. კლასელები ახალმოსახლეობის მილოცვას ვაპირებდით, მაგრამ, როგორც ხდება ხოლმე, თავი ვერ მოვაბით. მერე მე მომინია კარგა ხნით თბილისიდან წასვლა და, შინ რომ დავბრუნდი, ოჯახში პირველად ეს მითხრეს — სიმონ სხირტლაძე ყოფილა ძალიან მძიმედ, კლასელებმა დაგირეკესო...

...ორი დღის შემდეგ ზღვა ხალხი მიანყდა მიცკევიჩის ქუჩას... ტაატით ავდიოდით ვინრო კიბეზე... მეშვიდე სართულზე მიეცათ ბინა ჩემი ფეხმტკივანი მასწავლებლისთვის.

კარის ჩარჩოზე მონაფის ცალხაზიანი რვეულის ფურცელი მიემაგრებინათ, ზედ მონაფური ხელით ეწერა:

აჰა, მესტუმრა, ვისაც ველოდი,
ჩემი მტერი და ჩემი ძმობილი,
მალე ის სვეტიც გამომეცლება,
რომელსაც ზურგით ვარ მინდობილი.
ვიცი, ცრემლები აგივსებთ თვალებს,
დაგენანებათ გზა განწყვეტილი,
რომ ჩავიტანე ცივ სამარეში
გული დაჭრილი და დაფლეთილი...

ადამიანმა ყველაფერი შეიძლება ნახოს, ყველაზე დაუჯერებელი რამაც... მეც შევაბიჯე ოთახში, რომ მენახა დადუმებული სიმონ სხირტლაძე.

პედაგოგისთვის რაიმე ფიზიკური ნაკლი მთელი ტრაგედიაა. ბავშვის დაგეშილი და დაუნდობელი თვალი ხშირად მასწავლებლის სრულიად უმნიშვნელო ფიზიკურ ზადსაც კი ისეთ მეტსახელს მიაკერებს, მთელი ცხოვრება რომ ველარ ჩამოიცილებ. სიმონ სხირტლაძეს კი, ამ ხელჯოხიან კაცს, ღმერთი, რჯული, დავიფიცავ — კოჭლობა ჩვენს თვალში უხდებოდა კიდევ! ვინ რას შეჰკადრებდა — სამეფო ნიშნებივით დაჰქონდა გაშეშებული ფეხი და განუყრელი ხელჯოხი... ხელჯოხი კი არა — არგანი, კვერთხი.

თუმცა, არა, ჩემს მასწავლებელს მეტსახელი მაინც ჰქონია. ეს მერე გავიგე, როცა მისაღებ გამოცდებზე ქართულ ზეპირს ვაბარებდი. ერთ მაღალ, ხმელ, უფრო ბრტყელი რომ ეთქმის, სათვალთან კაცთან მოვხვდი, ძალიან გულისხმიერად გამომცადა, წვრილად მაამბობინა ყველაფერი. შიგადაშიგ ჩემს მონათხრობს მოკლე და, ცოტა არ იყოს, უცნაურ (საგამოცდო სიტუაციით აღელვებულს, ალბათ, ასე მომეჩვენა) კომენტარებს ურთავდა: „ჰო, ჰო... მასე... ა, გინერ ხუთიანს... მოვხაზე უკვე... მაგრამ ჯერ ქუდს არ გაუფუკეთებ. ირაკლი, შენც ჰკითხე...“ — „მე მგონი, საკმარისია“, — დინჯად უპასუხა კოლეგამ. „საკმარისია, ხომ? ა, დაგინერე თითქმის ფრიადი... ხო, ვინ გასწავლი-

და სკოლაში?" — „სიმონ სხირტლაძე“... გამომცდელის კალამი უჩვეულოდ დიდი ხუთიანის თავზე გაიყინა: „სიმონი? ჰო... ჰო... ეს ისე, სხვათა შორის, კი ნუ შეგეშინდება... ისე... ნიშანზე არ იმოქმედებს... აბა მითხარი, ვინ იყო სვიმონ მესვეტე?" — მებუკე და მენაბდე კი გამეგონა, მაგრამ თუ მესვეტეც არსებობდა, არ ვიცოდი... გამომცდელმა შემატყუო, ფერმა რომ გადამიარა და — „ეს ისე, სიტყვაზე... სვიმონ მესვეტე შენი მასწავლებელია... ასე ვეძახდით სტუდენტობისას... ისწავლი წელს იმ სვიმონ მესვეტესაც... ჩათვლა გექნება ჩემთან... პირველ სემესტრში... რასაკვირველია, თუ არ ჩაიჭრები ისტორიაში — როგორც მარი იტყოდა. ეს ისე, სხვათა შორის... სვეტზე იყო ის სვიმონი სამოცდაცხრა წელს დაყუდებული. თავის სიცოცხლეში წვეთი არ დაუღვია და ხორცი არ უჭამია... ნაიკითხავ მერე მის ცხოვრებას, ბატონმა კორნელიმ გამოსცა... „კიმენი“ ნაკითხავს? ეს ისე, სხვათა შორის... ნიშანზე არ იმოქმედებს... ა, დავამთავრე ხუთიანის გაფორმება... ნაიკითხავ და მიხედები, რატომ ვეძახდით ჩვენს სიმონს მესვეტეს“ — და ნიშნის გასწვრივ ასევე უცნაური, მაგრამ გარკვეული ხელრთვით გამოიყვანა: „ტრ. რუხაძე“.

ბატონი ტრიფონის სემინარებისთვის აღარ დამიცვლია — აგვისტოს ბოლოს საჯარო ბიბლიოთეკის დიდი დარბაზის კუთხეში რის ვაივავლახით მიგნებულ „კიმენის“ პირველ ტომს ჩაკვირვებულნი — „ცხოვრება სვიმონ მესვეტისა“... თავად ტექსტს გაჭირვებით, მაგრამ მაინც ვიგებდი — დაქარაგმებებმა გამაცოფა ლამის. მერე მათზეც ვაეხიედნე თვალი და ნელ-ნელა, სტრიქონ-სტრიქონ გამოცოცხლდა საკვირველი ცხოვრება საკვირველი კაცისა — უცნაური მოვლინებით დაწყებული ვიდრე ამა სოფლით გასვლამდე: „და შვა დედაკაცმან მან ღირსმან ძე თვისი უღმობელად“. რატომ „უღმობელად?“ რა შუაშია აქ უღმობელობა და შეუბრალებლობა? რას უნდა ნიშნავდეს ეს „უღმობელობა?“ ჩემი მასწავლებლის წყალობით ძველ ქართულში ასე თუ ისე ვერკვეოდი, — ცხადია, სკოლის პირობაზე, — ყოველ შემთხვევაში „შუშანიკისა“ და „ვეფხისტყაოსნის“ შემდეგ კარგად ვიცოდი, რომ სიტყვას მნიშვნელობა შეიძლება დროთა განმავლობაში ისე შეეცვალოს, რომ სულაც საპირისპირო გაგება შეიძინოს. „უღმობელად შობა“ გაუგებარია — დედამ ძე შეიძლება შვას წვალებით, ტკივილით ან უმტკივნეულოდ... ევრიკა! ტკივილს, სენს, ავადმყოფობას ძველად ხომ საღმობა ერქვა, სა-ღმობ-ა... მაშინ უ-ღმობ-ელ-ი უმტკივნეულოს უნდა ნიშნავდეს. წიგნს ლექსიკონი არ ერთოდა და ასეთი პატარა-პატარა საკუთარი აღმოჩენებით ნახალისებულმა წინ გავუტყე. მოკლედ, სვიმონი უმტკივნეულოდ მოვლინებია ქვეყანას. მაგრამ დედამის მართას მისგან ვნება მაინც მიუღია, როცა ანგელოზის სიტყვა — ჩვილს მხოლოდ მარჯვენა ძუძუ მოანოვეო — დაჰვინყნია და ერთხელ უნებლიეთ ჩვილისთვის მარცხენა ძუძუ შეუძლე-ვია. მართას ეს ძუძუ გახმობია. სვიმონ მესვეტეს მთელი თავისი სიცოცხლე ხმელა პურსა და წყალზე გადაუვლია, ევ კი არა, ჩვილობისას, თუ დედა-

მისი ხორცს შეჭამდა, იმ დღეს თურმე ძუძუსაც არ სწოვდა; სამოცდაცხრა წელი განმარტოებით ყოფილა დაყუდებული...

არ სვამდა, არ ჭამდა, არავის ეკარებოდა... ერთადერთი — ზიარი სახელი, თორემ ჯერჯერობით თითქოს არ ჩანდა მიზეზი ჩემი მასწავლებლის მესვეტიად მონათვლისა.

და უცებ:

„და აქუნდა მას სიტყუაჲ გამოჩინებული, ვითარცა სრულსა კაცსა. და მისცემდა პასუხსა მეტყველთა მისთა მეცნიერად. და იყო იგი ბრძენ გონებითა და სრულ გულისხმისყოფითა და საესე მადლითა სულიერითა და იტყოდა სიტყუასა სულიერებისსა“...

აქუნდა მას სიტყუაჲ გამოჩინებული... იტყოდა სიტყუასა სულიერებისსა.

ახლა უკვე ჩემთვის ყველაფერი ნათელი გახდა. ნათელი, გასაგები და, თქვენ ნარმოიდგინეთ, სარწმუნო გახდა ისიც, რომ სვიმეონს თავისი სიტყვით შეეძლო სასწაული მოეხდინა — კეთროვანი განეკურნა, ეშმაკეულნი განესხა, თვით მკვდრეთითაც კი აღედგინა ადამიანი...

მე ორ წელიწადს ვუსმენდი სიმონ სხირტლაძეს...

მე მწამდა ძალა სიტყვისა.

„ქართული ენა და ლიტერატურა სკოლაში“, N 1, 1984

თავისუფალი — უფალი თავისა

საბა ბრძანებს: თავისუფალი — არავისი მონა.

საბას განმარტებანი ხშირად მისსავე არაკებს ჰგავს სიზუსტით, სისადავით, სისხარტით, სიმკვრივით.

რუსთაველიც „თავისუფლებასა“ და „თავისუფალს“ უპირისპირებს „მონას“:

„მიეც გლახაკთა საჭურჭლე, ათავისუფლე მონები...“

უფრო ძველ ძეგლებშიც „თავისუფლება“ „მონობის“ ანტონიმია; გავიხსენოთ საგულისხმო ადგილი იოანეს „საბარებიდან“:

„და ეტყოდა იესო მორწმუნეთა მათ მისთა პურიათა: „უკეთუ თქვენ დაადგრეთ სიტყვათა ჩემთა, ჭეშმარიტად მონათენი ჩემნი ხართ და სცნათ ჭეშმარიტი — და ჭეშმარიტებამან განგათავისუფლნეს თქვენ“.

მიუგებს პურიათა მათ და პრქვეს მას: „ჩვენ ნათესავნი აბრაჰამისნი ვართ და არასადა ვის ეპმონებდეთ, ვითარ-ეგე შენ იტყვი, ვითარმედ: განსთავისუფლდეთ“.

მიუგო იესო და პრქუა მათ: „ამინ, ამინ გეტყვი თქვენ, რამეთუ ყოველმან, რომელმან ქმნეს ცოდეა, მონა არს ცოდვისა...“

დავიმახსოვროთ: ცოდვის მოქმედი, ამ ცოდვის ჩადენით ხშირად თავი პიროვნულად უაღრესად თავისუფალ კაცად რომ წარმოუდგენია, მონა ყოფილა, მონა ცოდვისა.

ძველი ქართულიდან მოკიდებული, „თავისუფალ“-სიტყვის ეს ძირითადი მნიშვნელობა არ შეცვლილა და იგი დღესაც „მონობას“ უპირისპირდება. აკაკი გავიხსენოთ:

„სჯობს მონობაში გადიდგაცებულს თავისუფლების ძებნაში მკედარი“.

მონობის სიმბოლო ბორკილია, ამადაც ზარავს ილიას ქართველთა გულარხეინობა და გულდახშულობა: „და დაუანგებულ ბორკილზე სცვლიან თავის მამულის თავისუფლებას...“

ისევ ამ სიტყვას, ისევ ქართული ენის განსაცვიფრებელ სიღრმესა და სისაესეს მიუბრუნდეთ — „თავისუფალი“... თვითონ ეს სიტყვა იტევს მთელ მსოფლგაგებას: „უფალი“ ძველად პატრონს, მფლობელს, უფლების მქონეს აღნიშნავდა... შეიძლებოდა ადამიანი ყოფილიყო რაიმე საგნის მფლობელი, ყოფილიყო პატრონი არა მარტო მინისა და ცხვარ-ძროხისა, არამედ — სხვა ადამიანისაც, მასზე უფლების მქონე, მისი განმგებელი. მაგრამ ქართულმა ენამ სხვათა ფლობას, სხვათა უფლად ყოფნას კი არ დაუკავშირა ყველაზე ამაღლებული და ყველაზე ადამიანური მდგომარეობა სულისა, რასაც „თავისუფლება“ ჰქვია, არამედ — საკუთარი თავის ბატონ-პატრონობას; თავისუფალი ის არის, ვინც უფალი ანუ განმგებელია თავისი თავისა, თავისი პიროვნების, თავისი ჭკუა-გონებისა და ემოციების; თავისუფალი — ფაქტობრივად ამ სიტყვაშივეა დაუნჯებული ის პრინციპი, ერს სამოქმედო პროგრამად რომ დაუსახა ილიამ — თავისუფალია ის, ვისაც „თავისი თავი თავისად ეყუდვის“.

სადღეისო სიტყვახმარებაში „თავისუფალი“, ცხადია, მხოლოდ „მონას“ არ უპირისპირდება, იგი მოიცავს დამორჩილების, შეზღუდვის, შეეწინააღმდეგის, დაჩაგრის სანინაალმდეგო გაგებასაც: ერთი მხრივ, „ეინრო სავალი“, მეორე მხრივ, „თავისუფალი სავალი“; ერთი მხრივ, „შეზღუდული აზროვნება“, მეორე მხრივ, „თავისუფალი აზროვნება“; ერთი მხრივ, „პატიმარი“, მეორე მხრივ, „თავისუფალი“; ერთი მხრივ, „დაჩაგრული ერი“, მეორე მხრივ, „თავისუფალი ერი“;

თავისუფლებამ, სიტყვა-ცნებაშიც კი, როგორც ვხედავთ, გაარღვია თავისი საზღვრები, მნიშვნელობა გაიფართოვა... თავისუფლების არსიც ეს არის: უნდა გაინგრეს როგორც სივრცის, ასევე დროის შეზღუდულობაც; პირველი — ადამიანის სხეულს ბორკავს, მეორე — სულს. მძიმეა სხეულისათვის თავისუფლების წაგვრა, „ხორცის“ გამომწყვედვეა შემოზღუდულ სივრცეში... კიდევ უფრო მძიმეა სულის „ტყვევნობა“, როცა ცდილობენ „გუშინ“ არ მიგახედონ და „ხვალ“ არ დაგანახონ, მოკლედ, არ გააზროვნონ. გავიხსენოთ, როგორი თავი-

სუფლები არიან ქვევრში გამომწყდეული ქრისტიფორე და ერთაოზი... მათი არგუმენტი აზროვნების ნაგერის შეუძლებლობაა — „აქ ვერ ნაშლი!“

ჭკმშირიტი თავისუფლება, ეტყობა, სულის თავისუფლებით ნაკარნახევი ხორციელი ცხოვრების ნესია. თავისუფალი იყო არა მარტო მარკო პოლო, რომელმაც ქვეყნიერება შემოიარა, არამედ სამოცდაცხრა წლის მანძილზე სვეტის თავზე ფეხმოუცვლელად დაყუდებული სვიმეონ მესვეტეც.

ერთიც უნდა ითქვას: მარტოკაცი თავისუფალი ვერ იქნება. თავისუფლება, სიყვარულისა არ იყოს, ორს მანც გულისხმობს... ამიტომაც მგონია — პარასკევამ გაათავისუფლა რობინზონი და არა პირიქით!

მამ, როგორღა იქნებოდა დაყუდებული სვიმეონი თავისუფალი?

იმ განცდით, რომ — ღმერთი იყო მასთან...

თავისუფლების გზა გოლგოთაზე გადის. მის მოსაპოვებლად „ღვრიდა“ ადამიანი თავის სულს — სისხლს, ოფლსა და ცრემლს. ილიაც ასე შეჰლადებდა თავისუფლებას: „თვით ხარ მშეიდობა, უხეად მადლთა ქვეყნად მომფენი, მაგრამ სისხლით კი იკვლევს გზასა მძებნელი შენი“...

თავისუფლებისთვის დასაღვრელი სისხლიც, ცრემლიც და ოფლიც — სულის ეს „სამსახოვნება“ — ცხადია, „ერთარსია“, მაგრამ, დროისა და სიტუაციის კვალობაზე, ხან ერთი იღვრება უპირატესად, ხან — მეორე. ქართველობას ზღვა სისხლი უღვრია „ეროვნული ხის ძირის გასამაგრებლად“; მარტო შორეულ წარსულში კი არა — გუშინაც...

ილიასკენ მივიხედოთ (უფრო სწორად, გაეიხედოთ), ჩვენი მარადი წინამძღვრისაკენ: რაც წინათ ხმლით გვეჭირა, რისთვისაც წინათ სისხლს ვღვრიდით, სადღეისოდ შრომით უნდა შევინარჩუნოთო...

თავისუფლებას ოფლის დაღვრაც უხდება...

არ არის ეს ადვილი ოფლი.

ეს ის ოფლია, გეთსამანიის ბაღში ლოცვისას სისხლად რომ გამოჟონავს მაცხოვრის სახეზე.

სისხლის ოფლი...

ათასგვარი განსაზღვრება-დეფინიცია არსებობს „ადამიანისა“, მეტ-ნაკლებად მისაღები: იარალის მკეთებელი ცხოველი, მოაზროვნე ცხოველი, მეტყველი ცხოველი, მორალური ცხოველი, რელიგიური ცხოველი... („ცხოველი“ ნუ გვეხამუშება, ძველად ის ცოცხალს, სულიერ არსებას აღნიშნავდა)...

და ყოველივე ამასთან და, იქნებ, ამათზე წინაც — ადამიანი ის არის, ვინც უფალია თავისა ანუ — თავისუფალი.

ადამიანი — თავისუფალი ცხოველი.

ადამიანებად უნდა ვიქცეთ...

თავისუფალი ვარ — ესა იგი, პასუხს ვაპაუბ

ალექსანდრე სარაჯიშვილს უთქვამს: ქართველი ისე მიეჩვია მონობას, ბატონის გამოცვლა თავისუფლება ჰგონიაო.

საგულისხმო დაკვირვებაა, თუმცა ამ გულუბრყვილო ქართველებზე მეტად დღეს ეჭვიანი ქართველები მოგვიმრავლდნენ — თავისუფლებაში რომ მხოლოდ სახეშეცვლილ ახალ ბატონს ხედავენ.

„რუსეთუმეებს“ ვგულისხმობ: საქართველო თავისუფალი კი არა, ამერიკის მონააო... „დასავლეთის“ მონაო... მასონთა მონაცო... რუსეთისა — არა, არც კომუნისტებისა: კომუნისტური რუსეთი ჩვენი თავისუფლების გარანტი არისო.

თავისუფლების ცნების ძალზე თავისუფალ ინტერპრეტაციას გვათავაზობენ „რუსეთუმეები“... სახიფათოდ თავისუფალს.

მათთვის კი არა, აჯობებდა, თავისი დიდი შვილებისათვის მიეგდო ყური საქართველოს.

საოცრებას ბრძანებს ვაჟა: *„მხოლოდ მაშინ ვარ ბედნიერ, როცა ვარ შეწუხებული“... ამიტომაცო —*

*„როცა გულს ცეცხლი მედება,
გონება მსჯელობს სალადა,
მაშინ ვარ თავისუფალი,
თავს მაშინა ვგრძნობ ლალადა“.*

ვაჟას კვალზე მავალმაც უნდა ირწმუნო — თავისუფალი ანუ ბედნიერი მაშინ ყოფილა კაცი, როცა იგი შეწუხებულია.

თუმცა, წუხილიც არის და წუხილიც — არსებობს მწუხარებაც „სხვისა კეთილსა ზედა“; ვაჟას კი სწორედ „გულს ცეცხლმოდებული“ ანუ სხვათა უკეთურება-უბედურებით აქტიურად შეწუხებული კაცი მიაჩნია ბედნიერად... ამგვარად შეწუხებული ადამიანი ყოფილა თავისუფალიც.

თავისუფლება ტვირთია, მორალური უღელი, რომელსაც ნებაყოფლობით იღგამს კაცი. ზოგს ჰგონია, თავისუფლების ფასსა და გემოს მხოლოდ თავისუფლად შობილი თუ გაიგებს და თავისუფლების ამ „აღთქმულ ქვეყანასაც“ მხოლოდ ისინი დაიმკვიდრებენო. ბიბლიასაც იმონებენ — მოსემ ორმოც წელიწადს თითქოს იმიტომ ატარა უდაბნოში ეგვიპტელთაგან თავდახსნილი ებრაელები, რომ მონობაში დაბადებულები „აღთქმული ქვეყნის“ ღირსნი არ იყვნენო.

ამ ხალხს, ეტყობა, კიდევ ორმოც წელს უნდა გვახეტილოს ჭეშმარიტად

თავისუფალ საქართველომდე... საერთოდაც, შორს და სხვაგან ეძებენ თავისუფლებას, იგი კი, პირველ ყოვლისა, ჩვენშივეა. ჩვენ რომ ვერა ვართ შინაგანად თავისუფლები, აღარც საქართველოს თავისუფლება-დამოუკიდებლობისა გეჯერა... მთელმა მსოფლიომ აღიარა საქართველო დამოუკიდებელ ქვეყნად — მხოლოდ ქართველები არ ვცნობთ საქართველოს დამოუკიდებლობას.

მონობაში დაბადებულები, იქნებ მართლაც არ ვიყოთ თავისუფლების ღირსნი?

მაგრამ — არა, თავისუფლების გემოცა და ფასიც, ალბათ, იმან უფრო იცის, ვისაც მონობის სიმწარე უწვნივია.

ისტორიასაც თუ ვერწმუნებით, თავისუფლებას, ჩვეულებრივ, მონობაში დაბადებულები მოიპოვებენ, დაკარგვით კი თავისუფლებას, ვაგლახ, თავისუფლებაში დაბადებულნი კარგავენ ხოლმე.

თავისუფლების შენარჩუნება კი ზოგჯერ მის მოპოვებაზე ძნელია...

ჩვენ, სახელმწიფოებრივ მონობაში დაბადებულებმა, ვიცით თავისუფლების ფასი.

ჩვენ, ქართველებს, არც თავისუფლების სიყვარული გვესწავლება ვინმესგან...

მაგრამ ჩვენ, დიახაც, გვესწავლება პიროვნული პასუხისმგებლობა თავისუფლების შესანარჩუნებლად.

არადა, თავისუფლების ხარისხი სწორედ ამ პასუხისმგებლობით გაიზომება — რაც მეტია პასუხისმგებლობა, მეტია თავისუფლებაც... და — პირიქით.

დავიმახსოვროთ: თავისუფალი ვარ — ესე იგი, პასუხს ვაგებ. ამიტომაც მგონია გიჟი ყველაზე ნაკლებ თავისუფალი — იგი ხომ არავის და არაფრის წინაშე აგებს პასუხს.

გიჟების დეფიცის, სამწუხაროდ, არ განვიცდით, მაგრამ საქართველო, ღვთის მადლით, არასოდეს ყოფილა საგიჟეთი და არც გიჟის ჭკუაზე უვლია ხანგრძლივ...

დღეს ხშირად გაისმის სასონარკვეთილი — „გადაგვარჩენს რაიმე?“

არსებობს ამ კითხვის ამაღლებული პასუხი: „კულტურა გადაარჩენს საქართველოს“.

არის უფრო „დამინებულის“: „მრენველობა გადაარჩენს საქართველოს“.

არის ამის ირონიული და აგვისტოს ხვატთან მისადაგებული დაკონკრეტება: „თითო კათხა ჩაციებული „ყაზბეგი“ გადაგვარჩენს“; იქნებ, არცთუ ისეთი ირონიული, თუ გავიხსენებთ — რომი სულაც ბატებმა გადაარჩინეს...

მე კი მგონია, კულტურის, მრენველობის, კათხა ლუდისა და ბატების გვერდით და, ვინ იცის, მათზე უწინარეს — პასუხისმგებლობა ანუ თავისუფლება გადაგვარჩენს.

ოღონდ — ერთი პირობით: რომ გადარჩე, გადარჩენა ძალიან უნდა გინდოდეს.

„ლიტერატურული საქართველო“, 18.8.2000

საფლავი

თითო ძეგლს ყველაზე უბრალო და უჩინარ ადამიანებსაც დაგვიდგამენ. ამ ძეგლს ჩვენი საფლავი ერქმევა: ზოგისა — მარმარილო, ზოგისაც — გაუთლელი ლოდი, ხის ჯვარი ან სულაც მომცრო ბორცვი მინისა.

გაუთიშავია კაცი და მისი საფლავი. აკი ამბობს ქართველი: „ნუთისოფელი რა არი, აგორებული ქვა არი, რა ნამს კი დავიბადებით, იქვე საფლავი მზა არი“.

დიდი ცოდვაა გაუთიშავის გათიშვა. „ველარ შემსუდრონ...“ — გაჰკრავს მწარე ეჭვი ავთანდილს, ანუ შოთას: „სადაურსა სად ნაიყვან, სად აღუფხვრი სადით ძირსა“.

საფლავი მშობელ მინაში უნდა გაიჭრას:

*„ამ ორ მონასტერს მაქენდა ალაგი,
სასაფლაო და ძვალთ შესალავი...
ახლა მობრძანდი, მნახველო, მნახე,
მისად სანუფქეოდ სად დავიმარხე“ —*

გოდებს ზედაზნისა და შიომღვიმის საგვარეულო ძვალშესალავის გახსენებაზე ბებერი ხიზანი გურამიშვილი.

„მშვენიერი გამოგონებაა სასაფლაო. იგი აუცილებელიცაა, რათა მოკვდავმა მასში ხანდახან თავისი ცხოვრება ამოიკითხოს“, — წერს ჭაბუკი ნიკოლოზ ბარათაშვილი, რომელსაც გული უგრძნობს: „ნუ დავიმარხო ჩემსა მამულში, ჩემსა წინაპართ საფლავებს შორის“...

„დედაშვილობამ, ბევრს არ გთხოვ, შენს მინას მიმბარეო“, — ივედრება აკაკი.

საფლავი მარტო მკედარს როდი უნდა, არანაკლებ გვჭირდება იგი ცოცხლებს — ვაჟასი არ იყოს — სალოცავად, სულის საოხად, სამთხვევად: „გმირთა საფლავებს, როგორც ხატს, სამთხვევლად დაველირები“...

დრო საფლავებსაც შლის... ზოგჯერ — იმათსაც, ვისი ხსოვნაც ხალხმა შემოინახა. გაუჩინარებულია საფლავი თამარის, შოთასი, საბასი, ფიროსმანისა...

ცოდვაა დაკარგული საფლავი. „საყვარლის საფლავს ვეძებდი, ვერ ვნახე, დაკარგულიყო“, — გულამოსკენილი მოსთქვამს პოეტი.

ათასჯერ მძიმე ცოდვაა — კაცს საფლავი წაართვა... თვით სიცოცხლის წართმევაზე უმძიმესი ცოდვა.

წართმეულსა და ან დასაბრუნებელ საფლავზე ვწერ.

* * *

1937-38 წლებში ათეულ ათასობით კაცს წაართვეს საფლავი. რატომ ასეულ ათასობით, ანდა სულაც მილიონობით არაო, თუ მკითხავთ — ყველამ, პირველ ყოვლისა, ჩვენ-ჩვენი მკვდრები უნდა ვიტიროთ: მე ქართულ მიწაში გასათხრელ საფლავებზე მოგახსენებთ.

წართმევა წამრთმევესაც გულისხმობს. შეიძლებოდა ასეთად დაგვესახა ვინმე ერთი, „აპოკალიფსის მხეცის“ განსხეულება, რომელსაც აპოკალიფსისავე ვეშაპმა ანუ სატანამ მისცა ძალაუფლება: „და თაყვანის-სცეს ვეშაპსა მას, რომელმანცა მისცა ხელმწიფებაჲ მხეცსა... და მისცა ხელმწიფებაჲ ყოველსა ზედა ტომსა და ერსა და ენასა და ნათესავსა... და აცთუნებს მკვიდრთა მათ, რომელნი არიან ქვეყანასა ზედა, რათა ქმნან ხატი მხეცისა მის... ყოველნი, რომელთა არა თაყვანის-სცენ ხატსა მხეცისასა, მოიკლნენ“ (აპოკალიფსი, 13, 4-8). ალბათ, გვენიშნა ეს ყოველივე. ოღონდ ერთი ეჭვიც უნდა გაგიზიაროთ: ოცდაათიანი წლების ცოდვათა მხოლოდ ერთისათვის აკიდებით თავიდან ხომ არ ვიხსნით პიროვნულ პასუხისმგებლობას, ხომ არ ვიტყუებთ თავს — რა უნდა მექნა, ძალა აღმართსა ხნავედა, მე პირადად ამ ამბებში უცოდველი ვარო? ვინაც და რამაც ტირანი შექმნა და აღაზევა, მსხვერპლთა სისხლი მათ ვითომ არ ედებათ? განა უფრო მართლები არ ვიქნებოდით, საფლავის წამრთმევებად ყველას რომ გვეგრძნო თავი, მათაც კი, ვინც ოცდაჩვიდმეტის მერე მოვევლინეთ ამ ქვეყანას? ყველას უნდა გვექნეჯნიდეს სინდისი — მარტო განმკარგულებლებსა და უშუალო აღმასრულებლებს კი არა, მკვლელობა-დაპატიმრებათა პასიურ მოწმეებსაც, უკანონობისა და უკეთურობის დუმილით მედასტურებებს. ნურავინ მოიტყუებს თავს — ბოროტებას წინ არ აღვდგომივართ, რათა ბოროტებავე არ გაგვემრავლებინაო. სხვა რამ მოხდა: ხალხმა, უფრო სწორად კი, კაცთა გათითოკაცებულმა კრებულმა, დამინებულმა და სულიერ ორიენტირებმორღვეულმა, თავისი უთქმელობითა და უმოქმედობით კვერი დაუკრა უკანონობას. ამას კი „მხეცის ნიშნის“ მიღება ჰქვია „აპოკალიფსით“ და, თუ მას ვერწმუნებით, ამგვარად დალდასმულებს თავისი მიეზღვებათ: „რომელთა მოიღეს ბეჭედი იგი მხეცისა და თაყვანის-სცეს ხატსა მისსა, მოისრნეს მახვილითა და ყოველნი მფრინველნი განძლეს ხორცითა მათითა“ (აპოკალიფსი — 19, 21).

თქმულა, ქვეყანას ისეთი ხელისუფლება ჰყავს, როგორსაც იმსახურებსო.

ამიტომაც ხელისუფალთა ცოდვანი თუ იურიდიულად არა, ზნეობრივად მაინც მოეკითხება ქვეყანას, ხალხს. ცხადია, მეტ-ნაკლებად, მაგრამ თავ-თავისი წილი ცოდვაში ყველას უძევს, მათ შორის ჩვენც, ოცდაჩვიდმეტის შემდგომ თაობებსაც. გვიძევს არა იმისა გამო, რომ მამათა ცოდვებისათვის შეილები ისჯებიან მესამე და მეოთხე მოდგმამდე (ეს შეიძლება ინამო, შეიძლება — არა!), არამედ იმიტომ, რომ ოცდაჩვიდმეტის ინერტულობა, სიმხდალე და საზოგადო საქმისათვის საზიანო მორჩილების სული ჩვენც გადმოგვყვა. ჩვენც ვდუმდით და ზოგჯერ ახლაც ვდუმვართ იმაზე, რაზედაც ღრიალი გემართებს; უფრო მეტიც — ტაში დაგვიკრავს მაშინ, როცა მუშტის დაკვრა იყო საჭირო. იქნებ ვცდებოდე, მაგრამ ასე მგონია — ოცდაჩვიდმეტი არ იქნებოდა, ორას მილიონში ორასი კაცი მაინც რომ გამოჩენილიყო, ვინც უსამართლობასა და უკანონო ძალადობას ძალითვე აღუდგებოდა წინ.

თუმცა ერთხელ ოცდაჩვიდმეტშიც დაიქუსა ჩვენში თოფმა. იმ თოფის ჩახმახს ფეხი პოეტმა გამოუშალა და, როგორც პოეტს ეკადრებოდა, ლულა სხვისთვის კი არ მიუშვერია — საკუთარ ხახაში მიიჭა. ეს მოხდა მწერალთა სასახლეში და ვერავითარი საღებავი ვერ გადაფარავს მის კედელზე შესხმულ პაოლოს ტინსა და სისხლს. მისი გასროლა პროტესტი იყო, თუმცა რის ქართველები ვიქნებოდით, რომ თავგანწირვის ამ აქტშიც არ მოგვეჩხრიკა მსხვერპლის ვითომცდა სინდისის ქენჯნის ნიშნები... ვაჟკაცობა გაქცევად ჩაუთუვალეთ... იმ ზარდამცემ ნუთებში კი, დამსწრეთა მონათხრობით, სულით ხორცამდე შეძრული მიხეილ ჯავახიშვილი თურმე გამწარებული ბოლთასა სცემდა და იმეორებდა: „ვაჟკაცი ყოფილა... ვაჟკაცი ყოფილა“... ორიოდ დღის მერე პაოლოს ნამაღვეად მიაბარებენ მინას — მას საფლავი მაინც ექნება... გამოხდება ხანი და მიხეილ ჯავახიშვილს არა მარტო სიცოცხლეს — საფლავსაც წაართმევენ, უფრო სწორად — წაუვართმევენ.


სწორედ ეს წართმეული საფლავები უნდა დაუბრუნოთ ოცდაჩვიდმეტის ჯვარცმულებს.

* * *

ამაზე უკვე დანერილა ჩვენში; მაგალითად, ბევრს მოგვხვდა გულზე ამას წინათ ტელეეკრანიდან ნათქვამი, ოცდაჩვიდმეტში დალუპულ წინაპრებს სიმბოლური საფლავები გაუუკეთოთ თავ-თავიანთ საგვარეულო სასაფლაოებზეო. მაღლი იქნება, ამას რომ ვიზამდეთ. ოღონდ ოცდაჩვიდმეტს ისეთი ხალხიც შეენირა, მარტო თავის ოჯახს კი არა, მთელ საქართველოს რომ მოუკლეს. მათ შორის, რამდენიმე, ალბათ, სამთანმინდევც ერია: მიხეილ ჯავახიშვილი... ტიცინა ტაბიძე... სანდრო ახმეტელი... ევგენი მიქელაძე... გრიგოლ წერეთელი... იქნებ — სხვანიც. მათი ძეგლი მთანმინდაზე უნდა დაიდგას. იგი სრულიად საქართველომ უნდა დაუდგას თავის ნამებულ შვილებს: ჩვენი

რესპუბლიკის ყოველმა ოჯახმა უნდა გაილოს თუნდაც ორიოდ „წელილი“ — როგორც ძველად იტყოდნენ — ანუ გროში მის ასაგებად... აქ, ალბათ, ყველანი ერთ აზრზე ვიდგებით... სხვა საკითხია, თუ როგორი უნდა იყოს ეს ძეგლი. მხატვარ ვახტანგ რურუას აზრით, ოცდაჩვიდმეტში დალუპულ „მთან-მინდელეებს“ ძეგლად უნდა ავეუგოთ ცარიელი საფლავი ანუ ღია სამარე ანუ უკაცო ძვალშესალაგი... საფლავის ქვაზე ამოიკვეთება ადამიანის ფიგურის სქემატური რელიეფი.

აი, როგორ წარმოუდგენია ეს ძეგლ-სამარე მხატვარს:



ჩემი მხრივ დაეუმატებდი — ეს ცარიელი საფლავი უნდა წამოიმართოს: უნდა წამოიმართოს არა იმდენად „ტექნიკური“ უბერხულობისა გამო (მნახველს ალექსანდრის ამ შემთხვევისთვის შეუფერებელი ცნობისნადილი „სამარეში“ ჩახედვისა, ღრმული მრავალ თავსატეხს გაუჩენს მოსამსახურე პერსონალს და ა.შ.), რამდენადაც ემოციური ზემოქმედების გასაძლიერებლად: ოცდაჩვიდმეტში საქართველოს თავს დაატყდა, პოეტის თქმით, „რკინის რისხვა და საფლავების ამოვარდნა“ (გრიგოლ რობაქიძე); ეს „ამოვარდნილი“, „წამომართული“ უკაცო საფლავი, ჩვენი აზრით, იმ ავადმოსაგონარი დროის სიმბოლური გამოხატულება იქნება. ძეგლ-სამარის „წამოსამართად“, ალბათ, მთანმინდის ციცაბო კალთაც იქნება გათვალისწინებული: სამარე შეიძლება ფლატეში გამოიკვეთოს... მეპატიოს მხატვარ-მოქანდაკე-ხუროთმოძღვართა კომპეტენციაში ასეთი შეჭრა, მაგრამ ეს ორი მომენ-

ტი — ძეგლ-სამარის „ამოვარდნა“ და, განსაკუთრებით, მისი „სიცარიელე“, — ჩვენი აზრით, ძეგლის იდეური ჩანაფიქრის გასაღები უნდა გახდეს.

„ცარიელი“ სამარე ქართული მიწის პირშეუკრავ იარაღ უნდა იკითხებოდეს...

„ცარიელი“ შემთხვევით არ ჩამისვამს ბრჭყალებში — ამ სამარეს ამოავსებს ევგენი მიქელაძის ერთი ამოკენესა... ტიცციანის ერთი კურცხალი... ერთი ნვეთი ჯავახიშვილის სისხლისა... ერთი ცვარი სიმნრის ოფლი, ახმეტელის შუბლიდან მონურული.

შესაძლებელია სხეული არ დამარხო, მაგრამ შეუძლებელია დამარხო სული... „ამოვარდნილი“, „ცარიელი“, „კარშეხსნილი“ სამარე უნდა იკითხებოდეს იმის იმედადაც, რომ ვერანაირი ტირანია ვერ დაასამარებს სულს, რომ სული ყოველთვის გამოანგრევს სამარის კარებს; ნუგეშის მომგვრელია ასეთ სულთა ხვედრიც: „და სულნი იგი მოკლულთანი, რომელთა არა თაყვანის-სცეს ხატსა მას მხეცისასა და არცა მიიღეს ბეჭედი მისი შუბლთა ზედა ანუ ხელთა მათთა, ცხონდეს და სუფევდეს...“ (აპოკალიფსი — 20, 4).

„ლიტერატურული საქართველო“, 11 მარტი, 1988 წ.

გვირგვინი

დიდგორის მემორიალის უმთავრესი ფიგურა დავით აღმაშენებლის ქანდაკებაა — თავშიშველ მხედარს განვდილი მარჯვენით უპყრია სამეფო გვირგვინი.

გელათის ფრესკაზე კი დავით მეოთხეს, აღმაშენებლად სახელდებულს, ხელთ უპყრია ტაძარი; უპრიანიცაა — მემატიანის თქმით, მან „განაესნა და აღაშენა“ საქართველო.

დავითს მეორე ხელში ეტრათი უჭირავს — ასეც შეჭფერის მეფე-პოეტს, მნიგნობარს, „გალობანის“ ავტორს.

ქართველობა სხვანაირ დავითსაც წარმოვიდგენთ — ხელში ჯვრით: ნმინდანად შერაცხილმა მეფემ მრავალი ათასი წარმართი მოაქცია ქრისტეს სჯულზე და მაჰმადიანთა კირთებისაგან დაიხსნა კავკასიის ქრისტიანი ერები.

დაბოლოს, დავითის, „მესიის მახვილის“, ხატება, ალბათ, ყველას წარმოგვიდგება ხელში ხმლით — მახვილით გასნია მან საქართველოს საზღვრები „ნიკოფსიით დარუბანდამდის“.

მაგრამ მერაბ ბერძენიშვილს არ შეეძლო დავითისათვის ოთხი ხელი გამოესხა ინდური ღვთაების, შივას, დარად.

ოსტატმა დავითს ხელთ გვირგვინი დააჭერინა — გვირგვინი აერთიანებს მახვილსაც, ჯვარსაც, ნიგნსაც და საჭრეთელსაც.

საითკენ მიემართება გვირგვინიანი მარჯვენა? ვისი თავი უნდა შეამკოს გვირგვინმა, სულიერი თუ ხორციელი ზეობის სიმბოლომ?

გვირგვინს, ჩვეულებრივ, საკუთარ თავზე დასარქმელად ნაატანენ ხოლმე ხელს — გავიხსენოთ, იმპერატორად კურთხევისას როგორ გამოსტაცა პაპს ხელიდან გვირგვინი ნაპოლეონმა და თვითონ დაიდგა თავზე.

მერაბ ბერძენიშვილმა უცდომლად მიგვახვედრა გვირგვინის ტრადიქტორიას. იგი მოიხადა თავისი ზეობის აპოთეოზში ნაიდგორალმა დავითმა, მოიხადა და სხვას ადგამს.

დიადი ნამია მოხელთებული — ფერისცვალების, გარდასახვის, მეტამორფოზის უამი, როდესაც წინამძღვარი, ხელისუფალი იქცევა მსახურად.

ყოველი ადამიანის სულში, რა რეალური მდგომარეობაც უნდა ეკავოს მას, ჰკიებს მეუფეცა და მსახურიც; ამაღლებულია ნამი, როდესაც მსახური გარდაიქმნება ხელისუფლად: ასე იქცა დავით აღმაშენებლის დიდი სეხნია და ნათესავი (სულიერად მანც!) ბიბლიური დავით წინასწარმეტყველი, ხელკომბლიანი მწყემსი-ბიჭი არვეთა, ხელსკიპტროსან მწყემსად მთელი ერისა.

მაგრამ კიდევ უფრო დიადია ნამი, როდესაც მაცხოვარი, „მეუფე ყოველთა დაბადებულთა“, მსახურად უდგება და ფეხსა ჰბანს თავის მონაფეებს — „წინამძღვარი იგი იყავნ ვითარცა მსახურ“ (ლუკა 22,26).

დავითი იხდის გვირგვინს, ხელისუფლების სიმბოლოს; ეს არ არის ადვილი საქმე... მეფეებს ხომ, მეტწილად, საკუთარი თავი გვირგვინთან შეზრდილად წარმოუდგენიათ; მოხდი გვირგვინს და — გინდაც თავი წაგეგდებიწონს მისთვის. ამიტომაც გადაუყოლებიათ ხშირად გვირგვინოსნებს თავი გვირგვინისათვის... მერაბ ბერძენიშვილის დავითი კი თვითონ განიძარცვაეს თავს გვირგვინისაგან და სხვას მიუბოძებს მას.

მიუბოძებს, მაგრამ ვის, კერძოდ? ვის წარმოიდგენს ქანდაკების მხილველი ამ გვირგვინის ქვეშ? იქნებ, დემეტრეს, ლირსეულ მემკვიდრეს დავითისას? ალბათ — არა! უფრო სწორად, მხოლოდ მას — არა. გვირგვინი თავს ედგმის დემეტრესაც და ქიტესასაც, კახაბერსაც და ღვთისოსაც, სახელიწანსა თუ უსახელო მონაწილეთ დიდგორის ომისას; იგი თავს ედგმის გადარჩენილთაც და დახოცილთაც, უპირატესად — სწორედ დახოცილთ, თანაც — არა მარტო ამ ბრძოლაში; მოკლედ, იგი თავს ედგმის მთელ ქართველ ერს; ერის ერობას ხომ ენობრივ-ტერიტორიულ-ეკონომიკურ ერთიანობაზე ნაკლებ არ განსაზღვრავს ერთობა ცოცხალთა და მკვდართა. ის ერი ვერც ერობს, სადაც მკვდარი არა ცოცხლობს...

მეტიც ითქმის: გვირგვინი თავს ედგმის დასაბადებელ, მოსავლინებელ ქართველებსაც, ვინც დავითის უღელი უნდა ზიდოს — მის შვილთაშვილებს თამარსა და დიმიტრი თავდადებულს, რუსთაველსა და ცოტნეს, თევდორესა

და საბას, ილიასა და ივანეს. ედემის დღევანდელ ძველგაზრდებსა თუ ახალგაზრდებს, ჩვენს გოგო-ბიჭებს, დავითის საქმისათვის თავგადადებულებს.

ალბათ, ნაგვიანევად უდგამთ ძეგლს დავითს, უფრო სწორად, ვდგამთ ქანდაკებას, თორემ ძეგლი დავით აღმაშენებლისა მის სიცოცხლეშივე დაიდგა. ამ ძეგლის ხუროთმოძღვარი თვითონ დავითი იყო — ყოველი კაცის ძეგლი მისივე საქმეა. დავითის ძეგლი არის გელათი და დიდგორი, რუის-ურბნისი და „გალობანი სინანულიანი“.

დავითისათვის სიტყვიერი ძეგლიც დაუდგამთ მისსავე ისტორიკოსსა და „მეხოტბეებს“ — კარის პოეტებს; მას ძეგლი აუგეს დიდმა ნიკო ლორთქიფანიძემ და დიდმა კონსტანტინემ, ანამ და მურმანმა... და სხვათაც მრავალთა — ყველას ვერც ჩამოთვლის კაცი... დავითს ძეგლი აუგეს ჩვენმა მეცნიერ-ისტორიკოსებმა, მათ შორის გამორჩეულად დიდებული — ივანე ჯავახიშვილმა; აუგო არა მხოლოდ თავისი „ქართველი ერის ისტორიით“, არამედ, პირველ ყოვლისა, ქართული უნივერსიტეტით, რომელიც სრულიად გამიზნულად ამეტიყველ-აამოქმედა 26 იანვარს, ნმინდა დავით აღმაშენებლის ხსენების დღეს...

დავითი გვირგვინს გვიწვდის ჩვენ, ყველას, ერთობილ საქართველოს.

მძიმეა გვირგვინი, მძიმე და სახიფათო — მხოლოდ ოქროსი როდია იგი, ეკლისაც არის.

და მაინც — მოვიხდინოთ, შევიშნოთ ქართველობამ დავითის ხელით ნაკურთხი გვირგვინი.

„ლიტერატურული საქართველო“, 10 თებერვალი, 1989 წ.

დევიზი

*იგი რა მოჰკლა, ეუბენ პატრონსა, ჩემსა მამასა,
ჰკადრე, თუ: „სპარსთა ვერა ვიქმ ინდოეთისა ჭამასა,
ჩემია მკვიდრი მამული, არ მივსცემ არცა დრამასა,
არ დამეხსნები, გაგიხდი ქალაქსა ვითა ტრამასა!“*

„დევიზი“ წარმოშობით ფრანგულია და სახელმძღვანელო აზრის, პრინციპის, ქმედების გამომხატველ გამონათქვამს აღნიშნაეს.

სამოქმედო პრინციპი, ქმედების ეს ერთგვარი ფორმულა, კერძო კაცსაც აქვს, ერსაც და კაცობრიობასაც.

ზოგი დევიზი მიგნებულია, ზოგიც — მისაგნები.

ჩვენ რუსთაველის საზოგადოების დევიზს გვინდა მივაგნოთ.

საზოგადოებრივი ორგანიზაციები, ჩვეულებრივ, რაღაცას ან ვიღაცას იცავენ.

გვაქვს მშვიდობისა და ჯანმრთელობის, ბავშვებისა და ტყის, გადამენების გზაზე დამდგარ ცხოველთა და ადამიანის უფლებათა დაცვის საზოგადოებები.

რუსთაველის საზოგადოება მამულის დაცვის საზოგადოებაა...

ილიამ ერთი საუკუნის წინათ ამოთქვა და ამ ამონათქვამს „კომტი სისხლიც ამოაყოლა“: „განვთითეულდით და თვითეულის ზურგმა ველარ ზიდა ის დიდი აზრი მამულისა, რომელიც ყველასათვის ერთობლივ ადვილი საზიდაია“... „მამულის ხსენებაზე ეხლანდელს ქონდრისკაცს თავისი ნეხვდაყრილი სახნავი მინა წარმოუდგება ხოლმე, მამულისათვის ბრძოლა ეხლა სასამართლოში შეტანილი სადავო საჩივარია... მამულის სიმაგრე — ტყრუშული ღობეა... მამულის პატივი — ნეხვია, სახნავ მინაზედ სასუქად დაყრილი“.

და ილიამვე — ჯერ მელნით, მერე კი სისხლით — კელავ შეკრა კერძო მამულები დიდ მამულად, ქართველთა საცხოვრისად.

მაგრამ მამული მარტო საცხოვრისი როდია თუნდაც მთელი ხალხისა; მამულია ერთიანობა ანუ ერთარსობა სამსახოვნებისა — მიწისა, კაცისა და სულისა.

ჩვენი მამულია საქართველო — ქართველობა — ქართული... ესენი, შოთასი არ იყოს, „ერთმანერთზედა ჰკიდიან“ — რა ერთი წავა, „იგიცა წავლენ და მისკენ მიდიან“.

განუყოფელია როგორც რეალურ-მატერიალური, ასევე სულიერი მამული ჩვენი.

ილიას შემდეგ ბევრმა წყალმა ჩაიარა... ისევ დაგვებზარა მამული...

სულიერი მამულის გრძნობა რომ მოგვიჩლუნგდა, რეალურ-მატერიალური მამულიც ლამის ხელში შემოგვადნეს.

უკვე გავციტით მოზრდილი ნაჭრები მკვიდრი მამულისა. ზოგი ძალით ნაგვეგლიჯეს, ზოგი ჩვენი ბედოვლათობით დაეკარგეთ, ზოგი დედღურად დავეთმეთ, ზოგიც ჩარჩულად დავეყიდეთ: ტაო-კლარჯეთი... პერეთ-საინგილო... ლორე... ქვემო ქართლი... აფხაზეთი... სამაჩაბლო... თვით თბილისიც კი.

რაც დღესდღეობით დავინარჩუნეთ, ხვალ ისიც, შესაძლოა, დავეკარგოთ; არ ვმრავლდებით;

უსუქდებით ხორციით და ვმჭლევდებით სულით;

ბევრს ვლაქლაქებთ და ცოტას ვაკეთებთ; აკაკისა არ იყოს, „გადაქცეულნი სიტყვად ვასაქსაქებთ ენასა და მით ვცდილობთ საქვეყნოდ თავის გამოჩენასა“...

პირიდან გავფალარათდით — აზრის შეუკავებლობა გვჭირს;

ეჭვიანობით დავსნებოვანდით, ცილისნამებისა და ბეზლობის ჟინმა აგ-
ვიტანა...

მოკლედ, მამული ხელიდან გვეცლება.

* * *

შესაძლოა, მტერმა მამული ძალით წაგვეაროს...

მაგრამ ისიც მომხდარა, „ალერსით მთერალს“ ჩეენივე ხელით გაგვიღია
მტრისთვის მამულის კარი.

ასეთ „მოლორებულ“ მეფედ ჩანს ფარსადანი — ვერ მიმხვდარა, რომ
დღევანდელი ნეფე ხვალ მეფედ დაუჯდება.

ნესტანმა ეს იცის („ესე ამბად არ ეგების, რომე სპარსნი გაგვიხასდნენ“).

იცის ტარიელმაც („არ იცის თუ — ინდოეთი უპატრონოდ არ გამხდარა?“).

იცის ავთანდილმაც: „მოყვარე მტერი ყოველისგან მტრისაგანც უფრო
მტერია“.

ამიტომაც —

„ჩემია მკვიდრი მამული, არ მივსცემ არცა დრამასა!“

ასე მგონია, ზედგამოჭრილია რუსთაველის საზოგადოების დევიზად.

P.S. დრამა აქ იგივე მისხალია. წინათ დრამა, ისევე როგორც მისხალი,
წონის უმცირეს ერთეულს ერქვა და ამის საფუძველზე იქცა მერე წვრილი
ფულის აღმნიშვნელად.

მოკლედ, შოთა თავისი გმირების პირით აცხადებს — ერთი მისხალი, ერ-
თი გოჯიც კი მკვიდრი მამულისა არ დაითმობაო.

ვერნმუნოთ რუსთაველს!

„ლიტერატურული საქართველო“, 22 სექტემბერი, 1989 წ.

ი მოქრავე, ი ბერიავ!

რუსთაველს უყვარს ბურთი:

„მოასპარეზედ ვინ მგაესო? — ცუდნილა უკუთქმანია:

გარდამწყვედელი მისიცა ბურთი და მოედანია“...

„ჩნდის მარგალიტი ოდენი ბურთისა საბურთალისა“...

რუსთაველს უყვარს ბურთაობა:

„ანუ მცვა მგვანდა მშვილდოსნად, ანუ კელა ბურთაობითა“...

„ეპურთობდი და ვნადირობდი, ვით კატასა ეხოცდი ლომსა...“

„ათ დღემდის ისმის ყოველგნით ხმა წინწილისა, ებნისა, მოედანს მღერა, ბურთობა, დგრიალი ცხენთა დგენისა“...

რუსთაველს უყვარს მობურთალი:

„ვითა ცხენსა შარა გრძელი და გამოსცდის დიდი რბევა,
მობურთალსა — მოედანი“...

„მე მამერალი, ნაბურთალი, სანოლს შევე მოსვენებად“...

რუსთაველს იმიტომ უყვარს ბურთი და ბურთაობა, რომ ბურთითაც შეიძლება დაამარცხო ყოვლისა დამმარცხებელი — სიკვდილი, ბურთით დაიჭირო ის, რასაც „ვერ დაიჭირავს გზა ვინრო, ვერცა კლდოვანი...“

უფრო ზედმიწევნით: სიკვდილს ამარცხებს სახელი... სახელი კი მოიხვეჭება შერკინებაში, შეჯიბრში, ასპარეზობაში... ამიტომ „სჯობს სახელისა მოხვეჭა ყოველსა მოსახვეჭელსა“. ხოლო ვინ ვის სჯობს, ვინ ვისზე გულოვანია, სხარტი, მოქნილი, ჭკვიანი, გამძლე, ზუსტი — „გარდამწყვედელი მიხიცა ბურთი და მოედანია“.

ამიტომაც მგონია — ფეხბურთის მოედანზე ნაშოვნნი სახელი ზოგჯერ თვით ბრძოლის ველზე ნაშოვნ სახელს უთანაბრდება: ბორის პაიჭაძისა და მიხეილ მესხის სახელს ისევე ვერ დაივინყებს საქართველო, როგორც ცხრა ძმა ხერხეულიძისას და ზეზვა გაფრინდაულისას.

ხშირად გვსმენია — სპორტი პოლიტიკას ჩამოვაცვილოთ, სპორტი პოლიტიკაზე მაღლა დავაყენოთ... სამაცდუროდ გვსმენია... თავს ნუ მოვიტყუებთ — სპორტის „აპოლიტიკურობაც“ ერთგვარი პოლიტიკაა; მთავარი ის კი არაა, ბურთი პოლიტიკას ავაცვილოთ, მთავარია, ბურთი სწორ პოლიტიკურ სამიზნეს მოვახვედროთ.

ასეც ვშვრებოდით: ქართულმა ფეხბურთმა, კერძოდ — თბილისის „დინამომ“, თავისი დიდი პოლიტიკური (სწორედ — პოლიტიკური!) მისია, ვფიქრობ, უკვე აღასრულა: როცა „დინამომ“ უშიშრად ერკინებოდა მასზე დიდს, მასზე ბევრს, მასზე ძალმორჭმულს — მთელი საქართველო, ცნობიერად თუ ქვეცნობიერად, ერკინებოდა მასზე დიდს, მასზე ბევრს, მასზე ძალმორჭმულს. ერკინებოდა და — გოლიათთან შეჭიდებული ბიბლიური დავითის მსგავსად — ამარცხებდა კიდევ მას.

სტადიონზე დაირხა პირველად — „ლელო, ლელო, საქართველო!“

ნელს და, ეტყობა, ამიერიდან ქართულ ფეხბურთს აღარ მოუხდება ყოველკვირა იმის მტკიცება, რომ დავითს შეუძლია გოლიათის დამარცხება — საქართველოს გუნდები აღარ ითამაშებენ საკავშირო ჩემპიონატში. და თუ რამეზე მეთანადრება გული, მხოლოდ იმაზე, რომ დიდი სიხარული, გოლიათის დამარცხებით გამონეული სიხარული (ამ ბოლო წლებში, სამწუხარ-

როდ, გაიშვიათებული), მომაკლდება... თუმცა, კაცმა რომ თქვას, არც არაფერი გვაქვს გულდასაწყვეტი: დავითს ანუ საქართველოს შემდგომაც ეყოლება არა ერთი და ორი გოლიათი დასამარცხებელი.

დღეს უფრო „სხვა რამ მადარდებს, ისა ვთქვათ“:

ბურთმაც შეგვკრა ქართველობა...

მაგრამ ბურთსავე შეუძლია ქართველობა დაგვშალოს.

უფრო სწორად, საქართველოს დაშლა შეუძლია ფეხბურთის მაყურებელს, რომელიც აქამდე სასარგებლო დაპირისპირებას „დავითი — გოლიათი“ ანუ „ჩემი — სხვისი“ პირდაპირ გადმოიტანს ჩვენს ეროვნულ ჩემპიონატში.

შერკინებაცაა და შერკინებაც: ავთანდილი ერკინება მეკობრეებს... მაგრამ ავთანდილი ერკინება როსტევეანსაც, თავის გამზრდელს, და დამარცხებული გამზრდელი სწორედ ამ დამარცხებით იმარჯვებს!

ეროვნული ჩემპიონატი უნდა იყოს ძმათა ასპარეზობა, დიახაც ცხარე, მაგრამ დამარცხებულის გარეშე.

საკავშირო ჩემპიონატის მატჩებზე ჩვენ, მაყურებლები, უპირველეს ყოვლისა, დამარცხებული გოლიათის სანახავად დავდიოდით.

ეროვნული ჩემპიონატის მატჩებზე ჩვენ მხოლოდ გამარჯვებულის სანახავად უნდა ვიაროთ.

დამიჯერეთ, არ არის ეს ერთი და იგივე!

რა სჯობია ჭკვიან ფეხებს — ყიფიანის ფეხებს — მოედანზე... ტრიბუნაზე კი ჭკვიანი თავია საჭირო; მტერს ნუ გავახარებთ — ჭკვიანურად გვმართებს გულშემატკივრობა.

ფეხბურთი ყოველთვის იქნება ისეთი, როგორი მაყურებელიც ეყოლება მას. მაყურებელი კი ბრბოც შეიძლება იყოს და ერიც.

წელს განსაკუთრებით არა გვაქვს უფლება, რომ ჩვენ, მაყურებლები, ერი არ ვიყოთ. და თუ ჩვენში ჯერ კიდევ არ აღმოფხვრილა საერთო ქართულთან დაპირისპირებული განცდა კახელ-იმერელ-მეგრელ-გურულობისა, მაშინ ჩვენ არ ვყოფილვართ არც ფეხბურთის და, კაცმა რომ თქვას, არც საქართველოს ღირსი.

* * *

ფეხბურთი მოძრაობაა.

დღეს მთელი საქართველო მოძრაობს... ამ მოძრაობის შედეგად აღდგება ფენიქსისებრ იბერია.

რაკი მოძრაობამ ანუ დინამიკამ უნდა გვაქციოს იბერიად, ამიტომაც უპირიანია „დინამოს“ გადაქცევა „იბერიად“.

დე, იმოძრაოს „იბერიამ“... დე, იმოძრაოს იბერიამ!

გისაროდნე...

ხდება ხოლმე — ჩია დედაკაცი ზორბა ვაჟკაცსა შობს; ჩვენი კობტა, მაგრამ მორჩილა „დინამოს“ სტადიონის ნიალიდანაც ვეებერთელა გოლიათი ამოგორდა და თავის ნინაპარს უზარმაზარი მხრებით გადაეფარა. ახალშობილის ნონა 38 000 ტონამდია, სიგრძე — 255 მეტრი, სიმაღლით თორმეტსართულიან სახლს უტოლდება, მადა კი მართლაც ბაყბაყ დევისა აქვს — შეუძლია ერთ ჯერზე 75 ათასი კაცი დაიტოს თავის სტომაქში. ჰოდა, ამისთანა ბუმბერაზს მშობიარობის ვადაც გაუჭიანურდა, მაგრამ, ობლის კვერისა არ იყოს, ბოლოს კი სანაქებო რამ გამოცხვია. ასეთ ნანატრსა და წვალებით ნაშობს, გასაყიდად ვინ გაიმეტებს, თორემ ცხრა მილიონი მანეთი ღირს. ჩვილივით ამნაც იჭირვეულა, შესაფერისი სასმურით უნდა დამლოცოთო და სანამ თასი არ მოართევს, მანამ არ ინება ამქვეყნად მოვლინება. ბედნიერ ფეხზე დაბადებულს, ნათლობაც სანაქებო ჰქონდა: გამომშვიდობებისას ცოტა ნინამხდარმა ნათლიებმა, უელსელმა ფეხბურთელებმა, უკეთესი რა გისურვოთო და, გუცაევის მუხლი, ყიფიანის თავი და კანთელაძის ჯანი დაანათლეს...

სკეპსისის ჭიით გულამოჭმული ხალხისათვის ადვილია ყველაფრის გაბიბრება — რამ ავაცუნდრუკათ, ორმოცი წლის განმავლობაში ძლივს ერთხელ თასი აიღეთ და ათ წელიწადში, როგორც იქნა, ერთი სტადიონი ააშენეთო. აცუნდრუკების და გადამლაშებისაგან ღმერთმა დაგვიფაროს, მაგრამ გასახარელი და საამაყო დიხაზც გვაქვს და არც ყველაფრის განიორწყლება იქნებოდა სწორი. თუ დღეს ჩვენ მეცხრე ცაზე ვართ თბილისის „დინამოს“ ახალი სტადიონით, ეს უმთავრესად იმიტომ, რომ მისი ცერად აზიდული კალთებიდან ირავს შესაკვრელად გამზადებულ ჩვენს მართეებსა ვჭვრეტთ — იქიდან უკეთ ჩანს ჩვენი სახვალთო სპორტის გადასახედი. „ცდების და ცდების“, ვისაც სპორტი თავისუფალი დროის მოსაკლავ-დასაბანდებელი რამ, სტადიონი კი — ფულის მახე ჰგონია. არც მხოლოდ ფიზიკური წრთობა და კუნთების გაკაყება ამონურავს სპორტის არსს: სულიერ სანყის მასში, თუ მეტი არა, ფიზიკურზე ნაკლები წილი არ უდევს. უბირთაც იციან უკვე — მხოლოდ ღონით, მხოლოდ კუნთების გალაღებით სპორტულ მწვერვლებს ვერ დაიპყრობ. ახლა იქნებ აღარც ღირდეს დიდ სპორტში ფიზიკური და სულიერი სანყისების მკვეთრ დაპირისპირებაზე ლაპარაკი, ვინაიდან დღეს შთამბეჭდავი სპორტული გამარჯვებისათვის მისაღწევი ფიზიკური კონდიცია თავის წინა პირობად ნებისყოფის უდიდეს ძალისხმევასა და სულიერ ძალმოსილებას გულისხმობს. ამ ნიშნით არის აღბეჭდილი არა მარტო გამარჯვების მწვერვალი, არამედ მისკენ მიმავალი ბილიკებიც: ნერთნა, რეჟიმი და, საერთოდ, სპორტსმენის ცხოვრების წესი. სპორტი ცხოვრების მიზაძვავა, მეტიც, იგი თავად ცხოვრებაა მინიატურაში თავისი ვნებათა გამძაფრებით, ლიდერობისა-

კენ ლტოლვით, თვითდამტკიცების წყურვილით. ასე აღიქვამდნენ მას ალბათ ძველი ბერძნები, როცა ოლიმპიურ თამაშებში გამარჯვებულთ ღმერთების დარად ძეგლს უდგამდნენ და დაფნის გვირგვინებით ამკობდნენ.

და უფრო მეტიც — სპორტი თითქოს ცხოვრების გაუმჯობესებული მოდელია, გარკვეული თვალსაზრისით, მისი იდეალიზებული ფორმა: აქ ცხენოსანი ქვეითს არ შეეძრძოლება, ორნი ერთზე არ მივლენ და არც ასკილონიანი გოლიათი დაეჭიდება მასზე ბევრად მჩატე მეტოქეს — ამ სამყაროში ყველას თანაბარი შანსი აქვს, „მისგან გასწორდეს ყოველი“ და ამ საყოველთაო დემოკრატიულობაშიც ძვეს, ალბათ, გასაღები სპორტის უდიდესი ხიბლისა და ცხოველმყოფელი ძალისა. ერის სულიერი და ფიზიკური პოტენციის გამოვლინების ერთ-ერთი ფორმა სპორტიცაა და ჩვენც იმიტომ შევხვართ აგრერივად „დინამოს“ ახალ სტადიონს, რომ იგი ეროვნული ენერჯის წარმოჩინების კეთილშობილურ ასპარეზად მიგვაჩნია.

ეს ასპარეზი კი დღევანდელი დღის შესაფერისი უნდა გვექონოდა. ალბათ ყური მოგიკრავთ „საქვეყნო საზრუნავით დამძიმებულ“ ობივატელის ნუნუნისათვის: რაში ვყრით მილიონებს, „ლოკომოტივის“ სტადიონიც კი ნახევრად ცარიელია, ამას რაღა აავსებსო; ასეთი სტადიონი თუ არ გვექონდა, იმიტომაც არ გვყავდნენ პაიჭაძე და მესხი, დუმბაძე და კარტოზიაო. ასეთ ხალხს თვალები თითქოს კეფაზე გამოსხმია, წინ ვინ ჩივის, ირგვლივაც არ გაიხედ-გამოიხედავს და ვერ ამჩნევს, რომ სპორტი ადლიანი ნაბიჯებით სცილდება გუშინდელ დღეს, რომ თანამედროვე „სპორტული ინდუსტრია“ შესაფერის ასპარეზსა და პირობებს მოითხოვს. ჩვენ იმიტომ ვზეიომობთ „დინამოს“ აღორძინებას, რომ საერთაშორისო სტანდარტების დონის ეს სპორტული კომპლექსი უფრო აქტიურად ჩაგვაბამს მსოფლიო სპორტულ მოძრაობაში და მტერ-მოყვარეს ჩვენს შესაძლებლობებსაც უკეთ უჩვენებს.

გვარიანი გულუბრყვილობა (თუ მეტი არა!) იქნებოდა იმის ვარაუდი, რომ ახალ სტადიონზე ციურ მანანასავით უშალ დაიფრქვევა ექსტრაკლასის გუნდები ან სპორტსმენები, მაგრამ სათანადო ბაზების გარეშე რომ ეს საერთოდ წარმოუდგენელია, ეს სადავო არ უნდა იყოს.

სტადიონი არც მხოლოდ გეოგრაფიული წერტილია და არც ფრიად საჭირო და სასარგებლო ნაგებობათა კომპლექსი. სტადიონი ის ქვითკირია, ერთი ნებითა და მიზანსწრაფვით რომ ადულაბებს და წარმართავს ათასების ემოციებს, უხილავი, მაგრამ მტკიცე ძაფებით აკავშირებს მყურებელსა და სპორტსმენს. და, რაც უნდა უცნაურად მოგეჩვენოთ, არის სტადიონები, რომლებიც საამისოდ არ ვარგა; როგორც შეყვარებულთა პაემნისათვის ყოველი ადგილი არ გამოდგება, ასევე ყველა სტადიონზე ვერ ხერხდება მყურებლისა და სპორტსმენის „ერთსულ და ერთხორც“ შერწყმა. „დინამოს“ კი ჰქონდა და ახლა კიდევ უფრო ჭარბადაა აქვს ეს — არქიტექტორულ ჩანაფიქრში ურთულესად განსახორციელებელი — ინტიმის გრძნობა, როცა შემსრულებელი და მყურებელი

ერთ რიტმში ცხოვრობენ და ერთმანეთს არ ეკარგებიან. მამა-შვილ ქურდიანების დალოცვილმა მარჯვენამ თითქოს ხელისგულზე დაუსხა მაყურებელს ფეხბურთელები, ისინი კი, თავის მხრივ, საზეიმოდ აბრდღვიალებულ სცენაზე უფრო გრძნობენ თავს, ვიდრე საფეხბურთო მინდორზე. ძნელია, არ შეიძლება ამ დროს იდედლო, სხვის ზურგს ამოეფარო და გასაცემი ბოლომდე არ გასციე... ჩვენც იმიტომ ვართ აღტაცებულნი, რომ „ღინამოს“ ახალმა სტადიონმა დიდი ხნის დანატრული ერთიანობის გრძნობა დაგვიბრუნა.

„ღინამო“ აღდგა, გიხაროდენ...

„მართე“, N 3, 1976

უნდა ვიფრინო, უნდა ვზიდო

მე მერანი ვარ — საბას თქმით, „კეთილმოარული ცხენი“ ...

შოთამ ავთანდილის ტაიჭი სიკეთით მე შემადარა:

„ტაიჭი მიუქს მერანსა, მიეფინების მზე ეელად“ ...

ბარათაშვილმა ფრთები გამომასხა, ფრთოსან რაშად, პეგასად მაქცია:

„გასნი, გაფრინდი, ჩემო მერანო,
გარდამატარე ბედის სამზღვარი“ ...

უნდა ვიფრინო, მაგრამ უნდა ვზიდო კიდევ...
ცხენისას სისხლის სინმინდეს აფასებენ — ქართული ჯიშისა ვარ...

ამის გამო ვიქეცი საქართველოში ლექსად, აღმანახად, გამომცემლობად.

ახლა კი...

მე „მერანი“ ვარ — საჭადრაკო გაზეთი.

აღბათ მიხვდით, რატომაც მომნათლეს ასე; ალეგორიასა და სიმბოლიკასაც რომ დავეხსნათ — ჭადრაკის ყველაზე საოცარ ფიგურას მერნის სახე აქვს მიცემული.

საგულისხმოა — საჭადრაკო მერანი ყოველ სელაზე „ფერს იცვლის“, თითქოს მუდმივ განახლება-ფერისცვალეზაში... და — ისიც, რომ იგი ერთადერთი ფიგურაა, რომელიც დაბრკოლებას — შინაურსა თუ უცხოს — თავს გადაეველება ხოლმე. ქამელეონობა და სხვათა თავზე გადახტომ-გადაჯირითება ღმერთმა გვაშოროს, მაგრამ მუდმივ განახლებასა და წინააღმდეგობათა გადალახვის უნარში კი დე, საჭადრაკო მერნის წყალი გადაგვსხმოდეს.

ჭადრაკი ინტერნაციონალური „ენაა“, მას ამკობს უკეთილშობილესი დევიზი — „ჩვენ ერთი ოჯახი ვართ“ ... მაგრამ მე „მერანი“ ვარ, ქართულად ვმეტყველებ და ჩემი უპირველესი მისია ქართული საჭადრაკო სკოლის გან-

მტკიცება, მისი პოპულარიზაცია, მოჭადრაკეთა ეროვნული კადრების მომზადება-დაოსტატება გახლავთ.

აქამდე საჭადრაკო მერანს ძირითადად ჩვენი კოლხი ამორძალების შთამომავალი ხედნიდენ — ჩვენი ნონა, ჩვენი მაია და „დანი მათნი“... ჩინებული ვაჟი მხედრებიც გვეყოლია და ახლაც გვეყავს, მაგრამ, რა დასამალია და, ისინი ისე მაინც ვერ იოურებენ საჭადრაკო მერანს, როგორც ეს შეეფერებათ შთამომავლებს იბერიის მეფის ფარსმანისას, ვისი ცხენიანი ქანდაკებაც იმპერატორმა ადრიანემ რომში მარსის ველზე დაადგმევინა... დედოფლები გვეყავს და, იმედია, კვლავაც გვეყოლება, საჭადრაკო მეფე კი უნდა ვშვათ და გამოვზარდოთ... ამისთვისაც ვარ მონოდებული, იყოს ეს „მერნისთვის“ თუნდაც მძიმედ საზოდი, მაგრამ სასიამოვნო ტვირთი.

დამატებად ვითვლები, მაგრამ უფრო პირმშო ვარ „ლელოსი“. მეც იმ ძალამ მომავლინა, რომელიც საქართველოს კულტურული და ზნეობრივი ცხოვრების ატმოსფეროს დანმენდა-გაჯანსაღებისთვის იღვწის. სახელწოდების შესაფერისად მარლიაო, ჯერჯერობით ჩემზე არ ითქმის — ორ კვირაში ერთხელ გამოვალ, მაგრამ მთავარი ისაა, როგორ გამოვალ — ოთხახმით თუ ისე, დავით გურამიშვილი რომ ბრძანებდა: „მეც მრევენ მერანთ ჯოგშიგან, თუ შევსძელ გაჯაგჯაგება“. სახელი კი შემირჩიეს უღერადი, მაგრამ ჩემი „მერნობა“ უფრო სამომავლო ავენსია — განა არ ვიცი, რომ ქართული პრესის „ბედაურებში“ ასე ადვილად და მარტო სახელწოდებით ვერ გაეჩვენა...

სიტყვა გამიგრძელდა... არა სიტყვამ, არამედ „საქმემან ჩვენმან გამოგვაჩინოს“. თუმცაღა პრესის საქმე სწორედაც სიტყვაა. დე, ამ საქმედქცეულმა სიტყვამ გამოაჩინოს „მერანი“.

„მერანი“, რომელმაც არა მარტო უნდა იფრინოს — უნდა ზიდოს კიდევ.

„მერანი“, №1, 26.7.1984

იანვარი

გაილია იანვარიც — ორსახა იანუსის თვე.

იანუსს იმიტომ ჰქონდა ორი სახე, რომ წინაც ეცქირა და უკანაც, ნარსულიც დაენახა და მომავალიც, კიდევ გაელო და კიდევ მიეხურა დრო-სივრცის კარიბჭე.

ორი სახე ჰქონდა იანუსს — ფიქრიანი მოხუცისა და მოძრავი ყმანვილისა.

იანვარი ფიქრის თვეა...

იანვარია მოძრაობის თვეც...

ზამთარში ბუნება იძინებს; ამასვე ვერ ვიტყვით კაცზე, საზოგადოებაზე; პირიქით, გურამ რჩეულიშვილის დაკვირვებით, ზამთარი კიდევ უფრო ამძაფრებს ვნებებს.

ასე მოხდა ბევრგან... ასე მოხდა ჩვენშიც.

იანვარში დაიწყო, ფაქტობრივად განახლდა, ძალუმი საპროტესტო აქციები საქართველოს სრული პოლიტიკური დამოუკიდებლობის მოთხოვნით. აქციას წარმართავდა ეროვნული ხსნის კომიტეტში გაერთიანებული ძირითადი პარტიები და ორგანიზაციები.

იმართებოდა ხალხმრავალი მიტინგები მთავრობის სასახლის წინ, შიმშილობა, დემონსტრაციები... რამდენიმე დღეს გაიფიცა ტრანსპორტი და სანარმო-დანესებულებები. აქცია დროებით შეწყდა ამიერკავკასიაში საგანგებო მდგომარეობის გამოცხადებასთან დაკავშირებით, თუმცა პარასკევობით მიტინგები მაინც იმართება მთავრობის სასახლესთან.

შიდა ქართლიდან დაიძრა ქართველობა, განსაკუთრებით — ქალები; მათ მჯდომარე გაფიცვა გამოაცხადეს სამთავრობო და საზოგადოებრივად მნიშვნელოვან დანესებულებათა შენობებში... მოითხოვენ ოსეთის ავტონომიური ოლქის გაუქმებას, „ადამონ ნიხასის“ დაშლას, შიდა ქართლში პროვოცირებულ მკვლელობათა და შეტაკებათა ორგანიზატორებისა და აღმასრულებლების დასჯას, უსაფრთხოების გარანტიას... აქცია გრძელდება.

ამიერკავკასიის ამბები უშუალოდ გვიკავშირდება ჩვენც. უალრესად გამწვავდა ვითარება აზერბაიჯანსა და სომხეთში... ამ ისტორიულ მეზობელთა შორის იანვარში გაჩაღდა ნამდვილი ომი მთელი თავისი ატრიბუტიკით — საომარი შეტაკებებით, მსხვერპლით, მძევლებით, ხიზნებით... კვლავ ამუშავდა, ოღონდ უფრო ფართო მასშტაბით და, შესაბამისად, მეტი მსხვერპლით, სამხედროთა მიერ სამოქალაქო მოსახლეობის იარაღით დათრგუნვის მოდელი. შემზარავი ფოტომასალა გადმობეჭდა თბილისში გამომავალმა აზერბაიჯანულენოვანმა გაზეთმა ბაქოს ამბებთან დაკავშირებით. თამრიკო ჭოველიძისა და ნათია ბაშალეიშვილის აღსასრულის მხილველები, თითქოსდა, რალამ უნდა შეგვძრას, მაგრამ ცოდვით ქვასაც აადულეებს მკერდგაგლეჯილი აზერბაიჯანელი გოგონას ხილვა, თვალთა რომ შეხვედრია სიკვდილს...

რაოდენ მძიმე დემოგრაფიულ ვითარებასაც უნდა გვიქმნიდნენ ჩვენს მიწას მოძალბებული მეზობლები, უმადურობისა და უტიფრობის რა ზღვარიც უნდა გადალახონ ქვემო ქართლში აზერბაიჯანული ავტონომიის მოთხოვნით პანისლამის სადახლოელმა იდეოლოგებმა, ერთი რამ მაინც ცხადზე უცხადესია — ქართველი ვერ გაილაღებს სხვისი უბედურებით, ქართველი მხოლოდ მოუსამძიმრებს და გვერდით დაუდგება თავის მეზობელს: როგორც ამოუდგნენ მხარში აზერბაიჯანელ ჯარისკაცებს ქართველი ჯარისკაცები სალიანის ყაზარმებში... როგორც გაუუნოდეთ ხელი მიწას დამხობილ სპიტიკს.

საქართველოსა და, საერთოდ, ამიერკავკასიის მოვლენები უფრო ფარ-

თო კონტექსტში განიხილება იმ პროცესებთან დაკავშირებით, რაც ხდება მთელ საბჭოთა კავშირსა და ევროპაში. იანვარში გაგრძელდა და, ვგონებ, დამთავრდა კიდევ იმ ბანაკის არამცთუ დაშლა, აყრაც კი — სოციალისტურს რომ ეუნოდებდით: ევროპამ ევროპისაკენ გაიწია... ამ პროცესის შედარებით მშვიდობიანმა და უმტიკივნიულო მიმდინარეობამ (შედარებით-მეთქი, თორემ — რუმინეთი გაეიხსენოთ!) ბევრს შეუქმნა ილუზია, რომ რუსეთი ასევე უდავიდარაბოდ „გაუშვებს“ რესპუბლიკებსაც...

ნეტარ არიან მორწმუნენი!

ამასთანავე სულ უფრო და უფრო იკვეთება ტენდენცია რესპუბლიკებისა — გაემიჯნონ ცენტრს. „თავისუფალ ერთა მძლე კავშირის ძმურის“ (დედანი-შია „დაურღვეველი კავშირის“) სამისდღეშიო „შეკვრის“ მისიაზე რუსეთმა, საქმეს ასეთი პირი უჩანს, ხელი უნდა აიღოს. ეს „მესიანური როლი“ არც მისთვის ჩანს ხელსაყრელი და არც სხვებისთვის. საზოგადოებრივი ცხოვრების ზოგ სფეროში იწყება დეიდეოლოგიზაციის პროცესიც, იმსხვრევა დოგმები, ემხოზიან კერპები. ზემოდან ეს ყველაფერი, ცხადია, დოზირებული იყო და არის, მაგრამ ახლა ის უკვე დგება, როცა მოვლენები უფრო შინაგანი განვითარების კანონზომიერებას ემორჩილება, ვიდრე ზემოდან რეგლამენტირებას.

არ გამართლდა ზოგიერთის იმედი, რომ სტალინიზმის მხილება ლენინიზმს ააცილებდა დარტყმას... და პირიქით, გამართლდა ზოგის ვარაუდი — სტალინის მოთხრით ლენინიზმს ეცლება ძირითადი საყრდენი... ისიც საფიქრალია, რომ ეს იმთავითვე „ჩაიღო“ „პერესტროიკის“ იდეაში. ცნება-დოქტრინათა დევალვაციის პროცესი ჯაჭვური რეაქციით გადაეცემა, ალბათ, „სოციალიზმსაც“ და „საბჭოთა კავშირსაც“.

ორიოდ სიტყვა პოლიტიკურ ტერმინზე — „კავშირი“. საოცარია ბედი სიტყვებისა! ამ „კავშირმა“, რომელიც რეალურად ჩამოყალიბდა საბჭოურ სისტემაში, იმდენად გაიტეხა სახელი, რომ ლამის დაგვევიწყა მისი ამოსავალი მნიშვნელობა; არადა „კავშირი“ მაღალი რიგის ცნებაა, იგი საფუძვლად დაედო ისეთ ტერმინს, როგორცაა „რელიგია“ — კავშირი უზენაესსა და ადამიანს შორის და, ამის კვალობაზე, თვით ადამიანთა შორისაც. „კავშირი“ ერქვა ძველად პირველ-ელემენტებს, სამყაროს „ასაგებ მასალას“; საბა ბრძანებს: „კავშირი: ოთხი იგი ასონი — მინა, ნყალი, აირი და ცეცხლი — არიან, ვინათგან ამით მიერ არს ყოვლთა სხეულთა შემტკიცება“. გაეიხსენოთ შოთას — „დამშლიან ჩემნი კავშირნი“ ... ე.ი. „კავშირი“ არის გამაერთიანებელ-შემამტკიცებელი. „ფედერაცია“ და „კონფედერაცია“ გარკვეული ტიპის „კავშირებია“, მაგრამ დიპლომატიის ისტორიამ იცის ისეთი „კავშირები“ (მაგ. „სამთა კავშირი“, „ანტანტა“), მასში შემავალ წევრებს უფრო მაღალი რანგის სუვერენიტეტს რომ უნარჩუნებს, ვიდრე ფედერაცია და თვით კონფედერაციაც კი. მაგრამ როდესაც სიტყვა-ტერმინი იქცევა პოლიტიკურ-ზნეობრივი „სარცხვინალის“ შესანიღბ „ლელვის ფოთლად“, მისდამი ფსიქოლოგიური განწყობა იცვ-

ლება: დღეს აღარავინ ენდობა „კავშირს“, რომლის მიღმა იმალებოდა ერების ათქვეფისა და მერე ერთ, სახელით „საბჭოთა“, არსით — რუს ერად გადადნობის სატანური ჩანაფიქრი... სატანური, პირველ ყოვლისა (რაც უნდა უცნაურად მოგვეჩვენოს), თვით დომინანტი ერის მიმართ, ვინაიდან ისტორია გვასწავლის — იმპერიები ყოველთვის იმსხვერვიან და ეს ნგრევა, პირველ ყოვლისა, „ბაბილონის გოდოლის“ მაშენებელ ერს დაიტანებს ხოლმე.

რუსეთში გარკვეული ძალები, ალბათ, მიხედა, რომ იმპერია არა მარტო ისტორიული ანაქრონიზმია, არამედ — ბუნების სანინაალმდეგო მოვლენაც, ბუნებისა, რომელიც ვლინდება ნაირგვარობაში და რომლის გაერთვებას სიკვდილის ტოლფასია. „უთვალავი ფერებით“ მოცემული ქვეყნის ერთ ფერად — ნითლად გადაღების მცდელობა ნითლისავე თვითლიკვიდაციას ნიშნავს (ყოველი დიქტატორი პოლიტიკური დალტონიზმით იყო დაავადებული და, საუბედუროდ, ამ სნებას მთელ ერს „აჰკიდებდა“ ხოლმე); ცენტრში იმასაც მიხედნენ, ჩათრევას რომ ჩაყოლა სჯობია. იმპერიათა ლიკვიდაცია უმსხვერპლოდ არ ხდება, მაგრამ მსხვერპლიც არის და მსხვერპლიც. აღმოსავლეთ ევროპაში მიმდინარე პროცესებმა გვიჩვენა, რომ „პერესტროიკას“ რეალურად მიყვავართ სისტემის დემონტაჟისაკენ... ეს, ცხადია, უფრო უსისხლო საქმეა, ვიდრე იმპერიის რევოლუციური „აფეთქება“, მაგრამ არც ისეთი უმტკივნეულო, როგორც ბევრს წარმოგვედგინა... მოვლენათა განვითარების ყველა შესაძლო შედეგი, ეტყობა, ბოლომდე ვერც გაითვალეს... და ეს შეუძლებელიც იყო. მაგრამ ის კი აუცილებლად იყო და არის გასათვალისწინებელი, რომ პოლიტიკური სისტემისა და ბიუროკრატიულ-ადმინისტრაციული აპარატის დემონტაჟი შეუძლებელია რესპუბლიკათა და ეროვნებათშორის ურთიერთდამოკიდებულების ახლანდელი სისტემის დაუმსხვერველად. ერთმანეთისგან იზოლირებულად და მორიგეობით — ჯერ ერთს მოვილევთ და მერე მეორესო — ეს საქმე არ მოგვარდება. მეტიც ითქმის, თუ უწინარესობაზე მაინც მიდგება საქმე, უფრო საშური სწორედ რესპუბლიკათა და ეროვნებათშორისო საკითხის განდევნება ჩანს. ყარაბაღმა და ბაქომ ეს აშკარად გამოავლინა.

მეტ-ნაკლებად, მაგრამ ახლა ყოველი რესპუბლიკა დულს, ბობოქრობს. შეგნება იმისა, რომ ძველებურად ვეღარ ვიცხოვრებთ, მარტო ქართველსა და ლიტველს კი არ დაუფლებია, არამედ რუსსაც... მაგრამ სოციალური კატაკლიზმების დროს განსხვავებული უნდა იყოს მოქმედების სტრატეგია და ტაქტიკა დიდი და მცირე ერებისა. ჩვენს გასაჭირს, როგორც ილია ბრძანებდა, თავისი ღობე ავლია, ჩვენი დაცემული ვინაობის ანუ სახელმწიფოებრიობის აღდგენა იყო და ახლაც რჩება ქართველთა უზენაეს მიზნად. სხვას მერეც მოეკლება. ამიტომ ეწინააღმდეგებოდა ილია მარქსიზმს და მის უმთავრეს დოქტრინას — კლასთა ბრძოლას, მიაჩნდა რა კირთების ქვეშე მყოფი მცირერიცხოვანი ერისათვის ძმათამყლელი კლასობრივი ომი საბედისწერო შეცდომად.

ქართველებმა ახლაც დიდი სიფრთხილე და წინდახედულება უნდა გამოვიჩინოთ: ჩვენ როდი შეგვიქმნია საბჭოური იმპერია, რომ მის დაშლას შევეწიროთ.

ამ თვალსაზრისით ტრაგიკულია თვით „პერესტროიკის“ წამომწყების მდგომარეობაც. გორბაჩოვი ახლა იმ მენაღმესა ჰგავს, რომელსაც „ნამეტურ“ ბევრნი ვეხმარებით ბოშბის გაუენებლობაში. დეტონატორთან მომუშავე მენაღმეს კი ხელში არ უნდა ეცე, — მიმიშვი, მაგ საქმე შენზე უკეთ ვიცო... მენაღმეს, ერთ კაცს, ვილა ჩივის, ყველანი არ ავინიოთ ჰაერში.

რეზო თაბუკაშვილისგან მომისმენია იგავურად თქმული: ადამიანებმა გამოიყვანეს ჯუჯა ცხენის ჯიში — პონი; ყველაფერი დაუპატარავეს ბედაურს — კიდეც დაამოკლეს, კიდეც — დაადაბლეს, კიდეც — შეკუმშეს, მოკლედ — დააჩიავეს. ერთადერთი, გულს ვერაფერი მოუხერხეს, პონის გული ისევ ბედაურისა აქვს. ამ დიდგულა პონის ჰგავსო საქართველოც.

გული, დამტევი სიყვარულისა, ვნებისა, ღირსებისა, მართლაც დიდი გვქონდა ქართველებს; ახლაც დიდი გული გვაქვს... აი, გადიდგულება კი ღმერთმა გვაცილოს, თანაც ისეთი, როცა ვერ ზომავე, ვის ედიდგულები.

მინდა ვირწმუნო — ვერც ტვინი დაუპატარავეს პონის.

„მაშული“, 7.2.1990

ჟამი ბრძოლისა და ჟამი მშვიდობისა

„ყოველთა, რომელთა აღიღონ მახელი, მახელითა წარწყმდენ“.

მათე, 26, 52.

„არა არს ღმერთი შფოთისაჲ, არამედ მშვიდობისაჲ...“

ჰაველე, კორინთელთა, 4, 33.

„ყოველთათვის ჟამი არს და ჟამი ჩანს ყოვლისა საქმისა ცისა ქუეშე: ჟამი არს შობისაჲ და ჟამი სიკუდილისაჲ, ჟამი არს დანერგვისაჲ და ჟამი

მოფხურად დანერგულსა მის; ჟამი არს მოკლეისაჲ და ჟამი

განკურნებისაჲ, ჟამი ტყეებისაჲ და ჟამი როკვისაჲ;

ჟამი არს ბრძოლისაჲ და ჟამი მშვიდობისაჲ“.

ეკლესიასტე, 3.

ორმოცი წლის წინ დამთავრდა მეორე მსოფლი ომი — ყველაზე გამანადგურებელი და „სისხლიანი“ ომი კაცობრიობის ისტორიაში; ორმოცი წლის

ნინ დაემხო ფაშიზმი, ისტორიულად ერთ-ერთი ყველაზე „ცოდვილიანი“ იდეოლოგია, მსოფლმხედველობა და ფორმა მმართველობისა.

ორმოცი წელი ჩვენს დინამიკურ ეპოქაში ცოტა როდია; თუ თაობათა შორის დისტანციას ოცი წლით განვსაზღვრავთ, უკვე მესამე თაობა მოდის, რომელსაც ომის საშინელებანი არ განუცდია. ადამიანს კი არამცთუ განუცდელი — სამწუხაროდ, განცდილიც ავიწყდება ზოგჯერ. ომის დაეინყება კი არ ეგების — თუ ჩვენ დავიინყებთ ომს, ომი არ დაგვიინყებს ჩვენ. ამიტომაც დასტრიალებს თავს ლიტერატურა და, საერთოდ, ხელოვნება ომის თემას და ისევ და ისევ გვიცოცხლებს იმ, მართლაცდა, აუადმოსაგონარ „სისხლის წვიმების დროს“. მაგრამ რეალურ ომსა და მის მხატვრულ განსახოვნებას, ცხადია, „შუა უზის დიდი მზღვარი“, რომელიც თვით გენიოსთა კალმისა თუ ფუნჯის მოსმითაც ვერ გადაილახება: ადამიანთა პიროვნულ გამოცდილებას ვერაფერი შეცვლის; ამის შეგნებამ თუ წარმოშვა სკეპტიკური პარადოქსი — ისტორია იმისთვის იწერება, რომ ადამიანმა მისგან არაფერი ისწავლოსო. მართლაც, უამრავი უბედურება მოუტანია ომს კაცობრიობისათვის — ადამის მოდგმა კი მანაც ომობს, მისი ისტორია თითქმის უწყვეტი ჯაჭვია დიდი თუ მცირე, შეტევითი თუ თავდაცვითი, სამართლიანი თუ უსამართლო ომებისა... ამ ომებს კი, როგორც ოტო ბისმარკი ამბობდა, იგებს (ან აგებს) სოფლის მასწავლებელი ანუ სკოლა, სათანადო აღზრდის სისტემა. სწორედ ახალგაზრდათა მამულიშვილური სულისკვეთებით აღზრდის პრობლემას განვიხილავთ შეძლებისდაგვარად ამ ჩვენს წერილში, მის „კარიბჭეში“ კი რამდენიმე ზოგადი მოსაზრების გაზიარება გვინდა მკითხველისათვის:

ისტორიის გარკვეულ ეტაპზე იწყება ომის ფენომენის ფილოსოფიურ-თეორიული გააზრება, კიდევ უფრო ადრე — ომის მოთხოვნილებათა შესაბამისად გარდაქმნა საზოგადოების როგორც მატერიალური, ისე სულიერი ცხოვრებისა: საომარი სულისკვეთების საგანგებო აღზრდა, საბრძოლო ხელოვნების დაუფლება, ეპოქის ყველაზე ძალუმ ტვინთა დასაქმება საომარი იარაღისა და ტექნიკის სრულყოფა-დახვეწისათვის. თვით მშვიდობა, ომის ეს ანტინომური მენყვილე, ზოგჯერ გაიზრება ომის ფუნქციად, ომის შედეგად, მის მიზნად: *Si vis pacem, para bellum!* (თუ მშვიდობა გინდა, ომისთვის ემზადე!) — რომაელთა ამ ფრთიან გამოთქმას დღესაც, თერმობირთული იარაღის ეპოქაში, ჰყავს მიმდევრები. ომს მიიჩნევდნენ კაცობრიობის პროგრესის მოუცილებელ ელემენტად, ვიეთთა ნააზრევში იგი „ადამიანური მოდგმის ჰიგიენადაც“ კი მონათლა; ზოგს ომი არსებობისათვის ბრძოლის კანონის ყველაზე ნათელ და უშუალო გამოვლინებად მიაჩნია. კლაუზევიცის კლასიკური განმარტებით, ომი წარმოადგენს პოლიტიკის გაგრძელებას, იგი თითქოსდა დამავიკრავინებელი აქტია გარკვეული პოლიტიკური პროგრამისა, დიპლომატიური კამუფლაჟითა და მანევრებით შემზადებული.

რამდენადაც ომი საზოგადოებრივი განვითარების გარდაუვალ თანმხ-

ლებ მოვლენად აღიქმებოდა, ამდენად სახელმწიფო, თავისი იდეოლოგიისა და პოლიტიკურ-ეკონომიკური ორიენტაციის შესაბამისად, ყოველთვის სათანადო ყურადღებას უთმობდა ომის სამზადისს; საუკუნეთა განმავლობაში იხვეწებოდა და სრულყოფილი ხდებოდა მონინააღმდეგის განადგურების „ხელოვნება“. ამავე მიზნით „მუშაობდა“ იდეოლოგიური სისტემაც, რომელიც სრულიად განსაკუთრებული მნიშვნელობა ენიჭებოდა ახალგაზრდობის შესაბამისი სულისკვეთებით აღზრდას. არა მარტო ცალკეული პიროვნებები — მთელი სოციალური ჯგუფები, წოდებები, კასტები, მთელი ტომებიც კი საგანგებოდ ხელოვნდებოდნენ საომარ საქმეში. ყოველ შემთხვევაში, ისტორიულ ხანაში ყოველ კლასობრივ-საზოგადოებრივ ფორმაციაში გამოიყოფოდა ფენა, რომლის უპირველესი ფუნქცია საომარი ქმედება იყო.

ასე იყო საქართველოშიც, თუმცაღა ისტორიული ვითარება ხშირად აიძულებდა ჩვენს ქვეყანას საომარ ოპერაციებში „ქუდზე კაცი“ გამოეყვანა. ის, რომ ქართველი გლეხკაცი თოხს გვერდზე გადადებდა და ხმაღს ჰკიდებდა ხოლმე ხელს, მაინცდამაინც ჩვენს მეომრულ ბუნებაზე არ მეტყველებს; არც „ქუდზე კაცის“ გამოყვანის ჩვენში გავრცელებული პრინციპი დაგვიდასტურებს ამას — ეს ყველაფერი გაჭირვებისაა, თორემ სამხედრო თვალსაზრისით აღზევებულ ქვეყანაში ჩინებულად უწყიან თავიანთი ძლიერების წყარო — „მუშა მინყივ მუშაკობდეს, მეომარი გულოვნობდეს“. ახალ საუკუნეებში კიდევ უფრო მეკვეთრად გამოიკვეთა მკაცრად დიფერენცირებულ-რეგლამენტირებული საზოგადოებრივი წყობის საომარი უპირატესობანი; ეკონომიკური სიძლიერე უმნიშვნელოვანეს ფაქტორად იქცა ომში. ნაპოლეონს უთქვამს: ომის მოსაგებად საჭიროა ჯერ ფული, მერე — ფული და ბოლოს — ისევ ფულიო. ფული ანუ სიმდიდრე, ეკონომიკური ძლიერება კი სოციალურ-ეკონომიკური წყობის განვითარება-სრულყოფას მოაქვს. ჩვენში პირველმა ილიამ წარმოაჩინა ის — თვალში ნაკლებად საცემი, მაგრამ უაღრესად ქმედითი — მექნიზმი, რომელიც გადამწყვეტ როლს თამაშობდა განუწყვეტელ ომებში ჩაბმული ქართველობის ისტორიულ გადარჩენაში: „საქართველო დღე და ღამ იარაღით ხელში იდგა, მტერი ყოველ მხრიდან მოწოლილი იყო. ჩვენი ხალხი თითქმის ორი ათასი წელიწადი იბრძოდა, ომობდა, სისხლსა ღერიდა... ვთქვათ, მკლავმა და გულმა შეძლო ეს გოლიათობა, საკვირველი ეს არის — რა ქონებამ გაუძლო ამისთანა ყოფასა? რა კვებავდა ხალხსა, რა ქონებით უძლეებოდა ამოდენა ომებსა და სისხლის ღერასა? ეს ერთი მუჭა ხალხი თითქმის ქუდზედ კაცი უნდა მდგარიყო იარაღით ხელში, რომ მტრისაგან მტერად არ აღგვილიყო — და საზრდოებს ვინ აძლევდა და რა აძლევდა?“ ამ კითხვის პასუხს თვით ილიამ მიავგო — მისი ვარაუდით, ეს იყო ძველი საქართველოს ეკონომიკური ცხოვრების წესის მოქნილობა, კერძოდ, მინის განაწილების ის დემოკრატიული პრინციპი, რომელიც ზღუდავდა მინის საკომლო მფლობელობას და ხე-

ლუხლებლად ინახავდა და უფროსილდებოდა „სამსოფლოსა“ ანუ საზოგადოებრივს.

ასე იყო თუ ისე, ეს საკითხის მაინც ერთი მხარეა, ჩვენ კი მეორეც გვინტერესებს — „მკლავსა და გულს რამლა შეაძლებინა ეს გოლიათობა?“ — შეაძლებინა ეროვნულმა სულმა, რომელსაც, ერთი მხრივ, მხნეობისა და გამძლეობის, მეორე მხრივ კი შეგუებისა და დათმენის საოცარი უნარი აღმოაჩნდა. ელასტიკური სიმტკიცე — თითქოსდა ამ პოლუსური თვისებებით იყო ეს სული „ნაქსოვი“. მიუხედავად ქართველ ტომთა ნაირგვარი ცხოვრების წესისა, ჩვენ ძირითადად მაინც ვაზისა და პურის მომყვანი ხალხი ვართ (შემთხვევითი სარულებითაც არა გვგონია ჩვენი ეთნონიმის „გეორგია“ ბერძნული გააზრება — ხალხურ ეტიმოლოგიაზე დაუფძნებული — „მინის მუშაკი“) და, თუ მეომარ ტომადაც გვიცნობდნენ — ეს მხოლოდ თავდამცველის გაგებით. დავითისა და თამარის ეპოქებში „სახლვართ ბორტად გარდახდომანი“ (დავითის სიტყვებია) მხოლოდ ეპიზოდები იყო განუწყვეტელი უმძიმესი თავდაცვითი ომების ფონზე, თანაც — მხოლოდ საკუთარ უსაფრთხოებაზე ზრუნვით გამოწვეული. ამ ომებმა, ცხადია, თავისი კვალი დააჩნია ჩვენს ფსიქიკას, ხასიათს, ცხოვრების წესსა და ნირს, მაგრამ ვერ შეძლო ის, რაც თითქოსდა მოსალოდნელი იყო — ვერ გააბოროტა ქართველი, შინაგანად ვერ აამხედრა იგი „უცხო თესლთა“ წინააღმდეგ, ვერ მოუნამლა სული შურისძიებისა და „მტრის სისხლით თრობის“ ქვენა განცდით. ვახუშტის თქმით, ქართველებს „ზნენი აქუნდათ პირმტკიცობა, მტერთა ზედა ერთობა, თავისუფლებისათვის მხნედ ბრძოლა, მაგრად დგომა მისთვის, ციხე-სიმაგრეთა და ქალაქთა შენება, ერთისა ცოლისა ქმრობა... ხოლო ანაგებით არიან კაცნი და ქალნი შუენიერნი, ჰაეროვანნი... ნერნეტნი, უმეტეს ქალნი, იშვით სქელნი, მხნენი მუშაკნი, ჭირთა მომთმენნი, ცხენსა ზედა და მხედრობასა შინა კადნიერნი, მკვირცხლნი, მსწრაფლნი. სალაშკროთა შინა ახოვანნი, საჭურველთა მოყვარენი, ამაყნი, ლაღნი, სახელის მაძიებელი ესრეთ, რამეთუ თვისთა სახელთათვის არა რიდებენ ქუეყანასა და მეფესა თვისსა; სტუმართა და უცხოთ მოყუარენი; მხიარულნი, უკეთუ ორნი ანუ სამნი არიან, არარაჲ შეიჭირვიან. უხენი, არცა თვისსა და არცა სხვისას კრძალავენ; საუნჯეთა არა მმესველნი, გონიერნი, მსწრაფლ-მიმხლომნი, მჩემებელნი. სწავლის მოყუარენი... ურთიერთის მიმყოლნი, კეთილ-ბორტ-ზედ ადრე მიმდრეკენი... ამ დახასიათებაში ზოგიერთ თვისებას — პირმტკიცობას, მტერთა ზედა ერთობას, სინერნეტე-ჰაეროვნებას — სამწუხაროდ, ჩვენზე წინდაუხედაობა-წამხედურობით ნირვა ჩვენვე გამოვეყვანეთ, მაგრამ ბევრი რამ — კარგიცა და ნაკლებად კარგიც — ქართველთა ვახუშტი-სეულ დახასიათებაში ყავლგაუყვალა.

ქართველთა ეს „სალაშკროთა შინა ახოვანება“ და „სახელის მაძიებლობა“ ორსავე მსოფლიო ომში დადასტურდა. ზოგს ამაზე, შესაძლოა, ირონი-

ულად გაელიმოს — ამ ომებმა ხომ „გვერდი უარა“ საქართველოსო! საერთოდაც, მთელი მეცხრამეტე საუკუნისა და მეოცის დასაწყისის ჩვენი მეტნაკლები მშვიდობიანობა ზოგს ისე წარმოუდგენია, თითქოს რუსეთის იმპერია საქართველოს „საბან-გობანში“ აზიზად გამოხვეულს ინახავდა და ცივ ნიავს არ აკარებდა. უფრო მეტიც, ზოგიერთი ბრიყვის აზრით, მეორე მსოფლიო ომში ქართველები თითქოსდა რალაც პრივილეგიებით სარგებლობდნენ; სტატისტიკა კი გვეუბნება: საქართველო პროცენტულად ამ ომში, სამწუხაროდ, ყველაზე დაზარალებულთა შორისაა. სამმილიონიანმა რესპულიკამ ცხრაას ათასამდე მეომარი გაგზავნა ფრონტზე, ესე იგი აბრძოლა თავისი მოსახლეობის თითქმის მესამედი — ოცდაათი პროცენტი. ასეთი რამ მაშინაც არ მომხდარა, როცა ძველად ქუდზე კაცი გასულა საბრძოლველად. განვეულთაგან ყოველი მესამე ბრძოლის ველზე დაეცა, ესე იგი, დაიღუპა სამას ათას კაცამდე, რაც უპრეცედენტოა თვით საქართველოსთვისაც კი; მარტო ქერჩთან რამდენიმე კვირაში ჩაიღუპა იმდენი ქართველი, რამდენიც ამ მრავალჭირგადანახადი ქვეყნისთვისაც კი „საუკუნის სამკალი“ იყო. ომში კი სისხლი ყველაზე დიდი „გამოსალებია“ — დანგრეულ სოფელ-ქალაქს კვლავ აღადგენ, წართმეულ სიცოცხლეს კი ვერ დააბრუნებ. ასე რომ, მსოფლიო ომმა ჩვენ „გვერდი კი არ გვიარა“, — შიგ კერიაში შემოგვეჭრა და ლამის გაგვანახევრა. სხვათა შორის, არც რუსეთის იმპერიის მიერ მეცხრამეტე-მეოცე საუკუნეებში წარმოებული ომების დროს მსხდარა ქართველობა გულხელდაკრეფილი და „ყაბულ-ფლავის“ მომლოდინე; ეს უნდა ითქვას არა „გამარჯვების ნაზუქიდან“ ბარაქიანი ნაჭრის დასათრევად, არამედ — ღირსებისა და სამართლიანობისათვის: სწორედ შეურაცხყოფილმა ღირსებამ და უმადურობამ ათქმევინა საუკუნის წინ ილიას აჭარა-ქობულეთის შემოერთებისათვის დაღვრილ ქართველთა სისხლზე: „წარსულმა ომმა ბევრი სისხლი დანსთქა ქართველობისა, ბევრი წარვიდა ამ წუთისოფლიდამ თვისტომთაგან დაუტირებელი, ბევრი დაიხოცა სახელოვანის სიკედილით, — და მათი სახელი არც კი არავინ ახსენა და აღიარა... თქვენ, საცა ჭირი იყო, პირველნი იყავით ნებით თუ უნებლიეთ, და საცა ლხინი იყო — უკანასკნელნი!.. თქვენ არევენთ ქვეყანას, რომ ვაჟკაცობა ქართველობისა უქმი სიტყვა არ არის... მიიღო კიდევ ჩვენმა სისხლში ამოვლებულმა ბედმა ჩვენი სისხლის შესანირავი!.. ნუთუ უსისხლოდ ჩვენი ბედი არას გვიტომობს?!“

დიდი იყო მეორე მსოფლიო ომში ეს ჩვენი „სისხლის შესანირავი“. ცხადია — არა მარტო ჩვენი: რამდენიმე ათეული მილიონი ადამიანის სიცოცხლე შეინირა მან და მანც, არც ერთი ომის დროს, თვით მეორე მსოფლიო ომის ჩათვლითაც კი, არ დამდგარა საკითხი ამ ომის შედეგად საერთოდ ადამიანთა მოდგმის აღსასრულისა; დახოცილან მეომრები, გამწყდარა მთელი ლაშქარი, პირისაგან მიწისა აღგვილან ქალაქები და სახელმწიფოები, ზოგჯერ

დედიანწულნიანად ამოჟლეტილა მთელი ტომი, თვით ხალხიც კი, მაგრამ ყოველ ომს ჰყოლია გამარჯვებულიც. თერმობირთვული კონფლიქტის შედეგად კი (სამხედრო სპეციალისტთა აზრით, ამგვარ კონფლიქტს, უფრო სწორად, კატასტროფას, არც შეიძლება ომი ვუნდოდოთ ტრადიციული გაგებით) აღარც დამარცხებული იქნება, აღარც გამარჯვებული და, თქვენ წარმოიდგინეთ, აღარც განმსდგომი, ნეიტრალური მონმე ამ კონფლიქტისა.

არადა, ომი არასოდეს ყოფილა მიზანი, იგი ყოველთვის იყო საშუალება გარკვეული უპირატესობის მოპოვებისა მონინალმდეგეზე. და თუ ომი ვერც მყესეულ, ვერც პერსპექტიულ და ვერც პრინციპულ უპირატესობას ველარ მოუტანს მეომარ მხარეთაგან ვერც ერთს, მაშინ იგი უაზრობად იქცევა. სწორედ ამგვარ აბსურდს წარმოადგენს თერმობირთვული „ომი“: ერთი მხრივ, სასიცოცხლო არეალის დედამინით შემოზღუდვამ, მეორე მხრივ კი საომარი იარაღის მონყვლადობის არეალის შეუზღუდაობამ პარადოქსული ვითარება შექმნა: თერმობირთვულად დაპირისპირებულ ნებისმიერ მხარეს შეუძლია თვითლიკვიდაციის გზით მონინალმდეგის ლიკვიდაციაც, უფრო ზუსტად, ტოტალური ლიკვიდაცია ადამიანთა მოდგმისა. მეორე პარადოქსი: სპეციალისტთა აზრით, ატომური თავდასხმის დროს რომც არ განხორციელდეს საპასუხო დარტყმა, იმდენად მკვეთრად შეიცვლება დედამინის ეკოლოგიური პირობები, რომ მასზე შეუქცევადად გადაშენდება მალაღგანვითარებული სიცოცხლის ფორმები.

როგორც ვხედავთ, თანამედროვე თერმობირთვული კატასტროფა თვისებრივად სხვა ოდენობაა, ვიდრე თვით მეორე მსოფლიო ომი, და შესაბამისად თვისებრივადვე იცვლება შინაარსი ომისათვის არსებითი ცნებებისა, — „მტერი“, „უპირატესობა“, „გამარჯვება“, „დამარცხება“... ამის კვალობაზე უნდა შეიცვალოს ჩვენი აზროვნების წესიც ამ სფეროში. ადამიანური ფსიქიკა ყველაზე მეტად ვერ ურიგდება საკუთარ სიკვდილს, მაგრამ მალალი სულიერ-ზნეობრივი იდეალებისათვის სიცოცხლის დათმობა მას მაინც შეუძლია. ისიც მომხდარა, რომ ამ უმალლესი იდეალებისათვის არა მხოლოდ ცალკე ინდივიდს, არამედ ადამიანთა კარგა მოზრდილ კრებულსაც დაუდევს თავი — ამის დამადასტურებლად სამასი სპარტელის ან სამასი არაგველის მაგალითიც იკმარება. ასეთი თავგანწირვა, ასეთი ომი მართლაც რომ წმინდად და საღეთოდ ითვლებოდა. მაგრამ ომის შედეგად თუ ერთიანად გაიჟუჟება ადამის მოდგმა, ამ ომს ვერანაირი მალალი იდეალები, ადამიანისავე შექმნილი და ღირსებამინიჭებული, ვერ გაამართლებს. კაცობრიობის სიკვდილი, უფრო სწორად, თვითმკვლელობა მხოლოდ იმას დაადასტურებს, რაოდენ უგუნური ყოფილა ადამიანი და რაოდენ ფუჭი და ამაო მის მიერ შექმნილი იდეალები.

გრძნობის საპირისპიროდ ადამიანური გონება შეეგუება სიკვდილს, რამდენადაც ვიაზრებთ, რომ სიკვდილი არის „ადამიანის ცხოვრების უმთავრე-

სი მარეგულატორებელი" (დ.უზნაძე); უფრო მეტიც, გენიოსები გვეხმარებიან შევიმეცნოთ, რომ სიკვდილი სიცოცხლისავე ფორმაა, მისი წყარო და მიზეზიც კი («სიცოცხლეს სიცოცხლე უყვარს, ეს მიტომ დასდგა წესადა — სიკვდილი გაუჩენია მას თავის გასაკეებადა» — ვაჟა); ამ აზრით სიკვდილიც სიცოცხლეა («სიცოცხლე ცოცხლობს ყოველგან, სიკვდილი არ ჩანს, მომკვდარა» ... ვაჟა). სიკვდილის გარდაქმნა-ფერისცვალება ანუ გარდაცვალება სიცოცხლედ, სიკვდილით სიკვდილისავე დათრგუნვა არა მარტო ზნეობრივი ნუგეშია ადამიანისათვის, არამედ საარსებო სტიმულიც — ამის გამო იგი არ ინთქმება არარაობაში. ცოცხალი კიდეც უნდა მოკვდეს, მაგრამ არ შეიძლება და არც უნდა მოკვდეს სიცოცხლე — ამის წარმოდგენაც კი აუტანელი იქნებოდა ადამიანური ფსიქიკისათვის. არადა, ამგვარი გლობალური მოსპობა სიცოცხლისა თერმობირთვული კატასტროფის შემთხვევაში არამცთუ წარმოსადგენია და შესაძლებელი, არამედ — გარანტირებული.

თუმცა ადამიანის გონებას კიდეც წარმოუდგენია და კიდეც განუსახოვნებია კოშმარული სურათი სამყაროს დასასრულისა: «...და ძრეა იქმნა დიდი და მზე შეე იქმნა, ვითარცა ძაძა ბაღნისაჲ, და მთოვარე ყოვლითურთ იქმნა, ვითარცა სისხლი და ეარსკვლავნი ცისანი გარდმოცვივნეს ქუეყანად, ვითარცა ლელუმან რაჲ დაყაროს ყუაველი თვისი, ქარისაგან დიდისა შერყეულმან. და ცაჲ წარიგრაგნა, ვითარცა წიგნი წარგრაგნილი და ყოველნი მთანი და ბორცუნი ადგილთა თვისგან შეიძრნეს... და იქმნეს ელვანი და ქუხილნი და ხმაჲ და ძრეაჲ დიდი» ... (აპოკალიფსი, VI-12, 13, 14; XVI-18).

ეს დაინერა ორი ათასი წლის წინათ, ვიდრე ადამიანის გალაღებული გონება ატომის გახლეჩას მოახერხებდა. და თუმცა აქ სამყაროს ეს ესქატოლოგიური კონვეულსია გამოვლინებაა უზენაესის ნებისა და არა შედეგი ადამის მოდგმის უგუნურებისა, მაინც საცნაურია — მას წინ უსწრებს განხატება ომისა და სიკვდილისა: «და გამოვიდა სხუაჲ ცხენი წითელი, და მჯდომარესა მას ზედა მიეცა აღებად მშუიღობაჲ ქუეყანით, რაჲთა ერთმანერთი მოსწყიდონ, და მიეცა მას მახვილი დიდი... და აჰა ცხენი მწუანე, და მჯდომარესა მას ზედა სახელი მისი სიკუდილი; და ჯოჯოხეთი შეუდგა მას, და მიეცა მას ხელმწიფებაჲ... მოსრეად მათდა მახვილითა და სიყმილითა და სიკუდილითა და მხეცთა მიერ ქუეყანისათა» (აპოკალიფსი, VI-4,8).

როგორც ძველად იტყოდნენ — «ნუ იყოფინ!»

ახლა ისევ «პირველსა სიტყვასა ზედა მოვიდეთ»: როგორი სულისკვეთებით უნდა აღვზარდოთ ყმანვილები თერმობირთვული იარაღის ეპოქაში ომისა და მშვიდობის მიმართ? ამ კითხვაზე პასუხი თითქოსდა მხოლოდ ცალსახა პასუხს იგუებს — ახალგაზრდებს ომი უნდა შევაძულოთ, შესაბამისად, უნდა შევაყვაროთ მშვიდობა.

ოლონდ ერთია: უნდა შევაძულოთ ომი, და არა — ბრძოლა, ჭიდილი, მოძრაობა... უნდა შევაყვაროთ მშვიდობა, და არა — მორჩილება, მონობა, უძ-

რაობა. ჭეშმარიტი მშვიდობა თავისუფლების დამთრგუნავი არასოდეს ყოფილა, მხოლოდ მისი სუროგატი ცდილობს დააფრთხოს ადამიანი ბრძოლაში დაღვრილი სისხლით. ამგვარ მოჩვენებით, „ცარიელა“ მშვიდობაზე ათქმევინა ილიამ თავის ლელთ ღუნიას: „ცარიალ მშვიდაბა მინაჩიც გვეყოფის“... ამ განწყობილების ანარეკლია გალაკტიონის „გამახსენდება, და კვლავ ომი მომენატრება“.

და კიდევ: მშვიდობაცა და ომიც არა მარტო სოციალურ-პოლიტიკური, არამედ ფსიქოლოგიურ-ზნეობრივი კატეგორიებიც არიან: ცალკეული ადამიანის სულში დავანებული მშვიდობა — ესე იგი ჰარმონია, თავისუფლება, სინათლე და სიყვარული — მშვიდობადვე მოეფინება მთლიანად ადამიანთა მოდგმას... და პირიქით, მის სულში დაბუდებული ომი — ესე იგი ქაოსი, კირთება, სიბნელე და სიძულვილი — ომადვე გადმოინთხევა კაცთა შორის.

ანუ — როგორც იოანე ოქროპირი იტყოდა, „თუ მშვიდობა სუფევს, იქნება სიყვარულიც, და პირიქით, სადაც სიყვარულია, იქ მშვიდობა დაისადგურებს“.

ჭეშმარიტად!

„ქართული ენა და ლიტერატურა სკოლაში“, N3-4, 1985

მადლი

*მადლი ესე არს, რომელმან არცა ნაცვლისგებისათვის,
არცა შიშისათვის, არცა სიყვარულისათვის
კეთილი და ქველის-საქმე ქნას.
საბა*

ყოველი შემოქმედი — ნებსითა თუ უნებლიეთ, ცნობიერად თუ ქვეცნობიერად — წინაპართაგან ვისმე ჰბაძავს...

სალმრთო აზრით, ცხადია...:

რეზო თაბუკაშვილი — მსოფლიო გზებზე გადებული, უსახსრო, თავის აღლოსა და გემს მინდობილი, უიღბლოცა და ყისმათიანიც — საბას აჩრდილს ასდევნებია: მასავით უცხოეთში ეძებს, ნამცეც-ნამცეც კრებს საქართველოს. საბასი არ იყოს, რეზო თაბუკაშვილსაც უნენევია თანამემამულეთა უმადურობა და უსულგულობა, მაგრამ „სამკალიც ფრიადი“ მოუმკიათ ერთსაცა და მეორესაც... ძებნა ერთია, პოვნა — მეორე... ნუ ვიტყვით, სულხან-საბა უცხოეთში „ამაოდ დაშვრა, სანუხ არს ესეო“... სხვა თუ არაფერი,

მისი „ხელმოცარული“ ელჩობისაგან გამოდნა ბაჯალლო ოქრო ჩვენი ლიტერატურული საგანძურისა — „მოგზაურობა ევროპაში“.

რეზო თაბუკაშვილმა თავისი ნაღვანით, პირველ ყოვლისა, მაღლი გადაუხადა წინაპართა აჩრდილებს — დიდთა თუ მცირეთა. მისი დიდი წინაპარი კი ასე გემოდღერავს: „მაღლის გადახდა — რომელმანცა კეთილი გვიყოს, ნაცვალ-ვაგოთ ანუ სიტყვით, ანუ საქმით, ანუ თაყვანის-ცემითა“.

ბატონმა რეზომ მარტო თავის წინაპრებს, თავის სისხლსა და ხორცს როდი მიაგო პატივი; მან მართლაც რომ „სიტყვითა, ანუ საქმითა, ანუ თაყვანის-ცემითა“ გადაუხადა მაღლი სხვა ტომის ხალხსაც — საქართველოსათვის გარჯილ-დამაწერალთ.

მაინც ვერ მოიჯერა გული რეზო თაბუკაშვილმა, თხემით ტერფამდე მოვალეობის კაცმა, და ინდომა მთელ ერს, მთელ საქართველოს მიეგო პატივი ჩვენს უცხოელ მოკეთეთათვის — საამისოდ უნდა შეიქმნასო „ეროვნული მაღლიერების ინსტიტუტი“ ... ბროსეს, უორდროპებს, ლაისტს, პასტერნაკსა და მრავალ სხვას არა მარტო ქვის ძეგლი, პირველ ყოვლისა, „ქმნის ძეგლი“ ანუ ძეგლი ხელთუქმნელი უნდა დაეუდგათო.

საღვთო საქმეა, ჭეშმარიტად!

მაღლი ის ბუმერანგია, ლეთის ხელი რომ გვატყორცნიებს... გვიბრუნდება, უეჭველად გვიბრუნდება იგი — თუ უშუალოდ მაღლისმქმნელს არა, მის ჯიშსა და ჯილაგს მაინც. ესეც გაითვალისწინა წინდახედულმა და, მაღალი აზრით, ანგარიშიანმა ქართველმა, ბატონმა რეზო თაბუკაშვილმა: საქართველოში შეიქმნება ქართველოლოგიის ცენტრი; აქ, ერთი მხრივ, ქართულ ენასა და კულტურას ეზიარებიან საქართველოთი დაინტერესებულნი, მისი მოჭირნახულე უცხოელები; მეორე მხრივ, „ეროვნული მაღლიერების ინსტიტუტს“ ეყოლება უცხოეთში თავისი სტიპენდიანტი ქართველი ახალგაზრდობა... კვლავ აღდგება სამოცდაათწლოვანი ნარ-ეკლით გადაბურულ-ჩახერგილი სულიერი გზა-ხიდები ევროპისაკენ...

რეზო თაბუკაშვილის ეს ჩანაფიქრი ერთ დიდ იდეასაც ეხმიანება. ამ იდეის ავტორი სრულიად საქართველოს კათალიკოს-პატრიარქი, უწმინდესი და უნეტარესი ილია მეორეა. შემინდოს მისმა უწმინდესობამ, თუ ჩვენს პირად საუბარში გამოთქმულ მის ამ იდეას გავამჟღავნებ: პალესტინაში, წმინდა მიწაზე, უნდა აიგოს საეანე — ქართული სულიერი ცხოვრების მეორე ცენტრი — „სხვად გელათად“, „მეორე შატბერდად“ ...

ერთსაც დავსძენ: მაღლიერების ესოდენ გამახვილებული გრძნობა იმაზეც მეტყველებს, რომ ჩვენ, ქართველები, ასევე გამძაფრებულად აღვიქვამთ ჩვენდამი გამოვლენილ უმადურობასაც. ბუნებრივიცაა: სხვათა უმადურობა რომ არ გვწყინდეს, მაშინ არც მათი მაღლიერება გავგახარებდა... საქართველოს, ცხადია, მარად უნდა ახსოვდეს თავისი კეთილისმყოფლები, მაგრამ მან, ჩემი აზრით, არც თავისი მტრები უნდა დაივიწყოს თუნდაც იმი-

ტომ, რომ მათ ნათქვამ-ნამოქმედარში ზოგი რამ ჩვენთვის ჭკუის სასწავლებელი და საგულისხმოა. გამოითქვა კიდევ მოსაზრება (კოტე გაბაშვილი, სოსო ცისკარიშვილი), რომ შექმნილიყო „კატკოვის კლუბი“, სადაც ქართველთყლაპია და ქართველთგანმაქიქებლები, ბარონ სენკოვსკიდან და პატკანოვიდან მოყოლებული, ჰიუიტითა და ცვეტოვით დამთავრებული, დაიმკვიდრებდნენ ადგილს. რა ვიცი, იქნებ „ეროვნული მადლიერების ინსტიტუტის“ თუნდაც ერთი კუთხე-კუნჭული დასთმობოდა ამ ოდიოზურ ხალხსა და მათ ნამოქმედარს, თუნდაც საქართველოსათვის თავგადადებულ უცხოელთა ღვანლის უფრო თვალსაჩინოდ წარმოსაჩენად?

ერთი რამ კი დანამდვილებით ვიცი, „ეროვნული მადლიერების ინსტიტუტი“ უნდა შეიქმნას და შექმნილი უნდა დაემსგავსოს შემქმნელს, მადლიერების მადლით ცხებულ ქართველს — რეზო თაბუკაშვილს.

ხოლო მადლიერი კი ისაა, „რომელმან დაინახსოვროს კეთილმოქმედება მის ზედა“ (საბა).

„თბილისი“, 6 აპრილი, 1990 წ.

„ამისთანა მკურნალს ვაქვებ. მილსეკვდის ფაზარ-ხუთოს“

კიტა ბუაჩიძემ, ცნობილმა ქართველმა მწერალმა, თავისი „შავი ნიგნი“ კარგა ხნის წინათ დაწერა.

დაწერა უდროოდ დროს...

საერთოდაც, ბატონი კიტა „უდროოდ“ წერს ხოლმე — ნანერის ბეჭდვა-გამოცემის თვალსაზრისით...

ვერ ითვალისწინებს, რომ დროის წინ „მოკუნტრუმე“ ნიგნებს ან ცენზორი „შეჭამს“, ან ცენზორისფერი რედაქტორი.

ასე იყო წინათ...

ასეა (ან — თითქმის ასეა) ახლაც...

მოკლედ, „შავი ნიგნი“ დაინერა დიდი ხნის წინათ; ის დრო „უძრაობის“ ხანად მონათლა საკმაოდ მოძრავმა ხალხმა.

აგერ ხუთი წელია, რაც თითქოსდა „დავიძარით“ ... თითქოს-მეთქი, რადგანაც იმ მგზავრის განცდა მაქვს, ვაგონის ფანჯრიდან შემხვედრ მატარებელს რომ უყურებს.

ჩაივლის მატარებელი და შეიძლება აღმოვაჩინოთ, რომ არც დავეძრულვართ...

„შავი წიგნის“ გამოცემის საქმეც თითქოს დაიძრა... ღმერთმა ქნას, ესეც შემხვედრი მოძრაობის ილუზია არ გამოდგეს.

ჩვენში ყველაზე დიდი ინტერესით დაუბეჭდავი წიგნები იკითხება. „შავი წიგნის“ ხელნაწერიც (უფრო ზუსტად — „ხელნაბეჭდი“) ხელიდან ხელში გადადიოდა წლების მანძილზე და თავის საქმეს აკეთებდა... გვანჯღრევდა და გვასილაქებდა ჩვენ — გულარხეინებს, ლიპგადმოგდებულებსა და ენა-ჩაყარდნილებს; ლურსმანივით გვიჭედავდა თავში აზრს:

ვილუპებით — ერი აიტანა თვითმკვლელობის წერამ...

არ თხოვდება;

არ ირთავს;

არ შობს;

შინ თურაშაული უხმება და სტეპებში არწყულებს მაჟალოს...

სანაშენედ ამრავლებს ჯორებს...

„თვითგამოცემულ“ წიგნთა ხვედრი მოგვხსენებათ: „შავი წიგნის“ ნამცეც-ნაფრხვენები შემდგომ სხვადასხვა ავტორებთან ვიხილეთ პირველწყაროს მიუთითებლად; „ასლი“ კი „დედანთან“ ყოველთვის როდია სწორი...

დროა ჩვენმა მკითხველმა მიიღოს სტამბურად გამოცემული „შავი წიგნი“ — მწარე სიმართლე ჩვენს „შავ ჭირზე“, რომელსაც ყავლი არ გასელია და, ჩვენი ბედოვლათობის ამბავი რომ ვიცი, ვაი რომ, არც ხვალ გაუვა. ეს წიგნი „ნავლელში ამონანები“ კალმით ინერებოდა, ამიტომაც არის შიგ ამდენი დარდი, რისხვა და, თქვენ წარმოიდგინეთ, „სიძულელიც“, რომელშიც, ილიასი არ იყოს, უნდა ვიგრძნოთ, „რაოდენიც სიყვარულია!“.

ბატონ კიტასაგან მსმენია — თუ რალაცამ გული არ მოგაყვანიხა, ვერაფერს დანერო.

„შავი წიგნი“ გაგულისებული, მეტიც ითქმის — განრისხებული კაცის ნაწერია... საზოგადოსა და საზოგადოებაზე განრისხებულისა.

ლუმინალით გაჭყეპილ ჩვენს საზოგადოებას, იქნებ, ამნაირმა „ფაზარხუთომ“ მაინც უნამლოს.

„ლიტერატურული საქართველო“, 16 ივნისი, 1989 წ.

ქალაუფლების სასდური

ცენზორი ძველ რომში სახელმწიფო მოხელეს ერქვა, ვინც მოქალაქეთა პოლიტიკურ საიმედობასა და, საერთოდაც, მათ ქცევას ზედამხედველობდა. დღეს ამ სიტყვის მნიშვნელობა დაეინროვდა და აღნიშნავს პირს, სა-

ხელმწიფო მეთვალყურეობას რომ ახორციელებს ბეჭდვით სიტყვასა და სა-
ჯარო გამოსვლებზე. შესაბამისი ფუნქციის დანეხებულებას ჩვენში შემოკ-
ლებულად „მთავლიტს“ ეძახიან.

არ მეგულება ლიტერატორი, მით უფრო — რედაქტორი, „მთავლიტთან“
რომ საქმე არ სჭეროდეს. გამონაკლისი არც მე გახლავართ.

ცენზორსა და ცენზურას, ჩვეულებრივ, პირქუში ასოციაციები უკავშირ-
დება, მაგრამ ჩვენ ხომ ვიცით — ცენზორი იყო არა მარტო ლუკა ისარლო-
ვი, ცენზორი გახლდათ „სამშობლო ხევისურისას“ ავტორიც.

მე, პირადად, „მთავლიტისაგან“ ყურადღების მეთი არაფერი მიგრძნია...

მტრისას „მთავლიტის“ ყურადღებაო, გაიფიქრებს გამოცდილი მკითხვე-
ლი... და — არცთუ უსაფუძვლოდ. მაგრამ ამჯერად ნამდვილ მოქალაქეობრივ
ყურადღებასა და მხარდაჭერაზე მოგახსენებთ ყოველგვარი ირონიის გარეშე.

არ დამავინყდება — ჩვენი ჟურნალი „ქართული ენა და ლიტერატურა
სკოლაში“ კონსტანტინე გამსახურდიასადმი მიძღვნილ ნომერს ამზადებდა.
ნომერი გაგვიჩერეს — მიზანშეუწონლად ცნეს მწერლის პირადი არქივიდან
მონოდებული ზოგიერთი მასალის პუბლიკაცია... და სწორედ „მთავლიტის“
რამდენიმე თანამშრომლის თავგამოდება რომ არა, მკითხველი მაშინ, 1982
წელს — „ნეტარი“ უძრაობის ხანაში, ვერ იხილავდა კონსტანტინე გამსა-
ხურდიას რისხვით სავსე წერილს „მაფალუსიტებისა“ და ახალი, კომუნის-
ტური დროების ვოსტორგოვ-პურიშკევიჩების წინააღმდეგ, აგრეთვე მრავალ-
მხრივ საგულისხმო ბარათს, მიწერილს საკუთარი ვაჟისადმი.

ამ ამბავს „მთავლიტის“ თავის მოსაქონად როდი ვიხსენებ; პირიქით, ვიხ-
სენებ ერთგვარი გულდანყვევით, ვინაიდან აღმოვაჩინე, რომ მათაც,
„მთავლიტის“ ღირსეულ თანამშრომლებსაც კი, თურმე, ზოგჯერ, ყალბად
გაგებული „მუნდირის ღირსება“ ანუ პატივმოყვრული განცდა ანუხებთ.

მაგალითი? ინებეთ:

ამას წინათ „ლიტერატურულ საქართველოში“ (17.6.89) მცირე წერილი
დავბეჭდე. წერილი ასე იწყებოდა:

„კიტა ბუაჩიძემ, ცნობილმა ქართველმა მწერალმა, თავისი „შავი წიგნი“
ქარგა ხნის წინათ დაწერა.

დაწერა უდროოდ დროს...

საერთოდაც, ბატონი კიტა „უდროოდ“ წერს ხოლმე — ნაწერის ბეჭდვა-
გამოცემის თვალსაზრისით.

ვერ ითვალისწინებს — დროის წინ „მოკუნტრუმე“ წიგნებს ან ცენზორი
„შეჭამს“, ან ცენზორისფერი რედაქტორი“...

ცენზორმა (დავაკონკრეტებ — „მთავლიტმა“) ამ კონტექსტში „ცენზო-
რისა“ და „ცენზორისფერი რედაქტორის“ მოხსენიება აკრძალა.

არგუმენტი ასეთი გახლდათ: კიტა ბუაჩიძის „შავი წიგნი“ „მთავლიტი“ წინ
არასოდეს აღსდგომიაო.

ცხადია, არ აღსდგომია... არ აღსდგომია თუნდაც იმ უბრალო მიზეზის გამო, რომ „მთაველიტამდე“ ანუ ოფიციალურ ცენზორამდე მას არც მიუღწევია. ცენზორები რომ მხოლოდ „მთაველიტი“ მსხდარიყვნენ, მაშინ ჩვენს ბედს ძალლი არ დაჰყვოდა. ვითომ ისეთი გულუბრყვილონი გავხდით, ველარ ვხვდებით, „ცენზორში“ რასაც ვგულისხმობდი? ცენზორი ჩვენში მართო „მთაველიტი“ არ ყოფილა, ცენზორი იყო პარტიული აპარატის მრავალსაფეხურიანი სისტემა: იქაც იჩებებოდა, იმიგნებოდა, ტყავდებოდა და იკოდებოდა ცოცხალი სიტყვა.

ეს ფუნქცია კი — სიტყვის, აზრის „გასტერილება“ — კაცმა რომ თქვას, „მთაველიტი“ ოფიციალურად არცა აქვს და არც ჰქონია; მას მხოლოდ სახელმწიფო-სამხედრო საიდუმლოების გაუმჟღავნებლობა ევალება ბეჭდვითი სიტყვის საშუალებით.

ისე, ამ ყბადაღებულმა „სახელმწიფო საიდუმლოებათა დაცვამ“ ერთი ეპიზოდი გამახსენა, ისევე „მთაველიტთან“ დაკავშირებული: გურამ რჩეულიშვილისადმი მიძღვნილ ნომერში („ქართული ენა და ლიტერატურა სკოლაში“, 1-2, 1985 წ.) საბეჭდად გავამზადეთ მწერლის გამოუქვეყნებელი თხზულება. იქ ასეთი ფრაზა ეწერა: „იჯდა ბერდია და იმ კაცის გამოვლას ელოდა, რომელიც ოცდახუთი წლით ციმბირში იყო გადასახლებული“.

„მთაველიტმა“ „ციმბირი“ ამოგვალებინა... ნკვპზე გადავრჩით, თორემ — ციმბირი რომ გადასახლების ადგილია, ხომ გავამჟღავნებდით ამ სახელმწიფო საიდუმლოს!

დღეს — სხვა დროა...

დღეს პრესასა თუ საჯარო გამოსვლებში ყველას და ყველაფერს აკრიტიკებენ... აკრიტიკებენ კი არა — ლამის თავზე ამხობენ...

განსაკუთრებული ეშხით უტევენ ავტორიტეტებს (მართო გამოგონილთ კი არა, ჭეშმარიტ ავტორიტეტებსაც... მათ — კიდევ უფრო მეტი დაგემოვნებით).

ვაკრიტიკებთ გორბაჩოვს...

ვაკრიტიკებთ პარტიას...

ვაკრიტიკებთ არმიას...

ეს ყველაფერი, თურმე, „შენაძლება“ და საჭიროც ყოფილა... მართო ჩვენ კი არა — ასე ფიქრობს, ეტყობა, „მთაველიტიც“; სხვანაირად ეს კრიტიკა ძველებურად სამზარეულოსა და ფრთხილი სატელეფონო საუბრის ფარგლებს ვერ გასცდებოდა.

მადლობა ამისათვის „მთაველიტს“, უფრორე — „მთაველიტის მთაველიტს“. ოღონდ ესაა — არ „შენაძლება“ მხოლოდ „მთაველიტის“ ვაკრიტიკება... ცხადია, პრესის საშუალებით ანუ „მთაველიტისვე“ ლოცვა-კურთხევით.

ვაკრიტიკება კი არა — მასზე გადაბრუნებული სიტყვის თქმაც სასხვათაშორისოდ.

მე, ყოველ შემთხვევაში, ასეთი სიტყვა არ მათქმევინეს.

მკითხველს ეთხოვ, სწორად გამიგოს: თვითონაც ვიცი — ის ავტორი არა ვარ, ჩემი ერთი ფრაზის ამოღება ამდენ ვაი-უშველებლად ღირდეს... მე „სხვა რამ მაშინებს, ისა ვთქვათ“:

კერძოდ —

„მთავლიტს“ ჰქონდა ძალაუფლება... ვფიქრობ, „მთავლიტს“ ახლაც აქვს იგი.

ძალაუფლება კი, თუ პოლ ვალერის ვერნმუნებით, მისი ბოროტად გამოყენების გარეშე მთელ თავის მომხიბვლელობას კარგავს.

დიდია საცდური.

ორი კვირის წინათ „მთავლიტმა“, ჩემი აზრით, ამ საცდურს ვერ გაუძლო.

თუ ჩემმა ამ რეპლიკამ დღის სინათლე იხილა, ჩავეთვალათ, რომ „მთავლიტი“ ძალაუფლების საცდურს დღეს უკვე აღარ ემორჩილება.

„ლიტერატურული საქართველო“, 30 ივნისი, 1989 წ.

პარიერისტი

მკითხველო, კარიერაზე, კარიერიზმსა და კარიერისტიკაზე მინდა გესაუბრო.

იმით დავიწყებ, რომ სიტყვა კარიერა, თავისთავად, ცუდსა და უარსაყოფს არაფერს ნიშნავს და არც „კარიერის გაკეთება“ ანუ გარკვეული თანამდებობრივი წინსვლა გახლავთ რაიმე ცოდვა... პირიქით, ნორმალურ ვითარებაში ამას უნდა ახერხებდეს მხოლოდ მიზანსწრაფული, ენერგიული, აქტიური ხალხი, ამგვარი თვისებები კი ყოველთვის სიქველედ ეთვლებოდა ადამიანს; ეთვლებოდა, ოღონდ ერთი პირობით: თუკი ეს თვისებები საზოგადოების ინტერესების სამსახურში იდგა; კარიერისტს, ჩვეულებრივ, არ აკლია ამგვარი თვისებები, მაგრამ მისი ენერგია და შემართება საკუთარი, პირადი ინტერესებისთვის იხარჯება. რახან კარიერისტი ეჩო-კაცია, იგი მკვეთრად უნდა გაიმიჯნოს კარიერის მკეთებელი მიზანსწრაფული, ენერგიული, აქტიური პიროვნებისაგან, ვინც თავისი საქმიანობით იმსახურებს საზოგადოების აღიარებას და, აქედან გამომდინარე, მას, თავისი შესაძლებლობისა და უნარის კვალობაზე, ამა თუ იმ სფეროში მართვის სადავეებს ანდობენ. ნათქვამია, დიდ ხომალდს დიდი წყალი სჭირდებაო და, როცა ამ დიდი ცურვის უნარი და შინაგანი რწმენა აქვს პიროვნებას, მისი სამსახურებრივი ზეალსვლა საზოგადოების შეგნებულმა ნაწილმა არ უნდა აღიქ-

ვას კარიერიზმად. ამგვარი კარიერის გაკეთებას, ზემოთქმულ ღირსებათა გარდა, მართვის ნიჭიც სჭირდება, ეს კი შემოქმედებითი, კონსტრუქციული ნიჭია. ამგვარი ნიჭი აუცილებელია კარიერისათვის...

ამგვარი ნიჭი არ სჭირდება კარიერისტობას...

კარიერიზმის არსს განსაზღვრავს ისიც, რომ ზემოჩამოთვლილი, თავისთავად დადებითი შინაარსის, ადამიანური თვისებები აქ ისე უკიდურესად მძაფრდება, ისეთ მახინჯ სახეს იღებს, რომ სიქველიდან ბოროტებაში გადაიზრდება ხოლმე: მიზანსწრაფულობა და ენერჯია მანიაკალურ ფანატიზმში გადადის, ობიექტურობა და მომთხოვნელობა — დაუნდობლობასა და სისასტიკეში, სიფრთხილე და წინდახედულება — ეჭვიანობასა და უნდობლობაში, გამბედაობა — ავანტიურიზმში, საკუთარი შესაძლებლობების რწმენა — თვითგანდიდების მანიაში...

კარიერისტი ინდივიდუალისტია და არც შეიძლება ინდივიდუალისტი არ იყოს ამ ცნების ყველაზე უარესი გაგებით. იგი ეწო-კაცია-მეთქი, მხოლოდ ერთი მიმართულებით, თავისკენ რომ მიითლის... მას არ შეუძლია ჭეშმარიტ თანამოაზრეთა შემოკრება, ნამდვილი გუნდის შეკვრა, მდგრადი, „ხანიერი“ კავშირების გაბმა. მისი დამოკიდებულება და კონტაქტები მუდამ კონიუნქტურულია და გათვლილია პირად სარგებლობასა და გამორჩენაზე. მიუხედავად იმისა, რომ კარიერისტი ზოგჯერ მრავალრიცხოვანი ურთიერთობების ქსელს აბამს, მისი ძაფები, ჩვეულებრივ, მტკიცე არ არის. იგი, ფაქტობრივად, უმეგობრო, უთანადგომო კაცია...

კარიერისტი ავადმყოფურად ეჭვიანია და არც შეიძლება ეჭვიანი არ იყოს. ერთხელაც გავიმეორებ — ნუ ავურევთ ერთმანეთში, ერთი მხრივ, სიფრთხილე-წინდახედულებას და, მეორე მხრივ, ეჭვიანობა-უნდობლობას. კარიერისტს, თვითდაკვირვებიდან გამომდინარე, ასე სწამს — ყოველი კარიერა თითქოს მხოლოდ კარიერიზმით მიიღწეოდეს. ამიტომ იგი ეჭვის თვალთ უყურებს ნიჭიერ, შემოქმედ, აქტიურ მუშაკს, მასში პოტენციურ მეტოქეს ხედავს და პიროვნულ საფრთხედ აღიქვამს მის წინსვლას.

აქედან გამომდინარე, კარიერისტი მავნებელია და არც შეიძლება მავნებელი არ იყოს: იგი, თვითგანდიდების ინსტინქტგამახვილებული, ყოველი საშუალებით უპირისპირდება პროგრესს და ცდილობს ჩაახშოს ჭეშმარიტი ნიჭიერებით აღბეჭდილი, აქტიური, ბრძოლისუნარიანი ძალები. კარიერისტი არა მარტო „წინ იხედება“ — ესე იგი, იგონებს ათას ხრიკს, რათა თავის წინ მდგომს მახე დაუგოს, რეპუტაცია შეულახოს; იგი გვერდზე და უკანაც გაფაციცებით იყურება — რომ იტყვიან, ტყავიდან ძვრება, რათა თავიდან მოიცილოს, მისი გაგებით, თავისი დღევანდელი თუ ხვალინდელი მეტოქე. რალას აღარ კადრულობს იგი ამ გზაზე — ცილისწამებით დანაყებულ, დამთავრებული პირდაპირი პროვოკაციით. კარიერისტს დამუშავებული აქვს მუშაკის, როგორც ამბობენ ხოლმე, „გასაფუჭებელი“ მთელი მექანიზმი,

რომლის ამოქმედებით იგი ცდილობს „საქმეები შეაქმნევინოს“ თავის მარიონეტებს სამიზნეში ამოღებულ პიროვნებაზე.

და, აქედან გამომდინარე, კარიერისტი დაუნდობელია და არც შეიძლება, დაუნდობელი არ იყოს. ისევე ხაზგასმით უნდა გავმიჯნოთ ერთმანეთისაგან, ერთი მხრივ, სიმკაცრე, მომთხოვნელობა და, მეორე მხრივ, დაუნდობლობა, სისასტიკე. კარიერისტი ისეთი მანიაკალური ვნებით მიელტვის სამსახურებრივ ზედასვლას, რომ ამ გზაზე იგი თვალის დაუხამხამებლად გადაჯეგავს ყველას და ყველაფერს: არა მარტო წმიდათანმიმდევრებსა და კატეგორიებს — სამართალს, ობიექტურობას, პატიოსნებას, ერთგულებას — არამედ ადამიანებს, თავის გუშინდელ თანამოსაგრეებს.

კარიერიზმი და კარიერისტი საზოგადოებრივად საშიში სენია, თანაც — გადაძვლები სენი: კარიერისტი კარიერისტსა შობს, რომელიც, სხვათა შორის, არცთუ იშვიათად, მისივე მესაფლავეც არის. მაგრამ ამით, სამწუხაროდ, კარიერიზმი როგორც მოვლენა კი არ ისპობა — ცალკეული კარიერისტები ცვივიან ავანსცენიდან.

კარიერიზმს — როგორც სოციალურად საშიშ მოვლენას — გარკვეული პირობები წარმოშობს. ეს, სამწუხაროდ, მარტო გუშინდელი ან სადღეისო მოვლენა არ გახლავთ და, თუ ვინმე ფიქრობს, კარიერიზმი ხვალ-ზეგ ამოიძირკებაო, ის ცდება — ვერც ადამიანის ბუნების სისუსტეებს ითვალისწინებს და ვერც ჩვენი სოციალური გარემოს სპეციფიკას. მაგრამ, მეორე მხრივ, კარიერიზმი ადამიანისა და საზოგადოების არც ფატალურ თანამდევად უნდა მივიჩნიოთ, თორემ ხალხს მასთან ბრძოლის ჟინის ნაცვლად აპათიისა და კარიერიზმთან შეგუების განცდა დაეუფლება... როცა კარიერიზმის სოციალურ ფესვებსა და საფუძველს მოვიძიებთ, მაშინ მასთან ბრძოლა უფრო შედეგიანი გახდება.

კარიერიზმის ერთ-ერთი მკვებავი წყაროა თანამდებობის გაფეტიშების საშიში ტენდენცია. თავს ნუ მოვიტყუებთ — რალა თქმა უნდა, ესა თუ ის თანამდებობა, როგორც პიროვნების საზოგადოებრივი შეფასება-დაფასების გამომხატველი, დიახაც უნდა იყოს სანუკველი მოქალაქისათვის, მაგრამ, დიდი ილიას პერიფრაზას თუ მივმართავთ, კაცი უნდა ამშვენებდეს თანამდებობას და არა თანამდებობა — კაცს. ვაჟკაცობაა, მაღალმოქალაქეობრივი შეგნებიდან გამომდინარე, დათანხმდე მნიშვნელოვანი თანამდებობრივი ტვირთის ზიდვას; არანაკლები ვაჟკაცობაა, ასეთივე შეგნებით უარი თქვა ამგვარ თანამდებობაზე. ჭეშმარიტი მოქალაქეც ის გახლავთ, ვინც საკუთარი უნარისა და გარკვეული თანამდებობის შესაბამისობას საზოგადოებრივი ინტერესებიდან ამოსვლით განსაზღვრავს: ამგვარი მაღალი მოქალაქეობრივ-სახელმწიფოებრივი შეგნების გამომხატველი გახლდათ ისტორიულად ცნობილი სპარტელი ფედერატუს სიტყვები, რომელსაც სამასთა საბჭოს არჩევნებში ხელი მოეცარა: მიხარია, რომ დავმარცხდი —

ჩემს საყვარელ ქალაქს სამასი ჩემზე უკეთესი მოქალაქე ჰყოლიაო. სწორედ ამგვარი საზოგადოებრივი შეგნება მოაშთობს კარიერიზმს და გააქრობს კარიერისტს.

კარიერისტი რომ ასე კბილებით ჩაჰფრენია თავის საყვარძელს, ამას თავისი ახსნა მოეძეება — ამ სავარძლის გარეშე იგი საზოგადოებრივად ნუ-ლია, არარაობაა: კარიერისტი ხომ პიროვნული ღირსებები, ნიჭი და ხიბლი არ გააჩნია. ამიტომაც მგონია უზუსტო გამოთქმა — „ნიჭიერი კარიერისტი“. ზემოთ უკვე მოგახსენეთ, რომ კარიერის გაკეთება სრულებითაც არ ნიშნავს კარიერისტობას. უამრავ ღირსეულ პიროვნებას დაგისახელებთ, რომლებმაც ბრწყინვალე მეცნიერული, არტისტული, სპორტული, პოლიტიკური კარიერა გაიკეთეს საზოგადოების სამსახურში ჩაყენებული თავიანთი ნიჭისა და ენერჯის წყალობით. კარიერისტი კი, პირიქით, საზოგადოება აქეთ უნდა თავის მსახურად გაიხადოს. ამიტომაც, რუსთველისა არ იყოს, „ნუვინ გარევთ ერთმანერთსა“ კარიერის გაკეთების ნიჭით დაჯილდოებულ ადამიანს კარიერისტში, მათ, მართლაც რომ, „შუა უზის დიდი მზღვარი“. ამიტომაც „ნიჭიერი კარიერისტი“ დაახლოებით ისევე უღერს, როგორც იუღერებს, მაგალითად, „ნიჭიერი ბანდიტი“ ან „ნიჭიერი დამსმენი“. კარიერისტი, პირველ ყოვლისა, სწორედ ნიჭიერების მტერია. ჭეშმარიტად ნიჭიერ და შემოქმედ ადამიანს კი საზოგადოება მხოლოდ მისი თანამდებობრივი სტატუსით როდი აფასებს, მეტიც ითქმის — ასეთი კაცი სტატუსის გარეშეც ფასდება. განა ცოტას ვიცნობთ ისეთ ღირსეულ პიროვნებას, ასაკისა თუ სხვა ობიექტური მიზეზების გამო ძალიან მნიშვნელოვანი პოსტი რომ დაუტოვებია და მაინც საყოველთაო პატივისცემით ყოფილა გარემოსილი?

თუმცა აქაც ზოგჯერ ვცოდავთ: ერთხელ, ბატონმა ნიკო მუსხელიშვილმა, ჩენი აკადემიის პრეზიდენტმა, მას შემდეგ, რაც დატოვა თავისი მაღალი სამეცნიერო პოსტი, იხუმრა — სანამ რეალური პრეზიდენტი გახლდით და საზეიმო სხდომებზე დასასწრებად არ მეცალა, დღეში 10 მოსაწვევი მაინც მომდიოდა. ახლა საპატიო პრეზიდენტი ვარ, სწორედ საზეიმო საღამოებზე დასასწრებადღა ვარგივარ, მაგრამ ერთი მოსაწვევიც აღარ მიმიღიაო.

სიტყვა „კარიერიზმი“ მომდინარეობს იტალიური *cariera*-დან და ნიშნავს „რბენას“. კარიერისტიც მირბის, წინ მიიწევს — ხან მიშლიგინებს, ხან მიცოცავს, ხანაც მიფორთხავს — სანუკვარი სავარძლისაკენ. როგორია ამ რბოლის ფინიში? ინფარქტისაგან გაგლეჯილი გული, მოყამული ხასიათი, უმეგობრობა და სიძულვილი შინ თუ გარეთ, სახიდან ჩამოგლეჯილი ერისკაცის ნილაბი და ნაჭიტლაცარზე დამლად დაკრული სახელი მედროვე გარენარისა.

გადაღებით!

ძველი წერილის ახალი წინათქმა

მკითხველს, ალბათ, ემახსოვრება, რა ცოდვისკითხვაც დატრიალდა გასული წლის ოქტომბერს მარნეულში — აზერბაიჯანელმა მოძალადემ ქართველი გოგონა გააუპატიურა. იმ დაძაბულ სიტუაციაში ცეცხლზე ნავთი გადაასხა ჩვენი რესპუბლიკის მაშინდელი უმაღლესი საბჭოს პრეზიდიუმის თავმჯდომარის, ბატონ პავლე გილაშვილის ერთმა განცხადებამ, რითაც იბღალღობდა ქართულის — როგორც საქართველოს რესპუბლიკის სახელმწიფო ენის — უფლებანი. ეს ამბავი გახმაურდა, ხალხი ადრტივინდა; რუსთაველის საზოგადოებას, ცხადია, თავისი დამოკიდებულება უნდა გამოეფლინა ქართული ენის სახელმწიფოებრივი სტატუსის ხელყოფის ამ აღმაშფოთებელი ფაქტისადმი. საზოგადოების პრეზიდიუმის რამდენიმე წევრმა გადაწყვიტეთ ეს ოფიციალურად, პრესის საშუალებით გაგვეკეთებინა; დავენერე ქვემოთ წარმოდგენილი „ღია წერილი“, იგი წინასწარ გავაცანი პრეზიდიუმის წევრებს, რომელთაც ხელმოწერით დამიდასტურეს თავიანთი თანხმობა წერილში გამოთქმულ მოსაზრებებზე (დარწმუნებული ვარ, პრეზიდიუმის წევრთა დიდი უმეტესობა მოანერდა ამ „ღია წერილს“ ხელს, მაგრამ ვჩქარობდით — გვინდოდა მასალა იმ კვირისავე „ლიტერატურულ საქართველოში“ დაბეჭდილიყო, ამიტომაც ყველას ვერ მივანდინეთ ხმა). „ლიტერატურული საქართველოს“ მთავარმა რედაქტორმა ბატონმა ელიზბარ ჯაველიძემ მართლაც ჩაასმევინა ნომერში „ღია წერილი“... მასალა აიწყო, ხუთშაბათს, გაზეთის გამოსვლის წინა დღეს, სვეტებში კორექტურაც წაეკითხე, გვერდიც შეიკრა და... უშუალოდ ბეჭდვის დაწყების წინ „ღია წერილი“ მაინც ამოიღეს გამზადებული ნომრიდან...

თუმცა „ღია წერილს“ ქართველი საზოგადოების ერთი ნაწილი მაინც გაცენო; ორიოდ დღის შემდეგ, ნოემბრის დამდეგს, რესპუბლიკის ხელმძღვანელობა და მათ შორის პავლე გილაშვილიც შეხვდა შემოქმედებითი და სამეცნიერო ინტელიგენციის წარმომადგენლებს. იქ — შეკრებას ხუთასი კაცი მაინც ესწრებოდა — ეს წერილი მე საჯაროდ წაუკითხე ადრესატს... მთელი შეხვედრა საქართველოს ტელევიზიამ ჩაინერა, ნაწილი ამ ჩანაწერისა გადაიცა კიდევ... ცხადია, ჩემი გამოსვლის გარეშე.

ასეთია ამ მრავალტანჯული წერილის ისტორია. დღეს მარნეულში და, საერთოდ, ქვემო ქართლში, კვლავ დაძაბული ვითარებაა. წერილში აღძრულ საჭირობოროტო საკითხებსაც, ვფიქრობ, ყველი არ გასვლია; მართალია, წერილის ადრესატს უკვე აღარ უკავია რესპუბლიკის პრეზიდენტის პოსტი, მაგრამ, ილიასი არ იყოს, „ჩვენ კერძო კაცთან საქმე არა გვაქვს,

ჩვენ საზოგადო ჭირზე ვნერთ" ... საზოგადო ჭირი კი, ვაი რომ, გაცილებით უფრო ძნელი მოსახდელ-მოსაცილებელია...

„ღია წერილს“ ანბანის რიგის მიხედვით ხელს აწერენ: რევაზ ამაშუკელი, აკაკი ბაქრაძე, ვახტანგ ბერიძე, მერაბ ბერძენიშვილი, ანა კალანდაძე, გუჩა კვარაცხელია, თამაზ კვაჭანტირაძე, რამაზ ჩხიკვაძე, სარგის ცაიშვილი, იოსებ ცისკარიშვილი.

თამაზ კვაჭანტირაძე, 7. 7. 1989.

ღია წერილი

საქართველოს სსრ უმაღლესი საბჭოს პრეზიდიუმის თავმჯდომარეს
პაველ გილაშვილს

ბატონო პაველ!

თითქმის თვე გავიდა მას შემდეგ, რაც გაზეთმა „კომუნისტმა“ (3.10.88) გვამცნო — რესპუბლიკის ერთ-ერთ ხელმძღვანელთაგანს საკუთარი თავისთვის უფლება მიუცია უმართებულო საჯარო განცხადებით კიდევ უფრო გაელევივებინა ის ვნებათაღელვა, რაც ამას წინათ მარნეულში დატრიალებულმა ტრაგედიამ გამოიწვია. ვინ თქვა და რა თქვა, უფრო კონკრეტულად არაფერი თქმულა არც მაშინ და არც მერე. ხალხმა კი იცის, ხალხმა გაიგო, რაც ითქვა მარნეულის რაიონის სოფელ ორჯონიკიძის მშრომელთა მიტინგზე. ითქვა კი შემდეგი:

„თქვენ, მარნეულის ქართველ მოსახლეობას, თურმე ის განუხებთ, რომ აქაურმა აზერბაიჯანლებმა ქართული არ იციან და არც ცდილობენ მის შესწავლას... თუ ისინი არ სწავლობენ ქართულს, თქვენ ისწავლეთ აზერბაიჯანული, თქვენ ცოტანი ხართ, ისინი კი ბევრნი არიან“...

და ეს განაცხადით თქვენ — საქართველოს სსრ უმაღლესი საბჭოს პრეზიდიუმის თავმჯდომარემ ანუ რესპუბლიკის პრეზიდენტმა პაველ გილაშვილმა.

ხალხმა ისიც იცის, რაც მოჰყვა თქვენს ამ განცხადებას — აღშფოთებულმა დარბაზმა საშუალება არ მოგცათ სიტყვა დაგემთავრებინათ, უმეტესობამ თავყრილობა მიატოვა, დარჩენილებს მაგარ-მაგრებიც უკადრებიათ თქვენთვის; მოკლედ, ის სიტუაცია შექმნილა, როცა ამბობენ — ორატორი ტრიბუნიდან ჩამოაგდესო. იმ, ფაქტიურად უმართავ, სიტუაციაში, ცხელ გულზე ბევრი მოუზომავე სიტყვაც ითქმოდა და გასაკვირი სულაც არ გახლავთ, თუ სიტყვიერ შეხლა-შემოხლაში თქვენ ყოვლად უგვანი სხვა გამონათქვამიც „მოგვენრათ“ — ბრბოს (!) დამაშოშმინებელ ხერხებსა და საშუალებებზე. ჩვენ არ გვინდა ამის დაჯერება — ყოველ შემთხვევაში, რაც საჯაროდ და

ოფიციალურად არ თქმულა, მას ბრალად ვერც წამოგიყენებთ, მაგრამ რაც ყველას გასაგონად გიბრძანებიათ, ისიც საკმარისი გახლავთ საიმისოდ, რომ თქვენ, თუ ოურიდიული არაა, ზნეობრივი პასუხი მაინც მოგვეთხოვოთ.

ალბათ, ძნელი მისახვედრი არ არის, რასაც ვგულისხმობთ ამ „პასუხის-გებაში“:

თქვენ, რესპუბლიკის უმაღლესმა კანონმდებელმა, დაარღვიეთ ძირითად კანონთა ქარტია, რესპუბლიკის კონსტიტუცია, რომელიც ქართულ ენას აკანონებს საქართველოს რესპუბლიკაში სახელმწიფო ენად. ქართული ენის ინტერესების დაცვა ჩვენი ეროვნული ინტერესების დაცვაც არის, ქართული ენის ინტერესების შელახვა კი — ჩვენი ეროვნული ინტერესების შელახვა. დედაენის წინაშე უცოდველი არავინა ვართ და, ნებსითა თუ უნებლიეთ, მის სინმინდეს ხანდახან ჩვენც ვბლაღავთ ხოლმე. ზნეობრივად მაინც ამაზე პასუხისმგებელი ყველანი ვართ და უნდა ვიყოთ, მაგრამ სხვაა, როცა კერძო მოქალაქე სცოდავს დედაენის სინმინდის დაცვის საქმეში და სულ სხვაა, როცა რესპუბლიკის პრეზიდენტი ლახავს ენის კონსტიტუციურ უფლებას.

ცხადია, რომელიმე სხვა ენის შესწავლისაკენ მონოდება, თავისთავად, არ ჩაითვლება დედაენის ინტერესების შელახვად. სხვათა შორის, ჩვენ, ქართველებს, ნაკლებად გვჭირდება ამის ქადაგება-შეხსენება. გაიარეთ, ბატონო პავლე, თუნდაც, ავლაბარში და ნახეთ, რამდენმა ქართველმა იცის სომხური... იციან ყოველგვარი მონოდებისა და დირექტივების გარეშე, იციან იმიტომ, რომ ქართველებს ძველთაგან მოგვდგამს სხვათა ენის, სხვათა რწმენის, სხვათა ეროვნების პატივისცემა... ეს ბუნებრივია... და კიდევ უფრო ბუნებრივია ის, რომ იმავე ავლაბარში თითქმის ყველა სომეხმა იცის გამართული ქართული. თბილისის „ჭრელ“ ეზოებში ქართველი ბავშვი რომ ზოგჯერ მეზობლის ენასაც აითვისებს, ეს თქვენი მონოდების გარეშეც მომხდარა და მოხდება, ბატონო პავლე. ხოლო თუ თქვენი ამის „დანერგვას“ დაგვიწყებთ, გვერწმუნეთ, საქმეს მხოლოდ ნაახდენთ. რადგან მეტნი არიან, თქვენ ალაპარაკდით მათ ენაზეო... თქვე დალოცვილო, მარნეულის რაიონის ქართველობას ურთიერთობა უხდება არა მარტო აზერბაიჯანლებთან, არამედ სომეხებთანაც, ბერძნებთანაც — და ზოგ რეგიონში ისინი რიცხობრივად სჭარბობენ კიდევ ქართველ მოსახლეობას. თქვენი ლოგიკით, რახან მეტნი არიან, მათთვის საჭირო და გამოსადეგი არ ყოფილა ქართულის შესწავლა, აი, ორჯონიკიძელმა და თამარისელმა ქართველებმა კი თურმე აზერბაიჯანულიც უნდა ისწავლონ, სომხურიც, ბერძნულიც... ბევრმა იცის კიდევ, ბატონო პავლე, თქვენი მონოდების გარეშე და თქვენს მონოდებამდეც იცოდა... უბედურება ეს კი არ არის, უბედურება ის გახლავთ, რომ თქვენ, რესპუბლიკის პრეზიდენტი, ჩვენ, ქართველებს, სხვა, ჩვენში მოსახლე, ერებთან ურთიერთობის პრინციპად გვიხდით მათი ენის ცოდნას.

თანაც ეს მეტნაკლებობის საკითხი ფრიად გაურკვეველია; რას ნიშნავს,

მეტნი არიან და ამიტომ მათი ენა უნდა ვისწავლოთ? მაინც, სად არიან მეტნი — ეზოში? უბანში? სოფელში? რაიონში? ქალაქში? რესპუბლიკაში? რამდენადაც ვიცით, ენა ეზოშიც მოიხმარება და მთელ ქვეყანაშიც. ხოლო ერთაშორის ურთიერთობის ენობრივ პრინციპად ის კი არ უნდა გავიხადოთ, რომელ ეზოში ან თუნდაც რაიონში ვინ რამდენია, არამედ რომელ რესპუბლიკაში ვცხოვრობთ და რომელია ამ რესპუბლიკის ენა. რამდენადაც ვიცით, ჯერჯერობით მაინც, საქართველოს რესპუბლიკაში მეტნი ჩვენ, ქართველები ვართ. მარნეულიც, ისევე როგორც ახალქალაქის, ახალციხის, ბოგდანოვიკის, ნალკის, ბოლნისის, დმანისისა და გარდაბნის რაიონებიც, ღვთის მადლით, სამისდღეშიო ქართული მინაა და ამ მინაზე მოსახლე ქართველს, ისედაც გართულებულ დემოგრაფიულ პირობებში მაცხოვრებელს, მოქალაქეობრივი უღელი არამც და არამც არ უნდა დაუშვძიმოთ, როგორც ეს თქვენ მოგიანდინებიათ, ბატონო პაეღე!

რაც თქვენ მარნეულში განაცხადეთ, ეს ყოვლად შეუწყნარებელია უთხრას საქართველოს რესპუბლიკის პრეზიდენტმა საქართველოში ქართველ მოსახლეობას. ასეთი რამ შეეძლო ეთქვა მხოლოდ აზერბაიჯანის პრეზიდენტს ქართველებისათვის, ისიც მაშინ, თუ ისინი აზერბაიჯანს შეეკედლებოდნენ, მათ ისტორიულ მინა-წყალზე დასახლდებოდნენ და უარს იტყოდნენ შემკედლებელთა ენის შესწავლაზე.

პრეზიდენტად თქვენს მოხსენიებაზე, ბატონო პაეღე, ზოგს, შესაძლოა, ირონიულადაც გაეღიმოს — გეახსოვს, როდის ავირჩიეთ და როგორც ავირჩიეთო. ეს, ცხადია, მარტო თქვენ არ გეხებათ — გვეხება თითქმის ყველას, ვინც არჩევით თანამდებობაზე ვმუშაობთ. თქვენც, ალბათ, ამომრჩეველთა 99 მთელმა და 99 მეასედმა პროცენტმა მოგცათ ხმა. დღეს რომ არჩევნები ისე ჩატარდეს, როგორც ამას დემოკრატია და საჯაროობა მოითხოვს, ასე გვეგონია, სურათი დიამეტრალურად შეიცვლებოდა. ამას ადასტურებს თუნდაც სრულიად საქართველოს რუსთაველის საზოგადოების პირველადი ორგანიზაციების მძაფრი რეაგირება თქვენს უმართებულო, მეტიც ითქმის — უპასუხისმგებლო განცხადებაზე.

გვერნმუნეთ, ბატონო პაეღე, ჩვენთვის ადვილი არ ყოფილა ამ წერილის დანერა... თქვენს პიროვნულ პატიოსნებასა და მოუსყიდველობაში ჩვენ ეჭვი არ გვეპარება. საზოგადოებაში, სადაც რამიდოვ-მედუნოვისმაგვარ მაფიოზებს, როგორც ილია ბრძანებდა, „დიდი ავალა“ და გასაქანი აქვთ მიცემული, ესეც, უდავოდ, საქმეა... მაგრამ ისიც უნდა ითქვას, რომ სახელმწიფო მოღვაწისათვის პიროვნული მოუსყიდველობა და პატიოსნება აუცილებელი, მაგრამ არა საკმარისი თვისება გახლავთ, მით უფრო, თუ ეს პატიოსნება წინ ვერ აღუდგება სხვათა უკანონობასა და უპატიოსნობას — გაიხსენოთ თუნდაც ის ფაქტი, რომ აფხაზეთში მინისტრთა საბჭოს თავმჯდომარედ თქვენი მოღვაწეობისას უკანონოდ გაიცა, უფრო სწორად, დაიყიდა

ზღვისპირა რაიონებში ჩვენი ისტორიული მინები, და ეს მინები არც ქართ-
ველებს და არც აფხაზებს არ შეუძენიათ...

ნურც იმას დაგვაბრალებთ, რომ რომელიმე ჩვენგანი თქვენ პიროვნუ-
ლად გისწორებდეთ ანგარიშს... ამ ღია წერილის დასტამბვა უფრო სხვა-
თათვის, ყოველი ჩვენგანისათვის, საგულისხმო აქტად მიგვაჩნია — საჯა-
როობა ყველას და ყველაფერს უნდა შეეხოს. მისი გამოქვეყნებაც არ გვიჩ-
ქარია, ველოდით, რა ნაბიჯს გადადგამდით თქვენი ღირსების გადასარჩე-
ნად. ამოო გამოდგა ჩვენი მოლოდინი. მცირე ხნით გაუჩინარდით, ახლა კი
კვლავ და კვლავ გაიელვა თქვენმა ენერგიულმა, გაბადრულმა სახემ ტელე-
ეკრანზე... არადა, უცხოელთა დელეგაციების მიღება-გასტუმრებამდე
აჯობებდა თქვენს ამომრჩეულებს შეხვედროდით, განგემარტათ და, თუ სა-
ჭიროდ ჩათვლიდით, უკანაც წაგელოთ თქვენი ნათქვამი. თქვენ კი ამ ამბავს
ნაუყრუეთ — ეტყობა, რიგით, ჩვეულებრივ მოვლენად ჩათვალეთ იგი.

ჩვენ კი თქვენი გამონათქვამი და, საერთოდ, ამ საკითხში თქვენი პოზი-
ცია მისაჩუმებელ ამბად არ მიგვაჩნია, ამიტომაც საჯაროდ და პირდაპირ
გეტყვით სათქმელს: თქვენს ღირსებას, როგორც რესპუბლიკის პრეზიდენ-
ტისას, ველარაფერი გადაარჩენს, მაგრამ რიგითი მოქალაქის ღირსება კი
შეიძლება შეგინარჩუნოთ იმან, თუ თქვენივე ნებით იტყვით უარს თქვენთ-
ვის გაუსაძლის ტვირთზე — საქართველოს სსრ უმაღლესი საბჭოს პრეზი-
დიუმის თავმჯდომარის პოსტზე.

„ლიტერატურული საქართველო“, 14.7.1989

მერაბ კოსტავა — კასი-იღვა

26 მაისს დაიბადა მერაბ კოსტავა.

26 მაისს ხელახლა იშვა დამოუკიდებელი საქართველო...

არის, უდავოდ არის იდუმალი კავშირი დრო-სივრცეში თითქოსდა შემთ-
ხვევით გადაკვეთილ ამ ორ მოვლენას შორის.

მერაბ კოსტავა უკვე აღარ არის საქართველოსთვის ოდენ კაცი ხორციე-
ლი — ვისამე შეილი, მამა, მეუღლე ან მეგობარი.

მერაბ კოსტავა არის კაცი-იღვა.

ამ იღვას თავისუფლება ჰქვია.

თავისუფლების იღვის რევიზია კი მკრეხელობაა.

მაქვს მიზეზი ამის თქმისა.

გაგახსენებთ: მერაბ კოსტავას მთანმინდაზე ასვენება მაშინდელი ჩვენი

საზოგადოების ერთი ნაწილისათვის, მეტი რომ არა ვთქვათ, მოულოდნელი იყო. მაშინ ტელევიზიით განვაცხადე და ახლაც გავიმეორებ ურწმუნო თომათა გასაგონად — ეს პატივი მერაბს მიეგო როგორც დიდ მოსაქმეს, როგორც მამულის იდეით შეპყრობილს, როგორც ქართული დისიდენტური მოძრაობის გადამრჩენელს, როგორც საქართველოს თავისუფლებისათვის თავგადასხვად კაცს-ზვარაკს.

ისიც ვთქვი: ჩვენს ცნობიერებაში მერაბ კოსტავა უკვე აღარ აღიქმება კერძო კაცად — იგი გარკვეულ იდეად იქცა. მთანმინდაზე მისი ამაღლებით ქართველმა ერმა პატივი მიაგო თავისუფლების იდეას, რომლის ყველაზე სრულყოფილ განსხეულებად მერაბ კოსტავა წარმოჩნდა-მეთქი.

განმეორება ყოველივე ამისა დღეს იმიტომაც მგონია საჭირო, რომ აქაიქ დიდად უკეთური სურვილი აბოგინდა: წინა ხელისუფლების ყველა ცოდვა ეროვნულ-განმათავისუფლებელ მოძრაობასა და თავისუფლების იდეას აპკიდონ.

ხელისუფლება, ჩვეულებრივ, ამა თუ იმ იდეას ლელვის ფოთლად აიფარებს ხოლმე წინ.

ასე მოხდა ჩვენშიც.

ცოდოა, ხელისუფლების ცოდვა იდეას დაჰბრალდეს.

ან — ამ იდეის განსხეულებას!

მერაბი — კაცი-იდეა — ემსახურება საქართველოს და არა რომელიმე ხელისუფლებას.

„დრონი“, N 20 (85), 23 მაისი, 1992 წ.

დეწილოგიდან — მღვწირობაზე

ნერილი ზვიად გამსახურდიას, 6 ივნისი 1990 წ.

ზვიად!

„ძმავ თამაზ“-ო, მწერდი შარშან ზაფხულში ერთ მცირე ბარათში. ვწუხვარ, რომ ასეთი თავაზიანი მიმართვითვე ვერ გიპასუხებ. ვერ გიპასუხებ იმიტომ, რომ, შენგან განსხვავებით, „ძმავს“ და „ჩემოს“ მხოლოდ ფორმალურ კლიშედ, მარტო სიტყვის მასალად ვერ ვიხმარ.

ამთავითვე გეტყვი: რა სივერაგეც უნდა იკისრო პირადად ჩემ მიმართ, ვერც პიროვნულ ღირსებებს და ვერც საზოგადოებრივ ღვაწლს ვერ დაგიკარგავ. ინფორმატორთა (გინა — მსტოვართა) ფართო ქსელი გემსახურება და,

თუ თავიანთ მოვალეობას პატიოსნად ასრულებენ, მაშინ გეცოდინება: საჯარო შეხვედრებზე, ფართო აუდიტორიის წინაშე მე შენი ღირსებები და ღვაწლი ყოველთვის და სრულად (იქნებ — ზედმეტად სრულადაც!) წარმომიჩენია. და — არა მარტო შენი. მე იმ ელემენტარულ ზნეობრივ კანონს მივსდევ, რომ ზურგსუკან, დაუსრებლად კაცზე საზოგადო თავყრილობისას აუგი არ უნდა თქვა, მით უფრო — ცილი არ უნდა დასწამო და მსჯავრი არ გამოუტანო; ვუცხადებ კიდევ აუდიტორიას — არდამსწრეზე ან კარგი, ან არაფერი. ამ პრინციპს, ჩვეულებრივ, ან პატარა კაცები არღვევენ, ან კეთილისა და ბოროტის მიჯნას გაბიჯებული ზეკაცები... ან ის, ვისაც ასეთად წარმოუდგენია თავი.

შენც, ეტყობა, კეთილისა და ბოროტის მიღმა დაიგულე თავი და იმასაც კი კისრულობ, რაც სტალინ-ბერიას არ უკისრიათ: დაუსწრებლად ასამართლებ ხალხს. ზურგს უკან ჩემი განქიქება ხალხით გაჭედით თეატრში რა მოსატანია, როცა იქვე, ახმეტელის თეატრში, რეზო და თამარ ჩხეიძეები მერაბ კოსტავას მკვლელობის ორგანიზატორებად დასახე; ჭაბუა ამირეჯიბი ქართველი ერის მტრად გამოაცხადე — მან ზურგში მახვილი ჩასცაო საქართველოს... აკაკი ბაქრაძე კი, თურმე, ის კაცი ყოფილა, ვინც ცეკას შანტაჟს ემორჩილება... ჯაბა იოსელიანის მაფიას თურმე აფხაზეთში გადაუწვავს კონსტანტინე გამსახურდიას აგარაკი... ამავე მაფიასთან ყოფილან თურმე დაკავშირებული ფორუმის კოლაბორაციონისტები ჭანტურიასა და წერეთლის მეთაურობით. „მკვლელი“, „მოლალატი“, „მტერი“, „კოლაბორაციონისტი“, „მაფიოზი“, „აგენტი“ — ზონაში ნამყოფ კაცს* არ გესწავლება, ეს ბრალდებები რასაც ნიშნავს. რა დამსახურებისათვის, როდიდან და ვინ მოგანიჭა უზენაესი მსაჯულის როლი? ბარემლა „სროკებიც“ ჩამოგერიგებინა, თუმცა რის „სროკი“, უმეტესობა ხომ „ეიშკას“ — უმაღლეს ზომას, სიკვდილს — დაიმსახურებდა. შენი ხელიდან ეს ხალხი მაინც სასიკვდილოდაა განწირული; შენგან წასისიანებულმა ბრბომ კი შეიძლება მართლაც დაიდოს ცოდო და უბრალოთა სისხლი მარტო ქვის მსროლელს კი არ დაეძება — ნამქეზებელსაც.

შენ რომ მდივანბეგ-მოსამართლეობა დაიწყე, შენმა თანმხლებმა პოეტმა** რაიკომის მდივნად თუ ცეკას განყოფილების გამგედ წარმოიდგინა თავი — რა გეგმები გაქვსო, რომ ჰკითხეს, უახლოეს ხანებში თეატრალური ინსტიტუტის რექტორი უნდა მოვხსნაო... და ტამიცი დაიმსახურა. ნუთუ არავის შეგრცხვათ — სცენაზე ხომ ღირსეული პიროვნებებიც იხსდნენ; ალბათ — დარბაზშიც. ნუთუ ეროვნული მოძრაობა ისევ პირადი ინტერესებისა და შურისძიების ბინძურ კალაპოტში გინდათ გადაადგოთ? ღმერთმა ხომ იცის, ამას პირველად არ გეუბნები; იქნებ გაიხსენო, მერაბი რომ გამოვიდა, კოტე გაბაშვილის მანქანაში გითხარით ორივეს: „ოქროს სანძისმა“

* უნებლო შეცდომაა; ზ. გამსახურდია არასოდეს მჯდარა „ზონაში“ ანუ მისჯილთა ბანაკში, თუმცა წინასწარი პატიმრობისას მას ციხეში ყოფნა კი მოუწია (რედ. შენიშვნა).

** გურამ პეტრიაშვილი (რედ.).

და, საერთოდ, თქვენმა გამოცემებმა დიდი საქმე გააკეთა, მაგრამ ყველა-ფერი ნახდა, როცა მის ფურცლებზე პირად ანგარიშსწორებას მიჰყავით-მეთქი ხელი; ინტელიგენცია სხვანაირად დაგიდგებოდით გვერდით, იმდენი მოღვაწე კაცი დაუსაბუთებლად რომ არ გაგელანძლათ და სუკ-ის აგენტებ-ბად არ გამოგეცხადებინათ, ამით ის ტოტი მოვჭერი, რომელსაც უნდა დავემაგრებინეთ-მეთქი. მერაბი დამთანხმდა, შენც — თითქოს... მაგრამ ახ-ლაც რომ ამასვე განაგრძობ?

მე ვიცი ყოველივე ამის მიზეზი — ეს მხოლოდ შენი „ექვიანობის სინდ-რომის“ გამოვლენა როდია; ზნეობრივ ავტორიტეტთა დამხობა არის საქმა-ოდ ცნობილი, მაგრამ უზნეო პოლიტიკური ბრძოლის ტაქტიკა, უზნეოსი, რამდენადაც გლობალური ექვიანობისა და უნდობლობის თესვა მარტო და იმდენად სისტემას კი არ არყევს — საზოგადოების ზნეობრივ ატმოსფეროს ამღვრევს და რყვნის. ასეთ ატმოსფეროში ეჭვის ბაცილა ბუმერანგვით უბრუნდება ამ სენის გამავრცელებელ წყაროს. იმდენი და იმდენზე იძახე, სუკ-ის აგენტი (სხვათა შორის, ღირსეულ ხალხზეც, რითაც მართლაც რომ დიდი რეკლამა და სამსახური გაუწიე სწორედაც სუკ-ს), რომ საზოგა-დოების ერთი ნაწილი სწორედ შენს აგენტობაში და პროვოკატორობაში და-აეჭვე; ზოგი — სულაც დაარწმუნე. მარტო სუკ-ს ნუ დააბრალებ ამ ხმებს, სუკ-ზე მეტად ეს ჭორი (მე ასე მწამს, ასე მიწადა ვინამო, რომ ეს ჭორია) შენ თვითონ დაუყარე შენი ქმედებით შენსავე თავს. ერთი კია — არსებობს „ნა-ფიცი“ აგენტი, მაგრამ არიან უნებლიე აგენტებიც და, ვაი რომ, ამ როლში ჩაიყენე თავი. გაფრთხილდი, ჩვენზეც და შენზეც უფრო ჭკვიანი და ვერაგი ძალა, შენს პატივმოყვარეობაზე მოთამაშე, შენი, მერაბისა და სხვა ბიჭები-საგან აგორებული ეროვნული მოძრაობის ახალი ტალღის დამშლელად შენ-ვე გიყენებს. გურამიშვილისა არ იყოს, რა საქმეს მისდექ, არ დაგრჩა ის საქ-მე ნაუხდომარე; ეროვნული მოძრაობის ერთიანობას ვგულისხმობ: ილია ჭავჭავაძის საზოგადოება დაშალე, ილია მართლის საზოგადოება დაშალე, ეროვნული ფორუმი დაშალე, ახლა ეროვნული კონგრესის დაშლას ლამობ. რაღას ინატრებდა სუკ-ი ამაზე მეტს? ნუ გინდა სუკ-ისაგან თავდასაცავად პირადი დაცვა, სუკ-ი, ეტყობა, იქით დაგიყენებს დაცვას, თუ სიტყვით აგი-ნებ, საქმით კი მის საქნელსა იქმ.

უაზრობაა, ალბათ, ჩემი მხრივ, დაუნდობლობა გისაყვედურო; ზეკაცია-სათვის, რადაც შენ (ასე ჩანს!) საკუთარი თავი დაგისახავს, დაუნდობლობა ცოდვა კი არა, მიუცილებელი ატრიბუტია. და მაინც გეკითხები: შეიძლება განა ჭეშმარიტი ქრისტიანი ესოდენ დაუნდობელი და განუკითხავი იყოს, თუნდაც, თამარ ჩხეიძის მიმართ? ხშირად მოიხმობ მერაბის წმინდა სა-ხელს, მაგრამ რას ეტყვი მის სულს, როცა „მივალთ მას საუკუნოსა“? შენი უახლოესი მეგობარი, დისიდენტი თამარ ჩხეიძე, შენთან ერთად ავარიამი მოხვედრილი და სიკვდილს ბენეზე გადარჩენილი, სუკ-ს დაეაჭერინე? ყო-

ველ შემთხვევაში, ვცდილობდი დამეჭვებინებინაო? როდის გახდი დამჭერი? შენი ძალა მაშინ იყო, როცა დევნილი იყავი, ყოველ შემთხვევაში, დევნილად გამოიყურებოდი; როცა მცველები დაიყენე და მდევარი გახდი, სწორედ მაშინ დაკარგე ძალა... ხვალ კიდევ უფრო დაკარგავ, თუ თვითმარქვია პროკურორისა და ზნეობრივი ჯალათის ხელობაზე ხელს არ აიღებ. საზოგადოებამ ხომ იცის, რატომაც სდევნი თამარ ჩხეიძეს; ნუთუ არ გაცბუნებს — გინდა დააჭვრიხო ის, ვინც მანქანას დაუნვა, შენ რომ არ დაეჭვრით. ეტყობა, რალაც ისეთი ცოდვა იცის შენი თამარმა, რომ გეშინია მისი არსებობა-მოღვაწეობისა, მას კი, ასე ჩანს, შენი არ ეშინია.

ბარემ აქვე გეტყვი, რაც, კაცმა რომ თქვას, ისედაც უნდა იცოდე ჩვენი მრავალწლიანი ნაცნობობის შედეგად: არც მე ვარ ტერორის შიშით შენს ჭკუაზე დამროკებელი კაცი. შენთან ურთიერთობაში დღეისამასიქით ძველი ალტემისეული სამართლებრივი პრინციპით ვიხელმძღვანელებ: თვალი თვალისა წილ, კბილი კბილისა წილ. ოღონდ დღეს კი მაინც ახალი ალტემისეულ პოზიციაზე დავდგები: ცხადია, მე მქონდა ზნეობრივი უფლება შენი უხამსი საჯარო ცილისწამება ასევე საჯაროდ გამებათილებინა. ამჯერად ამას არა ვიქმ. ამიტომ გწერ პირად წერილს და ვატან ყოვლად სანდო კაცს. ნაიკითხე, განსაჯე და გადანყვიტე ჩვენი მომავალი ურთიერთობის სახე. წერილის დახვეწა-დანვას კი ნუ იჩქარებ — ვოლანდისა არ იყოს, „ხელნაწერები არ იწვის“.

თამაზ კვაჭანტირაძე

P.S. ...სამადლო საქმეს ვერ დაგივინებ — შენგან მოწოდებულმა საარქივო მასალამ დაამშვენა შენი დიდი მამისადმი მიძღვნილი საგანგებო ნომერი ჩვენი ჟურნალისა. მეუხერხულება ამაზე ლაპარაკი, მაგრამ ხომ შენი თვალით ნახე, რა სიყვარულითა და რუდუნებით ვიმუშავეთ მთელმა რედაქციამ... მაგრამ არა, შენ ეს ვერ დაინახე, არ დაინახე — შენ იქ დაინახე მხოლოდ ერთი კორექტურული შეცდომა („ბახის პა[ნ]სიონები“) და ვერ დაინახე, რომ იმ დროს, როცა შენ გარიყული იყავი საზოგადოებისაგან ყბადაღებული მონანიების გამო, ხოლო რედაქციათა კარი დღევანდელივით ფართოდ არ გეღებოდა, ჟურნალში დაბეჭდვით შენდამი მოწერილი წერილი და ფოტო, სადაც შენც იყავი გამოსახული. ისიც დაგავინყდა, უფრო სწორედ დაივინყე, რომ მე შენ, ძველ ამხანაგს, ანგარიში გაგინიე და იმეამად საჭიროდ არ ჩავთვალე ქალბატონ ნათელა გამსახურდიას მოწოდებული საარქივო მასალის დაბეჭდვა — სამომავლოდ გადავდე. სხვათა შორის, არც შენს მონანიებებს და არც „სანმისში“ გამოქვეყნებულ ზოგიერთ ბეზლობასა და „ტექნიკურ ჩამეხებას“ ისე არ გაეულიზიანებოვარ (რა ვუყოთ, თუ ყველა ვერ ვიქნებით, არც შეიძლება ვიყოთ, მერაბ კოსტაევი; მე რა უფლება მაქვს შენი მონანიების განსჯისა, როცა მსგავს ვითარებაში არ მოგხვედრილვარ), როგორც შენს მაშინდელ მტკიცებას — ნათელა არ არის კონსტანტინეს შვილიო. კი მაგრამ, შენზე მეტად რომ ჰგავს მამა-

შენს-მეთქი, რომ გკითხე, წარბეუხრელად მიპასუხე: ცნობილი ამბავია, ერთად ცხოვრებით ადამიანები ერთმანეთს ემსგავსებიანო. მაშინ მივხვდი, რომ გაცილებით რთულად იყო საქმე, ვიდრე მეგონა.

იმ ჟურნალით ჩვენ შეძლებისდაგვარად მოვიხადეთ ვალი დიდი კონსტანტინეს წინაშე. გაუფრთხილდით მის სახელს — ამიტომაც ამოვიღე სიმონ ჯანაშიასადმი მიწერილი მეგობრული წერილიდან იდიოზური პირის გვარი, რომლითაც ბატონი კონსტანტინე იწყებდა თავისი სულიერი მოძღვრებისა და გზის გამკაფავთა ჩამოთვლას. სხვათა შორის, შენ მიერ „ცეკას აგენტად“ ჩემს გამოცხადებას ალბათ ისიც უძევს საფუძვლად, რომ მე ახლო ვიცნობ ზოგიერთ პირს რესპუბლიკის ძველსა თუ ახალ ხელმძღვანელთაგან, თუმცა — არა ისე ახლოს, როგორც იცნობ შენ. მაგრამ შენ ხომ საკუთარ თავს განსაკუთრებული არშინით ზომავ. შენ თურმე შეგიძლია ცეკას მდივნებთან და მთავრობის წევრებთან ურთიერთობა, სხვებისთვის ეს დანაშაული ყოფილა. მათთან კი არა, ნაფიც „კაგებუშნიკებთან“ ურთიერთობ (გაიხსენე, რაც გითხრა ჯუმბერ კოპალიანმა „გასამართლებაზე“), მერაბის დედას კი სუკ-ის აგენტებისადმი სიმპათიებზე შეგიძლია გადაუკრა სიტყვა. ნუ გგონია, რომ რამე იმალებოდეს. მე მერაბთან ვახლობლობდი და შენი ქვეგამხედველობაც ჩემ მიმართ, ჩემი დისკრედიტაციის მცდელობა მის თვალში განა არ ვიცოდით? ისიც მითხრეს, ნოემბერში მოშიმშილეთათვის კერძო საუბარში რომ გითქვამს, აკაკი ბაქრაძე, თამაზ კვაჭანტირაძე და თემო გოცაძე პროვოკატორები არიანო. მაინც არ ვიჯერებდი, თავს ვიტყუებდი, ახლა კი ჩემი ყურით მოვისმინე ფირზე ჩანერილი შენი „ვერდიქტი“ ახმეტელის თეატრში.

რას იზამ, ეტყობა, ზოგს მადლიერებისა და სიკეთის აღქმა-დამახსოვრების ორგანო ატროფირებული აქვს...

თ.კ.

კრებულიდან — „სიმართლე ზვიად გამსახურდიას შესახებ“, თბ. 1998

ვაგლას, უკვდავი

პიროვნება ხასიათია. ეს ხასიათი იკვეთება, ერთი მხრივ, მისი ქმედების, მეორე მხრივ — აზროვნება-მეტყველების საფუძველზე. მაგრამ კაცი რასა იქმნა და რას ამბობ — ეს საკითხის ერთი მხარეა; სხვანი როგორ აღიქვამენ შენს ქცევა-მეტყველებას — ეს მეორე, არანაკლებ მნიშვნელოვანი. წინააღმდეგობრივი შეიძლება აღმოჩნდეს არა მარტო შენი ნათქვამი შენსავე ნაქნართან,

არამედ მოვლენათა სხვისეული აღქმა-შეფასება — შენეულთან. ამგვარი წინააღმდეგობა ზოგჯერ ტრაგიკულია, ზოგჯერ — კომიკური, ხშირად კი — ტრაგიკომიკური: პიროვნებას გააჩნია. ერთი ამგვარი ტრაგიკომიკური პიროვნების ხასიათი მინდა გამოვეყვითო სწორედ ამ ხერხის მოხმობით — რას ამბობს თვითონ და რას ამბობენ მასზე; როგორ იქცევა და როგორ ექცევიან. წინდანინვე მოგახსენებთ, მისი ყოველი გამონათქვამი, რომ იტყვიან, დოკუმენტური სიზუსტით გახლავთ დაფიქსირებული; ასევე — სხვათა გამონათქვამები მის შესახებ. ამიტომაც ისინი ყველგან ბრჭყალებში ჩავსვი; უფრო მეტიც, რათა მკითხველმა შეამომნოს ციტირების სიზუსტე, ყოველი გამონათქვამის შემდეგ ფრჩხილებში ვუთითებ მოხმობილი წყაროს შესაბამის გვერდს.

დავინყოთ იმით, რომ ეს პიროვნება თაღლითია; სიცრუესა და სხვებისთვის თვალში ნაცრის შეყრაზე ამკვიდრებს თავის მეობას: ამიტომაც შეუთხზავს თავისი წარსული და მიუწერია არარსებული დამსახურებანი; თავი იდებს ზეარაკად, ხალხისათვის წამებულად გაუსაღებია: „მე ხალხისთვის ვწვალობ ამ ქვეყანაზე“ (28)... „ქვეყანას რომ ეძინა, მე მაშინ ვმუშაობდი“ (49)... „ხომ კარგად იცით, რაც მე ხალხისთვის წვალება გადამხდა“ (50).

სხვათა შორის, იგი ახერხებს ხალხიც დააჯეროს ამ თავის მონამეობაში; ცხადია, ამაში სხვებიც, მისი სახელის გაბუქებაზე ხელის მომთბობნიც, ეხმარებიან; მოუსმინეთ, როგორ წარადგენენ მას ერთ-ერთ საჯარო გამოსვლისას: „დღეს ჩვენ მოვისმინეთ უუნამებულესი კაცის მხურვალე სიტყვას“ (55).

დროისა და ვითარების გამო აღზევებულს, ეს მედროვე მლიქვნელები დაფნის ნაირ-ნაირ გვირგვინებს უწნავენ. ერთი გმირს ეძახის: „თქვენისთანა გმირს საკადრისად ისტორია დააფასებს“ (69); მეორე — წმინდანს: „ო, თქვენ ვერ ხედავთ თქვენს სიმალლეს, თქვენ არ იცით, სად მიგიყვანათ თქვენმა წმინდა ცხოვრებამ, სად, სად...“ (43); მესამე ლამის უფლად შერაცხა, თავისი თავი კი წინასწარმეტყველად წარმოიდგინა: „მე წინასწარმეტყველივით ვხედავ თქვენს სახეში უდრეკ ძალას... თქვენ იქნებით სახელმწიფოს უფალი“ (73). სხვათა შორის, მამებლები თავიანთ თავსაც არ იეინყებენ და მისი დიდების წამცვრევეებს ხარბად ბოჭავენ: „ჩვენს სურათებს ოთახში ჩამოპკიდებენ იმის ნიშნად, რომ ჩვენ მათი (ე.ი. ხალხის) მინიერი ცხოვრება გვაჯავციურეთ“ (74).

ხალხისთვის ამ „უუნამებულეს“ კაცს კი თავისი შეხედულებები აქვს ხალხზე, რასაც — ცხადია, არა საჯაროდ — უფრო ინტიმურ წრეში მოურიდებლად აცხადებს: „ხალხი თავის მტერია, თუ არ მოწყვეს, ხრამში გადაიჩეხება. თუ შნო გაქვს, ჯოხს თვითონ მოცემს, ოღონდ ძალიან ჭკვიანად უნდა დაარტყა“ (87); „თქვენ ის უნდა ნახოთ, ხალხი რომ ხელის გულზე დამიჯენს“ (49).

მარტო ხელის გულზე კი არა, სიტყვასიტყვით ასეა დანერილი: იგი „ხალხის მხრებზე ამყად ზის“ (57)... მისი, „მხრებზე მჯდარის, გამოჩენა ინვეს ალტაცებას... მოისმის ტაში“ (57).

არადა, მას არცთუ სანაქებო (მით უფრო — სატრაბახო) წარსული აქვს. საჩოთირო სიტუაციაშიც ჩაუყენებია თავი, როცა სხვა კაცად მიიჩნიეს და სხვა კაცი აღმოჩნდა. გადამწყვეტ მომენტში, შემდრკალმა განაცხადა კიდეც: „მე არ ვარ ის კაცი, გაიგონეთ“ (42). ილბალი არ გინდა! ესეც გმირობად ჩაუთვალეს, მიგიხედითო, „ამ ხერხით გინდოდათ სასჯელი ავაცდინათ, რათა მეორედ შეგენირათ თავი ქვეყნისთვის“ (43).

როცა კაცს საჯაყი და სასირცხო საქმეც კი სიქველში ეთვლება, მას აქვს საფუძველი განაცხადოს: „ეს ვერ გამიგია, ზოგიერთი კაცი სირცხვილით მინაში რომ ჩაძვრება... სირცხვილს რომ ჭამ კაცი, თუ ვარგხარ, მაშინ თავი უფრო მალლა უნდა ასნიო“ (27).

და — ასნია კიდეც, თანაც როგორ! და ნულა გავიკვირებთ, თუ იგი ხალხს, ზურგაქავებულ, სახრემონატრებულ ნახირს რომ დამსგავსებია, მის საკადრისად ექცევა; მარტო გულში კი არა, სხვათა გასაგონადაც აცხადებს: „სანამ მთელ ხალხს არ დავაჩოქებ, მანამდე ჩემი მოსვენება არ იქნება“ (70); „რომ ამოვდებ ყველას ლაგამს პირში და დავაჩოქებ, მაშინ მიცნობენ... ამ მუხლებზე მაკოცებენ“ (68).

ზოგადად ხალხზე რომ ამას ამბობს, ადვილი წარმოსადგენია, რასაც იტყვის თავის მონინალმდეგებზე, რომელთაც „პატრიოტიზმი ხომ არასოდეს არ ჰქონიათ, მხოლოდ შური ალაპარაკებთ“ (35). ისინი, „მტრები, ჩემი გამარჯვების შემდეგაც არ ცხრებიან“ (35). ამიტომაცო, „ისეთ საქმეს ვუზამ დღეს იმათ, რომ სოროში ჩაძვრებიან“ (72)...

ჩააძვრენს კიდეც, იმიტომ, რომ კაცის ცოდვას ადვილად იდებს კისრად. შენინალმდეგებისაგან წონასწორობადაკარგულს, შეუძლია თავის ქვეშევრდომებს უბრძანოს: „დაურთეთ თოფის კონდახები, ისე მოსცხეთ, რომ დანყნარდნენ“ (86); თუმცა კონდახი და ცემა-ტყეპა, თუნდაც სატუსალოების ხალხით გამოუეჯგვა რა სათქმელია, როცა ურჩთა დასამოშმინებლად სხვა ნამალიც მოეძეება: „ზარბაზნის ტყვიები ხომ ბლომად გაქვთ? იმ ზარბაზნებს ყელებს სულ არ გაუცივებ... სულ დღე და ღამე ვაგრიალებ“ (70)... ჩვენს გმირს ნამეტნავად ეშინია ერთად თავშეყრილი ხალხისა, დაპატიმრებულის გათავისუფლებას რომ მოითხოვს, ამიტომაც იმუქრება: „თუ ახლავე არ დაფანტულან, ზარბაზნებით სულ ყველას გავსრეს!“ (74).

და თავის დანაქადებს თუ ზოგჯერ ვერ ასრულებს, ეს მხოლოდ იმიტომ ხდება, რომ საამისოდ ძალები არ ჰყოფნის; თანაც, ამდენი ბაქიბუქის მიუხედავად, იგი შინაგანად მხდალია და პანიკორო. განსაცდელის დროს გარეთაც ვერ გამოდის და თავის ჩრდილსაც უფრთხის: „გარეთ ტყვია რომ მომხედეს? მოდიან, მოდიან... და ახლა რომ არ მომკლან, სწორედ ძალ-

ლის ილბალია საჭირო“ (22). ეს არც გახლავთ გასაკვირი, ვინაიდან იგი დესპოტია და, როგორც ყველა დესპოტი — მშიშარა... და ცხადია, ავადმყოფურად ეჭვიანიც: ეშინია მტრის, ეჭვით უყურებს მოყვარესაც. თავის ერთგულ ჯარზედაც განაცხადა: „ჩემი პატივისცემა იქ ერთ დღეში დაკარგეს“ (67), რაზედაც მართებულად უპასუხეს: „არ აგეტეხა აყალ-მაყალი იმ ჩვენს ჯარში, ის ჯობდა“ (67).

თავკაცის ეჭვიანობა ქვეშევრდომებსაც რყვნის, დასმენასა და ცილისწამებას აჩვევს: „მინაში რაა, ის ვიცი“, — რიხიანად კი აცხადებს, მაგრამ მაინც მოითხოვს მათგან ყურმახვილობას და ენატანობას: „ამას კი გავიგებ, ვის რა უთქვამს, ფაჩუნიც არ გამომეპარება, მაგრამ მაინც კარგად გამაგებინეთ, ვინ არის ჩემი მტერი?“ (52).

განდილების მანიით შეპყრობილს, სურს, რომ სიცოცხლეშივე ძეგლი დაუდგან. თავის სანდო ქვეშევრდომებს, ნაყაჩაღარ და ნაჯიბგირალ ხალხს, ავალებს: „ნადით და რაზემელებს უთხარით, მოედანზე ხალხს ათქმევენონ, რომ იმ დიდი ლოდისგან ჩემთვის ძეგლის გამოთლა უნდათ“ (89). მოედანზე შეკრებილთაც მეტი რა უნდათ, ოღონდაც მან ან მისმა დამქაშებმა რაიმე ჩასძახონ და ისინიც ცარიელი ქვევრებივით იმასვე ამოაგუგუნებენ.

მარმარილოს ლოდს კი არა, თვითონ მას დაიდგამენ კერპად და მსხვერპლსაც შესწირავენ. ამბობს კიდევ: „ცოცხალ ძეგლად დამდგამენ“ (95). ამისთანებზე ახლობლებმა მორიდებულად, მაგრამ მაინც შეჰბედეს: „ღმერთობა მოინდომე და“... (68).

ხალხისაგან იგი მუდამ მხარში ამოდგომას მოითხოვს; ბევრ სიკეთესაც ჰპირდება, ოღონდ მის გრანდიოზულ გეგმებს განსახორციელებლად, თურმე, მოთმინება და ლოდინი სჭირდება; უნდა ვაცალოთ! ასეც ბრძანებს სიტყვასიტყვით: „ხელი უნდა შემინყოთ და მაცალოთ!“ (70).

სამნუხაროდ (თუ — საბედნიეროდ!), არ აცლიან; ხალხს ეჭვი აღძრდა ბევრ რამეზე. აი, რას ეჩურჩულება ერთმანეთს მის ზურგსუკან მისგან დაშინებული უბრალო ხალხი პროვინციაში: მისგან ხსნას ველოდით, კი ჩამობრძანებულა, „მარა რად გინდა, ვინც სანყალი ნახა, ზურგზე ბოლი აადინა, ყაჩაღებს კი თავზე ხელი გადაუსვა“ (84)... რატომაც გადაუსვამდა, ძნელი მისახვედრი არ უნდა იყოს; უფრო მეტიც, ისინი „ყველა თავის რაზმში მიიღო... ასე ამბობენ, ყაჩაღების თვითონ შეეშინდაო“ (85).

ყაჩაღებს ანუ აბრაგებს რა იდეოლოგიის ხალხიც იყენებს პოლიტიკურ ბრძოლაში, ყველასათვის ცნობილი გახლავთ; ერთხელ მასაც წამოსცდა (სიტყვასიტყვითაა დაფიქსირებული): „მე სოციალისტები უფრო მიყვარს“ (28); ყაჩაღებს იყენებს არა მარტო პოლიტიკურ ბრძოლაში — პირადი გამორჩენისა და გამდიდრებისთვისაც. ერთი ეპიზოდი გავიხსენოთ: მისთვის მავანსა და მავანს რალაც-რალაცები „უჩუქებიათ“ — ცხადია, ხალხის

სამსახურისთვის. ამის დაბინავებაზეც ზრუნავს; ეკითხებიან, სად წავილოთ ეს ქონებაო: „თავ-აბრაგებს შიაბარეთ, მხოლოდ წვერილმა აბრაგებმა არ დაინახონ“ (86). მაგრამ არც ეს თავ-აბრაგები ანუ მთავარი ბანდიტები აღმოჩნდნენ მთლად სანდონი, რადგანაც მისთვის ნაფეშქაშარი უძვირფასესი ქურქი თავისად დაუნარჩუნებიათ; რომ მოიკითხა, „იმ ქურქს თავ-აბრაგები ერთმანეთში იყოფენო“ — ასე უპასუხეს. „რაო, ჩემს ქონებას იყოფენ? უთხარი, თავი არ დამაჭერიონო“ (87).

ოო, დაჭერა-დაპატიმრებებზე ხომ დიდად სულწასული ბრძანდება! ტაშის დამკერელი უამრავი ჰყავს, ნაღდად ერთგული და გულშემამტკივარი — თითქმის არაფერია: მაღლიერების გრძნობა თითქოსდა სკალპელით ამოუკვეთესო და იმიტომ! უცნაური მახსოვრობა აქვს — სიკეთე დიდიც ავიწყდება, სიამე მცირეც ახსოვს. ორადორი ძველი ამხანაგი ჰყავდა, რომელთაც კარგად იცოდნენ, რა ხვითოც ბრძანდებოდა ეს ჩვენი გმირი; დიდად მოიმსახურა ერთიცა და მეორეც სიჭყვიტა თუ საქმით; ბევრჯერ ნამუსიც მოუნმენდიათ მისთვის, თუმცა დამცირებისა და შეურაცხყოფის მეტი სანაცვლოდ არაფერი მიუღიათ. ბოლოს, მთლად თავის სასარგებლოდ რომ ველარ ამუშავა და ალაპარაკა, როცა ალაღად უთხრეს, „სულ ტყვილა დაგიჭირეს, ახალ-თაობის საქმეში არ ვრეი“ (97), და ისიც გაახსენეს, იმ ახალ ხელისუფლებას, „მთხლესავით რომ წავიდა, ყმად უდგებოდიო“ (97), სწორედ მაშინ დაიტყბეს თავს მისი რისხვა: „რადგან თქვენ ვერ მიცანიოთ, თვითონ უნდა გაგაცნოთ ჩემი თავი და, როგორც გამოუსწორებელ დამნაშავეებს, გაპატიმრებთ“ (97). თითქოსდა უენებელი ნატრაბახებაც — „მე იმნაირი ხასიათის ვარ, ხანდახან კაცი თუ არ მოვკალი, ავად ვხდები“ (19) — ქვეცნობიერად გვიუღენს მისი ფსიქიკის ღრმა შრეებში ჩაბუდებულ ვნებას.

ამ ჩვენს გმირს ერთი უცნაურობაც სჭირს — კაცის რჩევას, სოლომონ ბრძენიც რომ იყოს, ყურს არ უგდებს, ქალები კი, ოჯახისთვის და სხვა ამგვარი წერილმანებისათვის მოუცლელი ქალები, თავის ჭკუაზე აბზრიალებენ; ერთ-ერთ მათგანს, ცოტა არ იყოს, დაბრწყინებულაც ჰყავს, მისი ყოველი ნაბიჯის ანგარიშს მოითხოვს და პირდაპირ უცხადებს კიდევ: „ყველაფერი გამიმხილე, მე ქალი ვარ, მაგრამ კაცებზე უფრო მიყვარს დიდ ამბებში ჩარევა“ (81).

სოციალიზმსა და სოციალისტებზე მისი აზრი ზამთრ უკვე ვიხილეთ; ხოლო სოციალისტებმა რაც დამართეს დემოკრატიას, ეს კიდევ ვიხილეთ და კიდევ ვინეხეთ. ჩვენი გმირიც დემოკრატიის მტერია. ცხადია — მისი გარემოცვავე. მათგან ერთ-ერთი, მონაზე დამყნობილი მკვლელი, თეორიულადაც კი ასაბუთებს დემოკრატიის შეზღუდულობასა და მვენებლობას: „ღიანს, მე და ეს კაცი დემოკრატიზმის ნაჭუჭში ვერ მოვთავსდებით... სულ სხვა გაქანება გვაქვს“ (75).

მოკლედ, ხალხი გაბრწყინებულია, ბრბო — მონუსხული, მედროვენი —

გალაღებულნი; უყურებს ბნელეთის ამ ზეობას გაოგნებული ადამიანი და, მარტო ჩვენს გმირს კი არა, უფრო თავის თავს ეკითხება: „ამდენმა ბრძამ თავი როგორ მოიყარა შენს ხელში!“ (82)... „რა დაპირებით მოატყუე, ნეტავ ვიცოდე!“ (82). და არა ბოლმით, არა ნიშნის მოგებით, უფრო სინანულით ასკენის: „ვნახავ, ეს ჯარი შენვე გეძებდეს გასანენად“ (82).

ასე ყოველი კეთილი განზრახვა აგხდენოდეს, მკითხველო. გუშინდელი მისი თაყვანისმცემელი ხალხი ახლა — „გაასამართლეთო“ (100), ყელჩახლეჩილი მოითხოვს.

ყველაზე გამოგნებელი კი ის გახლავთ, რომ ეს სასამართლო მას ავადმყოფად, ჭკუასუსტად მიიჩნევს; აი, მათი დასკვნაც: „ჩვენი გამოძიებით ნამდვილად ჭკუნაკლებია... მხოლოდ იმ ხელისუფლებაში, რომელიც ნაჩქარევად შედგა იმ არეულობაში, შეეძლო მას გმირის ადგილი დაეჭირა და ხალხისთვის ვნება მიეყენებინა. ჩვენ კი ახლა მას ნილაბი მოვხსენით და, დეე, თავისი ნამდვილი სახით, ნაცარქექიას სახელით, იაროს ქვეყანაზე“ (101).

და ხალხიც თითქოსდა შევებით ამოისუნთქავს: „მაშ, თუ ჭკუნაკლების ხელში ვიყავით, კიდევ კარგად გადავრჩენილვართ“ (101); „რადგან ანი ზიანს ველარავის მიაყენებს, იაროს და იჩერჩეტოს, რა გვენალელება“ (102).

გულუბრყვილო, გულმაეინცი, შემნდობი, საცოდავი ხალხი!

მას კი, ტახტიდან გადმობრძანებულს და შუბლის ძარღვგანყვეტილს, გულში სხვა მიზნები უტრიალებს: „გული არ გაიტეხო, დაილუპა ის, ვინც სირცხვილით სოროში ჩაძვრა; მე კიდევ ავცოცდები“ (102).

მკითხველი, ალბათ, იმთავითვე მიხვდა, ვინ არის ჩვენი გმირი, ვისი ხასიათი გაეაანალიზეთ ამ ჩვენს წერილში.

ღიახ, ეს გახლავთ ყვარყვარე, ვაგლახ, უკედავი პერსონაჟი იმ მარადიული დრამისა, ქართველთა (და — არა მარტო ქართველთა) ცხოვრება რომ ჰქვია.

(ციტატები მოხმობილია შემდეგი გამოცემიდან: პოლიკარპე კაკაბაძე, დრამატული პოეზია ორ ტომად, ტ. I, თბილისი, 1971 წ.).

მკითხველს შევახსენებ: „ყვარყვარე თუთაბერი“ დიდმა პოლიკარპემ დაწერა 1928-29 წლებში.

P.S. მე, პირადად, ძვირფასო მკითხველო, ყვარყვარეობისა მეშინია, ყვარყვარესი — არა!
თქვენ?

შინაოფში გამარჯვებული არ არსებობს

სიტუაცია მძაფრია; გამორიცხული არ გახლავთ მისი ყველაზე ტრაგიკული განვითარება — ვეგულსხმობ ძმათა შორის სისხლიან შეტაკებას. ყველაფერი უნდა ვილონოთ, ეს რომ არ მოხდეს... და ამ საფრთხის თავიდან ასაცილებლად ყველაზე მეტი მოეთხოვება და ყველაზე მეტი შეუძლია ერთ კაცს — პრეზიდენტს. მას თვით 2 სექტემბრის სისხლიანი ამბების შემდეგაც კი შეეძლო თავისი შემწყნარებლობით, კორექტულობით, გულწრფელობითა და, თუნდაც, შეცდომათა აღიარებით მდგომარეობის სტაბილიზება... საუბედუროდ, ასე არ მოხდა, საუბედუროდ, საყოველთაო შერიგებისაქენ მონოდების ნაცვლად კვლავ და კიდევ უფრო მეტი გამეტებით ინირება პრეზიდენტისაგან ყველა განსხვავებულად მოაზროვნე, მოლაღატეებად და აგენტებად ინათლებიან არა მარტო პოლიტიკური ოპონენტები, არამედ საზოგადოების მთელი ფენები... პრეზიდენტი, ვინც ყოველი მოქალაქის უფლებათა უპირველესი დამცველი და გარანტი უნდა იყოს, სამწუხაროდ, ამ უფლებათა შემლახველის როლში გვევლინება... ცალკეულ პიროვნებათა უდანაშაულობის პრეზუმპციის საყოველთაოდ აღიარებული პრინციპის ამგვარ უდიერ შებლაღვას ვილა ჩივის — ხდება უფრო შემზარავი რამ: გამსახურდიათ თავის საჯარო გამოსვლებით ფაქტობრივად ერთმანეთს წაუსისიანა საზოგადოების სხვადასხვა ფენა (ისევე დავივილი წარმოება-დანესებულებებს და მშრომელ ხალხს ჩაეაქოლინებო აქციებში მონაწილეებს); უფრო მეტიც — ხელისუფლება ერთმანეთს უმხედრებს სხვადასხვა ქართულ ტომსა თუ კუთხეს (შინაგან საქმეთა მინისტრი არაორაზროვნად მიანიშნებს იმ კუთხის მხარდაჭერაზე, სადაც იგი გაზრდილა, პრეზიდენტი ხაზგასმით ახარებს თავის მომხრეთა მიტიგნს, რომ მესტიიდან და ლენტეხიდან დაიძრა მისი ერთგული გვარდიული შენაერთები). ვაი ჩვენდა, რომ ისტორიულად თავისუფალი, უბატონო ჩვენი ამაყი, ალალი სვანებისაგან სურთ შექმნან თავისუფლების დამთრგუნავ დამსჯელ-ჩაფართა ხატი-საფრთხოებულა. ამაზე დიდი დანაშაული სრულიად საქართველოს წინაშე წარმოუდგენელია... ილიას ოფლითა და სისხლით შეკრული საქართველოს ამგვარი დაშლის მცდელობა ანტიილიაობის გამოვლენად მიმაჩნია.

რას გვიქადის ხვალინდელი დღე? დე, თქვენს თვალში გამოვჩნდე კაცის ბუნების ვერშემცნობად და „შერეკილად“, მაგრამ ასე მწამს, მინდა ვინამო: ბოლოს და ბოლოს, პრეზიდენტი გადადგამს იმგვარ ზნეობრივ ნაბიჯს, საქართველოს შინა ომს რომ თავიდან ააცილებს — ასეთ ომში გამარჯვებული არ არსებობს... ყველაფერს რომ დავეხსნათ, თავდაცვის ინსტინქტიც

უნდა ამუშავდეს — ძმათამყლელი ომით ხომ არა მარტო საქართველო, არამედ, პირველ ყოვლისა, თვით პრეზიდენტი გაინირება.

როგორც ძველად იტყოდნენ
— ნუ იყოფინ!

„ღრონი“, 20.9.1991 წ.

მოჯადოებულ წაევი

ვწუხვარ, მართალი რომ გამოვდექი... ვწუხვარ, რომ ახლა ჯერ კიდევ საპრეზიდენტო არჩევნებისას ნანინასწარმეტყველელი ჩემი ვარაუდი — ახლად არჩეული პრეზიდენტი ვერ გაუძლებდა ძალაუფლების საცდურს. ზოგს, შესაძლოა, ახსოვდეს — საარჩევნო კამპანიის დროს განვაცხადე: მე არ ვიბრძვი პრეზიდენტობისათვის, მე ვებრძვი პრეზიდენტობას; რომც მოხდეს სასწაული და ამირჩიოთ, მეორე დღესვე გამოვაცხადებ ჯერ დიდ შერიგებას საქართველოში ეროვნებათა, პარტიათა და კაცთა შორის, მერე კი გავაუქმებ პრეზიდენტობის ინსტიტუტს-მეთქი.

პრეზიდენტობის ამგვარი ინსტიტუტის შემოღება მძიმე შეცდომა იყო, რომლის მწარე ნაყოფს უკვე ვიმკით.

ახლა უკვე ბევრი ხედავს, როგორ მზადდებოდა და როგორ განხორციელდა კონსტიტუციისა და კანონიერების საფარქვეშ უდიდესი ანტიკონსტიტუციური და უკანონო აქტი — ძალაუფლების უზურპაცია; როგორ გადაეუსვით ხაზი ჩვენს ერთადერთ კანონიერ კონსტიტუციას, რომელიც მოქმედებდა დემოკრატიულ საქართველოში და რომლის მიხედვითაც საქართველო არ არის საპრეზიდენტო რესპუბლიკა.

სადღეისოდ პარლამენტმაც და მთელმა ერმაც თავი მოჯადოებულ წრეში მოვიქციეთ: უკანონოდ დაეუკანონეთ ერთ კაცს ყველა უფლება და ახლა გვინდა კანონიერი, კონსტიტუციური საშუალებებით ამ უფლებათა შეზღუდვა! სულხან-საბას ცნობილი არაკის გმირმა კატამაც კი — ლომის გამზრდელმა კატამ — იცოდა, რომ რალაც ხერხი უნდა შემოენახა თავისი აღზრდილის გენში ჩადებული აგრესიულობის სანინალმდეგოდ, და ჩვენმა განათლებულმა პარლამენტმა კი არავითარი იურიდიული მექანიზმი არ დაიტოვა არამცთუ სხვისი, არამედ საკუთარი თავის დასაცავადაც: თვით პარლამენტის ყოფნა-არყოფნის საკითხი პრეზიდენტზეა დამოკიდებული, და როგორც კი თუნდაც მცირე ეჭვი გაუჩნდება პარლამენტური დაუმორჩილებლობისა, იგი დაითხოვს პარლამენტს და შემოიღებს საპრე-

ზიდენტო მმართველობას, რითაც, სხვათა შორის, არაორაზროვნად უკვე დაგვემუქრნენ.

რაც არ უნდა მოხდეს, პრეზიდენტის გადაყენება პრეზიდენტის შესახებ კანონის მიხედვით შეუძლებელია.

არსებობს პრობლემის გადაჭრის სხვა გზაც: არა ოურიდიული, არამედ ზნეობრივი; თუ ხელისუფალი დაინახავს, რომ მისმა პოლიტიკამ ჩიხში მიიძვყვია ქვეყანა, ეკონომიკურად დააძაბუნა, პოლიტიკურად გარიყა დანარჩენი მსოფლიოსაგან, ხალხი ერთმანეთს აუმხედრა და ფაქტობრივად სამოქალაქო ომის ზღვარზე მიიყვანა, ზნეობრივად იგი მოვალეა გადადგეს. იქნებ ვცდებოდე, მაგრამ, ჩემი აზრით, ეს ნაბიჯი აგვაცილებდა შინაომის შემდგომ ესკალაციას. ამ ორიოდ დღის წინათაც კი მწამდა — პრეზიდენტი გამსახურდია გამონახავდა იმდენ შინაგან ძალას, რომ ხალხისათვის სასიკეთო ამგვარი ნაბიჯი გადაედგა... გადაედგა თუნდაც თავისი ღირსების გადასარჩენად.

დღეს ამისი იმედი, ჩემდა საუბედუროდ, ნაკლებად მაქვს.

„ახალგაზრდა ივერიელი“, 28.9.1991 წ.

მსხვირკლი ხელისუფალმა უნდა გაიღოს

უმძიმესი ვითარებაა დღეს საქართველოში — ფაქტობრივად დაიწყო შინაომი; მართალია, „საბრძოლო“ მოქმედება დღესდღეობით მთავრობის სასახლის მიმდებარე ტერიტორიით შემოისაზღვრება, მაგრამ აქ გაჩაღებული ხანძარი თუ დღესვე არ ჩაეაქრეთ, მან ხეალ შეიძლება მთელი საქართველო გადაბუგოს.

ამ ტრაგიკული ვითარების გამომწვევე მრავალ ფაქტორთაგან უმთავრესია არსებული ხელისუფლების მიერ დაშვებული მძიმე შეცდომები, ზოგჯერ — დანაშაულობანიც; კერძოდ — ძალაუფლების ბოროტად გამოყენება, ადამიანის უფლებათა შელახვა და კანონის უზენაესობის პრინციპის უგულვებლყოფა. ვის უნდა დაბრალდეს ის წყალგაუვალი ფაქტი, რომ იმპერიის რღვევის პროცესში ყველაზე მძიმე დანაკარგი ჩვენმა რესპუბლიკამ განიცადა? სხვაგან არსად ატეხილა შინაომი, არსად დაუღერიათ თვისტომის ამდენი სისხლი, არც ერთ სხვა ხელისუფლებას ისე არ გაუშვია ხელიდან თავისი ისტორიული ტერიტორიების მართვის სადავეები, როგორც ეს მოხდა საქართველოში. ხელისუფლებას მძიმე ცოდვად აწვეს როგორც ჩვენი საერთაშორისო იზოლაცია, ასევე შინააშლილობის გამომწვევი სოციალური და ეთნიკურ-ტომობრივი დაპირისპირებისა და შუღლის ატმოსფეროს შექმნა. და თუ ჩვენ თითო-

ოროლა ქვეყანამ მაინც გვეცნო, ეს მოხდა უკლებლივ სხვა მოკავშირე რეს-
პუბლიკების საერთო ცნობის კონტექსტში, მეტიც — მოხდა არა ჩვენი ხელი-
სუფლების პოლიტიკის ნყალობით, არამედ — ამ პოლიტიკის მიუხედავად.

ხელისუფლება, თუნდაც კანონიერად არჩეული, თუ თავს ვერ ართმევს
თავის მოვალეობას, ვერ ამართლებს ხალხის ნდობას, უნდა გადადგეს —
ასე ხდება ყოველ ცივილიზებულ ქვეყანაში. კულტურული ტრადიციების
მქონე ქვეყნის არც ერთი მეთაური არ შეაგდება ყოფნა-არყოფნის სასწორ-
ზე თავისი ხალხის ბედს მხოლოდ თავისი პიროვნული ძალაუფლების შესა-
ნარჩუნებლად. ხელისუფალმა უნდა გაილოს ხალხისთვის მსხვერპლი და
არა — პირიქით. თუ ხელისუფალი თავისი პიროვნული ძალაუფლებისათ-
ვის ხალხს ნირავს, მის არამცთუ გადადგომას, თვით ძალის საშუალებით
გადაყენებასაც კი სამართლებრივი საფუძველი ექნება.

დღეს პრეზიდენტი გამსახურდია ფაქტობრივად ივედრება ახალი კავში-
რის — თანამეგობრობის — ნევერად მიღებას, რათა უცხო ძალის შემწეობით
შეინარჩუნოს ძალაუფლება. არადა, მთელს საქართველოს ახსოვს მისი სა-
ჯარო განცხადება: გადავდგები, თუ ჩემს ხელისუფლებას ხელშეკრულება-
ზე ხელის მონერა მოუწევსო.

მრავალი ქვეყნის მეთაური გადამდგარა სხვადასხვა მიზეზისა თუ გარე-
მოების გამო: დე გოლი, ნიქსონი, ტეტჩერი... ახლახან გადადგა გორბაჩო-
ვიც. მას შეეძლო სისხლის ზღვა დაეყენებინა ძალაუფლების შესანარჩუნებ-
ლად, მაგრამ უსისხლოდ წასვლა არჩია, რითაც თავისი ღირსება გადაირჩი-
ნა არა მარტო როგორც პიროვნებამ, არამედ — პოლიტიკოსმაც.

საუბედუროდ, საქართველოში უკვე დაიღვარა სისხლი, მაგრამ, თუ ხე-
ლისუფლება თუნდაც დაგვიანებული გადადგომით ქართველთა სიცოცხ-
ლეს დაზოგავს, ამით თავის ღირსებას ნაწილობრივ მაინც გადაირჩენს და
ქართველობასაც მიეცემა საშუალება უფრო მკაფიოდ გამოავლინოს თავი-
სი ტრადიციული თვისება — ქრისტიანული მიმტევებლობა.

„დრონი“, 18.10.1991 წ.

რეპეტიტორობა — ბორცვაბა თუ სიკეთე?

რეპეტიტორობა ძველი მოვლენაა: უკვე ძველ ელადამი იყვნენ სოფისტები,
განათლებული, კამათსა და რიტორიკაში განაფული ადამიანები, რომლებიც
გარკვეული გასამრჯელოს საფასურად წვრთნიდნენ კერძო პირებს ფილოსო-
ფიაში, მჭევრმეტყველებაში, ლოგიკაში... და უკვე იმ დროიდანვე დაჰყვა სო-

ფისტიკს ანუ სიბრძნის ფასიანი მასწავლებლის სახელს ანგარების შინაარსი — ეტყობა, როდესაც კერძო პირი საფასით ყიდულობს ცოდნას, სიბრძნით ამგვარი ვაჭრობა თავის არსშივეა ზნეობის თვალსაზრისით საჩოთირო მომენტის შემცველი (ამიტომაც უპირისპირებს პლატონი ვერცხლისმოყვარე სოფისტებს ჭეშმარიტ ბრძენს, სოკრატეს; უპირისპირებს არა მარტო ინტელექტუალურად, არამედ — ეთიკურადაც: სოფისტთაგან განსხვავებით სოკრატე უანგაროდ გასცემს სიბრძენს). აღზრდა-სწავლების სისტემის განვითარების მთელ გზას, ძველიდან მოყოლებული დღევანდლამდე (ჩვენიშიცა და სხვაგანაც), სხვადასხვა ფორმითა და მასშტაბით გასდევდა რეპეტიტორობა.

ამჟამად თავად სიტყვამ „რეპეტიტორობა“ და მის მიერ გამოხატულმა ცნებამ საქართველოში იმდენად უარყოფითი შინაარსი შეიძინა, რომ ხალხის უმეტესობა რეპეტიტორობას ლამის კანონსაწინააღმდეგო ქმედებად აღიქვამს. უნდა ითქვას, რომ რეპეტიტორობის გავრცელებული ფორმა მართლაც ატარებს კანონსაწინააღმდეგო ნიშანს (რეპეტიტორობა დიდი ნაწილი საფინანსო ორგანოების გვერდის ავლით, თვითნებურად ამზადებს მონაფეებს); საერთოდ კი კერძოდ მეცადინეობის პრაქტიკა კანონით ნებადართულია და, ხშირად, სარგებლობის მომენტიც (ბევრი ცნობილი მეცნიერი და მწერალი — ძველად თუ ახლა — რეპეტიტორობდა: ძველად — მარტო კანტისა და ვაუაფშაველას მაგალითიც იკმარებდა). ან ვის შეუძლია ანგარება დასწამოს პატიოსან, კარგ სპეციალისტს, რომელიც უამრავ ენერჯიასა და დროს ახმარს მოსწავლის მომზადებასა და ვისაც საამისო ნებართვა აქვს? მაგრამ რეპეტიტორობას სახელი გაუტყუა მისმა გაუკულმართებულმა ფორმებმა, კერძოდ:

ა) სკოლის მასწავლებელთა მიერ საკუთარი მოსწავლის მომზადებამ; ბ) დაბალი კვალიფიკაციის მქონე პირის, არასპეციალისტის რეპეტიტორობამ; გ) მზა კონსპექტებითა და მზა, სხვის მიერ დანერილი, თხზულებებით მონაფეების „მომარაგებამ“; დ) სწავლების სათანადო მეთოდების გამოუყენებლად მოსამზადებელთა რაოდენობის უკონტროლო გაზრდამ; ე) შეუზღუდავმა, სტიქიურმა შეფასებამ რეპეტიტორობა შრომის ღირებულებისა.

რამდენიმე სიტყვა რეპეტიტორობის გავრცელების მიზეზთა შესახებ: ცნობილია, რომ მოთხოვნილება განაპირობებს მიწოდებას. რეპეტიტორობე მოთხოვნილება კი წლითწლივით იზრდება; ამჟამად თბილისში საკმაოდ კურიოზული ვითარების მოწმენი ვართ: კარგ, სახელიან სპეციალისტთან შეილის მომზადება ლამის ისეთსავე პრობლემად ექცეის მშობელს, როგორც თავად უმაღლესში მისი მოხვედრაა. კერძო მასწავლებელზე ეს გაზრდილი მოთხოვნილება კი გამოიწვია: ა) უმაღლესი სასწავლებლისკენ ახალგაზრდობის წრეგადასულმა ლტოლვამ; ბ) დისპარმონიამ, რომელიც გვაქვს სკოლა-დამთავრებულის ცოდნის დონესა და მისაღებ გამოცდაზე აბიტურიენტისათვის წაყენებულ მოთხოვნილებას შორის: რახან აბიტურიენტთა კონტინგენტი მრავალრიცხოვანია, სტუდენტთა რაოდენობა კი — განსაზღვრული,

უმალესი სკოლა, ბუნებრივია, გაზრდილ მოთხოვნილებას უყენებს სკოლა-დამთავრებულს; სკოლებში ვერ ხერხდება ზემოაღნიშნული დისპარმონიის აღმოფხვრა და, ჩანს, ვერც მოხერხდება, სანამ იქ ღრმა ცვლილებები არ გატარდება დიფერენცირებული სწავლების თვალსაზრისით.

ამჟამად რესპუბლიკის დიდ ქალაქებში, განსაკუთრებით კი თბილისში, მოსწავლის მომზადებას იწყებენ არა მარტო მეათე, დამამთავრებელ კლასში; მშობლები თადარიგს ადრინადად, მერვე-მეცხრე კლასიდან, იჭერენ: მეათე კლასში თბილისის სკოლების მოსწავლეთა თითქმის ნახევარი, თუ მეტი არა, კერძო მასწავლებელთან ემზადება, უმეტესობა — რამდენიმე საგანში. რეპეტიტორობის გავრცელების ასეთმა მზარდმა ტენდენციამ (სხვა ფაქტორებთან ერთად) ფრიად გაზარდა ცალკეულ საგნებში მომზადების ფასი. მაგალითად, სამედიცინო ინსტიტუტში შემსვლელის მშობელს მარტო ერთი წლის მომზადება შვილისა ოთხ საგანში უჯდება 2700 მანეთი, რაც აღემატება მაღალხელფასიანი სპეციალისტის წლიურ შემოსავალს (თვეში 220 მან.); ეს არცთუ იშვიათად დამატებითი შემოსავლის წყაროს ძიებისკენ უბიძგებს მშობელს, რაც კრიმინალის საფუძველს ქმნის. მოკლედ, თუ რაიმეს არ ვიღონებთ, ვინრო ოჯახური სატყვივარი (რეპეტიტორთან ბავშვის მოსამზადებელი თანხის საკითხი), შესაძლოა, მწვავე სოციალურ პრობლემაში გადაიზარდოს.

მოაქვს თუ არა რაიმე სარგებლობა რეპეტიტორობას? ცხადია, მოაქვს და, თუ ამ ფაქტს არ ვაღიარებთ და სათანადოდ არ შევაფასებთ ან თვალს მოვუხუჭავთ, ეს დააბრკოლებს რეპეტიტორობის მოვლენის ანალიზსა და, აქედან გამომდინარე, მისი მახინჯი ფორმის დაძლევის შეაფერხებს. ცნობილი ჭეშმარიტებაა, მტერს მაშინ დაამარცხებ, თუ მის ძალასა და შესაძლებლობებს შეისწავლი. ემოციური ლოზუნგები — ძირს რეპეტიტორობა, რეპეტიტორთა ფეხქვეშ მინა უნდა იწოდესო, საქმეს ნაკლებად წაადგება (ტრიბუნიდან ამგვარ მონოდებაზე დიდი შრომა არ გვეხარჯება, გაცილებით მეტი ჯაფა გვადგას ტრიბუნიდან ჩამოსულებს ჩვენი შვილებისათვის სახელმწიფო რეპეტიტორის გამოძებნაზე). თუ საქმით გვინდა რეპეტიტორობის დაძლევა, ეს მოვლენა კიდევ უნდა შევისწავლოთ და, თქვენ წარმოიდგინეთ, მისგან ზოგი რამ კიდევ უნდა ვისწავლოთ. მკითხველისთვის, შესაძლოა, უინტერესო არ იყოს ის ანკეტური გამოკითხვა, რომელიც თბილისის სახელმწიფო უნივერსიტეტში ჩატარდა; გამოიჩინა, რომ უმალეს სასწავლებელში მოხვედრილთა დიდი უმრავლესობა კერძო რეპეტიტორთან ემზადებოდა; ჩვეულებრივ, ამგვარი სურათი იხატება: პირველ წელს, როდესაც აბიტურიენტი მოსწავლე იყო და კერძო რეპეტიტორთან ვერ ემზადებოდა (ან მოემზადა მხოლოდ თვენახევრის განმავლობაში — გამოსაშვებიდან მისაღებ გამოცდებამდე), იგი, ჩვეულებრივ, ვერც ირიცხებოდა; შემდგომ კი, მთელი წლის მანძილზე იგი რეპეტიტორთან მეცადინეობდა და, როგორც წესი, მიზანსაც აღწევდა. ისედაც ცხადია, რომ მცოდნე, გამოცდილ

სპეციალისტთან ინდივიდუალური ნესით ინტენსიური მეცადინეობა 8-9 თვის მანძილზე კარგ შედეგს გამოიღებს. რეპეტიტორი (განსაკუთრებით — უმაღლესი სკოლის პროფესორ-მასწავლებლები), ჩვეულებრივ, უფრო მრავალმხრივსა და ღრმა ცოდნას აძლევს მონაფესს, ვიდრე სკოლაში ამას მასწავლებელი ახერხებს. გამოკითხვის სიხშირე და ცოდნის გაკონტროლების საშუალებაც კერძოდ მომზადების შემთხვევაში შეუდარებლად მეტია და ეფექტური. მოკლედ, სწავლების ამ ფორმას გარკვეული შედეგი აქვს მისაღებ გამოცდებზე და ამითაც აიხსნება მისი გავრცელება.

მაგრამ გაცილებით მეტია ის ვნება, რაც რეპეტიტორობის გაუკუღმართებულ, ხაზს ვუსვამ — გაუკუღმართებულ, მახინჯ ფორმებს მოაქვს საზოგადოებისათვის. ამ მოვლენის გავრცელების სოციალურად საშიშ ასპექტზე ზემოთ მოგახსენეთ, ახლა სხვაზე დავ ვთქვათ. რეპეტიტორთა ინსტიტუტი საფუძველს ურყევს საშუალო სკოლას, არაჯანსაღ კონკურენციას უწევს მას და აფერხებს ზოგადსაგანმანათლებლო სკოლის ნორმალურ ფუნქციონირებას (თუმცაღა თავად ამ ინსტიტუტის შექმნასა და გავრცელებას ხელს სწორედაც ზოგადსაგანმანათლებლო სკოლების ჯერაც გადაუჭრელი პრობლემები უწყობს). რეპეტიტორობის უარყოფითი მხარე თავს იჩენს სხვა მხრივაც: ყმანვილი კერძო მასწავლებლის ხელში ზოგჯერ კარგავე დამოუკიდებლად მუშაობისა და აზროვნების ჩვევას, იგი ხდება ცოდნის პასიური მომხმარებელი, რეპეტიტორისაგან „გადაღეჭილი“ ლუკმის ოდენ „მომწელებელი“ (ცხადია, ეს ყველა რეპეტიტორს არ ეხება — ზოგიერთი სპეციალისტი სწორედაც დამოუკიდებელ აზროვნებას აჩვევს და უფითარებს აბიტურიენტს). არცთუ იშვიათად, ახალგაზრდა ვერ იღებს ზნეობის კარგ გაკვეთილს რეპეტიტორისაგან, მისგან ოსტატდება იმაში, თუ როგორ გააცუროს საგამოცდო კომისია: როცა რეპეტიტორი სხვის დანერგულ თხზულებას აზეპირებინებს აბიტურიენტს, ეს უკვე გამომცდელის მოტყუების მცდელობაა. ზემოაღნიშნული ვნება ეხება ერთ მხარეს — აბიტურიენტს. არანაკლებ მნიშვნელოვანია მეორე მხარის, თავად რეპეტიტორების, „ზარალი“. ვინ არიან რეპეტიტორები? დიდი ნაწილი რეპეტიტორებისა არიან უმაღლესი სკოლებისა და სამეცნიერო-საკვლევო ინსტიტუტების თანამშრომლები: მეცნიერ-მუშაკები, პროფესორები, დოცენტები, რომლებიც რეპეტიტორობაში ხარჯავენ მეცნიერული მუშაობისათვის განკუთვნილ დროს. განსაკუთრებით საგანგაშოა, რომ რეპეტიტორობამ ფეხი მოიკიდა ახალგაზრდა მეცნიერთა შორის: ამას ის შედეგი მოსდევს, რომ პერსპექტიული მეცნიერული კადრები არცთუ იშვიათად ვეღარ იზრდება, ერთ ადგილს ტყეპნის და საბოლოოდ დეკვალიფიკაციას განიცდის. დიდია მორალური ზიანიც, რასაც მათ აყენებს კერძო პირებთან ფულადი გარიგება; ზოგ მათგანს ერცხვინება რეპეტიტორობა, მაღავეს ამას, რეპეტიტორობის ნებართვას არ იღებს ფინანსური ორგანოებისაგან და, ამის შესაბამისად,

კანონსაწინააღმდეგო საქციელს სჩადის; ყოველივე ეს რეპეტიტორს მორალურად თრგუნავს, უვითარებს ე.წ. არასრულფასოვნობის კომპლექსს.

როგორ უნდა ვებრძოლოთ რეპეტიტორობის მანვე ფორმებს? პრობლემა მეტად მტკივნეული და ღრმაა და თავისი ფესვებით პედაგოგიკისაგან დაცილებულ სფეროებს სწვდება. იგი თვით სწავლა-აღზრდის სისტემის რომელიმე კონკრეტული რგოლის სატკივარიც არ გახლავთ (მაშინ მას შედარებით იოლად მოველებოდა), არამედ — მთლიანი ჯაჭვისა. ეს ობიექტური სირთულეები ბევრს ხელს ჩააქნევენ ხოლმე — პრობლემა სწავლების სისტემის საფუძვლიან რეფორმა-რეორგანიზაციას მოითხოვს, ეს კი, თავის მხრივ, ფინანსურ-ეკონომიკურ საკითხებს უკავშირდება; რეპეტიტორობა შედეგია, სტრატეგიული „ომი“ კი მიზეზებს უნდა გამოვუცხადოთო. ეს, რასაკვირველია, სწორია, მაგრამ უგულებელყოფა არც ლოკალური, ე.წ. „ტაქტიკური“ ოპერაციებისა გვმართებს. პრაქტიკამ გვიჩვენა, რომ არც ადმინისტრაციული ღონისძიებებით და არც მორალისტური შეგონებებით რეპეტიტორობა არ მოისპობა. კიდევ რომ გატარდეს საკანონმდებლო აქტი და რეპეტიტორობის ყოველგვარი ფორმა კანონსაწინააღმდეგოდ გამოცხადდეს, ეს პრობლემას თუ გაართულებს, თორემ ვერ გადაჭრის — „იატაკევემა“ მდგომარეობაში გადასული რეპეტიტორობა მეტ ფასს დაიდებს და ეს მძიმე კირთებად დაანება ისედაც ილაჯგანწყვეტილ მშობელს. ამ საკითხის პრინციპულად გადასაჭრელად მკვეთრად უნდა ამალდეს საშუალო სკოლებში სწავლების დონე, მაგრამ ეს ძალზე რთული და ხანგრძლივი პროცესია: ახალი მეთოდის დანერგვა, განმავითარებელი სწავლების პრინციპის გატარება, საამისოდ შესაბამისი კადრების მომზადება, სახელმძღვანელოთა და მეთოდური ლიტერატურის, აგრეთვე თვალსაჩინოებისა და სწავლების ტექნიკურ საშუალებათა შექმნა ვერც რალაც ჯადოსნური კვერთხის დაკვრით მოხდება და ვერც მეყსეულ შედეგს მოგვცემს — სწავლა-აღზრდის სისტემაში სასურველი ნაყოფის მონევა, ჩეულებრივ, დიდი დრო სჭირდება. მეორე მხრივ, არას გვარგებს, რომ გულხელდაკრეფილი დაველოდოთ მანვე ფორმის რეპეტიტორობისაგან განკურნების მზამზარეულ რეცეპტს.

განათლების სისტემის ყოველმა რგოლმა დამოუკიდებლადაც უნდა ეძებოს და მიაგნოს პრობლემის გადაჭრის იმ გზებსა და საშუალებებს, რაც შემდგომ პოზიტიურ ცვლილებებს გამოიწვევს სხვა რგოლებშიც.

ამ ეტაპზე რეპეტიტორობას უნდა დაუშვიროსპიროთ დამხმარე სწავლების ლეგალური, ხელმისაწვდომი და ეფექტური ფორმები. თუ დამხმარე სწავლების ამგვარ ფორმებს ისე დაეხვეწთ, რომ მისაღებ გამოცდებზე მას მაღალი შედეგები ექნება, ამით რეალურ კონკურენციას გაუწევთ კერძო რეპეტიტორობას.

ბალავერი

ჯერ — ჩილის სახელის დარქმევა რა არის და ისიც კი თავსატეხს უჩენს ხოლმე მშობლებსა და ახლობლებს; ახლა — ჟურნალის „ნათლობა“ ვთქვათ, რომელსაც მშობლად 3 მილიონი ქართველი ჰყავს და ნათლიად — 30 ათასი სიტყვიერების მასწავლებელი. მერედა, რად გაიჩინეთ თავსატეხიო, იტყვის მავანი და მავანი, რას ერჩოდით ძველ დასათაურებას, თანაც — როდის გაზომილა ჟურნალის ავ-კარგი მისი სახელწოდებით, რა მნიშვნელობა აქვს, ყდაზე რას გამოიტანთ, მთავარია, ყდებს შუა რას ჩადებთო...

ჯერ ძველ სახელწოდებაზე ვთქვათ: „ქართული ენა და ლიტერატურა სკოლაში“ უფრო ფრაზის ნაწყვეტს ჰგავდა, ვიდრე ჟურნალის სახელწოდებას, სხვა ენის თარგზე იყო შექმნილი და ამდენად — შეუფერებელი იმ გამოცემისათვის, რომელიც დედაენის სინმინდისა და ჩვენი შეტყველების გამომხატველობისთვის უნდა ზრუნავდეს. ახლა მითითება-დამონმების დროს რა გასაჭირში გვაგდებდა! ვამბობთ და ვწერთ: „ცისკარმა“ გამოაქვეყნა... „მნათობში“ დაიბეჭდა და ა.შ. ჩვენს შემთხვევაში კი, თუ დამატებას არ წარუშეძვარებდით სათაურს, ამგვარი გონჯი ფორმები უნდა გვეხმარა: „ქართული ენა და ლიტერატურა სკოლაში“-ში (?) დაბეჭდილი სტატია... ეს „დამატება“ კი თავის მხრივ მოითხოვდა მითითებას, თუ რისი დამატება იყო და იჭიმებოდა გუთნეული ხარ-კამეჩივით — ჟურნალ „სკოლა და ცხოვრების“ დამატებამ „ქართული ენა და ლიტერატურა სკოლაში“ გამოაქვეყნა... ერთი ტევადი და ხატოვანი სიტყვის ნაცვლად ათს ვანუხებდით.

ამ ერთ — ზუსტ, ტევად და ხატოვან — სიტყვად ბალავერი მივიჩნით.

რატომ მაინცდამაინც ბალავერი და არა, ვთქვათ, მთიებო, თუ იკითხავთ, მოგახსენებთ: ბალავერი იმიტომ, უპირველეს ყოვლისა, რომ თავისი შინაარსითა და გააზრებით უაღრესად მიესადაგება მშობლიური ენისა და ლიტერატურის ფუნქციას სკოლაში და, საერთოდაც, ყოველ ეროვნულ სასწავლებელში — საბავშვო ბაღით დანყებული და უნივერსიტეტით დამთავრებული. „ქართული ენის განმარტებითი ლექსიკონი“ ამგვარად გვიხსნის ამ სიტყვის მნიშვნელობას: „გათლილი ლოდი საძირკველში, კედლის საყრდენი; ასეთივე ლოდი კარ-სარკმლის თავზე, წირთხლთა შესაკრავად“. სულხან-საბას „სიტყვის კონაც“ ამასვე გვეუბნება: „საძირკვლის ქვანი დიდდიდნი“. ბალავერმა გაიფართოვა მნიშვნელობა და დღეს საერთოდ საძირკვლის, ფუძის, საყრდენის, ბურჯის გაგება შეიძინა.

რომელი საგანია სასწავლო დანესებულებათათვის საფუძველთა საფუძველი, რომელსაც ეყრდნობა მთლიანი შენობა ცოდნისა? ცხადია — დედაე-

ნა; ამ ბალავერზე დგას ქართული სკოლაც, რადგანაც ყველა საგანი სკოლაში მშობლიური ენის საშუალებით შეისწავლება.

ბალავერი იმიტომაც, რომ ეს სიტყვა შედარებით გაუცვეთელია; მას ძველებური სურნელიც დაჰკრავს და, აქედან გამომდინარე — ამაღლებულობის ელფერიც; და მაინც, ბალავერს უპირატესად მინის სუნი ასდის: „მთიები“ და მისი მსგავსი „ზეციური“ სახელწოდებანი ლიტერატურული ჟურნალებისათვის დიახაც უპირანია (მაღლაა მუზეუმის საუფლო), ჩვენი ჟურნალი კი დღიური მუშაა, ბალავერივით მინაში ჩაჭრილი და უჩინარი, თუმცაღა გამოჩინებულ საქმეთათვის — მიუცილებელი საყრდენი.

ბალავერი იმიტომაც, რომ იგი იმერ-ამერი სიტყვაა, სამთელქართველო: სულხან-საბა და რაფიელ ერისთავი, ილია და აკაკი, ნიკო ლორთქიფანიძე და გიორგი ლეონიძე, კონსტანტინე გამსახურდია და მიხეილ ჯავახიშვილი — რომელი ერთი ჩამოვთვალოთ, ამ სიტყვას რომ არ მოიხმარდეს.

რაც შეეხება ვარიანტებს — „ბალავეარი“//„ბალავერი“, ჩვენ ეს უკანასკნელი ვარჩიეთ — ვფიქრობთ, რომ ბალავერი უფრო ქართულად „ჟღერს“, ვიდრე — ბალავარი; თანაც ამით თავიდან ავიცილეთ ომონიმური დამთხვევა ცნობილ ბალავართან, „სიბრძნე ბალავარის“ ანუ „ბალავარიანის“ მთავარ მოქმედ გმირთან.

მცირე ისტორიულ-ფილოლოგიური ექსკურსი სიტყვა „ბალავერზე“:

ბოლნისის სიონის კარიბჭის თავზე, მის „წირთხლთა შესაკრავად“, გადებულია ბალავერი; სწორედ ამ ბალავერმა შემოგვინახა უძველესი ტექსტი საქართველოს ტერიტორიაზე აღმოჩენილ ქართულენოვან წარწერათაგან, ბოლნისის სიონის სააღმშენებლო წარწერა, შესრულებული რელიეფური ასოებით მეხუთე საუკუნის მინურულში, 493/4 წელს. ტექსტი ნაკლულია, მისი დაზიანებული ადგილები აღადგინა აკაკი შანიძემ. არსებობს წარწერის განსხვავებული წაკითხვა-ინტერპრეტაცია, რომლის მიხედვითაც ბოლნისის სიონის ზემოაღნიშნული ტექსტი და, შესაბამისად, თვითონ ძეგლიც ბევრად უფრო ადრინდელად მიიჩნევა.

ჩვენ სიმბოლურად გვესახება, რომ ეს უძველესი წარწერა სწორედ ბალავერზეა შესრულებული. ხოლო სიტყვა ბალავერი რომ ნამდვილად გამოიყენებოდა კარ-სარკმლის თავზე გადებული ქვის აღსანიშნავად, ამას სხვა მაგალითებიც ადასტურებს. ივანე ჯავახიშვილი თავის წიგნში — „მასალები ქართველი ერის მატერიალური კულტურის ისტორიისათვის“, I, მშენებლობის ხელოვნება ძველ საქართველოში, თბ., 1946, გვ. 95 — წერს:

„ბალავეარი“ საინტერესო ტერმინია, რომლის სადაურობა ძნელი გამოსარკვევია, ჯერჯერობით მაინც. ამას ისიც ართულებს, რომ მისი მნიშვნელობა ორგვარია. წარწერათა მთელ რიგში ბალავერი საძირკვლის ქვას ნიშნავს, მაგრამ გვაქვს ერთი წარწერა, რომელშიაც „ბალავეარი“ იმ ქვაზეა

თითქოს ნათქვამი, რომელიც საძირკველთან სრულებით არაა დაკავშირებული, არამედ ეკლესიის კარების თავად არის დადებული. ესაა კუმურდოს ეკლესიის 964 წლის წარწერა, სადაც ნათქვამია: „იოვანე ეპისკოპოსმან დადვა საფუძველი ამის ეკლესიისაჲ ხელითა ჩემ ცოდვილისა სკოცრისაჲთა... ერისთავობასა ზეიასსა, ესე ბალავარი მან დადვა“.

ბალავრის მნიშვნელობა უნდა ჰქონდეს, ჩვენი აზრით, ბიბლიის „ლოდსა თავსაკიდურსა“. აი, რას ლაღადებს ესაია წინასწარმეტყველი:

ამისთვის ესრეთ იტყვის უფალი ღმერთი ჩუენი: „აჰა, ესერა, დავსდებ საფუძველთა სიონისათა ლოდსა ფრიად პატიოსანსა რჩეულსა თავსაკიდურსა... და რომელსა ჰრწმუნეს იგი, არასადა ჰრცხვენეს“ (ესაია — 28, 16).

დე ჩვენი „ბალავერიც“ ყოფილიყოს „ლოდი თავსაკიდური“, დადებული ქართული ეროვნული სკოლის საფუძვლად.

ჟურნალის კარიბჭე მისი სახელწოდებაა; ცხადია, თავი და თავი ისაა, რაც კაცს მის მიღმა დახედება, მაგრამ ოჯახი მაინც კარით იწყება!

„ბალავერი“ №1, 1985

რ ა ე ნ ა წ ა ხ დ ე ს

ენობრივი გარემოს შებლაღვა და სალიტერატურო ენის სინმინდის ამღვრევა მუდამ იყო და ახლაც რჩება ყოველი კულტურული ერის, მისი საზოგადოების ყოველი ფენის საზრუნავ-სადარდებელი; რა ენა წახდეს, ერიც დაეცესო — ეს ყავლგაუვალი ჭეშმარიტება დღესაც აქტუალურად ფლერს.

ქართული სალიტერატურო ენის დაცვის, განმტკიცების, გამდიდრება-განვითარების საქმე ვისმე მონოპოლია ვერ იქნება — ვერც რომელიმე ორგანიზაცია-დანესებულებისა და, მით უფრო, ვერც ცალკეული პიროვნებისა, რაოდენ ავტორიტეტულიც უნდა იყვნენ ისინი (მონოპოლიაზე მოგახსენებთ, თორემ ჩვენში მართლაც არის მთელი ქსელი, მთელი სისტემა სამეცნიერო, პედაგოგიური, პოლიგრაფიული თუ კულტურული დანესებულებებისა, რომელთა ერთ-ერთი უპირველესი და უმთავრესი საზრუნავი სალიტერატურო ენის სინმინდის დაცვა გახლავთ). მაგრამ თავი და თავი ამ საქმეში საზოგადოებრივი შეგნებაა, ხალხის ნება, ვინაიდან, როგორც ილია ბრძანებდა, ხალხია ენის კანონმდებელი და არა — ანბანთთეორეტიკაო. როდესაც ხალხის ნება, მისი შეგნებული თუ ინსტინქტური ლტოლვა ეროვნული თვითმყოფელო-

ბისა და თვითდამკვიდრებისაკენ ეჯახება ხელისუფლების ინტერესებს ენობრივი პოლიტიკის სფეროში — სახელმწიფო მანქანასა და კანონებს — მაშინ წარმოიშობა ხოლმე მძაფრი კოლიზიები (ამის მაგალითები სანთლით საძებარი ჩვენს ისტორიულ წარსულში სულაც არ არის: თუნდაც გასული საუკუნის სამოციანელთა ბრძოლა გავიხსენოთ ენისა და ეროვნების გადასარჩენად); დღეს ენობრივი გარემოს შებლაღვას მხოლოდ გარეგან ფაქტორებს ვეღარ გადავაბრალებთ — თუ ასეთი რამ ხდება, ეს უკვე ჩვენს უნიათობაზე, ჩვენი მოქალაქეობრივი გრძნობის მოჩლუნგებაზეც მეტყველებს. ამით კიდევ ერთხელ მინდა ჩვენს მკითხველებს შევახსენოთ თითოეული ჩვენგანის პიროვნული მოვალეობა დედაენის წინაშე; დიდი სიკეთეა, როცა სახელმწიფო კონსტიტუციურად აკანონებს მასზე ზრუნვას, მაგრამ ეს არამც და არამც არ გვათავისუფლებს ენის ბედ-იღბალზე პიროვნული პასუხისმგებლობისაგან.

ეს მოვალეობა კი, ცხადია, ასაკით არ გახლავთ რეგლამენტირებული, იგი ყველას — დიდსაცა და მცირესაც, მოხუცსაც და ბავშვსაც — აწევს მხრებზე. ერთი კია — ბავშვობის ასაკს სრულიად განსაკუთრებული მნიშვნელობა აქვს ენობრივი აღზრდისათვის. ყოველი დიდი პედაგოგი ამას გვასწავლიდა: ჩვილი დედაენაზე უნდა ამეტყველდეს, მშობლიური ენის გარემოში იცხოვროს, დედაენაზე ისწავლოს; ენის სიცოცხლისა და ცხოველმყოფლობის დერიტა ბავშვში ძვეს. გავიხსენოთ: ლათინური, ეს უზარმაზარი ლიტერატურული ტრადიციების მქონე ენა, მაშინ მოკვდა, როდესაც აღარც ერთმა დედამ ლათინურად აღარ ამოადგმევინა ენა თავის შვილს. ამიტომაც იღვწოდნენ ჩვენი დიდი წინაპრები ეროვნული სკოლისათვის, რომლის უპირველესი პრინციპია სწავლება მშობლიურ ენაზე, ამიტომაც ვერ ჩაითვლება ქართული ენა და ლიტერატურა ჩვეულებრივ, რიგით სასწავლო საგნად ჩვენს სკოლაში. იგი არის ის ბალავერი, რომელზედაც იგება ცოდნის მთელი სისტემა. აქედან გამომდინარე, დიდია ვალი სიტყვიერების მასწავლებლისა: მან არა მარტო თავისი საგანი უნდა ასწავლოს მოზარდს — ენის კანონები, გრამატიკული წესები შეათვისებინოს მას — არამედ პრაქტიკულად უჩვენოს დახვეწილი მეტყველების, ე.ი. აზროვნების ნიმუში, განუვითაროს ენობრივი ალლო, ჩაუნერგოს სწორმეტყველების ჩვევა. წმინდა, შეუმღვრეველი ქართულით უბნობა ყველა საგნის მასწავლებელს ევალება, მაგრამ მოსწავლეს ამისი მაგალითი, უპირველეს ყოვლისა, ქართულის მასწავლებელმა უნდა მისცეს. სამწუხაროდ, არცთუ იშვიათად, ასე არა ხდება: ერთიანი სალიტერატურო ქართულისათვის დიდად საზიანოა, როცა ქიზიყში ქართულის მასწავლებელი გაკვეთილზე კახურად უქცევს, ლიხსიქით კი — იმერულად თუ გურულად.

ჩვენს ჟურნალში, „ქართული ენა და ლიტერატურა სკოლაში“, დავამკვიდრეთ რუბრიკა, რომლის სახელწოდება გახლავთ „ასე თუ ისე“. იგი მონოღებულია სიტყვიერების მასწავლებელი (და არა მხოლოდ იგი) ერთმანეთის მოცილე, სადავო ფორმათა ხმარების მართებულობაში გაარკვიოს, მა-

თი წარმოშობის ისტორიული პროცესი უჩვენოს და ამის კვალობაზე ტენდენცია დაადგინოს, ზოგჯერ კი — პერსპექტივაც წარმოაჩინოს. ასე რომ, ჩვენი ყურნალი, რომელიც ქართული სალიტერატურო ენის ნორმათა კრებულებთან შედარებით უფრო ოპერატიულია, ამა თუ იმ ენობრივი ნორმის ერთგვარი აპრობატორის როლს თამაშობს.

ზემოთ ენობრივი ნორმები ვახსენე. ზოგიერთი ნორმიდან გადახრილი ფორმა, დღეს „შეცდომად“ შეფასებული, შესაძლოა, ხვალინდელ ნორმად მოგვევლინოს. ასე იქცა ძველი ქართულისათვის გრამატიკულად მცდარი ვალიარებ ან აქვთ დღევანდელ კანონიკურ ფორმებად. და საერთოდაც, თუ გავითვალისწინებთ ენის ცვლილება-განვითარებას, ისიც უნდა ვალიაროთ, რომ ამ ცვლილება-განვითარებას ფესვი ზოგიერთ ისეთ ფორმაში უძევს, თავის დროზე შეცდომად რომ მიიჩნეოდნენ. ნორმათა დამდგენი კომისიის ერთერთი ფუნქცია ისიც არის, რომ ხელოვნურად არ დააბრკოლოს ენის განვითარება. ცხადია, დღეს გადახრად და შეცდომად კვალიფიცირებული ყველა ფორმა პერსპექტივის თვალსაზრისით ერთნაირად ვერ შეფასდება: ზოგი უნდა ამოიძირკვოს, ზოგმა კი, შესაძლოა, კეთილი ნაყოფი გამოიღოს. ახლა წარმოვიდგინოთ ასეთი ვითარება: რედაქციებში, გამომცემლობებში — მოკლედ, ყველგან, სადაც ხორციელდება კონტროლი ნაბეჭდსა თუ საჯაროდ ნათქვამზე — ორთოგრაფიული ლექსიკონი კანონად გავიხადეთ და მცდარად მიჩნეული ისეთი ფორმები, როგორებიც არის, მაგალითად — კარნახობს, პასუხობს — არსად გავაჭაჭანეთ. არადა, თითოეული ჩვენგანიც კი, თუ ტელეფონით კავშირს ვერ ვამყარებთ, არ ვამბობთ — „არ უპასუხებს“, არამედ — „არ პასუხობს“. დაეუშვათ, ნორმის ფექტიმიზაცია იქამდე მივიდეს, რომ მწერალსაც კი გაუსწორონ რედაქტორ-სტილისტიბმა მხატვრულ ნაწარმოებში ამგვარი გადახრები ნორმიდან... სამწუხაროდ, რედაქტორული სწორების ამგვარი დონე დღესდღეობით მიუღწეველია ჩვენში. მაგრამ, ვინ იცის, იქნებ — საბედნიეროდაც? ალბათ იტყვიოთ, ეს არასოდეს მოხდება, რედაქტორ-სტილისტთა მცდელობის მიუხედავად ნაწერში ყოველთვის იჩენს თავს გავრცელებული, მთარული ენობრივი სიახლენი, ნორმის ფარგლებს რომ სცდებო. გეთანხმებით, მაგრამ ნებისმიერი კანონი (მათ შორის, ენის ნორმატიული კანონიც) მის დარღვევას კი არა, მის აღსრულებას ითვალისწინებს. ცხადია, ნორმა მცდარ ფორმას, აქაოდა ხალხში ფეხმოკიდებულიაო, მხოლოდ ამ მოტივის გამო კანონიკურად ვერ მიიჩნევენ, მაგრამ არც მეორე უკიდურესობა ივარგებს — სრული იგნორირება იმ მომენტისა, რომ ზოგიერთი უზუსტო ფორმის გაჩენა და მისი საყოველთაოდ გავრცელება თავად ენის შინაგანი მოთხოვნის გამობატულებაა და მას ხელოვნურად გზა არ უნდა ჩაუხერგოთ. მოკლედ, როგორც იტყვიან, ნორმის კანონმდებელმა არც მწვადი უნდა დანვას და არც შამფური, ხოლო მისმა აღმსრულებლებმა, რედაქტორ-სტილისტიბმა — ანგარიში გაუწიონ ენობრივ

საშუალებათა ვარიანტულობას და ავტორის სტილისტურ მიზანდასახულობას.

ცხადია, მღერეიე ზნეობრივ გარემოცვაში ენაც „აიჭრება“ ხოლმე. თუ ვირნმუნებთ, რომ „მტერობა ენის არს მტრობა ერის“ — ეს კი არავეისთვის სადავო არ უნდა იყოს — მაშინ ისიც უნდა გვენამდეს, რომ ერთგულება და სამსახური ენისა ერის მსახურებაც არის, ხოლო ერის ზნეობრივ სინმინდეზე მზრუნველი კი — ენის მზრუნველ-მექომაგე.

ჩვენს ქვეყანაში უზუსტესი აღრიცხვაა იმისა, თუ მეღია წლის განმავლობაში რა ზარალს აყენებს ამა თუ იმ ფერმას. ხოლო უგვანი ქართულით ნათარგმნი სახელმძღვანელოები რამდენ ტვინს, ენასა და სულს აზარალებს ერთი სასწავლო წლის მანძილზე, ამით, სამწუხაროდ, ნაკლებად ვართ დაინტერესებულნი. ამას სხვათა გასაკენწლად არ მოგახსენებთ, ეს ჩვენი ჟურნალის ღვიძლი საქმეა და, თუ ვინმეა „შესაჯანჯღარებელი“, პირველ ყოვლისა, ჩვენა ვართ: კარგა ხანს „გვეძინა ყურზე“. არადა, ენობრივი სინმინდის დაცვის პრობლემა რალაც კუთხით თითქმის ყოველ ნომერში უნდა იჩენდეს თავს. არ კმარა მხოლოდ ერთი რუბრიკა — „ასე თუ ისე“, უნდა გამოვძებნოთ სხვა ფორმაც ენობრივ გარემოზე სასიკეთო ზეგავლენის მოსახდენად...

ჟურნალი „ქართული ენა და ლიტერატურა სკოლაში“ თავისი სტატუსით გახლავთ-მეთქი მონოდებული, დღენიდაღ იღწნოდეს ქართული სალიტერატურო ენის სინმინდისათვის. იღწნოდეს არა მარტო პრაქტიკულად — როგორც ეს ყველა ჟურნალს ევალება, რათა მკითხველს შესთავაზოს ცოცხალი, გაჩალხული, ღონიერი სიტყვა — არამედ თეორიულადაც: სისტემატურად ბეჭდოს ისეთი მასალა, რომელიც ენობრივი გარემოს შებღალევას აღუდგება წინ. უნდა გამოიძებნოს საამისო გზები და საშუალებანი. ხოლო ვინც ეძიებს, ის, ჩვეულებრივ, კიდევ პოულობს ხოლმე, მით უფრო, როცა ძიების მიზანი წმიდათანმიდაა — დედაენის დაცვა.

„ქართული ენა და ლიტერატურა სკოლაში“, N 2, 1982

მსკეფსი

ენაც, ცხოვრებისა არ იყოს, თვითრჯული რამ არის, იღიას სიტყვებით რომ ვთქვათ, მისი ცვლილება-განვითარების წესები „სხვათა რიკრიკაზე არ გამოიჭრება“. როგორც ცხოვრების მდინარებაში, ამ ენობრივ ცვალებადობაშიც ყველაფერი როდია მისალეები: ხანდახან ენა კარგავს იმას, რაც დასა-

კარგი არ არის... და — პირიქითაც. მაგალითად, განა უნდა დაგვეკარგა ქართველებს სიტყვა „მსგეფსი“, რომელიც შვიდ დღეს, შვიდეულს აღნიშნავს? მეტყვეით, ხომ გვაქვს დროის ამ მონაკვეთის აღსანიშნად „კვირა“, რომელიც ჩინებულად გვემსახურება, და იმავე მნიშვნელობის მნიგნობრული „მსგეფსი“ გაცოცხლება რაღა საჭიროაო. ჩინებული სამსახურისა რა მოგახსენოთ, ვინაიდან „კვირა“ ომონიმური მნიშვნელობისა გახდა და შვიდ დღესთან, შვიდეულთან ერთად აღნიშნავს ამ შვიდეულის ერთ-ერთ დღესაც. როცა ვამბობთ, დაძაბული კვირა მქონდა ან ეს კვირა გამეპარაო, მხოლოდ კონტექსტი გაგვარკვევინებს, ერთ დღეზეა აქ საუბარი თუ — შვიდზე. რაც შეეხება სიტყვის სიკვდილს, ჩვენ, ღვთის მადლით, სულ უკანასკნელი, თექვსმეტსაუკუნოვანი დამწერლობითი ტრადიციები გვაქვს და ყოველი სიტყვა, ეტრატზე თუ ქვაში მოხელთებული, უკვე გაუკვდავებულია. ეს კია, რომ — „არ იხმარებ, რა ხელსა ჰხდი საუნჯესა და ფარულსა?“ ენათა უმეტესობას ცალკე სიტყვა აქვს შვიდდღიანი ციკლის აღმნიშვნელად, ცალკე კი — ამ შვიდეულის თითოეული ნევრისათვის. ჩვენც ასე გვქონდა; ეგ კი არა, სანამ ბერძნული წარმოშობის კვირა — კვირიკე ასე „გაპარპაშდებოდა“, „მსგეფსთან“ ერთად „შვიდეულიც“ იხმარებოდა დროის ამ ციკლის აღსანიშნავად: „ნეტარმან ესე ჰაბო ხოლო ნმიდათა მათ დღეთა დიდისა მის მარხვისათა, შეიდთა მათ შეიდელთა კვირიაკესა და დღესა შაბათსა ხოლო მი-რა-ილის ნმინდა იგი საიდუმლო, ხორცი და სისხლი ქრისტესი, მაშინლა ნაკლულად მიიღის საზრდელი“... ესე იგი, ნეტარი აბო მხოლოდ დიდმარხვის შვიდი შვიდეულის ანუ მსგეფსის ანუ კვირის მანძილზე მხოლოდ კვირას (ანუ კვირიაკეს) და შაბათს იღებდა მცირე საკვებს. ეს მაგალითი სწორედ იმითი არის საინტერესო, რომ გვერდიგვერდ თავ-თავიანთი განსხვავებული მნიშვნელობით არის ნახმარი „შვიდეულიც“ და „კვირაც“.

მაგრამ დღესდღეობით უფრო უპრიანია „მსგეფსი“ აღვადგინოთ, ვიდრე „შვიდეული“, რომელიც ისედაც ცოცხალი სიტყვაა და შვიდ ერთეულს, ერთეულთა გამოურჩევლად შეიდთა ერთიანობას გულისხმობს.

„მსგეფსი“ ანუ „მზგეფსი“ უძველეს ქართულ წერილობით ძეგლებშია დადასტურებული და იგი არც დასავეინყებლად და არც მხოლოდ „სამუზეუმოდ“ არ უნდა გავიმეტოთ. საერთოდაც, რა სჭირს ჩემი დასაცავი სიტყვას, რომელიც მოიხმარებოდა გიორგი მთაწმინდელის, შოთას, საბას მიერ!

მაგალითები? — ინებეთ:

„და რომელმანმე ორი მსგეფსი დაყვის ქვე მწოლარემან და რომელმანმე — სამი“ (გიორგი მთაწმინდელი).

„ამის მეტსა არას გნუკევ: წელიწადსა ერთსა მსგეფსსა

აქავ ქვაბსა მომნახევი მე, ამბავთა ყოველგნით მკრეფსა“ (რუსთველი).

„დიდად პატიოსანი კაცი იყო, გვერდს დამიჯდა; ორი მზგეფსი განმასვე-ნა“ (საბა).

სულხან-საბა თავის „სიტყვის კონაში“ ასე განგვიმარტავს „მსგეფსს“ — „ამ დღით მის სწორს დღემდე; შვიდეული დღეთა გინა სწორით სწორი“... მოთაც „სწორს“, „თავზე“ მნიშვნელობით ხმარობს მოხმობილ მაგალითში ამ სიტყვას: „წელინადასა ერთსა მსგეფსსა“ ნიშნავს „ერთი წლის თავზე, ერთი წლის სწორს“ (შეადარე — კვირისთავზე, დღეისსწორს).

ზემოთ აღვნიშნე, „კვირა“ ბერძნული წარმოშობისაა-მეთქი. საერთოდ, წარმომავლობისა გამო ენაში დამკვიდრებული სიტყვა არ დაინუნება — კაცისა არ იყოს, თუ გაგვიქართველდა, რას ვერჩით, მივილოთ — მაგრამ როცა გვაქვს ჟღერადობითაც, აღნაგობითაც ძირძველი ქართული სიტყვა და, რაც მთავარია, როცა მისი ხმარების საჭიროებაც იგრძნობა — რაღა გვიშლის ხელს მის აღდგინება-დასამკვიდრებლად, ან რატომ უნდა მოვიმარჯვოთ კალკი და სხვათა ენის თარგზე ვჭრათ და ვლამბოთ ქართული? ალბათ, იმიტომ, რომ თურაშაულის პატრონი ქართველები ხშირად პანტას ვეძებთ ხოლმე ტყეში.

მსგეფსის, ამ ნავლნაყრილი სიტყვის, მთავარი „გამაცოცხლებელი“ შეიძლება გახდეს ფრიად საინტერესო ახალი გამოცემა — „შვიდი დღე“. თეატრი თუ საკიდრით იწყება, გაზეთი, მით უფრო, სახელწოდებით. ყოველკვირეული გაზეთისათვის „შვიდი დღე“ შინაარსობრივად, ცხადია, მისადაგებულია და ზუსტი, ქართულის თვალსაზრისით კი — შეუფერებელი და გონჯი.

ვიცი, რა ძნელიც არის გაზეთის დაკანონებული სახელწოდების შეცვლა. თავადაც ბევრი ჭირი გადამხდა, სანამ ოფიციალურ ორგანოებს შევაგნებინებდი, რომ რუსულის თარგზე მორგებული ფრაზის ნაგლეჯს — „ქართული ენა და ლიტერატურა სკოლაში“ — ბევრადა სჯობს „ბალავერი“ იმ ჟურნალის სახელწოდებად, რომელიც ეროვნული სკოლის საფუძველთა საფუძვლის — დედაენისა და მშობლიური ლიტერატურის — სწავლებას ემსახურება.

დღეს სხვა დროა, თანაც — ჯერჯერობით მხოლოდ სამი ნომერია გამოსული გაზეთ „შვიდი დღისა“. კოჭებშივე ეტყობა, მუხლმაგარი მეშრომე შეემატა ქართულ პრესას; მას სახელიც შესაფერისი უნდა ერქვას. სწორედ ამგვარ სახელად მიმაჩნია „მსგეფსი“. რადგანაც ეს სიტყვა თითქმის მიგვაკინყდა, აჯობებს, თუ რამდენიმე ნომერს ქვეშ (თუნდაც ფრჩხილებში) მიენერება ახლანდელი სახელწოდება, ვთქვათ, ასე: „მსგეფსი“ (შვიდი დღე). მერე და მერე, ყურს რომ გავიხედინით, დარჩება მხოლოდ ერთი ქართული, ძველი, ტყეადი და ზუსტი სიტყვა — „მსგეფსი“.

„შვიდი დღე“, N 5, 1990 წ.

მარადისოვის მკვალე

გურა კვარაცხელიას გასტუდენტებამდე არ ვიცნობდი, თუმცა, თუ არ ვცდები, მეცხრე კლასში, პოეზიისაგან ძალიან დაშორებულმა ერთმა ჩემმა კლასელმა ზეპირად მითხრა თურმე ჩვენი კბილა გოგონას სტრიქონები, რომლებიც მეც ჩამრჩა მუხსიერებაში:

*ყვითელთვალემა თეთრო ცირებო,
აჩუქეთ კოცნა იმ სანყალ ფუტკარს,
თქვენი სიცივე ასე რომ სუსხავს...
თორემ გახმება თქვენი ძირები,
უსიყვარულოდ გაინირებით...
ყვითელთვალემა თეთრო ცირებო.*

იმ წელს, 1958-ში, მედალი აღარ მედლობდა, უფრო ზუსტად, მედალოსნებიც ისევე ვაბარებდით ხუთივე საგანში მისაღებ გამოცდებს, როგორც ნებისმიერი აბიტურიენტი. გურას პირველივე გამოცდაზე, ქართულ წერაში, ფათერაკი შეემთხვა: უსმენო ადამიანზე იტყვიან, დათემა ყურზე დააბიჯაო; რახან გემოვნებას ასეთი კონკრეტული ორგანო არა აქვს, ამიტომ, ჩავთვალეთ, რომ გურას თემის გამსწორებელს დათემა თავზე დააბიჯა — ულაპარაკოდ ხუთიან თემაში დაინერა სამიანი. არადა, იმ წელს იმდენი მედალოსანი მიანყდა ფილოლოგიის ფაკულტეტს, შეიძლებოდა ოცდაოთხქულიანებიც გარეთ დარჩენილიყვნენ. შეფასება გაპროტესტდა... ჯერ ახლა როგორაა და მაშინ თითქმის ზღაპარი იყო, საპრეტენზიო კომისიას ნიშანი გადაესწორებინა — ორი ნიშნის ანევაზე ხომ ლაპარაკიც ზედმეტია. სხვა გზა არ დარჩენოდათ — სამიანი ოთხიანად გადაუკეთეს და გურაც ჩაირიცხა. ჯგუფელები ვიყავით, მეოთხე კურსიდან საუციალობაც ერთნაირი ავირჩიეთ — ქართველური ენები — და, თუ არ ვცდები, გურას მეტი ოთხიანი აღარც მიუღია.

ღმერთმა დამიფაროს, ადამიანის უნარ-შესაძლებლობებზე მხოლოდ აკადემიური მოსწრებით ვიმსჯელო — ბრიყვი ფრიადოსნები და ჭკვიანი ცუდოსნებიც არაა ჩვენში სანთლით საძებარი, მაგრამ გურასთან დაკავშირებით მისი აკადემიური ფრიადოსნობა მხოლოდ კერძო გამოვლინება გახლდათ უფრო მაღალი რიგის ფრიადოსნობისა, როცა იგი გამოცდებს უმკაცრეს გამოცმდელს, ცხოვრებას, აბარებდა... და იმ პატარა ღმერთს, რომელიც, თუ ილიას ვერწმუნებით, ყოველ ადამიანს ჰყავს — საკუთარ სინდისს.

ცხოვრებამ კი გურას მარტო გამოცდა როდი მოუწყო, ცხოვრებამ დაუნდობლად ჰგვემა მას. შორიდან მაცქერალს, იქნებ, გაუკვირდეს კიდეც — ქალი ხუთ, ერთი მეორეზე უკეთეს, შვილსა და ჯერჯერობით ექვს შვილიშ-

ვილშია გაფუფუნებული; საზოგადოება აფასებს, უამრავი ნათესავ-მეგობარი ჰყავს, გუჩა თავს რომ ურჩევნიათ, ისეთები; ცნობილი მეცნიერია, დიდი ტრადიციების მქონე ენათმეცნიერების ინსტიტუტის დირექტორი; პროფესორია, დოქტორია და, რა ვიცი, ვინღა არ არის და ვინღა არ იყო — მათ შორის, მინისტრიცა და დეპუტატიცო... გეთანხმებით, თუმცა თავისთავად ტრაგიკულია, რომ, რაც, უპირველეს ყოვლისა, არის გუჩა, ხალხმა, ფართო საზოგადოებამ ეს ან ნაკლებად, ან სულაც არ იცის...

გუჩა კვარაცხელია პოეტი, თანაც — ლეთით პოეტი.

მერედა, რა არის ამაში ტრაგიკულიო, თუ მეტყვიო — ტრაგიკული არაფერი იქნებოდა, ეს სტრიქონები რომ ამ ორმოცი წლის წინ დამეწერა. განა არ ვიცი, პოეტი ზოგჯერ სიკვდილის შემდეგ აღმოუჩენიათ, ზოგიც — სულაც საუკუნეთა შემდგომ. გუჩამ ექვსი ათეული წელი მოათავა და არაა იოლი, ახლა ამცნო საზოგადოებას — გამორჩეული პოეტი გყოლიაო. ბარემ აქვე ვიტყვი — არაერთარ უხერხულობას არ ვგრძნობ, მანდილოსნის წლოვანებაზე ასე უცერემონიოდ რომ ვსაუბრობ. ერთგან გუჩა წერს: „ჩემი უსამკაულო საცოდავი ხელები, უკანა ეზო დაუგველი რომ რჩებათ ყოველთვის“ ... ამ უსამკაულო, დაშარული ხელების ნაოჭები ის ძვირფასი აღმასვებია, რომელთაც დიახაც თამამად და დაუფარავად გამოაფენს თვითონ პოეტი.

ვერ ვთქვით-მეთქი, თავის დროზე, ვინც იყო გუჩა. პირველ ყოვლისა, საკუთარ თავს ვსაყვედურობ — მე ხომ სხვებზე უკეთ ვიცნობდი მის პოეზიას — არა მარტო 15 წლის გოგონას უკვე გამოქვეყნებულ ტრადიციულ ლექსებს, არამედ 20 წლის ქალიშვილის მაშინაც და მერეც გამოუქვეყნებელ არატრადიციულ სტრიქონებს „ორკესტრული ხმიანობის“ სფეროდან. ეს ციკლი დაიკარგა, მისი ზუსტი აღდგენა კი ისევე შეუძლებელია, როგორც უსიტყვო სიმღერის „ტექსტისა“.

ისე, სრული დაკარგვით არაფერი იკარგება, მათ შორის, გაბნეული სტრიქონებიც:

„აქ სძინავს პოეტს.

ზე ამოდიან დამარხული ლექსები მორცხვად

და ლიტლიცებენ ნარცეცხლების ცისფერი ალით...”

მაგრამ ამის შემდეგ გუჩა კვარაცხელიამ დიდხანს „დაიდუმნა“.

ბუნებამ შექმნა ინსტრუმენტი — ეს უკვე მისი ადრეული ლექსებიდან ჩანდა — რომელიც „იჭერდა“ ჩვენთვის უხილავ ფერებსა და ხმებს. აი, ამის „გადმოთარგმნას“ კი მკითხველის ენაზე ის სჭირდებოდა, რის გამოც ახალგაზრდა ქალი, ჩემი აზრით, დადუმდა: გუჩა უამრავ რასმე ხედებოდა, მაგრამ მკითხველიც რომ ამასვე მიახვედრო, აქ უკვე მიხვედრა, ალლო, გეში აღარა კმარა, პოეტმა უნდა იცოდეს. აქ მარტო და იმდენად ინფორმაციულ ცოდნას როდი

ვგულისხმობ — ეს, თავისთავად: პოეტი უნდა სწვდეს იმ იდეულ კავშირებს საგანთა შორის, რომელიც ანესრიგებს სამყაროს. ამას კი კოლოსალურ ნიჭზე არანაკლებ კოლოსალური შრომა სჭირდება, ყოველდღიური, დაძაბული მუშაობა ინტელექტისა ნიგნზე, ადამიანზე, ბუნებაზე — სხვანაირად საგანი, მოვლენა, სამყარო არ „გაგეხსნება“. პოეტი იქცევა ერთგვარ ღრუბლად, რომელიც შეინოვს, შეისრუტავს წინამავალთა გამოცდილებას: აგროვებს და ამნიფებს თავის წიაღში წინამორბედთა ხმებს, სახეებს, ხილებებს, ზმანებებს. მაგრამ თვით უმდიდრესი ბიბლიოთეკებიც — ეს გიგანტური სიბრძნისსაცავები — უძლურნი არიან თუნდაც ერთი ნიგნი შეან. პოეტმა კი თავისი ნიგნი უნდა შეას, რომელიც, რეალური შეილისა არ იყოს, წინაპრებს კი ჰგავს მეტნაკლებად, მაგრამ ერთადერთია და განუმეორებელი. ვიმეორებ, ასეთი ნიგნი მხოლოდ მნიგნობრული ცოდნით არ იბადება: „არა ვიქმ, ცოდნა რას მარგებს ფილოსოფოსთა ბრძნობისა“ — აკი ბრძანებდა ის კაცი, ვისაც, უნდა-არ უნდა, ყველა ქართველი პოეტი მაინც ეზმანება, უფრო სწორად, ქართველი მკითხველი აზმანებს, როგორც საზომთა საზომს. ქმედებით შემეცნებას კი თვეები და ზოგჯერ წლებიც არა ჰყოფნის — ეს პოეტის (და — არა მხოლოდ პოეტის) მთელი ცხოვრების თანამდევი პროცესია; ოღონდ ქმედებისაგან მიღებულ ანუ ქმედით ცოდნას პოეტი მხოლოდ ქმედებით როდი ავლენს, იგი მას სიტყვადაც გარდათქვამს და ახალ ცოდნად უბრუნებს მკითხველს, საბოლოო ჯამში — ცხოვრებას. გუჩამ ცხოვრების ამ „ვალის“ გასტუმრება — არა ცალკეული ლექსების — ნიგნების სახით, თითქმის ოცდახუთწლიანი „შესვენების“ შემდეგ დაიწყო, თუ „შესვენება“ შეიძლება ეწოდოს იმ ქვის კოდვას, რაც სიტყვაზე და სიტყვასთან მუშაობას სჭირდება. თავისი ცხოვრების ორი ნიგნი კი — „მართალთა და უღმრთოთა გზები“ და „ჩვენ, ძიღში გაპარულები“ — მან სულ ახლახან გამოსცა. გამოსცა და, ღმერთმა დიდი დღე მისცეს, სიკედილის უფლებაც მოიპოვა, რაც ბევრ ჩვენგანს ჯერ კიდევ მოსაპოვებელი გვაქვს.

მამ ასე, ჯერ კიდევ ახალგაზრდა გუჩა კვარაცხელიაში ღვითთ მომადლებული ჰარმონიის ნიჭი ასევე ღვითთ ბოძებულ შრომის, ქმედების უნარს შეერწყა და მეტიც თითქოს აღარაფერი იყო საჭირო პოეტის, ღვითთ პოეტის, მოსაველინებლად.

არადა — ყოფილა.

მარტო ნიჭისა და შრომისაგანაც კი პოეტი არ შედედდება; როგორც ყველს მაჭიკი, ცომს საფუარი, მასაც სჭირდება „მარილი ქვეყნისაჲ, რათამე დაიმარილოს“.

და სახელი ამ „მარილისა“ — ტანჯვა.

გუჩა მეორე კურსზე გათხოვდა, თუმცა უნივერსიტეტელ ძმაკაცებს საქმრო აღრევე წარმოგვიდგინა — თენგიზ ოშიაძე.

ვერის ბალთან ცეცხვრობდი, ჩვენი საკალათბურთო „მექის“ წინ, და ეს

ბიჭი — კარგად ასხმული, ხიოჭი, — მოედნიდან მახსოვდა: ჭკვიანი იყო, უზუსტეს პასებს იძლეოდა, მოკლედ, თამაშს ის ალაგებდა. სპორტსმენებზე უკუღმართული აზრი ახლაც ბოგინებს — დაკუნთული მკლავი, სლიპინა ტვინი; თენგიზ ომიადე კი ჯერ ხერხი ანუ ჭკუა იყო, მერე — ღონე. მარტო მოედანზე არა — ცხოვრებაშიც. საერთოდაც, რაც კაცი ცხოვრებაში ვერ არის, ის ვერც ასპარეზზე იქნება.

გუჩას და მე საერთო სიყვარულიც გვყავდა — ლეჩხუმი, ჩვენი ზიარი დედულეთი. სწორედ ლეჩხუმში გამიგონია სიტყვა „მარძიკიანი“ — ხიფათიან, ფათერაკიან კაცზე იტყვიან, განსაცდელი, უბედური შემთხვევა, აყალ-მაყალი რომ თანა სდევს (საბასთან ჩაეიხედე და, „მარზიკი“ — მბრძოლნი მოხარნი ანუ მარბიელნი აღმოჩნდა).

თენგიზ ომიადე მარძიკიანი იყო.

არა საბასეული, არამედ ლეჩხუმური გაგებით: ხიფათა.

არა, ის არ ყოფილა თვითდამტკიცების უნის აყოლილი ჯეელი, სხვისი დაჩაგვრა-დათრგუნვით რომ საკუთარი ზეგავლენის დამკვიდრებას ლამობს; ის თვითონ არასოდეს ეძებდა ფათერაკს, არ ქმნიდა კონფლიქტურ სიტუაციას, არ ტარიელმკლავაძეობდა, ჭკუა არც იარაღზე ეკეტებოდა, თუმცა, თავისი თავის ყადრისა და ფასის მცოდნეს, ხიფათს გარიდება და, მით უფრო, „ქვეშიდან გამოსვლა“ არა სჩვეოდა. მთელ უბანს, მთელ პლენხანოვს უყვარდა და პატივს სცემდა... სწორი ბიჭი იყო, სწორად ცხოვრობდა და ამით სხვასაც უადვილებდა ცხოვრებას. საერთოდაც, ადამიანი ერთი რომელიმე თვისების გამო არ უყვარდებათ — ცალკეული თვისებით ან უნარით კაცის მხოლოდ მოწონება შეიძლება. ადამიანი უყვარდებათ ერთიანად, მთლიანობაში, ვისთვის მოსაწონი, ვისთვის დასაწონი ჩვევებით, ხასიათით, გარეგნობით; გუჩას და თენგიზს ერთმანეთი სკოლის მერხიდან უყვარდათ. მერე გუჩა დანერს:

*„ვერა, ვერაფრით ვიხსენებ დროს,
როცა ჩემთვის არ არსებობდი...
როდის არ მყავდი, არ მახსოვს ის დრო.“*

როცა ადამიანი ივსები სხვა ადამიანით, ერთგვარად აზრსა ჰკარგავს კითხვები — რა მოენონა, რამ შეაყვარა?.. გუჩასა და თენგიზთან ეს კითხვებიც არ გაჩენილა — მათ ერთმანეთი კი არ შეავსეს, როგორც ზოგჯერ ამბობენ განსხვავებული ხასიათის ადამიანებზე, მათ ერთმანეთი აავსეს: გუჩა თენგიზში გადაისხა და თენგიზი — გუჩაში, ოღონდ ისე სასწაულად, რომ გუჩა გუჩად დარჩა და თენგიზი — თენგიზად.

და რახან თენგიზი თენგიზად დარჩა, ის დარჩა მარძიკიან კაცად. კალათბურთს თავი დაანება, ჩინებული სამთო ინჟინერი დადგა, ნღების მანძილზე

რაჭაში ირის გამამდიდრებელ ქარხანას ხელმძღვანელობდა; ერთმანეთის მი-
ყოლებით გაჩნდნენ თათა, დარეჯანი, სალომე, გვანცა, შალვა... ბავშვები გუ-
ჩას თენგიზის სიყვარულში არ ჩაუზიარებია: როცა მებუთე ნანატრი ვაჟი,
შალვა, შეეძინა, სალალობდ ეკითხე — თენგიზი გადასწონის თუ შალვა-მეთქი;
ძალიან სერიოზულად მიპასუხა — თენგიზი ხუთივეს ერთად გადასწონისო.

მარძიკიანი კაცის ამბავი კი მოგეხსენებათ: სულ რომ არაფერ შუაში იყო,
ვიღაც გზაკვალარეულმა დანა მუცელში გაუყარა. სასწრაფო ოპერაცია გა-
უკეთეს და გადაარჩინეს... მაგრამ გავიდა წელი, კაცი შეშუპდა და, ყველას
რომ გვეგონა, სიმსივნე სჭირსო, ხელმეორედ გაკვეთეს და ნინა ოპერაციის
დროს მუცელში ჩარჩენილი ტამპონი ამოულეს. რესტორან „რუსთავში“, მი-
სი სახლის წინ, ოფიციალტს ესროლეს; მთელმა ქალაქმა იცოდა, მკვლელი
ვინც იყო, მილიციამ კი თენგიზი აიყვანა... ჯგუფურ ჩხუბში თენგიზი დააზა-
რალეს, მაგრამ ამ საქმეზე ციხე კარგა ხნით სწორედ მას ახეხინეს... და ასე
დაუსრულებლივ... 1977-ში, ნაფეხბურთალებზე, ქეიფის იმტაზე მოსული ძმა-
კაცები, თათარიახნი პურ-მარილით მეგობართან მივიდეთო, ამტყდარან...
თენგიზს — სიურპრიზად — ცოცხალი მამალი უყიდა... შესულან ჭიშკარში,
თენგიზს მამალი ხელში აუბათქუნდა და გაუფრინდა. გაფრენა ეგრე არ უნ-
დაო, დააძრო ერთმა ნაგანი და მამალს დააყარა... მერე ამბობდნენ, ტყვია
მოაჯირმა აისხლიტაო... აისხლიტა-არ აისხლიტა — თენგიზი კი ამ ტყვიამ
წელში გახერიტა — ხერხემალში გაეჩხირა და ზურგის ტვინი დაუზიანა.

გაუკეთეს ოპერაცია ერთხელ, ორჯერ... ტყვია ამოულეს, ნერვთა სადინა-
რებიც თითქოს გაუხსნეს... ვინ არ ჩამოიყვანეს, სად არ წაიყვანეს, ვის არ აჩ-
ვენეს, რა არ ასვეს და რა არ გაუკეთეს... სამველი არ ჩანდა — წელსქვეით
მონყდა, ლოგინად ჩავარდა, გაუსაძლისი ტკივილი კედლებზე გაიყვანდა,
განძრევის თავი რომ ჰქონოდა; გახდა, დაილია, გამაყურებლები ვეღარ მოქ-
მედებდნენ, იტანჯებოდა და მისმა წამებამ ჩვენც ლამის ჭკუიდან გადაგვიყ-
ვანა. ტვინი ბოლომდე სრულფასოვნად მუშაობდა, ბუნება, ხასიათი შეინარ-
ჩუნა — უბედურებას არ გაუბოროტებია, მაგრამ ტკივილმა შიგნიდან გამოლ-
რუნა, გამოფქვა ეს დევივით ვაჟკაცი. აფუთფუთებულმა ნერვებმა ძვლებიც
გამოუსვრიტეს. გალოპრილი ჩონჩხი და ამ ჩონჩხზე გადაკრული კანილა
დარჩა. სანოლზე გვერდს რომ უქცევდნენ, ნაღდად არ მეჩვენებოდა — ძვლე-
ბის რაჩხუნი მესმოდა. მისი გადაბრუნება კი ცხრა წლის შალვასაც შეეძლო,
გადაბრუნება კი არა, თუ დაანებებდნენ — ხელში აყვანა და სათამაშოსავით
ტარებაც. შვიდ წელს ენამა — სხვა რომ შვიდ დღეს, შვიდ საათს, შვიდ წუთს
ვერ გაუძლებდა იმ წამებით, ცარიელი სუნთქვალა დარჩა და

*„დამშვიდობების შეისუნთქე უსიტყვო კენესა...
სამარადისოდ ჩამასახლე მდუმარებაში,
შენი თვალების ქუთუთოთა მიღმა რომ დარჩა“.*

მაგრამ თენგიზის ტანჯეაც კი რა მოსატანია გუჩას ტანჯევასთან...

*„არ ითარგმნება სიზმრების სუედა,
და ის სიტყვები,
რომელთაც ძალუძთ გამოლექონ ბოლომდე გრძნობა,
არ იძოვება...“*

გუჩას არავისთვის — თავის დისათვის, დედამისისათვისაც — არ დაუნახვებია, მთელი ამ შვილი წლის განმავლობაში როგორ ნელ ცეცხლზე იწვოდა.

*„როგორც ნელ ცეცხლზე გამოინვის მაიოლიკა,
მეც ისე ვინევი,
მოჭიქული და მოხატული ჩემივე ცრემლით“.*

თენგიზის სიკვდილით მარტო ქმარი არ მოჰკვდომია — მეექვსე შვილი მოუკვდა, რომელსაც ზედ გადაჰყვა, გადაეგო და ფეხი კი ვერ აადგმევინა. ცრემლი არც ჩემთვის დაუნახვებია, მაგრამ მე ახლაც ვხედავ ბალიშს კბილებით ჩაფრენილ ქალს... მესმის ცალად დარჩენილი ძუ მგლის უკან ჩაბრუნებული ყმუილი, ლექვები რომ არ დააფეთოს.

*„როგორი შვებით
შენს მაგივრად
შენს სამარეს ამოვაესებდი“.*

თენგიზი წავიდა, მაგრამ გუჩა, თენგიზის მწიაღებელი, თენგიზს ინახავს, აცოცხლებს, ასხივებს:

*„მე შენ გირეკლავ, გამუდმებით გასხივებ ჩემგან.
ვერაღინ ამჩნევს ამ ნათებას, ამიტომაც — მხოლოდ ჩემია.
დაგინარჩუნე, ბოლოს მაინც დაგიმარტოვე.
ვეალერსები შენს ყრმობას,
ჩემში დატოვებულს სინათლესავეთ“.*

ზემთ ვთქვი, პოეტი თავის წიაღში ამნიფებს წინამორბედთა ხმებს, სახეებს, ხილვებს-მეთქი. ოთარაანთ ქვრივის ერთი ფრაზა გაიხსენეთ — ქმრის, თევდორეს, დანატოვარი თოფის რიტუალური წმენდისას გულამომჯდარი ლოცვა-ტირილიდან ქვრივის ერთი ამონაკვნესი: „ვაი უშენოსა! ყვირილობის თვეში რომ ირემს მომაყენებდა ურმით! იმისი ზარიანი ხმა რომ ყურს მომხვდებოდა, გული გადამიტრიალდებოდა სიხარულით“ (სიტყვამ მოიტანა და, ამის მთქმელში სწორედაც ქალი, კაცის გამაბედნიერებელი და კაცისაგან გაბედნიერებული ქალი ვერ დაინახო, და დაინახო „გამამრებუ-

ლი მდებრი" — მართლაც ვერშემდგარი ქალი უნდა იყო, ვერშემდგარი კაცების ანაბარა დარჩენილი); ახლა გუჩას მოუსმინეთ:

*„აღდგომა უნდათ შენს ნივთებსაც —
სანთებელას, საფერფლეს, საათს,
საგულდაგულოდ ბნელ უჯრებში გადამალულებს,
რომ თვალი უცებ არ მომიხვდეს;
დამცეცხლავია მათი ხილვა მოულოდნელი...
შენი არყოფნის მზარავს ელდა ისევ და ისევ,
თითქოს ყოველდღე და ყოველ წამს კვლავ მიკედებოდე“.*

ისევ ოთარაანთ ქერივს, ახლა უკვე თავისი გიორგის სიკვდილით თევდორეს მეორედ დამკარგავ ორგზის ქერივს მიუგდეთ ყური შობის ღამეს: „ვინ მქდახის, ვინ — ნადი, წადიო? რად მენევა, რაო? მოვდივარ, მო...“

ამ ხმას გუჩა გააგრძელებს, ქმრის ანუ მეექვსე შვილის ხმას მიყურადებულის:

*„მომდგარა ღამე ფანჯარასთან შოსანი მონაზონივით...
ცას აცახცახებს ვარსკვლავების ცივი ციმციმი.
მქდახდა ვინმე?
სადმე მიხმობენ?
მენეოდნენ?
აი, აქა ვარ,
მიუსვლელსა და მოუსვლელს შორის
ხიდზე ვდგავარ, არ მეშინია.
იქაურობის, რა ხანია, არ მეშინია.
იქ ხომ შენა ხარ, სანატრელო!
შენი იქ ყოფნით მიმსუბუქებ აქედან წასვლას.
მე ვდგავარ ხიდზე,
ვით მძევალი მარადისობის“.*

ესეც უნდა ითქვას: ნალდ პოეტს ცხოვრებამ — ასე არ ხდება, თორემ — ცივი ნიავიც რომ არ მიაკაროს, სხვათა ტანჯვით ის მაინც ტანჯული იქნება. გუჩა კვარცხელია, საკუთარი თუ სხვათა ტანჯვის ეს შემგროვებელი, ალქიმიკოსია, ტანჯვას რომ შევებად გადაადნობს... მკითხველის შვეებად.

გუჩას, უბედურებით ბედნიერს, სახელშიც გაუმართლა: ღამის ერთადერთს ჰქვია... მე ვინ ვარ, მერმისის დაფნები ვარიგო — მარტო იშვიათი სახელის იმედადაც მტერი დარჩეს — მაგრამ, ვინ იცის, სამომავლოდ ამ სახელს, იქნებ, გვარით შემეაგრება აღარც დასჭირდეს.

საგუგლოანი

თავისი ქვეყანა ყოველ ნორმალურ ადამიანს უყვარს, მაგრამ მხოლოდ ერთეულებს უყვართ სამშობლო საკუთარ თავზე მეტად.

ნორმიდან ასეთი გადახრილი შეიძლება შლეგიც იყოს და ბრძენიც.

ვიქტორ ანუ დოდო რცხილაძე — სამშობლოზე შეყვარებული-მეთქი, ვერც ვამბობ — საქართველოთი შეპყრობილი კაცია; მეტიც ითქმის — სამშობლოთი დააყადებული ანუ სამშობლომანი.

დოდო, რაც თავი მახსოვს, სულ საქართველოს ათავისუფლებს.

მახსოვს კი იგი ბავშვობიდან: ჩემმა თანაკლასელმა მერაბ მახარაძემ თავის დაბადების დღეზე კარის მეზობელი შემოიპატიჟა — ასაკით ჩვენზე ერთი წლით პატარა და ზომა-წონით ჩვენზე ორჯერ დიდი ბიჭუნა.

გოლიათი ბავშვები, ჩვეულებრივ, ბუნჩულები არიან, მიმნდობი, დამჯე-რე ხასიათისა.

დოდო ძნელი ბავშვი გახლდათ.

ომისშემდგომი თაობის თბილისელ ბიჭებს ძირითადად ეზო გვზრდიდა — ბურთი და „გრძელი ვირი“, ლახტი და „სამაკატკა“, „ბიჩოკები“ და ბირჟა.

დოდო ქუჩურ ცხოვრებას აგრერიგად ვერ ეწყობოდა, თუმცა არც „დედიკოს ბიჭი“ ეთქმოდა.

ისე — „დედიკოსაც“ გააჩნია: იმსილამაზე დედა ჰყავდა (და — ღმერთმა დიდი დღე მისცეს — ახლაც ჰყავს!), რომ ასეთი დედიკოს ბიჭობას ვერც ითაკილებდი.

არც მისი გოლიათობა უნდა გაჰკვირებოდა ვისმე: მამამისი, გულო რცხილაძე, საქვეყნოდ განთქმული ტანმოვარჯიშე, ფიზიკურ სრულყოფას განასახიერებდა... და, სხვათა შორის — სულიერსაც.

სიყმანვილეშივე გაეარკვიეთ, რომ ზიარი საყვარელი გვეყოლია — წიგნი. უცნაური ბიჭი იყო-მეთქი: მე თუ ყველაფერს უსისტიემოდ და ერთბაშად „ვნთქავდი“, დოდო სკოლის მერხიდანვე შერჩევით, გამიზნულად და დაგე-მოვნებით კითხულობდა. გაივლის წლები და შოთა ჩანტლაძე, იატაკქვეშა ტელანტების შეუმცდარი ჭაშნავირი და თავადაც იატაკქვეშა გენიოსი, დოდოს ხუმრობით „დიდი ქართველი მკითხველის“ ტიტულს უბოძებს.

შენ ხუმრობა უძახე და — საქართველოს დიდი მწერლები უფრო მეტი ჰყავს, ვიდრე დიდი მკითხველები.

ცამეტ-თოთხმეტი წლისანები ვიქნებოდით, დოდო რომ გამენდო — საქართველო უნდა გავათავისუფლოთ.

შევიტყვი.

შეთქმულება მარტო ფერმკრთალი როდია („...როგორც ფერმკრთალი შეთქმულება აჯანყებისთვის“ — გალაკტიონი), შეთქმულება მათრობელა

განცდაც გახლდავთ, მით უფრო — საქვეყნო საქმისათვის, თუნდაც ამ საქმეს საულვაშეშეუღინღლავი ღლაპები შეეჭიდონ.

შვეთანხმდით — საქართველო რომ გაგვეთავისუფლებინა, ჯერ ჩვენ თვითონ უნდა გავთავისუფლებულიყავით შიშისა და უვიცობისაგან.

შიშისაგან განთავისუფლებას, ცოტა არ იყოს, ბავშვური მეთოდით ვცდილობდით — ღამ-ღამობით ვაკისა და კუკიის სასაფლაოზე მარტოდ-მარტო დავიარებოდით.

მაგრამ საქართველოს გასათავისუფლებლად მარტო სიმამაცე არ იკმარებდა, ამ საქმეს არანაკლებ, თუ მეტად არა, ცოდნა სჭირდებოდა, სიბრძნესთან ზიარება... და დოდომ, ჯერ კიდევ ბავშვმა, თვითსრულყოფის ისეთი გეგმა შემომთავაზა, წუნს დღესაც რომ ვერ დასდებს კაცი: ბრძენკაცთა ანუ ფილოსოფოსთა ნიგნების გარკვეული ნესით მტუდირება, ერთ-ერთი უცხოური ენის, სასურველია — გერმანულის, სრულყოფილად დაუფლება, მუსიკის, განსაკუთრებით — კლასიკურის, ესთეტიკურ სამყაროსთან ზიარება და სპორტის ერთ-ერთ კონტაქტურ სახეობაში დაოსტატება.

ნიგნებსა და სასაფლაოებს ერთნაირი ნარმატებით შეეუტით, დანარჩენებზე კი — რა მოგახსენოთ, თავად დოდო კი გერმანულსაც სრულყოფილად დაეუფლა, მუსიკის სამყაროსაც ღრმად სწვდა და კრივიც „მკლავნი გაიმამაცურნა“.

ეს ყველაფერი მანინც საშუალებად მიგვაჩნდა, მიზანი რუსეთისაგან საქართველოს დახსნა იყო.

კინალამ დამვიწყდა: დავიფიცეთ, რომ საქართველოს განთავისუფლებაზე ცოლებს არ მოვიყვანდით — სამშობლოს სიყვარულში ცოლ-შვილის სიყვარულიც კი არ უნდა ჩავგეზიარებინა.

მოკლედ, მთელი ბავშვობა და სიჭაბუკე მეგობრებზე მეტი, განდობილები ვიყავით, ერთმანეთის „ალტერ ეგო“, თუმცა — არა ყოველთვის: მერე და მერე ჩვენი ურთიერთობა ზღვის მიმოქცევას დაემგვანა, ოღონდ მასავით თანაზომიერი არა ყოფილა — მიქცევა ანუ განშორება ზოგჯერ წლობითაც გაგრძელებულა, უკანასკნელი გაუცხოება კი, 1974 წლიდან მოკიდებული, მთელ თხუთმეტ წელიწადს გაიჭიმა.

ეჭვიანობა მარტო მიჯნურთშორისი გრძნობა არ გახლავთ, მეგობართშორისიც არის, თანაც — არანაკლებ მძაფრი.

და არის ეჭვიანობის ერთი ობიექტიც — სამშობლო.

თხუთმეტწლიანი ჩვენი უბრობის პერიოდი ვახსენე... სწორედ მაშინ, ისევ გალაკტიონს დავესესხები, „ვილაც მესამე, ვილაც მახინჯი ჩადგა ჩვენ შორის“ („ედგარი მესამედ“).

მე ამ „მესამესთან“ ისე ახლო არ ვმეგობრობდი, რომ მისი ღალატი მენვნია. დოდომ იწენია.

დოდო რცხილაძე იმ პერიოდშიც ათავისუფლებდა საქართველოს... რეა-

ლურად ათავისუფლებდა, ოღონდ სხვა ხალხთან ერთად... „მესამესთან“ ერთად. ამ „მესამის“ გვერდით კი მე ვერ დავდგებოდი... ვნეალობდი, მაგრამ მაშინაც ვერ გადავახტი საკუთარ თავს, როცა ისინი დააპატიმრეს.

დოდო რცხილაძეს ჯერ „სუკის“ ციხე ახეხინეს, მერე შორეულ ყაზახეთის უდაბნოში გადაასახლეს ოთხი წლით.

გათეთრებული დაუბრუნდა თბილისს — იმ თბილისს, რომელიც სულიერი თვალთ მოიხელთა და დააფიქსირა კიდევც თავისი რომანით — „თბილისი“.

დაუბრუნდა გაუტყეხელი — ამის დასტურია მისი ღენა მწერლობაში, მეცნიერებაში, პოლიტიკაში...

დოდო რცხილაძე არ გამტყდარა.

საერთოდაც, სამშობლომანები არა ტყდებიან.

სამშობლოს გათავისუფლება კი, პიროვნული თავისუფლებისა არ იყოს, დაუსრულებელი პროცესი აღმოჩნდა; მეტიც ითქმის — თვითონ განთავისუფლების პროცესს დღეს უკვე აღვიქვამ სიცოცხლის მარადიულ ფორმად.

ჩვენ დღესაც ვთავისუფლდებით შიშისაგან, უვიცობისაგან, ჩვენი ეჭვებისაგან...

ესე იგი —

ჩვენ დღესაც ვათავისუფლებთ საქართველოს.

„ლიტერატურული საქართველო“, 10.10.2001.

დაღვრილსა და დასაღვრილს

გალაკტიონი ერთგვარი სინანულით ბრძანებდა:

„დავლით ჩვენ იმ კარგი დროის შესანდობარი,
ოდეს პოეტი იყო არა მხოლოდ პოეტი,
პოეტი იყო ბედუინი და მეომარი,
პოეტი იყო მოსამართლე და კიდევ მეტი —
იყო გრიგალი, იყო შერყევა, იყო მსოფლიო ძალა უგემში,
მისთვის არ იყო რამ შეფერხება,
იგი უყვარდათ, როგორც ნუგემში“.

ჯაბა იოსელიანი, მწერალი და მეომარი, მართლაც რომ ბედუინივით არის ცხოვრებას მიხლილ-მოხლილი. დოლაბი არ დატრიალებულა მის თავზე, თორემ ჯოჯოხეთის ყველა გარსი მოუხილავს და სიკედილსაც ბევრ-

ჯერ დაუსუნთქავს; ქაბუკობიდანვე გრიგალიც ყოფილა და შერყევაც; მას-ში მართლაც ხედავდნენ ნუგეშსა და სასოებას: ბრძოლის წინ სიკვდილზე წამსვლელი ბიჭები ავგაროზსავეთ ავლებდნენ ხელს, რათა მათზეც გადმო-სულიყო ჯაბასეული მუხტი.

ჯაბა უყვართ ძალუმი სიყვარულით... და ასეთივე, თუ მეტით არა, მძვინ-ვარე სიძულვილით სძულთ იგი. არადა, თანაგრძნობის მეტს რას უნდა იმსა-ხურებდეს კაცი, ვინც შავი სამყაროდან სულიერად განწმენდილი ამოიზიდა მწერლობაში, მეცნიერებაში, პოლიტიკაში? მიფიქრია ამაზე, მიზეზებიც მიჩხრეკია და ასეთი საჭოჭმანო დასკვნაც გამომიტანია:

მამაცმა ქართველმა შეიძლება გაპატიოს სიმხდალე — მხდალი ქართვე-ლი არასოდეს გაპატიებს სიმამაცეს...

გონიერმა ქართველმა შეიძლება გაპატიოს უგუნურება — უგუნური ქართველი არასოდეს გაპატიებს გონიერებას...

სულგრძელმა ქართველმა შეიძლება გაპატიოს სულმოკლეობა — სულ-მოკლე ქართველი არასოდეს გაპატიებს სულგრძელობას.

ვერც საქვეყნო განსაცდელის უამს ჩირგვებში ჩამძვრალი ჯეელი აპატი-ებს 70 წლის ჯაბა იოსელიანს სამშობლოსათვის იარაღის ხელში აღებას, ვერ აპატიებს, რომ ჯაბამ თავისი ერთადერთი შვილი, ამ ჯეელის კბილა, გვერდით დაიყენა და წინა ხაზზე აომა. ნამუსის მოსაწმენდი და საკუთარი სიდედლის გამამართლებელი გზაც გამოიძებნა: „მხედრიონი“ მარადიორ-თა კრებულად, ჯაბა იოსელიანი კი კრიმინალთა თავკაცად უნდა წარმოჩე-ნილიყო. იმდენად — სხვების არა, ამით უფრო საკუთარი თავის მოტყუების საშუალება ეძლეოდათ: ბანდიტების გვერდით ხომ არ ვიომებდითო; ან — შვილს ხომ არ ვაომებდითო.

ეს კიდეე არაფერი, ზოგს ახლა უკვე თავიც ნოაქვს — სხვები რომ აფხა-ზეთში ყაჩაღობდნენ, მე უცხოეთში დისერტაციას ვიცავდიო... ან — მე ბიზ-ნესი ოთხმოცდათორმეტში გამოვიწყე, ეს მილიონები ჩემი გაპოლიტიკოსე-ბის მერე არ დამიგროვებიაო.

მიჭირს ამის თქმა, მაგრამ, დალოცვილო, უცხოეთში დისერტაციის დაც-ვას, შინ საკუთარი მინა-წყლის დაცვა არ აჯობებდა? იმიტომ მიჭირს, რომ თვით ომის დროსაც კი არ უნდა ჩაკედეს არც განათლება და არც ბიზნესი... მაგრამ ისიც უნდა ითქვას — როდესაც სამშობლოს ბედი ბენეზე ჰკივია, მაშინ უპირველესი და უმაღლესი გამოსაღები საკუთარი სისხლია.

„მხედრიონმა“ ეს სისხლი გაიღო; შენ ვერ შეძელი მისი გაღება — შენ მა-შინ ან ფულს აკეთებდი, ან კარიერას.

ყველა ვერც იქნება გმირი, მაგრამ ყველას უნდა ანუხებდეს სინდისი... დაოკდი მაინც, კაი ცხოვრება აფხაზეთში ჩანოლილი ნახევრად დაუმარხა-ვი მხედრიონელების ძვლებზე ხომ მოიწყე და ახლა განახეერებულ „მხედ-რიონს“ ცოცხლად მაინც ნულა მარხავ, სირცხვილია.

მე ამას კონკრეტულ პირს არ ვეუბნები — ჩვენს გულმავიწყსა და უმადურ საზოგადოებას მივმართავ, თანაც არც საკუთარ თავს გამოემიჯნავ მისგან.

ვაკის არჩევნებში მონაწილე კანდიდატთაგან რამდენიმეს კარგა ხანია ვიცნობ — ირინა სარიშვილს, მარიკა ბალდავაძეს, გია ჟორჟოლიანს, გოჩა ფიფიას, მიხეილ სააკაშვილს... არამარტო ვიცნობ, ზოგთან მითანამშრომლია კიდევ. მე შორს ვარ იმ თავდაჯერებული პოზიციისაგან, დამხობილი ხელისუფლება რომ ამკვიდრებდა: საქართველოს მიტერანისა და ბუშის დონის პოლიტიკოსები იმდენი ჰყავს, სხვა ქვეყნების მომარაგებაც შეგვიძლია პრეზიდენტებითა და პრემიერებითო... პიანინოს ამწყობებისა და სკოლის დამლაგებლების მწვავე დეფიციტს განვიცდით და, დავიჯერო, ქვეყნის ამწყობთა და სახელმწიფოს დამლაგებელთა ასეთი ცვენა გვქონდეს? ამიტომაც, მიუხედავად იმისა, ვეთანხმები თუ არა ზემოჩამოთვლილ კანდიდატთა პოზიციას, მიმაჩნია, რომ თვითეული მათგანი (და, იქნებ, ზოგი სხვაც!) სასურველია აირჩეს საქართველოს პარლამენტში. ვიმეორებ, მათი პარლამენტარობა სასურველია.

ჯაბა იოსელიანის პარლამენტარობა კი, ვფიქრობ, აუცილებელი გახლავთ.

აუცილებელია არა ჯაბა იოსელიანისათვის, აუცილებელია საქართველოს პარლამენტისათვის; უფრო მეტიც — აუცილებელია საქართველოსათვის.

ამიტომაც მე ხმას ჯაბა იოსელიანს მივცემ.

თუმცა — მარტო მას არა: მე ამით ხმას ვაძლევ სანდრო შაიშმელაშვილსა და საშა იოსელიანს, ირაკლი ამირეჯიბსა და კოკა კლდიაშვილს, რატი კიკაჩიევიშვილსა და მიშიკო ქორიძეს, ლევან აბაშიძესა და აჩიკო ამალლობელს... ხმას ვაძლევ ასობით „მხედრიონელს“, გვარდიელსა და მოხალისე ჭაბუკს, აფხაზეთში სისხლდანთხეულებს.

მარტო დაღვრილს არა — მე ამით ხმას დასაღვრელ სისხლსაც ვაძლევ, რომელსაც, თუ საქართველომ მოითხოვა, ისევ ბებერი ჯაბა და მისი ბიჭები გაიღებენ.

„ლიტერატურული საქარელო“, 15 ნოემბერი, 2001 წ.

სიმღერა

რა ადგილი უკავია მუსიკას შენს ცხოვრებაშიო, მეკითხები...
აბა, რა გითხრა.

მახსოვს, ერთმა ყმანვილმა, ეტყობა, თავგადაკულმა მელომანმა, ეს კითხვა აქეთ შემოგვიტრიალა: თქვენ თუ მიპასუხებთ, რა ადგილს იკავებს თქვენს ცხოვრებაში ჰაერი, წყალი ან პური — მე მუსიკა კიდევ მშვიდება და კიდევ მწყურდებაო.

მართლაც, მუსიკა ზოგისთვის ყველაფერია; ასეთები არიან ნაღდი მუსიკოსები, შესაძლოა, არაპროფესიონალი, მაგრამ დიდი მუსიკალური ნიჭით დაჯილდოებული ადამიანები. ჩემდა საუბედუროდ, მე ასეთი არა ვარ და არც ის კაცი გახლავართ, ვისაც შეუძლია მუსიკის გულისათვის ქალთან პაემანი დათმოს, მიჯნურს არ შეხვდეს, ოღონდ მუსიკას შეეყაროს. მაგრამ მეც და ბევრი სხვაც, ჩემნაირად „დადუმებული, ვით მინაში ჩაფლული ზარი“, ბედმა ბოლომდე არ გაგვნირა და იმის უნარი მაინც მოგვმადლა, სხვათა ზარების რეკვა შევიგრძნოთ. შევიგრძნოთ კი არა — მათი მოსმენისას ლამის გულ-ღვიძლი ამოგვიბრუნდეს: სუნთქვა გვეკვრის, ცრემლი გვახრჩობს, სახსრებში ვიშლებით... სანდრო კარიძე ხომ გახსოვთ „დათა თუთაშხიადან“: ქართული სიმღერის მოსმენაზე ეს ფიზიკური გონების კაცი, თანამდებობით ცენზორი, ცრემლებად იღვრებოდა. ასე მხოლოდ ერთეულებს ან განსაკუთრებული სულიერი წყობის ხალხს არ მოსდის — ასე ბევრს ემართება და, მათ შორის, მეც: „ხასანბეგურას“ როცა ვისმენ, ფინალისაკენ — „რადგან ჩემი ძმაი იყო, ბოლოს მაინც მე დაემარხე“ — გორგალი გამეჩრება ხოლმე ყელში...

ანდა — „ჩაკრულოს“...

ანდა — „ლილეოს“...

ანდა — „მრავალქამიერს“: რანაირად დაიძვრის კანიდან — არა, კანის ბუსუსებიდან — ყრუოლა, ჯერ უნერილეს კაპილარებში შემოატანს, მერე მძიმედ, მაგრამ ყოვლისნამლექავი ენერგიით ამოჰყვება ზურგის ძვალს და ბოლოს ქშუილით აიჭრება ტვინში, მის ზემოთ, და მეც, მინიერ, ცოდვილ არსებას, თითქოსდა ხორცს დამაყრევიწებს და ზეცისკენ ამაქანებს.

მაგრამ უნდა იყოს, ჩემი ვარაუდით, ერთი ჯურის ხალხი — სრულიად განსაკუთრებულნი — ვისთვისაც მუსიკა არსებობს მუსიკის გარეშეც. ნელან მოგახსენეთ სიმღერის ძალაზე — მისი წყალობით მსმენელი თითქოს წონას ჰკარგავს და, მატერიისაგან განძარცვული, შინაგანად განწმენდილ-განახლებული, ვარსკვლავთა საუფლოსაკენ აიზიდება; ასეთი განცდა ბევრს გვეუფლება-მეთქი, მაგრამ არიან დიდი მუსიკოსები და პოეტები — ესენი კი, კაცმა რომ თქვას, ერთი მუზის, აპოლონის ჩანგის ანუ უმალღესი

პარმონის, მსახურნი არიან — რომელთათვისაც თვით საგანი, მატერია სხვა არა არის, თუ არ — შემკერივებული, შენივთებული ხმები: მათთვის ბგერათა ტალღის შემკვრივება და ნაირგვარი შენმახვნა ქმნის ბალახს, სისხლს, ქვას; ხმის, ბგერის შესქელება-შედევებით იბადება ზღვა და ამ ზღვის ქაფისაგან იქსოვება ქალის სხეული. ეს ყველაფერი კი მღერის, ხმას გამოსცემს განა ხელის შემოკვრით, განა გარე ძალის ჩარევით — საგანში გალობენ ამ საგნის ამგები ბგერათა ტალღები, ხმათა ატომები და ჩვენ, უბრალო მოკვდავთ, რომ გვგონია, სიჩუმეა, ჩამი-ჩუმიც არ ისმისო, მათთვის განუნყვეტლივ, მიწყვი ყლერს თვით დუმილიც. სწორედ ამ აფლირიალებულ დუმილს გვითარგმნიან პოეტები და მუსიკოსები ლექსად თუ ჰანგად; ზოგ კი ამას ურითმოდ და უნოტებოდაც ახერხებს: რჩეულიშვილის მზია ბათრეკას ასული და ლეონიძის მარიტა არა მარტო „იჭერენ“ საგანთა ხმებს გარსაც ივლებენ ამ მუსიკას და ძალუმ მუჭებად ასხივებენ.

და დღეს, ამ ახალი წლის, ახალი საუკუნის, ახალი ათასწლეულის კი ძალზე ამას ჩავითქვამ: ღმერთო მაღალო, ნურც მე მომიშლი, ნურც ქვეყანას გამოუღევ და ნურც ადამის მოდგმას მოაკლებ დუმილის მდე და სიმღერად გარდამთქმელ ხალხს.

„ლიტერატურული საქართველო“, 12-17, 1, 2001 წ.

მეზიტყვენი

ლიტერატურული სილუეტები სკოლის გადასახედიდან:

რუსთაველი, სულხან-საბა ორბელიანი, დავით გურამიშვილი, ილია, აკაკი, ალექსანდრე ყაზბეგი, ვაჟა, დავით კლდიაშვილი, ნიკო ლორთქიფანიძე, მიხეილ ჯავახიშვილი, ლეო ქიაჩელი, კონსტანტინე გამსახურდია, გალაკტიონი, გიორგი ლეონიძე, დემნა შენგელაია, გურამ რჩეულიშვილი



ორ ზღვათა შუა მდებარე
ბრწყინავდა კავკასიონი,
შოთა, ილია, აკაკი,
ვაჟა და გალაკტიონი...

გურამ რჩეულიშვილი

მონალვლუაბი

მონალვლე მზრუნავს ნიშნავსო, ბრძანებს საბა თავის „სიტყვის კონა-ში“, მზრუნავი — ზრუნვის მყოფელს, ხოლო თავად ზრუნვას იგი ასე გან-მარტავს — შიში დაცემისა. სულხან-საბა ორბელიანი და დავით გურამიშ-ვილი დიდი მონალვლეები იყვნენ — სწორედაც დაცემის შიშით გულგასენი-ლები. ამგვარი შიში პატარა კაცუნებსაც უზრუნვებთ გულში — რაზედაც ასეთი ნვალებით ავცოცებულვარ, ემანდ ფეხი არ მომისხლტეს და თავდა-ყირა არ ნამოვიდეო. საბასა და დავითის ნათელ სახეებს კი „ფერი სხვარიგის შიშისა“ აძვეთ — ერის სულიერ-ზნეობრივი რყევისა და, აქედან გამომდინარე, მისი პოლიტიკურ-სახელმწიფოებრივი დაცემის შიში.

მონალვლე მაგალითზე იზრდება — ცოცხალ ან გაცოცხლებულ მაგა-ლითზე. ცოცხალთაგან მისაბაძს ყმანვილი, ჩვეულებრივ, თავად მოიძევს ხოლმე, პედაგოგის (განსაკუთრებით — სიტყვიერების მასწავლებლის) პროფესიული და მამულიშვილური მოვალეობა კი ისიც გახლავთ, რომ გარ-დასულთა წმინდა აჩრდილები გაუცოცხლოს მას. მართალია, მწერლის მა-ცოცხლებელი მისივე სიტყვაა, მაგრამ ახალგაზრდის სულში შესაღწევად პოეტურ სიტყვას მაინც სჭირდება ერთგული მეგზური; ეს მეგზურიც სიტ-ყვაა, ოღონდ მასწავლებლის მიერ ამოთქმული. მასწავლებლის სიტყვამ უნ-და შეასხას ფერ-ხორცი საბას და დავითის სახეებს, რამეთუ ყმანვილისათ-ვის ძნელად თუ მოიძებნება პროფესიონალიზმის, მამულიშვილობისა და კაცობის მათზე უკეთესი მისაბაძი მაგალითი.

ამჯერად საბა და დავითი შეგნებულად არ დავაცვილეთ ერთმანეთს, თუმ-ცალა, ერთი შეხედვით, მათ შორის განსხვავება უფრო მეტია, ვიდრე — მსგავსება: ერთი — ბერი, მეორე — ერი; ერთი — პროზაიკოსი, მეორე — პო-ეტი; ერთი — ქვეყნის საჭეთმპყრობელთაგანი, რომელიც თავისი პრაქტიკუ-ლი საქმიანობით ქართლის ბედს ღრმა კვალს აჩნევს, მეორე — სიყრმიდანვე სამშობლოს მკერდს ანაგლეჯი და ხიზანი; ერთი — თავისი შემოქმედებით თითქოსდა კონკრეტულ სინამდვილეს მომწყდარი და მორალისტური სიმაღ-ლეებიდან გადმომზირალი, მეორე — ისტორიული მოვლენების მღვრიე მდი-ნარების პირუთენელი მემატიანე. მაგრამ მათ შორის განსხვავება უფრო გა-რეგნულ-ზედაპირულია, მსგავსება კი — სიღრმისეული და არსებითი: ერთი მხრივ, ანაფორის შიგნით ამქვეყნიური ზრუნვით, სატიკერით, ვნებით სავსე გული ფეთქს, მეორე მხრივ კი მეომრის მუზარადი ნათელმზილველისა და მისტიკოსის ზეშთაგონებულ შუბლს ფარავს. ორივე ოსტატია, თავის თავში დაჯერებული უმაღლესი რანგის პროფესიონალი; ორივეს ზეცით მომადლე-ბული აქვს მხატვრის ვეება ტალანტი, სიტყვისა და ფრაზის საოცარი გრძნო-ბა. და ორივეს ერთი და იგივე სალოცავი ჰყავს — აფურტკვნილი მამული.

ამ მწერალთა შემოქმედების სწავლებისას მრავალი სირთულე იჩენს ხოლმე თავს. ერთ-ერთი მათგანი ისიცაა, რომ სკოლაში „გამოკრებიტ“ ისწავლება „სიბრძნე სიცრუისა“ და „დავითიანი“. მართალია, ეს თხზულებანი სპეციფიკური არქიტექტონიკის გამო შედარებით უმტკივნეულოდ იტანენ ამგვარ „ქირურგიულ“ ჩარევას, მაგრამ მათი ერთიანი მხატვრული აღქმა ასეთ პირობებში მაინც გართულებულია. არადა, ამგვარი აღქმის გარეშე სწავლების ეფექტი თითქმის ნახევრდება. რა უნდა ქნას მასწავლებელმა: იგი ჯადოქარი არ არის — როცა კვირაში ლიტერატურისათვის ორი საათია გამოყოფილი, ასეთ დიდტანიან ნაწარმოებებს მთლიანად ვერ ასწავლი. მაგრამ მასწავლებელმა ერთი რამ მაინც უნდა მოახერხოს — ისე მიანოდოს, ისე აუხსნას მოსწავლეს ეს გამოკრებილი მასალა, რომ სურვილი აღუძრას „სიბრძნე სიცრუისას“ და „დავითიანის“ დამოუკიდებლად თავიდან ბოლომდე ნაკითხვა-დაგემოვნებისა.

ამგვარი მთლიანი, ერთიანი აღქმა ნაწარმოებისა მოსწავლეს გაუადვილებს ამ მწერალთა მხატვრული სამყაროს წვდომას. ყველაზე მეტად სწორედ თხზულების ესთეტიკური აღქმა და ანალიზი უჭირთ ჩვენს მოსწავლეებს. სახელმძღვანელოშიცა და გაკვეთილზეც ყურადღება უმთავრესად გამახვილებულია ნაწარმოებთა იდეურ მიზანდასახულებასა და თემატურ-შინაარსობრივ მხარეზე — ეს ასეც უნდა იყოს. მაგრამ მასწავლებელმა მკაფიოდ უნდა გამოკვეთოს ის აზრი, რომ მხატვრულ ქმნილებას მუდამ მოეპოვება სისტემა გამომსახველობითი საშუალებებისა, განსაზღვრული ფორმა, ურომლისოდაც — რაგინდ კეთილშობილური მიზანდასახულობისა და შემეცნებითი ღირებულებისაც უნდა იყოს თხზულება — ხელოვნების ნიმუშად იგი ვერ ჩაითვლება. ცხადია, მხატვრული ნაწარმოების ფორმა თავისთავად, შინაარსისაგან მოწყვეტილად არ არსებობს — იგი განივთებულია მთლიანად მხატვრულ ქსოვილში, ქმნის მის სტრუქტურას, სახეს აძლევს მას. მიუხედავად ამისა, ანალიზისას მისი გამოყოფა და გათვალსაჩინოება შესაძლებელიც არის და საჭიროც — მასწავლებელმა უნდა მიაჩვიოს მოსწავლე ამგვარ სამუშაოს.

მხატვრული ანალიზი სტილისტიკის საკითხებსაც მოიცავს. „სიბრძნე სიცრუისას“ სტილური დახასიათებისას, უპირველეს ყოვლისა, ყანრის სპეციფიკა უნდა გავითვალისწინოთ. თავად იგავის ყანრი განაპირობებს მწერლის უაღრესად ლაკონიურ, დანურულ მეტყველებას; ყველა დიდი მეიგავე სადა, სხარტ ფრაზებში აქცევს ხოლმე ღრმა, ზოგჯერ პარადოქსულ აზრს, მაგრამ საბა ამ თვალსაზრისით მართლაც განუმეორებელია. როგორი ღრმა კავშირია მის „სიტყვის კონასა“ და იგავ-არაკებს შორის! სიტყვა უნდა განიმარტოს მაქსიმალურად მოკლედ, მაგრამ ამავე დროს ამომწურავად და ზუსტად, ასე რომ — მეიგავე და ლექსიკოგრაფი თავის საქმეში ერთი და იმავე პრინციპით უნდა ხელმძღვანელობდეს. საბას ზოგი იგავი განმარტების დარად არის შემკერივებული, ზოგი განმარტება კი იგავივით ღრმა და გონებამახვილურია.

აი, სიცილის საბასეული დეფინიცია: „განყოფანი სიცილთანი ესე არს: ღიმილი არს სიცილი სიმშვიდით, უხმო, ბაგეთა ოდენ შეეცყობოდეს; სიცილი არს მცირედ ხმიანი და მდაბალი; კაშკაში არს სიცილი მაღალი და მოხდომილი; კასკასი არს სიცილი მაღალი და წელილი; რახრახი არს სიცილი მაღალი და უშვერი; თქართქარი არს სიცილი მრავალთაგან შეხმობილი; ღინცილი არს სიცილი მიწყვი უნესო, ხოლო ფრუსტუნი — ვის არა ენებოს სიცილის გამოჩინება და ერთს საცინელს საქმეზედ წარსცინოს და მალიად დაიდუმოს“. ორიოდ სხვა მაგალითიც: „ლიქნა იგი არს, რა მოტყუართა სიტყვითა ქება შეასხა, ანუ ტკბილნი და საიმედონი რამე უთხრა მოსაცთუნებლად“, „შური — მწუხარებაჲ სხვისა კეთილსა ზედა“. საბას იგავ-არაკები განძარცვეულია მრავალსიტყვაობისაგან, მწერალი ძუნნად გამოწურავს ხოლმე სათქმელს: „ერთი მელი დაცანცარებდა. ძველთაგან თურე ნასოფლარი ყოფილიყო, სამლებროს ქვეერი ლილით სავსე პირლია დარჩომილიყო. სლვასა იქი-აქა შიგ თურე ჩავარდა. ამობორტყდა, ამოვიდა. მელი შავად შეღებილი შეიქნა“. ოსტატი ეძებს, არჩევს და პოულობს სიტყვას, თითქოსდა ერთადერთსა და შეუცვლელს: „დაცანცარებდა“, „იქი-აქა სლვა“, „ამობორტყდა“ — მარტო ინფორმაციას არ გვანვდიან, — თავიანთი აკუსტიკითაც კი პლასტიკურ ხატს გვიქმნიან: თითქოს მოძრაობითაც კი იხატება მელის ხასიათი.

ამავე რანგის ოსტატია დავით გურამიშვილიც. უპირველეს ყოვლისა, მის პოეზიაში გვენიშნება ძალდაუტანებელი, ლალი პოეტური სუნთქვა. მისი სტრიქონი მსუბუქია, მაგრამ არა — მჩატე. დავითმა გაუხსნა კარი თავის პოეზიაში ხალხურ მეტყველებასა და რიტმებს; ქართულ მიწას მოჰკლიჯეს, მაგრამ სულის ყველა საცეცით მიიწვ მას არის დანაფებული. სასწაულად მოეწვენება კაცს — ჭაბუკობიდანვე ცხრა მთას იქით გადაკარგულ დავითს როგორ შემორჩა ღრმა სიბერემდე ამგვარი ცინცხალი შეგრძნება დედაენისა. იგი პოეტის ხელში ცვილივით დამყოლიც არის და მარმარილოსებრ მტკიცეც:

*„ნაც დამრჩა, ვერ ვსთქვი, მენადა მეთქვა გრძლად, თავი მეცადა,
ვერა ვსთქვი, მოცლას უცდიდი, ნეტამცა არა მეცადა!
მესწრაფა სევდის ლახვარი, საკვდავად გულსა მეცა და,
ან ამას ელონობ, არ ვიცი, ქვესკნად ნავალ თუ მე ცადა“.*

გურამიშვილის ვერსიფიკატორულ ვირტუოზობას მისი იამბიკოები, აკროსტიხები, ანბანთქებები, ზმები, რეულეები ადასტურებენ. პოეტს უდიდესი შრომითა და რუდუნებით შეუქმნია ეს პოეტური საოცრებანი, ეს სიტყვიერი „ფოკუსები“, რომლებიც ამ ტრიუკების მიუხედავად მიიწვ რჩებიან პოეზიად. მაგრამ როცა პოეტს სათქმელმა ლამის მკერდი გამოუნგრეოს, მაშინ მას აღარ სცხელა ლექსით ამგვარი „სალტო-მორტალესათვის“ და იბადება საოცრად სადა და დიადი რამ:

*„მე კი ვფარავ, მაგრამ ჩემი სატიკივარი არა ჰფარავს,
მეტად მწარედ გული მტკივა, მაჟრჟოლებს და ტანში მზარავს!
ვერ მოვიტომენ, რომ არ დავეგმო აღმა მხენელსა, დაღმა მზარავს,
ჩემი ცოდვამც მისცემია ჩემს ამამთხრელს, ამამზზარავს!“*

ტანჯვა შობს პოეტს, მკითხველისათვის ბედნიერების მომტანს; თავიანთი სატიკივრის საფასურად მოგვაგებს შვება ჩვენმა დიდმა მონაღლელებმაც — სულხან-საბამ და გურამიშვილმა.

„ქართული ენა და ლიტერატურა სკოლაში“, N 3, 1979

ოცნების მასნავლები

არსებობს რომანტიკული პოეზია, რომანტიკული პიროვნება, რომანტიკული ადგილი, თქვენ წარმოიდგინეთ, — რომანტიკული პოლიტეკონომიაც კი... და არსებობს რომანტიკული ასაკი, ჩვეულებრივ, თხუთმეტიდან ჩვიდმეტ წლამდის რომ მერყეობს ხოლმე. ამ ხნისას დაბნელს ტარიელს ნესტანის დანახვა, მის ტოლა რომეოს კი სიყვარულის სახმილი საწამლავს დააღვეინებს; ყრმობის ჟამს მამულის ზარებიც სხვაგვარად რეკენ, მათი ხმა ყურიდან როდი აისხლიტება — გულამდის ატანს და სამსხვერპლო ტარიგივით ადებინებს კისერს პაატა სააკაძეს ჯალათის ცულქვეშ, მის კბილა პეტია როსტოვს კი თავზეხელაღებული ალტყინებით შეაგლეჯინებს სულეთის კარს; სიჭაბუკის ხანაში დადგება დანიის მჭმუნვარე პრინცი „ყოფნა-არყოფნის“ დიღემის წინაშე, ბართაანთ კოჭლ ყმანვილსაც მაშინ განეხმება სულის სამზერნი და მამადავითზე, ზეცისკენ თავალერილი, აზურჩულდება: „გულისთქმა ჩემი შენს იქითა... ეძიებს სადგურს, ზენაართ სამყოფს, რომ დაშთოს აქ ამაოება...“

თექვსმეტი წელი — რომანტიკული ასაკი, ოცნების, შეტევის, ქარიშხლის ხანა... და ამავე ასაკში ედება ქონი ლუარსაბის სხეულსა და სულს. ამ ხნისას დაუნყეებს იაგოს გულსაც შურისა და პატივმოყვარეობის დემონი ღრღნას. ამიტომაც განსაკუთრებით ამ დროს სჭირდება ყმანვილს ისეთი „სულის პური“, კეთილშობილური ოცნებით ნაგები კოშკისკენ მიმავალს საგზლად რომ გამოადგება. სწორედ ასეთი სულიერი საზრდოა რომანტიკოსთა პოეზია. ბედად, სწორედ მეცხრე კლასში შემოუღებენ თექვსმეტი წლის რომანტიკოსებს სკოლის კარს ჩვენი დიდი რომანტიკოსები და ცხრილში აუსახავი საგნის — ოცნების გაკვეთილებს ჩაუტარებენ.

ამ პრავმატისტულ, საქმიან საუკუნეში რა ოცნების გაკვეთილები აგიტ-

ყდათო, გაიკვირვებს ალბათ ზოგიერთი და იმასაც დაატანს — ღრუბლებში ნაეარდს, უმჯობესია, მინაზე დავეშვათ და ოცნებისა და ფანტაზიორობის ნაცვლად ბავშვებს ქიმია და მათემატიკა ვასწავლოთ რიგიანადო. ამგვარ პრაქტიკულ ხალხს, უპირველეს ყოვლისა, უნდა შეეახსენო — ოცნება რომ არა, არც ქიმია, არც მათემატიკა და, საერთოდ, არანაირი მეცნიერება, თვით უაღრესად პროზაული „საბუნლალტრო აღრიცხვაც“ კი არ გვექნებოდა, რამეთუ ოცნებამ შვა ისინი; მეორეც — სწორედ ახლა, მეცნიერულ-ტექნიკური რევოლუციისა და მანქანური ცივილიზაციის საუკუნეში, სჭირდება ადამიანს ოცნება; ადამიანმა აზროვნება შეასწავლა მანქანას, კიბერნეტიკოსები მორალურ კატეგორიათა მოდელირებაზეც კი მუშაობენ. ჯერ-ჯერობით ოცნებალა, რაც ადამიანმა, ლომის გამზრდელი კატისა არ იყოს, თავისთვის დაიტოვა და მანქანას არ (თუ ვერ) „ასწავლა“ — ვინ იცის, გაჭირების ფამს კაცთა მოდგმა იქნებ სწორედ ამან გადაარჩინოს. ახლა, როცა ადამიანისთვის ყველაზე ნიშანდობლივ თვისებაში — აზროვნებაში — ჩვენივე აზროვნებით შექმნილი კომპიუტერები ჩაგვეზიარნენ, იქნებ უპრინციპული იყოს თქმა იმისა, რომ ადამიანი — ეს არის მეოცნებე სისტემა. ასე რომ, ოცნებაზე ხელის აღება ადამიანობაზე უარის თქმას ეტოლება. და მესამე — ოცნებაც არის და ოცნებაც! ზოგის ოცნება, ლუარსაბისა არ იყოს, სადილად ბოზბაშა და ჩალალაჯზე შორს არ მიდის. მოდით, ნუ ნაებილნავთ სამზარეულოს ოხმივრით ოცნების საუფლოს, მაგრამ მას არც ზმირინ-გუნდ-რუკის სურნელი ასდის: ოცნების ქვეყანაში შესული ყმანვილი იქ უმაღლესის, ცრემლისა და სისხლის სუნს იკრავს — ჭეშმარიტი ოცნება სწორედ მათგან იშვება. ოცნება საქმეა (ვის გაუგონია ერთაოზისა და ქრისტეფორეს უსაქმურობა!), ოცნება ხელოვნებაა და მის დასაუფლებლად და დასახვეწად ისევ და ისევ ჩვენს დიდ მეოცნებეთ — ალექსანდრე ჭავჭავაძეს, გრიგოლ ორბელიანსა და ნიკოლოზ ბარათაშვილს — უნდა მივმართოთ.

„ქართული ენა და ლიტერატურა სკოლაში“, N 4, 1979

თანამდევნი

წლევანდელი წელი ილიასიაო, ვამბობთ, მაგრამ ნუ დაგვაინყდება — ილიასნაირ იუბილარებთან ერთგვარად აზრს ჰკარგავს მრგვალი თარიღები; ილიას ეკუთვნის — უნდა ეკუთვნოდეს — არა მარტო ეს წელი, არამედ ყოველი თვე, დღე და წამიც კი ჩვენი სულიერი ცხოვრებისა; ბიბლია გვიდასტურებს, რომ 160 წელიწადი (და — მეტიც) ზოგ მოკვდავსაც დაუყვია ამ

ნუთისოფლის სტუმრად, მაგრამ კაცი მათუსალას ხნისაც რომ მოიყაროს, მაინც დასაინყებლად ანუ სრული სიკვდილისათვის იქნება განწირული, თუ ისე არ იცხოვრა, რომ შემდეგ მკვდარიც „საქმობდეს“. ოთხმოცდაათი წელია მკვდარი ილია კვლავაც ყველაზე დიდ „მოსაქმედ“ რჩება ქართველთა შორის. თუმცა ოთხმოცდაათი და თუნდაც ათჯერ ოთხმოცდაათი წელი, ილიასვე დავესხები, „რა არის უკვდავებისათვის? მხოლოდ ერთი წამი“.

მეტიც ითქმის: ილია რომ სამისდღეშიოდ დარჩა, ილია რომ მუდამ იქნება — ეს ერთია; მაგრამ, ილია იყო ილიამდეც: არსებობდა მანამდე, სანამ მოგვევლინებოდა. ბრძანა კიდევ — „მარად და ყველგან, საქართველოვ, მე ვარ შენთანა“... ილია ჰქვია საქართველოს „თანამდევობას“, ჰქვია იმიტომ, რომ საქართველოს „თანამდევმა სულმა“, რომელიც ჟამითიჟამად სხვადასხვა სახით გამოგვეცხადება ხოლმე, სწორედ 160 წლის წინათ შეიბა, ჩემი აზრით, ყველაზე სრულად ხორცი ყვარელში, ამ ჩვენს ბეთლემში.

ჩვენ ჩვენი გოლგოთაცა გვაქვს — წინამური. საჭიროა გვახსოვდეს ყვარელი — ჩვენი ამაღლება; აუცილებელია გვახსოვდეს წინამური — დაცემა ჩვენი. ილია მხოლოდ სიცოცხლისთვის არ შერაცხილა წმინდანად — შეირაცხა სიკვდილისთვისაც; ამასვე ღალადებს მისი საგალობელი: „ღვანლითა და სისხლითა შენითა უდაბნოი იგი სოფლისაი მოიმუშაკე... სიმართლისათვის დაითმინე... ერისთვის ნამებულო, წმინდაო ილია მართალო“.

წმინდა ილია-მართლის ამა სოფლით განსვლა, გარკვეულწილად, ნებაყოფლობითი აქტი მგონია; არა, იმას როდი ვამტკიცებ, რომ ილიამ თავი მოიკლა, მაგრამ ილია მოეკვლეინა შავ ძალებს: პეტერბურგში სახელმწიფო საბჭოზე მიწვეულ ილიას ქართველი მოღვაწეები მრავალგზის აფრთხილებენ, ჯერ ნუ დაბრუნდები საქართველოში, იქ ისე მოგინამლეს ატმოსფერო, რომ თქვენს სიცოცხლეს საფრთხე ემუქრებაო... ილია კი სულმოსწრაფებული ემურება საქართველოსკენ... ვერ დააგდებს, ვერ მიატოვებს თავის დედასა და შვილს... ათი წლისას დედა მოუკედა, შვილი საერთოდ არ ჰყოლია, ვერც ერთის სიყვარულითა და აღერსით მოიჯერა გული და ვერც მეორისა... მისი დედაც და მისი შვილიც ის არის, ვისაც ხან შვილსავით ტუქსავს, მაგრამ ყოველ სასაყვედურო სიტყვას კომტ სისხლს ამოაყოლებს ხოლმე, და ხანაც დედასავით ეალერსება — „ჩემო კარგო ქვეყანა“, „მამულო, საყვარელო“... „ჩემო თვალის სინათლევ“... იცის, ამ „უთავბოლო და უსწორმასწორო ნუთისოფელში“ — განსაკუთრებით ჩვენში, საქართველოში — შეიძლება უზარმაზარი სიძულვილი გაპატიონ, მაგრამ ამხელა სიყვარულს არ გაპატიებენ, არ გაპატიებენ მუდმივ მღვიძარობას, როცა ნეტარყურობაში ჩათვლემილ-ჩათბუნებულ სინდისს გამუდმებით ანჯღრევ, აფხიზლებ. ამიტომაც არის წინასწარმეტყველი თავის ქვეყანაში არა მხოლოდ შეუძლებელი, არამედ — გაუსაძლისიც. წინასწარმეტყველთა ხედრიც იცის — ჯვარცმა ან ჩაქოლვა... მაგრამ პოეტი, რომელიც თავის ხალხს, თუნდაც ბრბოდქვეულს, დაემალება, ის არც პოეტია და, მით

უფრო, არც წინასწარმეტყველი. ილია კი ნათელმზილველია, თანაც იმ რანგისა, ვინც არა მარტო სჭერეტს მომავალს, არამედ იმასაც ხედავს, რასაც შეცვლის ამ მომავალში; შეცვლის თავისი სიცოცხლით, შეცვლის თავისი სიკვდილითაც... ამიტომაც — „დაე, თუნდ მოკვდე, არ შეშინან“... დანახულია არა მარტო საკუთარი აღსასრული, არამედ — შედეგი, გაგრძელება ამ აღსასრულისა: სისხლით შეკრავს, საკუთარი სისხლით შეადლუაბებს იმას, რაც მელნით ვერ შეიკრა. ამიტომ კაცუნებს, ნაძირალებს და მკვლელებს მასთან ბრძოლა იმთავითვე ნაგებული აქვთ. ილიას იდეურ მკვლელებს რომ ფიორი ჭკუა ჰქონოდათ, ილიას სიცოცხლისათვის სული უნდა ებერათ, ბერბიჭაშვილები მისთვის პირად მცველებად უნდა დაეყენებინათ, მაგრამ მკვლელთა გონებისათვის მიუწვდომელია „მართალი სამართალი“: ილიას დაღვრილი სისხლი ამ „მართალმა სამართალმა“ ილიას ნისქელიზევე მიუშვა ყოვლისწამლექაევი ძალით.

აი, ამიტომაც არ ილო ილიამ ყურად არც მეგობართა რჩევა, არც ახლობელთა გაფრთხილება, არც ავი წინათგრძნობით გატანჯული მეუღლის მუდარა; საგულისხმობა, რომ ილია წინამურამდე არაგვის პირას ეტლს აჩერებინებს და გაფითრებული, მჭმუნვარე სახით ბოლთასა სცემს ჭალაში: მაინც ტკბილია სული, შემზარავია მისთვის ხორცთან გაყრა, სხეულის დატევა. დიადი მაგალითიც ედგა თვალწინ — გოლგოთამდე იყო გეტსემანიის ბალი და ღმერთკაცის ვედრება: „მამაო ჩემო, უკეთუ შესაძლებელ არს, ამარიდე ფილა ესე“... და საბოლოო გადანყვეტილებაც: „ხოლო არა ვითარ მე მნებაეს, არამედ ვითარცა — შენ“...

წილი ნაყარია, ილია ჯდება ეტლში და მტკიცე ხმით უბრძანებს იუდა-მე-ეტლეს: „გარეეე“.

ილია დაიძრა თავისი ფიალისაკენ.

ამბობენ, თითქოს ილია მკვლელებს იარაღით ხელში შეეგება... თუმცა, ისიც შესაძლებელია, მას მშვიდად ჩაეხედა მათთვის თვალებში და ეთქვა — „ილია ვარ“.

მათ, სატანის ამ ჩლუნგ იარაღებს. მან უკვე შეუნდო, დიდი ხნის წინ შეუნდო:

„რომ მტერთათვისაც, რომელთ თუნდა გულს ლახვარი მკრან, გთხოვდე: შეუნდე, არ იციან, ღმერთო, რას იქმან“.

და ეჭვიც, მტანჯველი ეჭვიც, რომელიც დღევანდელი საქართველოს შემყურეს, არ შეიძლება არ გაგვიჩნდეს — შეკრა კი ილიას გულის წვენმა, მელნადა და სისხლად ამოღვრილმა, საქართველო? აკი ჟამითიჟამად ჩვენში ისევ და ისევ აპოკალიფსური მხეცივით „აღდგება ღორი გაუშაძრობისა“, აღდგება ანტიილია, და ერთმანეთს დაგვრევს, გყყოფს, გვაქუცმაცებს, გვათითოკაცებს... დღეს, ილიას სახელმძიმებულები, ილიას სახელითვე, არცთუ იშვიათად, ანტიილიას საქმეს ვსჩადით...

დღესაც — როგორც ქრისტეს ანტიქრისტე — ისე ებრძვის ილიას ანტიი-

ლია, მაგრამ იმარჯვებს ილია... ილიას გამარჯვებაა, რომ მსოფლიო რუქაზე ჩვენი ჩვენი ფერი გვაქვს, რომ დღეს „ჩვენი თავი ჩვენადვე გვეყუდენის“.

და შორს არ უნდა იყოს ის დღეც, როცა მოაზროვნე და „მოსაქმე“ საქართველო ილიელობის ნიშნით გაერთიანდება.

„ილიელობა“, ასე მგონია, არც რაიმე კასტაა, არც წოდება, არც ხარისხი.

„ილიელობა“ სულის მდგომარეობაა.

„ილიელობა“ არ მოგეშლოდეს — „მინცივ, უკუნით უკუნისამდე!“

„ლიტერატურული საქართველო“, 28.11.1997

ვუსმინოთ ყაზბეგს

*მე კავკასიის ქედები მთხოვენ,
მე მთხოვს მუსიკა თერგის ხმაურის,
ვუსმინო ყაზბეგს — ხევის ბეთჰოვენს...*

გალაკტიონი

ალექსანდრე ყაზბეგი საყმანვილო მწერალია. დე, ნუ აღშფოთდებიან ლიტერატურის სპეციალისტები და ნუ იჩქარებენ ამ დებულების გაბათილებას ნაირგვარი და, ალბათ, დამაჯერებელი არგუმენტებით. განა მე არ ვიცი, რომ ყაზბეგი თავისი დროის უმწვევეს სოციალურ-პოლიტიკურსა და, სწორედაც რომ, არასაყმანვილო პრობლემატიკას არის შეჭიდებული, რომ იგი ტრაგიკული მსოფლალქმის მწერალია, რომ მისი მხატვრული სამყარო რთულია და კონტრასტულად ნაგები — შესაბამისად, რთულია ამ სამყაროს გამოხატვის საშუალებანი, სათქმელის შესატყვისად ნერვიულია და დაძაბული მისი ფრაზა — და ასე შემდეგ და ასე შემდეგ... ალექსანდრე ყაზბეგი საყმანვილო მწერალია, რომ ვამბობ, ერთ ცნობილ გამოთქმას ვგულისხმობ: ყმანვილთათვის ისევე უნდა ვწერდეთ, როგორც დიდებისათვის, ოლონდ — უკეთესად.

მაგრამ დიდებულად წერა ერთია, მთავარი კი ზემოთქმულის დამადასტურებლად მაინც სხვა რამ მგონია: ყაზბეგის შემოქმედება ყმანვილის სულის ყველაზე მგრძნობიარე სიმებს ეხება; იგი მუდმივად თავს დასტრიალებს ზნეობრივ პრობლემებს, სიყვარულსა და მეგობრობას — ახალგაზრდის თვითდამტკიცებისა და პიროვნულობის გამოვლენის ასპარეზს. სიყვარულისა და მეგობრობის ნიჭი კი გაცემის, გალების ნიჭია, იგი მსხვერპლშენიერვის წმინდა აქტისათვის მზადყოფნასაც გულისხმობს. ამიტომაც ასწავლის ყაზბეგი ახალგაზრდას ურთულეს რასმე — სიკვდილის ხელოვნებას, რაც, პირველ

ყოვლისა, იმას ნიშნავს, თუ როგორ უნდა იცხოვროს მან: ადამიანები ხომ იმ სიკვდილით იხოცებიან, რისი უფლებაც თავისი ცხოვრებით მოიპოვეს. ყაზბეგის გმირები თავს არ დაჰკანკალებენ თავიანთ ბიოლოგიურ არსებობას, მათ სიცოცხლე ეთმობათ — მეგობრისათვის, სატრფოსათვის, იდეისათვის; ყაზბეგს მწერლური მზერა მუდამ ამაღლებულისკენ მიუპყრია, მისი გმირებიც ამაღლებულს მიეღობიან, ტკბილ-მწარედ იტანჯებიან მისი „ვერ-მიხდომისა წყენითა“. აქედანაც იღებს სათავეს ყაზბეგის რომანტიზმი და ეს რომანტიზმიც გახლავთ ყმანვილთათვის ამ მწერლის ხიბლის გასაღები.

ალბათ, ეს დებულებაც ეტოშება ზოგიერთ მკითხველს — ყაზბეგს აკი გასული საუკუნის დიდ რეალისტად აღიარებენ? გეთანხმებით, აღიარებენ — და სრულიად სამართლიანადაც. ოღონდ გავიხსენოთ, რომ სალიტერატურო კრიტიკაში განსხვავებულ აზრებს გამოთქვამდნენ ამის თაობაზე: ზოგისთვის ყაზბეგი რეალისტი გახლდათ, ზოგისთვის — რომანტიკოსი და ზოგისთვისაც — ნეორომანტიკოსი. ისიც გასათვალისწინებელია, რომ დიდ მწერალთა „ჩაჭედვა“ ამა თუ იმ ლიტერატურული მიმდინარეობის მკაცრად განსაზღვრულ ჩარჩოში ხშირად ჭირს — ისინი თითქოსდა „ერთკაციან“ ლიტერატურულ მიმდინარეობას წარმოადგენენ. ასე რომ, ყაზბეგი დიდი რეალისტია და, აქედან გამომდინარე — რომანტიკოსიც, რამეთუ ძნელად მოიძეება მაღალი რანგის რეალისტი, ერთგვარ ხარკს რომ არ უხდიდეს რომანტიზმს... და — პირიქით!

მწერლებს, ჩვეულებრივ, ე.წ. უარყოფითი პერსონაჟები უფრო ცოცხალი და დამაჯერებელი გამოუდით ხელიდან. ყაზბეგთან, პირიქით, სწორედ მათ — გაგის, გირგოლას, გელას, ნუგზარსა და სხვადასხვა ჯურის ნაწალნიკედიანბეგ-იასაულებს — დაჰკრავთ სქემატიზმის იერი. სამაგიეროდ, რაოდენ ნაირგვარი და ნაღდი ხასიათები იკვეთება ელგუჯას, სვიმონის, გოჩას, ონოფრეს, იაგოს, ონისეს, მათიას ხატვისას. დიახ, ონისეც და მათიაც — საკუთარ სინდისთან მორკინალი ეს ცოდვილნიც — ელგუჯასა და გოჩას „გორისანი“ არიან, ვინაიდან მწერალმა კარგად იცის, რომ „დადებითი გმირი“ არ შეიძლება მოარული გამრავლების ტაბულა იყოს — შეუმცდარ პასუხს რომ იძლევა ელემენტარული არითმეტიკის სფეროში.

რა ზეგავლენა ჰქონდა ყაზბეგის — როგორც მწერლისა და პიროვნების — ჩამოყალიბებაზე მთას? უზარმაზარი, ალბათ — გადამწყვეტი. მთა უკიდურესობათა სამყაროა და ყაზბეგიც — როგორც კაცი და როგორც მწერალი — ვერ ეგუება ვერაფერს არტახსსა და ყალიბს. გავიხსენოთ, როგორც შემოიჭრა იგი ქართულ მწერლობაში — მისი შეყრა ლიტერატურასთან მისივე მიჯნურთა შეხვედრის ელდასა ჰგავდა; აქ იყო ღვთაებრივი სიძლევე, ექსტაზი, თავდაფინყება, უზარმაზარი ენერგიის ამოტყორცნა და, დასასრულ, დაცლა, ტრაგიკული „სოფლით გაღმა გაბიჯება“: ერთბაშად მოსკდნენ ხილვები, სურათები, სახეები და მწყერივით გაიტანეს, რია-რია წაიღეს

ყაზბეგის პიროვნება. ცახცახშემდგარს, ცხროიანივით თვალედაპრიალე-ბულს, სინამდვილისა და ზმანების სამანი მოერღვა — წერს და ვერა გრძნობს, დღეა თუ ღამე, მაძღარია თუ მშიერი, შინ არის თუ გარეთ... ვილას რჩება ნანერის არამცთუ სწორების, — გადაკითხვის დროც; ენობრივ შეც-დომებს რედაქციის მუშაკებიც ჩაუსწორებენ, მას კი საამისოდ არა სცხელა, თავანყვეტილი მიექანება დაგეშილი მწერლური ყნოსვით უკვე სუნნაკრავი სისხლიანი დასასრულისკენ; უკვე ხედავს, გრძნობს, განიცდის მოთხრობის ამგვარ ფინალს... წერს ატანილი და — თითქოს ნანერს სულის ხსენიც ამო-აყოლო — ყაზბეგი გათავისუფლდა, დაინრიტა, გასრულდა... და მოვიდა წყნარი სიგიჟეც. ქართულმა მუზამ, რომელსაც დევნა, შიმშილი, ბორკილი და ტყვია არ მოჰკლებია, სვედის სახლის კარიც იხილა.

ალექსანდრე ყაზბეგი წერდა: *„მე ვარ მთიელი... შობილი იქ, სადაც ყმა და მონება ძველთაგანვე სამარცხვინოდ ყოფილა ხალხში, სადაც კაცს პატივისცემა მხოლოდ პირადი ღირსებით შესძლებია... იქ გაეჩნდი, იმ სახლში აღვიზარდე, იქვე ვნოვდი მთიელი დედაკაცის რძეს... დღემდის ჩემი სისხლის შემადგენელი არიან მთის ნაკადულში შერეული რკინა და კლდეთა შორის ნაჩეჩქვი წვეთები. მათგან აღზრდილი თეთრსა ხადის თეთრად და შავსა — შავად, თავისას ჰგრძნობს თავისად და უცხოს — უცხოდ“.*

და სწორედ იმიტომ, რომ იგი „თეთრსა ხადის თეთრად და შავსა — შავად“, რომ იგი „თავისას ჰგრძნობს თავისად და უცხოს — უცხოდ“, ნუ მოვაცილებთ ხელს ყაზბეგის მბორგავ გულს — ვუსმინოთ ყაზბეგს!

„ქართული ენა და ლიტერატურა სკოლაში“, N 2, 1981

ვაჟა-ფშაველას გაქვეთილება

*არ დაივინყო ანდერძი,
გამხნევედი, როგორც ლომია;
ვისაც რომ ქვეყანა უყვარს,
სიცოცხლე მისთვის ომია.*

ვაჟა

ყოველი მასწავლებელი (თუნდაც ლიტერატურისა) პოეტი ვერ იქნება, ყოველი ჭეშმარიტი პოეტი კი არ შეიძლება მასწავლებელი არ იყოს. თანაც — თუ პედაგოგს ზუსტად აქვს განსაზღვრულნი ვის როდის რა ასწავლოს, პოეტი ყოველთვის ასწავლის ყველას თითქმის ყველაფერს; მართალია,

მენდელეევის ტაბულა და ბოილ-მარიოტის კანონი პოეტებისგან არ გვისწავლია, მაგრამ სწორედ ისინი გვიწვრივნიდნენ სულს იმგვარად, რომ ინტერესი აღგვძვროდა ადამიანის, ბუნების მიმართ, ჩვენედომოდით საგანთა და მოვლენათა ღრმა, ზოგჯერ იდუმალ კავშირებს. და, რაც მთავარია, პოეტისაგან ვსწავლობთ სილამაზის შეგრძნებას, მტერ-მოყვრის გარჩევას — მოკლედ, მისგან ეთიკისა და ესთეტიკის გაკვეთილებს ვიღებთ. მასწავლებლის ხელოვნება იმით ფასდება — ორიოდ მოსწავლეს დააინტერესებს მისი ნათქვამი თუ მთელი კლასი მონუსხული დაუგდება მას ყურს; ასევე — პოეტის ძალა იმითაც გაიზომება, მთელი ერი უსმენს და ზეციურ მანანასავით ელის თუ არა მის სიტყვას — არა დაშაქრულსა და ფერ-უმარილით შეთხიპნილს, არამედ „მწარე-შხნაკს“, ნაღსა და სადას. ამგვარ სიტყვას ეუბნებოდა თავის ერს ვაჟა-ფშაველა.

*სიტყვა გადვადდე ერშია,
სიტყვა, რა სიტყვა? — ეული,
ტანჯულის გულით ნაცრემლი,
ვარმით ნაკვები, სნეული,
გულგანგმირული, ბეჩავი,
თავს მანდილჩამოხეული!*

ამ „მანდილჩამოხეულ სიტყვას“ ელოდა ოქროს ტახტზე აღზევება, რამეთუ სწორედ მას შეეძლო „ჩიქილამოხდილი“ ერის სამშენველში შეღწევა.

ამრიგად, ვაჟა-ფშაველა მთელი ერის მასწავლებელია. მაგრამ ვაჟამ რომ მთელ ერს ასწავლოს, ამისათვის ჯერ თავად ვაჟა უნდა ვასწავლოთ, და კარგადაც უნდა ვასწავლოთ, ბავშვს. ცხადია, ეს რთული ამოცანა გახლავთ, ვინაიდან ძნელია ყმანვილი აზიარო ვაჟას აზრის სიღრმესა და სიმალლეს: ლუკა რაზიკაშვილი ხომ არასოდეს ამარტივებდა, აუბრალობდა სათქმელს. სამყარო, რომელიც თითქოსდა მირიადი არხით შემოდის მის არსებაში, ბუნება, რომელსაც იგი ჩვენთვის უხილავი საცეცებით ეხებოდა — პოეზიის ენაზე გადათქმული — ინარჩუნებდა და ახლაც ინარჩუნებს თავის სირთულესა და „ორგემგობას“... მასწავლებელმაც, აქაოდა ყმანვილებს ვაჟას პოეზიის აღქმას გავუადვილებო, წინასწარაკვიატებულ სქემებში არ უნდა ამოხუთოს პოეტის ცინცხალი, მფეთქავი აზრი, მხოლოდ ორ ფერად — თეთრად და შავად — არ უნდა გადაღებოს „უთვალავი ფერით მოცემული“ ვაჟას პოეტური სამყარო და მის პერსონაჟთა ბუნება.

მაინც, რას გვასწავლის ვაჟა-ფშაველა? ყველაზე ცხადსა და, ამავე დროს, ყველაზე იდუმალს, თითქოსდა ურთიერთგამომრიცხავ ბევრ რასმე: ვაჟაკაცობასა და გულჩვილობას, არწივობასა და კრავობას, სისხლისღვრასა და დანდობას, სიყვარულსა და სიძულვილს. ერთი მხრივ —

ვისაც ჩვენ არ ვებრალეებით,
ჩვენ შაეიბრალოთ რისადა?
სიკვდილი თვითონ უფალსა
გაუჩენია მტრისადა!

მეორე მხრივ —

ბალახი ვიყო სათიბი,
არა მწადიან ცელობა;
ცხვრადვე მამყოფე ისევა,
ოლონდ ამცილდეს მგელობა.

მაგრამ აქ მხოლოდ ერთი შეხედვით გვაქვს წინააღმდეგობა. სინამდვილეში კი ვაჟა-ფშაველას პოეტური აზროვნება უმაღლესი რიგის ჰარმონიის — დაპირისპირებულთა დიალექტიკური ერთიანობის — გამომხატველია. პოეტი არასოდეს კმაყოფილდება ზედაპირული შთაბეჭდილებითა და თვალშისაცემი ჭეშმარიტებით: სიცოცხლე კარგია, სიკვდილი კი — ცუდი. იგი მუდამ ძირამდე ჩასდევს „დანყევლილ“ კითხვებს, ნათელმხილველის მზერით სწვდება სიკვდილ-სიცოცხლის მარადიული წრებრუნვის არსს და აღმოაჩინეს, რომ

სიცოცხლეს სიცოცხლე უყვარს,
ეს მიტომ დასდვა წესადა:
სიკვდილი გაუჩენია
მას თავის გასაკეებადა.

თურმე სიკვდილი კი არ შთანთქავს სიცოცხლეს — პირიქით, ასაზრდოებს მას! ალბათ, ცოტას თუ უთქვამს ვაჟას ძალით სიკვდილის ქება სწორედ იმიტომ, რომ იგი აძლევს აზრს სიცოცხლეს:

ღმერთმა გიშველოს, სიკვდილო,
სიცოცხლე შეენობს შენითა...

მაგრამ ვაჟა-ფშაველა არც ამაზე შეჩერებულა; აზრის სპირალური აღმასვლა გრძელდება და სიკვდილი უკვე აღიქმება სიცოცხლის გამოვლინების ერთ-ერთ ფორმად, სიკვდილიც სიცოცხლეა და ამით... კედება სიკვდილი:

სიცოცხლე ცოცხლობს ყოველგან,
სიკვდილი არ ჩანს, მომკედარა...
დიდება უფლის სახელსა,
რა კაი საქმე მომხდარა.

ვაჟა-ფშაველა სიბრძნის მასწავლებელია.

მაგრამ უმაღლეს სფეროებს ნაზიარები მისი აზრი არასოდეს მომწყდარა მასაზრდოებელ ფესვს — იგი მუდამ დამძიმებულია ამქვეყნიური, მინიერი, მოქალაქეობრივი საზრუნავით; სამშობლოს გამოსხსნის იდეას „დაპბრუნავს თავზე“ პოეტის „ჯვარცმული ფიქრი“:

უკან დახევა არ გვარგებს,
სჯობს გავინიოთ წინაო,
ვიმხნეოთ, გულით გაკვლდედეთ,
მტერმა ნუმც შეგვაშინაო,
ერთ დროს იქნება ჩვენცა ვთქვათ:
„გვაქვს საკუთარი შინაო!“
მოკედეს, ვინც ამა მცნებასა
უბლვერს, არ გაუცინაო,
კმაყოფილია, ნებიერობს,
დანვა და დაიძინაო.
ნეტაეი იმას, საქვეყნოდ
ვინც ყოფნა გაიმწარაო, —
ხალხის ბომონის წინაშე
ქედი არ მოიხარაო,
ხორციტ ენამა და სულით
აყევედა, გაიხარაო.

ვაჟა-ფშაველა მამულიშვილობის მასწავლებელია.

ვაჟას საკლასო ოთახი სრულიად საქართველოა, მოსწავლეები — ერთიანი ქართველი ერი, დაფა კი — ჩვენი სულები, რომლებზედაც დიდ მასწავლებელს არა ცარციტ, არამედ „სისხლის გუბეში ნანები კალმით“ გამოპყავს სიყვარულის ფორმულა:

სიცოცხლე სიყვარულითა
და სიყვარული სიცოცხლით,
უერთურთისოდ ვერც ერთსა
ვერ ვიცნობთ, ვერც როს ვიცნობდით.

ვაჟა-ფშაველა ყოვლისმომცველი სიყვარულის მასწავლებელია.

„ქართული ენა და ლიტერატურა სკოლაში“, N 3, 1980

სინამდვილის მსახური

*...მხოლოდ სინამდვილე, სინამდვილე,
რომელსაც გადაუხრელად ვემსახურებოდი
მთელი ჩემი მწერლობის განმავლობაში.
დავით კლდიაშვილი*

დავით კლდიაშვილი უდავოდ გულწრფელი იყო, ამ სიტყვებს რომ წერდა. მართლაც, სინამდვილის „გადაუხრელ“ ასახვას ემსახურა იგი, მაგრამ ემსახურა არა როგორც მონა, არამედ — როგორც მეუფე. ისიც მომხდარა, რომ სინამდვილეს მონად გაუხდია მწერალი — იმდენად მოუცავს და შეუესია მისი ფანტაზია, რომ ემპირიული ფაქტების მიღმა აღარ გაუხედიწებია იგი. ასეთი მწერალი მხოლოდ ბაძავს ბუნებას. მისთვის ყველაფერი არა მარტო იწყება — კიდევ მთავრდება ფაქტით. დავით კლდიაშვილი კი მარტო მსახური როდია სინამდვილისა, იგი მისი ბატონ-პატრონიც გახლავთ, რამეთუ ცხოვრებისეული ფაქტი მისთვის მხოლოდ მასალაა უფრო მაღალი რანგის სინამდვილის — მხატვრული, გამონაგონი სამყაროს — შესაქმნელად. ამავე დროს მწერალს ამ უკანასკნელისათვის ისე არასოდეს უცვლია სახე, რომ მკითხველს რეალური სამყაროს ცნობა გასჭირვებოდა: კლდიაშვილის ხელში ემპირიული სინამდვილე დეფორმირებას კი არ განიცდის, არამედ, თითქოსდა ყოველგვარი ზედმეტობისაგან განძარცვული, თავისი ყველაზე უშინაგანესი და არსებითი მხარით წარმოჩნდება.

უტყუარი მწერლური ალღო აგნებინებდა ხოლმე დავით კლდიაშვილს ცხოვრებისეულ იმ ნედლ მასალას, საიდანაც ეს ახალი, „ნამდვილი სინამდვილე“ იქმნებოდა. ერთი შეხედვით, ამ არჩევანში გადამწყვეტი მნიშვნელობა თვით აღსანიერი ფაქტის გამორჩეულობას, ანუ — როგორც მწერალი იტყოდა — „უცნოურობას“ ენიჭებოდა. მართლაც, „სამანიშვილის დედინაცვალი“, „ბაკულას ღორები“, „მიქელა“ ცხადად გვიჩვენებს, რომ დიდმა დავითმა იცოდა (და მერე როგორ!) მოულოდნელობის, უჩვეულობის მხატვრული ფასი. მაგრამ, მეორე მხრივ, განსაკუთრებული არაფერი ხდება კლდიაშვილის ისეთ შედეგებში, როგორებიცაა „როსტომ მანველიძე“ ან, თუნდაც, „ქამუშაძის გაჭირება“: კვდომი ეპარება ძველ, კეთილშობილურ გვარს, იყრება მამაპაპური ნაფუძრიდან და ქალაქს მიაშურებს გაღატაკებული აზნაური — ეს ამბები ყოველდღიური იყო, ჩვეულებრივი, ვითარცა დღე-ღამის მონაცვლეობა. და თუ მწერალი ასეთ შემთხვევებშიც ახერხებს ნიგნს მიგაჯაჭვოს, ეს იმიტომ ხდება, რომ იგი სრულყოფილად ფლობს არა მარტო სიტუაციების, არამედ ხასიათთა ხატვის ხელოვნებას.

სწორედაც ხატვის, ჩვენების, „პლასტიკური მეტყველების“ ოსტატია და-

ვითი და არა — მქადაგებელი, მენტორი. კლდიაშვილი, ჩვეულებრივ, თავს იკავებს პერსონაჟთა თუ სიტუაციათა „დეკლარაციული“ შეფასებისაგან, ურჩევნია, თავის ნაცვლად მისმა პერსონაჟებმა და მათმა საქციელმა იმეტყველონ: ავტორის პიროვნება არსად გამოიტანება თხრობის გარეთ და არც პოსტამენტზე შესკუთებული ეხილება მკითხველს თვალში — იგი უჩინარია, თითქოსდა განზავებული თხრობის ატსმოფეროში.

კლდიაშვილის „ტრაგიკული კომიზმის“ სათავეც თხრობის ამ მანერაში ძვეს: სასაცილოს, კომიკურის შემჩნევა და ჩვენება ამგვარ სიტუაციაში ჩავარდნილისადმი ერთგვარ „გაუცხოებას“, ემოციურ „ნეიტრალიტეტს“ გულისხმობს; ტრაგიკული ასახვა კი თანამლმობლის პოზიციაზე დგომაა. ღავით კლდიაშვილი კომიკური სიტუაციის ჩვენებისას თავად თითქოს ინარჩუნებს ემოციურ „ნეიტრალიტეტს“, მაგრამ მკითხველს თავისთან კი არ ამყოფებს, — შეუმჩნეველად უცვლის მას ადგილს და თანამლმობლის პოზიციაზე გადააყავს.

ავტორისეული, ერთგვარად „შენიღბული“ პოზიციის გამო კლდიაშვილის შემოქმედების შემფასებლები ზოგჯერ უკიდურესობაში ცვივოდნენ: ვინც მის ნაწერებში მხოლოდ სასაცილოს და, აქედან გამომდინარე, დასაციინსა და გასაკილს ხედავდა, მას მწერალი შეუბრალებელ მამხილებლად მიაჩნდა. მეორე უკიდურესობა თვალს უხუჭავდა კლდიაშვილის შემოქმედების კრიტიკულ პათოსს და მას აზნაურულ ყოფაზე ლამის რომანტიკული ცრემლების მფრქვევლად სახავდა.

დავით კლდიაშვილის მწერლურ ღირსებებზე მსჯელობისას მწერლის ენას იშვიათად თუ მოიხსენიებდნენ საქებარი სიტყვით. მწერლის თანამედროვენი, ვაჟასი არ იყოს, მასაც უწუნებდნენ ენას. თავად დავითიც, საერთოდაც უალრესად თავმდაბალი და მოკრძალებული, ამ მხრივ ნამეტნავად მკაცრი მსაჯული გახლდათ საკუთარი თავისა. აი, რას სწერს იგი პეტრე უმიკაშვილს: *„მობარული ვარ, რომ ჩემი „საწყალი, გაჭირებული ქაშუშაძე“ შინაარსით მოგწონებიათ; ემდურით ენას და თქვენზედ უფრო მე ვარ უკმაყოფილო... არ დაიჯერებთ, მოთხრობის ბოლონდელი შვიდი თავი ისეთ ფაცაფუცშია დათავებული... მართალია, ენა ყოველთვის კოჭლობდა ჩემს ნაწერებში“ ... ამას წერს მწერალი, რომელსაც „აბსოლუტური სმენა“ ჰქონდა სიტყვისა. ასოკირკიტა კრიტიკოსი დიახაც მოჩხრეკს მის ნაწერებში სალიტერატურო ნორმებიდან გადახრებს; ზოგის ნამეტურ გასალუქებულ ყურს, იქნებ, უსიამოდაც ხედებოდეს ცოცხალი მეტყველებიდან შემოჭრილი დავითისეული ფორმები; გემოვნების საქმეა — ვის, ემანდ მიკრობი არაფერი შემეყვესო და, ლაბორატორიაში გამოხდილი წყალი ურჩევნია კლდიდან გადმომსკდარ წყაროს წყალს. კლდიაშვილის ენაც არ გახლავთ გაცრილ-გამტკიცული და სტერილიზებული — ესაა ცოცხალი, მფეთქავი ორგანიზმი. დააკვირდით, როგორი ხელოვნებით ახერხებს მწერალი პერსონაჟთა დახასიათებას მეტყველებით; გაიხსენეთ,*

როგორ ლაპარაკობენ ბეკინა, კირილე, ეკვირინე, პორფირი. თითქოს არა მართო კითხულობ, არამედ გესმის მათი, უფრო მეტიც, მართა ქვიტირიძისა და პელაგია საბელაშვილის ხმის მოდულაციასაც კი გრძნობ. ამიტომაც სწორედ დავით კლდიაშვილის კითხვისას შეიძლება გაგიჩნდეს კაცს ის აზრი, რომელიც ამ დიდმა მწერალმა გამოთქვა: „ქართული ენა შეენებით სავესა... მისით მშვენიერად გამოითქმება ადამიანის ყოველნაირი სულისკეთება“...

„ქართული ენა და ლიტერატურა სკოლაში“, №1, 1981

ანდერძი

მწერალს განგაშის ზარების დარისხება ჰმართებს...

„იყიდება საქართველო, მინდორ-ველით, მთა-გორით, ტყით, ვენახით, სათესით; წარსულის ისტორიით, მომავალი სვე-ბედით; მშვენიერის ენით... ვაჟკაცური ხასიათით; სტუმართმოყვარეობით; თვალწარმტაც ბანოვანთა გუნდებით; გონებაგახსნილი ვაჟებით; მალხაზი ბავშვებით... იყიდება საქართველო დედით და მამით, შვილით და ძირით, ძით, დით, ცოლით და ნათესავ-მოყვრებით.

ჰყიდის ყველა: თავადი, მღვდელი, ეაჭარი, ავაზაკი, დიდი და პატარა, ჭკვიანი და სულელი, ლოთი და პირაკრული.

იყიდება ყველგან: ქუჩაში და სახლში, თეატრში და სასამართლოში, სასწავლებელში, სატუსალოში; დილით და ღამით, სიცხეში და სიცივეში, დარბი და ავდარში.

იყიდება ერთიანად: შავი ზღვიდან კასპიის ზღვამდე და ოსეთიდან სპარსეთამდე. იყიდება ნაწილ-ნაწილ: კახეთი და იმერეთი; ქართლი, სვანეთი და სამეგრელო; გურია და ლეჩხუმი; რაჭა და ჯავახეთი. იყიდება პატარ-პატარა ნაჭრებად, ვისაც რამდენი სურს და როგორც უნდა: ნისიად, უფასოდ, ნაღდად, დროებით და სამუდამოდ; ბანკის საშუალებით და ჩვენის დახმარებით.

იყიდეთ ბარემ მთლად, განენეთ და გაგლიჯეთ, რასაც საქართველო ერქვა და რაც დღეს, ოხრადდარჩენილი, აძლებს ყორნებს და გულს უკლავს უძლურ ჭირისუფალს!“

მწერალს რწმენის თესლის გალივება შეშვენის...

„დაუგდეთ როდესმე ყური ლიტანიის რეკვას!..“

მე აღვსდგები! — მოისმის შეუწყვეტელ რეკეაში ნელში გატეხილის, მაგრამ მოიშედე ადამიანის ხმა.

შენ აღვსდგები! უძახის ვილაცა დაკარგულს იმედს, ნუგეშს, სიხარულს.

მე აღვსდგები!

შენ აღვსდგები!

კი-კი-კი-კი.

რის და ვის სახელს არ გაიგონებთ ამ რეკეაში?!

ოცი წელიწადია ყურს ვუგდებ ამ რეკეას. ველი. ვუცდი ერთს სახელს, რომ დავიძახო: ჭეშმარიტად! ხმა კი არ ამოვა მაშინ ყელიდან, არამედ ნიშნად სიხარულისა ფეხნიტელა თეთრი მტრედი ამოფრინდება გაპოხილი მკერდიდან.

მოთმინებიდან გამოსული, მე თვით ვიძახი: „საქართველო აღვსდება!“
ვციდილობ იერიქონის საყვირს გადავაჭარბო.

დიდი და პატარა ზარები გუგუნებენ, გრიალებენ და წინინებენ:

ჭეშმარიტად, ჭეშმარიტად!

კი-კი-კი-კი

კი-კი-კი-კი!“

მწერალმა ანდერძი უნდა დაუგდოს შთამომავლობას...

„კარგა ხანია დავრწმუნდი, რომ უცნობი კარების წინ ვდგავართ... ფარდები კართა უკან ათროლოდნენ და გაშლისთანავე ან დავინახავთ ნანატრ ბედნიერებას, ან სამარადისო წყვდიადის მსხვერპლნი შევიქნებით.

ამ აზრს ვუტრიალებ ყოველის მხრივ და ამ ნიადაგზე დამენყო ჰალუცი-
ნაციები.

ჩემი ოთახის ფანჯრიდან ხშირად მოჩანს თეთრი თოვლით დაფარული, მზის სხივებით აფერილი მყინვარი და შორიდან მისი ხმა ისმის, ვით ხმა ნა-
ზი ქალწულისა:

მოუარეთ საქართველოს!

მთვარიან ღამეში ბაგრატიის ტაძრის ნანგრევები, თალხით მოსილ ჭირი-
სუფალსავით რომ დასცქერიან ქუთაისს, უხმოდ მეტყველებენ:

მოუარეთ საქართველოს!

ზოგჯერ ქუჩაში წინ გადამელობება სულის მესაიდუმლე შოთა და ბრძა-
ნების კილოთი ამბობს:

მოუარეთ საქართველოს!

ღამის წყვდიადში ყურს მოვკრავ მდინარეთა გალობა-სიმღერას; იწყებს
მკვირცხლი რიონი; შემოსძახებს გიჟმაჟი თერგი და ბანს ეუბნება დინჯი
მტკვარი:

მოუარეთ საქართველოს!

ნუთუ, ბატონო ჩემო, გუშინნინ რომ კოკისპირულმა წვიმამ დაასხა, არ გაგიგონიათ გაუთავებელი, გაბმული ძახილი ყოველი წვეთისა:

მოუარეთ საქართველოს!..”

მწერალი იდეით — კეთილშობილური იდეით — შეპყრობილიც უნდა იყოს...

ნიკო ლორთქიფანიძის მეგრდი მარტო „აღსდგება“-სიტყვას — წითელ-ფეფება ფითქინა მტრედს — როდი გამოუპია.

იქიდანვე წამოფრამფრამდა სიტყვა „იყიდება“ — ლემისმძიძგნავი, ნის-კარტგასისხლული სეავი;

იქიდანვე წამოფრთხა სიტყვა „მოუარეთ“ — თვალეგბრიალა შევეარდენი.

იყიდება! — განგაში;

აღსდგება! — რწმენა;

მოუარეთ! — ვედრება.

ამ სამ სიტყვაშია ჩანურული ნიკო ლორთქიფანიძის სული.

სიტყვიერების მასწავლებლის წმიდათანმიდა ვალთა ამ სიტყვათა სიღრ-მეში ჩაახედოს თავისი აღსაზრდელები — ეს იქნებოდა, ალბათ, ნიკო ლორ-თქიფანიძის ანდერძი ჩვენდამი.

საბა ბრძანებს: „ანდერძი — მოკვდავთაგან დარიგება“.

კიდევ უფრო ფასეული უკვდავთაგან დარიგებაა.

„ქართული ენა და ლიტერატურა სკოლაში“, N1, 1982

„აღსდგება და ქართულად უბნობდი“

„ანლა წარმომიდგა ვინმე დიდებული დედოფალი და მრქუა ქართულითა ენითა: რაჲ არს, რაჲ გელმის, ეფთვიმე? — ხოლო მე ვარქუ, ვითარმედ, —

მოკუდებთ, დედოფალო! და ვითარცა ესე ვთქუ, მომეახლა და მიპყრა ხელსა და მრქუა: — არარაჲ არს ვნებაჲ შენ თანა, აღსდგება, ნუ გეშინინ და

ქართულად ხსნილად უბნობდი“.

გიორგი მთანშინდელი,

„ცხოვრებაჲ ნეტარისა მამისა ჩუენისა იოანესი და ეფთვიმესი“...

მამა თავის ქალიშვილს „ანდერძს“ უტოვებს. და თუმცა ეს „ანდერძი“ ათი წლის გოგონას ალბომში ინერება, მისი ექო თითქოს სინაის ცვეცხლოვანი მთი-დან გრუხუნებს: „შენ ხარ მარადიული, განუყრელი და ერთგული წვერი და მსახური შენი მშობელი საქართველოსი. შენი სამშობლოს მტერი შენი პირადი მტერია, ხოლო მისი მეგობარი შენი პირადი მეგობარია. ყველაფერი, რაც

გაქვს და გექნება — შენი სიცოცხლეც კი — შენს მამულს ეკუთვნის. შენ ხარ მისი მუდმივი მოვალე და განუყრელი შეილი”...

ეს მამა უკვე შუახანს მიტანებული, დაღვინებული მწერალია; მთელი მსოფლიო მოუვლია, მრავალი ხელობა გამოუცვლია, ათეულ ენასა ფლობს, უამრავი რამ უნახავს და გამოუცდია — ნისქვილის დოლაბი არ დაბრუნებულა მის თავზე, თორემ სხვა არა დაპკლებია; ჯერ კიდევ მოსწაულეს, დედა და და მხეცურად დაუხოცეს, ჯვარისაგან ლამის შეშლილი მამამისიც წლისთავზე გარდაიცვალა. თავდაცვ რამდენჯერმე ბენვზე გადაურჩა სიკვდილს. შეეძლო მშვიდად, ეკონომიურად უზრუნველყოფილს ეცხოვრა, მაგრამ თავის მონოდებას ვერ უღალატა. რა საქმესაც არ უნდა მოჰკიდებოდა, სადაც არ უნდა ყოფილიყო, ვინც არ უნდა ენახა — ეს ყველაფერი ქალაღზე გადასატან მასალად იღებებოდა მის გულსა და ტვინში. ნინ გოლგოთა ელოდა. ამასაც გრძნობდა... კი არ გრძნობდა — იცოდა; იცოდა ჯერ კიდევ მაშინ, როცა სულმოუთქმელად, ერთ ღამეში „ჩანჩურა“ დანერა: „ქართული კალამი ძალიან ჰგავს გოლგოთურ ჯვარს, რომელსაც ხელით ეატარებ“... მწერლური კალამი კი არა — ქართულიო. არცა ტყუოდა — ჩვეულებრივი კალმის მოსმა თუ ოდენ ოფლს ადენინებს მწერალს, ეროვნულისა — არცთუ იმეიათად — სისხლს ანთხევიანებს. მაგრამ ეს ვერ შეაძინებდა — სწორედაც სისხლდანთხეული ყველაზე დიდი ქართველის სულიერი მემკვიდრე გახლდათ: შემდგომ იგონებდა — ილიას მკვლელობის დღეს საგურამოში ავარდნილა, ღამით კი, განცდებით დატანჯულს, ილიას სისხლით შესვრილი ბალიში სასოებით აუღია და მასზე თავმიდებულს დასძინებია. წინამურის ღამეს პოეტის გასისხლულ ბალიშზე ეს თავის დადება მისთვის საიდუმლო სერობის ბადალი აქტი იყო: მიხეილ ჯავახიშვილი ეზიარა ილია ჭავჭავაძის სისხლსა და ხორცს, ვითარცა მისი სისხლი სისხლთაგანი და ხორცი ხორცთაგანი.

მიხეილ ჯავახიშვილი, პირველ ყოვლისა, ეროვნული მწერალია. ერთგან იგი წერდა: „რწმენა ვინმესი ან რაიმესი — ქრისტესი, მაჰმადისა, ეროვნებისა, პროგრესისა... — აი, მხოლოდ ეს რწმენა და განვითარებული გონება ასხვაეებს მეტყველ ადამიანს ურწმუნო პირუტყვისაგან“. თავად მის ღმერთს „ეროვნება“ ერქვა — ეს რწმენა ილიამ ჩაუჭედა სულში ღურსმანივით. ისიც უნდა ითქვას, რომ ჯავახიშვილი არ ყოფილა არც მალემრწმენი და არც ბრმად მორწმუნე საქართველოს მესიანური იდეისა: ერთხელ კიდევ გადავიკითხოთ მისი „მასალები ლექციისათვის“ და დავრწმუნდებით, თუ ეჭვის როგორ ჯურღმულეებშია იგი გამოტარებული. მაგრამ სწორედ სულის ამგვარ სახშილში გამონრთობილი იდეა მალღდება მისთვის ღამის რელიგიურ დოგმად; ამისი ამოძახილი გახლავთ ზემოხსენებული „ანდერძიც“.

ახლა ისევ „იოანეს და ეფთვიმეს“ მივუბრუნდეთ:

ყრმა ეფთვიმეს ანუ ექვთიმეს, მომავალ დიდ მთანმინდელს, რომელსაც

ბიზანტიკაში ცხოვრების გამო დედაენა დაჰკინყნოდა და ქართულად „ძნიად უბნობდა“, ავადმყოფობისგან სიკვდილს მიწურვილს, ლეთისმშობელი გამოცხადება და სასწაულებრივ განკურნავეს, ლამის მკვდრეთით აღადგენს...

წარსული ზოგჯერ მეორდება. „გარემოებამ ორჯერ გამარუსა და ისე დამავინყა ქართული, რომ საყველპუროც ძლივს მესმოდა“. მართლაც, პრივოლნოვის სკოლასა და ყირიმის სამეურნეო სასწავლებელში კი არა, თბილის-ქუთაისის გიმნაზიებში არ აჭაჭანებდნენ ქართულს და, რაა გასაკვირი, რომ ყრმა მიხეილს მშობლიური ენა დაჰკინყებოდა. მაგრამ რაც ადამიანს იავნანასთან ერთად შეგიტბია, იმას მარწუხითაც ვერ ამოჰგლეჯ, ვერ ამოძირკვევ — მხოლოდ ნავლი შეიძლება მიყარო. გასაკვირი სწორედ ის არის, რამხელა ცეცხლი ამოაბრიალა ჯავახიშვილმა ამ ნავლწაყრილი ქართულიდან.

ასევე — გარემოებამ ორჯერ დაუხშო მწერალს მკითხველთან მისასელელი გზა: ჯერ იყო და პოლიტიკურმა ვნებათაღელვამ, ციხემ, დევნამ, ემიგრანტის მწარე ლუკმამ, ომმა გააგდებინა 1908-1923 წლებშუა ხელიდან კალამი, მერმე კი, 1937 წლიდან მოკიდებული 1954 წლამდე, არაკაცებმა ააფარეს სისხლიანი ხელი პირზე მის წიგნებსაც... უმკითხველო, ენადობრკილი მწერალი კი მკვდარია — და სატანურმა ძალებმა მოინადინეს მწერლის სხეულთან ერთად მისი სულიც, მისი წიგნები, ღრმად ჩაესრისათ მიწაში...

ამაოდ დაშვრენენ! დარეკა ნაცვალგების ზარმა და თითქოს დიდი მიხეილის სულსაც გამოეცხადა სათნო დედოფალი და აუწყა:

„არარაჲ არს ვნებაჲ შენ თანა, აღდეგ და ქართულად ხსნილად უბნობდი“.

„ქართული ენა და ლიტერატურა სკოლაში“, N3, 1981

ქიანის რაინდი

ციხის საკანში ორი პოლიტიკური პატიმარი სამომავლო გზას ირჩევს, თუმცალა ისეთი ბრალდება აქვთ წაყენებული, რომ, შესაძლოა, სასამართლომ მათ ოცნებას წერტილი ეშაფოტით დაუსვას; ყოველ შემთხვევაში, სამუდამო კატორღა მაინც არ ასცდებათ... ჯერ ჭაბუკები არიან, მაგრამ საშიშ მეამბოხეებად და არსებული წეს-წყობილების დაუძინებელ მტრებად ითვლებიან. ერთი მათგანი, სტუდენტი, რომლის სალუქი პირისკანი, ნატიფი ნაკვეთი და სუსტი აღნაგობა ნაკლებად შეესაბამება წარმოდგენას მეამბოხეთა თავკაცზე, გადაჭრით აცხადებს: „აქედან თუ მშვიდობით გავაღწიე, იარალი უნდა გამოვიცვალო“... გამოხდება ჟამი და — ციხეში საიდუმლოდ შეყვანილი მინისქვეშა ხერელით იგი მართლაც გავა სამშვიდობოზე

და იარაღსაც გამოიცვლის — ლეო შენგელაია მაუზერის ნაცვლად ხელთ კალამს აიღებს.

ნურაინი იფიქრებს, რომ ეს ნაბიჯი მას ეჭვმა, სასონარკვეთამ ან შიშმა გადაადგმევინა, მით უფრო — დამშვიდებული, მყუდრო ცხოვრებისაკენ სწრაფვამ... კაცმა რომ თქვას, რა დამშვიდებული ცხოვრება შეიძლება ჰქონდეს მწერალს — სიმართლის მსახურსა და ქომაგს? ლეო ქიაჩელმა ხელი უფრო მძიმესა და სახიფათო იარაღს მოჰკიდა, სახიფათოს როგორც ძლიერთათვის ამა სოფლისა, ასევე — საკუთარი კეთილდღეობისათვის; იცოდა, სულიერად შემდრკალსა და ძარღშეშინებულ კაცს ისევე ვერ გაეძლება სამწერლო ასპარეზზე, როგორც — პოლიტიკურზე. მაგრამ განსაცდელი მას ველარ შეაცბუნებდა — სიკვდილისათვის უკვე ჩაეხედა თვალებში. მსგავსად ყველა ჭეშმარიტი პროზაიკოსისა — სერვანტიესისა, სტენდალისა, დოსტოვესკისა... — თუმცა, რაღა შორს ვეძებოთ, — მსგავსად საბასი, ილიასი, ყაზბეგისა, ჭოლა ლომთათიძისა, მიხეილ ჯავახიშვილისა და სხვათა და სხვათა — ისიც, ცხოვრებისაგან ნაკვეში, ჰადესის მოხილვის შემდეგ შემოვიდა მწერლობაში. ეს იყო საკუთარი თავის პოვნა — ჩვენი სულიერი ცხოვრებისთვის საბედნიერო გადანწყვეტილება. ამ არჩევანს უნდა ვუმადლოდეთ, რომ ჩვენს ლიტერატურას შეემატა დაგეშილი მწერლური თვალით აღმოჩენილი ახალი პოეტური სამყარო — ახლებურად დანახული და მოსმენილი ხმა და ფერი, ბუნება და ადამიანი, მისი სულის შუქ-ჩრდილები.

ლეო ქიაჩელის პოლიტიკური და, შემდგომ, მწერლური მოღვაწეობა თუ საყოველთაოდ არის ცნობილი, ზოგს შეიძლება არც ახსოვდეს, რომ იგი ერის სულიერი ცხოვრების კიდევ ერთ მნიშვნელოვან ასპარეზზე, პედაგოგიურ სარბიელზე, ემსახურა თავის ხალხს — მართალია, მცირე ხნით, მაგრამ — არცთუ უკვალოდ. არცთუ უკვალოდო, რომ ვამბობ, ორმხრივ ზეგავლენას ვგულისხმობ: ცხადია, ბატონი ლეო თავისი სიდარბაისლით, ტაქტით, საგნის ღრმა ცოდნით (იგი ქართულ ლიტერატურასა და საქართველოს ისტორიას ასწავლიდა თბილისის ქალთა გიმნაზიაში) მონაფეთა სულსა და ზნეობას ღრმა კვალს აჩნევდა. ახალგაზრდებთან ურთიერთობა, თავის მხრივ, სასიკეთოდ ზემოქმედებდა მწერლის შემოქმედებაზე: რომ აღარაფერი ვთქვათ საყმანვილო მოთხრობების ციკლზე, მის რომანებშიც ბევრი რამ აღმზრდელის — მონოდებით პედაგოგის — თვალთ არის დანახული და მხატვრულად ხორცმესხმული: — თუნდაც გვადისა და მისი შვილების ურთიერთდამოკიდებულება გავიხსენოთ.

ცნობილია, რომ შუა საუკუნეებში არსებოდა ბერთა ორდენები — ფრანცისკელთა, დომინიკელთა, ბენედიქტელთა... მათ გვერდით იყვნენ ტაძროსანი რაინდებიც, რომლებიც მახვილით ემსახურებოდნენ ჯვარს და აღასრულებდნენ რაინდულ აღთქმას...

ძნელი სათქმელია, ამგვარმა ასოციაციებმა უბიძგეს თუ არა ლეო შენგელაის თავის ფსევდონიმად აერჩია ქიაჩელი — ქიაჩის წმინდა ხატთან დაკავშირებული ზენოდება (-ელ სუფიქსი ქართულში არა მარტო წარმომავლობას, არამედ რისამე მიმდევრობასაც აღნიშნავს!). როგორც ცნობილია, ეს ხატი შენგელაიების „ძირ“ ხატად ითვლებოდა, შენგელაიები მისი მცველები იყვნენ. ქიაჩის ხატს დიდი სახელი ჰქონდა გავარდნილი — მისით იჭრებოდა სამართალი იმ მხარეში, მასზე აფიცებდნენ და მისით რისხავდნენ. ექვთიმე თაყაიშვილის აღწერით, ხატზე გამოსახულია მთავარანგელოზი რაფაელი, „ერთი შვიდთავანი წმიდათა ანგელოსთა“, რომლის ბაგეებით გაცხადებულა: „იქმოდეთ კეთილსა და ბოროტმან არა გპოვნეს თქვენ“ (ტობით, 12,7). ყრმა ლეო შენგელაიაზე როგორი შთაბეჭდილებაც მოუხდენია ამ, ხალხის რწმენით, სასწაულმოქმედ ხატს, კარგად ჩანს მოსკოვიდან გამოგზავნილი ერთი წერილით, რომლის ფრაგმენტი პირველად ქვეყნდება: „...ერთი შაურიანი სანთელი... ჩემს ძირ ხატს დაუდგას და დაწვას... ქიაჩი ხშირად გამახსენდება და, ვფიქრობ, რომ მას დიდი მნიშვნელობა აქვს ჩემს ცხოვრებაში. მგონია, რომ ის მე მწყალობს... მე შესაჭიროება ისეთი ძალა, რომელიც მწყალობს, თორემ მარტოხელას, ობოლს, მიძნელდება ცხოვრება. მე, პირადად, მოგეხსენება, არც ღმერთი მწამს და არც ეშმაკი, მაგრამ მაინც მინდა რატომღაც — ჩემი ძირი ხატი მწყალობდეს, ძალიან მინდა!.. სულის მოთხოვნა“.

სწორედ სულის ამ მოთხოვნით დაირქვა ლეო შენგელაიამ ჩვენი მწერლობისათვის სინმინდის ეტალონად ქცეული სახელი ქიაჩელი, და ძველ, კეთილმოზილ ტაძროსან რაინდთან დარად არც მას, ქიაჩის რაინდს, გადაუხრია პრინციპისაგან: „იქმოდეთ კეთილსა და ბოროტმან არა გპოვნეს თქვენ!“

„ქართული ენა და ლიტერატურა სკოლაში“, N2, 1984

სარანგი

*„მე ვარ სარანგი“...
კონსტანტინე გამსახურდია*

დიახ, თქვენ სარანგი ბრძანდებით. სარანგი უფროსია კაცთა, რათა მათ მიერ ბოროტნი კაცნი შეშინდნენო, ბრძანებს საბა. იცის საქართველომ — ამ საუკუნეში თქვენ სარანგად ედექით მამულს, „ზავთად და შესაშინებლად ბოროტთა და ავაზაკთა“.

ლექსიკონები იმასაც ვეამცნობს, რომ „სარანგი“ ლაშქრის მეთაურს, სარ-

დალს ნიშნავს. ამ აზრითაც სარანგი ბრძანდებით, ბატონო კონსტანტინე. თქვენი ჩოხოსნობა ანაქრონისტული ახირება როდი იყო — მიდრეკილებებში, ჩაცმულობაში ხომ ხშირად იჩენს თავს ადამიანის ბუნებაში ჩაბუდებული განუხორციელებელი შესაძლებლობანი. თქვენს ძარღვებში უძველესი მეომარი ტომის ცხელი სისხლი ჩქეფდა, ხოლო ქცევასა და ჩაცმულობაში — სიყრმიდანვე ადევნებული განუხორციელებელი ოცნება — ხმალამონვდილი გასძლოლოდით მამულის ლაშქარს. თუმცა თქვენ მაინც ჩაუდევით სათავეში ერთ ლაშქარს: „აჰა, მოდიან ლეროვანი ასოების ლეგიონები. ისინი ხან ლელივით იკეცებთან, ხანაც ცხენოსანი ჯარის პიკეტებსავით მოემართებიან, ამპარტავენად ზეალმართულნი... და როცა მე მეგონა, მკლავი შესდგაო, როცა ვფიქრობდი, დამეშრიტა გონების ძალი და ფანტაზიას ჩემსას ფრთენი შეეკეცეყო, ენა ქართული, ეს უფსკრული თვალშეუდგამი, ისეე აზღვავდა, ისეე ადგა ამ ჩემს ცხელ სისხლში და ნამოვიდნენ სახეები ტალღების დარად... მერმე აზვავდა სისხლი ჩემი და მოქანცული, მდორე გონება თითქოს უეცრად გასხებაო ელვის ლეკურმა... მოვსდექ და ისეე შეეუტეე ამ უფსკერო ზღვას, თვალშეუდგამს და გახელებულს“.

იცის საქართველომ, რომ თქვენ ომი მოაგებინეთ ამ ლაშქარს, სიტყვათა ლაშქარს. ისიც იცის, რომ ამ ომში სარანგობა სიცოცხლისათვის არანაკლებ საშიშია, ვინემ ნამდვილ ბრძოლის ველზე...

ჩვენ გვიყვარხართ ჩოხოსანი, ბატონო კონსტანტინე; ჩვენ პატივსაცემთ სმოკინგიანს. „მე — ჩოხოსანი და მე — მონოკლიანი“... არა, ეს არ ყოფილა შეუთავსებლის შეთავსება; ეს უფრო ოდესღაც ძალად გათიშულის კვლავ შემტკიცებასა ჰგავს. ეს ძირძველი ერთიანობა თქვენ ცხოვრებითაც დაამტკიცეთ და შემოქმედებითაც.

კოლოსალურ სულიერ ენერგიას ჰფლობდით; არასოდეს დანდობიხართ მარტოოდენ ტალანტს — ღვთით ბოძებულს. თქვენი რკინისებური ნება, მკაცრად დისციპლინირებული გონება წარმართავდა მას. თქვენ ბრძანდებით მწერლური პროფესიონალიზმის იშვიათი ნიმუში საქართველოში.

იცის საქართველომ, სულთახდომის ჟამს კიდევ ერთხელ როგორ დათრგუნა სულმა თქვენმა თქვენივე დაუძღვრებული ხორცი, როგორ აზიდა სარეცლიდან, რათა ზეზეურა შეჰყროდა სიკვდილს — „მოვედ, სიკვდილო...“

იცის საქართველომ, როგორი სიყვარული იცოდით; და ისიც იცის, როგორი სიძულვილი შეგძლოთ. სიყვარულისავე სახელით, სიყვარულისავე ძალით.

„ღამე მოვა სიძე ანა ზდეული, მე ვარ სარანგი ღამისა“...

იცის საქართველომ, რომ ღამის სარანგი, სმენაგამახვილებული მოდარაჯე ბრძანდებოდით მომავალისა, რომელიც განგვიკითხავს. ჩვენც გვაფხიზლებდით, რათა სახარებისეული ხუთი უგუნური ქალწულის მწარე ხვედრი არ გაგვეზიარებინა.

„მე ვარ სარანგი“... თქვენ იყავით და რჩებით სარანგად: თქვენს ნიგებში გადასული თქვენი სულია ან სარანგი სრულიად საქართველოსი.

1983 წელი თქვენი, ბატონო კონსტანტინე: მაისში იუბილეს ვიზეიმებთ, გამოიცემა თქვენი ნიგნები, თქვენი სახელი დაერქმევა ქუჩას, დაიდგება ძეგლი; გალაკტიონისა არ იყოს — „აქ დაიდგება პოეტის ძეგლი, ბავშვები მოვლენ შენი ნიგნებით; იქნება, ბევრი რამე იქნება“ — იქნება, მართლაც ბევრი რამე იქნება თქვენი ხსოვნის პატივსაცემად... თქვენს სახელს კი სულიერი, ხელთუქმნელი ძეგლი თქვენვე დაუდგით, ბატონო კონსტანტინე, თქვენი დიდი ნიგნით. და ეს ჩვენი კინი ნამუშავეიც — თქვენდამი მოძღვნილი ჟურნალი — საქართველოსთვის მარად გადამოილ ამ ნიგნში ჩადებული ველის გამხმარ ყვავილად მიითვალეთ.

„ქართული ენა და ლიტერატურა სკოლაში“, N3, 1982

ნუჟკვილი სულისა

*„თავისუფლება სულს ისე მოსწყურდა“...
გალაკტიონი*

ყოველ საგანს სკოლაში თავისი უამი დაუდგება ხოლმე; ეს მაშინ ხდება, როცა ამ საგნით ასახული მეცნიერების არსის, პრინციპის „გამხსნელი“ თავი თუ მონაკვეთი შეისწავლება. ცხადია, საგნის შესწავლისას ასეთ „მწვერვალებს“ მოსწავლე არა ერთსა და ორს აღმოაჩენს. სიტყვიერების მასწავლებლისთვისაც დაპკრავს ხოლმე სანუკვარი უამი, როცა რუსთაველის, გურამიშვილის, ილიას (ჩამოთვლა შორს წაგვიყვანს) სამყაროს კარი უნდა შეუხსნას ყმანვილს. და აი, მეთათე კლასში თითქოს მალლით გაისმის — „გზა, მეგობრებო, მობრძანდება გალაკტიონი!“ — და გაკვეთილი, კლასი, სკოლა, ქალაქი, მთელი სამყარო ივსება და იჭექება გალაკტიონით.

რაა ეს გრძნობა? — გალაკტიონისებურად რომ ჩაეკითხოს თავის თავს მკითხველი, ვინძლო, პასუხი ვერც გასცეს ერთი სიტყვით. მართლაც, ეს განცვიფრებაც არის, ელდაც, ძრწოლანარევი აღტაცებაც... ხომ გიგრძნიათ სიზმრად რალაც ღრმა და მნიშვნელოვანი კავშირები საგანთა შორის... ძილღვიძილის სამანზე მყოფს, ისიც გინატრიათ, ნეტავ ახლა გამალვიდა და ეს ყველაფერი, ასეთი ნალდი და ცინცხალი, ჩამანერინა, ეს წამი სიტყვით „დამაჭერინაო“... ზოგჯერ ეს განცდა იმდენად მძლავრია, კაცს მართლაც ნამოგაგდებს ლოგინიდან და კალამსაც აგალებინებს ხელში, მაგრამ... ის, რაც სიზმრად თითქოს მოიხელთე და ასე მტკიცედ გეპყრა ხელთ, მშრალ ქვიშასავით ჩაგიშვავდება თითებშუა. გალაკტიონი კი ამ სიზმართა გაცოცხლე-

ბას, მათ გაცხადებას ახერხებს; მის პოეზიაში საგანთა იდუმალი კავშირები იმ ცხოველმყოფლობას, სიღრმესა და წონას ინარჩუნებენ, ჩვენთვის რომ მხოლოდ სიზმრად არის სანვდომი.

საით მიჰყავს გალაკტიონს მკითხველი? რას გვასწავლის გალაკტიონი? — სიყვარულს, მამულიშვილობას, კეთილშობილებას, სილამაზეს, ჰუმანიზმს... მოკლედ, რაღას არ გვასწავლის, თორემ სწავლებით ყოველგვარ სიქველეს გვასწავლისო, იტყვიო, მაგრამ გალაკტიონი, უპირველეს ყოვლისა, თავისუფლების მასწავლებელია. აქ მხოლოდ თავისუფლების იდეის ქადაგებას როდი ვგულისხმობ: ილიას — „თავისუფლებაჲ, შენ ხარ კაცთა ნავთსაყუდარის“ შემდეგ ამით ქართველ მკითხველს ვერაინ, თვით გალაკტიონიც კი, ვერ გააკვირვებს. გალაკტიონი თავისუფლების მასწავლებელიაო, ამაში, უნინარეს ყოვლისა, მისი მხატვრული აზროვნების თავისუფლებას ვგულისხმობდი. რაზედაც უნდა ნერდეს იგი, ჩვენ მუდამ გვეუფლება თავისუფლების მათრობელა განცდა. ამის მიზეზი კი ის უნდა იყოს, რომ პოეტი ენაში აღმოგვიჩენს სიტყვათა ისეთ შინაარსობრივ ნიუანსებს და მათი ურთიერთდაკავშირების იმგვარ შესაძლებლობებს, მანამდე რომ ვერც ნარმოგვედგინა: „და მეომარს შუბლს უმშენებებს ნელი დაფნის ფოთოლი“... „გაიყვეს ძმებმა მოხუცი ბალი“ (სხვაგან: „მოხუცო სხივო, შენ კანკალებ, ვხედავ, რომ კვდები“)... „ფებთან პერანგი ინვა ცბიერი“... „აშრიალუბდნენ ფოთლებს ბნელხმიანს“... მთავარი კი ის ვახლავთ, რომ გალაკტიონის მიერ ენაში აღმოჩენილი ეს თავისუფლება ენაშივე როდი მთავრდება. იგი მიმანიშნებელია იმ თავისუფლებისა, რომელიც გენიალური პოეტის თვალთ რეალურ სამყაროში იხილება, მისი ენით გამოითქმის და მხოლოდ მერმე ხდება ჩვენთვის საცნაური. გალაკტიონი მარტო იმას კი არ ჭვრეტს, რაც არის საგანი, არამედ იმასაც — რადაც შეიძლება იგი იქცეს. ასეთ დროს ვლინდება საგანთა უშინაგანესი არსი, ისინი თითქმის თავისუფლდებიან გარსის, ფორმის „წყველისაგან“. ჭეშმარიტ პოეტთა ამგვარი ნიჭი ვისთვის სანუკველია, ვისთვის — თავზარდამცემი. აკი ბრძანებდა თავად გალაკტიონი „სმენად და ჭვრეტად“ გადაქცეულ ჯალათებზე: „შიშის ზარს სცემდათ პოეზია უფრორე მეტად, ვინემ ფერეკრთალი შეთქმულება აჯანყებისთვის“.

გალაკტიონთან მიახლების, მასთან განდობის მსურველი — თვითონაც თავისუფლდება, უნდა გათავისუფლდეს, ლიტერატურული თუ ენობრივი სტერეოტიპისა და სქემებისაგან. გალაკტიონის პოეზიაში შესაძლოა იმგვარ რამეს ნაანყდე, რაც კაცს მკრეხელობად მოგეჩვენება... შოთას „ხამს მოყვარის“ ტრადიციაზე გაზრდილთათვის, ცოტა არ იყოს, შემაცბუნებელია — „ო, ჩემი სული ბევრს დაიმონებს, მეგობრები კი არ მეყვარება“, ან აკაკის „ჩემი ხატია სამშობლოს“ მერე — „რომ სხვა სამშობლო არ გამაჩნია, რომ ეს თოვლია ჩემი სამშობლო?!" მაგრამ ეს მხოლოდ ზერელე მთაბეჭდილება იქნება — ამას ხომ ის პოეტი ამბობს, ვინც თასს-სადლეგრძელსაც კი მეგობრობის, „ერთმანეთის გატანის“ ფიცით აესებს, ვინც ლამის იდეით შეპყრობილის დაჟინებით

იმეორებს — „სამშობლო უმთავრესია!“ ალბათ არა ღირს პრობლემის გაიო-
ლება და მტკიცება, ამას ახალი, „მეორე პერიოდის“, გალაკტიონი ამბობს,
იმას კი ძველი, „პირველი პერიოდისაო“. ცხადია, პოეტის სულიერი ევოლუცია
უნყვეტლოვ მიმდინარეობს, მაგრამ არა მარტო ზეადმავალი ხაზით — მან
იცის დაქანებაც, წრებრუნვაც, ზიგზაგაც... მთავარი კი ის გახლავთ, რომ ზე-
მომოყვანილ ფრაზებში ცნებები — „მეგობრები“, „სიყვარული“, „სამშობლო“,
„თოვლი“ გათავისუფლებულია ყოველდღიური, სტიეროტიპული გაგებისა-
გან, უფრო სწორად — მათი საზღვრები გაზრდილ-გაფართოებულია და მეტ
აზრს მოიცავს, ვინემ მათში ჩვეულებრივი სიტყვათხმარების დროს ედებთ.

მაგრამ ეს სრულებითაც არ ნიშნავს, თითქოს გალაკტიონი ენის კანონებს
არად დაგიდევდეთ და სიტყვაშიც ნებისმიერ შინაარსს აქსოვდეს. ასე რომ
იყოს, მაშინ მისი პოეზიის გაგება თუნდაც ინტუიციის დონეზეც კი არ მო-
ხერხდებოდა. გალაკტიონს კი პრინციპულად ყოველთვის ეუგებთ... თუმცა
იმის განცდაც არ გვეკიდება, რომ რალაც შესაცნობი კიდევ დაგვრჩა; თით-
ქოს ვგრძნობთ უხილავ ზღუდეს, მის პოეზიას გარს რომ ევლება... ისიც მომ-
ხდარა, რომ ლექსსა და მკითხველს შორის ეს სამანი მორღვეულია და — ვაი
იმ პოეტს, ვინც მკითხველს მხარზე ხელს დაატყაპუნებინებს. არასოდეს მი-
გომვებთ საამისოდ შოთა; არც აკაკი, არც ვაჟა, არც გალაკტიონი. და საგუ-
ლისხმოა, რომ სწორედ ამგვარ პოეტებს მიაკუთვნებს ხოლმე ერი „უპირვე-
ლეს დაფნას მეფეთა“, სწორედ ისინი ხდებიან ქვეშარიტად სახალხონი.

პოეზიაში გამოვლენილი სულის ეს თავისუფლება ძალუმ ელექტრომუხ-
ტად ევლებოდა გალაკტიონის პიროვნებასაც. მასთან კონტაქტისას ერთგ-
ვარი უხერხულობის განცდა გეუფლებოდა ადამიანს, თითქოს გარისსაგან
განძარცვულ, შიშველ სულს ეხებოდი უშუალოდ. იგი ეზიდებოდა მის ბრგე,
ახოვან სხეულს ზემოთ — ეზიდებოდა ისეთი ძალით, რომ ირწმუნებდი, ეს
ძალუმი ტორსი რომ არა, მინას ასწყდებოდა გალაკტიონი. ეტყობა, თავა-
დაც უქონდა ამის შეგრძნება, იქნებ — რწმენაც: „გაფფრინდეთ, ჩვენ ხომ
გვასხია ფრთები“... „ფრთები, ფრთები გინდა“... ვინ იცის, იქნებ ამ რწმენით
აცახცახებული მიანყდა საავადმყოფოს აიენის მოაჯირს, ზედ გადაეკიდა
და, არქიმედეს მსგავსად, მსოფლიოს ამაყირავებელ წერტილს მიაგნო... გა-
ინელა ნამი, შეყოვნდა და — სანამ მისი უმძიმესი ტორსი მინას დაასკდებო-
და, თავდახსნილი სული ზეცად ასრიალდა...

თავისუფლების განცდა მარტო მათრობელა როდია, — გადამდებიც
არის, უფრორე — ვინემ ნებისმიერი გრიპისა თუ ქოლერის ეპიდემია. ასე
გადმოდის გალაკტიონის სულიდან ჩვენში თავისუფლების მძლეთამძლე, მა-
ცოცხლებელი „მიკრობები“. გალაკტიონის პოეზია ჩვენც გვათავისუფლებს,
ოლონდ გვათავისუფლებს მაღალი აზრით, რამეთუ — არსებობს თავისუფ-
ლება ქვეშარიტი და თავისუფლება მოჩვენებითი. ქვეშარიტი თავისუფლე-
ბა კი სწორედ უღელთა, დიდთა და მძიმე უღელთა, დადგმას გულისხმობს

და, როცა გალაკტიონი გვათავისუფლებს სიძულვილისგან, შიშისგან, ორგულობისგან, იგი სიყვარულის, ერთგულების, ზვარაკის უღელს გვადგამს ქედზე... ანუ ჩვენ, მისი მკითხველები, ჩვენივე ნებით ვუდგამთ მხრებს ამ მძიმე ჯვარს და მივყვებით პოეტს:

*მე მივდიოდი ერთი, სადაც მაღალი ფერდი,
ვით უძველესი ღმერთი, აღმართულიყო ცადა.
ჩვენ მივდიოდით ორი, განველეუთ ჭალა და გორი,
შორი მთებიდან ქორი თან მოგვეყვებოდა გზადა.
ჩვენ მივდიოდით სამი, გზებზე დაეცა ნამი;
იყო სალამო ნამი გამჭვირვალე და სადა.
ჩვენ მივდიოდით შვიდი, ღამეც მოვიდა მშვიდი,
და როს ცის არის მშვილდი გადმოეკიდა მწვერვალს,
გაეხდით ათასი მცველი, სულ ახალი და ძველი,
ახლა მოვდივართ მთელი ლეგიონების ნყება.*

„ქართული ენა და ლიტერატურა სკოლაში“, №4, 1981

ხეაქალიანი

*„ხმაში უნდა ვეფხვის ძალი...“
გიორგი ლეონიძე*

გიორგი ლეონიძე (1899-1966) — უახლესი ქართული ლიტერატურის ფუძემდებელთაგანი, ერთ-ერთი ყველაზე თვითმყოფადი პოეტური ნიჭი XX საუკუნის ქართული მწერლობისა; ლიტერატურული ტალანტი მრავალნახნაგოვანი: ლირიკოსი, ეპიკოსი, პროზაიკოსი, ესეისტი, ლიტერატურის ისტორიკოსი, ფილოლოგი; გიორგი ლეონიძე არის ვერსიფიკაციის ვირტუოზი, ენის დიდი მესაიდუმლე.

გიორგი ლეონიძემ ბავშვობა პატარძელში (გარე კახეთში) გაატარა. ოჯახში ლიტერატურული ატმოსფერო სუფევდა — მამა, ნიკოლოზ ლეონიძე, ვაჟს მერხის ამხანაგი გორის საოსტატო სემინარიიდან, მღვდლად კურთხევამდე მასწავლებლობდა, თან — ნერდა; დედის მხრივაც — გული-საშვილების შტოთი — ბევრნი იყვნენ სიტყვას შეჭიდებულნი. მამით ადრე დაობლებული გიორგი ჯერ თბილისის სასულიერო სასწავლებლის, შემდეგ

კი სემინარიის მოსწავლე ხდება. 1919 წელს ლეონიძე შედის თბილისის უნივერსიტეტში, მაგრამ, „მემარცხენე მწერლობით“ გატაცებული, ორი წლის შემდეგ სწავლას თავს ანებებს. გიორგი ლეონიძე აქტიური წვერი იყო ქართველ სიმბოლისტთა კორპორაციის — „ცისფერი ყანწებისა“.

ლეონიძე ლიტერატურული ეუნდერკინდი გახლდათ: განსაკუთრებულ მოვლენად არა მარტო მისი პოეტური ნიჭის ადრეული გამოვლენა უნდა მივიჩნიოთ (იგი თორმეტი წლისა უკვე იბეჭდებოდა!), არამედ სიყრმის ასაკშივე გატაცება ფილოლოგიური კვლევა-ძიებით; 23 წლისა სცემს „ბახტრიონს“, პირველ ქართულ ლიტერატურულ გაზეთს; მან დაგვიტოვა ჩინებული გამოკვლევები სულხან-საბას, გურამიშვილის, ბესიკის და, საერთოდ, აღორძინების ხანის მწერალთა შესახებ, გამოსცა „ვისრამიანი“, „სიბრძნესიცრუისა“, მამუკა ბარათაშვილის „ჭაშნიკი“... შექმნა საინტერესო ლიტერატურული პორტრეტები ილია ჭავჭავაძის, ვაჟა-ფშაველასა და მამია გურიელისადმი მიძღვნილ ესეებში. 1944 წელს იგი საქართველოს მეცნიერებათა აკადემიის ნამდვილ წევრად აირჩიეს. გიორგი ლეონიძე ეწეოდა მრავალმხრივ საზოგადო მოღვაწეობას, თარგმნილია მსოფლიოს მრავალ ენაზე; მისი ლექსების რუს მთარგმნელთაგან აღსანიშნავია ტიხონოვი, პასტერნაკი, ანტოკოლსკი, ზაბოლოცკი; 1962 წელს მიენიჭა საქართველოს სახალხო პოეტის ნოდება, გარდაიცვალა 1966 წელს, დაკრძალულია მთაწმინდაზე.

გიორგი ლეონიძე ერთ-ერთი უგანათლებულესი პიროვნებათაგანი იყო თავის თანამედროვე ქართველ მწერალთა შორის; ქართული მწერლობა და კულტურა მას დათავისებული ჰქონდა არა მარტო შემოქმედებითად, არამედ — როგორც მეცნიერ-სპეციალისტს. ღრმად იცნობდა რუსულსა და ევროპულ ლიტერატურას, ფილოსოფიას; მით უფრო საცნაურია, რომ ამგვარი ერუდიტის პოეზიას უცხო ლიტერატურისა და, საერთოდ, „ლიტერატურმზინის“ კვალი ნაკლებად ეტყობა; მას, ცნობილ ბიბლიოფილსა და ფრანგული პოეზიის თაყვანისმცემელს, უწერია:

*„მე არც ფრანგების ვარ ნაყმევეარი,
არც წიგნის მტერიდან ფეთქება მსმენია“.*

თითქოს უცხო ჰანგს საგანგებოდ იმისთვის ენაფებოდა, რომ საკუთარი ყველასაგან გამორჩეულიყო:

*„არ მინდა ჩანგი მე ხელნაჭერი,
ნარტყამი ხმალი სააკაძისა“;*

ფართო თვალსაწიერით სწორედ იმისთვის ჭერეტდა სხვათა ნავალ ბილიკებს პარნასისაკენ, რათა საკუთარი გზა გაეწალდა.

ლეონიძის პოეტური სახის ფორმირებაზე უდიდესი ზეგავლენა მოახდინა ქართულმა კლასიკამ (რუსთაველმა, გურამიშვილმა, ილიამ, ვაჟამ...) და ფოლკლორმა; ამ თვალსაზრისით მას მართლაც „მშობელ მინაში უდგას ფესვები“. მაგრამ გიორგი ლეონიძის უდიდესი მასწავლებელი და უმძაფრესი შემოქმედებითი იმპულსის მიმცემი იყო სტიქია ქართული ენისა, რომელიც მისთვის მხოლოდ გამოხატვის საშუალება კი არ არის, არამედ — შინაფორმაც; თითქოს პოეტის იდეათა სამყარო ენით კი არ ფორმდება, არამედ — ენიდან; მისი ნიალიდანვე ამოიზიდება მთელი მსოფლმხედველობა, მიმართებათა სისტემა (ამიტომაც ითვლება „უთარგმნელად“ მისი არამცთუ პოეზია, არამედ — პროზაც).

ლირიკოსთა საუფლო ძირითადად „მე“ არის, გიორგი ლეონიძე კი უმთავრესად „შენ“ პოეტია; მისი ლექსების უმეტესობა მიმართვაა. მაგრამ ეს არ გახლავთ საუბრის ინტონაციის შემცველი ფიქრთა და აზრთა გაზიარების პოეზია — ლეონიძის ტემპერამენტი ამას ნაკლებად იგუებს — ეს არის აორტის გაგლეჯის ზღვარზე მისული შედახილი, მოხმობა, ნატვრა, აღსარება, ურვა:

*„როგორც ხმალი, ძმებო, ტამერლანისა,
სიყვარული ისე დამჯახებია“...*

*„გახელებული ხარი ვარ, გეშს ვიღებ ნიაქარზედა,
მაჩვენეთ ჩემი ოცნება, რქა ზედ მივაფშენა რქა ზედა“...
„შენ, დარწეულო ჩემი გვარის ქაფიან სისხლში“...*

*„სამშობლოვ, ისეე შენ ხარ პირველი,
ვტორტმანობ შენით, როგორც მენყერი“...*

„ბერო და აბეჩხარო, თელავის ნეკერჩხალო“,

*„ნინა, მანანა, ეკატერინა,
შვიდი ნანნავი რომ გერტყა, მართა,
ნუთუ აღარ ხართ ამ ქვეყნად მართლა“...*

ცხადია, ამგვარ ლირიკაში მიმართვის ობიექტზე არანაკლებ (თუ მეტად არა!) იკვეთება თვითონ პოეტის სულიერი სამყარო.

ეს სამყარო კი გაჭექილია „სიცოცხლის კორიანტელით“, წყურვილითა და ვნებით: თვით სიკვდილიც — მატერიის დაშლა, ხორცის ლპობა — სიცოცხლის წრებრუნევად, არსებობის ახალ ფორმად აღიქმება და პოეტური გზნების წყაროდ იქცევა:

*„დამტამებული ტაშები საფლავეში გამომპალიყო“...
„სად ლპებოდა ბეჭდიანი, ვაჟ, მანანას ხელი“...
„სად ლპება შენი ქოჩორი, თვალი სად ამოგიღამდა“...*

სულთყრის მომენტი, ხშირად იძულებითი — „შადრეუანებად ამორწყეული“ სისხლი და „ერთმანეთში აზელილი თმა და ტვინი“ — პოეტის მიერ პირველყოფილური ძალითა და პირდაპირობით დახატული, ახალ სიცოცხლეს უდებს სათავეს — დანთხეული სისხლი „ბრონეულის ყვავილებად ამობრიალდება“ ხოლმე ლეონიძის პოეზიაში.

გიორგი ლეონიძეს ძალზე უყვარს სიტყვა „ბარბაროსი“ და „ყივჩაყი“:

*„ბარბაროსული სისხლის შრიალი“...
„სისხლი შეახეთქე ბარბაროსული“...
„ბნელ ყურღანებში სძინავთ ყივჩაყებს,
თავქვეშ უგიათ თოქალთოები...“
„მთები, მთები, ბუმბერაზთა საშინელი მხედრობა...
თუ ხარ მონა, აქ არავინ გენდობა!
მონურ ღიმილს მე ვინ გადმომაბრალებს?
მე გაჩეხილ ნაპრალებს ყივჩაყურებ ჩაყურებ“.*

მართლაც „ბარბაროსული“ ენერგიით არის დამუხტული პოეტის ფრაზა. აქ არის გადავარდნა, სიტყვის „მყვირალობა“ — როდესაც თავად სიტყვას ლამის სექსუალური გზნების ინტენსივობა ახლავს.

*„მსუყეა განა? სისხლზე მოსულა,
როდი სთესავენენ სირინო ზები
და ავსებული ბარბაროსულად
მიყვარდა სიტყვა მიმინოსებრი“.*

ამგვარ უცნაურ „ხმაძალიანობას“ სათავე საგნის მხატვრული აღქმის საზღვრების გაფართოებაში უძევს: პოეტი ხუთივე „საცეცით“ არის სამყაროს დანაფუბული და მკითხველსაც არა მარტო ანახებს და ასმენინებს მას, არამედ ხელსაც ახებინებს, აყნოსებს, გემოს ასინჯვინებს. აი, როგორ სვამენ წყალს მისი გმირები: „ღიაკენამა გამვლელ გოგოს, აბდიას, სველი ლიტრა გამოგლიჯა ხელიდან და მიიყუდა. ჯერ პირში წყალი დაიგემოვნა, მერე დაახრიალა, ახლა ზედიზედ ინაფა და კმაყოფილმა, ბედნიერებით დაბნედილმა წყნარად თქვა“...

აი, ორსიტყვიანი პეიზაჟი: „მოღამდა. აიძაგრა ლამის ბალანი...“ აი, როგორ ღრეობენ მისი გმირები: „დევის სისხლი გაჯდა ძარღვებში! სუფრა შეადანდგარა გლეხების ხრომ, ამღერდნენ, აღმუელდნენ... სვამდნენ, თან ილოშნებოდნენ, ერთმანეთს თავპირი ჩამოაცალეს“; აი, როგორ ეფერებიან და ლოცავენ: „აი, გაძხე კარგი მზითა!“ „მოშენდეს უბე დედაშენისა“, „ნამლად დაგენაყე“, „იმ ადგილის ჭირიმე, საცა შენ მომაგონდები!“ აი, როგორ იმუქრებიან: „გაგმუშტავ, მოგრექმავ, დაგანიავებ!“ აი, როგორ იძინებენ: „ძმას ტკბილად,

ნეტარყურობით მიეძინებოდა, ძილში ცხვებოდა". აი, ბიბლიური ხილვა კატასტროფისა: „დაიწყო 1914 წლის ომი. ადგა ღორი გაუმაძღრობისა“.

მისთვის არსებობს „მაძღარი სიტყვა“, „დამკრახული გოგო“, თვით „პურის კალამიც“ კი.

ლეონიძის პეიზაჟებიც კი ხმაურობს, ყნოსვასა და გემოს გვილიზიანებს:

„როგორც საძროხე ქვაბს ოშხივარი,
ქართლის ხეობებს ასდით ნისლევი“,

„ქაშუეთს ფერი დაჰკრავდა,
ვარსკვლავის შუქზე თბებოდა,
ცილა, დაღერილი ვარსკვლავთა,
ქაშუეთს ენებებოდა“ ...

„მთვარე გომბორზე წაიქცა —
რძით გავსებული ტაგანი...“

„გაეხედე, ცის ერთ კუნჭულთან
რძე მოყონაედა ძუძუდან“ ...

მაგრამ როდესაც ბუნებით აღესების გაუძლისმა შევბამ პოეტს ლამის მკერდი გამოუნგრისო, ლეონიძე აჩურჩულდება ხოლმე:

„ამოითეთრა კავკასიონმა...
ციეგომბორიდან კახეთს დავეყურებ...
თითქოს თავს ოქრო გადამაყარეს,
ვარ თეთრ ვაშლის ქვეშ გაღვიძებული.
ალა ზნის ველი — ხობობის ყელი,
კახეთის მთები...“

და უცებ ლექსიდან „ამოვარდნილი“ —
„მოდი, მომკალი!“

და ამას მოდევნებული ბუტბუტი:

„შენ მუცახოდი, თუ შრიალებენ ალვის ხეები წინანდალისა?...
შორს ალავერდის გედი მიცურავს!“

ეს „ალოგიკური“ — მოდი, მომკალი! ლექსის მწვერვალია; ამგვარი კულმინაცია ლეონიძის სხვა ლექსებსაც აქვს; მხოლოდ დიდი ესთეტიკის ხელში შეიძლება ლექსის კულმინაციად იქცეს ამგვარი „არაესთეტიური“ ფრაზა: „და შენი — მშვენიერო — დასათხრელი თვალები!“ ლეონიძე თავის ზოგიერთ ლექსში თითქოს ვულკანივით თვლემს, რათა სადღაც ლეველფივით სა-

ხე ამოვადოს: „ციფერ ჩქერებში ეხახუნება ქონიან მკერდით ქვას ორაგული“ („იერის პირად“); გავიხსენოთ ეფექტური თქმები და სიტყვათა თამაში: „შენ მოგაყარეს მინა ბელტებად, მკერდზე რომ ვარდსაც ძლივს იკარებდი“ („ნინა ჭაჭაჭავაძეს“), „ქართლის მკვლელობის ძველ ამბავს უნოდეს „ქართლის ცხოვრება“. მაგრამ მის საუკეთესო ლექსებში („მყვირალობა“, „ყვიჩალის პაემანი“, „ოლე“, „ციცარი“, „პირველი თოვლი“, „ნინონმინდის ღამე“ ...) ეფექტურ სახეთა ფეიერვერკი ლექსის საერთო განწყობილებას არის დაქვემდებარებული — სახე ლექსს არ „ჩაგრაავს“.

ლეონიძის პოეზია ხაზგასმულად მამრულ სანწყისებზეა აღმოცენებული. მისთვის უცხოა ქალური „დათუთქვა“, ნახევარტონები, ლაჟვარდის კულტი — აქ მსუყე, „მაძღარი“ ფერი ბატონობს — მინისა და სისხლის ფერი; მის უთეთრეს „ნეროს თოვლიდანაც“ კი მენამული ამოასხამს — „თუ მოგესმათ ხერხემლის ჭახანი, ნეროს თოვლში, ნეროებო, მიტირეთ!“ ამავე დროს პოეტის ნაგეში თვალი და ყური „ციცნათელების ფანცქალსა“ და „ნუშის ნაფერთალსაც“ ამჩნევს; ასეთ დროს უსათუთესი განწყობილება სადა სიტყვებად ამოჟნავს ხოლმე პოეტის სულის ხვეულებიდან: „არ იცოდი, დიდებას ბევრი ცრემლი სჭირდება? გადაგჩეხეს, დაგლუპეს ნითელგულა ჩიტებმა“... ანდა: „ვაშლის ნაფცქვენს არ გადაყერიდი. დეიდამ მასწავლა: ვაშლის ქერქი უთუოდ ცეცხლი უნდა ჩაყარო, ერთი ჩიტი მაგისი სურნელით ცხოვრობსო“...

გიორგი ლეონიძე — საერთოდ ძალზე ნათელი პოეტი — ზოგჯერ ქმნის იდუმალ, ძნელად სანვდომ სახეებსაც — („ეს თოვლია, თუ მიმინომ დააფეთა მტრედები? ვარსკვლავთა ოთახებში ჩათვლემილებს ეძინათ, ეხურათ ხავერდები“); მაგრამ ამ დაბინდულობითაც კი იქნება ნათლად გამოკვეთილი განწყობილება — ჭაბუკურად მღეგი, აწყვეტილი.

ლეონიძე — დიდებული მოქართულე — ზოგჯერ საგანგებოდ უქცევს კახურად; ამას თავისი პენი აქვს — „ის თაობა ჩანგურებით სამოთხეში შავა, ჩენი ყელი შაში არის, გაბოლილი შავად“. აქ რომ მხოლოდ გარითმვის მომენტი არ არის გადამწყვეტი, სხვა მაგალითებით დასტურდება: „თამადამ ჩასო სიტყვა მარგალიტში“... „აბანოდან ამაივლის თელციმციმა ქალი“... „სახუნდარიდან მარეკი გულში გაარტყავს ტყვიასა“. ბოლო ორ მაგალითში სალიტერატურო ფორმები დაარღვევა ნატიფ ფონეტიკურ ქსოვილს: აბანოდან — ამაივლის, გაარტყავს — ტყვიასა; სიტყვის ზღერადობა პოეტისთვის უმნიშვნელოვანესი ფაქტორია: „ლიტრიან რახტით ტამერლანმა დაგხერიტა ტანი“... „სავსე ჯიქანი და ბარკალი გადამორილი, ნასუქი ლეში გაგლეჯილი გიპოპოტამის“. მასთან ორბი ფრთებს დასტყლიშავს, კოჭობი თლუხთლუხებს, ქალები თითისტარს აძგრიალებენ, პაპა დაჟღელილი ხმით ნაიმღერებს, ხვედია მინას ჩაჰბლუის. გამოაგნებელია ლეონიძის აღწერილ სექსუალურ ფრაზათა ვიზუალური, განსაკუთრებით, აკუსტიკური ეფექტი: „უეცრივ ცამ იელვა, მერე იდგრიალა, კიდევ იდანდგარა და მცირე ტორტმანის

შემდეგ შავლურჯმა ღრუბლებმა უნითლესი წინკლების ბურჯღლები გაპყარა. და ანაზდეულ, ჩქეფით ნამოვიდა ნიაღვარი, დელგმა. მწუხრის მოშაფენებამ იმატა, სივრცე გაკუპრდა, ცისქცევა, უცნაური კრჩხიალი, ბაგუნი და ზრიალი აყრუებდა ყოველივეს. და უცებ გაიზარდა შემზარავი, სიკვდილის ხმიანი წენა, ლენვა — სეტყეა ნამოვიდა“...

ბუნებასთან უშუალო მიახლების ყრმობისდროინდელი შთაბეჭდილებები იმდენად მძაფრი იყო, რომ გიორგი ლეონიძის — დიდი ქალაქების მხილველისა და თავდაც დიდი ქალაქის მკვიდრის — პოეზიაში ნაკლებად ჩანს ქალაქის ანტიურაჟი. იგი თითქოს საგანგებოდ ერიდება ურბანისტურ რეალიებს; ქალაქს პოეტი ფიროსმანის თვალით ხედავს და ხატავს: „ჩაქრა ყველა ვარსკვლავები, ვით კამეჩის თვალი, ქარმა ქალაქს დაუშინა ნუშის ნაფერთალი“... „და მახათის ტიტყელ მთიდან ყვითლად მობაბანე, საღვინით და შოთის პურით მზე დაადგა ბანებს“... ურბანისტული სურათის გასაცხადებლად მისი ფანტაზია ბუნების სამყაროდან გამოიხმობს ხოლმე შესადარებელ ობიექტებს (თანაც ამგვარ ასოციაციებს ლეონიძისეული ძალა და სიზუსტე ზოგჯერ აკლია: „ცას მიღები ქარხნებისა, როგორც ჯიხვის რქები, აპობენ და შემღერიან“... „მანქანები დაჰქრიან, ვით დაჭრილი სკვითები“...);

გიორგი ლეონიძე ღრმად არის შეჭრილი მშობლიური ერის ისტორიაში, მეტიც — მისთვის თითქოს მორღვეულია ზღვარი ნარსულსა და ახლანდელიობას შორის: ეს ორი დრო მის პოეზიაში ერთმანეთს შემსჭვალვია: ქრონიკისა და მატრიანის სიტყვა ფერ-ხორცს ისხამს, სტრიქონებიდან ძვალთა ლენვა და ჩეხვა მოისმის, ფოლიანტებიდან სისხლი და ნატუსალი მოჟონავს: „კრწანისულ დუდუკს, სისხლით შეღებილს, ხშირად ჩემს ლექსში სდის სისხლის ცვარი“. ერთმანეთს ენაცვლება კომპარული ჩვენებანი და აპოკალიფსური ძალის ხილვები:

„ზეთის მდინარედ მტკვარი დიოდა
და გადულებლად წვიმდა ნაცარი,
ეკიდათ ღრუბლებს სისხლის ბანარი,
შემკრეს და ველარ გადმოვიარე,
სისხლის ტალახში ვერ გაეასნარი“.

ანდა:

„...ხეალ ნახავთ სახლებზე ღრიანკალს, ბუს,
დამდნარ ვალავენებს, გოგირდის ბურს...
ცხენის ქაჩაჩში ჩარჩენილ თავთავს,
უზანგში — მტევანს, ვენახში — სამარეს,
ნაფუძრებს, თეთრი ძვლით მოთესილს,
ტრამალებს, ტრამალებს, ტრამალებს.
ხეალ ნახავთ, სისხლით აივსება წყაროზე ტაგანი“...

ასეთ გამძაფრებულ აღქმას ისტორიისას ლეონიძე „ანმყოს მხედრობას“ უთავებს, წარსული მისთვის თვითმიზანი არ არის: „გვეყო მარტო გორგასასლის ნანგრევებით კეხნა — აღარ გვინდა საქართველო საფლაკების ქვეყნად“.

სიცოცხლის, ვნების, ზარხომის, სიჭაბუკის ამ „ყივჩალურ ლირიკას“, ნი-აღერად მოვარდნილს, თან „შლამივით“ მოპყვებოდა ტკივილი, დაეჭვება, სინანული, ბოღმა; როცა ლექსი „დაინმინდა“ მათგან, ძალაც დაკარგა; ჭარ-მაგმა პოეტმა იგრძნო, რადაც უჯღებოდა აორტის გაგლეჯის ზღვარზე სიმღერა: „თეთრ ვარდებს დავემურე ყივჩალური ლირიკით, მოდიოდა სახე-ლი ნაოჭების ბილიკით“.

ლეონიძე პროზას ახალგაზრდობაშივე წერდა, თუმცაღა არ ბეჭდავდა. 1961 წელს დაისტამბა მისი მოთხრობათა კრებული „ნატურის ხე“ — ერთ-ერთი ყველაზე ქართული ნიგნი — ქართული თავისი სულით, მსოფლაღქ-მით, ენით. ამ ნიგნით გიორგი ლეონიძემ კიდევ ერთხელ გვარწმუნებინა სასწაული — ყოველი ადამიანი პოეტია და ყველა ამბავი — პოეზია: საკმა-რისია მხოლოდ მათ ჭეშმარიტი პოეტის ხელი შეეხოს. მას ამ სასწაულის მო-სახდენად არ სჭირდება არც ჩახლართული სიუჟეტი, არც უჩვეულო ფაბუ-ლა, არც ღრმა მეტაფიზიკური ანალიზი; ერთი რამ კი შეინიშნება — მის პერსონაჟთაგან ზოგი აშკარა, ზოგიც შინაგანი, „მთელემარე“ მეამბოხეა, ისინი ხშირად საკუთარ თავს და შესაძლებლობებს უჯანყდებიან და ამიტო-მაც იმსახურებენ მკითხველის ღიმილნარევე სევდიან თანაღმობას. „ნატუ-რის ხის“ შინაარსობრივ სისადავეს ავსებს რთული და ფერადოვანი სტილი — ამოუნყავი ლექსიკა, ხატოვანი თქმები, მთელი ფეიერვერკი მხატვრულ-გამომსახველობითი ხერხებისა.

გიორგი ლეონიძე პოეტთა იმ მცირერიცხოვან კატეგორიას მიეკუთვნება, რომელთა მნიშვნელობა, გავლენა და სახელი სიკვდილის შემდეგ იზრდება.

„ქართული ენა და ლიტერატურა სკოლაში“, N4, 1984

ხასიათების მხატვარი

შენგელაია დემნა (1896) — პროზაიკოსი. მწერალი-აკადემიკოსი (1969); დაამთავრა თბილისის ქართული გიმნაზია (1917); სწავლობდა თბილისის უნივერსიტეტის სიბრძნისმეტყველების (1918-22) და პოლიტექნიკური ინს-ტიტუტის გეოლოგიურ (1932-37) ფაკულტეტებზე.

დემნა შენგელაიამ პირველი ნოველა 1915 წელს დაბეჭდა. მისი პირველი ნა-

ბიჯები ლიტერატურაში დამთავრა XX საუკუნის 20-იან წლებს, როდესაც ქართულ მწერლობაში მრავალი მიმართულება და დაჯგუფება არსებობდა. ახალგაზრდა პროზაიკოსი ფუტურისტთა გაერთიანების წევრი გახდა, თუმცა შემოქმედებითი პრაქტიკით იგი ფუტურისტად ვერ ჩაითვლებოდა: დემნა შენგელაიას, მსოფლალქმითაც და მწერლური ტემპერამენტითაც მემამბოხეს, ფუტურიზმის მემარცხენე-ბუნტარული თეორიები უფრო იზიდავდა, ვიდრე ფუტურიზმი, როგორც ლიტერატურული მეთოდი. თავიდანვე მკაფიო ინდივიდუალობით აღბეჭდილ მის ნაწარმოებებში მანაც შეიძლება შემოქმედებითი იმპულსების მასაზრდოებელ სამ წყაროზე მითითება: ქართული მითოსი და, საერთოდ, ხალხური სიტყვიერება, ჩვენი კლასიკური მწერლობა (განსაკუთრებით, სულხან-საბა ორბელიანი და ილია ჭავჭავაძე) და მოდერნისტული, კერძოდ, სიმბოლისტური პროზა.

დემნა შენგელაია ხასიათების მხატვარია. ამბავი, ინტრიგა, თვით სიუჟეტიც კი მის თხზულებებში გადამწყვეტ როლს არ ასრულებს. ხასიათთა სიღრმისეულად გასახსნელად კი მწერლის ფანტაზია ამოაფრქვევს სიტუაციათა მთელ ფეიერვერკს, თუმცა ნაკლებად ზრუნავს მათ შორის ლოგიკური კავშირის მხატვრული დასაბუთებისთვის. ამ ხერხით არის დახატული ბათა ქექია, თავისი მასშტაბურობითა და ზოგადობით სიმბოლომდე ამალღებული ტიპი ქართველი გლეხისა („ბათა ქექია“, 1933). ბათაში ძალუმად ფეთქავს სიცოცხლის ძარღვი, იგი იმ გლერტა ბალახის ჯიშისაა, „სამ წელიწადს რომ ყვავის ბუდედ იყო, მერე ძირს დავარდა, ფესვი მიწას მოსდო და აღმოხდა: ევხ, კინალამ არ მოვკვიდო“.

საულიაც („განძი“, 1958) ბათასმაგვარი „მარილია ამა სოფლისა“ — ამ ატეხილი მალალი მთების ერთი უბირი, უჯიათი ნაგლეჯი... მწერალმა მას განძი აპოვნინა, რის შედეგადაც საულიას სულში ერთმანეთს ტრაგიკულად დაუპირისპირდა ბოროტი და კეთილი სანყისები. დემნა შენგელაიამ ნაკლებად იზრუნა ამ ტრაგედიის სოციალურ მოტივირებაზე, მან უფრო ზოგადი პრობლემის მხატვრულად განსხეულება განიზრახა: ადამიანის სულის უფსკრულებში ჩაბუდეული ბნელი ძალების აღზევება და მათი დათრგუნვის გზა. „მანისის გველის თვალებით“ გამომზიარალი ოქრო მატერიალიზებული სატანაა, საულიას სულში მინავლებული ყოველი სიკეთე რომ „აამამაშურა“. ამ გამოღვიძებულ ბნელ ინსტინქტებს წინ აღუდგნენ კეთილი სანყისები — მიწის, ოჯახის სიყვარული — გლეხის სულში მარადიულად რომ ჰკვიებს.

პიროვნების ფსიქო-ბიოლოგიური ტრაგედიაა ნაწევნები დემნა შენგელაიას ერთ-ერთ საუკეთესო ნაწარმოებშიც — „სანავარდო“ (1926), რომელიც მწერალმა შემოქმედების ადრეულ ხანაში შექმნა. მაგრამ თუ საულიაში, მიწაში ფესვგადგმულ გლეხში, ბოროტი სანყისები მხოლოდ თვლემენ და გარეგანმა გამაღიზიანებელმა, ოქრომ, ალაზევა ისინი, ძველი თავადების ჭილაძეთა გვარში ბოროტების ეს თესლი თაობიდან თაობამდე მნიფდებოდა

და ბოლოს სულის ჩირქიან იარად გადმოინთხა ბონდოს პიროვნებაში. ათასწლოვანი გენეალოგიის მქონე გვარის ცოდვეებს უკვალოდ არ ჩაუვლია: სისასტიკემ და ავზორცობამ გამოფიტა და დააუძლურა მათი ჯიში, კოლხეთის ჭაობის ლეშქმა და ხაშქმა სასიცოცხლო ძალები გამოსწოვა და დააძაბუნა იგი. დაღლილი სისხლი, ჩამპალი გარემო, სოციალური კატასტროფა ერთად ატყდება თავს ჭილაძეთა უკანასკნელ ნაშვირს. არასრულფასოვნების კომპლექსით შეპყრობილი ბონდო ხან მეცნიერებას აწყდება, ხან — ბახუსსა და ეროსს, ხანაც — პოლიტიკას, მაგრამ მისთვის ხსნა არსაით არის, მას „ხერხემალი აქვს განყვეტილი“. რომანის დასასრულს პირზე დუქმორეული ბონდო ეპილეფსიური კრუნჩხვა-კლაკენით ხვდება ახალი დროების მაცნეს, მატარებელს, რომელსაც „წვივმაგარი“ ხალხი მოჰყვება და რომელიც ანგრევს ჭილაძეთა საბუდარს — სანაევარდოს.

„სანაევარდოს“ აქვს მეორე პლანიც — ფანტასტიკურ-კომმარული, სადაც მთელი სისრულით იჩინა თავი დემნა შენგელაიას ტალანტმა. აქ არის საოცარი ხილვები, შემადრწუნებელი ზმანებანი. გოიასებური ვნებით იხატება უყმურმოდალებული კოლხეთი. საერთოდაც, დემნა შენგელაიას შემოქმედება, განსაკუთრებით — ადრეული ხანა, პოეტური ხერხების სიუხვით გამოირჩევა: მოულოდნელი შედარებები, გაუცვეთელი მეტაფორები, ფრაზის რიტმულობა და მუსიკალობა „სანაევარდოში“ და იმ პერიოდის ნოველებშიც თვალშისაცემია. მწერალი ღრმად შეჭრილა დედაენის სტიქიაში, შეყვარებულია ფრაზაზე, გრძნობს, იცის ყოველი სიტყვის ფერი, სურნელი, გემო, ნონა. მხატვრული დეტალები მის თხზულებებში ხშირად ისეთი შთამბეჭდავნი არიან, რომ კონტექსტიდან ამოგლეჯილნიც კი ჩვენზე ესთეტიკურად ზემოქმედებენ: „დედამინამ დაალო ხახა და ქვესკნელიდან მოისმა ნივილი. ნივილს დამარხული მკედრები ამოჰყვა და დაცვივდა მინაზე... ყარამანმა იგრძნო, რომ თმის ძირებში სითეთრე ცივად შეიპარა“... მხოლოდ პოეტს შეუძლია დანეროს ამგვარი ალოგიკური, მაგრამ მხატვრულად მართალი ფრაზა-ლალადისი: „ანნა ბატონიშვილის ეშხი გათრობდა შენ, ტფილისო, — ჩადექ მის გახურებულ ნანწავებში და ქერივის ლიმონის სურნელებში ახურდი ალერსს მონყურებული“.

დემნა შენგელაიას მეცნიერული გამოკვლევები ქართული მითოსის სფეროში, მისი ფოლკლორისტული ძიებანი ღრმად ერუდიციითა და ინტუიციურ ნედომის ძალით არის აღბეჭდილი, ხოლო ესსეები და საჯარო გამოსვლები — ორიგინალური ანალიზითა და ბობოქარი ტემპერამენტით. ისევე, როგორც მაძიებელ ხელოვანთა უმრავლესობისა, — არც დემნა შენგელაიას ხანგრძლივი შემოქმედებითი გზა ყოფილა მწერლურ ტრიუმფთა უწყვეტი ჯაჭვი, მაგრამ ამ გზას მისი ნიჭის გამონაშუქი ზოგან დევის ნაკვალებად აჩნია.

სტატია დანერილია ლექსიკონ-ცნობარისათვის — „ქართული მწერლობა“ 1976, (რედ. შენ.)

შენსია სხვა, სხვაში ხარ შენ...

„...ყველაზე კარგს კი მათგან ის დანერს, ვინც სხვაზე მეტად და ღირსებით იტანჯება, ვერმიღწეულის ვნებით შეპყრობილი“.

თუ ამ სტრიქონებს ვირწმუნებთ, მისი ავტორი თავისი თაობის ერთ-ერთი ყველაზე ტანჯული კაცი ყოფილა. და ამავე დროს — ყველაზე ბედნიერიც... ოცდაექვსი წლისა დაიღუპა, მაგრამ უკვე დანერილი ჰქონდა „ნათელა“ და „ალავერდობა“. სიცოცხლეში ბევრს შლეგი ეგონა, წერას ატანილი, ახლა ყველამ იცის — ერთ-ერთი ყველაზე ღრმა და ფიქრიანი კაცი იყო თავისი დროისა.

ზოგჯერ მწერალსა და მის წიგნებს შორის დისონანსია: ამბობენ, ჭეშმარიტად პოეტური ნატურა უფრო იშვიათია, ვიდრე ჭეშმარიტი პოეტიო. მაგრამ ისიც მომხდარა, რომ მწერალი თავის წიგნებზე მალლა მდგარა; გურამ რჩეულიშვილის პიროვნება კი ბადალია მისივე შემოქმედებისა — იგი არა მარტო თავისი წიგნების, საკუთარი პიროვნების ავტორიც გახლავთ. მწერლობა მისთვის იყო თვითდამტკიცებისა და პიროვნულობის გამოვლენის გზა, ხოლო ზემთაგონება — ის მითიური ფასკუნჯი, რომელიც საკუთარი ხორციით, საკუთარი გულის სისხლით უნდა კვებო. მხოლოდ რჩეულთა ხვედრია თავიანთ სხეულს დააძლევინონ შიში სიცოცხლის მატერიალური ფორმის დათმობისა. გურამ რჩეულიშვილმა ეს შეძლო... მაგრამ ეს არ ყოფილა სხეულის მარცხი: სულის ზეობა რჩეულიშვილში სხეულს, ვნებას, ემოციებს კი არ თრგუნავდა — პირიქით, ხვეწდა, ამძაფრებდა, ზემოთ ეზიდებოდა. მას არ სჭირდებოდა საკუთარ თავში ჩასაღრმავებლად სოფლიდან განდგომა; კარგად იცოდა — სანამ სხვების სულიერ სამყაროს გახსნიდე, სანამ „სხვად იქცეოდე“, მანამ საკუთარ სამყაროში უნდა დაინთქე და მაშინ იგრძნობ, რომ შეიძლება მოხდეს „სხვად ქცევის“ სასწაული, რადგანაც შენსივეა ყოველი, რაც სხვაში შეიძლება აღმოაჩინო. მაგრამ გურამ რჩეულიშვილი ამის შეგრძნებაზე არ შეჩერებულა — მან ისიც ირწმუნა, რომ თავადაც არსებობდა სხვაში, რომ „სხვაც“ „მე“ ყოფილა.

და ამ განცდასთან ერთად იბადება ნიჭი თავგანწირვისა, უნარი გაცემისა, გრძნობა თანაღმობისა: ადამიანი უკვე თავს აღარ დაჰკანკალებს თავის ბიოლოგიურ არსებობას — ის სხვაშიც არის, ესე იგი ის უკვდავია! ამ გრძნობით აღვსილი დაუშურველად, სრულად გაცემს თავის უნარს, თანაგრძნობას, გულის სისხლს. რჩეულიშვილისთვისაც სიცოცხლეში, არსებობამ მაშინ შეიძინა უზენაესი აზრი, როცა მისი გაღება, შენირვა შეძლო. ეს არ მომხდარა მისი ულამაზესი სიკვდილის ჟამს მხოლოდ — სხვის გადასარჩენად უყოყმანოდ, ტანსაცმლიანა რომ გადაეშვა აზავთებულ ზღვაში — ეს ბევრად უფრო ადრე მოხდა. იცოდა, დიდი ხანია იცოდა: სიცოცხლე რომ სრულად განიცადა, სიკვდილს უნდა მიეახლო. მაგრამ ეს არ ყოფილა საკუთარი არასრულ-

ფასოვნების განცდით გატანჯული კაცის კუკუმლობანა სიკვდილთან — თავის თავს როცა უწყობენ გამოცდას, დიდია ცდუნება „დანიშნული ბილეთის“ ამოღებისა. გურამ რჩეულიშვილმა იცოდა, რომ განსაცდელის გამოხმობა, მისი საგანგებოდ ძებნა ზედმეტია — ნაღდ კაცურ ცხოვრებას ფათერაკი ისედაც თანა სდევს. ამიტომაც რჩეულიშვილიცა და მისი პერსონაჟებიც ხარბად, ვნებიანად ენაფებიან სიცოცხლეს და სწორედ ამით უწყობენ მას გამოცდას ყოველ ფეხის გადადგმაზე (დღიურში წერდა, გული მიგრძნობს, ოცდაათ წლამდე ვერ მივატანო. კარგი კი იქნებოდა ოცდაათისთვის გადამებიჯებინა, ძალიან ბევრს გავაკეთებდი... თუმცაღა, მაშინ ხომ წინათგრძნობაც აღარ მექნებოდაო... ოღონდ წინათგრძნობის უნარი არ გასცუდებოდა — უამისოდ არ სწამდა ხელოვანი — და დე, მოსულიყო სიკვდილი!).

ალბათ საკუთარი სიცოცხლის შენირვის, ყველაფრის გაცემის უნარი თუ ევლებოდა ძალუმ მუხტად რჩეულიშვილის პროვინებას, რომ მისი სიახლოვე ამოუხსნელი უხერხულობისა და რალაც იღუმლი შიშის გრძნობას ბადებდა. არაფერი ყოფილა ამ ყელთამდე სიკეთით აღესილ ჭაბუკში დემონური, მაგრამ ყველა ქვეშეცნეულად გრძნობდა მის მომწუსხველ ძალას. ეს პიროვნული ძალმოსილება მისი მოთხრობებიდანაც იღვრება.

გურამ რჩეულიშვილი უმთავრესად და უპირველეს ყოვლისა ერთი პერსონაჟის მხატვარია: მოთხრობიდან მოთხრობაში გადასული ყველა ეს გურამი, ვაჟა ჯანდიერი, ცქიჭო, ჯემალი, გიო — ერთია, ოღონდ — სხვადასხვა გამოვლინებაში. ქანდაკების დარად გვიჩვენებს მას ავტორი სხვადასხვა კუთხით, რაკურსით, განსხვავებულ მანძილსა და განათებაზე. მკაფიო ინდივიდუალობით აღბეჭდილი ეს სახე ამავე დროს თავისი ზოგადობით ლამის სიმბოლომდე ამაღლდეს. იგი ღრმად „დანთქმულა“ თავის თავში, მაგრამ არა იმდენად შიშველი განსჯით, რამდენადაც ქმედებით: გმირს სურს ბოლომდე ამონუროს თავისი არსება, გამოავლინოს თავისი დაფარული შესაძლებლობანი. ამიტომაც არის ეს პერსონაჟი უალრესად კომუნიკაბელური, ახალი კავშირების, ახალი ურთიერთობების, უცხო განცდების მაძიებელი. იგი ბრეტორია, მასში ძალუმად ფეთქავს დონ ჟუანის და სირანოს ვნება, განცდები ღრმა აქვს, მაგრამ ცვალებადი. ქალისათვის ტრაგიკულია მისი სიახლოვე — სიყვარულიცა და მისი „დაძლევაც“ გმირისთვის საკუთარ შესაძლებლობათა საზომია („ირინა“).

გურამ რჩეულიშვილის მოთხრობებში ვნებები წვეთწვეთობით გუბდება, რათა მერე ნიაღვრად გადმოსკდეს. ამ პროცესის პლასტიკურ ხატს ხშირად ახლავს ღრმა ანალიზი, იგი ან ამზადებს კოლიზიას („ბათარეკა ჭინჭარაული“), ან განმარტავს მას („ალავერდობა“). ზოგჯერ ეს ვნებები დაუნჯებულა („გურამი და ციცკა“, „მოლოდინი“), მაგრამ მკითხველს არ სცილდება განცდა, რომ რალაც უნდა მოხდეს, რომ საცაა დაიჭექებს. ამ აღრიალებული დუმილის ეფექტი იმდენად მძაფრია, თითქოს ყრუ იყო და მხოლოდ კანით გრძნობდე მოზანზარე ჰაერს.

გურამ რჩეულიძეილი თავზეხელაღებულობამდე თამამი მწერალია; მას არ ეშინია თავად ქმნადობის პროცესის, ამ მწერლური „სამზარეულოს“, მხატვრულ რეფლექსიად ქცევისა („ნადირობა“, „უსახელო უფლისციხელი“). იგი არ უფრთხის ადამიანური ფსიქიკის უღრმეს შრეებში ჩაბუდებული „შინაგანი ტაბუს“ შზის სინათლეზე გამოტანასაც („მოლოდინი“, „ნათელა“). ამ სითამამეს არაფერი აქვს საერთო არც მახოხისტურ თვითგვემასთან, არც საკუთარი უტიფრობით კეკლუცობასთან. „ნათელაში“ მწერალი ბენვის ხიდზე ზეცისაკენ თავაღრებული გადის — იქითკენ მიიღტვის გიოსა და პატარა ნათელას ბინიერებით დაუშძიმებელი კავშირი.

გურამ რჩეულიძეილის მხატვრული სამყარო ყოველთვის ხელშესახებია, გრძნობადი და კონკრეტული. სტილი, გამოსახვის ხერხები, სინტაქსი ერთ მიზანს ემსახურება — უშუალოდ განაცდევინოს მკითხველს პერსონაჟთა ვნებები. მის ფრაზას იქნებ ზოგჯერ აკლდეს კიდევ სინატიფე, მაგრამ დამუხტულია შინაგანი ძალით. მწერალი ჩინებულად ფლობს დიალოგის ტექნიკას („ნადირობა“, „გურამი და ციცკა“); მისთვის არც ირონიაა უცხო („ოჯახური იდილია“, „როგორ გამოიცვალა იგორ კაბლუკოვი“).

სულიერ ენერგიას, კეთილშობილურ ვნებებს შესაფერისი „ჭურჭელი“ სჭირდება. ახირებულობა იქნება ფიზიკურ სიკეთესა და სულიერ ძალმოსილებას შორის ტოლობის ნიშნის დასმა, მაგრამ მათ შორის რომ ღრმა კავშირია, ეს ოდითგანვე იყო ცნობილი; ალბათ შეგიძნევიათ, ზოგჯერ შინაგანი ძალა ათინათად ადგება ადამიანს და თითქოს ფიზიკურადაც გარდაქმნის მას. პირიქითაც ხდება, როცა ფიზიკური სრულყოფა გვევლინება ბიძგის მიმცემ, ასასხლექ ტრამპლინად სულიერი ზეალსვლისათვის. არა მგონია ვაჭარბებდე — გურამ რჩეულიძეილის პიროვნებას მნიშვნელოვანნილად მისი ფიზიკური სრულყოფილება განსაზღვრავდა. „ბათარეკა ჭინჭარაულში“ ამგვარი ფრაზაა: „სადღაც გულის სიღრმეში განსაკუთრებით კარგად გრძნობს შზიას სხეული, რომ ის უნაკლოა“. დიდი ძალაა ამის შეგრძნება და იგი ამ ფრაზის ავტორისათვისაც არ უნდა ყოფილიყო უცხო — ოღონდ ვაყვაცური, მამრული შეგრძნებით: როცა შენს სხეულს შეუძლია ქედი მოუგრისოს გაგიყებულ ურაცხენს; უფსკრულში ჩაკიდებული, კბილებით ჩააფრინდეს თოკს და მოყინულ, გასისხლულ თითებს უსაშველოს; შეუძლია ზღვიდან გამოიყვანოს გაგუდული, ზულიგანს ყბა აახიოს, მინყივ გააბედნიეროს საყვარელი ქალის სხეული.

გურამ რჩეულიძეილმა იცოდა, ათასი ბრძენის ბევრჯერათასი სტრიქონი ვერ დაგანერინებს — ნაკითხვა რომ ღირდეს — ისეთ ხუთ სტრიქონს; იცოდა, ერთი ბენო კალმის სიმძიმეს რამდენი ვაჟკაცი დაუჭმეჭნია; იცოდა, ყველაფერი თავად უნდა ნახო, ინენიო, იგრძნო, ყველაფერში საკუთარი ოფლი და სისხლი უნდა ჩაანთხიო, რომ დაგიჯერონ (ისე ნუ გამიგებთ, თითქოს გაპარსვის სცენის აღსანერად პარიკმახერობა იყოს აუცილებელი, მაგრამ, სული ცოდვილო, არც ქოსას მიერ აღწერილი გაპარსვის სცენისა მნამს რაიმე!).

გურამ რჩეულიშვილმა არა მარტო თავის შინაგან სამყაროში აღმოაჩინა სხვები, არამედ სხვებშიც იპოვა თავისი თავი. ალბათ, ჩვენც, ყველას, შეეძას მოგვეგვრის რწმენა იმისა, რომ ყოველ ჭაბუკში გურამ რჩეულიშვილი თვლემს.

„ქართული ენა და ლიტერატურა სკოლაში“, N1-2, 198

ყოფილა, დღეს ვეღარ არის, მაგრამ იქნება, სხადია!

1. ჟრუანტელი

დედა ლამპის შუქზე ლექსს მიკითხავს... უფრო — თავისთვის კითხულობს, ოღონდ — ჩემს გასაგონადაც:

*მწუხარე და სევდიანი,
სერზე იდგა ერთი ქალი...
ფერმიხდილსა მღელვარებით
შორს ეჭირა გზისკენ თვალი.*

ომი ახალი დამთავრებულია, მაგრამ დაბობვის შიში თბილისის ინერციით ისევ არ ანთებინებს ნათურებს. კითხვაში ენა უკვე გავიტეხე, მაგრამ ახლა მირჩევნია დედამ წამიკითხოს — ერთი სული მაქვს გავიგო, ვის ელოდება სერზე მდგარი ქალი.

*მას უნდოდა, რომ შეეტყო
მისი ქვეყნის ბედისწერა;
შიკრიკს მოჰკრა შორით თვალი
და დაუნყო გულმა ძვერა.*

ეტყობა, იქაც ომი ყოფილა და შიკრიკიც ომში ნასული შვილების ამბავს უყვება ქალს:

*„შენი პირმშო აღარა გყავს:
აღექსანდრე მოგიკლესო,
უმცროსი ძმა მიეშველა,
იმასაც დღე უმოკლესო“.*

დედას ხმა ებზარება...

დედას ცრემლი უნებურად
წამწამებზე შეუჩერდა;
ნაცრის ფერი გადაედვა,
გული ხშირად აუძგერდა —

და მე ვხედავ: დედაჩემს ნესტოები დაებერა, დაპბუსხა, გადაფითრდა და თვალდათვალ გადამექცა სერზე მდგარ მწუხარე და სევდიან ქალად.

გაივლის სამი-ოთხი წელი და სიტყვით სხვად ქცევის ამგვარივე სასწაული მეც დამემართება. ეს ისევ სერზე მოხდება, ოღონდ საქართველოდან შორს, ათონის მთაზე, და სერზე მდგარ ქართველ ქალს სერზე მლოცველი იოანე-ქართველი შეენაცვლება:

ერთხელ დილას იოანე
შემდგარიყო მალალ სერზე
და ცრემლები ნეტარების
ეცემოდა სპეტაკ წვერზე...
ამ დროს მის წინ, ვით ჩვენება,
გამოცხადდა მგ ზაფერი-მწირი;
დაემხო და თაყვანი სცა,
მოარიდა განზრახ პირი.
შეერთა უცბად იოანე
და უთხრა მას ბერძნულ ენით:
„ეინ ხარ, შეილო, ან რასა მთხოვ,
მიპასუხე გამოჩენით!“
- „შენსა ლოცვა-კურთხევასა,
მამაშვილურ-მეგობრულად!“
უპასუხა იოანეს
მაშინ მწირმა ტკბილ-ქართულად.
ქართულ ლექსის გაგონებამ
იოანე ააჩქარა,
ტანში რაღაც უნებურმა
ყრუანტელმა დაუარა...

შენც დაგბურგძლა, მკითხველო?

სწორედ დაბურძგვლით — სიტყვის ძალის ამ დოჩანაშვილისეული უტყუარი საზომით — იწყებოდა სასწაული: ათი წლის გამწლიკვეული ღლაპის გარდასახვა იოანედ, თორნიკედ, ცოტნედ, ბაში-აჩუკად...

ყოველ სასწაულს კი თავისი მოქმედი ჰყავს.
და სახელი ამ სასწაულმოქმედისა — აკაკი.

2. ახალი კაბადოკიელი

აკაკის ლექსმა გააჯერა საქართველო — მისი „იავენანა“ ეგებება ქართველს აკევანში და მისი „თავო ჩემო“ მიაცილებს სამარეში. აკაკის სულს ჰაერივით შევისუნთქავთ და, რაც ჰაერივით საჭიროა, იმას მავანთა თვალში ჰაერის ფასიც აძევს — ზოგი ისე ეჩრევა და ველარც ამჩნევს აკაკის ხმას, როგორც საკუთარი კარის სახელურს.

აკაკის მისწავლობა სამაცდუროა და მრავალიც აცდუნა: მე მხოლოდ ცნობილ ვარდენს როდი ვგულისხმობ, ლვანკითელ შევარდენს, აკაკის რომ თავს უტოლებდა: „შენ სხეიტორის არნივი ხარ, მე ლვანკითის შევარდენი: მენც პოეტი, მეც პოეტი, შენ აკაკი, მე ვარდენი“. ასეთი ვარდენების ლეგიონები იყო და, როდესაც ეპიგონთა არმიამ ვითომცდა „აკაკურად“ იწყო წერა, აკაკის მსუბუქი სტრიქონი მათ ხელში ამჩატდა, სისადავე გაპრიმიტიულდა და სურათის აღსაქმელი დისტანციაც მოირღვა: მიმბაძველებმა საგნები მკითხველს ლამის თვალთან მიუტანეს — სურათი კი არა მარტო შორ მანძილზე, ძალიან ახლოდანაც ცუდად ჩანს.

აკაკის რომ ადვილად ვუგებთ, იმის ილუზიას ნუ შეგვიქმნის, მკითხველო, თითქოს აკაკის ბოლომდე ვუგებდეთ.

ჯერ კიდევ როდის გვაფრთხილებდა დიდი იაკობი, არ ვეცდუნებინეთ აკაკის ლექსის გამჭვირვალობას: აკაკი ნმინდა მორევია და ამ სიკამკამეში ფსკერი ზედაპირთან ახლო გვგონია, არადა — ღრმად ძვესო.

ამ შედარებამ ბაიკალი გამახსენა: დედამინაზე ყველაზე ანკარა წყალი ამ ტბაშია, რომელიც, ამავე დროს, მსოფლიოს ყველაზე ღრმა ტბაც გახლავთ.

აკაკი ხშირად ამბობს ერთს და გულისხმობს მეორეს. ერთ პირად წერილში იგი ძალიან საგულისხმო რასმე უმხელს ნიკო ნიკოლაძეს: „მე მაშინაც არ ვხუმრობ, როცა ვხუმრობ“. შესაბამისად — აკაკი ზოგჯერ მაშინაც ხუმრობს, როცა არ ხუმრობს... უფრო ზედმინეენით — იგი არა მარტო სწვდება საგანთა, მოვლენათა „ორგემავობას“ და სამყაროს აღიქვამს როგორც დაპირისპირებულთა დიალექტიკურ ერთიანობას, არამედ თავის მკითხველსაც ასეთად „აღმოაჩენინებს“ ქვეყანას, რომელიც „გვაქვს უთვალავის ფერიოთა“.

აკაკის გრძნობა სამშობლოსადმი თითქოსდა ნაზავია სექსუალურ-მისტიკური ლტოლვისა და რელიგიური ექსტაზისა. საქართველოს ის აღიქვამს, როგორც ქალს, მდებდრს მის ორ უარსებითეს გამოვლინებაში: სამშობლო მისი დედაა, მისი მწიალებელი — „დედაშვილობამ, ბევრს არ გთხოვ: შენს მინას მიმბარეო“, ეჭურჩულება საქართველოს აკაკი, დედის ნიაღს

ტივილით მომწყდარი და შვებით მიბრუნებული შვილი. რა ეუყოთ, თუ ეს დედა მას ხშირად ავი დედინაცვალეით ექცევა („პეი, სამშობლოვ, სხვებისთვის დედავ, ჩემთვის კი ავო დედინაცვალა“); „მდედინაცვლა, მიგერა“-ო, სხვა დროსაც ამოუკენესია პოეტს დედა-სამშობლოზე.

და სამშობლოვია აკაკის სატრფო, მისი შმაგი ლტოლვის საგანი, რუსთველისეული „მიჯნურობა პირველის“ ბადალი: მისთვის „იგია საქმე საზეო, მომცემი აღმაფრენათა...“ მართლაც რომ ღრმადმორწმუნის ექსტაზით შეპფრფენს აკაკი სატრფოს, იღუმალად გარდასახულს ჯერ სამშობლოდ და მერე ღმერთად. სატრფო-სამშობლო-უფალი, აი, აკაკის ტრიადა, რომელიც თითქოსდა წმინდა სამების იღუმალებასა და ჭეშმარიტებას იმეორებდეს — განუყოფელიცაა და ინდივიდუალურ-პიროვნულიც: ლექსი ხშირად იწყება ერთით, გადადის მეორეში და გვირგვინდება მესამით:

*მშენიერო, შენ გეტრფი,
შენი მონა, ერთგული.
შენთვის სულდგმულს, შენგანვე
შენთვის მიძგერს ეს გული...*

ასე ხომ მიჯნურს, სასურველს მიმართავენ, ასე ეფიცებიან სიყვარულს ქალს... და ამას მოდევნებული —

*მეგულები ციხეში
ცხრაკლიტულში მჯდომარე.
შეთვისებას გიპირებს
გაიძვერა მოყვარე -*

უმალ გვიმხელს, ვისთვისაც უძგერია პოეტის გულს.

ხდება პირიქითაც: ერთი მხრივ რომ აკაკი სამშობლოს ძალად იღვას სატრფოდ, კონკრეტულ ქალად გარდასახავს და ამით გვიახლოებს, ხელშესახებ-მინიერ არსებად გვიქცევს, მეორე მხრივ, რეალურ მიჯნურს ზეცისკენ აზიდავს და ხორციელ ქალს სამშობლოსავით ეთაყვანება, აღამაღლებს და აღეთიურებს. აკაკი შეყვარებულსაც ისე ელაპარაკება, როგორც თავის საესავ სამშობლოს.

მართლაცდა, ვის შეჰლაღადებს აკაკი? —

*არც მყვარებია, არც მიყვარს,
არც მდომებია, არც მინდა,
არც მწამებია, არცა მწამს
შენ გარდა კიდევ სხვა წმინდა!*

ცხადია, თავის სამშობლოსო, მიპასუხებთ და, პარინციპულად, მართა-ლიც იქნებით, თუმცა სამშობლოს, ამ შემთხვევაში, სრულიად კონკრეტუ-ლი ქალის სახელი უქვია.

ანდა, ვის პგულისხმობს პოეტი ამ გამაოგნებელ, შემაბარბაცებელ სტრიქონებში?

*გამწირა, იმან გამწირა,
ვისაც შეწირე ყოველი...
სიცოცხლე მიჩანს სიკვდილად,
სიკვდილს სიცოცხლედ მოველი.*

მართლაცდა, ვის შეწირა აკაკი სულიან-ხორციანად და ვისგან იწირე-ბოდა იგი? ვისი უმადურობა და დაუნახავობა სტანჯავდა, ვისი ცილისნამე-ბითა და ჭორებით ეთუთქებოდა გულ-ლვიდლი? ისევ მიგაბრუნებ, მკითხვე-ლო, ზემოთ უკვე მოხმობილ აკაკის სიტყვით ჯადოქრობასთან, გინა — „ჭინკობასთან“:

*მედედინაცვლა, მიგერა,
ობლად მატარა, მანამა,
გამოსხლეტილი ტოლებში,
სისხლხორცად აღარ მიწამა.*

ვინ გაუჯოჯოხეთა სიცოცხლე პოეტს და ვინ ანატრებინა მას სიკვდილი, ანატრებინა ძილი — სიკვდილის ეს „ნატეხი“, როგორც შეება, ნეტარება და განსვენება?

*ზეციურო სტუმარო,
ქვეყნის გამოცანაო,
ძილო, მოხუც მამასაც
მოუვლინე ნანაო.
ქვეყნის ტანჯვა, ფხიზლობა,
ველარ აიტანაო,
სიზმრით მაინც დაატკბე,
ნანა-ნანა-ნანაო.*

პასუხი თითქოს აქაც ცალსახაა — გულისხმობს იმას, ვისაც აფხიზლებს, ანჯღრევს, აჯანჯღარებს, რადგანაც სწამს, რომ იგი „არ მომკვდარა, მხო-ლოდ სძინავს“...

გულისხმობს იმას, ვინც ზოგჯერ ხელს უიმედოდ ჩააქნევენებს — „ლეში გამხდარხარ, გვაშიო“...

გულისხმობს იმას, ვისაც „ფურთხის ღირსი ხარ“-ო, მიახლის და თითოეულ ამ სიტყვას, ილიასი არ იყოს, „თითო კომტ სისხლსაც ამოაყოლებს“...

მაგრამ პასუხს მაინც ნუ იჩქარებ, მკითხველო: აქაც აკაკის გოდებას — გამნირა, იმან გამნირა, ვისაც შევნიერე ყოველიო, კონკრეტული ადრესატი ჰყავს: არა საქართველო, არამედ — ქალი...

ოლონდ — გასამშობლოებული ქალი...

გასაქართველოებული ქალი.

ახლა ტრიადის მეორე წევილზეც — სამშობლო-ღმერთი — ვთქვათ ორიოდ სიტყვა. ღმერთის იდეა აკაკისთან თვალმუდგამ სიმაღლეზე ჰგებებს. ამ სიმაღლიდან მინიერ კაცთა შენჩემობაცა და დიდპატარაობაც ამაოებად აღიქმება. უფლის სამზერიდან ეს ასეც ჩანს, თუმცა უზენაესთან შედარებით კერძო კაცის არარაობა არ გულისხმობს ადამიანთა შორის მეტნაკლებობის ნიველირებას. ამ აზრით ბრძანებს აკაკი:

შედარებით, თუ არა

კაცი ყველა ერთია:

არც დიდი, არც პატარა —

დიდი მხოლოდ ღმერთია.

და ამ სიმაღლისაკენ აიტყორცნება გაღვთაებრივებული იდეა ეროვნულობისა:

ეროვნებავე, ღვთის ნიჭი ხარ,

არც საპოენი, ვერც საყიდი.

შემკვრელი იდეა აკაკის ტრიადისა სიყვარულია: „რამ ამამალა? ვინ მაგრძნობინა ეს საიდუმლო, ღვთიური ძალა?“ — კითხულობს პოეტი და იქვე პასუხობს:

შენ — სიყვარულო, ცისა და ქვეყნის

კავშირო და თან შუამავალო!

შენ — რომლის ერთ ნამს, იმ სანეტაროს,

მზა ვარ, სიცოცხლე მთლად ვანაცვალო.

რა სანეტარო ნამზეა აქ ლაპარაკი, რომლისთვისაც სიცოცხლეც დაითმობა? ეს რალაცით ჰგავს ერთსულ-ერთხორცად შერწყმის მისტიკურ აქტსაც და „წმინდა სნეულების“, ბნედის, კულმინაციასაც.

ეპილეფსიით დაავადებული დოსტოევსკი აღწერს დაბნედის პროცესს და მის აპოგეას, როდესაც სული თითქოსდა ეყრება სხეულს... მუჰამედის, თა-

ვადაც ბნედით შეპყრობილის, მონობით, ეს გაელვება იმდენ ხანს გრძელდება, ვიდრე წაქცეული სურიდან წყალი გადმოიღვრებოდეს; შეება-ნეტარება ამ წამისა ისეთი ინტენსიურია, რომ მის გაგრძელებას ადამიანი ვერ გაუძლებდა. მსგავსი რამ ხდება ლოცვის ტრანსშიც, როდესაც სული თითქოსდა ტოვებს სხეულს და ადამიანი ბალანსირებს „სოფლით გაღმა გაბიჯების“ ზღვარზე... ალბათ, ესაა სიცოცხლის დამათმობელი „სანეტარო წამი“ და აკაკიც ლოცვის ამ ტრანსს განაცდევინებს თავის არა მარტო მონუმენტი, არამედ არაეკლესიურ მკითხველსაც; სწორედ ამგვარი რელიგიური ექსტაზით ინერებოდა და, რაც კიდევ უფრო მნიშვნელოვანია, ამავე განცდით იკითხებოდა და დღესაც იკითხება ეს სტრიქონები:

*ჩანგურო, ჩემო ჩანგურო,
ღვთიურო, უცხო ძალაო,
დაადნა გული შენს სიმებს
და სული დაიცალაო.*

სიმღერა „სულის დაცლამდე“ კი იგივე ლოცვაა...

ამ აზრით, აკაკიმ ლამის კაბადოკიელის როლი ითამაშა — ხელმეორედ მოაქცია საქართველო.

3. მჩხიბავი

ასეთივე „გარდარეული სიყვარული სჭირს“ აკაკი წერეთელს სიტყვისა. პროტები საერთოდ არიან სიტყვის „გიჟები“, მაგრამ აკაკი მათშიც სასწაულია. აქ მხოლოდ ცალკეულ სიტყვათა შერჩევას არა ვგულისხმობ, თუმცა აკაკი, სიტყვის ეს დიდი ჭაბუნაგირი, ამაშიც შეუმცდარია — იგი მონადირის გეშით აგნებს უზუსტესსა და ერთადერთ სიტყვებს... ამაზე — ქვემოთ; ახლა კი მინდა ორიოდ მაგალითით გიჩვენოთ, როგორ მჩხიბაობს აკაკი სიტყვით, როგორ ჩამოსახამს ხოლმე ჩვეულებრივ, სადაც სიტყვებს მათთვის უჩვეულო, თუმცაღა ქართულისათვის ბუნებრივ ყალიბში და რუსთველისეული სიუხვით როგორ მი-მოათოვს ქვეყანას აკაკური დამლით მოჭრილ სიტყვა-მონეტებს.

ზემოთ უკვე ორგზის ნახსენები — „მედედინაცვლა, მიგერა“-თი დავინყებ; „დედინაცვალი“ და „გერი“ ქართულში ნიადაგ სახმარი, მუშა სიტყვებია, მაგრამ ასეთი უჩვეულო ფორმით ისინი აკაკიმ შემოიყვანა სალიტერატურო ქართულში. ამ ფორმათა ყალიბები ანუ გრამატიკული მოდელები ენაში, ცხადია, არსებობდა; იშვილაო, ეპატრონაო, ამას აკაკიმდეც ამბობდა და წერდა ქართველი, მაგრამ, დავაკვირდეთ: „მიშვილა“-ს ანალოგიით ჩამოსხმული აკაკისეული „მიგერა“ ემოციურად საპირისპირო პოლუსზეა,

ისევე, როგორც — „მეპატრონა“, „მემძო“-ს ყალიბში გამოყვანილი „მედე-დინაცვლა“. აკაკიმ ენობრივ მოდელს, რომელიც, ჩვეულებრივ, ძალუმი და-დებითი ემოციების გამოსახატად იხმარებოდა, ასევე მძაფრი, ოლონდ უარ-ყოფითი გრძნობები გამოახატვინა. თანაც დაეაკვირდეთ, როგორ დაწინა, დაწურა, როგორ დააბზრიალა თავისი სათქმელი: „ისე მომქცა, თითქოს ჩემი დედინაცვალი ყოფილიყოს“... ანდა — „...როგორც თავის გერს ექცე-ვიან“ — ამ შინაარსთა გადმოსაცემად პოეტს ექვს-ექვსი სიტყვა კი არ შეუ-წუხებია, „მედედინაცვლა, მიგერა“-ო — თითო-თითო სიტყვად შეამკვირვა მთელი წინადადებები.

ნათქვამია, ჯანმრთელი მაშინა ხარ, როცა ვერა გრძნობ, ჯანმრთელად რომ ხარო. აკაკი იმითაცაა განსაკუთრებული, რომ მის განსაკუთრებულო-ბას ვერცა ვგრძნობთ — არაჩვეულებრივობა მისი ბუნებრივი, ჩვეულებრი-ვი მდგომარეობაა. „მეხსდექ სარკმელს, გადვიხდე, არემარე მესხვაფე-რა...“ განა რა არის აქ განსაკუთრებული, აბა სხვანაირად როგორ უნდა თქმულიყო, ალბათ, გაიოცებ, ჩემო მკითხველო, და სწორედ ამით დამი-დასტურებ, რომ აკაკის ეს ფრაზა ერთადერთი სიტყვების ერთადერთ კომ-ბინაციას წარმოადგენს; ამ ერთადერთობით მიიღწევა გენიალობისათვის ნიშანდობლივი სისადავე და ბუნებრივობა პოეტური მეტყველებისა.

არადა, „მესხვაფერაო“, აკაკიმდე, რამდენადაც ვიცო, არავის უთქვამს... ყოველ შემთხვევაში — დაუბეჭდავს.

ასევე აკაკისაა — რამდენადაც შეიძლება სიტყვა კერძო კაცისა იყოს — „მისხიეცისკარე“, „შეუხმატბილე“, „გამიძირტბილე“... კონტექსტიდან ამორიდებულნი, ისინი ესთეტიკურად მანაც „მუშაობენ“; ახლა — ბუნებრივ გარემოცვაში „დავიგემოვნოთ“ ეს სიტყვები: „გამიძირტბილე ძირმწარე“... „მაგრამ გაეუძლებ ტანჯვას, შენ თუ მისხიეცისკარე“... „ჩანგურს სიმები გაეუბი, მოემართე ნელა-ნელაო, შეუხმატბილე ერთმანეთს ოდელა-დე-ლა-დელაო“... როგორ უწმახნის, მართლაც რომ უხმატბილებს პოეტი სხვადასხვა სიტყვა-ფორმებს ერთმანეთს...

ისევე მიუბრუნდეთ ჟღერადობით სიტყვის შერჩევის ხელოვნებას. აკაკი მუსიკოსივით უსადაგებს ერთმანეთს გამოსახატის შინაარსსა და მის ბგერობრივ გაფორმებას. ასეა მის პოეზიაში, ასევეა პროზაში და ასე იყო, ალბათ, ყოველდღიურ მეტყველებაშიც, რასაც აკაკის პირადი მიმონერაც გვიმხელს. როდესაც იგი მეგობარს სწერს, ეს რომ ვუთხარი, აიპრუნწენო, ამ სიტყვით მარტო პლასტიკური სურათი როდი იხატება ერთი ჯურის ხალ-ხისა — თითქოს მათი აბზუებული ტუჩების წელაპუნიც გვესმის.

მწერალს თავის ოსტატობას, თავის სიდიდეს, ჩემი აზრით, პატარა და მინი-ერი საგნები უფრო მკვეთრად ავლენინებენ, ვიდრე — დიდი და ამაღლებული. „მაღალ მატერიებზე“ წერისას არცთუ იშვიათად განსჯა, ანალიზი „გადაფა-რავს“ ხოლმე ხატს, პლასტიკას, სურათს. ამ აზრით მოგახსენებთ — ზოგადად

სიკვიდისა და სიცოცხლეზე წერა „ადვილია“, აი, მენველი თხა და გაკროლი-ლი ნიგოზი რომ მკითხველს დაანახო და დაამახსოვრო — ძნელი. როცა აკაკი ხალხურ პანგზე თხას მიმართავს — „გაძლები, გასისინდები“... „მთაში რომ წა-კოკინდები“ — მორჩა, ეს წაკოკინება სამუდამოდ იბეჭდება მკითხველის გონებაში. და — სწორედ ამის ამგვარად მთქმელს შეუძლია თორნიკე ერისთავი-სა და ბიძინა ჩოლოყაშვილის ამაღლებულ ვენებათა წარმოჩენა.

როგორ ჰგვანან ამაშიც ერთმანეთს ილია და აკაკი! ილიას უღრმეს განსჯა-მედიტაციას დედაშვილობის გრძნობაზე სარწმუნოს ხდის ყოფითი, ჩვეულებრივი საგნებისა თუ მოვლენების პლასტიკური განსახოვნება. აი, ერთი ესკიზი „ოთარაანთ ქვრივიდან“, რომელსაც პირობითად „ძალღს“ დავარქმევდი: „ეკრიასთან ცეცხლის შორიახლო ძალღი იწვება. რგვლად გამოე-ქეწნა თბილი ნაცარი, თითონაც გორგალსავით დახვეულ-ჩახვეულიყო, უკანა ფეხები წინ წამოეყარა, წინანი — უკან, თავზედ ბანჯგვლიანი კუდი გადმოეფარა, ცხვირი კუდის ბოლოში წაეყო და ეძინა... ფრთხილს ძალღს პატრონის გარეთ გასვლა არ გამოეპარა. ადგა, ნაცრიანი ბალანი ერთი-ორ-ჯელ შეიბღერტა, გაიბობლა, ტანი დაიგრძელა, ჯერ წინა ფეხები დაიჭიმა, მერე — უკანა, გაიზმორა, დაამთქნარა და ზღაზღნით გაეკიდა პატრონს“.

ანდა ეს პასაჟი: ოთარაანთ ქვრივმა თავის ნაჩხუბარ ბიჭს ცხვირპირი რომ მოჰბანა და მოალამაზა, „პატარა გიორგი გამოჰწკრინდა თავის ტოლ-ამხანაგებისაკენ სათამაშოდ“.

შეადარე პატარა აკაკის მონაყოლი — მდინარეში ხელაობისას გველი რომ მკლავზე შემომეხვეოდა, „დავასხვერტებდი ხოლმე რიყეზე“.

ილიასეული ეს „გამოჰწკრინდა“ და აკაკისეული ეს „დავასხვერტებდი“, ილიასვე დავესესხები, „ერთ რამედა ღირს!“

ასევე — აკაკი რომ ფანტასტიკური დამაჯერებლობით აღგვიწერს ჰალი-სის პირად ქართველ-ბერძენ-სპარს-სომეხთა ომს და ისართა „გადაშუილე-ბას“, მას თვითონ აქვს უკვე გადატანილი და შემდგომ „ჩემს თავგადასავალ-ში“ აღწერილი ის დაუფინყარი ბრძოლა, ექვსი წლის ბიჭმა რომ გადაიხადა ღორთან, რომელიც ცხელი მჭადის სუნზე სახაბაზოს მისდგომოდა და „შეპლრუწუნებდა“, მერე კი ჭყვილი-ჭყვილით აედევნა მჭადიან ბიჭს და ნა-დავლი „ზე ააღლიტა“: „მეორე დღეს ცალ ხელში მჭადი დავიჭირე და მეორე-ში ჯოხი და განგებ აეუარ-ჩაეუარე გვერდით ჩემს მტერს. წართმევას დაჩე-ულმა ღორმა შემომიტირა, მაგრამ მე ვაუკაცურად დაეუხედი და ვხეთქე თავ-ში ჯოხი. ჩემი მტერი ალბათ ამას არ მოელოდა, რომ შეჩერდა და შემომიხორ-ხოტა, მაგრამ რომ მოეუნაცვლე მეორეც და მესამეც, იკადრა და გაიქცა“.

ეს შემომიხორხოტაც ერთ რამედა ღირს...

ანდა — მამამისს, როსტომ წერეთელს რომ ათქმევიანებს უზრდელ ჩინოვნიკზე — „გადმოვლუნე და სამიოდე ჯოხი ვზუზლე“... ანდა — ბებია-ქალმა როგორ „შემმოუცაცუნა“ ერთი-ორჯერ უკან ხელი ხმაგაკმედილ

ახალდაბადებულს... ანდა — ლუკა ისარლოვზე, გამაიმუნებულ ცენზორზე: „კუდიანი, პანანინა, სასაცილო რამე იყო; ერთხელ საზრდო მოისუნა და ქურდობას ხელი მიჰყო“.

„შემომიხორხოტა“, „ვზუზღე“, „შემოუცაცუნა“, „მოისუნა“, „ნაკოინდები“, „აიპრუნენ“, „შეპლრუჩუნებს“, „დაეასხვერტე“ — ამ სიტყვებს ფერი აქვთ, ხმას გამოსცემენ, მოძრაობენ, სუნთქავენ — მოკლედ, ცოცხლობენ... სიტყვის უკვდავებაც ეს არის.

4. ეძიებდე და ჰპოვებდე

ბედნიერი ვარ.

თურმე დღესაც შენაძლება სიტყვის მსახური კაცის ბედნიერება.

ბედნიერი ვარ-მეთქი: ვიპოვე, მივაგენი აკაკის 7 სტროფს, „აკაკურად“ განყობილ 91 სიტყვას — დღემდე გაუჩინარებულს.

ბედნიერი მარტო მე არ ვარ — მარტოკაცი ვერც იქნება ბედნიერი; ბედნიერებას — სიყვარულისა არ იყოს — მინიმუმ მეორეც სჭირდება. აქაც ასეა, თუმცა, სჯობს, რიგით მივყვეთ ამ ამბავს:

ორიათას ერთი წლის კვირაძალზე დოდო ნიენივაძემ, „დილას“ ახლანდელმა რედაქტორმა და ჩემმა ძველმა თანამშრომელმა, ნინ დაძენძილი ნიგნი დამიდო და მითხრა: დღეს აკაკის ლექსი დამჭირდა, ჩემმა მოადგილემ ჩვენი გამომცემლობის ბიბლიოთეკიდან აკაკის ეს ორტომეული შემომიტანა, მაგრამ კაცის ფერი აღარ აძევს: შეიძლება ეს ნიგნი აკაკის ხელშენავლებიც იყოს, შიგ ფანქრით რალაც სწორებებია და არშიებზეც — ბლომად მინანერებო.

დოდოს ახსოვდა, 1980 წელს ჩვენი საერთო ჟურნალის — „ქართული ენა და ლიტერატურა სკოლაში“ — აკაკისადმი მიძღვნილ ნომერს რომ ვამზადებდით, მე პოეტის არქივსა და ხელნაწერებზეც მომიწია მუშაობა. აკაკის ხელს კარგად ვცნობ, სპეციფიკური კალიგრაფია აქვს ასოთა უჩვეულო გადაბმებით, ამიტომაც ნიგნში ფანქრით მინანერთა ერთი ნაწილი რომ აკაკის ხელით იყო შესრულებული, ეს მაშინვე დავადგინე, მაგრამ — რა მნიშვნელობა ჰქონდა ამ მინანერებს — ეს კი გასარკვევ-გამოსაძიებელი გახლდათ.

სწორედ ამ კვლევა-ძიების შედეგები მინდა, მკითხველო, გაგიზიარო.

5. „ბოდვა“

აკაკის აქვს ერთი ვრცელი, ჟანრობრივად რამდენადმე დაუზუსტებელი თხზულება, რომლის სათაურიც სხვადასხვა გამოცემაში განსხვავებულად ეღერს: ერთგან მას ჰქვია „ბოდვა“, თანაც ეს სათაური ბრჭყალებშია ჩას-

მული, სხვაგან — პროზიდან „ბოდვა“. აკაკი თავის რამდენიმე სხვა ლექსსაც ამგვარადვე ასათაურებს, ამიტომაც გაუგებრობის თავიდან ასაცილებლად მიუთითებენ ხოლმე ამ „ბოდვათა“ პირველ ტაეპს. ჩვენთვის საინტერესო თხზულების პირველი, მისათითებელი ტაეპია „ცრემლში ნალესი ნალველი“.

„ბოდვას“ („ცრემლში ნალესი ნალველი“), „გამზრდელზე“ ვრცელ, 142-სტროფიან, ოთხნაწილიან პოეტურ თხზულებას, მართლაც, ჭირს, რომ ლექსი ვუნოდოთ; სხვათა შორის — არა მხოლოდ სიდიდისა გამო: მასში „ჩამონტაჟებულია“ ერთგვარი „მინი-პოემა“ ქართველი ტყვე ქალისა და შაჰ-აბასის შესახებ. „ბოდვა“ პირველად ილიას გაზეთ „ივერიაში“ გამოქვეყნდა 1889 წელს ნანილ-ნანილ: თხზულების სამი თავი სამ ნომერში (NN 230, 247, 252) გადანაწილდა. ხანგრძლივი, ცამეტწლიანი პაუზის შემდეგ იმავე „ივერიაში“ (1902 წ. N 202) დაიბეჭდა „ბოდვის“ მეოთხე ნაწილი ნიშანდობლივი სათაურით — პოემაიდან (ხაზგასმა ჩემია, თ.კ.) „ბოდვა“. ეს თხზულება, მართლაც, დღეს გავრცელებული „ლირიკული პოემის“ ფანრს უფრო განეკუთვნება და მისი თითოეული ნაწილი, რომელთაც თავ-თავიანთი თემა აქვთ (პირველს — პოეტის მისია-დანიშნულება, მეორეს — დღევანდელი ქალები, მესამეს — დღევანდელი კაცები, მეოთხეს — დღევანდელი ვითარება), მაინც ერთი ლერძით, ერთი ლაიტმოტივით იკვრება — რანი ვიყავით, რანი ვართ და რანი ვიქნებით. „ივერიის“ პირველი ეტაპის პუბლიკაცია ანუ 1889 წელს დაბეჭდილი სამი თავი ხელახლა გამოქვეყნდა სათაურით — პროზიდან „ბოდვა“ — 1893 წელს აკაკის ორტომეულში — „თხზულებანი აკაკი წერეთლისა“, ქართველთა ამხანაგობის გამოცემა, NN 21, 22. აკაკის სიცოცხლეში „ბოდვის“ სხვა პუბლიკაცია არა ჩანს, მათ შორის — არც 1912 წელს გამოცემულ პოეტის „ჩემი ნაწერების“ ორტომეულში; სიკვდილის შემდგომი ძველი გამოცემებიდან „ბოდვა“ პავლე ინგოროყვამ შეიტანა აკაკის შვიდტომეულში „ივერიასეული“ პუბლიკაციის სახით — ოთხივე ნაწილი. „ბოდვის“ ოთხივე თავი ასევე გამთლიანებული სახითაა წარმოდგენილი აკაკის თხზულებათა სრული კრებულის თხუთმეტტომეულში (ტ. III, გვ. 40); მას ახლავს კომენტარები (გვ. 499), საიდანაც ვგებულობთ, რომ არ არსებობს ამ თხზულების ავტოგრაფი და, როგორც ასეთ შემთხვევებშია მიღებული, დედნად მიიჩნევა „ბოდვის“ პირველი ორი, ავტორის სიცოცხლეშივე არსებული, პუბლიკაცია: A — „ივერიისა“, B — „ამხანაგობისა“.

ჩვენთვის საინტერესო მინაწერებიანი ნიგზი სწორედ ქართველთა ამხანაგობის მიერ 1893 წელს გამოცემული ორტომეული გახლავთ, ოღონდ მერე ერთ ყდაში — კერძოდ, II ტომის (N 22) ყდაში — ჩასმული და ნაკლულოვანი. პირობითად ვუნოდოთ მას „საავტორო ეგზემპლარი“. ფორზაცზე ფანქრით შესრულებული ნახევრად გადაშლილი წარწერის გარდა ყველა

ნარწერა ნიგნის მეორე ნაწილში ანუ მეორე ტომშია, მათგან უმთავრესი კი სამია, 255-ე, 256-ე და 270-ე გვერდებზე მინერილი, და სამივე მინანერი ერთი თხზულების — პროზიდან „ბოდვა“ ანუ „ბოდვის“ ტექსტის ავტორისეულ, ესე იგი, აკაკისეულ გამართვა-შესწორება-აღდგენას ნარმოადგენს, აკაკისავე ხელით შესრულებულს.


ცხადია, ხელნაწერებზე მუშაობის ჩემი მოკრძალებული გამოცდილება ასეთი კატეგორიული დასკვნისათვის საკმარისი ვერ იქნებოდა, ამიტომაც მე სათანადო სპეციალისტებს მივმართე და მათაც დამიდარტურეს, რომ „საავტორო ეგზემპლარის“ 255-ე, 256-ე და 270-ე გვერდების არშიებზე ფანქრით შესრულებული ნარწერები ეკუთვნის აკაკი წერეთელს.

ახლა — უფრო დანვრილებით ამ ნარწერებზე.


ჩვენთვის საინტერესო აკაკისეული მინანერი გახლავთ „ბოდვის“ ორი ფრაგმენტი, სულ — შვიდი სტროფი, მათგან ექვსი 255-ე და 256-ე გვერდებშია არის ჩასამატებელი, ერთი კი — 270-ე გვერდზე. ჩასამატებელ ადგილს აკაკი საგანგებო ნიშნით (X) უთითებს. განსაკუთრებული მნიშვნელობა ექსსტროფიდან ფრაგმენტს აქვს.

გთავაზობთ ამ ფრაგმენტის ფოტოასლებს;

გვერდი — 255:



გვერდი — 256:



სანამ ბეჭდური სახით ამ ფრაგმენტს გაგაცნობდეთ, მცირე ექსკურსი იქნება საჭირო ამ ფრაგმენტის მოსაზღვრე სტროფების შინაარსში:

„ბოდვის“ პირველ ნაწილში პოეტს „ზემოდან“ ჩაესმის ხმა, რომელიც მას თავისი მონოდების ერთგულებას ავალებს: *„შენი ქება და დიდება, შენი ლხინი და ჭირიო — მაღლიდან გადმომაძახეს: ქამანჩა და სტივიროო... შენ მხოლოდ ნუ მოშორდები იმ შენს ქამანჩა-სტივირსაო! თუ შენვე არ უღალატებ, ის არ გაგიტებს პირსაო; კუბოს კარამდე მიგყვება, ვით ძმას და მეგობარსაო და, რომ მოკედები, შენს ამბავს გადასცემს მთას და ბარსაო!“* გულში ჩამეჭრა ეს სიტყვა კანონებად და სჯულადა, და შემდეგ ჩემი ცხოვრება მიდის სულ კრიმანჭულადა...

და ამას მოსდევს წინა სტროფებთან დაუკავშირებელი და, აქედან გამომდინარე, ალოგიკური, გაუგებარი სტროფი: *მისის შვენების მნახველი მხოლოდ გონების თვალთა! კვალში ჩაუდგეთ! ვეძიოთ! ვიპოვოთ — ჩვენი ვალთა!*

გაუგებარია, ვის „შვენებაზეა“ აქ საუბარი, ვის მშვენიერებას სწვდება მხოლოდ გონების თვალი და ვერ ამჩნევს ჩვეულებრივი ადამიანური მზერა? ვის უნდა ჩაუდგეთ კვალში, ვინ უნდა ვეძიოთ და ვიპოვოთ? როგორც დაერწმუნდით, წინა სტროფები და, საერთოდაც, „ბოდვის“ მთელი წინა ნაწილი ამის შესახებ არაფერს არც პირდაპირ გვეუბნება და არც მოიარებით მიგვანიშნებს: წინა სტროფში ლაპარაკია მაღლით მოსმენილ სიტყვაზე, რომლის მიდევნებამაც ძნელად სავალი, ოღრო-ჩოღრო ანუ „კრიმანჭული“ გზა ცხოვრებისა არგუნა პოეტს. კიდევ ერთხელ წაეიკითხოთ ეს ადგილი:

*გულში ჩამეჭრა ეს სიტყვა
კანონებად და სჯულადა,
და შემდეგ ჩემი ცხოვრება
მიდის სულ კრიმანჭულადა.
მისის მშვენების მნახველი
მხოლოდ გონების თვალთა!
კვალში ჩაუდგეთ! ვეძიოთ!
ვიპოვოთ — ჩვენი ვალთა.*

„საავტორო ეგზემპლარში“ აკაკის ზემოთ მოყვანილ ორ სტროფს შუა ჯერით მიუნიშნებია ჩასამატებელი ადგილი და საკუთარი ხელით წიგნის 255-ე გვერდის არშიაზე დაუწყია, ხოლო 256-ე გვერდის არშიაზე დაუსრულებია ჩასამატებელი (უფრო სწორად — აღსადგენი, ამაზე დაწერილებით — ქვემოთ! — თ.კ.) ფრაგმენტი ლექსისა.

აი, ბეჭდური სახით ეს ახლად აღმოჩენილი ფრაგმენტიც აკაკის ლექსისა (ორიოდ ადგილას გავასწორე პუნქტუაცია და დიალექტური ფორმა „ანბები“ შევცვალე ფორმით — „ამბები“):

მაგრამ ეს კრიმანჭულობა
 მიყვარს და ვენაცვალეები!..
 ვისაც არ მოსწონს, მომშორდეს!..
 განა მე მივეძალეები?
 ის მისთვის იყოს, მე ჩემთვის!
 რა გვაქვს ჩვენ გასაყოფელი?
 ორივეს კარგად გვეყოფა —
 ვრცელია ნუთის სოფელი.
 მაგრამ ის, ვისაც მოვსწონდეთ
 და იყოს ჩვენი მოყვარე —
 დაუკარ, ჩემო ქამანჩა —
 ცხრა მთას იქიდან მომგვარე.
 იმას გადაესცემ, რაც გულში
 ნადულად ჩამგუბებია! —
 გაიცნოს ჩვენი ქვეყანა,
 შეიტყოს, რაც ამბებია!
 ყოფილა, დღეს ველარ არის!
 მაგრამ იქნება, ცხადია!
 თუმც იმ თავითვე შავ-ბედის
 ვარსკვლავზე დანაბადია.
 გამობრძმედილა ტანჯვაში,
 ფოლადად გამტკიცებულა
 და მოელვარე ცდომილად
 უკუნში გატაცებულა.

აი, თურმე, ვის „შვენებაზე“ ყოფილა საუბარი და ვის უნდა ვეძიებდეთ და
 ეპოვებდეთ! ამ ფრაგმენტის აღდგენით ლექსიც „გაიმართა“ და გასაგები
 გახდა, რასაც უნდა „ეკვალში ჩაეუდგეთ, ვეძიოთ, ვიპოვოთ — ჩვენი ვა-
 ლია“... ალბათ, ისევე ილია გაგვახსენდება: „ჩვენ უნდა ვსდოთ ახლა სხვა
 ვარსკვლავს“... ჩვენი ქვეყანა, „იმთავითვე შავს-ბედის ვარსკვლავზე დანა-
 ბადი“, და მისი ბედის ვარსკვლავი, „მოელვარე ცდომილად უკუნში გატაცე-
 ბული“, ხელახლა მოსაძიებელი და საპოვნელი გვყავს, ეს ქვეყანა დღეს
 „უკუნშია გატაცებული“ როგორც „მოელვარე ცდომილი“, „რომლის შვენე-
 ბის მნახველი მხოლოდ გონების თვალია“.

6. ენას მგლეჯენ

რატომ ვერ მოახერხა აკაკიმ ვერც 1889 წელს „ივერიაში“ და ვერც 1893
 წელს თავის თხზულებათა ორტომეულში ამ ფრაგმენტის დაბეჭდვა? სტამ-

ბის ტექნიკური ნუნი, ფრაგმენტის შემთხვევითი ამოვარდნა ტექსტიდან უნდა გამოირიცხოს — ეს ხარვეზი არამცთუ 1893 წლის მეორე გამოცემაში, 1889 წლის „ივერიის“ იმ ნომრებშივე გასწორდებოდა, სადაც „ბოდვის“ მეორე და მესამე ნაწილები დაიბეჭდა.

ფრაგმენტი ცენზურის მიერ ჩანს ამოღებული.

ეტყობა, ვერც მეორე გამოცემის დროს მოხერხდა მისი აღდგენა და აკაკის საჭიროდ უცნია ნიგნად გამოცემული თავისი თხზულებების თავისისავე (ან — ძალიან ახლობლის) ეგზემპლარში, პირობითად „საავტოროს“ რომ ვეძახი, საკუთარი ხელით ჩაენერა ცენზურის მიერ ამოღებული ფრაგმენტი და აქ მაინც აღედგინა ტექსტი პირვანდელი სახით.


გახსოვს, მკითხველო, ალბათ, აკაკის „ტექვანი ჭირიმე“: „ბევრი რამ მითქვამს, რომ მეთქვა, დავიმახინჯე პირი მე, ახლა არ გველეჯენ ენასა, თქვით რამე, თქვენი ჭირიმე“. ცენზორისაგან „ენის ამოგლეჯაზე“ მას სხვა დროსაც დაუჩივლია — „თვალს მიხევეენ, ენას მგლეჯენ და მაგდებენ საკირეში, ურცხვად შვიდ-შვიდ პარასკევსა მითვლიან მე ერთ კვირეში“.

შესაძლოა, საქმეში ჩახედულ მკითხველს გაუკვირდეს კიდევ, განა რა ისეთი „კრამოლა“ ამ ფრაგმენტში, ამისთანები გაუპარებია აკაკის ცენზურისათვისო?! მართლაც, ხელმწიფე-იმპერატორის ალექსანდრე მეორის მკვლელობის ცნობაზე — დღეს მერცხალი შემოფრინდა, ჭიკჭიკითა გადმომძახა: — „გაზაფხული, გაზაფხული!“ გულს იმედი დამესახა, ეს მკრეხელობა დანერა და დაუბეჭდეს... იაპონელმა მარშალმა ოიამამ რომ 1905 წლის რუსეთ-იაპონიის ომში რუსეთის არმიას მძიმე მარცხი აგემა, გამჭვირვალე ზმა — ოი, ამას ვენაცვალე — „გურული ნანინას“ მისამღერში გააპარა და „დამეხსენი, ჩრდილოელეო“ და „სკვითების“ სხვადასხვა ბრუნვაში ტრიალი კიდევ სხვა იყო.

მაგრამ ერთი რამ უნდა ითქვას — ზემოჩამოთვლილ შემთხვევებში ცენზურას ყოველთვის ჰქონდა ფორმალური საფუძველი „კრამოლა“ ვერ ან არ დაენახა: აკაკი აქ ეზოპეს ენაზე მეტყველებდა და, აქედან გამომდინარე, ცენზორს უყურადღებობას თუ უსაყვედურებდნენ, თორემ ვერავინ დაადანაშაულებდა — „ჩრდილოელში“ ან „სკვითში“ მაინცდამაინც „რუსი“ რატომ ვერ ამოიცანისო. ალექსანდრე მეორეც გაზაფხულის დადგომისას მოკლეს და, ოი, ამას ვენაცვალეო, ასეც შეეძლო მიემღერებინა დედას აკვანში ჩვილისათვის... „ბოდვის“ ამ ახლად აღმოჩენილ ფრაგმენტში კი აკაკი პირდაპირ აცხადებს, ჩემი გზა, ჩემი მისია „ვისაც არ მოსწონს, მოშორდეს! განა მე მივეძალეები?“ მაგრამ ეს კიდევ არაფერი, შემდეგ სტრიქონებში აკაკი, როგორც მას სჩვევია ხოლმე, საკუთარ თავს, პოეტს, იღუმალად სამშობლოსთან, თავის ხალხთან აიგივებს: „მაგრამ ის, ვისაც მოვსწონდეთ და იყოს ჩვენი მოყვარე — დაუკარ, ჩემო ქამანჩა — ცხრა მთას იქიდან მომგვარე“. ყურადღება მიაქციეთ — მოვსწონდე და ჩემი მოყვარეო კი არ ამბობს — მოვსწონდეთ და ჩვენი მოყვარეო! თანაც ქართველობის მოყვარეს თუნდაც ცხრა მთას იქი-

დან ეპატიუება, „გაიცნოს ჩემი ქვეყანა, შვიტყოს, რაც ამბებია“. ასე ეძებდა ცხრა ზღვას იქით, ევროპაში, აკაკის დიდი წინაპარი სულხან-საბა საქართველოს გულშემატკივრებსა და მხსნელებს. არადა, აკაკის დროს მოყვარე და გულშემატკივარი ქართველობას გარეთ საძებარი თითქოს აღარ უნდა ჰყოლოდა — კარგა ხანია თავის ვითომ მხსნელისა და მფარველის კალთას იყო თავშეფარებული. მაგრამ, არა, აკაკი პირდაპირ აცხადებს, რომ დღეს მისი ქვეყანა საიმედო კალთის ქვეშ კი არა, საერთოდ აღარ არსებობს: „ყოფილა, დღეს ველარ არის, მაგრამ იქნება, ცხადია“. საქართველო ერთ დროს იყო, დღეს კი აღარაა — ამის პირდაპირ დეკლარირებაზე ცენზორი, გულითაც რომ სდომოდა, თვალს ველარ დახუჭავდა: ძველად, ესე იგი, რუსეთამდე, ყოფილა, დღეს, ესე იგი, რუსეთის ხელში — გამქრალა; „მაგრამ იქნება, ცხადია“-ო, იმედოვნებს პოეტი, თუმცა ეს იმედი ვერაფერი შელავათი იქნებოდა ცენზორისათვის. პირიქით, პოეტის ლოგიკა უფრო იმას გვაყვარაუდებინებს — საქართველოს თუ ყოფნა უნერია, მხოლოდ ურუსეთოდო.

დანაპირები მეშვიდე სტროფი სადღააო, იკითხავთ. „ბოდვის“ მესამე თავში აკაკი თავისებურად „ამკობს“ თავის თანამედროვე ქართველ მამაკაცებს იმერული კიკოლიკისა და ამერული ტეტიკელას სახით; ისინი დიდი საზოგადო საქმეებისთვის ემზადებოდნენ („მოციქულად მზადდებოდა“), მაგრამ დღეს ერო-კაცებად, სათავისო ხალხად ქცეულან („ადუკატად გაიტლიკა“); ბოლოს აკაკი ასკენიდა, საქართველო იმის მოიმედე ველარ დარჩება, ამნაირი შვილები მიშველიან და მიხსნიანო. ცენზორს, ეტყობა, აქაც არ მოსწონებია პოეტის დასკვნა და ეს ადგილი ამოულია. სწორედ ეს გახლავთ ის მეშვიდე სტროფი, რომელიც „საავტორო ეგზემპლარში“ აკაკის სათანადო ადგილას საკუთარი ხელით აღუდგენია:



ყველა სცდილობს მიემსგავსოს
 კიკოლიკს ან ტეტიკელას
 და სამშობლოც აღარ ელის
 შვილებისგან ხსნას და შევლას.

ენისგლეჯია ცენზორის ლოგიკა გასაგებია — ვისგან და რა სჭირს საქართველოს დასახსნელიო.


ცენზორს კი ამოუგლეჯია აკაკის თხზულებიდან ეს 7 სტროფი, მაგრამ, ბულგაკოვის ვოლანდისა არ იყოს, „ხელნაწერები არ ინვის“ — განგებამ არ ინება, რომ ისინი უკვალოდ დაკარგულიყვნენ და 112 წლის შემდეგ მათი პოვნა მართლაც რომ სასწაულსა ჰგავს, ჩემო მკითხველო.

7. მარადიულად დღეს

„სააგტორო ეგ ზემპლარში“ არქეოგრაფისათვის საინტერესო სხვა მინაწერებს ამჯერად საგანგებოდ ვერ განვიხილავთ, წინასწარ მონაცემებს კი ვაცნობთ: წიგნი რაღაც ეტაპზე ყოფილა კნენინა მარიამ აბაშიძის საკუთრება — გარეკანზე მინც იკითხება საგულდაგულოდ გადაშლილი მფლობელის ხელრთვა.




საგულისხმოა, რომ წიგნში წერა-კითხვის ახლად ნასწავლი ყმანვილის, ვინმე ანზორ აბაშიძის ხელით შესრულებული ორი მინაწერია — ბავშვს ჯერ თავისი სახელი და გვარი მიუწერია ამ სახით „ანზორი აბშიძე“, სხვაგან კი იმავე გვერდზე მოთავსებული აკაკის ლექსის გადანერა დაუნყია. საინტერესოა ერთი და იმავე ხელით შესრულებული სამი წარწერა: ერთი ფორზაცზე, ორიც — შიდა, 85-ე და 125-ე გვერდების არშიებზე. ეს ორი უკანასკნელი მინაწერი ადვილად იკითხება: 85-ე გვერდის არშიაზე:




მე ჩემი არ ძალმიძს ის სიტყვა ვსთქვა რაც ადამიანის გულს ატკობს და სულს ახარებს და მისთვის თითქოს შოთას სიტყვები მე მეკუთვნის: არ ძალუძს სულ-ქმნა სიტყვათა გულისა გასაგმირეთაო.

125-ე გვერდზე მინაწერი შინაარსობრივად რაღაც კავშირშია ფორზაცის მინაწერთან:



ცხოვრებაში არიან საზოგადოებრივი ტიპები, ერთი ამ ტიპთაგანი გახლავს: სიკო და თუ ამ სახელს მიუმატეთ ვინი და ა, მაშინ თითონ მიხვდებით ჩემო მკითხველო ვინც იქნება.

შეადარე ამას ფორზაცზე გადაშლილ-გაუფერულელებული ნარნერის მანც გასარჩევი ფრაგმენტი:



...სიკოს დედა დიდი კაცის ქალი იყო ლამაზი მოხდენილი და ცბიერი გულღვარძლიანი და მასთან ენა ფლიდი. ეს დიდი ოჯახის ქალი და ღრმით მორწმუნე...“ (მინანერთა ორთოგრაფია და პუნქტუაცია დაცულია, თ.კ.).

საინტერესოა, ვინ იყვნენ ეს სიკო ანუ ვასიკო და დედამისი; რომელი მარიამ აბაშიძეა ამ ეგზემპლარის მფლობელი და, საერთოდ, რა კავშირი აქვს მათთან აკაკის? ეს მინანერები ვიზუალურად არ ტოვებს აკაკის ხელნაწერის შთაბეჭდილებას, ზოგიერთი ასოს მოხაზულობა და გადაბმებიც თითქოს არაა აკაკისებური, ფანქარიც განსხვავებული ფერისაა, მაგრამ სათანადო ექსპერტიზის საბოლოო დასკვნამდე მათი ავტორობის საკითხი ღიად რჩება.

სამაგიეროდ, უდავოა კიდევ ერთი, ამჯერად, უფრო რედაქციული სწორება, აკაკის ხელით შესრულებული: 259-ე გვერდზე დაბეჭდილი II თავის დასაწყის სტროფში — „ზრასტის“ ვეტყვი ზოგიერთ ქალს!.. აღარ ესმის გამარჯობა — აკაკის ფანქრით გადაუხაზავს სიტყვა ზოგიერთ და ზემოდან დაუნერია — დღევანდელ.

დრო წაეიდა, სხვა მოვიდა,
 დღე დაწვა და ღამე კშობა,
 „ზრასტის“ ვეტყვი ზოგიერთ ქალს!..
 აღარ ესმის გამარჯობა.

ესეც ლოგიკურია — პირველი თავი ხომ ამავე სიტყვით მთავრდება: „და უნდა ღირსად შევამკოთ ჩვენც დღევანდელი ქალები“. მტკიცება იმისა, რომ აქაც ცენზორის ხელი ურევია, ჭირს, თუმცაღა, „აკაკურ შემკობას“ თუ გავითვალისწინებთ, „ზოგიერთი“, რაღა თქმა უნდა, „დღევანდელთან“ შედარებით უფრო შერბილებული და, აქედან გამომდინარე, ცენზურისთვის უფრო მისაღები ვარიანტი იქნებოდა.

სიტყვამ მოიტანა და, რუსულ-იმპერიული ცენზურა თუ მაკრატლით მუშაობდა, საბჭოურ-იმპერიული ცენზურა ნაჯახით ჩეხდა სიტყვას. მაგალითად, „ბოდვის“ მეოთხე ნაწილში 1902 წელს მეფის ცენზურამ გაატარა მაშინდელი საზოგადო საქმის მეთაურების, დღევანდელი ტერმინოლოგიით — პოლიტიკური ლიდერების — დამახასიათებელი ეს ორი სტროფი:

*ეს მარქსობს, ის გარიბალდობს,
ის კეისრობს და ეს ბრუტობს;
ნამდვილ საგანს კი ვერც ერთი
ვერა ხედავს, ყველა ბრუტობს.
და ბრუტიან მეთაურებს
ვინლა მოსთხოვს გ ზის სისწორეს?
იქით-აქეთ უგ ზო-უკელოდ
ედებიან ლობე-ყორეს.*

ინგოროყვასეულ გამოცემაში ეს სტრიქონები შენარჩუნებულია, თხუთმეტომეულის საბჭოთა ცენზორს კი, აქაოდა აკაკი მარქსს უხერხულ კონტექსტში მოიხსენიებსო, ეს ორი სტროფი ამოუგდია.

ის ცენზორი დღესაც ამოაგდებდა ამ ფრაგმენტს „ბრუტიან მეთაურებზე“. ამიტომ ვამტკიცებ: 112 წლის წინ დანერილი ეს სტრიქონები აკაკიმ დღეს დანერა.

დიდი პოეტები ყოველთვის, მარადიულად დღეს წერენ.

და — პირიქითაც: როცა დღეს წერენ, წერენ მარადიულად!

P.S. უცნობი მწვერვალის პირველად დალაშქერისათვის მთამსვლელებს მისი ნათლობის უფლება ეძლევათ; იქნებ ჟურნალ „დილასა“ და თქვენი მონა-მორჩილის სურვილსაც გასწეოდა ანგარიში, მკითხველო, და წიგნი, რომელშიც „ბოდვის“ ახლად აღმოჩენილი ფრაგმენტის ავტოგრაფ-დედანი, როგორც ძვირფასი რელიკვია, ცხრა ივნისს, აკაკის 161-ე დაბადების დღეს საზეიმოდ გადასცემოდა სხვიტორის სახელმწიფო მუზეუმს.

თ.კ.

1. ნუგეში: „ნუ გეშის“...

უფალი უხვია.

რუსთაველი პირველსავე სტროფში გვიცხადებს, რომ ღმერთი არის შემოქმედი („რომელმან შექმნა სამყარო“), ძალმოსილი („ძალითა მით ძლიერიითა“), მაცხოვარი ანუ მაცოცხლებელი, სულისჩამდგმელი („ზეგარდმო არსნი სულითა ყვნა, ზეცით მონაბერიითა“) და უხვი („ჩვენ, კაცთა, მოგვცა ქვეყანა“).

ღმერთის სიუხვე შოთას პირდაპირაც განუცხადებია თავისი პერსონაჟის პირით: „ნუ გეშის, ღმერთი უხვია, თუცა სოფელი ძვირია“, — ანუგეშებს ავთანდილი სასონარკვეთილ ტარიელს.

სიუხვე, გულუხვობა, ეს ღვთაებრივი ატრიბუტი, ღმერთის მიერ თავის ხატად შექმნილ ადამსა და მის მოდგმას, ადამიანსაც, უნდა ამშვენებდეს, პირველ ყოვლისა კი — ხელმწიფეს, ქვეყნის თავკაცს, რამეთუ „მისგან (ღმერთისგან) არს ყოვლი ხელმწიფე სახითა მის მიერიითა“.

შოთა ამასაც პირდაპირ გვიცხადებს: „მეფეთა შიგან სიუხვე, ვით ედემს ალფა, რგულია“...

უპრიანიცაა — მეფეს სიუხვის საღვთო ნადილთან ერთად სიმდიდრეც აქვს საბოძვარ-გასაცემელი.

უფლის გზაზე დამდგარ, ღვთის მბაძავ ადამიანსაც მეფის სახით მინიერ-ხელშესახები მაგალითი უნდა ჰყავდეს ამსოფლად: გულუხვი „პატრონი — ტკბილი, მონყალე, ცა ნყალობისა მთოველი“.

ასეთი უხვნი, სწორედაც „ნყალობის მთოველნი“ არიან „ვეფხისტყაოსნის“ პერსონაჟები — მეფეთაგან დანყებული, ვიდრე მსახურებამდის.

ისინი ოდენ ინსტინქტით როდი მიელტვიან სიუხვეს, ამ ღვთაებრივ მადლს — პოემის გმირები იცნობიერებენ მის სიკეთეს, მის პრაქტიკულ ღირებულებას, მის „სარგებლიანობას“ მაღალი აზრით.

და, რაც მთავარია, ისინი არა მარტო იაზრებენ სიუხვის მადლს, არა მხოლოდ ბრძენსიტყვაობენ მასზე, არა ოდენ ქადაგებენ და იტყვიან, არამედ იქმნიან კიდევ უხვობას: უბოძებენ, უძღვნიან, მიაართმევენ, ავსებენ, მოკლედ — უხვად გასცემენ, „ზღვათაცა შესდის და გაედინების“. აქ სიტყვა და საქმე განუყოფელია — აკი ბრძანა სულმნათმა: „არა ვიქმ, ცოდნა რას მარგებს ფილოსოფოსთა ბრძნობისა“.

გახელმწიფებულმა თინათინმაც პირველივე ხელმწიფური ქმედებით შესახა ხორცი მამის, როსტყევანის, „ნურთა“ - შეგონებას — „დიდთა და

წერილთა წყალობა შენმცა ნუ მოგეწყინების": არა მხოლოდ თავისი „ნაუფლისნულევი“, არამედ „რაცა სად საჭურჭლენია“, ყველა დაახსნეინა და, რაც ქონება „მოიღეს, გასცა უზომო, სიუხვე არ მოსწყენია“.

როსტევეანი ამ „წურთისას“ მეფეთათვის სიუხვის პრაქტიკულ სარგებლიანობას შთააგონებს თავის მემკვიდრეს: „უხვება მორჩილებს ყოველი, იგიცა, ვინ ორგულია“...

მორჩილება-ურჩობის პრობლემა, ცხადია, მხოლოდ მეფეებს არ უდგას, თუმცა ხელმწიფეთათვის ეს მარადიული თავსატეკივარია; ურჩი ანუ „ახსნილი“, შესაძლოა, ძალით დაიმორჩილო, მოდრიკო, „დააბა“ — და ამის მაგალითები არც ცხოვრებაში და არც „ვეფხისტყაოსანში“ გახლავთ სანთლით საძებარი: გავიხსენოთ, როგორ „წუართა“ განმდგარი რამაზ მეფე ტარიელმა. „ახსნილის“ ასეთი „დაბმა“, ჩვეულებრივ, სისხლის ფასად ჯდება. მაგრამ, შესაძლოა, ორგულობასაც კი უსისხლოდ, ძალის გამოუყენებლად უნამლო...

და სახელი ამ წამლისა — სიუხვე.

2. „თვით ების“ ანუ ებმევილება

და იტყვის როსტევეან: „უხვი ახსნილსა დააბამს, იგი თვით ების, ვინ ების. უხვად გაცემდი, ზღვათაცა შესდის და გაედინების“.

ჯერ ამ, ერთი შეხედვით, უცნაურ მეტაფორულ სახეზე ვთქვათ ორიოდ სიტყვა: მეფე ზღვასავით უნდა იყოს, რომელსაც კიდევ „შესდის“ ანუ ემატება წყალი, და კიდევ „გაედინების“ ანუ აკლდებაო.

მართლაც, ზღვა ზღვად ველარ დარჩებოდა, თუ „შესავალ-გასავლის“ ბალანსი დაერღვეოდა — ან დაშრებოდა, ანაც ხმელეთს შთანთქავდა და „მართ ოდენ მარტოდ“ წყლად იქცეოდა.

ზღვას, ჩვეულებრივ, წყალი ნალექებად და მდინარეებად „შესდის“ ხოლმე, ზღვის „გადინებას“ კი კაცის თვალი ნაკლებად ამჩნევს — ზღვიდან წყალი ორთქლდება. თუმცა ზღვიდან წყლები მდინარეთა სახითაც გაედინება და ეს იცის შოთამ. ვახტანგ მეექვსე, „ვეფხისტყაოსნის“ პირველი გამოცემელი და კომენტატორი, ამ ადგილის განმარტებისას წერს: რუსთაველიო, „გაცემას უადვილებს, ასწავლის; მეფეთ როგორც ზღვას შესდის და გაედინებისო, ისე შემოგდის და გაეციო; და ზღვის გადენაც უთქვამს, რომ ბევრმა კაცმა არ იცის, ზღვას გაზღის (ასეა! თ.კ.) თუ არაო — უსწავლებია...“

უფრო რთული განსამარტავია — „უხვი ახსნილსა დააბამს, იგი თვით ების, ვინ ების“... ტაეპის პირველი ნაწილი შედარებით ნათელია: „ახსნილი“ აქ თავდახსნილს, თავანწყვეტილს, შლეგს ნიშნავს, უფრო ზოგადად — ურჩს, დაუმორჩილებელს. როგორც ზემოთ აღვნიშნე, „ახსნილის“ „დაბმა“-

დამორჩილება ძალითაც შეიძლება — ჩვეულებრივ, სისხლის ფასად; სიუხვით, ბოძებით, დასაჩუქრებით კი შეიძლება შლეგის მორჯულება ანუ „დაბმა“ ძალის გამოუყენებლად, უსისხლოდ. სწორედ ამ აზრის ლოგიკურ გაგრძელებას წარმოადგენს ტაეპის მეორე, ენობრივად რამდენადმე ბუნდოვანი, ნაწილი — „იგი თვით ების, ვინ ების“ — და ამას უნდა ნიშნავდეს: როცა უხვი „აბამს“ „ახსნილს“, ვინც ამ დროს „ების“ ანუ ებმება, „იგი თვით ების“ ანუ თვითონვე ებმევიანება „დაბმელს“ ანუ უხვს, ებმევიანება თავისივე ნებით, ძალის გარეშე. ამიტომაც უზუსტოდ უნდა იყოს ვახტანგისეული განმარტება ამ ადგილისა: „უხობით, ახსნილი მტერი რომ გყვანდესო, დააბამო, თჳით არ ჟაჳაჳისო“ (ხაზგასმა ჩემია, თ.კ.). „იგი თვით ების, ვინ ების“-გან, ვფიქრობ, „თვით არ დაების“ ვერ გამოიყვანება. სასკოლო გამოცემისეული განმარტებაც, თითქოს აქ პოეტური ლიცენცია გვეკონდეს და „ების“ ფორმაში „მ“-ს გამოტოვება ამით აიხსნებაო, მართებული არ უნდა იყოს: ჯიხს სწორედაც კანონიკური ფორმა გახლავთ „ება“-ზმნისა მეორე ხოლმეობითში და აქ ჯიხის მოსალოდნელი არც ყოფილა.

3. „გაცემა“ და „ღება“

„ვეფხისტყაოსანში“ სიუხვე, გულუხვობა ხარჯვით ანუ „გაცემით“ კლინდება; საპირისპირო ანტიონიმურ ქცევას გამოხატავს შენახვა ანუ „ღება“. თინათინი აცხადებს კიდევ: „ჩემსა ნუვინ ნუ დამალავს საჭურჭლესა დადებულსა“. საჭურჭლე ანუ განძი, ცხადია, შეიძლება, „დაიდოს“, მაგრამ მას ფასსა და აზრს მხოლოდ დახარჯვა-გაცემა ანიჭებს, თორემ აუმოძრავებელი, „დადებული“ საუნჯე მინაში ჩამარხული სახარებისეული ტალანტია ან — საბასეული ლოდადქცეული ოქრო. სხვაგან რუსთაველი აფორისტულად ჩამოქნის ამ აზრს: „არ იხმარებ, რა ხელსა ხდი საუნჯესა დაფარულსა?“

„ვეფხისტყაოსანი“ გაჯერებულია ბიბლიური რემინისცენციებით; აქაც, კერძოდ, სახარებისეული ალუზია გვაქვს: პატრონმა სწორედ ის მსახური დასაჯა, ვინც მიცემული ოქროს ფული ანუ ტალანტი არ გასცა, არ დახარჯა, არ ამოძრავა და ფულს ფული არ მოაგებინა — მოკლედ, ტალანტი მინაში ჩამარხა იმის შიშით, ვაითუ უკან მომთხოვონო; თავისი ჭკუით, ოქრო საიმედოდ შეინახა, მინაში კი გინდ ოქრო გდება და გინდ ლოდი, როგორც ამას საბა ბრძანებს: „მაგ მინაში თუნდა ოქრო იდვას, თუნდა ქვაო, თუცა არ დახარჯედიო“.

შოთა სიმდიდრის „ღება“-შენახვის ურგებლობის ანტითეზას — „ღება რა სავარგულია“-ს წინ ხარჯვის სარგებლიანობის თეზას წარუმძღვარებს — „სმა-ჭამა დიდად შესარგი“-ო, ბოლოს კი ყოველივე ამას გენიალური აფორიზმით აგვირგვინებს: „რასაცა გასცემ, შენია, რაც არა — დაკარგულია“.

„ჭამა-სმა“ ამ კონტექსტში მხოლოდ და იმდენად პირდაპირი მნიშვნელო-

ბით არ უნდა გავიგოთ, რამდენადაც — ზოგადად ხარჯვის, გაცემის, გაღების, პურადობის აზრით. „ვეფხისტყაოსნის“ პერსონაჟები საერთოდ არ არიან მუცელმალმერთებელნი, თუმცაღა პურობა, ლხინი და ნადიმი დიახაც უყვართ და ეხერხებათ: ქიფის ჟამს ისინი, პირველ ყოვლისა, სულს ინაყრებენ და არა — კუჭს: „შეიქნა სმა და პურობა, მსგავსი მათისა ძალისა, სხვა გახარება ასეთი არს უნახავი თვალისა“ ... „კელაცა დაჯდა მხიარული, მოიმატა სმა და მღერა; კელა გაგრძელდა ნადიმობა, ბარბითი და ჩანგთა უღერა“ ... ჭამა-სმა, პირდაპირი გაგებით, მარტოკაცსაც შეუძლია, „სმა-ჭამას“ კი რუსთველური გაგებით, სიყვარულისა არ იყოს, ორნი მაინც სჭირდება; ჩვეულებრივ კი ამგვარი „სმა-ჭამა“ ანუ ნადიმი მრავალთა თავშეყრა გახლავთ საღვინოდ (შეადარე ნადიმ-ს ნად-ი; ისიც თავშეყრაა, ოღონდ — სამუშაოდ; საბას განმარტებით, ნადი — მუშაკნი შეყრილნი“). ამ გაგებით „სმა-ჭამას“ საკმარის ხარჯის გაღება სჭირდება; ამიტომაც დაუპირისპირა რუსთაველმა ურგებელ „ღებას“ („ღება რა სეარგულია“) „სმა-ჭამა“, რომელიც დიახაც „შესარგი“ ანუ ამ კონტექსტში სწორედაც სარგებლიანი და სასარგებლოა: შესა-რგ-ი ეტიმოლოგიურადც სა-რგ-ოს, სასა-რგ-ებლოს უკავშირდება. ამრიგად, „სმა-ჭამა დიდად შესარგი“ ყოფით-კულინარული შინაარსის ნიაღ უფრო ღრმა და ზოგადი აზრით იტივრება — „სმა-ჭამა“ ხარჯვის, გაცემის მნიშვნელობას იძენს; შოთა ისწავლება, გაცემა დიდად სასარგებლოა, შენახვა კი ურგებელიაო.

ურგებელია, პირველ ყოვლისა, სულისთვის.

4. სიბრძნე — აზრის მალაყი

ზემოთ შოთას აფორიზმს — „რასაცა გასცემ შენია, რაც არა — დაკარგულია“ — გენიალური ვუნოდე; არადა, აფორიზმი სხარტად გამოთქმული ბრძნული აზრია და სიბრძნეს თითქოს აღარც უხდება ეპითეტად „გენიალური“. მაგრამ სხვა რა სახელი უნდა უწოდო კაცმა რუსთაველის სასწავლს — თავდაყირა დააყენო სიმართლე და მიიღო არა სიცრუე, არამედ — სიბრძნე? გაივლის ხუთი საუკუნე და აზრის ამ მალაყს საბად გარდასახულ-„გარდაცვალებული“ შოთავე მოუძებნის სახელს — სიბრძნე სიცრუისა.

მართლაც, კაცი რომ რასმე გასცემ და გაასხვისებ, რახან ის შენ უკვე აღარ გეკუთვნის, დაგკარგვია და ეგაა; ხოლო, რასაც არ გასცემ და შეინახავ, ის შენვე დაგრჩება და არ დაგეკარგება — ეს ყველაფერი ბანალური სიმართლეა და ყველას დასანახად სინამდვილის ზედაპირზე ტივტივებს; ჭეშმარიტი სიბრძნე კი — „რასაცა გასცემ შენია, რაც არა — დაკარგულია“, საგანთა თუ მოვლენათა სიღრმეშია დანთქმული და თვალთ იოლად ვერ იხილება. მართლაცდა, როგორი დასაჯერებელია, რომ „გაცემა“-დაკარგვით — იპოვი, „ღება“-შენახვით კი — დაკარგავ?!
და კელავ — სახარებისეული რემინისცენცია: ხორბალმა რომ იცოცხ-

ლოს ანუ გაბეგრდეს და გაუამიერდეს, ის უნდა „მოკედეს“ ანუ მიწას უნდა „მიეცეს“: „ხოლო იესუ მიუგო და პრქუა მათ: უკეთუ არა მარცვალნი იფქლისა დაფარდეს ქუეყანასა და არა მოკუდეს, იგი მარტო ხოლო ეგოს; ხოლო უკეთუ მოკუდეს, მრავალი ნაყოფი გამოიღოს“ (იოანე, 12, 23-24).

ცხადია, სახარებაში ეს იგავური ამბები სიღრმისეული შრის შემცველიც გახლავთ და მატერიალური, ყოფითი საგნების, იფქლის მარცვლისა თუ ოქროს მონეტის, გახარჯვა-შენახვის მიღმა სიყვარულის, სიკეთის, ცოდნისა და რწმენის, ერთი სიტყვით, სულიერ ფასეულობათა გაცემა-გაზიარება ან, პირიქით, შენახვა - „დება“ იგულისხმება. სულიერ ფასეულობათა სხვისთვის გაზიარება კი იგივე სულის მიცემაა მოყვასისათვის. სულის მიცემა ანუ, როგორც შოთა ბრძანებს, „სულის დადება“ („შენთვის დავსდებ გონებასა, სულსა, გულსა“) ისევე სულს აუკვდავებს, სულის შენახვა კი აკვდინებს მას. ამიტომაც, „მიეცით და მოგეცეს თქვენ“ (ლუკა, 6, 38). ამას სახარების სხვა ადგილიც უმაგრებს ზურგს: მაცხოვარი ბრძანებს, ვინც სულის შენახვას ეცდება, იგი დაკარგავს მას, ხოლო ვინც სულს დაკარგავს ჩემთვის, ის სულს შეინარჩუნებს ანუ იცხონებსო (მარკოზი, 8, 34).

არადა, ამ დაფარული, მისტიკური სიბრძნის უზუსტესი ფორმულა — „რასაცა გასცემს მენია, რაც არა — დაკარგულია“, სმა-ჭამის დიდად შესარგობის თითქოსდა „კუჭისმიერი“ მტკიცებიდან აისხლიტება სულიერ სფეროებში.

5. სახელი — სიუხვის ნაცვალგება

„რასაცა გასცემს“ ამ „რასაც“-ში, ცხადია, პირველ ყოვლისა, ქონება, მატერიალური სიმდიდრე იგულისხმება, თუმცა, ვახტანგის აზრით, სწორედ ეს გაცემული ქონება გარდაისახება იმ სულიერ ფასეულობად, უხვს რომ არასოდეს დაეკარგება და სამისდღეშიოდ დარჩება — სახელად: „მეფის სიუხვეს ასწავლის, შენახვა არ ვარგაო, და რასაცა მისცემს, სახელი დარჩაა (ხაზგასმს ჩემია, თ.კ.) და ის არის იმისი, თვარემ რასაც შეინახავს, ის ხომ მოკვდება, ის სხვას დარჩება და იმისთვის დაკარგული იქნება“.

„სახელის დარჩენა“ — აი, ნაცვალგება გაცემულისა. „სახელი“ კი, რომელიც სჯობს „ყოველსა მოსახვეჭელსა“, სულიერი ფასეულობა გახლავთ და, თუ „ქონება“ „სახელად“ არ გარდაისახა, თუ იგი არ გაიცა, თუ მან არ იმოძრავა — ან ქონება დაეკარგება პატრონს, ან ქონებას დაეკარგება პატრონი: მოკვდება, ბოლოს და ბოლოს... ასეც უწინასწარმეტყველებს უფალი იმ მდიდარს, ვინც დიდძალი ქონება მოიმარაგა მრავალწლიანი უზრუნველი ცხოვრებისათვის: „უგუნურო, ამაღამ სულს მოგთხოვენ და, რაც დაიმზადე, ვილას დარჩება?“ (ლუკა, 12, 20). შოთაც აქ არის: „ცდების და ცდების, სიკედელისა ვინ არ მოელის წამისად...“

ამრიგად, სიუხვე ვერ იგუებს ვერც უძრაობას და ვერც „ცალმხრივ“ მოძრაობას — იგი მარადიული პროცესია მიღება-გაცემისა, ავსება-დაცლისა, უხვს მიწყვი „შესდის და გაედინების“.

გაცემის ეს „შემხედრი“ მოძრაობა, დაგროვება-შეესება, თავისთავად იგულისხმება სიუხვის კომპონენტად: ბევრი რომ „გასცე“, ბევრიც უნდა „გედოს“. ამ „დების“ პროცესზე პოემაში საგანგებო ყურადღება არ მახვილდება, რამდენადაც მესაკუთრული ინსტინქტი თანდაყოლილია, შესაძენი კი — გაცემის ჩვევა გახლავთ. და „ვეფხისტყაოსანიც“ ამ გაცემის სიკეთეს ისწავლებს: მის გმირებს თითქოსდა ერთი სული ჰქონდეთ, სანამ უხვად გასცემდნენ. არისტოტელე ბრძანებდა, უხვი ის არის, ვინც იმდენს და მაშინ გასცემს, რამდენიც და როცა საჭიროაო; ასეთი დასაზღვრულობა პოემის პერსონაჟებს თითქოსდა ეეინროვებათ; ისინი მიწყვი გასცემენ ფულსა და ოქრო-ვერცხლს, ლარსა და თვალ-მარგალიტს, საუკეთესო ტაიქსა და ჯადოსნურ აბჯარს, დატვირთულ ხომალდსა და მთელ სამეფოსაც. „ვეფხისტყაოსანში“ ყველაფერი გაიცემა და მიედღენება, თვით მზეთუნახავი ქალი (უსენი — მელიქ-სურხავს: „სხვა რამე მითქს საძღენო თქენი, შესართავი თქენი ძისა“) და სწორუპოვარი რაინდიც კი (ტარიელი ნახევრადხუმრობით — როსტე-ვანს: „ოდენ ძღენად თქენი ავთანდილ მე თქენთვის მომიტანია“...).

და ამ ყოვლისმომცველ ძღენობა-წყალობაში, სიუხვის ამ კორიანტელში შეიძლება მოგვეჩვენოს, თითქოსდა რუსთაველი უგულუბელყოფდეს ქონებას, სიმდიდრეს, საკუთრებას. მაგრამ, ჩემი აზრით, „რასაცა გასცემ შენია, რაც არა — დაკარგულია“, არც უგულუბელყოფს და, მით უფრო, არ უარყოფს „ჩემია“-ს, „შენია“-ს, საერთოდ, კერძო საკუთრებას. ყოფითი დონიდან ამაღლებული — გაცემა, გასხვისება სწორედაც კერძო საკუთრების უზენაესობას ამტკიცებს უფრო მაღალ საფეხურზე: შენ მიერ გაცემული ანუ ამოძრავებული ქონება საბოლოოდ ისევე შენი ხდება, სამისდღეშიოდ შენი, ხოლო „დადებული“ — გეკარგება. გაცემული „ჩემი“ ჭეშმარიტად „ჩემია“ — და რუსთაველი მას ხოტბას ასხამს; შენახული „ჩემი“ კი ვითომ „ჩემია“ — და რუსთაველი მას გმობს.

6. ტკივილიანი შვება

რუსთაველი ისწავლებს:

სიუხვე აუცილებელია მეფეთათვის და, საერთოდაც, ყველასათვის, ვიცაც სურს მომხრეები გაიჩინოს, თორემ „პურად ძვირსა უდრტვინავნ ქალაქი“ (ისუ ზირაქი, 31, 23);

სიუხვე სასარგებლოა: უხვს ორგულებიც კმორჩილებენ.

სიუხვე სიკეთეა, სიძუნწე — ბოროტება, რამდენადაც უხვი პოულობს, ძუნწი კარგავს, თანაც მარტო ქონებას — არა, სულსაც...

დაბოლოს, სიუხვით კაცი სიბრძნეს ავლენს, სიძუნწით — სიბრიყვეს: „უხვად გაესცემდეთ, ვაესებდეთ, სიძუნწე უმეცრულია“.

სიუხვე, გაგიხარიათ, მოსანონი და სანაქებო იყოს, მაგრამ ეადვილება თუ არა კაცს გულუხვობა? არამაც და არამც! მეტიც ითქმის — გაცემა, ხელგაშლილობა უძნელესი რამ გახლავთ, განსაკუთრებით მაშინ, როდესაც „მონაგებში“ ანუ ქონებაში დიდი ოფლი და, ზოგჯერ, სისხლიც გაქვს კაცს ჩალვრილი. ჯერ კიდევ როდის ბრძანა გიორგი მერჩულემ: „მონაგებთა დატეება სისხლის დათხევასა ემსგავსების“. სიმდიდრე, თავისთავად, განივთებული სიქველეა (რუსთაველი სიმდიდრეს იდეალური მიჯნურის აუცილებელ ატრიბუტადაც მიიჩნევს) და მას თავისი მაგნეტიზმი აქვს: ქონება ვერ ეთმობათ, ქონებას ვერ ელევიან. მაგრამ თუ ადამიანს სიმდიდრე საშუალებიდან მიზნად ექცა, ის სულიერად დაილუპება. და იტყვის მაცხოვარი — უმალ აქლემი გაძვრება ნემსის ყუნწში, ვიდრე მდიდარი მოხვედება სასუფეველშიო. ეს კი იყოს ათქმევინა მდიდარი ახალგაზრდის შებრკოლება, ვინც ვერ დათმო საკუთარი სიმდიდრე, ვერ დაურიგა იგი უპოვართ და ამით ვერ შეუდგა მაცხოვარს თავის მონამეობრივ გზაზე.

მით უფრო დასაფასებელია გულუხვობა, როცა ადამიანი ქონების მიზიდულობას დაძლევეს და გაცემა, ეს „სისხლის დათხევის“ ტოლფასი ტკივილი, მას შვება-სიხარულს მოჰგვრის.

ქონებას, ძღვენს არც „ვეფხისტყაოსნის“ გმირები გასცემენ ჰაიპარად და განურჩევლად. ასე რომ იყოს, თავად სიუხვეს დაეკარგებოდა ფასიც და მადლიც: „ოდეს ტურფა გაიფედეს, არლა ღირდეს არცა ჩირად“ — ამის მთქმელზე უკეთ ვინ უწყის, რომ სიუხვის „გაიფება“ სიუხვესვე დააკნინებდა. ამიტომაც ბუნებრივად მოიქცა ვაჭარი, როცა უცნობ ჭაბუკებს „ოქროს ფასად ცხენი მისცა, არ უძღვანა“. საერთოდაც, „ვეფხისტყაოსანში“ ვერ იპოვით უმიზეზო ან „ხუმტურიან“ გაცემას ანუ ფლანგვას, სიუხვის ამ სუროგატს: ცხადია, პოემის პერსონაჟებს ქონება ეთმობათ და არც წვრილმან ანგარიშიანობას დაგიდევენ, მაგრამ გაცემას ყოველთვის აქვს მიზეზი და, მაღალი აზრით, სარგებლიანობა. სამადლო საქმეს ისინი ან თავიანთი სულის საოხად იქმან (*„მიეც გლახაკთა საჭურჭლე, ათავისუფლე მონები, შენ დაამდიდრე ყოველი ობოლი, არას მქონები, მიღწვიან, მომიგონებენ, დამლოცვენ, მოვეგონები“*), ან — განუული სამსახურის „სამუქფოდ“ (*„თქვეს: ფატმან ვნახოთ, მუქაფა გვაც მისი გარდუხდელია“*), ანაც — გარკვეული ეტიკეტის დასაცავად (შენყალბულის დაჯილდოება, მნიშვნელოვანი სახელმწიფოებრივი აქტების და ზეიმების აღნიშვნა). აქ შეიძლება სიუხვის ერთგვარ ნაცვალგებაზე საუბარი, მაგრამ რუსთაველისეული სიუხვე მხოლოდ ნაცვალგებაზე არ დაიყვანება: უმთავრესი ამ დროს მორალური მოთხოვნილება გახლავთ, სულის წყურვილი — სხვასაც გაუზიაროს, უნილადოს თავისი ნივთიერი თუ სულიერი სიკეთე. სულის ეს წყურვილი პოემაში

შეიძლება, თითქოსდა, უმიზეზოდაც გამოვლინდეს: გავიხსენოთ ტარიელი-სა და ფრიდონის, ფატმანისა და ნესტანის პირველი შეყვანი; ეს ინტუიციური ურთიერთლტოლვა რუსთაველისავე სიტყვებით ასე დაფორმულდება — „შემომხედნა, მოვენონე“...

ძნელია სიუხვე...

და ძნელი რომ არის, ამიტომაც გვაესებს შვება-სიხარულით...

7. ლინგვისტური წიაღსვლა

ახლა ორიოდ სიტყვა თვით სიტყვაზე ვთქვათ, იმ სიტყვაზე, ასე გულიდან ამოტანილად, ასე „გულამოხვინჩვით“ ქართულად რომ ჟღერს — უხვი.

ჯერ მისი მნიშვნელობით ანუ სემანტიკით დავიწყოთ: უხვი დღეს გამოხატავს როგორც გულუხვს, ხელგაშლილს, პურადს, ასევე — ბევრს, მრავალს, ბარაქიანს (უხვი მოსავალი, წყალუხვი, სიტყვაუხვი...). ეს მნიშვნელობები, ცხადია, ერთმანეთს ავსებენ და ეყრდნობიან. უხვი დღევანდელი მნიშვნელობით უძველეს წერილობით ძეგლებში დასტურდება, მათ შორის — ჰადიმის ოთხთავშიც: „თული შენი თუ უკეთურ არს, ხოლო მე უხუ ვარ“ (მათე, 20-15). აქ „უხვი“ უფრო „კეთილს“, „მონყალეს“ აღნიშნავს, რასაც, ცხადია, იგუებს „უხვის“ გაგება: უხვი ხომ მონყალეა!

მსგავსი ან იდენტური მნიშვნელობით მეგრულში გვაქვს ხვე, სვანურში — ხვაჲ.

შინაარსიდან „უხვის“ ბგერობრივ გაფორმებაზე გადავიდეთ: საერთოდ, ქართული სიტყვის ფუძე-ძირები ხმოვნით შედარებით იშვიათად იწყება; ერთ წყება ამგვარ სიტყვებში, უმეტესად, ნასესხებში, ამ ხმოვანთა წინ ჰაე ყოფილა და დაკარგულა: ჰაქიმი, ჰამქარი, ჰამბავი, ჰურია, ჰუნარი...

არა ჩანს, რომ უხვი ნასესხები იყოს და, ვთქვათ, ჰუხვიდან მომდინარეობდეს.

უ ხმოვნით დანწყებულ სიტყვებში უ, ჩვეულებრივ, პრეფიქსია და რამდენიმე ფუნქციას ასრულებს: მიმლეობებში და არსებითებთან იგი გამოხატავს უკუთქმასა და უქონლობას (ურჩი, უენო), ზედსართავებში — უფროობით ხარისხს (უმალღესი, უმართლესი), ზმნებში კი — სასხვისო ქცევას (უშენებს).

ისიც დადგენილია, რომ ქართულ სიტყვათა ძირების ბგერობრივი ანუ ფონეტიკური სტრუქტურა ან ოდენთანხმოვნიანია, ან — სამელემენტოვანი, ორ თანხმოვანს შორის მოქცეული ხმოვნით; ზოგჯერ თანხმოვნებს თანხმოვანთკომპლექსები ცვლის; უხვ-ფუძეც, ვფიქრობ, უ-პრეფიქსად და ხვ-ძირეულ მასალად უნდა დაიშალოს; ძველ ქართულში კი ეს ხვ-თანხმოვანთკომპლექსი ხუ-სახით წარმოდგებოდა ანუ ვ-ს ნაცვლად გვქონდა უბრჯგუ.

„უხვის“ უ-პრეფიქსი უკუთქმა-უქონლობას უნდა გამოხატავდეს. ამ

ფუნქციით, ჩვეულებრივ, უ-სთან ერთად, -ო, -ურ, -ელ სუფიქსებიც იხმარება (უ-ენ-ო, უ-თავ-ურ-ი, უ-ცვლ-ელ-ი), მაგრამ გვაქვს ოდენ უ-პრეფიქსიანი უკუთქმითი ფორმებიც. „უ-ხვ-ის“ მსგავსი მოდელი კი — ოდენ უ-პრეფიქსი + ძირეული თანხმოვანი ან თანხმოვანთკომპლექსი — ქართულში შედარებით იშვიათია, თუმცაღა — დღესაც მოქმედი; აი, ერთი ნაწილი ამგვარი სტრუქტურის მქონე სიტყვებისა საბასეული განმარტებებითურთ:

1. უ-რჩ-ი — „არამორჩილი“ (შეადარე მო-რჩ-ილი);
2. უ-ტყვ-ი — „მუნჯი“, არამეტყველი (შეადარე სი-ტყვ-ა);
3. უ-რცხვ-ი — „უსირცხვილო“, (შეადარე მო-რცხვ-ი);
4. უ-ზვ-ი — „ბერნი ცხოელი“ (შეადარე მეე-ზვ-ე — „ხვასტაგი მშობელი“ და ნე-ზვ-ი — „თხანი დედალი“);
5. უ-სმ-ი — „არა ესმოდეს რა“ (შეადარე მ-სმ-ენი);
6. უ-ქმ-ი — „არა სასაქმო“ (შეადარე სა-ქმ-ე);
7. უ-შვ-ი — „უშვილო“ (შეადარე შვ-ილი);
8. უ-ქ-ი — „ქებაშეუსხვი“ (შეადარე ქ-ება)..

ამავე რიგში უნდა ჩავაყენოთ, ალბათ, სიტყვა „უყი“/„უყე“; საბა ამ სიტყვას ასე განგვიმარტავს — „წყალთა და ზღვათა საფლობს ენოდების“. ჩემი აზრით, ესეც ზემოთ მოყვანილი ფუძეების ანალოგიურად უნდა იშლებოდეს: უ-ყ-ი და მისი ძირი ყ, შესაძლოა, მ-ყ-არ-ფუძეს დაუვუკავშიროთ (მყარი — „მაგარი, გინა მტკიცე“; აქედან — სა-მყარ-ო... უ-ყ-ი, ალბათ, უ-მყარ-ოს ანუ არამყარს, თხევადს ნიშნავდა. შეიძლებოდა აქ „ყ-ირაც“ გაგვხსენებოდა ოდინდელი მნიშვნელობით — „მინა“: მიუთითებენ, რომ „ყირა-მალა“ ამას ნიშნავს — „მინა ზემოთ“).

კიდევ უფრო რთული ჩანს უხვ-სიტყვის ანალიზი: განსხვავებით ზემოჩამოთვლილი სიტყვებისაგან, რომელთა დაშლისას ძალდაუტანებლად ხერხდებოდა პრეფიქსული და ძირეული მასალის ფუნქციურ-სემანტიკური იდენტიფიკაცია (უ ყველგან უკუთქმა-უქონლობას აღნიშნავდა ძირებით გამოხატული შინაარსისა), აქ ეს პროცესი გართულებულია: ოდენ უ-პრეფიქსიანი მოდელის არსებობა, ცხადია, იქითკენ გვიბიძგებს, რომ „უხვი“ ჩავაყენოთ „უტყვისა“ და „უზვის“ რიგში, მაგრამ ხვ-ძირის მნიშვნელობის დაუდგენლად ეს ყველაფერი ვარაუდების სფეროში დარჩება.

8. ეტიმოლოგიური წიაღსვლა

შეიძლებოდა, ეს ხვ-ძირი დაგვეკავშირებინა სიტყვა „ხვაე“-თან, რომელსაც საბა ასე განმარტავს: „შეგროებული მარცვალი“. ძველ ქართულში მას ზვინის, გროვის და, აქედან გამომდინარე, მოსავლის მნიშვნელობაც ჰქონდა; ახლაც აქვს... მეგრულში „ხვა“ გუნდს აღნიშნავს, სიმრავლეს; სვანურშიც გვაქვს ბევრის აღსანიშნად ზიარი ძირი — „ხუაჲ“. რამდენადაც

ქართულშიც ხვევი სიმრავლის გაგებას შეიცავს, დიდია ცდუნება, იგი ეტი-მოლოგიურად უხვის ხვ-ძირთან დაგვეკავშირებინა, მაგრამ ასახსნელი დაგვრჩებოდა როგორც ერთი, ისე მეორე სიტყვის „არაზიარი“ ნაწილები: -აჲ და უ-; მთავარი კი ის გახლავთ, რომ, თუ უ-ს აქაც უქონლობა-უკუთქ-მის გამომხატველ პრეფიქსად მივიჩნევთ, მაშინ სემანტიკურად გაუგება-რია, „უ-ხვევა“ ანუ „არა-ბევრმა“, „არა-მრავალმა“ როგორ და რატომ შეიძინა საპირისპირო მნიშვნელობა — უხვი ანუ მრავალი.

უფრო სარწმუნო ხომ არ იქნებოდა, თუ უხვ სიტყვას მაინც უ უქონლობა-უკუთქმის პრეფიქსად და ხვ-ძირად დავშლიდით, ამ უკანასკნელში კი „უხ-ვის“ საპირისპირო, ნეგატიური შინაარსის მქონე სიტყვას ამოვიცნობდით, რომელიც უარყოფითი პრეფიქსის ნამძღვარებით ანუ „ორმაგი უარყოფით“ ისეე პოზიტიურ შინაარსს იძენს? უხვის ანუ ქონების გამცემის საპირისპი-რო შინაარსის გამომხატველი სიტყვა-ცნებები კი დაგროვება, ხვეჭა, თავის-თვის აღება გახლავთ. არ-ხვეჭა და არ-აღება შინაარსობრივი საფუძველია სოუხვისა; ენობრივად კი ვინც თავისთვის არ იღებს, იგი უ-ღებ-ელ-ი/უ-ღებ-ი იქნება (შევედართო ამავე ძირიდან ნანარმოები ნა-ღებ-ი); ერთი კია, რომ ქართულში არა ჩანს „არ-აღების“ მნიშვნელობით უთემისნიშნო უ-ღ-ი ფორმა (შეადარე უ-რგ-ებ-ი და უ-რგ-ი).

რატომ დავტრიალებ თავს აღება ზმნის ამ -ღ- ძირს? იმიტომ, რომ ძველ ქართულში იგი რიცხვის მიხედვით მონაცვლე ძირი გახლდათ და, როდესაც ასაღები ობიექტის სიმრავლე უნდა გამოხატულიყო, ლ-ს სწორედ ხუ-ძირი ენაცვლებოდა: განვა-ღ-ე კარი — განვა-ხუ-ენ კარნი; მოვი-ღ-ე პური — მოვი-ხუ-ენ პურნი (=მოვიტანე პურები); მიმი-ღ-ო პური — მიმი-ხუ-ნა პურნი (=ნა-მართვა პურები). ამ ხუ-ძირს შოთაც იყენებს: „ქვაბნი ომითა ნაუხმან, სახლად აქეს დეთა-საბლები“... „ნაუხმან“ ფონეტიკურად გამარტივებული ფორმაა ნა-უხვმან-ისა (მ-ს მეზობლად უბრჯგუ იკარგება) და ნიშნავს „ნაურთმევია“.

სწორედ ეს ხვ ძირი მგონია სიტყვაში უხვი: თავისთვის „არ-აღების“ მნიშვნელობით ქართულში დღეს დადასტურებული „უღებისა“ და გაუჩინა-რებული „უღის“ გვერდით ძველ ქართულში გვექონდა უხუამ-ი და ჩვენთვის საინტერესო უხუ-ი.

ძველ ქართულში „უხუამი“ „თვალთან“ დაკავშირებული კომპოზიტების შემადგენელი კომპონენტია: „თუალუხუამი“/„თუალუხუავი“; „თუალხმა“ <„თუალხუმა“; „თუალხმიერი“ <„თუალხუმიერი“... ნიშანდობლივია საბას განმარტება: „თუალუხუავი ესე არს თვისთა მოყვარეთა ანუ კეთილქმ-ნელთა არაპატივისცემდეს, არამედ კეთილმოქმედთა“; ე.ი. „თუალუხუავი“ ნიშნავს მიუკერძოებელს, მიუმზრობელს და აქ „უხუამში“ სრულიად ამკა-რაა უ-ს უკუთქმითი ფუნქცია. საბა იმასაც ბრძანებს, რომ „თუალღებული არს თუალუხვავთა წინააღმდეგი“ — ანუ ღ ძირი პრეფიქს უ-ს გარეშე აქაც უპირისპირდება უ-პრეფიქსიან ხვ ძირს „უხუამ“-ში.

ვერადულობ, რომ „ბევრის თავისთვის არამლები“ ანუ ძველი ქართულით უხუამ-ი ეტიმოლოგიურად უკავშირდება სიტყვას უხვ-ი. ეს დებულება, ცხადია, შემდგომ კვლევასა და დაზუსტებას მოითხოვს და, შოთასევე დავე-სესხები, მაინცდამაინც ჩემი სჯობსო, არ ვუცილობლობ.

9. უხუხვისი

ზემოთ აღენიშნე, „ვეფხისტყაოსნის“ პერსონაჟები — მეფეთაგან დაწყე-ბული, ვიდრე მსახურებამდის, ყველანი უხვნი არიან-მეთქი.

უხვია შერმადინი, ავთანდილის არყოფნის უამს, ვისაც ჯერ იყო, ყველას რომ „უფასოსა ძღვენსა სძღვნობდა“...

უხვია ასმათი — ადამიანი რომ თავის სიხარბეს სძღვეს, ეს მისი გულუხ-ვობის უტყუარი ნიშანია: კარგი ამბის მახარობელს, ტარიელი მას გობით შესთავაზებს თვალ-მარგალიტს, ასმათმა კი „ერთი აილო ბეჭედი, მართ ანონილი დრამითა“ და „ესე კმა ნიშნად“ — მოახსენა.

უხვია მელიქ-სურხავი: „ზღვათა მეფე გადაიხდის მუნ ქორნილსა მეტად დიდსა... უხვად გასცემს საბოძვარსა, საჭურჭლესა ანაკიდსა“...

უხვია როსტევანი — „მოსამართლე და მონყალე, მორჭმული, გამგებია-ნი“, ვის ბაგეებსაც შოთამ ამოათქმევინა: „რასაცა გასცემ, შენია, რაც არა — დაკარგულია“.

უხვია ფარსადანი — „უხვი, მდიდარი, უკადრი, მეფეთა ზედა მფლობე-ლი“, ვინც იტყვის: „უხვად გავსცემდეთ, ვაესებდეთ, სიძუნნე უმეცრუ-ლია“...

უხვია ფრიდონი — „მოყმე მხნე, უხვი, ძლიერი, ფიცხლად მომსხლეტი ცხენისა“, ვინც თავისი უსწრაფესი „შავი“ უყოყმანოდ ტარიელს უძღვნა; სიძუნნე მისთვის მხოლოდ ლაღობა-გაქილიკების საგანია: ტარიელს ეხუმრება — „ოდეს გიძღვენ, არ ეიცოდი, ქაჯეთს გვინდა ქაჯთა მზერა, თვარა ყოლა არ გიძღვნიდი, ჩემი გითხრა სიძუნნე რა“...

უხვია ავთანდილი, ვისაც ფრიდონის მონებისათვის სამსახურის ჯილ-დოდ „სახსე ხომალდიც“ კი ეცოტავება და თითქოსდა თავსაც იმართლებს: „სახლი არ მახლავს, არ ძალ მაქვს გაცემა საბოძვარისა“ და „ვიცი, ამაღ გე-ძუნნები“...

უხვია ტარიელი — აი, რას ეუბნება იგი ფატმანს: „დაე, გული შენი ჩემზე-და გარდაუხდელი, დიდია; ან რაცა ქაჯთა საჭურჭლე ქაჯეთით ამიკიდა, მომიცემია, ნაილე, არ კიდე მომიყიდა“...

ყურადღება მივაქციოთ — მთელი ქაჯეთის საჭურჭლის მიმძღვენელი, მა-ინც გარდაუხდელად მიიჩნევს თავის ვალს, რამეთუ უწყის — ამაგი, ერთ-გულება, თავდადება, მსხვერპლი ის სულიერი საგანძურია, რაც მატერია-ლური სიმდიდრით ვერ გადაინონება.

ამიტომაცაა, რომ ვეფხისტყაოსნის გმირებს ოქრო და თვალ-მარგალიტი კი არა, უპირველეს ყოვლისა, თავიანთი დრო, მკლავი, ოფლი და სისხლი არ ეძურებათ მოყვასისათვის... ისინი უხვად არა მარტო საბოძვარს — სიყვარულს გაიღებენ... გასცემენ გამოცდილებას, ნიჭს, ცოდნას...

ტარიელმა ასმათი არა მარტო ნივთიერად ააესო — მდგომარეობით, ხარისხით აამალა, ლამის გაიტოლა: *„ან ინდოეთს სამეფოსა მეშვიდესა, ერთსა ნილსა, ზედა დავსვამ, შენი იყოს, გემსახურებდე ტკბილი ტკბილსა“*...

მანვე მართლაც რომ „გარდაუხდელი ვალი“ ავთანდილს, ვინც არა ნივთი, არამედ სული მისცა ტარიელს, ასევე სულიერი „არმაღანიტ“ გადაუხადა — თინათინზე დააქორწინა, რაც, სიტყვამ მოიტანა და, სულაც არ იყო იოლი საქმე, თუ ავთანდილის არამეფურ წარმომავლობას გავითვალისწინებთ.

ხომ უხვია „ვეფხისტყაოსნის“ ყოველი პერსონაჟი, რომ უხვზე უხვნი არიან ტარიელი და ავთანდილი, რომლებიც არამარტო ნივთიერ, არამედ სულიერ სიმდიდრეს, *„ვითა თოვლსა, მოათოვენ“*, მაინც არის კაცი, მათზე აღმატებული სიუხვეში, ვინც არა მარტო კერძო პირს ასაჩუქრებს კონკრეტულ დროს, არამედ მინყივ, მარად ამდიდრებს და აბედნიერებს მთელ ერს.

და სახელი ქართველთა შორის ამ უუხვევისა — შოთა.

სიტყვისება

პოლემიკა, კრიტიკა, რეპლიკები



აწ რომ ავი არ ვაძაგო,
კარგი როგორ უნდა ვაქო?
ავს თუ ავი არ ვუწოდო,
კარგს სახელად რა დავარქო?

გურამიშვილი

პაოლოს ნაქნისაგან

პოეტები, ეს მცირე დემიურგები, არა მარტო ქმნიან ახალ, მხატვრულ სინამდვილეს — ზოგჯერ ამ სინამდვილეს ავტორსაც გამოუგონებენ ხოლმე.

ყოველი ასეთი გამონაგონი ანუ მისტიფიკაცია ფსევდონიმს „ეფარება“, თუმცა ყოველი ფსევდონიმი მისტიფიკაციას როდი ისახავს მიზნად: მაგალითად, „ასტამურ შერვაშიძე“ ოდენ ფსევდონიმი პაოლო იაშვილისა, „ელენე დარიანი“ კი პაოლოს მისტიფიკაცია გახლავთ.

ცნობილი ამბავია: კაცები, თუ დასჭირდათ, ტრადიციულად საქალო საქმეს ქალებზე უკეთ აკეთებენ — საუკეთესო მზარეულები, გადია-ლალები, თერძები სწორედ მამაკაცები არიან... ახლა ამისი ტრადიცია აღარ არსებობს, თორემ კაცი არც არფაზე დაუკრავდა, ალბათ, ქალზე ნაკლებად. საერთოდ, ქალის ბუნების, მისი შინაგანი სამყაროს წარმოჩენაში — მეცნიერული კვლევა იქნება ეს თუ მხატვრული წარმოსახვა — უდავო პრიორიტეტი კაცებსა გვაქვს, თუმცა აქ ბიოლოგიურ სქესზე მეტად სოციალურ-კულტურულ-ისტორიული ფაქტორებია გასათვალისწინებელი: „კაბუკის“ თეატრში ბევრმა ვიხილეთ ქალის როლის გენიალურად განმახორციელებელი მამაკაცი — ამისი მრავალსაუკუნოვანი ტრადიცია არსებობს იაპონიაში.

ამიტომაც დაჰკრავს, მეტი რომ არა ვთქვათ, გვარიანი გულუბრყვილობის ელფერი მოსაზრებას — მამაკაცი, თუ ის „გადახრილი“ არ არის, ქალის ქვეცნობიერში მთვლემარე იმპულსებს ვერც დაიჭერს და ვერც წარმოაჩენს; თითქოსდა ამ იმპულსთა „ლოკატორი“ მხოლოდ ქალური გენიტალიები იყოს... არამც და არამც! აქ მთავარია (გალაკტიონს დავესხებები) „ნიჭი, ძამიკო, ნიჭი“...

ელენე დარიანის ძალუმი ქალური ვნებით დამუხტული პოეზია ნაყოფია ასეთივე ძალუმი პოეტური წარმოსახვა-გარდასახვისა. ამის ნიჭით გახლდათ ცხებული პაოლო იაშვილი, ღვთით პოეტი. პოეტურ ნიჭს კი არამცთუ ქალის, ხოჭოს „ვნებანიც“ კი შეუძლია ისე წარმოაჩინოს, რომ ავტორს — კაფკას ცნობილი პერსონაჟივით — გიგანტურ „ტარაკანად“ ტრანსფორმირება არ დასჭირდეს.

ქალის ფსიქოლოგიას სრულყოფილად მხოლოდ ქალი ან რამდენადმე „გაქალებული“ მამაკაცი თუ ჩასწვდება, ამ არაკორექტული ამოსავალი დებულების ლოგიკურ განვითარებას, შეუძლია, მცდარ დასკვნამდე მიგვიყვანოს... და, ჩემი აზრით, მიიყვანა კიდევ ისინი, ვინც ასეთი სილოგიზმი „ააგო“: ელენე დარიანის ლირიკაში ისეთი ქალური „ინტიმია“, მას მხოლოდ ქალი ან ქალურობისკენ გადახრილი მამაკაცი თუ შექმნიდა; ამგვარი ეჭვი კი — შორს პაოლოსაგან, მამაკაცობის ეტალონისგან; ამიტომაც — „უძიოთ ქალი“, რეალური ქალი-ავტორი, შემოქმედი „დარიანული დღიურებისა“...

გთხოვთ, ყურადღება მიაქციოთ — აქ ეძებენ ავტორს, სწორედაც ავტორს და არა, ვთქვათ, შთამავგონებელს ამ ლექსებისას...

არადა, პოეტის შთავგონების წყარო, კალმისკენ მისი ნამბიძგებელი, ათასი რამ შეიძლება იყოს — ბუნება, ნივთი, ქალი, სტრიქონი... მაღალ პოეზიას იმპულსი, შეიძლება, ვისამე ნედლმა, გაურანდავმა სტრიქონმა, „გიმნაზისტკურმა“ პოეტურმა ვარჯიშობამაც მისცეს... ესეც საქმეა, მაგრამ ამით როდი კმაყოფილდებიან, „დარიანული ციკლის“ ავტორი ქალიაო; პაოლო, თხემით ტერფამდე ნაღდი მამაკაცი, ამგვარი ქალური „დათუთქვის“ ავტორად ვერ წარმოიდგინებაო.

მე კი პირიქით მგონია — ქალურ ეროტიკას სრულად სწორედაც ნაღდი მამაკაცი შეიცნობს და, შესაბამისად, წარმოაჩენს კიდევ, რამდენადაც ასეთი მამაკაცები მიელტვიან და აღწევენ ხოლმე ამ ეროტიკის მწვერვალს — სქესთა შენივთება-შერწყმას, ერთსულ-ერთხორცობას, რითაც თითქოსდა პრაქტიკულად რეალიზდება პლატონის „ნადიმში“ თეორიულად ნავარაუდები არქეტიპული მოდელი: ოდესლაც გახლენილი სულისა და ხორცის გაერთიანება-გამთლიანება ანუ: ჭეშმარიტი (არა — „მამა“ -ით რეგისტრირებული) შეუღლება.

ზემოთ აღვნიშნე, კაცები ლამის ყოველ საქმეში მოცილებდნენ გაუხდნენ ქალებს-მეთქი... პირუკუ პროცესიც ხდება — ქალებიც ტოლს არ გვიდებენ ჩვენს ტრადიციულ საქმიანობაში. ეს ყველაფერი როცა სოციალურ სფეროს ეხება, მეტ-ნაკლებად ასატანი რეალობაა. მაგრამ არის საზღვრებიც... და არის სფეროებიც — ბიოლოგიური, სულიერი — სადაც სქესთა ავტონომია, ჩემი აზრით, სამისდღეშიოდ განსაზღვრულია: ქალს დედობაში არ ჰყავს მოცილე, კაცს — მამობაში; არა ჰყავს-მეთქი, თუმცა ტრავესტიზმმა და პლასტიკური ქირურგიის თვითმიზნურმა, უფრო სწორად — ამორალურმა, განვითარებამ ლამის ეს საღვთო განსაზღვრულობაც წაშალოს.

ნუმც იყოფინ, რამეთუ:

ღმერთმა დაგვიფაროს და, თუ ეს მოხდა, მოიწვევ კიდევ კაცთა მოდგმაზე რისხვა ისეთი, ბაბილონის გოდოლის მაშენებლებს რომ არც მოჰლანდებიათ: უფალი მოგვეკითხავს თავის საქმეში ჩარევას; ადამიცა და ევაც მისი შექმნილია და საბოთმა, დიდმა დემიურგმა და უპირველესმა „დასტაქარმა“, ევა კი არ გაგვიადამა ან ადამი კი არ გაგვიევა — ადამის ნეკნისაგან შექმნა ევა... ანუ: ევასათვის იმავე თიხის (ოლონდ — სულჩადგმულის) ნატეხი გამოიყენა, რისგანაც ადამი მოზილა.

პაოლომაც, პოეტმა და, აქედან გამომდინარე, მცირე დემიურგმა, მას ნაჰბაძა, ოლონდ საკუთარი პოეტური სხეულიდან ამოირიდა ნეკნი და მისგან თავისი პოეტური ევა შექმნა — ელენე დარიანი.

დრო იტყვის

როდესაც ჟურნალის — „ქართული ენა და ლიტერატურა სკოლაში“ — გიორგი ლეონიძისადმი მიღწილ ნომერს ვგეგმავდი, ცნობილ მწერალს კარლო კობერიძეს ვთხოვე, რაიმე მასალა მოეწოდებინა ჩვენთვის. კარგა ხანია, ერთი რეპლიკა მაქვს ჩაფიქრებული, ცოტა „პირშუშხა“ კი იქნება, მაგრამ, თუ დაბეჭდავთ, ხვალვე გაახლებთო. მართლაც, მეორე დღესვე წარმომიდგინა წერილი, რომელშიც ასაბუთებდა — ნუ გაუშინაურდებით ლეონიძეს და პოეტის სახელს „გიორგის“ ნუ გადაენათლავთ „გოგლადო“. ამ აზრმა იქვე, რედაქციაში, აზრთა ცხოველი „აღებშიცემობა“ გამოიწვია: ერთნი რომ უყოყმანოდ მიემხრნენ ბატონ კარლოს და უფრო შორსაც გაუტიეს — ოფიციალურად უნდა აიკრძალოს კინობითი ფორმით გიორგი ლეონიძის მოხსენიებაო, მეორენი ეჭვს გამოვთქვამდით — ემანდ ნაბანს ბავშვი არ გადავყალოთ და „გოგლას“ აკრძალვით რალაც მნიშვნელოვან ტენდენციას არ აღვუდგეთ წინაო. ვგონებ, ზედმეტიც იყოს იმის შეხსენება, რომ მაშინაც და ახლაც „ორივე მხარეს“ მხოლოდ ერთი გრძნობა გვაშოქმედებს: ძალში სიყვარული გიორგი ლეონიძის პოეზიისა და სურვილი — პოეტის სახელს არამცთუ იოტისოდენი ჩრდილი, პირიქით, რაც დრო გაეა, მეტი ნათელი მიადგეს. ნიშანდობლივია, რომ პოეტის უახლოეს ადამიანთაგან — მხედველობაში მყვანან მისი ქალიშვილები — ერთმა მხურვალედ დაუჭირა მხარი წერილში გამოთქმულ აზრს, მეორემ კი ასევე კატეგორიულად უარყო იგი. ასე რომ, ალბათ არავინ დაგვძრახავს, თუ მკითხველს მეორე მხარის არგუმენტებსაც გაუზიარებ.

შესაძლოა, ზოგმა მისაყვედუროს — შე დალოცვილო, თუ არ გაიზიარებდი წერილში გამოთქმულ მოსაზრებას და დაკვეთილ სტატიას შენიშვნას მოაყოლებდი, მაშინ ან რალად უკვეთდი აეტორს, ან რალად უბეჭდავდიო. აქვე განვმარტავ: რედაქცია სწორედაც რომ საჭიროდ მიიჩნევს, საჯაროდ გამოითქვას ის მოსაზრება, რომელიც ბევრის და, მათ შორის, ჩემს გულისთქმასაც გამოხატავს — დიდ პიროვნებებთან ზედმეტი გაშინაურება, შეთამამება და თავის გატოლება მეც უსიამოვნო გრძნობას აღმიძრავს: რალაც უხერხულობა გუუფლება კაცს, როცა რომელიმე სკოლის ლიტერატურულ საღამოზე, რომ იტყვიან, პირშუშუბლაკი ჯეელები „გოგლას“ და „გალას“ გაიძახიან. მაშ, რამ ამაღებინა ხელში კალამი? მხოლოდ და მხოლოდ იმის რწმენამ, რომ ჩვენი პიროვნულ-ემოციური დამოკიდებულება ამ ფაქტის მიმართ, ეტყობა, უნდა გააზრიანდეს იმ ტენდენციის ფონზე, რომელმაც ენაში უკვე იჩინა თავი და მერე და მერე, ალბათ, უფრო გამოიკვეთება. სწორედ ამ ტენდენციაზე მინდა გესაუბროთ და, ვიდრე საბოლოო მსჯავრს გამოვუტანდე (თუნდაც — საკუთარი თავისათვის) ამ მოვლენას, ჯერ უნდა

მოვიძიოთ ის მიზეზები, რამაც სახელი „გოგლა“ ასე ალაზევა. მართლაცდა, რატომ მოხდა, რომ ლამის მთელმა მკითხველმა მასამ, კარლო კობერიძის თქმისა არ იყოს, ნათლითმოსილი სახელი „გიორგი“ დაივიწყა და ლეონიძეს საალერსო-მინაურული „გოგლა“ დაუკავშირა?

ჯერ, ალბათ, იმით უნდა დავიწყო, რომ „გოგლა“, ლინგვისტური თვალსაზრისით, არ არის იმ რიგის მოვლენა, როგორისაც „კურკა“ (გრიგოლ ორბელიანის მეტსახელი), „გლუზარიჩი“ (გიორგი ერისთავის მეტსახელი) ან „პუპ-ლია“ (ალექსანდრე ორბელიანის მეტსახელი); და არც, თქვენ წარმოიდგინეთ, „კონია“ — ამ უკანასკნელს ამკარად პროვინციული იერი დაჰკრავს (მდრ. „კონსტანტინედან“ მიღებული სხვა კნინობითი სახელებიც — კოტე, კოსტა, კონო...). კონსტანტინე გამსახურდიას ბავშვობაში და სიჭაბუკეში მინაურულად მართლაც ეძახდნენ „კონიას“, მაგრამ მთელი თავისი შემოქმედებით და ცხოვრების ნესით იგი თავის თავს „კონსტანტინედ“ ამკვიდრებდა და დაამკვიდრა კიდევ. უფრო მეტიც — დაამკვიდრა „კონსტანტინე-ბატონად“. „გოგლა“ უფრო „ვანოს“, „ლადოს“, „კოტეს“, „რეზოს“, „სანდროს“, „ნიკო“ || „ნიკას“, „ევასოს“, „ლეოს“ მწკრივში დგას — და ქართულმა ლიტერატურამ და ხელოვნებამ იცის კიდევ ნიკო ლორთქიფანიძეც, ნიკო ფიროსმანიც, ნიკა აგიაშვილიც, ვანო სარაჯიშვილიც, სანდრო ახმეტელიც, ლეო ქიაჩელიც, ლადო ასათიანიც, ლადო გუდიაშვილიც, კოტე მარჯანიშვილიც, ვასო გოძიაშვილიც, რეზო ჭეიშვილიც... უფრო-მეთქი, თორემ, რასაკვირველია, „გოგლას“ ჯერ არ შეუძენია ის „დამოუკიდებლობა“ და ნეიტრალურობა, როგორიც აქვთ „კოტეს“ და „ლადოს“; და არც მათსავეთ გაერცვლებულა... სწორედ ამ მიზეზითაც მიემაგრა იგი ასე მტკიცედ დიდი პოეტის სახელს... ამ მხრივ მას ამკარა უპირატესობა აქვს ძალიან გაერცვლებულ „გოგიზზე“ (ოჯახის წევრები, მართლაც, ასე მიმართავდნენ პოეტს) და, აი, რატომ...

ჯერ ერთი, შედარებით ვიწრო რეგიონს თუ არ მივიღებთ მხედველობაში, „გოგლა“ ზოგადქართულის თვალსაზრისით აღარც აღიქმება კნინობით სახელად — არც უარყოფით-ფამილარული ელფერით, რომელიც ახლავს „გოგიას“, და არც მოფერებითით, რომელიც ახლავს „გიგლას“, „გიგილოს“, „გოგის“ ან „გიოს“. ცნობილია, რომ სახელი რაც უფრო ნაკლებად გაერცვლებულია, მით უფრო მტკიცედ უკავშირდება ჩვენს ცნობიერებაში მის მატარებელ ინდივიდს: მეტსახელის შერქმევის მექანიზმიც ეს გახლავთ — პიროვნება უნდა სახელით გამოირჩეს. „გოგლას“ აქვს ეს ღირსება.

ახლა სხვა და, ალბათ, მთავარ საკითხს მივადექით. ქართულმა ლიტერატურამ სულ რამდენიმე, რომ იტყვიან, თითებზე ჩამოსათვლელი პიროვნება იცის, რომლებიც მხოლოდ სახელით დამკვიდრებულან ჩვენს ცნობიერებაში: შოთას, ილიას, აკაკის, ვაჟას, გალაკტიონს აღარ სჭირდებათ გვარებით „შემაგრება“. ჩვენ გვყავს და, ალბათ, მერმეც გვეყოლება მათი თანამოსახელე მწერლები და მოღვაწენი; ღმერთმა ქნას, მათ შორის გენიალური ნიჭით

ცხებულები გამოგვერიოს, მაგრამ ოდენ სახელით — შოთათი, ილიათი, აკაკით, ვაჟათი, გალაკტიონით — სხვა ველარაინი დამკვიდრდება ქართველის ცნობიერებაში. და არის კიდევ ორი სახელი, რომლებიც, ჩვენი აზრით, უკვე ასევე სამუდამოდაა ამ თვალსაზრისით „დაბევებული“: გიორგი და დავითი.

ალბათ, ღირს დაფიქრება იმაზე, რომ რუსთაველის შემდეგ იქნებ ყველაზე მძლავრმა პოეტურმა ტალანტმა დავით გურამიძევილმაც კი ვერ მოახერხა ეს. ვერ შეიძლო ჩვენი ერის ცნობიერებაში ოდენ გიორგიდ დარჩენილიყო ჩვენი ენისა და კულტურისათვის ლამის შოთას ფარდმა მოვლენამ — გიორგი მთანმინდელმა. მარტო სახელწოდებით ეს, ალბათ, ვერ აიხსნება, მაგრამ ამასაც უდიდესი, იქნებ, გადამწყვეტი მნიშვნელობა ჰქონდეს; უდავოდ დიდი ნიჭით იყვნენ ცხებულნი ბესიკ გაბაშვილი და ტურენტი გრანელი, მაგრამ რატომ, რით უნდა ჰქონოდათ მათ ამ მხრივ გიორგი მთანმინდელისა და დავით გურამიძევილის წინაშე უპირატესობა? (სხვათა შორის, გაბაშვილი დამკვიდრდა სწორედაც თავისი კინობითი სახელით „ბესიკით“ და არა ოფიციალური „ბესარიონით“). ალბათ, იმით, რომ არ იყვნენ თანამოსახელენი არც დავით წინასწარმეტყველისა და არც წმინდა გიორგისა, რომელთა წყალობითაც ეს სახელები ჩვენში ძველთაგანვე უაღრესად გავრცელდა (გავიხსენოთ: აკაკიმდე „აკაკი“ უიშვიათესი სახელი იყო საქართველოში); თანაც ყოველ მომავალ დავითს არა მარტო დიდ მფუსალმუნესთან მოუხდება „შეტოქება“, არამედ დიდ დავითთანაც, ვისაც ქართველი ერი აღმაშენებლად და თავის უპირველეს შვილად რაცხს...

ჩემი აზრით, შეიძინება ნიშნები იმისა, რომ გიორგი ლეონიძე, ეს მართლაც „ყელამდე ქართულ მინაში ჩაფლული“ პოეტი, მხოლოდ სახელით მოიხსენიებოდა. სწორედ ამ ტენდენციის გამოვლინება მგონია „გოგლას“ ასეთი აღზევება. ენამ, ხალხის სულის უშუალო გამოვლინებამ, ნიშანი მოგვცა, რომ ოდენ „გიორგი“ ულეონიძოდ ვერ გაძლებს, რადგანაც ეს სახელი, ჯერ ერთი, უმკვიდრესი ძაფებით არის დაკავშირებული ისტორიულად საქართველოსათვის ყველაზე საკრალურ ძალასთან და, მეორე — იგი ყველაზე გავრცელებულია (ისტორიულადაც და ისეც) ჩვენში; „გოგლას“ კი ეს შეუძლია... ამიტომაც სცილდება ამ სახელს შინაურული ელფერი და უკვე სხვა ჟღერადობას და განზომილებას იძენს... ყოველ შემთხვევაში, დღეს თუ არა, ხვალ მაინც.

როგორც მოგახსენეთ, სადღეისოდ ოფიციალურ სიტუაციაში მეც ერთგვარად ყურსა მჭრის „გოგლა“. შემთხვევითი სულაც არ არის, რომ ამ ჩემს შინიშვნაში ეს ფორმა არც მიხმარია, მაგრამ ისიც უნდა ვაღიარო, რომ ყოველდღიურ მეტყველებაში „გოგლა“ ხშირად ნამცდებია ხოლმე... და, არა მარტო მე. ეს კი გარკვეული ტენდენციის — სამომავლო ტენდენციის — გამოვლინება მგონია. მოკლედ, ამ საკითხშიც თავის გადამწყვეტ სიტყვას, ალბათ, დრო იტყვის, დრო და ხალხი, საკუთარი ენის სჯულმდებელი.

დასასრულ, ერთი ნიშანდობლივი ფაქტიც: თავის პოეზიაში გიორგი ლეო-

ნიძე არსად თავს „გიორგიდ“ არ ამკვიდრებს: „ლეონიძე, ამ დღეებს უდარაჯე, შენ თუ გასძლებ, შენიე სიტყვის იმედით“... (შეადარე — „როგორც ერთია ქვეყანა მთელი, ისე ერთია გალაქტიონი“; გალაქტიონი, პირიქით, არსად „ტაბიძით“ არ ამკვიდრებს თავს! გენიალობასთან ერთად მას სახელშიც „ილბალი“ ჰქონდა! ოღონდ — ალბათ, გენიშნებათ — იგი კატეგორიულად „აუმხედრდა“ გაქართულებულ, ე.ი. უფრო გავრცელებულ ფორმას, „გალაქტიონს“. ამავე კონტექსტშია, ალბათ, განსახილველი „პავლეს“ ფერიცვალება „პაოლოდ“, „ტიტესი“ — „ტიციანად“, „ნიკოლოზ“ || „კოლასი“ — „კოლაუდ“).

გიორგი ლეონიძე უცდომლად მიხვდა — ამ მხრივ ნმინდა გიორგისთან „მოცილეობა“ იმიტვე დამთავრდებოდა, რითაც ყველა სხვა, ისტორიულად გამორჩეული, გიორგისა; მაგრამ ისიც იგრძნო, რომ მომავალში შეიძლებოდა გაჩენილიყო მოთხოვნილება მისი ოდენ სახელით მოხსენიებისა. ყველაზე შესაფერისად ამ მისიისათვის მან თავად მიიჩნია „გოგლა“ და, ფაქტიურად, შთამომავლობას თვითონვე დაუცა დასტური ასე მიმართვისა:

*„და სიყვარულით დამდნარმა შხივად,
სამშობლოვ, შენთვის რალა ვინატრო?
მინდა, რომ სიმი გადმექცეს სხივად,
სადლაც ორწოხი ამოგინათო!*

*მინდა ვიყიდო ქვეყნის წამლები,
რათა შევესწრო იმ დღის დანახვას,
როს მომძახოდნენ შთამომავლები:*

*— იცოცხლე, გოგლა,
შენ ჩვენთანა ხარ!”*

„ქართული ენა და ლიტერატურა სკოლაში“, N4, 1984

„ავ-ფთონი“ ანუ ავად მღელვარი

შარშან, აღმანახ „კრიტიკის“ მეხუთე ნომერში, გამოქვეყნდა ცნობილი მწერლის ნოდარ წულეისკირის წერილი — „ავ-ფთონი“ და „ანასუნი“.

მასში ავტორი სხვა საკითხთა შორის განიხილავს სიტყვას — „ავ-ფთონი“ — და ცდილობს მისი მნიშვნელობის დადგენას. ეს ჩვენი მცირე წერილიც ამავე მიზანს ისახავს.

როგორც ცნობილია, კომპოზიტი „ავ-ფთონი“ გვხვდება ილიას ლექსში „მეც შავ თვალებს“. აი, ეს სიტყვა სრულ კონტექსტში:

*„მეც მინახავს თვის სიბნელით თვალნი,
ვითა წყვდიადი, ისე ღრმად-ღრმანი,
საშიშნი ცეცხლით, დაუმონანენი,
ვით ქარიშხალში ავ-ფთონი ზღვანი“...*

ლექსი ზუსტად არის დათარიღებული, დანერის ადგილი — დაკონკრეტებული: 20 ივნისი, 1858 წ. ტიარლევო.

სიტყვას „ავ-ფთონი“ გამომცემელთა, ტექსტოლოგთა და ენათმეცნიერთა ინტერესი აღუძრავს. სტატიის ავტორი მათ მოსაზრებებს დანვრილებით მიმოიხილავს და ამიტომაც განმეორებით მკითხველს თავს აღარ შევანწყენ; ძირითადას და არსებითს კი მოკლედ შეგახსენებთ:

არსებობს ილიასეული ავტოგრაფი, სადაც „ავ-ფთონის“ ნაცვლად წერია „ალმშფოთნი“: „ვით ქარიშხალში ალმშფოთნი ზღვანი“. ამის საფუძველზე და იმის გათვალისწინებით, რომ „ალმშფოთნი“-სიტყვის მნიშვნელობა ნათელია, „ავ-ფთონისა“ კი — ბუნდოვანი, ილიას ხუთტომეულის პირველ ტომში (1985 წ.) ავტოგრაფისეული — „ალმშფოთნი“ დაიბეჭდა.

ლექსის პირველ პუბლიკაციაში („ცისკარი“, N3, 1859) „ავ-ფთონი“ ეწერა, რაც უცვლელად გადმოიტანეს მიხეილ გედევანიშვილმა (1914 წ.) და პავლე ინგოროყვამ (1951 წ.) შესაბამის გამოცემებში. „ავ-ფთონი“-იანი ვარიანტის ნუსხა არსებობს, იგი დაცულია ხელნაწერთა ინსტიტუტში; სხვა ნუსხა, რომელსაც პავლე ინგოროყვა ეყრდნობოდა, გამომცემლის მითითებით, კირილე ლორთქიფანიძეს შეუდგენია და გადაუწერია. ამ ვარიანტის ნუსხათა ავტოგრაფი, სამწუხაროდ, გაუჩინარებულია. ნოდარ წულეისკირი ვარაუდობს მის არსებობას, მაგრამ მთავარი სხვა არის — მწერლის აზრით, არც ავტოგრაფის უქონლობამ და არც ამ სიტყვის ლექსიკონებში დაუფიქსირებლობამ სიტყვა „ავ-ფთონი“ გადასაცემად არ უნდა გაგვამეტებინოს „თუნდაც იმიტომ, რომ ორმა ქართულმა მნიგნობარმა, პავლე ინგოროყვამ და კირილე ლორთქიფანიძემ, გადმოწერა და არ მიუჩნევიათ შეცდომად; მაშასადამე, სიტყვა მათთვის ნაცნობი იყო“. მოკლედ, ნოდარ წულეისკირის აზრით, „ავ-ფთონი“ არ უნდა იყოს არც ლაფსუს-კალამი და არც კორექტურული შეცდომა, იგი ილიასეულია, „მისი ზვიადი სტილის შესატყვისია, არტისტულია, ამაყი, საამოდ მალაღფარდოვანი“...

რაც შეეხება „ავ-ფთონის“ მნიშვნელობას, მწერალი მისი ახსნა-ინტერპრეტაციის ორ ვარიანტს გვთავაზობს: „თუ ყურადღებით დაუუკვირდებით, შეიძლება ამ სიტყვაში ამოვიკითხოთ ავ-ფთოვანი>ავ-ფთონი = ავ-ფრთიანი ზღვა. როგორც ვიცით, ფრთა//ფთა, ძვ.ქ. ფთე, ქართული კილოკავებისა და სალიტერატურო ენისთვისაც კი უცხო არ არის. შეიძლებოდა სხვაგვარადაც გვეფიქრა: ენათმეცოდნენი „ავ-ფთონში“ ბერძნულ „ფთონოსს“ — ბგერა, ხმას კითხულობენ (მ. რაფაეა). ე.ი. ავ-ფთონი ზღვა ავ-ხმიანი ზღვა ყოფილა!“ (გვ. 136).

როცა მწერალი „ავ-ფთონის“ ილიასეულობას გვისაბუთებს, აქ მისი მტკიცება არა მარტო ცოდნას, არამედ რწმენასაც ეფუძნება; თვით სიტყვის მნიშვნელობის დადგენისას კი იგი მხოლოდ ვარაუდს — თავისას და სხვისას — გამოთქვამს და არცა აქვს პრეტენზია საკითხის საბოლოო გადაწყვეტისა; წერს კიდევ: „უჭველობის და ერთადერთობის, საბოლოოდ დამტკიცებულის უფლებას ჩემი ნააზრევი ალბათ ვერ მოიპოვებს და ამის სურვილი არცა მაქვს...“ (გვ. 136).

ამთავითვე ვიტყვი: უნდა დავეთანხმოთ ნოდარ წულეისკირს, როდესაც იგი „ავ-ფთონს“ ილიასეულ სიტყვად მიიჩნევს და არა შეცდომად. ზოგს, შესაძლოა, ირონოულადაც გაელიმოს — ვარიანტების ტექსტოლოგიურ-ლექსიკოლოგიური ანალიზისას სიტყვის ჟღერადობა და მისგან აღძრული ემოციური განცდა რა მოსატანიაო. ჩვენ კი გვგონია, რომ ასეთ შემთხვევებში მწერლურ ინტუიციას, მწერლისეულ გეშსა და ალლოს სიტყვისას არანაკლებ უნდა გაეწიოს ანგარიში, ვინემ წმინდა ტექსტოლოგიურ-ენათმეცნიერულ არგუმენტაციას. ცხადია, ამგვარ ინდივიდუალურ პოეტურ წედომას, ინტუიციურ მიხვედრას სხვათათვისაც სარწმუნოდ გახდიდა სათანადო ლინგვისტური დასაბუთება სიტყვის ამა თუ იმ ფორმისა. მწერალმა ამის ცდაც წარმოგვიდგინა, თავისთავად საინტერესო ცდა, თუმცა მის მიერ შემოთავაზებული ორივე ვარაუდი, „ავ-ფთონის“ მნიშვნელობის ამხსნელი, სარწმუნოდ არ მეჩვენება. არ მეჩვენება არა იმისა გამო, თითქოს ფონეტიკური გარდაქმნებით შეუძლებელი იყოს ავ-ფთონისაგან ავ-ფთონის მიღება, ანდა ბერძნულიდან „ფთონოს“ სიტყვის სესხება, არა... ჩვენ ვფიქრობთ, რომ „ავ-ფთონი“ უფრო მარტივად და ცალსახად იხსნება ერთი ქართული სიტყვის საფუძველზე.

ეს სიტყვა გახლავთ „ფრთონა“.

განმარტებით ლექსიკონში ვკითხულობთ:

ფრთონა (ფრთონისა) — ლეღვა, რხევა. „ზღვა აღელდა, შექნა ფრთონა, ტალღები არ დააყენა“ (რ. ერისთ.). „გადაბრუნდა ცელქი ნავი, ტალღამ იწყო ფრთონა“ (ი. გრიშ.). „დანყარებულმა ზღვამ იწყო ფრთონა“ (გრ. რჩეულ.). **ფრთონავ-ს** (მხოლოდ ნაკეთთა ანწყოს წყებაში) გარდ. სტატ. — ლეღავს, ირხევა (წყალი).

ფრთონვა (ფრთონვისა) იხ. ფრთონა. „ინყებოდა ფრთონვა. ძლიერი ქარიშხალი ამოვარდა და ზღვაც გამშაგებით ატოკდა“ (ნ. კურდღ.).

ახლა გავიხსენოთ ილიასეული კონტექსტი — თვალნი, „...საშიშნი ცეცხლით, დაუმონავი, ვით ქარიშხალში ავ-ფთონი ზღვანი“. სემანტიკური შესაბამისობა სრულია: ავ-ფთონი ანუ ავად მღელვარი. სიტყვამ მოიტანა და, ეს ავ-ფთონი იქნებ ბარათაშვილისეული შავად მღელვარით იყოს შთაგონებული: როგორც პავლე ინგოროყვამ დაამტკიცა (იხ. მისი I ტ. თბ., 1963 წ. გვ. 393 შმდ.), ილია ჭავჭავაძე, სწორედ ამ ლექსის დანერის ჟამს უნდა გასცნო-

ბოდა ეკატერინე ჭავჭავაძისეულ ნუსხას ნ. ბარათაშვილის ლექსებისას, მათ შორის, „მერანს“. ბარათაშვილის ზეგაულებნას ილიას ლექსის განწყობილება, ინტონაცია და ლექსიკაც გვიღვენს.

თუ სემანტიკის მხრივ ყველაფერი ნათელია, შესადარებელ სიტყვათა ფორმამ, შესაძლოა, გარკვეული ეჭვი მანაც აღძრას — რა გზით უნდა მიგველო ფრთონა//ფრთონვა სანყისიდან განსაზღვრების ფუნქციით აღჭურვილი კომპოზიტი ავ-ფთონი (ზღვანი)? კომპოზიტის პირველი კომპონენტი არავითარ ეჭვს არ ბადებს, იგი ფუძეა სიტყვისა — ავ-ი. ფუძისავე სახით გვხვდება იგი ხშირად სწორედ კომპოზიტებში (აეკაცი, აეგული, აესული, აედარი, ავყია და მისთანანი. უფრო დანვრილებით — ქვემოთ); რაც შეეხება კომპოზიტის მეორე და, ამ შემთხვევაში, მთავარ ნაწილს — ფთონი, იგი მფრთონნი-სიტყვის ფონეტიკურად სახეცვლილი ფორმა უნდა იყოს, თანაც გრამატიკულად საკმაოდ გამჭირვალე ფორმა, ასე რომ, შესაბამისი სამი „აღდგენითი“ ოპერაცია უმტკივნეულოდ ხერხდება:

1) კომპოზიტის ეს ნაწილი, ფთონი ფორმით ნარმოდგენილი, ისეთივე ხელოვნურია და ბუნდოვანი, როგორც იქნებოდა ჩენი, სმენი, ნვდომი ფორმები. მაგრამ საკმარისია მათ „აღუდგინოთ“ მოქმედებითი ან საშუალი გვარის მიმღობათა მანარმოებელი პრეფიქსი მ, რომ მივიღოთ ბუნებრივი ფორმები ყველასათვის ცნობილი სიტყვებისა: მ-ჩენი-ი, მ-სმენი-ი, მ-ნვდომი-ი; ასევე, ფთონი<მფთონი, ე.ი. ის, რაც ლელავს, ფრთონავს, ირხევა. როდესაც ეს სიტყვა შეერწყა კომპოზიტის პირველ ნაწილს, როგორც მოსალოდნელი იყო, საშუალო გვარის მიმღობის მანარმოებელი მ გაუჩინარდა: ვმფთ-კომპლექსი ნარმოსათქმელად რთულია და იგი მ-ს ამოვარდნით მარტივდება. საერთოდაც, მ ზოგჯერ იქაც კი იკარგებოდა, საცა საამისო ფონეტიკური პირობები თითქოს არც არსებობდა: შდრ. მეგვიპტელი>ეგვიპტელი.

2) ასევე: ცნობილია ქართულის ტენდენცია, გაამარტივოს რ-სონორის შემცველი თანხმოვანთკომპლექსი: „ქართულ ნარმოთქმაში არის შემთხვევები, როდესაც ორ თანხმოვანს შორის მოქცეული რ ნარმოითქმის რედუცირებულად... დიალექტებში ამ პოზიციაში რ არც კი ნარმოითქმის“ (ს. ყლენტი, ქართველურ ენათა ფონეტიკის საკითხები, თბ., 1965 წ., გვ. 122). ამ ტენდენციის გამოვლინება გახლავთ ბრძოლა, გრძელი, ფრთა, ფრჩხილი, ბრჭყალი და ა.შ. სიტყვებში რ-ს ლაბილურობა, ნაკლები სიმდგრადე. ასე რომ, ფრთონ>ფთონ სრულიად ბუნებრივი ფონეტიკური პროცესია ქართულისათვის. თუმცა ისიც უნდა ითქვას, რომ საპირისპირო პროცესიც — ე.ი. კომპლექსში რ-ს გაჩენა — ქართულს არ ეუცხოება; ამას ძველი ქართულის მონაცემებიც ადასტურებს: ერთი მხრივ, ფერჯი>ფეხი, მეორე მხრივ კი — ვეცხლი>ვერცხლი. ამის გათვალისწინებით, შესაძლოა, ილიასეული ფთონ არც ნარმოადგენდეს ფრთონ-ის გაამარტივებას, არამედ ეყრდნობოდეს რ-ს გარეშე არსებულ არქაულ ვარიანტს.

3) რახან საზღვრული ზღვა-ნ-ი ნარიან მრავლობითშია, მსაზღვრელიც ასე უნდა გაფორმებულიყო — ავ-ფთონ-ნ-ი; მეტყველებაში, ცხადია, გაორმაგებულ თანხმოვანთა შერწყმა ხდება, თუმცა ძველ ქართულ წერილობით ძეგლებში მრავლობითის ნ შენარჩუნებული იყო ნ-ზე დაბოლოებულ ფუძეებთანაც: ჩუენნი, შენნი და ა.შ. უნდა ითქვას, რომ ილია ასეთ შემთხვევებში ზოგჯერ იცავს ძველ ნორმას — „არს შენნი თვალნი“, „ამ წვა-დაგვამ დღენი ჩუენნი მოგვანბილა“, ზოგჯერ — არა: „ეინ იცის, თანა რაოდენი წარიღე ფიქრნი“ (აქაც და ქვემოთად საილუსტრაციო მასალა და მისი კონტექსტები მოხმობილია თ. სა-ნიკიძის „ილია ჭავჭავაძის პოეზიის ლექსიკონიდან“, თბ., 1986 წ.). ჩუენთვის სა-ინტერესო ფორმა ფთონი — ამ უკანასკნელი მაგალითის რიგს მიჰყვება.

ამრიგად, კომპოზიციის მეორე ნაწილი ფთონ-ი, ჩუენი აზრით, მიღებული უნდა იყოს მ-ფრთონ-ნ-ი ფორმისაგან ქართულში გავრცელებული ფონეტიკური გარდაქმნების შედეგად. ასე რომ, ფორმისეული დაბრკოლებანი „ფთონი“-ს „მფრთონნი“-სთან დასაკავშირებლად, ეფიქრობთ, გადალახულია (ზემოაღნიშნული ფონეტიკური პროცესების შესახებ დაინტერესებულ მკითხველს ამომწურავი ინფორმაციის მიღება შეუძლია ქართული ენის ფონეტიკის საკითხებისადმი მიძღვნილი თითქმის ყველა მნიშვნელოვანი გამოკვლევიდან, პირველ ყოვლისა კი გ. ახვლედიანის წიგნიდან — „ზოგადი და ქართული ენის ფონეტიკის საკითხები“, თბ., 1938 წ.).

მას შემდეგ, რაც „ფთონი“-სათვის მოინახა ლექსიკონებში დაფიქსირებული ამოსავალი ფორმა, თითქოს საფუძველიც უნდა გამოსცლოდა მწერლის ამ ვარაუდს:

„...ავ-ფთონი მაინც ილიასეული სიტყვა მგონია. მხოლოდ და მხოლოდ ილიასეული! ან მის მიერ მკედრებით აღდგენილი სიტყვა, ან შეთხ ზული. მის თანამედროვეთ, აკაკის და ვაჟას, არ უხმარიათ ეს სიტყვა, მარტო ილიამ იხმარა, მარტო ერთ ლექსში, რომელიც ერთ წამს, დიდი გონების რომელიც ერთ გაეღებაზე დაიბადა საკვირველი სიტყვა „ავ-ფთონი“, რომლის რაობა დანამდვილებით დღესაც არავინ იცის. შესაძლოა, თავის დროზე თვით ილია ჭავჭავაძესაც ვერ აეხსნა წარმომავლობა სიტყვისა, გაჩენა მისი. ესაა ჭეშმარიტ სიტყვისმოქმედთა სიდიადე: მარადიულ ბნელში ითხზება და იქმნება ნამდვილი ახალი სიტყვა. ამ სიტყვის ხასიათიც, უღერაც ილიასეულია: „ავ-ფთონი ზღვანი!“ (გვ. 136-137).

მაგრამ — არა! ჩუენი ცდა, დაგვედგინა „ავ-ფთონისათვის“ ამოსავალი ფორმა და გვეჩვენებინა შესაბამისი სალექსიკონო ერთეული, წარმატებულადაც რომ მივიჩნიოთ, ეს მაინც ვერ შეარყევს მწერალ ნოდარ წულუისკირის ვარაუდს, „ავ-ფთონი“ ილიასეული და მხოლოდ ილიასეული სიტყვააო. ზოგჯერ გულუბრყვილოდ ჰგონიათ, თითქოს სიტყვათშემოქმედება რალაც ახალი, ჯერ არსმენილი სიტყვის „გამოგონებას“ ნიშნავდეს; ლიტერატურამ ამის მაგალითებიც იცის, მაგრამ მწერალს რომ რაიმე ახალი ძირი სიტყვი-

სა შეექმნას და ხალხს, მეტყველ მასას ამაზე დასტური დაეცეს, ასეთი რამ უიშვიათეს შემთხვევათა რიგს განეკუთვნება და იმასაც თავისი ლინგვისტურ-ფსიქოლოგიური ახსნა მოეძებნება — თანაჟღერადობის საფუძველზე დამყარებული ასოციაციური კავშირი. ჭეშმარიტად შემოქმედებითი სიტყვათქმნადობა კი სხვა არა არის რა, თუ არა — ენაში უკვე არსებული სემანტიკური ერთეულების ანუ ძირეული მორფემების მოულოდნელი, უჩვეულო, არასტანდარტული განაწილება ენაშივე მოქმედ გრამატიკულ მოდელებში. ამ თვალსაზრისით „ავ-ფთონი“ მართლაც ილიასეული სიტყვათქმედელების ნაყოფია. ჯერ ერთი, ილიამ მოულოდნელად „დანნიხა“ „ფრთონავს“//„ფთონავს“ ზმნის ფუძიდან მიმღეობა „მფრთონი“//„მფთონი“. არა „მფრთონავი“, არა „მფრთონარი“, არა „მფრთონარე“, არამედ მაინცდამაინც <მფრთონი>მფთონი>ფთონი (ამ კონკრეტულ შემთხვევაში გადაწყვეტი მნიშვნელობა არა აქვს, რომ იგი ამ ფორმის ფონეტიკურად გამარტივებულ სახეს ხმარობს: „ავ-ფთონი“). ასეთი მოკლე, ოდენ პრეფიქსული წარმოება მიმღეობისა, ცხადია, ილიას „მოგონილი“ არ გახლავთ, იგი ერთ-ერთი მოდელთაგანია ქართულში, მაგრამ ყოველი ზმნური ფუძე მას ვერ „მოიხდენს“. მეორე მხრივ, შესაძლოა, ერთმა და იმავე ფუძემ რამდენიმე მოდელი „მოირგოს“ გრამატიკულ-სტილისტური მნიშვნელობის შესაბამისი ნიუანსირებით (დანერვილებით ამის შესახებ იხ. აკ. შანიძე, ქართ. ენის გრამატიკის საფუძვლები, თბ., 1973, გვ. 667 შმდ.). ილია ხშირად იყენებს ოდენ პრეფიქსულ წარმოებას იქ, სადაც, ჩვეულებრივ, მიმღეობათა პრეფიქს-სუფიქსური წარმოება გვაქვს: მ-შველ-ი („დრო საშურია... ჩვენ ძმებს ჩვენით მშველი აკლდება“), მ-სმენ-ი („მსმენმან ამ ხმისა — გაეძალე ხელი“), მ-ლოკ-ი („ხელთა მლოკი“); შდრ. უფრო გავრცელებული მ-შველ-ელ-ი, მ-სმენ-ელ-ი, მ-ლოკ-ავ-ი//მ-ლოკ-ვ-ელ-ი, რომლებიც, თავის მხრივ, უცხო როდია ილიას ენისათვის („ლმერთია ყველას მშველელი“, „მშვენიერის ხმით მსმენელს ვაგვიებ“...). ილიას ენაში შეიძლება შეგვხვდეს ამავე მოდელით ნაწარმოები უიშვიათესი, ალბათ, მხოლოდ მის მიერ ნახმარი „მ-ყოდ-ი“ („შენ დამციინი მე! შენ, უკვდავო მსახურო ცისა, მარადის მყოდო, შენ მონაო მყოდ ტირანისა!“) და „მ-ძვიფრ-ი“ („როცა პლმუოდნენ ხევში მძვიფრნი სასტიკნი ქარნი“). ამათგან პირველი მე პოეტუკა ლიცენცია მგონია და „მ-ყოფად-ი“ სიტყვის შეკუმშულ სახეს უნდა წარმოადგენდეს; მეორე კი ორი, სემანტიკურად მეზობელი და აკუსტიკურად თანაჟღერადი სიტყვების „მძვინვარე“ და „მძაფრი“ კონტამინაციით ანუ შერწყმით უნდა იყოს მიღებული.

ასეთი ოდენ პრეფიქსული წარმოება ინდივიდუალობის ბეჭედს ასევე ისედაც იშვიათად ხმარებულ ზმნურ ფუძეს — „ფრთონ“, მაგრამ მართო ეს ერთი მომენტი არ გახლავთ მიზეზი იმისა, რომ „ავ-ფთონი“ ილიასეულ სიტყვად მიჩინოთ — თუ მეტი არა, აქ არანაკლები მნიშვნელობა აქვს კომპოზიტის ნა-

ნილთა შინაარსობრივსა თუ ფორმობრივ „შეხამებადობას“. ერთი შეხედვით, აქ უჩვეულო არაფერია: ლექსემა „ავ“, როგორც ზემოთაც აღვნიშნეთ, საკმაოდ ხშირად გვევლინება კომპოზიტიის პირველ ნევრად, მაგრამ ასეთ შემთხვევაში კომპოზიტიის მეორე ნაწილი, როგორც წესი, სახელია: ავ (-კაცი, -პირი, -გული, -ყია, -ზორცი, -დარი, -სული)... როცა კომპოზიტიის მეორე ნაწილში მიმღეობა გვაქვს, „ავ“-ფუძე მაშინ ვითარებითი ბრუნვით ფორმდება: „ავად-მყოფი“. ზოგჯერ სემანტიკური კავშირი ნევრებისა ამგვარ მოდელში ისეთი მტკიცე არც არის, რომ ისინი ერთ სიტყვად, კომპოზიტად, აღვიქვათ და, ამის შესაბამისად, ერთად დავწეროთ: „ავად ზრდილი“, „ავად მოსაგონარი“, „ავად სახსენებელი“. ასე რომ, „მ-ფრთონ“-მიმღეობასთან მოსალოდნელი იყო „ავად“ და არა „ავ“: აქი არც ვამბობთ „ავ-მ-ყოფი“. მაგრამ ილიას ენაშივე დასტურდება გრამატიკულ მოდელთა ამგვარი „შენაცვლება“ — „ავ-მორწმუნე“ („ზაკეით სავსენო, ამორწმუნენო, ის თქვენ სიტყვით გნამთ და საქმით არა...“). „ავ-მო-რწმუნ-ე“ ისევეა ნაწარმოები, როგორც „ავ-მ-ფრთონ-ი“. ენობრივი წესიდან გადახვევის უფლებას ენავე იძლევა, ოღონდ ოსტატის ხელში, რომელიც ამ წესის დარღვევით პოეტურ კანონს აღასრულებს ხოლმე.

რამდენიმე სიტყვა თვითონ ფრთონ-ფუძეზე. მისი ეტიმოლოგიისათვის გასათვალისწინებელია ზოგი ფაქტი: ფრთონა განმარტებითი ლექსიკონის გარდა დადასტურებულია დავით ჩუბინაშვილის ქართულ-რუსულ ლექსიკონშიც: *ფრთონა*, ნ. *ფურთუნი*, *ფურთუნი* კი ასეა განმარტებული — *თათრ. ლელვა, волны у берегов*.

ამავე მნიშვნელობით იგი შეტანილია განმარტებით ლექსიკონშიც. ეს ფურთუნი ნიკო ჩუბინაშვილსაც დაუფიქსირებია თავის ქართულ ლექსიკონში: *ფურთუნი — ლადო, ზღვის ლელვა ძლიერის ქარისაგან, буря на море*, ... ფარნაოზ ერთელიშვილიც თავის მონოგრაფიაში „ზმნური ფუძეების ფონემატური სტრუქტურისა და ისტორიის საკითხები ქართულში“ (თბ. 1970 წ. გვ. 247-8) ფრთონას ფურთუნიდან მიღებულად მიიჩნევს: „ფრთინ<ფურ-თუნ... ფრთინვა (იხ. ფრთონა: ლელვა, რხევა, ქეგლ VIII) უკავშირდება ფუძეს ფურთუნ (ფურთუნი — ზღვის ლელვა, ნაპირის ტალღა, ქეგლ VII), ფურ-თუნ — ფრ-თუნ (მდრ. ფრთონ-ა)>ფრ-თინ“. პროფ. ს.ჯიქიამაც დაგვიდასტურა, რომ თურქულში მართლაც ყოფილა სიტყვა „ფირთინა“, რომელიც ქარბუქს, ავდარს ნიშნავს. მაგრამ, რამდენადაც ფრთ-ძირი ხმამობადვითი წარმოშობისა ჩანს („იმეორებს“ ტალღის ხმიანობას), იგი თურქულიდან ნასესხები არ უნდა იყოს.

როგორც უნდა განაწყდეს ფრთონ-ძირის წარმომავლობის საკითხი, ვფიქრობთ, სწორედ ეს ძირია გამოყენებული ილიას შთამბეჭდავ სიტყვა-ხატში — „ავ-ფთონი“.

აკაკი ბაქრაძის „კრიტიკული შენიშვნების“ გამო

ყოველგვარი სერიოზული კრიტიკა თავის წინა პირობად კრიტიკის ობიექტისადმი პატივისცემას გულისხმობს. პატივისცემა, ცხადია, არ ნიშნავს გუნდრუკის მარცხნივ და მარჯვნივ მიმოკმევას, არამედ — მხატვრული ნაწარმოების ღრმა და ყოველმხრივ შესწავლას (არა მხოლოდ გადაკითხვას) და ავტორისადმი კეთილისმსურველ დამოკიდებულებას. იქნებ ვცდებოდეთ, მაგრამ, ჩემი აზრით, კრიტიკოსმა არც მაშინ უნდა მოჰკიდოს კალამს ხელი, თუ მხატვრულ ნაწარმოებს ვერანაირ ღირსებას ვერ აღმოუჩენს, ვინაიდან არარაობის შესახებ წერა თავმეუკავებლობაა და სხვა არაფერი: კალმის გასვრდაც არა ღირს. ასეთ შემთხვევებში სიტყვაზე მეტად დუმილი კლავს. ამის შესახებ ალბათ განსხვავებული თვალსაზრისი აქვს კრიტიკოს აკაკი ბაქრაძეს, რომელმაც რეზო ჭეიშვილის ახალი რომანის — „დალის“¹ — შესახებ ამა წლის „ცისკრის“ მერვე ნომერში გამოაქვეყნა საკმაოდ მოზრდილი „კრიტიკული შენიშვნები“. რომანში კრიტიკოსს ვერავითარი ღირსება ვერ აღმოუჩენია და მას რ. ჭეიშვილის სერიოზულ მარცხად მიიჩნევს. ასეთი გამანადგურებელი დასკვნა მწერლის მიმართ, რომლის ტალანტში ეჭვი ალბათ არც აკ. ბაქრაძეს ეპარება, უდავოდ სერუპულოზური ანალიზის შედეგად და ერთგვარი შინაგანი ტკივილითაც კი უნდა გაკეთებულიყო. სამწუხაროდ, ასე არ მოხდა. უფრო მეტიც, „შენიშვნების“ ავტორი ხშირად არღვევს კრიტიკის ისეთ ელემენტარულ პირობასაც კი, როგორცაა საანალიზო რომანის ტექსტის ცოდნა. აი, ამის მაგალითებიც:

1. აკ. ბაქრაძე მწერალს უსაყვედურებს, ელგუჯა ვაშაძესა და დალი შელიას შორის ასაკობრივი სხვაობა რომ არის და დალის რომ ქმარი ჰყავს, ეს რეზო ჭეიშვილსაც დაავინყდა და ელგუჯასაცო (გვ. 102). თავი რომ დავანებოთ ამ კონტექსტში ავტორის უადგილოდ მოხსენიებას (რ. ჭეიშვილს რომ „დაპინყებოდა“, საინტერესოა, ამ ფაქტებს აკ. ბაქრაძე საიდან შეიტყობდა?), თურმე ელგუჯასაც უფიქრია ამ თემაზე: „იმ ქალს ჩემს სიცოცხლეში არ დავლაპარაკებ, ბოლოს და ბოლოს, რა ჩემი ტოლია“ (I, 65); „ვინ ელგუჯა, სად დალი? ყველაფრისთვის თავი რომ დაგვენებებინა, ერთი მაინც ლექტორი იყო, მეორე — სტუდენტი“ (II, 32).

2. აკ. ბაქრაძე: „(ელგუჯა) ჯერ იყო და გაუბედაობის გამო ქალთან უბრალო დალაპარაკებას ვერ ბედავდა. მერე კი, მოერია თუ არა გაუბედაობას, მაშინვე (დაყოფა ჩვენია, თ.კ.) დალის გაბახება მოინდომა. სხვისი მანქანით, სხვის აგარაკზე სხვისი ცოლი წაიყვანა და მისი გაუპატიურება მოინა-

¹ ჟურნალი „ცისკარი“, 1970 წ., 1-6.

დინა" (102). ჯერ ერთი, ქალ-ვაჟის გაცნობიდან ბევრმა წყალმა ჩაიარა, ვიდრე დალი სხვის მანქანაში ჩაუჯდებოდა და სხვის აგარაკში შეჰყვებოდა ელგუჯას, მეორეც არის და, საიდან დაასკვნა კრიტიკოსმა, რომ ვაჟმა ქალის გაუპატიურება სცადა?

3. აკ. ბაქრაძე: „რა განიცადა ელგუჯამ ტრაგიკულად? დალის სიკვდილამდე არაფერი" (106). ისევ უყურადღებობა! რომანის დასაწყისში ვეითხულობთ, რომ დედის გარდაცვალება ელგუჯამ ძალზე ავადმყოფურად განიცადა, „ცუდად გახდა და მოულოდნელად დაავიწყდა როდის, რით მოკვდა და როგორ დაასაფლავეს დედა. ვილაცამ თქვა, ამას მეხსიერების გამოთიშვა ჰქვიაო" (1, 22). დიდი სულიერი ტკივილი იგრძნო ელგუჯამ დალის „ღალატის" გამო, ამასაც ავადმყოფური მოვლენები მოჰყვა.

აკ. ბაქრაძე რომანის მთავარ პერსონაჟს ახასიათებს როგორც ზნედაცემულსა და გარყვნილ ადამიანს, სულიერ და ზნეობრივ იმპოტენტს, არარაობას, რალაც გარდამავალ რგოლს პიტეკანტროპსა და homo sapiens-ს შორის. ყოველივე ამას კრიტიკოსი შემდეგი საბუთებით ამტკიცებს:

1. ელგუჯა ხიდან უთვალთვალეებს, როგორ წეება ბადრი კილაძე კანონიერ მუღლესთან; 2. ელგუჯა ადამიანთა სულიერ შესაძლებლობებს ხელის გადანევიტ ზომავს; 3. ელგუჯა თავხედურად ელის სანოლში მასპინძლის ქალიშვილს; 4. ელგუჯას მთქნარება აუტყდება საყვარელი ქალის დასაფლავების უამს. ჩვენც ამავე თანამიმდევრობით განვიხილოთ ეს საბუთები:

1. კრიტიკოსმა ისე წარმოადგინა ელგუჯას ხეზე აძრომა და თვალთვალი, თითქოს ამ უკანასკნელს ის აინტერესებდეს, თუ „როგორ წეება ქმარი ცოლთან". ასეთი ავადმყოფური ცნობისმოყვარეობა მართლაც რომ ცვედანის გულისამრევი ეროტიკაა. მაგრამ ელგუჯას ის კი არ აინტერესებს, თუ როგორ წეება დალი ქმართან, არამედ — საერთოდ, დანწეება თუ არა დალი ქმართან. ქალს ხომ იგი უყვარდა; სულიერად რადგან მას ეკუთვნოდა, გულზრყვილო ელგუჯას აზრით, სხეულითაც მისი ერთგული უნდა დარჩენილიყო. როდესაც ელგუჯამ დალი და მისი შნოიანი მუღლე ერთად იხილა, მაშინლა შეუჯდა ეჭვის ჭია და თავგზა დააკარგვინა. რატომ გამორჩა კრიტიკოსს მხედველობიდან, რომ, როცა ცოლ-ქმარი დანვა, „ელგუჯა ოთახისკენ არც იხედებოდა"... (IV, 89). ასე რომ, ელგუჯას საქციელი არაფრით არ ეგუება კრიტიკოსის მიერ დანახულ საქურისის ულონო ენებას. ამ უკულმართულად გაგებულ ეპიზოდზე განა ღირდა ამდენი მელნის ღვრა და ლიტერატურული თუ ცხოვრებისეული ასოციაციების გაღვიძება? ჯერ იყო და ელგუჯას საქციელი არზაყან ზვამბაიას მოქმედებას შევეუდარეთ და არცთუ ორაზროვნად გადაეუკარით, რომ ეს პლაგიატია; ლიტერატურული „წინაპრის" დადგენის შემდეგ თანდათან ემზში შევედით და ელგუჯას ცხოვრებისეული პროტოტიპიც მოვიძიეთ. აღწერილი სიტუაცია მართლაც რომ იყოს აღებული „მავანი და მავანი კინორე-

ყისორის" ცხოვრებიდან, მაშინაც დიდი უტაქტობა იქნებოდა კრიტიკოსის მხრივ ამ ამბის ასე საჯაროდ გამოფენა; ათგზის უტაქტობაა, როცა მკითხველს ვაცნობთ ტრაგედიას, რომელსაც ელგუჯა ვაშაძის ამბავთან საერთო არაფერი აქვს.

აქ შეიძლება ნერტილის დასმა, რომ აკ. ბაქრაძე ელგუჯას ხეზე აძრომასთან დაკავშირებით მწერალს არ უსაყვედურებდეს: „პერსონაჟი შეიძლება შეცდეს და უკადრისი რამ ჩაიდინოს, მაგრამ სამუნჯარო ის არის, რომ მწერალმა პერსონაჟის მორალური დანაშაული უყურადღებოდ დატოვა... ამ საქციელს სჭირდება მწერლის მორალური და ემოციური დამოკიდებულება“ (102). მწერლისა და თავად პერსონაჟის დამოკიდებულება ამ ეპიზოდისადმი ჩანს, ამის დასაწახად კი სულ მცირე რამ არის საჭირო — მეტი გულისყურით ნაეკითხოთ ეს ადგილი: ხეზე ასული ელგუჯა „მთელი არსებით გრძნობდა, რა უხერხულ მდგომარეობაშიც შეიძლება ჩაეარდნილიყო, მაგრამ აღარაფერს ერიდებოდა... რა უნდოდა ამ შუალამეზე ხეზე, რა უნდოდა სხვის ოჯახში?.. დიდი ოთახის ბინადარი ნყნარად, უმფოთველად ემზადებოდნენ დასაძინებლად. ელგუჯა აქ რა მოხელე იყო, მისი ვის რა ემართა“... (IV, 85-86). აკ.ბაქრაძის აზრით, ეს ალბათ საკმარისი არ არის. მაშ რა უნდა ექნა მწერალს? რადგან ცდუნებას ვერ გაუძლო და ელგუჯა ხეზე ააძვრინა, ალბათ ამბის თხრობა განზე უნდა გადაედო და ლაზათიანად შეეხურებინა თავისი პერსონაჟი, რათა მკითხველებს არ შეჰქმნოდათ ილუზია, თითქოს რ. ჭეიშვილს მოსწონს საყვარელი ქალის ნახვის ეს ხარხი და მათაც მოუნოდებს ელგუჯას მიჰბადონ. რომანებში, ჩვეულებრივ, და „დალიშიც“, კერძოდ, მრავალი ეპიზოდია. გამოდის, რომ ავტორმა უნდა ჩააელოს მკითხველს ხელი, დაატაროს რომანის გვერდები და აუხსნას: ამან ქმრიანი ქალი შეიყვარა — ცუდია, ქმრიანი ქალი სხვას გაუმიჯნურდა — ესეც არანაკლები ცოდვაა, ქმარმა მოლაღატე ცოლს სცემა — ეს კიდევ უარესი; მე ამგვარი საქციელი არ მომწონს და, გეთაყვათ, ნურც თქვენ ჩაიდინთ ამას... და აღარ გვექნებოდა რომანი „დალი“, გვექნებოდა „ნუცას სკოლის“ მსგავსი თხზულება უმცროსი ასაკის მოსწავლეთათვის.

2. აკ.ბაქრაძე ელგუჯას გონებრივ სიდუხჭირეს ამტკიცებს იმით, რომ იგი თურმე ხელის გადანევიტ ზომავს ადამიანის სულიერ შესაძლებლობებს. ბიციფესებით ჭკუა-გონების გაზომვა მართლაც დიდი სიბრძნეა და კრიტიკოსთან ამის შესახებ სადავოც არაფერი გვექნებოდა, რომ რ. ჭეიშვილს ამის მსგავსი რამ ენეროს. რომანში აღწერილია ბანკეტი, სადაც ელგუჯას, ცნობილ მოჭიდავეს, თამადაობას სთხოვენ; მას კი თავისი ავადმყოფობა აკავენს, იცის, რომ სმა ავენებს, მაგრამ ბოლოს კი აფიქრებს: თუ ამ ხალხს, რომელსაც ხელს ნეკითაც გადაუწევ, ღვინო არ სწყენს, არც მე დამმართებს რამესო. რა შუაშია აქ ადამიანის სულიერი შესაძლებლობები? ორში ერთი: ან კრიტიკოსი სათანადოდ არ იცნობს ტექსტს, ანდა გარკვეუ-

ლი მოსაზრებით მას აყალბებს. მესამე გზა, რომ აკ. ბაქრაძეს ღვინის სმა ადამიანის სულიერ შესაძლებლობათა გამოვლენად მიაჩნია — უნდა გამოიციხოს.

3. ამავე ბანკეტის ბოლოს მთვრალი ელგუჯა მასპინძლებმა ცალკე ოთახში მოასვენეს. „პროვინციული უტიფრობა“ არისო მისი ფიქრი იმის შესახებ, რომ „ალბათ განგებ ცალკე ოთახში მანვენენ და მერე ბელაც მომაკითხავსო“ (V, 45). ისევე გვევინყდება (ან ვევიწყებთ), ამ გაფიქრებას წინ რა უძლოდა: ბანკეტზე ბელა სულ ელგუჯასთან ცეკვავდა, „ქალი უმიზეზოდ იცინოდა“ და როცა გვერდითა ოთახში განმარტოვდნენ, „ბელა კისერზე მოეხვია და ტუჩებზე დააცხრა... ისინი გამეტებით ბურჯგინდნენ ერთმანეთს“ (V, 43). შემდეგაც რამდენჯერმე გაიმეორეს ეს „სენასი“. ყოველივე ამის შემდეგ უპრიანია, რომ ნასვამ კაცს (პროვინციიდან იქნება იგი თუ მეტროპოლიიდან) გარკვეული ილუზიები შეჰქმნოდა.

4. დაბოლოს, ელგუჯას პირუტყვობის დამაგვირგვინებელ საბუთად აკ. ბაქრაძე მიიჩნევს მის საქციელს დალის დაკრძალვის ყამს. მართლაც, ნორმალური ადამიანისაგან ასეთ სიტუაციაში მთქნარება და თვლენა უხეში ცინიზმია. მაგრამ იყო კი ელგუჯა ვაშაძე იმ მომენტში ნორმალური? წინა ღამით იგი ხომ ძალით შეიჭრა ფსიქიატრიულ საავადმყოფოში და განაცხადა, ჩემი ძმა მთვარეზე ძალით გააგზავნეს და მალე ყველას იქითკენ გაგვისტუმრებენო. რატომ გამორჩა კრიტიკოსს მხედველობიდან ფსიქიკური დაავადების სხვა სიმპტომებიც: ცხედრის დანახვაზე ფეხის პარალიზება, ღრმა ძილი იქვე, საფლავებს შორის; დასასრულ, თვით მწერალი გვეუბნება, რომ მძიმე ფსიქიკურმა ტრავმამ ელგუჯას მეხსიერება ნაწილობრივ დაუბნელა. ის, რასაც აკ. ბაქრაძე პერსონაჟს უზნეობად და გულგრილობად უთვლის, სინამდვილეში დალისადმი ღრმა და ტრაგიკული გრძნობის გამოვლენაა. ერთგან კრიტიკოსი ცინიკოსობასა და მიზანთროპობას სწამებს რ. ჭეიშვილს, ერთ-ერთი შენი პერსონაჟის პროტოტიპი კლინიკური ავადმყოფია და შეშლილის დაცინვა მწერლობას არ ეკადრებაო. განა კრიტიკას კი ეკადრება ავადმყოფის ლანძღვა და ფსიქიკური აშლილობის გამოშვლენი სიმპტომებით მისი სულიერი ღირსებების განსაზღვრა? სიტყვამ მოიტანა და, არც ის პერსონაჟი გაუწიარავს აგრერიგად რ. ჭეიშვილს. აი, რა ათქმევინა ლიტმუშაკს მის შესახებ: „სხვათა შორის, არც ისე მოთავეებულია, ერთი შეხედვით რომ ჩანს. მუშაობს, ელექტრომონტიორია. არაფერი არ ეშლება, რომ იცოდეთ. ცოლშვილს არჩენს, მტერ-მოყვარე იცის და მეტი რა გინდა“ ... (II, 8).

როგორც დავინახეთ, კრიტიკოსის მიერ ელგუჯა ვაშაძის უვიცობისა და უზნეობის ნიშნად მოტანილი ოთხივე საბუთი გაუგებრობაზეა დაფუძნებული. საერთოდაც, ელგუჯა — როგორც ტიპი — მკითხველში, თუ ის წინასწარ არ არის ტენდენციურად განწყობილი, ამგვარ საშინელ ემოციებს არ აღძრავს. ვარსკვლავებს არ წყვეტს, მაგრამ არც სხვებზე ნაკლებია:

სკოლა ოქროს მედალზე დაამთავრა, სწავლობს, ჭიდაობს, კითხულობს, შეძლებისდაგვარად ცდილობს გაერკვეს არსებობის ურთულეს პრობლემებში, შინაგანად კეთილია, მოსიყვარულე. არც ძალიან გულადი, არც ზედმეტად მშობარა, მოკლედ, საშუალო ადამიანია თავისი ინტელექტითა და ტემპერამენტით და, როგორც ყველა ამ რანგის კაცი, არცთუ ძალიან საინტერესო. ხანდახან ლექსებსაც წერს. ცოტა მეტი ამბიცია რომ ჰქონოდა და ხელიც გაენაფა, იქნებ ლიტერატურის სხვა სფეროებსაც გადასწვდომოდა.

მწერალმა გვიჩვენა, რომ ელგუჯას არ ეყო ძალა და ინდივიდუალობა ქალაქის ატმოსფეროში წინ აღდგომოდა მანვე ზეგავლენას; თბილისმა იგი მოდრიკა. შემთხვევითი არ არის, რომ ელგუჯას, ამ სულიერად ორდინარულ პიროვნებას, ავტორმა სხვა სფეროში (სპორტი) გამოაჩენინა თავი. გლეხური სიუჟეტით ელგუჯა მიხვდა, თავისი შეზღუდული პატივმოყვარეობის დასაკმაყოფილებლად ეს გზა უფრო ადვილი და ნაღდი იყო. და საკმაოდ ზუსტად დანახული ფსიქოლოგიური დეტალია, რომ „გონების მოვარჯიშები“: ახალგაზრდა ლიტმუშაკი, დიმიტრი, გიგუშა, გურამ ყვავაძე და სხვები „სხეულის მოვარჯიშე“ ელგუჯას მეტ პატივს სცემენ, ვიდრე ერთმანეთს.

მაგრამ ხშირად სწორედ ორდინარობა იჩენს დიდ გამძლეობას: თბილისმა ელგუჯა მოდრიკა, მაგრამ ვერ დაჭმუჭნა. ის ჯანსაღი სანყისები, რაც მასში იყო, მინავლდა, მაგრამ არ ჩამქრალა. საჭირო გახდა დიდი სულიერი შერყევა და... ინყება, დაიწყოს, უნდა დაიწყოს კათარზისი. მწერალმა აქ წერტილი დასვა. მან გვიჩვენა — დასკვნების გაკეთება მკითხველზეა.

ა. ბაქრაძის ერთ-ერთი უმთავრესი დებულებაა: რომანის პერსონაჟთა ხასიათი და მათი ურთიერთდამოკიდებულება ლოგიკურ წინააღმდეგობაშია, „ზნეობრივად, მხატვრულად და ლოგიკურად დალი შელისა და ბადრი კილაძის ცოლქმრობა ტყუილია“ (108), ასევე სიცრუეა დალისა და ელგუჯას სიყვარულიც. ამ დებულების სისწორისათვის მთავარ მოქმედ პირთა ხასიათების აღქმა არის გადამწყვეტი. რამდენად სწორად აღუქვამს კრიტიკოსს ელგუჯას სახე, ეს ზემოთ გამოჩნდა; სამწუხაროდ, სხვათა პორტრეტებიც ტენდენციურად და სქემატურადაა დანახული. კრიტიკოსს, ცხადია, შეუძლია მათი ხასიათის სუსტ მხარეებზე აქცენტის გადატანით თავისი ვარაუდისათვის ხელსაყრელი მოდელი შექმნას და შემდგომ ამ თავისივე სქემისაგან ქვა ქვაზე აღარ დატოვოს. ეს გზა ადვილია, მაგრამ ნაკლებად კონსტრუქციული. სამწუხაროდ, ა. ბაქრაძე სწორედ მას ირჩევს ხშირად. ნაცვლად იმისა, რომ ენდოს პერსონაჟთა მწერლისეულ დახასიათებას და ავტორის ჩანაფიქრი უშუალოდ რომანის ტექსტის ანალიზიდან გამოიყვანოს და შეაფასოს, კრიტიკოსი ვარაუდის სახით მიანერს რ. ჭეიშვილს დებულებას, რომელსაც შემდგომ ადვილად არღვევს. მაგალითად: „იქნებ რ. ჭეიშვილს ეგონა, კონტრაპუნქტული ხერხით დავხატეო ელგუჯას სულიერი მდგომარეობა“... „იქნებ ელგუჯა გაორებული პიროვნებაა და მისი ფიქრები და საქციელი ეწინააღმდეგება ერთმანეთს“...

„შეიძლება კაცმა იფიქროს, დიმიტრი პაროდოულად განასახიერებს ცრუ ფილოსოფიას“... „იქნებ დალისა და ელგუჯას ურთიერთობაში პიგმალიონის პრობლემა დასმული“... და ყველა ამ „იქნებ“-ისა და „შესაძლოა“-ს გასაბათილებლად იღვევს დრო და მკიოხელის მოთმინება. ვითომ მწერლის კონცეფციას ვარღვევთ, სინამდვილეთ: „საკუთარ ჰიპოთეზებს ვებრძვით.

ბადრი კილაძისა და დალი შელიას დახასიათების დროსაც კრიტიკოსი ნაკლები წინააღმდეგობის გზით მიდის და ცოცხალი ადამიანური ხასიათების ნაცვლად შიშველ სქემას წარმოგვიდგენს: კილაძე აფერისტი, ჟურდი, სადისტი და კაცისმკვლელია, დალი კი — დახვენილი ინტელიგენტი. მათი ცოლქმრობა სიცრუეა, ვინაიდან მწერალი გვარწმუნებს, რომ დალი სულიერად და ხორციელად ამაღლებული ქალია. რ. ჭეიშვილს კი არც ბადრისთვის გამოუბამს ეშმაკის კუდი და არც დალისთვის — ანგელოზის ფრთები. ბადრი კილაძე ძლიერი პიროვნებაა, ამავე დროს — ნიჭიერიც. ამ თვისებათა შერწყმისაგან ჯვარიც შეიძლება მივიღოთ და ბარიც. მივიღეთ ბარი (აკ. ბაქრაძეს უკვირს: „მხატვარი კაცი რა სუბიექტური და ობიექტური მიზეზების წყალობით გახდა კრიმინალური დამნაშავე?“ — ვისაც რომანის გარემო და ატმოსფერო პანოპტიკუმად მიაჩნია, მისგან ასეთი კითხვა, მეტი რომ არა ვთქვათ, არალოგიკურია). ბადრი გარეგნულადაც შთაბეჭდავია და ეს მომენტიც მნიშვნელოვანი იქნებოდა დალი შელიასათვის (და ყველა ნორმალური ქალისათვისაც). დალი კი სუსტი პიროვნებაა არცთუ ისე მდიდარი სულიერი სამყაროთი და საშუალო ინტელექტით. მისი ხასიათი ქალურობის კვინტესენციას წარმოადგენს ყველა ნიშანდობლივი დადებითი თუ უარყოფითი ატრიბუტებით. მიუხედავად ამისა (იქნებ — სწორედ ამიტომაც), დალის სახე მეტიად ცოცხალი, დამაჯერებელი და სიმპათიურია. დალი შელიას ტრაგედია ის არის, რომ გადამწყვეტი ნაბიჯის გადასადგმელად მას სულიერი ძალა არ ჰყოფნის. ქმრისადმი ლალატი მხოლოდ სუსტი პროტესტია ბადრის შინაგანი დესპოტიზმის წინააღმდეგ, ქალური სტიქიური შურისძიება. უფრო ღრმად და შორს დალი ვერ იყურება, თუმცა ეს ნაბიჯი მას ელგუჯასადმი ნამდვილმა და ძლიერმა გრძობამ გადაადგმევინა. არ არის გამორიცხული, რომ უტყვემა ჭიდილმა უფრო ძლიერ პიროვნებასთან საპასუხო რეაქცია გამოიწვია; ქვეცნობიერად დალი შელიამ თავისი ყურადღება ბადრის ანტიპოდზე — ელგუჯაზე შეაჩერა. მასთან ურთიერთობაში, დალის ვარაუდით, თავად უნდა ეკარნახა თავისი ნება. მაგრამ დახლოვებას თან მოჰყვა ერთგვარი გულაცრუებაცა და განზიდვაც, რაც თითქმის ყოველთვის ნიშანდობლივია ამგვარი კავშირისათვის. „ამასაც მოვებზრდი“, — გაიფიქრა დალიმ ელგუჯასთან უკანასკნელი შეხვედრისას. ეს იყო დასაწყისი დასასრულისა. დალის საბედისწერო შეცდომა ისიცაა, რომ იგი ხედავს მხოლოდ ალტერნატივას: ან სხვის ნებას უნდა ემორჩილებოდეს, ან საკუთარი სურვილების ტყვე იყოს. ადრე დალი თავს იმით ინუგეშებდა, რომ „საკუთარი სურვილების, სიამოვნების დათრ-

გუნვა შეიძლება ქალს მეტ თავისუფლებას ანიჭებდეს" (III, 58), მაგრამ ეს მაინც არ არის სრული თავისუფლება. არის მესამე გზაც, გზა ხსნისა, რომლისთვისაც დალი მზად არ იყო. ამიტომ მისი ტრაგიკული ბოლო მხატვრულად და ლოგიკურად გამართლებულია.

ამრიგად, რ. ჭეიშვილის რომანის გმირები საკმაოდ ჩვეულებრივი ადამიანები არიან ოდნავ უჩვეულო, გამძაფრებულ სიტუაციაში. დალი შელია შორს არის იდეალიზაციისაგან, რასაც აკ. ბაქრაძე მიანერს ავტორს, ელგუჯა და ბადრიც არ არიან დაცემისა და არარაობის ეტალონები, როგორადაც ისინი კრიტიკოსს ესახებიან. აქედან გამომდინარე, არც ამ პერსონაჟთა ურთიერთდამოკიდებულება წარმოადგენს ზნეობრივ, მხატვრულსა თუ ლოგიკურ სიცრუეს.

აი, კიდევ ერთი ნიმუში რომანის პერსონაჟთა ხასიათის ბაქრაძისეული ანალიზისა. მას რატომღაც მიაჩნია, რომ „დიმიტრის მიმართ ავტორის დამოკიდებულება ირონიზირებულია (თუ: ირონიზებულია. თ.კ.)". რ. ჭეიშვილი კი წერს: „(დიმიტრი) კატეგორიულად უარყოფდა თანამდებობას, საყოველთაოდ გავრცელებულ აზრებს და შეხედულებებს, კარიერით მოპოვებულ სახელს და ფულს... სიკეთით და გულწრფელობით უფრო იგებდა სხვების გულს, ვიდრე საკუთარი ფილოსოფიით, რომელიც, კაცმა რომ თქვას, არც ჰქონია" (III, 38). კრიტიკოსი ასე ახასიათებს დიმიტრის: „დილიდან საღამომდე ბაღში ზის და მოძველებული სენტენციებით მოსაუბრეებს ყურს უჭედავს" (110). დიმიტრი კი, პირიქით, სენტენციების, მენტორობისა და ლაყბობის მტერია. თანაც დღისით იგი აკურატულად ასრულებს თავის სამსახურებრივ მოვალეობას. შემდეგ: „არც მისი პიროვნება და არც მისი აზრები არავიზე (თუ: არავისზე. თ.კ.) არავითარ ზეგავლენას არ ახდენს. მის ნათქვამს ერთ ყურში შეუშვებენ და მეორედან (თუ: მეორიდან. თ.კ.) გაუშვებენ. მაშ, რად სჭირდება მწერალს დიმიტრი? რა მხატვრულ ამოცანას ემსახურება იგი? ეს ძნელი დასადგენია" (110).

ჯერ ერთი, დიმიტრის ზეგავლენა სხვებზე და, კერძოდ, ელგუჯაზეც, დიახაც რომ დიდია. მეორეც არის და, მწერალს განა იმისთვის შემოჰყავს პერსონაჟი, რომ მის სიტყვებს ყური მიაპყრონ და დაუჯერონ? უცნაური დებულებაა!

აკ. ბაქრაძე საკმაოდ ადგილს უთმობს ელგუჯას მიერ მეხსიერების დაკარგვას და შემდგომ განკურნებას: „(დალის სიკვდილის) მერე კი ელგუჯას Nachgeschichte მწერალმა ფსიქოლოგიური ექსპერიმენტისათვის (?) გამოიყენა. ამ ნაწილში ელგუჯამ ჯერ მეხსიერება დაკარგა, მერე მოკვდა(?) და ისევ აღორძინდა(?). (გაიხსენეთ რასკოლნიკოვის ავადმყოფობა და აღორძინება)" (106); საკითხავია, რატომ უნდა გავიხსენოთ მაინცდამაინც რასკოლნიკოვის ავადმყოფობა? რა შუამია აქ რასკოლნიკოვი? განა ისეთ თვალსაჩინო ანალოგიასთან გვაქვს საქმე, რომ ყოველგვარი კომენტარის

გარეშე ამგვარი ფრაზა დავაგდოთ და მკითხველს მივანიშნოთ, რომ აქ პლაგიატია? შემდეგ: „სანყალი ელგუჯა, იმის გამო, რომ ყოველ წუთს მეხსიერებას კარგავს და პირადი ცხოვრების ესა თუ ის ეპიზოდი ავინყდება, ველარ ახერხებს ვერაფრის განცდას. დალის სიკვდილი როგორღა განიცადოს, როცა დალიც დაავინყდა, მასთან ურთიერთობაც და ამ ქალის სიკვდილიც. საკუთარი ბედი, შემთხვევით სიკვდილი თუ ალორძინება როგორღა განიცადოს, როცა ესენიც დავინყებას მიეცა. პერსონაჟის ტრაგიკული განცდების ჩვენებას რომ თავი აარიდოს, მწერალმა ეშმაკური ხერხი მოიგონა — დავინყება. ფსიქიატრების ენაზე ამ მოვლენას არ ვიცი რა პქვია (კაცმა რომ თქვას, ამის ცოდნა სწორედაც რომ არ გვანყენდა. თ.კ.), მაგრამ ლიტერატორების ენაზე კი მიფუჩეჩებად იწოდება“... (106-107).

თავად განსაჯეთ, არის თუ არა რაიმე ლოგიკა ამგვარ ეჭვებსა და ვარაუდებში? თუ რ. ჭეიშვილს გმირის ტრაგიკული განცდის ჩვენება ვერ ხელეწიფებოდა და ამ მიზნით დაუკარგა მახსოვრობა ელგუჯას, შემდგომ რადღა აღუდგინა? გამოდის, რომ ეს პრობლემა რომანში მხოლოდ ხუთიოდ ფურცლითაა გადატანილი. მეხსიერების დაკარგვიდან მის აღდგენამდე პერიოდშიც ამავე მიზეზით დაავინყაო პერსონაჟს ავტორმა. კი მაგრამ, დროის ამ მონაკვეთში რალა იყო ტრაგიკულად განსაცდელი, არტემასთან ჭიდაობა თუ ის, რომ აეარა ბიჭებმა მასხრობით ყურთან დენის გამიშვლებული მავთული მიადეს და შოკირებული ელგუჯა კინომექანიკოსმა ძლივს მოაბრუნა (ამ პროცესს აკ. ბაქრაძე მაღალფარდოვნად „სიკვდილსა“ და „ალორძინებას“ უწოდებს, რათა შემდგომ მწერალს უსაყვედუროს, რომ ასეთი მნიშვნელოვანი მომენტები არ განაცდევინა პერსონაჟს)?! გაუგებარია, რად მიანჩნია აკ. ბაქრაძეს ელექტროშოკი ტრაგიკულ ტრაემად: „ლიტერატურაში ხშირად მიმართავენ ხერხს, რომლის თანახმად ტრაგიკული ტრამეა (ლაფსუსია. თ.კ.) ტრაგიკული ტრამეითვე (აქაც! თ.კ.) იკურნება“ (107).

კრიტიკოსის ეჭვი ჩვენ უსაფუძვლო გვგონია. გაუგებრობის სათავე ტრაგიკული განცდის ჩვენების ხერხებსა და საშუალებებში უნდა ვეძიოთ. მწერალი ამ განცდებს გვიჩვენებს, კრიტიკოსს სურს, რომ კიდევ მოგვასმენინოს. ცხადია, ორივე მეთოდს აქვს არსებობის უფლება. ამიტომაც უმჯობესი იქნებოდა რ. ჭეიშვილის პროზისათვის ნიშანდობლივი ეს მანერა შეგვემჩინა და შეგვეფასებინა, ვიდრე მისთვის მწერლური ოინბაზობა შეგვენამებინა.

სამწუხაროდ, რ. ჭეიშვილმა ხელიდან გაუშვა შესაძლებლობა ერთი მოტივის დამუშავებისა, რომელსაც პირობითად შესაძლოა ვუწოდოთ არჩევანი ანუ გზები, რომელთაც ჩვენ ვირჩევთ. ფსიქოგენურმა ამნეზიამ ელგუჯას მეხსიერებიდან თბილისში ცხოვრების მონაკვეთი მთლიანად ამოაგდო. რ. ჭეიშვილმა ყოველგვარი ხელოვნურობისა და თხრობის რეალისტურ პრინციპებზე ძალდატანების გარეშე მოახერხა დრო უკან დაებრუნებინა. ელგუჯა

აქ უკვე სხვა გზას ირჩევს, მაგრამ იგი ისე სწრაფად წყდება, რომ მკითხველმა არ იცის, სად მიიყვანდა იგი რომანის გმირს.

საგანგებოდ უნდა აღინიშნოს ერთი მრავალტანჯული საკითხი: აკ. ბაქრაძე ხშირად პერსონაჟსა და ავტორს აიგივებს. „დალი“ ავტობიოგრაფიულ ჟანრს არ განეკუთვნება; რ. ჭეიშვილისათვის თხრობის არც ისეთი მანერაა ნიშანდობლივი, როცა ნაწარმოების ესა თუ ის გმირი ავტორის იდეების, მსოფლმხედველობისა და აზრების რუპორია. მაშასადამე, არც ელგუჯა და თომა ვაშაძეების ან გურამ ყვავაძის მსჯელობანი, ბაქრაძისეული ტერმინით — ეს „პროვინციული მედიტაციები“ — უნდა მიენეროს რ. ჭეიშვილს. მწერლის ირონია აქ ამკარაა. საოცარია, რომ კრიტიკოსი, რომელიც საგანგებოდ გახაზავს „დალის“ ავტორის ირონისტობას, სადაც ამკარა ირონიაა, იმ მომენტებს სერიოზულად აღიქვამს. ასეთი პასაჟები ძირითადად პერსონაჟთა დასახასიათებლად არის მოხმობილი და დამოუკიდებელი ღირებულების პრეტენზია არცა აქვთ. ელგუჯასაგან, თომა ვაშაძისაგან, ბიჭიკო კენჭაძისა და თუნდაც გურამ ყვავაძისაგან, როგორადაც მათ ჭეიშვილი ხაზავს, სწორედაც რომ მოულოდნელი და ხელოვნური იქნებოდა გენეტიკის, კოსმოსისა და ფიზიკის საკითხებზე ღრმა და ორიგინალური მსჯელობა. ამას ხომ, სამწუხაროდ, პროფესიონალებიც ვერ ახერხებენ ყოველთვის. განა დიდი სხვაობაა იმ „ლიმილისმომგვრელ პროვინციულ მედიტაციებსა“ და ამ მსჯელობას შორის: „ცხოველს არასოდეს უფიქრია სიცოცხლის მიზანსა, აზრსა და დანიშნულებაზე. ასეთი ფიქრი ნმინდა ადამიანური პრობლემაა. ხშირად გვაყინყდება, — ნუხს აკ. ბაქრაძე, — რომ ადამიანი მაშინ გახდა homo sapiens, როცა კრიტიკული აზროვნების უნარი შეიძინა. კრიტიკული აზროვნების წყალობით, ეჭვის თვალთ შეხედა გარემომცველ სინამდვილეს და უკეთესი მოიწადინა. უკეთესის სურვილმა დაბადა პროგრესი. ამდენად, კრიტიკული აზროვნება და პროგრესი განუყრელი ცნებებია. ისინი უერთმანეთოდ არ არსებობენ. ელგუჯა ვაშაძეს კი კრიტიკული აზროვნების უნარი არ გააჩნია“... (106). ამ მართლაცდა ლიმილისმომგვრელი ტირადის მიზანია დაამტკიცოს, რომ ა) ადამიანი არ არსებობს თვინიერ კრიტიკული აზროვნებისა, ბ) ელგუჯას არა აქვს კრიტიკული აზროვნების უნარი, გ) ელგუჯა არ ყოფილა ადამიანი. ამ ნატიფ სილოგიზმში რა მიზნით მოვიხმეთ პროგრესის ცნება, ეს ჩვენთვის ჯერჯერობით გამოცანაა.

აკ. ბაქრაძის აზრით, რ. ჭეიშვილი ირონისტია და არა ფსიქოლოგი. „დალის“ მარცხის ერთ-ერთი მიზეზი ისიცაა, რომ „მოულოდნელად ირონისტმა რეზო ჭეიშვილმა ფსიქოლოგი რეზო ჭეიშვილის მანტია მოისხა“ (106), რის გამოც ფსიქოლოგიური ირონიულში აირიაო. თავი რომ დავანებოთ უაზრო ქართულს (უნდა იყოს „ფსიქოლოგის მანტია მოისხა“, ვინაიდან — თუ არსებობს ფსიქოლოგი რეზო ჭეიშვილი, მაშინ საკუთარი მანტიის წამოსხმა მთელ სარკაზმს უკარგავს ფრაზას), განა ირონიული და ფსიქოლო-

გიური ურთიერთგამომრიცხველი ცნებებია? მაღალი რანგის ირონია ხომ მთლიანად ფსიქოლოგიურია.

მართალია, რეზო ჭეიშვილი ფსიქიკურ პროცესებს მთელი სიგრძე-სიგანით არ აანალიზებს (ეს არაა მისი ამბლუა), მაგრამ მის ირონიას უდავოდ მოეძებნება ფსიქოლოგიური საფანელი. იგი დიახაც ზუსტი ფსიქოლოგია; სხვანაირად შეუძლებელია ისე დაიჭირო და აჩვენო ადამიანის ხასიათი სულ ორიოდ ფსიქოლოგიური დეტალით, რამდენიმე მკვეთრი შტრიხით, როგორც ამას რ. ჭეიშვილი ახერხებს.

კრიტიკოსის დებულება, რომ მწერალმა ინტელექტუალურ დუელში ყოველთვის უნდა აჯობოს მკითხველს, ვინც არ უნდა იყოს ეს მკითხველი — თუ აქ პოეტურ ფიგურასთან არა გვაქვს საქმე — აბსურდია. აქ არეულია მხატვრული აზროვნება და ინტელექტი. რ. ჭეიშვილიც თურმე დამარცხებულა ამ დუელში, ვინაიდან მან „ვერ აჯობა მკითხველს ვერც აზროვნების და ვერც ემოციური სიმახვილის(?) თვალსაზრისით“. ვერ აჯობა იმიტომ, რომ მას თურმე არა აქვს დამოუკიდებელი მსოფლმხედველობა და სააზროვნო სისტემა(?). იგი მხოლოდ ამბის მომყოლია, „ამბის მოყოლას კი ავად თუ კარგად ყოველი კაცი ახერხებს“ (110). მაგრამ ეს ხომ კიმის (ყოფილი კიმოთეს) თვალსაზრისია, რომელიც ცხვირაბზეკით ამბობდა ახალგაზრდა მწერალთა ნაწერებზე, ასე ხომ მეც მოვახერხებო და უკვირდა, რომ „ასე ვერ ახერხებდა“. სად კიმოთე კეთილადე და სად აკაკი ბაქრაძე? კრიტიკოსს თუ დავესხსებოთ, სადაც წესია, აკ. ბაქრაძემ კიმოთეს ნეკით უნდა გადაუნიოს ხელი.

აკ. ბაქრაძემ თავისი სტატია ტრადიციულად დაამთავრა მწერლის გამომსახველობითი ხერხების კრიტიკითა და ენობრივ უზუსტობათა ჩამოთვლით. ამ ნაწილში კრიტიკოსს განსაკუთრებით ჰმარტებდა ტაქტი და სიფრთხილე, ვინაიდან ენის სფეროში დავა სიტყვის ოსტატთან მისსავე ბადალ ტალანტს მოითხოვს. აქ კრიტიკოსი თუ თავად არ არის მომადლებული მხატვრის ნიჭით, თუ ღრმად არ არის შეჭრილი მშობლიური ენის სტიქიაში, მისი ჭიდილი ხელოვანთან მუდამ მარცხით დამთავრდება. ასე დაემართა აკ. ბაქრაძესაც და ეს არ იყო მაინცდამაინც მოულოდნელი, თუ გავიხსენებთ ზოგიერთ ადგილს მისი სტატიიდან: „ერთ-ერთმა მათგანმა ღიად დარჩენილი ელექტრომავთულები გადმონია“... (106); „მთელი ეს ლაპარაკი არ სცილდება ელემენტარულ ცნობარში ამოკითხულ საყოველთაოდ ცნობილ ცნობებს“ (110); „ამ კაცის ცოლია დალი შელია. მაშინ დალი შელია ვინდა არის? მწერლის გარეგანი დახასიათებით პირველი ლამაზი ქალი თბილისში“ (108). ყოველ ლიტერატორს შეუძლია მოზრდილ ნაწარმოებში რამდენიმე ორთოგრაფიულ-გრამატიკული სახის შეცდომისა და სტილისტურად გაურანდავი ფრაზის აღმოჩენა (ამის შესაძლებლობას, სამწუხაროდ, იძლევა „დალი“) და, ცხადია, არც კრიტიკოსს გაუშვია ხელიდან ეს

შემთხვევები. ეს ეხება მკერა ზმნასთან თემის ნიშნისა და -მეთქი ნაწილაკის ნაცვლად -თქო-ს ხმარებას (თუმცაღა, აქაც, რევაზ ერისთავისა არ იყოს, აკ. ბაქრაძეს ზედმეტი ზაფრა მოჰრევიდა და შეცდომის საილუსტრაციოდ სწორი ფორმა აქვს მოხმობილი: რ. ჭეიშვილი ნერს: „გიგუშამ მოგართვათ-თქვა, უთხარი“ (V, 55); აკ. ბაქრაძის მიხედვით ეს ფრაზა ასე უნდა გასწორდეს: „გიგუშამ მოგართვათ-მეთქი, უთხარი“).

რაც შეეხება ბაქრაძისეულ რეცეპტებს, რომელ კონტექსტში რა სიტყვა როგორი სიხშირით უნდა იხმაროს რ. ჭეიშვილმა, ვიმეორებთ, ასე ღრმად შეჭრა მწერლის კომპეტენციაში კრიტიკოსისაგან ენის სტილისტურ-ექსპრესიულ საშუალებათა პოეტურად წვდომის უნარს მოითხოვს; გაუგებარია, რად არ მოსწონს კრიტიკოსს სიტყვები: ჩაგუდული, თმაგაცვენილი, გვერდულად, იჭყანება. ანდა, რით სჯობია ჯოხი კეტს ჭადრაკის დაფაზე ფიგურების გადასაადგილებლად?

რომანში ვკითხულობთ: „მაგიდაზე გორა-გორად ენყო ემაღირებულ გობებზე დალაგებული თეფშები“ (V, 55). კრიტიკოსი დაინტერესდა, მაინც რა ენყო მაგიდაზე, გობები თუ თეფშებიო? ვიმეორებთ: გობებზე დალაგებული თეფშები. განა გვაქვს აქ რაიმე ორაზროვნება?

რ. ჭეიშვილს უნერია: „ჯიბეში ახალი აღებული სტიპენდია ედო და ფულმა ბარძაყი გასწვა“ (I, 56). ალბათ „ბარძაყი დასწვა“, თორემ „ბარძაყი გასწვა“ რა უბედურებაა? — კითხულობს აკ. ბაქრაძე. მართლაც უბედურებაა, თუ ვერ ვამჩნევთ, რომ მწერლის მიერ ნახმარი ფორმა ამ მოქმედებას ანაზღვეულობის და დინამიურობის ელფერს ანიჭებს.

უსიამოვნო შთაბეჭდილება გვრჩება, როცა კრიტიკოსი დაუდევრად იმონებებს ადგილებს რომანიდან, თანაც თავის შეცდომას მწერალს ახვევს თავს, შემდეგ კი უსწორებს: „...ქალმა შესწივლა და სიმწარისაგან მუხლები ჩაეკეცა (თუ მუხლები მოეკეცა?)“ — შენიშნავს აკ. ბაქრაძე. ავტორს კი უნერია: „სიმწარისაგან მუხლებში ჩაიკეცა“ (V, 56).

წერილმანი კირკიტა და სხვა არაფერი აკ. ბაქრაძის ჩივილი, სიტყვა მელოტს რ. ჭეიშვილი არ აჭაჭანებს თავის რომანშიო. ვფიქრობთ, ამ ფაქტის დასადგენად დახარჯული დრო უფრო რაციონალურადაც შეიძლებოდა გამოეყენებინა კრიტიკოსს. ანდა, განა საკადრისია საქართველოს შეურაცხყოფა დასწამო მწერალს იმ ფრაზისათვის, რომელსაც რომანში ახალზელანდიელი მეცნიერი ამბობს: საქართველო ისე ლამაზია, როგორც დალი შელია. ძალზე ხომ არ გაგვიტაცა ყველგან და ყველაფერში სიმბოლოების ძიებამ?

* * *

ყოველივე ზემოთქმულიდან იმის ილუზია ნურავის შეექმნება, თითქოს რომანი „დალი“ უზადო ნაწარმოებად მიგვაჩნდეს. ზოგიერთი საკითხის შე-

სახებ ჩვენ, შესაძლოა, არანაკლებ პრინციპულად გვედავა ავტორთან, მაგრამ ამჯერად თვით რომანის გამონვლილვითი ანალიზი არ განვიცდრახავს. ჩვენ მხოლოდ იმის დასაბუთებას შევეცადეთ, რომ აკაკი ბაქრაძის „კრიტიკული შენიშვნები“ რეზო ჭეიშვილის ახალი რომანის შესახებ არ წარმოადგენს ობიექტურსა და საფუძვლიან კრიტიკას.

„ცისკარი“, N 11, 1970

ვის „პროზგავით“?

პატივცემულო რედაქციავ!

არ გამოვრიცხავთ, რომ ეს წერილი გამოქვეყნების ღირსად ცნოთ, ამიტომაც საჯაროდ და წინასწარ გიცხადებთ იმას, რისი თქმაც პირად პირად საუბარში ზედმეტადაც მიგვაჩნია: თუ რომელიმე გამოცემამ გარდაქმნა თავისი მუშაობა ახალი დროისა და სულისკვეთების კვალობაზე, „ახალგაზრდა კომუნისტი“, ჩვენი (და არა მარტო ჩვენი) აზრით, ერთ-ერთი იმათგანია. კაცი ბრმა უნდა იყო, ეს რომ ვერ დაინახო. თქვენ გამოცდილი ჟურნალისტები ბრძანდებით და გულმა, ალბათ, რეჩხი გიყოთ — იცით, წერილის დასაწყისში ქება-დიდებას, ჩვეულებრივ, რაც მოსდევს ხოლმე, მაგრამ, გვერწმუნეთ, ამას არც ვალის მოსახდელად და არც იმ „ჭრილობის“ დასაამებლად გეუბნებით, რომელსაც ეს წერილი, ალბათ, მოგაყენებთ: თამამი ჟურნალისტური ძიებისა და მიგნებების გზაზე წარმოუდგენელია, კაცს რაიმე არ შეეშალოს; დიდი უმადურობა იქნებოდა, ვინმე ეს ცალკეული შეცდომა დაიხვიოს ხელზე და წყალს გაატანოს ის ღირსებანი, რომლებიც „ახკომს“ ამ ბოლო წლებში შეემატა. ვიმეორებთ, წერილ-წერილ შეცდომებს საგაზეთო საქმიანობაში, ვაი რომ, თავიდან ვერ ავიცდენთ. მათზე საგანგებო ყურადღებას საჯაროდ არც ვაამახვილებდა კაცი, მაგრამ, როდესაც შეცდომა პრინციპულია და ამან, შესაძლოა, შორსმიმავალი შედეგებიც გამოიღოს, მაშინ მხოლოდ მტერი თუ დაგიდუმდებათ — ვაცადოთ, ამ გზით იარონ და ფეხსაც მალე ნაიტეხენო. სწორედ ერთ თქვენს ამგვარ შეცდომაზე მოყვრის, ოღონდ — არა „მოყვარე-მტრის“, პოზიციიდან უნდა გესაუბროთ.

საქმე ეხება ამა წლის 10 სექტემბერს თქვენს გაზეთში გამოქვეყნებულ თბილისის სახელმწიფო უნივერსიტეტის სტუდენტთა წერილს და ამ წერილს მიღვენებულ „სარედაქციო მინაწერს“, თუ შეიძლება „მინაწერი“ ეწოდოს თვითონ წერილზე ორჯერ მეტ მასალას, გაზეთის თითქმის ორი გვერ-

დი რომ უჭირავს. წერილმაც და მინაწერმაც დიდი ვნებათაღელვა აღძრა. ეს გასაგებია: საუბარი ხომ ტრანსკავკასიური რკინიგზის მშენებლობას ეხება, რამაც მთელი ჩვენი საზოგადოება აახშიანა — და არცთუ უმიზეზოდ. საქმე მხოლოდ ის არ გახლავთ, რომ რკინიგზის მშენებლობას თავისი გულმხურვალე დამცველებიცა ჰყავს და თავგამოდებული მონინააღმდეგეებიც, არა, მთავარი ის მოვლენაა, რამაც ეს „მონინააღმდეგე ბანაკები“ წარმოშვა და რაც არა მარტო და არა იმდენად ეკონომიკური, რამდენადაც სულიერ-კულტურული ღირებულებებით უნდა შეფასდეს და გაიზომოს. ფართო საზოგადოებრივი ჟღერადობა კი ამ, ჩვენი აზრით, ჯანსაღ პოლემიკას მიანიჭა დღევანდელმა ზნეობრივმა ატმოსფერომ: ტრანსკავკასიური რკინიგზის ავ-კარგის გარჩევა ქართველი საზოგადოებისათვის მივიწყებული დემოკრატიზმისა და გადაჩვეული „მართლის თქმის“ ასპარეზად იქცა; იღვიძებს მითვლემილი მოქალაქეობრივი განცდა, ცოცხლდება დისკუსიის კულტურა და პათოსი საზოგადოებრივად საჭირობოროტო საკითხებზე.

ასე რომ, ტრანსკავკასიური რკინიგზის ირგვლივ გაჩაღებული კამათი გარდაქმნის სადღესო მოთხოვნის — საჯაროობისა და დემოკრატიზმის — გამოვლინებაა და მის საქმიანად, კორექტულად და კონსტრუქციულად წარმართვას, ვფიქრობთ, ყოველმხრივ უნდა შეეწყოს ხელი.

თუმცა, ამთავითვე მოგახსენებთ: ამჯერად ამ კამათში ჩარევას არ ვაპირებთ — მხოლოდ დისკუსიის იმ პრინციპსა და ტონზე გვინდა გაგიზიაროთ ჩვენი მოსაზრებები, ზემოაღნიშნულ თქვენს პუბლიკაციაში რომ იჩინა თავი.

დავინწყით ამით: რატომ დაიბეჭდა სტუდენტთა წერილი ხელმოწერულად? სხვისი რა მოგახსენოთ და, ჩვენ ამ წერილის წაკითხვის შემდეგ ძალიანაც დავინტერესდით, თუ ვინ არიან ის ახალგაზრდები, ასე გულიანად და მონდომებით რომ შესჭიდებიან მამულისათვის ესოდენ საჭირობოროტო პრობლემებს! წერილის ავტორებში, იმისდა მიუხედავად, მართალი არიან ისინი თუ არა, ძალუმად ფეთქავს მოქალაქეობრივი ძარღვი, ისინი ჩვენთვის სიმართლის მაძიებელ, სიმართლით დაინტერესებულ პიროვნებებად წარმოჩნდნენ. ამის შინაგანი რწმენა მათ, ეტყობა, ჰქონდათ კიდევ, როდესაც წერილისათვის ხელი მოუწერიათ, თქვენ კი ამ გაგანია საჯაროობის ყამს რატომღაც წერილი გააანონსიურეთ. ამასთან დაკავშირებით თქვენ განმარტავთ: „ჩვენ მათი ხელმოწერები არ გამოვაქვეყნეთ, რადგან ვფიქრობთ, რომ აქ მთავარია არა ავტორთა გვარები, არამედ მათი მოსაზრებები, მათი პოზიცია, ასე განსხვავებული მთლიანად ჩვენი სტუდენტობის პოზიციისაგან“. ცოტა არ იყოს, უცნაური არგუმენტია — განა რომელია ისეთი სტატია, მთავარი მასში ავტორის პოზიცია და მოსაზრებები რომ არ იყოს? ამ ლოგიკით ხომ ყოველი მასალა ხელმოწერულად უნდა გებეჭდათ? თუ — მხოლოდ განსხვავებული მოსაზრებებისა და ორიგინალური პოზიციის მქონე ავტორები უნდა „გავაუჩინაროთ?“ შეიძლებოდა გვეფიქრა, რომ რედაქციამ იზ-

რუნა ავტორებზე და მათი ვინაობა არ გაამხილა, თორემ აღმწოთებული სტუდენტობა მოიკვეთდა თავის „განმდგარ თანამოძმეებს“, თქვენი სიტყვებით — „ასე განსხვავებული მოსაზრებებისა და პოზიციის მქონეთ მთლიანად ჩვენი სტუდენტობის პოზიციისაგან“. მაგრამ, შეგვინდეთ და, ამ უკანასკნელი განცხადების გულწრფელობას ვერ დაგიჯერებთ: ჯერ ერთი, ვინ გამოიკვლია ან „მთლიანად“, ან, თუნდაც, „ნაწილობრივ“ ჩვენი სტუდენტობის პოზიცია? თუ გამოიკვლია, შედეგები სად გამოქვეყნდა? ჩვენ ყოველდღიური კავშირი გვაქვს სტუდენტთა დიდ მასასთან და ვიცით — წერილის გამოქვეყნებამდე ამგვარი გამოკითხვა არ ჩატარებულა... თანაც, ამგვარი უაქვლაციო განცხადების გაკეთებამდე, ჩვენი აზრით, იმაზეც უნდა გეფიქრათ, რომ მკითხველს უთუოდ გაუჩნდებოდა ეჭვი: თუ წერილის ავტორების მოსაზრებას სტუდენტთაგან არავინ იზიარებს, მაშინ განა უპრიანი არ იქნებოდა, სტუდენტებს ისევე სტუდენტები დაჰპირისპირებოდნენ?

ამ ერთ შეცდომას, სამწუხაროდ, სხვაც მოჰყვა: რედაქციამ თავისი პასუხი ააგო სტუდენტთა მოსაზრებების სრული და კატეგორიული უარყოფის პრინციპით. სტუდენტებს თქვენ აბრალებთ სხვათა მოსაზრებების შეუნყნარებლობას, რადიკალურობასა და „აგრესიულობასაც“ კი, მაგრამ თქვენი „მინანერი“, თუ არ სჭარბობს, თორემ ამ თვალსაზრისით არაფრით ჩამოუვარდება წერილს. თანაც, სიმართლე გითხრათ, ძნელი გასაგებია, რაში გამოიხატება სტუდენტთა არაკომპეტენტურობა და აგრესიულობა. წერილი, ჩვენი აზრით, დანერვილია საკმაოდ გონივრული გეგმით, სათანადო ინფორმაციის ფლობით და გამოხატავს მშენებლობის მოწინააღმდეგეთა პოზიციას, უკვე საკმაოდ გამოკვეთილს პრესაში გამართული დისკუსიებითა თუ ზეპირი განხილვებით. როგორც უარყოფელთა, ასევე მხარდამჭერთა არგუმენტებიდან ზოგი უკვე გამოითქვა, ზოგიც, ალბათ, გამოითქმება. ჯერჯერობით, ყოველ შემთხვევაში, ტრანსკავკასიური მაგისტრალის შესახებ თვით სპეციალისტთა შორისაც ერთსულოვნება არ სუფევს. ასეთ სიტუაციაში ახალგაზრდული გაზეთის რედაქციისათვის თავისი „მრევლის“ ერთი ნაწილის აზრი განა თავიდანვე ასე განწირული უნდა ყოფილიყო? ანდა სტუდენტურ რადიკალიზმს, ასაკობრივი ფაქტორით შეპირობებულს, ასე ყალყზე უნდა შევხვედროდით? სტუდენტთა ამ ერთგვარ პოლემიკურ „გაცხარებას“, ჩვენი აზრით, გამძაფრებული მამულშივილური გრძნობა და საზოგადო ინტერესები უძევს საფუძვლად, თქვენი გაცხარების მიზეზები კი, შეგვინდეთ და, ჩვენთვის ამოუხსნელია.

აი, სწორედ აქ არის თქვენი მესამე და უმთავრესი შეცდომა: თქვენი ემოციური დამოკიდებულება წერილის ავტორებთან, „მინანერის“ ტონი, აბსოლუტურად მიუღებელი ირონია „უნივერსიტეტის სტუდენტთა“ არაკომპეტენტურობაზე, ზედაპირულობაზე, ინფანტილურობაზე. ეს ტონი არ გამოდგება ჩვენი უმცროსი კოლეგების მიმართ, ვინც აგერ ჩვენს თვალწინ არა მარტო მეცნიერებას სწავლობს, არამედ — მოქალაქეობას, ერისშვილობას, სამშობლოს

პატრონობას. თუ რამე ეშლებათ (და შეუმცდარნი ვინა ვართ ამ წუთისოფელში), ამას ტაქტიანად და კეთილგანწყობით უნდა გასწორება და არა ამგვარი ირონიული ქილიკით: „ავტორები წერილში დიდ ადგილს უთმობენ რაიონის სეისმურობას: ისინი მეტად საჭირო და საინტერესო ინფორმაციას გვანვლიან იმის შესახებ, რომ 7-ბალიანი მიწისძვრა მეტია 6-ბალიანზე და მასზე ძლიერია, ხოლო 8-ბალიანი ორივეს ჭარბობს“ (სიტყვამ მოიტანა და, სეისმურობაზე მსჯელობისას არც თქვენი არგუმენტი უნდა იყოს მთლად დამაჯერებელი: „მიწისძვრების დროს რკინიგზა სხვა ნაგებობებთან შედარებით ნაკლებად ზიანდება“ — რკინიგზასთან დაკავშირებით, ეს „ნაკლებ“ ვითომ დიდი შელავათია?). ან რა არის დასაცინი იმაში, რომ სტუდენტები „გასცნობიან ლიტერატურას, პრესას, ქართულ ენციკლოპედიაშიც ჩაუხედავთ, „მეტყვეის ცნობარიც“ უნახავთ“, რომელიც, თურმე, „ძნელი საშოვნელი არ ყოფილა“... მსგავსი წყაროებით განა თქვენც უხვად არ სარგებლობთ თქვენს „მინანერში?“

სამწუხაროდ, კორექტულობა და ტაქტი სარედაქციო „მინანერში“ დარღვეულია არა მარტო „უჩინარ“ სტუდენტთა მიმართ, არამედ დიდად „გამოჩინებულ“ თბილისის სახელმწიფო უნივერსიტეტის წინაშეც... ვიცით, მძიმე ბრალსა გდებთ, ვიცით, რომ „ახკომელები“ ძირითადად სწორედ უნივერსიტეტის დაზრდილ-დაფრთიანებულები ხართ, ვიცით, რომ იგი არავისზე ნაკლებ არ გიყვართ და გეძვირფასებათ, მაგრამ... სწორედ იმ პოლემიკურმა სიფიცხემ (სხვა რა უნდა ვიფიქროთ?), რასაც სტუდენტებს უკიჟინებთ, „უძლები შეილის“ მდგომარეობაში ჩაგაყენათ თქვენი „ალმა მატერის“ წინაშე. ღმერთმა დაგვიფაროს იმ ცოდვისაგან, როცა მშობელ დედას ხელს ნააჩვევენ, მაგრამ მისთვის არც ენის ნაჩვევა გვეკადრება არავის... სტუდენტთა განცხადებას — „ხელთ გვაქვს საქართველოს სსრ მეცნიერებათა აკადემიის სხვადასხვა ინსტიტუტების მიერ გაცემული მეტად მნიშვნელოვანი ცნობები, რომლებიც უნივერსიტეტის რექტორატის მხარდაჭერითა და ქალთა საბჭოს უშუალო დახმარებით მოვიპოვეთ“ — თქვენ ამგვარი კომენტარი გაუკეთეთ: „რაც შეეხება სამეცნიერო დანებებულებების ოფიციალურ ცნობებს, ბუნებრივია, მათ ჰაიპარად და უმისამართოდ არავინ გაცემდა. ავტორები პირდაპირ აცხადებენ, რომ ეს „მეტად მნიშვნელოვანი ცნობები“ უნივერსიტეტის რექტორატის მხარდაჭერით და ქალთა საბჭოს უშუალო დახმარებით მოვიპოვეთ. მაგრამ, ჩანს, მხარდაჭერა და დახმარება ცნობების მოპოვებას არ გასცილებია, რადგან წერილს აშკარად აკლია უნივერსიტეტისათვის საკადრისი და დამახასიათებელი სიღრმე, კომპეტენტურობა და აკადემიური ტონი. არადა, კარგი კი იქნებოდა თვალი გაედევნებინათ, როგორ გამოიყენეს სტუდენტებმა ცნობები“.

ჯერ ერთი, რას ნიშნავს — როგორ გამოიყენეს? ჩვენი აზრით, ეს თქვენი საკადრისი შეკითხვა არ არის. გამოიყენეს იმ სტატიაში, რომელიც თქვენვე წდობით გაახლეს დასაბეჭდად...

ახლა ვნახოთ, როგორი არჩევანის წინაშე დააყენეთ ამ საკითხთან დაკავშირებით მკითხველი: თქვენი მსჯელობით, უნივერსიტეტის ხელმძღვანელობას ან არაკომპეტენტურობა გამოუვლენია, ან — დაუდევრობა... უფრო — დაუდევრობა. ეს უნუგეშო ალტერნატივა სტუდენტთა წერილის თქვენეული შეფასებიდან გამომდინარეობს და, ჩვენი აზრით, საფუძველშივე მცდარია. ისიც საკითხავია, რატომ უნდა მოეხვია უნივერსიტეტის რექტორატს ან ქალთა საბჭოს სტატიის ავტორებისათვის თავისი მოსაზრებანი სადისკუსიო საკითხზე? თქვე დალოცვილებო, თქვენსავე გაზეთში ამდენს წერთ საშუალო სკოლაში თვითმმართველობასა და „თანამშრომლობის პედაგოგიკაზე“ და ახლა უნივერსიტეტის რექტორატისაგან მოითხოვთ, სტუდენტი რომ საგაზეთო სტატიას დანერს, ის უკონტროლოს და უსწოროს?

სხვა შემთხვევაში პოლიტეკონომიის სწავლების არასახარბიელო დონეს მიანიშნებთ: ავტორებს, უნივერსიტეტის სტუდენტებს, თურმე ნუ იტყვიოთ და, „ავიწყდებათ პოლიტეკონომიის კურსში ნასწავლი ელემენტარული ნესები შრომის საზოგადოებრივი განაწილების შესახებ, ავინყდებათ, რომ არსებობს სასოფლო-სამეურნეო წარმოების სპეციალიზაცია...“ რა ვუყოთ, შესაძლოა წერილის ავტორ სტუდენტებს ჯერ არც ჰქონდეთ პოლიტეკონომიის კურსი გავლილი, მაგრამ ვისაც ეს კურსიც გავლილ-ჩაბარებული აქვს და სასოფლო-სამეურნეო წარმოების საკითხებში, წესით, უკეთ უნდა ერკვეოდეს, მათ ნუთუ მართლა სჯერათ, რომ „მთელი საქართველო, მათ შორის ფშავ-ხევსურეთიც — სახნავ-სათესად რომ იქცეს და ყველგან ხორბალი დავთესოთ, რესპუბლიკას პური, ალბათ, — მაინც შემოსატანი ექნება?“ აი, რა შეიძლება დაგვანერხოს „ეურნალისტურ ეფექტებს“ გამოდევნებამ...

თქვენს „მინანქრში“ ერთგან ასეთი, როგორც თქვენვე ბრძანებთ, „მოუქნელი ხერხისათვის“ მივიმართავთ: წერილის ავტორებისათვის კითხვა ამგვარად შეგიტრიალებიათ: „ვისთვისაა ხელსაყრელი შექმნილ ვითარებაში ასეთი განცხადების გაკეთება? რამდენად უანგარონი არიან წერილის ავტორები?“ დაუშვათ, რომ სტუდენტებმა ვერ მოზომეს და პროექტის ავტორთა კეთილსინდისიერებაზე დაუსაბუთებელი ეჭვი გამოთქვეს. განა რედაქციას არ შეეძლო ტექსტის ამ ნაწილში თუნდაც რედაქტორული სწორება შეეტანა? თორემ ახლა რა გამოვიდა: თქვენ ეს ეჭვი საჯაროდ გამოათქმევინეთ სტუდენტებს, ამისთვის ისინი გაციხებთ, მერე კი ამ ხერხს მათვე დაესესხეთ და, ჩვენი აზრით, უფრო უცნაური, მეტი რომ არა ვთქვათ, ეჭვი გამოთქვით.

ახლა შევაჯამოთ: ჩვენ ასე გვწამს — თქვენმა გაზეთმა ისე გარდაქმნა მუშაობა, რომ ახალგაზრდობას თქვენი სჯეროდა და გენდობოდათ. ამის დამადასტურებელი გახლდათ ის ფაქტიც, რომ უნივერსიტეტის სტუდენტებმა თავიანთი წერილი გამოსაქვეყნებლად სწორედ თქვენ მოგიტანეს. რედაქციამ კი ამ შემთხვევაში რატომღაც თავის არჩეულ გეზს გადაუხვია და კეთილსინდისურველი და ლოიალური მეგობრისა და მრჩევლის ნაცვლად

პირგამეხებული ბრალმდებლის შეუფერებელ როლში მოველინა მათ. არა-და, თუნდაც გულახდილობის, ნდობისა და საკუთარი აზრის მქონებლობისათვის ისინი, ღმერთმანი, ასეთ „გაროზგვას“ სწორედ რომ არ იმსახურებდნენ. ამას კი, შესაძლოა, ის შედეგი მოჰყვეს, რომ თქვენ კალმის ერთი მოსმით წყალს გაატანოთ ამდენი შრომითა და რუდუნებით, მისხალ-მისხალ შეგროვებული ნდობა ახალგაზრდობის მხრივ.

გვენდეთ, ეს სატიკივარი გახლავთ ჩვენი ამ წერილის მთავარი პათოსი. ასეთ „მკვახე შეძახილს“ მაშინ აქვს ფასი, როცა მთქმელიცა და მსმენელიც ერთმანეთს პატივსა სცემენ. აქამდე ასე იყო, იმედს ვიტოვებთ, ანიც ასევე იქნება. ამის გარანტიად გვეგულების ყველასათვის საერთო ის სურვილი, რომ ჩვენი ახალგაზრდობა აღიზარდოს თავისი ქვეყნის გულშემატკივრად, რომ პრიმიტიული მომხმარებლის მაგივრად, რომლისგანაც უკეთეს შემთხვევაში ობივატელი, უარეს შემთხვევაში კი ლოთი, მკვლეელი და ნარკომანი ყალიბდება, ჩვენი ახალგაზრდობა საქართველოს მომავალზე ფიქრსა და ზრუნვაში დაიღალოს, მისი ავ-კარგით იხაროს თუ ინვალოს, ადამიანობა და მამულიშვილობა ისწავლოს; რომ სწავლასა და შრომაში გამოიბრძმედოს, ქვეყნისათვის მიდგეს-მოდგეს, გაისარჯოს, ზოგჯერ ამ გზაზე თუნდაც შეცდეს, ოღონდ მიხედეს ამ შეცდომას, თავად გაასწოროს, მერე სხვასაც გაუსწოროს, მაგრამ გაუსწოროს მოყვრულად — მოკლედ, „იმოძრაოს“ და „უძრაობით“ არ დაიღუპოს.

მთელი უნივერსიტეტის სახელით ლაპარაკის უფლებას საკუთარ თავს, ცხადია, ვერ მივცემთ, მაგრამ გვერწმუნეთ — არც მხოლოდ ჩვენი სახელით გვიკადრებია თქვენთვის ზემორე თქმული.

„ახალგაზრდა კომუნისტი“, 19.11.1987 წ.

სოტა რამ მჯიღზე, დედაენაზე და კვირსხისმღაბელ მამლაბზე

ბატონ ნოდარ კაკაბაძის „ღია წერილი“, ავტორისავე თხოვნით, წინასწარ გადმომცა გაზეთ „თბილისის“ რედაქციამ გასაცნობად და აზრის გამოსათქმელად. „ღია წერილი“ ერთგვარი ლიტერატურული ხერხია საზოგადოებრივად მნიშვნელოვან ამა თუ იმ საკითხზე მკითხველის ყურადღების გასამახვილებლად, თორემ კერძო სათქმელს ბატონი ნოდარი პირად საუბარშიც მეტ-

ყოდა... მე კი ვარჩიე, საზოგადო ინტერესის შემცველი საკითხების „გასარჩევად“ მაინც უშუალოდ მკითხველისათვის მიმემართა.

უყოყმანოდ ვიზიარებ „ღია წერილის“ ავტორის პუბლიცისტურ პათოსსა და ირონიანარეე გულისტკივილს — ახლა ყველანი ვაუჟაცობაზე ვდებთ თავსო. მართლაც, დღეს, აქაოდა არ უშლიანო, ბევრმა ჩაინმინდა ყელი და აგვიკაკანდა — ჩემმა ყიყლიყომ გაგითენათო, თითქოს არ გვახსოვდეს, რა ნამამლკვერცხებსაც გვიდებდნენ ისინი წლიდან წლამდე... თუმცა — გვახსოვს კი? დემოკრატიათა თავისი ტრადიცია და კულტურა აქვს, რაც საზოგადოებრივ მახსოვრობას გულისხმობს; ჩვენში? ჩვენში — თუ ვინმემ პირადად გვანყენინა, ამას კუბოს ფიცრამდე ვერ მოვინელებთ, სამაგიეროდ საზოგადოებრივი მახსოვრობა გვღალატობს ხშირად, ამიტომაც ვეტყუებინებით ამ მოპოლიტიკოსო „ქამელეონებს“: თავის ორკაპა ენას ეს ხალხი დღესაც ისევე მარჯვედ ასხმარტალებს, როგორც გუშინ — ცალი წვერით რომ ავანსცენიდან დაყირავებულეხს ანთხეხს გესლს, მეორით ფეხს ულოკავს ავანსცენაზე მდგომთ. მათს ამგვარ „ხელოვნებას“ ყოველთვის იყენებდნენ და, ალბათ, კელავაც გამოიყენებენ, თუმცა ზოგჯერ ზიზლითაც მოუსვრიათ ისინი განზე — ეს ავანსცენაზე მდგომთა ზნეობასა და პრინციპებზეა დამოკიდებული. განა მათ არ იცინან, რომ დღეს გუნდრუკის მკმეველები ხვალ, თუ ფეხი დაუცდათ, მათვე მიყირიან ქვასა და გუნდას? იცინან, მაგრამ, ვაი, რომ ზოგჯერ ნარმავეალი ინტერესები და ტაქტიკური მოსაზრებანი ჩრდილავენ ხოლმე ნარუვეალ ლირებულებებსა და სტრატეგიულ მიზნებს. ესეც „მოკლე ხსოვნის“ ტრაგიზმია და ბატონ ნოდარ კაკაბაძის მწარე შეკითხვა — რატომ ჰგონიათ, რომ ხალხს ასეთი „მოკლე“ მეხსიერება აქვსო, ჩემი აზრით, მარტო „ქამელეონებს“ კი არ ეხება, არამედ „ავანსცენაზე მდგომთაც“ ... უფრო მეტიც — გეგხება ყველას.

მაგრამ ისიც გულწრფელად უნდა ვთქვა, რომ „ღია წერილის“ ეს მართებული მიზანდასახულება რამდენადმე გაამრუდა უმართებულოდ მოხმობილმა ფაქტობრივმა მასალამ და ამ ფაქტთა მიკერძოებულმა ანალიზმა.

მამ ასე, დავინყებ იმ საბაბით, რამაც საშუალება მისცა პროფესორ ნოდარ კაკაბაძეს თავისი, ზოგადად მართებული, გულისტკივილი და აღმფოთებაც კი გამოეხატა. ეს საბაბი გახლავთ ჩემ მიერ გამოთქმული მოსაზრება, რომ ამ ათი წლის წინათ, როცა ჩვენს დედაენას საფრთხე დაემუქრა, „მთელი ჩვენი საზოგადოება ერთ მჯილად შეიკრა“ ... ბატონმა ნოდარმა ეს „სანახევროდ ნათქვამ სიმართლედ“ ჩამითვალა.

სანახევროდ სიმართლის მთქმელიდან სანახევროდ მატყუარამდე ნახევეარი ნაბიჯია და, არა მგონია, ვინმეს ეს ნოდება სასიამოვნოდ დაურჩეს. გამონაკლისი არც მე გახლავართ. მით უფრო, რომ „ღია წერილში“ სახელდებით ჩემ გარდა არავინ მოიხსენიება, არ მოიხსენიებიან ის „კაპიტულანტები“, რომელთა სამხილებლადაც აულია ავტორის ხელთ კალამი. აქედან გამომდინარე, მკითხველი, ალბათ, ერთგვარი უნდობლობითაც მოეკიდება ბატონ

ნოდარის გულწრფელ, თუმცა — გაზვიადებულ შეფასებას ჩემი საქმიანობისას. მაგრამ ეს არაა მთავარი: პოლემიკურ სიტყვარეში ხშირად დაჰკინყნიათ, თუ როგორ წარმოაჩენენ (ნებისთი თუ უნებლიეთ!) მოპირისპირე მხარეს... უფრო უჩვეულო ის გახლავთ, რომ პროფესორმა ნოდარ კაკაბაძემ, ჩემი აზრით, ნაკლებად იზრუნა იმაზეც, თვითონ როგორ წარმოჩნდებოდა მკითხველის თვალში: ექვსი „კაპიტულანტური“ და მთავრებული აზრის პერიფრაზი მოგვანოდა, ინტერესი აღგვიძრა — ნეტა ვინ იყვნენ მათი ავტორებიო და... ამ ექვსეულიდან ერთის გვარიც არ დაუსახელებია: არ მინდა მათი საქვეყნოდ გამოქვენება, აი, აქ კი მე არ ვარ ბოლომდე თანამიმდევრულიო. კი მაგრამ — მკითხველი? ზოგი იქნებ კიდევ დააკმაყოფილოს ამ გულწრფელმა აღიარებამ — ბოლომდე გულწრფელი ვერ ვიქნებო, მაგრამ ზოგი იმასაც იფიქრებს — ნახევარსიმართლის სანინააღმდეგო პათოსით შთაგონებულ ნერილში მეექვსედი სიმართლე მაინც უნდა თქმულიყოო.

მოკლედ, უხერხულია, კაცი ნახევარსიმართლეს ნახევარსიმართლითვე ებრძოლო.

ახლა ვნახოთ, ჩაითვლება თუ არა ჩემი ნათქვამი ნახევარსიმართლედ? ჩემი აზრით, 1978 წლის თოთხმეტ აპრილს მთელი ჩვენი საზოგადოება მართლაც რომ ერთ მჯილად შეიკრა, ბატონი ნოდარი კი ამტკიცებს — „პირიქით, ორად გაიყო: აღშფოთებულ ბავშვებად, რომელთაც შეგვინარჩუნეს ენა, და „ბრძენ“, დაშინებულ, „ჭკვიან“ მონიფულ ადამიანებად“...

ცოტა უხერხული კია, მაგრამ მაინც უნდა განვმარტო, რომ გავრცელებული ხატოვანი გამოთქმა — „ერთ მჯილად შეიკრა“ — თუკი მას ხალხის, ერის, საზოგადოების მიმართ ვიხმართ, სრულებითაც არ გულისხმობს, რომ ამ მასაში უკლებლივ ყველა ერთ ჭკუაზე იქნება და, რაც მთავარია, ერთი გზითა და საშუალებით ეცდება საერთო მიზნის მიღწევას. ასეთი რამ საერთოდ არ ხდება. ეს არ მომხდარა არც დიდგორთან და არც ბახტრიონის ალებისას, თუმცა, ალბათ, აზრად არავეს მოუვა ნახევარსიმართლედ ჩაგვითვალოს, ვთქვათ, ამგვარი მოსაზრება: „1659 წელს კახეთის განთავისუფლებისას ქართლ-კახეთისა და საქართველოს მთიანეთის ქართველობა ერთ მჯილად შეიკრა“. მთავარი აქ ერის საერთო სულიერი განწყობილებაა; იგი 1978 წელს გამოიხატა აზრით — ქართულ ენას შენარჩუნებოდა თავისი კონსტიტუციური სტატუსი, დარჩენილიყო რესპუბლიკის სახელმწიფო ენად. პროფესორი ნოდარ კაკაბაძე კი ამტკიცებს, რომ ქართველობა მაშინ ორად გაიყო: ერთი ნაწილი სახელმწიფო ენად ქართულს მოითხოვდა, მეორე კი იწონებდა იმ პროექტს, „რომელშიც ქართული ენა არ იყო მიჩნეული სახელმწიფო ენად“.

ვფიქრობ, ქართველი საზოგადოების აზრი მაშინ ორად არ გაყოფილა — სახელმწიფო ენად ქართული ყველას უნდოდა, ეს კი იყო, რომ საზოგადოების ერთი ნაწილი დიდ სიფრთხილეს (მე, ბატონ ნოდარისაგან განსხვავებით, ამას სიმბდალეს ვერ ვუნოდებ) იჩენდა... მათგან ბევრს მიაჩნდა, რომ ქართულის —

როგორც სახელმწიფო ენის — სტატუსი აქამდეც ფორმალური იყო, და ეჭვობდნენ — რის ფასად შეიძლება დაგვეჯდომოდა ამ, მათი აზრით, ფორმალური მუხლის შესანარჩუნებლად გამოსვლები, თუ ამ მოთხოვნას ხელისუფლება ყურს არ ათხოვებდა? ბევრს ხომ გუშინდელ დღესავე ახსოვდა ორმოცდათექვსმეტის ტრაგიკული ამბები და, სად იყო იმის გარანტია, რომ მსგავსი რამ ახლაც არ განმეორდებოდა? ბატონ ნოდარ კაკაბაძეს სურს ეს ხალხი „კაპიტულანტიზმად“ და, ფაქტობრივად, დედაენის გამყიდველებად დასახოს... ეს თითქმის ისეთივე უსამართლობა მგონია, ვინმემ სამოცდათერთმეტის აქტივისტები პროვოკატორობაში რომ დაადანაშაულოს... ღმერთმა დაიფაროს და — სისხლი რომ დაღერილიყო, ჩვენი ამბავი რომ ვიცო, ასეც მოვიქცეოდით.

ამრიგად, თუ მე „ერთ მჯილად შევკარი“ ქართველთა მამინდელი სულისკვეთება, პროფესორმა ნოდარ კაკაბაძემ იგი „ორ მჯილში“ გადაანანილა: ერთ მჯილად შეკრულან დედაენის დამცველები, მეორე მჯილად — დედაენის მოლაღატენი. მაგრამ ყველაზე საოცარი ის გახლავთ, რომ ამგვარი დაყოფის ერთადერთი კრიტერიუმი თურმე... ასაკი ყოფილა: ერთ მჯილად შეკრულან ბავშვები, ყმანვილები (ასაკობრივი ცენზის ზემო ზღვარად, ალბათ, სტუდენტობა უნდა ვივარაუდოთ), მეორე მჯილად — მონიფული ადამიანები.

აი აქ კი, შემინდოს ბატონმა ნოდარმა და — ნახევარსიმართლესაც ვეღარ ვხედავ... ვინ უარყოფს სამოცდათერთმეტის ამბებში ახალგაზრდების სრულიად განსაკუთრებულ როლს? — არაეინ, მაგრამ, რახან გამოთქმათა ასეთ ზედმინევით სიზუსტეზე მიდგა საქმე, ახალგაზრდათა შორისაც ისევე იყო „ინერტული მასა“, როგორც „ძველგაზრდათა“ შორის — აქტიურად მოქმედნი. და ეს, სხვათა შორის, თვითონ იმჟამინდელმა ახალგაზრდებმა იციან ჩვენზე არანაკლებ... ამიტომაც „ღია წერილის“ ავტორს ჭეშმარიტების აღსადგენად სამგზის ვთხოვ აღიდგინოს ათი წლის წინანდელი სურათი: ჯერ უნივერსიტეტის პედაგოგმა ნოდარ კაკაბაძემ გაიხსენოს — მის კოლეგათაგან ყველა „კაპიტულანტი“ იყო? მერე მწერალმა ნოდარ კაკაბაძემ გაიხსენოს — ქართველ მწერალთა შორის „თავის მოკანტურები“ სჭარბობდნენ დედაენის დამცველებს? დაბოლოს — დავეხსნათ ნოდარებს — თავისი მოქალაქეობრივი ვალის აღსასრულებლად ქუჩაში გამოსულმა ნოდარ კაკაბაძემ მიმოიხედოს ირგვლივ — განა მხოლოდ ბავშვებში იყო იგი მაშინ ჩამდგარი? სხვათა შორის, მის გვერდით ყმანვილების (და არა — საკუთარი კარიერის) ბედით შენუხებული „მეშოშმინეებიც“ იდგნენ და, ფუი ეშმაკს, ტყვია რომ გავარდნილიყო, ვითომ გამოარჩევდა ეს ტყვია მათ ან ბატონი ნოდარისაგან, ან ახალგაზრდებისაგან?

მონოპოლიზმი საერთოდაც არ უნდა იყოს კეთილშობილური საქმე... განსაკუთრებით — მონოპოლია პატრიოტიზმზე. ბატონ ნოდარს ვერ დაუნამებთ, თითქოს ამის პრეტენზია გამოველინოს — პირიქით, როგორც „ძველგაზრდამ“, რატომღაც თავი „კაპიტულანტთა“ შორის ჩაიყუ-

ნა, ხოლო დედაენის დამცველთა პატივი მონოპოლიურად მიაგო ყმანვი-
ლებს... ეს იმდენად აშკარა უზუსტობაა, რომ შეიძლებოდა გვეფიქრა —
უფროსების სილაჩრეზე როცა წერდა, აქ ბატონი ნოდარი მხოლოდ ასა-
კობრივ მომენტს არ გულისხმობდა — ალბათ, მდგომარეობით უფროსებ-
საც ვარაუდობდა ამ ცნებაში... არც ამ შემთხვევაში ვიქნებოდით სწორი
— ჩემი ღრმა რწმენით, სამოცდათვრამეტში დედაენის ბედით დაინტერე-
სებული იყო ქართველი საზოგადოების ყოველი ფენა... სხვათა შორის, ის
ხალხიც, რომელთა მორალი და ცხოვრების წესი სანიმუშოდ ვერ ჩაითვ-
ლება: „მცირეხელფასიან შეძლებულთა“ დიდი მასა — კანონთან ყოველ-
თვის მტყუანი, ბუნებასთან კი ზოგჯერ მართალი — რომელთა სოცია-
ლური აქტივობა შეზღუდულ-შეზღუდული იმის შიშით, რომ კანონს ყო-
ველ წუთს შეუძლია ისინი თეთრ დათევებს ასტუმროს... იმ დღეებში დედა-
ენასთან პირნათელი იყვნენ არა მარტო სტუდენტობა, არამედ საერთოდ
— ინტელიგენცია და, თუ ბოლომდე სიმართლე გნებავთ, ადმინისტრაცი-
ის წარმომადგენლებიც, ხელისუფალნიც... მათი სოციალური აქტივობა
გარეგნულად, შესაძლოა, ისე მძაფრად და ერთსულოვნად არ გამოვლენ-
ნილა, როგორც ახალგაზრდობისა, მაგრამ რეალური საქმე იქაც კეთდე-
ბოდა... მამულიძვილობა, საბედნიეროდ, არ არის არც ასაკობრივი და, ჩე-
მი აზრით, არც სოციალური ცნება, და ამ კონკრეტულ შემთხვევაში პრო-
ფესორ ნოდარ კაკაბაძის მცდელობა — ასაკობრივ ჩარჩოში ჩაჭედოს
იგი, არცთუ უწყინარი შეცდომა მგონია... მეტსაც მოგახსენებთ — ეს
მცდელობა საქმისთვის საზარალოა... თანაც საზარალოა სწორედ ეროვ-
ნული საქმისთვის, ვინაიდან იგი ნებისთნე თუ უნებლიეთ ეროვნულ ძალთა
დაქსაქსევა-გათიშვას უწყობს ხელს: გუშინ ნაციონალურ განცდას გარკ-
ვეული სოციალური კლასით ზღუდავდნენ, დღეს — ასაკობრივ ჩარჩოში
გვინდა ჩაეჭედოთ, ხეალ კი რომელიმე მანიაკს გაუჩნდება პატრიოტობა-
ზე ერთპიროვნული მონოპოლიის პრეტენზია.

რაც შეეხება ლ. ბრეუნევის „მცირე მინაზე“ აღვლენილ ხოტბას, ესეც ერ-
თი ეპიზოდია სიყალბის იმ ფერხულში, რომელშიც საზოგადოების დიდი ნა-
წილი იყო ჩაბმული... ნუ მოვიტყუებთ თავს, ეს ფერხული დღესაც არ დაშლი-
ლა... დროგამოშვებით, რეჟისორის შეცვლასთან ერთად, იცვლება ფერხუ-
ლის ნახაზიც და მელიოდიაც, მაგრამ მის თავში, ჩვეულებრივ, ერთი და იგივე
ხალხია ჩაბმული — ისინი ფეხის აყოლის საუკეთესო ოსტატებად ითვლები-
ან... უკმეის გუნდრუკი სტალინს, უკმეის ხრუშჩოვს, უკმეის ბრეუნევსაც...
ახლა გარდაქმნასაც უკმეევს გუნდრუკს; ზოგი ამას „ლოგიკურადაც“ გვისა-
ბუთებს — გარდაქმნა გნებავთ და, ა ბატონო, ჩემზე ოპერატოულად ვინ გარ-
დაიქმნა — რასაც გუშინ ვაძაგებდი, დღეს ვინონებ, რასაც ვინონებდი, იმას
ვკიცხავო... როგორც ძველად იტყოდნენ, უფალო, შენ დაიფარე „გარდაქმნა“
ამგვარად გარდაქმნილთაგან...

მინდა გავიზიაროთ ჩემი აღმფოთებაო, ბრძანებს პროფესორი ნოდარ კაკაბაძე თითქმის ათი წლის წინანდელ ამბავზე... ვინც პირადად არ იცნობს ბატონ ნოდარს, შესაძლოა, ირონიულად გაეღიმოს — შე დალოცვილო, თუ აღსაშფოთებელი იყო, მაშინ აღმფოთებულიყავი, ახლა რა გაცხარებსო... ამიტომ მინდა მკითხველმა იცოდეს — ბატონ ნოდარს (ასევე ბევრ სხვასაც) არც მაშინ დაუმალავს თავისი გულისწყრომა იმ ლაქიური სულის გამოვლინებისათვის, „მცირე მინის“ განდიდებით რომ გამოიხატა, ოღონდ ეს იყო, ასე საჯაროდ ამის გამოთქმის საშუალება მაშინ არ ჰქონია.

არ მინდოდა ჩვენი „პაექრობა“ ცნობილი იგავის პერსონაჟების — მამლისა და გუგულის — ხმაშენყობილ „დუეტს“ დამსგავსებოდა, მაგრამ მაინც უნდა ვთქვა — სიმართლის დადგენის სურვილთან ერთად ეს პასუხი პროფესორ ნოდარ კაკაბაძის პიროვნებისა და ღვანლის პატივისცემამაც დამაწერინა.

„თბილისი“, 4.6.1988

აღმოიღა, ოკგულო...

ყინი ბეზლობისა, შურისგებისა,
ყინი გულღვარძლიანობისა,
როგორც ყოველივე სხვა უნმანური ყინი,
ძნელად თავდასაჭერია, რაკი კაცს შესჩვევია.
ილია

დედაენის დაცვა და პატრონობა ყოველი მოქალაქის წმიდათანმიდა მოვალეობა გახლავთ. განსაკუთრებით ამ ბოლო ხანებში სასიკეთოდ გააქტიურდა ჩვენში საზოგადოებრივი აზრი ენობრივი გარემოს დასაცავ-მოსანერსივებლად. ბეჭდვითი ორგანოები, პრესა და რადიო-ტელევიზია საგულდაგულო ყურადღებას აქცევენ მშობლიურ ენაზე მართლწერასა და სწორმეტყველებას; იქმნება, უნდა შეიქმნას, იმგვარი ატმოსფერო, რომ ყოველი, ვინც ხელში კალამს აიღებს, გრძნობდეს თითქოსდა უხილავ მზერას, მახვილსა და გამჭოლს, რომელიც არ გვაპატიებს დედაენის ნებისთინა თუ უნებლიე შებღალვას. ეს მზერა საზოგადოებრივი თვალისაა, უტყუარისა და სამართლიანის, და ნურავის აგვერევა იგი დადარაჯებულ თვალთვალში ჩასაფრებული კაცისა, მხილებისა და სხვათა განქიქების მაცდუნებელ ჟინს აყოლილი რომ კარგავს მკვლევრის უპირველეს ღირსებას — ობიექტურო-

ბას. ეს უნდა კი ისეთი რამ არის, ბუზს სპილოდ მოგაჩვენებს, ადამიანს — მლილად და იმასაც დაგავიწყებს, რაც სვეამაც იცის — სანამ გადაყლაპვას დაუპირებდეს, ძვალს კისერს დააზომებს ხოლმე.

დოცენტმა ლევან კიკნაძემ გაზეთ „კომუნისტის“ 1979 წლის 29 მარტის ნომერში დასტამბა წერილი „ქართული ენის სინმინდისათვის“; მან რამდენიმე მაგალითი მოიყვანა ცალკეულ ავტორთა მიერ სიტყვათა უხეირო შერჩევისა და კორექტურული შეცდომებისა, ძირითადი კრიტიკული ცეცხლი კი ჩემკენ მომართა: თურმე, ნუ იტყვიან და, აღმოჩინა მძიმე აზრობრივი და სტილისტური შეცდომები. თითქმის წლინახევრის შემდეგ საპასუხი წერილის გამოქვეყნებამ მკითხველს, შესაძლოა, აფიქრებინოს — ამდენი ხანი თუ დასჭირდა იმ შენიშვნათა გამაქარწყლებელი არგუმენტების მოძიებას, კიკნაძისეულ კრიტიკას თუ არ უნვიძია, უქუხია მაინცაო. არა, პატივცემულო მკითხველო, იმ შემოტევას სულაც არ დავუზაფრავდარ ისე, რომ გონს წლინახევრის შემდეგ მოვგებულყავ. მეტსაც მოგახსენებთ, ზოგიერთი ახალი გარემოება რომ არა, იმ ძველ ამბავს არც გამოვქექავდი და არც დოც. ლევან კიკნაძის წერილს შევეხებოდი (ყველაფრის ქექვა და შეხება, მოგებისენებათ, არცა ღირს!); არ ვუპასუხებდი, უპირველეს ყოვლისა, იმიტომ, რომ იმ წერილს ობიექტურობისა არა ეცხო რა და საქმეში ჩახედული მკითხველი ისედაც გამოარჩევდა მტყუანსა და მართალს. მაგრამ, გამოგიტყდებით, „ჩიტი ბდღენად არ ღირსო“ — მხოლოდ ამის გამოც არ შემიკავებია თავი პასუხისაგან, მიზეზი სხვაც გახლდათ: დოც. ლევან კიკნაძისათვის სხვათა სახელების გატეხისა და დისკრედიტაციის მცდელობა „არ ახალია, ძველია“; და ვინაიდან მის „შავ სიაში“, როგორც წესი, ისეთი ხალხი ხვდება, რომელთა შორის ყოფნა თავმოსანონია, მეც დიდ პატივად ჩავთვალე მათი ხვედრის გაზიარება (სხვათა შორის, ისინიც — გასაგები მიზეზების გამო — მეტწილად თავს არიდებენ დოც. ლ. კიკნაძესთან კამათს). არადა, ეტყობა, მაშინვე უნდა მეპასუხა — ჯერ ერთი, თუნდაც იმიტომ, რომ დოც. ლ. კიკნაძე მარტო ჩემს კი არა, ჟურნალის — „ქართული ენა და ლიტერატურა სკოლაში“ — დისკრედიტაციას ცდილობდა: წერილში ნათლად იკითხებოდა ქვეტექსტი — რედაქტორი რომ ამგვარ მიუტევებელ შეცდომებს უშვებს, თავად ჟურნალი რაღას ემგვანებაო; და მეორეც — კრილოვის ფინიასაგან განსხვავებით, ზოგიერთი მყეფარი იმას ვერ ხვდება — თავი არ გამიყადრესო და, ყვეფას როდი სჯერდება, შეჭმასაც მოუნდომებს ხოლმე სხვას. პასუხის გაუცემლობამ, როგორც ჩანს, მართლაც ალუძრა მადა დოც. ლევან კიკნაძეს — გამოხდა ხანი და მან ყოველგვარი ქვეტექსტებისა და „კამუფლაჟის“ გარეშე ოფიციალურად დასვა ზემდგომ ორგანოებში საკითხი — სასწრაფო ზომები თუ არ მიიღეთ, ამგვარი რედაქტორის ხელში „ქართული ენა და ლიტერატურა სკოლაში“ სამარცხვინო ჟურნალად იქცა, ასეთი ჟურნალი იქაც კი არ დაიბეჭდებოდა, სადაც წერა-კითხვა გუშინ ისწავლესო; სწორედ ამ ახალმა „შემო-

ტევამ“ ამალებინა ხელში კალამი — ჟურნალის გაბიბრუების ცდა უკვე კერძო და პირადი საქმე აღარ გახლავთ, რომ კაცმა ყური წაუყუროს და „გიჟი მიუშვი ნებასა“-ს პრინციპით იხელმძღვანელოს. თანაც — ამჯერადაც საჯაროდ პასუხის გაუცემლობამ, შესაძლოა, ისევ აუშალოს წერის საღერ-ლეული დოც. ლ. კიკნაძეს, ისევ მოაცდინოს დიდად საქმიანი პირები და დაწე-სებულეზანი მისი საჩივრების განხილვით. ამიტომაც მივუბრუნდეთ იმ ძველ წერილს, კვალდაკვალ მივსდითო ლ. კიკნაძის მიერ აღმოჩენილ შეცდომებს და ვნახოთ, მართლაც ისე ძნელად გასაბათილებელი თუ არიან ისინი, რო-გორც ეს თვითდაჯერებულ დოცენტს ჰგონია:

1. ალებ-მიცემა, ალებმიცემობა ვაჭრობაა, ყიდვა-გაყიდვა და „აზრთან“ მისი დაკავშირება შეუძლებელიაო: „აზრთა ალებმიცემობა ალბათ ჯერ არავის გაუგონია და არც დანერილი (ან, მით უმეტეს, დაბეჭდილი) უნახავს ვინმეს“, — რიხით დაასკვნის დოცენტი ლ. კიკნაძე. მოკლედ, რომ იტყვიან, იმედი გადაგვიწურა — ასეთი რამ არც არავის დაუწერია, არც არავის წაუ-კითხავსო. თუ მოუცლელიობის გამო დოც. ლ. კიკნაძე აღარც კითხულობს და ველარც წერს (იგულისხმება სამეცნიერო ნაშრომების წერა), ამას სხვებ-ზე ნუ გაავრცელებს, თორემ ადგება ეს „სხვა“, ამ შემთხვევაში მეექვსე კლასის მოსწავლე და მორიდებულად შეახსენებს „გულმაზინყ“ დოცენტს: „კი ნამიკითხავს, პატივცემულო დოცენტო, „ვინმეს“ კი არა, თვითონ ილი-ას უხმარია „კაცია-ადამიანშიო“ („დღეს რა ვჭამოთ, — იტყოდნენ დილით, — ხვალ რა ვჭამოთ, — იტყოდნენ საღამოზედ. ეს იყო იმათი აზრის ალებ-მიცემა“); ილიასათვის ეს იმდენად ჩვეულებრივი, ორგანული სიტყვათშეხა-მებაა, რომ ძნელად დასაჯერებელია ფილოლოგმა, თუკი იგი თავისი ძირი-თადი საქმიანობით არის დაკავებული, ეს გამოთქმა იუცხოვოს; აი, კიდევ რამდენიმე მაგალითი ისევ ილიასთან — „ლაპარაკი აზრის ალებ-მიცემო-ბა“ (1953 წ., ტ. III, გვ. 79): „მე რა მაქვს შენთან საერთო, რომ ერთად გვეაზ-რა, საერთო აზრის ალებ-მიცემობა გაგვენივა“ (იქვე); „მე რა მაქვს შენთან საერთო, რომ ერთმანეთის აზრის ალებ-მიცემობისათვის საერთო მნიშვნე-ლობის სიტყვა და ენა შეგვექმნა?“ (ტ. III, გვ. 82); „სანდალასავით რომ ნა-ცარქექიები მოედანზედ გამოდიოდნენ, ვითარცა აზრთა ალებ-მიმცემნი და მოჭიდავენი, ეს ვერაფერი ნიშანია დანარჩენების ფალავნობისა“ (1955 წ., ტ. IV, გვ. 199); საგულისხმოა ერთი ადგილიც „ოთარანთ ქვრივიდან“: „უს-ხვად ერთის გული მარტო პარკია, სისხლის ალებ-მიმცემი აგებულები-სათვის“. ის, რომ სიტყვა „ალებმიცემობის“ სალექსიკონო მნიშვნელობა ვაჭრობაა, ყიდვა-გაყიდვა, ხელს ვერ შეუშლის გადატანითი თუ ეტიმოლო-გოური მნიშვნელობით მის ხმარებას (ამ კონკრეტულ შემთხვევაში „ალებმი-ცემობა“ = „გაცვლა-გამოცვლას“); ამას დოცენტობა არ სჭირდება — სკო-ლის მოსწავლეებმაც იციან, რომ ვაჭრობის ერთ-ერთი (და უძველესი) სახე საქონლის გაცვლა-გამოცვლა იყო; ამიტომაც ამ პროცესის აღმნიშვნელმა

სიტყვამ „ალებმიცემობამ“ — კონტექსტის მიხედვით, შეიძლება გამოხატოს „გაცვლა-გამოცვლაც“.

დოცენტი ლევან კიკნაძე ამ შემთხვევაში ლექსიკონისეული განმარტების იქით არ იხედება. იქნებ საჭირო იყო, რომ „ქართული ენის განმარტებით ლექსიკონშივე“ მიეთითებინათ — ალებ-მიცემა — ალებმიცემობა გარკვეული სიტყვებთან შეხამებისას ამა თუ იმ მნიშვნელობას იძენს? ცხადია, არა, ვინაიდან შემდგენლები ვარაუდობდნენ (და სრულიად სამართლიანადაც), ადამიანი რომ ლექსიკონს დამოუკიდებლად მოიხმარს, იმ ასაკში მან უკვე უნდა იცოდეს, რომ სიტყვამ კონტექსტში შეიძლება ძირითადი მნიშვნელობისაგან საკმაოდ განსხვავებული შინაარსი შეიძინოს.

რახან სიტყვამ მოიგანა, იმ წერილში დოცენტი ლ.კიკნაძე „განმარტებით ლექსიკონსაც“ გადასწვდა: ერთი კორექტურული შეცდომა (ლიხთან ნაცვლად ლიხითგან-ისა) ხელზე დაიხვია და ბუზს აქლემი ამობინა — თურმე, ნუ იტყვი და — „ზოგს სიტყვის სწორად გადანერაც კი არ შეუძლია“... ეს „ზოგი“ განმარტებითი ლექსიკონის შემდგენლები ყოფილან, რომლებსაც ეშხში შესული დოცენტი ამნაირად ანათლებს: „ლიხ-ი გეოგრაფიული სახელია და მას მრავლობითი რიცხვის ფორმები („ლიხ-ნ-ი“, „ლიხ-თ-ა“, „ლიხ-თ-ა-გან“...) არც ძველად ჰქონია და არც დღეს აქვს“.

ცდება დოცენტი ლევან კიკნაძე: ძველადაც ჰქონდა და ახლაც აქვს. მაშ რა არის „ლიხ-თ-იმერეთი“, „ლიხ-თ-იქითა“, „ლიხ-თ-აქეთური“ და ა.შ. ფორმებში თ, თუ არ — მრავლობითის ნიშანი? მეორე მხრივ, ისევ და ისევ ძნელად დასაჯერებელია, რომ ფილოლოგს, მით უმეტეს, ენათმეცნიერს, ეს სიტყვები არ გაეგონოს ან ვერ გაიხსენოს; და თუ ასეთი რამაც გვჭირს, მაშინ ამგვარი კატეგორიული განცხადების გაკეთებამდე არ უნდა დაეიზაროთ იმავე, ლ.კიკნაძისათვის აუადმოსახსენებელ, „განმარტებით ლექსიკონში“ ჩახედვა — ყველა ზემოხსენებული სიტყვა იქ ფიქსირებულია. მოკლედ, დღეს ეს ფორმები ცოცხალია; შესაძლოა, ძველი ქართული ენისა და წერილობითი ძეგლების ინტენსიურმა და ნაყოფიერმა კვლევამ კაცი ერთგვარად მოსწყვიტოს ცოცხალ, მიმდინარე ენობრივ პროცესს, მაგრამ რომ არც ძველი ქართულის მონაცემები უჭერს მხარს ძველი ქართული ენის კათედრის დოცენტს? ფაქტები? ინებეთ „მატიანე ქართლისა“: „მისცნა ლიპარიტ პაშტნი და ნინა მათსა პურსა უკაზმიდეს; და აგრეთ ლიხნი გარდავლეს“ („ქართლის ცხოვრება“, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, გვ. 301); ინებეთ დავით აღმაშენებლის ისტორიკოსი: „ბოლო თვით გარდავლო მთა ლიხთა და შთავიდა აფხაზეთად“ (დასახ. ნაშ. გვ. 322); ინებეთ სხვა ადგილი ამავე თხზულებიდან: „და იყო მაშინ საზღვარი სამეფოსა მთა მცირე ლიხთა და სადგომი სამეფო ნალულის-თავი“ (გვ. 324); ინებეთ ვახუშტი ბაგრატიონის „აღწერა სამეფოსა საქართველოსა“ (ქართლის ცხოვრება, ტ. IV, თბ., 1973 წ., გვ. 26, 30, 147, 172, 177, 208).

ლიხი გეოგრაფიული სახელია და მრავლობითის ფორმა როგორღა ექნებაო — ბრძანებს დოცენტი და ფილოლოგიურ მეცნიერებათა კანდიდატი. საინტერესოა, ამის დამწერი თვითონ რა ნიშანს უნერს ფილოლოგიის ფაკულტეტის პირველი კურსის სტუდენტს, რომელსაც არ ეცოდინება საყოველთაოდ ცნობილი, სახელმძღვანელოში რამდენჯერმე გამეორებული დებულება — ტოპონიმები ხშირად სწორედ მრავლობითის ფორმას იღებენ: „მოიპოვება რიგი გეოგრაფიული სახელებისა, რომელთაც საფუძვლად უძევთ ამა თუ იმ საგნის სახელი... ასეთი სახელები ხშირად მრავლობითის ფორმით (ხაზგასმა ჩემია, თ.კ.) არის წარმოდგენილი: რკო-ნი, მუხა-თი, მსხლ-ებ-ი, ბაგ-ებ-ი“ (აკ.შანიძე, ქართული ენის გრამატიკის საფუძვლები, I, 1973, გვ. 136 შმდ.).

2. დოცენტ ლ.კიკნაძეს შეცდომად მიაჩნია გამოთქმა „დაუნჯებული ფორმა“ ამგვარ კონტექსტში: „უნდა დაეიყვანოთ მოსწავლისა და აბიტურიენტის შეგნებამდე, რომ ჭეშმარიტად ღრმა ემოციური ეფექტი სწორედ სადა, დაუნჯებული ფორმით მიიღწევა“. იგი კატეგორიულად აცხადებს: „ვერაინ ვერ იტყვის, რას უნდა ნიშნავდეს „დაუნჯებული ფორმა“... ვითომ ასე ძნელი აღსაქმელია, რასაც აქ ვგულისხმობდი? დაუნჯებული ძველ ქართულში მართლაც შეკრებილს, დაგროვებულს, შენახულს, დაცულს ნიშნავდა; მაგრამ დაცულ-შენახული ხომ დაფარულსაც გულისხმობს: რაც შეინახეს, ის კიდევ დაფარეს. ორმოცდაათიანი წლებიდან ეს სიტყვა რამდენიმე ლიტერატორმა (რევაზ თვარაძემ, თამაზ ჩხენკელმა და სხვებმა) აალორძინა სულიერი ენერჯის სიღრმისეული კონცენტრირების მნიშვნელობით: „დაოკებული პათოსი... გამიზნულიც იქითკენაა, რომ მკითხველში აღძრას დაფიქრების, გონების დაუნჯების განწყობა“ (რ.თვარაძე, ცისკარი №6, 1963, გვ. 104); „სულხან-საბამ თავისი დაუნჯებული სიტყვით, ბრძნული საქმეებითა და დიდი მამულიშვილობით ქართველ ხალხში სამარადისო ძველი აიგო“ (ს.ცაიშვილი, ლიტერატურული წერილები, თ., 1977, გვ. 159); „დაუნჯებულა მოძღვარი ლი ბუნების ჭერეკით“ (თ.ჩხენკელი, თარგმანი ლო ბინ ვანიდან). აი, როგორი მნიშვნელობით იყენებენ სხვა მწერლები და ფილოლოგები ამ სიტყვას: „ბერიკაცი — ოჯახის დულაბი, ჭალარა და დაუნჯებული, უთქმელი და ფიქრიანი“ (თ.ბიბილური); „ხმიანობს დაუნჯებულად ქართული სიტყვა“ (გრ.ფარულავა); „ლიტერატურის განვითარების პროცესი დაუნჯებულ, იდუმალ დაკვირვებას მოითხოვს“ (ლ.ალიშონაძე); „მეხსიერებით დაუნჯებული კაცის გამტერებულ თვალებში ჩამქლეული მტრული სიცვიე“ (ლ.ბრეგვაძე); „თითოეულში დიდი განწყობილება და სინატიფეა დაუნჯებულ“ (თ.ერისთავი). სათქმელის გამოხატვის ფორმები, ყველამ იცის, რომ შეიძლება იყოს, ერთი მხრივ, თვალმისაცემი, აშკარა და, მეორე მხრივ, შენიღბული, სიღრმისეული, დაფარული. განა დაუნჯებული ძველადაც დაგროვილ-შენახულს და, აქედან გამომდინარე — დაფარულის გამომხატველი

არ იყო? ასე რომ, სადა, დაუნჯებელი ფორმა მხატვრული გამოსახვის სწორედ ის ფორმა გახლავთ, რომელიც თვალშისაცემ, „მყვირალა“ საშუალებებს არ მიმართავს, ფორმა, რომელიც ფარავს შინაგან, დაგროვებულ სულიერ ენერგიას. სიტყვა და მისი მნიშვნელობა ერთხელ და სამუდამოდ მოცემული, გაყინული ოდენობა არ არის და სწორედ ენათმეცნიერის საქმეა სემანტიკური ძვრების ახსნა-დასაბუთება და, ზოგჯერ, მოსალოდნელ ცვლილებათა განჭვრეტაც. „დაუნჯებულ“ - სიტყვამ განიცადა გარკვეული სემანტიკური ევოლუცია, მწერლებმა, ლიტერატორებმა, ფილოლოგებმა — ე.ი. მათ, ვინც ყველაზე ღრმად გრძნობენ ენის უშინაგანეს არსს და რალაც მეექვსე გრძნობით „იჭერენ“ მისი განვითარების ტენდენციას — წარმოაჩინეს ამ სიტყვაში „მთელმარე“ პოტენცია — ერთდროულად გამოეხატა დაფარულიც და დაგროვებულიც. არაფერია უფრო ადვილი, თვალი მოუხუჭო ამგვარ ცვლილებებს და ყველა ზემოდასახელებული მაგალითი შეცდომად მიიჩნიო, მათი ავტორები კი — უვიცებად; არაფერია-მეთქი უფრო ადვილი, შეამჩნიო ამგვარი „შეცდომა“ — უფრო ძნელია ამ „შეცდომაში“ დაინახო დიალექტიკური ოდენობა, ენის ცვლილება-განვითარების მართლაც დაუნჯებელი ტენდენცია, მისი ცხოველ-მყოფელობის მარადმფეთქავი ძარღვი. აღორძინებული სიტყვა მკვდარ სხეულადვე დარჩებოდა ენაში, მისი მნიშვნელობის აბსოლუტური სიზუსტით აღდგენა რომ მოგვენადინებინა; საბედნიეროდ, ეს პრინციპულად არის შეუძლებელი; ეს იგივეა, ვინმემ ენის სემანტიკური სისტემის მთლიანი რესტავრაცია მოინდომოს (სიტყვის მნიშვნელობა მხოლოდ ამ ერთიანი სისტემის ელემენტად ფუნქციონირებს).

3. დაბოლოს, ოთხი შეცდომა აღმოუჩენია ლევან კიკნაძეს ამ წინადადებაში: „ლომის წილი აბიტურიენტთა ნაწერებისა იმას გვიდასტურებს, რომ სილამაზის ორიენტირი ჩვენს მოსწავლე ახალგაზრდებს უკულმართად აქვთ მიმართული“... მისი აზრით: ა) არ ვარგა და უადგილოდ არის ნახმარი გამოთქმა „ლომის წილი“ (რუსულის კარგად მცოდნემ უნდა იცოდეს, რომ ეს გამოთქმა მარტო უმეტეს ნაწილს კი არა, საუკეთესო ნაწილსაც ნიშნავს); ბ) დარღვეულია სინტაქტური წესი მსახლერელ-სახლერულის შეწყობისა; გ) არ გვესმის სიტყვა „ორიენტირის“ მნიშვნელობა და დ) არ შეიძლება ორიენტირის „უკულმართული მიმართვა“.

ა) ლომის წილი; ყველას გვახსოვს, ალბათ, ეზოპეს ცნობილი იგავი; იქიდან გავრცელდა ეს გამოთქმა ევროპულ ენებში, მათ შორის — რუსულშიც. ქართულში განსაკუთრებით მოიკიდა ფეხი მას შემდეგ, რაც აკაკიმ თარგმნა ეზოპეს მიხედვით შედგენილი ი. კრილოვის იგავ-არაკი. რუსული მნიშვნელობა ამ გამოთქმისა მართლაც გულისხმობს „განუზომლად მეტს და შეუდარებლად უკეთეს ნაწილს გაყოფისას“, მაგრამ არა აუცილებლად ამ ორივე მომენტის გაერთიანებას — ძირითადია სწორედ „განუზომლად მეტი“-ს მნიშვნელობა. ეს ჩინებულად უწყობდა რუსულის ლევან კიკნაძეზე

არანაკლებ მცოდნე „რუსულ-ქართული ლექსიკონის“ შემდგენელმა (თბილისი, 1937 წ.), როდესაც გამოთქმას — Он забрал себе львиную долю — ასე თარგმნიდა: უდიდესი ნაწილი მიისაკუთრა (გვ. 398). ქართულში კიდევ უფრო აშკარად გამოიკვეთა ტენდენცია იმისა, რომ „ლომის წილმა“ გამოხატოს გაყოფა-განაწილებისას უმეტესი და არა უკეთესი ნაწილი. ასე რომ, „ლომის წილი აბიტურიენტთა ნაწერებისა“ სწორედაც ქართულში დამკვიდრებულ გაგებას — შეუდარებლად მეტი ნაწილი — გულისმობს და არასგზით შეცდომად არ ჩაითვლება.

ბ) უნდა იყოსო „აბიტურიენტთა ნაწერების ლომის წილი“... და არა „ლომის წილი აბიტურიენტთა ნაწერებისა“ — ე.ი. დოც. ლ.კიკნაძე გვიკრძალავს ფრაზაში პოსტპოზიციურ წყობას; რა წესისა და კანონის ძალით, ალაპმა უწყის! ვინც სმენაზე მწყრაღად არა ბრძანდება, ის მიხვდება, რომ აქ სწორედ ჩვენეული წყობა სჯობს, ვინაიდან ამით თავიდან ვიცილებთ ნათესაობითი ბრუნვის ფორმათა მიჯრას, რაც არც სტილისტურად არის მიზანშეწონილი და შეიძლება აზრიც გააბუნდოვნოს; მაგრამ იმისთანა „წერილმანს“, როგორც „შეცდომათა“ მეცნიერული დასაბუთებაა, ვინ დაგიდევს: კრიტიკრიუმი ერთადერთია, ინსტანცია — უმაღლესი, მსჯავრი — საბოლოო და სამისდღეშიო: მას, ლევან კიკნაძეს, არ გაუგონია; მას, ლევან კიკნაძეს, არ წაუკითხავს; მას, ლევან კიკნაძეს, არ მოსწონს. განა რით მოგვიპოვებია ენის სჯულმდებლის უფლება და ავტორიტეტი, საოცარია (და — სასაცილოც), ღმერთმანი!

გ) დოც. ლ.კიკნაძე წერს: „არც ორიენტირის მნიშვნელობა ესმის სწორად ხსენებული ჟურნალის დამატების რედაქტორს: ეტყობა, ორიენტირი მას ხელში დასაკავებელი რაღაც ხელსაწყო ჰგონია. „სილამაზის ორიენტირი“, რომელიც თურმე „ჩვენს მოსწავლე ახალგაზრდებს უკულმართულად აქვთ მიმართული“, უაზრო შესიტყვებაა... თანაც, თურმე — „უკულმართულად აქვთ მიმართული“ ვერაფერი ქართულია.

უნდა გამოვტყდეთ, ორიენტირი, მართლაც, ხელსაწყოც მგონია და არა მარტო მე, არამედ ჩემსა და ლევან კიკნაძეზე უფრო მეტად ჩახედულ ხალხსაც ამ სფეროში; დოც. ლ.კიკნაძეს რომ ეგონა, ირონიული ისარი ვსტყორცნეო, თურმე ბუმერანგი ყოფილა და ავი მუსაიფით დაუბრუნდა მსროლელს; ამაში დასარწმუნებლად ლექსიკონებს ჩავხედოთ: Краткий словарь иностранных слов, М., 1951, გვ. 281; Ориентир — 1) указательный прибор, указатель... ახლა სხვა, უფრო სრული ლექსიკონი გადავფურცლოთ: Словарь иностранных слов, М., 1954 გვ. 500; Ориентирь — 1) указатель... თანაც ორივე ლექსიკონი ადასტურებს — ორიენტირს, შესაძლოა, ორიენტაციის მნიშვნელობაც ჰქონდესო. ორიენტაცია კი სწორედ მოქმედების გარკვეული მხარისკენ მიმართვაა; მოკლედ, ორიენტირი, რომელიც სილამაზეს უნდა მიუთითებდეს, ადამიანს, შესაძლოა, სწორადაც ჰქონდეს მიმართული

და უკუღმართულადაც (თანაც არა მარტო სილამაზისა, არამედ — ეთიკური ორიენტირიც).

სწორედ ეთიკურმა ორიენტირმა უმტყუნა დოც. ლ.კიკნაძეს, როდესაც ავტორთა მიერ ხელმოუწერელ სარედაქციო მასალებში მოხჩრეკილი „შეცდომები“ უშუალოდ რედაქტორ თამაზ კვაჭანტირაძეს მიანერა. „დაუნჯებული ფორმის“ გარდა ყველა მაგალითი მოყვანილია ხელმოუწერელი მასალიდან. რამ უნდა დაგვზაფროს ისე, რომ ელემენტარული ლიტერატურული ეთიკის ნორმები დაგვაინყოს? ვითომ ასეთი მიაშიტია კიკნაძე, რომ არ იცოდეს — სარედაქციო წერილებს, წერილების ანოტაციებს, ავტორთა წარდგინებებს რედკოლეგიის სხვა წევრებიც ან რედაქციის მუშაკებიც წერენ? თუმცა ლ. კიკნაძისაგან არც ამის უცოდინარობა გაუკვირდება მკითხველს, მაგრამ ამჯერად უფიცობასთან კი არა გვაქვს საქმე, არამედ — ინსინუაციასთან. კიდევ კარგი, რომ დოც. ლ. კიკნაძე, მეტი რომ არა ვთქვათ, ნაკლებად არის ჩახედული ენისა და სტილის საკითხებში და ამის გამო ისეთი „შეცდომები“ მომანერა, რომელთაც მე მართლაც უყოყმანოდ მოვანერდი ხელს; მაგრამ მართლაც რომ გაპარულიყო შეცდომა ამგვარ მასალაში, რომელიც რედაქტორ თამაზ კვაჭანტირაძეს არ დაუნერია და რომლის შესახებ ლევან კიკნაძე მკითხველს ხელების ფშვნეგით ახარებს: თ.კვაჭანტირაძე (ამ დამატების რედაქტორი) წერს: „საფიხვნო ბჭობის, აზრთა ალებმციემობის, კამათის ადგილია“-ო? ხომ უაღრესად უხერხულ მდგომარეობაში ჩაეაყენებდით რედაქტორსაცა და გამონათქვამის ავტორსაც. მართალია, რედაქტორი პასუხისმგებელია ხელმოუწერელ მასალაზე (სხვათა შორის, ასევე — ხელმოწერილზედაც!), — ეს არ იძლევა არავითარ უფლებას იგი ამ მასალის ავტორად მივიჩნიოთ.

ზემოთქმულიდან გამომდინარე, ადვილი წარმოსადგენია, როგორ „გემოსაც ჩაატანდა“ მკითხველი ამგვარს — ილიას თქმისა არ იყოს — „ღრმად მიწვენილის მეცნიერებითა“ და „უნმანურის ჟინით“ ნაკმაზ სტატიას.

„თავისაცა განიმაგროს...“ — დავითის ეს შეგონება ხშირად ავინყდებათ სხვათა ხვანჯართა „მაფოფნებლებს“. ასე დაემართა დოც. ლ.კიკნაძესაც: სხვის თვალში ბენვის ძებნაზე გაფაციცებული, საკუთარიდან დირის ამოსაღებად როგორღა მოიცილიდა! აი, არასრული სია დოც. ლევან კიკნაძის მიერ ქართული ენის სინმინდისათვის მიძღვნილ წერილში (!) დაშვებული ენობრივი შეცდომებისა: 1. „*ვინც ხარვეზი რუსულად დანერილ... რეცენზიაში იხმარა, მისი მნიშვნელობა სცოდნია, მაგრამ რატომღაც რუსული გზის შემოსული უცხო სიტყვა შგონებია და რას იფიქრებდა, თუ მას ქართულის არმცოდნე კაცი ვერ გაიგებდა... თუ იმ მითიურმა პიროვნებამ, რომელსაც უვარაუდია, რუსულის გზით ქართულში შემოსული სიტყვა შეუძლებელია ქართულის არმცოდნემ (ვთქვათ, იტალიელმა, პაპუასმა, იაპონელმა...)* ვერ გაიგოსო — ამგვარი სიბრიყვე მართლაც გაიტარა გულში, რა გვეთქმის! სიტყვები რომ რიგთანად შეგვერჩია და წინადადებაც სინტაქსურად შესაბამისად გაგვემართა, ამ-

გვარ ორაზროვნებას, უფრო სწორად, უაზრობას თავიდან ავიციდნენ; 2. როცა ხატოვან გამოთქმას „ლომის ნილს“ იხუნებ და ბუკ-ნალარასა სცემ — რუსულის კალკიაო, თავად არ უნდა იხმარო გაუმართლებელი კალკი „პირველ რიგში“; 3. დოც. ლ.კიკნაძე მძიმეებით არ გამოყოფს განკერძოებულ დროის გარემოებას; იტყვიო — კორექტურააო, მაგრამ ერთ ნერილში სამჯერ ერთსა და იმავე უხემ პუნქტუაციურ შეცდომას უკვე სხვანაირი ფერი აძევს („ეინც შარშან 20 ოქტომბერს გაზეთ „თბილისში“... შარშანე 16 ნოემბერს „თბილისში“ ასეთი განცხადება დაიბეჭდა... „გაზეთ „თბილისში“ შარშან 24 აგვისტოს დაბეჭდილი ერთი მიმართვა ასე იწყება“); 4. პუნქტუაცია-ორთოგრაფიასთან სხვა დროსაც მწყრაღად ბრძანდება დოცენტი ლ. კიკნაძე: „მაგრამ ყველამ, როდი იცის“... „ქართული ენის დამახინჯების ცალკეული შემთხვევების შესახებ ჩვეულებრივ (და ისიც ძალიან იშვიათად) მაშინ წერენ“... „საქინფორმის ცნობაში, რომელიც გაზეთ „კომუნისტ“ -ში (ასეა! შეიძლება ავტორს თანდებულთა ბრჭყალებს გარეთ გატანა მოსწონდეს, მაგრამ მაშინ რა დააშავა გაზეთმა „თბილისმა“, რომელსაც ამავე სტატიაში სხვა პრინციპით სვამს ბრჭყალებში?) დაიბეჭდა...“ 5. სტილისტური უმწეობის მაგალითი უამრავია, ნიმუშად ერთს მოვიყვან: „კარგი იქნება, თუ გაზეთებში და ჟურნალებში (პირველ რიგში მწერალთა კავშირის და განათლების სამინისტროს ბეჭდვით ორგანოებში) ხშირ-ხშირად დაიბეჭდება მკითხველების შენიშვნები არა მარტო იმის შესახებ, თუ ვინ როგორ თარგმნის, არამედ უმთავრესად იმის შესახებაც, თუ ვინ როგორ წერს“... ში თანდებულის ასეთი დახვევაა ერთია, მეორე ის გახლავთ, რომ -ც ნაწილაკის ფუნქცია უმთავრეს-ს ვერ იგუებს, ამიტომ ან: „იმის შესახებაც“, ან „უმთავრესად იმის შესახებ“.

ამაზე თქმულა: „ორგულო! აღმოილე პირველად დვირე თუალისაგან შენისა და მერმე იხილო აღმოლეზად წუელი თუალისაგან ძმისა შენისა“.

ახლა თავად მკითხველმა განსაჯოს, თუ შენის ლევან კიკნაძისნაირ სპეციალისტსა და მოქართულეს დედაენის დამცველის მანტია, ასე უცერემონიოდ რომ მოუგდია მხრებზე თვითდაჯერებულ დოცენტს? აკი ბრძანებდა სულმნათი შოთა: „მართლად თქმულა: არა კმართებს ყვაევა ვარდნი, ვირსა რქანი“.

რამდენად დიდებული საქმეა დედაენის დაცვისათვის შრომა და რუდუნება, იმდენად უკადრისი — ენის სინმინდისათვის მეზრძოლის სახელს ამოფარებულმა სხეებს (უფალმა უწყის, რისთვის და ვისთვის!) პირადი ანგარიშები უსწორო.

ენის სინმინდე განუყოფელია აზრისა და გრძნობების სინმინდისაგან.

P.S. ვფიქრობ, დაკვირვებული მკითხველი ზემოთ წარმოდგენილი სტატიიდან ერთადერთ დასკვნას გამოიტანდა — დოცენტი ლევან კიკნაძის მიერ მეკონინებული შენიშვნები, მისი ე.წ. პოლემიკური პათოსი ტენდენციურო-

ბითა და ღვარძლით ყოფილა ნასაზრდოები. სწორედ აქედან იღებს სათავეს მათი ავტორის არაკომპეტენტურობა და არაკორექტულობაც. საოცარი კია: დოც. ლ. კიკნაძე სხვას უკიჟინებს იმ ცოდვებს, რომლებიც სწორედ მას ამძიმებს და რომელთა აღმოსაფხვრელად იღწვის „ქართული ენა და ლიტერატურა სკოლაში“. იქნებ ცილისმწამებლური წერილი პასუხის ღირსადაც არ მეცნო, მაგრამ ლევან კიკნაძემ ესეც არ იკმარა და იმ სტატიას ზემდგომ ორგანოებში სხვა წერილებიც — უფრო სწორად, საჩივრებიც მიადევნა, რომლებშიც ცნობილი იგავ-არაკის გმირის არასახარბიელო მდგომარეობაში ჩაიყენა თავი: ლუპით მწერთა მჩხრეკს სპილო ვერ, უფრო სწორად, არ შეუმჩნევია. ყველამ კარგად იცის, რომ ჟურნალის განახლება-გადახალისება იოლი საქმე არ არის. მას ობიექტურ სირთულეებთან ერთად ზოგჯერ შეცდომებიც ახლავს. ნურავინ იფიქრებს, რომ ჩვენი დამატება უნაკლოდ გვეჩვენებოდეს — განა ცოტა კეთილმოსურნე შენიშვნა მივიღეთ მადლიერების გრძნობით? მაგრამ ამ შენიშვნების მიზანი დამატების შემდგომი სრულყოფა-გაუმჯობესება იყო და არა — მისი ღვარძლიანი განქიქება.

დაე, ისიც იცოდეს მკითხველმა, რომ პატივცემულ ლევან კიკნაძის პასკვილები ზემდგომ ორგანოებშიც განიხილეს კომპეტენტურ მეცნიერებთან, პედაგოგებთან და ჟურნალის მუშაკებთან ერთად. მაშინ, იმ შეხვედრაზე, ყველაფერს თავისი სახელი დაერქვა. ყველამ ერთხმად აღნიშნა, რომ დოცენტ ლევან კიკნაძის „თხზულებები“ საქმის ინტერესით კი არ არის ნაკარნახევი და შთაგონებული, არამედ პირადი, არცთუ კეთილშობილური მოტივებით. სამწუხაროდ, ზოგჯერ ასეც ხდება: ადამიანი საერო საქმისთვის თავდადებული მოღვაწის გვირგვინს წაეპოტინება, სინამდვილეში კი პიროვნულ ანგარიშსწორებას ანაცვალებს საზოგადო საქმესაც, ჭეშმარიტებასაც, მოქალაქეობრივ სინდის-პატიოსნებასაც, სპეციალისტისა და მეცნიერის ეთიკაზე რომ არაფერი ვთქვათ. მიმძიმს, ძალზე მიმძიმს ასეთი პასუხის გაცემა, მაგრამ ერთხელ და საბოლოოდ ხომ უნდა გამოვააშკარაოთ აგრესიული უფიცობა, ვითომდაც მეცნიერულ ნიადაგზე გადამყნობილი ღვარძლი და ცილისწამება. ამას იმიტომაც ვამბობ, რომ ლევან კიკნაძის „პოლემიკური შემოქმედება“, რომლითაც გაბეზრებულია დიდი თუ პატარა, ყოველგვარი ეთიკისა და ზნეობის საზღვრებს სცილდება: განა ნორმალურია, ჩაუსაფრდე კოლეგას, შეადგინო მასზე ცილისმწამებლური „დოსიე“, მტრად მოეკიდო, უფრო მეტიც, ხალხისა და საქმის ინტერესების მტრად დასახო ყველა, ვისაც შენგან ათვალისწინებული ჟურნალი მოსწონებია და მის რედაქტორზე კეთილი სიტყვა უთქვამს? ლევან კიკნაძის „დანოსებიდან“ ისე გამოდის, თითქოს არსებობდეს რალაც ფარული, მაგრამ მასობრივი და ქმედითი ორგანიზაციული „ქსელი“, რომელიც მის ჯიბრზე შეითქვა „დასახური“ ჟურნალისა და მისი რედაქტორის აღსაზევებლად; ვილა არ ყოფილა, თურმე, ამ „ქსელის“ წევრი — უნივერსიტეტი, განათლების

სამინისტრო, ტელერადიო კომიტეტი, პრესა... მოკლედ, ლამის მთელი საქართველო კიდევ დაბრმავებულია და კიდევ დაყრუებულია — ერთადერთი, კიკნაძე ამჩნევს, რომ მე ეკრანიდანაც, ჟურნალიდანაც და ტრიბუნიდანაც თურმე დანაშაულებრივ „ერესს“ ვავრცელებ. რა შეიძლება ითქვას ამ მანიაკალურ „იდეა ფიქსზე“? მხოლოდ ის, რომ მეცნიერებაში ხელმოცარულ კაცს ანვალებს თავისი „სიბერნე“ და აღიზიანებს, მოსვენებას უკარგავს სხვათა მცდელობა.

გული მიგრძნობს — ამ პასუხის დაბეჭდვით, ალბათ, კიდევ რამდენიმე წლის საქმეს გაუზრუნველავს პასკვილების ავტორს და, სამწუხაროდ, იმათაც, ვისაც ლ.კიკნაძე, უეჭველია, საჩივრებით მიმართავს. რა გაენყოფა, ნუგეშად ისლა დამშთენია, რომ ეს წერილი თუ თვითონ კიკნაძეს არა, სხვებს მაინც ჩააფიქრებს იმაზე, რაოდენ არასახარბიელოდ შეიძლება წარმოაჩინოს ადამიანი არაობიექტურობამ, არაკომპეტენტურობამ და გულღვარდლიანობამ, — თვისებებმა, ესოდენ შეუთავსებელმა მეცნიერის სტატუსთან.

„სკოლა და ცხოვრება“, N7, 1980

მუსტაფაზე მუხამედოვი

ჟურნალ „სკოლა და ცხოვრების“ რედაქციამ სთხოვა „ქართული ენა და ლიტერატურა სკოლაში“ რედაქტორს თამაზ კვაჭანტირაძეს კომენტარი გაეკეთებინა საფიზნოში გამოთქმულ მოსაზრებათათვის.

მადლობა მინდა მოვახსენო „საფიზნოს“ უკლებლივ ყველა მონაწილეს, რომ მათ გამონახეს დრო და საშუალება — შეესრულებინათ რედაქციის თხოვნა და თავიანთი აზრი გამოეთქვათ ჟურნალ „ქართული ენა და ლიტერატურა სკოლაში“ დღევანდელ სახეზეც და იმაზეც, თუ რა უნდა ვიღონოთ სახვლიოდ მის გასაუმჯობესებლად: კეთილი სიტყვით ნაგვახალისეს, საქმიანი რჩევები მოგვცეს, დამაფიქრებელი შენიშვნებიც მოგვასმენინეს... მხოლოდ გამოუსწორებელ ბრიყვებს ჰგონიათ, რომ შეუმცდარნი არიან — ჩვენ, რედაქციის მუშაკები, ვცდილობთ მათ მდგომარეობაში არ ჩავიყენოთ თავი. შეიძლება ვინმემ იფიქროს, ამაოდ გასარჯეს და მოაცდინეს ეს საქმიანი ხალხი — რა პრობლემებიც აქვს ჟურნალს, რას ვერ მოაბა თავი, რა უნდა იღონოს ნაკლოვანებათა აღმოსაფხვრელად და წარმატებათა გასაღრმავებლად — ეს ყველაზე უკეთ თვით რედაქციის მუშაკებმა უნციანო. მართლაც, ქოთნის ამბავი ყველაზე უკეთესად ციცხვმა

იცის, მაგრამ ნურც იმ ბრძნულ გამონათქვამს დაევიწყებთ, რომ „სხვისი სხვაგან უკეთ იცის სასარგებლო საუბარი“ ... ვეცდები, გვერდი არ აუწარო მსჯელობისას ნამოჭრილ მტკივნეულ პრობლემებს და მცირე ახსნა-განმარტება მივაწოდო როგორც თვით „საფიხნოს“ მონაწილეებს, ასევე — მკითხველს.

„საფიხნომატ“ ნარმოაჩინა ის, რაც ერთგვარ „განხეთქილების ვაშლად“ გვექცა მასწავლებლებსაც, მეცნიერებსაც, მეთოდის სპეციალისტებსაც და რედაქციის მუშაკებსაც — ნმინდა მეთოდისკურ მასალათა ხვედრითი წონისა და ხარისხის პრობლემა ჩვენს ჟურნალში. არ მინდა მხოლოდ ამ „საფიხნოში“ გამოთქმული მოსაზრებებით შემოვიფარგლო — პირად საუბარში უფრო მეკეთრად გამოუხატავს ზოგ მეთოდისტს თავისი უკმაყოფილება ჟურნალის გეზის ერთგვარი შეცვლის გამო: „ქართული ენა და ლიტერატურა სკოლაში“ იყო და უნდა დარჩეს მეთოდისკურ კრებულად — სხვა სახის მასალას მასწავლებელი „მნათობში“, „ცისკარში“, „კრიტიკაში“, „მაცნეში“ წაიკითხავს, აქ კი ძირითადად ჩვენ უნდა ვიბეჭდებოდეთო. რა გვეთქმის ამაზე? ჯერ ერთი, ჩვენი დამატება წინათაც არასოდეს ყოფილა წმინდა წყლის მეთოდისკური ჟურნალი, მასში ყოველთვის იბეჭდებოდა არამეთოდისკური მასალა, მეცნიერული სტატიები ენისა და ლიტერატურის შესახებ. მთელი ჟურნალი რომ მხოლოდ მეთოდისკურ ასპექტზე დაგვეყვანა, მხოლოდ კითხვა — „როგორ ვასწავლოთ“ — რომ ფიგურირებდეს სტატიათა სათაურებში, ამით, შესაძლოა, ზოგიერთი ენაწელიანი, უფრო ზუსტად, კალამწელიანი მეთოდისტის გული კი მოგვენადირებინა, მაგრამ, მერნმუნეთ, შემოგვწყნებოდა პრაქტიკოსი მასწავლებელი, მისი ინტერესები კი ჩვენ გაცილებით ძვირად გვიღირს. პრაქტიკოს მასწავლებელს, რომლის ვითომცდა სურვილსა და მოთხოვნილებას იხვევენ ხოლმე ხშირად ხელზე ჩვენს ჟურნალში თავიანთი საკვალიფიკაციო თუ წლიური შრომების დასტამბვის მოსურნენი, მხოლოდ ის ასპექტი კი არ აინტერესებს, თუ როგორ უნდა ასწავლოს, არამედ ისიც, რა უნდა ასწავლოს, რა უნდა იცოდეს გაკვეთილზე გადასაცემი მასალის შესახებ. ამით სრულებითაც არ ვამცირებთ მეთოდისკური ასპექტის მნიშვნელობას ჩვენი დამატებისათვის, მაგრამ იგი მაინც ერთ-ერთ — და არა ერთადერთ — ასპექტად გვესახება. მეორე უკიდურესობაში გადავარდნა და მეთოდისკურ სრული უგულვებელყოფაც, ცხადია, ხეირს არ დაგვყარის. ამ მხრივ საინტერესო იყო „საფიხნოში“ გამოთქმული მოსაზრებანი ჩვენი პრაქტიკოსი მასწავლებლებისა: მათ არანაკლებ საჭიროდ და გამოსადეგად მიაჩნიათ თავიანთი თვალსაწიერის გამაფართოებელი და საგნის მეცნიერულ სიახლეებს მაზიარებელი მასალის ბეჭდვა, ვიდრე — მეთოდისკურისა.

პატივცემული თამარ ბურჯანაძე, გამოცდილი პედაგოგი, ბრძანებს: „სრულებით არ გეჭირდება დატკეპნილი, ტრაფარეტული ხასიათის მეთოდ-

დიკური წერილები (ერთმანეთს ტყუპისცალბივიით რომ ჰგავს!), თუ როგორ ვახსნავლოთ ესა თუ ის მასალა ენასა და ლიტერატურაში, როგორ შევადგინოთ გეგმები, რა კითხვები დაესვათ და ასე შემდეგ" ... შემდგომ იგი ჩამოთვლის კიდევ ჩვენს ჟურნალში დაბეჭდილ სტატიებს, რომლებიც მას და მის კოლეგებს, მისი აზრით, მაინცდამაინც არ არგია... და, რაც უნდა უცნაურად მოგვეჩვენოს, ხუთივე დასახელებული სტატია მეთოდოლოგია! ეს მომენტი საგულისხმოა, თუმცაღა აქედან მხოლოდ ის დასკვნა უნდა გამოვიტანოთ, რომ პრაქტიკოს მასწავლებელს სჭირდება მხოლოდ მაღალი დონის მეთოდოლოგია წერილები. ბარემღა აქვე ვიტყვი, რომ დასახელებული მეთოდოლოგია წერილებიც, ჩემი აზრით, აკმაყოფილებს მათდამი ნაყენებულ მოთხოვნილებას; ისეთი დიდად გამოცდილი და დახელოვებული მასწავლებლისათვის, როგორც პატივცემული თამარი ბრძანდება, შესაძლოა, მეთოდოლოგია რეკომენდაციები, თუ როგორ უნდა ახსნავლოს შერწყმული წინადადება ან „ამირანი“, ზედმეტიც იყოს, მაგრამ ახალბედათათვის (და — არა მარტო მათთვის!) ზემოდასახელებული მეთოდოლოგია სტატიები, ასე მგონია, ურგები მაინც არ ყოფილა.

აქ მივადექით პრობლემის გულს — მეთოდოლოგია წერილები გეჭირდება, მაგრამ იმდენს ვერ ვბეჭდავთ, რამდენიც გვინდა და რამდენიც საჭიროა. არ იფიქროთ, რომ მეთოდოლოგია წერილები ცოტა შემოგვდიოდეს — თუ რაიმეთია გაძქძგილი ჩვენი სარედაქციო პორტფელი, პირველ ყოვლისა, სწორედ მეთოდოლოგია წერილებით, განსაკუთრებით — მასწავლებელთა გამოცდილების ამსახველი მასალით. სამწუხაროდ, მეთოდოლოგია წერილები — არა მარტო პრაქტიკოსი მასწავლებლისა, არამედ მეთოდოლოგის დარგში მომუშავე სპეციალისტებისაც — არცთუ იშვიათად დაბალ მეცნიერულ დონეზეა შესრულებული, თვითმიზნურია (ე.ი. მისი გამოქვეყნებით მარტოოდენ ავტორის ნაშრომთა ნუსხას, თორემ სხვას არაფერს შეემატება) ნაკლებად შეიცავს განმაზოგადებელ დებულებებს და, როგორც წესი, არც სტილისა და ენის მხრივ უქნია ღმერთს. ერთი წყება ამგვარ ავტორთაგან ჩვენმა რედაქციამ თავი „მტკიცედ მოიზღუდა“. მეორე წყებამ, ეტყობა, უკეთესი დარების მოლოდინში მოცდა ამჯობინა და ჯერჯერობით ჩვენს რედაქციას სათოფეზე არ ეკარება. ასე რომ, მეთოდისტთა საყვედური, მეთოდოლოგია მასალას ცოტას ბეჭდავთო, ბუმერანგივით მათვე უბრუნდებათ: ჩვენ რომ დაბეჭდოთ, ჯერ მათ უნდა დაგვინერონ, თანაც ისე, რომ დაბეჭდვად ღირდეს. ერთ დიდად პატივსაცემ მეთოდისტს, ცხარედ რომ მიმტკიცებდა, ჟურნალი მეთოდისტებს უგულებელგვეყოფსო, ამგვარ საყვედურზე შევეკადრე — თუ მოგიტანიათ ამ ხუთი წლის განმავლობაში თქვენ ან თქვენი კათედრის წევრებს ჩვენთან რაიმე მასალა-მეთქი; მე ბეჭდვა არ მიჭირს — წიგნებს ვცემ; თუ მეთოდოლოგია წერილები გეჭირდებათ, აქეთ უნდა შემომხევენოთ, მომეძალოთ და დაგინერთო, — მიპასუხა. მოკლედ, ეტყობა, ზო-

გიერთს საკუთარი „ჩინ-ტემლაკების“ შეურაცხყოფად მიაჩნია, თუ წინასწარ დაბეჭდვის გარანტია არ მიეცეოდა, მეტიც, თუ კალთები არ დააგლიჯე, ისე ითანამშრომლოს ჟურნალთან. ამგვარი ამბიციები, ერთი ცნობილი გამოთქმისა არ იყოს, სასაცილო იქნებოდა, სატირალი რომ არ იყოს. ჩვენ ამნაირი „შენჩემობისაგან“ შორსა ვდგავართ — ბევრი ჩვენი ავტორი დაგვეთანხმება, რომ საჭირო მასალის მოსაპოვებლად კიდეც შევხვენივართ და კიდეც მივძალებივართ — უფრო მეტიც, ზოგჯერ მართლაც ლამის „კალთები დაგვიგლეჯა“ მათთვის (ცხადია, ეს იმ ავტორებს ეხებათ, ვისგანაც წალმართიან და სასმენად ღირებულ სიტყვას ელის მკითხველი). ამგვარი ავტორები მეთოდისტთა წრეშიც ვკვეთილებ, რედაქციას მათ შორისაც ჰყავს აქტიური თანამდგომნი — პედაგოგიკურ მეცნიერებათა დოქტორი მარიამ თაბორიძე, მეცნიერებათა კანდიდატები ლეილა შალვაშვილი, დარეჯან ბერიძე, ეთერ გულდამაშვილი, როზა გაბეჩაია, ბორის მიშველაძე, დალი ლორია, ნელი რუხაძე, ნათელა ხოშტარია, ირინე ჯაფოშვილი... რამდენიმე პრაქტიკოს-მასწავლებლის ჩამოთვლა კიდეც შეიძლება, ბევრისა, სამწუხაროდ — არა. უნდა ვალიაოთ, რომ, ეტყობა, რედაქციაც სცოდავს და ისე ეფექტურად ვერ მუშაობს ამ თვალსაზრისით პრაქტიკოს მასწავლებლებთან, განსაკუთრებით, პერიფერიებში მოღვაწეებთან, როგორც ეს საჭიროა. თუმცა ერთ ფორმას მასწავლებელთა გამოცდილების გაზიარებისას ჩვენ მაინც მივაგენით: ვგულისხმობ ჩვენი დამატების „საფიზხნოებს“, რომლებშიც წარმოდგენილი მასალა ძირითადად მეთოდოლოგიური მიზანდასახულობისაა.

და მაინც, ფაქტი ფაქტად რჩება, ეს სატიკივარი — მაღალი დონის მეთოდოლოგიური სტატიების ნაკლებობა — რალაცნაირად მოსაველია. რედაქციამ, რომ იტყვიან, თუნდაც თავში ქვა იცეს — რახან სკოლის საჭიროება მოითხოვს, ყველა საშუალებით უნდა ვეცადოთ მეთოდოლოგიური მასალის ბეჭდვას... ყველა საშუალებით, გარდა ერთისა: ჩვენ ვერ შევამცირებთ მომთხოვნელობას ამგვარი წერილების მიმართ, ვინაიდან ურყევი რჩება პრინციპი — ცუდის დაბეჭდვას სულაც დაუბეჭდაობა სჯობია — ასე ადგილი მაინც არ დაგვეკარგება ჟურნალში და შეგვეძლება მასწავლებლებისთვის ასევე საჭირო სხვა სახის მასალა ვებეჭდოთ.

კარგი მეთოდოლოგიური წერილების უკმარობა ახალი ამბავი არ გახლავთ — პროფესორი ივანე ქავთარაძე, ჩვენი დამატების რედაქტორი 1974-78 წლებში, წერს: „ამ თვალსაზრისით (ე.ი. მეთოდოლოგიური ასპექტის) მასალები, სამწუხაროდ, ძველდაც გვაკლდა და ახლაც გვაკლდა“. მოკლედ, ეს სატიკივარი მემკვიდრეობით მივიღეთ და მისი მკურნალობა, პირველ ყოვლისა, თავად მეთოდოლოგიური ცენტრებისა და მეთოდისტთა საქმეა, უფრო სწორად, მათი წირდაპირი მოვალეობა გახლავთ — ჩვენ მხოლოდ ხელის შეწყობა გვევალება.

რახან სიტყვა მემკვიდრეობასა და ტრადიციებზე ჩამოვარდა, ბარემლა აქვე გაგიზიარებთ ჩემს მოსაზრებას პროფესორ გიორგი შალამბერიძის —

ჩვენი დამატების პირველი რედაქტორის — თვალსაზრისზე: ჟურნალს ძირითადი მიმართულება არ შეუცვლიაო; უფრო მეტიც, მისი თქმით: „ქართული ენა და ლიტერატურა სკოლაში“ 1966 წლიდან გამოდის, ასე რომ, ბოლო ოც ნომერს წინ უძღოდა 47 ნომერი, რომლებიც, თუ ბოლო ოც ნომერს ყლორტებად მივიჩნევთ, ფესვებად შეიძლება ჩაითვალოს“. ღმერთმა დაგვიფაროს იმგვარი უმადურობისაგან, რომ ხელი ავიღოთ ჩვენს უშუალო წინაპართა ამაგსა და მემკვიდრეობაზე, მაგრამ, თუ მაინცდამაინც საჭირო გახდებოდა ხატოვნად აღგვეწერა გენეალოგიური ხე ჩვენი დამატებისა, მაშინ, ჩვენ ასე გვეგონია, მისი ფესვები უფრო შორეულ წარსულშია საძებარი და არა — 1966 წელს, როცა იგი ამ სახელით მოველინა ქვეყანას. ჩვენი რწმენით, „ქართული ენასა და ლიტერატურას სკოლაში“ ფესვები ქართული მნივნილობის უძველეს კერებში გაუდგამს, ზროდ მას დიდ სამოციანელთა ნაშრომ-ნაღვანი — პირველ ყოვლისა, იაკობის „დედა ენა“ — უდგას, გრჯლად კი ლუარსაბ ბოცვაძის „განათლება“ და მერმინდელი „ახალ სკოლისაკენ“ და „სკოლა და ცხოვრება“ გვეგულის. ასე რომ, ჩვენი დამატება სხვადასხვა ეტაპისა — 1966-73 წლებისა, 1974-78 წლებისა და 78 წლიდან მოკიდებული დღემდე — ყველანი ამ მძლავრი ხის რტოები ვართ; ხეს კი გადაბეღვა უხდება — მის სახეიროდ გამხმარს, კენენსა და ფშუტუროს შემოაცლიან, რათა ნეკერს ხელი არ შეუშალოს ზრდაში. ამაში არაფერია უჩვეულო და სანყენი — მოვა შემდგომი თაობაც და, რასაც ჩამოსასხებს ნახავს, ჩვენც ჩამოგვსხლავს... მთავარია, ფესვები და ზრო არ დავეუზიანოთ და გავუმრუდოთ ჩვენს დამატებას, თორემ დროდადრო ტოტების ზომიერად გადაბეღვა საქმეს მხოლოდ ნაადგება.

ჭკვიან კაცს უთქვამს: თანამემამულეთაგან კრიტიკა რომ არ მწყინდეს, მაშინ აღარც მათი ქება მემამებოდაო. რა დასამალია და, გვესიამოვნა რედაქციის მუშაკებს, როცა ჩვენი კინი ღვანლის ასეთი შეფასება მოვისმინეთ: „მიკიბ-მოკიბვის გარეშე, ამთავითვე უნდა მოგახსენოთ, რომ ჟურნალი სწორ გზაზე დგას, კეთდება იგი საქმის მცოდნე, მონდომებული, ქვეყანასა და სკოლაზე გულატიკიებული ადამიანების ხელით და კეთილი ნაყოფიც უკეე ჩანს; „ქართული ენა და ლიტერატურა სკოლაში“ ერთი პოპულარული ჟურნალია დღეს. მას დაეძებენ, ელიან და სიამოვნებით კითხულობენ ისინიც კი, ვისაც სკოლაში ქართულის მასწავლებლის საპატიო მისია არ არგუნა ბუნებამ“... და ვერც იმას დავმალავთ, რომ ასევე გულწრფელად დავწვყვიტა გული ამ სტრიქონების ავტორის, მწერლის, კრიტიკოსისა და უახლესი ქართული ლიტერატურის სპეციალისტის რევაზ მიშველაძის ზოგიერთმა კრიტიკულმა შენიშვნამ. აფერუმ თქვენს საქმეს, თუ გუნდრუკის კმევაზე ყაბულს ბრძანებულხართ, შენიშვნებს კი ყალყზე ხვდებითო, — შეიძლება გაიფიქროს მკითხველმა. ამ ეჭვის გაქარწყლება მხოლოდ საბუთიანი განსჯით შეიძლება; როგორც ძველად იტყოდნენ, ვახსენებ ღმერთს და

— შეეცდები. წინასწარ კი იმას მოგახსენებთ, რომ საქმეს ნაკლებად წაადგება ქედმაღლური პოზა, როცა კრიტიკას ყურს ნაუყრუებენ ხოლმე — აქაოდა, მე ჩემს გზას ვადგავარ და სხვათა სუსხიანი სიტყვა კოლო-ბუზების ბზუილად მიჩნსო. პირიქით, ჩვენ დიდად ვაფასებთ პროფესორ რევაზ მიშველაძის აზრს და ამიტომაც ვუთმობთ მას ამდენ ადგილს.

ზემოთ ციტირებული, როგორც თავად ბრძანებს, „ტკბილი“ შესავლის შემდეგ პატივცემული რევაზი დაპირისპირების მხატვრული ხერხის მოხმობით გვამცნობს — რა ნაუკითხავს ჩვენი ჟურნალის ფურცლებზე და რა — ვერა. ბევრი რამ, რაც ნაუკითხავს, იმგვარი ყოფილა, რომ სჯობდა იმ სახით არც დაგვებეჭდა, ხოლო რაც ნაკითხვის ღირსად მიაჩნდა და სანთლით უძებნია, მისთვის ჩვენს ჟურნალში ვერ მიუკვლევი. მაგალითად, ნაუკითხავს მასალები, სადისერტაციო ნაშრომების ფრაგმენტები რომ არის და სკოლასთან შორეული და საექვო კავშირი რომ აქვს, ინტერვიუები საგამოცდო კომისიათა თავმჯდომარეებთან, სადაც ისინი თურმე „ოლოლოს“ დასძახიან საცოდავ აბიტურიენტებს, წერილები, სადაც ავტორებს კალამი სულმოკლედ მაშინ დაუდევთ, როცა ჩვენი სახელმძღვანელოების ნაკლი უნდა ემხილებინათ. და, პირიქით, ვერ ნაუკითხავს, ვერ უშოვია მასალები, რომლებშიც ჩვენი სკოლისა და ჩვენი საგნის სწავლების საჭირობორტო პრობლემები იქნებოდა გაშუქებული, კერძოდ — სახელმძღვანელოთა მოძველება, სწავლების ტექნიკურ საშუალებათა უქმარისობა, ქართული ენისა და ლიტერატურის სწავლების მდგომარეობა არაქართულ სკოლებში, აგრეთვე — დეფექტურ ბავშვთა სასწავლებლებში, დაწყებითი კლასების სახელმძღვანელოთა აკარგიანობა...

თუ ასეთი უბედურება ტრიალებს ჩვენს დამატებაში, რომ იბეჭდება ის, რაც არ უნდა იბეჭდებოდეს და არ იბეჭდება ის, რაც დასაბეჭდია, მაშინ როგორღა „დგას ჟურნალი სწორ გზაზე?“ როგორღა „კეთდება იგი საქმის მცოდნე, მონდომებული, ქვეყანასა და სკოლაზე გულატიკეებული ადამიანების ხელით?“ ჩვენი თანამოაზრისაგან (თვითონ პატივცემული რევაზის სიტყვებია!) გახლავთ ძნელად დასაჯერებელი, თორემ ამგვარ „დატკბილულ“ შესავალთა მექანიზმი ჩვენთვისაც ცნობილია — მაღლა, ქვეყნის დასანახად ფარზე იმიტომ აგზიდავენ, რომ ზემოდან უფრო ლაზათიანად დაგაზღვეროთ მინას.

(ცნობისთვის: ა) ჩვენს ჟურნალში, ვფიქრობ, ვერაფერს ნაკითხავდა ისეთ წერილს, რომელსაც „საექვო და შორეული კავშირი“ ჰქონდეს სკოლასთან; და თუ რამე ჩაგვეთვლება დამსახურებად, შესაძლოა, პირველ ყოვლისა, ის, რომ ჩვენთან არ იბეჭდება მასალა, რომელიც ჟურნალის თემატიკას არ მიესადაგება. ხოლო, რაც მიესადაგება და შესაფერისია, იმას სადისერტაციო შრომაში შეიტანს ავტორი თუ შრომიდან გამოიტანს, ეს ჩვენ არც გვეკითხება და არც ვეძიებთ; ბ) არც საგამოცდო კომისიის თავმჯდომარეებს და არც რუბრიკას

„ვიცინოთ თუ ვიტიროთ“ თვითმიზნად არ გაუხდიათ აბიტურიენტთა დაცინვა — ისინი გვიხატავენ ჩვენი საგნის სწავლების სწორედ იმ რეალურ, შეულამაზებელ სურათს, რომელიც, თურმე, სანთლით უძებნია და ვერ კი უპოვია ჩვენი ჟურნალის ფურცლებზე პროფ. რ.მიშველაძეს; გ) ქართული ენისა და ლიტერატურის სწავლების საკითხი არაქართულ სკოლებში ჩვენც მტკივნეულ საკითხად რომ მიგვაჩნია და ეს პრობლემა ლუპით საძებარი რომ არ გახლავთ ჩვენი დამატების ფურცლებზე, ამას ადასტურებს საგანგებო რუბრიკა — „სიყვარული გზად და ხიდად“ და ამ რუბრიკით გამოქვეყნებული სტატიები თამარ ციხისელისა (1979 წ. N2), მამუკა თავხელიძისა (1980 წ. N4), გრიგოლ ბერიძისა (1978 წ. N3), მადათ ჩობანოვისა (1978 წ. N4); დ) სახელმძღვანელოთა ავ-კარგზე სჯა-ბაასს რომ ჩვენი ავტორები არ უფრთხიან და ჩვენი ჟურნალიც რომ არ ალამაზებს ამ თვალსაზრისით არსებულ მძიმე ვითარებას, ამაში დასარწმუნებლად თითქმის ყოველი ნომრის „საფიხენო“ გამოდგება; სანიშნოდ მოვიტან კონსტანტინე გამსახურდიასადმი მიძღვნილი ნომრიდან (1982 წ. N3) რამდენიმე ამონაწერს. აი, როგორ მსჯელობენ სახელმძღვანელოს შესაბამისი მონაკვეთის ავ-კარგზე პრაქტიკოსი მასწავლებლები: „სახელმძღვანელოში წარმოდგენილი მასალა დამაკმაყოფილებლად ვერც ერთ საკითხზე ვერ იძლევა პასუხს, ცალმხრივი, სქემატური, მშრალი და ზოგადია; სახელმძღვანელომ კი მოსწავლეს ნაწარმოებისადმი პიროვნული, დამოუკიდებელი მიდგომა უნდა გამოუმუშაოს“... „X კლასის ქართული ლიტერატურის სახელმძღვანელოს ბევრი სერიოზული ნაკლი აქვს... სქემატურად არის მონოღებული მწერლის მდიდარი ბიოგრაფია. სახელმძღვანელოში აღნიშნულია, რომ კონსტანტინე გამსახურდია იყო ყველაზე რეაქციული ლიტერატურული დაჯგუფების ხელმძღვანელი. მოსწავლეებს აინტერესებთ, რაში გამოიხატებოდა ეს რეაქციულობა და კონკრეტულად როგორ და რამდენად აისახა იგი მწერლის შემოქმედებაში... მაგრამ ნიგნის მოცემული მონაკვეთის ყველაზე მთავარი, არსებითი ნაკლი ის გახლავთ, რომ გვერდი აქვს ავლილი „დიდოსტატის“ მხატვრული მხარის ანალიზს“... „სახელმძღვანელოში კ.გამსახურდიას შემოქმედებითი ანალიზი ძალზე სქემატურია; სათანადო ასახვას ვერ პოულობს გიორგი მეფის ეპოქის სირთულე, არაფერია თქმული იმდროინდელ კულტურაზე, კერძოდ — ხუროთმოძღვრებაზე, ნაწარმოების მხატვრულ ღირსებებზე“... „განხილვაში... არაფერია თქმული კონსტანტინე გამსახურდიას თავისებური ენობრივი სამყაროს შესახებ... შეიძლება ვცდებოდე, მაგრამ, მგონია, რომ გმირთა ხასიათები, მათი შინაგანი ფსიქოლოგიური სამყარო თითქმის სრულიად გაუხსნელია“... გულზე ხელი დავიდოთ და ვთქვათ, მეტი რაღა კრიტიკული პათოსი მოეთხოვებათ სახელმძღვანელოთა მიმართ ჩვენს მასწავლებლებს? ე) რაც შეეხება დეფექტურ ბავშვთა სწავლების საკითხს და დანყებითი კლასების სახელმძღვანელოთა ხარისხს, ეს პრობლემები ჩვენი ძირითადი ჟურნალის „სკოლა და ცხოვრებისა“ და მისი დამატების

„დანყები თი სკოლა, სკოლამდელი აღზრდა“ კომპეტენციაში უფრო შედის და, რამდენადაც ვიცი, მათ ეს უბანი უყურადღებოდ არ აქვთ მიტოვებული.

რევაზ მიშველაძემ, დაგეშილი მწერლური თვალის პატრონმა, ეს ყველაფერი ვერ დაინახაო, ამის დაჯერება არ შეიძლება; არ დაინახაო — ამის დაჯერება ჩვენ არ გვინდა. ისლა დაგვრჩენია, რომ ვივარაუდოთ — დიდად გადატივრთულ მწერალსა და სპეციალისტს, ეტყობა, ჩვენი დამატების საფუძველიანად გასაცნობად ვერ მოუცლია და ჩანს, ვერც მთლად სანდო და კეთილსინდისიერი საინფორმაციო წყაროთი უსარგებლია...

რაც შეეხება მის სამ „შინაურულ“ რჩევას, უფრო სწორად, მამაშვილურ დარიგებას ანუ ზნეობის მცირე, ჭკუისასანავლებელ გაკვეთილს, რომელიც საქვეყნოდ და უანგაროდ ჩაგვიტარა პატივცემულმა მწერალმა-სპეციალისტმა, მადლობის მეტი რა გვეთქმის. არა კაც კლა და არა იბრუშოო — არ შეუხსენებია, თორემ — არა ამჩატდე, არა იკინკლაო, არა უსწორო ანგარიში, არა მიემხრო უღირსთ, არა ილაჩროო — ამისკენ კი გულწრფელად მოგვინოდა პატივცემულმა რევაზმა. ანბანურ ჭკუშარიტებას მაშინ შეახსენებენ ადამიანს, როცა მისგან გადაცდება ან გადაცდენას აპირებს... გადაცდენილნი და სამუდამოდ დაღუპულნი არ უნდა ვეგონოთ პატივცემულ რევაზს — სხვანაირად იგი ვერ დანერდა — დიახაც თქვენი თანამოაზრე ვარო. ეს უფრო მოლა ნასრედიანის მიერ თავისი გოგონასათვის ჩატარებულ მცირე პედაგოგიკურ-დიდაქტიკურ ექსპერიმენტს ჰგავს — დოქით ნყალზე რომ გაგზავნა და ნინასწარ გაანა სილა — რომ გატეხავს, მერე ცემა გვიანლა იქნებო. აღზრდის ეს მეთოდი იშვიათი გამონაკლისის სახით, შესაძლოა, ეფექტურიც იყოს ოჯახურ წრეში მცირენლოვანთა მიმართ, მაგრამ ყოველი მოსალოდნელი გადაცდენის გამო სოლიდური ასაკის ხალხმა რომ ეს ხერხი გამოიყენოთ, ქვეყანას სილის ლანალუნი გააყრუებდა და სხვა საქმეც არაფერი უნდა გვეკეთებინა.

განსაკუთრებით შეგვაფიქრიანა პატივცემული რევაზის გულახდილმა საყვედურმა — გაბედულება და პრინციპულობა გაკლიათო („მეტ კონკრეტულობას და გაბედულებას გირჩევთ“... „ამ და ბევრ სხვა საკითხზე უფრო პრინციპულ, კრიტიკურ საუბარს გირჩევთ, მეგობრებო“... „ეცადეთ უფრო ქმედითი იყოს თქვენი გამოსვლა, ხანდახან ფელეტონისტის ხალაითიც ჩაიცივით და მწვავედ გააკრიტიკეთ“ და ა.შ.). გულახდილად უნდა ვალიართო, ჩვენს უურნალს ყველაზე ნაკლებ ჰქონდა შიში იმისა, რომ გაუბედაობას და შემგუებლობას უკიყინებდნენ. თუმცა გამბედაობაც არის და გამბედაობაც! თუ პატივცემული რევაზი გამბედაობას იმ აქტს უწოდებს, რისთვისაც იგი თავად მზად ყოფილა („იქნებ სცადოთ მინანდინოთ ხმა, სადაც საჭიროა — გამომიგზავნონ სარედაქციოდ რომელიმე სახელმძღვანელო და მე სრულიად უსასყიდლოდ და უანგაროდ გაუუკეთებ რედაქციას. ამოყერი რაც ზედმეტი და სუსტია და შეეავსებ იმით, რაც უფრო გამოადგება დღევანდელი სკოლის მოზარდს“), მაშინ ჩვენ მართლაც განზე უნდა გაედგეთ: ავტორთა

კოლექტივები, მეთოდიკური საბჭოები, სამთავრობო კომისიები წლების მანძილზე, ხანგრძლივი წინასწარი მუშაობის შედეგად, დიდი განსჯისა და კამათის შემდეგ ამოიღებენ ხოლმე სახელმძღვანელოდან ძველ ავტორებს და შეაქვთ ახლები. არამცთუ ავტორების, არამედ თითოეული ცალკე ნაწარმოების ქრესტომათიაში შეტანა-არშეტანის საკითხი მისხალ-მისხალ იწონება. მხოლოდ ამგვარი მიდგომა ერთადერთი სწორი გზა სახელმძღვანელოთა შესადგენად (მე პრინციპზე მოგახსენებთ, თორემ შედეგი ამგვარი მუშაობისა, შეიძლება, „მიზეზთა გამო სხვათა და სხვათა“ მაინც ვერ იყოს სახარბიელო!). ამიტომაც ცალკეული, თუნდაც გამოცდილი მწერალ-სპეციალისტის მიერ ავტორთა ასე ხელალებით „ამოყრა-ჩაყრა“, ჩემი აზრით, გამბედაობის საზღვარს სცილდება. ჩვენ რომ ამგვარი გაბედულება გამოვიჩინოთ, „ფელეტონისტის ხალათისა“ რა მოგახსენოთ და, ისეთი ხალათი ანუ პერანგი კი შეიძლება გადაგვაცვან თავზე, რომელშიც ყოფნას არც საკუთარ თავსა და არც პატივცემულ რევებს არც ვურჩევდით და არც ვაკადრებდით.

დასასრულ, ერთი ამონარიდიც პროფ. რ.მიშველაძის მეგობრული შეგონებებიდან: „ავტორები უფრო მეტად საზოგადოებრივი წონისა და პროფესიონალიზმის მიხედვით შეარჩიეთ და ნაკლებად — პირადი სიმპათია-ანტიპათიით“. ჩვენს ჟურნალს, ისევე, როგორც ნებისმიერ გამოცემას, თავისი დამოკიდებულება აქვს ცალკეულ მკვლევართა ნაღვანის მიმართ და ამას, ცხადია, ცოდვად ვერაფერს ჩავგივთვლის. აქ მთავარი სხვა რამ გახლავთ — საკმაოდ გამჭვირვალედ და არაორაზროვნად მიგვანიშნებს, რომ ჩვენი სიმპათია-ანტიპათიის საფუძველია მცდარი — უღირსთა ვეძალებით და პროფესიონალებსა და „საზოგადოებრივი წონის“ მქონეთ გვერდს ვუვლით. ასეა ვითომ? თუმცა, სჯობს, ფაქტებმა იმეტყველონ; გადავავლოთ თვალი ჩვენს ავტორთა სიას. მანამდე კი შეგახსენებთ, მკვლევართა პროფესიონალიზმსა და მეცნიერულ წონას ჩვენში ხარისხები და წოდებები განსაზღვრავს; შესაძლოა, მეცა და ფილოლოგიურ მეცნიერებათა დოქტორს, პროფესორ რევაზ მიშველაძესაც ამ საკითხზე განსხვავებული შეხედულება გვექონდეს, მაგრამ ჯერჯერობით ოფიციალურად ეს ასეა. დოცენტებისა და კანდიდატების ჩამოთვლით თავს არ შეგანყენთ (მათ კი ბოდის მოვუხდით; ბევრი მათგანი, ჩვენი აზრით, ბარე ორ, უფრო მაღალი ცენზის მკვლევარს არ დაუდებს ტოლს) — აი, ნუსხა პროფესორთა და დოქტორთა, რომლებიც ამ ბოლო ხუთი წლის მანძილზე დავებჭდეთ: აკაკი განერელია, სოლომონ ხუციშვილი, გაიოზ იმედაშვილი, სერგო ჯორბენაძე, იოსებ მეგრელიძე, ლევან კვაჭაძე, უმანგი ობოლაძე, პროკლე კეკელიძე, ალექსანდრე ლლონტი, ივანე იმნაიშვილი, მზექალა შანიძე, ლევან მენაბდე, ჯუმბერ ჭუმბურიძე, ნოდარ კაკაბაძე, ვახუშტი კოტეტიშვილი, გურამ ასათიანი, ანტონ კიზირია, ნოდარ ნათაძე, გურამ რამიშვილი, ალექსანდრე გვახარია, ბაქარ გიგინეიშვილი, ნოდარ ტაბიძე, როინ მეტრეველი, მარიამ თაბორიძე, გიორგი შალამბერიძე, ზურაბ

ჭუმბურიძე, ვიოლეტა ცისკარიძე, კორნელი დანელია, ზურაბ სარჯველაძე, ალექსანდრე ფოცხიშვილი, თინათინ ოჩიაური, ალექსანდრე ბენდიანიშვილი, ვალერიან ითონიშვილი, რევაზ სირაძე, ელიზბარ ჯაველიძე, ბეჟან ბარდაველიძე, ელგუჯა ხინთიბიძე, რისმაგ გორდუზიანი, ბესიკ ჯორბენაძე...

ბატონ რევაზს, შესაძლოა, პროფესორისა და დოქტორის რევალიები თავმდაბლურად არც ემძიმებოდეს და, როგორც ჩვენი ჟურნალის კეთილისმსურველსა და თანამოაზრეს, უფრო მაღალი ცენზის ავტორები ემეტებოდეს ჩვენთვის. კეთილი და პატიოსანი, „დავამძიმოთ“ ჩვენი ნუსხა; აკადემიის ნამდვილი წევრები და წევრ-კორესპონდენტები: აკაკი შანიძე, არნოლდ ჩიქობავა, ალექსანდრე ბარამიძე, ივანე გიგინეიშვილი, შოთა ძიძიგური, ვახტანგ ბერიძე, ელენე მეტრეველი, მარიამ ლორთქიფანიძე, ნიკოჭავჭავაძე, სარგის ცაიშვილი...

მაგრამ იქნებ მთავარია ავტორთა არა მეცნიერული, არამედ, როგორ მწერალი რევაზ მიშველაძე ბრძანებს, „საზოგადოებრივი ნონა“? ამგვარი ნონა კი ჩვენში, პირველ ყოვლისა, მწერლებს აქვთ. მწერალ თამაზ ჭილაძეს დავიმონებ — განახლებული დამატების ერთ-ერთ უმთავრეს ღირსებად მას ქართულ მწერლობასთან კავშირი მიაჩნია. ეს ლიტონ განცხადებად რომ არავინ მიიჩნოს, აი, ნუსხა იმ მწერალთა, რომლებიც ჩვენთან თანამშრომლობენ: სერგო კლდიაშვილი, ოტია იოსელიანი, მორის ფოცხიშვილი, რევაზ თვარაძე, თამაზ ჩხენკელი, არჩილ სულაკაური, ჯანსულ ჩარკვიანი, გივი გეგეჭკორი, ტარიელ ჭანტურია, რეზო ჭეიშვილი, აკაკი ბაქრაძე, ნოდარ წულეისკირი, ზურაბ კიკნაძე, ბაჩანა ბრეგვაძე, ემზარ კვიციანიშვილი, თეიმურაზ მალაფერიძე, ბესიკ ხარანაული... უფრო მეტიც, კადნიერებაში ნუ ჩამოგვეერთმევა და, ჩვენს ავტორებად მიგვაჩნია ის მწერლებიც, რომელთა მემკვიდრეობიდან ზოგიერთი რამ პირველად ჩვენმა დამატებამ გამოამზეურა; აი, ისინიც — კონსტანტინე გამსახურდია, მიხეილ ჯავახიშვილი, ნიკო ლორთქიფანიძე, აკაკი წერეთელი.

ძალიან მძიმედ უნდა გრძნობდე კაცი თავს, რომ ზემოჩამოთვლილთა მეცნიერული თუ საზოგადოებრივი ნონა გემჩატოს. ამგვარ ეჭვს პატივცემულ რევაზ მიშველაძეს ვერ შევკადრებთ; ამიტომ ეს კუროზიც იმას უნდა დაჰბრალდეს, რომ ჩვენი დამატება საძებარი და ძნელად საშოვარი გამხდარა; აკი თავად ბრძანებს პატივცემული რევაზი — „ქართულ ენასა და ლიტერატურას სკოლაში“ ელიან და დაეძებნო. დაეძებენ, მაგრამ ზოგნი, ეტყობა, უშედეგოდ, თორემ მეტი ყურადღებით ნაიკითხავდნენ მას.

ჩვენი მკითხველი, ალბათ, შენიშნავდა, რომ „საფიზნოს“ მონანილებს ზოგჯერ ერთსა და იმავე საკითხზე დიამეტრულად განსხვავებული მოსაზრება აქვთ: ერთნი რომ მეთოდოლოგიური მასალის სიმწირეს უჩივიან, სხვები ნმინდა წყლის მეთოდოლოგიას საერთოდ უგულვებელყოფენ; ერთს რომ ჟურნალის ფურცლებზე მასწავლებელთა გამოთქმული აზრები არ მოსწონს (კომე-

დაშვილი), მეორეს სწორედ „მოფიხენე“ მასწავლებლების სჯა და აზროვნების დონე ხიბლავს და ეიმედება — რახან ასეთი მასწავლებლობა გვყავს, ჩვენი სკოლის მომავალი საიმედო ხელში ყოფილაო (თ. ჭილაძე); პატივცემულ ვალერიან რამიშვილს მოძველებულად მიაჩნია რუბრიკა „ვიცინოთ თუ ვიტიროთ“, სხვები კი, განსაკუთრებით, პრაქტიკოსი მასწავლებლები, საყვედურს გვეუბნებიან — რატომ დაადუმეთ ეს რუბრიკა ამდენი ხნით, ხომ არ მოგიჩლუნგდათ სატირული ნესტაროო; ერთნი რომ ამტკიცებენ, ჟურნალს მიმართულება არ შეუცვლიაო, სხვები მიიჩნევენ, რომ ჟურნალი ბოლო ხუთი წლის მანძილზე მკვეთრად შეიცვალა როგორც ფორმით, ისე შინაარსით — და ა.შ. ეს მოსალოდნელიც იყო — საფიხენო ხომ ის ადგილია, სადაც აზრთა ჭიდილი და „ალებმიცემობა“ იმართება. ჩვენ, რედაქციის მუშაკებს, მოგვინევს თვით ამგვარი ურთიერთსაწინააღმდეგო მოსაზრებებიდანაც კი სათანადო დასკვნების გამოტანა — არა ხელალებით უარყოფა დაპირისპირებულ დებულებათაგან ერთ-ერთისა (ეს ადვილი გზაა), არამედ ორივედან სასარგებლო მარცვლის გამორჩევა და დაფიქრება იმაზეც — რა არის აზრთა ამ სხვაობის მიზეზი და როგორ მოველება მას. შესაძლოა, მკითხველს ის შთაბეჭდილებაც დარჩეს, რომ „საფიხენოს“ მონაწილენი თავ-თავიანთი სამრეკლოდან რეკენ: მეთოდისტი მეთოდოლოგი ასპექტის გაღრმავება-გაძლიერებას მოითვს, მასწავლებელი — პრაქტიკოსთა გამოცდილების სისტემატურ გაზიარებას, ენის სპეციალისტი — მართლწერის, ლექსიკოლოგიისა და სტილისტიკის პრობლემებზე ყურადღების მეტად გამახვილებას, ლიტერატორები — ლიტერატურის თეორიის, პოეტიკის და, საერთოდ, მხატვრული ანალიზის საკითხებისათვის მეტი ადგილის დათმობას და ა.შ. ესეც ბუნებრივი გახლავთ; ზოგი სპეციალისტი ჩვენი ჟურნალის სამოქმედო არეალის შემდგომი გაფართოება-გაღრმავების მიზნით ახალ-ახალ რუბრიკებსა და საჟურნალო პრობლემეტიკას გეთავაზობს: „ეტიმოლოგია“, „ანთროპონიმები“, „ტოპონიმები“, „დიალექტური ლექსიკა“, „მწერლის ენა“, „ჩვენი ბიბლიოგრაფია“, „კვალი ნათელი“, „ძველი ქართული ტექსტები“ და ა.შ. ამათგან ზოგიერთი უკვე გათვალისწინებული გვექონდა — მაგალითად, „ბედი ნიგნისა“ ძირითადად სწორედ უმნიშვნელოვანეს ძველ ქართულ ხელნაწერებს ეძღვნებოდა, „სიტყვის თავგადასავალი“ — ქართული სიტყვის ეტიმოლოგია-სემანტიკას (სამწუხაროდ, ჯერჯერობით მხოლოდ ორად ორი სტატია დაიბეჭდა ამ სახისა); ზოგიერთიც — უეჭველად უნდა გავითვალისწინოთ, მაგალითად, ბიბლიოგრაფიული მიმოხილვა და ქართული კულტურის, ენისა და ლიტერატურისათვის დამაშვრალთა მართლაც ნათელი კვალის ამსახველი რუბრიკა. ეს კია, რომ ძალიან დაკონკრეტებულ საკითხებზე საგანგებო რუბრიკებს ჩვენი თხელი და მეჩხერი დამატება (რვა ნაბეჭდი თაბახი წელიწადში ოთხჯერ) ვერ გაუძლებს... მაგრამ აქ, ვგონებ, ჩვენც ჩვენი სამრეკლოდან შემოვკარით და, ამიტომაც, სჯობს „დავიდუმნოთ“.

საფიხენოს თითქმის ყოველი მონანილე აღნიშნავს, რომ ჟურნალი ჩინებულად არის გაფორმებული; ამას ჩვენი მხატვრის ვახტანგ რურუას მაღალ პროფესიონალიზმს უნდა ვუმაღლოდეთ. გამოითქვა შენიშვნაც — ერთსა და იმავე ნომერში ერთი და იმავე მწერლის ერთსა და იმავე ფოტოსურათს რატომ ბეჭდავთ, ეს ხომ საჟურნალო ადგილს გართმევთ... ასეთი რამ პოლიგრაფიული თვალსაზრისით, მართლაც, ადგილის უაზრო ფლანგვა იქნებოდა, ოღონდ ესაა, მცირე ზომის, ძირითადად შტრიხით შესრულებული პორტრეტები, რომლებიც სათაურებთან მეორდება ხოლმე, მხოლოდ დამლის ფუნქციას ასრულებს — მისით აღვნიშნავთ „მენინავე თემას“, ე.ი. ამ მწერლის შემოქმედებისადმი მიძღვნილ მასალას.

ყოველი გამოცემა — მათ შორის, ცხადია, ჩვენი ჟურნალიც — ცოცხალი ლიტერატურულ, მეცნიერულსა და, უფრო ზოგადად, კულტურულ პროცესშია ჩართული და, აქედან გამომდინარე, გარკვეული პოზიციის გამომხატველიც, ასე რომ, იგი არც შეიძლება ყველასათვის ერთნაირად მისაღები იყოს — ერთს რომ მოსწონს, სხვას, შესაძლოა, აღიზიანებდეს კიდევც... მაგრამ ეს არ უნდა გვაღიზიანებდეს ჩვენ — რედაქციის მუშაკებს. მეტიც იქმის — ღმერთმა დაგვიფაროს, რომ ჩვენი დამატება უკლებლივ ყველას მოსწონდეს — ლიტერატურული ან სამეცნიერო ჟურნალი, რომელსაც მონიანაღმდეგე და ოპოზიცია არა ჰყავს, მკვდარი ჟურნალია. მაგრამ ეს იმას როდი ნიშნავს, რომ არ ვეცადოთ თანამდგომი მეტი გვყავდეს, ვინემ ძვირის მთქმელი. საამისოდ გასათვალისწინებელია ყოველი კრიტიკული შენიშვნა, სულ ერთია, მონიანაღმდეგის მიერ იქნება იგი გამოთქმული თუ თანამდგომისა; ამიტომაც გემართებს ყურად ვიღოთ ბევრი რამ, თუნდაც ამ „საფიხენოში“ მოსმენილი. მაგალითად, გასათვალისწინებელია პროფ. ვ. რამიშვილის შენიშვნა — მეთოდოლოგია ისედაც იჩაგრება და, მით უფრო, ენის მეთოდოლოგია არის ჩრდილში მოქცეულიო. საერთოდაც, ქართული ენის სწავლების საკითხს, ალბათ, მეტი ყურადღება უნდა დაუთმოთ; მომავალ წელს ჩვენი დამატება გეგმავს ერთი ნომერი მთლიანად მიუძღვნას ამ პრობლემას. გასაზიარებელია პროფ. რ. მიშველაძის რჩევა: სტატიებში, „საფიხენოებში“ ნამოჭრილ პრობლემებს ბოლომდე მიჰყევით, შეანუხეთ, სადაც და ვინც ჯერ არს, გაარკვიეთ, რა ბედი ენა თქვენს ფურცლებზე გამოთქმულ კრიტიკურ მოსაზრებებს პროგრამათა და სახელმძღვანელოთა შესახებო. ამასვე მოითხოვენ პრაქტიკოსი მასწავლებლებიც. მასწავლებელი ი. ელისაშვილი სამართლიანად გვისაყვედურებს — დამატებას ოპერატიულობა აკლია, იგვიანებსო. მაღლობელი ვართ, რომ ამის მიზეზს თავადვე ასახელებს — „ალბათ, სათანადო დონის მასალის მოპოვებას დიდი დროა და ენერგია სჭირდება“ — მაგრამ, ჩვენდათავად უნდა ვალიაოთ, რომ ეს ვერაფერი ნუგეშია ჟურნალის მომლოდინე მკითხველისთვის. სამართლიანად მოგვთხოვენ პერიფერიაში მოღვაწე მასწავლებლებმა, თუ ჩვენი უფრო აქტიური მონანილეობა გსურთ დამატების მუშაობაში, განსაკუთრებით, „სა-

ფიხვნობში", წინასწარ გამოაქვეყნეთ სია თქვენი „მეწინავე თემებისა“; ეგ კი არა, თვით „საფიხნოს“ კითხვებიც შეგიძლიათ წინასწარ დაბეჭდოთ — მაშინ უფრო გაიზრდება თქვენი ფოსტა და გეოგრაფიაცო. გეთანხმებით, მომავალში ასეც ვიზამთ... და ეს დაპირება რომ ლიტონ სიტყვებად არ დარჩეს, ბარემ-ლა აქვე გაცნობებთ სავარაუდო „მეწინავე თემებს“ მომავალი წლისათვის (თანამიმდევრობა, შესაძლოა, შეიცვალოს): 1. ლეო ქიაჩელის შემოქმედება; 2. გიორგი ლეონიძის შემოქმედება; 3. ახალი ავტორები ქართული ლიტერატურის პროგრამებში; 4. ქართული ენის სწავლების საკითხები...

დასასრულ, იოსებ გრიშაშვილის საბავშვო პოემას შევახსენებ ჩვენს მკითხველებს — მუსტაფას, მისი შვილიშვილისა და ვირის სახუმარო და ჭკუისასწავლებელ ამბავს: ყველა ვარიანტი სცადა მუსტაფამ ვირით მგ ზავრობისა — თვითონ შეჯდა, შვილიშვილი შესეა, ორივენი შესხდნენ, ბოლოს დაქვეითდნენ და „ფეხ-ფეხა“ მიჰყვნენ ვირს; და მაინც — ამაოდ, სეირის მაყურებლებმა ყოველთვის დაუნუნეს არჩევანი მოხუცს. გაჯავრებულმა მუსტაფამ ბოლოს ხელი ჩაიქნია — ყველას რომ დაეუჯერო, სად წავა, სოფელი ჭრელიაო.

ზოგჯერ მუსტაფასნაირ შეჭირვებულ მდგომარეობაში არიან ჟურნალის მესვეურები — შეუძლებელია ყველას დაუჯერო, ყველას აამო, ყველას ჭკუაზე იარო. მაგრამ ჩვენ მაინც მუსტაფაზე მეტი მოგვეთხოვება — ყოველი საქმიანი შენიშვნის, რჩევის, აზრის, სურვილის ანალიზი, ანონ-დანონა და შესაფრის პირობებში მათი გათვალისწინება; მოგვეთხოვება თუნდაც იმიტომ, რომ ჩვენ სეირის მაყურებლები კი არა — ქართული ენის, მშობლიური ლიტერატურისა და ეროვნული სკოლის გულშემატკივრები გვეხმიანებიან.

„სკოლა და ცხოვრება“, N12, 1983

„არს უმეავესი წმასისა“

გაზეთი „კომუნისტი“ რომ დიდ ადგილს უთმობს ქართული ენის, ლიტერატურისა და, საერთოდ, ეროვნული კულტურის საკითხებს, ამას მარტო დროის ქროლვას ნუ მივანერთ; ჩვენს საზოგადოებაში მუდამაც არსებობდა შინაგანი მოთხოვნილება — რესპუბლიკის მთავარ გაზეთს უფრო ვრცლად და ღრმად გაეშუქებინა სატკივრიანი ეროვნული საკითხები... ახალი დროების სასიკეთო ნიშნად კი უფრო ის გვიჩანს, რომ „კომუნისტი“ აღარ ერიდება განსხვავებული თვალსაზრისების ბეჭდვას. მაგანთა ეჭვს — ამით გაზეთი ოფიცოზისათვის ნიშანდობლივ უმაღლესი არბიტრის ფუნქციას დაკარგავსო, პლურალიზმის ეპოქაში ყავლი გაუღის.

ახლა ერთ საგანგაშო ტენდენციასზეც მოგახსენებთ, ბოლო ხანს რომ იჩინათ თავი ჩვენს პრესაში. გახშირდა წერა იმაზე, რაშიც ნაკლებად ან სულაც ვერ ვერკვევით. ზოგჯერ თავსაც ვინონებთ — მე ამ საქმის სპეციალისტი არ ვახლავართ, ამ პრობლემაზე არასოდეს მიმუშავიაო... თავმდაბლობაა ვითომ? არ დაიჯეროთ! გულახდილობით ამ კეკლუტობის მიღმა მკითხველმა, ალბათ, უნდა ამოიკითხოს — ჩემთვის შორეულ საკითხებში რომ ასე დიდებულად ვერკვევი, ახლობელში რაღა იქნებაო.

ცხადია, საზოგადოებრივად საინტერესო საკითხებზე ყველას აქვს უფლება თავისი მოსაზრება გამოთქვას, მათ შორის — არასპეციალისტსაც. გამოთქევამთ კიდევც... ზოგჯერ — ანგარიშგასანევიც... მაგრამ ეს მხოლოდ მაშინ მომხდარა, როცა საკითხი საგულდაგულოდ შეუსწავლიათ. თანაც, გასაგები მიზეზების გამო, არასპეციალისტის მსჯელობა სპეციალურ საკითხებზე მოკრძალებულ ტონსაც გულისხმობს.

სამწუხაროდ, ეს ორივე ნიშანი აკლია ფილოლოგიის მეცნიერებათა დოქტორის, პროფესორ ა. ნიკოლეიშვილის წერილს „ახალ შეცდომათა თავიდან ასაცილებლად“ (გაზეთი „კომუნისტი“, 1988 წ. 12 ივნისი). მართალია, მკითხველებს გვიბოდინებენ — „მე არც ტექსტოლოგი ვარ და არც რუსთველოლოგი“ — მაგრამ ასეთი განცხადება ვერაფერი შელავათია იმისთვის, ვინც კისრულობს თავისი მოსაზრებანი გაგვიზიაროს „ვეფხისტყაოსნის“ ტექსტის დადგენის საკითხებზე. მე კი ამ აღიარებამ, ცოტა არ იყოს, მიშელავათა — თუ პოემის ტექსტის დადგენის კრიტიკას არ სდომია არც რუსთველოლოგობა და არც ტექსტოლოგობა, ეს ყველაფერი კიდევ უფრო ნაკლებად მომეთხოვება ჩემი მოკრძალებული მიზნისთვის — გაავბათილო კრიტიკის სამოსლით შებურული უსაფუძვლო ბრალდებანი.

ზემოხსენებული პუბლიკაციით ა. ნიკოლეიშვილს მიზნად დაუსახავს დროულად შეხშიანებოდა აღმანახ „კრიტიკის“ (1988 წ. N2) მიერ დარისხებულ განგაშის ზარს — „როგორ ეპატრონობთ მარგალიტს?“ ვის უხმობდა ზარი? — ყოველ ჩვენგანს; რისკენ მოგვიწოდებდა? — სიფხიზლისაკენ, ვინაიდან უკეთურ ძალებს მარგალიტის ნაცვლად ჩვენთვის თალლითის ანუ ყალბი თვლის შემოპარება განუზრახავთ. აღმანახი გვაუნყებდა, რომ ჩვენი გამომცემლობები ბოლო წლებში გართულან (!) „ვეფხისტყაოსნის“ დამახინჯებული ტექსტის წამდაუნუმ (!) ბეჭდვით; ამაში, თურმე, ბრალი მიუძღვის ვეფხისტყაოსნის ტექსტის დამდგენ კომისიას, რომელსაც თავისი ავტორიტეტით დაუთრგუნავს გამომცემლობები და არ მიუცია იმის საშუალება, კომისიის მიერ დადგენილი ტექსტი მათ ჩაესწორებინათ (!).

„ვეფხისტყაოსნის“ ტექსტის დამდგენ კომისიას აღმანახმა „კრიტიკამ“ ბევრი სხვა ცოდვაც აპკიდა: „აკადემიკოსური ამბიციები“, „ვეფხისტყაოსნის“ სპეციალისტობის დაჩემება“, „პროფესორის ლუპით მისი „ჩხრეკა“, უვიცობა, სიყრუე, სიბრმავე და, თქვენ წარმოიდგინეთ, სიძლევეც კი („განა

შეიძლებადა ასე თამამად, ახირებული სურვილით მისვლა რუსთაველთან, რაკი ტექსტის დამდგენი კომისიის წევრი ვარ, უსათუოდ რალაც ცელილება უნდა შევიტანრო?" — „კრიტიკა“, 1988 წ. N 2, გვ. 9). კომისიას, თურმე ნუ იტყვიო, იმის საპირისპირო საქმე უკეთებია, რისთვისაც შეიქმნა: ნაცვლად იმისა, რომ ტექსტი ნაყალბევი ადგილებისაგან გამოეხშირა და გადამწერთა შეცდომებისაგან გაენმინდა — მოკლედ, დაედგინა პოემის კანონიკური ტექსტი — „ტლანქი ხელითა და ტლანქი გონებით“ შეურყვინია და დაუმახინჯებია იგი. მოკლედ, „კრიტიკას“ თუ ვერწმუნებით, შეცდომა ცოტაა — ამას დანაშაულის სუნი უდის, დამნაშავენი კი უნდა დაისაჯონ... ჩაქოლეა მათთვის ნამეტანია, მაგრამ არც მთლად ნიშანდაუდებლად გაშვება იქნებოდა სწორი... ამიტომაც — მათრახი და მისი ჯანი! („ამ წერილს რომ ეწერდი, გამახსენდა რუსთაველის საოცრად ფერწერული სტრიქონი: „მისნი მკვახედ მოუბარნი მათრახითა შეგვამნიფნა“. როგორც ჩანს, ტექსტის დამდგენი კომისიის წევრებს ეს სტრიქონი არც ერთხელ არ გახსენებით“ — იქვე, გვ. 9).

აი, ამ პათოსით შეგონებულ პუბლიკაციებს ასხამს ხოტბას პროფესორი ა. ნიკოლეიშვილი. როგორც იტყვიან, კაცია და გუნებო, ზოგს მღვდელი მოსწონს და ზოგსაც — მღვდლის ცოლი... მაგრამ მოწონება ერთია და ამ ხოტბით მკითხველის ცდუნება — მეორე. ერთია, როცა ამგვარი სენსაციური მასალა იბეჭდება ათიათასტირაჟიან სამეცნიერო ორგანოში, და სხვაა, როცა ეს ინფორმაცია ასიათასობით ტირაჟის მქონე რესპუბლიკის უმთავრესი გაზეთის საშუალებით მოეფინება ქვეყანას. ამიტომაც ჩავთვალე თავი ვალდებულად ამავე გაზეთის საშუალებით მეცადა ამ უსაფუძვლო ბრალდებათა გაბათილება.

ჯერ ეს ვიკითხოთ — რა გვამცნო ახალი პროფესორ ა. ნიკოლეიშვილის სტატიაში? — არაფერი. მხოლოდ გაიმეორა ის, რაც უკვე გვაუწყა ალმანახმა „კრიტიკამ“: რომ ვეფხისტყაოსნის ტექსტის დამდგენმა კომისიამ არათუ თავი ვერ გაართვა თავის ამოცანას, მას დაუმახინჯებია და გაუყალბებია კიდევ ტექსტი. კომისიას, თურმე, დაუშვია „მიუტყევებელი შეცდომები“, რომ „ტექსტის გაუმართლებელი ხელყოფისა და შეცვლა-დამახინჯების მრავალსაუკუნოვანი პროცესი დღესაც გრძელდება“, რომ „აგერ ჩვენს თვალწინ კელავ ჩნდება საფრთხე ვეფხისტყაოსნის ახლებურად შერყვნილი ტექსტის დაკანონებისა, რაც მიუტყევებელი დანაშაულია ერის წარსულისა და მომავლის წინაშე“...

და რაც, ეტყობა, არანაკლებ მნიშვნელოვანია, მკითხველს ეუწყა: ალმანახ „კრიტიკის“ რედაქციას საშვილიშვილო საქმე გაუკეთებია, რომ უმხილებია ტექსტის დამდგენი კომისია — და ეს მომხდარა (როგორც საათურშია აღნიშნული) „ახალ შეცდომათა თავიდან ასაცილებლად“.

ამრიგად, პროფესორ ა. ნიკოლეიშვილს თავის სტატიაში კომისიის „ავნაქნარობის“ არც ახალი მაგალითები მოუყვანია და არც „კრიტიკაში“ მოხ-

მოზილი მაგალითები გაუმარებია რაიმე ახალი არგუმენტით... კეთილი და პატიოსანი, მაგრამ თუნდაც საერთო შეფასება ხომ რალაცად მაინც ღირსო, იფიქრებს მკითხველი... ცხადია, ელირებოდა, ეს შეფასება რომ გამოეთქვა რომელიმე ავტორიტეტს რუსთველოლოგიაში, ა. ნიკოლეიშვილი კი თავად აღიარებს: „მე არც ტექსტოლოგი ვარ და არც რუსთველოლოგი“...

ზემოთ მოგახსენეთ, არავეინ მოითხოვს, რომ „ვეფხისტყაოსანზე“ მხოლოდ „ნაფიცმა“ რუსთველოლოგებმა წერონ. მთავარია ამ განსჯის ნაყოფი. სწორედ ამ „ნაყოფისაგან იცნობა“ ავტორის კომპეტენტურობაც და ბევრი სხვა რამაც... სამწუხაროდ, პროფ. ა. ნიკოლეიშვილმა და „კრიტიკის“ ზოგიერთმა ავტორმა რომ თავიანთი რუსთველოლოგიური ღენის ნაყოფი შემოგვთავაზეს, ის, შოთასი არ იყოს, „არს უმჟავესი ნმახისა“.

ყოველივე ზემოთქმული რომ ლიტონ განცხადებდად არ დარჩეს, „კრიტიკის“ პუბლიკაციებზეც უნდა ითქვას ორიოდ სიტყვა. ისინი, რალა თქმა უნდა, არც ერთნაირი მეცნიერული დონისა არიან და, ეტყობა, არც ერთი და იმავე მიზანდასახულებისა. პროფესორ ლევან მენაბდის სტატიაში, მაგალითად, კორექტულად არის წარმორჩენილი რუსთველოლოგიის ერთი სადავო პრობლემა — შვეიტანოთ თუ არა „ინდო-ხატაელთა“ ამბავი აკადემიურ გამოცემაში; ასევე, ჩემთვისაც და, ალბათ, ყველასათვის გასაზიარებელი ჩანს თენგიზ ჩხაიძის გულისტკივილი — ჩანართად არ უნდა მიგეყენია და არ უნდა შევლეოდით რუსთაველის „ნაჭედ“ სტრიქონებს: „კარვის კალთა ჩახლართული ჩაეჭერ, ჩაეკარაბაკე“ და ა.შ. ოლონდ, აქვე ვიტყვი — ავტორს მკითხველისთვის აუცილებლად უნდა ეცნობებინა, რომ აქ „ვეფხისტყაოსნის“ ტექსტის დამდგენი კომისია არაფერ შუაშია: 1970 წლის გამოცემის ტექსტი დაადგინა ბატონმა პავლე ინგოროყვამ და, ცხადია, ამოღებულ სტროფზე (სხვათა შორის, არა მარტო ზემომოტანილზე!) კომისია პასუხისმგებელი ვერ იქნება. რაც შეეხება პროფესორ ალექსანდრე ლლონტის სტატიას — „ვეფხისტყაოსნის“ ერთი სტროფის დასაცავად — აქ, ჩემი აზრით, ავტორის მტკიცებაში ზოგი რამ სადავოა: მაგალითად, კომისიის მიერ ენობრივად გაუმართავად მიიჩნევა საანალიზო სტროფის შესამე ტაეპი, რომელიც გვიჩვენებს, თუ საიდან „მოვიდოიან“ მომღერალი ავთანდილის „შესამკობლად“: „ინდო-არაბ-საბერძნეთით, მაშრიყით და მალრიბელნი“. ასეც არის, და კავშირი აქ მართლაც შეუფერებლად გაფორმებულ სიტყვებს აკავშირებს; თანამედროვე მეტყველებაზე რომ გადმოვიტანოთ, დაახლოებით ასე — „ავთანდილის შესამკობლად მოდიოდნენ ინდოეთ-არაბეთ-საბერძნეთიდან, აღმოსავლეთიდან და დასავლელიები“... პროფესორი ალ. ლლონტი ამ უხერხულობას ასე აღწევს თავს: „აქ და კავშირი ჩანს გადაადგილებული. უნდა გვექონდეს არა „მაშრიყით და მალრიბელნი“, არამედ „და მაშრიყით მალრიბელნი“ იმის შესატყვისად, როგორც სტროფის ბოლო ტაეპში გვაქვს „და მისრეთით მეგვიპტელნი“ (გვ. 19).

პატივცემული პროფესორის არგუმენტაციაც და ანალოგიაც ამ შემთხ-

ვევაში დამაჯერებლად ვერ გამოიყურება: „და მისრეთით მეგვიპტელნი“ — აქ ფორმა შინაარსთან სრულ შესატყვისობაშია: „მისრეთს“ ეგვიპტეს ეძახდნენ და ეგვიპტიდან, ცხადია, ეგვიპტელები მოვიდოდნენ; „და მაშრიყით მალრიბელნი“ კი შინაარსობრივად შეუსაბამოა — აღმოსავლეთიდან დასავლელები მოდიოდნენო. ასეთ უცნაურობას კი რუსთაველი ვერ იტყოდა.

რაც შეეხება აღმანახ „კრიტიკის“ სარედაქციო წერილსა და დანარჩენ ორ სტატიას (ავტორები — რევაზ მიშველაძე და თამარ დაუშვილი), მათში მოხმობილი მაგალითები, რომლებსაც უნდა ეჩვენებინა „ვეფხისტყაოსნის“ ტექსტის დამდგენი კომისიის მეცნიერული უმწეობაც და კადნიერებაც („რა კადნიერებაა, რა უსაბუთო სითამამე!“ გვ. 9), ჩემი აზრით, ბუმერანგად უბრუნდებთ ავტორებს... თუ საჭირო გახდა, ამის დამადასტურებელ წერილს თვითონ „კრიტიკის“ რედაქციას ვაახლებ. წინასწარ კი ვიტყვი: ამ მაგალითთაგან ზოგის ანალიზი იმდენად კურიოზულია (მაგ. ანტინასთან, სამ ზეტასა და მკლავთან დაკავშირებით), რომ სერიოზულ მეცნიერულ გამოცემაში ამაზე კამათი უხერხულიც მგონია. მაგრამ ერთი რამ მაინც ამთავითვე უნდა ითქვას: სარედაქციო წერილსა და თვით რედაქტორის, პროფ. რევაზ მიშველაძის სტატიაში მკაფიოდ იკვეთება ერთი აზრი: „ვეფხისტყაოსნის“ ტექსტის დადგენა მონოპოლიურად თავს უღვიათ მეცნიერებს; უფრო კონკრეტულად — პროფესორის ლუპით აღჭურვილ“ ფილოლოგებს; კიდევ უფრო კონკრეტულად — პოეზიისათვის სმენადახშულ გრამატიკოსებს. შედეგიც, ავტორის აზრით, სავალალოა.

რა შეიძლება ითქვას ამასთან დაკავშირებით? ჯერ ერთი, რატომ გვიქცევია ფილოლოგობა და გრამატიკოსობა სალანძღავ სიტყვებად? შესაძლებელია კაცს გრამატიკის სასკოლო სახელმძღვანელო არ მოსწონდეს ან ქართული ენის გრამატიკამ ჩათვლა-გამოცდების დროს ვინმეს თავი ავად დაამახსოვროს, მაგრამ თვითონ გრამატიკის მეცნიერება ან გრამატიკის სპეციალისტები რა შუაში არიან? პოეტურ ნიჭს რატომ ვუპირისპირებთ ფილოლოგორ უნარს? „ვეფხისტყაოსნის“ ტექსტის დასადგენად, ცხადია, მარტო გრამატიკოსობა არ კმარა, მაგრამ გრამატიკული ცოდნის გარკვეული დონე რომ აუცილებელია, ეს, ვგონებ, სადავო არ უნდა იყოს; ისევე, როგორც არც მხოლოდ მწერლური ნიჭია საკმარისი რუსთველისეული ფორმების დასადგენ-აღსადგენად. არ ვდავობ, მწერალს ყველაზე მეტად აქვს გამახვილებული ენობრივი ალლო, რომელიც პოეტური ტექსტის დადგენის დროს, მართლაც რომ სანუკეელია, მაგრამ ვინ დაამტკიცა, თითქოს ეს ნიჭი ფილოლოგებს ან თუნდაც გრამატიკოსებს სკალპელით უჭონდეთ ამოკვეთილი? ბატონ რევაზ მიშველაძეს, მწერალსა და ფილოლოგის მეცნიერებათა დოქტორს, წესით, ასეთი ჩინური კედლით არ უნდა გაემიჯნა ერთმანეთისაგან მხატვრული და მეცნიერული უნარები. „ვეფხისტყაოსნის“ ტექსტს ადგენდნენ ფილოლოგი აკაკი შანიძეც და პოეტი კონსტანტინე ჭიჭინაძეც, და მათმა შრო-

მამ იმიტომაც გამოიღო კეთილი ნაყოფი, რომ მათგან პირველი პოეტური ნიჭითაც იყო ცხებულნი, მეორეს კი სოლიდური ფილოლოგიური განათლება ჰქონდა მიღებული. გრამატიკის ყბადალებას კი რა შედეგიც მოაქვს „ვეფხისტყაოსნის“ ტექსტის კვლევისას, ეს თვალნათლივ გამოჩნდა სწორედ ზემოდასახელებულ ნერილებში. მაგალითად, რუსთველის ეპოქის ქართულისათვის კანონიკური ფორმა „გონიერთა მწერთელი უყვარს“, რევაზ მიშველაძეს რიცხვში შეთანხმების დარღვევად მიაჩნია (იხ. „კრიტიკა“, 1988, №2, გვ. 8). უკვე პირველ კურსზე კი პატივცემული მწერლისა და პროფესორის მიერ გაქილიკებული გრამატიკის სპეციალისტები სტუდენტ-ფილოლოგებს ამეორებიანებენ იმას, რაც მათ ჯერ კიდევ საშუალო სკოლაში უნდა სცოდნოდათ — ყოველ შემთხვევაში, „ვეფხისტყაოსნის“ სწავლებისას უნდა შეეთვისებინათ: „რუსთველისდროინდელ ქართულში მიცემითში დასმული სახელი ზმნას რიცხვში ვერ ითანხმებს... ისეთი ფორმები, როგორცაა „უნდათ“, „უთქვამთ“, რუსთველისდროინდელ ქართულში არ არსებობს“ („ვეფხისტყაოსანი“, სასკოლო გამოცემა, 1986 წ. გვ. 6). გრამატიკის სპეციალისტებს სხვაგანაც სტყორცნის ირონიულ ისრებს პროფ. რ.მიშველაძე: „თუ პოეზიის (უფრო რთულ) კანონებს ხშირად უგულვებელყოფენ (ასეა! — თ.კ.), გრამატიკის ელემენტარული კანონი მაინც რალად დაივინყეს გრამატიკის ასე კარგად მცოდნე გამსწორებლებმა? რანაირი ქართულია „რაც არა“?

თავისთავად, „რაც არა“ ჩინებული ქართულია, და იგი არც რუსთაველს დაუნუნია: „რაც არა გნადდეს, იგი ქმენ, ნუ სდევ ნადილთა ნებასა“... რაც შეეხება შესიტყვებას „რაც არა — დაკარგულია“, ამაზეც არსებობს რუსთველოლოგთა დაკვირვებანი და, კრიტიკული ლაშქრობის დანყებამდე რომ ზოგჯერ მათ ნაშრომებშიც ჩაგვეხედა, ურიგო არ იქნებოდა (იხ. მაგ. ვუკოლ ბერიძის „ვეფხისტყაოსნის“ კომენტარი“, თბ., 1974 წ. გვ. 51). მთავარი უბედურება ის გახლავთ, რომ ზემოდასახელებული ნერილების ავტორებმა ან არ იციან, ან მკითხველს უმაღავენ, რომ მათ მიერ დანუნებული ყოველი ნაკითხვა ტექსტისა ეფუძნება არა ვინმეს, უკაცრალნი პასუხია, ხუშტურს, არამედ მრავალ ფაქტორთა შეპირისპირება-შეჯერებას. მათგან ერთ-ერთი უმთავრესი გახლავთ პოემის ხელნაწერთა მონაცემები. თუ როგორ დგება პოემის აკადემიური ტექსტი, ამის შესახებ ჩემზე უკეთ თვით ამ კომისიის წევრებს შეუძლიათ მოუთხრონ მკითხველებს, მე კი ამჯერად ერთი მოკლე ინფორმაციით შემოვიფარგლები: 1974 წლიდან მოკიდებული, ჟურნალ „მაცნეში“ (ენისა და ლიტერატურის სერია) სისტემატურად იბეჭდება „ვეფხისტყაოსნის“ აკადემიური ტექსტის დამდგენი კომისიის მთავარი რედაქციის სხდომათა ოქმები. ამ მასალიდან ჩანს, თუ როგორ იქმნება პოემის თითოეული სტროფისათვის მთელი „საქმე“ — ტექსტის პროექტი, მისი ვარიანტები ხელნაწერთა თუ გამოცემათა მიხედვით, არსებული სამეცნიერო ლიტერატურა ამ სტროფზე, სტროფის ცალკეულ სიტყვათა თუ ფორმათა

ქრონოლოგიური და არეალური „განფენილობა“, თანამედროვე ქართულზე გადმოსარგმანებული შინაარსი სტროფისა... მთავარი რედაქცია (მთავარი რედაქტორი 1973 წლამდე — გიორგი წერეთელი, 1973 წლიდან — ალექსანდრე ბარამიძე; რედაქციის შემადგენლობა: ირაკლი აბაშიძე, ივანე გიგინეიშვილი, შოთა ძიძიგური, სარგის ცაიშვილი, ელენე მეტრეველი, ცოტნე კიკვიძე, გურამ კარტოზია) თავის ყოველ სხდომაზე განიხილავდა ამ მასალას და საკმაოდ ცხარე განსჯა-კამათის შემდეგ ამტკიცებდა აკადემიურ გამოცემისათვის თითოეულ სტროფს. „კრიტიკა“ კი ისე იწყებს (მის წინათქმას თუ ვერწმუნებით) „ვეფხისტყაოსნის“ საბოლოო ტექსტის დასადგენად სჯა-ბაასს რუსთველოლოგიურ პრობლემებზე, რომ წარმოდგენაც არა აქვს „მაცნეს“ ზემოდასახელებულ პუბლიკაციებზე. ხოლო თუ ეს იცის და მკითხველს უმაღლავს, მით უარესი რედაქციისთვის.

ტექსტის დადგენისას „აკადემიური ამბიციები“ და „ფილოლოგ-პროფესორის ლუპა“ განზე უნდა გადავდოთ და გზა შემოქმედის ნიჭით ცხებულ მოყვარულებს უნდა დავუთმოთო — ალაღად რომ ვთქვათ, ეს აზრი იკითხება „კრიტიკის“ სარედაქციო წერილიდან და ზემოდასახელებული სტატიებიდანაც. მაგრამ, ილბალი არ გინდა! პოლემიკურ სიცხარეში სწორედ ენობრივმა ალლომ, ტექსტის პოეტურად წვდომის უნარმა უმტყუნა მეცნიერებსა და გრამატიკაზე მოქირქილე ჩვენს შემოქმედ ავტორებს. სხვანაირად როგორ აეხსნათ, რომ პოეტი თამარ დაუშვილი სიტყვას „თავნაკვეთილი“ აღიქვამს როგორც „თავგაჩეჩქილი“, ან — კიდევ უარესი — დიმიტრი ყიფიანს ურევს მეფე დიმიტრი თავდადებულში „(საქართველოსთვის თავნაკვეთილ დიმიტრი ყიფიანს...“, გვ. 24), ხოლო თბილისში რუსთაველის სახლ-მუზეუმის გახსნას მოითხოვს (რუსთაველის სახლ-მუზეუმი, ე.ი. მუზეუმად ქცეული სახლი, სადაც პოეტი ცხოვრობდა, გაგიხარიათ კარგი საქმე იყოს! გულდასაწყეტი მხოლოდ ის არის, რომ ქალბატონ თამარს თბილისში თურმე ეგულება შენობა, სადაც შოთას უცხოვრია და აქამდე დუმდა ამაზე). პროფ. ა. ნიკოლეიშვილი სარედაქციო წინათქმის ავტორობას აღმანახის რედაქტორს მწერალ რევაზ მიშველაძეს მიაწერს, თუმცა იქ სწორედ მწერალური თვალსაზრისით ისეთი უმწეო ფრაზაა, რომ ამის დაჯერებაც ჭირს: „...ჩვენ, უბრალო მკითხველის მანტიით თუ ფილოლოგი პროფესორის ლუპით რუსთაველის „გასაჩხრეკად“ მისულნი“... უბრალო მკითხველი იმიტომაც არის უბრალო, რომ მოსამართლის ან აკადემიკოსის მსგავსად მას საგანგებო სამოსელი ანუ მანტია არა აქვს მხრებზე მოსხმული. თუმცა, სამწუხაროდ, მსგავსი შეცდომებისაგან არც ხელმონერილი სტატიია დაზღვეული. ერთი მაგალითით შემოვიფარგლები. პატივცემული რედაქტორი წერს:

„ადრინდელ ვეფხისტყაოსანშია: „ერთსა ნავესნედი უტეევანსა, ნავეგრძელდი და ნავე გრძელად“. შესწორებულშია: „ერთსა ნავესნედი უტეევანსა, ნავეგრძელდი და ნავე გრძელად“.

რატომ? რატომ? ამ განსაცვიფრებლად მაღალმხატვრულსა და პოეტურ სტრიქონში ჩადებული ინფორმაცია გვაუწყებს, ერთ უტყევანზე (ნაბიჯზე) ნავინიე, ანუ „ნავსწყდი“, „ნავგრძელდი და ნავე გრძელადო“. რა შუაშია „ნავსწყდი“? შემსწორებლები „ნანყდომას“ რელიგიური გაგებით რომ არ გულისხმობენ, ცხადია. იგულისხმება ნავენყდი — „ნავსწყდი“, მაგრამ, რომ არც ესაა სწორი? ტარიელ კი არ „ნანსყდა“, არამედ მანამდე მთელი სტრატეგიული, წინასწარგანჭვრეტილი სელა ჩაატარა რამაზის მუხანათური გეგმის ჩასაფუშავად“ (გვ. 8).

გაიგეთ რამე ამ ტირადიდან, მკითხველო? მე პირადად მხოლოდ ის ვირწმუნე, რომ აქაც უმტყუნა ენობრივმა ალლომ და ტექსტის მწერლურად წვდომა-გაგების უნარმა პროფესორ რ. მიშველაძეს. დავეხსნათ იმას, რომ უტყევანი ერთი ნაბიჯი კი არა, ბევრად მეტია (საბა — უტყევანი არს სტადიონი, რომელსა სომეხნი ასპარეზს უწოდენ, ხოლო ლათინნი და ელინნი სტადიას, რომელი 143 ბიჯი იქნების). სიტყვასთან შეჭიდებულმა კაცმა, შესაძლოა, ყოველთვის ვერც მოიცალო „სიტყვის კონაში“ ჩასახედად, მაგრამ ლექსიკონებში ჩხრეკის გარეშეც განა ძნელი მისახვედრია, რომ აქ „ნავსწყდი“ ნინ გაჭრას, ადგილიდან მოწყვეტას ნიშნავს? „ერთ ნაბიჯზე ნავინიე ნინო!“ — ამას ორმანეთიანი ყველის რიგში ჩამდგარი პენსიონერი თუ იტყვის, და არამც და არამც — ცხენდაცხენ მტრისკენ გაფრენილი ინდოეთის ამირბარი.

„კრიტიკამ“ ერთი ვაი-უშველებელი ატეხა რუსთაველის ცნობილ ტაეპზე — „ზოგსა გადაჰკრის მათრახი ქვე მკრდამდის გასაპობელად“ — ავტორისეული „მკერდამდის“ შეგვირყვენსო. პროფესორმა ა. ნიკოლეიშვილმა, ცხადია, ბანი მისცა „კრიტიკას“ — ეს კია, რომ უშეცდომოდ ვერ გადმოინერა შოთას ფრაზა და დაინუნა არარსებული ფორმა — „ქვე მკერდამდის“. ახლა მოვესმინოთ იმას, ვისაც, ჩემი აზრით, რ. მიშველაძესა და ა. ნიკოლეიშვილზე ნაკლებ არ დაეჯერება „ვეფხისტყაოსნის“ ლექსიკის კვლევისას: „ვარიანტების შერჩევისას, უპირველეს ყოვლისა, ვარკვევდით, თუ რომელი მათგანია ადრინდელი და რომელი რომლისგან უნდა წარმომდგარიყო, ან რომელი რომლის შემდეგ უნდა გაჩენილიყო. მაგალითად, ზოგ ხელნაწერში (ლაპარაკია ყველაზე მნიშვნელოვან A, B, C ხელნაწერებზე, — თ.კ.) იკითხება „ქვე მკრდამდის“: ზოგში კი — „მკერდამდის“. ჩვენ მივიღეთ „ქვე მკრდამდის“... მაგრამ არა იმიტომ, რომ ავრე იკითხება A, B, C ხელნაწერებში, არამედ იმიტომ, რომ სავარაუდებელია, თავდაპირველად იყო „ქვე მკრდამდის“ და იგი გადაკეთდა „მკერდამდის“ ფორმად და არა პირუკუ“.

ასე განსჯის „ქვე მკრდამდის“ ფორმას გრამატიკის „ელემენტარულ“ კანონთა მცოდნე აკაკი შანიძე... პოეზიის უფრო რთული კანონების მცოდნე რვაზ მიშველაძე კი წერს: „მკერდამდის“ ნაცვლად „ქვე მკრდამდის“ რომ ვიხილეთ, პირველად თვალს არ დაუუჯერე, საიდან გაჩნდა ეს ენის გასატეხი „ქვე მკრდამდის“? რა ლალია და რა თავისუფლად „სუნთქავს“ სტრიქონი, როცა

„მკერდამდის“ სწერია და რა ხელოვნურ, დამტყვერეულ-დაღვლარჭნილ იერს იღებს „ქვე მკერდამდით“ შესწორებული“ (გვ. 6).

„ქვე მკერდამდის“ საიდანაც გაჩენილა, ამაზე პასუხი გაცემულია... რაც შეეხება ლალად სუნთქვას, გამოდის, რომ სტრიქონი „ამოუხუთავს“ ფუძის შეკუმშვის შემდეგ მიღებულ თანხმოვანთა კომპლექსს... ამგვარი კომპლექსები სწორედაც ქართულისთვის არის დამახასიათებელი და, ვაი ჩვენდა, თუ ისე „გავისალუქეთ“ ყური, რომ ველარ ვიგუებთ მათ. ნუ იფიქრებთ, თითქოს „მკერდამდის“ ფორმას რაიმეს ვუნუნებდეთ, მე მხოლოდ ის მიკვირს, ძველებურ „მკერდამდის“ ფორმას რა სჭირს დასაწუნნი მეთორმეტე საუკუნის პოეტის მეტყველებაში? ჩემზე მეტად განა „სტროფის სხეულის“ მდინარებასა (!) და მის „ლალ სუნთქვას“ მიყურადებელი შემოქმედის გრძნეულ ყურს არ უნდა ეგრძნო, რომ აქ მართლაც ნატიფი ალიტერაცია გვაქვს კრ-კომპლექსის გამეორებით — „ზოგმა გადაჰკრის მათრახი ქვე მკერდამდის გასაპობელად?“ მკრდ-კომპლექსის გამოთქმა, რ. მიშველაძეს თუ ვერწმუნებით, რუსთაველს უჭირდა, ამიტომაც მსგავსი, „ენის მოსატყეხი“, არქაული ფორმები მას „ლონივრად მოუქნევია და გადაუგდია“ (გვ. 7). კეთილი და პატიოსანი, ოღონდ ღმრთ-კომპლექსზე რაღას ვიტყვი? თანამედროვე ქართული ხომ მკერდ-ფუძის ანალოგიურად ღმრთ-ფუძესაც აღარ კუმშავს — „ღმერთამდის“ და არა „ღმრთამდის“... ახლა რა ვქნათ, გავუსწოროთ რუსთაველს „ენის გასატყეხი“ — „თუცა ქალია, ხელმწიფედ მართ ღმრთისა დანაბადია“ — უფრო ლალად და თავისუფლად მსუნთქავი ტაეპით — „თუცა ქალია, ხელმწიფედ ღმრთისა დანაბადია?“ არ მოგეწონათ? „მართ“ სიტყვა მოისაკლისეთ? შეიძლება მისი დატოვებაც, მაგალითად, ასე — „თუცა ქალია, ხელმწიფედ მართ ღვთისა დანაბადია“. პროფესორ რ. მიშველაძის ლოგიკით, ეს ალბათ დასაშვებია, „ვეფხისტყაოსნის“ ტექსტში ჩახედული ნებისმიერი პირი კი გეტყვი, რომ ამგვარი გათანამედროვება ტექსტისა ყოვლად შეუნყნარებელია, მიუხედავად იმისა, რომ ზოგ ხელნაწერში (ისინი ოთხი საუკუნით მაინც არიან პოემის დაწერის დროს დაცვილებულნი) „მართ ღვთისა“ ფორმაც დასტურდება.

ასე რომ, რუსთაველი აქ არაფერ შუაშია, მას ენიდან არაფერი გადაუყრია: ეს ჩვენ მოვიქნიეთ უდიერად და წყალშიც გადაუყარეთ „ვეფხისტყაოსნისათვის“ დამამკრალ ხალხს თავიანთი მრავალი წლის ნაშრომ-ნაღვანი...

დავუბრუნდეთ პროფ. ა. ნიკოლეიშვილის წერილს. ავტორი მოითხოვს, რომ „ვეფხისტყაოსნის“ ტექსტის დამდგენი კომისიის საქმიანობაში უფრო აქტიურად ჩაერიოს რუსთაველის საზოგადოება, საქართველოს მწერალთა კავშირი, მეცნიერებათა აკადემია, ქართული ლიტერატურის ისტორიის ინსტიტუტი, თბილისის სახელმწიფო უნივერსიტეტი... ისეთი სურათი იხატება, თითქოს ამ კომისიის შემადგენლობაში ვილაც, ქუჩიდან მოკრეფილი, ხალხი იყოს შეყრილი... სწორედ ზემოჩამოთვლილი სამეცნი-

ერო ცენტრების წამყვანი სპეციალისტები იყვნენ და არიან 1962 წლიდან დღემდე გაერთიანებული „ვეფხისტყაოსნის“ ტექსტის დამდგენ კომისიაში... მე მხოლოდ რამდენიმეს, უკვე გარდაცვლილებს, ჩამოვთვლი — აკაკი შანიძე, ილია აბულაძე, პავლე ინგოროყვა, გიორგი ლეონიძე, სიმონ ყაუხჩიშვილი, ნიკო ბერძენიშვილი, შალვა ნუცუბიძე, არნოლდ ჩიქობავა, ვუკოლ ბერიძე, გიორგი წერეთელი, ივანე გიგინეიშვილი... ამათი და ამათ თანამოსაგრეთა ნაშრომ-ნაღვანი განა ასე უნდა „გავანიოროწყლოთ“? ან ეს უდიერი ტონი რაღას მივანეროთ? უკმეხად თქმული სიმართლევც კი გამალიზიანებელია, მაგრამ — კიდევ ტყუოდე და კიდევ ილანძღებოდე? საქმეს ვითომ შველის ნამუსის მოსანმენდად თქმული ფრაზა: „ამით იმას როდი ვამბობ, თითქოს კომისიას არაფერი გაუკეთებია მისაღები და გასათვალისწინებელი. ამის განცხადება დიდი მკრეხელობა იქნებოდა“... ეს „ლელვის ფოთოლიც“ პროფ. ა. ნიკოლეიშვილმა აღმანახ „კრიტიკიდან“ „ინათხოვრა“. იქაც წინ მსგავსი ფრაზა აიფარეს: „ამ კომისიას მრავალწლიანი გულისხმიერი მუშაობისთვის მადლობის მეტი რა ეთქმის“... მადლობას ვინ ჩივის, განქიქება არ ვაკმარეთ და „მათრახთა შემწიფებასაც“ ვუპირებთ.

„ვეფხისტყაოსნის“ ტექსტის დამდგენ კომისიას, ისევე, როგორც დიდ საქმეს შეჭიდებულ ყოველ კოლექტივს, ცხადია, ექნება თავისი სირთულეები და პრობლემები. არც შეცდომებისაგან არის მუშა ხალხი დაზღვეული. ფართო საზოგადოების ყურადღება და თანადგომა ამ კომისიას მართლაც სჭირდება (თუნდაც მათი ნამუშავეის დროულად გამოცემის საქმეში).

სიტყვამ მოიტანა და, ამ კომისიას თავისი დიდი საქმე — „ვეფხისტყაოსნის“ აკადემიური გამოცემის სამუშაო — ჯერაც არ გაუსრულებია, აღმანახმა „კრიტიკამ“ და პროფ. ა. ნიკოლეიშვილმა კი წინასწარ გამოიჩინეს მისდამი „მზრუნველობა“.

ყურადღება და მზრუნველობა კომისიას სჭირდება-მეთქი, მაგრამ, ჩემი აზრით — არა ასეთი!

P.S. ეს წერილი კარგა ხანია სასტამბოდ გამზადებული მქონდა, მაგრამ ჩენი აკადემიის არჩევნებამდე მისი გამოქვეყნება საჭიროდ არ ჩავთვალე. პროფესორ ა. ნიკოლეიშვილის ზემოდასახელებული სტატიის შემდეგ კი, რამდენადაც ვიცი, პრესაში სხვა არავინ გამოხმაურებია აღმანახ „კრიტიკის“ რუსთველოლოგიურ პუბლიკაციებს. ამასობაში დაისტამბა აღმანახის მესამე ნომერი და რუბრიკით — „როგორ ვპატრონობთ მარგალიტს?“ — „კრიტიკამ“ კვლავ გააგრძელა რუსთველოლოგიურ საკითხებზე ზოგი ისეთი მასალის ბეჭდვა, გალალბებული დილეტანტიზმის დღი რომ აზის. ეტყობა, აღმანახმა ზემორობაგაშვებით იდო თავს ის ამოცანა, რისთვისაც „პროფესორის ლუპით შეიარაღებულ“ კომისიას თავი ვერ გაურთმევია — კომისის

ტექსტის დადგენა და, როგორც ჩემი შეტყობით ამ საქმეს პირი უჩანს, საერთოდაც მოვლა-პატრონობა „ვეფხისტყაოსნისა“ და რუსთაველოლოგიისა.

„უპატრონობას“, თანაც საუკუნეთა მანძილზე, ლეთის მადლით, გადაურჩა „ვეფხისტყაოსანი“, ესე იგი — საქართველო. ვაითუ დღესდღეობით ასე უსაძველოდ მომრავლებულმა „პატრონებმა“ დაგვმართონ ის, რაც უპატრონობამ ვერ გვიქნა.

„კომუნისტი“, 13.7.1988

ექსპერიმენტი პლაგიატზე ანუ ფარისსვალვა „ქას-მაიმუნისა“

ჯერ ნოდარ დუმბაძის „მარადისობის კანონიდან“ აღვიდგინოთ ერთი ეპიზოდი:

„ერთ დღეს ჩემმა მდივანმა შემოალო კაბინეტის კარი და მითხრა:

— ბატონო ბაჩანა, ვილაც მაიმუნია მოსული და თქვენი ნახვა უნდა.

— შემოვიდეს! — ვუთხარი. კაბინეტში პატარა, ცალტვინა მაიმუნი შემოვიდა. მლიქნელისათვის და გაიძვერასათვის დამახასიათებელი ოფლით გაჟღენთილი ცივი ხელი ჩამომართვა, მაგიდაზე ქალაღდები დამინყო, ოთახის კუთხეში მიიყუჭა და მოლოდინით სავსე თვალები მომაპყრო. ქალაღდებს თვალი გადაეკვლე, ქარაგმული ნაკვესები აღმოჩნდა. მაიმუნის პირობაზე არა უშაუდა. ვინ იცის, დარვინის მოძღვრების თანახმად, ამ მაიმუნისაგანაც გამოვიდეს კაცი-მეთქი, გავიფიქრე და დაეუბეჭდე რამდენიმე ნაკვესი...

ხელმეორედ რომ მოვიდა ის მაიმუნი რედაქციაში, ვერც ერთმა ველარ ვიცანით, ზუსტად ისე ეცვა, როგორც ადამიანებს. მე თუ მკითხავთ, ცოტა უკეთესადაც. მოვიდა და ისევე ნაკვესები მომიტანა. ნავიკითხე თუ არა, იმ წუთში ვიცანი სტილზე მაიმუნი.

— კაცო, შენ ის მაიმუნი არა ხარ, ამას ნინათ რომ იყავი ჩემთან და ნაკვესები დაგიბეჭდე? — ვკითხე.

— კი ბატონო, ის მაიმუნი ვარ, მაგრამ ძალიან მინდა ადამიანობა და გამიმართეთ ხელიო, — მთხოვა.

— ცოტა მოითმინე, იშრომე, ხომ იცი, შრომამ რომ შექმნა ადამიანი? — ეურჩიე მაიმუნს.

— ვიცი, ბატონო, ეგ ყველაფერი უკვე ნაკითხული მაქვს, მაგრამ მე ისეთი მაიმუნი ვარ, მოთმინება არა მაქვს, მით უმეტეს ადამიანების უმრავლესობას უკვე კაცი ვგონივარ, — მიპასუხა მაიმუნმა.

— კარგი, დაგიბეჭდავ, მაგრამ ეგ რას გიშველის, მაინც მაიმუნად დარჩები-მეთქი, — ეუპასუხე და ისევ დაეუბეჭდე ნაკვესები. რომ მიდიოდა, მთხოვა:

— ნუ გამამხელთ ხალხში, ბატონო, მაიმუნი რომ ვარო.

არ გავამხილე ჩემი კეთილი ბუნების გამო, თან ვიცოდი, რომ მშვენივრად ბაძავდა ხალხს ლაპარაკში. ნავიდეს, ვიფიქრე, იმაიმუნოს თავისთვის, ისეთს რას დააშავებს-მეთქი. ნავიდა და გავიდა ხალხში ეს ჩემი მაიმუნი. რამდენიმე წლის შემდეგ ისევ მოვიდა ჩემთან, ამჯერად მოთხრობები მომიტანა. ნავიკითხე და გულზე შემომეყარა:

— ეს რა გიქნია, საბრალო მაიმუნო, ასეთი მაიმუნობა მაიმუნსაც არ ეკადრება-მეთქი, ეუთხარი.

— რატომ, ბატონო, მე როგორც კრიტიკოსს, ძალიან მომწონს ჩემი მოთხრობებიო, — მიპასუხა წყენით.

— როგორ, შენ უკვე კრიტიკოსიც ხარ? — ვკითხე განცვიფრებულმა.

— კრიტიკოსიც ვარ, ხარისხიც დავიცაევი და ლექციებსაც ვკითხულობ... — მითხრა ნიშნის მოგებით.

შემეცოდა მაიმუნის სტუდენტები, მაგრამ რა მექნა? რექტორი არ ვიყავი, რომ უმაღლესი სასწავლებლიდან გამეგდო. კაცმა რომ თქვას, მაგის მორალური უფლებაც არ მქონდა. ეს მაიმუნი ხომ ჩემი გამოყვანილი იყო ხალხში...

— ...მალე გაეხდები მწერალთა კავშირის წევრი და დედას გიტყვებო, — დამემუქრა.

— შენისთანა მაიმუნს მწერალთა კავშირში რა უნდა-მეთქი...⁴

მკითხველს, ალბათ, ემახსოვრება: ბაჩანა რამიშვილი შეცდა — კაცადქცეული მაიმუნი მწერალთა კავშირის წევრიც გახდა და სათანადო ორგანოთა „ენტუზიასტ-ინფორმატორიც“.

რომანის ამ მომცრო ეპიზოდში ნოდარ დუმბაძემ მოახერხა ცხოვრების სინამდვილიდან აღებული სრულიად კონკრეტული პირი, არცთუ უცნობი ლიტერატურული ნრეებისათვის, კაც-მაიმუნის განზოგადებულ მხატვრულ სახედ ექცია. ოსტატებს კი მიმბაძველები გამოუჩნდებათ ხოლმე. ამიტომ მოსალოდნელიც გახლდათ „განკაცებული მაიმუნის“ ანუ აღზევებული გარენრობის თემის მიბაძვა-პაროდირება; და ისიც, რომ მიმბაძველთა შორის „კაც-მაიმუნის“ პროტოტიპიც აღმოჩენილიყო.

ასეა თუ ისე — პაროდისტმა ბესა რაბიამ აღმანახ „კრიტიკის“ ამა წლის მე-4 ნომერში შემოგვთავაზა, ცოტა არ იყოს, უარსულად ბუნდოვანი ნაწარმოები — „კაცი-კოოპერატივი“. ერთი მხრივ, აქ თითქოს ყველაფერი ნათელია: პატივცემული ბესას თხზულებაში გამოყვანილი მელა წარმოადგენს პაროდია-

მიბაძვას ნოდარ დუმბაძის კაც-მაიმუნისას. მაგრამ ავტორმა ამის აღნიშვნა არ ინება. პირველწყაროს მიუთითებლად მიბაძვა კი პლაგიატად უფრო უნდა ჩაითვალოს, ვიდრე პაროდიად. მართალია, ავტორი სულხან-საბას მოძღვარი მელისაკენ გვახედებს, მაგრამ... მელის ამბავი ყველას კარგად მოგვეხსენება, კუდით მიიხვეტავს ხოლმე თავის ნაკვალევს. პატივცემული ბესაც ცდილა პლაგიატის კვალი ნაეშალა დუმბაძისეული პერსონაჟის გარეგნული მახასიათებლების შეცვლით. ამაოდ დაძვრა — გარეგნულ ნიშანთა შენაცვლებით მხატვრული სახის არსი არ იცვლება. მელის კუდს გამოაბამენ თუ ჯიხვის რქებს დაადგამენ — კაც-მაიმუნი მაინც კაც-მაიმუნად დარჩება. სწორედ ამ დებულების დასადასტურებლად გთავაზობთ ერთგვარ ექსპერიმენტს პატივცემული ბესა რაბიას თხზულებაზევე: ხელუხლებლად დავტოვოთ მთელი მისი ტექსტი (თუ მაინცადამაინც — ფრჩხილებში მივუნეროთ აზრის დამაზუსტებელი ზოგი დეტალი), მაგრამ აღვადგინოთ ზოგიერთი გარეგნული მახასიათებელი კაც-მაიმუნისა. საამისოდ სულ რამდენიმე სიტყვის შეცვლაც კი იკმარებდა მთელ ტექსტში (ეთქვათ, ასე: სიტყვა „გრამატიკოსის“ ნაცვლად ჩვენეროთ — „ნოველისტი“, „მთარგმნელის“ ნაცვლად — „რუსთველოლოგი“, „პუბლიცისტის“ ნაცვლად — „ფელეტონისტი“...). ამ მცირე ოპერაციის შემდეგ ბატონ ბესა რაბიას თხზულების ტექსტი ასე გაიმართება:

კაცი-კოოპერატივი

„ერთი მელი დაცუნცულედა“ — ასე იწყება სულხან-საბას ერთი იგავი. ის მელა შუა საუკუნეებიდან ჩვენს დროშიც გადმოცუნცულდა. ჩვენ ვერ ვამჩნევდით, თორემ სულ ჩვენს გვერდით დაფუსფუსებდა, ყურს გვიგდებდა, ხუმრობით თუ ხუმრობაგაშვებით ნათქვამს უბის ნიგნაკში ინერდა და იმახსოვრებდა. ხანდახან არენაზეც გამოჩნდებოდა, თავისი მწირი გონების შესაფერის რამეს იტყოდა და თვალეებში შეგვეციცინებდა, ხომ ხედავთ, უნიჭო ვარო.

დაეუშვით შეცდომა და რამდენჯერმე გაეულიმეთ, როგორც სანყალობელ კაცს. ეს ღიმილი დათმობად ჩათვალა და ერთ მშვენიერ დღეს დაგვეღრიჯა: მიშველეთ, თქვენ შორის პატარა ადგილი მომეცით, ნათესავეებს მინდა ვაჩვენო, რომ მეც ნახირ-ნახირ ვარო. დაეუშვით მეორე დიდი შეცდომა და ჭინჭრაქა მერცხლებში გაერიეთ. საკანდიდატო ხომ გაკვაჭა, მერე სადოქტორო დისერტაციაც მოაკვარახჭინა და დაამთავრა მეცნიერული მუშაობა — დოქტორობა მე მხოლოდ მისაღებ გამოცდებში მონაწილეობისათვის მჭირდებოდა, ისე, პროფესორობას რა თავში ვიხლიო (მალე გაუგეს მელას ნაეშაკარი და მისაღებ გამოცდებს სათოფეზე აღარ გააკარეს).

საჭირო კაცი გახდა. საქმიანი იერით და დიდი პორთფელით გადი-გამოდის. თვითონ მშვენიერად იცის, რომ ფუყე კაცია, პროვინციელი გრაფომანი, უკბილო ფელეტონისტი და აყვია მოქალაქე, მაგრამ ხალხს თვალში ნაცარს აყრის, აქაოდა შემომხედეთ, მეც მარაქაში ვერევიო. ხანდახან, როცა

ბედაურები ნამდვილი საქმით არიან გართული, მიიხედ-მოიხედავს და ტრიბუნაზეც (მაგალითად, ფილარმონის დიდ სცენაზე) აიპარება. მისი მკითხველები, ძირითადად, სიყრმის ასაკის ყმანვილები და საქმით დაღლილი დიასახლისები არიან (მარტო ჩვენებურები კი არა, შორებლებიც. ამაზეა ნათქვამი — ძალი შინ არ ვარგოდა და სანადიროდ გარბოდაო). მერე თავისი დიდი ჩანთით ქალაქში დადის და ხელმოწერებს აგროვებს, ხომ მოგეწონათ ჩემი ნოველებიო. უდანაშაულო ბავშვები და გულჩვეილი დიასახლისები უდასტურებენ: მართლაც ხარ იუმორისტიო.

სინამდვილეში კი მის „იუმორს“ რომ ყური უგდოთ, სირცხვილით განითლდებით. თვითონ როდი ნითლდება, განითლების უნარი სკოლის მერხიდან დაკარგა.

დაცუნცულებს ახლა ჩვენს შორის კაცი-ობობა, კაცი-კოოპერატივი, „ყოვლისშემძლე“, ყოვლისმოქმედი, ყოვლისშემბედავი.

არზა-საჩივარი გაქვთ დასანერი? მზად არის, სათანადო გასამრჯელოს საფასურად სამსახური გაგინიოთ. არ გნებავთ პრესაში თქვენი სახელი და გვარი გამოაჩინოთ? მზად არის სხვის ნათქვამ-ნააზრევს ხელი მოანეროს. აბიტურიენტის პატრონობა გნებავთ? ადვილი სამსახურია — მიშველებას პირდება ხალხს (თუმცა ისიც უნდა ითქვას, რომ ამ „მიშველ-მიშველ-აობას“ ზოგჯერ „სანარმოო“ ზარალიც ახლავს — ფერდებში ბავუნი, მიშველეთ! ღრიალი და მანქანის აფეთქება...).

არ იღლება მელა. დაცუნცულებს, დაყუნსულებს. ხან რედაქტორობას გამოუგონებს თავის თავს, ხან რუსთველოლოგობას დაიბრალებს, ხან კრიტიკოსია, ხან ნოველისტი. გარემოების შესაფერისად იცის დაროკება.

სირცხვილის გრძნობა, განითლება-მეთქი შორს არის მისგან. ამიტომაც სრულებითაც არ შერცხვა, როცა მწერალთა კავშირის წევრობა გაუკეაჭეს (აკადემიამაც სცადა გაძრომა, მაგრამ კუდი მოეჭეჭკა კარებში). ახლა ჩვენს შორის რომ დაჯდება, თავს მალა ასწევს და პრეზიდენტს მიაჩერდება, შემომხედეთ, რა ყურადღებით გისმენთო, სწორედ იმ დროს უტრიალებს ბნელი, მელური აზრები თავში. ვერ ამჩნევს, როგორ შემოეცლებიან ირგვლივ ნამდვილი მწერლები. ემანდ, სურათი არაფერს გადაგილოს და მელას მეგობარი არ ვეგონოთო.

რაც არ შეუძლია, სწორედ იმას ჰკიდებს ხელს. რაკი შუბლის ძარღვი კარგა ხანია გაიწყვიტა, თავისი საეჭვოდ განაზებული (და ძალად დაბოხებული) ხმით ყველაფრის „დამტკიცება“ შეუძლია. დრო მოვა, თავის მიერ მოქსოვილ ცილისნამებათა ბაღეში თვითონვე გაებმება და მერე გვიან იქნება.

ჯერ კიდევ დაცუნცულებს მელი ჩვენ შორის“.

რა შედეგი მივიღეთ ამ ჩვენი მცირე ექსპერიმენტისაგან? რასაც ველოდით: გამოაშკარავდა პატივცემული ბესა რაბიას მიერ კვალის არევის მცდე-

ლობა და კაცი-კოოპერატივი უკვე არა მარტო შინაგანი, არამედ გარეგნული ნიშნებითაც დაუკავშირდა თავის პირველწყაროს — კაც-მაიმუნს.

მკითხველმა, შესაძლოა, გაიკვირვოს — სად ნოდარ დუმბაძის ცინცხალი ნიჭიერებით ნაძერწი სახე აღზევებული თაღლითისა და სად პატივცემულ ბ.რაბიას უღიმღამო ნაცოდვილარიო, მაგრამ ეს უკვე ნიჭის საქმეა — ნიჭი კი, მოგეხსენებათ, პაროდირებასაც სჭირდება.

სხვთა გროტესკული პორტრეტების ხატვაში ხელმოცარული ბატონი ბესა, ასეთი პირი უჩანს, ავტოპორტრეტის ჟანრში უფრო დიდ წარმატებას მიაღწევს.

P.S. მკითხველებს, ალბათ, ემახსოვრებათ: სულხან-საბას არ უნერია — „ერთი მელი დაცუნცულედა“. სულხან-საბას უნერია — „ერთი მელი დაცანცარედა“.

ასე იცის აცანცარებამ, პატივცემულო ბესა!

„ლიტერატურული საქართველო“, 11.11.1988

როზლითა სანაჟულითა...

ცნობილია: მთელი კაცობრიობის სიყვარული არ არის მაინცდამაინც ძნელი; გაცილებით ძნელია კარის მეზობლის შეყვარება.

ახალგაზრდობის წინაშე გულზე ხელის ბაგუნიც, თქვენს მხარესა ვარ და თქვენ გიცავთო, ასევე არ უნდა იყოს ძნელი, განსაკუთრებით მაშინ, როცა დასაცავად შენ თვითონ გაქვს საქმე. აი, ნიმუშიც ასეთი „არამკითხე გამო-სარჩლებისა“: „რაც შეეხება ახალგაზრდებს, მეთათსჯერ ვიმეორებ: ჩვენ გონიერი და წინდახედული ახალგაზრდობა გვყავს...“ „ქართველი მწერალი ვერავის მისცემს უფლებას, ამრეზილად შეხედოს ჩვენი ახალგაზრდობის თავდადების ბრწყინვალე მაგალითს...“ („კრიტიკა“, N2, 1989 წ. გვ. 3-4).

ახლა ვნახოთ, როგორია არა ზოგადად ახალგაზრდობის, არამედ კონკრეტულად ჩვიდმეტი ახალგაზრდა თეატრმცოდნის, კრიტიკოსისა და ჟურნალისტის მიმართ ზემოთ მოყვანილი სიტყვების ავტორის, „კრიტიკის“ მთავარი რედაქტორის რევაზ მიშველაძის დამოკიდებულება. სამწუხაროდ — ცინიკურ-ქილიკური; არადა, საღლიცინოდ სულაც არ უნდა ჰქონდეს საქმე „სარედაქციო მინანერის“ ავტორს (იხ. „კრიტიკა“, N5, 1989 წ., გვ. 16). ბატონმა რევაზ მიშველაძემ სერიოზული პაექრობის ნაცვლად „ნუცას სკოლა“ გაუმართა ახალგაზრდა შემოქმედთა გაზეთის ფურცლებზე: „ჩემო

პატარა მეგობრებო", „ჩემო კარგებო“, ყური მომპყარით, მცირე გაკვეთილს ჩაგიტარებთ, თქვე კუდრაჭებო, თქვენაო, — აი, როგორ აღიქმება პატივცემული მწერლის, უნივერსიტეტის პროფესორის დიალოგი ახალგაზრდობასთან (იხ. „ახალგაზრდა კომუნისტი“, 14 ნოემბერი, 1989 წ. გვ. 4-5).

და, როგორც მასწავლებელს შეეფერება, პატივცემულმა რევაზმა რამდენიმე გამოსაცდელი კითხვა დაუსვა ახალგაზრდებს, კერძოდ:

„ყოველთვის მაინტერესებდა, როგორ იწერება ამგვარი კოლექტიური წერილები? ერთბაშად შეიკრიბებით ხოლმე ჩვიდმეტი „შეძრული“ ახალგაზრდა თეატრმცოდნე და კრიტიკოსი და ჯგუფურად წერთ პასუხს, რომელსაც მერე გაუსწორებლად ლინოტიპისტისკენ მიარბენინებთ, თუ ერთი თქვენთაგანი, „განსაკუთრებით შეძრული“, დაჯდება და დაწერს პასკვილს, მერე მეგობრებს ჩამოურბენინებ-ჩამოურეკავს და ხელს მოაწერინებს?“

მოკლედ, ბატონი რევაზი დაინტერესებულა, თუ როგორ იწერება კოლექტიური წერილები. არ ვიცი, ახალგაზრდობა როგორ, ჩვენ კი ამ „ჩამჭრელ“ კითხვას ასე ვუპასუხებდით:

პატივცემულო რევაზ! არსებობს კოლექტიური ხელმოწერის სხვა ვარიანტიც: მაგალითად, მევანი, „განსაკუთრებით შეძრული“ — გაკრიტიკება გამიბედესო, წერს თავის თავზე ხოტბა-დიდებას, მერე ამას შემოქმედებითი ორგანიზაციის ხელმძღვანელს მიურბენინებს, ამის დასაწერად სად მოიცვლიდით, აგერ, ბატონო, მზა ტექსტი და მოაწერინეთ ხალხს ხელი, დამიცავით, ხომ ხედავთ, ყველა თავისი ამქრის წევრს იცავსო; თუ ამ ჩვენს განანყენებულ რედაქტორს აქ მაგარი კაცი დაუხვდება, მაშინ არსებობს სხვა, უფრო ნაცადი ვარიანტი: რედკოლეგიის წევრებს წერილი წაუკითხო, ტექსტს რომ გაეცანით, ეს ხელმოწერით დამიდასტურეთო, სთხოვო, და შემდეგ ტექსტის გაცნობაზე ხელისმომწერი ტექსტის ავტორებად გაასალო. თუ აქაც ხელი მოგვეცარა, მაშინ რალა დაგერჩენია — უნდა ვითალლითოთ: გავაცნოთ ტექსტი რედკოლეგიის წევრებს, დავპირდეთ, ყველა თქვენს შენიშვნას გავითვალისწინებ, ტექსტს შევცვლი, რაც მიეპარე, მოვინანიებ, ოღონდ, აქ მობრძანებით მეორედ რომ აღარ შეგაწუხოთ, ხელი ბარემ ახლავე მომინერეთო... მერე კი ხელმოწერილი ტექსტი (თქვენი მოსწრებული თქმისა არ იყოს) „გაუსწორებლად მიარბენინო ლინოტიპისტისკენ“...

ხომ არაფერი გენიშნათ, ბატონო რევაზ?

„წუცას“ როლში შესული პატივცემული რევაზი თავის „შეგირდებს“ მსუბუქად უსაყვედურებს კიდევ, ჩემს დამოძღვრას ვერ იმახსოვრებთო: „ჩემი ნიგნებისათვის რომ გადაგებედათ, იქნებ, გულში მაინც დამთანხმებოდით, რომ ამ ოცი წლის განმავლობაში რევაზ მიშველადის ნოველებმაც შეიტანა თავისი წვლილი ჩვენი ეროვნული გამოღვიძებისა და „გისოსებით შემოსაზღვრული ჩვენი სამყაროს“ მხილების საქმეში“.

მოკლედ, მესხიერებას უმონმებს ახალგაზრდებს — ახსოვთ თუ არა მათ თავიანთი მოძღვრის, რევან მიშველადის, ღვანლი და პრინციპულობა ეროვნულსა და პოლიტიკურ მოძრაობაში. ვფიქრობთ, ღირს ამაზე პასუხის გაცემა: ახალგაზრდობისა რა მოგახსენოთ, მაგრამ თითო-ოროლა მკითხველს, ალბათ, ემახსოვრება, როგორი თავგანწირვით შეერკინეთ, პატივცემულო რევან, მჟავანაძესა და ბრეჟნევს, როგორ უშიშრად ამხილეთ ისინი; მართალია, იმ დროს ორივენი უკვე კარგა ხნის „ჩამოსვენებულები“ იყვნენ პოლიტიკური ავანსცენიდან, მაგრამ, „მაი აფერია“. თუმცა რალა შორეულ წარსულს ვიხსენებთ, აგერ ახლახან არ იყო, სულ ბღღვრი რომ აღინეთ „მარიონეტ მკვლელებს“ და „ეროვნული მოძრაობის ბუნებრივ სვლას დაპირისპირებულ ყველა უბადრუკ მოხელეს“! (იხ. „კრიტიკა“, N2, 1989 წ. გვ. 4). ოლონდ, პატივცემულო რევან, აქაც უნდა „ჩაგვიხველოთ“: როცა ეს, თქვენი ტერმინოლოგიით, „უბადრუკი მოხელეები“ ფეხზე მყარად იდგნენ, თქვენ მათ სულ სხეანაირად ექღურტულებოდით! არ გახსოვთ? ვერ გაიხსენეთ? მაშინ ჩვენ შეგახსენებთ, როგორ გუნდრუქსაც უკმევდით რესპუბლიკის მაშინდელ ხელმძღვანელს, რომელიც, თქვენი სიტყვებით, „თავისი ცხოვრების წესითა და საზოგადოებრივი საქმიანობით ჭეშმარიტი დემოკრატიის მაგალითს იძლევა: ჩვენი ვალია, მხარში ამოვუდგეთ მას ქვეყნის ჭეშმარიტი გარდაქმნისათვის სამართლიან ბრძოლაში“ (იხ. იმავე აღმანახ „კრიტიკის“ იმავე წლის, თქვენ წარმოიდგინეთ, იგივე მეოთხე გვერდი, ოლონდ — პირველი ნომრისა). არადა, იქნებ, სწორედ თქვენ, მისგან აღზევებულს, ნაკლებად გქონდათ მორალური უფლება ამგვარი „მხილებისა“.

ასეთი გახლავთ პრინციპულობის, ერთგულებისა და ვაჟკაცობის თქვენეული გაკვეთილი, რასაც ახალგაზრდობას უტარებთ, პატივცემულო რევან.

თქვენ მათ არა მარტო პრინციპულობას ასწავლით, არამედ ენასაც: უცნობიერებთ სიტყვისა და ფრაზის ახალ, აქამდე მათთვის მიუწვდომელ მნიშვნელობებს. როცა თქვენ დანერეთ რობერტ სტურუაზე, ეს ანტიეროვნული განწყობილების რეჟისორი უნდა წავიდეს რუსთაველის თეატრიდანო, ამით, თურმე, ის კი არ გითქვამთ, თეატრიდან წავიდესო, არამედ — ეს ნიჭიერი რეჟისორი დარჩეს თეატრში, ოლონდ ჩამოვაქვეითოთო. უსაყვედურეთ კიდევ ახალგაზრდებს, ასეთ ელემენტარულ რამეს როგორ ვერ მიმიხვდითო: „რაც შეეხება ჩვენს მკეახე შეძახილს რობერტ სტურუას თეატრიდან წასვლის შესახებ, იქნებ მიმხვდარიყავით, რომ ჩვენ თეატრის სამხატვრო ხელმძღვანელის სკამიდან გადადგომას ვგულისხმობთ და არა ნიჭიერი რეჟისორის თეატრიდან წასვლას საერთოდ... რობერტი ხომ უპირველესად რეჟისორია და თავისი სპექტაკლით ელაპარაკება მაყურებელს“.

ახალგაზრდებს და, მათთან ერთად ჩვენც, მკითხველებს, პატივცემულ

რევან მიშველაძისათვის მადლობის თქმის მეტი რაღა დაგვრჩენია იმის გამო, რომ ფილოლოგიურად გაგვანათლა და გვასწავლა „ნასვლა“ სიტყვის ეს ახალი, აქამდე უცნობი მნიშვნელობა. პატივცემულ რევანს, ალბათ, ეამება კიდევ, თუ შემოქმედებითად გამოვიყენებთ მისსავე მეთოდს: მაგალითად, თუ ვინმე იტყვის, რედაქტორ-ფელეტონისტი ნავიდეს რედაქციიდანო, ვიგულისხმებთ, რომ კი არ უნდა ნავიდეს, — უნდა დარჩეს რედაქციაში, ოღონდ, მთავარი რედაქტორის სავარძლიდან ჩამობრძანდეს და კორექტორად ან ლიტმუშაკად იმუშაოს: არც ფელეტონების წერა უნდა აეკრძალოს მას — იგი ხომ უპირველესად ფელეტონისტია და თავისი ფელეტონებით ელაპარაკება მკითხველს. ან, თუ რომელიმე უზნეობით სახელგანთქმულ ლექტორს „შეუძახებთ მკვახედ“, ნადი უნივერსიტეტიდანო, ყველამ იცოდეს, ლაპარაკი იქნება კათედრის გამგეობიდან ან პედაგოგიური სარბიელიდან მის ნაბრძანებაზე, თორემ ვის რა გვექნება საწინააღმდეგო, თუ მას უნივერსიტეტში რაიმე ტექნიკური (ოღონდ — არამც და არამც საფინანსო ან სამეურნეო!) მუშაკის თანამდებობაზე დაასაქმებენ?

თქვენი ლოგიკითა და ენათმეცნიერული მიგნებებით ხომ ასეა, პატივცემულო რევან?

„ჩემი წიგნებისათვის რომ გადაგეხედათო“, — თქვენთვის ჩვეული თავმდაბლობით ურჩევთ ახალგაზრდობას, პატივცემულო რევან; ეს, იქნება, მართლაც არ ყოფილიყო ზედმეტი, მაგრამ მათ ბევრად უფრო საშური და აუცილებელი საქმეები აქვთ. გაკვადნიერდებით და შემოგებდავთ — იქნებ, თქვენც „გადაგეხედათ“ ერთი, ეტყობა, თქვენთვის ნაკლებად ცნობილი წიგნისათვის, სადაც ასეთი რამ წერია: „ნუ განიკითხავთ, რაითა არა განიკითხნეთ. რამეთუ რომლითა განიკითხვითა განიკითხვიდეთ, განიკითხნეთ, და რომლითა სანყაულითა მიუწყოთ, მოგენყოს თქვენ“.

„ლიტერატურული საქართველო“, 8.12.1989

ბოლივი. მაგრამ ბოლივს ვერ მოვიხდით!

საქართველოს ყურნალისტა დამოუკიდებელი კავშირის თავმჯდომარემ ნიკა ჩერქეზიშვილმა წერილით მიმართა საქართველოს რესპუბლიკის პრემიერ-მინისტრს, ბატონ ბესარიონ გუგუშვილს ე.წ. „კოლექტიური წერილების“ გამოქვეყნებით „პრესისა და მასობრივი ინფორმაციის სხვა საშუალებების შესახებ“ კანონის ფაქტობრივი დარღვევის თაობაზე. ეს წერილი

დაიბეჭდა „საქართველოს რესპუბლიკის“ გუშინდელ ნომერში ამ ორგანოსათვის ნიშანდობლივი „რედაქტორის მინაწერით“.

ქალბატონი მარიკა აბაიშვილი, „საქართველოს რესპუბლიკის“ რედაქტორი, „მინაწერის“ თავშივე ბრძანებს:

„თავს უფლებას ვაძლევ რამდენიმე პირადი მოსაზრება გამოვთქვა წერილის შესახებ, რომლის ადრესატი თავად არ გახლავართ“.

ეტყობა, რედაქტორი ვარაუდობს, რომ ადრესატს პასუხის გაცემის ან უნარი არა აქვს, ან სურვილი. არადა, რესპუბლიკის პრემიერ-მინისტრი სრულებით არ ტოვებს უძლური პოლემისტის შთაბეჭდილებას, რომ ვინმეს მიშველება სჭირდებოდეს. ქალბატონს ვერ ვაკადრებთ, თორემ რედაქტორი ვაუბატონი რომ ბრძანდებოდეს, ასეთ „რედაქტორის მინაწერს“ უფრო „რედაქტორის მატრაკვეცობად“ აღვიქვამდით.

მივყვით ქალბატონ რედაქტორის მიერ „გალმა შეედავეს“ პრინციპით ჩამოყალიბებულ პუნქტებს:

1. თურმე ბატონ ნიკა ჩერქეზიშვილს და, საერთოდაც, „ოპოზიციონერ“ ჟურნალისტებს, არ უნდა ამშვენებდეს სურვილი ადამიანებს აპყარონ უფლება საკუთარი მოთხოვნების კოლექტიურად გამოთქმისა.

როგორი დემოკრატიული გამხდარხართ, ქალბატონო რედაქტორო, როგორ ზრუნავთ, რომ მთელ საქართველოს ამბად მოეფინოს, ეცნობოს, რომ 130 ადამიანს (და, თუნდაც, ათჯერ 130-ს) სურს მავანის მოხსნა, მავანის მოკვება, მავანის დაჭერა, მავანისათვის მოქალაქეობის ჩამორთმევა, მავანის ჩაქოლვა. პაატა ნაცვლიშვილის რედაქტორობიდან მოხსნა თუ 130 კაცს უნდა, გვერნმუნეთ, ქალბატონო მარიკა, არანაკლები რაოდენობის ხალხი აღმოჩნდება, თქვენი არამცთუ რედაქტორობიდან მოხსნა, საერთოდ, კალმის ხელში ალების აკრძალვა რომ უნდოდეს. რა ვქნათ, ახლა, ჩვენ? მოგბაძოთ და ვაქვეყნოთ ამ ტიპის კოლექტიური წერილები? რაც არ უნდა გამოგვინვიოთ, ამ უკეთურ შეჯიბრში მეტოქეობას არ გაგინევთ.

2. თურმე ბატონ ნიკა ჩერქეზიშვილს და, საერთოდაც, „ოპოზიციონერ“ ჟურნალისტებს ყური წაუყრუებიათ, „როდესაც იარაღით ხელში ამკვიდრებდნენ დემოკრატიულ მოთხოვნებს“. ღმერთმა დაგვიფაროს, იარაღით თვით დემოკრატიული მოთხოვნების დამკვიდრებაც კი არ გვსურს, ოღონდ, ცოტა უფრო მძიმე შემთხვევა ხომ არ არის, ქალბატონო რედაქტორო, როცა იარაღით ავტორიტარიზმს ამკვიდრებენ?

3. ტელერადიოთი ობიექტურ და საინტერესო გადაცემებზე წყალი გადავიწურეთ, ეს უახლოეს მომავალში ვერ მიიღწევა, ამას სხვა რანგის

პროფესიონალიზმი სჭირდებაო... ჩვენც მანდა ვართ, ოღონდ მაღალი დონის პროფესიონალიზმი თუ პროფესიონალთა სამსახურიდან გაყრითა და მათი მოთხოვნების უგულვებლყოფით მიიღწეოდა, ეს კი აღარ ვიცოდით... ისე, თქვენც არაპროფესიონალიზმზე ჩივით, ქალბატონო რედაქტორო? რაღაც მოდად ხომ არ იქცა — არაპროფესიონალებმა ანათემა მოუწყონ არაპროფესიონალიზმს?!

4. ჟურნალისტური მოვალეობის შესრულების ეფექტურ გზად თქვენ, ქალბატონო რედაქტორო, ერთობ საინტერესო მოსაზრება გამოთქვით: საბჭოთა საქართველოს სამსახურში დანიშნულებულმა ჟურნალისტებმა, თურმე, კალამი უნდა გადადონ და რაღაც სხვა საქმიანობაზე გადაინაცვლონ. ჩინებული იდეაა: დავადუმოთ ამ ავადსახსენებელი „საბჭოთა საქართველოს“ პერიოდში დანიშნულებული ჟურნალისტები... დაგვრჩება 1921 წლამდე და 1990 წლის შემდგომ დანიშნულებული კადრები. 1921 წლამდე „დანიშნულებული“ ჟურნალისტები — სერგი მესხი, ნიკო ნიკოლაძე, არჩილ ჯორჯაძე და სხვები — თქვენ, გასაგები მიზეზების გამო, მეტოქეობას ვეღარ გაგინევენ, ასე რომ, 1990 წლის შემდეგ დანიშნულებულ ჟურნალისტებს დაგვრჩენიათ, ქალბატონო რედაქტორო — საბუქნაოდ-მეთქი, ვერ გკადრებთ — საგოგმანოდ პრესის მოცარიელებული ასპარეზი და, აბა, თქვენ იცით და თქვენმა პროფესიონალიზმმა!

მინანური ასე მთავრდება: „ბოდიშს მოვითხოვ კადნიერებისა და მკვეთრი ტონის გამო თქვენი, როგორც ასაკოვანი ადამიანის წინაშე“.

კიდევ კარგი, ბატონი ნიკა „ასაკოვანი“ რომ აღმოჩნდა!

ზოგჯერ ბოდიშიც შეურაცხმყოფელია ადამიანისათვის.

ამიტომ, ბოდიში, ქალბატონო რედაქტორო, მაგრამ ამჯერად ბოდიშს ვერ მოგიხდით ვერც თქვენი უასაკობისა და ვერც თქვენი, თუნდაც, ასაკოვნობისა გამო.

„დრონი“, 18.10.1991 წ.

ბანის ბარკუშუს...

ამას წინათ ასეთი შინაარსის მოსაწვევი ბარათი მივიღე: „კორპორაცია „ბანი და კომპანიის“ პრეზიდენტმა ბატონმა ბადრი წინუამ დააწესა პრემია „ბანი“, რომელიც ყოველ წელს მიენიჭება ქართული მეცნიერების, ხელოვნ-

ნების, ლიტერატურისა და სპორტის თვალსაჩინო წარმომადგენლებს, აგრეთვე მშვიდობის დაცვის საქმეში მოღვაწე რჩეულ პიროვნებებს. გთხოვთ, გვეწვით პრემიის გადაცემის საზეიმო ცერემონიაზე”...

მანამდე არ მქონია პატივი ბატონი ბადრი ნინუა მცნობოდა. არც კორპორაცია „ბანი და კომპანიის“ საქმიანობაზე გამეგონა რაიმე და, ალბათ, ამიტომაც, ცოტა არ იყოს, შეეცბი, როცა სასტუმრო „მეტეხში“ ვიხილე ფრიად პატივსაცემი კრებული სასულიერო თუ საერო პირთა. არ დაგიმაღავთ, შემაცბუნა ომიანობის ყამისათვის შეუფერებელმა ჩვენმა ამგვარმა შექცევამოცალეობის მასშტაბებმაც. აქვე გავიგე, რომ პრემიის თანხა ამ ჩვენი საერთო-სახელმწიფოებრივი „კუტრობის“ პირობაზე საკმაოდ სოლიდური გახლდათ — 10 მილიონი მანეთი...

დაიწყო ლაურეატთა დაჯილდოვება. თქმა არ უნდა, მათზე არამცთუ „ბანის“ — „ოსკარის“ ან სულაც „ნობელის“ პრემიებიც ალაღია... ბატონ ბადრი ნინუასაც, როგორც მერმე შევიტყვე, ჭეშმარიტად ხელგაშლილსა და მრავალ გაჭირვებულთა შემწე კომერსანტს, ჩემი აზრით, მადლობის მეტი არაფერი ეთქმის. ზუბალაშვილობა და სარაჯიშვილობა დღეს ისევე საჭიროა, როგორც მაზნიაშვილობა. თუ ვინმე მაინცდამაინც ნობელს მოიხმობს შესადარებლად და იტყვის, საკუთარი სახელის პრემია რომ დაანესო — „ბანი“ ანუ „ბა(დრი)+ნი(ნუა)“ — ამის უფლება ისევე უნდა მოიპოვო, როგორც აკადემიკოსმა ალფრედ ნობელმა, დიდმა ინჟინერ-გამომგონებელმაო (სხვათა შორის, ეს პრემია მას თავის სიცოცხლეში არ დაუნესებია; ნობელის ანდერძით შეიქმნა „ნობელის ფონდი“ და პრემიას საგანგებო კომიტეტი გასცემს), ამგვარ სკეპტიკოსებს მოვახსენებ — კაცია და გუნება; კომერსანტმა კაცმა ხელგაშლით გაიღო მილიონები საღვთო საქმისთვის და ნუ დაეძრახავთ, თუ ამაში თავისთვის სარგებლიანი სარეკლამო მომენტიც ჩადო. ანგარიშიანობა ქველმოქმედებაშიც დასაშვებია და ამ მხრივაც ბატონ ბადრი ნინუას, ჩემი აზრით, არაფერი შეშლია. მაგრამ შეეშალა, და ძალიან მწარედაც შეეშალა, ამ პრემიის „ჟიურის“, როცა კინორეჟისორ ქეთი დოლიძის პირით განაცხადა — ლიტერატურის დარგში პრემია არ გაიცაო; მიჭირს, ძალიან მიჭირს დავიჯერო, რომ ასეთი განაჩენი თანამედროვე ქართულ მწერლობას ერთ-პიროვნულად ვინმემ გამოუტანა, მით უფრო — „კაცია-ადამიანის“ ეკრანიზატორმა; არც ის ვიცი, საერთოდ არსებობდა თუ არა რაიმე „ჟიური“... ერთი პირობა ისიც კი გავიფიქრე, იქნებ თავისი ყადრისა და ფასის მცოდნე ქართველმა მწერლებმა ამ პრემიაზე სულაც უარი განაცხადდეს — „ბანისა“ რა გვეკოდნია, ქართული სიტყვა, როგორმე ბანის გარეშეც უღერსო. ასეა თუ ისე, ფაქტი ფაქტად რჩება, „ბანის“ პირველი ხმებისათვის მოსაწონი ჩვენს ლიტერატურას ამ ბოლო ხანს თურმე არაფერი შეუქმნია... მაგრამ მწერლებს წერაზე რომ ხელი საერთოდ არ ჩაექნიათ, „ბანის“ კონსულტანტები მათ დიდსულოვნად დაჰპირდნენ — თუ გამეცადინდებით და რასმე ჩვენს

მოსაწონს შექმნით, გაისად ორმაგი თანხით დაგაჯილდოვებთო. პლატონ სამანიშვილისა არ იყოს (ბატონ ბადრი ნინუას არ ეკადრებ, მის კონსულტანტებს შევახსენებ: დავით კლდიაშვილის — არის ასეთი ქართველი მწერალი — ერთ-ერთი პერსონაჟია) — „ამაზედაც გმადლობთ, უფალო“...

ისე, ქართული ლიტერატურის უპრემიოდ დატოვებაზე იქვე, ცერემონიალის დროს, ასეთი ვარაუდიც გამოითქვა: პრემია ვისთვის უნდა გადაეცათ, ყველაზე დიდი ქართველი პოეტ-მეიგავე გროზნოშია, ყველაზე დიდი ქართველი პოეტ-მეზღაპრე — უკრაინაში, ცოლოურშიო.

მე კი, პირადად, ასე მგონია — თეატრალური სანახაობითა თუ სპორტული შეჯიბრების ცქერით გადაღლილი „ბანის“ კონსულტანტები ძილის ნინ ნიგნს გულს ველარ უდებენ; მოგეხსენებათ, ასეთ მდგომარეობაში ლიტერატურის წაკითხვა რა ძნელია, გაგებაზე რომ აღარაფერი ვთქვათ.

მოკლედ, „ბანის“ კონსულტანტებს, და არა მარტო მათ, მე ვურჩევდი წელს გულდასმით იმუშაონ ქართული ლიტერატურის ეკრანიზაცია-გასცენოურებაზე — ვინ იცის, იქნებ საგაიხოსოდ თვით „ბანის“ პრემიასაც კი გამოჰკრან ხელი (ვახსოვთ, ალბათ, აკაკი წერეთლის — არის ასეთი ქართველი მწერალი — „ბაში-აჩუქი“ ამგვარი გამოთქმა: „შაჰის ცოლობასაც გამოჰკრა ხელი“).

„ლიტერატურული საქართველო“, 21.5.1993

ხუთიანი კლუსით

ისტორიული ფაქტია, ლიტერატურაშიც დამონმბებული:

უანდარმერიას პროკლამაციის ავტორი სტუდენტი დაუჭერია; ალექსანდრე მესამე გასცნობია ტექსტს — იმპერატორი უნდა ჩამოეჯდოთ და რუსეთი ჩვენ, რევოლუციონერებმა, ემართოთ; ხელმწიფეს ნითელი მელნით აკურატულად ჩაუსწორებია პროკლამაცია და რეზოლუციაც დაუდევს:

„რუსეთის მართვის ცოდნამდე სასურველია რუსული ორთოგრაფიის ცოდნა“.

არა მარტო იმპერატორის ჩამოსაგდებად და არა მარტო რევოლუციონერებისთვისაა საჭირო ორთოგრაფიის ცოდნა; ურუნალისტსაც სჭირდება იგი ჩვენი დღეებისთვის თუნდაც ისეთი უმნიშვნელო დაკეთის შესასრულებლად, როგორცაა მინისტრისთვის წყლის შეყენება.

დღეს ამას დიდი ჭკუა და სინდისიერება, იქნებ, არც სჭირდებოდეს, მაგრამ ნერა-კითხვის ცოდნა კი აუცილებელია რევანლედის დონეზე მაინც. ალბათ გახსოვთ ლადო ასათიანის ცნობილი ფუნაგორია ნიკა აგიაშვილზე:

*აგიაშვილსა ნიკასო
არ ნაყვარება პიკასო.
გადარეულა პიკასო —
რა დაუშავე ნიკასო.*

„ჯორჯიან თაიმსის“ (N35, 8-15, VII, 1997) ინკოგნიტო ავტორს ანუ „ტელემაყურებელსაც“ არ ნაყვარება განათლების მინისტრი...

დიდი ამბავი, მინისტრები დღეს ვის ეხატება გულზე, „ჯორჯიან თაიმსს“ რომ ეხატებოდეს.

ეგეც არ იყოს, უსახელო „ტელემაყურებლის“ კი არა, თავისი ჭკუით, ქვეყანას რომ აზანზარებდა, იმ ხალხის შემოტევისას არ მიწუნუნია — ნეტავ, „რა დაუშავე ნიკასო“ (ლიკასო, თიკასო, ზეიკასო, მაკასო, კლარასო, ფოთოლასო)? მით უფრო, რომ ჩინებულად ვუნყი, რაც დაუშავე ამ კატეგორიის ხალხს.

ერთმა რამემ კი შემაფიქრინა: წინათ ვინც მებრძოდა, ის ხალხი სინდის-ნამუსზე იყო მწყრალად, თორემ — ნერა-კითხვისა რა მცოდნია, ამ საქმის პროფესიონალები იყვნენ...

ახლა კი, ვგონებ, ნუსტას სკოლის კონტინგენტი მიპირებს დაბრიყვებას.

ამაშიც, ვინ იცის, ღრმა აზრი ჰქონდეს „თაიმსს“ ჩადებული — განათლების მინისტრი რომ წიგნიერად, ცოდნით გააკრიტიკო, შეიძლება ისიც თქვან — ა, ბატონო, განათლებული ჟურნალისტის განათლებული ნაწერი, ეტყობა, არც ისე ცუდად გვექონია საქართველოში სწავლა-განათლების საქმეო.

„ტელემაყურებლის“ სტატია მოკლეა, უსასრულოდ გრძელია მასში დამკვეთი აზრობრივი, სტილისტური, ორთოგრაფიული და პუნქტუაციური შეცდომების ნუსხა. ყოველი მათგანის განმარტებისაგან რომ მკითხველი არ შევალონო, მივუთითებ მხოლოდ შეცდომის სახეს და ლიტერატურას, რომლის გაცნობა მომავალში მაინც გამოადგება „ტელემაყურებელ“ ჟურნალისტს და მის დამკვეთებს.

„გასულ შაბათს, ტელეეკრანიდან გვესროლა ლოზუნგი თამაზ კვაჭანტირაძემ, განათლების მინისტრი რომაა.“

განათლების მინისტრი რომაა, მისი სწავლება აღარ უნდა გვეჭირდებოდეს — „შაბათს“ შემდეგ მძიმე ზედმეტია (ქართული ენა, გრამატიკა, მართლწერა და მეტყველების განვითარება, მეორე კლასის სახელმძღვანელო, თბ., 1995 წ.).

„გადაცემა „ბარიერი“, გამავალმა „საქართველოს ხმის“ ეთერში, გან-

კუთვნილი ერთი საათის ნაცვლად მთელი ნახევარი საათით მეტი დაუთმო საქართველოს ერთ-ერთ უკანასკნელ მოჰიკან მინისტრს“.

გაიგეთ რამე? ვერ ჩასწვდით „საქართველოს ხმის“ ეთერში გამავალი გადაცემის შინაარსს? ადვილი საქმე არაა, რადგანაც „ტელემაყურებელი“ ამჯერად სიტყვას ვერ აბრუნებს ვერც პირდაპირი და ვერც გრამატიკული გაგებით. ამიტომაც უქცევს ასე ძველავლადრულად: გადაცემა „ბარიერი“ (ნაცვლად — „ბარიერმა“) დრო დაუთმო მინისტრს (ქართული ენა, ფონეტიკა, გრამატიკა, მართლწერა და მეტყველების განვითარება, მეოთხე კლასის სახელმძღვანელო).

ასეთ შემთხვევაში დიდი ფუფუნება იქნებოდა „მოჰიკანის“ მნიშვნელობის ცოდნა მოგვეთხოვა სტატიის ავტორისაგან, მაგრამ — მაინც:

საქართველოს ერთ-ერთი უკანასკნელი მოჰიკანი მინისტრი ორ შემთხვევაში იქნებოდა აზრიანი გამოთქმა: ა) მინისტრობა — როგორც გარკვეული სტატუსის აღმნიშვნელი თანამდებობა — რომ ქრებოდეს და კვაჭანტირაძე და კიდევ ერთი-ორი კაციღა დახანხალდებდეს, ამ სტატუსის მქონენი; ბ) კვაჭანტირაძეთა მოდგმა გადაშენების გზაზე რომ იდგეს და განათლების მინისტრი მათი ერთ-ერთი ბოლო წარმომადგენელი იყოს...

„ტელემაყურებელ“ ჟურნალისტს, იქნებ, ასეც სურდეს ან ეგონოს, მაგრამ, მისდა სამწუხაროდ, ასე რომ არაა?

თურმე ეკრანს შებერებულ მინისტრს ყბადალებული თეთრი „როლინგები“ ჰალსტუხით დამშვენებულ ბაცი ფერის პერანგებზე შეუცვლია, „ბოლო ათიოდე წლის წინანდელი ფერმკრთალი ლოყებჩაცვენილი სახე (იმ მეცადინეობისაგან გატანჯული აბიტურიენტის მსგავსი, რომლებისათვისაც ბატონი მინისტრი ტელეეკრანიდან ირჯებოდა), რომ გვახსოვს, ახლა ზუსტად სამინისტრო ფერ-ხორციით შევესო. ვერ (უ)ხდებოდა?!“

ჯერ ერთი, მინისტრის სახე იმ მეცადინეობისგან გატანჯული აბიტურიენტების სახის მსგავსი კი არაა, არამედ — მეცადინეობისგან გატანჯული იმ აბიტურიენტების სახის მსგავსი, ვისთვისაც იგი ეკრანიდან ირჯებოდა. აქ უკვე უფრო რთულად დასაძლევ მებუთე კლასის ქართული ენის სახელმძღვანელოზე უნდა მიეუთითო „ტელემაყურებელს“. აღარაფერს ვიტყვი უხემ პუნქტუაციურ შეცდომებზე, რამდენიმე ათეულ შემთხვევაზე ტექსტში სასვენი ნიშნების უნიგნური ხმარებისა — აქ უფრო სხვა მომენტმა დამაინტერესა: ტელეეკრანზე 1975 წლიდან ეჩანვარ... ოცდაორი წლის განმავლობაში კაცი, ცხადია, გარეგნობითაც იცვლება და ტანსაცმელსაც, რაც უნდა უცნაურად მოეჩვენოს „თაიმისს“ ავტორს, იცვლის. მართალი გითხრა, არ მეგონა, თუ ამდენ ყურადღებას დაიმსახურებდა ჩემი ლოყებისა და გარდერობის შევსება-არშევისების პრობლემა. ტრადიციულ ოჯახში აღზრდა მიშლის ხელს ანალოგიური ინტერესი გამოვიჩინო — რა და როგორ შევესო ამ ორი ათეული წლის მანძილზე „თაიმისს“ ავტორსა და მის

მესვეურ-დამკვეთებს. თუ მანდილოსნები ბრძანდებიან, იმედი ვიქონიოთ, რომ მათი კონფიგურაცია, ჩემგან განსხვავებით, უფრო დაიხვეწებოდა.

დაბოლოს, გალაღებული (გალაღება კი რამაც იცის, ჩემზე ნაკლებ არ მოგეხსენებათ) „ტელემაყურებელი“ ნიშნებსაც მიწერს მეტყველებაში, მორალში, გარეგნობაში, თავის დაჭერაში... ზოგში ხუთიანს (და არა — ხუთს, როგორც თვითონ წერს), ზოგში — სამიანს და ზოგშიც — ორიანს... მე უფრო ერთგვაროვნად შევაფასებდი ქალბატონ „ტელემაყურებლის“ ნაღვანს, თანაც სკოლაში უკვე აპრობირებულ საგნებში:

ყოფაქცევა ანუ ზრდილობა — ხუთიანი;

შრომა ანუ დაკვეთის შესრულების ხელოვნება — ხუთიანი;

საოჯახო აღზრდა — ხუთიანი;

ლოგიკა — ხუთიანი;

ქართული ენა (მართლწერა, გრამატიკა, სტილისტიკა) — ხუთიანი პლუსით.

მე მართლაც სერიოზულად ფიქრობ — თუ „თაიმსის“ „ტელემაყურებელი“ დანყებითი ანუ ელემენტარული სკოლის მოსწავლე არ არის და ჩემი მინისტრობის დროს აქვს თუნდაც საბაზო ანუ ცხრანლედის დამთავრების მონმობა მიღებული, მაშინ მე, წესით, უნდა გადავდგე.

* * *

ისეე „პირველსა სიტყვასა ზედა მოვიდეთ“...

რით დამთავრდა პროკლამაციის ავტორი სტუდენტის ისტორია?

ჯერ მეფის ნასწორები ტექსტი და რეზოლუცია აჩვენეს, მერე ციხიდან გამოაპანლურეს.

პოლიტიკას შეეშვა, თუმცა — გალოთდა.

სინდისმა თუ შეაწუხა.

„თაიმსის“ „ტელემაყურებელს და კომპანიას“, ჩემი შეტყობით, ამ ნიადაგზე გალოთების საფრთხე არ უნდა ემუქრებოდეთ.

„ლიტერატურული საქართველო“, 11.8.1997

მამ „პრაპლით“ იარონ!

გაზეთ „პრაედა-5“-ის 53-ე ნომერში (30.VIII-6.IX, 1996) გამოქვეყნდა წერილი საქართველოზე (და საქართველოდან) — „მასწავლებლებმა დე იმიჰ-შილონ“. ქართული პედაგოგიკის თემა „არ-ახალია“ სტატიის ავტორის

ვლადიმერ სტატსკისათვის: „პრავდა-5“-ის წინა ნომერში იგი ამტკიცებდა, რომ საქართველოს ხელისუფლებმა დასაჯეს გაკადნიერებული მასწავლებლები და გაფიცვის გამო სამუშაოდან დაითხოვეს. ეტყობა, მასწავლებელთა უმუშევრად დატოვება ავტორს არასაკმარისად ეჩვენა და ახლა გადანიშნა ისინი ხელისუფლებას შიმშილით დაახოცინოს. ინფორმაციის მიხედვით, მთავრობის ამ ვერაგულ განზრახვას საქართველოს მასწავლებლობა წინ აღსდგომია და ახალი სასწავლო წლის დასაწყისშივე თბილისის ოცდაათ სკოლას, თურმე ნუ იტყვით, გაფიცვა გამოუცხადებია, მათ კი საქართველოს სხვა რეგიონების პედაგოგებიც შეერთებია.

სანამ ძირითად სათქმელზე გადავიდოდე, ერთ ჩემს მოსაზრებას გაგიზიარებთ: ვფიქრობ, ჩვენი ფსიქოლოგიური დამოკიდებულება უნდა შეიცვალოს რუსეთში (და — სხვაგანაც) გამოქვეყნებულ მასალებზე: წინათ, ალბათ, გახსოვთ — სარგებლობდნენ რა ჩვენი გამახვილებული თავმოყვარეობით, ესა თუ ის გაყიდული კალმოსანი დანერდა ხოლმე სიმართლეში გადაზედილ ტყუილს... ავტენტით ამაზე ერთ ვაიუმველებელს; ხან იმის მტკიცება გვიხდებოდა, რომ ჩვენი მანდარინები იაპონურს არ ჩამოუვარდება, ხან იმისა, რომ არა ვართ რუსთომოძულენი, რახან ბათუმელ დედას არა სურს თავის შვილს უძველესი ხელობის პროფესიონალი რუსი ქალბატონი რძლად შემოაყვანიხოს ოჯახში და ა.შ. ხანდახან მეჩვენებოდა, რომ ეს კალმოსნები ჩვენგან სწორედ ამგვარ ფეთქებად რეაქციას ელოდნენ, რათა ჩავეყენებინეთ თავისმმართლებლის წამგებიან პოზიციაში და ჩვენ, როგორც ვერი, გარკვეულწილად დავეკომპლექსებინეთ. ამიტომ ყველას და ყველაფერზე კაცმა არც უნდა უპასუხოს. სწორად გამიგეთ — ცილისწამებასა და ბეზლობაზე პასუხი როგორ არაა გასაცემი; თუნდაც ილიას მიერ გასილაქებული კატკოვი გაიხსენოთ, მაგრამ კატკოვის როლი და ზეგავლენაც გაიხსენეთ მაშინდელ საზოგადოებაზე; ასე რომ, ასტაფიევს, რასპუტინსა და ძმათა მათთა, როგორც ვაულებიან პერსონებს, პასუხი დიახაც უნდა გასცემოდათ და გაეცათ კიდევ (თუნდაც კიბა ბუაჩიძის ცნობილი „გრძელი, ძალზე გრძელი უსტარი“ რად ღირს), მაგრამ რამდენი წერილფება კალმოსანი საზღვარგარეთ ცხვირს დააცემინებს, ყველაფერზე მთელმა საქართველომ — „ზმუკო“, ვფიქრობ, არ უნდა შეუძახოს.

და ერთიც: როდესაც ჩვენივე ზოგიერთი პერიოდული გამოცემა ბევრად უფრო ნასუქ „ჟურნალისტურ იხვებს“ ამოაფრენს ხოლმე, სხვისა და უცხო-საგან რალა უნდა გაგიკვირდეს კაცს.

ახლა უშუალოდ საქმეზე:

„პრავდა“ (ანუ „სიმართლე“, თუ ქართულად ვთარგმნით) რა სიმართლეთაც გვკვებავდა ამ საუკუნეში, ცნობილია. მაგრამ ის ძველი „პრავდა“ ოპერატიული სიცრუით მაინც გვკვებავდა. „პრავდა-5“, ეს მოდიფიცირებული „პრავდა“, არაოპერატიული დეზინფორმაციით გვიპირებს დაპურებას.

ზემოთ სიმართლეში გადაზედილ ტყუილზე მოგახსენეთ: თბილისის რამ-

დენიმე სკოლა მართლაც გაიფიცა ხელფასის გაზრდის მოთხოვნით, მაგრამ არა — ოცდაათი; და, რაც მთავარია, ეს სკოლები გაიფიცნენ გასული სასწავლო წლის ბოლოს და არა ახალ სასწავლო წელს, როგორც ეს ინფორმაციაშია. მოკლედ, გასული სასწავლო წლის გაფიცვების გაბუქებული სურათი გადმოტანილია ამ სასწავლო წლის დასაწყისში. ობიექტურ ჟურნალისტს კი შეეძლო თავისი მკითხველებისთვის ეუნყებინა, რომ საქართველოში მოხდა შედაგოგთა ხელფასის უპრეცედენტო გაზრდა-გაორმაგება, რომ ასევე გაიზარდა ამ ხელფასების დანამატები და ამ დანამატებითურთ, ვთქვათ, II კატეგორიის მასწავლებელს თბილისში 45 ლარის ფარგლებში მიეცემა ხელფასი...

ჩვენ, ცხადია, პირველ ყოვლისა, ჩვენი პრობლემები გვაქვს გადასაჭრელ-მოსაგვარებელი, მაგრამ კოლეგიურად ვნუხდით, რომ რუსეთშიც მძიმე ვითარებაა განათლების მუშაკთა სოციალური დაცვის თვალსაზრისით — იქ შარშან მართლაც საყოველთაო გაფიცვის სახე მიიღო შედაგოგთა სოციალურმა ამბოხმა; საქართველოში კი ჩვენმა პროფესორ-მასწავლებლობამ გაუსაძლისი გაუძლო, აუტანელი აიტანა და სასწავლო პროცესი მასობრივად არსად ჩაშლილა.

რაზან სიტყვამ მოიტანა, დიდი მადლიერებით მინდა მოვიხსენიო რუსეთის განათლების სამინისტრო, რომელთანაც ჩვენ საქმიანი და მეგობრული ურთიერთობა გვაქვს, და მოსკოვის განათლების მთავარი დეპარტამენტი, რომელმაც ამ სასწავლო წლის დასაწყისში რუსულენოვანი სკოლებისათვის ნობათად მოგვართვა რამდენიმე ათასი სახელმძღვანელო. ჩვენ არც მოსკოვის მერიის როლი დაგვევიწყნია ჩვენი პირველი სკოლის შენობის აღდგენის საქმეში. ასე რომ, რუსულ-ქართულ საქმიან საგანმანათლებლო კავშირურთიერთობას ავისმჩხრეკელთა კალმის ნრიპინი ზიანს ვერ მიაყენებს.

საგულისხმოა, რომ ვლადიმერ სტატსკი ამ „არაოპერატიულ დეზინფორმაციას“ თბილისიდან ანუ დის „პრავდა-5“-ს და არც ავტორის ინფორმაციორებია ძნელად ამოსაცნობი.

ძალიან გასჭირვებითა ჩვენი შედაგოგების ჯიბესა და ღირსებაზე „მოამაგებებს“, საქართველოს „სახელგამტები“ დეზინფორმაციით „პრავდა-5“-ის მომარაგება რომ გადაუნყვეტიათ. რას იზამ, რადგან ასე მოსწონთ, მაგ „პრავდით“ იარონ!

„საქართველოს რესპუბლიკა“, №177, 3. IX, 1996

მონინაგული მადლობა

ბატონო რედაქტორო!

გაზეთ „ძველი სახლის“ (N12, 1995) ფურცლებიდან ღია წერილით მომმართა ბატონმა ედიშერ გიორგაძემ; სამწუხაროდ, არა მაქვს პატივი პირადად ვიცნობდე მას, თუმცა კი ამ სახელისა და გვარის კაცზე ზოგი რამ მსმენია. რახან ტექსტში ავტორი ძველთბილისელ დარდიმანდ ბოქმად წარმოგვიდგენს თავს, იგი არამცდაარამც არ შეიძლება იყოს ის ედიშერ გიორგაძე, რომლის შესახებ „ცისკრელებისაგან“ გამიგონია — ორი ჭიქის შემდეგ შეუკავებლობა სჭირსო (ალბათ, აზრის შეუკავებლობას გულისხმობდნენ); იგი არც ის ედიშერ გიორგაძე უნდა იყოს, ღია წერილის ავტორისაგან გაღმერთებულ ექსპრეზიდენტს „ჩამშვებად“ და სუკის აგენტად რომ მიაჩნდა. ტექსტიდან, ერთი შეხედვით, კაცს შეიძლება ისეთი შთაბეჭდილება დარჩეს, ავტორი „ქარვის კაციაო“; თუ ასეა, მადლობას მოვახსენებ მას — ამ ყაიდის ხალხისგან დედაკაცური წყევლა-კრულვა მხოლოდ ღირსებას მძენს იმათ თვალში, ვისაც მე პატივს ვცემ.

მაგრამ მე მაინც ასე მგონია, რომ ყურადღების ღირსი გავხდი ჩემთვის, მართლაცდა უნიგნურისათვის, სრულიად უცნობი უდიდესი ქართველი კალმონისა და ვეებერთელა მოაზროვნის, ბატონ ედიშერ გიორგაძისა... და მით უფრო მონინებული მადლობა მას, რომ თავისი უკვდავი კალმით ჩემი სახელიც შემოუნახა ჩვენს შორეულ შთამომავლობას.

„ლიტერატურული საქართველო“, 24.3.1995

რეპლიკა

სურათი...

„ლიტერატურული საქართველოს“ რედაქტორს

ამასწინანდელ „ლიტერატურულ საქართველოში“ სახელმწიფოს მეთაურის ამგვარი განცხადება დაიბეჭდა: „მე ვერ წარმომიდგენია ვიცხოვრო იმ ქვეყანაში, რომელშიც დაიხურება ისეთი გაზეთი, როგორც „ლიტერატურული საქართველო“.

მე კი ასე მგონია — „ლიტერატურული საქართველოს“ დახურვა საქართველოს ლიტერატურის დახურვაა.

ეს კი ვერ მოახერხეს ვერც ლუკა ისარლოვმა და ვერც ბორის შატბეროვმა — ცნობილმა ცენზორებმა.

ეს ვერ მოახერხა ლაერენტი ბერიამ — გაზეთი ოცდაჩვიდმეტში არ დახურულა...

ეს ვერ მოახერხა ადოლფ შიტლერმა — მსოფლიო ომის დროს გაზეთი შეუფერხებლად გამოდიოდა.

თვით კარვის „სარქალმა“ ფოთოლამ და კომპანიამ, რომ იტყვიან, ყველაფერი „გადაგვიხურეს“ — ვერ დახურეს „ლიტერატურული საქართველო“...

და ის, რაც ვერ დახურეს შიტლერმა და ფოთოლამ, შეიძლება დახუროს მოვალემ. მოვალის როლში კი სახელმწიფო მოხელე ანუ — თვითონ სახელმწიფო გამოდის.

ოღონდ, როგორც თქვენი გამონგარიშებით ირკვევა, ბატონო რედაქტორო, ამ მოვალეს თურმე თქვენი ბეურად მეტი მართებს, ვიდრე თქვენ — მისი.

დიდად დაგიმადლებდით, ბატონო რედაქტორო, მეცა და მთელი განათლების სისტემაც, თუ ამ განსხვავებულ თანხას, როცა მას სასამართლო წესით ამოიგებთ, „განათლების ფონდის“ ანგარიშზე გადმოსარიცხვინებთ „დედაენის“ გამოსაცემად.

თუ რაიმე უკეთესზე დახარჯავს ამ თანხას თქვენი მოვალე, ჩათვალეთ, რომ თქვენთვის არაფერი გვითხოვს.

„ლიტერატურული საქართველო“, 28.1.1994

აუსილუბელი განმარტება ანუ ერთი სილისნაპეპის გამო

მადლობა პრესას

სოციალურ-ეკონომიკური რეფორმების რკალში განათლების რეფორმას განსაკუთრებული ადგილი უკავია. ამ რეფორმის აუცილებლობაზე აღარავინ დავობს, არც მისი სტრატეგიული მიმართულება დაუყენებია ვისმე ეჭვის ქვეშ — განსჯის საგნად შეიძლება იქცეს მხოლოდ განათლების რეფორმის ცალკეული დეტალი, მისი განხორციელების ტაქტიკა, რეფორმის ეტაპთა თუ მიმართულებათა პრიორიტეტულობა, თანმიმდევრობა, ტემპი და ა.შ.

ამ ბოლო ხანს პრესითაც და ტელევიზიითაც ყურადღება განსაკუთრებით გამახვილდა რეფორმის ერთ ასპექტზე — განათლების ახალ კონცეფციასა

და მის მიღება-უარყოფასთან დაკავშირებულ პერიპეტეებზე („ჯორჯიან თა-
იმსი“, N6 (35) — „განათლება დაკვეთით“; „კავკასიონი“ N41 (110) — „განათ-
ლების სისტემა საოპერაციო მაგიდაზე“; „კავკასიონი“ N51 (120) — „როგორ
მივდივართ ტაძრისკენ?“; „სამშობლო ფორტე“ N1 — „ღია წერილი საქარ-
თველოს სახელმწიფოს მეთაურს ედუარდ შევარდნაძეს“ და სხვ.). თავისთა-
ვად, ჩვენი მასობრივი ინფორმაციის საშუალებათა ასეთი დაინტერესება გა-
ნათლების პრობლემემატიკით მეტად სასურველი მოვლენაა და განათლების
სამინისტრო მხოლოდ და მხოლოდ მიესალმება სწავლა-განათლებასთან და-
კავშირებულ თუნდაც ყველაზე მტიკიენული და სადავო პრობლემების საჯა-
რო მსჯელობის საგნად ქცევას. ისიც იმთავითვე უნდა ითქვას: ზემოხსენე-
ბულ პუბლიკაციებში განათლების სამინისტროს მიმართ გამოთქმულ კრი-
ტიკულ შენიშვნათაგან ზოგი რამ გასათვალისწინებელია და ყურადსაღები.
ასე რომ, განათლების თემატიკის წინ წამოწევისთვის ზემოჩამოთვლილ მა-
სობრივი ინფორმაციის საშუალებათათვის — და არა მარტო მათთვის —
მადლობის მეტი არაფერი გვეთქმის; ასევე, გაზეთების რედაქციები, ჩვეუ-
ლებრივ, პასუხს არ აგებენ გამოქვეყნებულ მასალაში „ფაქტების, ციფრები-
სა თუ ციტატების სიზუსტეზე“... ამიტომაც ჩვენ ზემოჩამოთვლილ გაზე-
თებს მივიჩნევთ განათლების საერთო საქმის გულშემატიკიერებად და, თუ
ქვემოთ ვინმესთან სადავო გვექნა, მხოლოდ და მხოლოდ იმ პირებთან, რომ-
ლებიც დიხაბც აგებენ პასუხს „ფაქტების, ციფრებისა თუ ციტატების სიზუს-
ტეზე“, ე.ი. პუბლიკაციათა ამა თუ იმ დებულების უშუალო ავტორებთან.

რა ბრალდება განათლების სამინისტროს?

ასეთი სადავო კი, სამწუხაროდ, გვექნება და, არცთუ ცოტა, თანაც —
ჩვენივე სისტემის მუშაკებთან, პირველ ყოვლისა კი განათლების მინისტ-
რის მოადგილესთან მშენებლობისა და მატერიალური მომარაგების დარ-
გში ბატონ კახა ქორიძესთან. კერძოდ, განსაკუთრებულ ყურადღებას იმ-
სახურებს მის მიერ ატეხილი განგაში იმის თაობაზე, რომ, თურმე განათ-
ლების სამინისტროს ხელმძღვანელობას (აქ, პირველ ყოვლისა, მინისტრი
იგულისხმება) დანაშაულებრივი გულგრილობა გამოუჩენია, მსოფლიო
ბანკის ექსპერტების რეკომენდაციისთვის ყური არ უთხოვებია, მათ მიერ
მონონებული „უწყვეტი განათლების კონცეფცია“ მინისტრთა კაბინეტში
დასამტკიცებლად არ წარუდგენია, რის შედეგადაც საქართველოს 1995
წლისთვის მსოფლიო ბანკიდან დაფინანსება ველარ მიუღია, ის ნანატრი
დაფინანსება, რომელიც გამიზნული ყოფილა მასწავლებელთა სოცია-
ლურ დაცვაზე. კერძოდ, ბატონი კ.ქორიძე წერს: „კონცეფცია განიხილეს
ოქტომბრის თვეში მსოფლიო ბანკის ექსპერტებმა, მათ მაღალი შეფასება

მისცეს პროექტს და გეთხოვეს წლის ბოლომდე მომხდარიყო მისი დამტკიცება მინისტრთა კაბინეტში, რათა მსოფლიო ბანკს გამოეყო განათლებისთვის დაფინანსება 1995 წლიდან... განათლების სამინისტრომ კონცეფცია არ წარადგინა მინისტრთა კაბინეტზე განსახილველად, რამაც გამოიწვია ფინანსების გამოყოფის გადავადება მსოფლიო ბანკის მიერ" („ჯორჯიან თაიმსი", №6 (035), 1995).

ეს ბრალდება მეორდება „ლია ნერილშიც" სახელმწიფოს მეთაურისადმი. მართალია, მას მარტო ბატონი კ.ქორიძე არ აწერს ხელს, მაგრამ მსოფლიო ბანკთან დაკავშირებული ვერსია მხოლოდ მას ეკუთვნის. იქ კიდევ უფრო დრამატული სურათია დახატული: „1994 წლის 11 ოქტომბერს კონცეფცია განხილული და მოწონებული იქნა საქართველოს რესპუბლიკის ეკონომიკურ საკითხთა სამთავრობო კომისიის მიერ მინისტრთა კაბინეტის სხდომაზე წარსადგენად... განათლების სამინისტრომ კონცეფცია არ წარადგინა მინისტრთა კაბინეტის სხდომაზე, რამაც გაურკვეველი ვადით გადადო განათლების სისტემის დაფინანსება მსოფლიო ბანკის მიერ. ალარაფერს ვიტყვით იმის შესახებ, თუ როგორ ჰაერივით სჭირდებოდა ეს დაფინანსება არა მარტო სასწავლო-აღმზრდელობითი პროცესის დარეგულირებას, არამედ პედაგოგთა სოციალურ დაცვასაც. ამგვარი დესტრუქციული მოქმედებისა თუ უმოქმედობის შედეგად შექმნილი მდგომარეობა მთელი ჩვენი საზოგადოების მოაზროვნე ნაწილის არა მარტო გაკვირვებას, არამედ აღშფოთებასაც იწვევს" („სამშობლო ფორტე", №1, 1995).

„ჩვენი საზოგადოების მოაზროვნე ნაწილს", კერძოდ, მასწავლებლობას, ის ფაქტი, რომ განათლების სამინისტროს ხელმძღვანელობა, თურმე ნუ იტყვით, საგანგებოდ აბრკოლებს მისი სოციალური დაცვისთვის გამოყოფილ დაფინანსებას, ზემოაღნიშნული პუბლიკაციების შემდეგ თუ აღაშფოთებდა, რამდენადაც ეს ამბავი მას მხოლოდ ბატონ კ.ქორიძის პრესაში გამოსვლიდან შეეძლო შეეტყო... და, ძნელი მისახვედრი სულაც არ არის, რომ ამგვარი დეზინფორმაცია სწორედ იმ მიზანს ისახავს, მასწავლებლობა აუმხედროს განათლების სამინისტროს. ამიტომაც იძულებული ვართ ამ საკითხზე აუცილებელი განმარტება მივანოდოთ მკითხველს, განსაკუთრებით, მასწავლებლობას.

ორიოდ სიტყვა „კონცეფციურ ვნებათაღელვაზე"

წინასწარ უნდა ითქვას, რომ განათლების სამინისტროსა და მასთან დაკავშირებულ უწყებებში მომზადდა კონცეფციის რამდენიმე ვარიანტი, რომელთაგან სამს, ყველაზე მეტ ვნებათაღელვას რომ იწვევენ, პირობითად ეწოდება A, B და C ვარიანტი.

ახლა ისევ დაეუბრუნდეთ მსოფლიო ბანკისაგან თითქოსდა ვერმიღებული დაფინანსების საკითხს.

პირველი: არ არსებობს არავითარი დოკუმენტური მასალა იმისა, რომ მსოფლიო ბანკის ექსპერტებმა მოიწონეს ბატონ კ.ქორიძის მიერ მათთვის წარდგენილი „უწყვეტი განათლების კონცეფცია და განათლების სისტემის ახალი მოდელის ტექნიკურ-ეკონომიკური დასაბუთება“. ამის შესახებ არც კონცეფციის განხილვისა და შეფასების სალქმო ჩანაწერი არსებობს და, რაც მთავარია, არც მსოფლიო ბანკის ექსპერტების რეკომენდაციებშია ამის შესახებ რაიმე დაფიქსირებული. ასე რომ, ამ საკითხში უნდა ვენდოთ თვითონ ბატონ ქორიძის განცხადებას, ხოლო რამდენად სანდოა იგი, ქვემოთ გამოჩნდება.

მეორე: თუ ბატონი კ.ქორიძე მაინც ელაპარაკა ექსპერტებს კონცეფციის იმ ვარიანტზე (ე.წ. A ვარიანტი), რომელიც, რატომღაც, თავის პირად შემოქმედებად მიაჩნია, ეს მისი საქმეა, მაგრამ მას არ ჰქონდა უფლება შესაფასებლად და განსახილველად წარედგინა იგი მსოფლიო ბანკის ექსპერტისათვის, რამდენადაც ამის უფლებამოსილება არ მიუღია განათლების მინისტრისაგან. არ მიუღია იმიტომ, რომ კონცეფციის ეს ვარიანტი შესაჯერებელი იყო სხვა ვარიანტთან თუ ვარიანტებთან და, მისთვის უპირატესობის მინიჭება კოლეგიის ან მინისტრის გადაწყვეტილების გარეშე, მინისტრის მოადგილე კ.ქორიძისგან უნდა შეფასდეს როგორც თავისი უფლებების გადაამეტება.

მესამე: კიდევ უფრო უხეშად გადაამეტა თავის უფლებებს ბატონმა კ.ქორიძემ, როცა 11 ოქტომბერს საქართველოს რესპუბლიკის ეკონომიკურ საკითხთა სამთავრობო კომისიას ამ კომისიაზე განსახილველ „საქართველოს რესპუბლიკის საგანმანათლებლო სისტემაში ფასიანი სწავლებისა და მომსახურების ეტაპობრივი დანერგვის სახელმწიფო პროგრამის“ გვერდით შეაპარა კაბინეტის სხდომაზე განსახილველად თავისად მიჩნეული კონცეფცია და მისი ტექნიკურ-ეკონომიკური დასაბუთება. ჯერ ერთი, ვითომცდა განხილვის საფუძვლად აღებული სახელმწიფოს მეთაურის ბრძანებისა (N276) და მინისტრთა კაბინეტის დადგენილების (N965) ტექსტები საერთოდ არ ითვალისწინებენ არავითარი კონცეფციის განხილვასა და, მით უფრო, მის დამტკიცებას მინისტრთა კაბინეტზე... N965 დადგენილებამ მხოლოდ დაამტკიცა განათლების სამინისტროს მიერ წარდგენილი „განათლების დარგში განსახორციელებელ გადაუდებელ ღონისძიებათა გეგმა“, N276 ბრძანება კი ქვეყნის საბაზრო ეკონომიკაზე გადასვლის პირობებში საგანმანათლებლო სისტემის ფასიან მომსახურებაზე ეტაპობრივ გადასვლას ეხება. ვიმეორებთ, არც ერთ დოკუმენტში ტერმინი „კონცეფცია“ ნახსენებიც კი არ არის. ბუნებრივიცაა: კაბინეტის მიერ დამტკიცებული გეგმის მიხედვით, კონცეფცია განათლების სამინისტროს კოლე-

გიას უნდა დაემტკიცებინა, ხოლო კაბინეტისათვის დასამტკიცებლად განათლების სახელმწიფო პროგრამის ანუ განათლების რეფორმის პროექტი უნდა წარედგინა. ასე რომ, ბატონმა ქორიძემ თვითნებურად შეცვალა განსახილველი მასალა და, ფაქტობრივად, შეცდომაში შეიყვანა კომისია, ხოლო რა ხერხებითა და მეთოდებით მიაღწია ამას, ეს უკვე უფლებათა გადამეტების სფეროს სცილდება: იმ დროს, როდესაც განათლების მინისტრი თბილისში, ადგილზე იმყოფებოდა, მასთან შეუთანხმებლად, მისი სახელით გაამზადა მიმართვა ეკონომიკურ საკითხთა სამთავრობო კომისიისადმი, სადაც თითქოსდა განათლების სამინისტრო მინისტრთა კაბინეტის სხდომაზე განხილვისათვის შესათანხმებლად უგზავნიდა ამ კომისიას „უწყვეტი განათლების კონცეფციას“... თვით ეს მიმართვა ბატონმა ქ.ქორიძემ დაბეჭდა განათლების სამინისტროს ბლანკზე, მაგრამ არ გაატარა სამინისტროს კანცელარიაში. მოკლედ, მან სამინისტროს ხელმძღვანელობის გვერდის ავლით და ზურგსუკან ქმედებით სცადა ფაქტის წინაშე დაეყენებინა სამინისტრო, რომ თავისად მიჩნეული კონცეფცია უკვე მოწონებულია სამინისტროზე უფრო მაღალ ინსტანციაში და — საკითხი, როგორც იტყვიან, განხილვას აღარ ექვემდებარება. ასეთი საქციელი ძნელია სხვანაირად შეაფასო, თუ არა შეგნებული სიყალბე.

რესპუბლიკის ბიუჯეტის ნახევარი — კომპენსაციაზე

აქ შეიძლება ასეთი კითხვაც გავჩვენო: უფლებათა გადამეტება დაუშვებელია, მაგრამ იქნებ მიზანი ამართლებდეს საშუალებას და კონცეფციის A ვარიანტი, თუნდაც ასეთი გზით მიღებულ-მოწონებული, მაინც უნდა დაგვემტკიცებინა, თუკი იგი საუკეთესო აღმოჩნდებოდა დღეს არსებულ კონცეფციათა შორის? აკი წერენ კიდევ: „...საბოლოო ვარიანტის საფუძველად პირველი (ბატონ ქ.ქორიძის) კონცეფცია უნდა იქცეს... მასში ცივილური განათლების მოდელი ძვეს, ამიტომ, არსებითად რაიმეს შეცვლა შეუძლებელია“... და შემდგომ: „კონცეფციის საბოლოო ვარიანტის საფუძველად, ჯენტლმენური (!) შეთანხმების კვალობაზე, მიჩნეულ იქნეს „საქართველოს რესპუბლიკის უწყვეტი განათლების კონცეფცია და განათლების სისტემის ახალი მოდელის ტექნიკურ-ეკონომიკური დასაბუთება“... „ეს კონცეფცია სხვებზე ადრე შეიქმნა, შეიცავს საბოლოო ტექსტისთვის აუცილებელ თითქმის ყველა ნიშანს, სხვა ვარიანტებისგან განსხვავებით, ახლავს საფინანსო-ეკონომიკური დასაბუთება“... („კავკასიონი“ N41 (110), „განათლების სისტემა საოპერაციო მაგიდაზე“). ამჯერად თავი დავანებოთ იმას, თუ რამდენად მართებულია კონცეფციათა ვარიანტებისგან საუკეთესოს არჩევისას მნიშვნელობა მივანიჭოთ სიძველის ფაქ-

ტორს; თვით ყველაზე რაფინირებული ჯენტლმენებისთვისაც კი კონცეფციის ვარიანტთა ღირსებას მათი შინაარსობრივი მხარე უნდა განსაზღვრავდეს და არა მათი სიძველე. A ვარიანტისათვის ასეთ მნიშვნელოვან უპირატესობას ხედავენ იმაში, რომ მას ახლავს „საფინანსო-ეკონომიკური“ დასაბუთება. არადა, A ვარიანტის ყველაზე სუსტი ადგილია სადღეისოდ უკვე მოძველებული ეკონომიკური დასაბუთება. აქ ლაპარაკია არა მარტო და არა იმდენად თითქმის ათი წლის წინანდელ განფასებაზე, არამედ თვით ყავლგასულ ეკონომიკურ მექანიზმზე, რომელიც დეცენტრალიზაციის და საბაზრო ეკონომიკის პრინციპების დანერგვის ნაცვლად ისევ ძველი ცენტრალიზებული ეკონომიკისაქენ გვექაჩება. ხოლო რამდენად უნევს იგი ანგარიშს დღევანდელ რეალობას, ეს ერთი მაგალითიდანაც ჩანს: A ვარიანტით გათვალისწინებულია, რომ სახელმწიფომ სკოლამდელი ასაკის ყოველ ბავშვზე მის მშობელს კომპენსაცია უნდა მისცეს იმ ოდენობით, რაც სახელმწიფოს დაუჯდებოდა ამ ბავშვის საბავშვო ბაგა-ბაღში შენახვა. 1990 წლამდე მოქმედი ნორმატივით (A ვარიანტის ტექნიკურ-ეკონომიკური დასაბუთება კი, ვიმეორებთ, ამ წლამდე არსებულ სტატისტიკას, განფასებას და ნორმატივს ეყრდნობა) ერთი ბავშვის შენახვა სახელმწიფოს წელიწადში უჯდებოდა 420 მანეთი... ეს „უნყინარი“ ციფრი, თანამედროვე კუპონზე გადმოყვანილი, საერთო ჯამში მთელი რესპუბლიკის ბიუჯეტის ნახევარია.

„რეალიზაცია გაუკეთოთ საბავშვო ბაღის ყვავილებს“

კონცეფციის A ვარიანტის ეს პრინციპი გამეორებულია ბატონ კ.ქორიძის მიერ შედგენილ „ფასიანი სწავლებისა და მომსახურების ეტაპობრივი დანერგვის სახელმწიფო პროგრამის პროექტშიც“. იქვე საბავშვო ბაღების სამეურნეო ანგარიშზე გადასვლასთან დაკავშირებით ბაღების შემოსავლის ასეთი წყაროცაა მითითებული: „სკოლამდელ დაწესებულებებს ნება ეძლევა — დანერგოს მომსახურების სხვადასხვა ფასიანი ფორმები“, კერძოდ კი „ჩაატაროს სხვადასხვა ღონისძიებები — გაყიდოს ბილეთები მშობლებზე, ჩამოაყალიბოს ბავშვებისთვის ფოტო და ვიდეო ატელიე და რეალიზაცია გაუკეთოს პროდუქციას, გააშენოს ტერიტორიაზე დენდროლოგიური პარკი და რეალიზაცია გაუკეთოს ყვავილებს, მასწავლებელთა ხელსაქმეს“... (სტილიცა და, ცხადია, აზრებიც დოკუმენტისა და ცულია). ბატონ კ.ქორიძის მიერ დახატული სურათით სამეურნეო ანგარიშზე გადასულ საბავშვო ბაღებში პირდაპირ დულსა და გადმოდულს ეკონომიკური საქმიანობა: თვითონ შენობაში ცალკერძ ალმზრდელ-კედაგოგები ზოგი ყაისნალით, ზოგიც თითისტარით ხელში ხელსაქმობენ,

ზოგს კი ვიდეო კამერები და ფოტოაპარატები მოუმარჯვებიათ და მუშტრებს ჯგუფურსა თუ ინდივიდუალურ ფოტოებს უღებენ; ცალკერძ კიდევ აღსაზრდელები მშობლებს თავიანთ კონცერტებზე დასასწრებ ბილეთებსა და აღმზრდელთა „ნაწარმოებ პროდუქციას“ ასაღებენ; საბავშვო ბაღის ეზოში მსუბუქი და ბავშვებისთვის სახალისო სამუშაო ჩქეფს — სათბურების მშენებლობა, ყვავილების მინის გადაზიდვა, კელების გათხრა, რიგთაშორის ნაკელის შეზიდვა; ყველანი ჩქარობენ, რათა, ბატონ კ.ქორიძის გამოთქმით, „რეალიზაცია გაუკეთონ“ ყვავილებს, ხელსაქმეს, ბილეთებს, ფოტო და ვიდეომასალას.

აი, ასეთ ცოდნას ავლენს განათლების მინისტრის მოადგილე, ბატონი კ.ქორიძე ჩვენი სკოლამდელი დაწესებულებების სპეციფიკისას, აი, ასეთი დოკუმენტი უნდა გაგვეტანა თურმე მინისტრთა კაბინეტის სხდომაზე დასამტკიცებლად.

ნურვინ იფიქრებს, კონცეფციის A ვარიანტსა და მის ეკონომიკურ დასაბუთებაში მხოლოდ ასეთი „მარგალიტები“ იყოს. არა, ამ დოკუმენტში, განსაკუთრებით მის პირველ ნაწილში, ბევრი რამაა პროგრესული და საგულისხმო (თუმცა, ამ ნაწილშიც მიუღებელი ჩანს ორი მონაკვეთი: სკოლამდელი დაწესებულებების ზემოაღწერილი პრინციპით ფუნქციონირება და პროფტექნიკური განათლების საეკონომიკურ შეწყობა პროფილურ განათლებასთან და ამით მისი ფაქტობრივი გაუქმება); სწორედ დადებითი მომენტების გათვალისწინებით დაიწყო ქუთაისში კონცეფციის A ვარიანტის ზოგიერთი პრინციპის აპრობირება. ამის ინიციატორი ქ.ქუთაისის მერიასთან ერთად განათლების სამინისტროც იყო. შედეგები დამაიმედებელია და ამაში განსაკუთრებული ღვაწლი მიუძღვის ქუთაისის მერს, მაგრამ ისიც უნდა ხაზგასმით ითქვას, რომ ქუთაისში მიმდინარეობს არა იმდენად კონცეფციის შინაარსობრივი რეალიზება, რამდენადაც რეფორმატორული აქტები, ძირითადად, განათლების სფეროს მუშაკთა სოციალური დაცვისა და განათლების პროცესის ეკონომიკური უზრუნველყოფის სფეროში; აქ კი ქუთათურები არაფრით არიან დაეალებულნი კონცეფციის A ვარიანტს დართული „განათლების სისტემის ახალი მოდელის ტექნიკურ-ეკონომიკური დასაბუთებისაგან“.

ბატონ თემურ ბასილიას აზრით

ახლა ისევე დაეუბრუნდეთ მსოფლიო ბანკისგან განათლებისთვის გამოსაყოფი კრედიტის საკითხს. მასში სინათლის შესატანად და სიმართლის დასადგენად განათლების სამინისტროს პრესცენტრმა თხოვნით მიმართა მსოფლიო ბანკსა და ყველა სხვა საერთაშორისო ეკონომიკურ-საფინანსო ორგანიზაციებთან ურთიერთობების საერთო კოორდინატორს, ვიცე-პრე-

მიერ თემურ ბასილიას, ეპასუხა რამდენიმე შეკითხვაზე. გთავაზობთ ზოგიერთ ფრაგმენტს ამ დოკუმენტური ჩანაწერიდან:

კითხვა: არსებობს თუ არა რაიმე დოკუმენტი ან ცნობილია თუ არა თქვენთვის თუნდაც ზეპირად, რომ მსოფლიო ბანკის ექსპერტებმა მოინონეს განათლების რომელიმე კონცეფცია და რეკომენდაცია გაუნიეს მას მთავრობის წინაშე?

პასუხი: მსოფლიო ბანკის რეკომენდაციებში კონცეფციაზე საუბარი არაა არსად. საუბარი ეხებოდა მხოლოდ იმას, რომ მთავრობა ვალდებულია ჩაატაროს რეფორმები, მათ შორის — განათლების დარგშიც; კერძოდ, უნდა დაეინყოს ფასიან საგანმანათლებლო მომსახურებაზე ისეთი ეტაპობრივი გადასვლა, სადაც მთავრობა შეინარჩუნებს სწავლების ხარისხის რეგულირების ფუნქციას...

კითხვა: სინამდვილეს შეეფერება თუ არა პრესაში გამოთქმული ბრალდება, რომ განათლების სამინისტრომ, თავისი ქმედებით თუ უმოქმედობით, დაგვკარგვინა მიმდინარე წელს მსოფლიო ბანკიდან დაფინანსება?

პასუხი: არა, უნდა მოგახსენოთ, რომ ეს თეზისი არასწორია. მსოფლიო ბანკს აქვს თავისი ურყევი წესები, თავისი სტრატეგია და ტაქტიკა დაფინანსებისა და მას იგი არა ცვლის; სტრატეგია კი ასეთია: 94 წელი — რეფორმების დაწყების ხანა; 95 წელი — რეფორმებმა უნდა მიიღოს შეუქცევადი ხასიათი, უნდა მოხდეს მაკროეკონომიკურ დონეზე სტაბილიზაცია; მხოლოდ 96 წლიდან არის ნაევარაუდები სექტორალური ანუ დარგობრივი დაფინანსება... ასე რომ, რა ქმედებაც ან ღონისძიებებიც არ უნდა გაგვეტარებინა განათლების სფეროში, არამცთუ 94-ში, ალბათ, არც 95 წელსაა მოსალოდნელი დარგის დაფინანსება... ჩვენ მოვიწვევს მთელი რიგი ღონისძიებების გატარება 95 წელს, რათა დაფინანსება 96-ში მივიღოთ. მსოფლიო ბანკს აქვს თავისი პროცედურული წესები, ეს მოითხოვს კრედიტის გამოყოფამდე სხვადასხვა მისიისა და ექსპერტთა ჯგუფის ჩამოსვლას, ვითარების ადგილზე შესწავლას. საერთოდ, სარეაბილიტაციო სესხი არ ითვალისწინებს ცალკეული დარგის, ეთქვათ, განათლების სფეროს დაფინანსებას, არამედ საერთო მაკროეკონომიკურ დონეზე რეფორმებს. მაგრამ ეს კრედიტი რომ მიგველო, ჩვენ მთელი რიგი პირობები უნდა დაგვეკმაყოფილებინა, მათ შორის — განათლების სფეროშიც...

კითხვა: დააკმაყოფილა თუ არა განათლების სფეროში მიმდინარე პროცესებმა ეს პირობები?

პასუხი: თქვენს სფეროში გადადგმული ნაბიჯები რეფორმის გზაზე, ის პრაქტიკული ღონისძიებები, რომლებიც ხორციელდება თბილისში, ქუთაისში, მსოფლიო ბანკის ექსპერტებმა საკმარისად ჩათვალეს. მოკლედ, მე ვერ ვიტყვოდი, რომ განათლების სფეროში რაიმე შემთავრებული ან დამაბრკოლებელი პრობლემა წამოგვიჭრა სარეაბილიტაციო სესხის მისაღებად.

ახლა თავად მკითხველმა, უპირველეს ყოვლისა, ჩვენმა მასწავლებლო-

ბამ განსაზღვროს, დამაჯერებლად არის თუ არა ვიცე-პრემიერის პასუხებში გაქარწყლებული ბრალდება, თითქოსდა „უნყვეტი განათლების კონცეფციის“ კაბინეტზე დაუმტკიცებლობამ დაგვაკარგინა განათლების სფეროსთვის ესოდენ საჭირო კრედიტები მსოფლიო ბანკიდან?

მიზეზი პირადულია

მამ, რაშია საქმე, რამ გადაადგმევინა ესოდენ შეუფერებელი ნაბიჯი ბნ. კ.ქორიძეს, რატომ ამეტებს იგი თავის უფლებებს, რისთვის შეთხზა ასეთი ფანტასტიკური ვერსია მსოფლიო ბანკისაგან კრედიტის მიუღებლობაზე და გადააბა კონცეფციის A ვარიანტის დამტკიცება-არდამტკიცების საკითხს? მიზეზი სწორედ სუბიექტურობა და ამბიციურობა გახლავთ, რაშიც ზემოხსენებულ პუბლიკაციებში სამინისტროს ხელმძღვანელობას აქეთ გვედება ბრალი.

დაბოლოს, ერთ დეტალზეც ღირს ყურადღების გამახვილება სამინისტროს ხელმძღვანელობასთან განათლების მინისტრის მოადგილის ასეთი მკვეთრი კონფრონტაციის მიზეზთა გარკვევისას. როდიდან მოხდა ეს, როდიდან დაგვიპირისპირდა ბატონი კ.ქორიძე ასე აშკარად თავის კოლეგებს სამინისტროში? ყველაფრიდან ჩანს, რომ მან თავისი მდგომარეობა, ადგილი და შემდგომი პერსპექტივაც განათლების სისტემაში თავისად მიჩნეული კონცეფციის ვარიანტის მიღება-არმიღებას დაუკავშირა, რაც, თავისთავად, საფუძველს არის მოკლებული: განათლების მინისტრის მოადგილეს მშენებლობისა და მატერიალური მომარაგების დარგში, რომელიც ამავე დროს სამინისტროს ეკონომიკურ სამსახურებსაც კურატორობდა, თავის უშუალო სამსახურებრივი მოვალეობა დიდ ასპარეზს აძლევდა და ახლაც აძლევს თვითდამკვიდრებისთვის. მოვლენები კი ისე განვითარდა, რომ გამოიკვეთა A ვარიანტის ზოგი არსებითი დებულების გადასინჯვის აუცილებლობა. ამას მოჰყვა მცდელობა კონცეფციის ამ ვარიანტის აკრძალული ხერხებით გატანისა... ეს გამოვლინდა და, ცხადია, გაჩნდა საშიშროებაც პასუხისმგებლობისა ხელმძღვანელობის ზურგსუკან მოქმედებაზე. ამას დაერთო ის, რომ განათლების სამინისტროში დაინიშნა მინისტრის ახალი მოადგილე, პროფესორი, თსუ ეკონომიკის ფაკულტეტის კათედრის გამგე, რომელსაც საკურატოროდ გადაეცა რამდენიმე დარგი, მათ შორის — სამინისტროს ეკონომიკური სამსახურებიც, რომელთაც ადრე ამ საქმის არასპეციალისტი, ბატონი კ.ქორიძე კურატორობდა. ამ მომენტების გათვალისწინებით ძნელია გაკეთდეს სხვანაირი დასკვნა: ბატონ კ.ქორიძის, მეტი რომ არა ვთქვათ, არაკორექტულობა და არაკოლეგიალობა სწორედ ამბიციურობითა და პირადი ინტერესებით არის განპირობებული.

მცირე ინფორმაცია იმის თაობაზე, თუ რა ეტაპზეა ამჯერად განათლების რეფორმირებისა და განვითარების პროგრამა ანუ განათლების რე-

ფორმის პაკეტი. უნდა ითქვას, რომ განათლების კონცეფცია ამ პაკეტის ერთ-ერთი ნაწილია და არასწორი იქნებოდა რეფორმასა და კონცეფციას შორის ტოლობის ნიშნის დასმა. ჩვენ სრულებითაც არ გვინდა კონცეფციის მნიშვნელობის დამცრობა, მაგრამ, „იგი სხვაა“, რეფორმა — სხვა და, მართლაც, „ნუვინ გარეეს ერთმანერთსა“... სამთაერობო კომისია განათლების სამინისტროში შექმნილ მუშა ჯგუფებთან ერთად ინტენსიურად იღვნის რეფორმათა პაკეტის საბოლოო სახის მისაცემად და რეფორმის მარეალიზებელ ღონისძიებათა გეგმის შესამუშავებლად. ამ მუშაობაში პროფესიონალებთან ერთად ჩართულები არიან საზოგადოებრივ-პოლიტიკური ორგანიზაციების წარმომადგენლები, რამდენადაც განათლებაში რეფორმა სახელმწიფოებრივად უმნიშვნელოვანესია და, გარკვეული აზრით, მან წინ უნდა გაუსწროს და განსაზღვროს კიდევ სხვა სახის რეფორმები. და სწორედ დღეს, განათლების სფეროში რეფორმების დაგეგმვა-რეალიზების ურთულეს ხანაში, მიგვაჩნია, რომ სისტემის მთელი ინტელექტუალური და შემოქმედებითი პოტენციალი უნდა გაერთიანდეს, ყველამ გვერდზე უნდა გადადოს პირადი ინტერესები და სიმპათია-ანტიპათიები, რათა შეერთებული ძალისხმევით „გადავარჩინოთ განათლება — გადავირჩინოთ თავი“.

„ეკეკასიონი“, 31.3.1995

ვაგბკიხსო, რომ განათლების გბჟარი არა ვარ?

ეს ჩემი მცირე განმარტება უკავშირდება გაზეთ „სამშობლო ფორტეს“ პირველ ნომერში დასტამბულ მასალას — „ღია წერილი საქართველოს სახელმწიფო მეთაურს ეღუარდ შევარდნაძეს“.

სწავლა-აღზრდასთან დაკავშირებულ ყველაზე სადავო და მტკივნეული საკითხების განსჯა-განხილვას ნებისმიერი გაზეთის ფურცლებზე მხოლოდ მივესალმები და ეს მარტო ჩემი კი არა, მთელი სამინისტროს პოზიცია გახლავთ. რა დასამალია — ზემოაღნიშნული მწვავე კრიტიკული წერილი ჩვენთვის სასიამოვნო წასაკითხი ვერ იქნებოდა, მაგრამ რაც მასში გასათვალისწინებელი და ყურადსაღები იყო, გვერნმუნეთ, არც ყურსა და არც გულს იქით არ გაგვიშვია.

ამიტომ ამ შემთხვევაში საქმე გაზეთთან კი არ მექნება, არამედ იმ პირთან, ვინც დიახაც არის პასუხისმგებელი — როგორც ავტორი — ფაქტის დამახინჯებასა თუ გაყალბებაზე. სამწუხაროა, რომ ეს პირი განათლების

მინისტრის მოადგილე კახა ქორიძე აღმოჩნდა. მართალია, ღია წერილს სხვა ხელმოწერებიც ჰყავს, მაგრამ მსოფლიო ბანკის დაფინანსებასთან დაკავშირებული ბრალდება განათლების სამინისტროს ხელმძღვანელობის მიმართ მას ეკუთვნის, რამდენადაც ზუსტად იმეორებს ე.ქორიძის მიერ „ჯორჯიან თაიმსში“ (№6, 1995) ადრე მიცემული ინტერვიუს შესაბამის ადგილას. ამ ბრალდების არსი კი ასეთია:

მსოფლიო ბანკის ექსპერტებს თურმე ძალიან მოსწონებიათ „უწყვეტი განათლების კონცეფცია“. მოსწონებიათ ისე, რომ რეკომენდაცია გაუწევიათ ამ კონცეფციისათვის — ოღონდაც მინისტრთა კაბინეტზე დაამტკიცეთ და მსოფლიო ბანკი უკვე 1995 წლიდან კრედიტს გამოგიყოფთ, რომელიც თქვენს პედაგოგთა სოციალურ დაცვას ჰაერივით სჭირდებაო. განათლების სამინისტროს კი აინუნშიც არ ჩაუგდია უცხოელ ექსპერტთა ეს დანაპირები და კონცეფცია კაბინეტის სხდომაზე დასამტკიცებლად არ წარუდგენია, რის გამოც საქართველოსათვის, უფრო ზუსტად — მისი განათლებისათვის, ფაქტობრივად დაგვიკარგავს დაფინანსება, რამდენადაც იგი გაურკვეველი ვადით გადადებულია.

ალბათ დამეთანხმებით: დღევანდელ პირობებში, როცა ქვეყანას და, განსაკუთრებით, მასწავლებლობას შპია, სცივა და სწყურია, მსგავსი ბრალდება კაცის სასიკვდილოდ გამეტებაა — თუ რეალურად არა, ზნეობრივად მაინც.

ამნაირი სიკვდილისათვის არცთუ დიდი ხნის წინათ არაერთხელ გაუწერივარ ერთი ყაიდის ხალხს, მაგრამ, ჩემი გულუბრყვილო რწმენით, მეგონა, ის დრო წარსულს ჩაბარდა-მეთქი. აბა, წარმოიდგინეთ განათლების მინისტრი — დამპყვნილი განათლების „გამოკვებაზე“ რომ უარს ამბობს! ისე, კაცმა რომ თქვას, დღევანდელ საქართველოში ამას ძალიანაც ნუ შვეიცხადებთ: თვით სახელმწიფოს მეთაურს სწამებენ — განგებ ამშევეს და აბეჩავებს თავის ხალხსო და მე, მისი დანიშნული მინისტრი, ამ პოლიტიკას რომ ვაგრძელებდე ჩემს დარგში, ეს ზოგისთვის, ეტყობა, სწორედაც ლოგიკური იქნებოდა. ოღონდ ესაა, „ღია წერილის“ ხელმოწერთა ერთი ნაწილი ამნაირი ლოგიკისა და რწმენისათვის ნამდვილად არ მემეტება.

ვიცი, თავის მართლების პოზიცია ფსიქოლოგიურად მომგებიანი რომ არ არის; ეს ცილისმამებელმაც კარგად უწყის ხოლმე და გალაღებულია: გაუჩუმდები და — ვაი, უპასუხებ და — უი. როგორ მოვიქცე ახლა მე — ვამტკიცო, რომ განათლების მტერი არა ვარ?

ვფიქრობ, არა ღირს...

ცნობისათვის კი მოგახსენებთ: მოიწონეს და რეკომენდაცია მისცეს თუ არა მსოფლიო ბანკის ექსპერტებმა „უწყვეტი განათლების კონცეფციას“, მისი დამტკიცებით გამოუყოფოდა თუ არა საქართველოს განათლების სისტემას მსოფლიო ბანკის დაფინანსება და, საერთოდ, განათლების სამინისტრომ შეაფერხა თუ არა საქართველოსთვის რაიმე სახის კრედიტის გამო-

ყოფა — ამას ყველაფერს პასუხი უკვე გაეცა და, შესაბამისად, ცილისმნამებლური ბრალდებებიც მოგვეხსნა...

რაც შეეხება „რეფორმისა“ და „კონცეფციის“ ცნებათა შეგნებულ აღრევას, ეკონომიკურ საკითხთა სამთავრობო კომისიის მიერ „უნყვეტი განათლების კონცეფციის“ განხილვას და, ამასთან დაკავშირებით, ბატონ კ.ქორიძის მიერ, მეტი რომ არა ვთქვათ, თავისი უფლებების უხეშ გადამეტებას, აგრეთვე ცილისნამების მოტივებს, მკითხველს შეუძლია გაეცნოს „კავკასიონში“ (N60, 31 მარტი, 1995) გამოქვეყნებულ ვრცელ მასალას — „აუცილებელი განმარტება ანუ — ერთი ცილისნამების გამო“.

დასასრულ, ისევ მინდა გამოვთქვა რწმენა, რომ „სამშობლო ფორტესა“ და განათლების სამინისტროს კონსტრუქციული თანამშრომლობით რამდენადმე მაინც მოვიახლოვებთ საერთო მიზანს — ძლიერ, აღმავეალ, „ფორტე“ საქართველოს.

„სამშობლო ფორტე“, 13.4.1995

ყვარყვარეთი

წერილი პირველი

არა, ნამდვილად არ ბრძანდებოდა სწორი გოგი ვასაძე, საქართველო ყვავილების ქვეყნად რომ მონათლა; არც თამაზ ნივნივაძე, ლოზუნგების ქვეყნად რომ აღმოგვაჩინა... და, ცხადია, არც მე გახლდით მართალი, ამას წინათ რომ გიმტკიცებდით — საქართველო „ისტების“ ქვეყანაა-მეთქი.

საქართველო ყვარყვარეების ქვეყანაა, ანუ — ყვარყვარეთი.

არადა, ისეთი რა მარცვალის შეუყვა თიხაში იმ დალოცვილ პოლიკარპეს ყვარყვარეს მოხელეისას, რომ ვერც ოციანმა წლებმა და ვერც იმერ-ამერმა იგი ვერ დაიტია — ყვარყვარე არის ყველგან და ყოველთვის; არიან რუსი, კოლუმბიელი, მოზამბიკელი ყვარყვარეები; ყვარყვარე არც ასაკითა და სქესით შემოზღუდულა: სულაც არაა სანთლით საძებარი ქალი ყვარყვარე, უფრო სწორად — ყვარყვარა (შეადარე: ალექსანდრე — ალექსანდრა) და ჯეელი ყვარყვარიკოები... მსხვილი, მონუმენტური ყვარყვარეების გვერდით მომრავლდნენ წერილფეხა, ნახევრად-ყვარყვარეები, ანუ ყვარ-ყვარეს განახევრებით მიღებული ცალ-ცალი ყვარეები.

ყველას სად გავწვდები, მე მაინც ჩვენებურ ყვარყვარეებზე ვწერ — ქალ-ბატონ ყვარყვარაზე, ბატონ ყვარესა და ახალ ყვარყვარიკოზე.

ამას წინათ სააგენტო გვა-მ ერთი, აკაკისა არ იყოს, „სასაციწი“ ინფორ-
მაცია მოჰყინა ქვეყანას:

„თბილისის საკრებულოს წევრი მანანა ნიკოლეიშვილი, რომელმაც ორი
თვის წინ ფრაქცია „ლეიბორისტის“ რიგები დატოვა, საკრებულოში ახალი
ფრაქციის შექმნას აპირებს. იგი ფრაქციიდან წასვლის ერთ-ერთ მთავარ
მიზეზად ლეიბორისტული პარტიის თავმჯდომარეს შალვა ნათელაშვილს
ასახელებს და მას განათლების სფეროში გატარებული რეფორმების მით-
ვისებაში ადანაშაულებს, რომელიც, როგორც ნიკოლეიშვილი ამტკიცებს,
მისი მოფიქრებულია“ („7 დღე“, N137, 1999 წ.).

არადა, აქამდე მთელმა განათლების სისტემამ ასე ვიცოდით, რომ ქალბა-
ტონ ნიკოლეიშვილს ტრიბუნა, ხოლო ბატონ ნათელაშვილს სასამართლო
არ დაუტოვებია, განათლების სამინისტრო გატარებული რეფორმებისათ-
ვის ქართველი ერის გენოციდში არ ემხილებინოთ და დაედანაშაულები-
ნოთ. ახლა კი, თურმე, ერთმანეთს ეცილებიან, არა მე ვარ განათლების რე-
ფორმის მამა, არა მე — ამ რეფორმის ბებიაქალიო; უფრო ზუსტად, რე-
ფორმა ქალბატონ ყვარყვარას მოუფიქრებია, მაგრამ, რად გინდა, ბატონ
შალვას იგი ვერაგულად მიუთვისებია.

ველოდებოდი, ან ერთი, ან მეორე ატეხს განგაშს — განათლების რე-
ფორმა, მათი სიტყვებით, „ერის წინაშე ეს უმძიმესი დანაშაული“, როგორ
თუ ჩვენ მოგვანერგო... გაგიგონია? სულსაც არ ბერავენ. მოკლედ, „მიხ-
ვილიფეს“ განათლების რეფორმა და შეიშნოეს რეფორმატორთა სახელი...
ვითომ, რატომაც არა? მათ ხომ განათლების ნაღდ რეფორმად თბილისის
საკრებულოს ის გადანყვეტილება მიაჩნიათ, რომლის მიხედვითაც მერიამ
უნდა გადაუხადოს ხელმოკლე ოჯახების შვილებს სწავლების საფასური მე-
ათე-მეთერთმეტე კლასებში. არადა, ამის შესაძლებლობა, მეტიც ითქმის —
მოთხოვნა, თვითონ განათლების სამინისტროს მომზადებულ სარეფორმო
დოკუმენტებში ძევს, მათ შორის — უმთავრესშიც, კანონში განათლების
შესახებ... სხვათა შორის, თბილისის საკრებულომდე ეს მექანიზმი ქუთაის-
ში ამოქმედდა, მაგრამ, თბილისელი ყვარყვარეებისაგან განსხვავებით, ქუ-
თათურებს არ მოუჩემებიათ — განათლების რეფორმა მაინცდამაინც ჩვენი
მოფიქრებულიაო.

ისე, ეს ყველაფერი ახიცაა ჩვენზე: ჯანდაცვის რეფორმას, სასამართლო
რეფორმას პატრონები ჰყვანან; ერთადერთი, განათლების რეფორმაა,
რომლის ხსენებაც კი გვეჩოთიერება იმ ხალხს, ვისაც, წესით, ამ რეფორმის
გალრმავება-განვითარება უნდა გვევალებოდეს...

უპატრონო ეკლესიას ეშმაკები, უპატრონო რეფორმას კი ყვარყვარეები
ეპატრონებიან.

არანაკლებ „სასაცინო“ ამბებს თხზავს „საქართველო უპირველეს ყოვლისა“-ს ანუ სუყ-ის აქტივისტი შარაძე. სანამ მათ გაგაცნობდეთ, ლირიკული გადახვევის სახით, ისევე ზემონათქვამს მიუზბრუნდები ყვარყვარესა და ნახევრად-ყვარყვარეებზე ანუ ყვარებზე: მონუმენტურ ყვარყვარეზე ადრეც დამინერია... და, თუმცა მასზე ჩამოკონნიალებული წერილ-წერილი ყვარები მაშინაც ტოკავდნენ და ხვანცალობდნენ, ისინი იმ ჩიტებად არ მიმიჩნევია, ბღღენად რომ ლირან. ამ ბოლო ხანებში კი ის მომცრო ყვარები დასივდნენ, გაიფუყნენ და ფეხებში ბლანდვასაც მოუხშირეს — მოკლედ, ლამის დაყვარყვარდნენ. ერთმა მათგანმა, თურმე ნუ იტყვიოთ, ეროვნულობა და მართლმადიდებლობა გადაგვირჩინა, სამაჩაბლო შეგვინარჩუნა და საკადრო საკითხებიც მოგვინესრიგა...

ახლა ისევ სუყ-ის აქტივისტ შარაძის „სასაცინო“ ამბებს მიუზბრუნდეთ. აი, ამონარიდები მისი ორი ისტორიული სიტყვიდან, რომელთაგან ერთი წარმოითქვა ქუთაისში, რომელსაც შარაძემ იმ დღეს „ქართული სულის დედაქალაქის“ სტატუსი უბოძა, მეორე — თბილისში, რომელიც მას, ალბათ, ქართული ხორცის დედაქალაქად მიაჩნია:

„14 იანვრიდან ჩვენ ქართველები აღარა ვართ. იურიდიულად საქართველო ქართველების ქვეყანა აღარ არის“ („ახალი თაობა“, 1999 წ. N 245);

„გვართმევენ მართლმადიდებლობას, ეროვნულობას, ეს ყველაფერი მასონთა ხელით კეთდება“ (N 252).

„მთელი ლიახვის ხეობა ითხოვდა, რომ ამჟამად მაინც მეყარა კენჭი, მაგრამ კელაე ამოქმედდნენ ძალები, რომლებმაც ჩვენ სამაჩაბლო ჩამოგვაცილა, ის სამაჩაბლო, რომლის ათწლიანი ომის მონაწილე ვარ, სადაც სისხლი დამიღვრია, სადაც იარაღი, ფული, საკეები, სასმელი და იმედი შემიტანია, რომლითაც ცხრა ქართული სოფელი არ დაიცალა ლიახვის ხეობაში“ (N 245).

აქ, მკითხველო, ფეხზე უნდა ნამოეუდგეთ შარაძეს, „ვინც თავი გასწირა, ვინც სისხლი დაღვრა“. რა, არა გჯერათ? რა დიდი განსხვავებაა „სისხლი დაუღვრია“ თუ „სისხლი ჩაუღვრია“? ბატონ ყვარესაც ლიახვის ხეობაში სასმელი, სიგარეტი შეუტანია, ამ საქმეში ოფლი და სისხლი ჩაუღვრია, მოკლედ, დიდ რისკზე წასულა, თავი გაუწირავს, მამ!

„განათლების სისტემის რეფორმით ეს სფერო დაანგრია და მინასთან გაასწორა კვაჭანტირაძემ, რომელმაც მინისტრობას გამსახურდიას ლანძღვით მიაღწია... როგორც იქნა, პრეზიდენტს მოვახსენეინე კვაჭანტირაძე, მაგრამ რა ვუყო ჯანდაცვის მინისტრს, რომელიც თურმე ამ პოსტზე სოხუმიდან პრეზიდენტის გამოყვანისა და გადარჩენისათვის მოხედა...“ (N 252).

შენ აგამენა ღმერთმა... ვეჭვობდი, თვითონ ხომ არ გამათავისუფლა პრეზიდენტმა მინისტრობისაგან-მეთქი და ახლა გულზე მომეშვა — შარაძეს მოეუხსნეინებოვარ თურმე; შარაძისა კი, მოგეხსენებათ, თვით კლინტონსა

და ყოვლისშემძლე მასონთა ლოჟებსაც კი აკანკალებს. „როგორც იქნაო“, ცოტას კი ამუნათებს ბატონ შვეარდნაძეს — რაც მე შენზე ამაგი მაქვს, მეორედ ამის შეხსენება შენთვის არც უნდა დამჭირვებოდაო, მაგრამ ამას, ეტყობა, მაინც დიდსულოვნად შეუნდობს პრეზიდენტს — ბოლოს და ბოლოს, მთლად ხელის ბიჭად ხომ ვერ გაიხდიდა ამ დროულ კაცს, შარადის მხოლოდ ცალი ნარბის აზიდავაზე რომ მიმხედარიყო მის სურვილს?

არადა, როცა 1998 წლის აგვისტოში ძალოვანების გარდა ყველა მინისტრმა ვითხოვეთ გადადგომა, მე საგანგებოდ მიემართე პრეზიდენტს, ჩემი თხოვნა ფორმალურ აქტად არ განეხილა, რამდენადაც ჩილეში მიღებული უმძიმესი ტრაემის შემდეგ მე კარგა ხანს აღარ შემძლებოდა ინტენსიური მუშაობა. მაგრამ შარაძეს სიმართლე და, თუნდაც, ჩემი დანიშვნა-გათავისუფლება ნაკლებად აინტერესებს — მთავარია, ხალხს თვალეზში ნაცარი შეაყაროს: პრეზიდენტს ჩემს ჭკუაზე ვაბზრიალებო. მოკლედ, ეს გუშინდელი ყვარი თვალსა და ხელს შუა დაგვიყვარყვარდა. სწორედ ამის ნიშანი გახლავთ, რომ სუყ-ის აქტივისტი იქით აშინებს ხალხს ლუსტრაციის კანონით: სუკ-ის აგენტურა უნდა გაიძიფროს და ისინი პოლიტიკურ ასპარეზს უნდა ჩამოვაცილოთო. ეს უკვე დასრულებული ყვარყვარეს ხელნერას ჰგავს. აბა, რა გეგონათ, პოლიტიკურ ელიტაში და ხელისუფლების მაღალ ეშელონებში გამძვრალო სუკ-ის აგენტებო და აქტივისტებო, შარაძეზე უკეთ ვინ გიცნობთ თქვენ; მალე ჩამოგლეჯთ სუყ-ის აქტივისტი ეროვნულ მოღვაწეთა ნიღბებს და პანტა-პუნტით ჩამოგყრით პოლიტიკური ავანსცენიდან. მამა!

ეთქვი და გავიმეორებ: წერილ-წერილ ყვარებს რიგითი ნაძირლობა ვერ აკმაყოფილებთ — მასშტაბურ გარენრობას მიეღტვიან. შარაძე, მაგალითად, ფაშისტობას ეკეკლუცება, ოლონდ ნალდ, ფაიზალ, დამსოზიან ფაშისტობას... აბა უნიგნურმა ბენიტომ და პროვინციალმა ადოლფიემ რა იციენ ნამდვილი ფაშიზმი... ეს იცის წიგნიერმა „ვაკელმა“ შარაძემ. ამ დღურეს მაინც რა დიემართა, ვერ უნდა მიმხთარიყო, ფაშიო შეკონვა-გაერთიანებას რომ ნიშნავს იტალიურად? საქართველოს კი გაგვიერთიანებს და, დაე, უძახონ შარაძეს ფაშისტი, ოლონდ სწორედ ამ გაგებით: ფაშისტ-გამაერთიანებელი. სამშობლოს სიყვარული რაღას არ გაგაკეთებინებს კაცს და შარაძეთავდადებული ამ მსხვერპლზეც მიდის.

ისე, ძვირფასო მკითხველო, სტურუასეული ყვარყვარე ხომ არ გაგახსენდათ ფაშისტურ უნიფორმაში?

ფაშიზმი, ცხადია, ურთულესი მოვლენაა თავისი არსითა და გენეზისით, თავისი სოციალური, ფსიქოლოგიური და ესთეტიკური იმპულსებით. გარკვეულ პირობებში, ეტაპსა და წრეებში მას, რალა თქმა უნდა, თავისი მიზიდულობის ძალა ჰქონდა და, საუბედუროდ, ახლაც აქვს. მაგრამ დღეს, დახაუსა და ოსვენციმის, გესტაპოსა და ადამიანის კანის აბაჟურებად გამოყენების შემდეგ თუ ვინმე იტყვის, მე დიახაც ვარ ფაშისტი ამ სიტყვაში ჩადებული ეტიმო-

ლოგიური ანუ სანყისი მნიშვნელობითო, ის მთლად ყოჩაღად ვერ უნდა იყოს. თვით იესოს სახელის ძალამ და მადლმა ვერ დაიცვა ტერმინი „იეზუიტი“ — „იესოელი“, „იესოსმიერი“ — და დროთა განმავლობაში, ამ ორდენის ზოგიერთი წევრის საქმიანობიდან გამომდინარე, მან „თვალთმაქცის“, „ოპორის“, „ვერაგის“ გაგება შეიძინა. მით უფრო ვერ იხსნის სიტყვის მნიშვნელობაში ჩადებული „შეკვრა“, „ერთობა“ ფაშიზმს, რომელიც ისტორიულად მართლაც შემკერელად მოგვევლინა, ოღონდ — შემკერელად ლუციფერული ძალებისა. ასე რომ, ჩვენი მოფაშისტო ყვარის გადმოყრილ საკენეს — მე ეროვნული შეკვრა-გაერთიანების აზრით ვარ ფაშისტო, — მხოლოდ ღრმა პროვინციაში თუ აკენკავენ. პროვინციას რომ ვამბობ, მე იმდენად გეოგრაფიას არ ვგულისხმობ, რამდენადაც — აზროვნების წესს. საერთოდ, ცნობილია, რომ ყოველგვარი ტოტალიტარიზმი — მათ შორის, ფაშიზმიც — პროვინციული მოვლენა გახლავთ სწორედ მენტალიტეტის თვალსაზრისით და ქართველი ყვარების პროფაშისტური მიდრეკილებებიც გასაგები უნდა იყოს. ეს ყბადაღებული „პროვინციული ფაშიზმიც“ სხვა არაფერია, თუ არა უკულტურო ყვარყვარების აგრესია სხვათა კულტურის, ენის, რწმენის, ცხოვრების წესის მიმართ... და — ნუ მოვეტყუებინებით მყვირალა ფრაზეოლოგიას — თავისი არსითა და შედეგებით ეს გახლავთ სწორედ საკუთარი, ეროვნული კულტურის წინააღმდეგ მიმართული აგრესია, საბოლოო ჯამში კი — ანტიკულტურა.

ასე რომ, ბატონო შარაძე-ყვარო, თქვენ არ ბრძანდებით ფაშისტი თქვენი გაგებით... თქვენ, შეიძლება, მხოლოდ წაიფაშისტებდეთ ჩვენი გაგებით.

* * *

ძვირფასო მკითხველო, ამასობაში მთავარი ყვარყვარე ხომ არ დაგვაინყყდა, თუთაბერი? სიკვდილსამც დაეინყყებიხართ, თორემ ყვარყვარეთში ყვარყვარე თავს არ დაგვაინყყებს. ახალმა დრომ, მოგესხენებათ, „ახალი რუსი“, „ახალი სომეხი“, „ახალი ქართველი“ წარმოშვა; ამის კვლობაზე ყვარყვარეთშიც ყალიბდება „ახალი ყვარყვარეს“ ტიპი — ყვარყვარიკო. არა, ეს არ გახლავთ ასლი უნიგნური, ხეპრე „ახლებისა“, თუმცა „ხელის ჭუჭყმა“ ყვარყვარიკოც გაგვიზულუქა. თანაც ყვარყვარიზმის ძირითადი ნიშნები — მედროვეობა, ფარისევლობა, სითაყბედე და ბაქა-ბუქი — ახალი დროის ამ ნაშიერმა არამცთუ შეინარჩუნა, უფრო დახვეწა და გააღრმავა. მაგრამ თავისი დიდი წინაპრისგან იგი ერთი რამით მკვეთრად განსხვავდება: ცხოვებული „პოლიკარპოვიჩი“ — ცხოვებული კი არა, უკვდავი — თავისებურად ნიჭიერი კაცი იყო, იუმორიანი, მოკლედ, იმასთან, რომ იტყვიან, არ მოინყენდი, ყვარყვარიკო კი უსაშველად მოსაწყენია...

პოლიგრაფიაში არის ტერმინი „ზენარი“ — დიდი, მხატვრულად გაუფორმებული საგაზეთო ფართი. ბატონმა როსტომ ჩხეიძემ წლევეანდელი „ახალი საქართველოს“ 22-30-ე ნომრებში თავისი უზარმაზარი „ზენრები“ გადმოჰ-

ფინა: „ოტარიდი“ — მიზნები, ამოცანები, კრაზი“. ცნობილია, როცა კაცს აზრის შეუქავებლობა გჭირს, კალამიც — ბოდიში მომითხოვია და — გაგიფალარათდება. აქედან გამომდინარე, რასაც ემსგავსებოდა ბატონ როსტომის „თეთრეული“, ეს „ნარმოიდგინოს თვითონ მკითხველმა“ — ჩემმა მკითხველმა, თორემ ბატონ როსტომის „ზენრების“ ნამკითხველს იქიდან დაძრული „ერთი ამბრის სურნელება“ აქამდეც გამოჰყვებოდა. მაგრამ მაგარი ის არის — და ეს გახლავთ სწორედ ყვარყვარიკობა — ბატონმა როსტომმა ამ ზენრებს სხვადასხვა ქართველი მწერლის სახელები მიადღაბნა, ვითომ ეს სიბინძურე ჩემი კი არა, მათი ნაკაიკაცარიაო.

იქნებ, ბატონ როსტომ ჩხეიძეზე ნაკლებ არც ჩვენ, მკითხველებმა, ვუნყოფდეთ, რომ მწერლებიც ადამიანები არიან და არაფერი ადამიანური მათთვის უცხო არ არის: არც შეცდომა, არც სისუსტე, არც ცოდვა. მაგრამ პოეტი მარტო მინისა არ გახლავთ, ის ზეცისაც არის — „ხან მინისა ჯარ, ხან ცისა“. ეს ზეციურობა, მე რომ მკითხო, თითქმის ყოველ ადამიანშია, მაგრამ პოეტი მაინც „ერთი ცრემლით მეტია ჩვენზე“. ეს ერთი კურცხალია მთავარი, თორემ მწერალს, შეიძლება, ერთი პიჯაკით ჩვენზე მეტი ან ნაკლები მოეძვეებოდეს. ისიც სხვაზე არანაკლებ ვიცით, უფლის მცნებას დაეარღვევთ, თუ ვისმე — თუნდაც პოეტს, თუნდაც მოძღვარს — კერპად გავიხდით. ამიტომაც მწერალს ადამიანური სისუსტეებით დიახაც ნარმოვიდგენთ და ზოგჯერ ნარმოვაჩნთ კიდევ. მწერლობა თავისუფლებაა, ეს კი ყოველგვარი საზღვრის გადალახვასაც გულისხმობს, გარდა ერთისა — ზნეობრივი მიჯნის. თორემ, კაცია და გუნებაო — უცნაურ ადამიანს რა დალევს ქვეყანაზე; ზოგს ტუალეტთან კაცების თვალთვალის სიამოვნებს... ხორციელ ურცხვობაზე მეტად შემზარავია სულიერი უხამსობა... ამ დაბინძურებული „ზენრების“ შემყურეს, ისეთი განცდა გრჩება, რომ ბატონი როსტომ ჩხეიძე არა მარტო თვითონ უთვალთვალეებს ქართველ მწერლებს ტუალეტის ღრიჭოდან, არამედ ცდილობს, სხვებსაც აქედან დაანახოს ისინი.

„ამაოდ დაშვრა“ — მკითხველს ამ ღრიჭოდან პოეტი კი არ დაუნახავს — გაჭიფხულ როსტომს მოჰკრა თვალი საჩოთირო პოზაში და თვალის აარიდა. სწორედ თვალის არიდებად ჩამითვალე, მკითხველო, თუ მე ამჯერად მოვერიდები ამ „ზენრებიდან“ ადგილების ციტირებას: ამ მწერალმა — ის „ჩაუშვა“, იმან — ის დააბეზლა, მავანმა — ეს ნაიჭორავა, მავანმაც — ეს გაიფიქრა... დიახ, რა გაუფიქრებია, ამასაც კი „დოკუმენტური სიზუსტით“ გადმოგვეცემს ბატონი როსტომი, „ხვდება როგორღაც, გაეგება“ და იმიტომ. მე მოვერიდებოდი-მეთქი ამ „სატუალეტე ქრონიკიდან“ ადგილების დამონებას თუნდაც იმიტომ, რომ არა მსურს ბატონ როსტომს ვასიამოვნო, ხოლო მკითხველს გულისრევის შეგრძნება მოგვევარო ამ უხამსობებში მწერალთა გვარების გარეგით.

ერთ მცირე ციტატას კი მოვიყვან სულ სხვა წერილიდან:

„გულწრფელად მეცოდებით, ამოდენა ბოღმა ნლების მანძილზე რომ გიტარებიათ“...

ამას ბატონ როსტომს ქალბატონი სნერს, მწერალი, იმ მწერლის ქვრივი, რომლის პორტრეტის ხატვაზე იგი ასე გაისარჯა, არადა, ავტოპორტრეტი გამოუვიდა — „საზარელი ავტოპორტრეტი“.

ბატონ როსტომის ქრონიკისათვის სატუალეტე მის პირდაპირ დანიშნულებათ მისათითებლად არ მიწოდებია. მოგახსენებთ, გადახრილი ხალხი საზოგადოებრივი ტუალეტების კედლებზე ლექსებსაც წერს... სადღაც, თურმე, საგანგებო გაზეთიც არსებობს ამ „პოეზიის“ გასავრცელებლად. მაგრამ ტუალეტის კედელი ჩინეთის დიდი კედელი არ არის, რომ ბატონ როსტომის ოპუსი დაეგია... ვაზეთის ცხრა ნომერმა — დაიტია... ნიგნიც დაიტევს. ქალაღდი, საერთოდ, ყველაფერს კიდევაც იტევს და კიდევ იტანს.

მოკლედ, ბატონ როსტომს თავს უმაღური შრომა უღვია — მწერლების ნაწერის „გაშიფერა“. ხომ უნდა იცოდეს საზოგადოებამ, მწერალს რომ გარეწარი გამოჰყავს თავის თხზულებაში, კონკრეტულად რომელი პიროვნება იყო მისი შთამაგონებელი? პერსონაჟთა პროტოტიპების დადგენა მართლაც საინტერესო და საჭირო საქმეა, თუ ეს, ერთი მხრივ, მწერლის, მეორე მხრივ, საზოგადოების ობიექტურ წარმორჩენას ემსახურება. საამისოდ მწერლის ბიოგრაფიის დეტალებიც უნდა დაფიქსირდეს; ამას აკეთებდა, მაგალითად, იონა მეუნარგია, როცა ამა თუ იმ მწერლის, განსაკუთრებით — სამხედროების, თითქოსდა უმნიშვნელო, ცხოვრებისეულ წერილმანებსაც კი აფიქსირებდა და ინერდა. ამასთან დაკავშირებული უწყინარი ხუმრობებიც აუტანია, მაგალითად, ასეთი: რა ვქნა, ამ იაკობ გოგებაშვილს გენერლობა როდის მიუღია, ჩვენი იონა რომ კულში დასდევსო... მაგრამ მწერალს რომ ვინმე ყურცქვიტი აეკიდოს და მის ნალაპარაკებს იმისთვის ინერდეს, რათა მასზე „დანოსი“ გააშანშალოს, ეს კრიტიკოსისა და ლიტერატურის ისტორიკოსის საქმე არ იქნება, ეს სხვა ჯურის ხალხის ხელობაა... რისი „დანოსიო“, ალბათ, გაიოცებს ბატონი როსტომი, მე ნაჩუმათევად არაფერი დამინერია და არც სათანადო ორგანოებში წარმიდგენიაო. ასეცაა, მაგრამ ადამიანს არა მარტო უშიშროების ორგანოებში აბეზღებენ ხოლმე, არამედ — ხალხთანაც, დემოსთანაც, და ეს „ჩაშვება“ მიზანში ამოღებული მსხვერპლისთვის არანაკლებ საშიში და ხშირად უფრო მტკივნეულიც გახლავთ. თავისი ჩასვრილ-ჩაბინძურებული „ზენრებით“ ბატონი როსტომ ჩხვიძე და ძმანი მისნი ხალხს ეუბნებიან — აი, ესენი არიან შენი მწერლები, შენი იდეური და ზნეობრივი ორიენტირები... თანაც ფარისევლურად დასძენენ: ჩვენ ქართულ მწერლობასთან რა ხელი გვაქვს, ქართული მწერლობა დიდია და წმინდა, აი, ზოგიერთი მწერალია პატარა და ნაძირალაო. ცალკე მწერალი, რაოდენ დიდიც უნდა იყოს, მართლაც ვერ იქნება მთელი ქართული მწერლობა, მაგრამ, თუ ლა-

მის მთელი „ოტარიდი“ — და არა მარტო „ოტარიდი“ — სულმოკლე, ფლიდი, ბოროტი, შურიანი მწერლების კრებულია, ვილა ყოფილან ქეშმარიტი მწერლები, ერის სულიერი წინამძღოლები? როსტომის მიხედვით, ალბათ, მხოლოდ „ჩხეიძეების ოჯახი“, რომელსაც, თურმე, ასე დაუნდობლად ებრძოდნენ და ახლაც ებრძვიან... დათა თუთაშხიასი არ იყოს — არაფერი ნაზები თქვენ არ მყავხართო — ბატონ როსტომს მეც უნდა „ჩაუხვებლო“: ნაზობისა რა მოგახსენოთ, მაგრამ — არაფერი ტანჯულ-რეპრესირებული თქვენ არ მყავხართ, არც ოდესმე ყოფილხართ და, თქვენი ცხოვრების წესიდან გამომდინარე, არც არასოდეს იქნებით. ყოველი ჯურის ყვარყვარეს სწორედ ის უნდა, რომ მონამის გვირგვინს წაეპოტინოს... ხომ გახსოვთ, პირველ-ყვარყვარე „ხალხისთვის უუნამებულესი გმირი“ იყო; მონუმენტურმა ყვარყვარემ, ქვეყანამ იცის, ნახევარი სიცოცხლე ციხეები ღესა; ბატონ ყვარე-თავდადებულს, აგერ გამოჩნდა — ლიახვზე სისხლი დაუნთხევია; ყვარყვარიკოცა და მისი ოჯახიც, ცხადია, დევნილნი, რეპრესირებულნი, ტანჯულნი უნდა იყვნენ: მთელი ხელისუფლება, პრეზიდენტის კანცელარია, მთელი მწერალთა კავშირი, ეს საბჭოურ-ჩეკისტური აპარატი, თურმე ნუ იტყვიოთ, გამმაგებული ებრძვის „ჩხეიძეების ოჯახს“, არ უნდა, მათმა ნააზრევმა, მათმა მართალმა სიტყვამ ხალხამდე მიაღწიოს... ვერც აღწევს, მაგრამ აქ, ჩვენ შორის დარჩეს და, მთავრობა უბრალოა — თვითონ ჩხეიძეები თავიანთი გლახა ჭრიაშვილობით ჩადგნენ მკითხველსა და საკუთარ წიგნებს შორის, რომელთაც, რალაც მანქანებით, წინათაც და ახლაც მართლაც რომ პიედესტალებად აწყობენ. ყველა ხელისუფლება უძღური აღმომჩნდარა ჩხეიძეებთან სამკვიდრო-სასიცოცხლო დაპირისპირებაში; მწერალთა კავშირის ხელმძღვანელობა თვით პრეზიდენტს ხლებია აჯა-ვედრებით: როსტომ ჩხეიძის სატელევიზიო ხუთწუთიანი წიგნების მიმოხილვა, „ალიონის“ პროგრამით უთენია რომ გადის, სახელმწიფოს გვინგრევს და მოახსნევენეთ — ხალხი ეკრანს ვერ წყდება და სამსახურში აგვიანებსო; თქვენი კანცელარია ვერაფერს გახდა, თუ გვიშველი, ისევ — თქვენ, ამაზე უმნიშვნელოვანესი სხვა რა საქმე უნდა გქონდეთო. მაგრამ პრეზიდენტს შორს დაუჭერია — მე ნუ გამრევთ ამ ურთულესი საკითხის გადანყევტაშიო.

არა, არაფერი ტანჯულები არ მყავხართ თქვენ, ბატონო ჩხეიძეებო.

ყველაფერი ჩემი გასაშიფრი როგორ არის, ყველაფერი ჩემი დასალაგებელი რატომ შეიქმნაო... ცოტას ეშმაკობს ბატონი როსტომი... „გასაშიფრ“ ნიმუშებსაც ისეთს არჩევს და გაშიფვრითაც ისე „შიფრავს“, მწერლები ერთმანეთს ნაპკიდოს და დააპირისპიროს... მოკლედ, სხვას კი ავნოს, მაგრამ თვითონ და „ჩხეიძეების ოჯახმა“ არ ივნონ. ამის დამადასტურებლად „გაშიფვრის“ დიდოსტატეს ვთავაზობ პოეტის, ლვითთ პოეტის, ერთ უსათაურო ოუმორესკას და ვთხოვ, „გამიშიფროს“:

ერთი ვინმე კაცი ვიცი, —
თავში ავარდნია აჯამს,
მე მაგისი ცოდვით ვინვი,
პროზის დურბელასა ხარშავს;
დიდხანს მშიერს უშრომნია, —
ჭრიაშვილზე მეტად არ ჩანს, —
ხელისჭუჭყი უშოვნია,
ამ ბოლო დროს თვალებს ქაჩავს;
ტომებს პედესტალად იწყობს,
თავისთავზე პყვირის ვაშას,
თვეში — ტრილოგიას გვიცხობს,
დღეში — ვედრო მელანს ხარჯავს...
კაცი ვიცი, — ნარცისია, —
თავში ავარდნია აჯამს...
მაგრამ საქმე არც ისეა,
მაგას — საქართველო არ ქამს!

ნეტავ, ვინ არის, ბატონო როსტომ, ვინც გლახა ჭრიაშვილივით დაუსრულებლად ლოლნის თავის მწირ ლუკმას ანუ სათქმელს, ვინც გრაფომანული სიკერპით დღეში ვედრო მელანს ხარჯავს, რათა თავისი პროზის დურბელა დაგვაგემოვნებინოს? ვინ არის ეს თავის თავზე შეყვარებული, როგორც ილია იტყოდა — „თავის თავის მოარმყე, თუმც ასაკმიდრეკილი“, ხელისჭუჭყით გულმოცემული აჯამი? თქვენგან განსხვავებით, მე უღირს საქციელად მიმაჩნია, რომ ჩემი ვარაუდი საჯაროდ გამოვთქვა, რამდენადაც არ მაინტერესებს, თუ ვინ შთააგონა ეს ლექსი პოეტს, — მთავარია, რომ შეიქმნა გრაფომანის განზოგადებული სახე. თქვენ კი ამნაირ შემთხვევებში მხოლოდ ინტრიგა გაინტერესებთ, — ჰოდა, ჰა ბურთი და ჰა მოედანი — გაშიფრეთ.

და ბარემლა ეს ლექსიც — ასევე დაბეჭდილი — მიაყოლეთ:

წაეკითხე ბოროტება
ვინმე პიდერმანის,
ყველა მდედრი ბოლოს კვდება
სიძულელით მამრის.
დადის შავი მანტიითა,
ცისფერი და ნაზი,
შხამი — შავი ბანტივითა —
გოგრა თავზე აზის...

მართლაცდა, გალაკტიონის მიბაძვით თუ ვიტყვით, „ვინ არის, ვინ არის ეს ქალი, ასეთი ცისფერი?..“
ვინ იცის, იქნებ — ვაჟიც?

სიტყვა გამიგრძელდა.

ბატონო ყვარყვარეებო, ყვარყვარეთის მკვიდრნო, ვიცი, რომ ახლა თქვენი დროა... კი, ბატონო, ვაქუხით ბუკ-ნალარა, გავლადეთ, გავსისინდეთ, გაგბიზნესმენდეთ, გაეპრეზიდენტდეთ... ოლონდ, ეკლის გვირგვინს ნუ ეპოტინებით. პოეტისა არ იყოს —

მაგას საქართველო არ ჭამს!

უფრო მეტიც — მაგას არც ყვარყვარეთი ჭამს!

„ლიტერატურული საქართველო“, 21.12.1999

ჭუპა

წერილი მეორე

მიამიტობა სასიამოვნო თვისება გახლავთ, ძვირფასო მკითხველო, მაგრამ მე იმდენად გულუბრყვილოც არა ვარ, „ყვარყვარეთის“ გამოქვეყნებით იმის ილუზია შემქმნოდა — ყვარყვარეებს ნამუსზე შევაგდებდი და ყვარყვარეობაზე ხელს თუნდაც დროებით ავაღებინებდი. სწორედ მათზე თქმულა, უნამუსო კაცს პირზე აფურთხებდნენ და — რა ყუყუნა წვიმა მოდისო. აკი ათქმევინა დიდმა პოლიკარემ პირველ-ყვარყვარეს: კაცი რომ სირცხვილს ჭამ და თავს მოიჭრი, სოროში კი არ უნდა ჩაძვრე სირცხვილით, ემაშინ უნდა აალირო თავი ამაყადო... ჰოდა, აალირეს, მაგრამ რა აალირეს „მოჭრილი“ თავები „ყვარყვარეთის“ პერსონაჟებმა! კაცმა რომ თქვას, ამას ველოდი კიდევ, რამდენადაც ცოცხალი მაგალითები წინა მქონდა: რაც თეიმურაზ ჭანტურიშვილმა და ემზარ კვიციანიშვილმა ყვარყვარეოკო როსტომ ჩხეიძე მკითხველის თვალწინ გაჩურჩეს და ქოთნის ლობიოსავით ამოღეს, თითქოს კაი ხანს წელი ვეღარ უნდა აეთრია, მაგრამ — გაგიგონია? „ყვარყვარეთის“ შემდეგ ხომ მთლად გაურცხვდა როსტომი და — ცხოვრებული ნოდარ დუმბაძის ბებიას დავესესხები — „გადევა კურტუმი შარაზე“.

ბარემ წინდანიწვე ბოდიშს მოგიხდი, მკითხველო, სოლიდური გაზეთისთვის შეუფერებელი ტონის გამო. უფრო მეტიც, შესაძლოა, ზოგმა მისაყვედუროთ კიდევ, ღირს კი კალმის გასვრად ეს ხალხიო. აქ კი უნდა „ჩაგბივლოთ“: ყვარყვარეებაც იცის, რომ, წესით, მას თავი არც უნდა გაუყადრონ, მაგრამ აქედან „სათავისო“ დასკვნა გამოაქვს და, უპასუხობით გულმოცემულს, ცა ქუდად აღარ მიაჩნია — საზოგადოებრივ ავანსცენაზე სულ მალაყებს გადადის. ამიტომაც, ყვარყვარეობის შემთხვევაში უნდა გადაუხვიო ჩემთვისაც სახელმძ-

ღვანელო პრინციპს — „არ ეკამათო რეგვენ კაცს“ — და ვალიარო: „ყვარყვარეთის“ ბინადართ — ამ შემთხვევაში, მამა-შვილ ჩხეიძეებს — პასუხს არასდროს დაეამაღლი. და, რამდენადაც მათ სამიზნედ ქართული მწერლები გაიხადეს და ამით მწერლობის გარეშე დაიყენეს თავი, მეც ნუ მომთხოვთ პოლემიკისას მათ ისეთი პატივი მივაგო, როგორიც მწერალს ეკადრება... თუმცა, არც იმაზე მეტს ვაკადრებ საკუთარ თავს, რასაც ისინი კისრულობენ ოპონენტთა მიმართ.

ჩემს მლანძღველ-მაგინებელ მამა-შვილ ჩხეიძეებსა და კომპანიას ჰგონიათ, რომ ლაფით მე გამთხიფნეს, არადა, სიბინძურეში თვითონვე ამოიგანგლნენ თავიან-ფეხიანად. თუმცა საბაზე ხატოვნად მე ვერ დაეხატავ ამ ყაიდის ხალხს ანუ მაგინებელთ: „იჭირვის შეკრებად სიმყრალისა პირსა შინა თვისსა, ვითარცა მიმოდევალს ღორი ჭყვირილით, რათამცა სადმე პოვა ბილწი განავალი და მით განაძლო მომყმარება თვისი“. შედეგად რაც გამოიღო ან რასაც გამოიღებს ეს ჭყვირილ-ჭყვიტინი ანუ უფროს-უმცროს ჩხეიძეთა მრისხანება, ამასაც საბაზე უკეთესად ვერავინ იტყვის: „ვითარცა კაცმან ვინმე მრისხანემან აღიღოს სკორე ახალი ხელითა თვისითა და შესტყორცოს ჰაერსა და ჰგონებდეს გასვრასა და შებილწებასა ჰაერისასა, არა პირველად შეისვარა და შეიბილწა ხელი თვისი? და ჰაერსა არარა ევნო და ვერცა მიეახლა“... მართლაცდა, როგორი სანახავეებიც იქნებიან თავიანთ უკულმართ გზაზე პურჭყებით მიმავალი მამა-შვილი, როცა ქარი სახეში სცემთ, ეს „ნარმოიდგინოს თვითონ მკითხველმა“.

მამ ასე, ყვარყვარეო როსტომმა ორი სალანძღავი ლექსი მიძღვნა თავისად მიჩნეულ „ახალ საქართველოში“: ანბანთქება „ათინას აღზრდილს აქებდეთ“ და მუსტაზადი „დამპალო ლეშო“... მართალია, ეს ლექსები როსტომზე ადრე ბესიკმა მიუძღვნა მზეჭაბუკ ანუ ჭაბუა ორბელიანს, მაგრამ როცა კაცის გალანძღვა-გათრევის ფინი შეგიპყრობს, საამისოდ კი არც ნიჭი გყოფნის და არც გამბედაობა, მაშინ გამოსავალიც ადვილად მოიძებნება: დაირქმევ სხვის სახელს, მაგალითად, „კახაბერ მახატელს“, აიღებ სხვის ლექსს, თუნდაც ორასი წლის წინათ დაწერილს და ოპონენტს იმას ეტყვი, რაც მე ვითომ ჩამინართაულა პასკვილის ავტორმა: ისეთივე კუზიანი მახინჯი ხარ, როგორიც ამ ლექსის ადრესატი და შენზეა ზუსტად ზედგამოჭრილი ეს სტრიქონებიო: „დამპალო ლეშო, თვალხენეშო გულადარაო, ეშმაკთ ბუდეო, ბეჭმრუდეო, კერპთ სადარაო“ და ასე შემდგომ. მოკლედ, მოსწონებია უნიჭო და უძალო კაცს ნიჭიერი კაცის ბასრი მახვილი და ნაჰპოტი-ნებია: მეც ვიხმარო; ბევრიც უცოდველია სანყალს — თვალნათლივ წარმომიდგა ცვედანის უილაჯო ვნებით ატანილი ავტორი, ვინმე მახატელი კახაბერ (ვინც არა ჰგავს კახაბერსა და ძალიან ჰგავს როსტომს), როგორ იქმყოფილებს ქვენა გრძნობებს, როცა დაგემოვნებით გამოჰყავს ნამათხოვრალი ბაგითა და კალმით ეს სტრიქონები (მკითხველს, მის მაგიერად, მე ვთხოვ შენდობას): „ტრაკსა ტანჯვითა ტიროდეს, ტრაკუცუნს ტოტიანობ-

დეს... ისე, ამ პასაჟმა მე, პირადად, უფროს-უმცროსი ანუ დიდი და პატარა, ისე ბოდიშს მოვიხდი, გაფალარათებული ტრაკ-ტრაკუცუნი გამახსენა, ხოლო მათში ვისაც ვგულისხმობ, ეს ჩემი საქმეა — ფიქრს კალამ-გაფალარათებული მამა-შვილი ჩხეიძეები ვერ დამიშლიან.

პოლემიკისას სხვისი ენით ოპონენტის ლანძღვა ბასრი მახვილი კია, მაგრამ ორლესულიც გახლავთ და „ავი მუსაიფით“ შეიძლება შემოუბრუნდეს ავტორს. შეხედება როსტომ-კახას (ეს ორმაგი სახელი რა საჭიროაო, ზაზაევიჩივით შეიძლება იკითხოს ვინმემ, მაგრამ, ჩავთვალთ, რომ ვითომ ვერ ამოვიცანით კახაბერ მახათელში — სწორედაც „მახათელში“ და არა „მახატელში“ — ის დიდად მოუცლელი გრაფომანი, ვინც, ქალაღს ვინ დაეძებს, კალამს იქაც კი იყრის, სადაც მოცლილები მახათით მუშაობენ), შეხედება-მეთქი პაექრობისას როსტომ-კახას ვინმე მისი ჭკუისა და მისივე სიტყვებით უპასუხებს: „ისე დაგიმახინჯებია თავი, რომ ზედმინენით გამომგვანებინარ... აბა, თუ გამოიცნობ, ვისა? უკაცრავად, ვისა კი არა — რასა? ოლოლო შენა, ვერ გამოიცან, ვერა... მაშ, კარგი, გეხმარები: რასა და, აი, სულხან-საბას რომ „სიტყვის კონაში“ ერთი მოკლე სიტყვის განმარტება აქვს, იმასა... არა, არა, იმას არა, კაცო, მე „ჭუა“ ვიგულისხმე... დიახ, მარტო „ჭუა“, ყოველგვარი „ჭუ“ -ს ნამძღვარების გარეშე, „წერილი მძრომიო“, ასე რომ განგვიმარტავს საბა“.

ისე, ცნობილი ხალხური თქმისა არ იყოს — „მე შაირი არ მინდოდა, შენ ამტეხე ძალადაო“ — რალა დიდი სულხან-საბას სული შეევანუხო, თვითონ მზეჭაბუკ ორბელიანის საპასუხო „ანბანთქებას“ შეევაგებებ როსტომ-კახაბერს. არადა, წესით, არავისგან, მით უფრო — როსტომისაგან, არ გახლავთ დღეს უდიერად მოსახსენებელი ჭაბუა მდივანბეგი და, კაცმა რომ თქვას, ალექსანდრე ორბელიანის ჭემმარტო მიმდევარს, პირველ ყოვლისა, მისი გულანთებული მამულიშვილობა უნდა გახსენებოდა და არა მისი მხარ-თეძოსა თუ სხვა ორგანოების ზომა და სიმრუდე-გამართულობა. მაგრამ, ეტყობა, როსტომ-კახას რაც ესიზმრება, ის ელანდება. არა მაქვს პატივი პირადად ვიცნობდე მას, ასე რომ, არ ვიცი და არც მაინტერესებს მისი გარეგნობა, მაგრამ, ეტყობა, თავისი თავი კალმით ნახატ, წერნეტა არსებად წარმოუდგენია, ვისაც, ილიასი არ იყოს, „საკოპნოდ უტოკს ტანია“. ჰოდა, ბესიკზე კი არა, სწორედ ამ, „თავის თავის მოარშიყე“, როსტომ-კახაზე უთქვამს პასუხად ჭაბუას:

„ბედით ბრუნდი ბესარიონ* ბარაბაობს ბილნის ბაგით,
დაჭრილია დიაცურად, დანყლულდების, დასწავს დაგით..
ვარდუაობს ვარდისაზარ, ვაჭირებდეთ ვალალებით,
ზენუაობს ზექალაი, ზილფიანობს ზენანებით.
თურქნი თავს სთხოვენ თამამად თეთრსა და თავლაფიანსა,
იკეთებს ირისიასა, იღებავეს ილაფიანსა,

* ნაიკითხეთ: „როსტომ-კახა“

კრულსა კერპულად, კიცხულსა, კოცნიან კაეებიანსა,
 ლაფით ლაზლარა ლელუას, ლოზლარა ლოფებიანსა.
 ოლთმიშია ოსმალთაგან, ოროგინობს, ოხრავს ოხით,
 პირით პილნობს, პანუაობს, პატარძალობს პირის პოხით,
 ჟამად ჟღლილი, ჟანგიანი, ჟამიერად ჟეჟენ ჟამით,
 რას ტანადობს როსკიპულად, როდამაა როგორ რამით...
 საქციელით საძაგელი სავსე არის სრულის სენით,
 ტალანტი აქვს ტიმოთესგან* ტყუილების ტყევენა-ტყეებით,
 ქალუაობს, ქალთამზეობს, ქუნთავს ქაეილს, ქელავს ქოლვით,
 ღვარძლიანობს, ღმერთს ღალატობს, ღონისაგან ღონობს ღელვით.
 ძირად ძებნეს ძონძიანი, ძლომილია ძალღებრ ძვალით,
 წარმართია წიდოვანი წარუვალი წუმქე წყალით,
 ჭკუისაგან ჭენებული, ჭაკობს ხმითა, ჭაკლობს ჭავლით,
 ხრდალობს ხმითა, ხადუმაობს,** ხრდემლიანობს, ხდილობს ხალით.
 შიი, რა მარდად იღებავს ქილვაშებსა ნითლად ინით,
 შიი, ყოვლად საძაგელი, სომხებს დაჰყავსთ მუდამ ქირით."

ხომ არაფერი გატკინათ ამ ლექს-ბუმერანგმა, ბატონო როსტომ-კახა? არა გიშავთ, სხვა დროს გაფრთხილდებით და საკუთარ იღეთს, ალბათ, აღარ ნამოვებებით... არც — იღეთს, არც — ანკესს და, საერთოდ, არც არაფერს... თორემ ზოგი დაინტერესდება, სად დაჰყავხართ სომხებს ქირით და რასა გთხოვენ თქვენ თურქნი...

ამ გახსენებაზე, როსტომ-კახას ჰგონია, რომ, თუ მე ბაზალეთის ტბის თურქეთისთვის მიყიდვას დამაბრალებს, შიგ კაკალ გულში დამჭრის ან თავის მართლებას დამანყებინებს. ვერ გცნობივარ კარგად, ბატონო როსტომ-კახა (ამწყობს ვთხოვე, ყურადღებით იყოს და აქ „როსტომ-კახა“ არ დაბეჭდოს!). ქართული მინების თურქებზე მიყიდვის ბრალდება მე ზუსტად ისევე შეიძლება გულზე მომხვდეს, როგორც როსტომ ჩხეიძეს მოხვედებოდა გულზე, ვინმეს რომ მისთვის სიმთვრალეში (თუნდაც — სიფხიზლეში) ქალის გაუპატიურება დაებრალებინა.

როსტომ ჩხეიძემ სიტყვა ბანზე ამიგდო, როცა იგი ლიტერატურულ არაკაცობაში ვამხილე, კერძოდ: ცილისნამებაში, ღვარძლის თესვაში, ენის მიტან-მოტანაში, ყვარყვარეობასა და ფარისეველობაში. ამის პასუხად — შენ რომ ბაზალეთი გაგიყიდიო?! კარგი, ბატონო, დაეუშვათ — შენ დაიჯერე, რომ მე ბაზალეთი გამიყიდა, მე დავიჯერე, რომ შენ სიმთვრალეში ქალი გაგიუპატიურებია, — ვითომ ეს გაათეთრებს ბატონ როსტომ ჩხეიძის იმ ჩაბინძურებულ „ზენრებს“, ახლა უკვე ნიგნებადაც რომ გამოჰფინა?

* ნაიკითხეთ: „ოთარისგან“

** საბას მიხედვით, „ხადუმი“ ყვერულს ანუ დაკოდის პქვია.

ბაზალეთის თემა ყვარყვარაიკოს მამამ უფრო განაერცო და „მწერლუ-რად“ დაამუშავა. ამას ვერ დაუუკარგავთ, ოთარ ჩხეიძე არც ფსევდონიმს ამოჰფარებია, არც მკითხველთან კუკუმალობანა გაუმართავს, პირდაპირ დამადო ხელი, როგორც აკვნის ქურდს: „განათლების მინისტრობა გააკაჭა თუ არა, ხელი წამოავლო ბაზალეთის აკვანსა, თურქეთს გააქანა სტამბოლის ბაზარზე გასაყიდადა, აგერ არ იყო, ახლახან არ იყო?.. გამოეკიდნენ, ძლივძლივობისას გაავდებინეს ხელიდანა, ძლივძლივობისასა. ილიას მოსტაცა აკვანი, ილიას აკვანი გაავდებინეს ხელიდანა ძლივასა, ძლივასა, ქართლის აკვანი გაავდებინეს“...

თავმდაბლობს, ჩვეულებისამებრ, თავმდაბლობს ბატონი ოთარ ჩხეიძე, თავის ღვანლს არ აჩენს ამ საქმეშიც, თორემ საზღვარზე გადასატანად საგანგებოდ შეფუთული აკვანი საბაჟოზე სწორედ მან გამავდებინა. ერთი გაკვირება კი გამიკვირდა, ამ გენიალურ მწერალს სარფის საბაჟოზე რა ესაქმება-მეთქი. მერე მივხვდი, მისნაირი თვალ და ყურმახვილი კაცი იქ უნდა იდგეს: ეს ისეთი ადგილია, მარტო ბაზალეთის აკვანი კი არა, მავანმა შეიძლება კონტრაბანდული სიგარეტიც გაიტან-შემოიტანოს და ბატონი ოთარის ასაკსა და ავტორიტეტს მაინც მოერიდება; მე, პირადად, როგორც კი ბატონი ოთარი დაეინახე მებაჟის ფორმაში, აკვანი ეგრევე ჩავაბარე. სიგარეტის მაფიაც, ალბათ, ასევე იქცევა — სიგარეტს მას აბარებს...

ცოტა ხომ არ დაიბენი, ძვირფასო მკითხველო? ეგ არაფერი, მთავარია, ჩხეიძეთა მარადტანჯულ-რეპრესირებული ოჯახი არ იბნევა ამ საქმეში.

არადა, მებაჟის ფორმიანი ოთარ ჩხეიძე არაფრით ჰგავს სახარებისეულ მებაჟეს ანუ მეზვერეს, გულში მჯილის ცემით საკუთარ ცოდვებს რომ ინანიებს ტაძარში და უფალს შესთხოვს: ღმერთო, მილხინე მე ცოდვილსა. ისე, ეკლესიაში, თურმე, ბატონი ოთარიც „დანავალა“, ისიც ლოცულობს და სანთლებს ისიც უნთებს ღვთისმშობელს. ყოველ შემთხვევაში, „ლიტერატურული საქართველოს“ თანამშრომელ ქალბატონებისადმი მიძღვნილ წერილს ასე გულისამაჩუყებლად ამთავრებს: „ამ დღეებში სიონის ტაძარში თქვენ შეგავედრეთ დედასა ღვთისასა. სანთლები დაეუნთე, რაღა თქმა უნდა, სხვა რა ვილონო?“ სანთლები კი იმიტომ დაუნთო განყოფილების რედაქტორ ქალბატონებს, რომ მათ ცოდვილ სულელებზე იზრუნა. — ისინიც მონანილენი ყოფილან იმ ცოდვისკითხვისა, რაც, თურმე ნუ იტყვი, „ლიტერატურული საქართველოს“, ამ ყოვლად არალიტერატურული გაზეთის“, რედაქციაში ტრიალებს; მათაც, თურმე, ამპარტავნობის სენი შეპყრიათ: „ოოო... რა ამაყად აწერთ ხელსა: განყოფილების რედაქტორებიო“. თურმე, ამ ქალბატონების წილიც ძვეს იმ სიმუხთლეში, რაც ამ გაზეთმა თავს დაატეხა ოთარ ჩხეიძეს: „თქვენმა გაზეთმა და მწერალთა კავშირმა, კვაჭანტირაძეების პატრონმა, ჩემი მწერლობა გაიხდა საეჭვოდა თუ სულაც უარყო... მე აქამდის ვაუფდელი. კიდევ თუ რას მიქადით, ვინ უწყის!.. იქ რას მიპირებთ, იქ რო შევხვდებით — საიქიოსა?..“

არ გვიკვირს. თქვენი კარები ჰო ღიაა, ყურთამდის ღიაა ჩვენი მტრებისათვის-
სა, მომარჯვებულაა თქვენი კალამიცა, მოანეროს: განყოფილების რედაქტორ-
ები, მომარჯვებულაა". ამ მანდილოსნებს, რატომღაც, ჩემს გულშემატკივ-
რობასაც აბრალებს ღვთისმოსავე ავტორი, რის გამოც გვარიანად შემოვლან-
ძღა ეს პატიოსანი ხალხი: „კვაჭანტირაძემ ჩვენც გაგვლაფა და მაღლობაც უძ-
ღენა თქვენს გაზეთსა, — აგერ ამდენი ხანია, ქვეყანა რომ აიკელით: რატომ
ამას არ ნიშნავთ ეროვნული ბიბლიოთეკის დირექტორადაო. ახირება კარგი
იციო. გაგდით და აიხირებთ, აიხირებთ, რატომ არ აიხირებთ?!“ მაგრამ, ჯერ
სადა ხარ, მალე საბრალო მანდილოსნების თავზე ურიელ აკოსტას შერჩევების
ექო დაიგრგვინებს: „ღირსეულს ამცირებთ. უღირსს ადიდებთ. გივი მარგვე-
ლაშვილსა და ნაირა გელაშვილსა დევნით, კეიჭიაშვილს ამზადებთ დაფნის
გვირგვინისათვის — რაღა უნდა გელაპარაკოთ! ღმერთი არ გააპატიებთ!“ და
აქვე მამობრივი სასოება და ზრუნვა ამ ცოდვილ სულებზე: „თქვენ რა გეშე-
ლებათ? მე თქვენი მდგომარეობა მანუხებ: ყოველგვარ სივალახეს, ქალს რომ
არ ეკადრება, იმგვარ თხზულებებს ანერთ ხელსა...“ და, აქედან მოკიდებული,
იგრძნობა ხელწერა გამოცდილი გადმომბირებლისა, რომელიც ოსტატურად
არხვეს თავისი სამიზნის გულში ყველაზე მგრძნობიარე სიმებს; ოთარ ჩხეიძემ
იცის, როგორ უნდა ჩააგდოს განხეთქილების თესლი რედაქციაში, როგორ
ნაპკიდოს ხალხი ერთმანეთს, რა შხამი ჩაუნვეთოს ყურსა და გულში, რას დაპ-
პირდეს, რით აცდუნოს ისინი: ერთმანეთს უნდა ნაუსისიანოს ქალები და მამა-
კაცები, ქვემდგომები და ზემდგომები... თავი კიდევ უნდა მოიკატუნოს, უნდა
შეაცოდოს — და კიდევ უნდა გაამასხროს, თავისი არარაობა უნდა აგრძნობი-
ნოს გადმოსაბირებელს. ჯერ მათი შეჭირვებით იწყებს, ვითომცდა თანამგრ-
ძნობის პოზიციიდან: „რა უნდა ილონოთ? ნინალმდეგობას ვერ გაუნვეთ. სამ-
სახურს დაჰკარგავთ. ოოო, ადვილი ასატანი არ არის, რა თქმა უნდა, ვერც მე
ამყვებით ადვილადა...“ დღევანდელ პირობებში ეს დაახლოებით ასე ნაიკით-
ხება: რისა გეშინიათ, სამსახურს დაკარგავთ — თორემ ოჯახს გირჩენთ ეგ
თქვენი სამსახურიო. შემდეგ ეჭვიანობა და უნდობლობა უნდა ჩაითესოს:
„თქვენ ჰო ფარისეველნი გახევეიან გარსა, ფარისეველნი და სადუკეველნი,
ისინი გაქვებენ, ზურგთუკან დაგვინიან ისინივე, იმათ ეს ორომტრიალი
მოსწონთ: დე დაუჭამიათ ერთმანეთიო“... ესეც ნაცნობი ხელწერაა: ფარისე-
ველმა ფარისევლობის, ქურდმა ქურდობის, კახპამ კახპობის საშიშროებაზე
უნდა გვიქადაგოს. მერე „ლიტერატურული საქართველოს“ უნუგეშო პერს-
პექტივაზეც ჩამოაგდებს ვითომც სასხვათაშორისოდ სიტყვას: „ყურადღები-
დან ნუ გამოგრჩებათ, თქვენი გაზეთი დღითიდღე რო კარგავს მკითხველსა,
ნუ, ნუ, ნუ გამოგრჩებათ. ისიც გაითვალისწინეთ: რაც არ უნდა მოხდეს, მათ
ველარც დაიბრუნებთ. მე თქვენ მეცოდებით“. ჰო, სულ „ლიტერატურული სა-
ქართველოს“ უმკითხველობა ადარდებს ოთარ ჩხეიძეს, სულ ამ გაზეთის ნე-
სიერი თანამშრომლების ცოდვით იწვის! თქვენ კი მეცოდებით, ღირსეულო

ქალბატონებო, მაგრამ ნურც ის დაგავიწყდებათო, რომ „თქვენ თქვენ ცოდვაში გიდგათ ფეხი, მე ამის აცილებას გირჩევთ... როგორმე, როგორმე...“ და, უცებ, თავისი სისადავით გენიალური პროვოკაცია: „ხელი რო მაინც არ მოანეროთ?“ აქ მცირე იალღიში მოუვიდა ბატონ ოთარს, თავი გაიბრაზა, სიცხარეში კი კინალამ ლეთისმოსავის ნილაბი ჩამოუვარდა და წამით გაილანდა სახე გესლიანი ცინიკოსისა: „რას ჩანკეპილხართ და გამოჭიმულხართ: განყოფილების რედაქტორებიო! რის რედაქტორები და რა რედაქტორები — თქვენ შო მხოლოდ მაგ ვაუბატონების სტრიქონებს ითვლით და სასვენ ნიშნებს ანესტრიგებთ — შა? შა?.. სხვა რა გეკითხებათ — არრა გეკითხებათ და ამისთვის იტყვთ სახელს? ბავშვები ხომ აღარა ხართ!“ ამ ინფორმაციის სიზუსტე როსტომ-მსტოვრის სინდისზე იყოს, უფროსმა ჩხეიძემ კი აქ ისევ სწრაფად შეისწორა ნილაბი და, დიდად დახელოვნებულმა გადამბირებელმა, ისევ მავედრებელ-მსასოებლის სახე მიიღო: „არ გინდათ, გთხოვთ, გვედრებით, გემუდარებით ნუ, ნუ, ნულარ მოანერთ ხელსა, თუ რო გინდათ რო: აიცილოთ წყველაკრულეჯი ახლა და მომავალში შეჩვენებაი. ნუ მოანერთ, გემუდარებით, ამისთვის მაინც არ მოგხსნიან სამსახურიდანა. არა, არა მგონია, თუ მოგხსნიან და — აღარ ვიცი, სხვა რაღა გირჩიოთ. აღარ ვიცი. ენა მიდუმდება...“

იცის, როგორ არ იცის ცხრა მთავრობის ხელში საქალამნე ტყავივით გამოქნილმა გადმომბირებელმა, რაც უნდა ქნან გადმოსაბირებლებმა; არც ენა დასდუმებია და „ნაკოლიც“ მიცემულია — მანდედან კარები გამოიჯახუნეთ და, ნუ გეშინიათ, უმუშევარი არ დარჩებითო — ჟურნალი გინდა, გაზეთი გინდა თუ სტამბა-გამომცემლობა, აგერ არა ვართო! ჩვეულებისამებრ, ცრუობს ბატონი ოთარი — უმაღური და მიამიტი მუშაკი არც მას ენდომება, მაგრამ აქ მთავარია რედაქციიდან გამოიტყუოს ეს ხალხი და მერე — ქუჩა დიდია, მათაც დაიტყვს. და ამას მოადევნა ის, მისი გათვლით, სულისმემკრელი პასაჟი, სიონში რომ სანთლებს უნთებს „ასულთ შეცთომილთ“ და ლეთისმშობელს ავედრებს მათ ცოდვილ სულებს. მართლაც, შემძვრელი ადგილია, ოღონდ შემძვრელი თავისი გულისანრევი სიყალბითა და სიციბიერით, თავისი ფარისეველობით.

ზემოთ მოგახსენეთ, მეზაჟისფორმიან ოთარ ჩხეიძეს საერთო არაფერი აქვს-მეთქი სახარებისულ მეზვერესთან, ლეთის ტაძარში თვალებდახრილი გულმზურვალედ რომ შეჰღალადებს ღმერთს, იხსნას საკუთარი ცოდვებისაგან; მაგრამ იგი ალი-კვალია იმავე ტაძარში ყელმოღერებული სხვა მლოცველისა, სხვათა დასანახად გამოჩინებულად რომ ასე ლოცულობს: გმადლობთ, უფალო, რომ ისეთი წამგლეჯი, ცრუ და ცოდვილი არა ვარ, როგორიც, აი, ეს, ჩემს გვერდით მლოცველი, მეზვერეო.

და სახელი ამ მლოცველისა — ფარისეველი.

და სახელი სიონში მლოცველი ოთარ ჩხეიძისაც — ფარისეველი: ვისთვისაც სანთლებს გულწრფელად ანთებენ, მას ამის შესახებ გაზეთებიდან არ

აცნობებენ ხოლმე, თანაც ხაზგასმული ქედმაღლობით — მე, უცოდველმა, ტყვენ, ცოდვილებს, სანთელი დაგინთეთ და ლეთისმშობელს შეგავედრეთ... საკუთარ თავს, საკუთარ ოჯახს დაუნთეთ სანთელი, ფარისეველო, და საკუთარი ცოდვილი თავი შეავედრეთ უზენაესს... „ორგულო, აღმოიღე პირველად დირე თვალისაგან შენისა და მერმე იხილო აღმოლებად ნეელი თვალისაგან ძმისა შენისა“.

„ყოვლად არალიტერატურული“, რომ ბრძანებენ ფარისეველი მამაშვილი, მაშინ ხომ არ იყო ეს გაზეთი „არალიტერატურული“, როცა ოთარ ჩხეიძე იქ თავის იმ მართლაცდა არალიტერატურულ ოპუსს ბეჭდავდა, რომელსაც, თურმე ნუ იტყვიტ, მე ასე გავუმნარებივარ; არც „ოტარიდის“ ჯამიდან ხერება იყო მათთვის საჩოთირო, სანამ „ხელის ჭუჭყში“ ბანაობას დაინწყებდნენ; როცა „ლიტერატურული საქართველოს“ თავის რუპორად ქცევა მოინადინეს, მაშინ არ გახსენებიათ — ემანდ, მკითხველი არ დაეკარგოთ... არც მაშინ უღვარღვალეზია ოთარ ჩხეიძეს ფარისეველური ცრემლი — გაზეთის სახელსა და პრესტიჟს გავუფრთხილდეთო, როცა იქ მსტოვრად თავისი ვაჟი ეგულეზობდა.

რაც შეეხება „ხელის ჭუჭყში“ ბანაობას... გავრცელებული აზრია, თითქოს ფულს სუნი არ უდიოდეს... როცა იმპერატორმა ვესპასიანემ რომში საზოგადო ტუალეტებიც დაბეგრა, შეიღმა შეჰკადრა — ეს უკვე ნამეტანიო. ამაზე ოხუნჯამ იმპერატორმა დინარი დააძრო, ვაჟს ცხვირთან მიუტანა და ჰკითხა — უდის სუნი?

და მართლაც, დინარს შარდის სუნი არ ასდიოდა.

არადა, სწორედ ფულს უდის სუნი, თუ უდის: მარტო სიგარეტის, ბენზინისა და სპირტის კი არა, უდის სისხლისა და ცრემლის სუნიც. დღეს ბრიყვი და მავნე უნდა იყო კაცი, ვინმეს ის ფული ნააყვედრო, რომელსაც ერთადერთი საკადრისი და შესაფერი სუნი უდის — სუნი ოფლისა. მე არ ვიცი, რაგვარი სურნელების ფულში ბანაობენ ჩვენი ფარისეველნი; ვიცი მხოლოდ ერთი: თუნდაც „შავი“ იყოს ეს ფული და დამპალ თამბაქოზე მეტად ყარდეს, მისი მომპოვებლები მაინც ნაკლებად ცოდვილნი არიან, ვიდრე მათ ბოქვენს ჩაფრენილი ხორთუმდაგრძელებული ჯღიბები ანუ — ჩვენში უფრო გავრცელებულ ბარბარიზმს ვიხმარ — „მანდალოშკები“.

„ყვარყვარეთს“ უფროსი ჩხეიძე შეუნიღბავად გამოეხმაურა, უმცროსი კი მარტო ფსევდონიმს როდი ამოეფარა, ალექსანდრე ორბელიანის საზოგადოების სახელიც აიფარა ლელვის ფოთოლივით და ახალი კონკურსისთვის შეიმზადა ნიადაგი; უნდა გამოვავლინოთ ამ ათნლეულის, იქნებ, საუკუნისაც ყველაზე მეტად გალანძლული ნიგნები და შერისხული ავტორებიო:

„საუკუნეზე ჯერ დარწმუნებით ვერაფერს მოგახსენებთ, რადგანაც ამ თვალსაზრისით საგანგებოდაა შესასწავლი ქართული ჩეკისტური კრიტიკის ისტორია და ანწყო, ურთიერთშესაჯერებელი და მერე ვისაუბროთ, ბო-

ლო ნლებისა და, საერთოდ, ბოლო ათწლეულის ყველაზე მეტად გალანძღული ნიგნების სიას კი დაბეჯითებით მოგანვდით და თქვენც მაშინვე დაგვეთანხმებით:

ოთარ ჩხეიძის რომანი „თეთრი დათვი“ და როსტომ ჩხეიძის ორი ისტორიული ცდა — „თუ სანუთრომან დამამზოს (ზევიად გამსახურდიას ბედისწერა)“ და „ოტარიდი“: მიზნები, ამოცანები, კრაზი“.

მოკლედ, ყველაზე შერისხული და დაუფასებელი ავტორი თანამედროვე ქართულ ლიტერატურაში ოთარ ჩხეიძე ყოფილა... და, რამდენადაც მკითხველი მაინცდამაინც არ იცნობს თანამედროვეობის ყველაზე ტანჯულსა და დაუფასებელ ავტორს, საბჭოთა ხელისუფლებისაგან ესოდენ შერისხულსა და გვემულს, „ქართული საბჭოთა ენციკლოპედიიდან“ გთავაზობთ ცნობებს მის შესახებ:

„ჩხეიძე ოთარ რევაზის ძე (1920 წ. სოფ. ყელქცეული), ქართველი საბჭოთა მწერალი, ლიტერატურათმცოდნე, ფილოლოგიის მეცნიერებათა კანდიდატი. დაამთავრა თსუ ფილოლ. ფაკ-ტი (1942). 1948-დან ლექციებს კითხულობდა რუსთაველის სახ. ბათ., 1949-დან — ბარათაშვილის სახ. გორის პედ.ინ-ტებში. 1949-71 იყო გორის პედ.ინ-ტის რუს. ენისა და ლიტ-რის, 1971-80 — უცხოური ენებისა და ლიტ-რის კათედრის გამგე, 1950-51 — საქართვე. მწერალთა კავშირის პასუხისმგებელი მდივანი. ავტორია რომანების მთელი სერიისა („ტინისხიდი“, 1950-55; „ბურუსი“, 1955; „ჯეებირი“, 1956; „მეჩეჩი“, 1958; „კვერნაქი“: 1965; „ალმართ-დალმართი“, 1967; „ლანდები“, 1968; „ბორიაცი“, 1974; „ცხრანყარო“, 1980)“. 1948 წლიდან სკკპ წევრი; მისი თხზულებანი თარგმნილია რუსულ, საბჭოთა კავშირის ხალხების, აგრეთვე ბულგარულ ენებზე. დაჯილდოებულია „საპატიო ნიშნის“ ორდენით.

თუ ვინმე იკითხავს, ესაა შერისხულ-რეპრესირებული მწერალიო, ამის პასუხიც არსებობს: ვერაგმა ჩეკამ განგებ უბოძა ოთარ ჩხეიძეს კათედრა და მწერალთა კავშირის პასუხმგებელი მდივნობა, დააცვევინა დისერტაცია, გამოაცემინა ნიგნები, დაადგმევინა სპექტაკლები, ათარგმნინა და უცხოეთშიც გამოაცემინა თავისი ქმნილებები, ძალად შეიყვანა პარტიამი და ძალადვე ჩამოჰკიდა „საპატიო ნიშნის“ ორდენი... განგებ, რათა დღეს, როცა ოთარ ჩხეიძეს დაფნაგარეული ეკლის გვირგვინით უნდა თავის დამშვენება, ვინმემ ჩემსავით ნამოაძახოს: არაფერი ტანჯულ-რეპრესირებული არ მყავხართ თქვენ, ბატონო ჩხეიძეებო.

ისე, კაცმა რომ თქვას, მეტი რა ექნა საბჭოთა ხელისუფლებას, მართლაცდა, კრიტიკოსთაგანაც კი ნაუკითხავ ნიგნებში სტალინურ პრემიას ხომ ვერ მისცემდა ოთარ ჩხეიძეს?

სწორედ ამ „პრემიამანიაშია“ ძაღლის თავი დამარხული: ჩხეიძეებს „გარდარეული“ სიყვარული სჭირთ, პირდაპირ სული უკანკანებთ პრემიებზე, აღიარებასა და ტაშზე, მაგრამ გარეგნულად ეს ყველაფერი ვითომ ეზიზღე-

ბათ: ენით რომ სწყველიან პრემიებს, ძუძუებით ლოცავენ. ზუსტად მათზეა ზედგამოჭრილი — „ხარ, ბიძია, ხარბი ძია“: პრემია კიდევ უნდათ და კიდევ არ უნდათ. ამიტომაც აპირებენ დაანესონ „უპრემიობის პრემია“, ამიტომაც ემათხოვრებიან მკითხველს: გვალიარეთ, ყველაზე აულიარებელ მწერლებად მაინც გვალიარეთო. საუკუნის ყველაზე შერისხული წიგნებიო და — თავიანთი ნაცოდვილარი გამოფინეს ამ ამპარტავანმა ფარისევლებმა: აი, როგორ გედევნიან, გეებრძვიან, გვაეინროვებენო... არადა, ვის დაჰკარგვიხართ, ვინ გებრძვით, ვის ახსოვხართ, ღირხართ კი ხელის ან კალმის გასვრად? ვერ დაიმსახურეთ დაფნა და პატივი და ახლა ამაში მოითხოვთ პატივსა და დაფნას? თანაც მოითხოვთ ახლავე, სიცოცხლეშივე...

მამა-შვილო ჩხეიძეებო, „ხელის ჭუჭყთან“ ერთად თქვენ „ხელის ბიჭები“ და, ასე ჩანს, „ხელის გოგობიც“ გიშოვიათ... დე, მათ გიკმიონ გუნდრუკი, მე კი, ჩემდათავად, ვერც დაგიძალავთ, ვერც განუგეშებთ და ვერც ილუზიებს შეგიქმნით: თქვენი პრემია და ჯილდო ახლაც და შერეც, აქაც და იქაც — დუმლია.

მკითხველის დუმილი.

P.S. ისე, მკითხველო, რა აზრისა ბრძანდებით პრემია-კონკურსის ამგვარ ნომინაციებზე:

საუკუნის ყველაზე ნაუკითხავი (გნებავთ, ვერნასაკითხი) ქართული წიგნი;
საუკუნის ყველაზე დიდი ქართული გრაფომანი?
მეც მხოლოდ იდეა მოგანოდეთ საფიქრელად.

„ლიტერატურული საქართველო“, 3.1.2000

რეპლიკა

ასილეგული განსხაღვა

„ლიტერატურული საქართველოს“ წინა ნომერში გაზეთის კრიტიკის განყოფილებამ მკითხველს „აუცილებელი განცხადებით“ მიმართა და ბოდიშიც მოუხადა: თურმე ჩემს წერილში ისეთი უცენზურო გამოთქმები გაპარულა, რომლებიც, განმცხადებელთა აზრით, არც ავტორს, ესე იგი — მე, და არც ლიტერატურულ გაზეთს, ესე იგი — მათ, არ ეკადრებოდა.

ჩემი აზრით კი, ამ განცხადებისათვის უფრო „აცილებული“ შეიძლებოდა გვეწოდებინა, რამდენადაც იგი ასცდა თავის ადრესატს, მკითხველს; სწორედ მკითხველთან ბოდიშის მოხდა არ დამეინყებია მე იმ წერილში („ჭუა“,

„ლს“, N 10), თანაც — რამდენჯერმე; დასაწყისშივე ვწერდი: „წინდანიწვე ბოდიშს მოგიხდით, მკითხველო, სოლიდური გაზეთისთვის შეუფერებელი ტონის გამო“ — და იქვე განვმარტავდი ასეთი ტონის მიზეზს. რაც შეეხება „უცნაურო გამონათქვამებს“ — მე მხოლოდ ჩემი მოწინააღმდეგეებისავე „იარაღი“ გამოვიყენე — აქ კი ბოდიშის მოსახდელი არავისთან არაფერი მაქვს: სისხლის სამართლის კოდექსიც კი მომგერიებელს პასუხს არ აგებინებს, თუ იგი თავდამსხმელს მისსავე იარაღს აართმევს და იმით დააზიანებს... აღარას ვამბობ ბიბლიურ „კოდექსზე“: „ყოველთა, რომელთა აღიღონ მახვილი, მახვილითაცა წარწყმდენ“. მიუხედავად ამისა, როცა ამ წერილში მოწინააღმდეგის ბილნსიტყვაობას ვიმონუმებ, მკითხველს ოპონენტის ნაცვლად ვუხდი ბოდიშს და ვწერ: „მკითხველს, მის მაგივრად, მე ვთხოვ შენდობას“... გულზე ხელი დაიდე, ძვირფასო მკითხველო და — მეტი რალა უნდა მექნა, რით მოვფრთხილებოდი შენს ყურებს?

საერთოდაც, მე ჩხუბს არ ვინწყებ...

მე ჩხუბს, ჩვეულებრივ, ვამთავრებ ხოლმე...

ყოველ შემთხვევაში, ვცდილობ დავამთავრო...

დაბოლოს, განცხადების პატივცემულო ავტორებო, გულწრფელად მინდა ჩემს წერილზე მეტად საჯაყი და საბოდიშო „ლიტერატურულ საქართველოში“ არაფერი დაგებეჭდოთ.

„ლიტერატურული საქართველო“, 17.3.2000

მატრაქვესი

წერილი მესამე

ამას წინათ, ძვირფასო მკითხველო, კლინიკური შემთხვევა დაფიქსირდა, ყვარყვარეთისათვისაც კი უნიკალური: კაცი დღისით, მზისით ამტკიცებს და შავით თეთრზე წერს, უფრო სწორად, ბეჭდავს:

„ეს ერთი პატრონი ვყავარ ჩვენს უბედურ მწერლობას და მეც რომ განზე გავდგე, ვილა უშველის? ვილა გამოჩნდება სიმართლის მთქმელი და ვილა შეაფასებს პირუთენელად და წრფელად გარდასულსა თუ დღევანდელ სალიტერატურო პროცესებს?“

ალბათ, მეტყვით, იუმორის გრძნობა მოგჩლუნგებია, კაცი ხუმრობს, თავის თავს საგანგებოდ აგლახავებს (რაც ერთგვარ მოლად და კარგ ტონადაც კი ითვლება ახლა) და ვერ უნდა მიუხვდეთ? კარგი ხუმრობაა, თქვენმა

მზემ! მე, პირადად, არ გამეცინება, ცალფეხა ინვალიდი სტადიონზე რომ გამოკვანჭალდეს — ცენტრფორვარდს ვითამაშებო.

ყოველგვარი ირონიის გარეშე მადლობის ღირსია გაზეთი „7 დღე“ (24-26 მარტი, N 34), როსტომ ჩხეიძეს ეს მოკრძალებული თვითაღიარება რომ დაუბეჭდა: ავტორის ლიტერატურული „ხარაკირის“ მანიაკალურ ჟინს იგი წინ ვერ აღუდგებოდა და ეს, კაცმა რომ თქვას, გაზეთს არც ევალებოდა.

ნურც იმას იტყვი, მკითხველო, იქნებ შემთხვევით წასცდა ასეთი სირეგ-ენე როსტომ ჩხეიძეს და წაცდენილი სიტყვისთვის კაცი ჯვარს ხომ არ უნდა აცვათო... იმავე სტატიამი ყვარყვარიკო ჩხეიძე ამასაც წერს:

„ბობოლა მწერლებს ვერ აუტანიათ სიმართლე და მიუკერძოებელი შეფასებანი, რაც ნიშანდობლივია ჩემი სტატიებისა და წიგნებისათვის“...

მართალი და მიუკერძოებელი ხარო, სადღეგრძელოში კი ეუბნებიან ერთმანეთს, მაგრამ კაცს რომ საჯაროდ, პრესის საშუალებით თავისი თავი ედღეგრძელებინოს, ეს პირველად მოვისმინე. თუმცა, მიკერძოება რომ არ დამწამონ, ამ მრავალმხრივ საინტერესო პასაჟს სრულად დავიმონებ.

„...ახალი ეტაპი იწყება ჩემი ლანძღვისა და ცილისწამებათა ღვარცოფის ისტორიაში ... ბობოლა მწერლებს ისე ვერ აუტანიათ სიმართლე და მიუკერძოებელი შეფასებანი, რაც ნიშანდობლივია ჩემი სტატიებისა და წიგნებისათვის და ისე არიან მონდომებულნი, გამაძევეონ ლიტერატურიდან, რომ ყველგან მე ველანდები და ზაფრავთ ეს მოლანდებაც“.

ზემოთ კი მოგახსენეთ, ამგვარი „თვითსადღეგრძელო“ ჯერ არ მომისმენია-მეთქი, მაგრამ ბოლოში წაცნობმა ჰანგებმა მაინც გაიჟღერა: მეც და, ალბათ, თქვენც, მკითხველო, ჯერ არ დაგვეცნინა ეკრანიდან მონასმენი — „მოგელანდებით... მოგელანდებით“.

სიტყვამ მოიტანა და, როსტომ ჩხეიძის არც ის ნაბოღვარი გამოირჩევა ორიგინალობით, ერთადერთი პატრონი ვყავარ ჩვენს უბედურ მწერლობას და მეც რომ განზე გავდგე, ვილა უშველისო; იგი თითქმის სიტყვასიტყვით იმეორებს ასევე ცნობილ განცხადებას — „ერთადერთი პატრონი ვყავარ ჩვენს უბედურ საქართველოს და მე რომ გადავდგე, ვილა უშველის, აირევე-დაირევე ყველაფერი...“

უნიჭობა და უსახურობა ბევრი მინახავს, მაგრამ კაცის კლინიკური გამოვლინებანიც კი პლაგიატი რომ იყოს, ეს მართლაც საგინესე ამბავია: ამავე სტატიამი ერთადერთი გონებაბაზვილი კალამბურია მწერალსა და წვერალზე ანუ კაცზე, ვისაც აქვს კაეპირის წვერის წიგნაკი, მაგრამ არ გააჩნია წიგნი, და ეს კალამბურიც პოეტისგანაა ანაპნილი. ისე, ერთს „ჩაუხვევლებდი“ ყვარყვარიკო ჩხეიძეს: კალმის გაფალარათებას ისევე კალმის ყაბზობა სჯობს — ქეყანას ძვირფასი ქალალდი მაინც დაეზოგება.

თვითგანდიდების სენი ანუ „მანია გრანდიოზა“ კაი ხანია შეჰყრია როსტომ ჩხეიძეს. შეჰყრია-მეთქი, თუმცა ეს დაავადება, იქნებ, სულაც მემკვიდ-

რობითი იყოს; მაგრამ უმცროს ჩხეიძესთან „მანია გრანდიოზას“ გამოვლინების ფორმა უფრო უშუალო და თვალშისაცემია: მაგალითად, როსტომს როსტომობა ეცოტავენ და ტარიელობას ჩემულობს, ოღონდ — მხოლოდ ქაჯეთის ციხის აღებისას; სხვა შემთხვევებში მას ტარიელიც ეპატარავენ და თავს შესადარებლად არ უყადრებს:

„უფრო ზუსტი დაკვირვების უნარი რომ გააჩნდეს ბ-ნ კეიტიანიშვილს, ტარიელს კი შემადარებდა, მაგრამ არა ველად გაჭრილსა და დროებით ცნობამიხდილს, არამედ ქაჯთა ციხის დასალენად შემართულს“ („ახ.საქართველო“, 11.XI.1999);

ზოგჯერ ტარიელის შავი ბედაურიდან ბარათაშვილის მერანზეც გადაჯდება ხოლმე ეს „თავგანწირული ჩვენი მხედარი“:

„თუ ვერ შევძელი ამ სასიკეთო ჩანაფიქრის აღსრულება, გზას მაინც გავუკაფავ ჩემზე აღმატებულ პიროვნებას, გაეუადვილებ ჩვენი ტრაგიკული მწერლობის მართებულ გააზრებასა და შეფასებას“ (იქვე).

ამაზე აკაკის ცნობილი „მესტიური“ გამახსენდა:

პამპულაი შეკაზმულა ჯილითა და ჯინჯილითა,
ყურა-რაშზე გადამჯდარა, მოაგელეებს ჩინჩილითა,
ხელში ხმალი აულია, მოჭედილი ღინჭილითა...
ჯამაათი დაუხვდება ღრეჭითა და სიცილითა:
„დალოცვილო, ვინ არ იცის,
რაცა ხარ და რაც არაო?
კინკილ-პამპულ! პამპულ-კინკილ!
მთელი ქვეყნის მასხარაო“.

კი გამახსენდა, მაგრამ წერისას მაინც შეეჩქვიფდი: ღირს კი აკაკის ამ ლექსის გაცნობა ჩვენი მტერ-მოყვრისათვის? აკი გვაფრთხილებს უფროსი ჩხეიძე, აკაკის შემოქმედებას ვერავის გააცნობო:

„დიახ, დიახ, ვერავის გააცნობ დღეს დღეობითა, ვერავის გააცნობ და უნდა შეეგუოთ“ (ოთარ ჩხეიძე, „შენც, ვილენ!“, „საქართველოს რესპუბლიკა“ N 71, 2000).

ბრძნული წინდახედულებათა, რამდენადაც, ჩხეიძე-მამის მტკიცებით, „აკაკი ნაციონალური პოეტია, იდეოლოგია ნაციონალიზმისა, რაც დასავლეთში არ ითვლება კარგ ტონად“.

ჰოდა, აქ, თბილისში, დასავლეთის საელჩოებმა, ერთიც ვნახოთ და, „ლიტერატურულ საქართველოში“ დაბეჭდილი ეს ლექსი ვინმეს ათარგმნინონ და თავიანთი ქვეყნების მასონისტურ მთავრობებს უჩვენონ — საქართველოში პამპულეზსაც კი, თურმე, ხელში ხმალი უჭირავთო, რაღას ვაპირებთ მერე? ხომ იტყვიან, ესენი უბრალო ნაციონალისტები კი არა, მილიტა-

რისტებიც ყოფილანო? ვილა მოგვანედის მერე მუქთადა ამერიკულ თეთრ ფქვილსა და ბავარიულ შავ ლუდსა?

მაინც, რა „სასიკეთო ჩანაფიქრის აღსრულებაზე“ ზღაპრობდა მოძმისათვის გზის გამკაფთავი ყვარყვარიკო? იმაზე, რასაც დაფინებით იმეორებს ჟამითიჟამად: მან უნდა დაალაგოს ქართული მწერლობა. აკი ახლაც გაიმეორა, ერთადერთი პატრონი მე ვყავარ გაუბედურებულ ქართულ მწერლობას და მეც რომ ვუგანო, გარდასულსა და დღევანდელ სალიტერატურო პროცესებს ვილა დაალაგებსო; ადრეც წერდა:

„ვატყობ, ეს (ქართული ლიტერატურა — თ.კ.) ისედაც ჩემი მისახედია, ჩემი დასალაგებელი და ილუზიები ტყუილუბრალოდ ნურვის გაუჩნდება“ („ახალი საქართველო“, 19.IX, 1999); „თანამედროვე ლიტერატურა ჩემი დასალაგებელია და ილუზიები ტყუილუბრალოდ არავის არ უნდა გაუჩნდეს“ („ახალი საქართველო“, 11.XI. 1999).

დალაგების შედეგად კი როსტომ ჩხეიძე დიდ გადაადგილებებს გვპირდება: „მოსალოდნელია, წინანი უკან მოექცნენ და უკანანი — წინ“ (იქვე).

ქალებისგან გამიგონია, რომ მათ ზოგჯერ „უბორკის“ ანუ დალაგების ჟიპი იპყრობთ: ავეჯს გადაადგილებენ, ფარდებს ცვლიან, იატაკს ხეხენ. თუ რომელიმე მამაკაცსაც ასეთი გაუკულმართებული ჟინი დარევს ხელს და, ილიასი არ იყოს, „საკომნოდ უტოკს ტანია“, მას შეუძლია საკუთარი ბინა დაალაგოს — სარეცხი ჩააღბოს, „მასტიკა“ მოუსვას, ავეჯს მტვერი გადანმინდოს. როგორ მიხედავს თავის ოთახს დამლაგებელი ჩხეიძე, ეს მისი პირადი საქმეა, ქართული მწერლობა კი, არა მგონია, თხუთმეტი საუკუნე იმას ელოდა, წელზე წინსაფარ და თავზე „ცახოცნაკრული“ როსტომი ცოცხითა და აქანდაზით როდის მომხედავს და დამალაგებსო.

მამა-შვილ ჩხეიძეებს რეფორმატორებად მოაქვთ თავი და, ერთი შეხედვით, სამკედრო-სასიცოცხლოდ უპირისპირდებიან მწერალთა კავშირს, მათი მტკიცებით, „საბჭოურ-ჩეკისტურ“ ორგანიზაციას იმიტომ, რომ კავშირი თურმე ჭეშმარიტ ლიტერატურულ ფასეულობებს დევნის, ნამდვილ მწერლებს აეინროვებს და უღირსებს ალაზევებს.

ამიტომაც იჩემებს როსტომ ჩხეიძე — აი, მე რომ დავალაგებ ქართულ მწერლობას, წინანი უკან მოექცევიან და უკანანი წინაო. ასეთი რამ არ უცდია არც ილიას, არც აკაკის, არც ნიკო ნიკოლაძეს, არც კორნელი კეკელიძეს და არც გერონტი ქიქოძეს.

თუმცა ასეთი მცდელობა ჩვენს უახლოეს ისტორიაში უკვე იყო, ოღონდ — საზოგადოებრივ-პოლიტიკურ ასპარეზზე და, სამწუხაროდ, სახარებისეულ პარადიგმას ჩაენაცვლა ქართული ანდაზა — ფარა შემობრუნდა და კოჭლი ცხვარი სათავეში მოექცაო. როსტომ ჩხეიძეს სურს თავისი „მესსიის“ პოლიტიკური ექსპერიმენტი მწერლობაში გადმოიტანოს; ისიც ხომ ერთადერთი პატრონია — ოღონდ ჩვენი უბედური მწერლობისა.

რანჟირების გარეშე მწერალთა მართვა, პრაქტიკულად, შეუძლებელია. ფარისეველ ჩხვიძეებს განა ის არ მოსწონთ, რომ მწერლობა, საერთოდ, იმართება — არ მოსწონთ ის, რომ მწერლობა მათ მიერ არ იმართება. წინათ თუ კოლექტიური ორგანო, პარტია, ცდილობდა მწერალთა „დალაგება“-რანჟირებას, ახლა ეს მისია როსტომს აუღია თავის თავზე. ჩემზე ლირსეულს გზას მაინც გაუუკვალავო, ეს ისე, სიტყვის მასალად ითქვა, რამდენადაც სხვებს როსტომმა ამის იმედი იქვე გადაუნურა: „ილუზიები ტყუილუბრალოდ ნურავის გაგიჩნდებათ“-ო. არადა, ასეთი იდეა — მწერლები „სიმაღლის მიხედვით“ ჩემწკრივებიან და ზოგი პოეტისთვის ერთქნარიანი სამზრეები დაეკრა, ზოგისთვის — სამქნარიანი, მხოლოდ მონაზე დამყნობილ ტირანს შეიძლებოდა გასჩენოდა. ყვარყვარიკომაც მწერალთა ლაშქრის უზენაეს მთავარსარდლად წარმოიდგინა თავი, რომელიც ზოგ მწერალს დაანინაურებს, ზოგსაც ჩამოაქვეითებს, ზოგ პოეტ-ლეიტენანტს გააპოეტპოლკოვნიკებს, ზოგ პოეტ-გენერალს ჩამოაპოეტკაპიტნებს, ზოგს კი სულაც ჩამოჰგლეჯს ქნარებიან სამზრეებს. ამიტომაც, ილიას „სუტ-ენინასი“ არ იყოს, როსტომ ჩხვიძეც „სუტ-რეფორმატორია“; საერთოდაც, გუშინდელ დღესთან ვითომც მორკინალი ჩხვიძეები მართლაც არ არიან გუშინდელნი, ისინი გუშინდელნი გახლავან.

„მანია გრანდიოზა“, ეტყობა, ბატონ როსტომ ჩხვიძის ერთადერთი დაავადება არ არის; ასევე თვალნათლივია მისი ზნეობრივი ატროფირების ნიშნები. ნორმალური ადამიანები ავარიით გამოწვეულ სხვათა ტრავმებზე არ ღლიცინობენ. თავის ბოლო ოპუსში ჩხვიძე-შვილი ჩემზე წერს: „მას შემდეგ, რაც სერიოზული ტრავმა მიიღო ავტოავარიამში, სულ წამხდარა და, როგორც მისი ბოლო ორი სტატია მოწმობს, ზომბის მდგომარეობაში უნდა იყოფებოდეს“.

ღიას, ავტოავარიის შედეგად მე მართლაც მივიღე მძიმე კომოციო ანუ ტვინის შერყევა. აქვე მოკრძალებულად შევკადრებ ბატონ როსტომს ჩემს ვარაუდს: ერთადერთი, რისგანაც იგი აბსოლუტურად დაზღვეულია, სწორედ ტვინის შერყევა გახლავთ, თუნდაც „ტიტანიკი“ დაეჯახოს მის თავს.

როსტომ ჩხვიძე თავის ოპუსში ვერ ელევა საერთაშორისო უნივერსიტეტის თემას, რაზედაც მე წინა პუბლიკაციაში ასე ვუპასუხე: ბაზალეთის აკენის გაყიდვის ჩემთვის დაბრალება ისეთივე აბსურდია, როგორი აბსურდიც იქნებოდა, ვინმეს როსტომისთვის სიმთვრალეში (თუნდაც — სიფხიზლეში) ქალის გაუპატიურება რომ დაებრალეზინა-შეთქი. ეტყობა, ასეთი „ბრალდება“ მის მამაკაცურ ლირსებებს მალამოდ ედება.

ერთსაც დავამატებ: საქართველოს კანონმდებლობის საფუძველზე მომუშავე ამ საერთაშორისო უნივერსიტეტმა (და არა — „თურქულმა“, რა ტერმინის დამკვიდრებასაც გრუ-ს შტატებიანი თუ შტატგარეშე ავენტურა ცდილობდა და ეს, სამწუხაროდ, მოახერხა კიდევ) უკვე დაძრა საქმე ქართული განყო-

ფილების გახსნისა სტამბოლის ერთ-ერთ უნივერსიტეტში. და რაოდენ სიმპტომატურია, რომ დღესაც კი, ბაქო-ჯეიჰანის ნავთობსადენისა და ტრანსკავკასიური გაზსადენის პროექტების ამოქმედების შემდეგ, ჩვენში მოქმედი გრუ-ს შტატგარეშე აგენტურა თურქეთთან საერთო კულტურულ-საგანმანათლებლო პროგრამაში მონაწილეობას ეროვნული ინტერესების ღალატად მითვლის... სწორედ ეს გახლავთ რეალური „რუსეთუმობა“. გაიღვიძეთ, მეჩვიდმეტე საუკუნეში ჩაძინებულ ჩხეიძეებო, „ბაქო-ჯეიჰანი“ უკვე დეპოშია!

კალამგაფაღარათებული ყვარყვარიკო ნიშნსაც მიგებს, ორიოდ სტატია თუ დაგიბეჭდავს — ზვიად გამსახურდიას ლანძღვა და აკაკი ბაქრაძის ლანძღვაო. როსტომ ჩხეიძეს რომ პგონია, ქართველ მწერლებს ვაკრიტიკებო, ლანძღვა სწორედ ისაა, ხოლო ჩემი გამობმაურება ბატონი აკაკი ბაქრაძის ერთ-ერთ კრიტიკულ წერილზე ლანძღვა პგონია. მაშინ, 1970 წელს, ბატონმა აკაკიმ მოიმოქმედა ის, რაც ესოდენ დამახასიათებელი იყო მისთვის და რაც წარმოდგენელია მამა-შვილ ჩხეიძეებისათვის: ტელეობიექტივის ნინ ტარნიელ ჭანტურია მას შეეკითხა — რა აზრისა ხარ ჩემთვისაც უცნობი ავტორის, თამაზ კვაჭანტირაძის, წერილზე, ადვოკატივით რომ იცავს შენი კრიტიკისაგან რეზო ჭეიშვილის რომან „დალისო“? და ბატონი აკაკი უპასუხებს: „ქარვა ხანია მე ასეთი საიმოვნებით არაფერი წამიკითხავს“ ... ეს იყო დიდი ზნეობრივი გაკვეთილი, რომლისთვისაც მუდამ ვცდილობდი მიმებაძა, თუმცა ამას, სამწუხაროდ, ყოველთვის ვერ ვახერხებდი. აქედან იწყება ჩემი სიახლოვე ბატონ აკაკი ბაქრაძესთან, რომლის დადასტურებაც გახლდათ 1988 წელს მისი დაჟინებული მოთხოვნა, ლამის ულტიმატუმი, რუსთაველის საზოგადოების ყრილობისადმი, თავის თანაპრეზიდენტად მე ავერჩიე. ამის დადასტურება იყო ისიც, რომ, როდესაც მან ჩემთვისაც ფრიად სადავო გადაწყვეტილება მიიღო და 1990 წლის არჩევნებში რუსთაველის საზოგადოების პარტიულ სიაში ნაცვლად პირველისა ორმოცდამეათე ნომრად ჩაენერა, მეც ორმოცდამეთერთმეტედ გადმოვეწერე, რამდენადაც უზნეობად მივიჩნიე, სიაში იმ კაცის ნინ აღმოვჩენილიყავი, ვინც მე თავის თანაპრეზიდენტად დამასახელა.

ვგონებ, თავის მიზანს ამჯერად მიაღწია და თავი მამართლებინა ქოსატყუილა როსტომმა; საერთოდ, სწორედ იგია მისგან უღმერთოდ ექსპლოატირებული „ჩეკისტური კრიტიკის“ კლასიკური ნიმუში — ცილს დასწამებს კაცს და მერე იმან ამტიკიცოს თავისი სიმართლე. ხოლო თუ ყვარყვარიკოს გულწრფელად აინტერესებს, ვისგან გაილანძლა (მეტიც ითქმის — გაინირა) აკაკი ბაქრაძე, შევახსენებ: 1990 წელს, ეგზალტირებულ კარვის ბინადართა ზეობის პიკზე, ერთმა კალამგაყიდულმა ჟურნალისტმა დაწერა სტატია „ოცდაათ ვერცხლად“, სადაც იგი ბატონ აკაკის „ამხელდა“, როგორც იუდას, რომელიც კომუნისტებს ოცდაათ ვერცხლად მიუყიდა და ეროვნული ინტერესების ღალატის საფასურად ცეკასაგან მიიღო ჯილდო — გარემონტებული ბინა.

და სახელი ამ ჟურნალისტიკა — ჭუმბურიძე.

ეს გვარიაო, თუ მეტყვიო, იმ ფაქტის შემდეგ მან სახელი ჩემთვის (და — არა მარტო ჩემთვის!) დაკარგა. მას შეიძლება მხოლოდ ზენოლება ჰქონდეს, რის შესახებაც — ქვემოთ.

არადა, ბაქრადის მიმდევრობაზე დებდა მანამდე თავს ეს მართლაც იუდა. იქნებ, ახლაც ხელს აწერდეს პეტიციას — მთანმინდაზე ავასეენოთ ბატონი აკაკიო.

არც გამიკვირდება მისი უტიფრობა — რეალურ თუ პოტენციურ მკვლევლებს ხომ თავიანთი მსხვერპლის ქელებში უყვართ თამადაობა. ასევე, ჭუმბურიძე სირცხვილით სორომი უნდა ჩამძვრალიყო, ის კი გაზეთ „თბილისის“ რედაქტორის საყარძელში გამოიჭიმა.

აფსუს, „თბილისო“, როგორ დაგიმგვანა ჭუმბურიძემ — უსახური, უფერული, უჩინარი გაგხადა და ხმაც საეჭვოდ დაგინვრილ-გაგინაზა. მოკლედ, დაუმარხავ მკედარს დაგამსგავსა, ძლივს რომ დალასლასებს. ერთადერთი, თვითონ ჩაპუტკუნდა, შენ კი დაგამჭლევა.

სწორედ ამ ჟურნალისტიკა მაძაგა მე და შეაქო მამა-შვილი ჩხვიძეები ბატონ თამაზ ქველაძის სტატიამი („საქართველოს რესპუბლიკა“, 21.III.2000).

გულწრფელ მადლობას მოვახსენებ ბატონ ქველაძეს ამ მასალის პუბლიკაციისათვის — ღმერთმა დამიფაროს, რომ ჭუმბურიძემ მე მაქოს.

იმის მადლობელიც ვარ, „საქართველოს რესპუბლიკაში“ რომ დაიბეჭდა და არა „თბილისში“: ბევრმა უნდა იცოდეს, რომ ჭუმბურიძე მე მაძაგებს, ოთარ და როსტომ ჩხვიძეებს კი აქებს.

თავად ბატონი თამაზ ქველაძე მე „ომეგა“- „ელიზის“ სასამართლო რეპორტაჟებიდან დამამახსოვრდა და მის ამ წერილში ჭუმბურიძის გადაფორება ჩხვიძეებზე ცუდად მენიშნა: როგორც რუსები იტყვიან — **ДЕЛО ПАХО ТАБАКОМ.**

ისე, როსტომის დაცვა ჭუმბურიძისაგან არ გამკვირვებია — ცნობილია, ამ ყაიდის ადამიანები ერთმანეთში მტკიცედ იკვრებიან და სოლიდურნიც არიან...

სხვა ნურაფერს იფიქრებ, მკითხველო, მე მხოლოდ ბოროტ ძალებზე მოგახსენებთ, რომლებიც, თუ ტოლსტოის მაქსიმას ვერწმუნებით, კეთილი ძალებისაგან განსხვავებით, ადვილად და მტკიცედ უქაეშირდებიან ერთმანეთს.

წინა წერილში ვწერდი, მამა-შვილო ჩხვიძეებო, „ხელის ჭუჭყთან“ ერთად თქვენ „ხელის ბიჭები“ და, ასე ჩანს, „ხელის გოგოებიც“ გიშოვიათ-მეთქი. ამავე დროს, თავისი „ოტარიდის კრახით“ როსტომ ჩხვიძემ თავად დაადასტურა, რომ „ლიტერატურულ საქართველოს“ რედაქციამი იგი ერთმანეთს უთავსებდა „ნასედკობას“ და „ხელის ბიჭობას“. ყვარყვარიკოს ახლანდელი სიძულვილი გაზეთის რედაქტორისადმი სწორედ ამის დასტურია — „ხელის

ბიჭებმა" ზურგში იციან ყოფილი პატრონისათვის მახვილის გაყრა. ისიც ლოგიკურია, რომ თავად „ხელის ბიჭს“ როსტომს თავისი „იმერლის ბიჭი“ გაუჩენია ქუმბურიძის სახით. „ხელის ბიჭის“ „იმერლის ბიჭი“ კი რაღა იქნება? როგორც საბა ბრძანებს, „მხველის მხვევალს“ მატრაკვეცი ჰქვია — განწული სილის ხმიანობა. აი, ზენოდებაც ქუმბურიძისა, ამ თანამედროვე ნაცვლიშვილისა, ვინც ილიას ხუთას თუმნიანი ქურქი ნამოასხა თავის პასკვილში და ბრბოს საჯიჯგნად გაიმეტა.

მატრაკვეცი-ქუმბურიძეს კი ისევ აკაკის სიტყვებით მივმართავ:

*„შენ რისთვისაც ხევანცარიკობ,
კი შეგატყვეთ, არ ვართ ბრმაო,
ვისგანაც ხარ მოგ ზაენილი,
ყურმოჭრილი მონა-ყმაო“.*

მოკლედ, ნუ გვაბრძანებთ მატრაკვეცი — თვალში ნურც ნაცარს გვაყრის და ნურც თამბაქოს ბოლს გვაფუილებს. თამბაქო რა შუაშიაო, თუ იკითხავთ, შუაში კი არა — თავშია.

ახლა ორიოდ სიტყვა ოთარ ჩხეიძის ამონაკენესზე: „შენც — ვილენ!“ („საქართველო“ N 71, 2000). ამ ბოლო ხანებში ვისაც არ უნდა სწერდეს იგი გულისამაჩუყებელ უსტარებს, ვითომ სასხვათაშორისოდ, მაგრამ ქოქოლას ძირითადად მე მყარის. აქაც ჩივის: „ლიტერატურული საქართველოს“ თანამშრომლებმა მყისვე მომაცოლეს უღირსი ნათხზვევი მწერალთა კავშირის ყოვლად ღირსეული წევრისა, შეზღუდული პასუხისმგებლობის პიროვნებისა (შპპ) — კეაჭანტირაძისა“. პასუხისმგებლობა, თუნდაც შეზღუდული, მაინც სჯობს შეუზღუდავ უპასუხისმგებლობას, სწორედ ამიტომ მამაშვილისაგან, ამ შეუზღუდავი უპასუხისმგებლობის ტანდემისაგან (შუტ) ანუ „შუტებისაგან“ უკვე აღარანაირი ნიხლი აღარა მწყინს — ცნობილი ქართული ანდაზის პრინციპით ვცხოვრობ.

ერთი დეტალიც ყვარყვარიკოს პორტრეტისათვის. როსტომ ჩხეიძე, თავისი ჭკუით, გვაშინებს:

„ცხელ გულზე პირობა მაქვს დადებული, რომ კალამს გვერდზე გადავლებ და გუთანს მოვიკიდებ ხელს“...

ჰმ, გუთანს, თორემ შენც ხოდაბუნები არ გადააშავო... და ელის ყვარყვარიკო, რომ მთელი ქართული მწერლობა — თუმცა, რის მწერლობა — მთელი საქართველო შეიფუთება: ნუ, როსტომ, ჩვენი უბედური მწერლობის ერთადერთი პატრონო, ნუ გვიზამ ამასო... ისე, კალამს თუ გააგდებს ბატონი ჩხეიძე, ვურჩევ, ცხელ გულზე სახურავზე ნუ შეაგდებს, თორემ, კახური ანექლოტისა არ იყოს, კრამიტებს შეიძლება სულ რაკა-რუკი აუყენოს.

დასასრულ, საერთო შტრიხი ფარისეველი მამისა, ყვარყვარიკო ძისა და

მატრაკეც-რედაქტორისა: თქვენ ვერც გამსახურდიას უერთგულეთ და ვერც ბაქრაძეს; თქვენ ვერც ღმერთს ემსახურეთ და ვერც მამნონას; ვითომ აქეთაც ხართ და იქითაც, მაგრამ მუდამ „სათავისო“ მხარეს დგახართ. სწორედ თქვენ-ნაირებზე ბრძანა უფალმა: „არცა გრილი ხარ, არცა — ტფილი, არამედ ესრეთ ნელტფილი ხარ და მეგულეების აღმოგდება შენი პირისაგან ჩემისა“.

„ლიტერატურული საქართველო“, 31.3.2000

ეფვატიკური „ა“

წერილი მეოთხე

ამთავითვე მოგახსენებთ, ძვირფასო მკითხველო, ყოველგვარი მიეთ-მოეთის გარეშე: როსტომ ჩხეიძის ნათხვევთა კითხვა-დაგემოვნება ჩემთვის დიდი ვერაფერი სიამოვნებაა — მე არ მივეუტუნები იმ გურმანთა რიცხვს, საკუთარ გესლში მოხრაკულ მორიელს რომ სიამოვნებით აკნატუნებენ, როგორც დელიკატესს.

არადა, მიწევს ამ ნათხვევთა წაკითხვა...

სხვა თუ არაფერი, საჯაროდ განვაცხადე (იხ. წერილი „ჭუა“, „ლიტერატურული საქართველო“, 3.III.2000):

„ყვარყვარი ზმის შემთხვევაში უნდა გადაეუხვიო ჩემთვისაც სახელმძღვანელო პრინციპს — „არ ეკამათო რეგენ კაცს“ — და ვალიარო: „ყვარყვარეთის“ ბინადართ — ამ შემთხვევაში, მამა-შვილ ჩხეიძეებს — პასუხს არასდროს დავამადლო“.

არც დამიმაღლებია აქამდე, მაგრამ, ახლა, მთლად „ყვარყვარიკოლოგობასაც“ ნუ მომთხოვთ: მამა-შვილ ჩხეიძეებს გრაფომანების უკურნებელი სენი — აზრის შეუკავებლობა — სჭირთ და, რამდენ სიგლახესაც როსტომის ლაგამმიშვებული კალამი გადმოანთხევს, ყველაფერს მე სად ვსდიო...

თუმცა პატარ-პატარა შეხმიანება ყვარყვარიკოს დიდ-დიდ სისულელეებზე მაინც მომიწევს.

* * *

დავინწყით იმით, რომ როსტომ ჩხეიძემ თავისი მამის ოთარ ჩხეიძის მწერლური ორეული, უფრო სწორად — სიამის ტყუპისცალი, აღმოაჩინა: ისიც ოთარი, ოლონდ — ჭილაძე.

მაგრამ სანამ ამას მიაკვლევდა, მანამ უმცროსმა ჩხეიძემ, კრიტიკოს-დეტექტივმა, გამოიძია და დაადგინა, რომ უფროს ჩხეიძეს თურმე სისტემატურად და შედეგიანად ქურდავდნენ; რომ — „ოთარ ჩხეიძის ნოველა „ნისლა“ არის შთამაგონებელი, ერთი მხრივ, რევაზ ინანიშვილისა და ოტია იოსელიანის ნოველებისა, მეორე მხრივ კი არჩილ სულაკაურის რომანისა „თეთრი ცხენი“... ნოველებში ფინალი მეორდება, რომანში — სიმბოლიკა“; რომ — ჯერჯერობით პატრონი არ უჩანს დამწყებ ლიტერატურულ ჯიბგირს გივი გოგიჩაიშვილს, პატრონი, რომელიც მას ყურს აუნევს: „ოთარ ჩხეიძის ეტიუდი „დედა“ გადაგიღია და შენად ასალებო“... რომ — გურამ დოჩანაშვილზეც იგივე ითქმის, რაც რეზო ჭეიშვილზე, რომელიც „ამავე მწერლის (ანუ — ოთარ ჩხეიძის, თ.კ.) სტილური მანერითაა დავალებული“ (იხ. როსტომ ჩხეიძე, „მანამდისინ თუ თმას გადავივარცხნი“, „ჩვენი მწერლობა“ N4).

მოკლედ, ვისაც არ ეზარება, ყველანი — „რამკიანი“ ქურდები თუ „რამკის მაძიებელი“ ბაცაცები — რალაცას ეზიდებიან ოთარ ჩხეიძის ლიტერატურული სეიფიდან: ზოგი — ფაბულას, ზოგი — სიუჟეტს, ზოგი — დასანყისს, ზოგი — ფინალს, ზოგიც — სიმბოლიკას და ათას ამგვარ წერილმანს; ესაა ოლონდ — ყველაზე „მსხვილმანს“, ყველაზე ფასეულს, ყველაზე მთავარს, ოთარ ჩხეიძის პოეტური სულის ყველაზე არსებით გამოვლინებას — ემფატიკურ „ა“-ს ვერაფერ შეჰბედა და ქურდული ხელი ვერ შეახო: ხომ დიდად თითებგანაფული ოსტატები იყვნენ და არიან რევაზ ინანიშვილი, არჩილ სულაკაური, ოტია იოსელიანი, რეზო ჭეიშვილი, გურამ დოჩანაშვილი; ხომ ძალზე პერსპექტიული მაძიებელი ჩანს „რამკისა“ გივი გოგიჩაიშვილი, რომელსაც არა მარტო მოუპარავს ოთარ ჩხეიძის ეტიუდი, არამედ სარფიანადაც გაუსაღებია, მაგრამ მათგან ვერც ერთმა ემფატიკურ „ა“-ს, ოთარ ჩხეიძის ამ საჯილდაო ქვას, ძვრაც ვერ უყო, არამცთუ — მოიპარა: კრუხივით გახლდათ ბატონი ოთარი გადაფოფრებული თავის ემფატიკურ „ა“-ზე, თავის ერთაზე.

და, ჰოი, საოცრება: გამოჩნდა ოთარ ჭილაძე, ქართველი იგორ კიო, რომელმაც ეს ლეგენდარული „ა“ ისე გააქრო და ააორთქლა, გინდა კაცისთვის ილლიიდან ბალანი ამოვეცალოს... სხვა ყველაფერი ხელუხლებლად დაიტოვა ოთარ ჩხეიძის ნაწერებიდან, ეს ემფატიკური „ა“ კი გააუჩინარა და თავი თამამად გამოაცხადა ავტორად — ოთარ ჭილაძედ.

მაინც, რა ყოფილა ეს ემფატიკური „ა“! დაურთავ ფრაზას — ოთარ ჩხეიძე ხარ, მოაცილებ და — ისე იქცევი ოთარ ჭილაძედ, კაციშვილი ვერ მიხვდება, სინამდვილეში ოთარ ჩხეიძე რომ ხარ.

მაგრამ, ვერ მოგართვით!

მაინც რა არის პროფესიონალი კრიტიკოს-დეტექტივის თვალი! როსტომ ჩხეიძემ უმაღ ამოიცნო ნაქურდალი და დაექაღნა კიდეც ოთარ ჭილაძეს:

მამაჩემის ემფატიკურ „ა“-ს, ყველას უკლებლივ, თავ-თავის ადგილებზე რომ დაგაბრუნებინებ, ემაშინ გამოჩნდება, ოთარ ჭილაძე კი არა, ოთარ ჩხეიძე რომ ხარო.

არ გეხუმრები, მკითხველო, ყვარყვარიკო ჩხეიძე შავით თეთრზე წერს, ოთარ ჭილაძე თავს იმდენად ვერ აღწევს მამაჩემის, ოთარ ჩხეიძის, გავლენას, რომ —

„მის ფრაზებს ემფატიკური „ა“ რომ მიეუმატოთ, ველარც გამოარჩევთ ოთარ ჩხეიძის სტილისაგან“ (იქვე)...

და რამდენადაც ძველი ჭეშმარიტება — „მწერალი არის სტილი“ — ჯერ სადავოდ არავის გაუხდია, ამდენად, როსტომ ჩხეიძის მიხედვით, ორი ოთარის განმასხვავებელიც ეს მრავალტანჯული „ა“ ყოფილა, ანუ ჩხეიძე მინუს ჭილაძე ემფატიკურ „ა“-ს „ნადრებალა“:

„ამის დამტკიცება სახელდახელოდაც არ გაძნელდება, თუკი ცალკეულ პასაჟებს შევუპირისპირებთ ამ მწერალთა რომანებიდან...“ ოლონდ ამ საქმესო, იმუქრება ლიტერატორ-გამომძიებელი, „გადავდებ იმ დროისათვის, როცა არგუმენტებითა და ვრცელი საილუსტრაციო მასალით დავადასტურებ ამ მოსაზრების სისწორეს“ (იქვე).

ამრიგად, როსტომ ჩხეიძე გვიპირდება, ჭილაძის ფრაზებს ემფატიკურ „ა“-ს დაეუმატებ და ხელთ მეორე ჩხეიძე შემრჩება, სახელის შეცვლაც არ დამჭირდებაო; მოკლედ, ოთარ ჭილაძის ლიკვიდაციის ხარჯზე მეორე ოთარ ჩხეიძის კლონირებას გვიპირებს.

ნუ გვიზამ ამას, როსტომ-ბატონო!

ნუ გვიზამ, მამავ და მარჩენალო!

ჯერ ერთი რა არის და ორი ოთარ ჩხეიძე ნამეტანი იქნება ამ ჩენი — როგორც შენ ბრძანებ — გაუბედურებული მწერლობისათვის, რომლის ერთადერთ პატრონად — ისევ შენ დაგესესხები — შენლა დაგვრჩენიხარ...

შენ იქნებ ის გაგვიშანსო, რომ მამაშენის ფრაზებს ჩამოაცილო ეს საკრალური ემფატიკური „ა“ და ქართულ ლიტერატურას მეორე ოთარ ჭილაძე მოუვლინო.

ეჰ, მეტი არ იყოს ჩემი მტერი, ემფატიკური „ა“-ს ჩამოცილებაო ოთარ ჩხეიძე ოთარ ჭილაძედ ვერ აქციოს.

ისე, მკითხველს შეეახსენებ, რომ ეს მრავალტანჯული ემფატიკური „ა“ სხვა არა არის, თუ არ — ბრუნვის ნიშნის მოკრძალებული სავრცობი „ა“, რომლის დართვა-დაურთველობა სიტყვის მნიშვნელობას არ ცვლის; მაგალითად, „გიჟი ნებას მიუშვი და თვითონ გადაეყრება ვნებას“ — ემფატიკური „ა“-ს გარეშე, „გიჟი მიუშვი ნებასა, თვით შეეყრება ვნებასა“ კი — ემფატიკური „ა“-თი, მაგრამ, დამთხვეული კაცი რომ ფათერაკს გადაეყრება, ეს შინაარსი ორივეგან უცვლელი რჩება.

ახლა, გამოძძიებელი როსტომ, რახან ასე გულდაგულ ეძებ ლიტერატურულ ქურდებს, ერთ ასეთ ბაცაცას აქვე გაპოვინებ:

კრიტიკოსმა თამაზ ნივნივაძემ ამ ოციოდე წლის წინათ „ლიტერატურულ საქართველოში“ გამოაქვეყნა წერილი, სადაც მწერალ ვლადიმერ თორდუას ერთ მინიატიურას სიტყვათა „ირონიული ჩანაცვლების“ ხერხით განიხილავდა; აი, ეს მინიატიურაც:

ბუნებამ არ იცის ძალა, რომელსაც გაზაფხულის შეჩერება შეეძლოს.

კრიტიკოსს უკვირს, რა მოეწონა მავანს ამ ყოვლად ბანალურ აზრშიო და აგრძელებს:

„ახლა სახელდახელოდ შეეადგენ ამდაგვარ მინიატიურებს, რომლებიც ძალიან ემგვანება და არაფრით ჩამოუყარდებიან თორდუასეულ აფორიზმებს არც „კონსტრუქციით“ და არც გადმოცემული შინაარსით!

აი, ჩემი მინიატიურები:

ბუნებამ არ იცის ძალა, რომელსაც ზამთრის შეჩერება შეეძლოს!

ბუნებამ არ იცის ძალა, რომელსაც შემოდგომის შეჩერება შეეძლოს!

და კრიტიკოსი ასკვნის:

„ძვირფასო მკითხველო! მე ისე ვერ გავკადნიერდები, მსგავსი მინიატიურების“ შედგენა „საშინაო დავალებად“ შემოგთავაზოთ, თორემ ძნელი კი არაა, როცა მოიცლით, ზემოთ მოტანილ თორდუასეულ და ჩემეულ მინიატიურებში შეცვალეთ სიტყვები: „გაზაფხული“, „ზამთარი“, „შემოდგომა“; მათ ნაცვლად ჩაწერეთ: „გრიგალი“, „ზეაეი“, „სეტყვა“, „ტაიფუნი“ და ა.შ. ამ მარტივი მანიპულაციის შემდეგ თქვენ ერთბაშად გახდებით მშვენიერი მინიატიურების ავტორი“.

ახლა ამ ნაწყვეტს შევუდაროთ ახლახან გამოქვეყნებული ბატონი N-ის წერილი (სანამ მისი ქურდობა არ დაგვიმტკიცებია, ბატონო როსტომ-გამომძიებელო, უდანაშაულობის პრეზუმპციიდან გამომდინარე, N-ის გვარის „გაშიფვრას“ მოვერიდები), სადაც N-ი ცნობილი პოეტის სტრიქონებს — „აის ღრუბლები მიყვარან, თარიგონზე რო დიანო“, ხალხურ პირველწყაროს „აღმოუჩინს“ — „აის ღრუბლები მიყვარან, ბერულაზე რო დიანო“ და, ამით ალტაცებული, ირონიულად აგრძელებს, გაუხდები თუ არა მეც მშვენიერი პოეტური სტრიქონების ავტორი, უცნობი პოეტის „ბერულას“ და ცნობილი პოეტის „თარიგონს“ თუ ჩაუუნაცვლებ ჩემს „იალბუზს“?

„არადა, რა კარგად ჟღერს:

— აის ღრუბლები მიყვარან, იალბუზზე რო დიანო.

სხვაც შემოძლია:

— აის ღრუბლები მიყვარან, მყინვარწვერზე რო დიანო.

კიდევ სხვაც:

— აის ღრუბლები მიყვარან, ბახმაროზე რო დიანო”.

დიდი დაკვირვება არც სჭირდება იმის შემჩნევას, თუ როგორ აუნაპნია N-ს კრიტიკოსის „სიტყვათჩანაცვლების“ ეს ირონიული ხერხი.

და მაინც, ვინ ბრძანდება, ბატონო როსტომ, ეს ქურდბაცაცა N-ი, ასე უცერემონიოდ რომ აფათურებს ხელს სხვის წერილში?

ვინა და — თქვენ ბრძანდებით, როსტომ ჩხეიძევ, ლიტერატურული ქურდების მადევიარო ლიტერატურულ პოლიციელო... უფრო ზუსტად — მოლიტერატორო „შპიკო“. სწორედ თქვენ უთავსებთ ერთმანეთს ქურდობის ზედამხედველობასა და ქურდობას.

გიკვირს, მკითხველო? თუმცა დღეს ვილას უნდა გაუკვირდეს, ქურდების მადევიარი პოლიციელი თუ ობერ-ჯიბგირი აღმოჩნდება?!

სხვათა შორის, როსტომისგან „დაზარალებულმა“ თამაზ ნიენივაძემ იმ თავისი „სიტყვათჩანაცვლებით“ უფრო ეფექტური „დარტყმა“ მოამზადა იმავე წერილში: თავის ოპონენტის მაღალფარდოვან ფრაზას — მწერალთორდუას სიტყვა ხშირად მინისძვრის დასაწყისს გვამცნობსო — სქოლიოში ასეთი შენიშვნა მიაყოლა:

„სიტყვა „მინისძვრამ“ მაცდუნა. ნება დამრთეთ, ერთი თორდუასეული მინიატიურა სქოლიოში შევექმნა: ბუნებამ არ იცის ძალა, მინისძვრის შეჩერება რომ შეეძლოს“.

მთელი მარილი, ირონიის მთელი მულამი სწორედ ამ „დარტყმაშია“ — თორდუასეული „შედევრები“ უკვე სქოლიოში იქმნება.

ასეთ „დარტყმას“ თქვენ, ბატონო როსტომ ჩხეიძევ, ვერასოდეს მოიფიქრებთ.

თქვენ, შეიძლება, ფორმა, ხერხი, ყალიბი მოიპაროთ.

ნიჭს ვერ მოიპარავთ...

და, თქვენდა სამწუხაროდ, ვერც იყიდით.

„ლიტერატურული საქართველო“, 1.9.2000

საქმით იხანით

წერილი მეხუთე

ორი ძველი ტელეგამოსვლა ახალი თავ-გოლოთქმით

თავთქმა

თავს არც გაცოდებ და არც განონებ, მკითხველო, მხოლოდ ფაქტს აღე-ნიშნავ: „ყვარყვარეთის“ მკვიდრთა ანუ სხვადასხვა ჯურისა და მასშტაბის ყვარყვარეების „ყურადღება“ არასოდეს მომკლებია. რალა არ დაუბრალები-ათ ამ ვაუბატონებს ჩემთვის: კალამგამზიარულებულმა ფარისეულებმა მა-მა-შვილმა ჩხეიძეებმა ბაზალეთის აკენის თურქეთში „კონტრაბანდად“ გა-ტანა დამნამეს (არადა, „ომეგას“ სიგარეტითა შეპოლილ ჩხეიძეთა კლანი მწერლობაში ცრუობს, თორემ კონტრაბანდის საქმეში მას სიზმარიც დაე-ჯერება); „საქართველო უპირველეს ყოვლისა“-ს ანუ სუყ-ის ცნობილმა აქ-ტივისტმა, წმინდა სისხლის ქართველმა გურიანთელმა შარაძემ — კონსტან-ტინე გამსახურდიას ეროვნულობის რეკვიზიტში „ქართველი“ შენ ამოუშა-ლე და შიგ „სომეხი“ ჩაუნერეო — „მამხილა“, თანაც მრავალგზის, პრესით.

მე მიკამათია ნიჭიერ, თუმცაღა უზნეო ხალხთან; უნიჭო, მაგრამ წესიერი კაცისთვისაც მიპასუხია; ნიჭიერ ღირსეულ ხალხთან, ჩვეულებრივ, სადა-ვოც ნაკლებად მაქვს; აი, უნიჭო გარეწრებთან პოლემიკას კი ვერიდები. სამ-ნუხაროდ, ამ პრინციპს, გარემოებათა გამო, ყოველთვის ვერ ვიტაცე. სუყ-ის აქტივისტებს მე, ჩვეულებრივ, არ ვეკამათები: ცილისმწამებლებს კარგა ხა-ნია მივუხვდი ვირეშმაკობას — ჭორის საჯარო გაბათილება, ვაგლახ რომ, ამავე ჭორის გაერცვლებას უწყობს ხელს და მათაც ხომ სწორედ ეს უნდათ. მე შენ გეტყვი, კანონის წინაშე შიში და კრძალვა შეაჩერებთ! საგულისხმოა: პრესის შესახებ კანონის მიღებას მართო „მეყვითლებული“ პრესა როდი ენი-ნაალმდებება — არც მოპოლიტიკოსო ცილისმწამებლებს აძლევთ ხელს სა-კანონმდებლო დაარტახება პრესით ჭორიკანობისა. რა ვუმტკიცო ახლა მე შარაძეს, სუყ-ის ჭორიკანა აქტივისტს — მწერალი გამსახურდია ქართველი არის-მეთქი ანუ — ორჯერ ორი რომ ოთხია? თუ — მე არ დამიბრალებია კონსტანტინე-ბატონისათვის სომხობა-მეთქი, თითქოს ვისამე „სომხობა“ დასაბრალებელი რამ ცოდვა იყოს?! იქნებ, არც ახლა ღირდეს კალმის გასვ-რად ყვარყვარეთა ჭორების გაბათილება, მაგრამ, დახეთ ნაბეჭდი სიტყვის ძალას — უფრო ამ ძალის ძველ ინერციას, თორემ ახლა ისე გაგვიიაფეს სენ-საციები, რომ დანერონ, ქართველმა პალეონტოლოგებმა, „დმანისის ადამი-ანის“ აღმომჩენებმა, ამჯერად „გურიანთელი ადამიანი“ აღმოაჩინეს, რო-მელსაც ტვინი მენჯის ძვალში ჰქონიაო — „აჰა, მაი აფერია“, არც გავიკვირ-

ვებთ... დახე-მეთქი, მკითხველო, ნაბეჭდის ძალას — ღირსეული ხალხიც ცდუნდა და დაიჯერა ეს ჭორი. ერთ-ერთმა მათგანმა „საქართველოს რესპუბლიკაში“ დაბეჭდა კიდეც — ჩვენ ჯანსულ ჩარკვიანისა და თამაზ კვაჭანტირაძისთვის პასუხი მაშინ უნდა მოგვეთხოვა, კონსტანტინე გამსახურდია სომხად რომ გამოაცხადესო... აი, რა ეფექტით უმუშავია „აქტივისტთა“ ცილისწამებას! ჯანსულმა ამას მაშინვე ღირსეულად უპასუხა, ახლა, ეტყობა, მეც მომინევს სუყ-ის ჭორიკანა აქტივისტისაგან მოტყუებულ წესიერ ხალხს აგისხნათ საქმის ჭეშმარიტი ვითარება, თანაც — დოკუმენტურად.

საქმე კი ასე იყო: 1992 წელს, გაგანია შინააშლილობისა და აფხაზეთის ჩვენგან ნაგერის უამს, გროზნოში გაიმართა მთიელ ხალხთა კონფედერაციის თავყრილობა, რომელშიც აქტიურად მონაწილეობდა დამხობილი და გროზნოს შეკედლებული საქართველოს ხელისუფლება. ტელევიზიამ ოპერატიულად გვიჩვენა ამის ამსახველი დოკუმენტური მასალა. ალბათ, გახსოვთ, მთიელებზე მეტი დაჟინებით ნახელისუფლარი ქართველები გვიმტკიცებდნენ გროზნოდან: ქართულ-აფხაზურ კონფლიქტში მართალი არძინბაა, იქ მებრძოლი ქართველები კი აგრესორები არიანო; მეტიც ითქვა — „ხუნტის“ მომხრე თბილისი გაეროში ერთიანი საქართველოს სახით არც უნდა მიეღოთ, იქ „ხუნტის“ მოწინააღმდეგე კახეთი, იმერეთი, სამეგრელო დამოუკიდებელ სახელმწიფოებად უნდა გაენეგრიანებინათო. სწორედ ამ „მარგალიტების“ ტელეკომენტირება გვთხოვეს რამდენიმე კაცს. მე ორჯერ მომინია მაშინ გამოსვლა. ჩემს არქივში (იმედია, ტელევიზიის არქივშიც) შემონახულია ჩემი ტელეკომენტარის ფირი; ეს მასალა აქამდე არსად დამიბეჭდავს, ახლა პირველად გთავაზობთ ამ ორივე გამოსვლის შემოკლებულ ტექსტს* და პირუთვნელი მკითხველი თავად დარწმუნდება, თუ როგორ ურცხვად მოუწერიათ ჩემთვის სუყ-ისა თუ სუკ-ის გამოცდილ აქტივისტებს თავიანთივე შეთხზული ჭორი გამსახურდიათა გვარის არაქართული წარმომავლობის შესახებ.

აი, პირველი ტელეგამოსვლის ტექსტი, რომელიც, უპირიანია, ასე დავასათაუროთ:

ტვინდაცვეთილნი

...რა კომენტარი შემიძლია გაუუკეთო იმას, რაც ტელეეკრანზე ვიხილეთ? მოგეხსენებათ, ოუდეველთა მსგავსად, მაკმადიანებსაც აქვთ წინადაცვეთის ნესი — ერთი ორგანოდან მცირე ნაწილის წაცლა. დარწმუნებით ვერ ვიტყვი, გროზნოში გადახვენილმა ჩვენმა ძველმა მთავრობამ წინადაცვიითა-მეთქი, მაგრამ „ყოფილებმა“ ტვინი რომ დაიცვიეთეს, ამას წყალი არ გაუვა. ტვინდაცვეთილის გარდა ვისი თავიდან შეიძლება დაიბადოს ის აზრი, ახლა ტელეეკრანიდან

* სრული ტექსტი იბეჭდება ამავე ნიგნის 378-383 გვერდებზე (რედაქტორის შენიშვნა).

რომ მოვისმინეთ: რახან თბილისი მხარს უჭერს ახალ ხელისუფლებას, რახან თბილისის „ხუნტა“ გაეროს, თურმე ნუ იტყვი, მილიანი საქართველოს მთავრობად უცენია და საქართველო გაეროში მოუღია, ამიტომაც კახეთმა, იმერეთმა, სამეგრელომ... და ა.შ. — თავი დამოუკიდებელ სახელმწიფოებად, უფრო სწორად — სამეფოებად უნდა გამოაცხადონ და გაეროშიც დამოუკიდებლად უნდა განეკრიანდნენ... აფერუმ, ქართული ეროვნული ხელისუფლების ეროვნულ ნარგომადგენლებო, აფერუმ, მზია-ხანუმ ჯეჯელავა-საფაროვა-შერვაშიძე, აფერუმ, გიორგი მარჯანიშვილო, გამსახურდიას რუპორო, უფრო სწორად — ქვევრო ცარიელო... და ათგ ზის აფერუმ, „პირველი ეროვნული პრეზიდენტი“... დაინანილეთ, არა, „ქართლ-კახეთად, იმერეთად, გურიად და სამეგრელოდ“ ის, რაც დღეს მებრელისა და ყველა ნორმალური ქართველისათვის ერთიანი, განუყოფელი სამშობლოა — „საყვარელი საქართველო“?! მაინც, ვინ რა ნაწილი ირგუნეთ, რა ტერიტორია ჩამოიჭრით სათაეისოდ, ტახტები სად დაიდგით, ყვარყვარე თათქარიძეებო? პრეზიდენტყოფილი საქართველოს რომელი ნაჭრის მეფედ უნდა ეკურთხოთ, ეს მეტ-ნაკლებად გამოიკვეთა, თუმცა, მისი ხასიათი რომ ვიცე, დადიანობას ის მაინც იცოტავენ და მზერას, ალბათ, ქართლს მიაპყრობს, ქართლის მეფის გვირგვინს მოიზმანებს, მით უფრო, რომ, თუ თვითონ ბატონ კონსტანტინეს მოგონებებს ვერნმუნებით, გადმოცემით, გამსახურდიათა გვარი, თურმე, ქართლელ გამსახურდაშვილებს უკავშირდება. ისტორიულ წყაროებზე დაყრდნობით კი მოუთითებენ გამსახურდაშვილების შორეულ წინაპარს — მძოვრეთელ გამსახურდ ტერტერაშვილს... ტყუილად როდი აყვირებდნენ ხალხს — ბავრატონთა სისხლი გადაიღალა და უნდა განეახლოთო — ეტყობა, გამსახურდ ტერტერაშვილის ჩამონავალთა სისხლით უპირებენ განახლებას...

მე შენდობას ვითხოვ დიდი კონსტანტინე-ბატონის სულის წინაშე, ვინც, მართლაც რომ, სამგ ზის გადატრიალდებოდა ჯავრით საფლავში გროზნოს ამბების გამგონე.

ერთ უნარს კი ვერ დავუკარგავ ვერც პრეზიდენტყოფილსა და ვერც მის „ჰამქარს“: რამდენჯერ მიფიქრია, მეტი რალა უნდა თქვან ან რალა უნდა ქნან, მეტი თ კიდევ რითლა უნდა გაგვაოგნონ-მეთქი... მაგრამ — არა; ყველაფერს აქვს საზღვარი — უნამუსობას არა ჰქონია სამანი. დღეს რომ კაცი, ნახელისუფლარი კაცი, საჯაროდ განაცხადებს — ის ჩვენები და ადიღელები, ვინც აფხაზეთში ქართველთა სისხლსა ღერის, იქ მებრძოლ ქართველებზე უფრო ზნეობრივი და სამართლიანი ხალხია, არძინბა კი მართალია ქართულ-აფხაზურ კონფლიქტში, ის კაცი ხატ ზეა გადასაცემი. ვიმეორებ, ამას რომ დღეს, გაგრის სტადიონზე ქართველთა მოჭრილი თავებით ბურთაობის შემდეგ, იტყვი კაცი, ის, ილიასი არ იყოს, აღარ ვიცით, რა სულიერებში უნდა ჩავრიცხოთ...

ეს კი მომდევნო ტელეგადაცემის ტექსტი გახლავთ:

გვარს კაცი ამშვენებს

სალამო მშვიდობისა, ბატონებო!

პირველ ყოვლისა, მადლობელი ვარ იმ ტელემაყურებლებისა, რომელთაც მიიჩნიეს, რომ ჩემი ამასნიდელი ტელეგამოსვლა მათივე ემოციების — და, საკმაოდ მძაფრი ემოციების — გამოძახილი და გამომხატველი იყო. სრულიად განსაკუთრებული ფასი ჰქონდა ჩემთვის კონსტანტინე გამსახურდიას ქალიშვილის, ქალბატონ ნათელა გამსახურდიასა და მისი ოჯახის ნევრების სამადლობლო სიტყვებს — მათზე უკეთ ვინ გამოიგებდა, პრეზიდენტყოფილის მიმართ ჩემს ასეთ უარყოფით ემოციებს, სხვა ობიექტურ მიზეზებთან ერთად, დიდი მწერლისადმი ჩემი კიდევ უფრო დიდი მონივნება რომ კვებავს.

ქართლის ტახტის მაძიებელთა შორის გამსახურდიას გვარისა და მისი სათაისის საგარაუდო დამდების ირონიულმა მოხსენიებამ, ვშიშობ, ერთგვარი გაუგებრობის ბურუსი წარმოშვა, რის გაფანტვასაც ახლა შევეცდები.

დავინყებ იმით, რომ —

ა) ბაგრატიონთა დინასტიის შეცვლაზე ანუ მათი „დაღლილი სისხლის განახლებაზე“ ფიქრიც კი მკრეხელობაა; ხოლო ვისგან მოდიოდა ეს „იდეა“, რა წრეში გაიგონებდით ამაზე საუბარს, ვინ ამზადებდა საამისოდ ნიადაგს, ვინ აწყობდა საპატრიარქოსთან ამის თაობაზე „აქციებს“, ეს არავისთვის არ უნდა იყოს საიდუმლო...

მაგრამ, თუ მონარქია საქართველოში ხალხის ნებით ოდესმე აღდგება, იგი, ცხადია, თითქმის ცამეტსაუკუნოვანი მეფობის ტრადიციისა და ყველაზე დიდი ისტორიული დამსახურების მქონე ბაგრატიონთა გვარით უნდა აღდგეს და, რომელი გვარიც უნდა იყოს ამაში მისი შემცილვე — დადიანი იქნება, ორბელიანი, გამსახურდია, ტერტერაშვილი, ღორინველაშვილი თუ კვაჭანტირაძე — ყველა დაიმსახურებს ირონიულ დამოკიდებულებას.

ბ) რაც შეეხება სამეცნიერო ლიტერატურაში გამოთქმულ ვარაუდს გამსახურდიათა გვარის კავშირზე ქართლელ გამსახურდაშვილებთან, რომელთა ერთი შტოს წინაპარი ძოვრეთელი გამსახურდ ტერტერაშვილი ყოფილა, ამას ვერავენ ჩათვლის გვარის შეურაცხყოფად: არც ამ თემაზე მომუშავე მეცნიერს, კონსტანტინე გამსახურდიას შესახებ მონოგრაფიის ავტორს*, და არც თვით ბატონ კონსტანტინეს, რომელიც ამ ვერსიის ერთ ნაწილს თავის ავტობიოგრაფიულ თხზულებაში ადასტურებს, რალა თქმა უნდა, გამსახურდიათა გვარის შეურაცხყოფა აზრადაც არ მოსვლიათ. სიტყვამ მოიტიანა და, „ლანდებთან ლაციცმი“ ავტორი იმასაც აღნიშნავს, გამსახურდიათა გვარი დანყველილი იყო აბაშელი ეპისკოპოსისაგან ამ გვარის ერთი წარმომადგენლის

* იგულისხმება ფილოლოგიის მეცნიერებათა დოქტორი სოსო სიგუა -- იხ. ს.სიგუა, კონსტანტინე გამსახურდიას პროზის სტრუქტურა, თბ., 1980, გვ. 77 (რედაქტორის შენიშვნა).

ულირსი საქციელის გამოო. მერედა — რა? მწერალი არ მორიდებია ამის აღნიშვნას, ვინაიდან იცოდა — შვილები პასუხს ვერ აგებენ მამათა საქციელზე...

სხვათა შორის — არც მამებს, მით უფრო — გარდასულ დიდ მამებს, უნდა ვაგებინოთ პასუხი სრულწლოვან შვილთა ცოდვებზე.

გ) კაცმა რომ თქვას, არც ტერტერაშვილი — ეს ლონიერი ქართული გვარი, ვიმეორებ, ქართული-მეთქი — გახლავთ ვინმესგან ტურჩის ასაბზუებელი. „ტერტერა“ რომ სომეხთა მღვდელს ჰქვია, ეს ისევე არაფერს გვეუბნება ამ გვარის მატარებელთა არაქართულ წარმომავლობაზე, როგორც თარხნიშვილების ქართველობას ეჭვის ქვეშ ვერ დააყენებს ის ფაქტი, რომ „თარხანი“ არაბულად განთავისუფლებულ ყმას ნიშნავს.

დ) საერთოდაც, გვარში მოქცეული შინაარსი კაცის ღირსებათა განსასაზღვრად ნაკლებად გამოდგება: ზოგ სამჭკუაშვილს ერთი კაცის ჭკუაც არა ჰქონია, ქათამაძე ზოგჯერ მამალაძეზე „მამალი“ გამომდგარა და თიკანაძეს კი ზოგი მგელაძე დაუფერენია.

ე) რაც შეეხება გვარის უღერადობას: უღერით, მე თუ მკითხავთ, თქართქარი უფრო უღერადია, ვიდრე — ჭავჭავი, მაგრამ, ვიკითხავ, თქართქარიდან მიღებული თათქარიძე უფრო უღერს, თუ — ჭავჭავიდან მიღებული ჭავჭავაძე? ასეა, კაცი უფრო ამშვენებს გვარს, ვინემ — გვარი კაცს.

ვ) დაბოლოს, გამსახურდიებს, კაცმა რომ თქვას, რა აქვთ გულდასაწყვეტი, მათ ხომ უკვე ჰყავდათ მეფე. მისი მეუფება არ ყოფილა ხორციელი — მას არც ბედაურების, არც კარეტების და არც მერსედესების კორტეჟი არ დააცილებდა, იგი არც შეიარაღებული ძალების უმადლესი მთავარსარდალი ყოფილა... მაგრამ იგი იყო მეფე პროზისა და ღირსეულად სარდლობდა სიტყვათა ლეგიონებს.

და სახელი ამ მეფისა — კონსტანტინე გამსახურდია: გამართლება არა მარტო ყველა გამსახურდიასი, არამედ — ყველა ქართველისაც.

ბოლოთქმა

სულ ამაოდ იფშენეტენ ახლა ხელებს სსუყ-ის აქტივისტი შარაძე და ძმანი მისნი — მაინც ხომ გამართლებინეთ თავი, მაინც ხომ მიგაცემინეთ ერთხელ კიდევ ბიძგი ჭორის ტალღის ასაგორებლადო.

მე უფრო სხვა მიზეზის გამო ჩაგეთრევიანეთ ამ პოლემიკაში, ყვარყვარეობო: ქვეყანა თავს გვემხოზოდა, საქართველოს დაქუცმაცების გეგმა საჯაროდ და ურცხვად ცხადდებოდა და ასეთ დროს ჩვენი საზოგადოების ერთი ნაწილი ამ ღია ღალატმა კი არ აღაშფოთა, იგი ააღელვა გამსახურდიათა წინაპრად ქართლელი გამსახურდაშვილების გვარის ერთ-ერთი სავარაუდო მესაფუძვლის გამსახურდ ტერტერაშვილის მოხსენიებამ. ესაა სწორედ სა-

ვალალო და თავში საცემი, ამ განწყობილებაში ძვეს, ჩემი აზრით, აფხაზეთში ჩვენი მარცხის საფუძველი! ქართველი საზოგადოების ამ განწყობილებაზე იმუშავეს ჩვენში მოქმედი „მეხუთე კოლონის“ აქტივისტებმა, რომელთაც ფაქტები — რუსთაველის პერიფრაზით — „პპოვეს და ჭორად გარდათქვეს, საქმე უქმნეს საჭოჭმანები“. ფაქტები კი ასეთი გახლდათ: „ლანდებთან ლაციციში“ კონსტანტინე გამსახურდია ადასტურებდა გვარში შემორჩენილ თქმულებას გამსახურდიათა ქართლიდან წარმომავლობის შესახებ; ბატონმა სოსო სიგუამ ისტორიულ დოკუმენტებში მიაკვლია ქართლელი გამსახურდაშვილების გვარის შესაძლო (ვიმეორებ — შესაძლო!) მესაფუძვლეს, მძოვრეთელ გამსახურდ ტერტერაშვილს (იხ. ს.სიგუა, კონსტანტინე გამსახურდიას პროზის სტრუქტურა, თბ., 1980, გვ. 77); მე ეს შესაძლო ვარაუდი მხოლოდ გავიმეორე — ეს იყო და ეს! უვიცობაზე დამყნობილმა ბოროტებამ კი სუყ-ისა თუ სუკ-ის აქტივისტთა სახით უმალ გაავრცელა დეზინფორმაცია, თითქოს „ტერტერაშვილი“ სომხური გვარი იყოს და, აქედან გამომდინარე, კონსტანტინე გამსახურდია მე სომხად გამომცეხადები-ნოს.

ისე, ამ ჭორის მთესველებსა და წმინდასისხლიანობის ფაშისტურ თეორიასთან მოკეკლუცეებს, გამსახურდიას ამ არამკითხველ „დამცველებს“, თვითონ ამ დიდი მწერლის მოსაზრებას გაეაცნობ ეროვნებაზე... და, ერთგვარი თავმონონებით იმასაც მოგახსენებთ, რომ ეს მასალა პირველი პუბლიკაციის სახით სწორედ მე დავბეჭდე ჩემი რედაქტორობით გამოქვეყნებული (იხ. „ქართული ენა და ლიტერატურა სკოლაში“, 1982, N3, გვ. 143), რომელიც საგანგებოდ მიუძღვენი გამსახურდიას ცხოვრებასა და შემოქმედებას.

მაშ ასე, მოვუსმინოთ კონსტანტინე გამსახურდიას:

„ვინ არ იცის, რომ ეროვნება ნებაყოფლობის ამბავია, ისე ეგებ ჩვენ ყველანი ზოგი არაბები ვიყოთ, ზოგიც — ესკიმოსი“.

ასე რომ, დაიმახსოვრეთ, მოფაშისტო ყვარყვარეებო, ეროვნება, უპირველეს ყოვლისა, პიროვნების ნებისა და თვითმეგნების გამოვლენა ყოფილა; დიახ, პიროვნების ნებაა, რომელ ერს, რომელ კულტურას მიაკუთვნებს იგი თავის თავს. სწორედ ეს ნება გახლავთ გადამწყვეტი და არა ის, თუ რას ჩაუნერს ახალდაბადებულს სუყ-ის მოხალისე პასპორტისტი შარაძე დაბადების მონუმბაში.

ისე, ეროვნების რეკვიზიტისა და ბევრ სხვა საკითხშიც „მეხუთე კოლონის“ გარენრებთან მოლაციცე ჩვენს ხელისუფლებას შევახსენებ — უზნეო ბავშვს გაუდის და იმიტირებს ტირის. საერთოდაც, პოლიტიკურ კახპებთან ვაჭრობა-გარიგებას ნურავინ შემოგვასალებს პოლიტიკურ დიალოგის ხელგონებად. მოქალაქე მრენველებისა თუ მრენველი მოქალაქეების საყურადღებოდ მოგახსენებთ: ყვარყვარეებს უფროთხის, უთმობს და — ემანდ,

არავის შემოეღობოსო — პირად დაცვას უნიშნავს მხოლოდ გაყვარყვარებული ხელისუფლება, თორემ ღირსეულმა პოლიტიკურმა ძალამ უნდა ინატროს სუყ-ის აქტივისტი შარაძე თავის მლანძღავ-მაგინებლად! იგი და ძმანი მისნი ხომ საზოგადოებრივი ლაკმუსის როლს თამაშობენ: თუ გულნრფელად გლანძღავენ, სწორ გზას სდგომიხარ... და — პირიქით! გულნრფელად-მეთქი, ხაზს ვუსვამ, თორემ ვირეშმაკა ყვარყვარეები, კვალის ასარევად, ათასში ერთხელ, საქებარსაც აქებენ და სალანძღავსაც ლანძღავენ.

ნაყოფითაგან იცანითო, სახარებაში წერია.

ხეზეა თქმული, თუმცალა, პირველ ყოვლისა, კაცნი და მათი საქმენი იგულისხმება: ვინ ვის ებრძვის, ვინ ვის უდგას მხარში... ამიტომ — საქმითაც იცანით!

„საქართველოს რესპუბლიკა“ 28 მაისი, 2001 წ.

რეპლიკის რეპლიკა

ყოველგვარი ირონიის გარეშე, პირველ ყოვლისა, გულნრფელ მადლობას ვწირავ „საქართველოს რესპუბლიკის“ რედაქციას, რომ ჩემი „ყვარყვარეთული“ ციკლის ვრცელი სტატია „საქმით იცანით“ ასე გაუჯანჯლებლად დაბეჭდა...

და, რომ იტყვიან, მონმენდილ ცაზე მეხის გავარდნას ჰგავდა უკვე მეორე დღესვე, მ ივნისს, ჩემს სტატიას მოდევნებული სარედაქციო რეპლიკა-მობოდიშება სათაურით — „რაც უცხოა ჩვენთვის“, სადაც წერია: „წერილი „საქმით იცანით“ გამოხატავს მხოლოდ და მხოლოდ ავტორის პოზიციას და არაერთარ შემთხვევაში — რედაქციისას“ (ხაზგასმა ყველგან ჩემია — თ.კ.).

კი მაგრამ, რა მოხდა, ერთ დღეში განა რა ისეთი კეთრი შეპყრია ავტორის პოზიციას, რომ ასე მკვეთრად გაემიჯნეიართ მას და პილატესავით ხელიც დაგვიბანია? ვინც სტატია ნაიკითხა, მას, ალბათ, ემახსოვრება, რომ ჩემი პოზიცია ძირითადად ხუთ თეზისს მოიცავდა: პირველი — დასაძრახია და ბოლო უნდა მოელოს პრესით ჭორიკანობას; მეორე — ასეთი ჭორიკანობა-ცილისნამების შედეგია პრესით გავრცელებული ჭორი კონსტანტინე გამსახურდიას არაქართული წარმომავლობის შესახებ; მესამე — მოლაღატური და შლეგური იყო 1992 წელს, მთიელ ხალხთა კონფედერანტების თავყრილობისას, დამხოზილი ხელისუფლების წარმომადგენელთა საჯარო მონოდება გაერო-ში ერთიანი საქართველოს ნაცვლად მისი კუთხეების დამოუკიდებლად განევრიანებაზე; მეოთხე — ეროვნება ნებაყოფლობის ამ-

ბავია" — კონსტანტინე გამსახურდიას ამ მტკიცებაზე დაყრდნობით ჩემს წერილში მეც ვიზიარებდი თვალსაზრისს, რომ პიროვნების ეროვნულობის განსაზღვრისას გადამწყვეტი მნიშვნელობა უნდა მიენიჭოს იმას, თუ რომელ ერს, რომელ კულტურას მიაკუთვნეს კაცი თავის თავს; მეხუთე — ხელისუფლება, რომელიც ელაციცება „მეხუთე კოლონის“ ყვარყვარებებს, ამით თავადაც ადგება გაყვარყვარების გზას.

მიჭირს დაჯერება, რომ „საქართველოს რესპუბლიკა“ ამ ხუთ თეზისს ანუ ჩემს პოზიციას „მხოლოდ და მხოლოდ“ ჩემეულად მიიჩნევდეს და „არავითარ შემთხვევაში“ — რედაქციისეულად.

რედაქცია ნუხს, თითქოს მე პირი მეტეხოს მისთვის და დანაპირები კორექტივი ტექსტში ბოლომდე არ შემეტანოს. სრული კატეგორიულობით ვაცხადებ და ამისი საბუთიცა მაქვს ხელთ — ერთადერთი, რაც მთხოვეს, ის გახლდათ, რომ სახელდებით არ მომეხსენებინა „საქართველო უპირველეს ყოვლისა“-ს ანუ სუყ-ის ცნობილი აქტივისტი შარაძე, რაც მე, დაპირებისამებრ, შეევასრულე კიდევც.

ჩვენ პრინციპული წინააღმდეგი ვართ პიროვნული შეურაცხყოფისაო, წერს რედაქცია და ჩვენც მანდა ვართ, მაგრამ „კალამგამხიარულებულ ფარისეულებად“ მოხსენიება მამა-შვილ ჩხეიძეებისა, ვინც პრესით აქეთ გაბრალებს ქურდობა-კონტრაბანდას, ვფიქრობ, თავშეკავებულ საპასუხო რეაქციად უფრო უნდა ჩაითვალოს, ვიდრე — ეთიკური ნორმების დარღვევად.

ბოლოს, რედაქცია „ასეთი დასანანი შემთხვევის გამო ბოდიშს უხდის წერილში მოხსენიებულ პიროვნებებს“.

თავს ნებას მივცემ, ძვირფასო კოლეგებო, ჯიქურ შეგეკითხოთ: უკაცრავად, მაგრამ „წერილში მოხსენიებულ პიროვნებათაგან“ მაინც ვის უხდით ბოდიშს? მზია-ხანუმ ჯეჯელავა-საფაროვა-შერვაშიძეს თუ გიორგი მარჯანიშვილს, ვინც საქართველოს გაერო-ში განუერიანებას სამ სამეფოდ და ხუთ სამთავროდ უპირებდა? იმედი მაქვს — მათ არა! მაშ, ვილა დარჩა? დარჩა, ბატონო ჩემო, „ომეგას“ სიგარეტით შებოლილ ჩხეიძეთა „კლანი“, რომელსაც იმ ჩემი უზარმაზარი სტატიის მხოლოდ ერთი წინადადება დაეთმოთ! პოდა, დაგენერათ მაშინ პირდაპირ, თქვე დალოცვილებო, ღიად გეთქვათ ეს... და ამ თვალნათლივი მაგალითით კიდევ უფრო გაცხადდებოდა და დადასტურდებოდა თქვენსავე ფურცლებზე დაბეჭდილი იმ ჩემი სტატიის ფინალი:

„ნაყოფითაგან იცანითო, სახარებაში წერია.

ხეზეა თქმული, თუმცაღა, პირველ ყოვლისა, კაცნი და მათი საქმენი იგულისხმება: ვინ ვის ებრძვის, ვინ ვის უდგას მხარში.

ამიტომაც — საქმითაც იცანით!“

ცოცხალი სიტყვა

საჯარო სიტყვები, ზეპირი, ტელე და რადიოგამოსვლები



შე ლუდსა, წითელ ღვინოსა –
განა სუყეელას სმა უნდა?
პირზე მომდგარსა სიტყვასა –
განა სუყეელას თქმა უნდა?

ხალხური

დედაენის ფრთავით

სიტყვა, წარმოთქმული დედაენის ძეგლის გახსნაზე

ლოდის ბნელი წიაღი თითქოს სინათლემ გამოტეხაო — გარღვეული კლდიდან ბიჭი ამოფრინდა. ასე გამოარღვევინებს ნაზ იას სიცოცხლის ნყურვილი ქეასა და კლდეს. „აი, ია!“ — გავიოცებთ ხოლმე ამ სასწაულს. სწორედ ამ „აი, იამ“ გამოტეხა საუკუნის წინათ ქაოსის გარსი და წიგნად გადაგვეშალა; ეს „აი, ია“ გახლავთ გრძნეული ფორმულა: „სეზამ, გაიღეს“ დარად წარმოთქვამთ მას და განგვეხენება ზღაპრული საგანძური — დედაენის წიაღი. გადახსნილი კლდის ძირას სწორედ ეს „აი, ია“ დგას ყელმოდერებით — მისი დადრეკილი ღეროდან ასხლტა ყმანვილი მალლა, შემეცნების უსასრულობისაკენ.

მართლაც გასაოცარი ამბავი მოხდა ჩვენში — ძეგლი დაუდგით ძეგლს: როდესაც „დედაენის“ ასი წლისთავი ვიზეიმეთ, მაშინ გაჩნდა იდეა, ძეგლი დაგვედგა წიგნისათვის, უკედავ ძეგლად რომ დაუდგა იაკობმა თავის დედაენას. გოგებაშვილი არც პირველი ყოფილა და არც უკანასკნელი — ქართულ ენას ძეგლი დაუდგეს რუსთველმა და ცურტაველმა, მერჩულემ და იოანე-ზოსიმემ, ქექთიმემ და გიორგიმ, სულხანმა და დავითმა, ილიამ და აკაკიმ, ბარათაშვილმა და ვაჟამ, გალაკტიონმა და ლეონიძემ; ძეგლი დაუდგა, პირველ ყოვლისა, უსახელო ქართველმა გლეხკაცმა — „თავფარავნელი ჭაბუკისა“ და „ვეფხვისა და მოყმის“ შემოქმედმა.

ძეგლში განსხეულებული იდეა ტევადია და მრავალგანზომილებიანი: ერთნი მიიჩნევენ, რომ იგი პლასტიკის ენაზე ამეტყველებული „დედაენის“ წიგნია, მეორენი მასში ხედავენ თვით დედაენის ალეგორიულ გამოხატულებას, სხვანი — ცოდნის სიმბოლოს. აქ, ალბათ, ერთიც არის, მეორეც და მესამეც; უფრო სწორად — ძეგლი სამსახოვნებაა ერთარსისა: განუყოფელი ერთიანობა წიგნისა, დედაენისა, ცოდნისა; იაკობმა იცოდა — ყმანვილისათვის დედაენა ის ფრთებია, ცოდნისაკენ, სამყაროს შესაცნობად რომ ეზიდება მას მალლა; ამ ფრთების გასამაგრებლად წერდა იგი თავის „დედაენას“.

ამ ძეგლს ერთი წარწერაც დაამძვენებდა — სულმნათი აკაკის სიტყვები: „კრულია მისი ხსენება, ვინც დაჰგმობს დედაენასა, თვის ტომს ჰლალატობს და მითი თვით ფიქრობს მალლა ფრენასა“.

დედაენის მგომბი ვერ აფრინდება, დიდი-დიდი — აფორთხდეს მალლობზე. ფრენა მხოლოდ დედაენის ფრთებით შეიძლება. ასეთი ფრთები ასხია ელგუჯა ამბუჟელის ბიჭს — ვანოს, სანდროს, ალექსის — იაკობის „დედაენიდან“ გადმოსულს.

„სკოლა და ცხოვრება“, N 10, 1983 წ.

„ქრულია მისი სხენება. ვინს დაკვირვს დედანასა“

სიტყვა, წარმოთქმული დედანის ძეგლთან 1988 წლის 14 აპრილს

პატივცემულო საზოგადოებავ! ალბათ, რაღაცამ, ძალიან მნიშვნელოვან-მა, შეგეყარა აქ, რომ ამდენი ხალხი არც წვიმას შევეუუეთ და ვერც მაცდუნებელმა ვიდეოპროგრამამ დაგვაბა ტელევიზორებთან... დედანამ შეგეკრიბა აქ... მისთვის კი ჩვენს წინაპრებს — ახლანდელი წვიმა რა მოსატანია — „სისხლის წვიმები“ დასტეხიათ თავს; არამცთუ გართობა-შექცევა — სიცოცხლეც დაუთმიათ მისთვის... ამ ათი წლის წინათ კი, როდესაც ჩვენი რესპუბლიკის ძირითად კანონს ვიღებდით, ბევრისათვის მოულოდნელად, კიდევ ერთხელ გამოვლინდა დიდი საქმისათვის მსხვერპლის გაღებისა და თავგანწირვის ჩვენი უნარი. მოულოდნელად-მეთქი, იმიტომ მოგახსენებთ, რომ ათეული — თუ მეტი არა — წლების მანძილზე ჩვენში თანდათან მინავლდა, ლამის ჩაქრა სოციალური, მოქალაქეობრივი აქტივობა... მაგრამ როდესაც ყველაზე სანუკველს, უპირველეს გამომვლენს ჩვენი არსობისას — დედანას — დაემუქრა რეალური თუ, როგორც ზოგიერთს მიაჩნდა, წარმოსახვითი საფრთხე, მთელი ჩვენი საზოგადოება ერთ მჯილად შეიკრა... ამით კიდევ ერთხელ დადასტურდა, თუ როგორი სასიცოცხლო ძაფებით არის დაკავშირებული ენა ეროვნებასთან; აკი ბრძანებდა დიდი იაკობი: „დედანა როდი ჰგავს ტანისამოსსა, რომლის გამოცვლა ადვილად და უვნებლად შეიძლება; მას აქვს ღრმად გამდგარი ფესვები ადამიანის ტვინში, ნერვებში, მის ორგანოებში, ძვალსა და რბილში, მთელს მის ბუნებაში“... სხვა დიდი მეცნიერები იმასაც ადასტურებენ, რომ ყოველი ენა არის მსოფლხედვის გარკვეული წესი, და ვაი იმ ხალხს, რომელიც დაივიწყებს ან რომელსაც დაავიწყებინებენ ამ, მხოლოდ მისთვის ნიშანდობლივ წესს — ის გასაქრობად იქნება განწირული.

ამიტომაც იჩენს ყოველი ერი და ერის ნების გამოხატველი ყოველი სახელმწიფო განსაკუთრებულ ყურადღებას დედანისადმი. 1978 წელს ჩვენი რესპუბლიკის ძირითადმა კანონმა დაადასტურა ხალხის ნება — კვლავაც შენარჩუნებოდა ქართულ ენას სტატუსი სახელმწიფო ენისა.

ამასთან დაკავშირებით, ალბათ, საჭიროა, ერთიანი წარმოდგენა გვექონდეს ამ ცნებაზე — „სახელმწიფო ენა“... ამ ცნების შინაარსიც დინამიკურია, ცვალებადი. დღეს ცნებაში „სახელმწიფო ენა“ ჩვენ არ მოვიზარებთ ნიშანთვისებათა იმ ერთობლიობას, რომელიც ჩადებული იყო, მაგალითად, რუსულში, როგორც რუსეთის იმპერიის სახელმწიფო ენაში. მაშინდელი „სახელმწიფო ენა“ ავლენდა თავის აგრესიულ-შემტევ ბუნებას იმპერიის ტერიტორიაზე მოქმედ სხვა ენათა მიმართ. ჩვენთვის კი ქართული ენის სა-

ხელმწიფო ენად ცნობას უფრო თავდაცვითი მნიშვნელობა ენიჭება და არა — აგრესიულ-შემტევი.

ვისგან და რისგან სჭირდება ჩვენს დედაენას თავდაცვაო, თუ მკითხაეთ, მოგახსენებთ: უპირველეს ყოვლისა, ჩვენივე გულგრილობისაგან, უზრუნველობისა და წინდაუხედაობისაგან. და კიდევ — იმ ძალთაგან, რომლებიც, ცრუმეცნიერულ საფუძველზე დაყრდნობით — მცირერიცხოვან ერთა ენები დიდმა ენებმა უნდა „მოინელონ“ — თავიანთი დიდმპყრობლური ზრახვის აღსრულებას ცდილობდნენ და ზოგჯერ ახლაც ცდილობენ. ჩვენთვის ქართული ენის — როგორც სახელმწიფო ენის — სტატუსი არამც და არამც არ ნიშნავს რესპუბლიკაში მოქმედ სხვა ენათა დევნა-შევიწროებას, ეს სტატუსი შეიძლება გამოხატულიყო ძველი რომაელების ფორმულით — პირველი თანასწორთა შორის... და, ცხადია, ნურავენ დაგვძრახავს, თუ ჩვენი უპირველესი და უპირატესი საზრუნავი, საესავი და სალოლიაო ჩვენი დედაენა იყოს — ეს ჩვენი კონსტიტუციური უფლებაც გახლავთ და ჩვენი მოქალაქეობრივი მოვალეობაც.

ისტორიულად ჩვენ მუდამ ვიყავით პატივის მიმგებელნი სხვათა ენისა, სხვათა სალოცავებისა, სხვათა ეროვნებისა... ეს დღესაც ასეა, ოღონდ ნუ დაგვავიწყდება — სხვათა კულტურის, სხვათა ენის მიმართ პატივისცემა მხოლოდ მაშინ დაგვიფასდება სათანადოდ, როცა ის სხვა დაინახავს ჩვენს ერთგულებას საკუთარი კულტურისადმი, საკუთარი დედაენისადმი... და, რაც მთავარია, მხოლოდ ამის კვალობაზე მოაგებენ პატივს ჩვენს ენასა და ჩვენს ეროვნებას. ქართული ენის კონსტიტუციური უფლებების განუზრელი დაცვით უნდა შეექმნათ იმგვარი კულტურულ-ზნეობრივი ატმოსფერო, რომ ჩვენს რესპუბლიკაში მაცხოვრებელმა, რომელ ეროვნებასაც უნდა ეკუთვნოდეს იგი, თავის ზნეობრივ მოვალეობად ჩათვალოს ქართულის ნებაყოფლობით შესწავლა. ჯერჯერობით, ჩვენდა სამუნებაროდ, რეალური სინამდვილე ამ კანონიერ, სამართლიანსა და სანუკველ წარმოსახვითს სურათს არ ემთხვევა. ვისი ბრალია ეს? ვიმეორებ, ჩვენივე უნიათობისა, ჩვენივე მოქალაქეობრივი გრძნობის მოჩლუნგებისა. არადა, როგორ გვიყვარს ხოლმე ასეთ შემთხვევაში „ობიექტური მიზეზებით“ თავის მართლება, ყველაფრის ჩვენ გარეთ და ჩვენ ზემოთ მდგარი ძალებისათვის გადაბრალება... ეს უფრო ადვილია, ვიდრე საკუთარ თავს მოსთხოვო პასუხი, საკუთარი სინდისი და თავმოყვარეობა შეანუხო, თვითონ გაიჭიროვო და თუნდაც რალაც მოიკლო და დათმო დედაენისათვის... კარგად ბრძანა აქ მწერალმა რევაზ ჯაფარიძემ — კეთილი ინებოს ქართველმა მეცნიერმა და თავისი დისერტაციები თუ შრომები, პირველ ყოვლისა, ქართულად წეროსო. ამის თქმაც არ არის იოლი, არამცთუ აღსრულება — ჩვენში ადრეც მთელ რიგ მეცნიერებებში დისერტაციები ქართულად არ იწერებოდა, მას შემდეგ კი, რაც უკულმართული წესი დააკანონეს, საკვალიფიკაციო ნაშრომი დასამტკიცებლად მხოლოდ რუსულ

ენაზე დანერვილი უნდა წარედგინოსო უმაღლეს საატესტაციო კომისიას, ქართულს — როგორც მეცნიერების ენას — პოზიცია შეერყა; ამან კი, შესაძლოა, სახვალოდ მძიმე შედეგი მოგვიტანოს: როგორც კი საზოგადოების რომელიმე ფენა ხელს აიღებს თავის დედაენაზე, როგორც კი თავად ენის რომელიღაც „უბანი“ შეწყვეტს ან, თუნდაც, შეასუსტებს თავის ქმედებას, მას სასიკვდილო სნება შეეყრება: ენის უხმარი, გამოუყენებელი ნაწილი კვდება და, მეტასტაზის მსგავსად, მის ჯანსაღ, მოქმედ ნაწილსაც შთანთქავს. ამიტომაც არ შეიძლება ქართული იყოს ენა მხოლოდ სამზარეულოსი, ოდენ მინის მუშაკისა, მარტო მწერლობისა. ჩვენი სულიერი თუ მატერიალური ცხოვრების ყოველ სფეროში ქართული, როგორც სახელმწიფო ენა, მინიჭებული უფლებით სრულად უნდა სარგებლობდეს. ამ მხრივ ზოგი რამ გაკეთდა, მეტი — კეთდება და უფრო მეტი — უნდა გაკეთდეს. ქართულს ყოველთვის ჰყავდა თავგადადებული დამცველები და, ღმერთმა ნუ ქნას, მათი რიცხვი შემცირებულიყოს: სახელდახელო მაგალითად თუნდაც განსვენებულ პეტრე სარაჯიშვილს გაიხსენებ: რუსეთსა და ევროპაში განათლებამიღებული — თავის საავადმყოფოში იგი ავადმყოფობის ისტორიას მხოლოდ ქართულად აწერინებდა ყველას, განურჩევლად ექიმთა ეროვნებისა. ეს ტრადიცია დღესაც გრძელდება, დღესაც გვეყვანან დედაენის მოამაგენი; თუნდაც თერაპიის ინსტიტუტში დაარსებულ ახალგაზრდა ექიმთა კლუბს — „ილიელს“ — დავასახელებდი, რომელმაც თავს იღო თავიანთი კოლეგების სამეცნიერო ნაშრომთა ქართულად თარგმნა (აქვე მინდა იმისი რწმენაც გამოვთქვა, რომ, როცა რუსთაველის საზოგადოება ეკონომიურად მყარად დადგება ფეხზე, მან შეიძლება ითავოს სადისერტაციო ნაშრომთა თარგმნის საკითხიც); თუმცა არც ისეთი ნარმოება-ორგანიზაციების ხელმძღვანელები არიან, სამწუხაროდ, სანთლით საძებარნი, სანარმოო თათბირებს, თუნდაც მისი მონაწილენი მხოლოდ ქართველები იყვნენ, დედაენაზე რომ არ ატარებენ და არც ქართულ საბეჭდ მანქანას აჭაჭანებენ თავიანთ დანუსებულებაში...

დიდმა ქართველმა მეცნიერმა და მოღვაწემ, ჩვენი დედაენის ერთ-ერთმა უსაჩინოესმა მზრუნველმა არნოლდ ჩიქობავამ სიკვდილის წინ გამოთქვა სურვილი, რომ დაარსებულიყო „ქართული ენის დღე“. ყოველგვარი მოჩვენებითობისა და პომპეზურობის შინაგანი მტერი — არნოლდ ჩიქობავა მოითხოვდა, რომ ეს დღე ყოფილიყო არა მარტო და არა იმდენად დედაენისადმი ჩვენი ემოციური დამოკიდებულების „გამოფენის“ დღე, რამდენადაც საქმიანი ანგარიში ერის წინაშე ქართული ენის მესვეური ყოველი ორგანიზაციისა თუ პიროვნებისა — (ქართული მწერლობისა, გამომცემლობებისა, სალიტერატურო ენის ნორმათა დამდგენი სახელმწიფო კომისიისა, განათლების სისტემისა, პრესისა, რადიო-ტელევიზიისა) — რამდენი ქართველი კლასიკოსის წიგნი გამოვეციოთ და — როგორ, რა გზით დავიცავით ენობრივი გარემო შებლალისაგან, როგორ დავნერგეთ და გავავრცელოთ ჩვენი სახელმ-

ნიფო ენა, როგორ აღვუდექით წინ მისი ნორმების შელახვას... ეს მოთხოვნა ანდერძად დაგვიგდო ბატონმა არნოლდმა, მისნაირ პიროვნებათა ანდერძისათვის კი ყველას გემართებს გულისყურის საგულდაგულოდ მიპყრობა.

დედაენის ამ ძეგლზე რამდენიმე წარწერაა ამოკვეთილი, უფრო სწორად, თავად ეს ძეგლია ჩვენი წინაპრების — იოანე-ზოსიმეთი დანყებული და გალაკტიონით დამთავრებული — გამონათქვამთა მხატვრული განსახოვნება. მხოლოდ აკაკის ერთი ფრთიანი ნათქვამი მოვისაკლისე და ვთხოვე კიდევ ძეგლის ავტორს, ბატონ ელგუჯა ამაშუკელს, მიემატებინა სხვა წარწერებისათვის. არ ვიცი, მოასწრო თუ არა მან ამ ჩემი თხოვნის შესრულება, მე კი სწორედ აკაკის ნათქვამით დავამთავრებ:

*„კრულია მისი ხსენება, ვინც დაჰგმობს დედაენასა,
თვის ტომს ჰლაღატობს და მითი თვით შვიქრობს მალა ფრენასა“...*

„თბილისი“, 20.4.1988

დედაენა — მეექვსე გრძნობა

სიტყვა, წარმოთქმული დედაენის ძეგლთან 1995 წლის 14 აპრილს ❄

ხუთი გრძნობით გვეძლევა ჩვენ სამყარო — ვხედავთ, გვესმის, ვცნობთ, გემოს ვუსინჯავთ, ვეხებით მას. მაგრამ ეს უთვალავი ფერით მოცემული ქვეყანა რომ დალაგდეს, განსახოვნდეს, დაკონკრეტდეს და ჰარმონიად შეიკრას, მეექვსე გრძნობაც არის საჭირო... ეს გახლავთ დედაენის გრძნობა, გრძნობა სიტყვისა... სახელის მიცემა ანუ სახელდება იგივე შობის აქტია — ქაოსიდან იქმნება რეალობა; მხოლოდ ენა, სიტყვა ხდის მასალას — საგნად, განცდას — გრძნობად, ფერსა და ხმას — სახედ. ამიტომაც არის ენა, კერძოდ — დედაენა, საღვთო რამ, ამიტომაც არის ენა, სიტყვა შემოქმედი, დემიურგი... და ამიტომაც წერია იოანეს სახარებაში: „პირველითგან იყო სიტყვა, და სიტყვა იგი იყო ღვთისა თანა და ღმერთი იყო სიტყვა იგი“.

ზოგს მარტივად ჰგონია — თითქოს აზრი სხეული იყოს, სიტყვა კი მისი შესამოსელი, რომელიც პერანგივით შეიძლება გამოიცვალოს... ტყუილია: გამოიცვლი და — „სამოსელს“ ყოველთვის გაჰყვება „სხეულის“ ნაფლეთები... ამიტომაც არ დაითმობა დედაენა: დედაენით გვეძლევა ჩვენ ეს სამყარო, დედაენა გვხდის ჩვენ ამ სამყაროს ნაწილად, ადამიანად და ამიტომაც — დავკარგავთ დედაენას, დავიკარგებთ ჩვენც როგორც პიროვნება...

არ ვიცი, აქვთ თუ არა ჩვენზე დაღბნიებულ ერებსა და ქვეყნებს დღე დედანისა. ჩვენ კი ეს დღესასწაული განსაცდელმა და ამ განსაცდელისგან მართლაც სასწაულებრივმა გადარჩენამ დაგვანესებინა. ბევრ თქვენგანს ახსოვს, რაც მოხდა ჩვიდმეტი წლის წინათ ამ დღეს — 14 აპრილს. მაშინ არ გვექონდა ქართული სახელმწიფო, ის მხოლოდ ქალაქებზე არსებობდა უფრო სიმბოლურად, ვიდრე რეალურად, და იმ ქალაქებზე მაინც ეწერა, რომ ქართული ენა სახელმწიფო ენაა. სინამდვილეში კი მიმდინარეობდა ერთი შეხედვით შეუმჩნეველი, თითქოსდა ბუნებრივი, მაგრამ თავისი შედეგებით საქართველოსთვის საზარელი და საბედისწერო პროცესი დედაქართულის შევიწროვება-გამოდუნისა სახელმწიფო ასპარეზიდან, თანდათან იზღუდებოდა მისი მოქმედების არეალი: ცოტაც და — რუსთაველის ენა სამზარეულოს ენად გვექცეოდა. მაგრამ როდესაც თუნდაც იმ სიმბოლური კონსტიტუციის თითქოსდა ფარატინა ქალაქებზე ამის დაფიქსირება სცადეს, ანგარიშში მოტყუდნენ: ამუშავდა თვითგადარჩენის ინსტინქტი დიდსა თუ პატარაში. თითქოსდა სტიქიურად, წინასწარ შეუთანხმებლად, იმ დროისათვის მოულოდნელადაც კი გაიბა უხილავი, მაგრამ რეალური ძაფები ერთობა-კავშირისა ხალხსა და ამ ხალხის თავკაცს შორის და... ავირიდეთ განსაცდელი.

დღესდღეობით ამგვარი ხიჯათისაგან თითქოსდა დაზღვეულნი ვართ, მაგრამ პატარა ერის თუნდაც დიდ ენას განსაცდელი და ფათერაკი მუდმივად თანა სდევს. თანაც — ისტორიიდან ისიც ცნობილია, გარეშე მტერს ჩვენთვის იმდენი არ უენია, რამდენიც ჩვენმავე თავმა გვავენო. დღესაც ქართული ენის სახელმწიფოებრიობას თუ რამ განსაცდელი ელის, ელის ისევე ჩვენი, რომ იტყვიან, ქართული დაუდევრობის გამო. ენას ისევე უნდა უვლიდეს საზოგადოება, როგორც ჩვენებური გლეხიკაცი ვაზს: დედაენასაც სჭირდება ნიადაგის განოყიერება, სარეველის მოცილება, მავნებელთაგან შენამულა, გაფურჩენა, ზრუნვა, ლოლიავი და სამზეოზე გამოჩინება... მაშინ გამოისხამს ენა იგი საღმრთო მტევნებს — შოთას, ილიას, აკაკის, ვაჟას...

ამიტომაც ასე მგონია: დედაენის ძეგლთან თავშეყრა და ცეკვა-თამაში დილაღაც კარგია, მაგრამ კიდევ უკეთესი იქნებოდა, თუ დიდი არნოლდ ჩიქობავას ანდერძს გავიხსენებთ და 14 აპრილს დედაენაზე განუული შრომის ერთგვარი ანგარიშგების დღედ ვაქცევთ ყველანი — სახელმწიფოც, საზოგადოებაც და ცალკეული პიროვნებებიც. დღეს სკოლებში, აუდიტორიებში, შესაბამის კათედრებსა და ინსტიტუტებში, თეატრებსა და მწერალთა კავშირში, აკადემიასა და ენის ნორმათა დამდგენ კომისიაში უნდა განიხილებოდეს და პასუხიც გაეცემოდეს კითხვებს: ნელს რამდენი ლექსიკონი გამოვეცით, რამდენი კლასიკოსი დავსტამბეთ, რა პოლიგრაფიული ბაზა შევუქმენით ჩვენს დედაენას, რამდენად გავაძლიერეთ იგი ჩვენს ტერიტორიაზე, რამდენად ვიზრუნეთ მის გავრცელება-პოპულარიზაციაზე საზღვარგარეთ, რამდენი სახელმძღვანელო შევქმენით დედაენაზე, რამდენად დავიცავით მისი სინძინ-

დე სცენაზე, პრესის ფურცლებსა თუ ეკრანზე, რამდენად დავამკვიდრეთ დე-დაქართულის სტატუსი ჩვენს ყოფაში. ამ მხრივ ზოგი რამ სასიკეთო ამ წელსაც გაკეთდა, მაგრამ „სამკალი მაინც ფრიად არს“; სასურველია, რომ ამ საქმის მუშაინიც — დედაენაზე მზრუნველნიც — ყველანი გავხედოთ.

„ლიტერატურული საქართველო“, 21.4.1995

ენა — დედა. ენა — შვილი

სიტყვა, წარმოთქმული დედაენის ძეგლთან 1996 წლის 14 აპრილს

წელს განსაკუთრებული 14 აპრილი დაგვიდგა — ღრმა შინაარსებით დატვირთული: დღეს დაიწყო სტუდენტური დღეები, დღეს აღვნიშნავთ დედაენის დღეს და დღესვე ვდღესასწაულობთ მაცხოვრის ბრწყინვალე აღდგომას... სიჭაბუკე, დედაენა, უფალი — ამ ტრიადის წევრთა შორის, მასშტაბთა განსხვავების მიუხედავად, ღრმა შინაგანი კავშირია.

ბრწყინვალე აღდგომას ყოველი ქრისტიანი თითქოს ხელახლა იბადება სულიერად: მაცხოვრის ბაძვით მანაც უნდა დასთრგუნოს სიკვდილი, უნდა დაუტევოს ბოროტების, ურწმუნოების, შურის საუფლო ანუ სულიერი სიკვდილის ქვეყანა, და აღდგეს, გაცოცხლდეს, ღვთის შვილად ხელახლა მოევლინოს ნუთისოფელს.

მაგრამ ადამიანი იბადება ფიზიკურადაც, იბადება არა მარტო თავისი მშობლების, არამედ თავისი ერისა და თავისი ენის შვილად. დიახ, თავისი ენის შვილადაც. ამ ენას დედის სახელი ჰქვია, იგი დედა-ენაა, მშობელი ყოველი ჩვენგანისა იმ აზრით, რომ იგი გექმნის, გვატარებს და გვამნიფებს თავის ნიაღში. მაგრამ დედაენა მარტო დედა როდია ჩვენი, იგი ჩვენი შვილიცაა, რამდენადაც, ჩვენც, მისი ნიალიდან ნაშობნი, მერე მთელი ჩვენი ცხოვრება ვზიდავთ, ვატარებთ მას ჩვენს არსებაში, ჩვენს ნიაღში ვამნიფებთ დედაენას და ახალ სულსაც შთავებერავთ მას. უბედურებაა დედა ნაართვა კაცს, უბედურებაა მას შვილი ნაპგვარო, მაგრამ ორმაგი უბედურებაა და ღირსების აყრა, ადამიანს ენა ამოართვა და ამით ერთდროულად დედაც დაუკარგო მას და შვილიც.

ეს მოინდომა მახინჯმა სისტემამ ამ თვრამეტი წლის წინათ, 1978 წელს. და მე მივმართავ ახლანდელ სტუდენტობას — თქვენ მაშინ მოველინეთ ამ ქვეყანას, როცა თქვენი ხნის გოგო-ბიჭებმა, მაშინდელმა სტუდენტობამ (ცხადია, არა მარტო მათ, მაგრამ — განსაკუთრებით სწორედ ახალგაზრ-

დობამ) თავი დასდო დედაენისათვის. ისინი მსხვერპლზე წავიდნენ, ოღონდ, სხვა კი არ გაუნირავთ, საკუთარი სიცოცხლის შესანირად იყვნენ მზად. იმათი სიცოცხლე კი, ვინც თავს არ იზოგავს და სიკვდილზე მიდის, ყველაზე მეტად არის დასაზოგი, გასაფრთხილებელი და გადასარჩენი. და მაშინ, 1978 წელს, ეს სიცოცხლე ლეთის მადლით, ხალხისა და მისი თავეკაცის შინაგანი ერთობის წყალობით, გადარჩა.

ვიმეორებ, დედაენა მაშინ მთელმა ხალხმა დაიცვა, მაგრამ მის ღირსებას მეკერდით, პირველ ყოვლისა, ახალგაზრდობა, სტუდენტობა, მომავლის საქართველო გადაეფარა.

ამიტომაც მოგახსენეთ, რომ დღეს განსაკუთრებული დღეა — მომავლისა, დედაენისა, აღდგომისა. წმინდა სამების გვერდით, დე, ამ სამების ძალაც გვფარავდეს ჩვენც და სრულიად საქართველოსაც.

დიდი ილიალი

*სიტყვა, წარმოთქმული ივანე ჯავახიშვილის
120 წლისთავის საიუბილეო სხდომაზე*

არის, ალბათ, რალაც იდუმალი კავშირი დროსა და სივრცეში თითქოსდა შემთხვევით ურთიერთგადამკვეთ საგნებსა თუ მოვლენებს შორის: 1876 წელს, თანადროულად, საქართველოში დაიბადნენ ყრმა და ნიგნი; ყრმა ივანე ჯავახიშვილი გახლდათ, ნიგნი — „დედაენა“ ... და გამოგვიჩნდნენ ახალი ორიენტირები ნიგნისა და კაცის სრულქმნის ისტორიულ გზაზე.

იაკობის „დედაენამ“ აღზარდა ეროვნული უნივერსიტეტის შემქმნელი თაობა; თავის მხრივ, უნივერსიტეტმა მოუმზადა „კეთილად მუშაკნი“ ეროვნულ სკოლას. განათლების სისტემაში ყველა რგოლი ერთმანეთს კვებავს და ასაზრდოებს; აქ ქვედა საფეხურს ზედა საფეხური არა მარტო უჭირავს — ყვრდნობა კიდევ მას; ეს სისტემა უფრო ნრედი, ვიდრე — კიბე; ქართულენოვან განათლების სისტემაშიც უნდა შეკრულიყო ნრედი... იგი ივანე ჯავახიშვილის ქმნილებამ — უნივერსიტეტმა — შეკრა.

უნივერსიტეტის შემქმნელი ერთსა და იმავე დროს უნივერსალურად მოაზროვნეც უნდა იყოს და ერთი იდეით შეპყრობილიც. ივანე ჯავახიშვილის უნივერსალური აზროვნების ნაყოფია მისი ნიგნები ისტორიოგრაფიაში, ენათმეცნიერებაში, პალეოგრაფიაში, ეკონომიკაში, ფილოლოგიაში, სამართალში... ერთი იდეით შეპყრობის ნიმუში კი — ქართული უნივერსიტეტი.

ილიამ „ჩენი დაცემული ვინაობის აღსადგენი“ დოქტრინა ასე დააფორმულა: „ჩენი თავი ჩვენადვე გვეყუდენეს“. მან იცოდა, რომ გარედან ბოძებული ან, თუნდაც, საკუთარი სისხლით მოპოვებული პოლიტიკური დამოუკიდებლობა ხუხულასავით დაგვემზობოდა თავზე, თუ არ აღვიდგენდით კულტურულ ანუ სულიერ დამოუკიდებლობას. ილიამ და მისმა თანამოსაგრეებმა ეს მისია, უპირველეს ყოვლისა, მწერლობაში აღასრულეს, დიდმა „ილიელმა“ ივანემ და მისმა თანამოაზრეებმა კი — მეცნიერებაში. ივანე ჯავახიშვილმა იცოდა, უნივერსიტეტოდ „ჩენი თავი ჩვენადვე ვერ გვეყუდენეს“, ამიტომაც მოიაზრება უნივერსიტეტის დაარსება 1918 წელს ქართული სახელმწიფოებრიობის აღდგენის აქტთაგანად.

ყველასათვის ცნობილია მითი პიგმალიონზე, როდესაც შემოქმედს „გარდარეული“ ვნებით შეუყვარდება თავისივე ხელით გამოქანდაკებული ქალი. ივანე ჯავახიშვილის გრძნობა კი მისივე ხელით გამოძერწილი უნივერსიტეტისადმი რელიგიურ სიმაღლეს აღწევდა, იგი ისე ჰმსახურებდა მას, როგორც დაყუდებული ბერი — უფალს; ეზოში შემოსვლისთანავე მონინებით ქუდს უხდიდა უნივერსიტეტს — მორწმუნეც თავშიშველი შედის ხოლმე საყდარში. უნივერსიტეტი მისთვის მხოლოდ მეცნიერების კერა არ ყოფილა — იგი იყო სწავლებისა და აღზრდის ტაძარიც. წერდა კიდევ, აქ მჭიდრო კავშირია მეცნიერთა გუნდსა და მომავალ თაობას შორისო. სულიერი დამოუკიდებლობის გზაზე „სამკალი ფრიადი“ ჩანდა, მუშაკნი — მცირე; მეცნიერთა გუნდი სტუდენტობის გარეშე აქ ვერას გახდებოდა. ამიტომ იყო გადაგებული ივანე ჯავახიშვილი უნივერსიტეტს და სტუდენტობას... პეტერბურგელ და თბილისელ მონაფე-თანამოაზრეთა გუნდიც — აკაკი შანიძე, იოსებ ყიფშიძე, გიორგი ჩიტაია, სიმონ ყაუხჩიშვილი, სიმონ ჯანაშია, არნოლდ ჩიქობავა, ნიკო ბერძენიშვილი, ლევან მუსხელიშვილი, ვარლამ თოფურია და მრავალი სხვა — მონინებით მიაგებდა პატივს თავის მოძღვარს.

იშვიათია მეცნიერი, ვინც ესოდენ დაფასებული ყოფილიყოს თავის ხალხში... და იშვიათია მეცნიერი, ვისაც ამდენი უმადურობა ენენიოს, ამდენი უსამართლობა დასტეხოდეს თავს. უბედნიერესი კაცი იყო — ორმოცდარი წლისამ უკვდავებაში შეაბიჯა — დააარსა უნივერსიტეტი. საზარელ მდგომარეობაშიც ჩავარდნილა: თავისივე დაარსებული უნივერსიტეტის კარი გამოუხურეს და წიგნთსაცავით სარგებლობის უფლებაც კი მოუსპეს. უერთგულესი მონაფეები ჰყავდა, სტუდენტობა აღმერთებდა, მაგრამ უკეთურმა ძალებმა ოცდაათიან წლებში სტუდენტობის ერთ ნაწილს თავგზა აუბნიეს და „კუდიანთა არული“ ჩააბმევინეს მისი წიგნების ირგვლივ.

საუბედუროდ, ჩვენმა საუკუნემ იცის იმის მაგალითები, როცა „ცრუ წინასწარმეტყველებს“ სტუდენტობის ხელით არა მარტო წარი უგლეჯიათ, ეროვნული ხის ამოძირკვასაც ცდილან. დღეს ზარდამცემ შთაბეჭდილებას ტოვებს ერთი ცნობა, 1911 წლის პერიოდულ პრესაში გამოქვეყნებული: „ორ-

მოცდაერთმა ქართველმა სტუდენტმა პეტერბურგში სხდომაზე გაუნით-
ლებლად თქვეს: ილია, როგორც მამულიშვილი, მოსაკლავი იყო... მომეტე-
ბულმა ნანილმა ქართველი სტუდენტობისამ პატივი არ სცა ილიას ხსოვნას,
იუკადრისა ფეხზე ადგომა " ... გამოხდა ხანი და ეს ხალხი, „ცრუ წინასწარმეტ-
ყველთა“ მიმდევარნი, თვითონ მოველინენ „წინამძღვრის“ როლში ახალგაზ-
რდობას. ამანაც გახადა შესაძლებელი წინამურის რეციდივის განმეორება
ოცდაათიან წლებში... და — ჩვენდა საუბედუროდ, სულ ახლახანაც... კვლავ
დარჩა ხმად მლალადებლისა უდაბნოსა შინა: „ეკრძალებით ცრუ წინასწარ-
მეტყველთაგან, რომელნი მოვიდიან თქვენდა სამოსლითა ცხოვართათა, ხო-
ლო შინაგან იყვნენ მგელ-მტაცებელ“. ეს მწყემსისარგნიანი მგლები მიზანში
ილიასა და ივანეს მსგავს ჭეშმარიტ წინასწარმეტყველებს ამოიღებენ ხოლმე
და „ცხვრებსაც“ თავიანთ ჭკუაზე აბლავლებენ მათ წინააღმდეგ. ოცდაჩვიდ-
მეტში ივანე ჯავახიშვილისთვის „ბერდანკა“ არ დაუხლიათ და არც „ქვა და-
უკრებიან“ (მას ასცდა თავისი მოგვარის, მიხილ-წამებულის, ხვედრი), მაგ-
რამ „ჯუარს აცუ ეგე“-ს გნიასი კი ხშირად აუტეხიათ მის გარშემო. საქმე
ისეთ მკრეხელობამდევც კი მივიდა, რომ ნაკაცარებმა ხოვლეში საგვარეულო
ძვალშესალაგი შეუგინეს — მამისა და ძმების საფლავზე ძეგლი მოუთხარეს.

მაგრამ არიან მოუთხრელი ძეგლებიც... დიდთა მოსაქმეთა ძეგლები მა-
თივე სახელებია:

ფარნავაზ — შემოქმედი ქართული მნივნობრობისა;

ნინო — მომაქცეველი ქართლისა;

დავით — აღმაშენებელი საქართველოსი;

საბა — შემგროვებელი ქართული სიტყვისა;

ილია — აღმადგინებელი ქართველობისა;

იაკობ — შემქმნელი „დედა ენისა“;

ივანე — დამაარსებელი ქართული უნივერსიტეტისა.

ივანე ჯავახიშვილს უყვარდა ხალხური — „კაი ყმა ლაშქარს მაჰკედების“...

ლამაზად ის კვდება, ვინც თავის საქმეს აკვდება.

ივანე ჯავახიშვილს ლექციის კითხვისას გაუსკდა გული; უკანასკნელი
სიტყვა, რასაც სული ამოაყოლა, იყო — „თათარი“.

დიდი საქართველო, დავითისა და თამარის საქართველო, თათარ-მონ-
ლოლებმა დაამხეს. ივანე ჯავახიშვილი თავის „ქართველი ერის ისტორიაში“
წერდა საქართველოში თათარ-მონლოლთა თითქმის ასწლოვანი ბატონო-
ბის საბედისწერო შედეგებზე. და, თუმცა თათარ-მონლოლნი დიდი ხანია
ჩამოვიდნენ ისტორიის ავანსცენიდან, „გათათრების“ საფრთხე — „გადა-
ქართველების“, „გადაჯიშების“ აზრით — მუდამ გვემუქრებოდა.

ივანე ჯავახიშვილს, ქართველთა ჟამთააღმწერელს, მტერზე შიშველი
ხმლით მისული ქართველივით შეახმა პირზე — „თათარი!“

გაფრთხილება თუ იყო...

არის, უდავოდ არის რაღაც დიუმალი კავშირი დროსა და სივრცეში თითქოსდა შემთხვევით გადაკვეთილ მოვლენათა შორის.

„ლიტერატურული საქართველო“, 18.10.1996

სიშორით სიახლოვე!

*სიტყვა, ნარმოთქმული მასწავლებელთა შეკრებაზე
კონსტანტინე გამსახურდიას 90-ე წლისთავთან დაკავშირებით*

როდესაც გარდასულ მწერალს მიმართავენ, პირს მისი გამოსახულები-საკენ მიიქცევენ ხოლმე; მე კი თქვენ, ბატონო კონსტანტინე (ანუ ის, რაც მარადიულია თქვენში), არც მარმარილოში მეგულებით და არც ტილოზე; თქვენ ამ დარბაზში ბრძანდებით; თქვენ გადასული ხართ ცოცხალ ადამიანებში, თქვენს მკითხველებში და მათი სულის ნაწილს შეადგენთ. მკითხველის სული კი უსასრულოდ ტევადა — მან დაიჭია შოთა, საბა, გურამიშვილი, ილია, აკაკი, ვაჟა, გალაკტიონი... და არა მარტო ეს ბუმბერაზე-ბი — იქ ყველა ნაღდი, მართალი სიტყვის მთქმელისთვის მოიძეება ადგილი.

მწერლური სიცოცხლის ხანგრძლივობა, ალბათ, იმითაც გაიზომება, რამდენად ღრმად იჭრება იგი ყმანვილის სულში. თქვენ საყმანვილო მწერალი ბრძანდებით, ბატონო კონსტანტინე — ცხადია, არა ჟანრული თვალსაზრისით, არამედ იმ გაგებით, რომელმაც ერთ დიდ მწერალს ათქმევინა: ბავშვებისათვის ისევე უნდა ვწეროთ, როგორც უფროსებისათვის, ოღონდ — უკეთესად. მწერალს, ცხადია, მისივე სიტყვა „დაარჩენს“, მაგრამ ამ სიტყვას ყმანვილთა გულებისაკენ კეთილი მეგზური სჭირდება. ასეთი მეგზურია სწორედ სიტყვიერების მასწავლებელი. თქვენ ღრმად იცოდით ეროვნული სკოლის საჭიროებანი და დიდად აფასებდით, ბატონო კონსტანტინე, მასწავლებლის უჩინარ, მძიმესა და მაინც მაღლიან უღელს; იცოდით, რაოდენ დიდია ზეგავლენა პირველი შთაბეჭდილებისა — ამიტომაც მწერალი სახელმძღვანელოში რომ შეაბიჯებს, მისი ბედი ბევრად არის დამოკიდებული სიტყვიერების მასწავლებელზე; მასწავლებელი, შესაძლოა, ხიდად გაედოს, უშუაკაცოს მწერლის სიტყვას ბავშვის გულისაკენ, მაგრამ შეიძლება ეკლით შეძენილ ღობედაც აღიმართოს მათ შუა. თუ სიტყვიერების მასწავლებელი თავისი მაღალი მისიის აღმასრულებელი, ჭეშმარიტი შუაკაცი იქნა, მაშინ ყმანვილი ადრეულ ასაკშივე გაითავისებს თქვენი სულის ნა-

ნილებს — თქვენს დავითსა და დედისიმედს, თქვენს არსაკიძესა და შორენას, თქვენს არზაყანსა და თარაშს. დიახ, თარაშსაც, გიორგი მეფესაც, მამამზესაც, ფარსმანსაც, გვანჯ აფაქიძესაც — რამეთუ ეს ცოდვისშვილებიც თქვენი უძირო სულის ნაწილებია... და როცა სულში ფარსმანი, მამამზე თუ ლიპარიტი აუფუთფუთდება, თქვენის წყალობით ყმანვილი შეიცნობს, გაიცნობიერებს, დათრგუნავს და ფერს უცვლის მას. ამიტომაც არის დიდი მწერლობა ალზრდის დიდი გაკვეთილები, ამიტომაც ბრძანდებით თქვენ, ბატონო კონსტანტინე, მასწავლებელთა დიდი კოლეგა; ოღონდ თქვენი საკლასო ოთახი სრულიად საქართველოა, დაფა — ჩვენი სული, რომელზედაც არა ცარციით, არამედ „გულის სისხლით“ წერთ სიყვარულს, სიცოცხლის, შემოქმედების ფორმულას.

ბატონო კონსტანტინე! უკვდავების ერთ-ერთი აუცილებელი პირობა სიკვდილიც გახლავთ. რვა წლის წინ განეშორეთ სანუთროს — ასე იწება „არსთა განმრიგემ“ — რათა დღეს მთელი სიმაღლით დაგვენახეთ თქვენ — შემოქმედი, განძარცვეული ყოფილი წერილმანებისაგან, სანუთროს ამაოებათაგან, ჭორისა და მიეთ-მოეთისაგან... რვა წლის წინ დაადექით, ბატონო კონსტანტინე, უსასრულობის გზას და გნამდეთ — რაც უფრო გვშორდებით, მით უფრო რომ გვიახლოვდებით.

1983 წ.

კვირაძალი

რადიოგამოსვლა

ახალი 1985 წლის კვირაძალზე უპრიანია ცვლილება-გარდაქმნაზე ფიქრი, სიახლის ანალიზი, მისი განსჯა.

თვით ეს „ახალი“, წელზე ვიტყვით ამას, კაცზე თუ იდეაზე, ცვლილება-გარდაქმნის ნაყოფია, ხშირად — მძაფრი „სამშობიარო“ კონვენუსიის შედეგად მოვლენილი ამ ნუთისოფელში.

ზოგი „ახალი“ — მაგალითად, წელი — ბუნების ძალთა უზუსტესი გრაფიკით იზადება და არც ვისმე ჩარევას საჭიროებს; ზოგ სიახლეს კი — იდეურს, სოციალურს, ესთეტიკურს, მეცნიერულს... — „ბებიქალის“ ჩარევა სჭირდება, რათა დროულად და სალ-სალამათად მოეველინოს ქვეყანას.

რახან უმთავრესი ცვლილება-გარდაქმნა ყოველთვის შიგნიდან იწყება, ყოველი ჩვენგანი უნდა იყოს „ბებიქალი“ თავის სულში მომნიჭებული სიახლისა.

ოღონდ — სულ კეთილი „ბებიქალებით“ დასახლებულადაც ნუ წარმოვიდგენთ ჩვენს საცხოვრისს; დიდად განაფული „აბორტმახერებიც“ გვყვანან — იდეათა აბორტმახერები.

გარე-გარე ნუ დავინყებთ ძებნას — სიახლეთა მომშობილა და შემოქმედიც მეტ-ნაკლებად ყოველ ჩვენგანში ზის. მთავარი ისაა, პირველი ჩავითრგუნოთ და მეორე აღვიზოთ, ანუ — გვერდში ამოვუდგეთ მას, ვისაც თავი გადაუდვია და ახალ იდეათა ხორცშესხმის მისია უტივითია, და წინ აღუდგეთ მას, ვისაც ამ იდეათა მოშობა თავის შავ პროფესიად გაუხდია.

ახლა ამ შიგნიდან მომნიფებულ სიახლე-გარდაქმნათა გაცხადებისა და განსაქმების უამი დგება. უამის სუნს კი პირველად პოეტის დაგეშილი ყნოსვა დაიკრავს ხოლმე. გავიხსენოთ აკაკი — „ახლა არ გვგლეჯენ ენასა, თქვით რამე, თქვენი ჭირიმე“... ინყება, უნდა დაინყოს საქვეყნო სატიკიართა საჯარო და გულახდილი განსჯა.

სკეპტიკოსი ახლაც ქირქილებს — ილაცებთ, ილაცებთ, საქმე მანაც არ იძვრის ადგილიდანო. ერთს ვიტყვოდი: დღეს რომც სჭარბობდეს სიტყვა საქმეს, ეს ისეთი სიტყვებია, ხვალ რომ საქმეს წარმოშობენ. მთავარია, არ ვითამაშოთ გულახდილობანა და საჯაროობანა, მთავარია, ცვლილება-გარდაქმნა — ადამიანის ეს სულიერი ნყურვილი — მოღურ მოთხოვნილებად არ ვაქციოთ... და არც თვითმიზნად, ვინაიდან მაშინ დავკარგავთ საზომთა საზომს — ზომიერებას.

ამიტომაც გაუმარჯოს ღრმა, არსებით, მძაფრ გარდაქმნებს, ესე იგი — ზომიერს.

„თბილისი“, 31.12.1984

გულახდილი დიალოგი

სიტყვა, წარმოთქმული სტუდენტურ შეკრებაზე

ახალგაზრდულ შეკრებებს ტრადიციად მოსდგამს: ისინი აღძრავენ საქმიან, ხშირად — მტიკიენულსა და გადასაჭრელ პრობლემებს. ამას დღევანდელი სტუდენტური შეკრებაც ადასტურებს. ვინაიდან თითქმის ყველა სტუდენტური პრობლემა, ამავე დროს, ლექტორის პრობლემაც გახლავთ, მე სწორედ ინტერესთა ამ საერთო საფუძველზე ვილაპარაკებ, უფრო კონკრეტულად კი — სტუდენტსა და ლექტორს შორის დიალოგის შესაძლებლობისა და პერსპექტივის შესახებ. შეიძლება გაიკვიროთ — როდის აქეთ

იქცა სტუდენტსა და ლექტორს შორის დიალოგის შესაძლებლობა პრობლე-
მად; განა ლექტორისა და სტუდენტის სტატუსი, მათი ურთიერთობის ფორ-
მა თავისთავად არ გულისხმობს ამ დიალოგს, განა ჩვენი ყოველდღიური
კონტაქტი სტუდენტობასთან — ლექცია-სემინარები, კონსულტაციები, გა-
მოცდები — მისი გამოვლინება არ არის? მაგრამ ჩვენ „დიალოგში“ ცოტა
განსხვავებულ აზრსა ვდებთ — ჭეშმარიტი დიალოგი, ორმხრივ აბსოლუ-
ტურ ნდობაზე დაფუძნებული, სტუდენტსა და ლექტორს შორის ფორმალუ-
რი ურთიერთობითა და ფორმალური სიტუაციებით ვერ შემოიფარგლება.
ეს ფორმალური სიტუაციები გვიქმნის იმის ილუზიას, თითქოს დიალოგი
გვექონდეს სტუდენტობასთან — თავისი არსით კი ლექტორის ურთიერთდა-
მოკიდებულება სტუდენტობასთან არცთუ იშვიათად — მონოლოგურია.
არადა, სულ უფრო და უფრო ვრწმუნდებით, რაოდენ დიდი მნიშვნელობა
აქვს უშუალოდ პიროვნულ ურთიერთობაზე დაფუძნებულ, სწორედ ფორ-
მალურ ურთიერთობებზე ამაღლებულ დიალოგს. ის ფაქტი, რომ მტკივნე-
ულ საზოგადოებრივ საკითხებზე დიალოგის გასამართად სტუდენტობა
ზოგჯერ გვერდს უვლის ლექტორს და პარტნიორად უმაღლეს ავტორიტე-
ტებს მოითხოვს, ფრიად დამაფიქრებელი ჩანს. განსაკუთრებულ სიტუაცი-
ებში ამ დიალოგის გამართვის ინიციატივა უკვე ჩვენგან, ლექტორებიდან
მოდის, მაგრამ ნურავინ გაეიკვირვებთ და ნურც დავადანაშაულებთ სტუ-
დენტობას, როცა მათი მხრივ დუმილის ან გულგრილობის კედელს ვაწყდე-
ბით — ე.ი. არ უნდა დაელოდებოდით ამ განსაკუთრებულ სიტუაციებს და
ჩვენი ყოველდღიური საქმიანობითა და კონტაქტით სტუდენტობასთან
მზად უნდა ვყოფილიყავით ყოველგვარ საკითხზე დიალოგის გასამართად.

ამ დიალოგისათვის — ვერშემდგარი დიალოგისათვის — განსაკუთრე-
ბული პასუხისმგებლობა ჩვენ, ლექტორთა სამშუალო და ახალი თაობის წარ-
მომადგენლებს გვეკისრება — მათ, ვინც არცთუ ისე დიდი ხნის წინ თავად
ვიყავით სტუდენტები. თაობები ხშირად, ხატოვნად რომ ვთქვათ, განსხვა-
ვებულ ენებზე ლაპარაკობენ და ლექტორთა სწორედ ეს კონტინგენტი უნ-
და იყოს სტუდენტურ თაობასთან სულიერად ყველაზე ახლოს, რათა მემკ-
ვიდრეობის ფაქტორი შევინარჩუნოთ... უნდა ვიყოთ-მეთქი, მაგრამ ვართ
კი? სამწუხაროდ, ყოველთვის — არა... ამის ერთ-ერთი მიზეზი ის გახლავთ,
რომ ფსიქოლოგიურად ძნელი დასაძლევია შეიქნა ერთგვარი „ქასტობრივი“
ბარიერი, რომელიც სტუდენტსა და ლექტორს შორის არსებობს; ხშირად
ახალგაზრდა სპეციალისტი, გუშინდელი სტუდენტი, მეცნიერებაში რომ
ფეხს შედგამს, მხოლოდ წინ და მალა იყურება. ეს ცუდი არ არის, მაგრამ
უნდა გვექონდეს უნარი უკან მოხედვისაც. ერთმა მწერალმა კითხვას — სა-
იდან ხართო, ასე უპასუხა — ჩემი ბავშვობიდანო. ასევე ჩვენც, ყველანი,
ჩვენი სტუდენტობიდან ვართ მოსული და ამის დავიწყება არა გვმართებს.

სტუდენტსა და ლექტორს შორის დიალოგის საფუძველი ნდობაა, რომ-

ლის ორ ასპექტს მინდა თქვენი ყურადღება მივაპყრო. პირველი — ნდობა ნმინდა წყლის პროფესიული; აქ თავს იჩენს ლექტორთა კომპეტენტურობის, მათი მეცნიერული ავტორიტეტის საკითხი. ეს დიალოგის უპირველესი პირობაა და მას მხოლოდ ის ლექტორი დააკმაყოფილებს, რომელიც მუდმივი, განუწყვეტელი ზრდის პროცესშია. ჩვენში კი არცთუ ისე იშვიათია, როცა გარკვეული სიმალღეების დაპყრობისა (საკანდიდატო, სადოქტორო დისერტაციები) და, პირდაპირ რომ ვთქვათ, ერთგვარად უზრუნველყოფილი საზოგადოებრივი და მეცნიერული პოზიციის მოპოვების შემდეგ ახალგაზრდა მეცნიერი აღარ იზრდება, ერთ ადგილს ტკეპნის და მეცნიერისაგან იგი ერთგვარ „მეცნიერების ჩინოვნიკად“ იქცევა, იგი დღვიდენდებს ლებულობს ერთ დროს დაგროვებული ცოდნის კაპიტალისაგან; ზოგჯერ ახალგაზრდა და საშუალო ასაკის მეცნიერი, გეოლოგიური ტერმინი რომ ვიხმართ, ერთხელ მიგნებულ ძარღვს ამუშავენს, ამუშავენს მას შემდეგაც კი, როცა მადნის მარაგი იქ უკვე ამონურულია. ჭეშმარიტი მეცნიერი კი ჩვენ მუდმივად მაძიებელი, კვლევისა და ინტერესთა განახლების პროცესში ჩართული პიროვნება გვგონია. ვფიქრობ, კრიტიკულად უნდა მოვეკიდოთ იმ თვალსაზრისს, რომლის მიხედვითაც პროფესიონალიზმი ინტერესთა მხოლოდ ერთ, მკაცრად შემოზღუდულ სფეროში დახელოვნებას გულისხმობს და თითქოს საკითხთა ფართო წრით დაინტერესება დილეთანტობისაგან მიუცილებელი რამ იყოს. დღეს აღარავის უკვირს, ყოველ შემთხვევაში — არ უნდა უკვირდეს, როცა დიდი ფიზიკოსი ფიზიოლოგიით დაინტერესდება (დაინტერესდება არა როგორც მოყვარული — ჰობის დონეზე, არამედ როგორც პროფესიონალი), მათემატიკოსი — პოეტიკის საკითხებით. აკადემიკოსი კანტაროვიჩი თეორიულ მათემატიკაში მუშაობდა, ნობელის პრემია კი ეკონომიკის დარგში დაიმსახურა. ინტერესთა მრავალმხრივობა არის იდეალი, რომლისკენაც უნდა მივისწრაფოდეთ. ჩვენ ყველას გვანუხებს ე.წ. „საშუალო სტუდენტის“ პრობლემა, — ასევე ანუხებს სტუდენტობას „საშუალო ლექტორის“ პრობლემაც. სწორედ ინტერესთა შეზღუდულობა არის „საშუალო ლექტორის“ ერთ-ერთი ძირითადი მახასიათებელი. კარგი სტუდენტი კი ამგვარ ლექტორთან დიალოგისათვის ნაკლებად არის განწყობილი: სტუდენტის ინტერესების წრე — ჩვენდა საუბედუროდ თუ საბედნიეროდ — ხშირად გაცილებით უფრო ფართია, ვიდრე ლექტორისა. ლექტორთა მოკლე მეცნიერული თვალსაზრისი კი სტუდენტის თვალში — არცთუ უსაფუძვლოდ — თვით მის ვინრო სპეციალობაში კომპეტენტურობის ეჭვს უბადებს, რასაც მიყვარათ ჩვენთვის საინტერესო პრობლემამდე — ნდობის პრობლემამდე პროფესიული თვალსაზრისით.

ლექტორის მაღალი პროფესიული დონე უპირველესი, მაგრამ არა ერთადერთი პირობაა სტუდენტთან დიალოგისათვის; აქ თავს იჩენს ნდობის ზნეობრივი ასპექტიც. საკუთარი სტუდენტური გამოცდილება უნდა მოვიშვე-

ლიოთ: უნდა გავიხსენოთ, რა თვისებები ჰქონდათ ლექტორებს, ვისაც განსაცდელის ჟამს ჩვენ ვენდობოდით, ვის რჩევა-დარიგებებსაც ყურად ვიღებდით და ვის ავტორიტეტულ სიტყვასაც ვუჯერებდით? მრავალ თვისებათა შორის მე ორს გამოვყოფდი: ჩვენი სულიერი მოძღვარი უნდა ყოფილიყო გულწრფელი და არ უნდა ყოფილიყო გულგრილი. გულწრფელობა სტუდენტთან ურთიერთობაში, უპირველეს ყოვლისა, იმით იზომება, კათედრიდან ნათქვამს რამდენად შეესაბამება აუდიტორიის გარეთ ამ ლექტორის ნამოქმედარი. გულგრილი პიროვნებაც, ლექტორი იქნება იგი თუ სტუდენტი, ვერ იქნება გულწრფელი დიალოგის მონაწილე; არადა, ზოგი ჩვენგანი თავის სამშობლოში უსამშობლოო კაცივით ცხოვრობს — არ ენალვლება სხვა და სხვისი, ნყალსა და მენყერს ყველაფერი, რაც უშუალოდ მას, მის კეთილდღეობას არ ეხება — დაე, გაფუჭდეს და განიადვდეს. ცოტა არ იყოს, მოგვიჩლუნგდა განცდა პატრონისა — რესპუბლიკის, სახელმწიფოს პატრონისა, სულიერ და მატერიალურ ფასეულობათა მოვლის, გაფრთხილების გრძნობა, ის დიდებული თვისება — ილია რომ ბრძანებდა — როცა სხვისაზე ისე გერჩის გული, როგორც საკუთარზე. გულგრილობა მით უფრო საშიში სენია, რომ ადვილად გადამდებიც გახლავთ, მეტიც, თითქოს „მოდური“ დააეადებება და დიდი იქნება ლექტორის ზნეობრივი დანაშაული, თუ ამ სენს პირადი მაგალითით გაავრცელებს. ამის ერთგვარი საშიშროება რომ არსებობს, ამას ადასტურებს მოძალეა თერამეტი-ცხრამეტი წლის მოხუცებისა, — უსიცოცხლოების, გულგრილების, სხვათა მცდელობაზე მოქირქილების, რომლებიც თითს არ გაატოკებენ საერთო საქმისათვის, ვინაიდან ასეთი საქმე მათთვის საერთოდ არ არსებობს. პოზა და პოზიცია განსხვავებული რამ გახლავთ — ზოგიერთი გულუბრყვილოს თვალში კი გულგრილი და ქედმაღალი პოზა აღიქმება ინტელექტუალობისა და მოვლენათა ფილოსოფიური სიმაღლეებიდან ჭვრეტის პოზიციად. ეს არ არის, ეს ვერ იქნება ახალგაზრდა კაცის პოზიცია: ცხოვრებაში ყოველთვის არის ხილული თუ უხილავი ბარიკადი და ერთადერთი პატიოსანი პოზიცია ამ ბარიკადის რომელიმე მხარეს დგომაა. რაოდენ საგულისხმოა, რომ ძველ ათენში სოლონის ცნობილი კანონი მოქალაქეობის პატივსა ჰყრიდა ანუ იკვეთდა იმ პიროვნებას, ვინც შინაური მღელვარების დროს არც ერთ მხარეს არ მიემხრობოდა: არავინ უნდა დარჩენილიყო გულგრილი და უგრძნობელი საერთო საქმის მიმართ... ეს კანონი რომ ახლაც მოქმედებდეს, განა ყოველი ჩვენგანი შევძლებდით, სასჯელი თავიდან აგვეცილებინა? გულგრილობის წილ საზოგადოებრივი აქტიურობა — აი, ერთ-ერთი წინამძღვარი ლექტორსა და სტუდენტს შორის ურთიერთნდობაზე დაფუძნებული დიალოგისა. მოქალაქე, განსაკუთრებით კი სტუდენტობა, არც წარმოიდგინება სოციალური აქტიურობის გარეშე. მაგრამ აქტიურობაც არის და აქტიურობაც... აქაც უნდა გამოვარჩიოთ ერთმანეთისაგან (თანაც ძალზე მკაფიოდ, ვინაიდან მათი გაუმიჯნაობა სავეალალო შედეგს მოგვიტანს) საზოგადო-

ებისათვის სასარგებლო, ადამიანის მალაზნეობრივი სულიერი მოთხოვნილებიდან მომდინარე აქტიურობა იმ მანიაკალური ვნებისაგან, რომელიც ზოგიერთს, ახალგაზრდასაც და ძველგაზრდასაც, არსებული ხარვეზებისა და სიძნელეების ერთგვარ „კოლექციონერად“ ხდის, რომელიც ფილატელისტის გატაცებით ჩხრეკს, ეძებს სხვათა შეცდომებს, მარკებივით აგროვებს, გამოფენს და ტკებება მათი მზერით. ასეთნიც აქტიურობენ, ოღონდ — ცუდი აქტიურობით, როდესაც სხვის თვალში ბენვს ეძებენ, საკუთარში კი ღირეს ვერ ამჩნევენ. მართლაც, ბრმა უნდა იყოს ან თავს იბრმავებდე, რომ ვერ ხედავდე, ძალ-ღონის როგორი უკიდურესი დაძაბვით, როგორი გააფთრებული ნინააღმდეგობის გადალახვით მიმდინარეობს უზარმაზარი, ურთულესი სამუშაო — რესპუბლიკაში ჯანსაღი სულიერი და ზნეობრივი ატმოსფეროს შექმნის პროცესი. ჩვენთვის ეს ყოფნა-არყოფნის საკითხია — ერის გადაგვარების მკაფიო სიმპტომი ხომ ზნეობრივი კრიტიკიუმებისა და ღირებულებების რყევასა და დაცემადში ვლინდება... და როცა ჩვენში ლამის ლეგალიზებული სახე მიიღო იმან, რასაც ნეგატიურ მოვლენებს ვეძახით, როგორც ყოველთვის ძნელბედობის ჟამს, საქართველოში მაშინაც გამოჩნდა ბოროტების დამთრგუნველი ძალები. ჩვენი ინტელიგენცია და, მათ შორის, სტუდენტობა იმ უხილავ ბარიკადზე სწორედ ამ ძალის მხარეს იდგა, დგას და კვლავაც იდგება... უნდა იდგეს — არა ლიტონი განცხადებით, არამედ, უპირველეს ყოვლისა, საქმით; ბევრი კეთდება ჩვენში ამ ნეგატიური მოვლენების აღმოსაფხვრელად, ბევრსაც ვლასპარაკობთ და — როდესაც ვლასპარაკობთ, ზოგჯერ ისეთი შთაბეჭდილება იქმნება, თითქოს ეს მოვლენები ჩვენგან მოწყვეტილი, დამოუკიდებელი არსებობის მქონე რამ სულიერი იყოს, რომელმაც ყველგან შეიძლება დაიბუდოს, მხოლოდ ჩვენს საკუთარ არსებაში — არა. უნდა ვებრძოლოთ — და დაუნდობლადაც — ამ ნეგატიურ მოვლენებს, მაგრამ, უპირველეს ყოვლისა, საკუთარ თავში. თორემ ახლა მომრავლდნენ ექიმები, რომლებიც პედაგოგებს მასწავლებლობას ასწავლიან და ინჟინრები, რომლებიც ექიმებს მკურნალობის რეცეპტებს უწერენ. და არის კიდევ ერთი სფერო, რომელშიც ამ ყაიდის ხალხს თავი ყველაზე კომპეტენტურად მიაჩნია — ეს გახლავთ მართვის სფერო; ზოგიერთ ჩვენგანს თავისი ლაბორატორიისათვის, თავისი აკადემიური ჯგუფისათვის ვერ მოგივილია, ზოგიერთ თქვენგანს საკურსო თუ სადიპლომო ნაშრომისათვის თავი სათანადოდ ვერ გაურთმევია, არადა მართვისა და საქემპყრობელობისათვის კი თავი მზადა გვეგონია. არა მგონია, ასეთთა აქტიურობა საზოგადოებისათვის სასარგებლო იყოს... ჭეშმარიტი საზოგადოებრივი აქტიურობა წინა პირობად ჯერ საკუთარი პროფესიული და ზნეობრივი სრულყოფილებისათვის აქტიურობას გულისხმობს. ასე მნამს, ჭეშმარიტი მოქალაქეობისა და მამულიშვილობის წმინდა საუფლოში შესასვლელად თითოეული ჩვენგანის „სავიზიტო ბარათში“ უნდა ეწეროს — კარგი სპეციალისტი. ცუდ პედაგოგს, უვიც ექიმს, უხეირო ინჟინერს

არავინ დაგვიჯერებს კარგ ქართველობას და არც იმას, თითქოს უფრო დიდ-
თა საქმეთა აღსასრულებლად ვიყოთ მონოდებულნი.

და არის — ჩვენდა საბედნიეროდ, მაინც არის — საზოგადოებისათვის
სასიკეთო აქტიურობა, რომელსაც ბალავრად, პირველ ყოვლისა, საქმე
უძევს. „საქმემან შენმან გამოგაჩინოსო“ — უთქვამთ და, მართლაც, საქმემ
გამოგაჩინათ თქვენ, ჩვენო უხმაურო ენთუზიასტებო — სტუდენტებო და
ახალგაზრდა სპეციალისტებო, რომლებმაც განმინდეთ უჯარმის კომპლექ-
სი, რომლებმაც მესხეთში თეატრი შექმენით, რომლებმაც სამცხის ტერასე-
ბი ალაღინეთ, რომლებმაც კონკრეტული, ქმედითი მონაწილეობა მიიღეთ
და ლებულობთ ისტორიულ ძეგლთა დაცვა-პატრონობის საქმეში, რომლებ-
მაც შექმენით ახალგაზრდული თეატრები და ყურნალი „მართვე“, რომლე-
ბიც მესამე, შრომითს სემესტრში, „პიროფლიანები“ იღწვიეთ სოფლად თუ
ქალაქად. ამგვარი საზოგადოებრივი აქტიურობის რეალურ საქმედ გარ-
დაქმნა უკვე ახალგაზრდობის მართვის ხელოვნების მაღალ დონეზე მეტყ-
ველებს; ამის ერთ-ერთი გამოვლინება გახლავთ ახალგაზრდა მეცნიერთა
საბჭოებისა და კლუბების შექმნა; ყველა სხვა სიკეთესთან ერთად, სწორედ
ამგვარი კლუბები უნდა იქცნენ სტუდენტისა და ლექტორის საქმიანი, გუ-
ლახდილი, პატიოსანი დიალოგის ადგილად.

ამგვარი დიალოგის შესაძლებლობაზე კი დღევანდელი ჩვენი თავყრი-
ლობაც მეტყველებს.

„რესპუბლიკის სტუდენტთა აქტივის კრების მასალები“, 12.05.1979

ნიგნი — განსაქმეპული სიტყვა

*რუსთაველის საზოგადოების თანაპრეზიდენტის გამოსვლა
„ნიგნის მოყვარულთა“ საზოგადოების მეოთხე ყრილობაზე*

სულხან-საბას თქმით, არსებობს საქმე სიტყვიანი და სიტყვა საქმიანი.
და მაინც — ადამიანის ცნობიერებაში სიტყვა და საქმე ერთმანეთს ეთი-
შება, ზოგჯერ უპირისპირდება კიდევც.

მით უფრო — საქართველოში.

ეს დაპირისპირება და შეუთავსებლობა სიტყვისა და საქმისა დასაძლევია.
ნიგნია სიტყვისა და საქმის ერთიანობა, ანუ განსაქმებული სიტყვა და
განსიტყვებული საქმე.

ამიტომაც ნიგნის მსახურება განსაქმებული სიტყვის მსახურებაა.

ამოქმედებული სიტყვა ანუ ლოგოსი კი ღმერთია და ამიტომაც უნდა ჩათვალოს ნიგნის სამსახური ღვთისმსახურებად.

ღვთისმსახურება ერის მსახურებასაც გულისხმობს.

ღირსეულად გეტარებინოთ ეს ტკბილ-მწარე უღელი. და ჩვენც, ის საზოგადოება, რომელიც ქართველთა უდიდესი ნიგნის ავტორის სახელს ატარებს, მუდამ ამ უღელში ჩაბმული გვიგულეთ.

1990 წ.

უგულო კასი ვერ კასობს...

მონყალებისა და ჯანმრთელობის ფონდის დასაფუძნებლად რახან თეატრში შევიკრიბეთ, ალბათ, აღარ გაიკვირვებთ ამ ჩემს „თეატრალურ ასოციაციას“: თუ თეატრი გარდერობით იწყება, შესაბამისად, ყოველი საზოგადოება, ორგანიზაცია, ფონდი სახელწოდებით უნდა დაიწყოს. ამ ჩვენს ახალდაარსებულ ფონდს სახელწოდებაში უძვეეს ძირძველი ქართული სიტყვა „მონყალება“ საბა „მონყალეს“ ასე განმარტავს — „წყალობის მოქმედი“, ხოლო „წყალობა“ ჩვენს დიდ ლექსიკოგრაფს „შურთან“ დაპირისპირებულ მოვლენად მიაჩნია; თუ „შური“, მისი გენიალური განმარტებით, არის „მწუხარება სხვისა კეთილსა ზედა“, „წყალობა“ ყოფილა „მწუხარება სხვისა ბოროტსა ზედა“. ამის კვალობაზე — „წყალობის მოქმედი“ ანუ „მონყალე“ იგია, ვინც მწუხებულ-შეძრულია ბოროტებითა და უკეთურობით, ვისაც ეწყალება ყოველი გაუბედურებული და უპოვარი.

ამიტომაც წარემძღვარება ხოლმე უზენაესს ეპითეტად „მონყალე“... რუსთაველი გაიხსენოთ: „ღმერთო, ღმერთო მონყალეო, არვიწ მივის შენგან კიდე“...

მაგრამ შოთასა და საბას შემდეგ სიტყვა „მონყალება“ მნიშვნელობა გაიფართოვა და დღეს, უპირველეს ყოვლისა, გლახაკთა ანუ შათხოვართა გასაკითხს აღნიშნავს; ერთგვარად დაიჩრდილა ის ძველი მნიშვნელობა, რომელიც დიახაც უზუსტესად მიესადაგებოდა ამ ახალი, ძირითადად — საქველმოქმედო, რომ იტყვიან, საღვთო დანიშნულების საზოგადოებას.

ზოგმა, შესაძლოა, ეს ახალშექმნილი მნიშვნელობაც შესაფერისად მიიჩნიოს — განა მონყალების ფონდმა არ უნდა გაუნოდოს დახმარების ხელი ეკონომიურად შევიწროებულ, გაჭირვებულ ხალხსო? ცხადია, უნდა გაუნოდოს, მაგრამ ისიც გასათვალისწინებელია, რომ სიკეთის გაღებას, ქველმოქმედებას დიდი ტაქტი სჭირდება, დიდი კულტურა: ქართველის ბუნება

გასაკითხს ვერ ეგუება, მონყალებას იგი ძნელად იღებს, თავის დამცირებას — გაჭირებასა და შიმშილში ყოფნა ურჩევნია... ასეთები ვიყავით და, ღმერთმა დაგვიფაროს — გამოეცვლილიყოს! ვისზედაც ვზრუნავთ, ვისაც ნყალობას ვუყოფთ, მას ღირსება სიტყვიერად, ფორმალურადაც კი არ უნდა შეებლალოს... მონყალებას გირიგებთო, ამას ფსიქოლოგიურად ქართველი ვერ შეეგუება; თანაგვიგრძნობ, ზრუნვას, თუნდაც ცრემლს გიზიარებო — ამას კი მაღლიერებით მიიღებს.

ამიტომაც, ჩემი აზრით, უპირანი იქნებოდა, თუ ამ საზოგადოების სახელწოდებად „მონყალებას“ ერთ მოკლე სიტყვას წარუშეშვარებდით — „გულნი“. რაც დღეს გვჭირს (მარტო ჩვენ არა — მთელ ურბანისტულ სამყაროს; ჩვენ, ლეთის მაღლით, სხვებზე ნაკლებად!), გახლავთ სწორედაც უგულობა. სწორედაც გული აღარ გულობს, გული — ბუდე ცეცხლისა, ცრემლისა და სიყვარულისა — კიდევ გაგვიქვავდა, კიდევ გაგვიხედა, კიდევ გაგვიყინა. ყოველივე ამან გული გაგვიწყალა არა გადატანითი, არამედ პირდაპირი მნიშვნელობით — უფრო სწორად, გაგვიწყალდა ის სასიცოცხლო წვენი, გულს რომ უნდა გვიძგერებდეს და გვიმოდრავებდეს. უმოდრაო გული კი მკედარია, გახევებულ-გაქვავებულ-გაყინული გული გინდა გედებია მკერდში, გინდა — არა: „უგულო კაცი ვერ კაცობს, კაცთაგან განაკიდიან“.

მოკლედ, არა მხოლოდ და არა იმდენად „მონყალებისათვის“, რამდენადაც „გულმონყალებისათვის“ შეიქმნა ეს საზოგადოება. გულმონყალება ანუ თანაგრძნობა ანუ თანაღმობა კი ყველას, უკლებლივ ყველას გვჭირდება. სჭირდებათ ბავშვებს, სჭირდებათ მოხუცებს, სჭირდებათ ავადმყოფებს, სჭირდებათ დავრდომილებს, სჭირდებათ ხეიბრებს, სჭირდებათ პატიმრებს... მაგრამ იგი სჭირდება ჯეელსა და ჯანმრთელსაც, სჭირდება, უპირველეს ყოვლისა, იმიტომ, რომ გულმონყალებისა და სიკეთის არა მარტო მიღებაა შეება-ნეტარება, არამედ — გაღებაც... სწორედაც — გაღება: მიღება თუ ხორცს მოუხოვებს ჩვენსას, გაღება — სულს.

ერთიცაა: ვისაც არაფერი დაუთესია (მათ შორის — გულმონყალედაც), იგი, საცა სამართალია, ვერც უნდა იმკიდეს ვერაფერს.

ისევ საბას მივუბრუნდეთ: „მონყალე — ნყალობის მოქმედი“, ესე იგი, უმოქმედოდ ნყალობა ცარიელა სიტყვადაღა რჩება, მარტოდენ პირში ენის გაღალღალებად... თეატრი გარდერობით კი იწყება, მაგრამ, ღმერთმა დაიფაროს, გარდერობითვე მთავრდებოდეს. საზოგადოებაც სახელწოდებით იწყება, მაგრამ სახელწოდებით, ცხადია, ვერ დამთავრდება. სახელწოდება, ბოლოს და ბოლოს, აბრაა, სავიზიტო ბარათია, სიტყვაა. აქ კი მთავარია საქმე. აღბათ, ყველამ ვიხილეთ, როგორ საქმობს, როგორ დაფრთხობს დედა ტერეზა — სიტყვაძუნნი დედა ყოველთა შეჭირვებულთა:

თუმცა — სიტყვაც არის და სიტყვაც. იმ სიტყვა-ლოგოსში, რომელიც „პირველითგან იყო“, ჰგებდა მოქმედების ის ძალა, „რომელმა შექმნა სამყარო და

ლითა მით ძლიერთა". წიგნს, რომელიც სიტყვის მიერ სამყაროს შექმნაზე მოგვითხრობს, ქართულ ენაზე — გენიალურ ქართულ ენაზე — „შესაქმეთა წიგნი“ პქვია (იმდენად გენიალურზე, რომ ხანდახან კაცს, შესაძლოა, მკრეხელურმა ეჭვმაც კი გაგკრას — ვართ კი ღირსი ქართველები ამგვარი ენისა?).

გულმონყალების გზა ვერ იქნება, არ შეიძლება იყოს ადვილი და ია-ვარდით მოფენილი. ხშირად გვსმენია — საზოგადოებრივი ორგანიზაცია მკედრადშობილია, თუ „ზემოდან“ არის ინსპირირებული. ამგვარი ეჭვი ყოველთვის როდია უსაფუძვლო (ან — პირიქით: ყოველთვის როდია საფუძველიანი). ასეა თუ ისე, „გულმონყალების საზოგადოება“ მართლაც არის „ზემოდან“, უფრო სწორად — „მაღლით“ ინსპირირებული, ინსპირირებულია თექვსმეტი საუკუნის წინათ, იმ ხანიდან მოყოლებული, როცა საქართველოში სიყვარული, თანალმობა და გულმონყალება სახელმწიფოებრივ მორალურ-რელიგიურ კანონად გამოცხადდა. ასე რომ, ეს ყველაზე ახალგაზრდა საზოგადოება გულმონყალებისა ამავე დროს კველაზე ხანიერიცაა.

სიტყვამ მოიტანა და, ჩვენში არსებობს „ქვემოდან“ წამოსული ინიციატივით შექმნილი თანალმობა-გულმონყალების ჯგუფები, მათ შორის — რუსთაველის საზოგადოების ახალგაზრდული ასოციაციის „საქველმოქმედო სამსახური“. ასე რომ, „გულმონყალებისა და ჯანმრთელობის ქართული ფონდი“ თავის ტკბილ-მწარე უღლის ზიდვაში კენჭად არ დარჩება.

ილია ბრძანებდა, კარგში, სიკეთეში დიდპატარაობა არ არსებობსო. ახალდაარსებული საზოგადოებაც, ალბათ, დიდთა კეთილთა საქმეთა გვერდით, ერთი შეხედვით, წერილმან, დღიურ სასიკეთო მუშაკობასაც არ მოერიდება. მთავარი აქ გულმონყალების თანაბარი, საყოველთაო განაწილება-გაზიარებაა...

თუმცა, რას ვცოდვილობ, ამასაც რუსთაველზე უკეთ ვინ იტყვის: „ყოვლთა სწორად წყალობასა, ვითა თოვლსა, მოათოვდეს“.

1989 წ.

ქება სიჯანსაღეს

სიტყვა, წარმოთქმული ეროვნული ოლიმპიური კომიტეტის დაფუძნებისას

ბატონებო!

სიჯანსაღე, ასე მგონია, თავისუფლებაც არის... და — პირუკუ: თავისუფლება სიჯანსაღეც გახლავთ... მოკლედ, ერთი მეორესა გულისხმობს. ჯანმ-

რთელობას დაკარგავ და — სულ ერთია, კერძო კაცი იქნები თუ მთელი ერი — თავისუფლებაც გეზღუდება. მეორე მხრივ, თავისუფლების წაგვრა უცილობლად იწვევს ჯანმრთელობის შერყევას, დაავადებას. ამიტომაც უნდა ჩაითვალოს თავისუფლების წამგვრელი ერი სნებოვანების გამავრცელებლად. ჩვენ, ქართველებს, გვაკლდა თავისუფლება, ესე იგი, გვკლებია სიჯანსაღეც. მხოლოდ ამ აზრით შეიძლება ჩვენს დაავადებაზე ლაპარაკი და არა იმ უკუღმართული გაგებით, რის დამკვიდრებასაც რასპუტინ-ასტაფიევი და „მბანი მათნი“ ლამობენ; ეს იმასა ჰგავს, ბოდში მომითხოვია და, ნაძრახმა დედაკაცმა ლუესის ჯვრებით დაგაჯილდოვოს და თანაც აქეთ გიჩივლოს — გლაზა სნეულებას ავრცელებო.

მრავალი ფაქტისა და ციფრობრივი მონაცემის მოყვანა შეიძლებოდა ჩვენი ერის სპორტულობის დამადასტურებლად. აქ ითქვა, რომ ერთ სულ მოსახლეზე ოლიმპიური ჩემპიონების რაოდენობით ჩვენ, ვგონებ, ამერიკის შეერთებულ შტატებსაც კი ვუსწრებთ... ამგვარმა სტატისტიკამ მეც გამახარა, ოღონდ... არ მინდოდა ერთგვარი დისონანსი შემეტანა ამ ზეანეულ განწყობილებაში, მაგრამ მაინც ვიტყვი — ციფრები და სტატისტიკა ყოველთვის როდია არსის წარმომჩენი. სტატისტიკას რომ გავყვეთ, ერთ სულ მოსახლეზე ჩვენ, ქართველებმა, ექიმების რაოდენობითაც უკვე კარგა ხანია უკან მოვიტოვეთ ამერიკაცა და საფრანგეთიც, ჩვენს ავადმყოფებს კი — ამერიკას სად შეენედებით და — ლამის გლანდების ამოსაკვეთადაც მოსკოვს მივარბენინებთ. მეც ვგრძნობ, რომ — როგორც ყოველი შედარება — ეს ანალოგიაც მოიკოჭლებს, მაგრამ ამით მხოლოდ ერთი რამის თქმა მინდოდა: ვაითუ დიდი სპორტის მიღწევებმა და ოლიმპიური მედლების ბრჭყვიალმა თვალი ისე მოგეჭრას, რომ ვერ დავინახოთ მთლიანად ერის სიჯანსაღის, მისი ჯანმრთელობის მრავალი უმძიმესი და გადაუჭრელი პრობლემა. განა ოდნავ მაინც დამაკმაყოფილებელია ჩვენი ბავშვების, ახალგაზრდების ან თუნდაც „ძველგაზრდების“ ფიზიკური მზადყოფნა? ეს დონდლო, ქონმოდებული და გათრიაქებული ხალხი ვაპირებთ საქართველოს გათავისუფლებას?

არადა, ჩვენ მართლაც ვართ სპორტული ერი, რამდენადაც, საბედნიეროდ, ჯერ კიდევ ფეთქავს ჩვენი ძველი მეომარი ტომის გენი; ძველ-რბილში გვაქვს გამჯდარი შერკინების, შეტოქების, შეჯიბრის, ჭიდილის უინი. და, რაც უნდა უცნაურად მოგეჩვენოთ, ჩვენი სპორტულობა, ჩემი აზრით, ჩვენი დემოკრატიული ბუნებიდანაც გამომდინარეობს: ჩვენ, ქართველებს, უთანასწორო ომებში რომ გავცვდით, გვიზიდავს სპორტული არენა, ის ასპარეზი, რომელიც მოდელია სისხლსავეც ცხოვრებისა, მაგრამ — გაუმჯობესებული მოდელი: აქ დემოკრატიული თანასწორობის სული ტრიალებს, სპორტულ ასპარეზზე ორნი ერთს არ ებრძვიან, მძიმე მჩატეს არ ერკინება, აქ არ არსებობს პატრონი და ყმა... ვეფხისტყაოსანი გავიხსენოთ, სადაც თამამი მოყმე ავთანდილი საასპარეზოდ იწვევს თავის პატრონს მეფე როსტევეანს:

„მინაცა თქვენი ავთანდილ თქვენს წინა მშვილდოსანია, ნაძლევი დავდვათ, მოეასხნეთ მონმედ თქვენნივე ყმანია. მოასპარე ზედ ვინ მგავსო? — ცუდნილა უკუთქმანია, გარდამწყვედელი მისიცა ბურთი და მოედანია“.

და, ცხადია, ისიც გახსოვთ, რომ სპორტულ ასპარეზზე სამეფო ჯილამ ვერ უშველა როსტევეანს, შეჯიბრის ბედი თვალმა და მკლავმა გადაწყვიტა. ამ თანასწორობისა და სამართლიანობისთვისაც გვიყვარს და გვიზიდავს ქართველებს სპორტი.

ოლიმპიური დამოუკიდებლობა ერთი შემადგენელი ნაწილია საერთო პოლიტიკური დამოუკიდებლობისა. ამავე დროს სპორტული სუვერენიტეტი დიდად შეუნყოფს ხელს ჩვენი ერის გაჯანსაღებას. აკი თავშივე მოგახსენეთ, თავისუფლება სიჯანსაღეც არის-მეთქი. ზოგი ასე ფიქრობს, ჯერ გაეთავისუფლდეთ და მერე გაეჯანსაღდებითო... არადა, განსათავისუფლებლად სწორედ სიჯანსაღეა საჭირო. მიზანიც ნათელია: ჩვენი ერის გაჯანსაღება-გათავისუფლების წმინდა საქმეს უნდა ემსახუროს ახლად დაფუძნებული საქართველოს ეროვნული ოლიმპიური კომიტეტი.

ცრემლი მარტო უბედურებამ როდი იცის... გვინახავს ოლიმპიურ ჩემპიონთა ბედნიერების ცრემლიც თავიანთი გამარჯვების აღსანიშნავად ეროვნული დროშის აღმართვისას. მჯერა, ჩვენც აგვიკიაფდება თვალზე ამგვარი ცრემლი, როცა ოლიმპიური გამარჯვების მაცნედ საქართველოს ეროვნული დროშა ცად აიჭრება.

„ლელო“, 21.10.1989

საქართველოს ცოტნე არ დაეღევა

ფრაგმენტი ტელეგამოსვლიდან 1988 წლის ნოემბრის შიმშილობისას

...ხდება დიდმნიშვნელოვანი მოვლენები ჩვენს ცხოვრებაში... მოპოვებულია არა მარტო უზარმაზარი ზნეობრივი, არამედ რეალური გამარჯვებაც — საქმეს ისეთი პირი უჩანს, რომ რესპუბლიკის სუვერენიტეტის ხელყოფის შესაძლებლობას ვერ დაგვიკანონებენ... გამარჯვებისას კი — კაცის ბუნება ასეთია — დაფნის გვირგვინს ბევრის ხელი ნაეპოტინება ხოლმე... ამჯერად კი, თუ ვინმეა დასადაფნავი, უპირველეს ყოვლისა, ის ახალგაზრდები, ვინც საკუთარი სიცოცხლის — არა კეთილდღეობის, არა ჯანმრთელობის, არამედ სწორედაც სიცოცხლის — სასწორზე შეგდებათ დაგვანახეს, რომ საქართველოს ცოტნე არ დაეღევა...

სწორედ ახალგაზრდულმა ანთებულმა გულმა ქნა თავისი საქნელი: ზნეობრივი და, ფაქტობრივად, იურიდიული ბატალიაც მოგვაგებინა. მაგრამ გამარჯვებაზე ნაკლები ხელოვნება არ გახლავთ გამარჯვების შენარჩუნება, განმტკიცება და სახვალლო გამარჯვებათათვის სამზადისი... საამისოდ კი მარტო მხურვალე გული და ცხელი სისხლი არ კმარა, აქ უკვე მთავარია ნათელი და, თუ გნებავთ, ცივი გონება, ყოველმხრივი განსჯა, ასჯერ გაზომვა და ერთხელ გადაჭრა... ეკლესიასტე გეასნავლის: არის ჟამი სიკვდილისა და ჟამი შობისა, ჟამი გოდებისა და ჟამი როკვისა, ჟამი თესვისა და ჟამი ამოძირკვისა, ჟამი ქვათა მობოჭვისა და ჟამი ქვების სროლისა... და, თუ ამ ხატოვან თქმას გავიმეორებთ, ნურავის ვეცდუნებინებით — არ დამდგარა ჟამი „ქვათა სროლისა“... წინდახედულებას მოვუხმით — ყველაფერი უნდა ვილონოთ, რათა საქართველოში არ ჩამოდგეს საგანგებო ჯარი, არ გამოცხადდეს ავადსახსენებელი საკომენდატო საათი და, ღმერთმა დაგვიფაროს, არ დაიღვაროს წვეთი სისხლიც კი ქართველისა... და — არა მარტო ქართველისა — ჩვენში მაცხოვრებელი არც ერთი კაცისა. ოდიტგანვე ასე მოგვდგამს ქართველებს: თუ სხვაგან სიძულვილი მძევნვარებდა, აქ სიყვარული სუფევდა და სიყვარული გვაშენებინებდა მტრობით დანგრეულს.

ამიტომ ჩვენმა საზოგადოებრიობამ, ჩვენი ფორმალური თუ არაფორმალური გაერთიანებების ლიდერებმა, ყველამ უნდა იგრძნოს პიროვნული პასუხისმგებლობა იმისა, რომ ერი, უპირველეს ყოვლისა, მათ მოსთხოვს პასუხს, თუ ქართული ეროვნულობის ხეს რაიმე მოუზომავი სიტყვითა თუ წინდაუხედავი ქმედებით ძირი მოერყევა. დღეს, როგორც არასდროს, საჭიროა გავერთიანდეთ და ეს სულიერი ერთიანობა მოქმედების ერთიანობითაც დაავადსტუროთ, ჩვენი ეროვნული ენერჯია კი გამოვავლინოთ სადღეისოდ ყველაზე ქმედითი, ყველაზე ღირსეული, ყველაზე მართებული ფორმით, რაც გამორიცხავს ქაოსს — ყოველგვარ უკეთურობათა სათავეს.

„თბილისი“, 30.11.1988

ჩვენი დრო და ზნეობრიობა

რადიოგამოსვლა

„ჩვენი დრო და ზნეობრიობა“ — ამგვარმა შესიტყვებამ, შესაძლოა, ერთგვარად დაგადარაჯოს კიდევ, მსმენელო. განსაკუთრებით ამ მრავალგზის ნაბან-ნაკრიალებმა, ნახებმა და ფერ-უმარილით შეფთვქილმა „ჩვენმა დრომ“. „ჩვენი დრო“ — ამ 70 წლის მანძილზე არა მარტო და არა იმდენად გვესმის,

რამდენადაც ვხედავთ კიდევ ამ სიტყვებს: მუქი ფერის კოსტიუმები ჩაუცვამთ, ჰალსტუხებში გაყრონჭილან, ხელისგულები ტაშისცემით დასწითლებიათ... არადა, კაცმა რომ თქვას, რას ვერჩი ამ „ჩვენს დროს“ — თვით ეს სიტყვები ხომ არაფერ შუაში არიან, დამნაშავენი ჩვენ ვიყავით და დღესაც ჩვენ ვართ, როდესაც სიტყვებს უზნეოდ ვხმარობთ, უზნეოდ ვხარჯავთ.

ზნეობა, გარკვეული თვალსაზრისით, ზედროული მოვლენაც არის და მასთან მიმართებაში დრო (და თანაც — მაინცდამაინც ჩვენი) არაფერი მოსატანიაო, ზოგმა, შეიძლება ასეც ჩათვალოს; მაგრამ ეს ზედროული ზნეობრივი იმპერატივები ამ მედინ ნუთისოფელში რეალურ ქცევად, ჩვევად, ნესად, ტრადიციად ელინდება და დრო ამას ყველაფერს თავის დამლას აჩნევს. ზოგჯერ რაიმე მნიშვნელოვანი მოვლენა, საყოველთაო აქტი მეყსეულადაც კი ცვლის ზნეობრივ ფორმულებს, ცნებებს, წარმოდგენებს... განა ერთნაირია ჩვენი წარმოდგენა, ვთქვათ, დანდობასა და დაუნდობლობაზე, გულმონყალებასა და უმონყალობაზე 9 აპრილამდე და 9 აპრილის შემდეგ? ალბათ — არა; აქ მთავარია, კარგად გავიაზროთ ამგვარი ცვლილებების ლოგიკა და, უზენაესი ზნეობრივი პრინციპებიდან გამომდინარე, ან შევიწინარჩუნოთ ჩვენი ტრადიციული გაგება „მონყალება-უმონყალობისა“, ან გარკვეული კორექტივები შევიტანოთ მასში.

მამ ასე, რა არის ჩვენთვის, ქართველთათვის, ერთი მხრივ, მონყალება, მეორე მხრივ კი — უმონყალობა? საბა მონყალებს ასე განმარტავს: „წყალობის მოქმედი“. მონყალების გზა არსად და არასოდეს ყოფილა ადვილი და ია-ვარდით მოფენილი; მაგრამ ეს მაინც ერთადერთი გზაა, მართალია — ძნელი, ოღროზოღრო და მარძიკიან-ხიფათიანი, მაგრამ მაინც უცდომლად მიმყვანი ტაძართან. არსებობს ამ სიტყვის საპირისპირო გაგებაც, მონყალებს-ს საპირისპიროდ არის ნანარმოები უმონყალო. საბა უმონყალოს ასე განმარტავს — „მონყალებისაგან უცხო“. დღეს კი „უმონყალო“, უპირველეს ყოვლისა, უღმობელს, დაუნდობელს, შეუბრალებელს ნიშნავს. ისტორიულად ასე ყოფილა — ქართველების ტრადიციულ მონყალებას ანუ გულმონყალებობას პასუხად უმონყალობას მიაგებდნენ... თუმცა, რალა ისტორიულ წარსულს ვანუხებთ: გუშინ არ იყო, ჩვენს მონყალებად გაღებულ გულსა და სულში დაუნდობლად რომ ჩაგვაფურთხეს, მონყალებისათვის ალღენილი „მამაო ჩვენი“ უმონყალოდ რომ დაგვიჩხეს პირალესილი ნიჩბებით?..

მაგრამ ამანაც კი, ჩემი აზრით, არ უნდა გვაქციოს ჩვენ, გულმონყალებრივი შეილები, უმონყალო, შურისმაძიებელ, დაუნდობელ ხალხად... ვერც გვაქცევს! ამით იმას როდი მოგახსენებთ, მორჩილად დაუდოთ თავი ყოველგვარ უმონყალობას, ყოველგვარ უსამართლობას... არა და არა! თვით სათნოების განსახიერება, „წყალობის მთოველი“ ძე კაცისა, მაცხოვარი, როცა ხედავს საკუთარი მამის სახლს, საყდარს, ვაჭართა და მეკარმეთა მიერ შეგინებულსა და გაბაზრებულს, ხელთ შოლტს აიღებს. სხვა შემთხვევა-

შიც იტყვის იგი, მოვედ არა მოფენად მშვიდობისა, არამედ მოვედ მახვილად... მაგრამ ამ მახვილს, სიმართლისათვის ალესილს, მონყალე, სწორედ-დაც გულმონყალე კაცის მარჯვენა თუ გაამარჯვენინებს.

დავიმახსოვროთ: უმონყალო, დაუნდობელი, ბოლმით საცსე კაცი, უბრალოდ, მეტ შეცდომას უშვებს!

ჩვენ, ქართველებს, შეცდომის დაშვების უფლება თითქმის აღარა გვაქვს!

„მშვიდთა დაიმკვიდრონ ქვეყანა“, მშვიდთა, ცხადია, და არა მხდალთა! საქმესაც მშვიდად უხდება კეთება...

15.5.1989

დიდგორი

სიტყვა, წარმოთქმული დიდგორის მემორიალის საზეიმო გახსნაზე

ქართლოსიანო! ერის სული, ერის ენერჯია დრო-სივრცის გადაკვეთის რომელიღაც წერტილში თითქოსდა მკვირვდება, ხორცს იხსამს, განსაგნდება და განსაქმდება. ეს ჟამი დაგვიდგა ქართველებს აქ, დიდგორს, ათას ას ოცდაერთი წლის თორმეტ აგვისტოს, როს შეწვენითა ღვთისა და საფასად სისხლისა ჩვენისა მოგვეცა ძლევაჲ საკვირველი. დიდებული იყო ჟამი იგი, ღირსი ნატურისა — შეყოვნდი, წამო! და მოხდა სასწაული — წამი იგი გაინელა და საუკუნეებს გადმოსწვდა; დიდგორმა არამარტო გადაგვარჩინა — დიდგორმა შეგვინახა და დიდგორისავე „ნამცკრეებმა“ მოგვატანინა სული აქამომდე.

ძეგლი მხოლოდ მარმარილოსაგან როდი ითლება — დიდგორი თავად არის ძეგლი ხელთუქმნელი; ამგებელი მისი სრულიად საქართველოა, ხოლო ხუროთმოძღვარი — ქართველთა შორის უპირველესი აღმამენებელი, დავით მეოთხე ბაგრატიონი. „რა წარმოდგეს ჟამი წელითა და ხმელთა აღმოფშენეათაჲ, მაშინ შემინყალე, მსაჯულო ჩემო“, — ევედრებოდა დავითი უფალს. და როს დაუდგა ჟამი სულის აღმოფშენვისა, როს წარხდა ზარი მეფობისა და დაშრტა დიდება, სხვამან მიიღო სკიპტრა, სხვათა შეუდგნენ სპანი, მაშინ შეინყალა უფალმან დავით, შეინყალა გელათისათვის, შეინყალა „სინანულისათვის“, შეინყალა დიდგორისათვის.

და აჰა, დიდგორს, სულიერ ძეგლს ქართველობისას, ედგმება ოსტატისაგან ხელთქმნილი ძეგლიც.

ორმოცდაშვიდი ჯაეარდენია — ჯვარადამოზრდილი ჯაეარდენი — ჩარ-

ტყეული დიდგორის მკერდზე; ათჯერ ორმოცდაშვიდი მახვილი არ გვეყოფა, რომ თითოეულს ჩვენი გარდახდილი ომების სახელები დაენეროს — შამქორი და ბასიანი, დიდგორი და მარაბდა, მარტყოფი და ასპინძა, ტაშის-კარი, ხრესილი, კრწანისი... და, ვინ მოთელის, სხვა რამდენი...

შვიდი სვეტია დადგმული დიდგორზე: ასჯერ შვიდი სვეტი არ გვეყოფა, რომ თვითეულს ჩვენი აგებული ტაძრების სახელები დაენეროს — ბოლნისი და სვეტიცხოველი, გელათი და ბაგრატი, ატენი და ბანა, ჯვარი, სამთავისი, ოშკი... და ვინ მოთელის, სხვა რამდენი...

ერთი დედაბოძი, მზისთვალა დედაბოძი, ადგას დიდგორს თხემზე, მაგრამ ბევრისბევრი, უთვალავი დედაბოძი ჩაუდგამს ქართველს თავის კერაში. და ეს დედაბოძი გველაღებდა: არ მომშალოთ, არ ამომძიკვოთ, მტერს ნუ გაახარებთ, გამრავლდით, ქართველებო!

დიდგორზევე ამოსულა ხე სიცოცხლისა და მასზე ჩამობმული ზანზალაკე-ბიც ნიავის ყოველ გატოკებაზე წკრიალებენ — გაძლიერდით, ქართველებო!

კბოდეზე გადმომდგარი მებუკე — იერიქონის საყვირით რომ აზანზარებს საქართველოს ჰაერს — ფილტვების დასკდომამდე გვიზობს — შეერთდით, ქართველებო!

სისხლისგან დაცლილი, ჩამუხვლილი, მაგრამ ხმალგაუგდებელი მოლაშქრეც ამას გვევედრება — განმტკიცდით, ქართველებო!

გაძლიერდით...

განმტკიცდით...

გამრავლდით...

შეერთდით...

დიდგორის თხემიდან, მალლიდან, ზეციდან ეშვება ხვალის საქართველო — სასხლავ-საჭრეთლიანი, ხმლოსანი, ნიგნიერი საქართველო, ნინოს ჯვრით გზაგანათებული.

ამაღლდი, საქართველო!

„ლიტერატურული საქართველო“, 7.9.1990

წელი პირველი

სიტყვა, წარმოთქმული 1990 წლის 9 აპრილის სამგლოვიარო მიტინგზე

„წელი ათასი, ვითარცა ერთი დღე“ — ბრძანებს დავით ნინასწარმეტყველი.

და — პირიქითაც: დღე ერთი, ვითარცა ათასი წელი...

დგება წელი, დღე, თვით წამიც კი ერის ცხოვრებაში, საუკუნეებს რომ გადასწონის.

ასეთი იყო დღე ცხრა აპრილისა; ასეთი იყო 1989 წლის ცხრა აპრილიდან წელი პირველი — ამ დღემ ისე შეგვძრა, ჟამის ათვლა ლამის მისით დავიწყეთ.

გასრულდა წელი პირველი...

ვისთვის უსასრულოდ გაიჭიმა ეს წელიწადი, ვისთვის — გასხლტა თვალის ერთი დახამხამება; ზოგისთვის კი ჟამის მდინარე სულაც შედგა, შეგუბდა.

დედებისათვის, ჩვენი ახალი დროების მონამეთა დედებისათვის, შეჩერდა ჟამი.

რა ვუთხრათ მათ, რა შევბედოთ, რით ვანუგეშოთ?

„და ისმა ხმაე გოდებისაჲ და ტირილისაჲ და ტყეებისაჲ მრავალი. რაქელ სტიროდა შვილთა თვისთა და არა უნდა ნუგეშინის-ცემის, რამეთუ არა არიან“.

არ არსებობს ნუგეშისცემის სიტყვები დედებისათვის, „რამეთუ არა არიან“ თამრიკო და ნათია, ეკა და გია, ნინო და აზა, მანანა და მამუკა, ნატო და ნანა, ელისო და ნოდარ, მარინა და შალვა...

არ არსებობს სანუგეშო სიტყვები არც ქალბატონ თინას, ზაირას, მზიას, თამარის შვილებისათვის. შვილმოკლულ დედებს თუ მკერდი ეხრუკებათ, შვილებს სასა უშრებათ დედების სიკვდილზე.

არსებობს მხოლოდ სანუგეშო საქმე — მათი სიკვდილით აღმდგარი საქართველო.

მათეს სახარება გვამცნობს, ძალაუფლების დაკარგვის შიშმა როგორ გააჟუჟებინა პეროდეს, პურიასტანის მეფეს, უცოდველი ყრმანი — მათ შორის ეგულებოდა მხეცკაცს ახლად მოვლენილი მესია, იესო.

ქრისტეს შობა თავისუფლების დაბადებაც იყო — სწორედ მაცხოვარმა გაათავისუფლა ადამის მოდგმა პირველქმნილი ცოდვისაგან.

თავისუფლებაც კაცით იბადება და მის მოვლინებასაც ახლავს ხოლმე გაუსაძლისი სამშობიარო ტკივილები.

ასეთი ტკივილით შვა საქართველომ თავისუფლება 1989 წლის ცხრა აპრილს.

იცოდნენ ახალი დროის პეროდებმა, ჩანასახში რომ უფრო ადვილია მოშობა ჩვილისა, ამიტომაც გალენეს სისხლის კალო ამ ადგილას.

ცხრა აპრილის მარტვილები ამ ახლად მოვლენილი ყრმის — თავისუფლების — მახარებლები არიან, მისთვის სისხლდანთხეულები. სწორედ მათ გაიღეს თავისუფლებისათვის ყველაზე დიდი გამოსაღები — სისხლი.

სისხლს კი გაფრთხილება უნდა; რუსთაველი ბრძანებს: *„სისხლი კაცისა უბრალო კაცმანცა ვით იტვირთათ“.*

ვაი რომ, დაიღვარა სისხლი, უბრალოთა სისხლი... უბრალოთა — არა იმ აზრით, რომ დალუპულთ მანამდე რაიმე განსაკუთრებული როლი არ უთა-

მაშიათ ეროვნულ მოძრაობაში (ამ მოძრაობის უპრეტენზიო რიგით-წევრობა, იქნებ, უფრო სანუკველიც იყოს, ვიდრე პრეტენზია თავკაცობისა, რაც ასე ჭარბად მოგედგამს ქართველებს); უბრალო-მეთქი, აქ ბრალის არმქონეს ვგულისხმობ.

ისინი, ისევე როგორც მათ გვერდით ჩაჩოქილი ათასები, განსაცდელს არ გაპირდებიან; სანთლები აინთეს და სამსხვერპლოდ განიშადეს თავი.

კაცი რომ მზადაა სიცოცხლე დათმოს, იმ სიცოცხლეს უნდა განსაკუთრებით გაფრთხილება.

ვერ გავუფრთხილდით...

მაგრამ დღეს ჩვენ აქ არც ვისმე დასამუნათებლად და არც განსაკითხად არ შევეკრებილვართ. არ დამდგარა საამისო დრო-ჟამი საქართველოში. საერთოდაც, შურისძიება სისუსტის ნიშანი უფრო მგონია, ვიდრე ძალისა... არცა ვართ, ღვთის მადლით, ქართველობა შურისმაძიებელი ხალხი. დრო — ეს შეუმცდარი მსაჯული — „მართალი სამართლით“ განსჯის; ცხრა აპრილის ტრაგედიის ყველა მონანილეს თავისი მიენყვის, ყველას თავისი ადგილი მიეჩინება: კრავებს — უფლის მარჯვნივ, თიკანთ — მარცხნივ. ერთი მსჯავრი კი არანაირ დროის გამოცდას არ დაექვემდებარება: ქართველმა ერმა ცხრა აპრილს დალუპულნი მონამეებდ მიიჩნია; ხალხის ცნობიერებაში კი ყოველი მონამე წმინდანად შეირაცხება. წმინდანთა დასში ეგულებოდა ისინი მერაბ კოსტავას, ეროვნული მოძრაობის ამ თეთრ გიორგის, მუდმივად მზადყოფნს ურმის თვალს გადასცმოდა საქართველოსთვის. ბედისწერამ ააცილა მას სიკვდილის ცელი ამ მოედანზე, მაგრამ სულეთშიც არ მიუტოვებია მერაბს ასულნი და დანი და დედანი და ძმანი თვისნი დიდი ხნით. და როგორც ისინი ვიდოდნენ მერაბის კვალზე ამ სოფელში, ისე გაპყვა იგი მათ კვალს იმ სოფლად... გაპყვა სასუფეველისკენ.

ბევრ რამეზე აგვიხილა თვალი ნელმა პირველმა. ტოტალიტარული რეჟიმი რომ დალპა, მმართველობის ავტოკრატიული სისტემა რომ ირყევა და იმპერია იშლება, ამას უკვე ყველა ხედავს. ვიმეორებ ეს ცხადი ჭეშმარიტება დაუსრულებლად? ფიქრობ, არა ღირს... სითამამეშიც აღარ ჩამოგვეერთმევა — ამისათვის ახლა აღარ იჭერენ. მაგრამ, ჩემი აზრით, მეტი წინდახედულება გვმართებს, როცა უმაღლეს და სამხედრო ხელისუფლებას ერთგვარ გამოცდას ეწეყობთ — მიმართავს თუ არა იგი უკიდურეს ზომებს? მიმართავს! აკი მიმართა აქაც, ყარაბაღშიც, ბაქოშიც... კვლავაც მიმართავს; ისტორიული ფაქტია: სკვითი ყოველთვის, ან თითქმის ყოველთვის ჩაჭრილა ამ გამოცდაზე. გადასაჩეხად განწირულებმა უფსკრულში სხვათა გადაყოლიება იციან ხოლმე. მამ რა ვქნათო, იკითხავთ, გულხელი დავიკრიფოთ და ველოდოთ, როდის მოგვეერთმევა ხონჩით ნანატრი დამოუკიდებლობა? აკი — „სჯობს სიცოცხლესა ნაზრახსა სიკვდილი სახელოვანი“? სჯობს, ჭეშმარიტად, ოღონდ სახელოვანი სიკვდილი და გმირული თავგანწირვა კერძო კაცებს უნდა მოგვეკით-

ხოს და არა მთელ ერს — ამ გმირულ სიკვდილს ხომ მხოლოდ ერის გადასარჩენად აქვს აზრი? ცხადია, ქართველობა ვერ ვისხდებით გულხელდაკრეფილი და ყაბულ-ფლავის მომლოდინე, მაგრამ არც მხოლოდ კეტის ამარა უნდა დავრჩეთ ტანკის პირისპირ. რამდენადაც დიდებული, ამაღლებული სანახავი იყო ტანკზე მისული ხელკეტიანი ქართველი, იმდენად უბადრუკი და გულსაკლავი გამოჩნდება კეტით რაკეტასთან მორკინალი საქართველო. ტანკსაც და რაკეტასაც მხოლოდ სული დასძლევს, სული ცხოველი, შემოქმედებითი, მაშენებელი... ვიცოც, ეს სული ზოგ რასმე დაანგრევს კიდეც. დასანგრევი დე დავანგრიოთ, ჩვენც მანდა ვართ... ესაა მხოლოდ — ნანგრევებში არ უნდა ჩავიმარხოთ. ცალკეულ პირებზე არ მოვახსენებთ: საქართველო არ უნდა დაიტანიოს იმპერიის ნანგრევებმა. თანაც, მხოლოდ უარყოფა, მხოლოდ ნგრევა, მხოლოდ პროტესტი ვერ გვაპოვნინებს სულიერ საქართველოს — სანუკველ სამშობლოს ჩვენსას, თავისუფალსა და ღირსეულს. ასეთ საქართველოს შენება უნდა, შენებას კი ცოდნა, შრომა, შინაგანი ნესრიგი და პარმონია სჭირდება; სჭირდება, უპირველეს ყოვლისა, ერთ პირზე დგომა, გაერთიანება, შეკვრა... ხოლო ჭეშმარიტად მაშინ შევიკვრებით და გავერთიანდებით, როცა შევიძლებთ ერთმანეთის განსხვავებულობის ატანას.

ჩვენ უნდა დავინყოთ — აქამდეც უნდა დაგვენყო — ასეთი ერთიანი საქართველოს შენება.

და მონამეთა აქ დაღვრილი ნმინდა სისხლიც სწორედ ამას შემოგვჩუხჩუხებს: გავერთიანდეთ, განვმტკიცდეთ, განვძლიერდეთ და ყველამ ერთად — ცოცხლებმაც და მკვდრებმაც — მოვუაროთ საქართველოს!

„ლიტერატურული საქართველო“, 13.4.1990

ილია და ანტილია

ტელელექცია ქართულ ენასა და ლიტერატურაში — 1990 წლის 3 ივნისი

გამარჯობა, პატივცემულო ტელემეყურებლებო; პირველ ყოვლისა, ბოდიში უნდა მოგიხადოთ ჩვეული გრაფიკის დარღვევისათვის — დღეს უჩვეულოდ გვიან ვინყებთ ჩვენს ლექციას — მაგრამ განა სხვა რა გვაქვს საათივით აწყობილი ამ ჩვენს დაულაგებელ ქვეყანასა და, საერთოდაც, უთავბოლო ნუთისოფელში, რომ ჩვენი ტელელექციები გვქონდეს ნუთებში გათვლილი. სხვა მიზეზითაც აგვერია დღეს გრაფიკი; გრაფიკი კი არა, რატომ თავგზა არ

აგვერევა და დაგვეკარება დღეს ყველას, დიდმატარიანა, საქართველოში! ან რა გველექციება, კაცმა რომ თქვას, დღეს? ყოველ შემთხვევაში, მე ახლა ნამდვილად ნაკლებად ვარ საქადაგოდ, თქვენ კი, ალბათ, სასმენად განწყობილები... გლოვის უამრავი ჩამოგვიდგა, გლოვას კი სიტყვაზე მეტად დუმილი უხდება, თუ მაინცდამაინც, ჩვენებური ზარი და დერინვა, ხმით ნატირები, რასაც კაცი თავის დარდას და ვარამსაც ამოაყოლებდა... „დალაი ვთქვათ, ქართველებო, დალაი“... სიტყვითაც, იქნებ, ცოტა სულს მოეფონოს.

ძნელია, ჩემო მსმენელ-მაყურებელო, უბედურებით ჩვენი გაკვირვება — მარტო დღეს არა, ისტორიულადაც. კარგი რამ მჭირდეს, გიკვირდეს, ავი რა საკვირველიაო, აკი ბრძანებდა შოთა. იმ ჭირსა და უსამართლობას, ცხრა აპრილს რომ თავს დაგვატყდა, მტერსაც არ ვუსურვებდი. კაცთაგან, მეზობლისგან ხომ გავინირეთ და, ეტყობა, რაც ადამიანმა მიგვაკლო, ბუნება გვიპირებს იმით ხელის მოთავებას: აჭარის მენყრები, სამეგრელოს წყალდიდობა, სვანეთის ზვაეები გავიხსენოთ. ახლა კი, დღეს, უკვე მკვდრები ცვივა ზემოდან, გვამები გვანვიძისა და გვათოვს... უცნაური, უჩვეულო რამ მოხდა რამდენიმე საათის წინ — ფუნიკულიორის საბაგროს ვაგონები მოსწყდა და ხალხის, ძირითადად — ბავშვების... თქმაც მიჭირს... ბავშვების ნაფლეთებით დაიფარა მიწა. ავარიაც არის და ავარიაც. ჩვენსავით აფურტკენილ, დაულაგებელ, უთავურ, უკანონო ქვეყანაში კი არა, დიდად დანყობილ სახელმწიფოებშიც ხდება სტიქიური თუ ადამიანის დაუდევრობით გამოწვეული კატასტროფები; ბევრი ბუნების უსამართლობასაც კი ადამიანურ ცოდვათა ნაცვალგებად აღიქვამენ... მარტო უბირი ხალხი კი არა, გურამიშვილის მსგავსი დიდი ხელდასხმულებიც ღვთის წყრომის გამოვლინებად თვლიან სტიქიურ უბედურებებს: „მათ ღმერთსა სცოდეს, ღმერთმან მან პასუხი უყო ცოდვისა; ცა რისხვით შუვა განიპის, ქვეყანა შეიძროდისა“... რალა ითქმის კაცთა დაუდევრობით ჩვენს თავს დატეხილ უბედურებაზე — მოგვეზლო და, ვინ იცის, წინ კიდევ რამდენჯერ მოგვეწყვის ჩვენთა ცოდვათათვის, ჩვენი გულარხეინობის, უნიათობის, ჩვენი გულდედლობის, უსამართლობაზე წაყრუებისა გამო, იმიტომ, რომ ზოგჯერ მანეთის ეკონომიასა ვნევთ და მილიონისა ეზარალდებით... თუმცა, მატერიალურ ზარალს ვინ დაეძებს, როცა საბაგროს რემონტზე ვითომცდა დაზოგილი ფულის საზღაური, დღევანდელივით, ჩვენი შვილების სიცოცხლეა. როგორ მივანყდით ტელეფონს ამ შემზარავი ინფორმაციის მოსმენისას შინ არმყოფნი, აკანკალებული ხელით როგორ ძლივს ვკრეფდით ნომერს, შინ ვრეკდით, რათა ჩვენი შვილების, ოჯახის წევრების ხმა გაგვეგონა; როგორ ჩავვიდგა გული საგულეს მათი ხმის გაგონებისას და, მაშინვე შეგვრცხვა ამ სიხარულისა, იმავე წამს თავზარი დაგვეცა იმის შეგრძნებამ, რომ ასეთ დროს ბედნიერად დავიგულეთ თავი — მართლაც არ ეგების, საყოველთაო უბედურებას საკუთარი არმინით დაუწყნოთ ზომვა: მე თუ არ დაეიქეცი, სამაგიეროდ ჩე-

მი ძმა, ჩემი მეზობელი, ჩემი ჯიში და ჯილაგი, ჩემი თანამემამულე და, ბოლოსდაბოლოს, ჩემსავით ადამის შვილი ხომ გაუბედურდა და გაინირა... დაგველუნენ ბავშვები, სახვალისო საქართველოს მესაფუძვლენი... ვაითუ სრულდება ჩვენთა ცოდვათა სამუქჳოდ გურამიშვილის ნაწინასწარმეტყველები — „ჩვენცა ვიხილოთ ამიერ მოსპოლვა საფუძვლისა“...

დიდი განწმენდაა საჭირო, დიდი სინანული.

არადა, როგორ აფოფინებით ვეშურებოდი ჩვენს დღევანდელ შეხვედრას — ილიაზე უნდა მელაპარაკნა. მეც მომენატრა, შენც მოგენატრა, ალბათ, ჩემო მსმენელო, ილიაზე ბინიანი საუბარი. ის ნაპერწკალი მინდოდა ამებრიალებინა, რომელიც, ილიას თქმისა არ იყო, შეუძლებელია ყოველი ქართველის გულში არ ყოლაედეს. დღეს მე რაღა ცეცხლის შემკიდებლად გამოვდგები, როცა ამ უღდისაგან თვითონ ძლივსღა ვბჭუტავ ჩანუული ლამპასავით.

და მაინც, ილიაზე ვილაპარაკებ... ისე ილიათი უნდა მოვიბრუნოთ სული — ილიაა ჩვენი ლხინისა თუ ჭირის ყველაზე დიდი თანაზიარი თუ მონანილე... მე თქვენთვის მითქვამს, რომ ილია არის დაუნდობელი ტალანტი, მაგრამ ამ დაუნდობლობის წიაღ მკითხველი წიადაგ გრძნობს უზარმაზარ თანალმობას, სიყვარულს: *ჩემზედ ამბობენ: „ის სიავეს ქართველისას ამბობს, ჩვენს ცუდს არ მალავს, ეგ ხომ ცხადი სიძულვილია!“ ბრიყენი ამბობენ, კარგი გული კი მაშინვე სცნობს, ამ სიძულვილში რაოდენიც სიყვარულია. ყველა საქმეს სიყვარული აკეთებინებს, ყოველ სიტყვას სიყვარული აწერინებს. დიახ, სიყვარული აწერინებს უმწარეს სიტყვებს, სიყვარული ამათრახებინებს, ასილაქებინებს, ანესტკრინებს საქართველოს, რადგანაც იცის, ამ წუთისოფელს თუ თვალი მოუხუჭე, გინდ კაცი იყო, გინდაც ქვეყანა, ისე გაგთელავს, როგორც დიდოელი ლეკი ნაზადსა. საქართველო უნდა ფხიზლობდეს, დამაქრული ჭიკჭიკი „გარეგანი ფრინველისა“ კი თუ მოგვადუნებს და მიგვაძინებს, თორემ — არ გამოგვაფხიზლებს. ფხიზლობას მწარე სიმართლე სჭირდება წამალივით — ამიტომაც შეასვა ქართველობას წამლად „ბედნიერი ერი“, „რა ვაკეთეთ, რას ვშურებოდით“ და ამისთანა სამკურნალო შხნაკვი სიტყვები ილიამ. ლუარსაბი წინ სარკედ დაგვიყენა — რად ვიქეცით ეს გამრჯე ხალხი, რას დავემგვანეთ ეს მეომარი ტომი — როგორ გავსივდით, როგორ მოგვედოქონი და ამ ქონში ჩაგვეკარგა სული, როგორ შეგვეცვალა გულის ძგერა სტომაქის ბუყბუყით ან, როგორც აკაკი იტყოდა, კუჭის ჭუჭყუნით, და როგორ თვალდათვალ გავლუარსაბდით. მაგრამ ილიამ იცის, რომ მარტო სამხილებლის მხილება, მხოლოდ გასაკილის კილვა საქმის ნახევარია; რას დაემსგავსა კაცი, ამის ჩვენება საქმის ერთი მხარეა, რას უნდა ჰგავდეს იგი — მეორე და, არანაკლებ მნიშვნელოვანი. ამიტომ ვერ შეჩერდებოდა ილია ლუარსაბსა და დარეჯანზე, ამიტომ უნდა დაეხატა მას ოთარაანთ ქვრივი და გიორგი, ეჩვენებინა ასევე რეალური და არა გამოგონილი, თუმცაღა იშვიათი სახეები არსშენარჩუნებული და არსგადამრჩენი ქართველებისა.*

ილიამ იმთავითვე იცოდა თავისი მისია — „*ლმერთთან მისთვის ვლაპა-რაკობ, რომ წარუძღვე ნინა ერსა*“. სიყრმიდანვე ნათელმზილველის ნიშნითაა დალდასმული ანუ, როგორც ჩვენს მთიანეთში იტყვიან, „ნიშანიანი“. აქედან გამომდინარე, ილია, ალბათ, თავის მომავალსაც ხედავს, თავის მონამეობრივ აღსასრულს... დანერა კიდევ — „*რომ მტერთათვისაც, რომელთ თუნდა გულს ლახეარი მკრან, გთხოვდე: შეუნდე, არ იციან, ლმერთო, რას იქმან!*“ მარტო საკუთარს არა, ილია საქართველოს მომავალსაც სჭვრეტს და, ვინ იცის, ბევრ სანუგეშოს, იქნებ, ვერც იქ ხედავდეს, მაგრამ იმედი არასოდეს გადასწურვია, მკლავები არ ჩამოსცვენია და, რაც მთავარია, სკეფისისის ჭიისათვის თავისი კალამი არ გამოუხვერევინებია.

ილია რომ აუხმედრდა თავის თანამედროვე საქართველოს, სახელმწიფოებანაგვრილსა და გაუბედურებულს, ილიამ რომ ომი გამოუცხადა ჭაობს, სადაც ლუარსაბისნაირი სულდგმულები დაფუთფუთებენ — ეს იმას როდი ნიშნავს, რომ უარი თქვა თავის ქვეყანაზე ან, მით უმეტეს, ზურგი შეაქცია მას. ასეთი საქართველოა მისი დედა, მისი მშობელი... და როგორც ადამიანი — ნორმალური ადამიანი — ვერ იტყვის უარს თავის დედაზე, როგორი დავარდნილიც უნდა იყოს იგი, ასევე არ ეგების საპყარ სამშობლოზე უარის თქმა. მაგრამ უარის უთქმელობა, ჩემო მსმენელო, იმას როდი ნიშნავს, რომ შენ ასეთ მამულს შეეგუო — არა, მამულიშვილობა ამ შემთხვევაში ის იქნება, თუ შენ ამ სამშობლოში რალაცას შეცვლი, გარდაქმნი, გააუშჯობესებ, შენს ნილ საქმეს, შენს კუთვნილ სოფელ-ქვეყანას დაინიანურებ, ზეცისკენ აზიდავ... სწორედ ეს მისია აიღო თავის თავზე ილიამ, ამიტომ აცხადებს იგი: „*მე ცა მნიშნავს და ერი მზრდის, მინიერი — ზეციერსა...*“ ვინაა აქ მინიერი და ვინაა ზეციერი? მინიერია ერი, მატერიალური მასა, ხალხი, ვაი რომ, ზოგჯერ გაბრბოვებული, მაგრამ, ილიას რწმენით, მანც მარადიულად მართალი, სამართლიანი და, საბოლოო ჯამში, ჭეშმარიტებისაკენ ტანჯვითა და ნამებით მავალი... სწორედ მინიერი ერი შობს ამ ჭეშმარიტების ანუ ლეთის სიტყვის მეგზურსა და გზისმკვლევს — პოეტს, შობს ზეციერს, ლმერთთან მოლაპარაკესა და ლმერთისგანვე მინიერ საქმეთა გასაზეციურებლად ამქვეყნად მოვლენილს. პოეტის მისიაც ეს არის — იგი წინ უნდა წარუძღვეს ერს, ოლონდ არა დაფნის გვირგვინით თავშემკული, არამედ — ეკლის გვირგვინით შუბლგასისხლული.

ახლა ხშირად გაიგონებთ ლამის სასონარკვეთილ შეკითხვებს — ვისლა ვენდოთ, ვის უნდა გავყვეთ, ვინ გვინიანამძღვრებსო?... და ეძებს დღეს საქართველო ადამიანს, ვინც ამ უბედურებაში, ამ სცილასა და ქარიბდას შორის უმსხვერპლოდ გაატარებს ქვეყანას; მესაჭეს ეძებს, თავკაცს.

ვინ არის და სად არის იგი?

სითავეხედუმი ნუ ჩამომართმევ, ჩემო მსმენელ-მაცურებელო და — პირველკაცობის გვირგვინმადიებლებით გაძეძგილ დღევანდელ საქართველოში მე ვიცნობ იმ კაცს, ვისაც უნდა გავყვეთ, ვისაც უნდა ვენდოთ.

და სახელი ამ კაცისა — ილია ჭავჭავაძე.

ნუ იტყვი, ილია იყო საქართველოს თავკაციო. ილია ახლაც არის, უნდა იყოს ჩვენი თავკაცი და წინამძღვარი. მეტიც ითქმის — ხვალის ანუ უკეთესი საქართველოს წინამძღვარი და თავკაცი ისევ ილია იქნება... ილიას უნდა გავეყვით, ილიას უნდა ვენდოთ... უფრო ზუსტად, ილიელობის წიშანი, თვითთული პიროვნების ბუნებაში ილიელობის წილი განსაზღვრავს, კონკრეტულად ვინც უნდა იყოს საქართველოს თავკაცი. ვინც მეტად იქნება ილიელობის მადლით ცხებული, ის უკეთესად დამწყევს საქართველოს; ეს გახლავთ და ესვე დარჩება ჩვენში პირველკაცობის უტყუარ საზომად. ილიელობა საქართველოს უკვდავი თანამდევნი სულია, ილიამდე არსებული, და ამ სულმა, სისხლად შემკვრივებულმა, როგორც მუხრანი იტყვის, „გამოიარა რუსთაველის გული, გამოიარა სულხანის გული“ ... სწორედ ეს სული „გადადიოდა, გადადიოდა, და მოდიოდა, და მოდიოდა, ვითარცა მტკვარი“. ამ სულს კი იმიტომ ვუნდებ ილიელობას, რომ ყველაზე სრულყოფილად მან ხორცი ილია ჭავჭავაძეში შეიბა. ილიაა ის კაცი, ვის დასადაფნავ შუბლს შვენის ეკლის გვირგვინი, თორემ ზოგიერთმა განდიდების მანიით შეპყრობილმა თავს გინდ იმპერატორის გვირგვინი დაირქვას, გნებათ, პაპის ტიარა, ყველაფერი მასხარის ჩაჩად აღიქმება. ვის შვენის ეკლის გვირგვინი — ესეც გამოგვარჩევენებს ერთმანეთისგან ილიასა და ილიას სახელის მიმჩემებელ ყვარყვარეებს.

ილია, ისევე, როგორც ყველა წმინდანი და დიდი ხელდასხმული, მაცხოვრის გზაზე მავალია. მითქვამს და კვლავაც გაგიმეორებთ, რომ მისი მონამეობრივი აღსასრული ტიპოლოგიურად იმეორებს მაცხოვრის მიერ ამა სოფლის დატევებას. მასაც, ილიასაც, აქვს თავისი გეთსემანის ბალი, ადგილი, სადაც იესოს ნამიერად ადამიანური ძრწოლა შეიპყრობს თავისი მწარე ფილის წინანარგანჭვრეტი და — ამაცილე ეს ფიალაო, შეჰვალადებს მამას... ილიაც, წინამურის გზას გოლგოთასავით შემდგარი, არაგვის ჭალებში ეტლს აჩერებინებს და ყოყმანობს, დაიძრას თუ არა თავისი ფიალისაკენ. და როგორც მაცხოვარი დასძლევს თავის ადამიანური ბუნების სისუსტეს და — არა როგორც მე მინდა, არამედ როგორც შენ გნებასო, მიმართავს მამა ღმერთს და იქვე იღებს იუდას ამბორს, ასევე ილია დასძლევს ძრწოლას, ეტლში ჩაჯდება და, გარეკეო, უბრძანებს იუდა-მეეტლეს: რაც ვერ შეიკრა მელნით, რაც ვერ გამთლიანდა თუნდაც სისხლში ამონანები კალმით, ის თავისი გულის წვენი, თავისი სისხლით უნდა შეადულაბოს; უნდა შეკრიბოს თავისი გათითოკაცებული ერი, შეკრას საკომლო ნაკვეთებად მიზომილ-დაწალიკებული თავისი დიდი მამული, მოანახვიონოს ბნელში ხელების ფათურით მოპორილად თავის მოძმეებს ერთმანეთი. სწორედ ეს გახლდათ თავშენიერება, ერის გასამთლიანებლად ნებაყოფლობით გამეიტება თავისა. თითქოს მიადნია კიდევ მიზანს — მის კუბოსთან ერთ მჯილად შეიკრა ქართველობა... ვაგლახ, რომ — არა ხანიერ! ისევ დაგვრია ხელი თავკერძობამ, ისევ

გავინიეთ ზერე-ქვერე, ისევე ვემოყვრეთ მტერსა და ვემტრეთ მოყვარეს, ისევე გავნირეთ მაცხოვარი ჩვენი ქრისტე და აღვაზვევთ ანტიქრისტე...

ანუ — დავეგმეთ ილია და განვადიდეთ ანტიილია.

მკრეხელობაში ნუ ჩამომართმევ, ჩემო მსმენელ-მასუბრებელო, ილიას გზა ჩემთვის იგივე ქრისტეს გზაა და, როგორც ქრისტეს ებრძვის ანტიქრისტე, ასევე ილიას ებრძვის ანტიილია. ქრისტე-ანტიქრისტეს დასაბამისმიერი დაპირისპირება ანუ ჭიდილი შორის ნათელსა და შორის ბნელსა, თავისი უამრავი ისტორიული პროტაგონისტებით ყველაზე სახიერად, ყველაზე ხელშესახებად ჩვენთვის, ქართველებისთვის, ამგვარად პერსონიფიცირდება: ილიას ებრძვის ანტიილია. ამ ანტიილიად მე არ მოვიზარებ მხოლოდ კონკრეტულ პირს — სატანის ჩლუნგ იარაღს, ჩახმახის ფეხის გამომშლელ გიგლა ბერბიჭაშვილს, გაყიდულ ჟურნალისტს ვასილ ნაცვლიშვილს ან პოლიტიკურ ფანატიკოსს ფილიპე მახარაძეს. ილია-ანტიილიას დაპირისპირებაში როგორც ილია იტვირთება სხვა სულიერი შინაარსით, ასევე ანტიილიაში ზოგადდება ყველა მაშინდელი და ახლანდელი ფილიპე ბერბიჭაშვილი... და როგორც ილიაა მარადიული, ვაგლახ, ასევე მარადიული გახლავთ ანტიილიაც.

დავიწყით იმით, რომ უნივერსალური ანტიქრისტეს ქართულ გამოვლინებას, ანტიილიას, ნიშან-თვისებებიც, ცხადია, ჩვენებური ექნება; ეს თავკერძობა და შადიმანობა, ეს ქვეგამხედველობა და გაიძვერობა, ეს ბეზლობისა და დასმენის ჟინი, ეს ამპარტაუნობა და გაუტანლობა, ვაი რომ, მოგვდგამს ქართველობას... ცხადია, არა მარტო — ჩვენ... ნუ აგვიტანს თვითგვემის ჟინი და ნუ დავიბრალებთ, რომ ეს უბედურება მხოლოდ ჩვენ გვჭირდეს, თუმცა, სხვათა უკეთურებანი ვერაფერი ნუგემი იქნება ჩვენთვის. ალბათ ისიც უნდა ვალიაროთ, რომ ერთ პირზე დგომა და საზოგადო საქმისათვის პიროვნული ინტერესების დათმობა, სამწუხაროდ, ქართველთა ძლიერ მხარედ, ჩვენს ისტორიულ თვისებად ვერ ჩაითვლება... თუმცა, ვახუშტი ბატონიშვილი, შეგახსენებთ, ამასაც ბრძანებს ქართველებზე, რომ მათ „ზნენი აქუნდათ პირმტკიცობა, მტერთა ზედა ერთობა“... იქნებ ბრძანოთ, ვახუშტის, ამ შესახებებით, ქართველთა გამხნეება და ნამუსზე შეგდება სწადაო, თანაც, „აქუნდათ“ — წარსულ დროს გამოხატავსო, მაგრამ, ცხადია, ჩვენი ისტორიაც იძლეოდა ქართველთა პირმტკიცობის, ერთგულებისა და ერთობის მაგალითებს. სიტყვამ მოიტანა და, ვახუშტი იმასაც ამჩნევს, რომ ქართველები, ცოტა არ იყოს, ნამხედურნი ვართ, ვახუშტის სიტყვებით, „ურთიერთის მიმყოლნი, კეთილ-ბორტზედ ადრე მიმდრეკნი“... დაუკვირდით — კეთილ-ბორტზედ ადრე მიმდრეკნიო: უკეთურთ ადვილად ვეჭყუებიანებით, მაგრამ ქველი საქმის დანახვა, დაფასება და სიკეთის გზაზე შედგომა ადვილად შეგვძლება. ეს გახლავთ სწორედ დიდი ნუგემი, აქ ჩანს სწორედ ჩვენდა იმედად და სასოებად ლეთის ხელი და, რაც უნდა ხელი დაგვირიოს ცოდვებმა და გაილალ-გაიჯეჯილოს ანტიილიამ, საბოლოოდ მინც

— ასე მზამს და თქვენც, ჩემო მსმენელ-მაყურებელნო, თქვენც ნუ ამოგფრთხობოდეთ გულიდან რწმენა იმისა, რომ — მაინც ილია იმარჯვებს ანტიილიაზე, რომ „ბოროტი საქმე მოკლეა, მით ოხერია“... განა არ ვიცი, დღევანდელი საქართველოს შემყურე, ცხრა აპრილის მომსწრე ბევრნი ფიქრობთ, რომ ილია ჩვენში ეპიზოდია, გამონაკლისი, ხოლო ანტიილია კი — ჩვენი ცხოვრების ნესია და ჩვენი ისტორიული ხვედრიო, მაგრამ ნუ დაგავინყდებათ, რომ ჩვენ მაინც შოთას ქვეყანა ვართ, ჩვენ მაინც მრგლოვანი ანბანის გამომგონებელი, ჯვარის ამგები, ჩაკრულოს მომღერალი და ზვანჭკარის დამყენებელი ხალხი ვართ და, აქედან გამომდინარე — ვერ გაიხაროს მტერმა ჩვენზედა, ანუ — ანტიილიამ ილიაზე, ვერცა როს გაუხარნია...

და მაინც, როგორც ჩვენი ძველები იტყოდნენ, პირველსა სიტყვასა ზედა მოვიდეთ და ახლოით განვჩხრიკოთ, ვინ არის ილია და ვინ არის ანტიილია? ილია არის სიყვარული, ანტიილია — სიძულვილი; ილია არის შემკრები, ანტიილია — დამძლევი; ილია არის სამართლიანი, ანტიილია — უსამართლო.

ილია სამართლიანი არის-მეთქი, სამართლიანი და ობიექტური, მას კალამი უსამართლო საქმეზე ერთხელაც არ გაუტოკებია და არც პირადი, პიროვნული ინტერესისათვის გაუხარჯავს წვეთი მელანი. კი, უამრავ ვისმე დაჰპირისპირებია, კი, ბევრისთვის დაუტეხავს თავზე თავისი „მეხი-სიტყვა“, მაგრამ უსამართლოდ ილიას არამცთუ ვინმე გაუწირავს, გადაბრუნებული სიტყვაც არავისთვის შეუკადრებია... ილიას ტორი მარტო ლირფ კატკოვსა და გამყალბებელ პატკანოვს არ მოხვედრია, საზოგადო საქმეზე, მეცნიერულსა თუ ლიტერატურულ პრობლემებზე მას მწვავე პოლემიკა ჰქონია ლირსეულ, პატივსაცემ ხალხთანაც, მაგრამ ასეთ დროს ილია, ცნობილი გამოთქმისა არ იყოს, პლატონის მეგობრობაზე წინ ჭეშმარიტების მეგობრობას აყენებდა. ამ ჭიდილს საფუძვლად ყოველთვის ედო სიმართლის ძიება და ამიტომაც მისი კალმის ყოველი მოსმა სამართლიანი გახლდათ თვით იმ უიშვიათეს შემთხვევებშიც კი, როცა სიმართლე ილიას მხარეს არცა ყოფილა. უზენაესი მსაჯულის ტიტული მას თავისი პერსონისათვის არასოდეს მიუნიჭებია და უაპელაციო განაჩენი არავისთვის გამოუტანია. ერთ მაგალითს მოგიყვანთ: როცა ვაჟას თარგმნილი „ორლეანელი ქალწული“ არ მოეწონა, ეს არ დაუფარავს, მაგრამ ისიც დანერა — ვაჟა ისეთი მნიშვნელოვანი და პატივსაცემი მოვლენაა ჩვენს ლიტერატურაში, ამ თარგმანზე სხვათა აზრიც მოისმინეთ, საბოლოო მსჯავრს მხოლოდ მე ნუ დამადებინებთო.

ანტიილია კი უსამართლოა, თავკერძა, მხილების უწმანურ ჟინს აყოლილი და ყოველთვის პირადულის საზოგადოებრივზე წინ დამყენებელი... ოღონდ, ცხადია — ერისკაცის ნილაბაფარებული და საზოგადო საქმის სფარქვეშ თავისი პირადი ანგარიშების გამსწორებელი. ანტიილია, ეს ცხერის ქურქში გამოხვეული მგელი — ჩემსავით ვინ მოგწყესთო — ცხერებს აბრიყვებს და მწყესის არგანსაც ეპოტინება.

ილია არის სულიერი მოძღვარი ერისა, მისი უგვირგვინო მეფე, მონაშის ეკლისგვირგვინოსანი, ანტიილია კი რეალური, მინიერი ხელისუფლის გვირგვინის იზმანებს და თეთრ რაშზე, უფრო სწორად, ტანკზე ტრიუმფატორივით ასამხედრებლად ემზადება.

ილიას საუფლო ზეციურია, ანტიილიასი კი — მინიერი, ამიტომაც მიელტვის ანტიილია ძალაუფლებას, სხვებზე ბატონობას, სხვათა დამონება-დამორჩილებას.

ილია მსახურია, ანტიილია — ბატონი, უფრო ზუსტად, ბატონკაცი.

ილია ყველაზე დიდ საფრთხესა და განსაცდელს პირველი თავად ეგებება და საქართველოსაკენ მოღერებულ მახვილს პირველი უშვერს თავის ფართო მკერდს. ჯერ კიდევ ახალგაზრდა კალმოსანს ხანჯლოსნები მიეტივნენ მოსაკლავად; ილია არ შეჰპუებია ძლიერთა ამა სოფლისათა და გურიის დასარბევ ექსპედიციაზე პირდაპირ განაცხადა — ჩვენებით და ცოცხალი თავით რუსის ჯარს არ გავატარებთ ჩვენი ძმების ასანიოკებლადო.

ანტიილია, პირიქით, სხვას წაიმძღვარებს წინ განსაცდელის ჟამს, სხვის ზურგს ამოეფარება და თვითონ ჩირგვებში ჩაძვრება. მომხდარა ასე, უქნია და კელავაც ამას იზამს საშიშროების წინაშე. ილია უშიშარია, ანტიილია — მხდალი და, ამით დაკომპლექსებული, თავის სიღარეს დაუნდობლობით ინაზღაურებს, სისხლისა არ ერიდება — ოღონდ, არ ერიდება და არ ეკრძალვის სხვათა სისხლს. ილია თავს დაჰკანკალებს ყოველი ქართველის სიცოცხლეს, მისთვის მარქსიზმი და კლასთა ბრძოლის თეორია, უპირველეს ყოვლისა, იმიტომაცაა მიუღებელი, რომ იცის, დიდი ქვეყნები და მრავალრიცხოვანი ერები ამ ჭირს როგორღაც გადაიტანენ, ქართველებისთანა სახელმწიფოებანაგვირღვრს მცირერიცხოვან ერს კი კლასთა ბრძოლა და სამოქალაქო დაპირისპირება მოინელებს, შინააშლილობა წირვას გამოგვიყვანს... ილიას აზრით, საქართველოს თავისი დამხობილი სახელმწიფოებრივობა აქვს ჯერ აღსადგენი და საბედისწერო შეცდომა იქნებოდა, თუ კლასობრივსა და პარტიულ ქიშპობას ქართველები ერთმანეთს დავაჭმევინებთ...

ილია გახლავთ ნიჭით ყელთამდე სავსე... მე იმ ღვთიურ ნიჭზე მოგახსენებთ, რომელიც არა მარტო მისი კალმიდან — იღვრება მთლიანად მისი პიროვნებიდან, მისი პრაქტიკული საქმიანობიდან. რასაც ხელი მოჰკიდა, ყველაფერს დევის ნაფეხური დააჩინა: პროზა და — უკეთესი პროზა ქართულად არ დანერილა... პოეზიაა, პუბლიცისტიკაა, კრიტიკაა, ჟურნალისტიკაა — ყველაფერში გამორჩეული და სეფესიტყვა უთქვამს; ილიაა საზოგადოებრივი აზრის საჭეთმპყრობელი, ამ აზრის ჩამომყალიბებელ-წარმმართველი; და — არა მარტო აზრისა, იგი საქმის გიგანტიც გახლავთ.

ილიას წამხედურობით ანტიილიაც თითქოსდა მრავალმხრივია, ბევრ საქმეს აწყდება და მრავალ სფეროს ეპოტინება, მაგრამ მისი ტრაგედია უნიჭობაა. ნიჭი აკლია, ტალანტი არ ჰყოფნის და ესეც ამნარებს, ალბათ.

სიტყვასაც ეჭიდება, უფრო სწორად, ტანჯავს, შედეგად კი — გალაკტიონისა არ იყოს, „თითქოს ლექსია, მაგრამ მაინც არ არის ლექსი...“

ილიას ტალანტი ისიც ვახლავთ, რომ იგი სხვის ნიჭს ამჩნევს და პატრონობს. არადა, ტალანტები ხშირად ისე დანთქმულან საკუთარ თავში, რომ სხვათა ნიჭი არ უცნიათ ან ველარც შეუმჩნევიათ. ილია კი უშურველი ტალანტია; გახსოვთ, ალბათ, როგორ დაულოცა მწერლური გზა ვაჟას: ჩვენ, ძველებმა, კალამი გვერდზე უნდა გადაედოთ და გზა ვაჟა-ფშაველას უნდა დაეუთმოთო. ხატოვნადა თქვა, თავისი დამოკიდებულება გაამჟღავნა, თორემ, ღვთის მადლით, ამის შემდეგ დაინერა „განდევილი“ და „ოთარაანთ ქვრივი“. ილიას მხოლოდ საღვთო შური ანუ ძალუმი ლტოლვა, სიყვარული და მონატრება აქვს აკაკის ლექსისა, იგი შესტრფის აკაკის სრულიად განსაკუთრებულ, მართლაც რომ ზემოდან დაბერტყილ ნიჭს ლეთაებრივი ჰარმონიისას, აკაკის გალობას, მის ამღერებას. ვისაც ბატონი აკაკის ბედნიერი ნიჭის ამბავი მოეხსენებო, იმ სტატიაში წერს, რომელშიც აკაკის თვალსაზრისს რუსთაველის გმირთა გენეზისზე არ ეთანხმება. ანდა ის პატარა წერილი გაიხსენეთ, „ივერიაში“ სათანამშრომლოდ რომ იწვევს — სხვას ყველას ერთნაირი ტრაფარეტები დაეუგზავნეთ, შენ კი ერთადერთი აკაკი ხარ და ამიტომ საკუთარი ხელით დანერვილ ამ ბარათს გაახლებო. და ასევე არ გაჰკარებია შური თავისი დიდი თანამოკალმისა აკაკისაც — თელავში წარმოთქმული მისი სიტყვა გავიხსენოთ, სადაც ილია ისე წარმოაჩინა, როგორც — მანამდე არავის... და, ვგონებ, არც მერმე! მხოლოდ აკაკის შეეძლო ეთქვა ის, რაც უთხრა, და ეთქვა ისე, როგორც უთხრა უკვედავებში შებიჯებულ თანამეჭაანეს: თუ საქართველო იცოცხლებს, მასთან ერთად შენც უკვდავი დარჩები, ხოლო თუ საქართველოს სიცოცხლე არ უწერია, ბედნიერი ხარ, შენი სიკვდილით მის სიკვდილს რომ წინ უსწარ და თვალთ ველარ დაინახავო. როგორ აფასებენ ერთმანეთს ილია და აკაკი და როგორ სწყალობენ თავიანთ სულიერ მემკვიდრეებს, მათგან გამორჩეულად — ვაჟას! ენას გინუნებ, ფშაველოო, ამან არ გაცდუნოთ, აკაკი რომ აფასებდა ვაჟასა და, საერთოდ, ძმები რაზიკაშვილების ნიჭსა და ღვინას, ისე ბარე ორი არა; აკი „მარგალიტების მთესველი“ უწოდა ქებაზე საერთოდ სიტყვაძუნძმა აკაკიმ გენოს ფშაველს, მაშინ, როცა საკუთარ თავს დღიურ მუშაკს ეძახდა: ჩემი კალმიდან ნამდვილი ხელოვნების შესაფერისი არაფერი გამოსულა და, თუ გამოვიდა, ისიც უნებლიეთო, დიდთა თავმდაბლობით აცხადებდა აკაკი.

ასე რომ, დავიმახსოვროთ — ილია უშურველია, ხოლო ილიელობა — უშურველობა. ანტიილია კი შურიანია, იგი შეუპყრია მარადიულ წუხილს, „მწუხარებას სხვისა კეთლისა ზედა“ — როგორც იტყვის საბა, შურის გენიალურად განმმარტავი. ანტიილიას შურს... შურს სხვისი კარგი ლექსი, შურს, რომ სხვამ დიდი რომანი დაწერა... ზოგჯერ სხვისი კარგი პატიმრობისაც კი შეიძლება შეშურდეს, შურს, რომ კაცურად, ღირსეულად იჯდა გაუტყებელი კაცი ციხეში... პოეტს დავიმონებ, მურმანის სტრიქონებს გაგახსენებთ —

„პოეტის პატივმრად უნდა ვარგოდეს“; პოეტად თუ არ უქნისარ ღმერთს, პატივმრად მაინც უნდა ვარგოდე... თუმცა, მაინც კი არა, დიდზე დიდი საქმეა იყო ღირსებაშენარჩუნებული პატივმარი, განსაკუთრებით, იმ ქვეყანაში, რომელიც გიგანტური საპატივმროა ან, კიდევ უარესი — ჩეხოსლავის გრანდიოზულ მეტაფორას გაგახსენებთ რუსეთზე — პალატა №6 ანუ საავადმყოფო, საგიჟეთი. დაუკვირდით, ქართული ენა ერთსა და იმავე ცად ძირს იყენებს „განსაცდელისა“ და „გამოსაცდელის“ აღსანიშნად. და თუ განსაცდელი იმისაა, რომ კაცი გამოიცადოს, მაშინ პატივმრობა ყველაზე დიდი განსაცდელი და გამოსაცდელი ყოფილა. ყველა ვერც უძლებს ამ გამოცდას... გატეხილების, ამ გამოცდაზე ჩაჭრილების განსჯა იმათგან, ვინც ამ მდგომარეობაში თვითონ არა ეყოფილვართ, უზნეობად მიმაჩნია. ადამიანი ყველა გმირი ვერ იქნება, კაცი, მეტნაკლებად, მაგრამ მაინც მონყვლადია... მაგრამ, მეორე მხრივ, საკუთარ სისუსტისგან მონამის შარავანდედი გაიკეთო და ხალხი არნმუნო, შენი გადარჩენისათვის გადავირჩინე თავიო, ეს უკვე ნამეტანია და გაყვარყვარებული ანტიილიას ამ ანექსზე, ნესით, არ უნდა ნამოვეგოთ... თუმცა ანტიილიამ იცის, რომ ტყუილი რაც უფრო დაუჯერებელია, ბრბო მით უფრო იჯერებს მას... ბრბო-მეთქი, და არა — ხალხი, მით უფრო — ერი.

ილია უშურველი და უანგაროა. ანტიილია შურიანობასთან ერთად ანგარიც გახლავთ. ანტიილია ერო-კაცია, თავისკენ მიმთლელი. ილიას ნაღვანს, მისი ხელიდან გამოსულს, ყველაფერს სიყვარულის დამლა აზის. ილიას უყვარს ადამიანი და, აქედან გამომდინარე, უყვარს კაცობრიობაც; უყვარს ქართველი და, აქედან გამომდინარე, უყვარს საქართველოც. ანტიილია კაცობრიობისა და საქართველოს სიყვარულს იჩემებს, თუმცა რეალური ადამიანი, კონკრეტული ქართველი სძულს. ილია ადრე დაობლდა, მამიდა მაკრინე, სანათესაო ზრდიდა და ილიასაც სრულიად განსაკუთრებული სიყვარულით უყვარს თავისიანები. ეს ბუნებრივიცაა — ჩემიანი თუ არ მიყვარს, ვერც სხვისას შევიყვარებ... ილია თავს დაჰფოფინებს თავის სიყრმის მეგობრებს, თავის სანათესაოს, თუმცა საზოგადო საქმეში მისთვის შენიან-ჩემიანი არ არსებობს: წინ დიდი მაგალითი აქვს მაცხოვრისა, რომელსაც შეუძლია თქვას — ჩემი დედა და და-ძმანი ისინია, ვინც მე შემომიდგება ჩემს გზაზე.

ანტიილიას არაეინ არ უყვარს... მას უყვარს მხოლოდ მონები, მხოლოდ თავის მოკანტურენი... უფრო სწორად, მონა კი არ უყვარს, უყვარს, როცა ემონებიან. ვინმესთან თანასწორობა, მეგობრობა, დიალოგი, ტარიელ-ავთანდილობა ანტიილიასათვის გამორიცხულია. ანტიილიას სწორედ თავისიანები და სიყრმის მეგობრები სძულს ყველაზე მეტად. ეს ნიშანდობლივია ყველა დროის ტირანებისათვის: გაიხსენეთ, როგორი დაუნდობლობით იცილებენ ხოლმე ისინი გზიდან ძველ თანამოსაგრეებს. ანტიილიაც ამასვე სჩადის — ძველმა მეგობრებმა ხომ კარგად უწყიან, რა ხვითოც ბრძანდება, იციან მისი სიმხდალე, გულნამცეცობა, ნუნურაქობა...

მოკლედ, ილია არის ხე, კეთილთა ნაყოფთა გამომღები, ვენახი, მსხმოი-
არე საღვთო მტევნებისა, რომელთაგანაც სულიერი ღვინო დაინურება. ან-
ტიილია ხენები ხეა, უნაყოფო... მან მხოლოდ ძალყურძენა შეიძლება მო-
ისხას და ლენცოფა ახაროს; ამიტომაც სწამლავს ირგვლივ ყოველს და აყ-
როლებს სულიერ ატიმოსფეროს.

ილიას სიცოცხლეს საქართველო ვერ გაუფრთხილდა, თუმცა, ისიც სათ-
ქმელია, რომ ილია პოეტი გახლდათ და იმას როგორ იკადრებდა, როქის-
სპით გარშემორტყმულს ევლო. ისედაც, ილიას მოკვლა ამ უკეთურების
ჩამდენთა არამარტო სიბოროტეს, სირეგვენსაც ადასტურებს — ეს როდი
უნდოდათ, მაგრამ „მართალმა სამართალმა“ პური ჭამა და ილიას სისხლი
ილიას ნისქვილზევე აღმოჩნდა მიშვებული ყოვლისწამლეკავი ძალით. ჩვენ
დღესაც გვმართებს გაუფრთხილდეთ ჩვენს მოღვაწეებს — „ბერდანკის“
ტყვიაზე ადრე გაყიდულმა ჟურნალისტებმა აძგერეს ილიას გულში
მონამღული კალამი. არ უნდა ამოვსვართ ტალახში-მეთქი ჩვენი ღირსეუ-
ლი მამულიშვილები, თორემ ყოველთვის გამოჩნდება შავი ძალა, უბირი,
შეთე-კაცი, რომელიც ჩახმახს ფეხს გამოუმლის და ანტიილიას ჩანაფიქრს
ანუ სატანის ნებას აღასრულებს.

ნურამც იყოფინ, ჯვარი აქაურობას.

და აუცილებლად, უსიკვდილოდ უნდა გვახსოვდეს ის, რასაც ილიას სუ-
ლი ნიკო ლორთქიფანიძის პირით შემოგვალადებს: ყოველთვის, მარად,
მინყვი, უკუნითი უკუნისამდე — მოვუაროთ საქართველოს.

მიჯნით და მოგახვავათ

*რუსთაველის საზოგადოების თანაპრეზიდენტის
ნინასაარჩვენო ტელეგამოსვლა*

სალამო მშვიდობისა!

სრულიად საქართველოს რუსთაველის საზოგადოება რუსთაველის
მსოფლმხედველობას ეფუძნება... ამ მსოფლმხედველობის საფუძველი კი
სიყვარულია — ყოვლისმომცველი, ამაღლებული, ქრისტიანული სიყვარუ-
ლი. სიკეთე და სათნოება ამ სიყვარულის ფესვიდან ამოზრდილი ტოტებია,
რომელთაგან უნდა მოვინოთ სულისთვის მანიერი ნაყოფი, წესი ადამიან-
ური თანაარსებობისა — თავისუფლება, მშვიდობა, ღირსება, კეთილდღე-
ობა, ჰარმონია და ზომიერება.

არადა — ეს ყველაფერი გვაკლია დღეს; არც თავისუფლება გვაქვს, კე-
თილდღეობამაც ჭირი მოგჭამათ, ღირსებაც შეგვილახეს თუ შევილახეთ,

პარმონია და სულეირი სიმშვიდეც დაკარგეთ და ზომიერების ღვთაებრივ-მა ალლომაც, ვგონებ, გვიღალატა. სადღაა მშვიდობა — ქუჩებში ბათქა-ბუთქია, საქართველო ღამის ღიბანად ვაქციოთ; საზოგადოება ხედავს გარკვეულ ძალთა საეჭვო გააქტიურებასაც და გარკვეულ ძალთა ასევე სა-ეჭვო გაპასიურებას — არც ერთი და არც მეორე არაა ჩვენთვის სიკეთის მომტანი. მიზეზი? მიზეზი მრავალია, მაგრამ მიზეზთა მიზეზი კი სიყვარუ-ლის დაკლებასა და სიძულვილის აღზევებაში ძვეს... სიძულვილი გაიფურჩ-ქნა, მტრობამ და შულღმა გაიღალა და ეს მღვრიე ტალღა არა მხოლოდ პი-როვნული, ეროვნული კატასტროფისკენ მიგვაქანებს.

საქმეს ასეთი სამწუხარო პირი უჩანს: ჩვენ ისტორიისაგან ვერაფერი ან თითქმის ვერაფერი ვისწავლეთ! უთქვამთ კიდევ — ისტორიის გაკვეთილი მხოლოდ ის არის, რომ ამ გაკვეთილს არავინ სწავლობსო. მაგრამ ისიც თქმულა — ჭკვიანი სხვის შეცდომებზე სწავლობს, ბრიყვი კი — საკუთარ შეცდომებზეო! და ნუთუ ჩვენ ბრიყვზე ბრიყვები ვართ, რომ საკუთარ შეც-დომებზეც ვერაფერი გვისწავლია? გარეშე ძალის სიმუხთლე რომ გვახ-სოვს, ეს კარგია, მაგრამ თავისუფალი დემოკრატიული საქართველო, მამუ-ლი ჩვენი, ჩვენი პატრია, პარტიათა ქიშპობამ და შულღმა, ამბიციებმა და პირუმტიციობამაც რომ დაღუპა, ესეც არ უნდა დაგვაინყდეს.

დღესაც, ვშიშობ, რომ ეროვნულმა მოძრაობამ კლასობრივი, ფენობრივი, ნოდებრივი და პარტიული ბრძოლა-დაპირისპირების სახე მიიღო. ეს არ არის ილიას გზა — ეს მარქსის და ლენინის, ანტიქრისტესა და ანტიილიას, გზაა — მცირერიცხოვანი ერისათვის დამღუპველი. რუსთაველის საზოგა-დოება პარლამენტშიც და პარლამენტს გარეთაც იბრძოლებს საიმისოდ, რომ ქართველმა ერმა ილიას გზით იაროს.

რუსთაველის საზოგადოებას აქვს თავისი პროგრამა საქართველოს სა-ხელმწიფოებრიობის რეალური აღდგენისა; ამ პროგრამის მოკლე სქემა თქვენ უკვე გაგაცნოთ ჩვენი საზოგადოების პრეზიდენტმა, ბატონმა აკაკი ბაქრაძემ. ჩვენს წინასაარჩევნო მონოდებასაც მეტ-ნაკლებად იცნობთ; მი-სი მთავარი არსი ეყრდნობა სახარებისეულ პრინციპს — „მიეცით და მოგეცემათ“ — ხმა მიეცით რუსთაველის საზოგადოებას და მოგეცემათ რუსთაველის საქართველო: ეკონომიურად ძლიერი, ზნეობრივად ამაღ-ლებული, თავისუფალი, ღირსეული, სადაც ადამიანთა შორის ურთიერთო-ბის გზად და ხიდად სიყვარულია...

ამ ნერვიულ, ღამის მასობრივი ფსიქოზის ვითარებაში მინდა გთხოვოთ: ნუ დაესახავთ ხვალინდელი არჩევნების დღეს ქართველთა ყოფნა-არყოფ-ნის დღედ: მე ასე მწამს, რომ, ღვთით, ჩვენი ბედი ჩვენი წინაპრების მცდე-ლობით ზეცად არის ჩვენდა სასიკეთოდ უკვე გადანყვებული. მაგრამ, ცხა-დია, არც გულხელდაკრეფა და პასიური მოლოდინი გვმართებს — არჩევა-ნი ჩვენ ყველამ ერთად და თითოეულმა ცალ-ცალკე უნდა გაეაკეთოთ...

ამ არჩევანის დროს კი ჭეშმარიტი ქართველები მაშინ ვიქნებით, თუ ამგვარი განცდით მივალთ ურნასთან — არჩევნებში ჩემი პირადი დამარცხება რა მოსატანია, თუ გაიმარჯვებს საქართველო.

რუსთაველის საზოგადოება მოგიწოდებთ — არჩევნებში მამულს გაამარჯვებინოთ.

მთავარია — მოეუაროთ საქართველოს!

1990 წ.

არჩეულმა სწორად უნდა აირჩიოს

დეპუტატობის კანდიდატის პროგრამიდან

პატივცემულო ამომრჩევლებო!

დეპუტატობის კანდიდატები ამომრჩევლებს, ჩვეულებრივ, ათას სიკეთეს ეპირდებით: ხელფასის მომატებით დაწყებული და — წყალგაყვანილობის შეკეთებით დამთავრებული...

ის 300 კაცი კი, ვისაც თქვენ დღეს დეპუტატად აირჩევთ, ხვალ თვითონ დადგება არჩევანის წინაშე — მათ უნდა აირჩიონ საქართველოს მომავალი.

ჩემს ამომრჩევლებს მე, პირველ ყოვლისა, სწორედ ამას გპირდებით: საქართველოსთვის სწორ არჩევანს! ისიც ვიცი, რომ ეს არცთუ უხიფათო საქმეა: დღეს არჩეულ 300 პარლამენტარს ხვალ, შესაძლოა, სამასი არაგველობა მოუწიოს.

ჩვენი „დაკარგული ვინაობის“ ანუ დამხობილი სახელმწიფოებრიობის აღდგენა — აი, უზენაესი მიზანი უზენაესი საბჭოსი. ამის მისაღწევად ახლად არჩეულმა პარლამენტმა ქართველ ერს, საქართველოს მოსახლეობას უნდა მოუპოვოს მტკიცე გარანტია საგარეო უსაფრთხოებისა, სამინაო სტაბილურობისა, ეკონომიური უზრუნველყოფისა.

ამისთვის ვიღვანებ იმისდა მიუხედავად, ავირჩევი თუ არა პარლამენტში.

პატიოსან არჩევნებში დამარცხება, რალა თქმა უნდა, გულდასაწყვეტია, მაგრამ, თუნდ ასეც მოხდეს, ერთი სპარტელისა არ იყოს, იმით მაინც გავიხარებ, რომ ჩემს სამშობლოს ჩემზე ღირსეული სადეპუტატო, მინიმუმ, 300 კაცი კიდევ ჰყოლია!

მთავარია — მოეუაროთ საქართველოს!

ტელეგამოსელა, 1989 წ.

უნდა ვიყარო თუ არა კენჭი?

რადიოგამოსვლა

სანამ უშუალოდ ამ კითხვას ვუპასუხებდე, დიდი მადლობა მინდა მოვახსენო დიღმის საარჩევნო ოლქის არა მარტო იმ 5844 ამომრჩეველს, ვინც მხარი დამიჭირა უზენაესი საბჭოს არჩევნებში, არამედ ამ უბნის ყველა მაცხოვრებელს, ვინც გაისარჯა, საარჩევნო ურნასთან მიბრძანდა და თავისი მოქალაქეობრივი ვალი მოიხადა.

წინასაარჩევნო მიმართვაში ვწერდი: კერძო კაცის დამარცხება რა მოსატანია, მთავარია, ერმა გაიმარჯვოს-მეთქი არჩევნებში. ასევე: არც ცალკეული პიროვნების გამარჯვებაა დიდი ბედენა, თუ ერი წააგებს არჩევნებს. ამიტომაც პირადად ჩემს გამარჯვება-ვერგამარჯვებას არჩევნებში დიდი მნიშვნელობა, ცხადია, ვერ მიენიჭება.

და მაინც, რადგან არჩევნების შემდგომ ეტაპზე გავედი, ჩემს წინაშეც წამოიჭრა დიღემა — მივიღო თუ არა განმეორებით არჩევნებში მონაწილეობა. ერთი რამ კი ჩემთვის იმთავითვე ნათელი გახლდათ: თუ ჩემი მეტოქე, უკვე დეპუტატი უზენაესი საბჭოსი „მრგვალი მაგიდის“ პარტიული სიით, გარკვეული „დიპლომატიური“ მოსაზრებით უარს იტყოდა კენჭისყრაზე, მეც ზნეობრივად ვალდებული ვიქნებოდი მისთვის მიმებაძა — ნაწყალობები მანდატი მხოლოდ მორალურ-პოლიტიკური ბორკილი შეიძლება იყოს დეპუტატისთვის. ეს ვარიანტი გამოირიცხა: „მრგვალმა მაგიდამ“ ოფიციალურად გამოაცხადა, რომ მისი კანდიდატები კენჭს იყრიან მეორე ეტაპზეც.

ჩემთვის ისიც ნათელია, რომ ახლა, როცა ამომრჩეველმა უკვე იცის არჩევნების | ეტაპის შედეგები და „მრგვალი მაგიდის“ შთამბეჭდავი გამარჯვების ამბავი, თითქმის უიმედოა მათ წარმომადგენლებთან არჩევნებში მეტოქეობა: გამარჯვებულებს არა მარტო შეუძლებენ, შეიყვარებენ კიდევ — ასეთია ადამიანთა ბუნება.

მოკლედ, უნდა ვიყარო თუ არა კენჭი ასეთ, ჩემთვის არასახარბიელო, ვითარებაში? ალბათ, მაინც უნდა ვიყარო, და აი, რატომ:

უპირველეს ყოვლისა, განმეორებით არჩევნებზე უარის თქმა, განსაკუთრებით — ინტელიგენციის მხრივ, საზოგადოების ერთმა ნაწილმა, შესაძლოა, აღიქვას როგორც ერთგვარი პროტესტის გამოვლინება არჩევნების | ეტაპის შედეგების მიმართ, როგორც ერთგვარი „ბუტიაობა“ საკუთარ ხალხთან. გაუგულისხმე ერს — ეს ვერ იქნება პოლიტიკოსის რეაქცია მოვლენებზე. პოლიტიკოსი ხალხს იღებს ისეთს, როგორც არის, და ცდილობს აქციოს იმად, რაც უნდა იყოს.

მეორე: მე, როგორც ეროვნული კონგრესის წევრს, თუ უზენაესი საბჭოს დეპუტატადაც ამირჩევდნენ, მეტი საშუალება მომეცემოდა, მეღვანა, ერთი მხრივ — ამ ორი ეროვნული ინსტიტუტის ძალისხმევის გასაერთიანებლად საქართველოს რეალური დამოუკიდებლობის გზაზე, მეორე მხრივ, მათ შორის შეურიგებელი კონფრონტაციის თავიდან ასაცილებლად.

მესამე: თუ არჩევნების პირველი ეტაპის შედეგების მიხედვით ვიმსჯელებთ, ახლად არჩეულ პარლამენტს მრავალპარტიული სახელად უფრო ეთქმის, რეალურად კი იქ პოლიტიკურ ძალთა ისეთი განლაგებაა, რომ არ გამოვრიცხავ ისევ ერთპარტიულობისა და ერთმმართველობის საფრთხეს. ღმერთმა ქნას, რომ ეს ჩემი ეჭვი უსაფუძვლო გამოდგეს, მაგრამ თუ მოვლენები ისევ ძველებურად წარიმართა, არჩევის შემთხვევაში მე პარლამენტშივე ვიბრძოლებდი „აგრესიულად მორჩილი უმრავლესობის“ დიქტატის წინააღმდეგ. თუმცა აქვე დავსძენ, რომ ამგვარი დიქტატის დროს, მნამს, პარლამენტში უჩემოდაც ყოველთვის გამოჩნდება მისი წინააღმდეგომი ძალა.

დაბოლოს: განმეორებით არჩევნებში მონაწილეობა, ჩემი აზრით, იმიტომაც არის საჭირო, რომ თითოეულმა ჩვენგანმა პოლიტიკურ რეალობას თვალის გაუხსნოროთ, ბოლომდე გაეარკეიოთ, თუ რად ეულირეართ ხალხს სადღეისოდ ჩვენ — როგორც პარლამენტარები, როგორც ერის პოლიტიკური სახის წარმომჩენნი.

მე, პირადად, თანამემამულეთა აზრი ამის შესახებ რომ დიდად მიღირს, ამას განმეორებით არჩევნებში მონაწილეობით დავადასტურებ.

და მაინც მთავარზე მთავარია, პარლამენტში არჩეულეებმაც და ვერარჩეულეებმაც, ერთიანად — მოუწაროთ საქართველოს!

1990 წ.

სგა იგას მიუსით. ჰინს თქვენს ხმას უნისმენს

პრეზიდენტობის კანდიდატთა სატელევიზიო გამოსვლები

გამოსვლა პირველი

ქალბატონებო და ბატონებო!

მიზეზთა გამო სხვათა და სხვათა მე ყველაზე გვიან ვებმები საპრეზიდენტო არჩევნების „მართონში“ ... თუმცა ამ პირობებსა და ტემპს, ალბათ,

სახელად უფრო საარჩევნო „სპრინტი“ შეეფერება. გვიან მომინა ჩართვა და მანძილიც მოკლეა-მეთქი, მოგახსენეთ, მაგრამ — თუ გარემოებამ და საერთო ინტერესებმა (ვგულისხმობ საზოგადოებრივ ინტერესს) მოითხოვეს, მე მზად ვახლავართ პირველმა დავთომ ჩემთვის ბოძებული ეს უდიდესი პატივი საარჩევნო „ბატალიებში“ მონაწილეობისა. ეს კი მაშინ მოხდება, თუ არჩევნები აზრების, კონცეფციების, პლატფორმების ერთგვარი აღლუმისა და შედარება-შეპირისპირების, თუნდაც — ჭიდილის ნაცვლად გადაიქცევა ჩვენი ისედაც დაშლილ-ვათითოკაცებული ერის დაყოფა-დახლეჩის, დაპირისპირება-კონფრონტაციის, ურთიერთანგარიშსწორების, ბეზლობის, ცილისწამების, გესლის ნთხევისა და, ვინ იცის, იქნებ უარესის — ძმათა შორის შეტაკების ასპარეზად, რაც საბაბს მისცემდა უცხო, გარეშე ძალას ჩვენს საქმეებში უცერემიონოდ ჩარევისა.

ამის საშიშროება კი უდავოდ იგრძნობა.

დამაფიქრებელი ჩანს თვით ხელისუფლების დამოკიდებულება ამ არჩევნებისადმი. ირკვევა — პრეზიდენტის საერთო-სახალხო არჩევნების ჩატარება კი არა, ხელისუფლებას პარლამენტის მიერ უკვე არჩეული პრეზიდენტის ხელახლა არჩევა, უფრო სწორად — საერთო-სახალხო დამტკიცება, სდომებია. არადა, პრეზიდენტობის ინსტიტუტიც, პრეზიდენტის შესახებ კანონიც, პრეზიდენტის საერთო-სახალხო ალტერნატიული არჩევნების დანიშვნაც ხომ ხელისუფლების შემოქმედებაა, მისთვის ამ ტიპის არჩევნები თავს არავის მოუხვევია (გავიხსენოთ: მრავალპარტიული არჩევნები არ ყოფილა მაშინდელი კომუნისტური ხელისუფლების გამონაგონი, მაგრამ კომუნისტებიც კი არ შეხვედრიან ასე ყალყზე მისთვის თავსმოხვეულ არჩევნებს); და მით უფრო უცნაური ჩანს ალტერნატიული კანდიდატების მიმართ გამოვლენილი შეუწყნარებლობა, მეტიც ითქმის — აგრესია. შესაბამისი განწყობილება ინერგება მოსახლეობაშიც: ბევრის მიერ არჩევნებში კენჭისყრის თვით შესაძლებლობაც კი აღიქმება ერის ერთსულოვნებაში ბზარის შემოტანად. ერთსულოვნებას რა სჯობს, მაგრამ ეს ერთსულოვნება აზრთა ჭიდილის, აზრის მოძრაობის ნაყოფი უნდა იყოს; ის არც ქვევრია, რასაც ჩასძახებ, იმასვე რომ ამოგძახებს; ერთსულოვნება ჩვენებურ მრავალბმიან სიმღერას ჰგავს: კრიმანჭულიც, მოძახილიც და დვრინიც თავისას, მაგრამ მაინც საერთოს ამბობენ და უზენაეს პარმონიად ერწყმიან ერთმანეთს. ნაირგვარობა არსებობის საფუძველთა საფუძველია. ვფიქრობ, ხალხის არჩეულმა პრეზიდენტმა ყველაფერი უნდა იღონოს საიმისოდ, რათა საქართველოში სუფევდეს შემწყნარებლობა იდეათა, შემწყნარებლობა პარტიათა, შემწყნარებლობა კაცთა ურთიერთდამოკიდებულებაში.

ამასთან დაკავშირებით — არცთუ იშვიათად გაიგონებთ ამგვარ არგუმენტს: ხალხის ნებით არჩეული ხელისუფლება გვყავს და, თუ რამეს მისი გადანყეტილების სანინაალმდეგოს ამბობთ, ე.ი. ხალხის ნების სანინაალმ-

დეგოდ მიდიხართო. მაგრამ ისიც ვიკითხოთ, ხალხმა ხელისუფლება განა იმისთვის ჩაგვაბარა, რომ სანინალმდეგო აზრი, ოპოზიცია ჩაეახშოთ ან შევზღუდოთ? განა ცხადი არ არის, რომ ოპოზიცია ხელისუფლების — მდგრადი, სახელმწიფო ხელისუფლების — ერთ-ერთ მასაზრდოებელ წყაროს წარმოადგენს? ოპოზიციისა ეშინია ტოტალიტარიზმს, ოპოზიციას ეყრდნობა დემოკრატია. ცნობილია — უმჯელო გარემოში ირმები ნაკლებსიცოცხლისუნარიანი, გადაშენებისათვის განწირული არიან. ისიც სათქმელია, რომ, აღმოსავლური თქმისა არ იყოს, „ჰალვა“, „ჰალვას“ ძახილით კაცს პირი ვერ გაგიტყება. ასევე — ნამდვილი ოპოზიცია არა გვყავსო, ამისი დაუინებელი გამეორებით ოპოზიცია არ მოისპობა. რაც შეეხება მის რეალურ მოსპობას, ამგვარი რამ შეიძლება ენატრებოდეს მხოლოდ ახლო წარსულის „ყაზარმული წესრიგის“ მოტრფიალეთ...

ამიტომ პრეზიდენტი, ჩემი აზრით, ზეკლასობრივი და ზეპარტიული ინსტანცია უნდა იყოს; მას უნდა ჰქონდეს მომადლებული ყველას, თვით მისგან განსხვავებული მსოფლმხედველობის მქონე პირთა თუ პარტიათა მოსმენის, გაგების, შეწყნარებისა და, საბოლოო ჯამში, სასურველი გზით მათი წარმართვის ნიჭი და იობის მოთმინება ადამიანებთან ურთიერთობაში. არჩევნებში ხმა იმას უნდა მიეცეთ, ვინც ჩვენს ხმას გაიგონებს და შეისმენს.

ორიოდ სიტყვა სოციალურ-ეკონომიკურ საკითხზე: პოლიტიკური ბრძოლის ბედი სადღეისოდ იმდენად მიტინგზე და, თუნდაც, ბარიკადზე (ლმერთმა დაგვიფაროს) კი არ წყდება, რამდენადაც ბაზარზე. ახლად არჩეულმა პრეზიდენტმა ყველაფერი უნდა იღონოს, რათა ქვეყანა არ დაიმშეს. ჩვენ მუდამ ვიმეორებთ, რომ საქართველო უნდა იყოს თავისუფალი, იყოს დამოუკიდებელი, იყოს დემოკრატიული, იყოს ქრისტიანული... მაგრამ ყოველი ამგვარი, ჩვენთვის სასურველი „ყოფნის“ საფუძველი ის გახლავთ, რომ საქართველო იყოს, ე.ი. მან უნდა იარსებოს. დამოუკიდებლობას ცალკეული პირი, თუკი ამას საჭიროება მოითხოვს, დიახაც უნდა შეეწიროთ, მაგრამ არანაირ იდეას არ შეიძლება შეეწიროს მთელი ერი. გიხარია კაცს, როცა ისმენ — ბალახს მოვძოვ, ოღონდ საქართველო დამოუკიდებელი გახდესო, მაგრამ ისიც გასათვალისწინებელია, რომ ბავშვი ვერ მოძოვს ბალახს, ბავშვს ვერ ვამყოფებთ შეუმოსავს და ვერც ნამლის გარეშე დავტოვებთ. პრეზიდენტი რეალისტი უნდა იყოს — ყველაზე ამაღლებული იდეებიც კი ვერ შეცვლიან პურსა და ნამალს. რაც მეტია მზადყოფნა იდეისთვის თავის განწირვისა, უზენაესი ხელისუფალი მით უფრო უნდა გაუფრთხილდეს თითოეულ სიცოცხლეს ამ თავგადასავლული ხალხისას. აქ მისხალ-მისხალ, აფთიაქარის სიზუსტით უნდა აიწონოს, მატერიალურად რასა გვქენს ან რას გვაკარგვინებს ეკონომიკური კავშირების თითოეული ძაფის გაბმა თუ განყვეტა ყოველ ქვეყანასთან, ყოველ რეგიონთან, ყოველ სანარმოსთანაც კი. ბლოკადისა და თვითბლოკადის პლუსიცა და მინუსიც მხოლოდ ეროვნული სარგებლიანობის სასწორზე უნდა

აინონოს და არ აინყას წარმავალი და ზოგჯერ — ეფემერული პოლიტიკური ეფექტურობის საზომით. ამ ნუთისოფელს, კაცთა მატერიალურ სამყოფელს, გვინდა-არ გვინდა, მოგვწონს-არ მოგვწონს, მისი უდიდებულებსობა შიშშილი განაგებს და ამას სწორედაც პოლიტიკური პერსპექტივით სჭირდება გათვალისწინება: დღევანდელი ეკონომიკური ინფანტილიზმი ხვალინდელი პოლიტიკური ხარაკირის ტოლფასია. კერძო საკუთრების სახელმწიფო პროტექტორატი, პრივატიზაცია, — არ უნდა დარჩნენ ცარიელა სიტყვებად; ჩვენში ახლა ყველანი — მუშაც, გლეხიც, კოოპერატორიც, ინტელიგენტიც — ელიან კანონებს, რეალურად რომ გააუმჯობესებს კონკრეტულად მათს, მაგრამ საბოლოო ჯამში — მთელი ქვეყნის ეკონომიკას.

ისიც უნდა ითქვას, რომ გარკვეული პოლიტიკური მიზნებისათვის ზოგჯერ ხელოვნურად უპირისპირებენ ერთმანეთს იმას, რაც დღევანდელ და, უფრო, სახვალთო მსოფლიოში ურთიერთგანამაპირობებელი სისტემის გაუთიშავი ნაწილებია; მხედველობაში მაქვს ისეთი ცნებები, უფრო ზუსტად — მოვლენები, როგორებიცაა დამოუკიდებლობა, თავისუფლება და დემოკრატია. ჯერ გათავისუფლდეთ, ჯერ სახელმწიფოებრივი დამოუკიდებლობა მოვიპოვოთ და დემოკრატიულ ინსტიტუტებს მერე ავამოქმედებთო. ეს, ჩემი აზრით, სახიფათო ილუზიაა — ან თავს ვიტყუებთ, ან, რაც უარესია, სხვას ვატყუებთ. ჭეშმარიტი თავისუფლება და რეალური დამოუკიდებლობა დღევანდელ მსოფლიოში დემოკრატიის გარეშე ვერ მოვა. ეს იმასა ჰგავს, კაცმა სახლის შენება დაიწყო და თავი დაიხმედოს, მთავარია კედლები ამოვიყვანო და გადაეხურო, ბალავერი, კარ-ფანჯარა, სარკმელი და აივანი, წყალგაყვანილობა და განათება მოიცდისო. ეს გახლავთ მშენებლობის ჩვენთვის კარგად ცნობილი, ბოლშევიკური მეთოდი; ასე ვაშენეთ, ჩვენი ჭკუით, ერების საერთო საცხოვრებელი, მივიღეთ კი ერების სატუსალო — ავაშენეთ დილეგი. ჩვენ-ჩვენი ოდა-სახლების, ჩვენ-ჩვენი საცხოვრისის ასაშენებლად უნდა გავერთიანდეთ და არა ციხე-ჯურღმულების ასაგებად; მოკლედ, ახლად არჩეულმა პრეზიდენტმა ჩვენს დამოუკიდებლობასა და თავისუფლებას ბალავერად დემოკრატია უნდა დაუდოს.

ჩვენში დემოკრატიის შეზღუდვის გამამართლებელ არგუმენტად ისიც მოჰყავთ, რომ ჩვენ დღეს ფაქტობრივი ომის მდგომარეობაში ვართ როგორც ცენტრთან, ასევე პერიფერიასთანო... ომის დროს კი ყველგან იზღუდება დემოკრატიული უფლებები. ეს სწორია, ოღონდ საკითხავია — მხოლოდ ცენტრის მზაკრული გეგმებია ჩვენთვის ამ საკმაოდ პირქუში საომარი ვითარების მიზეზი თუ — პოლიტიკური სწორხაზოვნება და ერთგვარი გულუბრყვილობა, უფრო სწორად, სიბეცე, ჩვენი ხელისუფლებისა, როგორც ძველის, ასევე ახლისაც? მაგალითად, რატომ უნდა გვექონოდა იმის ილუზია, რომ, რუსეთის შინაგანი ჯარი, თუ მის ყოფნას პარლამენტურად ჩვენვე დავაკანონებდით სამაჩაბლოში, ჩვენს საქნელს იქმდა და ჩვენს ინტერესებს დაიცავდა?

ხელისუფლების მიერ დაშვებული შეცდომები აფხაზეთსა და აჭარაში (ზოგი ტაქტიკური, ზოგიც სტრატეგიული) ძალიან ძვირად გვიჯდება, მათი არ-აღიარება ან უგულებელყოფა დაგვიჯდება კიდევ უფრო ძვირად, ვინ იცის, იქნებ — სისხლის ფასადაც. ახლად არჩეულმა პრეზიდენტმა უნდა მოახერხოს ამ შეცდომათა ტაქტიკური და თანმიმდევრული გამოსწორება, მისი საყრდენი ამ გზაზე კი უნდა იყოს არა მუდმივი დესტაბილიზაცია პიროვნული ძალაუფლების განსამტკიცებლად, არამედ რეალისტურ და ტოლერანტულ პრინციპებზე დაყრდნობა ერთაშორისი, რეგიონთაშორისი, სახელმწიფოთაშორისი პოლიტიკა. ახლად არჩეულმა პრეზიდენტმა საქართველოს უნდა მოუტანოს მშვიდობა, ოღონდ — მშვიდობა არა მონური, არა ის ცარიელა მშვიდობა, რომელიც, ლელთ ლუნიას თქმით, „მინაჩიც გვეყოფა“, არამედ — მშვიდობა ღირსებითა და რწმენით სავსე.

ასევე გავიმეორებ, რაც დასაწყისშივე მოგახსენეთ: ვერ დავიჩემებ, რომ მაინცდამაინც ჩემი თავი მესახებოდეს ისეთ პრეზიდენტად, ვისაც ყოველივე ზემოთ ჩამოთვლილის ხორცშესხმა ძალუძდეს. ამას თავის მოსაკატუნებლად არ მოგახსენებთ, ჩემი გადანყევტილება საერთო ინტერესებისათვის ჩემი კერძო ინტერესის დაქვემდებარებისა რომ ურყევია, ამის დადასტურების საშუალება არჩევნებამდე, ალბათ, მომეცემა. ერთს კი ვიტყვოდი — ხელისუფლება ხელისუფლებად, მაგრამ თვითონ მოსახლეობა, ხალხის მასა, ვფიქრობ, უფრო შემწყნარებელი უნდა გახდეს განსხვავებული აზრის მიმართ, უფრო ლოიალურად უნდა მოეკიდოს თუნდაც თავისთვის ნაკლებად სიმპათიურ კანდიდატს, ნაკლებად დაექვემდებაროს იმ ფსიქოლოგიურ ზენოლას, რასაც მონოპოლიზებული მასობრივი ინფორმაციის საშუალებებით განვიცდით. თუკი ის, მეტი რომ არა ვთქვათ, გაზვიადებული აზრი შევიწყნარეთ, რომ ჩვენ, ქართველებს, თითქოსდა ნახევარი მსოფლიოს მომარაგება შეგვეძლოს პრეზიდენტებითა და პრემიერ-მინისტრებით, და რომ ჩვენი პატრიოტი მომიტინგეები პოლიტიკაში ტოლს არ დაუდებენ თვით მიტერანსა თუ ბუშს, რაღად აღვიქვამთ ზოგნი ასე მტკივნეულად ალტერნატიულ კანდიდატთა არსებობას? რატომმა პრეზიდენტობის კანდიდატთა შორის მხოლოდ ერთი „კანონიერი“? მე იმასაც მოგახსენებთ, რომ საქართველოში არის ხალხი, რომელთა რიცხვი, ალბათ, ბევრად აღემატება ექვსს, ვისაც პრეზიდენტობის კანდიდატობა ბევრად უფრო დამშვენებოდა, ვიდრე (სხვებზე არაფერს მოგახსენებთ) თქვენს მონა-მორჩილს. არჩევნები ღირსებათა გამოფენა უფრო უნდა იყოს, ვიდრე სხვის თვალში ბენვის ძებნა, სხვისი საცვლების ქექვა და სხვის სულში უბოდიშოდ ხელის ფათური. მიჭირს, ღმერთმანი, ძალიან მიჭირს იმის თქმა, რასაც ახლა მოგახსენებთ, მაგრამ უთქმელობაც არ ეგების: ის, რაც ნუხელ ეკრანზე ვიხილე და მოვისმინე, არამცთუ ილიას საქართველოს, ბერბიჭაშვილის საქართველოსაც არ ეკადრება და ნურც ვაკადრებთ. ვიცი, რაოდენ რთული, ზოგჯერ ტრაგიკულიც არის ტელევიზიის მუშაკთა ხვედრი: სახელმწიფო და-

ნებსებულებას, ცხადია, თავისი წესი და რიგი, თავისი რეჟიმი აქვს, იგი, გვინდა-არ გვინდა, სახელმწიფო შეკვეთის აღმასრულებელია. ასე იყო წინათ, ასე არის დღესაც... და მაინც, წინათ იგი ზოგჯერ ახერხებდა წინ აღსდგომოდა ძლიერთა ამა სოფლისათა, დაპირისპირებოდა უსამართლობას; ამას, თუ მადლიერების გრძნობა არ მოუჩლუნგდათ, ალბათ, ახლანდელი ხელისუფლების წარმომადგენლებიც დაადასტურებენ. დღეს კი რა ხდება? ვიცი, გვარიანი გულუბრყვილო, თუ მეტი არა, გამოვჩნდებოდი თქვენს წინაშე, ტელევიზიისთვის რომ პრეტენზია წამყენებინა — პრეზიდენტობის კანდიდატები თანაბარი უფლებებით გვასარგებლეთ-მეთქი, მაგრამ ყველაფერს, მათ შორის, კანდიდატთა უთანაბრობასაც ხომ რალაც საზღვარი უნდა ჰქონდეს. მხოლოდ ერთ რამეს ვიკითხავ: ნუხანდელი გადაცემის ტექსტის ავტორი — პერსონალური ავტორი, იმიტომ რომ ნებისმიერი შეკვეთილი ტექსტი მაინც პერსონის მიერ იწერება — მართლაც მიიჩნევს, რომ ბატონი ვალერიან ადვადე მოლაღატეა და მას საქართველოს მოქალაქეობის პატივი უნდა აეყაროს, ე.ი. უნდა დაისაჯოს სამოქალაქო სიკვდილით? მას მართლაც სჯერა, რომ მე და სხვა ბევრი ჩემზე დამსახურებული პირიც ვიცავთ და თანავუგრძნობთ ერის მოლაღატეს? ეტყობა, ღრმად ზის ჩვენში ჩვევა მონისა, რაც პატრონის დაკვეთით მლილს სპილოდ გვაქცევინებს და სპილოს — მლილად; სწორედ ამგვარი მონები ამხოვენ ხოლმე ავტორიტეტებს, მაგრამ ამხოვენ იმისთვის, რომ მათ პიედესტალებზე საკუთარი კერპი წამოჭიშონ.

ვიდრე მხვალ, საით მიდიხარ, საქართველოვ?!

სხვამ სხვისი გითხრათ, მე კი ჩემს ნუხანდელ განცდას გაგიზიარებთ — ამნაირ საქართველოში, სადაც ეკრანიდან ლირსულ მამულიშვილთა მოკვეთისაკენ მოუნოდებენ და სადაც ხალხი ამ ანკესს წამოეგება, პრეზიდენტობა კი არა, სიცოცხლეც არად მიღირს.

და მაინც — უნდა მოეუაროთ საქართველოს.

1991 წ.

ამბოხი

პრეზიდენტობის კანდიდატთა სატელევიზიო გამოსვლები

გამოსვლა მეორე

ქალბატონებო და ბატონებო!

ყოველგვარი მიკიბე-მოკიბვის გარეშე, პირდაპირ მოვჭრი: ჩვენ მონმენი ვართ ამბოხისა. არა, ღმერთმა დაგვიფაროს სოციალური ჯანყისაგან ან

პუტჩისაგან, მაგრამ ამგვარი ამბოხის თანმხლები ან, სულაც, წინმსწრები მოვლენა რომ ხდება, ამას ნყალი არ გაუვა... ეს გახლავთ ამბოხი სიტყვებისა; ჩვენ აგვიჯანყდნენ სიტყვები, რომლებიც უკვე ვეღარ ჰგუობენ ტრადიციულ შინაარსს, უფრო სწორად, ახალი შინაარსით იტვირთებიან და ვეღარ თავსდებათ თავიანთ ტრადიციულ ფორმაში: ვინ იტყვის დღეს საქართველოში, თუ რას ნიშნავს სიტყვა აგენტი, ერის მოლაღატი, მტერი, დემოკრატი, კოლაბორაციონისტი, შიმშილობა, ცენტრი ანდა თუნდაც პუტჩი? საქმე იქამდე მივიდა, რომ საჯაროდ პრეზიდენტობის კანდიდატები „ვიგინდარებად“ მოგვნათლეს. სიტყვა „ვიგინდარა“, შესაძლოა, უწყინარი სიტყვათშეხამებიდან — „ვინ გინდა რა“ — მომდინარეობდეს, მაგრამ დღეს უკვე დაუშვებელია „ვინ გინდა რამ“ „ვის გინდა რას“ — „ვიგინდარა“ ეძახოს. სიტყვები თვალდათვალ გაუფასურდნენ, სიტყვის გაუფასურებამ მერე საქმის დევალუაციაც იცის. როცა ადვილად ამოთქვამ კაცი — „ფიზიკურად გაგანადგურებთ“, „ერთი ხელის მოსმით მოგხვეტავთ“, „კედელთან მიგაყენებთ“ და ა.შ., აქედან ერთი ნაბიჯიღა რჩება ყოველივე ამის განხორციელებამდე... და, ვაი რომ, ეს ნაბიჯები იდგმება კიდევ, რამდენადაც ხდება, მოხდა ჩვენი ცნობიერებისათვის ყველაზე ტრაგიკული რამ — კაცისკვლა გახდა მარტივი, ჩვეულებრივი, ყოფითი, საყველპურო საქმე. ჩვენ, მთელი საზოგადოება, მასზე ისე აღარ ვრეაგირებთ, როგორც უნდა ვრეაგირებდეთ. წინა გამოსვლაში განვაცხადე, ახლად არჩეულმა პრეზიდენტმა თავისი შემწყნარებლობით ეროვნულ თანხმობასა და მშვიდობას უნდა მიაღწიოს-მეთქი, ჩემს ერთ-ერთ ოპონენტს კი „მშვიდობა“ „მორჩილებად“ აღუქვამს და, პრეზიდენტობის კანდიდატი მონობისაკენ მოგვიწოდებსო, ეკრანიდან დამაბრალა. ესეც სიტყვათა ამბოხის შედეგია.

სიტყვათა ეს ამბოხი ერთგვარი სიგნალი უნდა იყოს სოციალური ამბოხისა, ვინაიდან მათ, ორთავეს, ერთი საფუძველი აქვთ — სიტყვისა და საქმის დაცილება. სწორედ ამ დაცილების შესანიღბად ცდილობენ სიტყვის გამოყენებას; სოციალურად „აჭრილი“ საზოგადოება სიტყვას უცვლის, უკარგავს თავის ტრადიციულ შინაარსს, რაც თავის მხრივ, კიდევ უფრო ამღვრევს სოციალურ ატმოსფეროს.

ისევე მინდა მივუბრუნდე არსებულ — და არა მარტო არსებულ, არამედ სახვეალიო — ვითარებაზე პიროვნული პასუხისმგებლობის საკითხს. არ ვარ მომხრე სურათის საგანგებოდ გაქუფრებისა, მაგრამ ბევრს რეპრესიების ავი წინათგრძნობა ანუხებს. ადრე ვნერდი, ოცდაჩვიდმეტი წელი საქართველოში ვეღარ გამეორდება — თითო-ოროლა, თუნდაც ათობით ან ასობით, ინტელექტუალის „გამოხშირვას“ ხელისუფლება ვეღარ იკისრებს-მეთქი. მე სხვას ვშიშობდი — შეიძლება მომხდარიყო მეორე „ბაზალეთი“ ან „შადიმანობა“ — ერთგვარადი პოლიტიკური კატასტროფა, შინაომი ან ლაღატი, კერძოდ, ხალხის ზურგსუკან ისეთი პოლიტიკური გარიგება, რაც

ჩვენ პოლიტიკურად დაგვაკაბალებდა ან ჩვენს მიწებს დაგვათმობინებდა. ვაი რომ, ჩემი ეჭვის საფუძველი დღესაც არსებობს და, რაც მთავარია, ჩემს იმ ოპტიმიზმს, რომ ოცდაჩვიდმეტი აღარ გამეორდება, ცოტა არ იყოს, საფუძველი ერყვევა. და თუ იგი რალაც სახით განმეორდა — სტალინ-ბერიას საქმის უშუალო გამაგრძელებელი რომელიმე პერსონა კი არ იქნება ამაში მთავარი დამნაშავე, არამედ დამნაშავე ვიქნებით ჩვენ ყველანი ერთად და თითოეული ჩვენგანი ცალ-ცალკე, ვინც წინ ვერ აღვუდევით საქართველოზე „კაენის სულის გადასრიალებას“.

სწორედ დღევანდელმა ვითარებამ უნდა გაგვამახვილებინოს ყურადღება პოლიტიკური ბრძოლის ზნეობრივ ასპექტზე.

ისტორიული გამოცდილებიდან გამომდინარე, მიაჩნდათ და ახლაც ბევრს მიაჩნია, რომ პოლიტიკას არაფერი აქვს საერთო ზნეობასთან, რომ პოლიტიკაში მიზნის მისაღწევად ყველაფერი დასაშვებია, რომ ყოველი დიდი პოლიტიკოსი თავისი ცხოვრების ნებისთავს კი უზნეობის ნიშნებს წარმოადგენს. ეს არასწორი განზოგადებაა.

დღეს პოლიტიკაში სამოქმედო პრინციპად (ცხადია, არა დეკლარირებულად, მაგრამ — საქმით) მზაკვრობა, სიცრუე და ორპირობა გაიხადო, ნიშნავს გასაოცარ ანაქრონიზმს და, თუ ქართველებიც ამ განწყობილებით შევაფასებთ პოლიტიკურ ნაბიჯებს, ეს მხოლოდ იმას დაადასტურებს, რომ ჩვენ, მინიმუმ, ორი საუკუნის წინანდელი სტერეოტიპებით ვაზროვნებთ პოლიტიკაში.

ეს არც არის გასაკვირი — ამ ხნის განმავლობაში პოლიტიკურ აზროვნებასთან მისადაგებული დამოუკიდებელი სახელმწიფოებრივი ქმედების საშუალება ჩვენ არა გვქონია — სხვისი ხელისა და თავის შემყურენი ვიყავით. ასევე ხდებოდა ამ ბოლო 70 წლის მანძილზე: რეალური, მასშტაბური პოლიტიკა საქართველოში არ იქმნებოდა, ხოლო საკადრო ინტრიგები და კაბინეტური ხვანჯები სავარძელთა მოსაპოვებლად სახელმწიფო პოლიტიკად საღდებოდა. ქართველი წარმომავლობის პოლიტიკოსები გვყავდნენ, ქართული ეროვნული პოლიტიკა არ გვქონია.

არადა, სწორი პოლიტიკა — მართალი, პატიოსანი, გულწრფელი პოლიტიკაა. რამდენად გულწრფელი იყო თვითონ უინსტონ ჩერჩილი თავისი ამ ცნობილი პრინციპის არა მარტო გამოთქმისას, არამედ რეალიზების დროსაც — ეს ცალკე საკითხია; ყოველ შემთხვევაში, ეს ეჭვი თვით ამ პრინციპის ჭეშმარიტებაში ეჭვს ვერ შეგვატანინებს: ტყუილზე აღარანაირი პოლიტიკა არ აიგება, არც საშინაო და არც საგარეო.

ინფორმაციულობის დონე დღეს იმდენად მაღალია, რომ ტყუილი პოლიტიკაში, უბრალოდ, საზარალოა.

ორიოდ სიტყვა საზოგადოების ინფორმაციულობაზე: ცხადია, დიდი უბედურებაა, როცა ინფორმაციის სახელმწიფო საშუალებანი — რადიო,

ტელევიზია, გაზეთები — ინფორმაციას ან არ აწვდიან, ან არასწორად აწვდიან ხალხს. ასეთ შემთხვევაში ინფორმაციის სხვა, „დახურული“, არხები ამუშავდება ხოლმე, რაც, საბოლოო ჯამში, თუ დღეს არა, ხვალ უეჭველად დააზარალებს სწორედ ამ ინფორმაციის დამმალავ ან დამამახინჯებელ ხელისუფლებას.

დღევანდელი ხელისუფლება ვერც იმას ითვალისწინებს, რომ საზოგადოება კომუნისტებმა ლამის მთელი საუკუნეა მიაჩვიეს ოფიციალური მიწოდებული ინფორმაციის უკუღმა ნაკითხვას. ასე რომ, ხელისუფლების მიერ შეკვეთილი და მიწოდებული ინფორმაცია — მავანი მოლაღატეა, მავანი აგენტი, მავანი არაქართველი — ჩვენში ჯერ კიდევ ტრადიციულად, ე.ი. საპირისპიროდ იკითხება. ერთმა ღირსეულმა პიროვნებამ შემომჩივლა — ნეტავ, რაშია საქმე, ხელისუფლებას კრემლის აგენტად არ გამოვუცხადებოვარ და ახლობლებმა ეჭვით დამინყეს ყურება — მართლა აგენტი ხომ არ ხარო.

ორიოდ სიტყვა საკადრო პოლიტიკაზეც; ეს ერთგვარად უმადური თემაა, მაგრამ ახლად არჩეულმა პრეზიდენტმა, ჩემი აზრით, თანამდებობებზე ხალხი იმ პრინციპით კი არ უნდა ცვალოს, ვინ რომელი პარტიის წევრია და ვინ რამდენად გამოადგა მას თუნდაც ამ საპრეზიდენტო სავარძლის დაკავებაში, არამედ უნდა შეცვალოს თვით სისტემა კადრების სელექციისა — გაადემოკრატიულოს და აამოქმედოს შესაბამისი სტრუქტურები, უპირველეს ყოვლისა, ეკონომიკური ბერკეტების საშუალებით. ახლა მოხდა, ფაქტობრივად, მზა მოდელის — კომუნისტური მოდელის — გადმოღება ტერმინოლოგიის შეცვლით, რამდენადაც ცეკას განყოფილებები გადაინათლნენ შესაბამისი საპარლამენტო კომისიებად, რომლებიც ამა თუ იმ სფეროს კანონმდებლობითი საქმიანობის გვერდით და, ვგონებ, მასზე უწინარესაც, ამ დარგში საკადრო პოლიტიკას განაგებენ — ზუსტად ისე, როგორც ეს კომუნისტური მმართველობის დროს ცეკას განყოფილებებში ხდებოდა. მოკლედ, ეროვნული სამოსელისაგან რომ განიძარცვოს დღეს მოქმედი სახელისუფლო მექანიზმი, ხელთ მართვის ძველი, გამოცდილ-აპრობირებული და კომუნისტურად აწყობილი მოდელი შეგვრჩება.

საერთოდაც, თანამდებობა მადლობის გადახდის ან, მით უმეტეს, მომადლიერების ფორმა არ უნდა იყოს: კაცს კი არ უნდა ვუძებნიდეთ თანამდებობას, თანამდებობას უნდა მოეუნახოთ კაცი.

ისიც უნდა ითქვას, რომ პოლიტიკური იერარქიის ზედა საფეხურზე და საკანონმდებლო სისტემის უმაღლეს ეშელონში დასაშვებია ერთგვარი „არაპროფესიონალიზმი“ იმ აზრით, რომ პოლიტიკა უფრო ნიჭის, ალღოს და სავანთა არსის ნედომის უნარს ეფუძნება, ვიდრე ვინრო სპეციალობას. ამიტომაც პრინციპულად არაფერია მიუღებელი, პროფესიით ვეტერინარი კანონმდებლობას კოორდინირებდეს — ბოლოს და ბოლოს, ეს ყველაფერი

უნარზეა დამოკიდებული, მაგრამ პრინციპულად მიუღებელია აღმასრულებელ-განმკარგულებლად არაპროფესიონალთა ისეთი მოძალება, თანაც — უმნიშვნელოვანეს პოსტებზე, როგორსაც დღეს ვხედავთ. ყოვლად დაუშვებელია ასეთი მიდგომა: ჩემი ერთგული კაცია, დავსვით მინისტრად, ვნახოთ, ეგებ საქმე გამოუვიდესო... ამის შედეგი გახლავთ, რომ მინისტრის პირველი მოადგილე შეიძლება ერთი კვირით ამყოფო ამ თანამდებობაზე და მერე ისევე მოულოდნელად მოაცილო იმ სავარძელს, როგორ მოულოდნელადაც დასვი...

დასასრულ, ჩვენს ჩრდილოელ მეზობელთან ჩვენი დღევანდელი პოლიტიკის ერთ ასპექტს მინდა შევეხო. ყოვლად დაუშვებლად მიმაჩნია დიდ პოლიტიკაში მიტინგური განწყობილებით მუშაობა — რუსეთს ბლოკადას მოვეუნებოთ, ვაშიმშობოთ და დავაჩოქებოთ. ნეტარ არიან მორნმუნენი, რომლებიც იმ დათვის ტყავს ინანილებენ, ჯერაც ტყეში რომ დარბის: ჩვენი ბლოკადა ხომ უფრო თვითბლოკადას ჰგავს და, ვეჭვობ, აქეთ არ დავიმშეთ... ისიც ვიკითხოთ — გვინდა კი დამშეული და კბილებამდე შეიარაღებული მეზობელი? განა შეიძლება ასეთ მეზობელთან მდგომარეობის გამწვავება? თანაც მეზობელთან, ჩვენი სახლი რომ თავის ატომური იარაღის სანყობად უქცევი? ვის ვედიდგულებით და „ვეჭიპლაყებით“? ბლოკადით ცენტრი დავაზარალებთო! კი ბატონო, მაგრამ ეს ყველაფერი იმას ხომ არ ჰგავს, კაცმა შინ დინამიტი აიფეთქო, რათა აბეზარ მეზობელს მინები დაუბზარო?! მოკლედ, სამტრედიის რკინიგზის გადაკეტვა რომ დიდ პოლიტიკურ სიბრძნედ ცხადდება, ეს სწორედ ჩვენს პოლიტიკურ ინფანტილიზმზე მეტყველებს.

დავუბრუნდები სიტყვათა ამბოხს: „თავისუფლება“ აგვიჯანყდა — როგორ გვესმოდა და დღეს როგორ გვესმის ეს სიტყვა? თითქმის საუკუნის წინ ალექსანდრე სარაჯინვილიმა თქვა: ქართველი ისე მიეჩვია მონობას, ბატონის გამოცვლა თავისუფლება ჰგონიაო. თითქოსდა გუშინ თქმულიყოს; ახლად არჩეულმა პრეზიდენტმა ბატონობის ერთი ფორმა მეორით კი არ უნდა შეცვალოს, არამედ ერთპიროვნული დიქტატის, ტირანიის ინსტიტუტი უნდა გააუქმოს და პარლამენტის, ხალხის თანადგომით აამუშაოს დემოკრატიისა და ჭეშმარიტი თავისუფლების დამამკვიდრებელი მექანიზმები. თუ ჩვენ ამ ისტორიულ შანსსაც ხელიდან გავუშვებთ, მაშინ რეალობად გვექცევა დღევანდელი ქიშპითა და მტრობით გულდამძიმებული ანალიტიკოსი ქართველის უნუგემო აღმოჩენა: ისტორიულად ჩვენ იმან გადაგვარჩინა, რომ მუდამ დაპყრობილები ვიყავითო.

როგორც ძველად იტყოდნენ, „ნუმც იყოფინ“.

და რომ ეს არ აღსრულდეს, ამისათვის არის საჭირო ხმა იმას მივცეთ, ვინც ჩვენს ხმას გაიგონებს და შეისმენს!

ფილა

პრეზიდენტობის კანდიდატთა სატელევიზიო გამოსვლები

გამოსვლა მესამე

ქალბატონებო და ბატონებო!

პრეზიდენტობის კანდიდატთა საარჩევნო კამპანიაში ჩაბმისთანავე საჯაროდ განვაცხადე: კენჭისყრაზე უარს ვიტყვოდი, თუ ეს არჩევნები შინააშლილობის კერად გადაიქცეოდა, რითაც შეეძლო ესარგებლა გარეშე, მტრულ ძალას. ღვთის მადლით, საქმე აქამდე არ მისულა, თუმცა უკულმართულმა გეზმა, რომელიც ამ საარჩევნო კამპანიას მიეცა, ისედაც შემღვრეული ზნეობრივი ატმოსფერო კიდევ უფრო მოგვიწამლა და პოლიტიკური კონფრონტაცია-დაპირისპირება კიდევ უფრო გაამძაფრა. ითქვა და ფაქტიც გახლავთ: საარჩევნო კამპანია არანორმალურ ვითარებაში მიმდინარეობს: ხელისუფლებამ ამოქმედა ათნლეულობით ნაცადი მეთოდები და ხერხები მასებზე ზემოქმედებისა; ამუშავდა მასობრივი ინფორმაციის საშუალებანი ხალხში შესაბამისი განწყობილების ჩასანერგად. პრეზიდენტობის კანდიდატები ცილისწამების, სახელისგატეხვის, ბეზლობის, ლანძღვის სამიზნეებად ვიქეციოთ. დაირღვა პრინციპი, რომლის მიხედვითაც კანდიდატებს თანაბარი უფლება-მოვალეობანი ეკისრებოდათ. პრეზიდენტობის კანონის მიღების შემდეგ უზენაეს საბჭოს ზედიზედ შეჰქონდა ამ კანონში მოქმედი პრეზიდენტისთვის მომგებიანი შესწორებები, დამატებები და განმარტებები, რომლებიც ლახავდნენ სხვა კანდიდატების უფლებებს.

მერწმუნეთ, არავინაა წინააღმდეგი კანონისა პრეზიდენტის ღირსების დაცვის შესახებ, მაგრამ ამ კანონსაც კი არ მიუნიჭებია არავისთვის (მათ შორის, არც პრეზიდენტისათვის) უფლება დაამციროს და შეურაცხყო სხვა. მეტიც ითქმის, პრეზიდენტის ღირსებას შეურაცხყოფა, შესაძლოა, სხვამ კი არ მიაყენოს, არამედ თვით პრეზიდენტმა, რისი მომსწრენიც, სამწუხაროდ, არაერთგზის ვიყავით. განა პრეზიდენტის ღირსების შეურაცხყოფა არ არის, როდესაც იგი განუსაზღვრავს და ამით, ფაქტობრივად გამოითხოვს კიდევ ამომრჩევლებისაგან ხმათა იმ პროცენტულ რაოდენობას, რაც თითქოს აუცილებელია ამერიკელებთან მოსალაპარაკებლად? მოკლედ, ამკარად გამოიკვეთა საშიშროება, რომ დაირღვეს არჩევნების ფარულობაც და რეალური ალტერნატიულობაც, გაყალბდეს ხმები, გადაისინჯოს არჩევნების შედეგები.

ცხადია, საარჩევნო კამპანიას ჰქონდა ღირსებებიც, კერძოდ, გაჩნდა მცირე შესაძლებლობა ინფორმაციული ბლოკადის გარღვევისა, განსხვავე-

ბული აზრის ფართო აუდიტორიამდე მიტანისა: მსმენელსა და მაყურებელს მეტ-ნაკლებად მიეცა შესაძლებლობა შეჰქმნოდა აზრი იმის შესახებ, თუ ვინ არის ვინ.

ერთიც არის სათქმელი: 26-ით შეიძლება ბევრი რამ დაინყოს, მაგრამ 26-ით ყველაფერი როდი დამთავრდება. ბრძოლა საქართველის დამხობილი სახელმწიფოებრივობის აღსადგენად გრძელდება და ამ ბრძოლაში მე მართებულად არ მიმაჩნია ჩვენი ხალხი შევჩავიოთ იმ აზრს, რომ აფხაზეთი დავკარგეთ, რომ შიდა ქართლის ნაწილი, ყოფილი სამხრეთ ოსეთი, დავკარგეთ. მით უფრო შეუნყნარებელია აზრი, თითქოს აფხაზეთიცა და სამხრეთ ოსეთიც ისედაც კარგა ხანია რეალურად დაკარგული ყოფილიყოს. ამ აზრს შეგუება ტოლფასია იმისა, რომ შევეგუოთ შეუგუებელს — საქართველო დავკარგეთ. ცხადია, ქართული მიწების დაკარგვის საშიშროება გვემუქრება, მაგრამ ამ საფრთხეს წინაღდგომა უნდა და არა შეგუება და მკლავების ჩამოცვენა.

ახლად არჩეული პრეზიდენტი რეალური დამოუკიდებლობისაკენ საქართველოს ისე უნდა წარუძღვეს, რომ ერთი გოჯიც კი ქართული მიწისა არ დათმოს. ვინც ამ გზაზე თანაცხოვრების დემოკრატიული წესით ნაიყვანს საქართველოს — მითქვამს და ახლაც გავიმეორებ — მან თავის ლაშქარს მეც მიმართავლოს რიგით მოლაშქრედ.

„ახალგაზრდა ივერიელის“ კორესპონდენტმა პრეზიდენტობის კანდიდატებს ასეთი შეკითხვით მოგვმართა: დღევანდელ საქართველოში პრეზიდენტობა არის ჯვარცმა, გოლგოთის გზა და თუ ხართ ამისთვის მზადო? ყველას გახსოვთ, მოსალოდნელი და ნათელხილვით წინასწარ დანახული ჯვარცმის წინაშე თვით მაცხოვარი ჩვენი, იესო ქრისტე, ძრწის გეთსემანის ბაღში ლოცვისას; ამაცილე ეს მწარე ფიალაო, ევედრება მამას. ამიტომ, შეუძლებელია ნებისმიერი კანდიდატი ასეთი ტვირთის წინაშე არა ძრწოდეს... გამონაკლისი არც მე გახლავართ... დიახაც — ეძრწი, დიახაც — „პატივსა ვხედავ და პატივისაგან მეშინის“... ისიც ვიცი, ჩემი, როგორც პედაგოგისა და ლიტერატორის პრესტიჟისათვის, ალბათ, უკეთესი იქნებოდა კენჭისყრაზე ასეთ სიტუაციაში უარი მეთქვა. და მაინც — არ ვამბობ უარს, ბოლომდე ვრჩები ამ, ჩემთვისაც ცხადია, უთანასწორო ბრძოლაში თუნდაც იმიტომ, რომ ზნეობრივად ვალდებულად ვთვლი თავს არ გაუუცრუო იმედი იმ, ალბათ, მცირე ნაწილს ამომრჩეულებისას, ჩემთვის რომ აპირებენ ხმის მოცემას.

ეტყობა, ჩვენ-ჩვენი ფიალა ყველამ ბოლომდე უნდა შევსვათ.

ახლად არჩეულმა საქართველოს პრეზიდენტმა, ვინც უნდა იყოს იგი, ვფიქრობ, არჩევისთანავე უნდა გადადგას ის ნაბიჯი, რომელიც, ჩემი აზრით, ყველაზე მეტად გამომხატავს ტრადიციულ ქართულ სულისკვეთებას; მან უნდა გამოაცხადოს დიდი შერიგება, შერიგება ჩვენში მაცხოვრებელ ერთა და ეროვნებათა შორის, შერიგება პოლიტიკურ პარტიათა შო-

რის, შერიგება კაცთა შორის. და ამ შერიგების მექანიზმი სწორედ პრეზიდენტის მიერ განსხვავებული მოსაზრების პატივისცემას უნდა ეფუძნებოდეს. ეს იქნება მტკიცე გარანტია იმისა, რომ ჩვენ, ყველამ ერთად, ერთად და ბერძენად —

მოვუაროთ საქართველოს!

1991 წ.

დაბლოკილი განცხადება

უფლებამოსილი ვარ, მარტო ჩემი — არა, ბატონების ვალერიან ადვადისა და ირაკლი შენგელაიას სახელითაც განვაცხადო:

საქართველოს რესპუბლიკის პრეზიდენტის არჩევნების კამპანია არანორმალურ პირობებში მიმდინარეობს. ოპოზიციის კანდიდატები აშკარად არათანაბარ პირობებში ვართ ჩაყენებული დღევანდელ პრეზიდენტთან შედარებით. ეს უთანაბრობა ბატონმა ზვიად გამსახურდიამ თავისი ოფიციალური განცხადებითაც დაადასტურა: „რამდენადაც ვარ ფაქტობრივი პრეზიდენტი, ვერ გაუთანაბრებ თავს პრეზიდენტობის მაძიებლებს“. უნდა აღინიშნოს, რომ ბატონი გამსახურდია კანონის მიხედვით არის პრეზიდენტობის კანდიდატიც ანუ, მისივე ტერმინოლოგიით, „პრეზიდენტობის მაძიებელი“ და, როგორც უზენაესი საბჭოს მიერ არჩეული პრეზიდენტი, უპირველეს ყოვლისა, სწორედ იგია მოვალე დაიცვას კანონი. დღევანდელი პრეზიდენტის ამგვარი ქედმაღლური დამოკიდებულება ალტერნატიული კანდიდატების მიმართ, მისი არაკორექტული, ზოგჯერ კი ეთიკისა და იურიდიული ნორმების ზღვარს გადასული ეპითეტებით ოპოზიციის კანდიდატთა დახასიათება (მაგალითად, „ვიგინდარები“ — როგორც პრეზიდენტობის დანარჩენი კანდიდატები მოიხსენია მან პედაგოგიურ ინსტიტუტში ამომრჩევლებთან შეხვედრაზე), ცხადია, შესაბამის კანონსაწინააღმდეგო ქმედებას იწვევს პრეზიდენტს დაქვემდებარებულ ხელისუფალთა მხრიდან: სამინისტროების, უწყებების, პრეფექტურისა და სხვა ადმინისტრაციული ორგანოების ხელმძღვანელები მოურიდებლად იყენებენ ძალისმიერ მეთოდებს ამომრჩევლებზე ზემოქმედებისა არჩევნებში ბატონ გამსახურდიას „ერთსულოვანი მხარდაჭერის“ უზრუნველსაყოფად. პროკურატურის არაკონსტიტუციური გადაწყვეტილების მომიზეზებით ტელევიზიამ ოპოზიციის კანდიდატებისა და მათი წარმომადგენლების გამოსვლებს დაუნესა ცენზურა, შეზღუდა ან მთლიანად მოხსნა ცალკეული განცხადებები და მთელი გადაცემები. უკვე მოქმედ საარ-

ჩვენო კანონში უზენაეს საბჭოს შეაქვს შესწორებები და განმარტებები ცალკეულ მუხლებთან დაკავშირებით, რაც ბლალაეს ოპოზიციის კანდიდატთა უფლებებს. დღევანდელი პრეზიდენტის საარჩევნო კამპანია აგებულია მისი პიროვნების ზღვარგადასულ განდიდებასა (რაც, ცხადია, მისი საქმეა) და ოპოზიციის კანდიდატთა სახელის გატეხვის მცდელობაზე (რაც უკვე მარტო მისი საქმე აღარ გახლავთ). ყოველივე ამან ისე გაამწვავა ვითარება, რომ პრეზიდენტობის ერთ-ერთმა კანდიდატმა სამართლიანობის აღდგენის მოთხოვნით შიმშილობაც კი გამოაცხადა.

უკანასკნელი გადანყევტილება უზენაესი საბჭოსთვის არჩევნების შედეგების გადასინჯვის უფლების მინიჭების შესახებ უპრეცედენტოა და ავირგვინებს მცდელობას, საარჩევნო კანონი და შესაბამისი აქტები მიუსადაგოს პრეზიდენტობის, როგორც ოფიციალური პრესა ამკვიდრებს ამ ტერმინს, „ერთადერთ კანონიერსა (?) და სრულუფლებიან (?) კანდიდატს“ ბატონ გამსახურდიას. დღეს ქართველი ხალხი, საქართველოს მოსახლეობა მონმე და მონანილეა მცდელობისა, შეიქმნას ილუზია, თითქოს ახლანდელი საპრეზიდენტო არჩევნები დემოკრატიული და ფარული იყოს. სინამდვილეში, ხელისუფლება მოსახლეობას ართმევს მის უძირითადეს კონსტიტუციურ უფლებას — უფლებას არჩევანისას.

კვლავ მთელი კატეგორიულობით მოვითხოვთ საარჩევნო კანონის განუხრელ შესრულებას ყველა ამ ორგანიზაციისა და თანამდებობის პირის მიერ, ვისაც ევალება პრეზიდენტობის კანდიდატთათვის თანაბარი პირობების შექმნა. პასუხისმგებლობას შექმნილი არანორმალური ვითარების გამო მთლიანად ვაკისრებთ საქართველოს დღევანდელ ხელისუფლებას და პირადად მის პრეზიდენტს.

20.V.1991 წ.

პრეტად

პრეზიდენტობის კანდიდატის მიმართვა არაქართულენოვან მოსახლეობას

მინდა მივმართო საქართველოს ხალხის იმ ნაწილს, რომელსაც მიზეზთა გამო სხვათა და სხვათა ქართული არ იციან. თანამემამულენო! ჩემი ღრმად რწმენით, თქვენ თანამემამულენი ხართ იმის საფუძველზე, რომ საქართველოში ცხოვრობთ, საქართველოში შრომობთ (სწავლაც შრომის ერთ-ერთი სახეობაა) და საქართველოს ინტერესებს იცავთ, მოკლედ, ხართ საქართვე-

ლოს მოქალაქეები. ამ შემთხვევაში თქვენს ეროვნულ წარმომავლობას, რელიგიურ რწმენას და პარტიულ ინტერესებს ჩემთვის მნიშვნელობა არა აქვს და არც უნდა პქონდეს. საკითხისადმი ამგვარი მიდგომა „არ ახალია, ძველია“... ასე უყურებდნენ არაქართველ მოსახლეობას ოდითგანვე საქართველოში, სადაც ერთა შორის ურთიერთობის მთავარ პრინციპად მუდამ მიაჩნდათ რელიგიურ-ეთნიკურ-მსოფლმხედველობრივი შემწყნარებლობა.

ახალი, თავისუფალი, დემოკრატიული საქართველო, რომლის დამოუკიდებლობას თქვენ ქართულენოვან მოსახლეობასთან ერთად ცალსახად დაუჭირეთ მხარი რეფერენდუმით, უთქვენოდ ვერ აშენდება. საერთოდაც, ძნელია გადაჭარბებით შეაფასოს კაცმა თქვენი როლი ჩვენს ეროვნულ-განმათავისუფლებელ მოძრაობაში; როცა ვამბობ — ჩვენს მოძრაობაში — მე მხოლოდ ქართველებს არ ვგულისხმობ, ამ „ჩვენში“ თქვენც, არაქართულენოვანი, არაქართველი მოსახლეობაც იგულისხმებით. ეს თქვენთვისაც ისეთივე სისხლხორცეული საქმეა, როგორიც — ჩვენი; საქართველოს გათავისუფლებით თქვენც ისეთსავე სარგებელს ნახავთ მატერიალურადაც და სულიერადაც, როგორსაც — ქართველები. ამიტომაც გმართებთ, თქვენივე ინტერესებიდან ამოსვლით, ერთად და შეთანხმებულად ვიმოქმედოთ, ერთად გავიჭიროთ, როცა დაბრკოლებებს გადავანყდებით, და ერთად მოვილხინოთ, როცა ლხინის უამი დაგვიდგება.

უერთმანეთოდ — მუდამ გაჭირვებაში ვიქნებით;

ერთად — საბოლოო გამარჯვებას მივალწევთ.

1991 წ.

ტვილდასვეთილი

ტელეგამოსვლა

ქალბატონებო და ბატონებო, პატივცემულო ტელემყურებლებო, მეც, თქვენი არ იყოს, შემძრა ამ ნუთას ტელეეკრანზე ნანახმა და მონახმენმა: კუდიანების არული გაუმართავს გროზნოში მთიელ ხალხთა კონფედერაციას. განწყობილებაც გაორებული დამეუფლა, აი ისეთი, საუკუნის წინ ერთ დიდ ქართველს რომ აკითხვინა — ვიცინოთ თუ ვიტიროთ?

მართლაცდა, ცოტა არ იყოს, სასაცილოდ გამოიყურებოდა გროზნოს სპექტაკლის მონაწილე ყვარყვარეთა თათქარიძეობა, თუ გნებავთ — თათქარიძეთა ყვარყვარეობა: „აქეთ გორასა ფეხი ჰკრეს“ და ლამის გაერო გაა-

უქმეს; რუსეთს ატომური კატასტროფით მიწასთან გავესწორებო, იმუქ-რებიან და საქართველოს რაღას უზამდნენ? საქართველო მლილადაც არ უჩანთ ამ ვაჟბატონებს და აკი თავიანთ ხუმტურზე ჭრესა და ლამბეს ჩვენი ტერიტორია.

მაგრამ ამ ტაკიმასხარაობის მიღმა მანაც საშიში და სახიფათო რამ ილანდება — სახიფათო არა მარტო ჩვენთვის, ქართველებისთვის... ოღონდ, ჩვენი სატირალი და თავში საცემი უფრო სხვა რამ გახლავთ: აქაც, საქართველოშიც, არის ხალხი, ეკრანზე წარმოჩენილი ქალბატონისა არ იყოს, „არა მჯერა“ და „არა მჯერაო“, რომ დაუეინია... თვალნი აქეთ და — ვერ ხედავენ, ყურნი ასხენან და — არ ესმით...

ისე, ნება მიბოძეთ, ჩვენო ურწმუნო თომებო, მეც არ დაგიჯეროთ, რომ თქვენ არ გჯერათ... გჯერათ, ბატონო ჩემო, მიხედით, კარგა ხანია იცით უკვე, რა სნებასაც შევეყარეთ, მაგრამ ვერ გეთმობათ თქვენი კერპი... თუმცა — არა! თქვენ, უპირველეს ყოვლისა, ვერ გეთმობათ მისგან ნაბოძები უზნეობის თავისუფლება, ანუ უფლება — დაამციროთ თქვენზე ამაღლებული, ჩაწიხლოთ თქვენზე აღმატებული. რას ვიზამთ, ცოტანი როდი არიან, ვისაც თავისი სწეულება, თავისი სიბილწე, სწორედ იმიტომ, რომ თავისია, ეძვირფასება. აკი ბრძანებდა გურამიშვილი:

*„ერთს კიდევ გეტყვით იგავსა,
თქვენგან დამერთვის თუ ნება,
ზოგ კაცსა საკმლად მიუჩანს
თავის სიმყრალის სუნება“.*

და არის ხალხი, ვინც, მოუხედავად თავიანთი გარეგნული თავდაჯერებისა და სიზვიადისა, შინაგანად მარადი მარიონეტები და სხვათა დუღუკზე დამროკებელნი არიან. ასეთებს, თუ საზოგადო ასპარეზი არ ექნათ, ცოლი დაიხვევს თითზე, თუ ექნათ — სწორედ ის პოლიტიკური ძალა, რომელსაც თითქოსდა უპირისპირდებიან. ზვიად გამსახურდია რეალურად, საქმით, მარიონეტი იყო ჯერ სუკისა, ახლა, ამასთან ერთად, ეკრანზე ვიხილეთ, როგორ ქცეულა იგი ჯოხარ დუდაევის, კონფედერანტების, ისლამური ფუნდამენტალიზმის მარიონეტად. არადა, პრეზიდენტყოფილი თითქოსდა მთელი ცხოვრება სუკსა და ისლამს უპირისპირდებოდა. უნდა მივმხვდარიყავით, „ძირს ყოვლისშემძლე სუკიო“, — ამას სუკი, თუკი იგი მართლაც ყოვლისშემძლე იყო, მხოლოდ იმათ აყვირებდა, ვისაც რეალურად თავის საქმეს აკეთებინებდა.

აღბათ, ყურადღება მიაქციეთ, როგორ მარშირებდა გროზნოს ქუჩებში რუსულჩექმიანი ჩეჩნური ჯარი „ალა ილ ალაჰ“-ის ძახილით. ღმერთმა დაგვიფაროს და, თუ ახდა პრეზიდენტყოფილის ჩანაფიქრი და ამ ჩექმებმა

რუსთაველზე გაიბრაზუნეს, დატერორებულ ხალხს „ალაპის“ ნაცვლად, ალბათ, „ჯოხარი-ზვიადი“-ს აძახებინებენ... უფრო სწორად, ასე: „ჯოხარი ღმერთია და ზვიადი მისი წინასწარმეტყველი“... ისე, წინასწარმეტყველისა რა მოგახსენოთ და, „ხელის ბიჭვიით“ რომ დასდევდა კუდში დუდავეს ერთ დროს ზვიადი ზვიადი, ეს კი ყველამ ვიხილეთ ეკრანზე.

მოგახსენებთ, ოუდეველთა მსგავსად, მაჰმადიანებსაც აქვთ წინადაცვეთის წესი — ერთი ორგანოდან მცირე ნაწილის ნაცლა. დარწმუნებით ვერ ვიტყვი, გროზნოში გადახეწილმა ჩვენმა ძველმა მთავრობამ წინადაცვეთა-მეთქი, მაგრამ „ყოფილებმა“ ტვინი რომ დაიცვითეს, ამას წყალი არ გაუვა. ტვინდაცვეთილის გარდა ვისი თავიდან შეიძლება დაიბადოს ის აზრი, ახლა ტელეეკრანიდან რომ მოვისმინეთ: რახან თბილისი მხარს უჭერს ახალ ხელისუფლებას, რახან თბილისის „ხუნტა“ გაეროს, თურმე ნუ იტყვით, მთლიანი საქართველოს მთავრობად უცვნია და საქართველო გაეროში მოუღია, ამიტომაც კახეთმა, იმერეთმა, სამეგრელომ... და ა.შ. — თავი დამოუკიდებელ სახელმწიფოებად, უფრო სწორად — სამეფოებად უნდა გამოაცხადონ და გაეროშიც დამოუკიდებლად უნდა განეწიანდნენო... აფერუმ, ქართული ეროვნული ხელისუფლების ეროვნული წარმომადგენლებო, აფერუმ, მზია-ხანუმ ჯეჯელავა-საფაროვა-შერვაშიძე, აფერუმ, გიორგი მარჯანიშვილო, გამსახურდიას რუპორო, უფრო სწორად — ქვევრო ცარიელო... და ათგზის აფერუმ, „პირველი ეროვნული პრეზიდენტი“... დაინაწილეთ, არა, „ქართლ-კახეთად, იმერეთად, გურიად და სამეგრელოდ“ ის, რაც დუტუ მეგრელისა და ყველა ნორმალური ქართველისათვის ერთიანი, განუყოფელი სამშობლოა — „საყვარელი საქართველო“? მაინც, ვინ რა ნაწილი ირგუნეთ, რა ტერიტორია ჩამოიჭირით სათავისოდ, ტახტები სად დაიდგით, ყვარყვარე თათქარიძეებო? პრეზიდენტყოფილი საქართველოს რომელი ნაჭრის მეფედ უნდა ვაკურთხოთ, ეს მეტ-ნაკლებად გამოიკვეთა, თუმცა, მისი ხასიათი რომ ვიცოც, დადიანობას ის მაინც იცოტავენებს და მზერას, ალბათ, ქართლს მიაპყრობს, ქართლის მეფის გვირგვინს მოიზმანებს, მით უფრო, რომ, თუ თვითონ ბატონ კონსტანტინეს მოგონებებს ვერწმუნებით, გადმოცემით, გამსახურდიათა გვარი, თურმე, ქართლელ გამსახურდამედილებს უკავშირდება. ისტორიულ წყაროებზე დაყრდნობით კი მიუთითებენ გამსახურდამედილების შორეულ წინაპარს — მძოვრეთელ გამსახურდ ტერტერამვილს... ტყუილად როდი აყვირებდნენ ხალხს — ბაგრატიონთა სისხლი გადაიღალა და უნდა განვაახლოთო — ეტყობა, გამსახურდ ტერტერამვილის ჩამონავალთა სისხლით უპირებენ განახლებას... მზია-ხანუმს კი თამარ მეფის დაფნები არ ასვენებს და, ვინაიდან ჯანმრთელობის ცნობა არც პრეზიდენტობას და, მით უფრო, არც მეფე-დედოფლობას არ სჭირდება, ალბათ, ვერაინ შეეცილება აფხაზეთის ტახტში. ბატონ მარჯანიშვილს ასარჩევად უნდა ჰქონდეს საქმე: დედით კახელი ვარო, ხომ უსმენდით, როგორი დაჟინებით გვიმეორებდა, თუმცა გაკვრით ისიც გვიხსენა, მამით იმერელი გახლავართო;

ეტყობა, სერიოზული პრეტენზია უფრო კახეთის ტახტზე აქვს, მაგრამ, ყოველი შემთხვევისათვის, იმერეთისასაც იბევებს... გამოგვიჩნდა ახალი არჩილ მეფე, ხან კახეთში და ხან იმერეთში რომ მეფობდა!

პატივცემულო ტელემაყურებლებო, ახლა კი, ვგრძნობ, რომ გამირისხდით: რამდენი, მაპატიეთ და, ქეციანი ტახტისმამიძეელი გამოუჩნდება გაეროში — უკაცრავად, შემეშალა, მთიელ ხალხთა კონფედერაციაში — განვერიანებულ სამ სამეფოსა და ხუთ სამთავროს ან თუნდაც ერთ გურჯისტანს, ჩვენი დიდი წინაპრების წმინდა სახელები აქ რა მოსატანიაო... ცამდის მართალიც იქნებით და მე შენდობასა გთხოვთ თქვენცა და ჩვენთა მეფეთა აჩრდილებსაც მათი სულობის შესწოთებისათვის. მე შენდობას ვითხოვ დიდი კონსტანტინე-ბატონის სულის წინაშეც, ვინც, მართლაც რომ, სამგზის გადატრიალდებოდა ჯავრით საფლავში გროზნოს ამბების გამგონე.

ერთ უნარს კი ვერ დავეუკარვავ ვერც პრეზიდენტყოფილსა და ვერც მის „პამქარს“: რამდენჯერ მიფიქრია, მეტი რაღა უნდა თქვან ან რაღა უნდა ქნან, მეტი კიდევ რითღა უნდა გაგვაოგნონ-მეთქი... მაგრამ — არა; ყველაფერს აქვს საზღვარი — უნამუსობას არა ჰქონია სამანი. დღეს რომ კაცი, ნახელისუფლარი კაცი, საჯაროდ განაცხადებს — ის ჩეჩნები და ადიღეელები, ვინც აფხაზეთში ქართველთა სისხლსა ღვრის, იქ მებრძოლ ქართველებზე უფრო ზნეობრივი და სამართლიანი ხალხია, არძინბა კი მართალია ქართულ-აფხაზურ კონფლიქტშიო, ის კაცი ხატზეა გადასაცემი. ვიმეორებ, ამას რომ დღეს, გაგრის სტადიონზე ქართველთა მოჭრილი თავებით ბურთაობის შემდეგ, იტყვი კაცი, ის, ილიასი არ იყოს, აღარ ვიცით, რა სულიერებში უნდა ჩაერიცხოთ...

ხატზე გადაცემა ჩემი საქმე არაა, მე ჩემს სათქმელს ამ ვაუბატონქალბატონებს პირდაპირ მოვახსენებ:

საქართველოს ნაძარცვითა თუ თქვენგან გაბრიყვებული ხალხის აქედან გამოგზავნილი ფულით დალაღებულებო, გროზნოს სამთავრობო კორტებზე თუ აუზებში მონებიერენო, ჩეჩნური ცხვრის ღუმით ტურგადაპოხილნო, საქართველოში თქვენგან დაღვრილ სისხლზე ამოჯეჯილებულნო — დიახ, ლევანისა და მამუკას, რატისა და დათოს, კოკასა და სანდროს, მიშკოსა და ლაშას, კოტესა და სულხანის — ასობით, უკვე ათასობით ქართველის სისხლით დატიკნილო ნურბელებო, თქვენ არც ერთი არა ხართ სიკედილის ღირსი... მე არაფერი შემშლია — სწორედ სიკედილის ღირსი არა ხართ თქვენ. მით უმეტეს — ქართველმა არ უნდა გაისვაროს ხელი იმ მონამლული მყრალი სითხით, ძარღვებში რომ დაგიდით. თუმცა, თქვენი მოკვლა შეუძლებელიცაა... მოკვლა ცოცხლისა შეიძლება, თქვენ კი კარგა ხნის მკედრები ხართ — ზნეობრივი სიკედილი ხომ ფიზიკურზე უფრო ნალდი და სრულია. თქვენ, ზეზეულა მოარულმა მკედრებმა, დიდხანს, დიდხანს უნდა იცოცხლოთ, უფრო სწორად — იარსებოთ... თქვენ სრულად უნდა ამონუროთ

თქვენი ფუნქცია — აჩვენოთ, თვალდათვალ დაახახოთ მთელ ქართველ ხალხს ის ფსკერი, სანამდეც შეიძლება კაცის დაცემა.

მეტი დაცემა რალა იქნებაო, იკითხავთ, მაგრამ, ვშიშობ, უნამუსობისა არ იყოს, ვაითუ, არც დაცემას ჰქონდეს საზღვარი.

1992 წ.

ჰვარს ქასი აშვვენუს

ტელეგამოსელა

სალამო მშვიდობისა, ბატონებო!

სწორედ „სალამო მშვიდობისას“ — ამ ჩვენი პოპულარული სატელევიზიო პროგრამის — უკანასკნელი გადაცემის შესახებ გაგიზიარეთ ორიოდ კვირის წინ ჩემი შთაბეჭდილებანი: თუ გახსოვთ, ჯერ გროზნოში გამართული მთიელ ხალხთა კონფედერაციის ყრილობა გვიჩვენეს, მერე გიორგი მარჯანიშვილის პირით დამხობილი ხელისუფლების გეგმა გაგვაცნეს — თუ როგორ უნდა გაერთიანდნენ გაეროში კახეთი, იმერეთი, სამეგრელო დამოუკიდებელ სახელმწიფოებად, ბოლოს კი მთხოვეს ნანახზე აზრის გამოთქმა... დამეთანხმებით, იმ ცხელ გულზე ძნელი იყო დინჯად და უემოციოდ მელაპარაკა იმაზე, რასაც, ალბათ, ვერც თქვენ უყურეთ გულმშვიდად.

პირველ ყოვლისა, მაღლობელი ვარ იმ ტელეგამოსელა მათივე ემოციების — და, საკმაოდ მძაფრი ემოციების — გამოძახილი და გამომხატველი იყო. სრულიად განსაკუთრებული ფასი ჰქონდა ჩემთვის კონსტანტინე გამსახურდიას ქალიშვილის, ქალბატონ ნათელა გამსახურდიასა და მისი ოჯახის წევრების სამადლობლო სიტყვებს — მათზე უკეთ ვინ გამოიგებდა, პრეზიდენტყოფილის მიმართ ჩემს ასეთ უარყოფით ემოციებს, სხვა ობიექტურ მიზეზებთან ერთად, დიდი მწერლისადმი ჩემი კიდევ უფრო დიდი მონინება რომ კვებავს.

ისიც უნდა ვთქვა, გამსახურდიათა შორის ბევრი ახლობელი მყავს და, ცხადია, დიდად შემანუხებდა, თუ ნებსით ან უნებლიეთ ჩემი გამოსვლით თუნდაც ერთ მათგანს გულს ვატყენდი. არადა, ეტყობა, არც მთლად უამისობაა, რამდენადაც ქართლის ტახტის მამიებელთა შორის გამსახურდიას გვარისა და მისი სათავის საეარაულო დამდების ირონიულმა მოხსენიებამ, ვშიშობ, ერთგვარი გაუგებრობის ბურუსი წარმოშვა, რის გაფანტვასაც ახლა შევეცდები.

დავინწყებ იმით, რომ —

ა) ბეგრაციონთა დინასტიის შეცვლაზე ანუ მათი „დაღლილი სისხლის გა-

ნახლებაზე* ფიქრიც კი მკრეხელობაა; ხოლო ვისგან მოდიოდა ეს „იდეა“, რა წრეში გაიგონებდით ამაზე საუბარს, ვინ ამზადებდა საამისოდ ნიჟარს, ვინ აწყობდა საპატრიარქოსთან ამის თაობაზე „აქციებს“, ეს არავეისთვის არ უნდა იყოს საიდუმლო. მკრეხელობაა არა იმიტომ, თითქოს ბაგრატიონთა შორის მოლაღატი და ქვეგამხედველი არა რეულა: საამისოდ მარტო კონსტანტინე კახეთის მეფის — საკუთარი მამისა და ძმის მკვლელის, ყიზილბაშთა შემომძლოლის და მათივე აგენტის — მაგალითიც იკმარებდა. მაგრამ, თუ მონარქია საქართველოში ხალხის ნებით ოდესმე აღდგება, იგი, ცხადია, თითქმის ცამეტსაუკუნოვანი მეფობის ტრადიციისა და ყველაზე დიდი ისტორიული დამსახურების მქონე ბაგრატიონთა გვარით უნდა აღდგეს და, რომელი გვარიც უნდა იყოს ამაში მისი შემცილე — დადიანი იქნება, ორბელიანი, გამსახურდია, ტერტერაშვილი, ლორინველაშვილი თუ კვანჭანტირაძე — ყველა დამსახურებს ირონიულ დამოკიდებულებას.

ბ) რაც შეეხება სამეცნიერო ლიტერატურაში გამოთქმულ ვარაუდს გამსახურდიათა გვარის კავშირზე ქართულ გამსახურდაშვილებთან, რომელთა ერთი შტოს წინაპარი ძოვრეთელი გამსახურდ ტერტერაშვილი ყოფილა, ამას ვერაინ ჩათვლის გვარის შეურაცხყოფად: არც ამ თემაზე მომუშავე მეცნიერს, კონსტანტინე გამსახურდიას შესახებ მონოგრაფიის ავტორს*, და არც თვით ბატონ კონსტანტინეს, რომელიც ამ ვერსიის ერთ ნაწილს თავის ავტობიოგრაფიულ თხზულებაში ადასტურებს, რალა თქმა უნდა, გამსახურდიათა გვარის შეურაცხყოფა აზრადაც არ მოსვლიათ. სიტყვამ მოიტანა და, „ლანდებთან ლაციციში“ ავტორი იმასაც აღნიშნავს, გამსახურდიათა გვარი დანყველილი იყო აბაშელი ეპისკოპოსისაგან ამ გვარის ერთი წარმომადგენლის უღირსი საქციელის გამო. მერედა — რა? მწერალი არ მორიდებია ამის აღნიშვნას, ვინაიდან იცოდა — შვილები პასუხს ვერ აგებენ მამათა საქციელზე...

სხვათა შორის — არც მამებს, მით უფრო — გარდასულ დიდ მამებს, უნდა ვაგებინოთ პასუხი სრულწლოვან შვილთა ცოდვებზე.

გ) კაცმა რომ თქვას, არც ტერტერაშვილი — ეს ღონიერი ქართული გვარი, ვიმეორებ, ქართული-მეთქი — გახლავთ ვინმესგან ტუჩის ასაბზუებელი. „ტერტერა“ რომ სომეხთა მღვდელს ჰქვია, ეს ისევე არაფერს გვეუბნება ამ გვარის მატარებელთა არაქართულ წარმომავლობაზე, როგორც თარხნიშვილების ქართველობას ეჭვის ქვეშ ვერ დააყენებს ის ფაქტი, რომ „თარხანი“ არაბულად განთავისუფლებულ ყმას ნიშნავს.

დ) საერთოდაც, გვარში მოქცეული შინაარსი კაცის ღირსებათა განსაზღვრად ნაკლებად გამოდგება: ზოგ სამჭკუაშვილს ერთი კაცის ჭკუაც არა ჰქონია, ქათამაძე ზოგჯერ მამალაძეზე „მამალი“ გამომდგარა და თიკანაძეს კი ზოგი მგელაძე დაუფრენია.

* იგულისხმება ფილოლოგიის მეცნიერებათა დოქტორი სოსო სიგუა — იბ. ს.სიგუა, კონსტანტინე გამსახურდიას პროზის სტრუქტურა, თბ., 1980, გვ. 77 (რედაქტორის შენიშვნა).

ე) რაც შეეხება გვარის უღერადობას: უღერით, მე თუ მკითხავთ, თქარი უფრო უღერადია, ვიდრე — ჭავჭავი, მაგრამ, ვიკითხავ, თქარ-თქარიდან მიღებული თათქარიძე უფრო უღერს, თუ — ჭავ-ჭავიდან მიღებული ჭავჭავაძე? ასეა, კაცო უფრო ამშვენებს გვარს, ვინემ — გვარი კაცს.

ვ) დაბოლოს, გამსახურდიებს, კაცმა რომ თქვას, რა აქვთ გულდასანყვეტი, მათ ხომ უკვე ჰყავდათ მეფე. მისი მეუფება არ ყოფილა ხორციელი — მას არც ბედაურების, არც კარეტების და არც მერსედესების კორტეჟი არ დააცილებდა, იგი არც შეიარაღებული ძალების უმაღლესი მთავარსარდალი ყოფილა... მაგრამ იგი იყო მეფე პროზისა და ღირსეულად სარდლობდა სიტყვათა ლეგიონებს.

და სახელი ამ მეფისა — კონსტანტინე გამსახურდია: გამართლება არა მარტო ყველა გამსახურდიასი, არამედ — ყველა ქართველისაც.

1992 წ.

ორი მიმართვა აფხაზებს

აფხაზებო, ჩვენო სისხლისმეირო ძმებო!

ჩვენ შორის, ქართველთა და აფხაზთა შორის, სისხლისღვრა უნდა შეწყდეს! ქართველი და აფხაზი ამ კონფლიქტში რომ ერთმანეთის სისხლს ღერიან, ეს საკუთარი სისხლის დანთხევას უდრის, ვინაიდან ჩვენ არა მარტო ისტორიულად, არამედ სადღეისოდ და სამარადეამოდ ერთი საერთო ქვეყნის, ერთიანი და განუყოფელი სახელმწიფოს ტოლფასოვანი მოქალაქეები, პატრონები და მემკვიდრენი ვართ. საქართველო ისევე ეკუთვნის აფხაზს, როგორც — ქართველს; აფხაზეთი ისევე ეკუთვნის ქართველს, როგორც — აფხაზს. აფხაზეთის ავტონომიის, თვითმმართველობისა და თვითმყოფადობის გარანტი სწორედ ეს ჩვენი ერთიანი და განუყოფელი სახელმწიფოებრიობაა.

ყოველი გარეშე ძალა, რომელიც აფხაზეთის კონფლიქტში მონაწილე ერთ-ერთ მხარეს დაუპირისპირდება თუნდაც მეორე მხარის მხარდაჭერის მომიზეზებით, სინამდვილეში უპირისპირდება ჩვენს, ქართველთა და აფხაზთა, საერთო და მარადიულ ინტერესებს — ღირსეულად ვიარსებოთ ამ ჩვენს მიწაზე ჩვენი თვითმყოფადი ენებით, ჩვენი საერთო კულტურითა და ისტორიით. ამ გარეშე ძალას, როგორც ამ კონფლიქტშიც დაადასტურა, საკუთარი ინტერესები ამოძრავებს და მას მხოლოდ უბედურება შეუძლია დაატეხოს

თავს როგორც ქართველებს, ასევე — აფხაზებს; პირველ ყოვლისა — სწორედ აფხაზებს; კონფლიქტში მათი ჩარევის სავალალო შედეგი უკვე ვინწინეთ და ამიტომაც ჩვენი, ქართველებისა და აფხაზების, უპირველესი მიზანია, ამ გარეშე ძალას თავისი ადგილი მიეუჩინოთ და საქართველოს ტერიტორიაზე შემოჭრილი ბანდები იქითკენ გავისტუმროთ, საიდანაც მობრძანებულან.

ჩვენ, ქართველებმა და აფხაზებმა, ჩვენი ერთიანი სამხედრო ძალებით საიმედოდ უნდა დავიცვათ ჩვენი საზღვრები.

ჩვენ, ქართველებმა და აფხაზებმა, საერთო ძალისხმევით უნდა დავამყაროთ მართლწესრიგი მთელი აფხაზეთის ტერიტორიაზე.

ჩვენ, ქართველებმა და აფხაზებმა, ერთად უნდა უზრუნველვეყოთ ჩვენი მკვებავი არტერიების — სარკინიგზო-სატრანსპორტო მაგისტრალების — შეუფერხებელი ფუნქციონირება; თუ ეს ვერ მოვახერხებთ და დივერსანტთა, ტერორისტთა და ბანდიტთა სათარეშოდ ვაქციეთ ეს ჩვენი სასიცოცხლო ხაზები, ერთნაირად დავიმშვეით და გავპარტახდებით როგორც ქართველები, ასევე — აფხაზებიც.

ჩვენ, ქართველებმა და აფხაზებმა, ყველაფერი უნდა ვიღონოთ თანასწორუფლებიანობის პრინციპზე დაფუძნებული საარჩევნო კანონით ჭეშმარიტად დემოკრატიული და თავისუფალი არჩევნების ჩასატარებლად.

ჩვენ, ქართველებმა და აფხაზებმა, იმაზეც უნდა ვიზრუნოთ, რომ ამ ჩვენს საერთო მიწაზე მეგობრულად და მეზობლურად იცხოვროს აფხაზეთის ყველა მკვიდრმა თავისი ეროვნებისა თუ რელიგიური შეხედულების მიუხედავად.

აფხაზეთს, უპირველეს ყოვლისა, ჩვენ, ქართველებმა და აფხაზებმა, უნდა მოვუაროთ, სხვანი ვერც ჩვენს პრობლემებს გადაგვიწყვეტენ და ვერც ჩვენს საერთო ინტერესებს დაიცავენ. სხვას, საუკეთესო შემთხვევაში, მხოლოდ დახმარების განევა შეუძლია, უარესში — ცეცხლზე ნავთის დასხმა.

დავიმახსოვროთ:

ის აფხაზი, რომელიც ქართველობას მტრობს, მტერია აფხაზებისა.

ის ქართველი, რომელიც აფხაზობას მტრობს, მტერია ქართველებისა.

ქართველებო და აფხაზებო, შევრიგდეთ და — გადავრჩებით, გავერთიანდეთ და — გავიმარჯვებთ!

1992 წ.

ჩვენო აფხაზო ძმებო და დებო!

მოგმართავთ ჩვენი, ქართველი და აფხაზი, ხალხების საერთო განსაცდელის უამს.

მოგმართავთ იმ რწმენით, რომ — როგორც ჩვენს წინაპრებს ესმოდათ ერთმანეთისა, ახლაც ისე გავიგონებთ და შევისმენთ ერთმანეთის ხმას.

გავიგონებთ და შევისმენთ თუნდაც იმიტომ, რომ ჩვენ, ქართველები და აფხაზები, მართლაც ვართ სისხლისმიერი ძმები. ამას არ სჭირდება დიდი ფიცი-მტკიცე — შევხედოთ კარგად ერთმანეთს, დაუგდოთ ყური ჩვენს სიმღერებს, დაუუკვირდეთ ჩვენს მიხვრა-მოხვრას, ქცევას, ცხოვრების წესს და ჩვენივე იერ-სახე, ჩვენი სიმღერა, ჩვენი ადათ-წესები, ჩვენი ჩაც-მულობა, ჩვენი კერძები უმალ გაგვახსენებს, რომ ჩვენ ერთი ჯიშისა და ჯი-ლაგისანი ვართ; ერთი გვექონდა და გვაქვს ისტორიული საცხოვრისი, ერთი-ანი გვექონდა თვით ისტორიაც, საერთო გვაქვს კულტურა და ზიარი ადათ-წესები; ერთი სათავიდან მოედინება ჩვენი ენები და მეტწილად ერთი და იგივე გვარ-სახელისანი ვართ.

სისხლისმიერი ძმობა ერებისა სწორედ მათ ისტორიულსა და კულტურულ თანაზიარობას გულისხმობს. ძმებს შორის სისხლიანი შუღლის ჩამოგდება კი ისეთი ცოდვა-დანაშაულია, რომელიც არავის არასდროს არ შერჩენია.

დავინყოთ ნყალგაუყვალი ჭეშმარიტებით: ქართველები და აფხაზები არიან საქართველოს ტერიტორიაზე მაცხოვრებელი მკვიდრი ერები და სხვა სამშობლო, სხვა საცხოვრისი ამ ხალხებს არ გაგვაჩნია;

ქართველები და აფხაზები ერთ სახელმწიფოს წარმოვადგენთ და ამ სა-ხელმწიფოს, საქართველოს რესპუბლიკის, ტერიტორიული მთლიანობა და განუყოფლობა აღიარებულია ყველა საერთაშორისო კანონითა და ნორმით.

აფხაზეთი საქართველოს განუყოფელი ნაწილია... მას, აფხაზეთს, აქვს სახელმწიფოებრივობის ის ფორმა, რომლის ხელშეუხებლობა არა მარტო კონსტიტუციურად, არამედ ადამიანისა და ეროვნებათა საერთაშორისო უფლებებით არის გარანტირებული.

ამ ერთიან სახელმწიფოში კი ერთიან სახელმწიფოებრივ ინტერესებზე დაფუძნებული ერთიანი კანონი და ამ კანონთა ერთიანი აღმასრულებელი სისტემა უნდა მოქმედებდეს. ეს არამც და არამც არ ნიშნავს ეროვნული თავისებურებებისა და ტერიტორიულ-რეგიონული სპეციფიკის უგულვებელ-ყოფას. ქართველებმაც და აფხაზებმაც უნდა ვირწმუნოთ, რომ ჩვენს თავი-სებურებებს სწორედ ჩვენი ერთიანობა შეგვანარჩუნებინებს და განგვავი-თარებინებს. ტერიტორიულად, ეთნიკურად, ისტორიულ-კულტურულად ასე დაკავშირებულ ხალხებს ჭირიცა და ლხინიც ზიარი გვექონდა და ერთი მხარის უზნეო მცდელობას, ხელი მოითბოს მეორის სადღეისო გაჭირვება-ზე, ჭეშმარიტ პოლიტიკასთან არაფერი აქვს საერთო.

კარგა ხანია ქართველ-აფხაზთა ამ ისტორიულ ერთობას ბზარი შეეპარა, დღეს კი ეს ბზარი, შესაძლოა, საშიშ ნაპარლად იქცეს. აფხაზეთის ზოგიერ-თი ხელისუფალი სიტუაციის ახლანდელ გამძაფრებაში ცდილობს ქართული მხარე დაადანაშაულოს და საქართველოს შეიარაღებული ძალების აფხაზე-თის ტერიტორიაზე ყოფნა ლამის აგრესიად, ოკუპაციად მონათლოს. ამთა-ვითვე მთელი სიცხადითა და პირდაპირობით უნდა განვაცხადოთ: ქართვე-

ლები და აფხაზები, საქართველოს ტერიტორიაზე მაცხოვრებელი მკვიდრი ეს ერები, წარმოადგენთ ერთ მთლიან დამოუკიდებელ სახელმწიფოს, საქართველოს რესპუბლიკას, რომლის ტერიტორიული მთლიანობა და განუყოფლობა, როგორც ზემოთ ითქვა, აღიარებულია ყველა საერთაშორისო კანონითა და ნორმით. ერთიანმა სახელმწიფომ კი ერთიანი კანონებით უნდა იცხოვროს და ეს კანონები ერთიანმა ძალამ, საერთო ხელისუფლებამ, უნდა აკანონოს. ამ საყოველთაოდ აღიარებული პრინციპებიდან გამომდინარე, საქართველოს შეიარაღებული ძალები უფლებამოსილია, უფრო მეტიც — მოვალეა, განახორციელოს სახელმწიფო ინტერესების შესაბამისი ნებისმიერი ქმედება და გადაადგილება მთელ თავის ტერიტორიაზე.

ჩვენ, ქართველები და აფხაზები, ერთად უნდა გადავრჩეთ, სხვა არჩევანი არც გაგვარჩნია. ის ქართველი, ვინც აფხაზთა კანონიერ ინტერესს არ იცავს, ნებისთ თუ უნებლიეთ ქართველთა ინტერესებს ღალატობს. ის აფხაზი, ვინც ქართველთა ინტერესს არ იცავს, ნებისთ თუ უნებლიეთ აფხაზეთის ინტერესს ღალატობს.

1992 წ.

გული ტვინს ვერ გაეფიცება

ტელეგამოსვლა

გამარჯობა, ბატონებო!

მინდოდა, პირველ ყოვლისა, ჩვენი პედაგოგებისათვის, მასწავლებლებისათვის მიმემართა, მაგრამ, რომ ვუფიქრდები, დღეს, სამთელქართველო გასაჭირის ფაშს, არ არის სატიკივარი, რომელსაც თავისი ღობე ევლებოდეს... არა ვართ ჩვენ ისეთი გაფუფუნებული ქვეყანა, რომელიმე ერთ დარგს გაუჭირდეს — ვთქვათ, ტრანსპორტს ან კავშირგაბმულობას — დავიძახოთ, არიქა, მივეშველოთ და კრიზისიდან გამოვიყვანოთო, და მთელი ქვეყანა, ერი და ბერი, ფეხზე დაეუდგეთ იმავე რკინიგზას იქნება ეს თუ მეტროს, მცირედი მოვიკლოთ ჩვენი ბევრისგან და გაჭირვებული დაღბინებული დონეზე დავაყენოთ. დღეს ყველა სფეროს, უკლებლივ ყველა დარგს, ერთნაირად ან თითქმის ერთნაირად უჭირს. სხვათა შორის, ამით იმას როდი ვამბობ, რომ ცალკეული ადამიანები ან ჯგუფი ადამიანებისა ამ კრიზისულ სფეროებში კარგად, „ნამეტურ“ კარგად არ ცხოვრობდნენ, მაგრამ ეს საერთო სურათს არ ცვლის. პირიქით, ერთეულების მოუპირავი სი-

ხარბე და ფუფუნება უფრო მკვეთრად წარმოაჩენს მთელი ჩვენი ყოფის სი-
ლატაკეს.

ნელან მეტრო და რკინიგზა შემთხვევით არ მიხსენებია: ჩვენი ტრანსპორ-
ტლების ჯოჯოხეთური და სიკვდილის რისკის ზღვარზე მისული შრომის
შემხედვარეს, კაცს ენა როგორ მოგიბრუნდება, უსაყვედურო მათ, საარსე-
ბო მინიმუმის დასაკმაყოფილებლად რატომ იფიცები... თუმცა ერთი გუ-
ლისტიკიელი მაინც მინდა ყველას გაგიზიაროთ: ქვეყანა კაცსა ჰგავს, ერთი-
ან ორგანიზმს, სადაც თითოეული ორგანოს სიმრთელე არა მარტო პირდა-
პირ არის დამოკიდებული მთლიანი ორგანიზმის საერთო სიჯანსაღეზე,
არამედ კიდევ განაპირობებს მას. იქ კი, მოგეხსენებათ, არ ხდება ისე, რომ
კბილებმა კუჭს გაფიცვა გამოუცხადონ, ხელმა ფეხი მოიძულოს, გულმა
ტვინს პრეტენზია წაუყენოს — შენ ჟანგბადს მეტს რატომ განვდიანო; შეუნ-
ყდება ჟანგბადის მიწოდება ტვინს და დადუმდება გულიც, დაცვდება კბი-
ლები და მოიშლება კუჭი... საზოგადოებაშიც ყველაფერი ერთმანეთზეა და-
მოკიდებული; გაიფიცება მეტრო და ვერ მივა მასწავლებელი სკოლაში, სა-
დაც ამ მეტროში დამხურდავებელი ქალბატონის შვილი სწავლობს. ამიტომ
ეს ქალბატონიც უნდა შინ დაუჯდეს თავის შვილს... ყველანი ყველაფერზე
ვართ გადაბმული ამ ჯერ კიდევ დაულაგებელ, აუნყოფელ ქვეყანაში... ნუ
იტყვი, სხვაგან თუ იფიცებიან და ამით ქვეყანა არ იქცევა, ჩვენთანაც ასე
იქნება... სხვაგან, ჩემო კეთილებო, ანყობილ-დალაგებულ ქვეყანაში ესეც
— გაფიცვა — გათვალისწინებული აქვთ და ქვეყნის მართვის მექანიზმი
სწრაფად გადაეწყობა ხოლმე მუშაობის შესაბამის რეჟიმზე. ჩვენში კი, მერ-
ნმუნეთ, ყოველი გაფიცვა მხოლოდ გვაშორებს იმ მოთხოვნილებათა დაკმა-
ყოფილებას, რასაც ვცდილობთ გაფიცვით მივალნიოთ. რაო, ვითომ, უფრო
გვიან თუ შემოვა რკინიგზით ხორბალი ფოთიდან, ამით რკინიგზელების
ოჯახებს ის ნანატრი გამომცხვარი პური ჰაერიდან მიუვათ? ღმერთმა დაი-
ფაროს და, ტრავმატოლოგიის სააქადემიო რომ გაიფიცოს — არადა, სხვა-
ზე ნაკლებად გასაფიცო იქნებ არც მათ ჰქონდეთ — რა ჰქნას მაშინ, ვთქვათ,
ფეხმოტეხილმა რკინიგზელმა? ანდა, სკოლა ავილოთ; მასწავლებელს დღეს
რომ უჭირს, რა დღემიც ახლა განათლების მუშაკია, მტერს არ ვუსურვებ-
დი... მართალია, ამ ბოლო დღეებში მათი გაფიცვის გარეშე გადაწყდა ზოგი
პრობლემა, რაც ერთგვარად უმსუბუქებს მასწავლებელს შიმშილის ზღვარ-
ზე მისულ და, თუ პირდაპირ ვიტყვი, ამ ზღვარს უკვე გადაცილებულ სი-
ცოცხლეს... მაგრამ ეს მაინც ზღვაში წვეთია... და ასეთ გაძალღებულ ყოფა-
ში პედაგოგი მაინც არ ტოვებს სკოლას, მაინც არ იფიცება... ვის უნდა გავე-
ფიცოთ, ჩვენს შვილებსა და შვილიშვილებს? ამ ბლოკადებით, უფრო სწო-
რად — თვითბლოკადებით, რკინიგზის ამ გადაკეტვებით, გაფიცვებითა და
მიტინგომანიითაც მოვიყვანეთ ეს ქვეყანა ამ დღემდე... გავიგოთ, რომ იზო-
ლირებულად ვერც ცალკე დარგი და ვერც ცალკე კოლექტივი გაჭირვებას

თავს ვერ დავალწევთ; სხვის ხარჯზე დროებით საკუთარი მდგომარეობის გაუმჯობესება მხოლოდ თავის მოტყუება იქნებოდა და გაფიცვებით მხოლოდ ვაჭიანურებთ პრობლემის გადანყვეტას.

მოკლედ, გული ტვინს არ უნდა გაეფიცოს, ტვინი — ენას, ენა — თვალს, რკინიგზელი — მეპურეს, მეპურე — ექიმს, ექიმი — მასწავლებელს, ერთი ყველას და ყველა — ერთს. პირიქით, ყველამ უნდა ვიშრომოდ, ეს შრომა ერთმანეთს შეეუთანხმე-შეეუთანადოდ და საშველიც მხოლოდ მაშინ დაგვადგება...

1993 წ.

პაერის ფასად

ბატონო პარლამენტარებო!

ეს ერთი კვირაა, თქვენ წინაშე სამინისტროების „პარადმა“ ჩაიარა და, ალბათ, შემთხვევით მოხდა, მაგრამ — უეჭველად სიმბოლურია, რომ ამ ალღუმის კუდში აღმოჩნდა განათლების სამინისტრო. ამით თითქოს გაცხადდა ის სამსუხარო ფაქტი, რომ ქართული საზოგადოებრივი ცნობიერებისათვის განათლების დარგი გახლავთ პერიფერიული, მეთაუხარისხოვანი. და სრული პასუხისმგებლობით უნდა განუაცხადო, რომ ჩვენ კიდევ დიდხანს ვიქნებით კოლაფსურ — არა კრიზისულ, არამედ სწორედ კოლაფსურ — ვითარებაში, სანამ არ გავიცნობიერებთ, რომ ვერანაირ ძალისმიერ თუ ეკონომიკურ უწყება-სამსახურებს ვერ ძალუძთ განათლების გარეშე ქვეყნის რეალური გამოყვანა ამ მდგომარეობიდან.

სამინისტროთა ამ ალღუმზე, სრულიად ბუნებრივია, თუ ცალკეული პარლამენტარის ყურადღება და ინტერესი მეტ-ნაკლებად იმ უწყებაზე ფოკუსირდებოდა, რომელი დარგის საპარლამენტო ზედამხედველობაც მას ევალებოდა. განათლების სამინისტრო კი ყოველ თქვენგანს შინა გყავთ. ამას მხოლოდ იმ აზრით როდი მოგახსენებთ, რომ საქართველოში ძირითადად ან სწავლობენ, ან — ასწავლიან (ჭკუას — გაგიხარიათ, ყველა ისწავლება და ყოველ ნაბიჯზე), არამედ უფრო იმიტომ, რომ თითქმის არ არის ოჯახი, განათლების სფეროსთან რომ არ იყოს დაკავშირებული. ხოლო ის, რაც ჰაერით აუცილებელია, ჰაერით შეუმჩნეველი გვრჩება და მას ჩვენს გაუკუღმართებულ საზოგადოებრივ ცნობიერებაში, სამსუხაროდ, ჰაერის ფასიც აძევს.

ასეც გყავს შეფასებული მთელს საზოგადოებას და, ჩვენ, ხელისუფლებასაც, განათლება: ჩალის ფასადო — ვერ ვიტყვი, დღეს ჩალას ფასი დაე-

დო... პაერის ფასად. თანაც — წყნეთის, შოვისა და ბახმაროს პაერს როდი ვგულისხმობ. თავად განსაჯეთ: გუშინ მონაფის მერხ-მაგიდა ღირდა 5 მილიონი კუპონი (დღეს უკვე რამდენიმე ათეული ათასით მეტი იქნება), საქართველოში 3400 სკოლა და ცხრაას ათასამდე მოსწავლეა, თითო მერხი ყველას სჭირდება, ინვენტარისა და კაპშეკეთებისთვის კი განათლების სამინისტროს 600 მილიონი კუპონი გამოეყო. ეს გახლავთ ზუსტად 120 მერხის ღირებულება. ვიმეორებ, მერხის მომხმარებთა ცხრაასათასიან კონტინენტს გამოეყო 120 მერხის ფასი დაფინანსება.

დღეს განათლების სფეროში სამსახური მძიმე ჯვარია უკლებლივ ყველასთვის, მასწავლებლიდან დაწყებული, მერწმუნეთ, მინისტრით დამთავრებული. უკვე დაიწყო მძიმე, იქნებ — შეუქცევადი პროცესიც, ინტელექტის გადინება სკოლიდან. ჩვენ არ ვართ დეზერტირები, მაგრამ არც სახარებისეული ცის ფრინველები და ველის შროშანები ვართ, ჭამა-სმასა და შემოსვაზე რომ არ ვიზრუნოთ („ნუ ჰზრუნავთ და იტყვიოთ, რაი ეჭამოთ ანუ რაი ვსუათ ანუ რაი შევიმოსოთ?“); მასწავლებელმა სულის პური რომ გაილოს, ცოდნით რომ დააპუროს მოსწავლე, ამისათვის, მინიმუმ, დღეში ოთხასი გრამი შავი პურის ფული მაინც უნდა მისცეს სახელმწიფომ. არც მე გახლავართ დეზერტირი და, თუ მინისტრად არა, განათლების სფეროს რიგით მუშაკად როგორც აქამდე მიმუშავია, ისე ვიმუშავებ. ამიტომაც დღეს, მინისტრების დამტკიცებისას, პირადად ჩემთვის რალაც ტრაგიკული ალტერნატივა არ არსებობს: გამომიცხადებთ ნდობას — ამ ნდობისათვის მოგახსენებთ მადლობას, არ გამომიცხადებთ და — ამისთვისაც მადლობას მოგახსენებთ, ვინაიდან ჩავთვლი, რომ თქვენ ამით ჩემს ჯანმრთელობაზე იზრუნეთ...

1994 წ.

სიტყვა კულტურის ინსტიტუტზე

განათლება კულტურის გარეშე არ არსებობს... ან — თუ არსებობს, სამი, დამანგრეველ ძალად გადაიქცევა.

კულტურაც წარმოუდგენელია განათლების გარეშე... ან — თუ წარმოიდგინება, მხოლოდ პრიმიტიული, პირველყოფილური სახით.

ქართველებს ამით მოგვაქვს თავი — განათლებული, კულტუროსანი ერი ვართო... ყოველ შემთხვევაში, აქამდე ასე ვთვლიდით...

შეიძლება ქვეყანას არც განათლების და არც კულტურის სამინისტროები არ ჰქონდეს, და მაინც კულტურული და განათლებული ხალხი ჰყავდეს. მაგრამ პირიქითაც შეიძლება...

ჩემთვის ქვეყნის განათლებულობის და კულტუროსნობის ნიშანი იმდენად შესაბამისი სამინისტროების არსებობა არ გახლავთ, რამდენადაც კულტურასთან დაკავშირებული ინსტიტუტების არსებობა.

თუ ქვეყანას ამგვარი ინსტიტუტები აქვს, მას უზრუნია მთავარზე — ერთი სულიერების აღზრდაზე.

ხელოვნების სხვადასხვა სფეროში ახალგაზრდებს ჩვენ ადრეც ვნაფადით — კარგა ხანია გვაქვს სამხატვრო აკადემია, კონსერვატორია, თეატრალური ინსტიტუტი...

ახლახან შევქმენით ზოგადად კულტურის სახელმწიფო ინსტიტუტიც.

კარგი, საშვილიშვილო საქმე გაკეთდა. მართალია, ეს ინსტიტუტი ობლის კვერთხით გვიან გამოცხვა, მაგრამ მნამს, რომ იგი მანიერ სულიერ საზრდოს მიანვდის საქართველოს.

„ქართული კულტურა“, N 2, 1994!

განათლება — ზომიერების სრუტის ლოსპანი

*სიტყვა, წარმოთქმული ირანში რეგიონის ქვეყანათა სოციალური
და ეკონომიკური პროფილის მინისტრთა სემინარზე*

ბატონო თავმჯდომარეე, ბატონებო და ქალბატონებო! მინდა, პირველ ყოვლისა, მადლობა მოვახსენო ირანელ მასპინძლებს, სემინარის ორგანიზატორებს, ჩემი აქ მონვევისათვის; ნუ იფიქრებთ, თითქოს საქართველოს ეკონომიკის მინისტრი არ ჰყავდეს... გვეყავს ენერგეტიკის, მრეწველობის, ტრანსპორტის მინისტრებიც... საერთოდ, რაც უფრო პატარაა ქვეყანა, მით უფრო მეტი მინისტრი ჰყავს მას და არც საქართველოა ამ მხრივ გამონაკლისი... ჩვენს ეკონომიკურ რესურსებსა და პოტენციალზე ჩემზე უკეთ, ცხადია, მათ შეეძლოთ მოეხსენებინათ. მაგრამ მე, როგორც განათლების მინისტრი, მაინც არ უნდა ვიყო მთლად შემთხვევითი პირი ამ სემინარზე, რამდენადაც სწორედ სწავლა-განათლება არის ის ფუნდამენტი, რაზედაც შენდება ყოველი ქვეყნის ეკონომიკა, ვლინდება მისი რესურსები და ძლიერდება მისი პოტენციალი.

და კიდევ ერთი მომენტი: როგორც წვეთი აირეკლავს ოკეანის თვისებებს, ასევე ადამიანი, მოქალაქე განსაზღვრავს ქვეყნის, სახელმწიფოს სახეს. მე ნაკლებად მჯერა იმ ქვეყნის, იმ სახელმწიფოს მშვიდობისმოყვარეობისა და სამართლიანობისა, რომლის მოქალაქენიც ჭირვეულნი, შეუნყნარებელნი,

აგრესიულები არიან. მოქალაქის სახეს კი მნიშვნელოვანწილად სწავლა და აღზრდა განსაზღვრავს, ესე იგი სწავლა, აღზრდა და, საერთოდ, განათლება განსაზღვრავს ქვეყნის სახესაც, თანაც — არა მარტო მის კულტურულ პროფილს, არამედ, გარკვეულწილად, ეკონომიკურ შესაძლებლობასაც.

ლარიბი ქვეყანა კი (ლარიბი კაცისა არ იყოს) არა მარტო თავისი თავისათვის არის ლარიბი, იგი დღევანდელ ინტეგრირებულ მსოფლიოში მძიმე პრობლემად შეიძლება ექცეს თავის მეზობლებს — და არა მარტო მათ. ცხადია, ამით იმას როდი ვამტკიცებ, რომ მდიდარი მეზობელი ყოველთვის სჯობდეს ლარიბს — არსებობენ მდიდარი და აბეზარი მეზობლებიც — მაგრამ ეკონომიკური სიდუხჭირე რომ უზარმაზარი რისკ-ფაქტორია პოლიტიკური სტაბილიზაციისათვის, ეს, ვგონებ, სადავო არ უნდა იყოს.

ცხადია, განათლების მიზანი მატერიალური სიმდიდრე ვერ იქნება. სიტყვამ მოიტანა და ვიტყვი: განათლება სანუკველია იმდენად არა მატერიალური სიმდიდრის, ფუფუნების მისაღწევად, რამდენადაც ზომიერებისა და პარმონიისათვის... სიღარიბის სცილასა და ფუფუნების ქარიბდას შორის არსებობს ზომიერების სრუტე, რომელშიაც ყველაზე საიმედო, უსაფრთხო ლოცმანობას კაცსაც და ქვეყანასაც განათლება გაგვიწევს.

ბატონებო!

პლენარულ სხდომაზე მე უკვე მოგახსენეთ, რომ სწორედ სწავლა-განათლებაა ის ფუნდამენტი, რაზედაც შენდება ყოველი ქვეყნის ეკონომიკა; განათლება გამოავლენს ქვეყნის რესურსებს და განათლება არის ქვეყნის ეკონომიკური პოტენციალის გამაძლიერებელი საშუალებაც. მაგრამ დღესდღეობით ქვეყნის ეკონომიკური შესაძლებლობები, ცხადია, სხვა, განათლების გარეშე, ფაქტორებზეც არის დამოკიდებული, მათ შორის — გეოპოლიტიკურ მდებარეობაზე, კლიმატურ პირობებზე, წიაღისეულ სიმდიდრეზე... ამ თვალსაზრისით თუ განვიხილავთ ჩემს ქვეყანას, საქართველოს, მას ეკონომიკური თვალსაზრისით შესანიშნავი პერსპექტივა აქვს. იგი კავკასიის გეოგრაფიულ ცენტრში მდებარეობს, შავი ზღვის აუზში, ამიერკავკასია კი ერთგვარი გზაჯვარედინია დასავლეთსა და აღმოსავლეთს, სამხრეთსა და ჩრდილოეთს შორის. საქართველოს აქვს პორტები, რომელთაც შეუძლიათ უმოკლესი გზით დააკავშირონ კავკასია და ცენტრალური აზიის ქვეყნები ხმელთაშუა ზღვის აუზის, ევროპის ქვეყნებს; განვითარებულია ყველა სახის სატრანსპორტო კომუნიკაცია. შავა ძირითადად რბილია, ზომიერი, ამავე დროს ისეთივე ნაირგვარი და მრავალფეროვანი, როგორც მისი ფლორა და ფაუნა. საქართველოზე, რომელსაც უძველესი სახელმწიფოებრივობის ტრადიცია აქვს, ძველთაგან გადიოდა სავაჭრო-საქარაუვნო გზები; მათ შორის, ე.წ. „აბრეშუმის გზაც“. ჩვენ გვაქვს ბუნებრივი სიმდიდრეების საკმაოდ მაღალი პოტენციალი; ინტენსიურად მიმდინარეობს ნავთისა და გაზის საბადოების ძიება-დამუშავება, გვაქვს ქვანახშირი და მარგანეცი, ჰიდრორესურსების უდიდესი მარაგი, რომლის

სრული ამოქმედება კაპიტალდაბანდებაზე დამოკიდებული. ბუნებრივი პირობები იძლევა იმის საშუალებას, რომ საქართველო იქცეს ტურიზმისა და მკურნალობის საერთაშორისო ცენტრად. საამისოდ ჩვენში უკვე არსებობს მძლავრი მატერიალური ბაზა. საკმაოდ განვითარებულია მრეწველობისა და სოფლის მეურნეობის მრავალი დარგი, მათ შორის მანქანათმშენებლობა, მეტალურგია, სამთო ქიმია, ჩარხთმშენებლობა, მეჩაიეობა, მეციტრუსეობა, მევენახეობა, მსუბუქი, კვებისა და გადამმუშავებელი მრეწველობა.

ცალკე საუბრის თემაა საქართველოს სამეცნიერო და საგანმანათლებლო პოტენციალი. აქ ჩვენი დონე საერთაშორისო სტანდარტებს აკმაყოფილებს ისეთ სფეროებში, როგორცაა საუნივერსიტეტო განათლება, ასევე ფუნდამენტური თუ გამოყენებითი მეცნიერების სხვადასხვა დარგი, კერძოდ — ინტეგრალური მათემატიკა, მაღალი ენერგიების ფიზიკა, ფიზიოლოგია, ლინგვისტიკა, სამთო მიწათმოქმედება და სხვა.

ასევე — საქართველომ საერთაშორისო აღიარება მოიპოვა ხელოვნებისა და კულტურის სფეროში: მხედველობაში მაქვს ქართული ლიტერატურა, კინო, თეატრი, მუსიკა და სახვითი ხელოვნება.

ასე რომ, ჩვენ მოგვეძევება არა მარტო ეკონომიკური, არამედ ინტელექტუალური რესურსებიც, რომ შეძლებულად, კარგად ვიცხოვროთ... არადა, დღესდღეობით ვცხოვრობთ უალრესად ცუდად, უალრესად გაჭირვებულად. რატომ მოხდა ეს?

არის გლობალური მიზეზები, არის ლოკალური, ადგილობრივი სპეციფიკით გამონეუულიც.

უნდა ითქვას, რომ ბირთვული დაპირისპირების ერთგვარმა შერბილებამ ორ ზესახელმწიფოს შორის ჯერჯერობით ვერ გაათავისუფლა მსოფლიო დესტაბილიზაციისა და ომების საშიშროებისაგან; გამარტივებული სქემით თუ წარმოვიდგინოთ, დღეს, საბედნიეროდ, ნაკლებია ატომური მსოფლიო ომის საფრთხე, მაგრამ, საუბედუროდ, ერთი დიდი ომის ნაცვლად მივიღეთ ომის რამდენიმე მწვავე კერა, ზოგან კი — ლოკალური ომები; ასევე სამწუხაროდ, კავკასია სწორედ ერთ-ერთ ამგვარ კერად მოველინა რეგიონს. ვფიქრობთ, ყველას ხელს უნდა აძლევდეს ამ კერის გაუვნებლყოფა. სხვათა შორის, ეს მხოლოდ კავკასიის პრობლემა არ გახლავთ...

საბჭოთა კავშირის დაშლის შემდეგ უკლებლივ ყოველ ახლად დამოუკიდებლობამოპოვებულ რესპუბლიკას გაუჩნდა მწვავე ეკონომიკური პრობლემები. ე.ი. ყოველ მათგანში მეტ-ნაკლები სიმწვავეით ჩაბუღებულია დესტაბილიზაციის კერა. მთელ პოსტკომუნისტურ სივრცეზე მოიშალა ათწლეულობით ჩამოყალიბებული ეკონომიკური კავშირები... პოლიტიკურ რუკაზე წარმოქმნილი ახალი სახელმწიფოები თავიანთი ეკონომიკური პრობლემებითა და ინტერესებით ცდილობენ მსოფლიო პოლიტიკის სფეროში შესულას და თავიანთი საერთაშორისო ფუნქციის დამკვიდრებას, რამაც შეიძლება გამო-

ინვიოს სახელმწიფოთა ინტერესების ადრე არსებული სისტემის ერთგვარი გადასინჯვა და კორეგირება; ეს კი ყოველთვის როდი ხდება უმტკივნეულოდ. საბაზრო ეკონომიკაზე ადრიანად და ბუნებრივად გადასულ ქვეყნებს, განსაკუთრებით — მაღალგანვითარებულ, ეკონომიკურად მძლავრ სახელმწიფოებს, მათ შორის ჩვენს მახლობელ მეზობლებს, შეუძლიათ და უნდა დაეხმარონ კიდევ ჩვენს მდგომარეობაში მყოფ ქვეყნებს, რათა მათ იპოვონ თავიანთი შესაფერისი და ღირსეული ადგილი მსოფლიო ეკონომიკურ რუკაზე; ეს არა მარტო ჩვენს, არამედ, გარკვეულწილად მათ ინტერესებშიც შემოდის.

რამდენად მეტი იქნება ეკონომიკურად ძლიერი ქვეყანა, იმდენად მეტად იქნება მსოფლიოში უზრუნველყოფილი სამართლიანობა, ღირსება და მშვიდობა.

იმედი მაქვს, ჩვენი სემინარის მუშაობა დაგვაახლოვებს ამ ყველასთვის საერთო მიზანს...

ორიოდ სიტყვა უშუალოდ ირან-საქართველოს ისტორიულ ურთიერთობაზე:

საქართველო ირანთან მტკიცე ძაფებითაა ისტორიულად დაკავშირებული. ირანული ლიტერატურა, განსაკუთრებით მისი დიდი პოეზია, იმპულსის მიმცემი გახლდათ ქართული მწერლობისათვის... სპარსული კულტურული რეალიებით არის გაჯერებული ქართული ყოფა: მაგალითად, ქართული საკუთარი სახელების თითქმის ნახევარი ირანული წარმოშობისაა... ამას ადასტურებს როგორც თქვენი მონა-მორჩილის სახელი — თამაზ, ასევე ჩვენი პატივცემული ელჩისაც — ჯემშიდ...

ქართველები IV საუკუნის დასაწყისიდან დღემდე ქრისტიანები ვართ; ქრისტიანობის სახელმწიფო რელიგიად გამოცხადებას ჩვენში ხელი არ შეუშლია იმისათვის, რომ საქართველოს დედაქალაქი თბილისი შუა საუკუნეებშივე ქცეულიყო ისლამური მეცნიერებისა და კულტურის ავტორიტეტულ ცენტრად. 40-ზე მეტ ცნობილ მოღვაწეს ზედსახელად ჰქონდა „ათ-თეჭლისი“, ე.ი. ამ ზედსახელის მფლობელი ან თბილისელი იყო, ან თბილისთან მჭიდრო კავშირი ჰქონდა. ჩვენ მიგვაჩნია, რომ ირანულ-ქართული ურთიერთობების აღორძინებით მოიგებს არა მარტო ჩვენი ქვეყნები, არამედ ყველა ჩვენი მეზობელი და, საერთოდ, ყველა, რამდენადაც იგი არც ერთი სახელმწიფოს ინტერესებს არ უპირისპირდება.

და ერთი, უკვე პირადი, შთაბეჭდილება: თქვენმა ჭკვიანმა წინაპარმა ხოჯა ნიზამ ალ-მულქმა სამ სიტყვაში, ლაკონიურად გამოხატა ირანელი ხალხის დამოკიდებულება ქართველებისადმი. მან ბრძანა: „ქართველები კარგები არიან“. მე, ნება მიბოძეთ, ოთხი სიტყვით გამოვხატო ჩემი თქვენადმი დამოკიდებულება — „ირანელები ძალიან კარგები არიან“.

ორგოცდაათწლიანი სიკლის ეფექტი ანუ — არ გამოგვაპაროთ!

პოტსდამში (გერმანია) ახალგაზრდული გაცვლითი პროგრამებისადმი მიძღვნილ კონფერენციაზე წარმოთქმული სიტყვის ფრაგმენტი

ქალბატონებო და ბატონებო, კონფერენციის მონაწილენო, სტუმრებო და ჩვენო გერმანელო მასპინძლებო!

ჩვილ ბავშვს ფეხის ადგამში ანუ დამოუკიდებლად სიარულის დაწყებაში უფროსები ეხმარებიან. ქვეყნებიც ასეა — პოსტსაბჭოთა სივრცის ბევრი ქვეყანა დამოუკიდებელ სახელმწიფოებრივ ცხოვრებაში პირველ „ნაბიჯებს“ დგამს; მათ შორისაა საქართველოც... თუმცა ჩვენ, მრავალსაუკუნოვანი სახელმწიფოებრივობის ტრადიციის მქონე ქვეყანა, ჩვილ ბავშვს კი არა, უფრო იმ მოხუცს ვგავართ, დიდი ხნის იძულებითი ნოლითი რეჟიმისაგან სიარულს რომ გადაეჩვევა და მუხლის ხელახლა გასამართად და გასამაგრებლად ახლობლების მკლავსდაყრდნობილი „სწავლობს“ სიარულს. ასეთი მკლავია ჩვენთვის ჩვენი მეგობარი ქვეყნები, მათ შორის კი გამორჩეულად საიმედო საყრდენი გერმანია გახლავთ. გერმანიის დახმარება მრავალ სფეროს სწვდება, მათ შორის — ახალგაზრდული გაცვლების ორგანიზებასაც. ჩვენ რომ სისხლბორცეულად ვართ დაინტერესებული — რაც შეიძლება მეტი ქართველი ახალგაზრდა განისწავლებოდეს გერმანიაში, ეს გასაგებია... აი, თქვენც, გერმანელებიც, ჩვენზე ნაკლებ რომ არ უნდა იყოთ დაინტერესებული — ქართველი ბავშვები აქ, გერმანიაში, აზიაროთ თქვენს კულტურას და გერმანია შეაყვაროთ — ამ, ცოტა არ იყოს, სადავო დებულების დასაბუთებას კი ახლა ვაპირებ; მინდა ჩემი ერთი მცირე აღმოჩენა — თუ ძალიან ხმამაღალი ნათქვამი არ გამომივა — პირველად თქვენ გაგიზიაროთ: ჩემი დაკვირვებით, გერმანია და ქართველ ბავშვებს შორის „მუშაობს“ ორმოცდაათწლიანი ციკლის ეფექტი. რა არის ამ „ეფექტის“ არსი? შეგახსენებთ მხოლოდ ფაქტებს: გასული საუკუნის სამოცდაათიან წლებში, უფრო ზუსტად, 1879 წელს ჩვენში, საქართველოში, დაიბადა ბიჭი, რომელმაც სწორედ აქ, პოტსდამში, ხელი მოაწერა გერმანიის დაყოფა-დანაწევრების დოკუმენტს. გაივლის ამ საბედისწერო ბიჭის დაბადებიდან ორმოცდაათი წელი და 1928 წელს ისევ და ისევ ჩვენში, საქართველოში, დაიბადება ბიჭი, რომელმაც გადამწყვეტი როლი ითამაშა იმ ქართველი ბიჭის მიერ დანაწევრებული გერმანიის გაერთიანებაში. და აჰა, იწყება, უკვე დაიწყო მესამე ციკლი — 1980 ან 81 წელს (ეს ზუსტად მერე დადგინდება) საქართველოში კვლავ დაიბადა ბავშვი, რომელსაც მნიშვნელოვანი როლის თამაში უწერია გერმანიის ბედის გადწყვეტაში. ძვირფასო გერმანელებო, არ გამოგვაპაროთ მხედველობიდან ეს ბავშვი, თორემ, ეშმაკმა უწყის,

რას უმზადებს იგი თქვენს ქვეყანას. მე რომც ვიცოდე, პერსონალურად რომელია ეს პატარა ქართული, მისი გამჟღავნებისაგან ამ ეტაპზე თავს შევიკავებდი... თქვენ კი, მასპინძლებო, საქართველოსთან რაც შეიძლება მრავალრიცხოვანი ახალგაზრდული გაცვლითი პროგრამები უნდა დააფინანსოთ, რათა ის ბავშვი აუცილებლად მოახვედროთ ერთ-ერთ პროგრამაში მანაც: იგი უეჭველად თქვენთან, გერმანიაში, უნდა განისწავლოს, რათა მერე, როცა უკვე მოაწევს, შეეძლოს გითხრათ — გმადლობ, გერმანია, მე შენი მოვალე ვარ.

1995 წ.

მხნელ ანუ მაიორულად!

*მისასალმებელი სიტყვა იუნესკოს გენერალური დირექტორის
ბ-ნ ფედერიკო მაიორისადმი, წარმოთქმული მეცნიერებათა აკადემიაში*

ბატონო მაიორო!

ქართულად ასეთი მომართვა სამხედრო პატაკივით ჟღერს, თუმცა თქვენ, მიუხედავად თქვენი მოღვაწეობის მრავალმხრივობისა და, მართლაცდა, მეომრული პენისა და შემართებისა, ყველაზე ნაკლებად სწორედ სამხედრო საქმესთან ბრძანდებით დაკავშირებული. ამიტომაც, როდესაც თქვენ მოგმართავთ, ბატონო მაიორო, ამ დარბაზში მსხდომნი მხოლოდ თქვენს გვარში ჩადებულ ამოსავალ, პირველად მნიშვნელობას ვგულისხმობთ — ლათინურად კი „მაიორი“ — „დიდს“, „უფროსს“ ნიშნავს. თქვენ ჩემთვის დიდი ბრძანდებით არა მარტო იმიტომ, რომ დიდ, უზარმაზარ საქმეს ხელმძღვანელობთ — რა უნდა იყოს იუნესკოს მისიაზე უფრო დიდი: მშვიდობისა და უშიშროების სამსახურში განათლების, მეცნიერების, კულტურის ჩაყენება... მაგრამ ზოგჯერ დიდ საქმეს პატარა პიროვნებები განაგებენ... ხდება პირიქითაც და ესეც სამსუხარო გაუგებრობა გახლავთ. თქვენ და თქვენი საქმე კი ერთმანეთზე მორგებულები ხართ; ჩვენ არა მარტო თქვენს მდგომარეობას — თქვენს პიროვნებასაც დიდად ვაფასებთ. ვაფასებთ თქვენს მეცნიერულ, პედაგოგიურ, პოეტიურ, ფილოსოფიურ ღვაწლს... გარდა ამისა, საქართველოში, კავკასიის იბერიის მიწაზე, ბატონ ფედერიკო მაიორს, პირინეის იბერიის შვილს, ცხადია, სიღრმისეული ნათესაური განცდითაც ვმასპინძლობთ...

შემინდეთ ეს, ცოტა არ იყოს პოეტიური შესავალი, მაგრამ პოეზია რომ საქმეა და თანაც უკიდურესად საჭირო საქმე, ეს თქვენ ჩემზე უკეთ მოგეხ-

სენებათ. ახლა პროზაზეც გადავალ — და ეს პროზაც, ეს მშრალი ჩამონათვალიც იუნესკოს მიერ დაფინანსებულ პროექტებისა საქართველოს განათლების სფეროში, ვფიქრობ, კეთილი და შთამაგონებელი იმპულსების წყარო გახდება იუნესკოსთვის ჩვენთან შემდგომი თანამშრომლობის თვალსაზრისით.

პირველი — საქართველოში შექმნილია იუნესკოს ასოცირებული სკოლები... მათი რიცხვი 1995-96 სასწავლო წელს ათს მიაღწევს.

მეორე — იუნესკომ პირველმა გამოგვიწვინა ხელი, როცა ხანძარმა გაგვინადგურა ჩვენი კომპიუტერული ცენტრი; გამოგვიყო კომპიუტერული ტექნიკა 15000 დოლარისა. აქ მთავარია არა თანხის ოდენობა, არამედ — ოპერატიულობა და თანადგომა.

მესამე — იუნესკომ მოგვივლინა მაღალი რანგის ექსპერტები განათლების რეფორმის დაჩქარების მიზნით.

მეოთხე — იუნესკო გვიფინანსებს ეკოლოგიურ კათედრას ტექნიკურ უნივერსიტეტში.

მეხუთე — იუნესკო გვეხმარება ეროვნული კონფერენციის მოწყობაში განათლების რეფორმაზე მიმდინარე წელს...

აქ დელიკატურად აღარ ვახსენებ იმ რამდენიმე პროგრამას, რომლებიც, სამწუხაროდ, ვერ დაფინანსდა... მაგრამ ჩვენ მაინც მხნედ და იმედიანად ვუყურებთ ჩვენს მომავალ თანამშრომლობას იუნესკოსთან, რამდენადაც თქვენსავე გვარში, ბატონო მაიორო, არა მარტო „დიდია“ ჩადებული, არამედ — „მხნეც“: „მაიორი“ ფრანგულად იგივე „მაჟორია“. ასე რომ, მაჟორულად ანუ „მაიორულად“ წინ, თანამშრომლობის ახალი საფეხურისაკენ!

„განათლება“, 29.7.1995

ტივზე ჩვენი ბავშვები სხლან

სიტყვა, წარმოთქმული მთავრობის გაფართოებულ სხდომაზე
1998 წლის 24 ივლისს

ბატონებო, მოგეხსენებათ, დაწერილი სიტყვა დროს იგებს, ცოცხალი სიტყვა კი — გულს; და რამდენადაც ჩემი რეგლამენტი შეზღუდულია, დროს აქ მეტი ფასი ედება; მეც ჩემი სათქმელი დავეწერე, მაგრამ ბოლო მომენტში მაინც შეეჭოჭმანდი და, აი, დაწერილ სიტყვას განზე ვდებ: მიჭირს, ძალიან მიჭირს ჩვენში ბავშვთა მდგომარეობაზე დაბეჭდილი ტექსტით გელაპარაკოთ,

მით უფრო — რაიმეში დაგარნმუნოთ... არადა, სწორედაც თქვენი დარნმუნება მნადია, თანაც მინდა დაგარნმუნოთ ორ, თითქოსდა ურთიერთგამომრიცხავ ცნებასა და ვითარებაში. ამას, ჩვეულებრივ, პოეტები თუ ახერხებენ... ზოგჯერ — პოლიტიკოსებიც... ამის დიდოსტატი გახლდათ გალაკტიონი:

*„მთვარის ჩრდილი ბალს ეფინა ქარგად,
მაშინ, როცა სადღაც ხმაა თარის,
ყველაფერი არის ძლიერ კარგად,
ყველაფერი ძლიერ ცუდად არის“...*

უამრავი რამაა ჩვენ გარშემო ცუდად და „ძლიერ ცუდად“, მაგრამ, რაც უმთავრესია, ის არის „ძლიერ კარგად“ — აღსრულდა ილიას ოცნება და „ჩვენი თავი ჩვენადვე გვეყუდენის“... გაერომ, მთელმა დუნია მ გვეცნო და დაიჯერა ჩვენი დამოუკიდებლობა — ჩვენ, ქართველებს, ვერ დაგვიჯერებია ეს. დიდი კაცი გყავთ, მას მიჰყევით და ჩვენც გენდობითო, გვეუბნებიან ამერიკის, გერმანიის, იაპონიის — ლამის მთელი მსოფლიოს — თავკაცები, გვეუბნება მსოფლიო ბანკი, გვეუბნება სავალუტო ფონდი... არა, მაგან დაგვლუპა, გადადგესო, ხელებს ასავსავენს მთელი უმადურეთი, ლიკლიკისი და საბოლოო... შუქის გრაფიკი თუ დაერღვათ — ქუჩები გადავკეტოთო, ის ხალხი გაჰყვიროს, წინათ რომ უფრო მეტი ეშხით გაჰკიოდა — დამოუკიდებლობა გვეღირსოს და ბალახს მოეძოვოთ.

ეჰ, გულმაღივწყები ვართ და სწორედ ამის იმედი აქვთ უმადურეთელთა და ლიკლიკისელთა თვითმარქვია ლიდერებს.

„ძლიერ ცუდად“ გვაქვს საქმე, თუ ათწლიან ინტერვალს ავიღებთ და 1987 წლის ბავშვთა უზედამხედველობისა და მართლწესრიგის დარღვევის სტატისტიკას შევუდარებთ დღევანდელს: მაშინ ბავშვთა შორის მანანწალობის 37 და მათხოვრობის მხოლოდ 7 შემთხვევა იყო დაფიქსირებული; ახლა, შესაბამისად, მანანწალობის 224 და მათხოვრობის 219 შემთხვევაა, თუმცა ბევრი თქვენგანი, ალბათ, გულში გაივლებს (და — არცთუ უსაფუძვლოდ): როგორც მაშინ იყო მონაცემები დანეული, ისევეა ახლაცო. 4800 ბავშვი გვყავს სკოლიდან განთესილი, ისინი რისკ-ფაქტორის ჯგუფში არიან... 2200-ზე მეტი მართლწესრიგის დამრღვევი აღრიცხვაზეა აყვანილი. ზემოთ რისკ-ფაქტორზე მოგახსენეთ და ამაზე ფაქტებიც ღალადებენ — დანაშაულის ჩამდენ არასრულწლოვანთა 82 პროცენტი დაუსაქმებელი იყო დანაშაულის ჩადენისას.

მაგრამ დინამიკის თვალსაზრისით საქმე არც ისე უნუგეშოდაა; თუ ბოლო სამი წლის მონაცემებს ავიღებთ, დანაშაულის მრუდი თავქვე დაეშვა — იკლო არასრულწლოვანების მანანწალობამ, მათხოვრობამ, დამნაშაევობამ; მკვეთრად — არა, მაგრამ სასიკეთო ტენდენცია გამოიკვეთა და ეს გვეიმედება.

„ძლიერ კარგია“ და უაღრესად მნიშვნელოვანი, რომ პრეზიდენტმა თავის

უპირველეს ამოცანად გაიხსნა ბავშვთა მიუსაფრობის, როგორც სოციალურად და, პერსპექტივის თვალსაზრისით, პოლიტიკურად საშიში მოვლენის აღმოფხვრა; სანამ თუნდაც ერთი ხელგანწევი ბავშვი იდგება ქუჩაში, მე მშვიდად ვერ დამეძინებო, ბრძანა; პარლამენტის თავმჯდომარესაც ასეთივე უკომპრომისო პოზიცია უკავია — მიუსაფართა პრობლემა მისთვისაც პრიორიტეტთა შორის პრიორიტეტია. მაგრამ შემდგომ, ქვედა რგოლებში, მშვიდადაც გვეძინავს და შეუგუებელსაც ვეგუებით. ნუ ვიტყვით, ერთი და, თუნდაც, ასი მათხოვარი ყველას ჰყავს, მათ შორის ჩვენზე დაღინებულ ქვეყნებსაცო: ჯერ ერთი, ჩვენ გვაქვს თაობათა ჰარმონიული თანაცხოვრების უმდიდრესი ისტორიული ტრადიცია — ქართველი თავის ბავშვს არ ამათხოვრებდა. ომის დროსაც კი თბილისში თურმე ამდენი ხელგანწევი პატარა არ ყოფილა. მეორეც, აქ მთავარი პრობლემისადმი სახელმწიფოს თავკაცის დამოკიდებულება, თუნდაც — ემოციური მიმართება გახლავთ. პრეზიდენტმავე ბრძანა, ადგილებზე არასრულწლოვანთა კომისიების მუშაობას პირველი პირები უნდა ჩაუდგენენ სათავეშიო. ამას, პრაქტიკულთან ერთად, კიდევ სხვა, ფსიქოლოგიური — მე ვიტყვოდი, პოლიტიკური — დატვირთვაც ჰქონდა... არადა, ბევრგან ეს არ შესრულებულა.

იტყვით, ეს პირველი პირებიც, თუ ისინი ფინანსურად ვერ იქნებიან წელგამართულები, პრობლემას ვერ გადაჭრიანო. გეთანხმებით, მაგრამ ფინანსების „მოძრაობაც“ ხომ გარკვეულწილად ამ პირველ პირებზეც არის დამოკიდებული. თანაც — არა ფულითა ერთითა... ენთუზიაზმსაც ნუ უგულვებლევყოფთ. მე ვიცი, შიშველი ენთუზიაზმით შორს რომ ვერ წავალთ, მაგრამ უენტუზიაზმოდ საერთოდ ვერ დავიძრებით ადგილიდან. ბევრი ენთუზიასტი ორგანიზაცია თუ პიროვნება უხმაუროდ აკეთებს ობოლ, მზრუნველობას მოკლებულ ბავშვთათვის დიდ საქმეებს. ასეთებია, პირველ ყოვლისა, არასამთავრობო, საზოგადოებრივი ორგანიზაციები...

მაგრამ ჩვენ, სამთავრობო კომისიამ, ეტყობა, სათანადოდ ვერ ვიმუშავეთ დონორ ორგანიზაციებთან; „იუნისეფსაც“, „სოროსის ფონდსაც“ ჩვენ წარუდგინეთ მიუსაფარ ბავშვებთან დაკავშირებული პროგრამები, მაგრამ ჯერჯერობით წილობრივ დაფინანსებასაც ვერ მივაღწიეთ.

ჩვენი ბიუჯეტიც, გასაგები მიზეზების გამო, ამ პრობლემის მიმართ მთლად ხელგაშლილი ვერ არის — წელს 200 000 ლარია გამოყოფილი პროგრამული ხაზით. ახალი პროგრამებიც მზადა გვაქვს, სამთავრობო კომისიაზე მიღებული, რომლებიც პრეზიდენტს წარედგინა. ისე, შედარებისათვის, ანალოგიური პროგრამების საერალიზოდ გერმანიაში ისეთი თანხებია გამოყოფილი, დასახელებაც მერიდება: იქ მილიარდობით (!) დოიჩმარკა იდება არასრულწლოვანთა სოციალურ დაცვასა და ადაპტაციაში.

ჩვენი პრესა ბევრსა წერს ამაზე, მაგრამ კოლეგებს (წარედაქტორალი კაცის უფლების) ერთს „ჩაუხვებლებდი“: შეძახილმა ხე გაახმოო; ვშიშობ,

სულ „დავილუპეთ“ ძახილმა მართლაც არ დაგვლუპოს. ნუ გავაიაფებთ ჩვენს კრიტიკულ სიტყვას, თორემ, ღმერთმა დაიფაროს და, „დედაენის“ იმ ონავარი ბიჭის მდგომარეობაში აღმოვჩნდებით, სულ მგელი, მგელიო, რომ იძახა და, როცა მართლა გამოჩნდა მგელი, სოფელმა აღარ დაუჯერა.

რომაელები ამბობდნენ, კარგი ორატორი ძნელად იწყებს, ცუდი ორატორი კი ძნელად ამთავრებსო. მეც მოვაბოლოებ: არასრულწლოვანთა პრობლემის გადაჭრის წყარო — კონკრეტულ პროგრამათა სახით — გამოჩნდა; მაგრამ მისი მარეალიზებელი ნაკადი — ფინანსები — ჯერჯერობით მხოლოდ მოჟონავს... ანუ, როგორც გალაკტიონი იტყოდა — „წყარო ჩანს და წყალი არსად არის“...

მაგრამ, რახან მოჟონავს, წყაროს თავი არ დამშრალა და, თუ საზოგადოება, ჩვენ ყველანი, ხელს გამოვიღებთ, ნაკადი მდინარე წყლად იქცევა და, ილიასი არ იყოს, ტივს მეორე ნაპირზე გაიყვანს...

ამ ტივზე კი ჩვენი ბავშვები სხედან...

„ლიტერატურული საქართველო“, 31.7.1998

სახვალაო საქართველოს დავლა

*სიტყვა, წარმოთქმული საქართველოს
ტექნიკური უნივერსიტეტის 75-ე წლის იუბილეზე*

სასწავლებელი ცოცხალი ორგანიზმია; ისიც იზადება. იზრდება, ვითარდება, მერე ბერდება და ბოლოს გარდაიცვლება, ანუ სხვად გარდაისახება ხოლმე... (სამწუხაროდ, უძლეური ბავშვისა არ იყოს, ამ ბოლო დროს მკვდრადშობილი სასწავლებლებიც მოგვიმრავლდნენ); მაგრამ აქ დროის აღქმაა „ფარდობითი“ — 75 წლის ადამიანი, საბას განმარტებით, ბერიკაცია, 75 წლის ტექნიკური უნივერსიტეტი კი ჯეელია, თუ მის ასაკს უმაღლესი განათლების ჩვენს ისტორიულ კერებს — ფაზისის, იყალთოს, გრემის, გელათის აკადემიებს — შევუდარებთ.

ყველას გვახსოვს მისი ბავშვობის სახელი — „გეპეი“. მე, პირადად, „გეპეელი“ შინა მყავდა — ჩემი უფროსი ძმა; მის კურსელებს კარგად ვიცნობდი და ვიცოდი, რომ „გეპეელობა“ განდობილთა ორდენის წევრობას ჰგავდა, მას თავისი შინაარსობრივი დატივრთვა ჰქონდა.

„გეპეელობა“ პირადად ჩემთვის ყოველთვის უკავშირდებოდა წარმოდგენას ინჟინრული წესრიგითა და ჰარმონიით „ანყობილ“ საქართველოზე. ოღონდ ამგვარად კონსტრუირებული საქართველო არამც და არამც არ

წარმომედგინა, როგორც სულიერებისაგან დაცლილი და „ტექნიზაციის“ მკვადრ სქემაში ჩაჭედილი.

დროთა განმავლობაში ბევრი რამ შეიცვალა, მათ შორის ჩვენი იუბილარის სახელწოდებაც.

კარგა ხანია წარსულს ჩაბარდა ის დროც, როცა ილია რამდენიმე, თითზე ჩამოსათვლელ, განათლებულ ინჟინერს ნატრულობდა თავისი ქვეყნისათვის. ახლა, ვგონებ, მეორე უკიდურესობაში გადაცვივდით, გარკვეულ პერიოდში ინჟინერთა სიმრავლე მოგვეძალა — სამწუხაროდ, თვისებრიობის ხარჯზე, მაგრამ ამასაც მოვევლება და, როგორც „გეპელობა“ იყო ერთგვარი მარკა, ხარისხის ნიშანი, „ტექუნელობა“, ანუ ტექ-ნიკური უნ-ივერსიტეტელობა სამუდამოდ დარჩება ბეჭდად და დამლად სახეალო ანუ ინჟინრული გენიით კონსტრუირებული და სულიერებით გაჯერებული საქართველოსი.

1977 წ.

უკანონო კალა უკლუჩებაა. უკალო კანონი — უკანონობა

ფრაგმენტი სამართალდამცავთა შეკრებაზე წარმოთქმული სიტყვიდან

ბატონებო, თქვენ სამართალდამცავნი ბრძანდებით და კარგად გახსოვთ ძველ რომაელთა, ერთი შეხედვით, უცნაური გამოთქმა: კანონი უნდა აღსრულდეს, თუნდაც ქვეყანა დაიქცეს... თუ ქვეყანას დაგვიქცევს, რატომ უნდა აღვასრულო კანონი ან არის კი ისეთი კანონი საჭირო, რომლის აღსრულებამ შეიძლება ქვეყანა დაგვინგრიოსო, იკითხავდა სამართალში შედარებით გაუთვითცნობიერებული უბირი კაცი. არადა, რომაელები არა ცდებოდნენ, როცა ამგვარი უკიდურესი ფორმით იქადაგეს კანონის უზუნაესობა, ვინაიდან ჩინებულად უწყოდნენ, რომ სწორედ უკანონობა ან — რაც კიდევ უფრო დიდი უბედურებაა — კანონის აღსრულებლობა დააქცევს ქვეყანას... ყოველ შემთხვევაში, დაქცევის პირას მიიყვანს, რასაც ჩვენი დღევანდელი ყოფაც დაადასტურებდა.

არ გვაქვს კანონები — უბედურებაა...

გვაქვს კანონები და არ ვასრულებთ — ორგ ზისი უბედურება.

ალბათ, გახსოვთ დათა თუთაშხიას ცნობილი ფრაზა — ჯერ წესია საქმე და მერე საქმეა საქმე.

ასევე — ჯერ კანონის აღსრულება კანონი და მერე სხვა კანონია კანონი. მაგრამ კანონი რომ აკანონო, ამისათვის ძალაა საჭირო, ამ კანონის რეალურად აღმასრულებელი ძალა. სწორედ ამ ძალის მოკრება, დაგროვება, გაბეწვება და ჭკვიანურად, ესე იგი — კანონიერად ხარჯვა-გამოყენება განსაზღვრავს ყოველი ხელისუფლების სიცოცხლისუნარიანობას.

ხელისუფლება ეყრდნობა ძალაუფლებას. დაუკვირდით, ბატონებო, ამ სიტყვას — ძალაუფლება. ქართულმა ენობრივმა ანუ გონითმა ცნობიერებამ ერთმანეთს შეურწყა ცნება ძალისა და ცნება უფლებისა; შედეგად მივიღეთ არა იმდენად იურიდიული კატეგორია, რამდენადაც — პოლიტიკური, მივიღეთ ერთგვარი საზომი სახელმწიფოს სიძლიერისა (საბა ასეც ბრძანებს: ძალა — ძლიერების ნაწილი); ქვეყნის ძლიერება განისაზღვრება ძალაუფლების რეალობითა და მისი მარჯვედ გამოყენებით.

მაგრამ ძალა ბევრის ნარმოდგენაში ასოცირდება ძალადობასთან ანუ ძალის უხემ, უგუნურსა და, რაც მთავარია, უკანონო გამოყენებასთან. ამას თავისი ღრმა ფსიქოლოგიური საფუძველი აქვს. პოლ ვალერიის ცნობილ მაქსიმას შეგახსენებთ — ძალაუფლება მთელ თავის მომხიბვლელობას ჰკარგავს მისი ბოროტად გამოყენების გარეშე; ესე იგი — ძალადობის გარეშე, რამდენადაც ძალადობა სწორედაც ძალის ბოროტად გამოყენება გახლავთ.

ცხადია, კულტურულად მონიფული საზოგადოება კარგად განასხვავებს ძლიერსა და მოძალადეს. ყველა ძლიერი რომ მოძალადე არ არის, ამას, თითქოს, უფრო ვიჯერებთ; ყველა მოძალადე ძლიერი არ არისო, ამას — ნაკლებად. არადა, კულტურული საზოგადოებრივი ცნობიერებისათვის ძალადობა უფრო უძღურების გამოხატულებაა, ვიდრე — ჭეშმარიტი ძალისა. ძალას სახეს აძლევს კანონი, რომელიც, თავის მხრივ, ძალისავე საშუალებით უნდა რეალიზდებოდეს. მოკლედ, უკანონო ძალა უძღურებაა, ხოლო უძალო კანონი — უკანონობა.

ძალა მხოლოდ კანონით ძალობს და კანონივე აკანონებს ძალაუფლებას. დაკანონებული ძალაუფლება კი ხელისუფლება გახლავთ.

და ერთიც — ძალა არის წყარო სიყვარულისა. შოთა რომ ბრძანებს, შიში შეიქმნა სიყვარულსაო, აქ სწორედ ძალის წინაშე შიში იგულისხმება, უზენაესი ძალა კი ღმერთი გახლავთ, ღმერთი, რომელიც თვითონ სიყვარულია. აქედან გამომდინარე, სიყვარული ძალას გულისხმობს, უძალო სიყვარული არც ჩაითვლება ჭეშმარიტ სიყვარულად. ამითაც უნდა აიხსნებოდეს, რომ ხალხი არა მარტო და იმდენად ემორჩილება ძალას, რამდენადაც — პატივსაც სცემს... მეტიც ითქმის, ხალხს უყვარს ძალა... ესე იგი — უყვარს ღმერთი ანუ სიყვარული.

ასევე — ხალხს სძულს ძალადობა... ესე იგი — სძულს უკანონო ძალა ანუ ბოროტება.

სა მლალაღებლისა „ლიტერატურული საქართველოდან“

ნაწყვეტი საქართველოს მთავრობის გაფართოებულ სხდომაზე
წარმოთქმული სიტყვიდან.

დემოკრატიული სახელმწიფოს აღმშენებლობის გზაზე შემდგარ საქართველოში გარდამავალი ხანა გვიდგას, როდესაც ძველი და ახალი, მარადიული და წარმავალი, პროგრესული და რეაქციული ერთმანეთს განსაკუთრებული გამძაფრებით ეჯახება — უბრძოლველად არც ძველი მიდის ცხოვრების ასპარეზიდან და ვერც ახალი მკვიდრდება...

და ეს კარგია...

და ეს ასეც უნდა იყოს.

ესაა მხოლოდ — ამ შემღვრეულ, ჯერ კიდევ დაულაგებელ სიტუაციაში განსაკუთრებული სიფხიზლე გემართებს.

სიფხიზლე გემართებს-მეთქი, რამდენადაც ასეთ დროს ჯერ შეუმჩნეველად, მერე და მერე ძალმიცემულად იწყებს მუშაობას ის ჭია, რომელიც შიგნიდან ფქვავს და ლრღნის სახელმწიფოს — სახელმწიფოსავე ფორმით, სახელმწიფოს სტრუქტურის სახით.

და სახელი ამ ჭიისა, რომელიც, ქართული ზღაპრებისა არ იყოს, ახლა უკვე ლამის გველემაჰად გვქცევია — კორუფცია!

ფსიქოლოგიურად ძნელია დღეს კორუფციაზე საუბარი: მას ხშირად სწორედ კორუმპირებულები ებრძვიან სიტყვით. არადა, უთქმელობაც არ ივარგებს.

დღეს ამკარად გამოიკვეთა ტენდენცია — ჯერ კიდევ ფეხზე მყარად ვერმდგარი სახელმწიფო მენველ ფურად ვაქციოთ...

არადა — ამ ფურს ჯერ ჯიქანი არ გაესებია... და, თუ ასე გაგრძელდა, ვერც გაევისება.

პირველმა, საფრთხე პრეზიდენტმა იგრძნო — ან ჩვენ დავამარცხებთ კორუფციას, ან კორუფცია დაგვამარცხებს ჩვენ.

აქ მარტო ერთი ხელისუფლების დამარცხება როდი იგულისხმება: კორუფცია, როგორც ყველაზე რელიეფური გამოვლინება სახალხო დოვლათის უსამართლო განაწილებისა, წარმოშობს სოციალურ პროტესტს, რომელიც თავისი უკიდურესი გამოვლინებით დაგვაბრუნებს ანარქიის, განუკითხაობისა და სოციალური კატაკლიზმების სისხლიან ეპოქაში.

ამიტომაც — ხმა მლალაღებლისა „ლიტერატურული საქართველოდან“ — „ქვეყანას არავინ ზოგავს“...

ხმა — როგორც ალიყური.

მწერლობა გამრავლების ტაბულა არ არის, არც მწერალია სტატისტიკოსი, რომ თვალს — ერთი პროცენტია საქართველოში არაკორუმპირებული თუ — ოთხმოცი.

მწერალმა მოვლენის გამოკვეთისათვის პროპორციები უნდა დაარღვიოს — ამგვარი ჰიპერბოლიზაცია არამცთუ ასატანია, აუცილებელიც გახლავთ. თანაც — გულზე ხელი დავიდოთ — იქ მხოლოდ მხატვრული ჰიპერბოლიზაცია როდია, იქ — რეალობაა... იქ არის სიმართლე, ის მხატვრული სინამდვილე, რომელიც ყოფით სინამდვილეზე უფრო ნამდვილია.

ისე, თუ ძალიან გულზე მოგვხვდა ეს ხმა, სწორედ ჩვენს ხელთაა, აქ შეკრებილთა ხელთაა, დავამტკიცოთ, რომ პრეზიდენტი კორუფციასთან ბრძოლაში ეული არაა; ჩვენს ხელთაა მოვაცილოთ მას ის ეჭვი, თითქოს თავად გვიბიძგებდეს — „აილე შენთვის, შენც ხომ შეეარდნაძე არა ხარ“... პრეზიდენტი უცხო პლანეტიდან ვერ ჩამოიყვანს სტერილური პატიოსნების ხალხს კორუფციასთან საბრძოლველად; და თუ ჩვენ ვერ გავართმევთ ამას თავს, ღვთის მადლით, საქართველოში მოიძებნება ხალხი, ჩვენი შემცვლელი, რომლებიც ამ მისიას აღასრულებენ.

მაგრამ, მე მაინც მეიმედება, ასეთი ხალხი ჩვენს შორისაც აღმოჩნდება — სხვანაირად თვით ეს შეხედრთა ფარსი ყოფილა და სხვა არაფერი...

„ლიტერატურული საქართველო“, 23, XI, 1996

პასიანსი

ნაწყვეტი რადიოგამოსვლიდან

„პასიანსი“ მომწონს.

პასიანსი არ მომწონს.

მომწონს ტელეგადაცემა;

არ მომწონს თამაში... არ ვიცი, არ მაინტერესებს და, ალბათ, ამიტომ.

ამბობენ, ნერვებს ამშვიდებსო... გამალე და ტკბილად დაგეძინებაო.

მერედა, ვის უნდა ახლა დამშვიდებული, დაძინებული ნერვები?

მე — არა...

„პასიანსი“ კი სწორედაც რომ არ მამშვიდებს, პირიქით, მაცმუკებს, მაფორიაქებს, მახარხარებს...

არადა, კაცის გაცინება უფრო ძნელი საქმე მგონია, ვიდრე — ატირება.

სხვისი გახარების ნიჭიც უფრო იშვიათია, სამწუხაროდ, ვიდრე სხვისი ნყენინებისა.

ვითომ ერთმანეთს გამორიცხავენ — სინამდვილეში კი ერთმანეთს ჰკევენ-ბავენ: სიცილი — ტირილს, ტირილი — სიცილს.

უმდაფრესი გამოხატულებაც ერთი და იგივე აქეთ — ცრემლი.

პასიანსი ცრემლისდენამდე მაცინებს.

მართალია, პოეტი ამბობს, ქვეყანა როცა იქცევა, „შენ რა გაცინებს, შე მობელძაღლო“, მაგრამ...

თუ არ გავიციან (გასაციანარზე, ცხადია) — ქვეყანა სწორედ მაშინ დაგვემხობა თავზე.

ზოგჯერ, თქვენ წარმოიდგინეთ, სატირალზეც უნდა გავიციანო...

აკი ბრძანებდა სხვა პოეტი — „რომ სიცილი ზოგჯერ ცრემლზე მწარეა“.

პასიანსელები, მომხიბვლელი ცუცვას ჩათვლით, ნამდვილი ვაჟკაცები არიან: ეკრანიდან იმას გვეუბნებიან, რისი თქმა ზოგს სიდედრისთვის ვერ გაუბედავს სამზარეულოში.

პასიანსი გვაცინებს, თანაც სატირალზე გვაცინებს.

ქართველი იტყვის — მომკლა სიცილითო...

მე, პირადად, პასიანსმა მრავალჯერ მომკლა სიცილით.

მხოლოდ ასეთ სიკვდილს გისურვებთ ყველას — სიცილით სიკვდილს.

თანაც — მრავალგზის...

1998 წ.

ორიოდ სიტყვა „დილაბნელზე“

პაატა ბერიკაშვილის „დილაბნელზე“ მთხოვთ აზრის გამოთქმას; მოგახსენებთ: მისი რამდენიმე ლექსი ადრეც წამეკითხა, მაგრამ მაინც მის პირველ წიგნად შეკრულმა „დილაბნელმა“ დამარწმუნა — პოეზიით განებიერებული ქართველი მკითხველი შიგ ბევრ ახალსა და საინტერესოს აღმოაჩენს.

მთავარი მაინც ის მგონია, რომ პაატა ბერიკაშვილს აქვს თავისი სამყარო და უნარი, ჩვენც დაგვანახოს და გვაგრძნობინოს იგი.

ეს არის პოეტური სამყარო, რომელიც კიდევ ჰგავს და არცა ჰგავს ჩვენს ყოფით სამყაროს. იგი, ცხადია, შექმნილია, მაგრამ არაა გამოგონილი; ილუზორულია, მაგრამ არაა დაუჯერებელი. თითქოს პოეტმა მიგვაყენა სარკმელს, რომელშიც მინად სხვადასხვა ფერისა და ზომის ჩაზნე-

ქილ-ამოზნეჭილი ლინზების ნამსხვერვეები ჩაუსვამს და აქედან გვაცქერინებს ხან უსაშველოდ გაზრდილ, ხან დაპატარავებულ, ხანაც აყირავებულ საგნებს.

ერთი თავისებურება პაატა ბერიკაშვილის ლირიკისა ისიც გახლავთ, რომ იგი ზოგჯერ „ანტილირიკულია“. მაგრამ ყოფითი დეტალები, პროზაიზმები, ზოგჯერ საგანგებოდ „დამინებული“ მეტყველება საპირისპირო ეფექტს იძლევა. თითქოსდა ამბის გაჭიანურებულ თხრობას, ბალადურ ფაბულას ლირიკა უნდა მოემთო, მაგრამ — არა! ამ გალექსილ ამბებში ყოველთვის ხდება ერთი ან რამდენიმე ლირიკული „აფეთქება“, რაც ამ, თითქოსდა, პროზაულ ფონზე კიდევ უფრო ეფექტურია:

*დღეს სიმშვიდეა ჩემი, წყნარად შემოდის ქალი
და ქსოვს დუმილის ძაფით განმარტოების თავშალს...*

პოეტის ლექსების ერთ ციკლს „გალიმათიები“ ეწოდება. აქ კიდევ უფრო მკვეთრად იჩენს თავს პაატა ბერიკაშვილისათვის ნიშანდობლივი ფანტასმაგორიულობა, საგანთა სიურრეალისტური ქვრეცა, ირონია და თვითირონია („გალიმათია — თბილისის სადგურის სურათები“, „გალიმათია — მონყენილობის დროს“):

*ჩაირახრახა მტვირთავების მატარებელმა,
მოაგარაკეს — თეთრი შარვლით, თეთრი ჟილეტით —
ცოლმა უყიდა სამი ვაშლი, თანაც ებეურა,
და ჩააცივდა დიეტით და იშიმშილეთი...
სახლიდან ძლივ-ძლივ გაქცეული სამშვილიანი
მიირთმევს ნაყინს, ნება-ნება გასცქერის ქალებს,
ჩანთაში ცოლის მოხარშული სკდება კვერცხები
და წინილებიც ერთხმად სჭეჭენ: „ამოგთხრი თვალებს!“
დღეს ჩამოდგება უცნაური შემადგენლობა,
მზე შეიშალა... სახლებს ფერი დაჰკრავს ირისის,
გამცილებელი ირნმუნება (კაცი ენდობა):
მატარებელი შემოდისო „თბილის-ივლისი“...*

ამის გვერდით პაატა ბერიკაშვილს აქვს ლექსები, ტრადიციულნი ფორმითაც და შინაარსითაც; იგი არცთუ იშვიათად მიმართავს ხალხურ კილოს და აქაც ახერხებს ათას ყელგამოვლილ ჰანგში თავისი ხმაც შერთოს:

*მიუძღვი დარდის ამაღას
„შენ, გივო ამილახორო“...*

*იფარებ რკინის ჩაბალახს,
ცრემლი არ დამინახონო.*

პაატა ბერიკაშვილი ახალგაზრდა ქართველია და, ცხადია, ქართულად უჭირს და ქართულად უღიხნს. ამ განცდას პოეტი თავის ლექსებში გულზე ხელის ბაგუნით არსად გამოფენს, აქ მხოლოდ ჩურჩულია და ლოცვა:

*ნლები ამ კედლებს დაღლის და დახრავს,
ნელთა და ჟამთა გდევენ გმირები.
ერთი იყავი... ერთი ხარ ახლაც
და მე ათასჯერ შეგენირები.*

დილაბნელი განთიადის ნიშანია... პაატა ბერიკაშვილის „დილაბნელიც“, ასე მწამს, პოეზიის მზით საესე დღის წინამორბედი იქნება.

1990 წ.

უპირატესობისკენ

სიტყვა მერაბ შახარაძის საიუბილეოდ

მერაბ, შე ბებერო-მეთქი, ჩვეულებისამებრ უნდა შეგხალისებოდი და კინალამ შევეყოვდი: სამოცი წლის კაცს — შე ბებერო — ასე უკვე საღალაობოდაც აღარ მიმართავენ. მე კი დღეს, შენს მესამოცე დაბადების დღეს, ისევ ძველებურად მინდა შეგეხმიანო, მერაბ, შე ბებერო, სწორედაც იმიტომ, რომ შენ არ დაბერებულხარ.

მეტიც — შენ ვერ დაბერდები! სიბერე მხოლოდ წლების დაგროვება როდია; სიბერე, როგორც სიჯეელე, უპირატესად, სულის მდგომარეობაა და დაბერდაო, კაცზე მაშინ უფრო ითქმის, როცა იგი სხვის ჭირს ღობის ჩხირად მიიჩნევს. ამიტომაც, წლები, ღეთის მაღლით, კიდევ ბევრი მოგემატება, დაბერებით კი ვერ დაბერდები.

ბევრნაირ სკამსა თუ სავარძელზე ვმსხდარვართ — პარლამენტარისა და მინისტრის ჩათვლით — მაგრამ სიმდგრადით ვერც ერთი ვერ შეედრება შუა რიგის იმ მეორე მერხს, რომელზედაც მე და შენ ერთმანეთის გვერდიგვერდ სკოლის თერთმეტი წელი მოუათავეთ. მას შემდეგ ბევრმა წყალმა ჩაიარა, ჩაიარა და თან ნაიყვანა ჩვენი კლასელი გოგო-ბიჭები, ჩვენი „ცამცუ-

მა" და „გიკიჩა“, ჩვენი „შლიამონა" და „ციხობ"... უარესიც მოხდა — ნაიყვანა ჩვენი გოგო-ბიჭების გოგო-ბიჭებიც...

სულ არ წასულან, მერაბ, სულ ამქვეყნიდან არავინ მიდის...

თერთმეტი წელი ერთ მერხზე მოვათავეთ-მეთქი, თუმცა ეს წლები ჩვენთვის არ ყოფილა მოსახდელი „სროკი", ის უფრო ილიასეულ „ბენვის ხიდს" ჰგავდა. შენ ამ ხიდზე თავალერებულმა გაიარე, რადგანაც სწავლა შენთვის ტანჯვა კი არა, მღერა იყო. როგორც სწავლობდი, ისე მღეროდი და ისე სწავლობდი, როგორც მღეროდი. სიმღერამ ჯერ შენ გასწავლა და მერე სიმღერითვე შენ სხვებს ასწავლე კაცობა. მომღერალს საქართველოში რა გამოლევს, ბევრი მღერის და, ღვთის მაღლით, კარგადაც მღერის, ზოგი, იქნებ, შენზე დახელოვნებულადაც, მაგრამ შენნაირად, უფრო სწორად — შენ, ივიკოსა და სუხარასნაირად — არავინ და ველარავინ იმღერებს...

გოგლას პირქუში ციციკორეც კი მაგლობელ კაცს უშრომველობას ჰპატიობდა — სიმღერა საღვთო რამაა, ერთი მომღერალი სოფელმა უნდა შეინახოსო. შენ, პირადად, სხვისი შესანახი არაფერი გჭირს, შენმა კარგმა ინჟინრობამ შენ სხვისი ხელის შემყურე არ გაგხადა... სხვათა შორის — არც პარლამენტისა. ხშირად ბუზღუნებენ ვითომცდა პარლამენტარებად დაბადებული ძალადპოლიტიკოსები — რა უნდა პოეტს პარლამენტში, რა უნდა იქ რეჟისორს, მით უფრო, მომღერალსა და მსახიობს? აქ პოლიტიკოსები, თუ მაინცა და მაინც — იურისტები და ეკონომისტები უნდა ვისხდეთო. პარლამენტში ჭკვიანი ხალხი უნდა იყოს, ხოლო ჭკვიანები, ვთქვათ, მწერალთა შორის, ვგონებ, არანაკლებია, ვიდრე — ეკონომისტებში... და ბრიყვებიც, არა მგონია, იურისტთა შორის უფრო იშვიათი იყოს, ვიდრე — რეჟისორებში.

შენ ჭკვიანი, ლალი ქართველი ხარ, ამიტომაც ამშვენებ პარლამენტს.

ყუჩად ზიხარ იქ... მიკროფონებთან ჯგლეათა: გესლად და სამსალად იღვრება იქიდან მიკროფონუნახავთა ვნება... დგები... მიდიხარ მიკროფონთან... მიდიხარ პირველად... გაოცებული მოლოდინით შემოგყურებენ... და გასუსულ დარბაზში შენი ხმა დაირხევა: „დარკვეთელო ქალო, რა ლამაზი ხარო"... ალბათ მომეჩვენა... შესაძლოა, დამესიზმრა... იქნებ — ასეც მოხდა ან უნდა მოხდეს...

შენ უფალმა უბერებლობით დაგაჯილდოვა... ან იქნებ — დაგსაჯა...

უბერებლობამისჯილი მერაბ მახარაძე კვლავაც ახარბად იყნოსავს ღვიზოს, ქალის, სიმღერის სურნელს.

„ღრონი", 14.11.1999

სიტყვა-პასუხი

საუბრები, დიალოგები, კითხვებზე პასუხები



ზოგჯერ თქმა სჯობს არათქმასა,
ზოგჯერ თქმითაც დაშავების,
ვიტყვი, მოვკვლე, არა მგამა,
ჩემი მზეცა თქვენ მოგზვლების.

რუსთაველი

მოჰუაროთ საქართველოს!

— ისე გვასწავლიდნენ, რომ სამშობლოს ცნება გადაგვისხვაფერდა. დიდხანს ვიცხოვრეთ მართალ სიტყვას მონატრებულებმა. მერე თითქოს უფლება მოგვცეს და სათქმელი ვთქვი; სანთლები დავანთეთ, მუხლი მოვიყარეთ ღვთის წინაშე და... ღმერთივით აღმდგარი რწმენა ნიჩბებით დაგვიჩხეს. რას გვირჩევთ, ბატონო თამაზ, ვის უნდა ვენდოთ? ვისი ვირწმუნოთ?

— ღრმა, ჭეშმარიტ და საკუთარი სულიერი ძიებებით გამოტანჯულ რწმენას ვერც ნიჩბით ამოძირკვავ და ვერც „სიეს“-ით მონამლაგ... ეს ზოგადად, კონკრეტულად კი — ვისი რწმენაც უნდა გვქონდეს, ამაზე პასუხს ჩვენი ათასშვიდასწლიანი ქრისტიანობის ისტორია იძლევა... რაც შეეხება ნდობას — ყოფით, ცხოვრებისეულ დამოკიდებულებაში მეც ცნობილ პრინციპს ვიზიარებ: მირჩევნია ვენდო და მოეცყუდე, ვიდრე არ ვენდო... მაგრამ პოლიტიკაში ნდობა და მერე იმედის გაცრუება ინდივიდის ვნება-დაზარალების ფარგლებს სცილდება, აქ უკვე შენი მიმდობლობით, მალემრწმუნობითა და გულუბრყვილობით კაცი უკვე საზოგადოებას, ქვეყანას, ერს ვნებ...

— ესე იგი, პოლიტიკაში არავის ვენდოთ და არავისი ვირწმუნოთ?

— ილიას ვენდოთ...

— ცოცხალთა შორის?

— ილიაზე ცოცხალი არავინ მეგულება. ამას პირდაპირი პასუხისაგან თავის დასაძვრენად, მერწმუნეთ, არ გეუბნებით. ისიც ვიცი, რომ — დღეს თუ საქართველოს პოლიტიკურად სანდო კაცი არა ჰყავს, ილია მკვდარი ყოფილა და ეგ არის! ჰყავს და, იქნებ არც ისე ცოტა, ჩვენ რომ გვგონია... მაგრამ თითოეული მათგანისადმი ნდობის ხარისხს, ჩემი აზრით, ის უნდა განსაზღვრავდეს, რამდენად არის მასში ილია. ნათქვამია — ნაყოფითაგან იცანითო... ილიელობით ვიცნოთ!

— როგორ ფიქრობთ, ბატონო თამაზ, ცხრა აპრილი რომ არა, მოხდებოდა ქართველი ერის კონსოლიდაცია?

— კითხვას ისე მისვამთ, ეტყობა, ეს კონსოლიდაცია უკვე აღსრულებულ ფაქტად მიგაჩნიათ. ზოგ რამეში მართლაც გავერთიანდით, ზოგშიც — დაეცილდით; ზოგნი შეერთდნენ, ზოგნიც — დაიშალნენ. ასეც უნდა მომხდარიყო, ეს ბუნებრივი რეაგირებაა ყოველ დიდმნიშვნელოვან მოვლენაზე. ცხრა აპრილი რომ არაო, ბრძანებთ; ცხრა აპრილი რეალობაა და, უიმისოდ რა მოხდებოდა, ამაზე მსჯელობა ვაითუ მარჩიელობას დაემსგავსოს. ისე კი, სულო ცოდვილო, ვფიქრობ, იმ დღეს თუ არა, ცხრა აპრილს როდესღაც მაინც გაგვითენებდნენ. ფატალისტი არა ვარ, ამას ფაქტების ანალიზი მაფიქრებინებს: ცხრა აპრილი შეიძლებოდა ოცდაცხრა ნოემბერსავე დამდგარიყო. ღვთის წყალობით, ავირიდეთ (თუ — აგვარიდეს; საბერტყად მომნიფე-

ბულებად, ეტყობა, არ მიგვიჩინეს)... მაგრამ კოკა წყალზე ტყდება. ერთნი წინასწარ ჭყრეტდნენ ამ სისხლის კალოს, სხვები — ვერა, ზოგი კი სულაც გეგმავდა მას. ვინც ჭყრეტდა, მათგან ზოგი ლამის მუხლმოყრილი ივედრებოდა ნოემბერში: სამხედროთა ჰუმანურობის ანდა თუნდაც წინდახედულების იმედად მტერი დარჩეს, ნუ დაეხოცინებით ჯარსო. პანიკორებად და მხდალებად მოვნათლეთ ეს ხალხი, შემდეგ ნიშნიც მოვუგეთ — ყურებზე ხახვიც ვერ დაგვაჭრეს, ხომ ტყუილად აატარ-ჩამოატარეს სანაპიროზე ტანკებიო. არადა, პოლიტიკაში სწორედ ზედმეტი უშიშრობაა საშიში. საშიში მგონია ის დასკვნაც, რომლის ერთ-ერთ წინამძღვრად თქვენს შეკითხვაში გამოთქმული მოსაზრება ივარაუდება; მართლაც, თუ 9 აპრილის ტრაგედიაში ქართველობა „შეკრა“ და თუ ამგვარი კონსოლიდაცია აუცილებელი პირობაა ერის თვითგამორკვევისა და თავისუფლებისათვის, მაშინ საბოლოო ეროვნული მიზნის მისაღწევად ცხრა აპრილები მიუცილებელი ყოფილა; მოკლედ, სისხლი უეჭველად უნდა დაღვრილიყო.

რა იქმის ამაზე?

ნუ გავუშინაურდებით სისხლს, განსაკუთრებით — სხვათა სისხლს. სისხლის დასანთხევად მზადყოფნა, ალბათ, გადაგვარჩენს; თვით სისხლის დანთხევამ კი, შეიძლება, დაგვლუპოს. ამიტომ ასე მგონია: მკვლელობის დამგეგმავ-განმახორციელებელნი რომ დამნაშავენი არიან, ამაზე ორი აზრი არ არსებობს, მაგრამ ისინიც, ვინც სხვათა სისხლს ვერ გაუფრთხილდა, და ისინიც, ვინც სხვათა სიცოცხლეს ვერ გადავეფოფრეთ, მეტ-ნაკლებად, მაგრამ მაინც ყველამ უნდა ვაგოთ ჩვენ-ჩვენი სინდისის წინაშე პასუხი.

— ჩვენი ინტელიგენცია დღეს ახალგაზრდობის გვერდით დგას... მაგრამ მაინც ცოტა ხანგრძლივი ხომ არ აღმოჩნდა მისი დუმილი?

— მართალი ვითხრათ, ახალგაზრდობისა და ინტელიგენციის ასეთი გამოჯენა-დაპირისპირება არ მიმაჩნია მართებულად, ვინ არის სტუდენტი, თუ არა — ახალგაზრდა ინტელიგენტი? მთავარი კი ის გახლავთ, რომ ნამდვილი ინტელიგენცია (ახალგაზრდებიც და ძველგაზრდებიც) არასოდეს დადუმებულა, განსაკუთრებით — შემოქმედებითი ინტელიგენცია, მით უფრო — მწერლობა... დღეს ყველანი გავგულადდით. ახლა, ვგონებ, „ნომენკლატურის მუშაკებიც“ კი ლამის სახაროზე მეტად გაგვიდისიდენტდნენ... დღეს ეს ერთგვარი „მარკაა“. ცხადია, დღევანდელი სითამამეც დასაფასებელია, მაგრამ — აი, სახაროვი რომ დისიდენტობდა, მაშინდელ დისიდენტობას მაინც სხვა ფასი უნდა დაედოს. ისიც უნდა შეგახსენოთ, რომ მთელი დისიდენტური მოძრაობა რუსეთშიც და სხვაგანაც ინტელიგენტური იყო თავისი შემადგენლობით, ბევრმა ციხე-გადასახლებაც იწვნია. დღეს ზოგი მათგანი ჭეშმარიტი ინტელიგენტური თავმდაბლობით ჩრდილში ყოფნას რჩეობს. ის კაცი კი, მთავრობის ჯილდო და პრემია რომ არ მოჰკლებია, მაღალ სავარძელზეც რომ სწორედ მთავრობამ წამოასკუპა, „იმერ-

ლის ბიჭივით" ნარბში რომ შესციცინებდა „პირველს" და — მისი ფავორიტი ვარო, თავს იწონებდა, დღეს უტიფრად აცხადებს — მთელი ჩემი სიცოცხლე ამ მთავრობას ვეომებოდიო. გარეგნული ნიშნებით (პროფესორია, მწერლობა) ისიც, ვაი რომ, ინტელიგენტად უნდა ჩაითვალოს... მაგრამ ინტელიგენტობა არც პროფესიაა, არც თანამდებობა და არც მხოლოდ ინტელექტით ანუ გონებით მოპოვება „არსობის პურისა", იგი ამასთან ერთად და ამაზე უწინარეს ცხოვრების წესია, გარკვეული ზნეობით ცხოვრების წესი.

— მიხეილ ჯავახიშვილს უწერია, როცა ხალხი ბელადს ეძებს, იგი თუნდაც ხის ფულუროდან გამოვარდებო... როგორია თქვენი დამოკიდებულება არაფორმალებისადმი?

— თუ — ბელადებისადმი?

— ეს ცნებები დღეს, ვგონებ, ემთხვევა კიდევ ერთმანეთს.

— ჩემს ბავშვობაში იმდენი გვამღერეს და იმდენი ლექსი გვათქმევინეს ბელადზე, რომ სამისდღეშიოდ შემაძულეს ყველა ბელადი და ბელადობა. ეს ტერმინიც და მისით გამოხატული მოვლენაც რაღაც გადმონაშთად, პოლიტიკურ ატავიზმად მიმაჩნია; „ბელადს" თუ ფერ-უმარილს ჩამოაწმენდ, გამოჩნდება დიქტატორი, უფრო — ტირანი, რომელსაც ზოგან ფიურერი ჰქვია, ზოგან აიათოლა, ზოგან დუჩე, ზოგანაც, შინაურულად, ესა თუ ის „იჩი". ბელადი და კერპი, ასე მგონია, ნგრევას უნდა, იგი ნგრევის ნაყოფია. შენებას ბელადი არ სჭირდება, შენების ვენებას კერპი ვერ გააღვივებს. ამას ჩვენი საუკუნის ისტორია ადასტურებს: ბევრი ვანგრით და ცოტა ვაშენეთ, რაც ვაშენეთ, ისე არ უნდა გვეშენებინა... საერთოდაც — თურმე ის არ გვიშენებია; არ გვიშენებია იმიტომ, რომ ბლომად ბელადები გვყავდა — საზარელი ბელადებიც და სასაცილო ბელადუკებიც. ჩვენს ბელადებს კი სწრაფად და იაფად მშენებლის ფსიქოლოგია აქვთ: დასანგრევის გამოსზივრვას იმისაგან, რაც შესანარჩუნებელია, შრომა უნდა, სათანადო ცოდნა და კულტურა, თანაც ეს ძვირი ჯდება, დროც ბევრი სჭირდება. ამიტომაც — დინამიტი და მისი ჯანი — მოსწორებულ ალაგას სწრაფად და იაფად ავაშენებთ ახალ-ახალი ილუზიების სუხულებს. თანაც ბელადობის ბაცილა, ეტყობა, გადამდებია და, ადამიანისა არ იყოს, ქვეყნები და ხალხები მეტ-ნაკლებად არიან მისკენ მიდრეკილნი. რუსეთი — არის, რუსივე მეცნიერების აზრს მოგახსენებთ; ინგლისს კი ბელადები არა ჰყავს, თუმცა დიდი პოლიტიკოსები — თუნდაც ამ საუკუნეში — რუსეთზე ცოტა როდი ჰყოლია; ჩვენ, ქართველებიც, ვართ დაავადებული „ბელადომანიით"... არა რუსული ვარიანტით — ბელადი რომ უნდათ, არამედ ქართულით — ბელადობა რომ უნდათ.

ისე, „ბელადომანებს" ნუ დაავინყდებათ — ჩვენ ძველ რელიგიურ წარმოდგენათა მემკვიდრენი, არქაულ კულტურათა „ნახსლეტები" ვართ, კერპებს კი იქ ზოგჯერ ფლეთენ და ჭამენ კიდევც.

რაც შეეხება არაფორმალებთან დამოკიდებულებას — ჩემთვის უფრო

ფასეულია ადამიანთა დაყოფა ჭკვიანებად და ბრიყვებად, პატიოსნებად და თაღლითებად, მამაცებად და მხდალებად, ვიდრე — ფორმალებად და არა-ფორმალებად. დამოკიდებულებაც ხალხთან მხოლოდ ამ ნიშნების მიხედვით უნდა ჰქონდეს, ჩემი აზრით, კაცს.

ვიცნობ და პატივს ვცემ ბევრ ჭკვიან, პატიოსანსა და მამაც „არაფორმალს“... ასევე, ვიცნობ ბევრ ბრიყვ, თაღლითსა და მხდალ „ფორმალსაც“, რომელთაც პატივს არა ვცემ...

და — პირიქითაც!

ახლა ტერმინთა შესახებაც: დღეს, შეიძლება, კაცი დაიბნე — რას ნიშნავს „არაფორმალი“ და ვინაა „არაფორმალი“; გავრცელებული მოსაზრების მიხედვით, „არაფორმალები“ ისინია, ვინც ხელისუფალთაგან სანქციადაურთველად ერთიანდებიან და საქმიანობენ საზოგადოებრივად საჭირობოროტო საკითხების გადასაჭრელად შექმნილ ნებაყოფლობით ორგანიზაციებში. საზოგადოებრივად საჭირობოროტო კი ჩვენთვის, პირველ ყოვლისა, ეროვნული საკითხია. ისიც სათქმელია, რომ ხელისუფლება ხშირად სწორედ ამ ეროვნულ პრობლემატიკას უგულებელყოფდა ხოლმე, ამიტომაც „არაფორმალებს“ არცთუ უსაფუძვლოდ უკავშირდება ჩვენი ეროვნული სატიკერის ჭირისუფლობა... ასეა ჩვენში, მაგრამ — ასეა ყველგან? ყრილობის შემყურე, განა ადვილად გასათარებელი იქნება თქვენთვის ზღვარი, ვთქვათ, ბალტიისპირელ „ფორმალსა“ და შუაზიელ „არაფორმალს“ შორის? ამიტომაც ჩვენ, ეტყობა, „ფორმალ-არაფორმალთა“ დაყოფის საკითხს ფორმალურად არ უნდა მიეუდგეთ: არის ხალხი, რომელიც არაფორმალური ორგანიზაციის წევრი ფორმალურად არ არის, მაგრამ რეალურად მათი საქმე უკეთებია და აკეთებს; მეორე მხრივ, „არაფორმალურ“ ორგანიზაციებშიც, ეტყობა, მოიძეევა ხალხი, ფორმალური (და — „ნამეტურ“ ფორმალური) ორგანიზაციის საქმეს რომ აკეთებენ რეალურად.

— ჩვენ, სტუდენტებს, ხშირად გვბრალდება დილეტანტობა... თქვენც გვისაყვედურეთ რუსთაველის საზოგადოების ყრილობაზე — მეტი უნდა იკითხოთ, პროფესიონალიზმშია საჭიროო... მაგრამ, თუ ეს ასეა, ვის უნდა მოეკითხოს, ბატონო თამაზ, ამაზე პასუხი?

— მიგიხვდით... აკაკის „გამზრდელი“ მეც მახსოვს... ჩვენ უნდა მოგვეკითხოვს, ცხადია... ზოგადად და საერთოდ, მთელ ჩვენს მანკიერ სისტემას აღზრდა-განათლებისას, ყველას — საბავშვო ბაღის აღმზრდელით დანყებული — რექტორებით დამთავრებული. პირადად მეც. ისე, ალბათ, არც თქვენ დაგაკინყდებოდათ — „მაგრამ მარტო წვრთნა რას უზამს, თუ ბუნებამც არ უშველა“.

რუსთაველის საზოგადოების ყრილობაზე ჩემი გამოსვლა მიხსენეთ... პირდაპირ ვიტყვი, ახალგაზრდობის როლი ეროვნულ მოძრაობაში სრულიად განსაკუთრებულია; ამის დაუნახაობა ზნეობრივი სიბრმავე იქნებოდა:

პირველ ყოვლისა, სწორედ ახალგაზრდობამ შეუშვირა მეკრდი ცხრა აპრილს საქართველოსათვის მოქმედ ალესილ ნიჩაბს; კეისარს კეისრისა — დიდება და პატივი ამისათვის მათ! მაგრამ ამასთანავე მიიდა ერთ, საზოგადოებრივად საზიანო, ტენდენციასზე სწორედ ახალგაზრდობის ყურადღების გამახვილება: ვერ დავმალავ, რალაცნაირი ლიქნისა და ლაქუცის ატმოსფეროა მათ ირგვლივ ახლა შექმნილი. ამაში ბრალი მეტწილად ჩვენ, უფროსებს, მიგვიძღვის, თუმცა „ნეობოლშევიკურ“ მეთოდებს — აზრის და ტერორებასა და მონოპოლიზაციას, სამწუხაროდ, ზოგჯერ ახალგაზრდობაც მიმართავს. ეს მოსალოდნელიც იყო ჩვენი დეგრადაციის გრძელ, თითქმის საუკუნოვან გზაზე. ტყუილად კი არ ამბობს ქართველი: პაპის ნაჭამმა ქლიავმა კბილი შვილიშვილს მოკვეთაო — რაც დიდმა პაპებმა დაგვითესეს, შვილიშვილებიც იმას ვიძკით. დაგვითესეს კი უპატივცემულობა კანონისა (მართალია, იმპერიის — მაგრამ მაინც!), უღმერთობა, კამოს კულტი, გაფიცვების, დემონსტრაციებისა და, საერთოდ, რევოლუციური ძალადობის პეროიკა; მისაბამ გმირებად დაგვისახეს იდეისათვის მამის გამცემები და შვილის მკვლელები. მთელ თაობებს ამით ყურებს გვიჭედდნენ, და ნურავინ დაიტრიაბახებს, ამგვარ გამომათავყვანებელ იდეოლოგიურ „დამუშავებას“ თავისი „დანალექი“ არ დაეტოვებინოს ჩვენს ფსიქიკაში. მაგრამ ყველაფერი ეს დღევანდელი უზნეობის გამამართლებელ არგუმენტად ვერ გამოგვადგება ვერც ჩვენ და ვერც ჩვენს შვილებს.

მე ქართველი ინტელიგენციისა და, განსაკუთრებით, ქართული მწერლობის მიმართ გამოვლენილი უდიერი დამოკიდებულება მადარდებს. რიღსა და კრძალვას დავეხსნათ — როცა საზოგადოება ზნეობრივად და სოციალურად „შეიმღერევა“, ამის მოთხოვნა ზედმეტი ფუფუნება იქნებოდა — მაგრამ ელემენტარული სამართლიანობის გრძნობა ახალგაზრდულმა მაქსიმალიზმამაც კი არ უნდა დაგვაკარგვინოს.

ახლა კი რა ხდება? — ახლა თურმე შეიძლება მთელ თანამედროვე ქართველ მწერლობას სილა გაულანუნო, შეიძლება მან დიდსულოვნად მეორე ლოყაც მოგიშვიროს და შენც, ბოდიშის მოხდის ნაცვლად, მონყალედ მოუცაცუნო ხელი ამ ლოყაზე — ყოჩაღ, გამოსწორების გზას ადგახარო... ამას, ვაი რომ, დასაშვებად მიიჩნევს საზოგადოებრივი აზრი. მაგრამ ვინც ასეთი შეუვალე და მომთხოვნია სხვათა მიმართ, მან სხვებისაგანაც უნდა მოითმინოს შენიშვნა და, უცდომლობისა და ხელშეუხებლობის ყალბი მანტია, სხვებს რომ ჩამოგლიჯა, თვითონ არ უნდა მოიგდოს მხრებზე.

— დღეს შეუძლებელია საზოგადოებრივ სატიკივარზე ისაუბრო კაცმა და საკავშირო უზენაესი საბჭოს ყრილობა არ ახსენო...

— ჩემი აზრით, ყრილობამ წარმოაჩინა ჩვენი პოლიტიკურ-პარლამენტური ცოდნა-შესაძლებლობების სიმწირე. არა მარტო ჩვენი დეპუტაციისა, არამედ, საერთოდ — ქართველობისა. პასიურობთო, ვუსაყვედურეთ ჩვენს დეპუტა-

ტებს, ირონოულად „დუმოლის ბიჭებიც“ დავარქვით, მაგრამ ცუდ აქტიურობას ისევ პასიურობა სჯობს. სასიკეთო აქტიურობას კი ისეთი პოლიტიკური განათლება და პარლამენტური ბრძოლის ხერხების ისეთი ღრმა ცოდნა სჭირდება, ბალტიისპირელებმა რომ გამოავლინეს. სხვა დონეა, სხვა ტრადიცია... ჩვენ კი საპარლამენტო ბრძოლისათვის გამოსადეგი ოთხი-ხუთი კაცის გარდა, ასე მგონია, ვერავის მოვისაკლისებთ მთელს ჩვენს დელეგაციაში. ბევრი რამ ითქვა ყრილობაზე საინტერესო, უფრო საგულისხმო კი ის გახლავთ, რაც იქ არ თუ ვერ ითქვა. მაინც არ მტოვებს განცდა, რომ სპექტაკლს ვუყურე... ცხადია, იყო გაუთვალისწინებელი, იმპროვიზებული მომენტებიც, მაგრამ იმპროვიზაცია დაგვემილ-ნარეპეტიცივალ ნარმოდგენებშიც გვინახავს.

საგულისხმოზე საგულისხმოა, რომ ყრილობაზე ჯერ ყრუდ „ჩაგვიხველეს“ ეგრეთ წოდებულ „მესხეთის თურქებზე“, მერე კი — თითქოსდა უჩინარი დირიჟორის ჯოხის დაქვევებაზე — ხოცვა-ჟლეტის გნისაი მოგვასმენინეს ფერგანიდან. მეტი რიხი ჩაუდგა ხმაში პატივცემულ რაფიკ ნიშანოვს — უზბეკეთის მინა უზბეკებსავე არა გვეყოფნის, მუშახელის სიჭარბეა და „მესხეთის თურქები“ საიდანაც ჩამოგვითესლეს სტალინმა და ბერიაძემ, იქვე „გადანერგონ“, მათ ხომ აქვთ თავიანთი სამშობლო.

ამის პასუხად, ალბათ, საჭირო იყო ყრილობაზევე რალაც ფორმით დასმულიყო კითხვა: საქართველოში მაცხოვრებელ არაქართველთაგანაც ბევრს აქვს თავისი ისტორიული სამშობლო, თანაც ბევრად უფრო უდავო, ვიდრე „უზბეკ თურქებს“ (ეს გონჯი ტერმინი მაინც უფრო ზუსტი ამსახველია რეალობისა, ვიდრე „მესხი თურქები“). ქართული მინა მართლაც აღარ გვეყოფნის ქართველებს, მთელი პრობლემა მთიანი აჭარისა და სვანეთის ქართველთა განსახლება არაქართველებით დახუნძლულ ქართულ მიწებზე... თუ მოგეწონებათ, პატ. რაფიკ, რომ ჩვენც ავდგეთ და დავსვათ საკითხი თავ-თავიანთ ისტორიულ მიწებზე მათი დაბრუნებისა? ცხადია, ეს ხალხები „მესხეთის თურქებივით“ ეტაპით არ ჩამოუყვანიათ ჩვენთან, მაგრამ განა არის პრინციპული განსხვავება, ეტაპით ჩამოგისახლებენ ხალხს თუ — ეტაპობრივად?

გული მითქვამს, ერთ არგუმენტსაც, ალბათ, დაიხვეწენ ხელზე თუნდაც ეროვნებათა საბჭოში: განა თვით ქართველი ინტელიგენცია არ მოითხოვდა და ახლაც არ მოითხოვს ამ ხალხის რეპატრაციასო? ჯერ ერთი, თუ მოითხოვდნენ, მოითხოვდნენ მესხების დაბრუნებას და არა თურქებისას; მეორეც — რასაც და როგორც ამ ოცდახუთი ან, თუნდაც, ათი წლის წინათ მოითხოვდნენ, ის ამ სწრაფად მბრუნავ წუთისოფელში სადღეისოდ მოსათხოვნი ხშირად აღარც არის ხოლმე. ისე კი, ცოტა უცნაური ხალხი ვართ ქართველები... მაინტერესებს, დასტური რომ მიეცა ათეულ ათასობის ქართულის არმცოდნე და მესხეთში „თურქული კულტურულ-პოლიტიკური ავტონომიისათვის“ მებრძოლი ხალხის ჩამოსახლებაზე, ხომ თავზე დავამ-

ხობდით (და სრულიად სამართლიანადაც!) საქართველოს მთავრობას მთავრობის სასახლეს? ცხადია, სწორედ მთავრობამ დაუშვა ოც-ოცდაათი-ან წლებში უმძიმესი შეცდომები, ეროვნული დანაშაულის ტოლფასი, მესხთა მიმართ, მაგრამ ძველის ინერციით სადღეისო გადაწყვეტილებათა შეფასება ყოველად დაუშვებელია. საქართველოს მთავრობამ კი, რამდენადაც ცნობილია, არაორაზროვნად განუცხადა საკავშირო სამთავრობო კომისიას: თავისუფალი მიწები არა გვაქვს, რეპატრიანტებს მესხეთში ვერ დავასახლებთ, ხოლო თუ მათ მიინცდამიანც საქართველოში სურთ დაბრუნება, ნანილ-ნანილ, მცირე ჯგუფებად დავასახლებთ იქ, სადაც ამის შესაძლებლობასა და საჭიროებას დავინახავთო. და, ასე მგონია, ეროვნული თვალსაზრისით ეს პოზიცია უფრო მისაღებია, ვიდრე ზოგიერთის მტკიცება — ვინაიდან ისტორიულად სისხლისმიერი ძმები ვართ, რეპატრიანტები თავს რომ თურქებად აცხადებენ, ეს იმდენი არაფერია — გადმოვასახლოთ და ქართულს აქ ვასწავლით, ქრისტიანად აქ მოვაქცევთ და აქ გავაქართველებთო. მახსენდება კონსტანტინე გამსახურდიას მწარე ირონია „ზოგიერთ ბოჩოლა ქართველ ინტელიგენტზე, ყველაფერზე „ნიჩევოს“ რომ იძახის“. თუ ენით, მამულითა და სარწმუნოებით სხვაობა არაფერი ყოფილა, მაშინ ლიტონ სიტყვებად დარჩენილა ილიას „ენა, მამული, სარწმუნოება“. „მესხეთის თურქთა“ დიდმა უმეტესობამ ქართული არ იცის, თავს ქართველად არ თვლის და გამაჰმადიანებულია — ასეთია დღესდღეობით, ჩვენდა საუბედუროდ, რეალური სურათი. ისე, მიწა მორიდებით ვიკითხო: თუ „მესხეთის თურქთა“ მესხეთში „დასაბრუნებლად“ აუცილებელ და საკმარის პირობად მივიჩნევთ მათგან ქართველობის აღიარებას, ვითომ რატომაც არ აღიარებენ ისინი თავს ფორმალურად ქართველებად? თუ ბაგრატიონები მიდიოდნენ ამ ზნეობრივ კომპრომისზე და ფორმალურად მაჰმადიანდებოდნენ, რათა ქართული საქმე ეკეთებინათ, დავიჯერო, სარეაქციები არ „იკადრებენ“ სიტყვის გატეხვას და თავიანთი ისლამური საქმის კეთებას ქართველის პასპორტით? თუ — იმას ვერ დავგპირდებიან, ჯერ ჩამოგვასახლეთ და შვილებს ქართულ სკოლაში შევიყვანთო? შემინდეთ, მაგრამ — ზოგიერთ ჩვენს მართლაცდა „ბოჩოლა“ ინტელიგენტს ასეც ხომ არ წარმოუდგენია, რომ ყოველი გადმოსახლებული მხოლოდ საპირველკლასელ შვილებს წამოიყვანს თან და მეცხრე, მეათე, მეთერთმეტეკლასელებს ფერგანაში დატოვებს? ჩამოსახლებე ასეთ ოთხ-ხუთ ოჯახს თუნდაც ქართულ გარემოში და მაშინვე წამოიჭრება იქ რუსული სკოლების გახსნის საკითხი. ასამდე ჩამოსახლებულის ოჯახის საბოლოოდ გაქართველებაც გვიჭირს (უკანასკნელ აღწერაში ბევრმა მათგანმა კატეგორიულად მოითხოვა თურქად ჩაწერა) და ასეულ ათასობით თურქისა და გათურქებულის ქართველობაზე მომქცევნი ვართ დღეს ჩვენ? ნეტარ არიან მორწმუნენი, მაგრამ მეშინია, ჩვენივე ხელით არ გამოვიჭრათ ყელი.

— თქვენ ნოემბრის დღეებში ტელევიზიით გამოსვლისას ეკლესიასტე დაიმონმეთ — არის ჟამი ქვების დაგროვებისა და ჟამი ქვების სროლისაო. თანაც ბრძანეთ — ახლა ქვების დაგროვების ჟამიაო... როდის დადგება, ბატონო თამაზ, ქვების სროლის ჟამი?

— ეკლესიასტესეული ჟამი ქვების დაგროვებისა და ჟამი ქვების სროლისა მეტაფორული სახეა და მხოლოდ პირდაპირი აზრით არ უნდა გავიგოთ. ბიბლიურ ხანაში ქვებიც საბრძოლო იარაღი გახლდათ და მტრის ჩასაქოლად მართლაც საჭირო იყო ამ ქვების მომარაგება...

დღეს კი ჩვენი დასაგროვებელ-მოსამარაგებელი ცოდნაა... და კიდევ — რწმენა. ეს „ქვები“, ილიას დავესესხები — „მოლაღაღე ქვები“, თავად გვეტყვიან, დაგვიდგა თუ არა ჟამი სამიზნისაკენ დროული და უტყყუარი გასროლისა.

გაზეთი ტელეეკრანი არ არის, მაგრამ არც აქედან გვანყენდა ნიკო ლორთქიფანიძის შეგონების შეხსენება — „მოუწაროთ საქართველოს!“.

ესაუბრა მარინე დონაძე, „ახალგაზრდა კომუნისტი“, 13.6.1989

ყოფნა ქართველობის დონეზე

ნატო ციციშვილი — ბატონო თამაზ, ურთულეს ხანაში ვცხოვრობთ, მიმდინარეობს ქვემარტივი და ყალბი, უგუნური და გონიერი იდეების ბრძოლა. ეს ბუნებრივია, მაგრამ ბუნებრივად სრულებითაც არ მიმაჩნია ის საშიში მოვლენა, როდესაც ოფიციალური ცენზურის გვერდით და ზოგჯერ მასზე უფრო აქტიურად მოქმედებს ეგრეთ წოდებული „ფარული ცენზურა“, მავანი და მავანი პარტიის ან მათი პოლიტიკური ლიდერების სანინააღმდეგო აზრებისა თუ თვალსაზრისთა ამკრძალავი. მიუხედავად იმისა, რომ ყოველგვარი რეგლამენტაცია საშინელებაა თავისუფლებისაკენ მიმავალ გზაზე მდგარი ადამიანისათვის, ჩვენში ამგვარი ცენზურა არსებობს და საზოგადოებისათვის ჩვეულებრივ მდგომარეობადაც კი აღიქმება — უმრავლესობას, ვატყობ, ნაკლებად აღელვებს ეს. რადგანაც მე ჟურნალისტი ვარ...

თამაზ კვაჭანტირაძე — მაპატიეთ, ქალბატონო ნატო, თუ ხანდახან სიტყვაში ჩაგეჭრებით. მტერმოყვრიანი ქალბატონი ბრძანდებით, მზირი და მოთვალთვალე არც მე მაკლია; ჩვენს საუბარს მტერიცა და მოყვარეც ლუპით ნაიკითხავს... ამიტომაც, იქნებ, ამთავითვე დაგვეთქვა: ზოგად-ბუნდოვანი მინიშნებებით ნუ გავტანჯავთ მკითხველს და ნურც იმის იმედად ვიქნებით, გამგები მაინც გაგვიგებს, ნათქვამში რაც ვიგულისხმეო. მაგალი-

თად, ამ ნუთას თქვენ ბრძანეთ — ყოველგვარი რეგლამენტაცია საძინებლებზე თავისუფლების გზას დამდგარი ადამიანისთვისო და მე უკვე მესმის თქვენი ოპონენტების რეპლიკა: როგორ, განა არანაირი რეგლამენტაცია არ გეჭირდება თავისუფლებისაკენ სავალ გზაზე? მე, ჩემი მხრივ, მეტსაც მოგახსენებთ: სწორედ უკმარისი რეგლამენტაცია ზნეობის სფეროში გახლავთ დღევანდელ მრავალ უკეთურებათა მიზეზი. სხვათა შორის, თქვენი გაზეთის ის გახმაურებული დარბევაც ზნეობრივი ურეგლამენტაციობის შედეგია... და — არა მარტო ზნეობრივისა; ნებისმიერი კანონი, ზნეობრივაცა და იურიდიულიც, გარკვეულ შეზღუდვა-რეგლამენტაციას, რაღაცის აკრძალვებს ეფუძნება. მე ასე მნამს, ჭეშმარიტი თავისუფლება კიდევ უფრო ფაქიზსა და ნიუანსირებულ რეგლამენტაცია-შეზღუდვებს მოითხოვს ინდივიდისაგან, ვიდრე უკიდურესი დიქტატურა... აღარაფერს ვამბობ ანარქიასა და ქაოსზე, როცა ყოველგვარი რეგლამენტაციისაგან თავდახსნილი ინდივიდი ხდება მონა თავისივე ბნელი ინსტინქტებისა...

ნ.ც. — კეთილი, დღევანდელ სიტუაციაში, ეგებ, მართლაც ჯობდეს ნაკლებად ვიქონიოთ იმედი, უკულმართულად არ გავვიშიფრონ ის, რაშიც წაღმართიან აზრსა ვდებთ. მე, ცხადია, იმგვარ შეზღუდვა-რეგლამენტაციას ვგულისხმობდი, რომელიც ჭეშმარიტი თავისუფლების მტერია.

იმას მოგახსენებდით — ჟურნალისტი გახლავართ-მეთქი, თანაც — გაზეთის რედაქტორი, და, ბუნებრივია, აკრძალვა-ცენზურის საკითხები განსაკუთრებით მალეღვებს. ჩემი პროფესიისა და მდგომარეობის ადამიანი დღეს ასეთი დილემის წინაშე დგას: ან მოირგოს ოფიციალური თუ არაოფიციალური ცენზურის შაბლონები და საკუთარი თავისუფლების შეზღუდვის ხარჯზე იცხოვროს შედარებით მშვიდად, ან „მართლის თქმისათვის“ საზოგადოების ერთი ნაწილისაგან ლაფისა და ტალახის სასხურებელ სამიზნედ იქცეს... ანუ — იცხოვროს ხიფათიანი ცხოვრებით.

თ.კ. — ქათინაურად ნუ ჩამომართმევთ, მაგრამ „ქართული ფილმი“, ჩემი აზრით, სწორედ ამ ხიფათიან გზას ადგას.

ნ.ც. — ყოველ შემთხვევაში, ვცდილობთ... და თუ ვინმეს იმედად ვართ ამ გზაზე, პირველ ყოვლისა, იმ ჩვენი დიდი კოლეგისა, ვინც ბრძანა: „ყოველს საგანს, ყოველს მოვლენას ცხოვრებისას, ავს თუ კარგს, დიდს თუ მცირეს, ჟურნალ-გაზეთობამ უნდა მიაქციოს ჯეროვანი ყურადღება და შეძლებისამებრ მისცეს სასტიკს გარჩევას, განმარტებას თავისის რწმენისა, აზრისა და ცოდნისდა კვალად. ამ შემთხვევაში მძიმე საქმეზედ იქნება ლაპარაკი თუ უმცირეს საგანზედ, ყველგან, ყოვლისფერში ჟურნალ-გაზეთმა უალრესი და უპირველესი მნიშვნელობა უნდა მისცეს იმ იდეას, იმ დედააზრს, რომლითაც თვითონ სულდგმულობს, იმ გონებითს მხედველობას, რომლითაც თვით უყურებს საგანსა“...

თ.კ. — გეთანხმებით, ილიას მხარდაჭერა დიდი ძალაა, ოღონდ იმის იმედად

არ უნდა დავრჩეთ, რომ ილიას აზრი მისი ამოქმედების, მისი პრაქტიკული ხორცმესხმის გარეშე დათრგუნავს უკეთურ აზრებსა და, რაც მთავარია, უკეთურ ქმედებებს. განზე გადგომითა და პილატესავით ხელის დაბანით — ეს მე უშუალოდ არ მეხებაო, დიდ ცოდოს დავიდებთ... თანაც — მარტო კერძო კაცი-სას არა, მთელი ერისას. ამიტომაც საზოგადოება, ჩემი აზრით, ქმედითად უნდა აღუდგეს წინ თვითმარქვია ცენზორებს, ერის სახელით მოლაპარაკე ახალი დროების ლუკა ისარლოვებს. აქ მარტო ერთ რომელიმე კონკრეტულ პირს როდი ვგულისხმობ — საერთო ტენდენცია შეინიშნება პრესაზე, რადიო-ტელევიზიაზე „დანაღისა“ სხვადასხვა პარტიულ დაჯგუფებათაგან. მასობრივი ინფორმაციის საშუალებანი, შემინდეთ უხერხული შედარებისათვის, ქიშპობის საგნადქცეული ნაძრახი ქალის მდგომარეობაში აღმოჩნდნენ. ვისაც არ ეზარება, ყველა უყვიროს, ემუქრება და ზოგჯერ თმებითაც დაითრევს ხოლმე — სხვას რატომ გაუღიმე, რატომ მიესალმე და ხელი რატომ გაუნოდო. რას ვიზამთ, ეტყობა, ესეც იმ დროების ინერციის ბრალია, როცა ჩვენს პრესას მართლაც კახპასავით ექცეოდა ხელისუფლება და მისი ცენზურა და, მცირე გამო-ნაკლის გარდა, რასაც უნდოდა, იმას აკეთებინებდა. ახლა სხვა დროა, პრესამ, მასობრივი ინფორმაციის საშუალებებმა თითქოს დააღწიეს თავი ძალადობის წინეს... და მით უფრო საოცარია მოძალადეთა როლში ხილვა იმ ძალებისა, ვინც სწორედ ძალადობას უნდა აღუდგეს წინ. ორიოდ სიტყვა ჩვენზეც, რედაქტორებზეც, ვთქვათ. სამწუხაროდ, ზოგჯერ ჩვენც დავნებდით ამ პარტიულ მოძალადეებს და ჩვენს უპრინციპობასა და „ნაჯექ-უკუჯექობანას“ აზრთა პლურალიზმით ვნათლავთ. მარტო რედაქტორებსაც არ შეგვეყრია ეს სენი, ვაი რომ, ამით ლამის მთელი მასა დაავადდეს. რას ვიზამთ, „ბედნიერი ერის“ კომპლექსია. ალექსანდრე სარაჯიშვილს უთქვამს თითქმის საუკუნის წინ: ქართველი ისე მიეჩვია მონობას, ბატონის გამოცვლა თავისუფლება ჰგონიაო. უბატონობას ვერ ვეგუებით, პიროვნულ პასუხისმგებლობას ვუფრთხით, რაც ერთი მთავარი ნიშანია ხალხის გადაქცევისა ბრბოდ. ესეც უნდა ითქვას: ხალხი მარტო ანარქიის დროს კი არ გაბრბოვდება, არამედ — დიქტატურის ფაშასაც; ამ დროს იგი შეიძლება უაღრესად ორგანიზებულიც იყოს, მაგრამ პრინციპულად მაინც ბრბოა, რამდენადაც იქცევა პიროვნულობადაკარგულ მასად, რომელიც ქვეყრივით ამოიძახებს იმას, რასაც „ბელადი“ ჩასძახებს ხოლმე. ცნობილი ამბავია, უღელში გამოქნილ ხარს, უღლიდან გამოხსნილს, ქედი აჰქავდება ხოლმე — ისეც უღელი უნდა, სახრე ენატრება. შემთხვევითი როდია სტალინიზმის ასეთი აზავება ჩვენში... ბელადი მოგვინდა, სახრე მოგვენატრა და უღლისაგან გადაშვლემილი კისრებიც აგვექავდა... ხოლო როცა ბრბოს სახედრის ინსტინქტი დაეუფლება, გამხედველი ყოველთვის გამოუჩნდება... თვითონ გააჩენს, თვითონ შექმნის მას, ვინც უნაგირს დაადგამს, ლაგამს ამოსდებს და აქავებულ ზურგზე მოაჯდება. ლენინიც, სტალინიც მონობის კლასიკურმა ქვეყანამ, რუსეთმა, შექმნა. საუბედუროდ, ამ რუსეთის ნაწილად გვაქციეს ეს

ორი საუკუნეა და, რა გასაკვირია, თუ ბელადომანია ჩვენც გადმოგვედო. ნინათ ვფიქრობდი, რომ ჩვენ ბელადომანიის რუსულისაგან განსხვავებული ვარიანტი გვქონდა — იქ თუ ბელადი უნდათ, აქ ჩვენ თვითონ გვინდა ბელადობა. ბოლო მოვლენები მარნმუნებს, რომ ამ მხრივაც „გაერუსებულვართ“... დაესწარით ზოგიერთ მიტინგს და თვალნათლივ დარწმუნდებით ამაში... როგორ მოგვძალებია ნოსტალგია „რკინის ხელისა“! ისტორია მეორდება ხოლმე: ოცდაჩვიდმეტმაც გაუფტვრინდით ამ ხელს, გვეგონა, მხოლოდ სხვას, ჩვენს მონინაალმდეგეს, ნაუჭქრდა ყელში და ჩვენს საქნელსა იქმდა... და მოგვეზლო კიდევ საზღაური ჩვენივე გულდედლობისა და უკეთურებისათვის... ისტორია მეორდება-მეთქი... ჯერ საზოგადოება „სტალინსა“ ვქმნით, ჯერ პატარ-პატარა სტალინუკები დავერევიტ ერთმანეთს და გზას გაუწმენდთ აპოკალიფსურ მხეცს, სატანას, ანტიქრისტეს, რომელიც მოსრავს ბრალიან-უბრალოს, უპირატესად — უბრალოს. დიდ არს საცდური ძალაუფლებისა...

ნ.ც. — ჭეშმარიტად, ბატონო თამაზ. ეს საცდური ადამიანს ზოგჯერ ისე შეეპარება გულში, თვითონვე ვერ ამჩნევს. სიტყვამ მოიტანა და, ძალაუფლებისაკენ სწრაფვად მიგაჩნიათ თუ არა ქვეყნის მმართველ ინსტიტუტებში (პარლამენტში, მთავრობის კაბინეტში) მონაწილეობა? ამაზე, ალბათ, თქვენც ვფიქრიათ: რამდენადაც ვიცო, არასოდეს არავითარი სახელისუფლო თანამდებობა არ გკავებიათ, ახლა კი დასთანხმდით დეპუტატობის კანდიდატად დაესახელებინეთ როგორც კონგრესში, ასევე უზენაეს საბჭოში.

თ.კ. — ნელან რომ მოგახსენეთ, ბელადომანია გვჭირს, ერთმანეთს დავერიეთ და ვერც ძალაუფლების საცდურს ვუძღვებთ-მეთქი, პირველი პირის ფორმა მარტო სტილისტურ საშუალებად არ გამომიყენებია: რა ცოდვებიც ხალხსა სჭირს, მას, მეტ-ნაკლებად, ამ ხალხის შემადგენელი კაცნიც ვინაწილებთ ხოლმე... ღირსებებსაც, რასაკვირველია. საერთოდ კი, თუ არ ვიფარისევლებთ, უნდა ვალიაროთ: ძალაუფლებისაკენ ლტოლვა უძლიერეს ადამიანურ ვნებას წარმოადგენს და მისგან აბსოლუტურად დაცლილი არც არავინ მეგულება. მაგრამ სხვა არის, როცა ეს ვნება ზნეობისა და რელიგიის სადინარებში მოექცევა, გაკეთილშობილდება და სხვისი — უზენაესის, იდეის, მოყვასის — მსახურების სახეს შეიძენს, და სულ სხვა რამ ხდება, როცა ყოვლისწამლექავი ძალით შეიპყრობს კაცს, აკვიატებულ იდეად ექცევა, სულს სატანისათვის მიაყიდვინებს და მერე ამ სულს კერპადქცეულ საკუთარ თავსვე შეაწირვინებს... თუმცა, მხოლოდ საკუთარი სულის წარწყმედაზე რომ იყოს საქმე! სხვათა სულები ეწირება ძალაუფლების ვნებას ატანილ მანიაკთა ჟინსა და ხუმტურს.

ისიც სათქმელია, რომ ძალაუფლების ვნება-წადილი ყოველთვის როდია ადვილად ამოსაცნობი: ზოგჯერ იგი, რომ იტყვიან, ყვირის, თვალში გეხირობა, ზოგჯერ კი დამალულ-შენიღბულია და, თქვენ წარმოიდგინეთ, გარეგნულად ტირანისათვის საპირისპირო ცხოვრების წესში ვლინდება.

თითქოსდა, ვინ უნდა იყოს ამა სოფლის ამაოებათაგან განმდგარ, ყოველგვარი ხორციელი პატივისგან განძარცვეულ ბერზე ან კარის-კარ ხელგაშვერილ მათხოვარზე უფრო თავმდაბალ-ქედდადრეკილი, მაგრამ ცნობილი გახლავთ სწორედაც ბერული ამპარტავენობა, სწორედაც გლახაკთა მზვანობა; შემთხვევით როდი ბრძანებს გურამიშვილი: „სძულს ღმერთსა ამპარტავენობა მეტადრე გლახა მწირისა“. ასე რომ, ნურავის მოვეტყუებინებით — მოკრძალების საფარქვეშ დამარბული პატივმოყვარეობის აფეთქება ხშირად უარესს გვიქადის, ვიდრე გამოვლენილი ამბიციები.

ამ ზოგადი მსჯელობით სულაც არ ვაპირებ თავი დავიძვინო თქვენ მიერ პირდაპირ დასმული შეკითხვისაგან; გიპასუხებთ: მართვის სისტემებსა და ინსტიტუტებში მონაწილეობა, ჩემი აზრით, თავისთავად არ უნდა იყოს ძალაუფლებისაკენ სწრაფვის გამომხატველი. პირიქით მგონია — „კოლექტიურმა ძალაუფლებამ“, უფრო ზუსტად, ნებაშ, გამოვლენილმა კონგრესის ან უზენაესი საბჭოს სახით, უნდა შეზღუდოს ერთპიროვნული ანუ დიქტატორული სწრაფვა ძალაუფლებისაკენ. მეც ვიცი — არც სენატის ინსტიტუტის არსებობას ძველ რომში, არც რაიხსტაგს ბერლინში და არც უზენაეს საბჭოს მოსკოვში ხელი არ შეუშლია კალიგულას, პიტლერის, სტალინის ტირანიისათვის. მაგრამ ამის გამო „კოლექტიური ძალაუფლების“ მარეალიზებელ სტრუქტურათა მიზანშეწონილობა საეჭვოდ არავის გაუხდია... ასევე — მათში მონაწილეობა თავისთავად არ ნიშნავს ინდივიდუალური ძალაუფლებისათვის ბრძოლას.

ნ.ც. — და მაინც, რამდენად შეიძლება შეეთავსოს ერთმანეთს ერთსა და იმავე დროს კონგრესისა და უზენაესი საბჭოს წევრობა?

თ.კ. — კონგრესი და უზენაესი საბჭო არ მიმაჩნია ერთმანეთთან ალტერნატიულად დაპირისპირებულ არჩევით ორგანოებად. ერთშიცა და მეორეშიც კანდიდატად დასახელება მე პირადად დიდ პატივად მიმაჩნია, ოღონდ არა ძველებური, პრესტიჟულობის გაგებით — ეს გახლავთ პატივი ხიფათში თავის ჩაგდებისა. მე ასე მნამს: დღეს უზენაეს საბჭოსა და, განსაკუთრებით, კონგრესში არჩევით ერი პატივს გდებს მისი გულისათვის თავი საფრთხეში ჩაიგდო.

ნ.ც. — ერთი დიდი ქართველის ნათქვამი მახსენდება: „ან პატივსა ეხედავ და პატივისაგან შეშინის...“

თ.კ. — დიახ, გრიგოლ ხანძთელი მღვდლობის პატივს ერთგვარად უფრთხის, ესეც კი ხორციელ დიდებად მიაჩნია, რისთვისაც „პატივი“ ანუ სასჯელი, ტანჯვა (სულიერი, ცხადია) მიეგება. ძველად უფრო ღრმად სწვდებოდნენ „პატივის“ არსს, როდესაც მას „ტანჯვას“ და არა განცხრომა-ნებივრობას უკავშირებდნენ.

ნ.ც. — როგორ ფიქრობთ, აირჩევა კონგრესი? აირჩევა უზენაესი საბჭო?

თ.კ. — ორივე არჩევნებს ჩაშლის საფრთხე ემუქრება, განსაკუთრებით —

კონგრესისას. ხელისუფლება რომ კონგრესის არჩევას შეეწინააღმდეგოს ფარულად თუ აშკარად, ეს გასაგებიც არის და ლოგიკურიც: კონგრესის არჩევით იქმნება ერის ნდობის მანდატით აღჭურვილი, საერთაშორისო სამართლის ისეთი სუბიექტი, რომელიც კოორდინაციას გაუწევს ეროვნულ-განმათავისუფლებელ მოძრაობას და არაფრით არ იქნება არც იურიდიულად დამოკიდებული საბჭოურ სტრუქტურებზე და არც შეზღუდული დღეს მოქმედი საბჭოური კანონმდებლობით. არსებული ხელისუფლებისაგან ასეთი ორგანოს მიუღებლობა სრულიად გასაგები და ლოგიკურია-მეთქი, მაგრამ მთლად გასაგები და თანმიმდევრული არ უნდა იყოს პოზიცია ზოგიერთი პარტიისა და პარტიული ბლოკისა, ასეთ გააფთრებულ წინააღმდეგობას რომ უწევენ კონგრესის არჩევნებს. მით უფრო, რომ ზოგი მათგანი თავს შეურიგებელ ოპოზიციად მიიჩნევს... მით უფრო, რომ კონგრესის ფუნქციები და მიზანდასახულობა მათ მიერაც იყო განსაზღვრული და დოკუმენტურად დამონმებული ეროვნულ მოძრაობაში მონაწილე პოლიტიკურ ორგანიზაციათა პირველ კონფერენციაზე. კონგრესი ხომ შესაბამისი რეზოლუციის საფუძველზე აირჩევა: კონცეპტუალურად არაფერი შეცვლილა, შეიცვალა ცალკეულ პარტიათა ხელმძღვანელების პიროვნული ურთიერთდამოკიდებულება, ეს კი დიდი პოლიტიკის განმსაზღვრელი არ უნდა იყოს: აქ იდეები, კონცეფციები უნდა უპირისპირდებოდნენ, შორდებოდნენ და უახლოვდებოდნენ ერთმანეთს და მხოლოდ ამაზე დაქვემდებარებით — ამ იდეათა მარეალიზებელი პირები (ცხადია, თუ ისინი თავს პოლიტიკოსებად მიიჩნევენ და არა უბანი-უბანზე მისულ უბნის ყოჩებად). მეუხერხულება, მაგრამ, ეტყობა, მაინც გვეჭირდება პოლიტიკური ანაბანას შეხსენება: პოლიტიკაში „მომწონს“ - „არ მომწონს“ ნონსენსია, აქ „საჭიროა“ - „საჭირო არაა“ კატეგორიებით აზროვნებენ.

ნ.ც. — მაგრამ, ეგებ სწორედ კონცეპტუალური დამოკიდებულება შეიცვალა კონგრესის მიმართ მრავალპარტიული არჩევნების პირობებში?

თ.კ. — შეიძლება, ეგრეც იყოს; შესაძლოა, ზოგიერთ პარტიას მართლაც მიაჩნდეს, რომ ახალარჩეული უზენაესი საბჭო შეითავსებს ყველა იმ ფუნქციას და აღასრულებს იმ მისიას, რაც ეროვნულ-განმათავისუფლებელი ძალების კონფერენციამ და ყრილობამ დააკისრა კონგრესს. ჩემი აზრით, ეს პრინციპულად შეუძლებელია. ყველაფერს რომ დაეხსნათ, განა უზენაეს საბჭოს შეუძლია ან ევალება შეასრულოს ეროვნული მოძრაობის მაკოორდინებლის ფუნქცია? ცხადია, არა. აქ ერთი ფსიქოლოგიური ნიუანსიც არის, რაც, ჩემი აზრით, რთულ სიტუაციაში აყენებს კონგრესის მონინალმდეგე, მაგრამ უზენაესი საბჭოს მომხრე იმ პარტიებს, თავს რომ შეურიგებელ ოპოზიციას უწოდებენ; ფაქტია, საქმით მათ უწევთ არსებულ ხელისუფლებასთან თანამშრომლობა. მე, პირადად, ამაში ვერაფერს ვხედავ საძრაბისს: თუ საქართველოს წაადგება, „ეგრეთ წოდებულებთანაც“ უნდა ითანამშრომლო, ოღონდ მაშინ შეურიგებელი ოპოზიციონერის „ტიტულს“

უნდა შეელიო, თორემ ადგება ვინმე (თუნდაც „ეგრეთ ნოდებულ“ მთავრობა) და შენც „ეგრეთ ნოდებულ“ შეურიგებელ ოპოზიციას გინოდებს.

ნ.ც. — გიცდიათ თუ არა, ბატონო თამაზ, ამოგვეცნოთ მომავალი? საერთოდაც, გნამთ თუ არა, რომ ეს შესაძლებელია?

თ.კ. — ყვავს, ალბათ, გაუჭირდება დააჯეროს თხუნელა, რომ შესაძლებელია შეუხებლად და უყნოსველად, მხოლოდ თვალთ, აღქმა საგნისა. აბა ვცადოთ და დაბადებით ბრმას მთელი სისავსით შევაგრძნობინოთ, რა არის თვალი და რა არის ხედვა. ცხადია, მნამს, რომ არსებობს ნათელმზილველის ნიჭი, რომელიც მომადლებული აქვთ წინასწარმეტყველებს, მაგრამ, საუბედუროდ, მე ამ უნარს არა ვფლობ. თუმცა, რატომ — საუბედუროდ? წინასწარ დანახულ „ხვალეს“ მე უკვე ნაცხოვრებ „ხვალედ“ ჩავთვლიდი, ხოლო ჩავლილი დღის, თუნდაც იბლიანის, ზუსტი განმეორება რა ტანჯევაცაა ადამიანისათვის, ამას, ალბათ, ყველაზე უკეთ პატიმარი მიმიხედება, ვისი „ხვალე“, გარეგნულად მაინც, „დღეს“ ასლია. მაგრამ დავეხსნათ წინასწარმეტყველებს, ჩვენც, ჩვეულებრივი მოკვდავნი, საგანთა და მოვლენათა ცვლილება-განვითარების ლოგიკიდან გამომდინარე, ყოველთვის ავიგებთ ხოლმე სავარაუდო „ხვალეს“, რომელიც ხან მეტად, ხან ნაკლებად მართლდება, ზუსტად კი — არასოდეს.

ნ.ც. — როგორია, თქვენი აზრით, ჩვენი საზოგადოებრივი ცხოვრების სავარაუდო „ხვალე“?

თ.კ. — ქალბატონო ნატო, ვშიშობ, ორაკულის როლი თავხედად, მეტი რომ არა ვთქვათ, ხომ არ გამომაჩენს თქვენი და თქვენი გაზეთის მკითხველის თვალში?.. მაგრამ გავბედავ და ერთ, საზოგადოებრივად სამიმ სახვალეო ტენდენციასზე კი გაეამახვილებ თქვენს ყურადღებას — ეს გახლავთ არნახული, არქარებული, მძაფრი აყვავება-გაფურჩქვნა სიძულვილისა: გაილაღა სიძულვილმა შინ და გარეთ, მიტინგებსა და აუდიტორიებში, გაზეთებსა და ტელეეკრანზე, ქურებსა და ოჯახებში. დღეს სიტყვებით ვგესლავთ და ვკოდავთ ერთმანეთს, ხვალ — ვაი ჩვენდა, — ტყვიას ვესვრით, ქვას დავკრებთ ერთურთს. თუმცა — რატომ „ხვალ“? განა უკვე დღეს არ გავაციინეთ მტერი და გული არ მოუხზარმეთ მოკეთეს? განა დღეს არ დავამტვრიეთ ცხვირ-პირი პოლიტიკურ მონინაალმდეგს და შეურაცხეყავით ხნიერი, ღირსეული, სათნო მანდილოსანი? განა დღეს არ მოვითხოვეთ ნიგნების დანვა და შინ არ მივცვივდით ჭორისა და ცილისწამების სამიზნედ ქვეულ ადამიანებს? განა დღეს არ ავჭედეთ მწერალთა კავშირის კარები და განა დღეს არ ვუნყობთ დაუსწრებელ სასამართლოებს ერთმანეთს? დაბოლოს, განა დღეს არ დავარბიეთ გაზეთი, ალყაში მოვაქციეთ ტელევიზია, ავაფთქეთ და ავტომატის ჯერით დავცხრილეთ პოლიტიკური მონინაალმდეგის სამყოფელი? რალა დაგვრჩა? ერთმანეთის დახოცვა? შვილების მოტაცება? ოჯახების გადაბუგვა? ამასაც ვიზამთ, თუ გონს არ მოვეგეთ და ბოროტებისა და სიძულვილის ლენცოფა ჩვენი ხელით არ ამოვიძირკვეთ ჩვენივე გულებიდან.

ვიცი, ამას ყველაფერს თავისი ობიექტური მიზეზები აქვს: თავისუფლება-ნაგვრილი, სახელმწიფოებადამზობილი და, აქედან გამომდინარე, პოლიტიკურად გაბოგანებული ხალხი, რომელსაც, ღვთის მადლით, ვერც თავისი დიდებული წარსული დაავინყეს და ვერც ღირსებოანი „ხეაღეს“ იმედი ამოუფრთხეს გულიდან, ყოველთვის დაიგროვებს გულში ბოლმასა და სიძულვილს. ეს, კაცმა რომ თქვას, არცაა სიძულვილი, რამდენადაც საფანლად სიყვარული — თავისი ენის, თავისი ჯიშის, თავისი ისტორიის, თავისი ცხოვრების წესის სიყვარული — უძევს. ჩვენ, ქართველებმა, სიყვარულის უკიდევანო, ზოგჯერ უმისამართო გადმოღერა ვიცით და ეს დიდი ნიჭი, დიდი მადლი მგონია. სიძულვილის ნაკადს კი ძალიან ფრთხილად და ზუსტი მისამართით უნდა მიშვება; ამაში მეტი დახელოვნება გემართება. განა არ ვიცი, რომ ჩვენს ადგილას სხვა ხალხი — ურუსთაველო, უვაჟაფშაველო — უარესს იზამდა... უქნია კიდევ. თუნდაც ირგვლივ მიმოვიხედოთ, ზღვა სისხლი აჩქეფდა ჩვენს გარშემო. მაგრამ ეს ვერაფერი ნუგეშია ჩვენთვის... სხვათა დაცემა ჩვენ ვერ გაგვამართლებს, ჩვენ ჩვენი ქართველობის დონეზე ყოფნა გემართებს...

ნ.ც. — დასასრულ?..

თ.კ. — დასასრულ, ის განცდა, რასაც დასასრული არ უნდა ჰქონდეს — მოეუაროთ საქართველოს!

„ქართული ფილმი“, 26.9.1990

პრეზიდენტი, უპირველესად, სამპრტილიანი უნდა იყოს

გაზეთ „ახალგაზრდა ივერიელის“ 6 შეკითხვა პრეზიდენტობის კანდიდატებს

1. რა ძირითადი თვისებები უნდა ჰქონდეს დამოუკიდებელი საქართველოს პირველ პრეზიდენტს და პრეზიდენტობის არსებული კანდიდატებიდან, ვის გააჩნია ეს თვისებები მეტ-ნაკლებად?

2. საქართველოში ეროვნული ცნობიერების გამოღვიძების საქმეში ვის მიუძღვის ყველაზე დიდი წვლილი არსებული კანდიდატებიდან ან პარტიებიდან, რომლებმაც ეს კანდიდატები წარადგინეს?

3. პარტიამ ან ბლოკმა, რომელსაც თქვენ წარმოადგენთ, ან პირადად თქვენ, რა გააკეთეთ იმისათვის, რომ საქართველოში მიგვეღწია მრავალპარტიული, დემოკრატიული არჩევნებისათვის, რის შედეგადაც გახდა შესაძლებელი საქართველოში დემოკრატიული წესით პრეზიდენტის არჩევნების ჩატარება?

4. შეგეძლოთ თუ არა გეფიქრათ საქართველოში პირველ პოსტზე არჩევა კომუნისტური რეჟიმის დროს?

5. დღევანდელი საქართველოს პრეზიდენტს, ცხადია, უნდა გააჩნდეს დიდი ინტელექტუალური პოტენციალი და მყარი ეროვნული სულისკვეთება. ამასთან, გაცნობიერებული გაქვთ თუ არა, რომ ეს არის ჯვარცმა, გოლგოთის გზა, უდიდესი ისტორიული პასუხისმგებლობა ერის წინაშე. ხართ ამისათვის მზად?

6. რა როლს ასრულებს საქართველოს დამოუკიდებლობის გზაზე კონგრესი და რა პოზიცია გიჭირავთ მის მიმართ? გისურვებთ წარმატებებს.

პირველ ყოვლისა, მადლობას მოვახსენებ ინტერვიუერს არჩევნებში წარმატების სურვილისათვის; ჩემი მხრივ, მეც ვუსურვებდი მას წარმატებებს და წინსვლას სამსახურებრივ საქმიანობაში და ამ ჩემი სურვილის განსახორციელებლად, ვფიქრობ, მეტი საფუძველი არსებობს, ვიდრე ინტერვიუერის კეთილი სურვილისა პირადად ჩემ მიმართ.

1. პრეზიდენტს, უპირველეს ყოვლისა, მომადლებული უნდა ჰქონდეს სამართლიანობის გრძნობა. მეკითხებით, ვის გააჩნია მეტ-ნაკლებად ეს თვისებაო. მეტ-ნაკლებად, ალბათ, ყველას... ხაზს ვუსვამ — მეტ-ნაკლებად!

2. ცალკეულ პიროვნებას, ისევე როგორც პოლიტიკურ ორგანიზაციებს, მართლაც შეუძლია ეროვნული ცნობიერების გამოფხიზლება და მოჩლუნგებაც, შესაბამისად — ეროვნული მოძრაობის გაცხოველებაც და ჩაცხრობაც, იმედის გაღვივებაც და გულაცრუებაც. ეინ რა წვლილი შეიტანა ამ საქმეში, ამას პირუთენელად მხოლოდ დრო გამოაჩენს. პირადად ჩემი წვლილი ამ საქმეში ერთობ მოკრძალებულად მიჩანს.

3. შეკითხვაში ზოგი რამ დასაზუსტებელია. სამწუხაროდ, საქმეს ისეთი პირი უჩანს, რომ დემოკრატიული წესით არჩევნების ჩატარება ნაკლებად არის მოსალოდნელი. ასევე ვერ ვხედავ უშუალო მიზეზ-შედეგობრივ კავშირს მრავალპარტიულ არჩევნებსა და დღევანდელ არჩევნებს შორის. თუ მრავალპარტიულ არჩევნებს ერთ ასპექტად წარმოვიდგენთ თავისუფლებისა და დემოკრატიული ცხოვრების წესის დამკვიდრებაში, ჩემი ჟურნალისტურ-პედაგოგიური საქმიანობით მცირე წვლილი ამაში, ალბათ, ჩემიც იქნება.

4. ტოტალიტარული შეიძლება იყოს როგორც კომუნისტური, ასევე არაკომუნისტური რეჟიმიც. ასეთი რეჟიმების დროს „პირველკაცობის“ მონდომება პიროვნების საქმეა, აღსრულება — რეჟიმის.

5. ჯვარცმის პერსპექტივის წინაშე თვით მაცხოვარსაც კი ძნოლა იპყრობს გეთსემანიის ბაღში ლოცვისას. მე მხოლოდ იმის თქმა შემიძლია, რომ მზად ვარ ამ ჯვარის ღირსეულად მტვირთველს რიგით მოლაშქრედ გავყვეთ თავისუფლების გოლგოთურ გზაზე.

6. კონგრესმა უფრო ქმედითი, კონსტრუქციული როლი უნდა შეასრულოს თავის უფლებისა და დამოუკიდებლობის მოპოვების საქმეში. ჩემი დამოკიდებულება კონგრესის მიმართ ლოიალურია.

„ახალგაზრდა ივერიელი“, 25.5.1991

„იზრინდა“-ს აინტერესებს

ცხრა შეკითხვა საქართველოს რესპუბლიკის
პრეზიდენტობის კანდიდატებს

1. როგორ ფიქრობთ, ვის აირჩევენ პრეზიდენტად?

— უზენაესმა საბჭომ მიიღო დადგენილება ცენტრალური საარჩევნო კომისიის მიერ ხმების დათვლის საფუძველზე მიღებული დასკვნის გადასინჯვისა და მისი ბათილად ცნობის უფლებაზე. ასე რომ, ვისაც აირჩევენ პრეზიდენტად, შესაძლოა, ის ვერც გახდეს პრეზიდენტი.

2. რაში ხედავთ თქვენი პროგრამის უპირატესობას?

— არაფერში. პირიქით, მგონია, რომ სხვებს უკეთესი პროგრამები აქვთ. ოღონდ პრეზიდენტად პროგრამას კი არ ირჩევენ, არამედ — კაცს.

3. როგორ უნდა რეაგირებდეს პრეზიდენტი მასობრივი ინფორმაციის საშუალებების ისეთ კრიტიკაზე, რომელსაც თვითონ არ ეთანხმება?

— დიდსულოვანი ღიმილით: ერთიც ვნახოთ და, რასაც თვითონ არ ეთანხმება, დასათანხმებელი აღმოჩნდეს?

4. როგორ ფიქრობთ, საჭიროა თუ არა რეგულარულად ქვეყნდებოდეს მონაცემები პრეზიდენტის ჯანმრთელობის მდგომარეობის შესახებ, აგრეთვე რეგულარულად შუქდებოდეს პრეზიდენტისა და მისი ოჯახის ნევრთა პირადი ცხოვრება? თვლით თუ არა საჭიროდ ყოველწლიურად ქვეყნდებოდეს პრეზიდენტის საოჯახო ბიუჯეტი?

— უნდა ქვეყნდებოდეს პრეზიდენტის ფსიქიატრული შემონმების მონაცემები. რაც შეეხება პრეზიდენტისა და, განსაკუთრებით, მისი ოჯახის გუნება-განწყობილების შესახებ მონაცემებს, ამის გასაცნობად საკმარისია გამოვაქვეყნოთ პრეზიდენტის საოჯახო ბიუჯეტი.

5. დავუშვათ, პრეზიდენტის რომელიმე ახლობელმა ჩაიდინა კანონსა-ნინააღმდეგო მოქმედება. არ არის გამორიცხული, რომ ამ შემთხვევაში მოიძებნებიან თანამდებობის პირები, რომლებიც შეეცდებიან პრეზიდენტის გულის მოსაგებად დაუმალონ საზოგადოებას ეს ფაქტი. როგო-

რი იქნება თქვენი, როგორც სამართლებრივი სახელმწიფოს პრეზიდენტის, მოქმედება?

— სამართლებრივი, ოღონდ ადამიანური.

6. მიუხედავად ქართული ქალის მაღალი პოლიტიკური აქტიურობისა, როგორ ფიქრობთ, რატომ არც ერთი მათგანი არ იყრის კენჭს პრეზიდენტის არჩევნებში?

— იყრიან, ოღონდ ფარულად, უფრო სწორად, შეფარვით.

7. რომელია თქვენი საყვარელი კერძი და იქნება თუ არა იგი ხელმისაწვდომი ყველა მოქალაქისათვის თქვენი პრეზიდენტად არჩევის შემთხვევაში?

— კერძების დაყოფა საყვარელ და არასაყვარელ კერძებად დღესდღეობით ისეთი ფუფუნებაა, რომლის უფლებასაც თავს საქართველოს პრეზიდენტიც კი ვერ მისცემს.

8. როგორ თვლით, თუ გახდებით პრეზიდენტი, შეიცვლება თქვენი პოზიციები? და თუ საიდუმლო არ არის, რა არის თქვენი პოზიციები?

— არაფერი შეიცვლება, რადგან ჩემი პოზიციები — კითხვა, ამავე დროს ჩემი ძირითადი საქმიანობის ნაწილიც გახლავთ.

9. და მაინც, გადანყვიტეთ თუ არა არჩევნების დღეს რომელ ფეხზე ადგეთ?

— სანოლთა განლაგება (თუ, ცხადია, შინ მომინია ღამის გათევა) მხოლოდ მარჯვენა ფეხზე ადგომის საშუალებას იძლევა. სამაგიეროდ, მეუღლე დგება მუდამ მარცხენა ფეხზე.

1997 წ.

არ მოხდეს მეორე „გაზაღვთი“

სამი შეკითხვა ეროვნული კონგრესის წევრებს

1. შეძლებს თუ არა ეროვნული კონგრესი, რომ გახდეს რეალური პოლიტიკური ძალა საქართველოში?

2. თქვენი აზრი საბჭოთა საოკუპაციო ჯარის მიერ საქართველოს დატოვების მექანიზმის შესახებ.

3. თქვენი პროგნოზი უახლოეს მომავალში საქართველოში პოლიტიკური მოვლენების განვითარების შესახებ.

1. ჩემი აზრით, ეროვნული კონგრესი უკვე რეალურ პოლიტიკურ ძალას წარმოადგენს მიუხედავად გარკვეული ძალების მცდელობისა, რომ კონგრესს სახელი გაუტეხონ და არარსებული ცოდვები აჰკიდონ. მაგრამ ეს „მღვრიე სიტუაცია“, ასე მგონია, დაინმინდება; რაც დრო გავა, ხალხი მით უფრო მიხედება ეროვნული კონგრესის აუცილებლობას; ხოლო შემდგომ კონგრესი თუ რა პოლიტიკურ ძალად იქცევა, ეს ბევრად იქნება დამოკიდებული, ერთი მხრივ, თვით კონგრესის მუშაობაზე, მეორე მხრივ კი — საზოგადოებაზე: იმედი უნდა ვიქონიოთ, რომ ხალხის პოლიტიკური მომზადების დონე, აქტიურობა, ალბათ კიდევ უფრო გაიზრდება და შემდეგ, უკვე ფართო საზოგადოებასთან მჭიდრო კონტაქტითა და მასზე დაყრდნობით, ეროვნული კონგრესი მოახერხებს თავისი დიდი მისიის აღსრულებას — იყოს ერთგვარი კოორდინატორი ეროვნული მოძრაობისა და დაიცვას საქართველოს ინტერესები ყველგან და ყველაფერში.

2. ეს მექანიზმი, რომ იტყვიან, დეტალურად არის დასამუშავებელი. ხალხს ისეთი წარმოდგენა აქვს, თითქოს ეროვნული კონგრესი მოითხოვდეს, რომ საოკუპაციო ჯარმა დღესვე დატოვოს საქართველო. ასეთი, მეტი რომ არა ეთქვას, გულუბრყვილო მე კონგრესში არავინ მეგულებს; სხვაა უკვე ახლავე დეოკუპაციისათვის პოლიტიკური საფუძვლის მომზადება და სხვაა — დროული თვალსაზრისით — თვით ჯარების გაყვანის პროცესი, მისი დრო და პირობები. ჯარების გაყვანას სჭირდება დიდი და საფუძვლიანი მომზადება. აქედან გამომდინარე, დეოკუპაციის საკითხი ვერ გადაწყდება ვერც დღეს და, ვაი რომ, ვერც ხვალ. როდესაც საბჭოთა ჯარი გამოდის თუნდაც რომელიმე სუვერენული სახელმწიფოდან, ამასაც კი რამდენიმე წელი სჭირდება; დგება საკითხი ბაზების დემონტაჟისა, დანადგარების გადატანისა და სხვა. მაგრამ ეს ყველაფერი, რომ იტყვიან, პრობლემის ტექნიკური მხარეა. მთავარი კი, ცხადია, მისი პოლიტიკური გადანყვება გახლავთ — შესაბამისი იურიდიული ძალის მქონე აქტებსა და დოკუმენტაციაზე მუშაობა მათი შემდგომი რატიფიკაციისათვის. აი, ამისათვის კი უკვე დღეიდან უნდა იმუშაონ შესაბამისმა პოლიტიკურმა ძალებმა და სტრუქტურებმა, მათ შორის უზენაესმა საბჭომაც და ეროვნულმა კონგრესმაც.

3. უზენაესმა საბჭომ ზოგი ისეთი ნაბიჯი გადადგა, რომ საზოგადოების ერთი ნაწილი სექსტიკურად განაწყო ხვალინდელი დღისადმი: ვგულისხმობ ერთგვარ პოლიტიკურ „ზიგზაგებს“, სიტყვისა და საქმის დაცილებას, ვოლუნტარიზმს საკადრო პოლიტიკაში... ზოგნი კიდევ უფრო პირქუშ სურათს ხატავენ ხვალინდელი დღისა — დაინყებთ (თუ უკვე არ დანყებულა!) ანგარიშსწორება პოლიტიკურ ოპოზიციასთან, ე.ი. მოსალოდნელია რეპრესიები და ა.შ. რა შეიძლება ამაზე ითქვას? ალბათ გულუბრყვილო ოპტი-

მისტი გამოვჩნდები თქვენს თვალში, მაგრამ მაინც ასე მნამს — ქართველ ხალხს რეპრესიებით ვერანაირი ხელისუფლება ვერ დაიყენებს გვერდით: სწორედ ხელისუფლებისათვის იქნება დამლუპველი დემოკრატიული თანაცხოვრების, ჯერ კიდევ ჩვენთვის დაუგემოვნებელი, წესის შეზღუდვა. თუ ეს შეზღუდვა მოხდა, მაშინ ნებისმიერი ხელისუფლება ისევე გაინირება, როგორც გაინირა კომუნისტური დიქტატურა. ცხადია, თანაცხოვრების დემოკრატიული წესი არ უდრის ანარქიას. რა თქმა უნდა, აუცილებელია წინდახედულება, სიმშვიდე და ჰარმონია — უწინარეს ყოვლისა, შინაგანი, პიროვნული, რაც გარეგნულ წესრიგსა და კანონიერებას დაგვიძმარებს. მაგრამ წესრიგისა და კანონიერების მიზეზებით ხალხს შეუზღუდო დემოკრატიული თავისუფლება, არ გააჭაჭანო სანინაალმდეგო აზრი თუ ინფორმაცია, პოლიტიკურ ოპოზიციას შეუკეცო პრესისა და ტელევიზიის საშუალებანი — ეს დღევანდელ საქართველოში პოლიტიკური „ხარაკირის“ ტოლფასი აქტი მგონია.

მოკლედ, ოცდაჩვიდმეტი წელი საქართველოში ვერ განმეორდება... ჩუმ-ჩუმად, თითო-ოროლად ან ათობით, თუნდაც ასობით ინტელექტუალის „გამოხშირვა“ ხელისუფლებისგან, ჩემი აზრით, ველარ მოხდება. მაგრამ შეიძლება მოხდეს უარესი — ერთჯერადი პოლიტიკური კატასტროფა, მოხდეს მეორე „ბაზალეთი“ ან „შადიმანობა“ — შინაომი ან ლალატი, რის თავიდან ასაცილებლად ყველამ უნდა ხელი გამოვიღოთ — კონგრესმაც და უზენაესმა საბჭომაც, მთელმა ქართველობამ და თითოეულმა ქართველმა, მოკლედ, სრულიად საქართველომ.

„ახალი ძალა“, N 1, 1991

მთავარია. ზნეობრივად არ დამარცხდეს

— ბატონო თამაზ, მოგეხსენებათ, ჩვენი გაზეთის ფურცლებზე საპრეზიდენტო არჩევნებში დამარცხებულ კანდიდატებს ვაძლევთ საშუალებას გაგვიზიარონ თავიანთი შთაბეჭდილებანი ამ არჩევნებზე... დავინწყით ტრადიციულად, ჩვენებურად — როგორ ბრძანდებით?

— მეც ტრადიციულად გიპასუხებთ: არა მიშავს, ვცოცხლობთ, მაგრამ თქვენცა და მკითხველსაც, ალბათ, ამ კითხვის ქვეტექსტზე პასუხი უფრო გაინტერესებთ, თუ როგორ ვგრძნობ თავს დამარცხებულის როლში. ამაზეც მოგახსენებთ: მოგება და წაგება, გამარჯვება და დამარცხება ძმები არიანო, ამგვარი მორალური თქმით ვერც თქვენ დაგაკმაყოფილებთ და თავსაც ვერ

მოვითყუებ; პოლიტიკაში ხომ ყველაფერს სწორედ მოგება-წაგება წყვეტს. თუმცა პოლიტიკაშივე ენიჭება უდიდესი მნიშვნელობა იმასაც, ვინ როგორ გამოიყენებს გამარჯვებას და, თქვენ წარმოიდგინეთ, დამარცხებასაც... და ერთიც: პოლიტიკურად დაემარცხდი, მაგრამ ზნეობრივად თავი არამც და არამც არ მიმარჩნია დამარცხებულად; პოლიტიკური გამარჯვება კი ყოველთვის როდი ნიშნავს ზნეობრივს. თუმცა ამით არც იმას ვამტკიცებ, ვინც პოლიტიკურად გაიმარჯვა, იგი ზნეობრივად დამარცხდა-მეთქი; ასეც მომხდარა, რომ რეალურად გამარჯვებულიცა და დამარცხებულიც სწორედ ზნეობრივი თვალსაზრისით პირნათელნი ანუ გამარჯვებულნი წარმდგარან უზენაესის წინაშე... სხვათა შორის, შეიძლება პირუკუც მოხდეს — გამარჯვებულიცა და დამარცხებულიც პირშერცხვენილები წარუდგნენ უფალს.

მოკლედ, კიდევ ერთი ასეთი დამარცხებაც და, შესაძლოა, გავიმარჯვო კიდევც... ვხუმრობ, ცხადია...

— ...და მაინც, რა მიგაჩნიათ ამ არჩევნებში თქვენს ზნეობრივ გამარჯვებად?

— მე არ მითქვამს, ზნეობრივად გავიმარჯვე-მეთქი. მე მოგახსენეთ, რომ ზნეობრივად არ დაემარცხებულეარ. ჩემი მიზანიცა და ამ მიზნის მისაღწევი საშუალებანიც ამ არჩევნებში ზნეობრივი გახლდათ...

— დაიწყეთ მიზნით — პრეზიდენტობით... შეგვიჩვენეთ პირდაპირობა, მაგრამ რისი იმედით, რატომ ჩაებით საპრეზიდენტო ბრძოლაში?

— ცხადია, არა იმიტომ, რომ პრეზიდენტად გახდომის იმედი მქონდა. მაგრამ არის სიტუაციები, როცა უნდა იბრძოლო, თუნდაც ეს ბრძოლა იმთავითვე წაგებული იყოს. არც იმისთვის მიბრძოლია, რომ სხვისთვის — კონკრეტული პიროვნებისთვის — მევენო: მე პრეზიდენტობისთვის კი არ ვიბრძოდი, პრეზიდენტობას ვებრძოდი. ზოგჯერ ასეთ, მეტი რომ არა ვთქვათ, ახირებულ კითხვასაც მისვამენ: რატომ წამოაყენეთ თქვენი კანდიდატურა პრეზიდენტობის კანდიდატად, დაუშვათ და, ავერჩიეთ, მერე რალას აპირებდითო? ჯერ ერთი, პრეზიდენტის კანდიდატად არავინ აყენებს თავის კანდიდატურას, კანდიდატად სხვა გადგენს, პოლიტიკური პარტია ან კერძო პირთა კრებული, თანაც რეგისტრაციას ორსავე შემთხვევაში სჭირდება მხარდამჭერთა ათიათასიანი ხელმოწერითა და პასპორტით დადასტურებული სია. პრეზიდენტობის კანდიდატად მე, მაგალითად, „თავისუფალ დემოკრატთა კავშირმა“ წარმადგინა, თუმცა ამ კავშირის წევრი (და არც სხვა რომელიმე პოლიტიკური ორგანიზაციისა) არ გახლავართ.

რაც შეეხება არჩევას — ჩემი აზრით, პოლიტიკოსმა, ექიმისა არ იყოს, პირველ ყოვლისა, პიპოკრატეს ცნობილი შეგონებით უნდა იხელმძღვანელოს — არ ავნო! მართლაცდა, რომ მომხდარიყო სასწაული და ავერჩიეთ, ამის იმედი მქონდა, ამას ვაპირებდი — არ მევენო. და, თუ ეს მინიმალური მოთხოვნაა ექიმისათვის, პოლიტიკოსის მიერ ამ პირობის შესრულება მეტს

ნიშნავს: არ ავნო ქვეყანას, ეს დღევანდელ სიტუაციაში უკვე დიდი საქმე მგონია.

ცხადია, საკუთარი კანდიდატურის მოხსნა თავიდანვე შემეძლო; და მე-რეც — წინასაარჩევნო კამპანიის დროსაც...

— მართლაც, ბევრს შეექმნა თქვენი პირველი სატელევიზიო გამოსვლიდან ის შთაბეჭდილება, რომ თქვენ ფინიშზე მოხსნილით თქვენს კანდიდატურას.

— თუ არჩევნები შინააშლილობის კერად იქცეოდა, რითაც ისარგებლებდა გარეშე ძალა დესტაბილიზაციის შესაქმნელად, მე ჩემს მოქალაქეობრივ მოვალეობად მივიჩნევდი არჩევნებში მონაწილეობაზე უარის თქმას. საბედნიეროდ, აქამდე საქმე არ მისულა, თუმცა მთელი საარჩევნო კამპანია უალრესად მძიმე ზნეობრივ ატმოსფეროში წარიმართა.

— ზემოთ ბრძანეთ, პრეზიდენტობისათვის ბრძოლით პრეზიდენტობას ვებრძოდიო... რამდენად რეალური იყო ეს?

— ალბათ, ნაკლებად რეალური... უფრო ნორმალურ ვითარებაშიც კი ჩემი საპრეზიდენტო მიზანდასახულება ანუ სტრატეგია წამგებიანი გახლდათ: თავიდანვე განაცხადე, ახლად არჩეულ პრეზიდენტს უნდა ეყოს შინაგანი ძალა საიმისოდ, რომ პრეზიდენტობის ამ ახალი კანონით მინიჭებულ ფაქტობრივად შეუზღუდავ უფლებებზე უარი თვითონ თქვას-მეთქი. ამ აზრით მოგახსენეთ წელან, მე პრეზიდენტობისათვის არ ვიბრძოდი, მე პრეზიდენტობას ვებრძოდი-მეთქი. უფრო სწორად, ვიბრძოდი პრეზიდენტობისათვის, რათა არჩევის შემთხვევაში შევბრძოლებოდი პრეზიდენტობის იმგვარ ინსტიტუტს, როგორც ჩვენში შეიქმნა. ეს კი, ვალიარებ, ამომრჩევლისათვის ძნელად აღსაქმელი და კიდევ უფრო ძნელად გასაზიარებელი პოზიციაა: თავად განსაჯეთ, რატომ უნდა მისცეს პრეზიდენტობაზე ხმა იმას, ვინც პრეზიდენტობის გაუქმებას აპირებს? ასე რომ, მე არც იმ რვაათას ხუთას ხმას ველოდი, ოფიციალური ცნობის მიხედვით ჩემთვის რომ მოუცილათ...

— მართლაცდა, ასეთ შემთხვევაში განა უფრო ლოგიკური არ იქნებოდა, არჩევნებისათვის ბოიკოტი გამოგეცხადებინათ?

— ცხადია, მე რომ რომელიმე პარტიის თავკაცი ან თუნდაც წევრი ვყოფილიყავი, ვეცდებოდი, რომ ამ პოლიტიკურ ორგანიზაციას პრეზიდენტობის ამნაირი, ხაზს უსვამ, ამნაირი ინსტიტუტის შემოღების წინააღმდეგ ებრძოლა კონსტიტუციურად ნებადართული ყველა საშუალებით. მათ შორის, თუნდაც, არჩევნებისადმი ბოიკოტიც. სხვათა შორის, სწორედ ასე მოიქცა რამდენიმე პოლიტიკური ორგანიზაცია. ინდივიდუალური უარის თქმა არჩევნებში მონაწილეობაზე კი, ჩემი აზრით, ნაკლებად პერსპექტიული ჩანდა, არჩევნები მაინც ჩატარდებოდა; ასეთ სიტუაციაში შეიძლებოდა მეტი რეზონანსი ჰქონოდა თვითონ პრეზიდენტობის კანდიდატის მკვეთ-

რად უარყოფით დამოკიდებულებას პრეზიდენტობის (უფრო სწორად, შეუზღუდავი ერთმმართველობის, მეტიც ითქმის — ლამის თვითმპყრობელობის) ამგვარი ინსტიტუტის შემოღებაზე. საარჩევნო კამპანიის დროს გაირკვა, რომ მსგავსი დამოკიდებულება პრეზიდენტობისადმი ზოგ სხვა კანდიდატსაც ჰქონია.

— პრეზიდენტობისადმი თუ პრეზიდენტისადმი?

— ცხადია, პრეზიდენტის პიროვნულ თვისებებზე ბევრად არის დამოკიდებული თვით ამ პრეზიდენტობის ინსტიტუტის ამოქმედების ეფექტი. მაგალითისათვის შორს რომ არ წავიდეთ, სტალინს კონსტიტუციურად ნაკლები უფლება ჰქონდა, მაგრამ რეალურად — აბსოლუტურად შეუზღუდავი. და მაინც, თვისებრივად განსხვავებული ვითარებაა, როცა კონსტიტუციურად კანონდება მმართველობის დიქტატორული — დიახ, მე არ შემეშინდება ხმარება ამ სიტყვისა, სწორედაც დიქტატორული — ფორმა. კაცს, ცხადია, შეუძლია „გააფუჭოს“ ნებისმიერი სახელისუფლო ადგილი, მაგრამ ამ შემთხვევაში ასეთი შეუზღუდავი სახელისუფლო ადგილი „გააფუჭებს“ ნებისმიერ კაცს. ისედაც ლამის დაუძლეველია ძალაუფლების საცდური (გავისხენოთ პოლ ვალერიის ცნობილი მაქსიმა: „ძალაუფლება ბოროტად გამოყენების გარეშე მთელ თავის მომხიბვლელობას კარგავს“) და, თუ ამ საცდურს კონსტიტუციური საფუძველიც შევუქმენით, „ვაი ჩვენდა...“

— და თქვენ გამოირიცხავთ იმ შესაძლებლობას, რომ ამ, თქვენი თქმით, „გამაფუჭებელ“ სახელისუფლო ადგილზე მოვიდა ან მოვიდეს კაცი, რომელიც თავის შეუზღუდავ ძალაუფლებას მხოლოდ და მხოლოდ ერის სასიკეთოდ გამოიყენებს?

— არ გამოვირცხავ. გამონაკლისები იცის ისტორიამ. ტაციტუსი, დიდი რომაელი ისტორიკოსი, წერს, რომ ვესპასიანე იყო ერთადერთი იმპერატორი რომში, რომელიც ძალაუფლებამ გააუკეთესა. ვიმეორებ — ერთადერთი; სხვანი ყველანი იმპერატორობამ წაახდინა. დავრჩეთ ქართველები ამგვარი გამონაკლისის იმედად? და ერთსაც დავძენდი: მე იმდენად თვით დიქტატორობა ან ტირანიაც კი არ მაშინებს, რამდენადაც მათი შენიღბვის მცდელობა დემოკრატიული „ფერ-უშარილით“, ანუ — დიქტატურის დემოკრატიად გასაღება. დიქტატურაც, ოხლოკრატიაც ანუ ბრბოს მმართველობა და ტირანიაც პირადად ჩემთვის (და ალბათ — სხვებისათვისაც) პიროვნულად არის მიუღებელი, თორემ ისინი ობიექტურად არსებული ფორმები გახლავთ მმართველობისა... მოგვწონს, არ მოგვწონს — ეს საკითხის ერთი მხარეა, მაგრამ ესა თუ ის ხალხი და ქვეყანა ზოგჯერ მმართველობის ამგვარი ფორმებითაც იმართებოდა და ზოგან ახლაც იმართვის; ასე რომ, ვინც ამტკიცებს, მმართველობის დემოკრატიული ფორმით საქართველოს სახელმწიფოებრიობას ვერ აღვიდგენთ და მხოლოდ „ძლიერი ხელით“ (დიქტატურითო, ამის თქმას მაინც ერიდებიან!) მიიღწევა სანუკველი მიზანიო,

ისინი, შეიძლება, ცდებოდნენ, მაგრამ უფრო გულწრფელნი არიან, ვიდრე ისინი, ვინც დღევანდელ საქართველოს ლამის დემოკრატიულობის ეტალონად სახავენ.

— ყველაფერი შეფარდებითია; ისე, პროლეტარიატის დიქტატურასთან შედარებით კაცს ასეთი აზრიც შეიძლება გაუჩნდეს...

— ბევრი კი თქვენგან განსხვავებით ფიქრობს, რომ ყველაფერი არ არის შეფარდებითი, მათ შორის — დემოკრატიაც; დემოკრატიაც, ორსულობისა არ იყოს, ან არის, ან არ არის. ცხადია, არავითარი დემოკრატია, ყბადაღებული „დემოკრატიული ცენტრალიზმის“ მეთოდის მომარჯვების მიუხედავად, საბჭოთა კავშირში არ ყოფილა, მაგრამ ერთი კი იყო — დიქტატურას დიქტატურა ერქვა. თუმცა აქაც ფარისეულურად ააფარეს „დიქტატურის“ სარცხვინელს „პროლეტარიატის“ ლეღვის ფოთოლი, აქაოდა მასის, მშრომელი და უპოვარი მასის, დიქტატურააო... არადა, არც მასის, არც კლასის, არც ამ კლასის პარტიის დიქტატურა არ ყოფილა — იყო ლენინის, სტალინის, ხრუმჰოვის და ა.შ. დიქტატურა გორბაჩოვის ჩათვლით, თუ, ცხადია, ამ უკანასკნელმა თვითონ არ აიღო ხელი დიქტატორობაზე (ამგვარი უიშვიათესი გამონაკლისებიც იცის ისტორიამ). მეორეც არის და, რალა ამ „ნითელი დიქტატურის“ ხანას ვიღებთ შესადარებლად და ორიენტირად? ასე ხომ წინა ხელისუფლებამ იცოდა — ყველაზე გაუბედურებულ 1913 წელს აიღებდა ხოლმე შესადარებლად, როცა ჩვენი სამეურნეო წარმატებების წარმოჩენა უნდოდა. რა ვიცი, ვითომ დიდად თავმოსანონებელია ჩვენთვის, თუ ხელისუფლებისათვის მიუღებელ კაცს ძველებურად კედელს კი არ მივაცენებთ და ვხვრეტთ, არამედ საჯაროდ პრესითა და ტელევიზიით ცილისწამების ლაფში ამოვთხვრით, ხალხს წაუუსიანებთ, სამსახურიდან გაევაგდებთ და ზოგჯერ „ვირის აბანოშიც“ ვუკრავთ თავს?

მოკლედ, საბჭოთა ხელისუფლების დროს რომ დემოკრატია არ გვექონდა და ამას ვითმენდით, ეს არც ლოგიკურ და არც ზნეობრივ არგუმენტად არ გამოგვადგება დღევანდელი დემოკრატიული შეზღუდვების გასამართლებლად. საბჭოთა ხელისუფლების დროს კი არა, ხანდახან ისეთი მკრეხელური აზრიც კი გამიელვებს, რომ დემოკრატია არც არასოდეს გვექონია...

— ჰოდა, რაც არასოდეს გვექონია, ბატონო თამაზ, ის, იქნებ, არც შეეფერებოდეს ჩვენს ბუნებას, ხასიათს, ჩვენი თანაცხოვრების ისტორიულად ჩამოყალიბებულ წესს?

— გთხოვთ, სიტყვაზე ნუ დამიჭერთ — მე მოგახსენეთ, ასეთი აზრიც გამკრავს-მეთქი... არანაკლები წარმატებით შეიძლება, ალბათ, საპირისპირო აზრის მტკიცებაც — ჩვენ გენეტიკურად ვართ მიდრეკილნი დემოკრატიისაკენ. ამ თვალსაზრისითაც არის შესასწავლი საქართველოში მარადიულად მოქმედი ცენტრიდანული ტენდენციები, ჩვეულებრივ, ქართველთა

თავკერძა ბუნების გამოვლინებად რომ მიიჩნევა. „ყველა აზნაურს მეფობა უნდაო“, ამ აზრში, იქნებ, იმის ამოკითხვაც შეიძლებოდეს, რომ ქართველი შინაგანად ვერ ეგუება სხვის, თუნდაც უზენაესი ხელისუფალის, პიროვნულ დიქტატს... გთხოვთ, თქვენცა და მკითხველმაც შემინდოთ, ასეთ ღრმა საკითხზე ამგვარი სასხვათაშორისო მსჯელობისათვის...

— თქვენ პროფესიონალი ლიტერატორი და ენათმეცნიერი ბრძანდებით, საზოგადოება კარგად გიცნობთ თქვენი მრავალწლიანი ტელეკურსებითაც ქართულ ენასა და ლიტერატურაში. ამ ბოლო ხანებში კი ეკრანზე ველარ გხედავთ. მიზეზი?

— დიახ, ჩემი ტელეექციები შეწყდა... არავითარი პრეტენზია არა მაქვს და არც შეიძლება მქონდეს ტელე-რადიოს ახალი ხელმძღვანელობის მიმართ... ჯერ იყო და — ელექტროენერგია შემოგვაკლდა. მეორე და, ალბათ, უფრო მთავარი მიზეზი ის გახლავთ, რომ საერთოდ შეწყდა ტელევიზიით ყველა სახის სასწავლო ლექციების კითხვა. და თუ რაიმე სხვა, პიროვნულ ანგარიშსწორებაზე დაფუძნებული, მიზეზიც არსებობს, ეს ალბათ, ახალი სასწავლო წლის დასაწყისში გაირკვევა.

— დაბეჯითებით ამბობენ, რომ თქვენ აგირჩევენ ეროვნული კონგრესის თავმჯდომარედ.

— საქმე როცა არჩევნებზე მიდგება, როგორც გამოცდილებამ გვიჩვენა, დაბეჯითებით მხოლოდ იმის თქმა შეიძლება, რომ მე არ ამირჩევენ...

— ხუმრობით გინდათ კითხვაზე პასუხს თავი აარიდოთ, თუ...

— კი, ბატონო, სერიოზულად მოგახსენებთ: კონგრესის უკანასკნელ სესიაზე დაისვა საკითხი კონგრესის თავმჯდომარის პოსტის შემოღებისა. გია ჭანტურიამ იქვე მართლაც წამოაყენა ჩემი კანდიდატურა კონგრესის თავმჯდომარედ. უნდა მოგახსენოთ, რომ მე ჯერ კიდევ კონგრესის I სესიაზე მოვხსენი ჩემი კანდიდატურა კონგრესის პრეზიდენტის ნევრობაზე. ახლაც იგივე გავაკეთე, აცილება მივეცი ჩემს კანდიდატურას, ვინაიდან მიმაჩნდა და ახლაც მიმაჩნია, რომ კონგრესს იმ ძალებმა უნდა უხელმძღვანელოს, ვინც ეროვნული კონგრესის იდეა დაამუშავა და მერე, ნაწილობრივ მაინც, პრაქტიკულად შეასხა ხორცი.

— გამოითქვა მოსაზრება — იქნებ, არცთუ უსაფუძვლო — რომ ამომრჩევლები პრეზიდენტის მხარდასაჭერად იმანაც განანყო, რომ ხუთივე კანდიდატმა კრიტიკის ობიექტად მხოლოდ ზვიად გამსახურდია აირჩიაო. ქართველი კი, ხუთი ერთზეო, როცა დაინახავს, ცხადია, იმ ერთის, დაჩაგრულის, მხარეს დადგება...

— ეს ვერსია — „ხუთი ერთზე“ — დაყინებით მუშავდება ოფიციალის მიერ. არადა, არავითარი ხუთი ერთზე არ ყოფილა. ჯერ ერთი, ბატონი ჯემალ მიქელაძე არ გამოსულა პრეზიდენტის კრიტიკით, ხოლო მისი ერთ-ერთი ნდობით აღჭურვილი პირის, გრიშა ონიანის, გამოსვლის შემდეგ ბევრი კით-

ხულობდა, კომუნისტების ნდობით აღჭურვილ პირს მოვუსმინეთ თუ — მრგვალი მაგიდისასო... ხუთი ერთზეო — ბედის ირონია სწორედ ეგ გახლავთ, თორემ თანასწორობა საარჩევნო კამპანიაში, ცხადია, არ ყოფილა: იმ ერთს მიათვალეთ მთელი ქართული პრესა, ტელევიზია, რადიო, ხელი-სუფლებების ყველა რგოლი, უზენაესი საბჭოთი და პრეფექტურით დაწყებული და „მეტელეფონე ქალებით“ დამთავრებული. მერნმუნეთ, ამას დამარცხებულის ბოღმა არ მალაპარაკებს, მალაპარაკებს გულდაწყვეტა, ის გრძნობა, რომელიც კარგად გამოიხატება ერთი ჩვენებური ანდაზით — ჩემი შენ გითხარო და გული მოგიკალიო.

— გულდასაწყვეტი, ალბათ, მართლაც გქონდათ, მაგრამ ზოგი უმართებულო ბრალდება ხომ ოფიციალურად იქნა უარყოფილი; პირადად თქვენ საქართველოს ტელევიზიამ, თუ არ ვცდები, ორჯერ მოგიხნადათ ბოდში ეკრანიდან...

— კი, ბატონო, მაგრამ, კაცმა რომ თქვას, ამით განა რა შეიცვალა პრინციპულად? ცილისმნამებლისათვის ხომ სიცრუის თესლის ხალხში გადაგდებაა მთავარი. მან იცის, ბრალდება კიდევ რომ გაუბათილო, ეს მაინც მის ნისქელიზე ახსამს წყალს: ჯერ ერთი, თავისმმართლებლის ფსიქოლოგიურად ნამგებიან პოზიციაში გაყენებს და, მეორეც, ბრალდების საჯარო გაბათილებაც კი მაინც ამ ჭორისა და სიცრუის შემდგომ გავრცელება-ესკალაციას უწყობს ხელს. რა ექნათ ახლა ჩვენ, პრეზიდენტობის ყოფილმა კანდიდატებმა, ვამტკიცოთ, რომ ვიგინდარები და ერის მოლაღატეები არა ვართ? ამტკიცოს საინგილოზე გადაგებულმა კაცმა, სწორედაც უანგარობის ეტალონმა, რომ ის ინგილოთა გაჭირებაზე „ხელს არ ითბობდა?“ მართლაცდა, პოეტის თქმისა არ იყოს, „ბნელა, ღმერთი აღარ არის?“ ან მე რა უნდა მექნა, მემტკიცებინა, რომ ქართული ენის მტერი არა ვარ? თექვსმეტი წელია თითქმის ყოველკვირა, რომ იტყვიან, ხელისგულზე ვუზივარ ტელევიზორიან საქართველოს, საკუთარი თვალით მხედავთ და საკუთარი ყურით მისმენთ, რასაც ქართულ სიტყვიერებაზე და ქართულ ენაზე ვქადაგებ და, ქართული ენის ერთგულებაც თუ ვინმესთვის დასამტკიცებელი გამიხდა, მართლაც არ ვყოფილვარ ტელეეკრანის სათოფეზე გასაკარებელი. თუმცა, რა მიკვირს: ეტყობა, ზოგჯერ — მთელი ერიო, ვერ ვიტყვი, მაგრამ — მისი ერთი ნაწილი იმდენად გულმაფინყი ხდება, რომ ეკრანზე საკუთარი თვალით ხილული და საკუთარი ყურით მოსმენილიც აღარ ახსოვს... უფრო სწორად, რაც არ უნდა, არ ახსოვს.

ერთსაც დავძენდი: არა მარტო ცილისმამებლისათვის, მასობრივი ინფორმაციის სამუალებათა გამოყენება ყოველად დაუშვებელია ლიქნისთვისაც... არადა, როგორი ქვემეგრდომული სული ტრიალებს ჩვენს ოფიცოზში! წინათ თუ პარტიასა და გენერალურ მდივანს უკმევდნენ გუნდრუკს, ახლა პრეზიდენტსა და პარლამენტზე ალავლენს ძირითადად იგივე ხალხი ხოტ-

ბას არანაკლები ექსტაზით. არანაკლებითო? ცოცხალი კაცი, ხელისუფლების სათავეში მდგომი, მთელი ქვეყნისთვის რომ გაეგიგებინოთ, ასეთი რამ ყბადაღებული პიროვნების კულტის დროსაც არ უკისრიათ. მაიაკოვსკიმ კი ბრძანა, ლენინი და პარტია ერთი არიანო, მაგრამ — პარტიაო და არა — რუსეთი, თანაც ეს არ თქმულა ლენინის სიცოცხლეში. „უძრაობის ხანაშიც“ — მზე ჩრდილოეთიდან კი ამოგვიყვანეს, მაგრამ ინდივიდუალური საცხოვრებელიდან („ჟეკ“-ის ბინიდან თუ კერძო „კოლხური კომქიდან“) არ ამოუყვანიათ.

ილია ბრძანებდა: „ბრმად თაყვანისცემა რისიმე თუ ვისიმე — კერპმსახურება და ყოველს მონობაზე უარესი და უკადრისი მონობაა“. ბრმა თაყვანისცემა თუ მონობაზე უარესი ყოფილა, რალა ითქმის ანგარიშიან, უფრო სწორად, ანგარებიან თაყვანისცემაზე? არადა, არც ასეთი ბრმანი არიან ახალი დროების კერპმსახურნი... გავიხსენოთ, რა შესაშური ოპერატიულობით გადაანყვეს სიმები თავიანთ ქნარებზე, როგორი დაუნდობელი სისასტიკით მიაყარეს ქვა და გუნდა ფეხგადაბრუნებულ თავიანთ ძველ პატრონებს.

ასე უქნიათ წინათ, ამას შერებიან ახლა და ამასე იზამენ სამერმისოდაც.

— პრეზიდენტობის კანდიდატები ეკრანიდან საკმაოდ გულუხვნი ჩანდით კრიტიკაში და ერთობ ხელმოჭერილნი — ერთმანეთის ღირსებათა წარმოჩენაში. ეს, ალბათ, საარჩევნო კამპანიის სპეციფიკითაც აიხსნება. არჩევნები დამთავრდა, აიჩნა საქართველოს პრეზიდენტი. გვანტიერებს თქვენი აზრი მის ღირსებებზე. და საერთოდ, რა საპრეზიდენტო თვისებებით არის იგი გამორჩეული?

— ყოველ ადამიანს აქვს უამრავი თვისება, რომლებიც ღირსება-ნაკლის ჩვენულ წარმოდგენაში ნაწილდება; მათი ჩამოთვლა შორს წაგვიყვანს, თანაც სუბიექტივიზმისაგან არავინა ვართ და ზღვეული.

— სუბიექტური რომ იქნება, სწორედ ამიტომ გვანტიერებს თქვენი აზრი. გამსახურდიას თუნდაც სამი უმთავრესი საპრეზიდენტო თვისება დაგვისახელეთ.

— მიზანსწრაფულობა, ინტერესების ფართო წრე... და მესამე, იქნებ, უმთავრესიც, პრეზიდენტობისათვის: ვნება წინამძღოლობისა, პირველობისა. სამივე ეს თვისება აუცილებელია ძლიერი პრეზიდენტისათვის, აუცილებელი, ოღონდ — არა საკმარისი.

— რას უსურვებდით არჩევნებში გამარჯვებულს?

— ჩემი სურვილი გამარჯვებულისადმი, სულ ერთია, ვინც უნდა ყოფილიყო იგი, უკვე გამოვთქვი არჩევნების წინა დღეს ტელევიზიით: ახლად არჩეულ პრეზიდენტს უნდა გამოეცხადებინა დიდი შერიგება საქართველოში — შერიგება ერთა და ეროვნებათა შორის, შერიგება პარტიათა შორის, შერიგება კერძო კაცთა შორის; და ისიც დაეძინე, ვინც დემოკრატიული გზით

საქართველოს ისე წაიყვანს სახელმწიფოებრიობის რეალურად აღდგენისაკენ, რომ არც ერთ გოჯ ქართულ მინას არ დაკარგავს, მან თავის ლაშქარს ერთ რიგით მეომრად მეც მიმათვალოს-მეთქი.

ამ აზრზე ვდგავარ ახლაც.

— გამაღლობთ საუბრისათვის.

ესაუბრა ნოდარ გრიგალაშვილი, „საქართველო“, 27.1991

ნუ დაჰკარგავ ძველსა გზას

— ხელისუფლება შესაძლოა ხალხმაც დაამხოს და შეთქმულთა ჯგუფმაც... დამხობილი ხელისუფლების მომხრენი 1991-92 წლის მოვლენებს პუტჩად ნათლავენ. ეთანხმებით თუ არა ასეთ შეფასებას?

— ძველი ხელისუფლების მომხრენი გამსახურდიას რეჟიმის დამხობას მართლაც პუტჩისტების მიერ განხორციელებულ სამხედრო გადატრიალებად მიიჩნევენ — მათ რომ უსმინო, პრეზიდენტს, თურმე, ხალხი იცავდა, სამხედროებს კი იგი ჩამოუგდიათ... მინდა ვიკითხო, თუ ხალხის უწყვეტი მრავალათასიანი მიტინგები და მანიფესტაციები, გაფიცვები, შიმშილობები და სხვა საპროტესტო აქციები სტუდენტთა და პოლიტიკურ პარტიათა მონაწილეობით, თუ არასამხედროთა მიერ იარაღის ხელში აღება და გვარდიის ერთ (რიცხოობრივად, სხვათა შორის, ძალიან მცირე) ნაწილთან ერთად ხალხში არაპოპულარული ხელისუფლების დამხობა სამხედრო გადატრიალებაა, მაშინ სახალხო აჯანყებას რაღას ვეძახით? გაიხსენეთ, როგორ ამაოდ მოუწოდებდა „ბუნკერის რადიო-ტელევიზია“ ხალხს, პრეზიდენტი დაიცავითო — მასთან მხოლოდ მისი შეიარაღებული ძალები დარჩნენ; მოკლედ, უფრო პირიქითაა — გამსახურდიას სამხედროები იცავდნენ და ხალხმა კი იგი ჩამოაგდო.

— ახლანდელ ხელისუფლებას, კერძოდ შევარდნაძეს, გარეთ უფრო ცნობენ და აფასებენ, ვიდრე შიგნით... რით ახსნით ამას, საშინაო პოლიტიკის სისუსტით თუ — საგარეო პოლიტიკის სიძლიერით?

— ქვეყნის საგარეო პოლიტიკა, ჩვეულებრივ, მისი საშინაო პოლიტიკის ორგანულ გაგრძელებას უნდა წარმოადგენდეს, მას უნდა ეყრდნობოდეს. ახლა ჩვენ, ამ თვალსაზრისით, ვგონებ, თავდაყირა ვდგავართ... მაგრამ, რამდენადაც უამრავ სხვა საკითხშიც ამავე დღეში ვართ, თავდაყირა დგომა ლამის ბუნებრივ პოზად გვექცეს — უკვე აღარც გვანუხებს.

— როგორია რუსეთისა და ჩრდილოეთ კავკასიის როლი საქართველოს პოლიტიკური სტაბილიზაციის საქმეში?

— საქართველოში სიმშვიდის დამყარებას, პირველ ყოვლისა, ჩვენვე, საქართველოს მკვიდრნი, ვუშლით ხელს... ისე, ამ საქმეში ცოტ-ცოტას გარეშე ძალები და ფაქტორებიც „გვეხმარებიან“ მეზობლურად...

— ასეთ ვითარებაში დიდ მნიშვნელობას იძენს ორიენტაციის საკითხი. საით უნდა გაჭრას საქართველომ თავისი სარკმელი?

— სომეხს უნატრია — ნეტა გაბრაზებული ქართველის ჭკუა მომცაო. ჩვენ რომ გაებრაზდით, გაბრაზება იმნაირი უნდოდა — ქვეყანა დაეპყციეთ, მაგრამ სიბრაზის პროპორციულად ჭკუა რომ მოგვმატებოდეს, ამის ნიშნებს ჯერჯერობით რალაც ვერ ვამჩნევ. ახლა, იქნებ ვცადოთ და დავმშვიდდეთ — დამშვიდებული ქართველის ჭკუა უფრო გაჭრის, ასე მგონია. სარკმელი კი კაი ხნის წინ გავჭერთი დასავლეთისაკენ, მაგრამ მერე ამოგვიქოლეს. „ნუ დაჰკარგავ ძველსა გზასაო“ — ეს უკვე ძველი, ბრძენი ქართველის ნათქვამია, და ჩვენც ამ შეგონებას უნდა მივსდიოთ. ჩვენი ძველი გზა კი ქრისტიანული დასავლეთისკენ მიდიოდა...

P.S. შემინდეთ, უფალო რედაქტორო, თუ ჩემი პასუხები ჯერ კიდევ გაბრაზებული ქართველის მოსაზრებებსა ჰგავს...

„სარკმელი“, 10.11.1993

წინამორბედთა საქმეს ვაგრძელებ

— ბატონო თამაზ, თანამდებობრივად, საქართველოში განათლების საქმეს თქვენ მხოლოდ ახლა ჩაუდევით სათავეში, მაგრამ ფაქტია, თუკი ვინმეს გული შესტკიოდა ჩვენი განათლების ბედსა და მომავალზე, თუკი ამ საშვილიშვილო საქმისთვის ვინმე გარჯილა, მათ შორის თქვენ უკანასკნელი არ ყოფილხართ. ამიტომაც ეჭვიც არ მეპარება, მინისტრობას დიდი ხნის ნაფიქრის ხორცშესხმით იწყებთ.

— ერთია „დისტანციური ფიქრი“ და სულ სხვაა, როცა ამა თუ იმ საქმეს უშუალოდ, სამსახურებრივად უკავშირდები. აქ მარტო ზნეობრივად კი არა, იურიდიულადაც ხარ საზოგადოების წინაშე პასუხისმგებელი. რაც შეეხება „მინისტრული საქმიანობის“ დანწყებას, იგი მიაღვივდება იმის გამო, რომ მე და ჩემი უშუალო წინამორბედი მინისტრი თანამზრახველები ვართ — მე

იმით ვინყებ, რითაც მან დაამთავრა... საერთოდაც, უმეტესობა განათლების მინისტრებისა, ჩვენი საკმაოდ განსხვავებული პიროვნული თვისებებისა და მიუხედავად, სწავლა-აღზრდასთან დაკავშირებულ პრინციპულ საკითხებში ერთნაირ პოზიციებზე ვდგავართ. მხოლოდ ქალბატონ გუჩა კვარაცხელიასა და ბატონ კოტე გაბაშვილს არ ვგულისხმობ: მოსწავლე-მასწავლებლის ურთიერთდამოკიდებულებასა და სკოლის ზნეობრივ სახეზე მეც, ძირითადად, ისეთივე შეხედულებები მაქვს, როგორც ბატონ ელიზბარ ჯაველიძესა და ზოგ მის წინამორბედ მინისტრს ჰქონდა. ცხადია, ყოველ მათგანთან ერთნაირი დამოკიდებულება ვერ მექნებოდა, მათ შორის „ნაფიცი“ კომუნისტებიც იყვნენ და „ნაფიცი“ მრგვალებიც, მაგრამ საქმიან ურთიერთობაში ეს ჩემთვის გადამწყვეტი არ ყოფილა. მაგალითად, ქალბატონ ლია ანდლულაძის პედაგოგიურ შეხედულებებზე ვერაფერს მოგახსენებთ — მე ვერ მოვასწარი მასთან საქმიანი ურთიერთობის დამყარება. მაგრამ პიროვნული მადლიერების გრძნობა კი მის მიმართ მაქვს: იმ მცირე დროის მონაკვეთშიც კი, როდესაც მინისტრის თანამდებობა ეკავა, უმაღლესი ხელისუფლების საამებლად მას შეეძლო ჩემთვის — უფრო სწორად, ჩვენი ჟურნალისთვის, „ბალავერისთვის“ — ევნო; სხვათა შორის, ამის ფორმალური საფუძველი ჰქონდა კიდევ — ჟურნალი უსაშველოდ აგვიანებდა გამოსვლას. ქალბატონმა ლიამ ჟურნალის დახურვა არ იკადრა, რამდენადაც, ალბათ, მიიჩნია, რომ თუნდაც დაგვიანებით გამოსული „ბალავერი“ ეროვნულ საქმეს აკეთებდა. ასე რომ, მე კარგი წინამორბედები მყავდა და ცარიელ ადგილზე არ მოვსულვარ, არც ველოსიპედის გამოგონებას ვაპირებ... უკვე დანყებულია ბევრი კარგი საქმე: შეიქმნა და უკვე განიხილება განათლების ახალი კონცეფცია, მუშავდება დებულება და კანონი განათლების შესახებ... იდგმება პრაქტიკული ნაბიჯებიც ამ კონცეფციისათვის ხორცის შესასხმელად. რეალურ სახეს მიიღებს განათლების სისტემის რეორგანიზაცია, მისი მატერიალურ-ტექნიკური თვალსაზრისით უზრუნველყოფა. მოკლედ, ვეცდები, აუცილებელი აკლიმატიზაციის პერიოდი (რომელიც იმდენად მინისტრისთვის კი არ არის ხოლმე მტკივნეული, რამდენადაც — მისი ხელქვეითებისათვის) ადვილად გადავლახო.

— და მაინც, რით დაიწყეთ, როგორი იყო თქვენი „დღე პირველი“?

— ჩემი „დღე პირველი“ შაბათი გახლდათ, საღვთო დღე. და მეც გადავწყვიტე, პირველ ყოვლისა, მშობელთა ზრუნვას მოკლებულ ბავშვთა სახლს ვწვეოდი დილომში... და ჩემთვის სასწაულს ჰგავდა, რომ სწორედ იმ დროს ამ ბავშვთა სახლს ესტუმრა საქართველოს სულიერი მამა ილია მეორე, და მეც იმ ობოლ და სიყვარულს დანატრებული ბავშვებივით მივიღე მისი ლოცვა-კურთხევა, რაც, მერწმუნეთ, ასეთ ტვირთს შეჭიდებულს, მათზე არანაკლებ მჭირდებოდა. სხვა დღეებს კი, ჯერჯერობით, სკოლების შემოვლით ვინყებ. სანამ დირექტორს ჩამოვართმევდე, ხელს რადიატორს შევაავ-

ლებ ხოლმე. ჯერჯერობით, სადაც ვიყავი, თანაც ყოველგვარი წინასწარი გაფრთხილების გარეშე, გათბობაც დამხედა და წესრიგიც. ცხადია, ისიც ვიცი, რომ ბევრ სკოლას ერთიც აკლია და მეორეც.

— ნელან განათლების სისტემის რეორგანიზაცია ახსენეთ. ჩემსავით, ალბათ, ბევრს აინტერესებს, კერძოდ, რას აპირებთ ამ მიმართულებით?

— რეორგანიზაცია, პირველ ყოვლისა, სამინისტროს შიდასტრუქტურებს შეეხება. საამისოდ თვითონ აპარატის თანამშრომლები გამოთქვამენ მოსაზრებებს. სამინისტროს ხელმძღვანელობასთან კონსულტაცია-შეთანხმების შემდეგ მათ უთუოდ გავითვალისწინებ. რაც შეეხება საერთოდ საგანმანათლებლო სისტემის მუშაობის, მისი ფუნქციონირების რეორგანიზაციას — ეს კონცეპტუალური საკითხია, განათლების ახალი კონცეფციის ერთ-ერთი ძირითადი შემადგენელი ნაწილი. განათლების ერთიანი სისტემა, სწავლების ქსელი, რომელიც დამოუკიდებელ სუვერენულ ქართულ სახელმწიფოში უნდა შეიქმნას, ჩვენს ისტორიასთან, ტრადიციებთან, ჩვენს კულტურულ პროფილთან უნდა იყოს მისადაგებული.

— რეორგანიზაციაზე ფიქრი, თავისთავად, მატერიალურ-ტექნიკური ბაზის პრობლემასაც უფრო ნათლად გამოკვეთს...

— სამწუხაროდ, ამ მხრივ საიმედოს დღესაც ბევრს ვერაფერს ვიტყვი. ახლა კაცმა თავმოყვარეობაზე უნდა აიღო ხელი, რომ სკოლის არსებობისათვის აუცილებელი ყოველი კილოვატსაათი ენერგია, ყოველი ლიტრი ბენზინი, ყოველი ტომარა ცემენტი, მოსწავლეთა სასაბუღალტო შესატანი ყოველი კილო ხორცი შაბათის გლახასავით ხელგანვდილმა ჩამოითხოვო. მაგრამ ჩვენს ახალ კონცეფციაში, ამ თვალსაზრისით, საიმედო მუხლებია. ასე რომ, ახლო მომავალში მთლად სხვისი ხელის შემყურე აღარ ვიქნებით.

— ყველა, ვინც ბატონი თამაზ კვაჭანტირაძის განვილი საქმიანობას და ცხოვრებისეულ მრწამსს იცნობს, ვფიქრობ, დაიმედებულია, რომ განათლების მომავალზე ფიქრში განსაკუთრებულად ზრუნვამოჭარბებული იქნება ქართული ენის საკითხი.

— აქაც ჩემს საქმიანობას გარკვეული ტრადიციის გაგრძელებად მივიჩნევ. ჩემი წინამორბედები ამ სფეროში ჩემი კოლეგები და თანამზრახველები იყვნენ: ბატონი კოტე გაბაშვილი ჩინებული ენათმეცნიერია, ქართული ენის სემანტიკის მკვლევარი. გუჩა კვარაცხელია არა მხოლოდ შესანიშნავი ლინგვისტი, ქართული ენის სტილისტიკის მკვლევარი, არამედ პოეტიცაა, რომელიც დღეს, შესაძლოა, თავისი პოეზიით ნაკლებად იყოს ცნობილი, მომავალს კი, ასე მნამს, პირველ ყოვლისა, ლექსებით შემორჩება. ელიზბარ ჯაველიძე ცნობილი ლიტერატურისმცოდნე და კრიტიკოსია, „ლიტერატურული გაზეთის“ განმაახლებელი... და მაინც, თუკი ხალხის თვალში მე აღვიქმები სწორედ ქართული ენისა და ლიტერატურის სამსახურში ჩამდგარ კაცად, ეს, ალბათ, ჩემი სატელევიზიო ლექციების წყალობით. თუმცა, საპ-

რეზიდენტო არჩევნების დროს, „პრეზიდენტობის ერთადერთი კანონიერი პრეტენდენტის“ თაყვანისმცემელმა მანდილოსანმა ტელევიზიით საჯაროდ „მამხილა“, რომ, თურმე მე, რუსთაველის საზოგადოების თანაპრეზიდენტს, საკავშირო დაქვემდებარების სანარმო „მიონში“ ქართული ენის ინტერესები არ დამიცავს, ვერ მომიხერხებია გამომედევნა იქიდან რუსული და დამენერგა ქართული ენა. არადა, სწორედ მე, კოტე გაბაშვილმა და სოსო ცისკარიშვილმა ჩავატარეთ ამ გაერთიანებაში, ვგონებ, პირველად ქართულად კრება და იმდენად ეროვნული სულით გამსჭვალული დადგენილება გამოვიტანეთ, ხალხი ცრემლმორეული გელოცავდა. რას იზამ, ცილდანამებულისაგან თავის მართლებაც კი ისევ ცილისმწამებლის ნისქვილზე ასხამს ნყალს, რადგან ისევ ჭორის ახალი ტალღის აგორებას უწყობს ხელს.

სკოლაში, უწინარესად, ეროვნული სული უნდა ღვიოდეს. ამ სულის პატრუქი კი დედაენაა, ჩვენი „დედაქართული“. სახელმწიფო ენას თავისი კუთვნილი ადგილი უნდა მიუზღინოთ არა მარტო ქართულ, არამედ საქართველოში მოქმედ არაქართულ სკოლებშიც. უნდა დადგეს ის ჟამი, როდესაც ქართულის გამართულად ცოდნა საქართველოს ყოველი მოქალაქის არა მარტო ზნეობრივი მოვალეობა იქნება, არამედ — მისთვის პრაქტიკული სარგებლის მომტანიც. მეტსაც მოგახსენებთ, ამ შემთხვევაში პრაქტიკულ მომენტს გადამწყვეტი მნიშვნელობა ენიჭება: არაქართველი ქართულს მაშინ ისწავლის, თუ ამ ენის უცოდინარობა მას დისკომფორტს შეუქმნის... დიქტატორ ფრანკოს ამხელდნენ, ბასკების ეროვნულ ინტერესებს ლახავს, როდესაც ესპანეთში ესპანურის, როგორც სახელმწიფო ენის, პრიორიტეტს ნერგავსო. ფრანკოს ამაზე ასე უპასუხია: მე მინდა ბასკს ესპანელის თანაბარი შანსი მიეცეოდ. მთლად ზუსტი მაგალითი ვერ არის — ბასკები თავიანთ ისტორიულ მიწაზე ცხოვრობენ, მაგრამ აქ პრინციპია მთავარი: საქმე ისე უნდა დავაყენოთ — საქართველოში სომეხ, რუს და ნებისმიერი ეროვნების მოქალაქეს ქართველის „თანაბარი შანსი“ რომ მისცე, მან ქართული კარგად უნდა იცოდეს. სხვათა შორის, სწორედ ჩვენებურ სომხებსა და რუსებს ზე საამისო საყვედური ნაკლებად გვეთქმის.

— რა აზრისა ბრძანდებით უმაღლეს სასწავლებელთა ავტონომიაზე?

— განათლების სამინისტრო ყოველთვის მხარს დაუჭერს უმაღლესი სასწავლებლის ჭეშმარიტ ავტონომიას იმ ფარგლებში, რა ფარგლებშიც ეს ავტონომია იმავე სასწავლებლისთვის იქნება სასარგებლო; ხოლო თუ რომელიმე სფეროში (ვთქვათ, ბიუჯეტის, ფინანსების...) სამინისტროსგან მოწყვეტა უმაღლეს სკოლას დააზარალებს, მაშინ, ალბათ, თვით ეს უმაღლესები ეცდებიან სამინისტროსთან ზოგჯერ ნაადრევად განწყვეტილი ძაფების აღდგენას.

— ბატონო თამაზ, კარგი მინისტრი ყველასთვის სასურველია, მაგრამ ხომ არ მონყევტს თამაზ კვაჭანტირაძეს მინისტრის სავარძელი თავისი

ტრადიციული საქმიანობის სფეროებს — მეცნიერებას, ჟურნალისტიკას, პედაგოგიკას?

— ჟურნალის რედაქტორობას, ალბათ, ველარ შევძლებ, სტუდენტურ აუდიტორიასთან ცოცხალი კავშირის განყვეტა კი ვერ წარმომიდგენია. 24 წლის ასპირანტი გახლდით, როცა ბატონმა ვარლამ თოფურიაშვილმა უნივერსიტეტში ლექციის ნაკითხვა მანდო. მას შემდეგ, აგერ, 28 წელიწადია, ავად თუ კარგად, ამ საქმეს ვემსახურები. ერთი ვიცი, საყვარელ საქმეს ვერაფერთარი დატვირთვა (მით უმეტეს, ამავე სფეროში) ვერ შეუშლის ხელს. ასე რომ, ჩემი სამეცნიერო-პედაგოგიური და პუბლიცისტურ-კრიტიკული საქმიანობისათვის ჯვარი არ დამისვამს.

— ერთი, მკითხველთათვის, ალბათ, საინტერესო, შეკითხვა: ვიცით, რომ ბატონი თამაზ კვაჭანტირაძე მარტო საგანმანათლებლო საქმეს შეჭიდებულ კაცი არ არის. თქვენი პირუთენელი პოლიტიკური შეხედულებების, პოლიტიკური მრწამსის გამო წინა ხელისუფლებისაგან ბევრი უსამართლობა იწვნით; ამის მიუხედავად, რამდენადაც ვიცი, მისი დამხობის შემდეგ არ ცდილობართ დაცემულთა ჩანახლვას. ერთადერთხელ გიხილეთ მართლაც განრისხებული ტელეეკრანზე, როცა გროზნოს ცნობილი თავყრილობის შესახებ აზრის გამოთქმა გახმოვდა...

— შემინდეთ, მაგრამ განა თქვენ შეგეძლოთ გულგრილად გეცქირათ, თუ როგორ ადგენდნენ ქართულთა ხელით საქართველოს სამეფო-სამთავროებად დაქუცმაცების გეგმას? და მიუხედავად ჩემი მკვეთრი დაპირისპირებისა დამხობილ ხელისუფლებასთან, მე, ცხადია, კორექტული ვიქნები განათლების ყოველ მუშაკთან, ვინც, თავისი პოლიტიკური სიმპათია-ანტიპათიების მიუხედავად, კეთილსინდისიერად შეასრულებს თავის პედაგოგიურ ვალს — გააკეთილზე, პირველ ყოვლისა, ასწავლის საგანს.

ესაუბრა მზია ქობონელიძე, „თბილისი“, 29.1.1993

ბარანტი

— ბატონო თამაზ, დღეს, სამწუხაროდ, აღარავინ უფროთხის თანამდებობას. როგორ ფიქრობთ, რამ განაპირობა ეს და პირადად თქვენ როგორ მიიღეთ ეს დანიშვნა?

— უკაცრავად, მაგრამ პირველსავე დებულებაში შეგედავებით... სწორედ დღეს, სოციალური დესტაბილურობის დროს, ყველა როდი ელტვის თანამდებობას — უფრო უდავიდარაბო გზებს პოულობს არსებობისა თუ

თვითდამკვიდრებისათვის. თანამდებობაზე უარის თქმა ზოგჯერ ვაჟკაცობაა, ზოგჯერ — სიმხდალე. მაგალითად, როცა ქალბატონი გუჩა კვარაცხელია დათანხმდა განათლების მინისტრის პოსტს, ეს თითქმის გამირობის ტოლფასი გახლდათ. დღესაც, პატიოსანი კაცისათვის, მინისტრობა საქართველოში უფრო სასჯელი მგონია, ვიდრე პატივი. დანიშვნაც ასე აღვიქვი — საპატიო სასჯელად. ისე, ჩემთვის იდეალურ საზოგადოებაში კარიერას ისინი უნდა იკეთებდნენ, ვისაც კარიერაზე უარის თქმა შეუძლია.

— ადმინისტრაციული სამუშაო სამეცნიერო თუ პედაგოგიურ მოღვაწეობაში, ბუნებრივია, ხელს შეგიშლით. ალბათ, მოგინევთ რაიმეს დათმობა...

— მომიწევს, მაგრამ ამით ქვეყანა არ დაიქცევა; ჟურნალსაც უჩემოდ წარუძღვებიან და, ალბათ, უფრო ოპერატიულადაც, ტელეეკრანიც არ დაობლდება და სტუდენტური აუდიტორიაც, იმედია, საპროტესტო აქციას არ მოაწყობს — ლექტორი დაგვიბრუნეთო... თუმცა, ყველაფერს დავთმობ, მაგრამ კვირაში ერთხელ სტუდენტობასთან ცოცხალ კონტაქტს მაინც ვერ შეველევი: ამიტომაც დავიტოვე ერთი სალექციო კურსი უნივერსიტეტში. ისე კი, პედაგოგიური, პუბლიცისტური, კრიტიკული, ჟურნალისტური საქმიანობა მეტ-ნაკლებად თავსდება განათლების სისტემაში და პრინციპულად მე არაფერს ვწყდები, ისევე ჩემი საქმიანობის სფეროებში ვიტრიალებ. ეს კია, უფრო ნაკლები დრო მექნება უშუალოდ თვითოეულ მათგანში დასახარჯად... ხანდახან ასეც მეჩვენება — რაც მეტად დავტვირავთ, მით უკეთესად გავართმევს კაცი თავს საყვარელ საქმეს.

— თქვენი დამოკიდებულება ასერიგად მომრავლებული ფასიანი და კომერციული სასწავლებლების მიმართ. რამდენად გაამართლებს ეს საქართველოში?

— ფასიან და კერძო სასწავლებლებს მნიშვნელოვანი ადგილი უკავია წამყვანი და განვითარებული ქვეყნების განათლების სისტემაში. სწავლების ეს ფორმა ჩვენშიც უნდა დამკვიდრებულიყო, მაგრამ ჩვენ ხომ უკიდურესობების ხალხი ვართ... დღეს საქართველოში ყველაზე დიდი დეფიციტი ზომიერების გრძნობაა. ჩვენ ერთბაშად ავიღეთ გეზი ფასიანი და კერძო განათლების სექტორზე ისე, რომ ჩვენი შესაძლებლობები არ გავითვალისწინეთ. ეს სოკოებივით მომრავლებული ფასიანი სასწავლებლები სალბუნით დაედო ჩვენს პატივმოყვარობას: ყველა ქართველი ხომ, პროფესორი თუ არა, დოცენტი მაინც უნდა იყოს, რომ აღარაფერი ვთქვათ უმაღლესის დიპლომზე. ახლა გაჩნდა შესაძლებლობა, რომ ყველას გექონდეს დიპლომი, ისევე, როგორც ყველას გექონდა საშუალო განათლების ატესტატი. ეს დიპლომიც, ფაქტობრივად, პროფანაცია-გაყალბება იქნება ჭეშმარიტი დიპლომისა. უფრო მეტიც, სიმართლეს თუ თვალს გავეუსწორებთ, ზოგჯერ სახელმწიფო უმაღლეს სასწავლებელდამთავრებული ექიმის, ინჟინრის თუ მასწავლებლის დიპლომიც კი ვერ დიპლომობს და, ასეთ სიტუაციაში რა და-

ლა ექნება „ოფშკვიტის უნივერსიტეტისა“ თუ „ჩუმლაყის აკადემიის“ მიერ გაცემულ დიპლომებს? ეს არა მარტო ჩვენი განათლების სისტემის, არამედ ჩვენი სახელმწიფოებრივი მოუშენიებლობის დასტურიც გახლავთ. ნუ იფიქრებთ, თითქოს მე ყოველგვარი ფასიანი და კერძო სასწავლებლების წინააღმდეგი ვიყო, მაგრამ მათ სჭირდებათ კარგად მოფიქრებული სახელმწიფო პროგრამა და ამ პროგრამის განმახორციელებელი საშუალებანი, კერძოდ, მატერიალურ-ტექნიკური ბაზა, კადრები, სათანადო მეთოდ-კაც... და როდესაც ამ მოთხოვნილებებს დააკმაყოფილებს, ფასიანი უმაღლესი სასწავლებლის წინააღმდეგი ვინ იქნება!

— ამას წინათ პრესაში გამოქვეყნდა დოკუმენტი, რომელიც აღმოჩნდა პოლონეთის კომპარტიის ლიდერის კაბინეტში. ეს გახლდათ ცენტრალური კომიტეტის სატანური, ფარული მითითება, როგორ გადაეკვარებინათ და აემხედრებინათ ცალკეული პრივილეგირებული პირები საკუთარი ერის წინააღმდეგ. იქ ერთ-ერთ პუნქტად ეწერა ასეთი რამ: რაც შეიძლება ბევრი უცოდინარი მიიღეთ უმაღლეს სასწავლებლებში და გაუწიეთ ამას პროპაგანდაო. „იმედია“, საქართველოსაც ექნებოდა ამგვარი მითითება-ბრძანება მიღებული. ანკესს რომ წამოვეგეთ, ფაქტია, საქართველო დიპლომოს-თენიითაა სწეული. როგორ ფიქრობთ, არსებობს გამოსავალი? და, თუ არსებობს, კონკრეტულად რა უნდა გაკეთდეს ამისათვის?

— არა მგონია, საქართველოს მესვეურთ როდესმე დასჭირვებოდათ საგანგებოდ ამგვარი მითითება. ჩვენი აზნაურული კუდაბზიკობა და სახელმწიფოებრივი გრძნობის მოჩლუნგება ინდივიდუალისტურ-პატივმოყვარული განცდის გააღმასების ხარჯზე უკვე საკმარისი პირობა გახლდათ ამგვარი დეგრადაციისა. ალბათ, გახსოვთ, ქართველთა შოთი და ამბოხებები მთელი მეცხრამეტე საუკუნის მანძილზე რუსეთის თვითმპყრობელობის წინააღმდეგ. მაშინ ერთმა ჭკვიანმა კაცმა შესთავაზა ხელისუფლებას: ქართველთა დასაწყნარებლად იარაღი და ყუმბარები საჭირო არ არის, არც ხორბალი და ნაეთი, ერთი ვაგონი ჩინ-მედლები გაუგზავნეთ და ყველა დაწყნარდებაო. მერე და მერე, ამ საუკუნეში „ჩინ-ტემლაკების“ ადგილი დაიჭირა დიპლომმა, თუმცა ამან, კაცმა რომ თქვას, ბოლომდე „არ გაამართლა“. თუ ვინმეს ეგონა, რომ დიპლომიანი ქართველი თავს დაუდებდა და გაუყურდებოდა უსამართლობას, შეცდა და ეს ამ ბოლო წლებმაც დაადასტურა: საქართველოს დამოუკიდებლობისა და თავისუფლებისათვის, პირველ ყოვლისა, ერის განათლებული ნაწილი იბრძოდა. მაგრამ ქართველთა სისუსტეებზე თამაში გარკვეული ძალებისა და სამსახურების გეგმაში, ალბათ, შედიოდა და ახლაც შედის. ამიტომ ფრთხილად უნდა მოვექიდეთ იმ, ერთი შეხედვით, წყალობას, რომელსაც ზოგჯერ გვიბოძებენ ხოლმე. ამ ბოლო ხანს, მაგალითად, მოგვცეს უფლება გაგვეხსნა უამრავი უმაღლესი სასწავლებელი. კი მაგრამ, ეროვნული ინტერესებიდან გამომდინარე, გვინდა ეს

ჩვენ?! ერთი ტენდენციაც გამოიკვეთა — რაც შეიძლება ბევრმა ქართველმა ახალგაზრდამ მიიღოს განათლება საზღვარგარეთ; ცხადია, ეს უალრესად საჭირო და საშური საქმეა, მაგრამ მე აქაც ვხედავ ერთგვარ საფრთხეს: დავილუპებით, თუ ესეც მოდად გვექცა, თუ აქაც პრესტიჟულობას გამოვედევნეთ... თუ დაიწყო ახალგაზრდობის უკონტროლო გადინება საზღვარგარეთ, მე ამისი პრინციპული მონინალმდევე ვიქნები. უნდა მოხდეს მკაცრი და რეგლამენტირებული შერჩევა. ჩვენ ძირს გამოვუთხრით ეროვნულ სკოლას, თუ კარს მოვფლემთ და ყველა უცოდინარ, მაგრამ ფულიან მსურველს მივაველით საზღვარგარეთ სასწავლებლად. რასაკვირველია, მეორე უკიდურესობა იყო, როდესაც ვერავინ, ან თითქმის ვერავინ იღებდა ევროპულ განათლებას. მოკლედ, ისევე და ისევე ზომიერება!

— უმაღლეს სასწავლებელში სკოლიდან მოდის ბავშვი, სკოლაში კი სრული ქაოსია. თქვენ როგორ ფიქრობთ, მოგვარდება სკოლის პრობლემები?

— მე შეგიბრუნებთ კითხვას: არის კი სფერო, სადაც დალაგებულად გვექონდეს საქმე? როცა აიმღვრევა საზოგადოება, აიმღვრევა სკოლაც. და — პირიქითაც! თუ იქნება უკეთურება საზოგადოებაში — ჩათვალეთ, აპრიორულად, რომ ეს უკეთურება სკოლაშიც შეაღწევს. როდესაც სანტიქნიკოსი ერთი ონკანის შეკეთებაში იღებს მასწავლებლის თვითურ ხელფასზე მეტს, ძალიან ძნელია, ზნეობასა და მორალს გაამარჯვებინო სკოლაში. თუმცა, უნდა იყოს სფერო ადამიანური მოღვაწეობისა, ცხოვრებისა, რომელიც ყველაზე მეტად უნდა დავიცვათ საზოგადოების მანვე ზეგავლენისაგან. ასეთი სფერო სწორედ სკოლა მგონია... არადა, სკოლა ვერ დავიცავით. მეტსაც გეტყვით, ზოგჯერ სკოლა ტონის მიმიცემი აღმოჩნდა მრავალ უკეთურებაში; მაგალითად, ახალგაზრდობაში ფეხმოკიდებული ნარკომანია სკოლის ბოლო საფეხურზე იწყება, სტუდენტობაში ხომ ეს სენი ძალიან მოდებულია და მერე იგი ტალღისებურად შეიძლება გავრცელდეს მთელ საზოგადოებაში. მოკლედ, ქაოსი ყველგან საშინელია, მაგრამ ყველაზე დიდი საშინელებაა ქაოსი სკოლაში.

— მხოლოდ ზნეობრივი ქაოსი არ მქონდა მხედველობაში. ვგულისხმობდი სასწავლო პროცესსაც და თვით მასწავლებელსაც. მათი უმეტესობა, ჩემი აზრით, არ არის პედაგოგობის ღირსი.

— შემიხსენებთ, მაგრამ ასეთი განზოგადებული მსჯელობა და მსჯავრის გამოტანა სამართლიანი არა მგონია. მე რომ ახლა გითხრათ, ყურნალისტიების უმრავლესობას წერა უნდა აგეკრძალოთ-მეთქი, ხომ გული დაგწყდებათ... წარმოიდგინეთ, თქვენს მსჯავრს რომ წაიკითხავენ, მასწავლებლებიც რა გუნებაზე დადგებიან. ამდენი ოფლი ჩაუნთხევია პედაგოგს მოსწავლის აღზრდაზე!.. უმადურობა და გადიას „ძუძუზე კბენა“ ღირსეული საქმე არ გახლავთ, მასწავლებელთა შორის არიან — თანაც, არცთუ ისე ცოტა — თავის საქმეს შეწირული ხალხი. მათ ნორმალური არც სამოსი აქვთ, არც სა-

დილი, არც ხელფასი; მოსწავლეთა მშობლები ხომ ამ ხალხს ლამის მტრად მოეკიდონ; საზოგადოება მასწავლებლის შრომას არ აფასებს, ამის კვალობაზე, ბავშვებიც სათანადო რეაქციას ავლენენ... არადა, ყმანვილთა სწავლებასა და მოვლა-პატრონობას განუზომელი ენერჯია სჭირდება. ჭეშმარიტი მასწავლებლობა დღეს გმირობაა, თუმცა, ვერ დავმაღავე, სკოლაში ისეთი ხალხიც მუშაობს, სათოფეზე რომ არ უნდა გააკარო ბავშვს. მასწავლებლის შრომა ყველაზე მძიმე ფიზიკურ ჯაფას უტოლდება, ცხადია, თუ ნორმალურად ჩაატარებ გაკვეთილს და ყოველ მოსწავლეს ჩაუდებ სულსა და გულში შენს ცოდნას. ამ სამუშაოს ანაზღაურება და მასწავლებლისადმი საზოგადოების დამოკიდებულება, მოგეხსენებათ, როგორიცაა. რა გვეშველება, რა გადაგვირჩენს სკოლას? პირველ ყოვლისა, უნდა გამოინახოს ისეთი ეფექტური მეთოდი კადრების შესარჩევად, რომ სკოლაში შეაღწიოს ცოცხალმა შემოქმედებითმა ძალამ, ახალგაზრდებმა. ცხადია, თვითმიზანი ვერ იქნება ყოველი ხანდაზმულის დათხოვა სკოლიდან... ზოგჯერ ერთი გამოცდილი პედაგოგი მეტს აკეთებს, ვიდრე რამდენიმე ახალგაზრდა ერთად; თუმცა, სკოლა არც დაგრდომილთა თავშესაფრად უნდა ვაქციოთ. უძლურება მასწავლებლისა მოსწავლეთა სატანჯველია, სკოლა კი ბავშვებს ჯოჯოხეთად არ უნდა ვუქციოთ.

— ორიოდ სიტყვით თქვენი კონკრეტული გეგმების შესახებ, რითი იწყებთ და რით ამთავრებთ თქვენს სამუშაო დღეს?

— ყოველი დილა იწყება კონკრეტული საქმით. ვასწრებ რამდენიმე სკოლის შემოვლას. იქ, ადგილზე, კონკრეტული საქმეები წყდება. მეტყვით, რა მინისტრის საქმეა წერილმანების გამოდევნება, გაკვეთილს ვინ აცდენს, ვინ ესწრება, სად თბება რადიატორები და სად არა, მიიღო თუ არა ხელფასი დროზე მასწავლებელმა, ჩაიმტვრა ფანჯრები და იჩხუბეს თუ არა „სკოლა-სკოლაზე“ ან „უბანი-უბანზე“ ბიჭებმა, ვის აკლია სახელმძღვანელო და რომელ სკოლაში მოიპარეს კომპიუტერი... მერნმუნეთ, ამ „წერილმანებზე“ მსხვილი და საჭირბოროტო საქმე სკოლაში არც არსებობს; ცხადია, არის კონცეპტუალური საკითხებიც, შვიდგზის რომ უნდა გავზომოთ, ვიდრე გადავჭრიდეთ. ერთ-ერთი ამგვარი პრობლემაა უწყვეტი განათლების ახალი კონცეფცია, რომელიც თავის თავში მოიცავს სისტემის რეორგანიზაციასაც განათლების ყველა საფეხურზე. ამ კონცეფციის ხორცშესხმა მოითხოვს არა მარტო მინისტრის, არამედ ნებისმიერი პედაგოგის მთელ სიცოცხლეს... ჩვენი შვილები და შვილიშვილები ნორმალურ სკოლაში უნდა სწავლობდნენ. ეს კი იმის გარანტიაა, რომ ისინი ნორმალურ სახელმწიფოში იცხოვრებენ.

პაითუ...

— ბატონო თამაზ, 14 აპრილი ოფიციალურად აღიარებული დღეა დედანისა თუ სტიქიურად ვდღესასწაულობთ ამ დღეს?

— მართალი გითხრათ, არც მახსოვს, როდის დანესდა ან, საერთოდ, დანესდა თუ არა ოფიციალურად ეს დღე დედანის დღესასწაულად. მაგრამ კარგად მახსოვს (და ახსოვს, ალბათ, ყველას, ვინც მოესწრო 1978 წლის აპრილის ბობოქარ დღეებს) მაშინდელი განცდა, ბიბლიური ფრაზით გამოხატული — ჟამი ერთი, ვითარცა წელი ათასი... თითქოსდა ერთ ჟამში ანუ ერთ დღეში შემკვრივდა საუკუნე და ერმა გამოხატა თავისი ნება: ილაპარაკოს ქართულად — ანუ იცხოვროს, იარსებოს ქართულად...

— განა კონსტიტუციის ახალი რედაქცია ქართულად ლაპარკს კრძალავდა?

— ცხადია, არა... ასე ჯიქურ ჭკვიანი მტერი არასოდეს მოქმედებს... ის ისეთ გარემოს გიქმნიდა, რომ შენ თვითონ გამოგეტანა „ჭკვიანური“ დასკვნა — ჩემთვის რუსული უფრო საჭირო და გამოსადეგია, ვიდრე ქართულიო. ხომ გახსოვთ, როგორი არგუმენტით იმშვიდებდა (უფრო ზუსტად — იტყუებდა) თავს ზოგი — ქართული ჩემმა შვილმა ისედაც იცის, რუსულ სკოლაში კი გამართულ რუსულს ისწავლის, ურუსულოდ ხომ რიგიან სამსახურსაც ვერ ეღირსებაო. და — მასობრივად შეჰყავდათ ქართველი ბავშვები რუსულ სკოლაში... ასეთ სიტუაციაში ქართული ენის კონსტიტუციური სტატუსი ძვალივით ჰქონდა გახიროლი ჩვენს გადასაყლაპავად დაფჩენილ იმპერიულ ხახას, და ამ „ძვალის“ ამოგდება გადანყვიტეს სწორედ კონსტიტუციის ახალი რედაქციით; მაგრამ, რომ იტყვიან, კოვზი ნაცარში ჩაუვარდათ... ქართველმა ერმა, საზოგადოებამ, განსაკუთრებით — ახალგაზრდობამ, თითქოსდა კანით იგრძნო, რომ 75-ე მუხლის ფორმულირების მიღმა ბევრად უფრო მნიშვნელოვანი რამ იმალებოდა... ამაში დიდი როლი იმანაც ითამაშა, რომ რესპუბლიკის მაშინდელმა ხელმძღვანელმა კონსტიტუციის ამ ახალი რედაქციის პირველ საჯარო-სატიტულევიზიო განხილვისას მრავალმნიშვნელოვნად გაამახვილა ამ მუხლზე ყურადღება — მუხლზე, რომლის არსებობა, კაცმა რომ თქვას, ქართველი საზოგადოების დიდ ნაწილს გადავიწყებული ჰქონდა ან — სულაც არ იცოდა. და მერეც, ამ პროცესის მართვისას, მან არა მარტო პიროვნულად გაიარა ბენეის ხიდზე, არამედ — ხალხიც გაატარა: მიზანსაც მივალნივთ და სისხლიც არ დაღვრილა. ეს გახლავთ სწორედ პოლიტიკოსის ხელოვნება. და ხალხმაც უფრო ინტუიციით, ვიდრე ლოგიკით, იგრძნო რესპუბლიკის თავკაცთან ეს შინაგანი ერთიანობა, რაც იმ დროსა და იმ პირობებში უფრო სასწაულს ჰგავდა და რამაც დაბადა 14 აპრილის დღესასწაული.

— როგორ უნდა აღინიშნოს, თქვენი აზრით, ეს დღე?

— სანამ საქართველოს პოლიტიკური დამოუკიდებლობა მოპოვებული

არა ჰქონდა, დიახაც იყო საჭირო საჯაროდ, ხმაშემალი, ქუჩაში გამოსვლით, მიტინგითა თუ მანიფესტაციით შეგვეხსენებინა უზენაესი ხელისუფლებისათვის, რომ ჩვენ გვახსოვს დღე 14 აპრილისა, როგორც დღე განსაცდელისა, რომელსაც გაეუძელით, შეგვეხსენებინა, რომ დედაენის ღირსებას, რაც იგივე ერის ღირსებაა, ფეხქვეშ არავის გავათელივინებთ.

— დღეს?

— დღეს საქართველოს პოლიტიკური დამოუკიდებლობა ყველამ ცნო, ყველამ, გარდა ქართველთავე ერთი ნაწილისა — ესაა სამწუხარო და სავაგლახო. ამიტომ სტილი ამ დღის აღნიშვნისა, ჩემი აზრით, ერთგვარად უნდა შეიცვალოს... დავეხსნათ პომპეზურობას; ამ დღის აღნიშვნის თეატრალურ-სცენურმა ფორმებმა უნდა მიიღოს საქმიანი სახე: ამ დღეს უპრიანია სამეცნიერო, სასწავლო და პედაგოგიური ნრუები ერთგვარი ანგარიშით წარვდგეთ საზოგადოების წინაშე: როგორ ვუპატრონეთ ამ ერთი წლის მანძილზე ჩვენს სახელმწიფო ენას, კლასიკოსთა რამდენი ტომი დავსტამბეთ, რამდენი ლექსიკონი დავამზადეთ და გამოვეცით, როგორ ვიღვანეთ ქართული ენის სალიტერატურო ნორმების დასაცავად, რა ადგილი დაუთმეთ სასწავლო ბადეებში ქართულ ენასა და ლიტერატურას, როგორ ვიზრუნეთ ამა თუ იმ დანესებულებაში ქართულის — როგორც სახელმწიფო ენის — დაუბრკოლებელ ფუნქციონირებაზე და, რა ვიცი, ათას სხვა საჭირობოროტო საკითხს როგორ დავადგით თავი...

— კი ბატონო, მაგრამ კიდევ რომ ვიზეიმოთ და ვიდღესასწაულოთ ეს დღე, ამით განა რა დაშავდება?

— საერთოდ, დაშავდება კი არა, ეს ყველაფერი დედაენის დღეს მოუხდებოდა კიდევ, მაგრამ ამასაც ვიკითხავ, გვეზეიმება და გველოცავდნენ ქართველობას ამ გაგანია ომის დროს? არც ის დრო გვიდგას ახლა, საერთო მტრის გასახარად ერთმანეთს ანგარიში ვუსწოროთ და ერთმანეთის მარცხზე (უფრო სწორად — საკუთარ მარცხზე) სიხარულით ხელები ვიფშენით... კაცმა რომ თქვას, ლალატი სხვას რასა ჰქვია, თუ არა იმას, შენი მტრის გამარჯვება გიხაროდეს და შენი სისხლ-ხორცის გამარჯვება გულსა გყრიდეს... ამას წინათ ზვიადისტა მიტინგზე „ხუნტის“ ჯარების გამოყვანა მონიხოვეს აფხაზეთიდან... არძინბა და მისი ამფსონებიც მეტს განა რას თხოულობენ? 14 აპრილს მაინც ნუ ვაკადრებთ იმას, რაც ერთი კვირის წინანდელ 9 აპრილს ვაკადრეთ... ნუთუ 9 აპრილის შემოქმედი ხალხი 9 აპრილის იდგამდე ვერ უნდა ავმალდდეთ?.. იდეა კი ჩვენი, ყოველთა ქართველთა, ერთიანობაა თავისუფლებისათვის ბრძოლაში... არაქართული თვისებაა შესარიგებლად გამოწვდილი მარჯვენისათვის ხელის აკერა... უფრო მეტიც — ზედ დაფურთხება... ნუ გავიხდით ქართველები საქმეს ისე, როგორც მერაბ კოსტავა გააფრთხილებდა — ურთიერთშუღლი და მტრობა ისე გაგვაითოკაცებს და დაგვწრეტს, ვაითუ მერე სიბნელეში ხელის ცეცებით ვეძებდეთ ერთმანეთს...

ესაუბრა ეკა ლევაია, „საქართველოს რესპუბლიკა“, N76 (620), 14 აპრილი, 1993

სკოლა შინაგანად ტაპარს უნდა დაეშვას

— რას თვლით მოსწავლისათვის აუცილებელ მოვალეობად?

— თვითონ სიტყვიდანაც ჩანს, მოსწავლისათვის აუცილებელი მოვალეობა რაც არის.

— რას გვეტყვიტ სწავლის მიზანსა და მოსწავლის პასუხისმგებლობაზე?

— გურამიშვილის სიტყვებით გიპასუხებთ — „ყმანვილი უნდა სწავლობდეს საცნობლად თავისადაო, ვინ არის, სიღამ მოსულა, სად არის, ნაეა სადაო... ვით რემა, ხნარცვს არ ჩაეარდეს ულაგმო და უსადაო“. კაცი უსწავლელად ვერც თავს იცნობ, ვერც სხვას, ვერც გზას გაიკვლევ და, თქვენ ჯვარი გწერიათ, კისერსაც მოიტებ. ახლა თაეად განსაჯეთ, რამხელა პასუხისმგებლობა მართებს კაცს სწავლისას.

— ტრადიციულად, როცა მოსწავლე ამთაერებს სკოლას, ემზადება იმ საგნებში, რომელიც სჭირდება უმალლესში ჩასაბარებლად, ამიტომაც აცდენს იგი გაკვეთილებს. ამის თაობაზე რას გვეტყვიტ?

— მართალს ბრძანებთ, დამამთაერებელ წელს, განსაკუთრებით, ქალაქელი მოსწავლეები, კაცმა რომ თქვას, სწავლების კერძო სექტორში გადაინაცვლებენ ხოლმე. ამას სახელმწიფო სკოლაში სწავლების დონის კერძო სექტორის დონესთან გათანაბრებით თუ შეეებრძოლებით.

— თქვენი აზრით, რატომ მიდის ბავშვი „შატალოზე“?

— მოსაწყენი მასწავლებელი ჰყავს და კლასში მთქნარებას კინოში შესვლა ურჩევნია.

— არის შემთხვევა, როდესაც მოსწავლეს მასწავლებელი უყვარს, ხოლო მისი საგანი კი არა, რით არის ეს გამონეუული?

— ასეთი მასწავლებელი, შეიძლება, კარგი ადამიანიც იყოს, მაგრამ პედაგოგად ღმერთს არ უქნია და, აჯობებდა, სხვა საქმისთვის მოეკიდა ხელი. ისე, თუ გაკვეთილზე მასწავლებელი ფიზიკის ნაცვლად ფეხბურთზე ან პარლამენტზე ლაპარაკობს, მოსწავლეს, შესაძლოა, დროებით კიდევ შეუყვარდეს იგი, ოღონდ — დროებით და არა ხანგრძლივად!

— მიგაჩნიათ თუ არა სავალდებულოდ სკოლაში „ბიბლიის“ სწავლება?

— „ბიბლია“ — როგორც საგანი, სკოლაში არ ისწავლება და, ჩემი აზრით, არც უნდა ისწავლებოდეს. სწავლება, გარკვეული დოზით, იძულების მომენტსაც შეიცავს და ის, რაც სავალდებულოა, ხშირად უარყოფით ემოციებს აღძრავს მოსწავლეში. მაგრამ „ბიბლიის“ სული სკოლაში აუცილებლად უნდა ტრიალებდეს, სკოლაშივე, განსაკუთრებით ლიტერატურისა და ისტორიის გაკვეთილებზე უნდა ვაზიაროთ მოსწავლეები ბიბლიის მადლს, გა-

ვაცნოთ ბიბლიური პერსონაჟები, წაეკითხოთ ბიბლიური ამბები, ვასწავლოთ და ჩაუწერგოთ ქრისტიანული ზნეობა.

— კარგია, რომ ზოგ სკოლაში ეთიკის სწავლება შემოიღეს; ყველა სკოლაში მოგვარდება ეს საკითხი?

— მე-9 კლასში ისწავლება „საოჯახო ცხოვრების ეთიკა და ფსიქოლოგია“. ეთიკის ცალკე საგნად შესწავლის საკითხი უნდა მოვავდაროთ, თანაც ისე, რომ „ეთიკა“ არა მარტო ვასწავლოთ, არამედ „ვამუშაოთ“ კიდევც სკოლაში: ხომ გახსოვთ, „არა ვიქმ, ცოდნა რას მარგებს ფილოსოფოსთა ბრძნობისა“. საპირისპირო შედეგს მივიღებთ, თუ „ეთიკას“ არაეთიკურად ასწავლის ეთიკასთან მწყურალად მყოფი ადამიანი.

— თქვენ ლიტერატორი ბრძანდებით, თქვენთვის ყველა ქართული მწერალი ახლობელია და საყვარელი. მეც ძალიან მიყვარს ლიტერატურა, ვალმერთებ ვაჟა-ფშაველას, თქვენი რჩევა მჭირდება, ვაჟას რომ ჩავწვდე.

— ჩემზე ბევრად უკეთეს მრჩეველებს დაგისახელებთ ვაჟას სამყაროს სწავლომად: გრიგოლ კიკნაძე, გერონტი ქიქოძე, გრიგოლ რობაქიძე, თამაზ ჩხენკელი... და ბევრი, ბევრი სხვაც. ან გარდასულნიც და ცოცხალნიც.

— თქვენი პირველი საკონტროლო თემა თუ გახსოვთ?

— მახსოვს: მესამე კლასში ჩვენმა დამრიგებელმა ნინო ალექსიძემ დაგვავალა, დაგვეწერა თავისუფალი თემა „რად მიყვარს ჩემი სამშობლო“, თან დაგვეპირდა, საუკეთესო ნაწერს დაფაზე გადავიტან, რომ მთელმა კლასმა გადაინეროსო. ვინ იყო ავტორი, ეს ამბავი კი საიდუმლოდ უნდა შენახულიყო.

— თქვენმა თემამ გაიმარჯვა?

— საიდუმლო იმის საიდუმლოა, რომ ორმოცი წლის შემდეგაც არ უნდა გათქვა...

— თქვენი საყვარელი მასწავლებელი?

— ერთის დასახელება მიჭირს... მახსოვს, როგორ ვიტანჯებოდი პატარაობისას — დედა უფრო გიყვარს თუ მამაო, როცა მეკითხებოდნენ. ბოლოს გამოსავალი ვნახე — ბებია-მეთქი, ვპასუხობდი და, სხვათა შორის, მართალიც ვიყავი: ამას ჩემი ლიტერატურული ფსევდონიმიც — თამაზ ალკაბაძე — ადასტურებს, რომელიც ასე „იმიფრება“: მშობლებისა და ბებუის სახელთა პირველი მარცვლების შერწყმა — ალ(ექსანდრა) + კა(სი-ანე) + ბა(ბილინა)... მიჭირს-მეთქი მასწავლებელთა შორის უსაყვარლესის დასახელება... და მაინც — ქალბატონი ოლღა ბარამიძე, ჩემი პირველი მასწავლებელი, ქალბატონი ნინო ალექსიძე და, ცხადია, ბატონი სიმონ სხირტლავი, რომელმაც ჯერ არქიტექტორობაზე ამალბინა ხელი, მერე — ფილოსოფოსობაზე და ქართული სიტყვიერებისაკენ მიმბრუნა.

— განათლების სამინისტროს შენობა არქიტექტურულად ეკლესიას ჰგავს. ხომ არ იცით რაიმე მისი ისტორიის შესახებ?

— ამ შენობის ისტორიისა რა მოგახსენოთ, მსგავსებით კი ეკლესიას არა-

მარტო გარეგნულად — უფრო შინაგანად უნდა დავემსგავსოთ... და როცა ყოველი სკოლა სწორედ შინაგანად დაემსგავსება ტაძარს, ალბათ, მაშინ თუ გვეშველება.

ესაუბრა მოსწავლე ნინო ბურჯანაძე, „ნერგი“, 2.4.1993

ინტერვიუ ზაპირი. ინტერვიუ წერილობითი

— ბატონო თამაზ, როგორღა დამოკიდებულება გაქვთ ბანკთან?

— ბანკს გააჩნია... მახსოვს, ჩემი სტუდენტობისას, საზრიანთა კლუბების შეხვედრაზე ასეთი კითხვა დასვეს: რა საერთო აქვს მანონსა და ფულსო? — ორივეს ბანკებში ინახავენო, — იყო პასუხი, გონებამახვილური, თუმცა ქართული ენის სინმინდის თვალსაზრისით არცთუ უხარვეზო... თუ გაზეთ „ბანკზე“ მეკითხებით — ვერ ვიტყვი, რომ პირველიდან მეთექვსმეტე გვერდამდე ყველაფერს ვკითხულობდე, მაგრამ რაც ფილოლოგს ნაეკითხება, ცოცხლად და საინტერესოდ იწერება, ვალუტის კურსის შესახებ კი ინფორმაციას თავისი მკითხველი ეყოლება. ხოლო თუ ფულის დასაბანდებელ, საბრუნავ და გასამრავლებელ ბანკზე მეკითხებით, კერძოდ, ეროვნულ ბანკზე, რა დამოკიდებულება უნდა ჰქონდეს მის მიმართ იმ სისტემის მინისტრს, ვისი ძირითადი მრეველი — მასწავლებელი, თვეში იმდენ კუპონს იღებს, რამდენიც კილონახევარ ხორცს თუ გასწვდება? მანეთობაზე როცა ვიყავით, მაშინ, ჩვენი „უფროსი ძმის“ გადამკიდე, საერთოდაც თვეობით ვერ ვიღებდით ხელფასს...

— ეროვნული ბანკი არ გაძლევდათ?

— როგორ გეკადრებათ... ყვავს რა ჰქონდა, ბუზს გაჰქონდაო, თორემ ეროვნული ბანკი, მისი ხელმძღვანელობა, განსაკუთრებით ნუგზარ ფიფია, ჩვენ მიმართ ისეთ ყურადღებას იჩენდა და იჩენს, ეჭვიც კი შეგვეპარა, მეუღლე ხომ არ ჰყავს პედაგოგო...

— ესე იგი, დიდ მნიშვნელობას ანიჭებთ ქმრის გადანყვეტილებაში მეუღლის როლს?

— საკმაოდ, თუმცა ყოველ კაცს თავისი წესი აქვს მეუღლის რჩევის დაჯერებისა.

— თქვენი წესი როგორია?

— წერილმანებში მის რჩევას ვუჯერებ, მსხვილმანებში მიჯერებს...

— თქვენი აზრით, განათლების მინისტრი უნდა ერკვეოდეს თუ არა ფინანსებში?

— ჩვენი დარგის მინისტრი, ჩემი აზრით, იმდენად უნდა ერკვეოდეს ფინანსებში, რომ ეკონომიკურმა სამსახურებმა ვერ გააცურონ, მაგრამ სავალდებულოდ არ მიმაჩნია, ისე იყოს ამ სფეროში დასპეციალებული, რომ იქით გააცუროს ეს სამსახურები.

— გაქვთ თუ არა ვალი?

— მაქვს, მაგრამ არც ისე ბევრი...

— გაქვთ თუ არა ფული ბანკში?

— ბანკში რომ ფული მქონდეს, ვალიც არ მექნებოდა... თუმცა შემნახველ სალაროში ჩემს სახელზე არის მცირე თანხა — ტელელექციების პონორარი ბანკში მერიცხებოდა...

— რა ღირდა ტელელექცია?

— თხუთმეტი წლის მანძილზე ყოველკვირეული ნახევარსაათიანი ტელელექცია ნებისმიერ, თავისი თავის პატივისმცემელ, ქვეყანაში გაამდიდრებდა კაცს... ჩემი პონორარი კი ორმოცი მანეთის ფარგლებში ტრიალებდა, ყოველ შემთხვევაში, 46 მანეთს არასდროს ასცილებია. თუმცა ამ ფულად მაშინ ერთ ინდაურს (ცხადია, არა საახალწლოდ) კი იყიდდა კაცი...

— ახლა ეკონომიკის სფეროდან განათლებისაზე გადავინაცვლოთ. აქ ჩამოგინერეთ შეკითხვები სკოლაზე, მოსწავლეებზე, პედაგოგზე, დიპლომზე და სხვა, თქვენს დარგთან დაკავშირებულ, საჭირობოროტო საკითხებზე. ბოდიშს გიხდით გრძელ-გრძელი შეკითხვებისათვის, თქვენგან კი არც მოკლე-მოკლე პასუხებს დავინუნებდით.

— ბატონი ბრძანდებით... მეც წერილობით ვიპასუხებთ.

* * *

— ბატონო მინისტრო, სწავლის კარგად წარმართვაზე დამოკიდებულია არამცთუ სვე-ბედი მართო მომავლის თაობისა, არამედ სვე-ბედი თვითონ ქვეყნისაცო, ბრძანებდა ილია ჭავჭავაძე.

თქვენ უფრო ჩახედული ბრძანდებით განათლების დღევანდელ სისტემაში, გარედან მაცქერალ კაცს კი არავითარი იმედი აღარ აქვს. რას გვეტყოდით საიმედოს?

— შიგნიდან მაცქერალ კაცს კიდევ უფრო შემოეყრება გულზე, მაგრამ უიმედოდ მაინც ჩვენი მტერი იყოს...

— ბატონო თამაზ, სამოცდაათი წლის განმავლობაში მკაცრ ცენტრალიზებულ სახელმწიფოში ვცხოვრობდით. ალბათ, ამის ბრალიცაა — ყოველი ცენტრალიზებული ტენდენციის მიმართ უარყოფითი დამოკიდებულება გაგვიჩნდა და დღეს უფრო პოპულარული გახდა დეცენტრალიზაციის იდეა, თუმცა ორივეს აქვს თავისი ღირსება-ნაკლოვანებები. განათლების სისტემის მართვის დროს თქვენ რომელს დაუჭერდით მხარს?

— ჩვენთვის სასურველი დეცენტრალიზაცია რომ მოვახდინოთ, ამ ეტაპ-

ზე განათლების დარგის სწორედ მკაცრი ცენტრალიზებაა საჭირო.

— ბატონო მინისტრო, პედაგოგთა კვალიფიკაციის ასამაღლებელი და გადასამზადებელი კურსების არაეფექტურობა საზღვარგარეთაც კი არაერთხელ აღუნიშნავთ. მაგალითად, დიდ ბრიტანეთში განათლების რეფორმის დროს ეს არაეფექტურობა გაითვალისწინეს. თქვენ რას იტყვით ამაზე?

— პირიქით, მე მგონია, რომ სწორედ დღეს უნდა ვიხმართ ყოველი ღონე მასწავლებლის კვალიფიკაციის ასამაღლებელი და გადასამზადებელი ინსტიტუტების ეფექტიანობის გასაძლიერებლად, რამდენადაც საბაზრო ეკონომიკა და განათლების სისტემის რეორგანიზაცია მწვეავედ დააყენებს პედაგოგთა პროფილისა და სპეციალობების შეცვლის საკითხს.

— ბატონო თამაზ, საინტერესოა თქვენი აზრი კიდევ ერთ კონკურსზე — „წლის საუკეთესო მასწავლებელი“... გულწრფელად მაინტერესებს, კონკურსში გამარჯვებულ მასწავლებელს, ვადის გასვლის შემდეგ, ევალება თუ არა, მეორე წელსაც საუკეთესო იყოს?

— გეთანხმებით, წლის საუკეთესო შეიძლება სიგრძეზე მხოლოდ ერთი ან მოჭიდავე გამოვავლინოთ, მასწავლებლისა კი — რა მოგახსენოთ. ჩემთვის ცოტა ძნელი წარმოსადგენია, მაგალითად, სიმონ სხირტლაძე, როგორც, ვთქვათ, 1959 წლის საუკეთესო მასწავლებელი... ისე, მასწავლებელთა ნასახალისებლად ასეთი კონკურსიც დასაშვებია.

— ვაჟა-ფშაველა წერდა: „ბაღს უფროსისა ცოტა შიში თუ არა აქვს, გაირყვება, გაფუჭდება“.

დღეს მძიმე სოციალ-ეკონომიკური მდგომარეობაა. ამიტომაც არის, ალბათ, რომ მოზარდს ადვილად შეუძლია იქურდოს, იყაჩაღოს, კიდევ მეტიც, შეუძლია ხელი აღმართოს თანატოლზე და სიცოცხლეც მოუსპოს მას. ადრე თუ დანის პრობლემა იდგა, დღეს მოზარდები ცეცხლსასროლი იარაღითაც არიან შეიარაღებულნი. ხომ არ არის საჭირო, და თანაც სასწრაფოდ, რაღაც ახალი ღონისძიებების გატარება სკოლაში, თუნდაც ეს ზედმეტ ხარჯებთან იყოს დაკავშირებული და მძიმედ დაანვეს განათლების სისტემის ბიუჯეტს?

— ამას წინათ პედაგოგებთან შეხვედრაზე ილფისა და პეტროვის მიბაძვით განვაცხადე, დღეს საქართველოში იმდენი სასწავლებელი და იარაღია, კაცს ეგონება, ქართველები იმისათვის იბადებიან, რომ დაამთავრონ გიმნაზიები, ლიცეუმები, კოლეჯები, ტექნიკუმები, ინსტიტუტები, უნივერსიტეტები, აკადემიები, მერე აიღონ ხელში დანები, კასტიეტები, სპიცები, ნაგანები, ხელყუმბარები, ავტომატები და ერთმანეთი დახოცონ-მეთქი. ჯერ უფროსებმა უნდა ავიღოთ იარაღზე ხელი და მერე მოზარდებსაც ეშველებათ...

— ბატონო მინისტრო, რას იტყვით, ყველა სკოლაში რომ გაიხსნას „კუთხე“, რომელიც მოსწავლე ახალგაზრდობის სულიერი განწყობისა და

ამაღლების საქმეს მოემსახურება, რადგან მოსწავლეებში გაჩნდა სურვილი ქრისტიანული რელიგიისა და საღვთო სჯულის გაცნობისა!

— ვეარაუდობთ სკოლაში ახალი საგნის — „რელიგია და კულტურა“ — შემოტანას, მაშინ ამგვარი „კუთხე“, ცხადია, ყოველ სკოლაში შეიქმნება.

— რას ფიქრობთ ცოდნის შექმნის წამახალისებელ ფორმებზე?

— ჩვენთან, საუბედუროდ, არ არის ცოდნის სათანადო მოტივაცია, სამაგიეროდ მძაფრი მოტივაციაა დიპლომისა. წახალისება სჭირდება ცოდნას, ამისათვის კი მარტივი მექანიზმი უნდა ამუშავდეს — ცოდნას დაედოს ფასი, მცოდნე უცოდინარზე უკეთ უნდა ცხოვრობდეს...

— აქ ქალაქში დაწერილი დიპლომი სამსახურში შესვლის დროს დაგჭირდებათ, შეინახეთ!.. ჩვენ კი მისთანა დიპლომს უფრო ვუჯერებთ, რომელიც ტვიზზეა დაწერილი“, — წერდა აკაკი წერეთელი.

დღეს ატესტატი და დიპლომი მართლაც მარტო ფორმალურ სახელმწიფო დოკუმენტად იქცა.

ბატონო თამაზ, საჭიროა კი ამდენი დიპლომი და ატესტატი? თანაც — რომელიც „ტვიზზე არ არის დაწერილი“?

— საჭიროა, ოღონდ საჭიროა ერის გასარყენელად, გასათახსირებლად, გადასაგვარებლად, მოკლედ, ამ სიტყვის —სა-ჭირ-ო—„ჩვენდა ჭირად“ გაგებით. ამგვარი მიზანი კი გარკვეულ ძალებს გარკვეულ პერიოდში უდავოდ ჰქონდათ. დღეს თუ ამას წინ არ აღუდგეკით, ხვალ შთამომავლობა პასუხს ჩვენ მოგვთხოვს... თუმცა, რაღას მოგვთხოვს, როცა ისეთ შთამომავლობას გავზრდით, რომელსაც იმის მოთხოვნილებაც არ ექნება, პასუხი მოგვთხოვს — ქართველობა რატომ დაგვიკარგეთო.

— საბაზრო ეკონომიკაზე გადასვლამ ბევრი სიახლე მოგვიტანა, გამოწვევის არც განათლების სისტემაა. ფასიანი სასწავლებლების ბუმმა საზოგადოების არაერთგვაროვანი შეფასება გამოიწვია. საინტერესოა თქვენი აზრი ამ საკითხით დაინტერესებული მკითხველისათვის.

— მითქვამს და გაეიმეორებ: უხეირო, ფასიანი იქნება თუ უფასო, არც სკოლა ვარგა და არც უმაღლესი... ფასიან უმაღლეს სასწავლებელთა უმეტესობა იმიტომ კი არ არის დასახური, რომ ფასიანია, არამედ იმიტომ, რომ უხეიროა. საქართველო ალბათ ერთადერთი ქვეყანაა, სადაც მშობელი დიდ ფულს იხდის იმაში, რომ მის შვილს არ ასწავლონ.

— თანამედროვე სკოლაში სწავლება წარმოუდგენელია ახალი ტექნოლოგიების გარეშე. ყოველივე ამას, ბუნებრივია, სათანადო სახსრები სჭირდება. ამჟამინდელ კრიზისულ მდგომარეობაში მყოფი სახელმწიფო სათანადო თანხებს, ალბათ, ვერ გამოყოფს, მაგრამ ყურადღება ხომ აუცილებელია?

— ცარიელა სიტყვა ყურადღება ვერ იქნება... და სახელმწიფომაც, თუ რამეზე უნდა გამოყოს თანხა, პირველ ყოვლისა — განათლებაზე. მეტსაც

გეტყვი, მხოლოდ მდიდარ ქვეყანას შეუძლია თავს ფუფუნების ნება მისცეს და განათლებაზე ფული ნაკლებად ხარჯოს, ჩვენსავით გაჭირვებულმა კი ყველაზე მეტი სახსრები განათლებაში უნდა ჩადოს.

— საქართველოში უამრავი სკოლაა დანგრეული და დამწვარი. არც ბუნებამ და არც კაცმა ხელი არ დააკლო. სახელმწიფო კი, როგორც აღვნიშნეთ, კრიზისულ მდგომარეობაშია, ამიტომ თუ ცალკეულმა სკოლამ გამოინახა შეძლებული სპონსორი, რომელიც ამ პრობლემას ადვილად გადაწყვეტს, ყოველივე ეს უხერხულ მდგომარეობაში ხომ არ ჩააყენებს სკოლის ხელმძღვანელობას, ორი ბატონის მსახურის ხელში ხომ არ აღმოჩნდება?

— სპონსორი არ უნდა გადაიქცეს გუგულად, სხვის ბუდეში ანუ სკოლაში თავის კერძებს ანუ კომერციულ ობიექტებს რომ ჩადებს, და მაშინ ეს პრობლემაც მოიხსნებოდა.

— ბატონო თამაზ, როგორ ხდება პედაგოგთა კატეგორიებად დაყოფა, რა არის საჭირო, პირველი კატეგორიის მასწავლებელი რომ გახდეს — სტაჟი თუ ცოდნა? თუ ორივე ერთად? როგორ უყურებთ სხვადასხვა კატეგორიის პედაგოგთა ხელფასებში არსებითი სხვაობის დაწესებას?

— დადებითად; როცა კატეგორიებს შორის განსხვავება ხელფასშიც მკვეთრად აისახება, მაშინ კატეგორიის ასამაღლებლად ერთიცი იქნება აუცილებელი, მეორეც და ბევრი სხვა რამაც — ნიჭი, ენერჯია, შრომისმოყვარეობა...

— როგორ ხდება პედაგოგისა და მოსწავლის გაგზავნა საზღვარგარეთ: ერთისა — სტაჟირებაზე, ხოლო მეორისა — სასწავლად? რა სახსრებით ახერხებს ყოველივე ამას განათლების სამინისტრო?

— ჩვენ ამის სახსრები, ფაქტობრივად, არა გვაქვს... ამგვარი გაცვლები ცალკეული სასწავლებლებისა და სხვა არასამთავრობო უწყებების მეშვეობით ხდება.

— ბატონო მინისტრო, ხშირად გვსმენია თქვენ შესახებ, თავის საყვარელ საქმეს უღალატაო. მომავალში ასეთი საყვედური რომ არ წამოსცდეს თქვენს ოპონენტებს, ხომ არ დაინწყბლით ჩვენთან მუშაობას, თუნდაც შეთავსებით?

— სად თქვენთან? ბანკში თუ „ბანკში“? პირველისათვის ვერ ვივარგებ და, ვგონებ, ვერც მეორისათვის გამოვდგე — აი, წელიწადში ერთხელ რომ გამოდიოდეს თქვენი გაზეთი ჩვენი „ბალავერიით“, მაშინ კიდევ — პო... ისე, განათლების მინისტრი საქართველოში ბოლო ხანს ამ ტემპით იცვლება — წელიწადში სამი. ასე რომ, არამცთუ შეთავსებული, შეიძლება თქვენი ძირითადი თანამშრომელი გაეხდეს.

— დიდი მადლობა საინტერესო საუბრისათვის და გისურვებთ ყველა ბანკის კარი ისევე ღია ყოფილიყოს თქვენთვის, როგორც ჩვენი „ბანკისა“.

გადაპარჩინოთ განათლება — გადაპარჩინოთ თავი

— ბატონო თამაზ, ლიტერატორი, მეცნიერი, პედაგოგი და ჟურნალისტი ბრძანდებით. რომ იტყვიან, საქმე თავზე საყრელად გქონდათ, თანაც — საყვარელი, თქვენი მონოდების საქმე... ხომ არ ნანობთ, ახალი უღელი რომ დაიდგით და მინისტრობაზე დათანხმდით?

— არ ვნანობ... განა იმიტომ, თითქოს დარწმუნებული ვიყო, ამ ჩემი მინისტრობით მთებს შეეძრავდე; ბევრს და უცებ ვერ დაგპირდებით — ასეთი ჯადოსნური კვერთხი არავისა აქვს, ოღონდ, რაც ჩემზე იქნება დამოკიდებული, თავს არ დავზოგავ. მოგეხსენებათ, განათლების სფეროს მსახურება ძალზე უმადური, მაგრამ, ალბათ, ყველაზე უფრო საღეთო საქმეა. დიდი თანამდებობა არასოდეს მკავებია; არის ასეთი ჟურნალი — „ქართული ენა და ლიტერატურა სკოლაში“ („ბალავერი“); მისი რედაქტორი გახლდით და 25 წელია თბილისის სახელმწიფო უნივერსიტეტის პედაგოგი ვარ. ეს იყო და ეს... თუმცა, კაცმა რომ თქვას, უნივერსიტეტის ლექტორობაზე უფრო დიდი პოსტი აღმზრდელ-პედაგოგისათვის სხვა რა უნდა იყოს... ვიმეორებ, ადმინისტრაციულად გამორჩეული თანამდებობა არასოდეს მჭერია, მაგრამ საზოგადოებრივად მნიშვნელოვანი სფეროების მართვა ჩემთვის მთლად უცხო ხილი არ გახლავთ — სხვა თუ არაფერი, სრულიად საქართველოს რუსთაველის საზოგადოების თანაპრეზიდენტი ვიყავი. განათლების სისტემას კარგად ვიცნობ, ამიტომაც განვაცხადე განათლების მინისტრად ჩემი დამტკიცებისას — ყველაზე მძიმე პორტფელი მე მერგო-მეთქი. ისე, როდესაც მინისტრობა პატივი და დიდება უფრო იყო, მაშინ მე არავის გავეხსენებია და ესეც სრულიად ბუნებრივი გახლავთ. მაგრამ დღეს, ფაქტობრივად, ვომობთ და დღევანდელი მინისტრები უფრო ზვარაკები არიან, ტყვიას შუბლმეშვერილი ხალხი; ამიტომაც დღეს ამ „ტკბილ-მწარე“ უღელზე უარის თქმა ჩემი მხრივ უზნეობა იქნებოდა... დავთანხმდი და ამას არცა ვნანობ.

— დიდი ძალისხმევა დასჭირდა სკოლის ახალი კონცეფციის შექმნას, რომელმაც ფაქტობრივად უნდა განსაზღვროს განათლების სახელმწიფოებრივი პოლიტიკა და სტრატეგია საქართველოში. დაახლოებით როდის ამოქმედდება ახალი კონცეფცია?

— მალე, მაგრამ დროულად. ეს ერთი და იგივე არ გახლავთ. რეფორმის დრო კარგა ხანია დამდგარია, მაგრამ ყოველი რეფორმის განხორციელებას ფსიქოლოგიური მომზადება და ეკონომიკური უზრუნველყოფა სჭირდება. ეს რეფორმა ხომ მთლიანად განათლების სისტემას ეხება. აქ ლაპარაკია არა მარტო სამინისტროს აპარატსა თუ სამეცნიერო ინსტიტუტებში დასაქ-

მებულ რამდენიმე ასეულ ადამიანზე, ლაპარაკია ასეულ ათასებზე, განათლების უზარმაზარ ქსელზე, რომელიც, ფაქტობრივად, მთელ საქართველოს მოიცავს. ვინ არის, რომ განათლებასთან პირდაპირ ან ირიბად არ იყოს დაკავშირებული? საქართველოში ან სწავლობენ, ან ასწავლიან... ჭკუას, ყოველ შემთხვევაში, ყველა ისწავლება... ასე რომ, ჩვენში განათლების რეფორმა ამავე დროს სოციალური რეფორმის ტოლფასია... შესაბამისად, მისი გატარება ძალზე მტიკვენული პროცესი გახლავთ.

პირველი ნაბიჯები უკვე გადაიდგა. მაგალითად, განზრახულია, ქუთაისის სკოლებში რეფორმის ერთი ეტაპი უკვე მიმდინარე სასწავლო წელს განხორციელდეს.

— უმრავლესობას სწავლა არ სურს, არც მოსწავლეს, არც სტუდენტს. ეს მხოლოდ ზნეობრივ ღირებულებათა დევალაციის გამო ხდება?

— ვერ დაგეთანხმებით, თითქოს უმრავლესობას სწავლა არ სურდეს; პირიქით, სტუდენტებს კარგი ლექციის მოსმენა, მოსწავლეებს კარგ გაკვეთილზე დასწრება მოენატრათ. როდესაც გაკვეთილების გაცდენა რისკთან და უსიამოვნებასთან იყო დაკავშირებული, მაშინ იზიდავდა იგი ზოგიერთ მოსწავლეს, თორემ დღეს „მატალომ“ ბევრგან უკვე დაკარგა აკრძალული ხილის გემო. ამიტომ, პირველ ყოვლისა, სასწავლო პროცესი უნდა წარმართოს სკოლაში ნორმალურად — გაკვეთილი გაკვეთილს დაემსგავსოს. ვიცი, რომ ამას ბევრი რამ სჭირდება, დაწყებული იმით, რომ მასწავლებელი მშვიდი არ შედიოდეს გაკვეთილზე, და დამთავრებული თუნდაც იმით, რომ ზამთარში მოსწავლე ხელთათმანიანი ხელით არ წერდეს საკონტროლოს. ეს ასეა, მაგრამ, მეორე მხრივ, სკოლაში უნდა სუფევდეს შესაბამისი განწყობილება, უნდა იყოს ორმხრივი დაუოკებელი წყურვილი, რომ გაკვეთილი ჩატარდეს, რომ ცოდნა ერთმა გადასცეს და მეორემ მიიღოს... ასეთი წყურვილი კი, ჩვეულებრივ, ომიანობისა და საყოველთაო გაჭირვების ყამს ეუფლება ერს, თუ ერი ერობს... ახლა, რაც შეეხება ზნეობრივ დეგრადირებასა და გადაგვარებას — რასაკვირველია, ეს ყველაფერი სკოლაზეც მოქმედებს... ნურვინ იფიქრებს, რომ სკოლა სტერილური სახით შეიძლება შევინახოთ: უზნეობით გაუდაბურებულ საქართველოში სკოლა ზნეობრიობის ოაზისი ვერ იქნება. ჩვენც გვინდა, რომ ეგრე იყოს, მაგრამ რეალობას თვალის გაუხსნაროთ. უნდა დაიწყოს საერთო-ეროვნული შემობრუნება ზნეობისაკენ, სახელმწიფოებრივი მორალისაკენ... ეს კია, რომ ზნეობრივი აღორძინება სწორედ სკოლიდან უნდა დაიწყოს.

— თუ შეიძლება, ფასიანი სწავლების შემოღებაზეც ბრძანეთ. მართლაც იგეგმებოდა საყოველთაო ფასიან უმაღლეს განათლებაზე გადასვლა?

— ეს გახლდათ ნაწილობრივ ფასიან სწავლებაზე გადასვლის პროექტი; იგი, ფაქტობრივად, თვითონ მთავრობამ დაიწუნა. ახლა ჩვენ ვადგენთ

ახალ პროექტს, რომელშიც ფასიან სწავლებას თავისი ადგილი ექნება, მაგრამ არა ისე, რომ მან მთლიანად ჩაყლაპოს უფასო განათლება სახელმწიფო უმაღლეს სასწავლებლებში. ეს დაუშვებელია, და არა მარტო სადღეისოდ, — სამომავლოდაც: ეკონომიურად ძლიერი, კულტურული, ცივილიზებული ქვეყნები ყოველთვის ისე აგებენ განათლების პოლიტიკას, რომ ხელმოკლე, მაგრამ ნიჭიერსა და მონდომებულ ახალგაზრდას შეეძლოს უმაღლესი განათლების მიღება. ჩვენ ვერ დავუშვებთ, რომ საქართველო ამ მხრივ გამოწვეული იყოს.

— საზოგადოებრიობაში არაერთგვაროვანი აზრია ფასიან უმაღლეს სასწავლებლებთან დაკავშირებით. ზოგს ეს ეროვნულ უბედურებადაც მიაჩნია...

— ამის შესახებ რამდენჯერმე საჯაროდაც გამოეთქვი აზრი: ჩემი დამოკიდებულება უკონტროლოდ გავრცელებულ ფასიან სასწავლებლებზე მკვეთრად უარყოფითია.

— ბატონო თამაზ, რა ხანია, რესპუბლიკაში ყველა ტიპის სასწავლებლის დეპოლიტიზაცია მოხდა. რა დასამალია და, სხვადასხვა პოლიტიკურ პოზიციაზე მდგომი პედაგოგები ზოგან მოსწავლეთა თანდასწრებით ერთმანეთს პოლიტიკური სახის პრეტენზიებს უყენებენ. უფრო მეტიც, ცდილობენ მონაფეები თავიანთ თვალსაზრისზე გადმოიყვანონ; ეს კი, ბუნებრივია, სასწავლო პროცესზე ცუდად მოქმედებს. თქვენ როგორ უყურებთ ამ მოვლენას?

— მასწავლებელმა გაკვეთილზე საგნის შესახებ უნდა ისაუბროს; დავიღუპებით, თუ სკოლას პოლიტიკური ჭიდილის ასპარეზად ვაქცევთ... საერთოდ, პოლიტიკაზე მოსწავლეებთან მსჯელობა გაკვეთილის დროს მხოლოდ უზნეობა არ არის — დაახლოებით ისეთივე ქმედებაა, გასტრონომში გამყიდველმა ყველის ნაცვლად რომ რიყის ქვა აგინონოთ. ჩვენ ვიბრძოდით დემოკრატიული სახელმწიფოსთვის; დემოკრატია კი თავისუფლებას გულისხმობს და არავის აქვს უფლება აზროვნების საკუთარი წესი და თავისი სიმპათია-ანტიპათია სხვას მოახვიოს თავზე... ამიტომ მასწავლებელს შინ, თავის სამუშაო კუთხეში, დომუხოვსკის სურათი უკიდია თუ იაკობ გოგებაშვილისა, ეს, დე, მის სინდისზე იყოს: არავის აქვს-მეთქი უფლება სხვის სულში ხელების ფათურისა, და ჩვენ, სამინისტრო, ბოლშევიკებისათვის დამახასიათებელ „ტივინის გამორეცხვის“ ყოველგვარ მეთოდს ნინ აღვუდგებით. მაგრამ ასევე მინდა ყველამ იცოდეს, რომ დამხობილი ხელისუფლების მომხრეობა ხელშეუხებლობის ინდულგენცია ვერა და ვერ იქნება პროფესიულად უსუსურთათვის; ამას წინათ ერთი რაიონის გამგებელი შემომჩიოდა, ჩვენი განათლების განყოფილების გამგე ორპნკარიან განცხადებას ისე ვერ დაგინერთ, შიგ ათი შეცდომა მაინც რომ არ დაუშვას, მაგრამ „ზვიადისტია“ და, რა ვქნა, სამსახური რომ დავატოვებინო, ამას პოლიტიკურ სარჩულს დაუდებენო.

ვიმეორებ, მასწავლებელი, პირველ ყოვლისა, ფასდება პროფესიონალიზმით; ოღონდ მასწავლებლის პროფესიონალობა მის ზნეობასაც მოიცავს. უზნეო კაცი შეიძლება ჩინებული ხარატი ან ქიმიკოსი იყოს, მაგრამ იგი კარგი მასწავლებელი ვერ იქნება. ერთი მიზრძანეთ, ზნეობის რა ჩარჩოში თავსდება გახურებული ომისა და, ფაქტობრივად, საგარეო აგრესიის პირობებში სამოქალაქო დაუმორჩილებლობისკენ მონოდება? მეტიც რა უნდათ საქართველოს მტრებს — ამ შემთხვევაში აფხაზ სეპარატისტებს, ჩრდილოკავკასიელ კონფედერანტებს ან რუსეთის პარლამენტსა თუ „ქორებს“? შევარდნაძე გადავაყენოთ — აფერუმ, ჟირინოვსკისა და არძინბას, შანიბოვისა და ნოვოდვორსკაიას „ხელის ბიჭებო“ და პირის ფარეშო, ღრმადმიმწვდომარე პოლიტიკოსებად რომ მოგაქვთ თავი... ეტყობა, ახალი სამოქალაქო ომი მოსწყურდა, ახალი სისხლი და გვამები, იმ ძალებს, რომლებიც ცხრა აპრილის მონამეთა სისხლზე ამოჯეჯილდნენ... ნურას უკაცრავად, ჩვენი შეილების გვამებს სახელისუფლო ტახტის საფეხურებად ხალხი უკვე აღარ დაგიგებთ.

— ამას წინათ რედაქციაში აღელვებულმა მშობელმა დარეკა: თბილისის N 3 ქართულ გიმნაზიაში მასწავლებელს მეოთხეკლასელებისთვის იგავ-არაკ „მგელი და კრავის“ ახსნისას, ექსპრეზიდენტი კრავისთვის შეუდარებია, მგელი კი — სახელმწიფოს მეთაურიო...

— მე იმ პედაგოგს ვურჩევდი, ძალიანაც ნუ მოინდომებს ყოველი იგავის სწავლებისას ბავშვებს თავში ჩაუჭედოს, მგელი შევარდნაძეა, გამსახურდია კი — ამ მგლის მონინალმდეგეო. სხვა თუ არაფერი, „მგელი და ვირის“ სწავლებისას უხერხულ მდგომარეობაში აღმოჩნდება. ისე, იმას, რაც თქვენ გაგიგიათ (თუკი ასეთი რამ ვისმე ფანტაზიის ნაყოფი არ არის), უეჭველად გაიგებდა ამ სკოლის დირექტორიც და მეც, კაცმა რომ თქვას, ასეთ შემთხვევაში პრეტენზია უფრო მის მიმართ მექნებოდა, ვიდრე უშუალოდ პედაგოგისადმი.

— სპონსორობამ თქვენს სფეროში როგორ მოიკიდა ფეხი?

— ისე არა, როგორც საჭიროა. არადა, ასე მგონია, ქართველობას ერთი რომ შევუძახოთ — განათლება განსაცდელშია და არიქა, ჯიბეზე კაციო — იქნებ მართლაც დაგვდგომოდა საშველი... განათლების გადარჩენა ხომ იგივე თავის გადარჩენაა.

— სიახლეებზეც გვიზრძანეთ რამე.

— მასწავლებლის ყოველდღიური შრომა უჩინარია და ნაყოფის გვიან გამოძღები. ასეთივე უნდა იყოს შესაბამისი სამინისტროს საქმიანობაც... სიახლე და რეფორმები ჩვენი თვითმიზანი ვერ იქნება... ჯერჯერობით, არც თავის მოსაწონებლად გვაქვს საქმე, რომ ბუკ-ნალარით ქვეყანა შევძრათ, შემოგვხედეთ, როგორი მაგარი ბიჭები ვართ და როგორ გარდავექმენით მთელი განათლების სისტემაო... როდესაც სათქმელი და თუნდაც დასაბ-

რაბახებელი ამ მხრივ მექნება, ყოველთვის გავიკვლეე გზას ეკრანისკენაც და გაზეთის ფურცლებისკენაც. ჯერჯერობით კი, მთლად თავზე რომ არ დაგვემხოს ეს დაბზარული და მოყანყალებული განათლების შენობა, პირველ ყოვლისა, უნდა ყველანი „დღიურ მუშაკებად“ ვიქცეთ... სანამ მალალ სფეროებში შევინაგარდებდეთ და XXI საუკუნის სკოლის მოდელზე მსჯელობით ენას დავიღლიდეთ, ჯერ, მოდით, სასწავლო პროცესის იმ დონეს მაინც მივალნიოთ, რომელიც თუნდაც ამ ხუთი წლის წინ გვექონდა...

და მაინც, არის სიახლეებიც; მაგალითად, საქართველოს სკოლებში მალე დაინერგება ახალი საგნები — ადამიანის უფლებათა დაცვის დეკლარაცია, ეკოლოგია, რელიგია და კულტურა... „დანყებითი სამხედრო მომზადება“ შეიცვალა „ადამიანთა უსაფრთხოების დაცვის საფუძვლებით“. ამ საგნით შეისწავლება ეროვნული და აღმოსავლური ორთაბრძოლების ტექნიკაც და სამხედრო საქმის ელემენტებიც.

— როგორია განათლების სამინისტროსა და პარლამენტის შესაბამისი კომისიის ურთიერთობა?

— საქმიანი და კოლეგიალური... თუმცა ამ კომისიაშიც არის ხალხი, ვინაც უნდა თავისი უსაფუძვლო პოლიტიკური ამბიციები პედაგოგიკაში რევოლუციონერობით დაიკმაყოფილოს. მაგალითად, მე მიჭირს ვეკამათო სასკოლო განათლების ქვეკომისიის თავმჯდომარეს, ვინც უაპელაციოდ აცხადებს — „სამინისტროს ამ მიმართულებით ერთადერთი იდეა აქვს — აღადგინოს ძველი სკოლა“... („თბილისი“, N 109, 16 ივნისი, 1993 წ.). ისე, მაინტერესებს, ამ ჩვენს ერთადერთ „იდეა-ფიქსში“ ძველი სკოლის მაინც რომელი მხარის აღდგენას ვესწრაფვით — პიონერულ-კომკავშირული ორგანიზაციისას თუ, უფრო შორეული წარსულიდან — „როზგების“ მეთოდისას?

— ზატონო თამაზ, მკითხველს უთუოდ აინტერესებს განათლების მინისტრი სამსახურსა და „ეკრანს“ მიღმა. თანაც პოპულარული ხალხის პირადი ცხოვრება ჟურნალისტებისთვის კარგი „საკბილოა“...

— მართალსა ბრძანებთ, თუმცა ქართველები ზოგჯერ, ცოტა არ იყოს, ჭარბი ინტერესით ვიმზირებთ სხვისი „ქარის ჭუჭრუტანაში“; ამით მეც დაგზარალებულვარ, მაგრამ, მეორე მხრივ, ჭორის ობიექტად რომ იქცე, საზოგადოებას რამედ უნდა უღირდე; ამიტომ ამ ბოლო ხანებში იმუნიტეტი გამოვიმუშავე და ეს მითქმა-მოთქმა აღარც მალიზიანებს, თუმცა, ცხადია, არც მსიამოვნებს.

— მაგალითად, ახლაც დაირხა ხმა — განათლების მინისტრი სხვაგან გადაჰყავთო...

— აბა რა მოგახსენოთ, განათლების მინისტრთა ცვლის ტემპით თუ ვიმსჯელებთ (მერვე ვარ ბოლო სამი წლის მანძილზე), ამ პოსტზე ყოფნა გამიჭიანურდა კიდევც...

საერთოდ კი — დაფარული ცხოვრებით არასოდეს მიცხოვრია... ანდა, რა უნდა დაეფარო: თითქმის ოცი წელია, რომ იტყვიან, ხელისგულზე ანუ ცხვირწინ, ეკრანზე, ვუჯექი საქართველოს, ტელეობიექტივის მომტყუებელი კაცი კი, ჩემი აზრით, ჯერ არ დაბადებულა... ასე რომ, ჩემი შინაგანი ბუნება კარგა ხანია ტელემაყურებლისათვის უკვე გაშიფრულია...

რაც შეეხება შინაურობას, ჩვეულებრივი, ტრადიციული ოჯახი მაქვს. მყავს მეუღლე, სიდედრი, სამი ქალიშვილი, ორი შვილიშვილი — ისინიც გოგონები... ერთადერთი, სიძეებში გამიმართლა: სამივე ბიჭია... მეგობრები არ დამიკარგავენ, ვინაიდან ისინიც კი, ვინც, საუბედუროდ, წავიდნენ, მაინც ჩემთან არიან. მყავს უფროსი ძმა. თქვენ ჩემს პოპულარობაზე ბრძანეთ, მაგრამ ვერა-ვაკის მასშტაბით მე მაინც ვრჩები „სულიკოს ძმად“ და ეს მეამაყება.

— უკაცრავად, მაგრამ თქვენზე ამბობენ, ცოტა პირქუში კაციიარო...

— აბა, რა გითხრათ... შეიძლება... მეც ვატყობ, რომ ხანდახან ნამეტნავად „ეკლიანი“ ვარ — ვიჩხვლიტები. ისე, პოეტ ტუვიმს უწერია: ყველაზე გულჩვილი ზღარბია...

— ღმერთმა ხელი მოგიმართოთ.

— გამადლობთ.

ესაუბრა ბელა ლომთაძე „საქართველოს რესპუბლიკა“, 19.6.1993

თუ გადაგპარჩენი — გადაგპარჩენი

— წელს განსაკუთრებულად საგრძნობი გახდა ახალგაზრდა პედაგოგთა დენა სკოლიდან. ძირითადად მიდიან მამაკაცები, მიდიან, ბუნებრივია, კომერციისში.

— კომერციაში არა მხოლოდ მამაკაცები მიდიან სკოლიდან, არამედ — ქალებიც. მამაკაცს თითქოს მეტი მარიფათის გამოჩენა შეუძლია ამ საქმეში, მაგრამ როგორც ბოლო წლების მოვლენებმა დაადასტურა, მარიფათს-მოკლებული არც ჩვენი ქალბატონები ბრძანებულან.

რაც შეეხება მამაკაც-მასწავლებლის პრობლემას სკოლაში, იგი ძალზე მტკივნეული იყო ყოველთვის. თუმცა 5-6 წლის წინ ამ მხრივ ერთგვარი სასიკეთო შემობრუნება დაიწყო. ეს თვითგადარჩენის ინსტინქტის გამოვლენას უკავია — ერმა, საზოგადოებამ, ალბათ, ინტუიციით იგრძნო, რომ არ შეიძლება ბავშვი ნამდვილ მამაკაცად და ქალიშვილად ჩამოყალიბდეს, თუ მას სასწავლო-აღმზრდელობითი ურთიერთობა სკოლაში მხოლოდ ერთი სქესის წარმომადგენელთან, ამ შემთხვევაში, ქალებთან, ექნება. პიროვნე-

ბად ქცევის პროცესი ძირითადად თვალნათლივი მაგალითებით, უფროსებზე დაკვირვებით ხდება. მამაკაცური ბუნება გოგონებმაც და, განსაკუთრებით, ვაჟებმა კაცთან ურთიერთობაში უნდა შეიცნონ, არადა ჩვენს ბავშვებს ამის საშუალება არამცთუ სკოლაში, ხშირად შინაც არა აქვთ (მამათა დიდი ნაწილი სამსახურის შემდეგ სხვა საქმეებითა დაკავებული და ბავშვი მას მხოლოდ ძილის წინ თუ ნახულობს)... უკაცოდ გაზრდილი ბიჭი კი, ჩვეულებრივ, ვერ კაიკაცობს...

ეს იგრძნო-მეთქი საზოგადოებამ და ამ რამდენიმე წლის წინ დაიწყო ახლად უმალესდამთავრებული ვაჟებისა და ახალგაზრდა მეცნიერების შემობრუნება სკოლისაკენ. მაშინ ჩვენც, საშუალო ასაკის ხალხიც, ჩავერთეთ ამ პროცესში. ასე შეიქმნა განთქმული „გერმანული“ სკოლაც, სადაც მასწავლებელთა ლამის ნახევარზე მეტი მამაკაცი იყო.

ახლა, რაც შეეხება მასწავლებელთა „მიგრაციას“ კომერციაში — კომერციას და ბიზნესს დღეს საქართველოსათვის სასიცოცხლო მნიშვნელობა აქვს... საქართველოს გადაარჩენს პედაგოგი, მაგრამ თავად პედაგოგი ბიზნესმენმა, კომერსანტმა, მეურნემ უნდა გადაარჩინოს. მამაკაცებო, ყველაფერი მიატოვეთ და სკოლას მოაშურეთ-მეთქი, დღეს ამ ლოზუნგის საქმედ ქცევა გამიჭირდებოდა თუნდაც იმ მიზეზით, რომ ხუთი ათასი კუპონით თავმოყვარე კაცი ოჯახს ვერ შეინახავს. მოკლედ, დღეს სკოლაში ღვნა ზნეობრივი გმირობის ტოლფასია (ღვნა-მეთქი, და არა „კაზიონური“ სამსახური!). ისე, ასპარეზი თვითდამკვიდრებისათვის ცხოვრების ყველა სფეროში არსებობს და ნუ მივიჩნევთ მამაკაცები, რომ საკლასო ოთახში თავის გამოჩენა სხვაზე ნაკლებ ღირსეული საქმე იყოს. სხვათა შორის, ამ საქმეს განსაცდელიც, ხიფათიც თანა სდევს. კაცმა რომ თქვას, სკოლის ასპარეზი რალაცით ბრძოლის ველსაც ჰგავს, ოღონდ მტრად აქ ბავშვი არ უნდა აღვიქვათ. ხელჩართულ ბრძოლაზე არანაკლები ძალისხმევაა საჭირო, ყმანვილში ზეცით ბოძებული სიკეთის თესლი რომ გააღვიო... სხვათა შორის, ეს საღვთო საქმე ამავე დროს აზარტულიც არის და მას ისევე სჭირდება გულოვნობა და ანგარიშიანობა, როგორც კომერციას.

— კონკრეტულად როგორ აპირებთ ახალგაზრდა კადრების სკოლაში დამატარების საკითხის გადანყვეტას?

— მე საკითხს სხვანაირად დაეაყენებდი — როგორ, რა გზით უნდა „გადაუუსხათ“ სკოლას ახალგაზრდული სისხლი?.. ეს ძალზე მწვავე და ადამიანურად მტკივნეული პროცესია. შეიძლებოდა გატარებულიყო რადიკალური „ქირურგიული“ ოპერაცია — დანეხებულიყო ასაკობრივი მიჯნა, რომლის მიღწევის შემდეგაც მასწავლებელი ავტომატურად, უგამონაკლისოდ დატოვებდა სკოლას. პედაგოგის შრომა იმოდენა სულიერ და ფიზიკურ ძალისხმევას მოითხოვს, რომ საამისო ენერგია სამოცდაათ წელს გადაცილ-

ბულ პედაგოგს, ჩვეულებრივ, აღარ გააჩნია. მეორე მხრივ, ჩემთვის გასაგებია, რომ ხანდაზმულ პედაგოგს არ ეთმობა თავისი ადგილი საკლასო ოთახში. მასწავლებელი რომ დღეებს დაითვლის, როდის გავხდები 55 წლის და პენსიაზე გავალო, ის მართლაც არ არის სკოლაში გასაჩერებელი. მაგრამ არსებობს მეორე უკიდურესობაც, როდესაც ღრმად მოხუცი პედაგოგი ამბობს, საკლასო ოთახში, გაკვეთილზე უნდა მოვეკვდე და აქედან მონაწილეებმა უნდა გამიტანონო — და, სამწუხაროდ, ანგარიშს არ უწევს, რაოდენ დამთრგუნველად მოქმედებს მისი ფიზიკური უძლურება ბავშვის ფსიქიკაზე. ჭალარას პატივს სცემს ბავშვი, მაგრამ, მტრისას, სიძაბუნე თუ შეამჩნია მასწავლებელს... ამიტომ, ვიმეორებ, შეიძლებოდა ასაკობრივი ცენზის დანესება, მაგრამ სწორედ აქ არის, როგორც იტყვიან, ძალის თავი დამარხული: რა პირით გაუშვებ პენსიაზე პედაგოგს, რომელსაც სისხლი აქვს ჩანთხეული სკოლაში, 2500-3000 კუპონის ამარა საცხოვრებლად? ჩვენში დღეს პენსიაზე გამვებით პედაგოგს არა მარტო სოციალურად, არამედ რეალურად შიმშილით სასიკვდილოდ ვიმეტებთ. ამიტომ პირადად მე, მარტო ჩემზე რომც იყოს დამოკიდებული, ხელი არ მომიბრუნდება, საპენსიო ასაკის მასწავლებლებს დავატოვებინო სკოლა... არადა, მეორე მხრივ, უზარმაზარ რიგში დგანან ახალგაზრდები, რომელთათვისაც სკოლებში, განსაკუთრებით — ქალაქის სკოლებში, არ არის ვაკანსია. ამიტომ ჩვენ ისე უნდა ავანყოთ ცხოვრება, რომ სოციალურად არასრულფასოვნად არ ვაგრძობინოთ თავი პენსიაზე გასულ მასწავლებლებს. სკოლა რალაცნაირად მაინც უნდა ინარჩუნებდეს კარგ მასწავლებლებს მათი პენსიაზე გასვლის შემდეგაც. ხომ არის კონსულტანტთა ინსტიტუტი უმაღლეს სასწავლებლებში, შეიძლებოდა სკოლაშიც გაგვეხსნა მსგავსი რამ. მივცეთ საშუალება პენსიონერ პედაგოგებს გარკვეული ანაზღაურებით ახალგაზრდა მასწავლებლებს ჩაუტარონ საჩვენებელი გაკვეთილები, „წვართონ“ იმ ოსტატივით, შეგირდი რომ შემოჰყავს პროფესიაში... ვიმეორებ, მხოლოდ ჩემი გადასანყვეტი ეს საკითხები არ არის, მაგრამ, რაც ჩემზეა დამოკიდებული, ყველაფერს ვიღონებ, რომ ახალგაზრდა პედაგოგთა თაობა მოვიდეს სკოლაში.

— არსებობს რაიმე პროექტები?

— ამ სახის პროექტები ძირითადად მუშავდება სოცუზრუნველყოფისა და ეკონომიკის სამინისტროებში, ცხადია, ყველა დარგობრივ სამინისტროსთან კონსულტაციების შემდეგ. რაც შეეხება ზოგადად განათლების დარგს, ჩვენ ერთ თვეში სახელმწიფოს მეთაურს უნდა წარვუდგინოთ დეტალური პროექტი ანუ გეგმა განათლების სისტემის კრიზისიდან გამოყვანისა.

მე არა ვარ მომხრე თვითმიზნური რეფორმებისა, რეფორმისა რეფორმის გულისათვის. მაგრამ ნათელია, რომ მძაფრი გარდატეხა განათლების სის-

ტემაში უნდა მოხდეს. გეჭირდება ახალი კონცეფცია, ახალი პროგრამა, ახალი კანონი განათლებისა. რეფორმა სხეაც არაფერია, თუ არა განათლების კონცეფციისა და პროგრამის დამუშავება, შესაბამისი კანონის მიღება და შემდგომ, ამ საკანონმდებლო ბაზაზე დაყრდნობით, განათლების სისტემის შეცვლა-გარდაქმნა. ბევრი რამ ახალ დროს უნდა მიეუსადაგოთ, თუმცა აღზრდის მიზანი, კაცმა რომ თქვას, ზედროულია: სრულყოფილი — თუ ძალიან ხმაძალალი ნათქვამი არ იქნება — ღმერთთან მიმსგავსებული ადამიანის აღზრდა. ცხადია, გათვალისწინებული უნდა იქნეს აღზრდის უძველესი სისტემები — ირანული, ბერძნული, აგრეთვე ძირძველი ქართული ტრადიციები... მაგალითად, ბევრი ჩვენგანი, აკაკის „გაზრდელზე“ გაზრდილი, მორღუობის წესსაც მოვისაკლისებთ ხოლმე: ბათუსნაირი კაცობა და საკუთარ თავზე გამარჯვება მორღუობის ინსტიტუტის დამსახურებაც უნდა იყოს, თუმცა თავად აკაკი ბრძანებს: „მაგრამ მარტო წერთნა რას უზამს, თუ ბუნებამც არ უშველა“. როგორ უნდა „გაეაცოცხლოთ“ მსგავსი ტრადიციები, ძნელი სათქმელია, მაგრამ ქართველის ფსიქიკაში მყარად გამჯდარი აღზრდა-სწავლების ტრადიციები უნდა შევინარჩუნოთ.

— როგორ ჯდება თქვენს გეგმებში კომერციული სასწავლებლების ქსელი?

— ფასიანი სასწავლებლების ასე უკონტროლო გამრავლებაზე იმდენჯერ დამიჩივლია, მკითხველს, ალბათ, თავიც მოვაბუზრე. ერთისა და იმავეს გამეორება მინევს — კერძო სასწავლებლები მეტასტაზებად მოედო არა მარტო განათლების სისტემას, არამედ მთლიანად ჩვენს სოციალურ ინფრასტრუქტურას. საქართველოში 300-მდე უმაღლესი სასწავლებლიდან რამდენიმე ათეული — სამედიცინოა. გვინდა თუ არა ამდენი ექიმი, ამას არავინ კითხულობს, მაგრამ ის მაინც ვიკითხოთ, შეგვიძლია თუ არა ამდენი მედიკოსის მომზადება ჩვენი კადრებითა და მატერიალურ-ტექნიკური ბაზით? ანდა, ასეთ ვითარებაში მომზადებულ ექიმს თუ მიანდობთ თქვენს სიცოცხლეს?

— შერედა, თქვენ ვერაფერს წყვეტთ?

— ვწყვეტ, რატომაც არა: არ გამოცია და ჯერჯერობით, სანამ ამის სახელმწიფოებრივ მოთხოვნილებას არ დამიმტკიცებენ, არც გავცემ არც ერთ ლიცენზიას კერძო სასწავლებლის გახსნაზე. ეგ კი არა, რაც გახსნილია, იმის ატესტაციას ვატარებთ და, ის ფასიანი სასწავლებლები, რომლებმაც დაარღვიეს გაცემული ლიცენზიით გათვალისწინებული პირობები, დაიხურება.

— ისიც კი, სადაც თქვენი უმცროსი ქალიშვილი სწავლობს?

— ცხადია.

პედაგოგს რეფორმა სჭირდება. რეფორმას — პედაგოგი

გაზეთმა „განათლებამ“ შეკითხვა დაუსვა განათლების მინისტრს ბ-ნ თამაზ კვაჭანტირაძეს:

— რით ვინყვებთ და რით უნდა დავამთავროთ 1996-97 სასწავლო წელი?

— შარშან სწორედ რეფორმის დაძვრის წელი გექონდა, დაძვრა კი ყოველთვის რთული საქმეა; ლოდი რა ადგილიდან დაიძვრის, მერე გამსუბუქდებაო, ტყუილად როდი ბრძანებდა სულხან-საბა. რეფორმაც დაიძრა გასულ სასწავლო წელს, დამდეგ სასწავლო წელს კი ქანი უნდა აილოს, „გამსუბუქდეს“ და მძიმე ტვირთს შეჭიდებულ პედაგოგსაც ყოფა შეუმსუბუქოს.

და აი, მივადექი ახალი სასწავლო წლის კვირაძალზე ერთ ძირითად სათქმელს: განათლების რეფორმა თვითმიზანი არაა, რეფორმა არ ტარდება რეფორმისათვის, იგი არც ხელისუფლების კაპრიზისა თუ ახირების ნაყოფია და არც საერთაშორისო ორგანიზაციების მიერ იძულებით თავსმოხვეული დაკვეთა; მით უფრო აბსურდულია მტკიცება, თითქოს რეფორმები სოციალურ სფეროებში, კერძოდ — განათლებაში — საქართველოს მოსახლეობის სასიცოცხლო ინტერესების საწინააღმდეგოდ მიმართული აქტი იყოს... პირიქით: განათლების რეფორმასა და პედაგოგთა სოციალურ დაცვას შორის ურთიერთგანმსაზღვრელი კავშირია: გავატარებთ რეფორმას — განათლების მუშაკი უკეთ იცხოვრებს; განათლების მუშაკი როცა უკეთ იცხოვრებს, რეფორმასაც უკეთ გავატარებთ. ასე რომ, პედაგოგს რეფორმა სჭირდება, რეფორმას — პედაგოგი.

წელს მასწავლებლებს ხელფასი გაუორმაგდათ. აქ მთავარი ტენდენციაა, ხელფასთა მკვეთრი მატება დაინყო და მომავალშიც გაგრძელდება, ამ ტენდენციას მხოლოდ გაბოროტებით ლიბრგადაკრული თვალი ვერ დაინახავს. მოკლედ, ხელფასთა ამ გაორმაგებამ კიდევ უფრო დაბოლმა ისინი, ვისაც ამ ხელისუფლების პათოლოგიურმა სიძულვილმა პედაგოგიც შეაძულა, სტაბილურობაც და საქართველოც.

საქართველოს გეოპოლიტიკური მდებარეობიდან გამომდინარე, დღეს განსაკუთრებულ მნიშვნელობას იძენს ფართო საერთაშორისო საგანმანათლებლო კონტაქტები. საქართველოს ადგილი და ფუნქცია ევრაზიის დერეფანში, მასზე „საუკუნის პროექტის“ მიხედვით ნავთობსადენის გატარება, მისი ისტორიული ფუნქციის — როგორც აღმოსავლეთის დასავლეთთან დამაკავშირებელი ხიდის — აღდგენის რეალობა ახალ და პრობლემურ ამოცანებს უყენებს ჩვენს განათლების სისტემას. ერთგვარ სატრანზიტო ქვეყნად საქართველოს გადაქცევას აქვს როგორც დადებითი, ასევე ჩრდილოვანი მხარეებიც: თუ ნაირგვარ კულტურასთან, რელიგიასთან, ენასთან გაცხოველებული კონტაქტის პირობებში ჩვენმა სახელმწიფომ არ ჩამოაყალიბა ეროვნული

იდეოლოგია და არ გაატარა ეროვნულ ფასეულობებზე ორიენტირებული სა-
განმანათლებლო პოლიტიკა, ჩვენს ეროვნულ თვითმყოფადობას და, აქედან
გამომდინარე, სახელმწიფოებრივობასაც, შესაძლოა, საფრთხე დაემუქროს.
როგორ უნდა ავირიდოთ ეს საფრთხე? არამც და არამც — თვითიზოლაციით,
არამც და არამც — საზღვრების ჩარაზებით, არამც და არამც — ქსენოფობი-
ით ანუ უცხოთმობიძეულობით. ისტორიულადაც დადასტურებულია, რომ თვი-
თიზოლაცია, რკინის ფარდები და ქსენოფობია გახლავთ სწორედაც პირდაპირი
გზა ეროვნული გადაგვარებისაკენ. საქართველოს, პატარა ქვეყანას, და
ქართველობას, მცირერიცხოვან ერს, ისტორიული ქართველები მისმა გახს-
ნილმა შინაგანმა ბუნებამ, შემწყნარებლობამ და კონტაქტების გაბმა-დამყა-
რების ნიჭმა გამოატარებინა და დღემდე შეანახვინა ენაც, მამულიც, სარწმუ-
ნოებაც. ჩვენი ხალხი არ ყოფილა დაკომპლექსებული შიმის სინდრომით, რომ
უფრო მრავალრიცხოვან ერებთან კონტაქტი ან უფრო გავრცელებულ ენასა
და კულტურასთან ზიარება მას თვითმყოფადობას დააკარგვინებდა, რადგან
კარგად იცოდა და სწამდა თავისი ენის, კულტურის, სარწმუნოების ძალა და
შესაძლებლობა. ეს ხაზია დღესაც გასატარებელი: აღვიდგინოთ და განვიმტ-
კიცოთ ჩვენი ენის, კულტურის, განათლების რწმენა და ამ საფუძველზე თამა-
მად ვიურთიერთოთ ყველა სხვა ენასა და კულტურასთან.

შარშან ითქვა — ვინყებთ სწავლას, ვინყებთ ნორმალურ ცხოვრებასო.
ნელს კი, ღეთის მადლით, ვინყებთ ნორმალურ სწავლას, ასე რომ, ცხოვრე-
ბასაც უკეთესად ვინყებთ.

„განათლება“, 14.9.1996

ბოლო შანსი ღირსეული სიკვდილია

თამაზ კვაჭანტირაძე — განათლების მინისტრი. დაიბადა თბილისში
1940 წლის 7 ივნისს, სამეურნეო მუშაკის ოჯახში. ჰყავდა უფროსი ძმა, რო-
მელიც სულ ახლახან გარდაეცვალა. ჰყავს მეუღლე, სამი ქალიშვილი და
ორი შვილიშვილი — ისინიც გოგონები. ხშირად ხუმრობს: „მარტო სიძეებში
გამიმართლა, სამივე ბიჭები გამოდგნენო“.

დასავლური შოროსკოპით — ტყუპები. მფარველი პლანეტა — მერკური.
ამ ნიშნით დაბადებულებს აქვთ გაურკვეველი ხასიათი. გაორმაგებული ბუ-
ნება. არიან ჭკვიანები და ცნობისმოყვარენი.

აღმოსავლური შოროსკოპით — დრაკონი. ამ ნელში დაბადებულ ტყუ-
პებზე ვკითხულობთ: „მრავალფეროვანია და მუდამ ელეარებს“.

— ბატონო თამაზ, რამდენად ემთხვევა თქვენი ხასიათი თქვენსავე ჰორსკოპს?

— წინათ იქნებ ნაწილობრივ ასეც იყო, ახლა კი პედაგოგი, ჟურნალისტი, მთარგმნელი, მქადაგებელი კაცი ჩინოვნიკად ვიქეცი და ელვარებისგან შორს ვარ.

— რომელი სკოლა დაამთავრეთ და რა ნიშნებზე?

— დავამთავრე ყოფილი მე-8, მერე მე-60-დ გადაკეთებული, სკოლა ვერაზე — „დობრი მიშკას აკადემიად“ წოდებული. დავამთავრე მედალზე — პირველობის ჟინს ჩემი აზარტული ბუნებაც ერწყმოდა.

— საყვარელი საგანი და მასწავლებელი?

— მოსწავლეს ჯერ მასწავლებელი უყვარდება და მერე — საგანი. ჩემი პირველი მასწავლებელი დედაჩემი იყო, ჯერ კიდევ ლაპს, აკაკის „ქართველ ქალს“ რომ მიკითხავდა. წერა-კითხვა ჩემს სამი წლით უფროს ძმასთან ერთად ვისწავლე. სკოლაში კი გამორჩეული კვალი დამაჩინა მეცა და, ვფიქრობ, მთელ ჩემს კლასს ჯერ პირველმა მასწავლებელმა, ოღლა ბარამიძემ, შემდეგ ნინო ალექსიძემ და ბოლოს სიმონ სხირტლაძემ.

— იყავით თუ არა ჩხუბისთავი?

— სკოლაში ბიჭური ავტორიტეტი უპირატესად მუშტს ეფუძნება, მაგრამ ყოველთვის — არა. კონფლიქტებისთვის თავი არ ამირიდებია, მაგრამ ჩემი როლი გარჩევა-შერიგებით უფრო შემოიფარგლებოდა.

— დღემდე თუ შემოგრჩათ ეს თვისება?

— რამდენადმე — კი. კონფლიქტს თითქმის არასოდეს ვინყებ, თუმცა „ხურდის“ დაუბრუნებლობა მიჭირს.

— ბაჰეშობის ოცნება. ავიხდათ თუ არა?

— ღმერთმა დამიფაროს, მაშინ ხომ სიცოცხლევ არ ეღირება.

— პირველ საყვარულს ხომ არ გაიხსენებთ?

— სიამოვნებით. ქვიშხეთში ვნახე. დიდი, ბრიალა, შავი თვალები ჰქონდა, მუხლს ზემოთ ხალი. ის ხუთი წლის იყო, მე — ოთხის. სულ უკან დავდევი, თვითონ კი ზედაც არ მიყურებდა, დიასახლისის ექვსი წლის ბიჭს დასდევდა უკან. ვიტანჯებოდი — პატარების ეჭვიანობა და ვნება არაფრით განსხვავდება დიდებისაგან. გადის 30 წელი. პასტერის ქუჩაზე ჩავუხვიე და ვხედავ, მოდის ტანსრული სომხის ქალი, ცოტა შეფერთხილი, მაგრამ მაინც ემხიანი. ხალი, ცხაღია, აღარ უჩანს, მაგრამ მაინც ისაა. გავაჩერე: „სუსანა ხართ?“ — ვკითხე. „ვამე, საიდანა მცნობთ... Я ТО ЗНАЮ ВАС ПО ТЕЛЕВИЗОРУ და ძალიანაც მიყვარხართ...“ ეჰ, ქალბატონო სუსანა, საყვარული ის იყო, მე რომ მიყვარდით ამ ოცდაათი წლის წინათ-მეთქი.

— საყვარელი მწერალი, ნაწარმოები, პერსონაჟი?

— ჩემს საყვარელ მწერალს, ისააკ ბაბელს, დაუნერია: „ყოველი ადამიანისათვის სრულიად საკმარისია მხოლოდ ექვსი წიგნის წაკითხვა, მაგრამ ამ

შენს ექვს წიგნს რომ მიაგნო, ათასი წიგნი მაინც უნდა წაიკითხო". მეც იმ ჩემი ექვსი წიგნის ძიების პროცესში ვარ.

— თქვენი დღის რეჟიმი?

— ურეჟიმო კაცი ვახლავართ, უფრო სწორად, ვიყავი. ახლა იძულებული ვარ ჩავიჭედო რალაც რეჟიმში.

— როგორ ატარებთ თავისუფალ დროს?

— საუკეთესოდ, შვილიშვილებთან.

— ამბობენ, 13 წლისიანი რიცხვით, თქვენი გამოცდილება რას გეუბნებათ?

— რიცხვთა მაგიაში ნაკლებად ვერკვევი; ცამეტი და, საერთოდ, მარტივი რიცხვები, რომლებიც უნაშთოდ არ იყოფიან, უფრო ზუსტად — მხოლოდ ერთზე და თავის თავზე იყოფიან, ერთიანობის, განუყოფლობის ასოციაციას აღმიძრავენ და ამიტომაც მომწონს. თუ არჩევანზე მიდგებოდა, ცამეტს ავირჩევდი.

— რა გენატრებათ?

— ნასულები. თუმცა თქვენი კითხვა, მგონი, ცუდად აღვიქვი. მეკითხებოდით — რა მენატრება? დალაგებული, აწყობილი ქვეყანა.

— როგორ ფიქრობთ, თანამდებობა რამდენად ცვლის ადამიანს და ეს რამდენად შეეხო თამაზ კვაჭანტირაძეს?

— თანამდებობამ შეიძლება კაცი წაახდინოს, სუსტი კაცი. ძლიერ კაცს კი თანამდებობა უკეთესს ხდის. ჩემი აზრით, რაც ვიყავი, იგივე დავრჩი.

— თვლით თუ არა თავს პოლიტიკოსად?

— ვინრო პროფესიული თვალსაზრისით — ნაკლებად, ზოგადად — კი.

— თქვენთვის მისაბაძი პოლიტიკოსი?

— ბრმა მიბაძვა არც ერთ საქმეში არ ვარგა. პოლიტიკაში კი საერთოდ არანაირ მიბაძვაზე არ შეიძლება ლაპარაკი. პოლიტიკა შესაძლებლობების ხელოვნებაა, ხოლო შესაძლებლობები ვლინდება დროში და სიტუაციაში. აქ მიბაძვა არ შეიძლება.

— როგორ ფიქრობთ, თანამედროვე ქართული პრესა და მასობრივი ინფორმაციის საშუალებები რამდენად თავისუფალია?

— თავისუფალია. მაგრამ, მაპატიეთ, ზოგჯერ „გვი თავისუფალიას“ ასოციაციას აღმიძრავს.

— უფრო კონკრეტული თუ იქნებით, ბატონო თამაზ?

— სხვათა შორის, ამას არ ვიტყვოდი მაინცადამაინც ოპოზიციურ პრესაზე. მე საერთო ტენდენციაზე მოგახსენებთ. დღესდღეობით, სამწუხაროდ, ვისაც რა მოადგება კალამზე, იმას წერს. ჟურნალისტები ახლა უცნაურ სიტუაციაში აღმოჩნდნენ და ხშირად უცნაურ პირობებსაც აყენებენ. თავად თავისუფლად კი წერენ, მაგრამ, ამასთან, ხელისუფლებისაგან ავტორიტარული რეჟიმისთვის ნიშანდობლივ რეაქციას მოითხოვენ: „კრიტიკული წერილი რომ დავწერე იმ კაცზე, ამ თანამდებობაზე კიდევ რატომ არისო“ — ეს ხომ ძველი

მენტალიტეტის გამოვლინებაა. როგორი თავისუფალიც არის პრესა თავის მოსაზრებებში, ასევე თავისუფალი უნდა იყოს ესა თუ ის სახელისუფლო სტრუქტურა რეაგირებისას—ცხადია, კანონის ფარგლებში.

— საყვარელი გაზეთი და ტელეგადაცემა?

— სიყვარულის რა მოგახსენოთ, მაგრამ ინტერესით ვკითხულობ ოპოზიციურ პრესას, თუნდაც იმიტომ, რომ იდეურ მონინააღმდეგეებს ვეცნობი, აგრეთვე — „ლიტერატურულ საქართველოს“, „კავკასიონს“... პირფერობაში ნუ ჩამომართმევთ და ინტერესით ვეცნობი „ალიასაც“, ვფიქრობ, თქვენი გაზეთი ცოცხალი გაზეთია, თუმცა, მე ჩემი აზრი მაქვს მის მიმართულება-სა და მიზანდასახულობაზე. რაც შეეხება ტელეგადაცემას, ტელევიზიას ხშირად ლანძღვენ, თუმცა, ვფიქრობ, ამ მატერიალურ-ტექნიკური ბაზით რასაც აკეთებენ, ისიც სასწაულია. „ტაიმ-აუტი“ მომწონს, კულტურულად გაკეთებული გადაცემაა. და, ცხადია, „პასიანსი“ — ნიჭიერი ხალხია.

— უნდა ჰქონდეს თუ არა ჟურნალისტს თავდასაცავად იარაღის ტარების უფლება?

— ჟურნალისტის იარაღი კალამია. თუ ამას გულისხმობთ, თქვენ ის მუდამ აღესილი გაქვთ მარტო თავდასაცავად კი არა, თავდასასხმელადაც.

— ვინ ადგენს თქვენს ოჯახში ბიუჯეტს?

— „თავლი იყოს, ბუზი ბალდადიდან მოვა“. თანხა ვიკითხოთ, თორემ მისი გამანაწილებელი, მეუღლიდან დანყებული შვილიშვილებით დამთავრებული, ოჯახში საძებარი არა მყავს...

— დღეს საქართველოში რა თანხაა საჭირო ადამიანის არსებობისათვის?

— ერთხელ დავნერე და გავიმეორებ: დღეს საქართველოში ცხოვრობს ხუთი მილიონი ილუზიონისტი. სხვანაირად არ ვიცი, რა ვუნოდო ამ ფოკუსს, რომ დღევანდელი ხელფასით ხალხი, თქვენი თქმისა არ იყოს, არსებობს. არსებობს და არა — ცხოვრობს.

— თქვენი ხელფასი?

— მე, თქვენი, ჟურნალისტებისა არ იყოს, საშუალო რანგის ილუზიონისტი ვარ — 15 მილიონი კუპონი მაქვს, ახლა უკვე, ალბათ, 15 ლარი.

— როგორ შეიძლება მცირე ხანში დიდი ფულის შოვნა?

— მცირე ხანში დიდი ფულის შოვნა კი შეიძლება, მაგრამ ამას დიდი ხნით მცირე საკანში ყოფნა უნდა მოჰყვეს წესითა და რიგით.

— გიყვართ თუ არა სუფრის გაძლოლა?

— არა, მირჩევნია სიმონ სხირტლაძის, ჯანსუღ ჩარკვიანის ან თემიკო ჩირგაძის მსგავსმა ხალხმა გვითამაღონ... ისე, ხანდახან მიწვევს ხოლმე...

— რამდენად ასრულებს დღესდღეობით ქართული სკოლა თავის ფუნქციებს?

— იქნებ ისე ვერა, როგორც გვინდა, მაგრამ როგორც ასრულებს ამ პირობებში, ესეც სასწაულია.

— ინინასნარმეტყველეთ განათლების სისტემის ბედი უახლოესი 10 წლის განმავლობაში?

— განათლების ბედის წინასწარმეტყველება იგივე „ბედი ქართლისას“ წინასწარმეტყველებაა, არადა „რომელი მეფე ერეკლე მე ვარ, ანდა რომელი მსაჯული მისი“. ერთადერთი, რაც შემოძლია გითხრათ, ესაა: განათლება გადაგვარჩენს!

— როგორ აფასებთ ქვეყანაში მიმდინარე ეკონომიკურ რეფორმას?

— სასიკეთოდ.

— რას იტყვით ახალ ეროვნულ ვალუტაზე? ეს კიდევ ერთი თავის მოტყუება ხომ არაა?

— ჩვენზეა დამოკიდებული. ფულიც, მთავრობის არ იყოს, ისეთი აქვს ქვეყანას, როგორსაც იმსახურებს.

— რას იტყვით ებრაელ ხალხზე? რა უნდა ავიღოთ ჩვენ მათგან?

— ბიბლიის მიხედვით, ებრაელობა ღვთის რჩეული ხალხია. რჩეულთა ხეედრი კი გამორჩეულად მძიმეა; ებრაელობისაგან ბევრი რამის სწავლა შეიძლება — შრომისმოყვარეობის, მიზანსწრაფვის, შეგუების, მოთმინების... და მაინც, უპირველეს ყოვლისა, ებრაელთაგან რწმენის ერთგულება უნდა ვისწავლოთ.

— ებრაელი მეგობარი თუ გყოლიათ?

— ჩვენი ოჯახი მეგობრობდა დიდებული კაცის, დავით სეფიაშვილის, ოჯახთან. შეილებიც ვცდილობთ, ეს მეგობრობა შევიწარჩუნოთ.

— ახალი ჭორი საკუთარ თავზე?

— ჩემზე არა, თუ გნებავთ, რამდენიმე კაცზე გეტყვით, ჩემს ადგილას რომ ნიშნავენ.

— უკანასკნელი ანექლოტი, რომელიც დაგამახსოვრდათ?

— ანექლოტებს საერთოდ ცუდად ვიმახსოვრებ და ცუდადაც ვყვები, მაგრამ იდეა, მგონი, ასეთი იყო: კახელმა შიდსიანი ავადმყოფი აბტალაში წაიყვანა და ტალახში აბანავენს. აბა, ეს რას მიშველისო — ამოიკნავლა, თურმე, უბედურმა; გიშველის-არგიშველის არ ვიცი, მინას უნდა შეეჩვიო.

— ბატონო თამაზ, რას ელით მომავალი არჩევნებისგან?

— ზოგიერთების იმედის გაცრუებას.

— ხომ არ არის მოსალოდნელი არჩევნების გაყალბება?

— ესეც ჩვენზეა დამოკიდებული — საზოგადოება რამდენად იაქტიურებს... არ უნდა გააყალბებინოთ და, ჩემი აზრით, არც გაყალბდება.

— თქვენი ცხოვრების პრინციპი და გილალატიათ თუ არა მისთვის?

— ვცდილობ (არ ვამბობ, აუცილებლად ვასრულებ-მეთქი) მუდამ ვიხელმძღვანელო ცნობილი შეგონებით — ნუ უზამ სხვას იმას, რაც არ გინდა, შენ გაგიკეთონ.

— ღირებულებათა საყოველთაო გადაფასებების პირობებში გვინევს

ცხოვრება, როდესაც ყველაფერი ყირაზე დგას; რა ვქნათ, ვისნავლოთ თავ-დაყირა სიარული?

— მაპატიეთ, მაგრამ იქნებ თვითონ ჩვენ ვდგავართ ყირაზე და გვეჩვენება, რომ ყველა და ყველაფერი თავდაყირაა.

— დღევანდელი გადასახედიდან „კარგ ყმად ვინა ვთქვათ“, ბატონო თამაზ? გვყვანან კი დღესდღეობით კარგი ყმები?

— „კაი ყმა“ ზედროული კატეგორიაა. დღევანდელი გადასახედიდანაც იმაზე ითქმის, ვისზედაც გუშინ ითქმოდა და ხვალაც ითქმება — სოფლისათვის დახარჯულ კაცზე. გვყვანანო? აბრძანდით, თუნდაც, საბურთალოს სასაფლაოზე და ნახავთ, გვყვანან თუ არა...

— დღესდღეობით საქართველოში არ არსებობს პოლიტიკოსთა აღზრდის ინსტიტუტი. რას აკეთებს განათლების სამინისტრო ამ მხრივ?

— ასეთი ინსტიტუტი რომ გვქონდეს, ამდენი „პოლიტიკოსი“ არ გვეყოლებოდა... ამიტომ სასწრაფოდაა გასახსენელი.

— თქვენს მოღვაწეობაზე რა გავლენას ახდენს ქალის ფაქტორი?

— ვიზიარებ თვალსაზრისს, რომ კაცები ისეთები ვიქნებით, როგორებაც ქალები დაგვაპროგრამებენ. აქ, პირველ ყოვლისა, დედას ვგულისხმობ.

— პოლიტიკა რამდენად არის ქალის საქმე და რა განსხვავებაა პოლიტიკოს ქალსა და მამაკაცს შორის?

— ტეტჩერის შემხედვარე, ცხადია, იტყვი: „ლეკვი ლომისა სწორია...“ ისე, ძუ ლომი ბევრად უკეთესი მონადირეა, ვიდრე ხვადი... ქალი პოლიტიკოსი უფრო აგრესიული მგონია, ვიდრე — კაცი.

— საყვარელი ქალაქი?

— თბილისი.

— ყველას კარგად ახსოვს საქართველოს ტელევიზიით თქვენ მიერ წაყვანილი ქართული ენისა და ლიტერატურის ლექციები. არ გაგჩენიათ სურვილი ამ ტელეკურსის განახლებისა?

— მთავარია, ეს სურვილი მსმენელს გაუჩნდეს... ისე, ის ლექციები, იქნებ, მართლაც იყო სასმენლად სასიამოვნო, ჩემთვის კი ლელვა, ოფლისღვრა და ჩამწარებული კვირადღეები გახლდათ.

— რამდენად შეძელით საკუთარი შესაძლებლობების გამოვლენა?

— არ მიფიქრია ამაზე. საერთოდ, ნაკლებად მწამს, რომ ადამიანი რაიმეს ვერ ავლენდეს. რასაც ვერ ავლენ, ის არც გქონია.

— ფარაონი, ნაგავი, ძაღლი — რა იგულისხმება ამ სიტყვებში?

— გააგრძელეთ ჩამოთვლა — „კუსონიკი“, „ყაყაჩო“ — მიანტიერესებს, რატომ უსვამთ ამ კითხვას „გალერეის“ სტუმრებს — ჟარგონს გვიმონებთ?

— მამაკაცმა შეურაცხმყოფელს სასამართლოში უნდა უჩივლოს, თუ პირადად გაურჩიოს საქმე?

— შეურაცხმყოფელს გააჩნია, სასამართლოს გააჩნია და მამაკაცს გააჩნია. ქრისტე ბრძანებს: ერთ ლოყაზე რომ შემოგკრავენ, მეორე მოუშვირო, მაგრამ ცხელ გულზე თვით ანტიოქიის პატრიარქმაც კი სილის შემომკვრელს, შეიძლება, იქით ისეთი გაულანუნოს, რომ...

— როგორი მუსიკა გიყვართ?

— დოჩანაშვილისა არ იყოს — კარგი, მაგრამ იმ კარგ მუსიკაშიც ქართულ ხალხურ სიმღერებს გამოვარჩევდი.

— თქვენი ოცნების ქალი?

— თუ კაცად ვარგინარ, შენი ოცნების ქალის სუნთქვა შენს ბალიშს უნდა გითბობდეს.

— თქვენს შემთხვევაში მასეა?

— მასე გახლავთ... ჩემი ოცნების ქალი ჩემს სამზარეულოში დაფუსფუსებს.

— როგორ უყურებთ საყვარლის ყოლის პრობლემას?

— ნმინდა ქართული პოზიციებიდან: კაცისგან — შემწყნარებლურად, ქალისგან — შეუნყნარებლად.

— რომელი მანქანა მოგნონთ და რომელი გყავთ?

— მომწონს, ცხადია, „ფირმა“ მანქანები, მაგრამ ჩემთვის — არა: ვერ მოვუვლიდი. ისე, კაი შელანძლული „07“ მყავს.

— რომელი ცეცხლსასროლი იარაღი მოგნონთ და რომელი გაქვთ?

— მაქვს „პსმ“-ი, რომელიც არ მომწონს; მომწონს „ჰაიპაუერი“, მაგრამ არა მაქვს.

— საყვარელი საქმელი და სასმელი?

— სადღაა თორემ, თევზეული მიყვარს, კიდევ ხინკალი. სასმელებიდან — ლუდი.

— კურიოზი თქვენი ცხოვრებიდან?

— კარგა ხნის ამბავია. ჟურნალ „ბალავრის“ რედკოლეგია სამეგრელოში მიგვიპატიუეს. დაედივართ რაიონიდან რაიონში, ვხედებით მკითხველებს, ემსჯელობთ, ეკამათობთ. შემდეგ სუფრები — მოგახსენებათ მეგრელების მასპინძლობა. ბოლო პუნქტი სენაკია. დილით აუცილებლად თბილისში უნდა ვიყოთ. ვნერვიულობთ — მატარებლის ბილეთები არა გვაქვს აღებული, მასპინძლები კი არ გვიშვებენ. ქალაქის აღმასკომის თავმჯდომარეს ჩვენი ნერვიულობა სასაცილოდ არ ყოფნის — კუპეს კი არა, მთელ ვაგონს აგილებთო, — გვამშვიდებს. როგორც იქნა, გავედით სადგურში. სალაროსთან ვინ მიგიშვა, თვითონ შევიდა მოლარესთან, ნირნამხდარი გამოვიდა — არც საერთაშორისოს, არც „ულაკარტის“ და არც საერთოს ბილეთები არა აქვთო. ღმერთს არ სდომია თქვენი ნასვლა, სუფრაზე უნდა მიეტრიალდეთო. კოტე გაბაშვილმა განზე გამიხმომ, მე ამათ პერონზე გავიყვან, შენ სალაროსთან მიდი, ოღონდ თავი შეყავი შიგ და ისე მოსთხოვე ბილეთებიო. ასეც ვქენი, შევრგე თავი სალაროში და თბილისამდე ოთხი ფეხზე დგომის ბილე-

თი მოვითხოვე — „უიმე, ბატონო თამაზ, რაღაი თქვენი ხმა ცოცხლად გავი-
გონე, დასადგომს კი არა, აგერ ორი კუპე საერთაშორისო, ოღონ, ჩვენს აღ-
მასკომის თავმჯდომარეს არ დაანახოთ, ნელან უარით გავისტუმრე, ვილაც
მთვრალეებისთვის მთხოვა ბილეთები“-ო, — მიპასუხა მოლარემ.

— თქვენი ხასიათის დადებითი და უარყოფითი თვისებები?

— თვითნალოზი ხშირად სუბიექტურია, ამიტომ სჯობია შენს ღირსება-
სა თუ ნაკლზე სხვამ ილაპარაკოს. ისე, რასაც ხშირად ამბობენ და მეც შე-
მიძრწევი, ესაა ზედმეტი სიფიცხე, ახირებამდე მისული ჩემი სიჯიუტე, უფ-
რო — თავისნათქვამობა... მაგრამ, მეორე მხრივ, ძალიან გამძაფრებული
სამართლიანობის გრძნობაც მაქვს.

— საყვარელი ფერი?

— შავი და თეთრი.

— აქედან გამომდინარე, შეიძლება ვიგულისხმოთ, რომ კონსერვატორი
ბრძანდებით?

— ალბათ, თუ ეს ამას ნიშნავს. ისედაც, უფრო კონსერვატული ხასიათი
მაქვს. ძალიან მიჭირს ყველანაირი მდგომარეობის შეცვლა.

— რას ვერ აპატიებთ ადამიანს?

— პატიების უნარის არქონას.

— როდის მიმართავთ ტყუილს?

— როდესაც ეს ტყუილი ჩემსავე თვალში არ დამამცირებს. ესეც ჩემი ხა-
სიათიდან გამომდინარეა — ლამის პატივმოყვარეობამდე თავმოყვარე ვარ.

— რა არის ადამიანის ბოლო შანსი?

— ბოლო შანსი ღირსეული სიკვდილია.

— ღმერთი გნამთ? .

— ძნელი კითხვაა, მაპატიეთ, მაგრამ, მგონი, ცოტა ტაქტიც აკლია — ეს იმ-
დენად ინტიმური სფეროა ადამიანისა... ინტიუციურად — მნამს, როგორ არა
მნამს, მნამს შინაგანად, მაგრამ, სამწუხაროდ, ეკლესიურად ვერ ჩავითვლები.

— აღსარება თუ გითქვამთ ოდესმე?

— ცალკე მღვდლისთვის არასოდეს, მაგრამ ვცდილობდი, აღსარების
მაგვარი რამ მეთქვა ყოველ კვირადღეს საქართველოსთვის.

— რას უსურვებთ ბატონ თამაზ კვაჭანტირაძეს?

— ყოველივე კარგს; რასაც სხვას ვუსურვებ, იმასვე ვუსურვებ საკუთარ
თავსაც, არაფერს დავიკლებ.

— რამდენად გულწრფელი იყავით?

— ალბათ, ზოგიერთ რალაცაში ბოლომდე გულწრფელი არ ვიყავი. არც
არის ეს, ალბათ, საჭირო... ყველაფერი არ მითქვამს, მაგრამ რაც გითხა-
რით, დამიჯერეთ, გულწრფელად გითხარით.

არჩვენებამდე და მის შუამდგომლობა

1. არჩვენებამდე

— ბატონო თამაზ, თუ ნებას დამრთავთ, ამჯერად არც ერთ კითხვას არ დაგისვამთ სკოლასა და განათლებაზე...

— რა ხდება, უკვე გადამაყენეთ მინისტრობიდან?

— ახლა, არჩვენებამდე — უფრო ზუსტად, ახალი პარლამენტის ამოქმედებამდე — მინისტრებმა მთლად ქვის სროლა თუ არ დაიწყეთ, ხელს, ალბათ, აღარაეინ გახლებთ... აი, პარლამენტარობა ან სულაც პრეზიდენტობა რომ მოგენდომებინათ, მაშინ კი თქვენივე ნებით მოგინედათ გადადგომა...

— პრეზიდენტობა?

— რატომ გაიკვირეთ, თქვენ ხომ წინა ციკლში თქვენი თავი პრეზიდენტობის კანდიდატად წარმოადგინეთ...

— არა, ბატონო, პოლიტიკურმა ორგანიზაციამ წარმადგინა, „თავისუფალ დემოკრატიას კავშირმა“, და მაშინდელმა ოპოზიციამ (განსაკუთრებით „ილია ჭავჭავაძის საზოგადოება“ გაისარჯა) მოაგროვა ათი ათასი კაცის პასპორტით დადასტურებული ხელმოწერა-თანხმობა.

— ვგონებ, დაახლოებით მაგდენივე ამომრჩეველმა დაგიჭირათ მხარი მაშინდელ არჩვენებზე, არა?

— დაახლოებით... ყოველ შემთხვევაში, ოფიციალური ცნობით ასე გახლდათ, სინამდვილე კი როგორი იყო, იქნებ, ამას ნათელი იგორ გიორგაძემ მოჰფინოს...

— მის იმ განცხადებას გულისხმობთ, სადაც ამტკიცებს, თითქოს სათანადო ორგანოებს წინასწარ ჰქონდათ დამზადებული საარჩევნო ყუთები გამსახურდიასთვის სასურველი შედეგებით?

— მაგასაც და „დროში“ გამოქვეყნებულ ცნობასაც, რომლის მიხედვითაც იგორ გიორგაძეს შინაურულ გარემოში განუცხადებია, თუ როგორ „მუშაობდნენ“ ის და მისი ზოგიერთი კოლეგა საპრეზიდენტო არჩვენებში გამსახურდიას 87 პროცენტისათვის. სხვათა შორის, იმავე წყაროდან ჩემთვის ცნობილია, თითქოს პრეზიდენტყოფილს არჩვენებში ხმების 32 პროცენტი აეღოს, ადვანს კი — 28. ასეა თუ ისე, მე ყველაზე უარესი შედეგი მქონდა...

— ჰოდა, მეორეჯერაც ხომ არ გეცადათ?..

— იშვიათზე იშვიათია, კაცმა მეორეჯერ სცადოს თვითმკვლელობა.

— საპრეზიდენტო არჩვენებში დამარცხება თვითმკვლელობაა?

— კაცსა და სიტუაციას გააჩნია... პრეზიდენტობის დღევანდელ პრეტენდენტებს რომ ვუყურებ, თვითმკვლელობა კი არა, ვგონებ, ზოგი მათგანი ამ არჩვენებში დამარცხებით აპირებს აშენებას...

— მათ მზარდ პოპულარობას გულისხმობთ?

— მარტო ამას არა... ისე, პოპულარობაც არის და პოპულარობაც. კიკაზე პოპულარული კაცი ცოტა თუ იყო თბილისში, მაგრამ მასაც ჰქონდა და, სხვათა შორის, იმდროინდელ საზოგადოებასაც იმის ჭკუა, რომ კიკას პრეზიდენტობაზე არ ფეიქრა... მე ცხონებულ კიკაზე მოგახსენებთ...

— მოკლედ, თქვენი აზრით, პოპულარობა არც საკმარისი და არც აუცილებელი პირობა არ არის პრეზიდენტობისათვის?

— აუცილებელი როგორ არ არის, საცა პრეზიდენტი ნაღდად ირჩევა, იქ არაპოპულარულ კაცს არ აირჩევენ... მაგრამ — საკმარისი პირობა კი არ გახლავთ... ასე რომ ყოფილიყო, 91^წლის არჩევნებში იქნებ რალაც შანსი მეც მქონოდა... თუმცა, უნდა ისევე გავიმეორო, სხვაა პოპულარობა მსახიობისა, ლიტერატორისა, ყაჩაღისა თუ სექს-ბომბისა და სულ სხვა გახლავთ პოლიტიკოსის პოპულარობა. მართალია, მწერლობას და, თუნდაც, მსახიობობას ბევრი საერთოც აქვს პოლიტიკოსობასთან, მაგრამ ამან არ უნდა გვაცდუნოს: ქალაღზე ან სცენაზე პოლიტიკის „კეთება“ სხვაა და ცხოვრებაში — სხვა, „შუა უზის დიდი მზღვარი“...

— და თქვენ ოთხი წლის წინ მაინც ცდუნდით და ნახვედით ამაზე?

— ცდუნება მაშინ შეიძლება დაერქვას კაცის საქციელს, როცა თუნდაც მცირე შანსი მაინც აქვს ამ ქმედებისაგან სარგებლის მიღებისა. მე კი ვიცოდი — არჩევნებს ვინც ჩაატარებდა, პრეზიდენტიც ის გახდებოდა, მე კი „სარგებელი“ აქედან ის მექნებოდა, რომ ჩემს გულშემატკივარ-მსმენელთა საკმაოდ დიდი ნაწილის რისხვასა და სიძულვილს დავიტეხდი თავს...

— მოკლედ, ახლა ნანობთ თქვენ მიერ გადადგმულ ნაბიჯს?

— არამც და არამც... მაშინ იმ ძალას, იმ რეჟიმს ვუპირისპირდებოდი, რომელსაც საქართველო დაქვევისაკენ მიჰყავდა. ერთადერთი იარაღი მქონდა, სიტყვა — ამონათქვამი თუ დანერილი — და იმით ვიბრძოდი...

— დიახ, გვახსოვს ეკრანიდან წარმოთქმული თქვენი „ანტილია“ და „დრონში“ გამოქვეყნებული „ყვარყვარე“...

— ცუდმედიდობაში ნუ ჩამომართმევთ და — არ იყო მაშინ ადვილი ამის კეთება, პრეზიდენტყოფილის მახსოვრობის ერთ უცნაურობას თუ გავითვალისწინებთ: არ ამახსოვრდებოდა სიკეთე, ვერ ივიწყებდა წყენას.

— უკაცრავად, მაგრამ განა შევარდნაძეს ავიწყდება წყენა?

— შევარდნაძეს არაფერი ავიწყდება, მაგრამ — განსხვავებით გამსახურდიასაგან — მას, ჯერ ერთი, არ ავიწყდება სიკეთეც... და მეორე: სახელმწიფოებრივი ინტერესებიდან გამომდინარე, მას შეუძლია დაივიწყოს პირადი წყენა. სწორედ ამიტომ ართმევს იგი ხელს არძინბას და აეროპორტში ხვდება გრაჩოვს, გამსახურდია კი სახელმწიფოს ინტერესებს უგულვებელყოფს, როცა არ ჩადის მოსკოვში და არ ხვდება გორბაჩოვს, თუმცა, მერე ბუნკერიდან „ზაკვოს“ ევედრება, ხელისუფლება შემანარჩუნებინე და

„ესენგეში“ შემოვალო... უფრო მეტიც — ხელისუფლების დასაბრუნებლად გამსახურდია ლამის დუდაევის „ხელის ბიჭად“ იქცა: „კავკასიური სახლის“ ნაცვლად „პანისლამურ მეჩეთში“ მოინდომა საქართველოს შეტყუება.

— ბატონო თამაზ, მთავრობის წევრები ძალზე თავშეკავებულად გამოიყურებით ამ საარჩევნო კამპანიაში — თითქმის არ ჩანხართ პრესითა თუ ტელევიზიით; რას უნდა მივანეროთ ეს — შიშს ხელისუფლების მოსალოდნელი ცვლილების წინაშე?

— ჯერ ერთი, მე მოვუსმინე თემურ ბასილიასა და ლადო პაპაევას სატელევიზიო გამოსვლებს — შიშისა და თავის დაზღვევისა მათ არაფერი ეცხობო... მეორეც არის და — სახელმწიფოს მეთაურის მხარდასაჭერი გამოსვლები კაბინეტის წევრებს არცთუ უსაფუძვლოდ შეიძლება ჩამორთმეოდა „ცუდ ტონად“, მეტიც — შამამებლობად...

— თქვენ კი არ გემინიათ, რომ თქვენი პოზიცია საზოგადოებამ სწორედ ასე აღიქვას?

— მეც, ცოტა არ იყოს, მეშინია ამისა, მაგრამ ერთს გეტყვით: თუ ხალხში მცირე სახელი და სიყვარული მომიპოვებია, ეს ჩემი მინისტრობით არ მომხდარა — პირიქით, თანამდებობამ ამ მხრივ ზოგი რამ დამაკარგვინა კიდევ. არავის წინაშე, მათ შორის — სახელმწიფოს მეთაურის წინაშეც, არაფერი მჭირს საპირფერო. თქვენ ბრძანეთ — „ხელისუფლების მოსალოდნელი ცვლილება“... თუ ასეთი ეჭვი არსებობს, მით უფრო ზნეობრივად მიმაჩნია ჩემი აზრის სწორედ არჩევნების წინ გამოთქმა და არა — შემდგომ...

— როგორ შეაფასებდით ბატონ ქართლოს ლარიბაშვილის ლოზუნგს: „ახალგაზრდა საქართველოს — ახალგაზრდა პრეზიდენტი“...

— ვეთანხმები და მხარსაც ვუჭერ...

— მაშ, გაუმარჯოს ყველაზე ახალგაზრდა პრეზიდენტს — 41 წლის ლარიბაშვილს?

— არა, შევარდნაძეს. ისაა ყველაზე ახალგაზრდა.

— ?!

— ახალგაზრდობა ჩემთვის მარტო ასაკობრივი ცნება არ გახლავთ. ახალგაზრდობა როგორც პლუსი, როგორც ლირსება, ცხადია, გარკვეულ თვისებათა სიჭარბესა და ინტენსივობას გულისხმობს, თორემ ამის გარეშე ნახევარზე მეტი საქართველო ლარიბაშვილზე ახალგაზრდაა.

— რა თვისებებია ეს?

— ჩემთვის ახალგაზრდაა, ვისაც მეტი შრომა შეუძლია, ვინც ყოველგვარი სიახლეების მიმართ მგრძნობიარეა და ვინც, შემინდონ მოხუცებმა, ბებრულად არ დაჰკანკალებს თავის დარჩენილ დღეებს, უშიშარია და სიცოცხლის დათმობა ძალუძს.

— იქნებ სხვა კანდიდატებიც აკმაყოფილებენ ახალგაზრდობის ამ თქვენულ კრიტერიუმებს?

— უდავოდ; თუ ყველა არა — ზოგიერთი მაინც; თუ ყველას არა — ზოგიერთს მაინც. მთავარი, როგორც მოგახსენეთ, ამ თვისებათა ინტენსივობაა. შევარდნაძე ყველა ამ თვისებას ჭარბად ფლობს. პრეტენდენტთაგან მე მხოლოდ ბატონ პანტელეიმონ გიორგაძეს არ ვიცნობ პირადად, სხვებს — საკმაოდ კარგად და, სხვათა შორის, ყოველ მათგანთან კეთილი ურთიერთობა მაქავეშირებს, ბატონ აკაკი ბაქრაძესთან კი — მრავალწლიანი კონტაქტი და შემდგომ ერთობლივი თანამშრომლობა რუსთაველის საზოგადოებაში: იგი ამ საზოგადოების პრეზიდენტი გახლდათ, მე — მისი რეკომენდაციით არჩეული თანაპრეზიდენტი.

— ბატონ ედუარდ შევარდნაძეს?

— ბატონ ედუარდთან პირადი ურთიერთობა 92 წლიდან მაქვს, მისი ჩამოსვლის ლამის პირველივე დღიდან, ჯერ როგორც საკონსულტაციო საბჭოს, მერე — სახელმწიფო საბჭოს, ახლა კი — კაბინეტის წევრს. ლიტერატორის პროფესია დაკვირვება და მეც ამ სამწლიანხვედრის განმავლობაში ახლო მანძილიდან ვაკვირდებოდი მას. კაბინეტის 6-7 საათიანი გადაბმული სხდომების ბოლოს მეც და ჩემზე ახალგაზრდა სხვა მინისტრებიც ლამის ვთაყვანდებით, შევარდნაძე კი შეუწინაღებელი ყურადღებით ისმენს და „ისრუტავს“ ყოველ აზრს, ყოველ ფრაზას. ახალ იდეებს, სიახლეებს ის, რომ იტყვიან, კანით გრძნობს და, ეს სამოცდაათს მიტანებული კაცი, დღესდღეობით ყველაზე უფრო დიდი ნოვატორი და რეფორმატორია. რაც შეეხება პიროვნულ გამბედაობასა და ექსტრემალურ სიტუაციებში თავის განიერის უნარს, შევარდნაძის ამ ნიჭს მისი ყველაზე შეურიგებელი მოწინააღმდეგენიც კი აღიარებენ.

მოკლედ რომ მოვჭრა, შევარდნაძე არ დაბერდა... და, ეტყობა, არც დაბერდება: ბუნებამ ასე ინება. 29 აგვისტოს ტერაქტის შემდეგ მისმა მკურნალმა ექიმმა ბაადურ მოსიძემ მითხრა: აფეთქებამ არამცთუ დაცვას, ბევრს, იმ არემარეს მყოფთ, ყურის ბარაბნები დაუხეთქა, შევარდნაძეს კი ერთი სიმიც არ დაჰზიანებიაო.

ისე, საქართველოზე „ძველი“, „ხანიერი“ უფრო ითქმის, ვიდრე — „ახალგაზრდა“; შეიძლებადა ასეთი ლოზუნგიც თქმულიყო — „ხანიერ საქართველოს ხანიერი პრეზიდენტი“ სიცოცხლის, სიჭაბუკის, სილალის კულტის დამამკვიდრებელ ქვეყანას, ელადას, უხუცესთა საბჭო მართავდა... და — კარგადაც მართავდა.

— და თქვენ მხარს დაუჭერდით ამ ლოზუნგს?

— რატომაც არა...

— მაშ, გაუმარჯოს ყველაზე ხანდაზმულ პრეზიდენტს — 70 წლის პანტელეიმონ გიორგაძეს?

— არა, შევარდნაძეს. ისაა ყველაზე ხანდაზმული და გამოცდილი, რამდენადაც არც ხანდაზმულობაა მხოლოდ ასაკობრივი ცნება: ვინც დღეში თხუთმეტ საათს შრომობს, ის სამჯერ უფრო მეტხანს ცხოვრობს იმასთან

შედარებით, ვინც დღეში მხოლოდ ხუთ საათს მუშაობს. ასე რომ, შევარდნა-
ძე არა მარტო ყველაზე ახალგაზრდაა პრეტენდენტთა შორის, არამედ —
ყველაზე ხანდაზმულიც.

— რა უპირველესი თვისება უნდა ჰქონდეს, თქვენი აზრით, საქართვე-
ლოს პრეზიდენტს?

— იუმორის გრძნობა.

— მეხუმრებით?

— არ გეხუმრებით, სერიოზულად ვფიქრობ, რომ გამსახურდიას მარც-
ხის ერთი მთავარი მიზეზი ეს გახლდათ — იუმორის გრძნობა არ ჰქონდა.
ერთსაც მოგახსენებთ, შეიძლება კაცი უამრავი ღირსებით იყოს შემკული,
მაგრამ პრეზიდენტად მაინც ვერ ივარგოს. პრეზიდენტობას სჭირდება,
უპირველეს ყოვლისა, მართვის ნიჭი... ეს, ჩემი აზრით, თანდაყოლილი ნი-
ჭია... ჩიბუხის განყოფილება ისწავლი სტალინისაგან, ქვეყნის მართვას კი ვერა-
ვისგან ისწავლი; ეს უნდა დაგყვეს ზემოდან.

— ბატონო თამაზ, რა შთაბეჭდილება გრჩებათ პრეზიდენტობის კანდი-
დატთა ტელეგამოსვლებისგან?

— აბა, რა გითხრათ... ბატონ აკაკი ბაქრაძის გამოსვლა-ლექციებზე ჩემი
სათქმელიც გამოხატა ერთმა მეგობარმა პოეტმა: ეს იმას ჰგავს, ქართულის
გამოცდაზე „გვადი ბიგვას დახასიათება“ მოგთხოვონ და შენ ლამაზად ჩა-
მოუნიკნიკო „შუშანიკის დახასიათებაო“. რაც შეეხება ბატონ როინ ლიპარ-
ტელიანის ტელეგამოსვლებს, თუ მსგავს შედარებას მოვიხმობ, ეს უკვე
იმას ჰგავს, მათემატიკის გამოცდაზე „ფატმანის დახასიათება“ წარადგინო,
თანაც, შემინდოს როინმა, ბატიფეხურით ნანერი.

— შევარდნაძეზე რას გეცხოდით ამ თვალსაზრისით?

— უკეთესად მეტყველებს... უკეთესად დუმს.

2. არჩევნების შემდეგ

— ბატონო თამაზ, თქვენ გსურდათ, რომ თქვენი აზრი არჩევნებსა და
მასში მონაწილე „პერსონაჟებზე“ არჩევნებამდე დაფიქსირებულიყო, ამი-
ტომაც დაიბეჭდა წინა ნომერში ეს მასალა სათაურით „არჩევნებამდე და
არჩევნების შემდეგ“. არჩევნებამდე სათქმელი უკვე ბრძანეთ..

— ყველაფერი — არა...

— ცხადია, მაგრამ ძირითადი სათქმელი, ეტყობა, უკვე თქვით — ახლა
არჩევნების შემდგომ სათქმელზე გადავიდეთ, უფრო სწორად — არჩევნე-
ბის შედეგების ანალიზზე...

— ასე ცხელ გულზე ეს ანალიზი ვერც ღრმა იქნება და ვერც — ზუსტი...
მონაცემებიც ჯერჯერობით საბოლოო არაა, თუმცა საარჩევნო კომისია

აცხადებს, რომ არსებითი ცვლილებები შედეგებში მოსალოდნელი აღარ უნდა იყოს.

— მოულოდნელი იყო თუ არა თქვენთვის საპრეზიდენტო არჩევნების შედეგები?

— არა, დაახლოებით ასეთსავე შედეგს ველოდი. სპორტულ ტერმინოლოგიას მოვიხმობ — შევარდნაძე სულ სხვა წონითი კატეგორიის პოლიტიკოსია, ვიდრე ყველა დანარჩენი; ეს დანარჩენიც არ გახლავან ერთი წონისა-ნი, მაგრამ შევარდნაძე თვისებრივად სხვა კატეგორიისა არის-მეთქი.

— მაშინ, რატომ 73 და არა, ვთქვათ, 93 პროცენტი, როგორც წინა არჩევნებში მიიღო შევარდნაძემ?

— შემინდეთ, მაგრამ, ვგონებ, ძველი ინერციით ვმსჯელობთ ამ საკითხზე — როგორც 99,99 პროცენტს მიჩვეულები. როგორ, კლინტონი თუ 55%-ით გავიდა, ვინმეს რაიმე უკმარისობის გრძნობა გაუჩნდა ამერიკაში?

— მაგრამ, ბატონო თამაზ, თქვენივე ტერმინოლოგიით, კლინტონს იმავე წონითი კატეგორიის კონკურენტი „ეჭიდავებოდა“ — ბუში...

— სწორს ბრძანებთ, მაგრამ ყველა ნორმალურ ქვეყანაში (ამ არჩევნებით კი მაინც ასეთ ქვეყანად წარმოვჩნდით), სადაც არჩევნები არაა გაყალბებული, 73 პროცენტით პირველივე ტურში პრეზიდენტის არჩევა ფაქტიურად საყოველთაო-სახალხო ნდობის გამოცხადებაა.

თანაც გაითვალისწინეთ — ფსიქოლოგიურად ხალხი, მასა თითქმის ყოველთვის სიახლის მომხრეა... ჩვენებური ანდაზა „შეჩვეულ ჭირზე“ არჩევნებისას არ „მუშაობს“, პირიქით, მასას ხშირად შეუჩვეველი ჭირი ურჩევნია შეჩვეულს. ამას დაუმატეთ რეალობა — უკიდურეს ეკონომიკურ გაჭირვებაში ჩაცვნილი ადამიანები, რეალური უხელფასობა, მძიმე კრიმინოგენური ვითარება — ეს ყველაფერი საკმარისზე მეტი მიზეზი გახლდათ საიმი-სოდ, რომ ელექტორატს ახალი ხელმძღვანელი აერჩია... მაგრამ ხალხი, ზოგი ჩვენი ტელეორატორისაგან განსხვავებით, მხოლოდ სტატიკურ სურათს კი არ ხედავს, არამედ — დინამიკურ პროცესს: ეკონომიკაში ყინული იძვრის, კრიმინოგენური ვითარება ერთგვარად იწმინდება, მოკლედ, იწყება სახელმწიფოებრივი აღმშენებლობა... და არჩევნებით ისიც დაფიქსირდა, თუ ვის სახელს უკავშირდება ეს პროცესები.

— რით ახსნიდით, რომ შევარდნაძემ 73% მიიღო, მისმა პარტიამ კი — მხოლოდ 23%?

— იმ სიტუაციაში, როცა უახლოესი კონკურენტი პარტიები შვიდ-შვიდ პროცენტს აგროვებენ, 23 პროცენტთან დაკავშირებით სიტყვა „მხოლოდ“ ცოტა შეუფერებლად უღერს...

— მე, ბატონო თამაზ, სიტყვა „მხოლოდ“ შევარდნაძის 73 პროცენტთან მიმართებაში ვიხმარე. განა ლოგიკური არ იქნება, თუ ვიტყვით, რომ შევარდნაძემ არა მარტო თავის კონკურენტებს, არამედ თავის პარტიასაც კი დი-

დად „გაუსნრო“? სხვანაირად „მოქალაქეთა კავშირს“ მასთან მიახლოებული ხმები უნდა დაეგროვებინა.

— ასეთი ლოგიკა, შემინდეთ პირდაპირობისათვის, ცოტა არ იყოს, სწორხაზოვნად (კინალამ წამომცდა — პრიმიტიულად) აღიქმება. ჯერ ერთი, არაკონსტრუქციული და არაკორექტულიცაა შევარდნაძის „მოგლეჯა“ მისი ინიციატივით შექმნილი ორგანიზაციისაგან; მეორეც, ისევ საორტულ ტერმინოლოგიას თუ მივმართავთ, ზოგჯერ მწვრთნელის რეიტინგი სხვაა და მისი გუნდისა — სხვა... და ესეც ბუნებრივია.

ჩვენს კონკრეტულ შემთხვევაში კი გასათვალისწინებელია შემდეგი ფაქტორიც: არჩევნებში მონაწილე ნახევარზე მეტმა პარტიებმა და პოლიტიკურმა ორგანიზაციებმა ოფიციალურად შევარდნაძის პრეზიდენტობას დაუჭირეს მხარი. მართალია, ეს ზოგჯერ პრაქტიკული მოსაზრებით იყო ნაკარნახევი და ხმების მოსაზიდად გამიზნული, მაგრამ, ასეა თუ ისე, შევარდნაძისთვის ხმის მიმცემი როცა „სოციალისტებს“, „თანადგომას“, „რეფორმატორებს“, „პროგრესს“, „ავღანელებს“ და ზოგ სხვასაც აძლევდა ხმას, ეს ხმები ირიბულად მაინც „მოქალაქეთა კავშირისა“ იყო, — რამდენადაც ეს არ გახლდათ ოპოზიციის ხმები.

— რატომ განიცადა კრახი, თქვენი აზრით, შევარდნაძის ოპოზიციამ ასე მწარედ ამ არჩევნებში?

— ისევ არაკორექტული განზოგადებაა, ჩემი აზრით, თქვენს კითხვაში. ჯერ ერთი, ოპოზიციაც არის და ოპოზიციაც. ედამ ოპოზიციას, მაგრამ ერთ-ერთი გამარჯვებული სწორედ ეს პარტია გახლავთ. მეორეც — არჩევნებში მარცხი პარტიამ, თუ იგი მართლაც პარტიაა და არა მხოლოდ პარლამენტის „საშვის ბიურო“, კრახად და პოლიტიკური მოღვაწეობის დასასრულად არ უნდა აღიქვას. ახლა ზოგი პარტიის მარცხის შესახებ: აქ ინდივიდუალურად არის განსახილველი ამ მარცხის მიზეზი თითოეული ორგანიზაციისათვის... თუმცა ზოგადად „ოპოზიციურ“ მარცხზე, როგორც გარკვეულ ტენდენციასზეც, მართლაც შეიძლება საუბარი. ერთი კანონზომიერება შევნიშნე შევარდნაძე-ოპოზიციის ურთიერთობაში, რაც, სხვათა შორის, ეკრანიდანაც ვთქვი, მაგრამ, ეტყობა, ჩემი ავტორიტეტი საკმარისი არ აღმოჩნდა, რომ ოპოზიციას იგი გაეთვალისწინებინა: ფაქტობრივად, ყოველთვის, როცა ოპოზიცია კონკრეტულ საკითხში თავგამოდებით ეწინააღმდეგება შევარდნაძეს, საბოლოო ჯამში ამ წინააღმდეგობის შედეგად მიღებული გადანყვეტილება შევარდნაძისათვის ყოველთვის უკეთესია, უკეთესია თავდაპირველ ვარიანტთან შედარებით. კაცს გეგონება, ოპოზიცია თავისი დაჟინებული კონფრონტაციით ისევ შევარდნაძისათვის მუშაობსო. ვოლანდისა არ იყოს, ბულგაკოვის „ოსტატი და მარგარიტადან“: მე ვარ ძალა, რომელიც ბოროტებას სწადის და სიკეთე გამოუდის.

— კონკრეტულ მაგალითებს ხომ ვერ დავგვისახელებდით?

— მაგალითები? ინებეთ: პირველ არჩევნებში ბატონ ედუარდს უნდოდა,

რომ პარლამენტართა ერთი ნაწილი მთლიანად საქართველოს მასშტაბით არჩეულიყო და არა რომელიმე პარტიიდან ან რაიონიდან. ამაში იყო თავისი ლოგიკა — პარლამენტში მოხვდებოდა ის ხალხი, რომლებიც პარტიულ სი-
ებში თავიანთი უპარტიოების გამო წარმოდგენილი ვერ იქნებოდნენ და ამავე დროს საერთო-სახალხო მხარდაჭერითაც სარგებლობდნენ. მათ ცალკეულ რაიონში რომ ეყარათ კენჭი, შესაძლოა, რაიონულ ინტერესს გადაეწონა სა-
ერთო-სახალხო ინტერესთან შედარებით. ოპოზიციამ ქვა ააგდო და თავი შეუშვირა — ამგვარ „ელიტარულობას“ არამც და არამც არ დავუშვებთო. საბოლოო ჯამში კი მიიღო საარჩევნო კანონი, რომელიც ამგვარ „ელიტარუ-
ლობას“ მხოლოდ ერთი პირისთვის, პარლამენტის თავმჯდომარისათვის, ე.ი. შევარდნაძისათვის, უშვებდა... არადა, ეს სახალხო ნდობის ვოტუმი რომ არ ჰქონოდა შევარდნაძეს, თავად განსაჯეთ, რამდენჯერ დააყენებდნენ მი-
სი — როგორც პარლამენტის თავმჯდომარის — გადაყენების საკითხს.

მეორე: ოპოზიციამ სახელმწიფოს მეთაურს გადაყენება მოუწოდოდა; უსა-
მართლო პრალდებებს პირადი შეურაცხყოფებიც დაემატა, შეუკვრელი ძა-
ლები შეიკვრნენ პარლამენტში და თითქოს მიზანსაც მიაღწიეს — აიძულეს სახელმწიფოს მეთაური საჯაროდ განეცხადებინა, გადამდგარი ვარო. ერთ საათში რუსთაველი გადაიჭედა — აქ განსაკუთრებული როლი ითამაშეს ეროვნულ-დემოკრატიებმა — და შევარდნაძემ დე ფაქტო მიიღო ის, რაც პარლამენტისაგანვე დე იურე ჰქონდა — ხალხისაგან დადასტურებული ნდობის მანდატი სახელმწიფოს მეთაურისა... ე.ი. ოპოზიციას უნდოდა ერ-
თი, მიიღო სულ სხვა, საპირისპირო შედეგი.

მესამე მაგალითი: შევარდნაძეს სურდა კონსტიტუციურად დაეკანონე-
ბინა ძლიერი საპრეზიდენტო ხელისუფლება. ოპოზიციამ ისევ ლამის ვენე-
ბი გადაიჭრა, ძალაუფლების უზურპაციის დაკანონება უნდა (არცთუ უსა-
ფუძვლოდ შიშობდნენ — პრეზიდენტი შევარდნაძე გახდებოდა), დიქტატო-
რობას უმიზნებს, ასეთ კანონს არ გავატანინებთო... არც გაატანინეს — გა-
ატანინეს კანონი, რომელიც ითვალისწინებს საკანონმდებლო და აღმასრუ-
ლებელი ხელისუფლების ერთ ხელში თავმოყრას, პირობითად, „ამერიკულ მოდელს“ რომ ვუნოდებთ, და რომელზედაც შევარდნაძეს, მე მგონი, არც უოცნებია.

განა არ ღირდა, ოპოზიციამ დაფიქრებულიყო ამ, ერთი შეხედვით, უცნა-
ურობაზე და შესაბამისი დასკვნები გამოეტანა? განა არ ღირდა საერთო საქმის საკეთილდღეოდ იმის აღიარება, რომ პოლიტიკურ თამაშში ანუ ცხოვრებაში შევარდნაძე უფრო შორს და ღრმად თვლის და მოწინააღმდე-
გის თვით არაკორექტული სვლაც კი გათვალისწინებული აქვს?

— ბატონო თამაზ, ღრმად და შორს რომ თვლის, ამაში გეთანხმებით, მაგ-
რამ ზოგჯერ ოცი სელის წინასწარ გამთვლელი დიდოსტატები მეორე სვლაზე რომ შამათს იღებენ?

— გეტანხმებით, ასეც ხდება, მაგრამ ჯერჯერობით ბატონ შევარდნაძეს ასეთი „ზეოკები“ არ მოსდის. და ერთსაც გეტყვით — პოლიტიკაში იმდენად ეფექტიანი შორს გათვლა არ არის, რამდენადაც — პატიოსნად, მართლად გათვლა. შემინდოს ოპოზიციამ — მათ შორის ბევრს გულწრფელ პატივსაც ვცემ — მაგრამ მას ხშირად სწორედ ეს მართლად, კორექტულად გათვლა აკლია... ოპოზიცია მაშინ დამარცხდა, როცა შევარდნაძესთან დაპირისპირება თვითდამკვიდრების პრინციპად გაიხადა... ეს უკვე მძიმე დაკომპლექსების სინდრომია და — ჩანაფიქრის საპირისპიროდ, ენება მხოლოდ ოპოზიციისათვის მოაქვს, შევარდნაძეს კი, თქვენ წარმოიდგინეთ, გარკვეული აზრით, აძლიერებს კიდევ. თუმცა ვიმეორებ, ოპოზიციაც არის და ოპოზიციაც. საარჩევნო სტრატეგიის მიხედვით, გაერთიანებული რესპუბლიკური პარტია, ჩემი აზრით, შეცდა, როცა მისდამი სიმპათიით განწყობილი ელექტორატი ალტერნატივის წინაშე დააყენა: ან მე, ან შევარდნაძე. ასევე ოპოზიციურ ეროვნულ-დემოკრატიულ პარტიას კი, მართალია, შევარდნაძის მომხრედ თავი არ გამოუცხადებია, მაგრამ საპრეზიდენტო არჩევნებში თავისი ნეიტრალობით გზა დაუტოვა ამომრჩეველს, მათთვისაც მიეცა ხმა და შევარდნაძისთვისაც.

3. განათლება

— ახლა, ბატონო თამაზ, ნება მიბოძეთ, პოლიტიკის სფეროდან თქვენი ამჟამინდელი მოღვაწეობის უშუალო სფეროზე, განათლებაზე, გადმოვი-
ნაცვლო...

— კი, ბატონო, ოღონდ, — განათლებაც, გარკვეული აზრით, პოლიტიკაა, ხოლო ყოველი მინისტრი, საგარეო საქმიდან დაწყებული — გარემოს დაცვით დამთავრებული, პოლიტიკოსია... უნდა იყოს, ყოველ შემთხვევაში.

— აუცილებელია თუ არა ეკონომიკური კრიზისის ფაზაში მყოფი ქვეყნისათვის რეფორმის გატარება ისეთ ფაქიზსა და, თავისი არსით — კონსერვატიულ სფეროში, როგორც არის განათლება?

— აუცილებელი თუ — შესაძლებელი?

— აუცილებლობა, ჩემი აზრით, შესაძლებლობასაც გულისხმობს...

— გეტანხმებით და მოგახსენებთ: აუცილებელია, მეტიც — სასიცოცხლოდ არის აუცილებელი; რამდენადაც სწავლებას, განათლებას ეფუძნება ყველაფერი, მათ შორის — ეკონომიკური კეთილდღეობაც, ამდენად ნაკლებეფექტური საგანმანათლებლო პროცესი პირდაპირ „ურტყამს“ ეკონომიკასაც, სოფლის მეურნეობასაც, მრეწველობასაც და ნებისმიერ სხვა დარგსა და სფეროს. ჯერ ეკონომიკურად გაეძლიერდეთ და მერე მივხედავთ განათლებასო, ეს პრინციპულად მიუღებელი პოზიციაა, რამდენადაც სწო-

რედ ეკონომიკური გაძლიერებისათვის აქვს გადამწყვეტი მნიშვნელობა განათლების სისტემის ეფექტიანად მუშაობას. ცხადია, სამოქალაქო ომისა და საყოველთაო ნგრევის პირობებში ვერც განათლების რეფორმას ჩავატარებდით სრულად და ყოვლისმომცველად, მაგრამ ამ ორი-სამი წლის მანძილზე ჩვენ თანდათან, მრავალი განსჯისა და ანონ-დანონის შემდეგ, ცალკეული ექსპერიმენტების დანერგვით, ზოგჯერ რეგულირების, ზოგჯერაც — თვითრეგულირების რთული გზით მაინც მივედით განათლების რეფორმის საყოველთაოდ გატარების აუცილებლობამდე, ხოლო ახლანდელმა შედარებითმა სტაბილურობამ და პირველმა სიმპტომებმა ეკონომიკის, ბიზნესის გამოცოცხლებისა, საშუალება მოგვცა განათლების რეფორმის ყოვლისმომცველი, სახელმწიფო პროგრამის რეალიზებას შევდგომოდით.

— ბატონო თამაზ, რამდენად უპასუხებს მინისტრთა კაბინეტის მიერ დამტკიცებული „განათლების რეფორმის სახელმწიფო პროგრამა და მისი რეალიზების გეგმა“ სადღეისო ამოცანებს და რანაირად, როგორი ტემპით აპირებთ მის ხორცშესხმას?

— ჩემგან, იმ სისტემის ხელმძღვანელისაგან, რომლის ნიაღშიც დამუშავდა ეს პროგრამა, შესაძლოა, უხერხულიც იყოს მისი შეფასება, თუმცა ჩემი პიროვნული წვლილი მის დამუშავებაში არაფრითაა მეტი არამცთუ ამ დოკუმენტზე ახლა მომუშავე, არამედ უნინ მოღვაწე და ან გარდასულ კოლეგათა წვლილზე. და მაინც, ამის შესახებ მიჩრჩენია სახელმწიფოს მეთაურის პირით მოგახსენოთ, ამიტომ მისი ციტირება მომიწევს: „*პირველად მივიღე მონაწილეობა ამ დოკუმენტის განხილვაში; ეს არის დიდი შრომის, სხვადასხვა მოსაზრებათა შეჯერების, მრავალი განხილვისა და საჯარო დისპუტების შედეგად შექმნილი კოლექტიური ნაშრომი, მაღალი რანგის დოკუმენტი, რომელიც ამავე დროს მონონებულია უცხოელ ექსპერტთა მიერ*“... აქვე უნდა ვთქვა, რომ ეს პროგრამა ღიაა მასში შემდგომი კორექტივების შესატანად.

— თქვენი კონცეფციის გახსნილობის ამგვარი დეკლარირება თქვენს ოპონენტებს იმის საშუალებას ხომ არ მისცემს, რომ ამ დოკუმენტის კორექტირების ნაცვლად მისი რევიზია მოინდომონ?

— ამას მართლაც ცდილობენ... მაგრამ ჩვენ ხაზგასმით ვაცხადებთ: კონცეფციის გახსნილობა სრულებითაც არ ნიშნავს იმას, რომ ყველა მსურველმა, თუნდაც სპეციალისტმა, განუწყვეტილად მოინდომოს განათლების კონცეფციის, რეფორმის პროგრამის ან მისი რეალიზების გეგმის თავის ჭკუაზე სწორება. ყოველგვარი სრულყოფა, მათ შორის — დოკუმენტისაც, დაუბოლოებლად შეიძლება. სხვათა შორის, ამ დაუბოლოებელი ცვლილებებით შეიძლება მისი ნახდენაც. ამიტომაც ყველამ, მტერმაც და მოყვარემაც, კარგად დავიმახსოვროთ: უმაღლეს აღმასრულებელ დონეზე ჩვენ უკვე მივიღეთ ეს დოკუმენტი სახელმძღვანელოდ და შესასრულებლად და ახლა რევი-

ზიის ყოველი მცდელობა ემგავნება საქმის ხელოვნურად გაჭიანურებას ან მის ტორპედირებას, ამას კი ჩვენ ვერ დაუშვებთ. თუ განათლების სისტემა, სამინისტრო, ქსელი, თითოეული რგოლი და მუშაკი, რომ იტყვიან, რისამე ამნევი, გამკეთებლები ვართ, ამის საშუალებას ეს პროგრამა იძლევა.

— რეფორმა, გარკვეულწილად, მკვეთრ გარდაქმნებს გულისხმობს. ბატონო თამაზ, განათლების რეფორმა თავისი არსით შოკურია?

— რეფორმის პროგრამაში დაფიქსირებულია, რომ განათლების სისტემა თანდათან, ეტაპობრივად, ყოველგვარი ნგრევისა და რევოლუციური ნახტომების გარეშე უნდა „გადაენყოს“ ახალ სტრუქტურაზე, რომელიც ახალ ეკონომიკურ რეალობას, ახალ საბაზრო ეკონომიკას ეფუძნება. მაგრამ, მეორე მხრივ, ეს თანდათანობა და ეტაპობრივობა არამც და არამც არ გულისხმობს კუს ნაბიჯით სიარულს, ზოზინს ან, სულაც, ადგილის ტკეპნას, ის მხოლოდ თანმიმდევრულობას და ყოველი შემდეგი ნაბიჯის გათვლა-გაზომვას გულისხმობს. მოგეხსენებათ, განათლების მუშაკები უკიდურეს გაჭირვებას განიცდიან, ამგვარ სიტუაციაში მათი მუშაობა მართლაც მონამეობის ტოლფასია: ყველანი ელოდებიან გარდაქმნებს და რეფორმის პირველი ნაბიჯების შედეგებს. ცნობილი გამოთქმაა, დაუსრულებელ კომშარს კომშარული დასასრული სჯობიაო; მე განათლების სფეროში დაუსრულებელი კომშარის ნინაალმდეგი ვარ, მაგრამ არც კომშარული დასასრული მზიბლავს — ცხადია, ჩვენ ყველას კომშარის დასასრული გვიჩვენია.

— მოკლედ, შეუქცევადად მივიღივართ სოციალისტური სისტემიდან კაპიტალისტურისაკენ?

— მე ამ ტერმინებით არ დავახასიათებდი ჩვენში მიმდინარე პროცესებს: ჩვენ რასაც სოციალიზმს ვეძახდით, თურმე, სოციალიზმი არ ყოფილა, შესაბამისად, არც კაპიტალიზმის ჩვენებური მოაზრება იქნებოდა მართებული; მოკლედ, როგორი სოციალიზმიც გვექონდა, მის შესაბამის კაპიტალიზმს მოვიაზრებთ და ეს ძველი სტერეოტიპები დღესაც საფრთხობელასავით მუშაობს. მე ასე ვიტყვოდ: განათლების რეფორმა შეუქცევადია არა ვინმეს ახირების ან პიროვნული კაპრიზის გამო — იგი შეუქცევადია როგორც თვითონ ცხოვრება, როგორც ის პროცესები, რომლებიც ხდება ჩვენს ეკონომიკაში, საზოგადოებრივ ცნობიერებასა და ცხოვრებაში. ხშირად ჩვენ კაპიტალიზმის მხოლოდ ნაყოფი გვინდა — ეკონომიკურად კარგად უზრუნველყოფილი ცხოვრება, ხოლო ის ჯოჯოხეთური შრომა, დაუნდობელი კონკურენცია, სულიერი და ფიზიკური ენერჯის უკიდურესი დაძაბვა, რისგანაც გვეძლევა ეს „კაი ცხოვრება“, ბევრისთვის შინაგანად მიუღებელია და, კაცმა რომ თქვას, ამისთვის მზად არც ვართ; მზად არ ვართ, რადგანაც ასეთი ცხოვრება არ გვისწავლია. აქ, სწორედ — აქ, უნდა თქვას განათლებამ, სკოლამ თავისი გადამწყვეტი სიტყვა. ის ნოსტალგიაც ძველ ყოფაზე აქედან მოდის... მაგრამ დროის მდინარე მხოლოდ ერთი მიმართული-

ბით მიედინება და სწორედ დრო, ეს ახალი დრო, გვეუბნება — „რაც გინახავთ (ძველად განეული შრომის მიხედვით, ისეთ ცხოვრებას) ველარ ნახავეთო“; ახლა, განსაკუთრებით — წინასაარჩევნო პერიოდში, ბევრს ლაპარაკობდნენ ოცუკაიკიან პურსა და ორმანეთიან ხორცზე, სოციალურ თანასწორობაზე და ჰარმონიაზე... სხვაზე ნაკლებ არ ვიცი ტოტალიტარული რეჟიმისა და აზროვნების საცდურები, არც ჩემთვის არის ხიბლსა და მიმზიდველობას მოკლებლი თანასწორობის დიადი იდეა, ოღონდ კომუნისტური თანასწორობა სილარიბესა და უუფლებობაში, თანაც — მოჩვენებითი და ფარისევლური, აღარ დაბრუნდება.

— ბატონო თამაზ, უნდა შეინახოს თუ არა სახელმწიფომ განათლება?

— მოდით, ჯერ შევთანხმდეთ, რას მოვიაზრებთ „სახელმწიფოში“. თუ აქ იზოლირებულად სახელმწიფო ბიუჯეტს ვგულისხმობთ, სინამდვილეს თვალი გავუსწოროთ და ვთქვათ — იგი განათლების სისტემას ამ მოცულობითა და ამ რიცხოვნებით ვერ შეინახავს. სხვა საკითხია, თანაც უალრესად საჭირობოროტო, რამდენად ოპტიმალურია ეს რიცხოვნება და სიმძლავრეები დღევანდელი საქართველოსათვის. მეორე მხრივ, თუ „სახელმწიფოს“ ზოგადად მოვიაზრებთ როგორც ქვეყანას, როგორც პიროვნების, საზოგადოებისა და სახელმწიფოს ერთიანობას, ცხადია, ქვეყანამ ანუ საზოგადოებამ ანუ ხალხმა ანუ ყოველმა ჩვენგანმა განათლება უნდა შეინახოს, თუ გვინდა, რომ ქვეყანა გვერქვას, ან — უფრო მარტივად — თუ გვინდა, რომ ვარსებობდეთ. აქ სრულიად განსაკუთრებული მნიშვნელობა ენიჭება როგორც მართვის ადგილობრივ ორგანოებს, ისე — საზოგადოებას, ცალკეულ ორგანიზაციებს, პირებს. თუ მთელი ჩვენი განათლება დღესდღეობით მუხლგაუმაგრებელ სახელმწიფო ბიუჯეტს აეკიდეთ, ამას იგი ვერ ზიდავს. მაგრამ თბილისის, ქუთაისის, აჭარის, რუსთავისა და ზოგი სხვა რეგიონის მაგალითი გვიჩვენებს, რომ განათლების შენახვა შესაძლებელია, უფრო მეტიც — აუცილებელია. დაიწყო და უფრო უნდა დაჩქარდეს განათლების სისტემის დაფინანსების მკვეთრი დეცენტრალიზაცია. შეიძლება ამ პროცესის სიკეთეს დღეს ისე ხელშესახებად ვერცა ვგრძნობდეთ, მაგრამ თბილისშიც, ქუთაისშიც და ზოგან სხვაგანაც ნელ-ნელა ხერხდება ხელფასების მკვეთრი მატება, ასევე — სხვა შეღავათებისა და პრივილეგიების დანსება განათლების მუშაკთათვის და ეს ყველაფერი ადგილობრივი ბიუჯეტის დამსახურება გახლავთ.

მაგრამ მეორე მხრიდანაც უნდა დავიძრათ: უნდა მოხდეს (და ეს ამ რეფორმის პროგრამის ერთი მთავარი ძარღვია) განათლების სისტემის, მთელი მისი ქსელის ოპტიმიზაცია. განათლების სამინისტრომ ეკონომიკის სამინისტროსთან ერთად უნდა განსაზღვროს სახელმწიფო დაკვეთის რაციონალური და რეალური ნორმები და ნორმატივები განათლებაზე, მოსწავლე-ადგილსა და სტუდენტ-ადგილზე; უნდა ამოქმედდეს „საგანმანათლებლო

ბაზარი", უნდა შეფასდეს მასწავლებლის, აღმზრდელის, ლექტორის შრომა რეალურად და გამოიხატოს ხელფასში. მოგვინევს შეველით დარგებს, სპეციალობებს, რომლებზედაც აღარ არის მოთხოვნილება არა მარტო დღევანდელი ვითარების, არამედ — პერსპექტივის გათვალისწინებითაც, შეველით იმას, რაც იგეგმებოდა ჩვენში, როგორც სუპერსახელმწიფოს ერთ რეგიონში, და რომელიც დამოუკიდებელი და სუვერენული პატარა სახელმწიფოსათვის ეკონომიკურად (და ყველა სხვა თვალსაზრისითაც) გაუსადღისია.

— მარტო შინაგანი რეზერვები განა საკმარისი იქნება რეფორმის სარეალიზაციოდ?

— ჩვენ დიდი იმედი უნდა ვიქონიოთ საზღვარგარეთიდან დახმარებისაც. თუმცა, რატომ — იმედი? ეს უკვე რეალობაა... როდესაც იქმნება რეფორმატორული დოკუმენტი განათლების სფეროში (ეს კი ძალზე ფაქიზი სფერო გახლავთ-მეთქი), საზღვარგარეთ შესაბამისი ორგანიზაციები, დონორები ძალზე მგრძობიარენი არიან და მაქსიმალურად ეხმაურებიან და ეხმარებიან კიდევ ამ პროცესს, რეფორმის პროცესს...

— ბატონო თამაზ, ფასიანი სწავლება — ჭირია ეს თუ მადლი?

— ყოველი წამალი, თუ იგი სათანადო წესითა და დოზით არ იხმარე, შეიძლება სანამლავად იქცეს; ასეა ფასიანი სწავლებაც. აქ საჭიროა გონივრული დაბალანსება როგორც პედაგოგთა უზარმაზარი მასის, ასევე — კიდევ უფრო მრავალრიცხოვანი მოსახლეობის ინტერესებისა. ფაქტია, ფასიანი სწავლება საბაზრო ეკონომიკის პირმშოა და, იმის მიხედვით, რამდენად გონივრულ კალაპოტში მოვაქცევთ მას თუნდაც ამ ჩვენი რეფორმით, შედეგსაც შესაბამისს მივიღებთ.

— რეფორმის მიხედვით როგორ უნდა იმართებოდეს განათლების უზარმაზარი სისტემა და რა როლი უნდა ითამაშოს მართვის პროცესში განათლების სამინისტრომ?..

— ალბათ, ახალს არაფერს ვიტყვი, თუ შეგახსენებთ: რეფორმის ცხოვრებაში გატარებას სჭირდება უმკაცრესი სამეშსრულებლო დისციპლინა. ეს მარტო ჩვენს სფეროს არ ეხება. განათლების სფეროს მართვის თვალსაზრისით უნდა მკაფიოდ გაიმიჯნოს სამინისტროსა და ადგილობრივი მმართველობითი ორგანოების ფუნქციები. ხვალის განათლების სამინისტრო უნდა იყოს ფუნქციონალური სამინისტრო, გათავისუფლებული ყოველგვარი სამეურნეო და სამშენებლო ფუნქციებისაგან. სამინისტრო განათლების სახელმწიფო პოლიტიკის უმაღლესი გამტარებელია, მას განათლების შინაარსობრივი და მეთოდოლოგიური მხარის უზრუნველყოფა, მასწავლებელთა კადრების მომზადება და გადამზადება, საკადრო პოლიტიკის წარმართვა, ორგანიზაციული კავშირების გაბმა და დამყარება შიგა თუ გარე სტრუქტურებთან უნდა ევალებოდეს და არ უნდა იხარჯებოდეს ისეთ სა-

კითხვებზე, როგორიცაა განათლებაში კაპდაბანდება და კაპრემონტი, სასკოლო ნაგებობების დათბუნება თუ მასწავლებლის ხელფასის დარეგულირება, ტრანსპორტითა და სანავიით სასწავლო დაწესებულებათა მომარაგება, სასკოლო ინვენტარისა თუ თვალსაჩინოების დამზადება. თვით სახელმძღვანელოთა დაბეჭდვა-რეალიზებაც კი მისი უშუალო საქმე არ უნდა იყოს — ამ სახელმძღვანელოთა შედგენაა განათლების სამინისტროსა და მისი ქვემდებარე ორგანიზაციების ამოცანა.

— დაბოლოს, ბატონო თამაზ, მაპატიეთ შაბლონური კითხვისათვის, მაგრამ — გვეშველება რამე?

— მეც მაპატიეთ ასეთივე შაბლონური პასუხისათვის, მაგრამ — უსაშველო რა გვჭირს! ჩვენი ენით, ჩვენი ცხოვრების წესით გვაქვს რუქაზე ადგილი... კი, მძიმე დროება გვიდგას, კი, ცხოვრებამ მწარედ გვგვემა, რუქაც შაგრენის ტყავივით დაგვიპატარავდა და ენაც შეგვემღერა — ერთმანეთს ცუდად ვაგებინებთ. მაგრამ უფალი მძიმე განსაცდელს თავის რჩეულებს მოუვლენს ხოლმე — მრავალტანჯული იობი გავიხსენოთ. უნდა ვიყოთ ღირსი ამ გამოცდისა... და ნუ დაგვაგინებდა — ეს გამოცდა თითქმის ჩაბარებული გვაქვს: ორსაუკუნეს საკუთარდროშადაქარგული ხალხი ოცდამეერთეში მაინც ჩვენი რუქით, ჩვენი დროშითა და ჩვენი ენით შევაბიჯებთ.

ესაუბრა ნანა თამარაშვილი, „ლიტერატურული საქართველო“, NN 44, 45, 46. 1995

მთავარია. ჩვენ ვიპარგოთ

— რას გვეტყვი იმ აუციოტაჟის შესახებ, რაც საქართველოში თურქული უნივერსიტეტის გახსნის საკითხმა გამოიწვია?

— დავიწყოთ იმით, რომ ეს არ იქნება „თურქული უნივერსიტეტი“, ისევე, როგორც არ არსებობს „თურქული კოლეჯი“ (როგორც დემირელის სახელობის კოლეჯს უწოდებენ ხოლმე). ის კოლეჯი ქართულია, საქართველოს განათლების სამინისტროს მიერ დამტკიცებული სასწავლო გეგმითა და პროგრამით მომუშავე სასწავლებელი; საგნები იქ ქართულ და ინგლისურ ენებზე ისწავლება, თურქულს კი ფაკულტატურად, მშობლების სურვილის მიხედვით, ასწავლიან; ამასთანავე, ამ კოლეჯის დაფინანსებაში და, შესაბამისად, ფუნქციონირებაშიც, გარკვეული სპეციფიკა არსებობს.

რაც შეეხება „შავი ზღვის საერთაშორისო უნივერსიტეტს“, იგი თანაბარი მონაწილეობის, ანუ პარიტეტულ საწყისებზე იქმნება. ამ საუნივერსიტეტო კომპლექსის მშენებლობაში მონაწილეობს თურქეთი და მშენებლო-

ბის ხარჯებასაც ძირითადად თურქული მხარე იღებს თავის თავზე, თუმცა მის დაფინანსებაში საქართველოს მხარეც მონაწილეობს. და თუმცა თურქეთის მხარის ფინანსური წილი გაცილებით მეტია, ჩვენ კატეგორიულად მოვითხოვეთ ხელშეკრულებაში დაფიქსირებულიყო (და ასეც მოხდა!) უნივერსიტეტის მართვაში პარიტეტი, რაც იმას ნიშნავს, რომ ყველა სადავო საკითხი კონსენსუსით უნდა გადაწყდეს. ხოლო თუ ასე არ გადაწყდება, მაშინ არბიტრაჟი ჩაერევა, თუმცა არც ერთი მხარე არა ვართ ისე განწყობილი, რომ ყოველი სადავო საკითხის მოსაგვარებლად არბიტრაჟში მოგვინიოს სირბილი.

ეს უნივერსიტეტი თურქული მაშინ იქნებოდა, თუ მას თურქეთის მხარე მართავდა და სწავლების შინაარსსაც იგი განსაზღვრავდა. „შავი ზღვის საერთაშორისო უნივერსიტეტი“ კი იმუშავეს საქართველოს კანონმდებლობის საფუძველზე, მისი ფუნქციონირება იმავე საკანონმდებლო ბაზით განისაზღვრება, რითაც მუშაობენ სხვა ჩვენი ფასიანი უმაღლესი სასწავლებლები, და მათი ანალოგიური უფლება-მოვალეობა ექნება. პრაქტიკულ მართვას განახორციელებს საბჭო, რომელშიც ქართული და თურქული მხარე თანაბრად, პარიტეტულად არიან წარმოდგენილები.

ისე, რაც შეეხება ეჭვებს, ასეთი ეჭვები ყოველი მნიშვნელოვანი ნაბიჯის გადადგმისას შეიძლება გაჩნდეს, მით უფრო, როცა ამ ნაბიჯს პოლიტიკური ასპექტიც აქვს — ქვეყნებს შორის საგანმანათლებლო კონტაქტები ხომ საერთო-სახელმწიფოებრივი პოლიტიკის ნაწილია! მაგრამ, მხოლოდ ეჭვზე დაყრდნობილი პოლიტიკა ცალმხრივი და ნაკლებეფექტური იქნებოდა. პოლიტიკა, ჩემი აზრით, ეჭვების გაჩენისა და ამ ეჭვების დაძლევის დინამიკურ პროცესად უნდა განიხილებოდეს.

— რახან სიტყვა ეჭვებზე ჩამოვარდა, მაშინ ყველაზე მთავარ ეჭვს შეგახსენებთ: ამბობენ, თურქული ფირმები „მარსი“ და „ჩალლარი“ კი არ არიან დაინტერესებული უნივერსიტეტის გახსნით, არამედ მათ ზურგს უკან მდგომი თურქეთის ხელისუფლება...

— და რახან თურქეთის ხელისუფლებაა დაინტერესებული, ეს უეჭველად ჩვენთვის საზარალო იქნებაო, არა? ასეც ბრძანა პოლემიკაში მონაწილე ერთ-ერთმა პროფესორმა: ჩვენი მეზობლები ალბათ იმას ცდილობენ, რომ ჩვენ გადაგვაგვარონო. სწორედ ეს გახლავთ შიშველ ეჭვებზე აგებული პოლიტიკა, რომელიც არცთუ სასურველ სტიერეოტიპად ჩამოყალიბდა ბევრის ცნობიერებაში — ირგვლივ ყველა საქართველოს მტერია და ყველას, გარეულსაც და შინაურსაც, ჩვენი დალუპვა სურთ (და ეს წრეგადასული ეჭვიანობა უცნაურად ერწყმის ჩვენს ამავე დროს საოცარ გულარხეირობასაც). ჩვენ ხშირად მხედველობიდან გვეპარება, რომ არსებობს მეზობელ ქვეყნებს შორის ინტერესთა დამთხვევა; საქართველოსა და თურქეთს ამგვარი საერთო ინტერესებიც აქვთ... და, საერთოდაც — კეთილმეზობლური ურთიერ-

თობა მხოლოდ ლიტონი სიტყვები არ გახლავთ. ჩვენ მიგვაჩნია, რომ კეთილ-მეზობლობას ხალხთა და კულტურათა დაახლოება და ურთიერთგამდიდრებაც განაპირობებს.

— ალბათ, ჩვენი ისტორიული გამოცდილებითაც ვართ დამფრთხალი. ვშიშობთ, ჩვენი კულტურა უცხო კულტურის ზეგავლენის ქვეშ არ მოექცეს...

— ალბათ; მაგრამ, ქართულ კულტურას, შემინდეთ ამგვარი შედარებისათვის, საკმაოდ მაგარი „კუჭი“ აქვს და, ღვთის შენეებით, უზარმაზარი კულტურული ტრადიციების მქონე იმპერიათა კულტურების გავლენა „მოუნელებია“; მეორეც არის და, როცა კულტურულ ზეგავლენაზეა ლაპარაკი, ამგვარი ზეგავლენის მოხდენის შესაძლებლობა, ჩვეულებრივ, იმ კულტურას უფრო მეტად აქვს, რომლის ნიაღშიც იხსნება რომელიმე საერთაშორისო კულტურულ-საგანმანათლებლო ცენტრი. გახსოვთ ალბათ, როგორი ეჭვით უყურებდა დასავლეთი ლუმუმბას სახელობის საერთაშორისო უნივერსიტეტის მოსკოვში გახსნას — თუ აფრიკისათვის სსრკ-ს სიკეთე უნდა, აფრიკაშივე გახსნას საგანმანათლებლო კერა, თორემ მოსკოვში, შესაბამის გარემოცვაში, აფრიკელთა კომუნისტური იდეოლოგიით დამუშავება მოხდებოდა. ჩვენ არავის იდეოლოგიურ დამუშავებასა და გაქართველებას არ ვაპირებთ, მაგრამ განა ანგარიშგასანევი არ უნდა იყოს თურქეთში ქართული წარმომავლობის მოსახლეობის ინტერესიც, მათი შემობრუნება ფესვებისაკენ? მათთვის თურქეთის კარგი მოქალაქეობა არ უნდა გამოირიცხავდეს თავიანთი ფესვების ცოდნასა და სიყვარულს — პირიქით, ისინი ერთგვარ ბურჯებად უნდა შეუდგნენ საქართველო-თურქეთის მეგობრულ ხიდს. „შავი ზღვის საერთაშორისო უნივერსიტეტს“ ამის მეტი საშუალება ექნება — ამ აუზის ქვეყნების, პირველ ყოვლისა კი — თურქეთის, ახალგაზრდობის ერთი ნაწილი ჩვენს კულტურას აზიაროს. ვიმეორებ, ეს ორივე ქვეყნის ინტერესებში შედის, ამიტომ, ჯანსაღ სიფრთხილეს გაუმარჯოს, მაგრამ ნუ დავინწყებთ ყველაფერში ცუდს და ყველგან მტრის ძიებას, მოვლენები აღვიქვათ მთელი სირთულით და მათში ნეგატიურის გვერდით დადებითიც დავინახოთ. თორემ — ჩავრავოთ ისევ საზღვრები, დავხუროთ საბაჟოები, მივებათ ისევ მხოლოდ ერთ ძალასა და ერთ ქვეყანას — რა გამოვა აქედან? ხალხს აქვს სურვილი თავის დიდ სამხრეთელ მეზობელთან კონტაქტებისა, ამის მოთხოვნილება ქვეყანაში გაჩნდა, ოღონდ ყოველივე ამას ჭკვიანი რეგულირება სჭირდება.

— ზოგნი იმასაც ამბობენ, რომ ეს ახალი სასწავლებელი შეიძლება რეზიდენტების ბუდედ იქცეს და ჩვენი ქვეყნის უშიშროებას საფრთხე დაემუქროსო.

— მაგრამ განა ნებისმიერი უცხოური ფირმა, ორგანიზაცია თუ დაწესებულება ამ გაცხოველებული კონტაქტებისა და ინტეგრაციის დროს არ შეიძლება იქცეს ასეთ „ბუდედ“? მგლის შიშით ცხვარი ვის გაუნყვეტია, ვერც

ჩვენი ავილებთ ხელს ახალი დროის ყველაზე დიდ მონაპოვარზე — საზღვრების გახსნაზე, ღია სამოქალაქო საზოგადოებაზე, საერთაშორისო კონტაქტებზე... ოღონდ ეს ცარიელა ფრაზეზად და სამიტინგო ლოზუნგებად დარჩება, თუ საქმით არ გამაგრდა. ვიმეორებ, სიფრთხილე აუცილებელია და მეც წინდახედულების მომხრე ვარ ამგვარ საკითხში. რაც შეეხება რეზიდენტებს, მათ ყოველ ქვეყანაში სათანადო ორგანოები ავლენენ. ამ შემთხვევაშიც, ეს უნივერსიტეტი ჩვენი სათანადო სამსახურების ჯანსაღი ყურადღებისა და ინტერესის საგნად იქცევა, როგორც ეს ყველგანაა მიღებული.

— ახლა, რაც შეეხება კონტინგენტს, ვინ ასწავლის და ვინ ისწავლის, ბატონო თამაზ, ამ უმაღლეს სასწავლებელში?

— ჩანაფიქრითა და ხელშეკრულების მიხედვითაც პროფესურა დაკომპლექტდება როგორც ქართველი, ისე უცხოეთიდან მონვეული მეცნიერებით (ჩვენთან შედარებით თურქეთს ამგვარი სამეცნიერო-საგანმანათლებლო ძალები ნაკლებად ჰყავს), ჩვენი პროფესურა (რომელიც დონით არავის ჩამოუვარდება), სამსუხაროდ, შედარებით იაფი ინტელექტუალური ძალაა და ამიტომ, როგორც ჩანს, „შავი ზღვის საერთაშორისო უნივერსიტეტში“ ძირითადად ჩვენი მეცნიერები დასაქმდებიან. ხოლო ის შიში, არიქა, დავზარალდებით, ჩვენმა პროფესურამ თბილისის უნივერსიტეტიდან ამ საერთაშორისო უნივერსიტეტისკენ თუ გადაინაცვლაო, ნაკლებად საფუძვლიანია. თბილისის უნივერსიტეტს სერიოზულ კონკურენციას არამცთუ ანი ასაშენებელი, შავი ზღვის აუზში უკვე მოქმედი ბარე ორი უცხოური უნივერსიტეტიც კი ვერ გაუწევს. სტუდენტური კონტინგენტი შავი ზღვის აუზის ქვეყნების ახალგაზრდებით უნდა დაკომპლექტდეს, სადაც ქართულ მხარეს, ისევე როგორც პროფესურას, თავისი კვოტა ექნება.

— ტექნიკური და დამხმარე პერსონალი ჩვენი იქნება თუ თურქეთის?

— ეს კონტინგენტი ქართული მხარის იქნება, ასე რომ, ეს არ გამოინვევს თურქული ტექნიკური პერსონალის ჩამოსვლას და საქართველოში დასახლებას. ისე, ურწმუნო თომებს ამ საკითხშიც ვერანაირი ვარიანტი ვერ აამბებ; ამ პოზიციასაც უპირისპირდებიან — აქაოდა მსახურების როლში გინდათ ქართველები გამოიყვანოთ; ტექნიკურ პერსონალს თუ ჩამოვიყვანდით — საქართველოს გათურქება გასურთო, იტყოდნენ... და ამბობენ, წერენ და თავისებურად ასაბუთებენ კიდევ ამას. ფაქტი კი ისეთია, როგორც მოგახსენეთ — ეს კონტინგენტი ქართულია. უნივერსიტეტის მართვა პარიტეტული იქნება. მმართველობის უმაღლესი ორგანო — სამეთვალყურეო საბჭო — 6 წევრისაგან შედგება. მათ შორის სამი საქართველოს მოქალაქეა... ყველა მნიშვნელოვან გადაწყვეტილებას უნივერსიტეტის ფინანსურ, ორგანიზაციულ, აკადემიურ საკითხებზე მიიღებს ეს საბჭო, ასე რომ, ვფიქრობთ, ამ გადაწყვეტილებებით არც ერთი მხარე არ დაზარალდება.

— ამბობენ, რომ თავიდან თქვენ დიდად არ მიესალმებოდით ამ უნივერსიტეტის დაარსებას. იმასაც ამბობენ: როცა მინისტრთა კაბინეტმა ბრძანებით დაგვაღალათ ლიცენზიის გაცემა, პრემიერ-მინისტრი ოთარ ფაცაცია არ იყო ადგილზე და მისი მოვალეობის შემსრულებელმა ავთანდილ მარგიანმა მოაწერა ამ ნაჩქარევ ბრძანებას ხელი; ხოლო პარლამენტარები პროფესორ გურამ მამულიას ხელმძღვანელობით პირდაპირ გიჩიოდნენ სახელმწიფოს მეთაურთან — განათლების მინისტრი ახალ-ახალ პრეტენზიას უყენებს თურქულ მხარეს და ლიცენზიის გაცემას აჯანჯლებსო. მოკლედ, თქვენ თითქოს ზემოდან მითითებებით გაიძულეს ეს ნაბიჯი გადაგედგათ...

— თანამდებობიდან ნასული ხალხისათვის ყველაფრის გადაბრალება და ხელის შენეება უღირს საქმედ მიმაჩნია. ვერც ბატონი მარგიანი და ვერც ბატონი მამულია ვერ აიძულებდა ვერც საქართველოს უმაღლეს ხელისუფლებას და ვერც მე ვერაფერს ისეთს, რაც სახელმწიფოებრივად, სტრატეგიულად საქართველოსთვის საზიანო იქნებოდა. იმ მართლაცდა ნაჩქარევი ბრძანების გამოცემის შემდეგ, რომელიც განათლების სამინისტრომ მხოლოდ მაშინ შეასრულა, როცა წესდებით დაფიქსირდა საქართველოს მხარის ინტერესები, დარგის ვიცე-პრემიერის, ბ-ნ ირაკლი მენაღარიშვილის ხელმძღვანელობით ხელშეკრულებაც და წესდებაც სიტყვასიტყვით, აბზაც-აბზაც ლუპით გაიჩხრკია როგორც ჩვენს, ასევე იუსტიციის სამინისტროში.

დიახ, მე ვაყოვნებდი ამ საკითხის გადაწყვეტას, მაგრამ არ ვჩქარობდი იმიტომ, რომ ხელშეკრულების ტექსტში ზოგიერთი რამ არ მაკმაყოფილებდა. და მართო მე კი არა, უპირველეს ყოვლისა, ეს არ აკმაყოფილებდა სახელმწიფოს მეთაურს. მისი უშუალო მითითება იყო, რომ ყველაფერი ყოფილიყო პარიტეტულ საწყისებზე და ჩვენ მხოლოდ ამ ორ ფორმასთან კი არ გვექნოდა საქმე, არამედ თურქეთის მთავრობასთანაც; რომ დადებულყო გარკვეული შეთანხმება თურქეთისა და ჩვენი განათლების სისტემებს შორის. ჩვენ დიდხანს ვიმუშავეთ ამ დოკუმენტზე და, როცა დავრწმუნდით, რომ სათანადო კონდიციამდე მივიყვანეთ წესდება და მმართველობის მთელი მექანიზმი, მხოლოდ მაშინ მივეცით თანხმობა.

— თურქეთში 5 მილიონამდე ქართველი ცხოვრობს, ამბობენ ამ უნივერსიტეტის მონინაალმდეგენი, მაგრამ იქ არათუ ქართული სკოლების გახსნა, ერთი საგნის — ქართულის — სწავლების უფლების მოპოვებაც წარმოუდგენელიაო.

— არც ჩვენ ვაძლევთ უფლებას, აქ თურქული სკოლები გაიხსნას. გთხოვთ, ისევ ნუ აეურევთ ამ არსებითი მნიშვნელობის ცნებებს — თურქული, ქართული (რაც შეეხება ჩვენში მოქმედ რუსულ, აზერბაიჯანულ და სომხურენოვან სკოლებს, ისინი, დემირელის კოლეჯისა არ იყოს, საქართველოს სკოლები გახლავთ. მათი სასწავლო გეგმები და პროგრამები ჩვენი შედგენილ-დამტკიცებულია, აქ, მაგალითისათვის, საგნად „საქართველოს ისტო-

რიას" სწავლობენ და არა, ვთქვით, აზერბაიჯანისას). რაც შეეხება თქვენს შეკითხვას: მიმდინარეობს მოლაპარაკება იმაზე, რომ თურქეთში გაიხსნას სასწავლო დაწესებულებები, სადაც საქართველოს ისტორიას, მის კულტურას, ქართულ ენას შეისწავლიან. ამით თურქეთის მხარეც არის დაინტერესებული. იქ გახსნილი ამ ტიპის სასწავლებლები იქნება არა ქართული, არამედ — თურქული და იქ, ძირითადად, ალბათ წარმოშობით ქართველები ისწავლიან. საერთაშორისო უნივერსიტეტშიც ბევრი სტუდენტი თურქეთის ძირძველი ქართველობიდან იქნება. ამ უნივერსიტეტის დაარსების ერთი ძირითადი მიზანი სწორედ ის გახლავთ, ქართულ კულტურას ვაზიაროთ უცხოელი (ან დროთა განმავლობაში გაუცხოებული) ახალგაზრდები... განა გერმანელები, ჩვენი სტუდენტების სასწავლო პროგრამებს რომ აფინანსებენ, გერმანული კულტურის არიალის გაფართოებასაც არ ისახავენ მიზნად? ჩვენ თუ ვივარგეთ, საქართველოში თუნდაც ნილობრივ პრინციპზე გახსნილი საერთაშორისო უნივერსიტეტი ჩვენსავე ნისქვილზე დაასხამს წყალს.

— ხელისუფლებას საყვედურობენ, ვიდრე ამ ნაბიჯს გადადგამდით, საზოგადოების სამსჯავროზე გამოგეტანათ ეს საქმე. მაშინ არც ჭორები და მითქმა-მოთქმა იქნებოდა და არც საზოგადოებას შეექმნებოდა ის აზრი, რომ მას ეს თავს მოახვიესო.

— ეს საკითხი ორნახევარი წლის წინ დაისვა და საინფორმაციო საშუალებებითაც გავრცელდა; სათანადო ორგანოებშიც იყო ხანგრძლივი მსჯელობა; ასეთი რამ ნაჩუმათევად არც გაკეთებულა და ვერც გაკეთდება. ანდა, რა არის აქ საჩუმათო? ვიმეორებ: ეს არის ქართული კანონმდებლობის საფუძველზე შექმნილი, ქართული, ოღონდ ინგლისურენოვანი სასწავლებელი.

— და მაინც, აუიოტაჟი ამ საკითხის გამო არ წყდება, თქვენ ეს მითქმა-მოთქმა, ბრალდებები არ გალიზიანებთ?

— არა. და იცით, რატომ? მე მესმის იმ ხალხისა, ვისაც ეს ეჭვები აწუხებს, ეჭვისგან არც მე ვარ მთლად თავისუფალი. მაგრამ ისიც მესმის, რომ ეს უნდა იყოს ჯანსაღი სიფრთხილე და არა აკვიტებული აზრი. მე, მაგალითად, მადლობელი ვარ „კავკასიონის“ პუბლიკაციებისა, ვინაიდან იქ ძირითადად ჩვენი ეროვნული ინტერესების დამცველი და ჭირისუფალი, ოღონდ, ჩემი აზრით, ამ უნივერსიტეტის წესდება-პროგრამებში შედარებით ნაკლებად ინფორმირებული მოღვაწეები მონაწილეობენ. მაგრამ პოლემიკა არა-ჯანსაღი აუიოტაჟის სახეს მიიღებს, თუ უნივერსიტეტის გახსნის მონინალმდეგენი გახსნის მომხრეებს ერის გამყიდველებად მონათლავენ, მომხრეები კი თავიანთ ოპონენტებს — კომუნისტ მარაზმატიკებად... მიგვაჩნია — თვით ყველაზე საჭირობოროტო საკითხზე მსჯელობა რაც უფრო მეტად კორექტული და ნაკლებ ისტერიული იქნება (ცხარე — კი, ბატონო!), საქმეს ეს უფრო წაადგება.

კიდევ ერთხელ ვიმეორებ: საერთაშორისო უნივერსიტეტის ამოქმედებით მნიშვნელოვანი საქმე გაკეთდება ქვეყნისათვის, საზოგადოებისათვის, სამეზობლო ინტერესებისათვის. ნორმატიულ-უფლებრივი თვალსაზრისით დადებული ხელშეკრულება ორივე მხარისათვის მისაღებია. მაგრამ ზოგჯერ სიტყვა სხვაა და საქმე — სხვა. როგორ ნავა საქმე? — ეს უკვე ჩვენს მონდობებაზე, პრინციპულობაზე, შორსმჭვრეტელობასა და მუშაობის უნარზეა დამოკიდებული. ვიმეორებ, მთავარია, ჩვენ ვივარგოთ, ჩვენ არ მოვადუნოთ სახელმწიფოებრივი ყურადღება და სიფრთხილე, თორემ გულხელდაკრეფილ და სხვისი ხელის შემყურე საზოგადოებას და ქვეყანას ყოველგვარი „საგანმანათლებლო ექსპანსიის“ გარეშეც რა ბედი ელის, ჩვენც სხვაზე ნაკლებ არ ვიცით და ეს პრობლემა ჩვენც სხვაზე ნაკლებ არ გვანუხებს.

ესაუბრა ნანული ბარათაშვილი, „საქართველოს რესპუბლიკა“, 6.4.1996

რომ გაგიგონ, უნდა გაუგო

— ბატონო თამაზ, როგორ გრძნობთ თავს მინისტრის ამპლუაში?

— მინისტრი საკუთარი ძალების რწმენის გარეშე უბედურებაა ჯერ თავისთვის და მერე — სხვებისთვის; გადაჭარბებულად თავდაჯერებული მინისტრი კი უბედურებაა ჯერ სხვებისთვის და მერე — თავისი თავისთვის. ძველ შეგონებას მივდექ: იყავ თამამი, იყავ თამამი და ნუ იქნები ძალზე თამამი.

— რა არის თქვენთვის, რაზეც შეგიძლიათ, თქვათ — „ეს არ შემიძლია“ და — „ამას არ ვიზამ“?

— განათლების რეფორმა დავიწყეთ... იმდენი საქმე დამეყარა თავზე, იმდენმა ლამის გადაუჭრელმა პრობლემამ იჩინა თავი, ზოგჯერ მიფიქრია — მორჩა, აღარ შემიძლია მინისტრობა... მაგრამ ამ დროს ნავეიკითხავ დარჩეულ მექრთამე-გრაფომან-„ანონიმშიკთა“ მოწოდებას — „გადადექით, მინისტრო“ და ჩემთვის ვამბობ — ამას არ ვიზამ, რახან ესენი ამიყუფდნენ, ეტყობა, სწორი გზით მივდივარ-მეთქი.

— ყველაფერი დროებითია და ოდეს არ იქნებით დიდჩინოსან პოსტზე, რაზე იტყვი თამამად — ამის გაკეთება მანინც მოვასწარიო...

— მინისტრობისასაც, პრინციპულად, იმავე საქმეს ვაკეთებ, რაც ადრე მიკეთებია, უბრალოდ, მასშტაბებია სხვა. ამიტომ რაიმეს მოსწრება-არმოსწრება როდია ჩემთვის მთავარი... რეფორმა დავიწყეთ-მეთქი; მის დასრულებას, ცხადია, ვერ მოვასწრებ, თუნდაც იმიტომ, რომ განათლების რეფორმირება, პრინციპულად, დაუსრულებელი პროცესია.

— და პირიქით — ნეტავ, ეს მაინც არ გამეკეთებინაო...

— კაცმა რომ აღიარო, ეს არ უნდა გამეკეთებინაო, ამას „დიდჩინოსნობიდან“ წასვლა არ სჭირდება — მთავარია, თავის თავზე შეყვარებული ნარცისი არ იყო...

— თქვენი განვლილი ცხოვრებიდან საკუთარი თავი რომელ პერიოდში უფრო მოგწონთ?

— ხომ გახსოვთ, ერთ-ერთი შედეგის შექმნის შემდეგ პუშკინმა თავის თავს რომ შეუკურთხა — *айда Пушкин, айда Сукин сын...* სამწუხაროდ, მე ჯერჯერობით ასე საკუთარი თავი არ გამილანძღავს, თუმცა ისააკ ბაბელის თარგმნისას შიგადაშიგ მსგავსი განცდა მქონია... და მაშინაც, როცა სამართლისათვის პური მიჭმევინებია — მახსოვს, ერთხელ საპრეტენზიო კომისიის თავმჯდომარე გახლდით და „ორიანი“ შეფასება სამართლიანად გადავაკეთე „ფრიადზე“...

— პრეზიდენტობის კანდიდატად რომ წამოაყენეთ თავი, ეს რაიმე სვლა იყო თუ მართლა გასურდათ ქვეყნის მართვა?

— პრეზიდენტობის კანდიდატად თავი მე კი არ წამოვაყენე, პოლიტიკურმა ორგანიზაციამ „თავისუფალ დემოკრატთა კავშირმა“ წამომაყენა და ამას მაშინდელი ოპოზიციური პარტიები, განსაკუთრებით — „ილია ჭავჭავაძის საზოგადოება“ უჭერდა მხარს. პოლიტიკაშიც ვიზიარებ ექიმებისთვის სახელმძღვანელო პრინციპს, ჰიპოკრატეს შეგონებას — არ ავნო. მაშინ მწამდა და ახლაც მეფერა, არჩევნებში რომ გამემარჯვა, ქვეყანას მაშინდელ მმართველზე ნაკლებ ვნებას მოუუტანდი. სხვა საკითხია, რომ ბევრი იყვნენ ისეთები, ვისაც პრეზიდენტის პოსტზე ჩემზე ვაცილებით მეტი სარგებლის მოტანა შეეძლოთ საქართველოსათვის, მაგრამ ყველამ როდი გაიმეტა თავი „კარვის ქალების“ საჯიჯგნად. მეფე შიშველიაო, ამის ეკრანიდან თქმა მაშინ ცოტას როდი ნიშნავდა... თორემ, როცა „მეფე ჩაცმულ-დაბურულია“, აზრადაც არ მომსვლია, დაეთანხმებოდი რომელიმე პოლიტიკურ ძალას, პრეზიდენტობაზე მეყარა კენჭი.

— მაპატიეთ ამ სტატისტიკაში რომ გხვევთ, მაგრამ უშუალოდ განათლების მინისტრისგან გვინდა გავიგოთ, რამდენი უმაღლესი სასწავლებელია ამჟამად საქართველოში და აქედან რამდენია ფასიანი?

— ოცდაოთხი სახელმწიფო და ასცხრა საერო ანუ არასახელმწიფო, ფასიანი უმაღლესი სასწავლებელია საქართველოში.

— ვინმე თუ ინტერესდება (და რა სახით) ამ ფასიანი უმაღლესდამთავრებულების ჯერ განათლების დონით და შემდეგ სამუშაო ადგილებით? შრომის ბირჟის კონტინგენტს ხომ არ ეზრდით?

— ვინტერესდებით, ცხადია... სხვათა შორის, ლომის წილი ამ ფასიანი სასწავლებლებისა გამსახურდიას დროს გაიხსნა: მაშინდელმა უზენაესმა საბჭომ ძალიან ხარვეზიანი საკანონმდებლო აქტი შექმნა ამის თაობაზე. ახ-

ლა მიმდინარეობს ამ სასწავლებელთა ატესტაცია და, წინასწარი მონაცემებით, ბევრი მათგანი აკრედიტაციას ვერ გაივლის. მაგრამ, სადაც ეს მოხდება, იქ ჩარიცხული სტუდენტების უფლებები არ უნდა შეილახოს.

— ბევრჯერ ითქვა და დაინერა, ბევრი შეხლა-შემოხლაც გამოიწვია, მაგრამ კიდევ ერთხელ გთხოვთ, ლაკონიურად, რა დადებით მომენტს ხედავთ ჩვენი ერისთვის თურქული უნივერსიტეტის გახსნაში...

— რასაც თქვენ და ბევრი სხვაც, შეგნებულად თუ შეუგნებლად, თურქულს უწოდებს, მას საერთაშორისო უნივერსიტეტი ჰქვია. დადებით მომენტად კი პრინციპი მიმაჩნია — საქართველოში უნდა არსებობდეს საერთაშორისო ინგლისურენოვანი უმაღლესი სკოლა.

— ეს მეტისმეტად ლაკონიურად გამოგივიდათ... ვინ მართავს და აკონტროლებს ამ უნივერსიტეტს?

— კეთილი, გრძლად ვიცყვი, მაგრამ „პალიტრის“ მკითხველებმა შემინდონ, თუ წინათ ნათქვამის განმეორებაც მომიწევს: რას ვიზამთ, ზოგს იმის მოსმენა და გაგება არ სურს, რაც მის წინასწარ აკვიატებულ აზრს ეწინააღმდეგება. მართალია, ამ უნივერსიტეტს თურქული ფირმები აფინანსებენ, მაგრამ იგი საქართველოს განათლების სისტემის (და არა თურქეთის) ნაწილია და მოქმედებს ჩვენი კანონმდებლობის საფუძველზე; სასწავლო პროგრამებს ვამტკიცებთ და სწავლების შინაარსს განვსაზღვრავთ ჩვენ, საქართველოს განათლების სამინისტრო... რაც შეეხება მის მართვასა და კონტროლს, აქ ქართული მხარე არავითარ დამობაზე არ წავსუღვართ და უნივერსიტეტის წესდებაში დავაფიქსირეთ — მართვა ხდება პარიტეტის საფუძველზე, ქართულ და თურქულ მხარეებს თანაბარი რაოდენობისა და ერთნაირი უფლებების წარმომადგენლობა ექნებათ უნივერსიტეტის მმართველობით ორგანოში — მეთვალყურეთა საბჭოში. ამიტომ აქ ვერ იმოქმედებს პრინციპი — ვინც იხდის, ის უკვეთავს; ეს ეფექტური გამოთქმა რესტორანში „მუშაობს“, ოპერაში — არა, იქ მილიონიც რომ შეაძლიო, ორკესტრი მხოლოდ „პროგრამის“ მიხედვით დაუკრავს. სწორედ ასეთი „პროგრამა“ უნივერსიტეტებისათვის სასწავლო გეგმები, პროგრამები და ა.შ. მათ კი ჩვენი მხარე განსაზღვრავს. განსაკუთრებულ მნიშვნელობას იძენს ფაქტი, რომ უნივერსიტეტის ფუნქციონირებაში ის მეზობელი მონაწილეობს, რომელიც ევროპულ და საერთაშორისო სტრუქტურებში, მათ შორის — ნატოშია ინტეგრირებული, რომლის ტერიტორიაზე რამდენიმე მილიონი წარმოშობით ქართველი ცხოვრობს და რომელთანაც ეკონომიკური ურთიერთობა სულ უფრო და უფრო ვითარდება. განა წარმოშობით ქართველი თურქეთის მოქალაქეებისათვის აქ სწავლა-განათლების მიღების საშუალებათა გაფართოება პატარა საქმეა? სხვათა შორის, ეს მარტო ცალმხრივი პროცესი არ არის, თურქეთში ქართველოლოგიური სასწავლო-საგანმანათლებლო სტრუქტურების შექმნა სრულიად რეალურ სახეს იღებს და ამაზე

პრინციპული თანხმობა თურქეთის განათლების მინისტრ ბატონ სალლამი-საგან მე უკვე მივიღე.

— ბატონო თამაზ, ათასობით ქართველი ტელეეკრანიდან თქვენს საოცრად დამუხტულ ლექციებს ისმენდა და თქვენი ნათქვამი — მოვუაროთ საქართველოსო, გულ-ღვიძლში ატანდა, დღეს როგორ ვუვლით საქართველოს?

— მადლობა მომიხსენებია ჩემი მცირე ღვანლის ასეთი შეფასებისათვის. მძიმე დღეში ვართ. მაგრამ მაინც, ილიასი არ იყოს, დღეს ჩვენი თავი ჩვენადვე გვეყუდენის... ცხადია, ხალხს, საზოგადოებას, თვითეულ ჩვენგანს მეტი პოლიტიკური და ეროვნული პასუხისმგებლობა რომ გამოგვეჩინა, საქართველოს უკეთესად მოვუვლიდით, მაგრამ მწამს, რომ გამთლიანების უამიცი დაჰკრავს — მარტო ტერიტორიულია კი არა, სულიერისაც.

— ჩვენ ხომ ყველანი ჩვენი ბავშვობიდან მოვიდვართ; ჩვენი ბავშვობა კი (ღვთის ნყალობით, დღევანდელი თაობის მაინც) ღვთის სიყვარულით იწყება... რატომ მოხდა, რომ აღშფოთების დიდი ტალღა მოჰყვა ნუგზარ პაპუაშვილის ნიგნის „რელიგიის კარიბჭე“ სკოლებში სახელმძღვანელოდ შეტანას? ნუთუ ეს საპატრიარქოსთან და განათლების სამინისტროსთან შეუთანხმებლად მოხდა?

— მე გთხოვდით, ყველას, ამ საკითხით დაინტერესებულებს, სწორედაც ქრისტიანული დამოკიდებულება გამოგვევლინა ნიგნისა და მისი ავტორის მიმართ. თუ რაიმეა მკრეხელური და მიუღებელი მართლმადიდებლურ-ქრისტიანული პოზიციებიდან მასში, ის უდავოდ უნდა გასწორდეს, მაგრამ იქ, ჩემი აზრით, არაფერია ისეთი, რომ მისი „აუტოდაფე“ გაემართათ... და საერთოდაც, ძალზე მძიმე ასოციაციებს აღგვიძრავს ნიგნების დანვა... ხოლო როცა ამ აქტს მართლმადიდებლობის დაცვის საბაბით მღვდელი სჩადის, ვშიშობ, ამით სწორედაც მართლმადიდებლობას შეიძლება მიადგეს ჩრდილი...

— ჩვენ ხომ შუშანიკისა და აბოს გმირობაზე გავიზარდეთ, თქვენც ხომ რამდენი ლექცია შეალიეთ ქრისტესთვის თავშენირულებს, ან კი, დიდი ილია არ ბრძანებდა — ჩვენი ისტორიიდან მართლმადიდებლური ქრისტიანობა რომ ამოვიღოთ, ერთი დიდი შავი ლაქა დარჩებაო... მაშ რა ხდება, დედარელიგია როდისღა შეისისხლხორცოს ბავშვმა?

— გეთანხმებით, დედარელიგია, მართლმადიდებლური ქრისტიანობა ადრევე უნდა შეისისხლხორცოს ბავშვმა, მაგრამ ეს არ უნდა მოხდეს ძალდატანებისა და იძულების გზით... საერო სკოლაში ახალი საგნის „რელიგია და კულტურა“ შემოღება რელიგიური ცოდნის მიცემასთან ერთად სწორედ ქრისტიანული ზნეობის დამკვიდრებას ისახავს თავის მიზნად.

— სატიკვარი თავს არ დამალავს... დღეს თუ ხვალ, რისი გამჟღავნებისა გემინიათ (ეს თქვენი პირადული არ არის მხოლოდ, საზოგადოება მყავს მხედველობაში)?

— მერნმუნეთ, ამ მხრივ მშვიდად მძინავს... თქვენ წარმოიდგინეთ, ცოლ-თან გამულაუნებაც კი არ მაფრთხობს მაინცდამაინც — მენდობა... სხვათა შორის, „კვირის პალიტრის“ თავგადაკლული მკითხველია...

— თქვენ?

— მეც.

— რა ინვეს თქვენში ნოსტალგიას...

— ჩემს ტელეფონის ნიგნაკში წასულთა ნომრები უკვე სჭარბობს ცოცხლების ნომრებს... სიზმრებშიც ხშირად ვარ მათთან... და — ჩემს ძველ სახლთან ვერაზე, რომელიც 1966 წელს დაგვიანგრის; მის ადგილას ახლა ფილარმონიის შენობა დგას...

— თქვენ რომ დღეს სასკოლო ასაკის შვილები გყავდეთ (ან შვილიშვილები), რომელ სკოლაში მიაბარებდით? კითხვა „რატომ“ თავისთავად იგულისხმება.

— ჩემი ორი შვილიშვილი პირველკლასელია. სკოლა მათმა მშობლებმა შეარჩიეს — მიხეილ მინდაძის 27-ე საავტორო სკოლა ძველ კინოსტუდიასთან... პატარა სანდალა კი ერთი წლისაა და, თუ რეფორმის საქმე კარგად წავიდა, ხუთი წლის შემდეგ მას შეიყვანენ იმ სკოლაში, რომელიც მის სახლთან უფრო ახლო იქნება.

— ეს იმას ნიშნავს, რომ ხუთი წლის შემდეგ ყველა სკოლა თანაბარან-გიანი იქნება?

— თანაბრად მისაღები... ყოველ შემთხვევაში, უნდა ვეცადოთ ამას.

— მეგობრებისთვის თუ გრჩებათ დრო? ძველი, სტუდენტური ჩვევებიდან რომლისთვის არ გიღალატიათ...

— მეგობრებს არამც და არამც არ ვაკადრებ „დარჩენილ“ დროს... სამსახურიც ერთგვარი მეგობრობის ასპარეზია და, თუ იქ სწორედაც მეგობრულ-კოლეგიალური ატმოსფერო არ სუფევს, რაღა სამინისტრო და რაღა სატუსალო... რაც შეეხება სტუდენტურ ჩვევას, სტუდენტობისას განსაკუთრებით მძაფრდება კორპორანტულობის განცდა, რომელიც, ცხადია, სკოლაში გვიყალიბდება... მოკლედ — ის, რასაც სიტყვა „გაგება“ იტყვის. ბედნიერებაა, როცა შენ გიგებენ და ეს, ჩვეულებრივ, მაშინ ხდება, როცა შენ უგებ სხვას.

— ამაზე ერთი ძალიან მოკლე სადღეგრძელოს თქმა უყვართ ქართველებს — გაგებას გაუმარჯოსო.

— არაა ურიგო სადღეგრძელო...

— დღეს მეტისმეტად გავრცელდა მეჯღანუაშვილობა და ორლობის ინტელიგენტობა, რას აკეთებს მრწამსით და სიტყვით ილიელი განათლების მინისტრი მის აღმოსაფხვრელად?

— მეჯღანუაშვილობა იმ აზრით, რომ ქართველმაც უნდა ისწავლოს ვაჭრობა, სულაც არაა ხელწამოსაკრავი ან საჩოთირო საქმე. ილიაც აქეთქვენ მოუნოდებდა ქართველობას, მაგრამ ცუდია მეჯღანუაშვილობა იმ აზრით, რომ ფუ-

ლის დაგროვება თვითმიზნად გაიხადო და ფულს შეეჭმევირო კაცი იმის ნაცვლად, რომ ფული „შეჭამო“ ანუ დახარჯო... ხომ გახსოვთ, „დაულუპიხარ ფულს, კაჟაია-უბედურო“... რაც შეეხება ორლობის ინტელიგენტობას, ეს, ცოტა არ იყოს, გაურკვეველი სიტყვათმეხამებაა. ცნება ინტელიგენტობისა ნაკლებად იგულებს მეტ-ნაკლებობის გაგებას, ორსულობისა არ იყოს, ინტელიგენტი ან ხარ, ან არა, და ეს სრულებითაც არაა დამოკიდებული, ორლობეში ურმით მიდინხარ თუ პროსპექტზე — ტროლეიბუსით... ან — თუნდაც „მერსედესით“.

— ბატონო თამაზ, ერთი ნათქვამისა არ იყოს, ორი რამ უნდა გითხრათ, ერთი კარგი და მეორე ცუდი. რომლით დავინწყოთ? თქვენ ალბათ, იქიდან ამოხვალთ: ჯერ მწარე ჭამეო და ამიტომაც გეტყვით: ჩვენმა გაზეთმა რეიტინგ-გამოკითხვები მოაწყო და ორ სხვადასხვა რეიტინგში თქვენმა სამინისტრომ ბოლო ადგილი დაიკავა: გამოკითხულთა აზრით, განათლების სამინისტრო ყველაზე ცუდად ართმევს თავს თავის მოვალეობას და ყველაზე ნაკლებ კორუმპირებულია. მეორე რეიტინგმა ხომ გაგახარათ?

— აბა, გამართლებულა ჩემი ეჭვი ამგვარი გამოკითხვების სანდოობის შესახებ ჩვენში, თუნდაც იმიტომ, რომ, საბედნიეროდ, განათლების სამინისტრო სულაც არ ართმევს თავს სხვებზე ნაკლებად თავის მოვალეობას; და, საუბედუროდ, არც მთლად შეუვალია იგი კორუფციისთვის.

— ბატონო თამაზ! ჩვენი სათაყვანო სამი განძიდან — ენა, მამული, სარწმუნოება — ბოლომდე დაღბენილი და მოვლილი არც ერთი არ არის... ენის სინმინდეს ვინ უნდა უპატრონოს? რატომ დუმს განათლების სამინისტრო?

— სწორს ბრძანებთ, ამ საქმეში სკოლის როლი განსაკუთრებულია: თუ სახელმძღვანელო უხეირო ქართულითაა დანერგილი ან, თუ მასწავლებელი ჩიქორთულით მეტყველებს, ეს, დღეს თუ არა — ხეალ, „ავი მუსაიფით“ შემოგვიბრუნდება. თქვენს შეკითხვაში საყვედურიც იგრძნობა — მინისტრი, ასეა თუ ისე, ქართული სიტყვიერების მუშაკია და ამ მხრივ მას მეტი უნდა გაეკეთებინაო. სხვათა შორის, სანამ „ბალავერის“ რედაქტორი ვიყავი, პრაქტიკულად უფრო მეტს ვაკეთებდი ამ მხრივ... მთელი ნომერი მიუძღვენით კომპარულად ნათარგმნ სასკოლო სახელმძღვანელოებს და უშუალოდაც ემონანილებოდა მათ გასწორება-რედაქტირებაში... ასე რომ, ვიღებ თქვენს ამ შენიშვნას, თუმცა მიმაჩნია, საქართველოს განათლების მინისტრი პროფესიით ფილოლოგი რომც არ იყოს, ქართული ენის სინმინდებზე ზრუნვა მის უპირველეს მოვალეობას უნდა წარმოადგენდეს...

— ბატონო თამაზ, თქვენ, როგორც რიგითი, სამშობლოზე შეყვარებული ქართველი, რას ეტყოდით სახვალიოდ ხალხს?

— იმასვე და მეტის დაჟინებით — „მოვუაროთ საქართველოს“.

— გამაღლობთ ინტერვიუსთვის.

„თუ“-ს გარეშე

— ბატონო თამაზ, თქვენ მეტად რთულ დროს გინევთ დამოუკიდებელ საქართველოს საგანმანათლებლო სფეროს პირველკაცობა. როგორც მინისტრსა და მოქალაქეს, სხვებზე უკეთ მოგეხსენებათ, თუ როგორი გაგებით მოეკიდა ქვეყანაში შექმნილ მდგომარეობას დედაქალაქის მასწავლებლობა. ამასთან, ფიზიკურად და სულიერად შეჭირვებულ მასწავლებლობას, ცხადია, გაუჭირდება, სამშობლოს საიმედო ცვლა გაუზარდოს. რით დაგვაიმედებთ?

— მოკლედ მოვჭრი — თუ განათლების რეფორმას გავატარებთ, გვეშველება... მთავარი ეს „თუ“-ა. ერთხელ ალყაშემორტყმულ სპარტელებს ანუ ლაკონიელებს მუქარის წერილი გაუგზავნეს, დაგვენბდით, თორემ, თუ თქვენი ქალაქი ავიღეთ, ქვას ქვაზე არ დაეტოვებთო. ლაკონიელებმა მათთვის ჩვეული ლაკონიურობით მხოლოდ ერთი სიტყვით უპასუხეს — „თუ...“ მე, ჩვენი მასწავლებლობის მართლაცდა თავგანწირული შრომის შემყურეს, იმის რწმენაც მაქვს, რომ ყოველგვარი „თუ“-ს გარეშე რეფორმებს გავატარებთ.

— ამბობენ, კარგის დანახვის საოცარი უნარი გაქვთ, ყველაფერს ახალს და საინტერესოს ისვენთ, საკმაოდ გაბედული ხართ გადანყეუტილებების მიღებაში. თუ ეთანხმებით ნათქვამს? რას დაუმატებდით?

— მართალი გითხრათ, მე უფრო ნაკლები ნარმოდგენისა გახლავართ საკუთარ თავზე; თუმცა — შეძახილმა ხე გაახმოო. ჰოდა, შეძახილს თუ ხის გახმობა შეუძლია, შესახელებას ხის აყვავება შეეძლება. გმადლობთ შესახელებისათვის.

— ერთ ფილოსოფოსს უთქვამს, არც ერთი კეთილი საქმე დაუსჯელი არ დარჩენილაო. თქვენი მოღვაწეობის პერიოდში გაიხსენეთ თქვენ მიერ გაკეთებული სიკეთე და გულწრფელად გვითხარით — დაისაჯეთ თუ არა ამისთვის?

— სიკეთის გაკეთება, ცხადია, ზოგჯერ რისკთანაცაა დაკავშირებული; მაგრამ, თუ ეჭვი გაგკრავს — მერე მე რა მომივაო, სიკეთეს, ალბათ, ვეღარც იქმ. საპრეტენზიო კომისიის თავმჯდომარე როცა ვიყავი და ერთ ხაშურელ გოგონას, გვარად ყიფიანს, ჩვენმა კომისიამ „ორიანი“ დამსახურებულ „ხუთიანად“ გადავუკეთეთ, იმაზე რომ მეფიქრა, თხუთმეტი წლის შემდეგ ვინმე კაბიანი თადა ამორდია რომელიღაც „ყვითელ“ გაზეთში (ისე მოგვიმრავლდნენ, მათ „ასავალ-დასავალს“ ვერ გაიგებ) ამ ფაქტს რა კუდს გამოაბამსო, იმ გოგონას გავწირავდით. ისე, ცნობისათვის, იურიდიულ ფაქულტეტზე იმ ერთი გადაკეთებული ნიშნით მოხვედრილი — ახლა, ალბათ, უკვე ქალბატონი — ყიფიანი არც მანამდე და არც მერე თვალით არ მინახავს...

— როგორ ფიქრობთ, დანგრეულია თუ არა დღეს ყოფილი საბჭოთა კავშირის განათლების სისტემა საქართველოში?

— განათლების სისტემას, თუნდაც საბჭოურს, დანგრევა კი არ სჭირდება, არამედ — რეფორმაცია.

— ბუნებრივია, თქვენც გყავთ სანუკვარი ადამიანები, რომლებსაც განსაცდელის უამს უხმობთ. რას სთხოვდით, ან რას შეეკითხებოდით, ბატონო თამაზ, თქვენი საყვარელი პედაგოგის, ამალღებული პიროვნების სიმონ სხირტლაძის სულს?

— ასე პერსონალურად და, ცოტა არ იყოს, თეატრალურად, არავე სულს არ ვანუხებ; ერთი კია — ყოველ ჩემს გადაწყვეტილებას კვალს სწორედ ის სულები აჩნევენ, რომლებმაც თავიანთი სიტყვითა თუ საქმით „მწუარტეს“.

— რას ურჩევდით ადამიანს, რომელმაც ათი ნიგნი ნაიკითხა და მეთერთმეტის წერა დაიწყო?

— ჩემზე ადრე მას აკაკიმ ურჩია:

*„წერე, წერე, ჩემო ვარდენ,
მტერს ესროლე ისარიო,
თუ პოეტი ვერ გახდები,
წერას მანიც ისწავლიო“.*

— რომლის ცოდვა უფრო მტკივნეულ იარად დააჩნდება ქვეყნას — მინისტრის თუ მასწავლებლის? რატომ?

— ერთისაც და მეორისაც... და ორივე — საკმაოდ ღრმად...

— რა მოსაზრება გაქვთ სისტემის საგანმანათლებლო ობიექტების პრივატიზებასთან დაკავშირებით?

— ჩვენს სისტემაში ეს პროცესი მხოლოდ იმ შემთხვევაში იქნება გამართლებული, თუ პრივატიზებული ობიექტი შეინარჩუნებს საგანმანათლებლო ფუნქციებს.

— გაკმაყოფილებთ თუ არა დედაქალაქის განათლების მთავარი სამმართველოს მუშაობის სტილი, ტემპი და ხარისხი? რას დაინუნებდით მის საქმიანობაში და რას მოინონებდით?

— დედაქალაქის მთავარი სამმართველო არსებითი რგოლია ჩვენი სისტემისა, ამიტომაც მისი შეფასება, ფაქტობრივად, მთელი ჩვენი სისტემის, მათ შორის — განათლების სამინისტროს, მუშაობის შეფასებაცაა. ჩვენი მუშაობის შემფასებელი კი, პირველ ყოვლისა, მოსწავლე, მასწავლებელი და მთელი საზოგადოებაა. მთავარია, ვიმუშაოთ და შემფასებლები — არც „ზემოდან“ და არც „ქვემოდან“ — არ მოგვაკლდება.

— სწვდება თუ არა თქვენი ხელფასი თქვენს რეალურ ცხოვრებისეულ მოთხოვნებს და, თუ არა, როგორ ახერხებთ სიტუაციიდან გამოსვლას?

— ვხელმძღვანელობ „დათა თუთაშხიაში“ გაცხადებული პრინციპით —
კაცი უნდა ეყოს ხელფასს და არა ხელფასი — კაცს.

— თქვენ შესანიშნავი ოჯახი გაქვთ. მშვენიერი ქალიშვილების მამა
ბრძანდებით. გვიამბეთ თქვენი ოჯახის შესახებ...

— თქვენ გამოგრჩათ — სამი შვილიშვილიცა მყავს... და სამი სიძეც; ერ-
თხელ ვიხუმრე, ბიჭი არა მყავს, მაგრამ სიძეებში გამიმართლა — სამივე ბი-
ჭია-მეთქი; არადა, ახლა სულაც აღარაა სახუმარო საქმე, სიძედ ნალდი ბი-
ჭი გეყოლება თუ არა — ნალდი ბიჭობა ანუ კაი ყმობა ძველადაც იშვიათი
იყო; მაგრამ უარესი გეჭირს — საუბედუროდ, მოგვიმრავლდნენ ქალაბიჭე-
ბი და ბიჭაქალები... ისე, დიდი ოჯახი გვაქვს და, მიუხედავად იმისა, რომ ქა-
ლიშვილები თავ-თავიანთ მეუღლეებთან ცხოვრობენ, მაინც ერთად ვართ:
დაახლოებით ერთი კვადრატული კილომეტრის ფარგლებში ვცხოვრობთ
ოთხივე ოჯახი. მიხარია, რომ ჩემი მეუღლე ჩემს თანამშრომლებსა და მე-
გობრებსაც კი ჩემზე მეტად უყვართ — ამით მტკიცდება, რომ მე ნანა კვა-
რაცხელიაზე უკეთესი გემოვნება მქონია.

— გაქვთ თუ არა თავისუფალი დრო? როგორ ისვენებთ?

— მკაცრად ლიმიტირებული სამუშაო დრო არა მაქვს; დროც ხელფასი-
ვითაა, დრო კი არ უნდა ეყოს კაცს, კაცი უნდა ეყოს დროს. ვისვენებ შვი-
ლიშვილებთან ერთად, თანაც — შემოქმედებითად: ჩემი პროფესიიდან გა-
მომდინარე, მათ მეტყველებას ვაკვირდები და ვსწავლობ.

— თქვენთვის ყველაზე საყვარელი მწერალი, მსახიობი, კომპოზიტო-
რი, სპორტსმენი?

— თითო როგორ დავასახელო, არ გებრალბებით?

— მაშინ დაგვისახელეთ წასულთაგან და ცოცხალთაგან თითო-თითო...

— უარეს შარში მხვევთ, ცოცხალთაგან რომ მასახელებინებთ... ჯანდა-
ბას ჩემი თავი — გარდასულთაგან სულხან-საბა (განსაკუთრებით „სიტყვის
კონა“... ამ მხრივ მე და ჩემი მეგობარი გურამ დოჩანაშვილი ერთ აზრზე
ვდგავართ), იპოლიტე ხვიჩია, ზაქარია ფალიაშვილი, მიხეილ მესხი. ცოც-
ხალთაგან: რეზო ჭეიშვილი, ნინელი ჭანკვეტაძე, ბიძინა კვერნაძე, ტყუში
არველაძეები. ერთსაც დაუძენ, ჩემთვის „ყველაზე საყვარელი“ ყოველთვის
როდი ნიშნავს „ყველაზე დიდს“...

— რას უსურვებდით დედაქალაქის განათლების მუშაკთა ფორუმს და
მის მონაწილეებს?

— პირველ ყოვლისა იმას, რასაც საკუთარ თავს უსურვებდი — გამძლე-
ობას... და — გამარჯვებასაც, ცხადია.

„დედაქალაქის განათლების მუშაკთა პირველი ფორუმი“, თბ., 1997

ჯერ კანონის შესრულებაა კანონი

— გილოცავთ, ბატონო თამაზ, გადარჩენას... როგორ გრძნობთ თავს მძიმე ავარიის შემდეგ?

— მარკ ტვენისა არ იყოს — ხმები ჩემი გარდაცვალების შესახებ რამდენადმე გაზვიადებულია... როგორც იტყვიან, მზად გახლავართ შრომისა და თავდაცვისათვის... მე აქ, ცხადია, ჟურნალისტურ „თავდასხმასაც“ ვგულისხმობ.

— მეც პირდაპირ საქმეზე გადავალ — როგორ აფასებთ აჟიოტაჟს ახალი მინისტრთა კაბინეტის შექმნის თაობაზე?

— მინისტრთა კაბინეტის იდეა ახალია, ყოველი ახალი კი, მოგეხსენებათ, „კარგად დაეინყებულნი ძველია“ და, როგორც ასეთ შემთხვევაში ხდება, იგი ამ ძველის ზუსტ რესტავრაციას არ უნდა გულისხმობდეს. აჟიოტაჟიც ნუ გაგვიკვირდება — აკი პრეზიდენტმა ეს იდეა ფართო საზოგადოებრივ სამსჯავროზე გამოიტანა. თუმცა შეინიშნება სენსაციო-აჟიტირების ნიშნებიც და ამ პროცესში ჩართული ხალხი — მათ შორის, თქვენი კოლეგა ჟურნალისტებიც — ცდილობენ, ქოთანს ყური თავის ჭკუაზე გამოაბან...

— რა კომენტარს გაუკეთებთ სახელმწიფო მინისტრის შეფასებას, როცა მან ჯერ არშექმნილ კაბინეტს „დროებითი მთავრობა“ უწოდა? ხომ არ ნიშნავს ეს გარკვეულ პროტესტს პრეზიდენტის მისამართით?

— პრეზიდენტს, რამდენადაც ვიცი, მკაცრ დროულ ჩარჩოში არ მოუქცევია კაბინეტის იდეის პრაქტიკული რეალიზება... არადა, ზემოაღნიშნულმა „შექოთნებმა“ დაიწყეს სხვადასხვა „ყურის“ სხვადასხვა ადგილას გამობმა: ზოგი კოალიციურ მთავრობაზე ალაპარაკდა, ზოგი — პრემიერობის კონკრეტულ „მამიებლებზე“, ზოგიც — პარტიულ გუნდზე; თანაც — ალაპარაკდა როგორც უკვე გადანყევტილ საკითხზე, როგორც მექანიზმზე, რომელიც, თუ რამდენიმე დღეში არა, კვირაში მაინც ამუშავდება. სახელმწიფო მინისტრმა სწორედ ამ, ჯერ არდაბადებული, აბრაამის ნათლიათა მისამართით აღნიშნა, რომ ახალი მინისტრთა კაბინეტის მოდელის დამტკიცებასა და ამოქმედებას გარკვეული დრო სჭირდება, სხვანაირად — „დროებით მთავრობას“ მივიღებთო; მართლაც, თუ პარლამენტის არჩევნებამდე შეიქმნება ახალი კაბინეტი, ხოლო ახლად არჩეული პარლამენტი ისევ ახალი კაბინეტის შექმნა-დამტკიცებას გადაწყვეტს, ასეთ მთავრობას დროებითი კი არა, უდღეურიც შეიძლება ეწოდოს.

— მმართველი პარტია ახალი კაბინეტის პარტიული ნიშნით ჩამოყალიბების ინიციატივით გამოვიდა, რასაც ხსნის იმ მოტივით, რომ პარლამენტის მიერ მიღებულ კანონებს „უპარტიო“ მთავრობა დემონსტრაციულად უგულვებელყოფს. შეიძლება თუ არა მმართველმა პარტიამ ეს პრეტენზია თქვენც ნამოგიყენოთ?

— კაბინეტის დაკომპლექტების ყოველი პრინციპის (პარტიული გუნდისა იქნება ეს, კოალიციური თუ — ნარევი) ავკარგიაზობა კონკრეტული სიტუაციით, დროითა და სივრცით განისაზღვრება: მოდელი, რომელიც, ვთქვათ, პანამაში „მუშაობს“, შევიცარიისათვის, შესაძლოა, მიუღებელი აღმოჩნდეს. თუ დავასაბუთებთ, რომ „პარტიული გუნდის“ მოდელი დღეს უკეთესად იმუშავებს საქართველოში, მისი სანინალმდეგო ვის რა ექნება... უპარტიო მთავრობა პარლამენტის მიღებულ კანონებს დემონსტრაციულად უგულვებლყოფსო; ვფიქრობ, კანონთა აღსრულება ყოველ ნორმალურ ქვეყანაში დამოუკიდებელი უნდა იყოს მთავრობის ფორმირების მოდელისაგან... რა, არაპარტიულობის პრინციპით დაკომპლექტებულმა მთავრობამ კი შეიძლება, რომ კანონები უგულვებლყოფს? ალბათ, გახსოვთ „დათა თუთაშხიდან“: „ჯერ წესია საქმე და მერე საქმეა საქმე“... ასევე, ჯერ კანონის შესრულებაა კანონი და მერე სრულდება სხვა კანონი. ეს ყველაფერი სახელმწიფოებრივი შეგნების საქმეა და არა — პარტიულისა. პრეტენზია კანონთა შეუსრულებლობაზე განათლების სამინისტროსთვის, პირადად მინისტრისათვისაც, წამოუყენებიათ, ოღონდ — არა მმართველ პარტიას; გახსოვთ, ალბათ, კონსტიტუციურ სასამართლოში ლეიბორისტების მიერ შეტანილი სარჩელი, რომლის საფუძველი, სხვათა შორის, პარლამენტისავე მიღებულ განათლების კანონში „აღმოაჩინეს“.

— რას ფიქრობთ, შეგხვდებათ თუ არა განათლების მინისტრის პორტფელი ახალ კაბინეტში, თუ ეს პოსტი ოპოზიციისათვისაა უკვე განუთუნელი, კერძოდ, თქვენი ძველი ოპონენტის ლეიბორისტ ნათელაშვილისათვის?

— ამ ხუთი წლის წინათ, როცა პარლამენტი მინისტრად მამტკიცებდა, ვთქვი, ყველაზე მძიმე პორტფელი მე შემხვდა-მეთქი. ეს პორტფელი ჩემთვის ამ ხნის მანძილზე თუ დამძიმდა, თორემ არ შემსუბუქებულა... გახსოვთ, ალბათ, ატლანტის მითი, ცის თაღს მხარშებჯენილი როგორ ცდილობს შერაკლეს ეს გაუსაძლისი ტვირთი შეაჩეროს. ვერ გეტყვით, ბატონი შალვა ნათელაშვილი რამდენად ჰგავს შერაკლეს, მე კი თავი ნამდვილად არ მიმაჩნია ატლანტად... არადა, ხანდახან, სულო ცოდვილო, მსგავსი აზრები მეც გამკრავს ხოლმე... კი, ბატონო, გადაეულოცავდი ამ ტვირთს ბატონ შალვას, მაგრამ იმ პატიოსან კაცს აღარ ვეკითხებით, დაგვთანხმდება ამაზე? თუ პრესას ვერწმუნებით, ნათელაშვილი პორტფელის სხვისგან მისაღებად კი არა, პორტფელების სხვათათვის დასარიგებლად ყოფილა მზად: ინტერვიუში განაცხადა, საპარლამენტო უმრავლესობით პარლამენტში მოსასვლელად ვემზადები და პორტფელების განაწილებაზე ვმუშაობო... ბატონ შალვას იუმორის გრძნობა აქვს, ამიტომაც ჩემს ვარაუდს გაგიზიარებთ: იგი თავის დაკომპლექტებულ კაბინეტში განათლების მინისტრის პორტფელს, ალბათ, ისევ მე მიმზადებს. მე კი ამ გრძნობას მოკლებული ვახლავართ და — აჰ, აჰ, აჰ, აჰ... ამთავითვე უარს ვუცხადებ მინისტრობაზე.

— მოახლოვდა მისაღები გამოცდები, რა შეგიძლიათ უთხრათ ახალი აბიტურიენტებს და მათ გულშემატკივრებს?

— მისაღები გამოცდები მარტო ცოდნის კი არა, ღირსების გრძნობის გამოცდაცაა; აბიტურიენტებს ვუსურვებ ორივე გამოცდა სწორედაც ღირსეულად ჩაებარებინოთ.

მია ფურცელაძე, „ალია“, 25.6.1998

მეუღლის პრიზმაში: არ ვსდევ ქამთასვლას

საქართველოს განათლების მინისტრს
ბატონ თამაზ კვაჭანტირაძეს
ინტერვიუს ართმევს გაზეთ „პრიზმის“ განყოფილების გამგე,
ჟურნალისტი ნანა კვარაცხელია,
„შეთავსებით“ — მინისტრის მეუღლე.

— აირჩიე, ან უნდა მიპასუხო შეკითხვებზე, ან სამსახურს თავს ვანებებ: ხვალ მზა მასალა თუ არ მივიტანე, მშვიდობით, სამსახურო — რედაქტორს ველარ დავენახევი. თანაც, ნუ დაგავინყდება, შენზე დიდი ხელფასი მაქვს...

— ეგ არაფერი, შენ ის მითხარი, თუ გაზეთიდან ნამოხვალ, სად აპირებ მუშაობის დანყებას?

— თუნდაც შენს სისტემაში... დიპლომში მეც „ქართული ენისა და ლიტერატურის მასწავლებელი“ მიწერია...

— აჰ, ამას ყველაფერი მიჩვენია... შემეკითხე და გიპასუხებ.

— გაფრთხილებ, ისეთ შეკითხვებზე უნდა მიპასუხო, სხვა რომ ვერ ან არ დაგისვამს...

— ჩემი პასუხი კი როგორი უნდა იყოს — სხვას რომ ვერ ან არ გავცემ?

— ალბათ... ყოველ შემთხვევაში, რა ეშველება ჩვენს სკოლას და რა რეფორმების გატარებას აპირებ განათლების სისტემაში, ამას ყველა გეკითხება...

— კი შეკითხება, მაგრამ ამომწურავსა და ყველასათვის დამაკმაყოფილებელ პასუხს ვიძლევი-მეთქი, ვერ დავიტრიაბახებ.

— რახან ხელფასი ვახსენე: ბოლოს და ბოლოს გამარკვიე, რამდენით მეტს ვიღებ შენზე...

— მაგას ზუსტად ვერ გეტყვი... ჯერ ერთი, არც მე ვიცი შენი ხელფასი; მეორეც — საკუთარ ხელფასზეც, ცოტა არ იყოს, ბუნდოვანი წარმოდგენა მაქვს — განათლების სისტემაში ხელფასი თითქმის ყოველთვიურად გვეცვლება... ნინა თვეს ას სამოცდაათი ათასი კუპონი ავიღე. ჯერჯერობით სკოლის მასწავლებელს სამოციდან სამოცდათხუთმეტ ათასამდე აქვს — კატეგორიისდა მიხედვით... ახლა მინისტრთა კაბინეტს ახალი დადგენილება მივალბინეთ და მარტიდან მასწავლებლის ხელფასი, ალბათ, ოთხასი ათასიდან ნახევარ მილიონ კუპონამდე გაიზრდება.

— განათლების მინისტრისა?

— მინისტრსა და, საერთოდ, სისტემის ხელმძღვანელობაზე ეს მატება, შენდა სამწუხაროდ, არ ვრცელდება. ისევ დღევანდელ ხელფასს უნდა დამჯერდე.

— რა დაგიშავა პალსტუხმა, ცხოვრების რომელ ეტაპზე მოიძულე?

— ეტყობა, პიონერობის ასაკში... მახსოვს, როგორ გაგვაფრთხილეს — ნითელ ყელსახვევზე თუ ვინმე წაგეტანება, უნდა უთხრა: ხელი უშვი მშრომელთა სისხლში ამოვლებულ ნითელ ყელსახვევესო... მეოთხეკლასელ ბავშვებს გვეუბნებოდნენ — სისხლში ამოვლებული ყელსახვევი გიკეთია და, აბა შენ იცი, არავის დაუთმოო — თითქოსდა დროშა ყოფილიყოს...

— რატომ გაცვია მაინცდამაინც როლინგი — ეს ლამის ნახევარ საქართველოს აინტერესებს. ყოველ შემთხვევაში, ბარათებიც წამიკითხავს და ტელეფონითაც შემოუთავაზებიათ, რა გახდა ერთი ნორმალური „საროჩკა“, თქვენ თუ არ შეგიძლიათ, ჩვენ ვუყიდითო... ზოგს იმდენად შენი მატერიალური შესაძლებლობა კი არა, უფრო ფიზიკური ნაკლი აინტერესებს: ჭორები დადის, თითქოს კისერზე — და სხვაგანაც, ტანზე — ნაჭრილობევი გქონდეს...

— ჰოდა, მეუღლეზე უკეთ ამ უკანასკნელ ვერსიას ვინ გააბათილებს?

— სხვათა შორის — პირველსაც; ისე არასოდეს გვიჭირდა, რომ პერანგი სხვას ეყიდა... გაქვს რამდენიმე რიგიანი „საროჩკა“, მაგრამ რად გინდა, არ იცვამ და...

— როლინგსა და სვიტრს დიდი უპირატესობა აქვს — უღილობა, გარგე თავი და უკვე მზად ხარ... მაგრამ, მთავარი, მიჩვევაა... მე მიჩვევის კაცი ვარ, ნახმარ, ნამსახურე ტანსაცმელს იოლად ვერ ვეღევი. შეიძლება ამის მიზეზი ომისშემდგომი ჩვენი გაჭირვებული ბავშვობაც იყოს. მახსოვს, მე-თერთმეტე კლასში ბიჭებმა ხუთი წლის იუბილე გადავუხადეთ ჩემს ერთადერთ საგარეო ჩეხურ ფეხსაცმელს, რომელიც მანამდე ორ წელს პატიოსნად ემსახურა ჩემს უფროს ძმას. საერთოდ, მიჭირს სიტუაციის, გარემოს, ანტურაჟის, შეხედულებების შეცვლა... გარემოცვის შეცვლასაც ვერ ვგუობ — არ გამომიცვლია არც სკოლა, არც კლასი, შენ წარმოიდგინე, ადგილიც კი: შუა რიგის მეორე მერხზე ვიჯექი ყოველთვის, გვერდითაც მუდამ

მერაბ მახარაძე მეჯდა... ასევე არ გამოძიცივლია უმაღლესი სასწავლებელი, არც ფაკულტეტი, არც ჯგუფი; არ გამოძიცივლია სამსახურიც — უნივერსიტეტის ასპირანტურის დამთავრების შემდეგ, უკვე ოცდარვა წელიწადია, ერთსა და იმავე კათედრაზე ვმუშაობ... ჟურნალის რედაქტორიც ვიყავი, რუსთაველის საზოგადოების თანაპრეზიდენტიც, სახელმწიფო საბჭოს წევრიც, ახლა მინისტრიც ვარ, მაგრამ ძირითადი ჩემი სამუშაო ადგილი უცვლელად უნივერსიტეტია და პროფესია — პედაგოგობა, ლექტორობა. მეგობრებიც, შენც კარგად იცი, არ გამოძიცივლია, არც დამიკარგავს... ადგილის გამოცვლაც არ მიყვარს; ვგონებ, თორმეტ წელიწადს ზედიზედ ქვიშხეთში ერთსა და იმავე ოჯახში, რომაშვილებთან, ვისვენებდით ზაფხულობით...

— ვიცი... ეგ კი არა, ოთახში რაიმე ნივთს რომ გადავაადგილებ ან წიგნს ადგილს შევუცვლი თაროზე, ერთ ამბავს ატყვ ხოლმე. ისე, ბედის გამოცვლასაც ასევე ვერ შეეგუები?

— ბედის კი არა, მანქანის ნომერიც კი არ გამოძიცივლია — 94-94. მანქანასაც არ გამოვიცვლიდი, ფასანაურთან, ხანდოს ხიდზე, რომ არ დამლენვოდა. ბინაც იძულებით გამოვიცვალე: ვერაზე, ფილარმონიის ადგილას რომ სახლი იდგა, იქ ვცხოვრობდი, სანამ 1966 წელს არ დაგვინგრეის...

— რალაც მტრულად იხსენებ სამოცდაექვს წელს...

— ამ მხრივ — კი... მე და სულიკო, შენი მაზლი, ვიდექით ქუჩაში, ვხედავდით, როგორ უხათქუნებდა ამნე უზარმაზარ რკინის ბურთულას ჩვენს სახლს და ცრემლებს ვაღვარღვალავდით. ძილში ყველაზე ხშირად ჩემს ძველ სახლს ვხედავ, ძველ სახლს და დედაჩემს.

— სხვა არაფერი დაგამახსოვრდა იმ სამოცდაექვსი წლიდან?

— დამამახსოვრდა... სახლი კი დაგვინგრეის, მაგრამ სამაგიეროდ იმ წელს მე და შენ დავინყვით ოჯახის შენება...

— თუ იცი, ქორწილის წინ რა მითხრეს შენმა კლასელმა გოგოებმა?

— კარგს მაინცდამაინც არაფერს გეტყოდნენ — ჩვენს კლასში გოგოები და ბიჭები ძალდი-კატებივით ვიყავით ერთმანეთში...

— ... ძალიან გვიყვარს, მაგრამ მაინც გვეცოდებიო.

— ისე, ჩვენი კლასის ბიჭების ალექსა შენ დამარღვევინე. მეექვსე კლასში ვიყავით, გოგოები რომ შემოგვიერთეს... მე შენთვის არ დამიძალავს: რაც თავი მახსოვს, სულ შეყვარებული ვიყავი გოგოებზე, თუმცა ჩემი ლტოლვის სუბიექტებმა ეს არასოდეს იცოდნენ... ვმალავდი, მერცხვივებოდა და ამ ჩემს სიყვარულს აგრესიულობაში ვაქვლენდი. გარდატეხის პერიოდში სხვა ბიჭებიც, ეტყობა, ჩემს დღეში იყვნენ და ამიტომაც ვანიოკებდით გოგოებს. ამავე ასაკში პატრიოტული განცდაც გვიმძაფრდებოდა და ერთ მშვენიერ დღეს ჩემს კლასელ ბიჭებს ფიცი დავადებინე — ცოლები არ მოვიყვანოთ, სანამ საქართველოს არ გავათავისუფლებთ-მეთქი. ვფიქ-

რობდი — და, როგორც გაირკვა, არცთუ უსაფუძვლოდ — რომ სიყვარული, ცოლი და ოჯახი ამ საქმეში დაგვაბრკოლებდნენ. ოცდაექვს ნლამდე გაეუძელი და მერე, შენი შემწეობით, პირველმა მე დაეარღვიე ალტქმა...

— და ბიჭების რისხევაც დაიტეხე თავზე?

— გაგიგონია? ხომ გახსოვს, თითქოს ამას ელოდნენო — ქორწილი ქორწილს გადაება...

— ხომ არ ფიქრობ, რომ გოგოების დანოკებისათვის დაგსაჯა ღმერთმა და სახლი ქალებით ავივსო: მე, დედაჩემი, სამი ქალიშვილი, ორივე შვილიშვილი — გოგო... მოკლედ, როგორც ერთ-ერთ ინტერვიუში იხუმრე — მხოლოდ სიძეებში გაგიმართლა, სამივე ვაჟია...

— შენ ხუმრობა უძახე და — დღეს ნარკომანიამ და ლოთობამ ისე დაგვრია ხელი, ხატს სანთელი უნდა დაუნთო კაცმა, თუ სიძე ვაჟი აღმოჩნდება.

— რა გალიზიანებს ყველაზე მეტად?

— შენ მკითხები ამას?

— კარგი, ბატონო, ეს მე მართლაც ვიცი და, სხვათა შორის, ნაკლებ საბაბსაც გაძლევ გასალიზიანებლად... ვცდილობ, ყოველ შემთხვევაში... მთელი ოჯახი ფეხისწვერებზე დაედივართ, როცა შენ მუშაობ...

— ელენიკო და ნანიკოც?

— მაგის რა მოგახსენო... მაგრამ როცა ეგენი ჩვენთან არიან, შენ თვითონ თუ ხარ თუნდაც ერთი სტრიქონის დამწერი? მთელი სახლი თავზე გაქვთ წამომხოზილი ბაბუა-შვილიშვილებს... სხვათა შორის, შენს ქალიშვილებს ასე არ ათამამებდი... მაგრამ მე ოჯახური სიტუაცია არ მიგულისხმია — საერთოდ, ადამიანის რა თვისება გალიზიანებს?

— უმადურობა.

— მესმის შენი, მაგრამ ამ უმადურობის სამხილებლად რატომ ირჩევ ხოლმე მაინცდამაინც ფართო აუდიტორიას, რატომ იკიდებ მტრად შენს გუშინდელ თაყვანისმცემლებს?

— იმიტომ, რომ მე იმდენად უმადურ კაცს კი არ ვერჩი — უმადურობის წამახალისებელ საზოგადოებას. სოსო ცისკარიშვილმა რუსთაველის საზოგადოება ორგანიზაციულად ფეხზე დააყენა, საზოგადოების ყრილობაზე კი ანათემა მოუნყვეს; ყველაზე მეტად მისი „გამოჩეკილი“ ახალგაზრდები აქტიურობდნენ, გამსახურდიასაგან გაბრიყვებულები. მათაც და მთელ ყრილობასაც, რისი ღირსიც იყვნენ, საჯაროდ ვუთხარი... უმადურობაა, ვერ დაინახო, ვინ დადის მეროჭიკე ბერივით სხვა სახელმწიფოთა კარდაკარ, ჩვენი გაპარტახებული ქვეყნისათვის რომ პური და გაზი ჩამოითხოვოს, ვინ იყო აფხაზეთში ტყვიას შუბლშეშვერილი... უმადურობა და უხამსობაა — აფხაზეთი გაიყიდაო — იძახონ იმათ, ვინც მართლაც გაყიდეს და განირეს არა მარტო სოხუმის დამცველები, არამედ, შენ წარმოიდგინე, საკუთარი თავიც... როგორც იტყვიან — გაიყიდნენ...

— მოკლედ, როლინგისა არ იყოს, შენი საზოგადოებრივ-პოლიტიკური სიმპათია-ანტიპათიებიც არ იცვლება...

— ძალიან მიყვარს ალექსანდრე ჭავჭავაძე: «არ ვსდევ ჟამთააცვლას, მე იგივე ვარ მარად და მარად».

— ხშირად მეკითხებიან, როდის გიჯერებს შენი ქმარიო; რა ვუპასუხო?

— გიჯერებს მაშინ, როცა შენი აზრი ჩემსას ემთხვევა...

— საპრეზიდენტო არჩევნებში შენს მონაწილეობაზე ჩვენი აზრები ერთმანეთს არ დაემთხვა და — ამის გახსენება ახლაც მზაფურავს — შენ დათანხმდი პრეზიდენტობაზე კენჭი გეყარა. ხომ არ ჯობდა, იმ ერთხელ მაინც, ჩემთვის დაგეჯერებინა?

— ჩემთვის — ჯობდა, საქმისთვის — არა. პროვინციული ფაშიზმის კრახში მაშინდელმა ჩვენმა უიმედო და მარცხისათვის განწირულმა ნაბიჯმა თავისი როლი ითამაშა.

— შენი გადამკიდე, ვიცი, ბედი კიდეც ბევრ სიურპრიზს მომიმზადებს... და მაინც ერთი რამ არის ჩემთვის ძნელად ასახსნელი: არ იცვლი ჩვევებს, „უნიფორმას“, მეგობრებს, არ გიყვარს გარემოს, სიტუაციის შეცვლა — და ამნაირ კონსერვატორული ბუნების კაცს სახელმწიფოს მეთაურმა განდო ყველაზე ტრადიციული სფეროს, განათლების სისტემის, შეცვლა, სასკოლო რეფორმის გატარება. შეეშალა?

— აბა, რა გითხრა. ისე, ისტორიამ არცთუ იშვიათად იცის შემთხვევები, როცა შუმი კონსერვატორები თავგადაკლულ რეფორმატორებად ქცეულან... და — პირიქითაც!

„პრინმა“, N 2, 9.11.1994

ზოგჯერ ნასვლას დარჩენაა

— რა ჩანაფიქრი დაგრჩათ, ბატონო თამაზ, განუხორციელებელი?

— ჩანაფიქრს ვინ დაექებს, დანყებული საქმეები დამრჩა მოუმთავრებელი. ამისგან ტრაგედიას ნუ შევქმნით — ტრაგედია ის იქნებოდა, არაფერი დამრჩენოდა დასასრულებელი: თუ არაფერს დაინყებ, დასამთავრებელიც არაფერი დაგრჩება. ახლა მთავარია, სარეფორმო პროცესები დავაბოლოოთ.

— განა შეიძლება რეფორმირების პროცესის დაბოლოება, განა ეს მარადიული პროცესი არაა?

— მარადიულია განათლებაში ცვლილებათა პროცესი, მაგრამ განათლების რეფორმა ანუ — სისტემის ღრმა შინაარსობრივ-სტრუქტურული გარ-

დაქმნა, გამომდინარე თვისებრივად განსხვავებული სოციალურ-ეკონომიკური ვითარებიდან, მაინც დროით გახლავთ „დასაზღვრული“ და ეტაპობრივაცაა „განერილი“. მაგალითად, თორმეტწლედზე გადასვლა 2005-2006 სასწავლო წლისათვის უნდა გასრულდეს.

— რა პრობლემებზე ურჩევდით ყურადღების გამახვილებას ახალ მინისტრს? რა მიგაჩნიათ სადღეისოდ განათლების სისტემაში პირველი რიგის ამოცანად?

— ახლა გადამწყვეტ ფაქტორად იქცა სწრაფი და გეგმაზომიერი ცვლილებები რეფორმის შინაარსობრივ ჭრილში. მართალია, უკვე დამტკიცდა განახლებული სტანდარტები, სასწავლო გეგმები, განახლდა სახელმძღვანელოთა ერთი ნაწილიც, მაგრამ ამ მხრივ წინ უამრავი სამუშაოა. სოციალურად მტკივნეული ბევრი სარეფორმო ნაბიჯი უკვე გადავდგით — ჩატარდა მასწავლებელთა ატესტაცია, დარეგულირდა მათი დატვირთვა, დაკანონდა ფასიანი საგანმანათლებლო მომსახურება, მიმდინარეობს ქსელის რეორგანიზაცია და მრავალი სხვა. მაგრამ ნურავინ იფიქრებს, ახალი მინისტრი უკვე გამზადებული სუფრის თავში დაჯდომს — მას მარტო დანყებულ საქმეთა გასრულება კი არა, ბევრის ახლად დანყებაც მოუწევს. ვთქვი და გავიმეორებ — ყველანი მხარში უნდა ამოვუდგეთ მას, რათა რეფორმა არ „დადგეს“... მეტიც — იგი არც უნდა დაყოვნდეს.

— ეს კი ცოტა არარეალური ჩანს — ავტორის გარეშე მოსალოდნელია რეფორმის შეფერხება.

— მე არასოდეს მქონია რეფორმის ავტორობის პრეტენზია. არა მარტო განათლების, საერთოდ — რეფორმათა სტრატეგია პრეზიდენტმა განსაზღვრა და, თუ მაინცდამაინც ავტორობაზე მიდგა საქმე, განათლების რეფორმას კოლექტიური ავტორი ჰყავს — მრავალი თაობის ეროვნული პედაგოგიური ინტელექტი. მე გარკვეულ ეტაპზე მომიწია ამ „კოლექტიური ავტორის“ მესვეურობა და ეს დიდ პატივთან ერთად პასუხისმგებლობის მძიმე ტვირთიცაა. ეს ტვირთი ნასვლით არ მეხსნება, მეტიც — თუ ჩემი ნასვლა რეფორმას შეაფერხებს, მაშინ მე უფრო ადრე ვყოფილვარ ნასასვლელი; ამიტომაც მიმაჩნია საკუთარი პრესტიჟის საქმედ ჩემი შემცვლელის ყოველი წარმატებული ნაბიჯი, გადადგმული სარეფორმო გზაზე, რომელზეც ნოხი როდი აგია — ეკლებითა და მოზრდილი ზომის ლურსმნებით გახლავთ მოფენილი.

— თქვენ ცნობილი ხართ, როგორც შესანიშნავი მეცნიერი და ლექტორი; პოლიტიკაშიც, თავის დროზე, სერიოზული განაცხადი გაქვთ გაკეთებული. რას აპირებთ მომავალში, პოლიტიკას დაუბრუნდებით თუ მეცნიერებას?

— არც მეცნიერებას და არც პოლიტიკას, კაცმა რომ თქვას, ისე არასოდეს მოვმწყდარვარ, რომ უკან მისაბრუნებელი გზა ამერიოს. თანაც, არის ასპარეზი, სადაც ცოდნაც და დიპლომატიაც აუცილებელია — საკლასო ოთახი, აუდიტორია... ასე რომ, ჩემთვის არ არსებობს ალტერნატივა — ან

მეცნიერება, ან პოლიტიკა — გამეცნიერებული პოლიტიკა თუ გაპოლიტიკურებული მეცნიერება არის ის სამყარო, საიდანაც არასოდეს წავსულვარ და სადაც ისევ დავრჩები... წამსვლელ-დამრჩომის სადღეგრძელოსათვის არ გამომივიდეს, მაგრამ ზოგჯერ წასვლაც დარჩენაა...

ესაუბრა მარია ჩიქოვანი, „ახალი განათლება“, 20.8.1998

წყლის ნაყვა

— გილოცავთ, ბატონო თამაზ, შობა-ახალწლებს და ახალ ასპარეზზე მოღვაწეობის დაწყებას.

— გამადლობ, ასევე — თქვენც. ისე, თვითონ სამსახური — პარლამენტის საბიბლიოთეკო და სამეცნიერო-კვლევითი ოფისი — გახლავთ ახალი, თორემ წიგნი, ბიბლიოთეკა და სამეცნიერო-კვლევითი საქმიანობა ჩემთვის ახალი ასპარეზი ნამდვილად არ არის.

— და — არც ჟურნალისტიკა... მახსოვს თქვენი რედაქტორობით გამოცემული „ქართული ენა და ლიტერატურა სკოლაში“ ... მახსოვს თქვენი ტელე-ლექციებიც...

— როცა მინისტრობისას ჟურნალისტი საუბარს ჩემი ტელელექციების ქებით დამინყებდა, გული რეჩხს მიზამდა ხოლმე: ვიცოდი, კონტრასტის ხერხად გამოიყენებდა ჩემი ძველი და ახალი საქმიანობის შესადარებლად.

— თქვენს ძველსა და ახალ საქმიანობაზე საუბარს, ეტყობა, ვერც ახლა აუუქცევთ გვერდს, თუმცა ამჯერად მე უფრო ზოგადი საკითხები მაინტერესებს... მაგალითად, რამ გაიძულათ დასთანხმებოდით ჩვენს უსახსრო პირობებში თითქმის წინასწარ განწირულ საქმეს — განათლების მინისტრობას?

— ალბათ, იმანაც, რომ ეს საქმე მაინც არ მიმარჩნდა წინასწარ განწირულად... და — არც ახლა მიმარჩნია.

— არც გამსახურდიას კონკურენტად საპრეზიდენტო მართონში ჩაბმა მიგაჩნდათ წინასწარ განწირულ საქმედ?

— არა, მაშინ, ცხადია, ვიცოდი, რომ პრეზიდენტი ვერ გავხდებოდი. ამას შეგუებულიც გახლდით... უბედურება ის იყო, რომ გამსახურდიასთან ასეთი ღია დაპირისპირებით მტრად ვიკიდებდი ჩემს გუშინდელ მოყვრებს — უამრავ ქალბატონს და ზოგ ვაჟბატონსაც, რომელნიც ჩემს ეკრანულს და ზვიადის პრაქტიკულ საქმიანობას ერთი იდეის სამსახურად მიიჩნევდნენ.

— განა ეგრეც არ იყო?

— აღმოჩნდა, რომ — არა. ზვიადს მე ბავშვობიდან ვიცნობდი, მეგობარ-

თა საერთო ნრეც გვექონდა, ამიტომ უკვე სტუდენტობისას ორივემ ვიცოდით, რომ, როგორც იტყვიან, „ერთად ვერ მოვძოვდით“, თუმცა, ღია დაპირისპირება მერე მოხდა, როცა კონსტანტინე გამსახურდიასადმი მიძღვნილი ჟურნალი გამოვეცი და რუსთაველის საზოგადოებაში დავინწყე საქმიანობა.

— რატომ მეორედ აღარ ჩაებით საპრეზიდენტო არჩევნებში?

— ამაზე უკვე ვუპასუხე — თვითმკვლელობის მცდელობისას ერთხელ შემთხვევით გადარჩენილი კაცი, მეორედ თითქმის აღარასოდეს ეცდება თავის მოკვლას... იყო მეორე ფაქტორიც — შევარდნაძე. მიმაჩნდა და მიმაჩნია, სანამ იგი სათანადო ფიზიკურ კონდიციებს შეინარჩუნებს, საქართველომ ყველაფერი უნდა ილონოს, რომ თვითონ არ მოინდომოს ამ ჯოჯოხეთიდან ნასვლა...

— მინისტრის სავარძლის დატოვების შემდეგ, თქვენც ხომ არ გაგჩენიათ სურვილი, პოლიტიკურ ოპოზიციაში ჩასდგომოდით პრეზიდენტს?

— რა შემატყვევთ სამაგისო? ისე, ოპოზიციაცაა და ოპოზიციაც; ისევე ნითელ, კომუნისტურ „სამოთხეში“ საქართველოს შეთრევის მცდელობა ჩემთვის არცაა ოპოზიციონერობა, ამას სხვა სახელი ჰქვია...

— დაგვიკონკრეტეთ, მაინც რა სახელი?

— ამას ჰქვია ღალატი; ჯანსაღი, კონსტრუქციული ოპოზიცია კი სახელმწიფო ცხოვრების ნორმალური მდგომარეობაა და გაოპოზიციონერება არ უნდა დაუკავშირდეს თანამდებობის არც დაკარგვას და არც მიღებას. არადა, ჩვენში ოპოზიციონერობის გამო თანამდებობადაკარგული არავინ მინახავს, სახელისუფლო რიგში ჩამდგარნი კი — ბევრი. მინისტრებმა ამ საცდურს, ჩემი აზრით, გაუშეღიეთ. ისე, პრესაც ნუ ეცდება ჩვენს დაკომპლექსებას — ემანდ, ნათამდებობართა ოპოზიციონერობა არ დაგვბრალდესო და ამიტომ უშუქობაზე, უწყლობასა და უხელფასობაზე სულ „იფ, იფ, რა კარგია“ ვიძახოთ.

— ვახტანგ რჩეულიშვილმა დაწერა: შევარდნაძემ იცოდა, რომ კვაჭანტირაძე მისი უერთგულესი მინისტრი იყო, მაგრამ ისიც უწყობდა, განათლების რეფორმებით უკმაყოფილო მასწავლებლების ხმებს არჩევნებში იგი რომ ვერ უზრუნველყოფდა და ამიტომაც განირაო... ეთანხმებით?

— თუ ასე დაწერა, სადავო მექნებოდა როგორც ძირითად აზრთან, ასევე ამ აზრის ენობრივ გაფორმებასთანაც. ჯერ ერთი, რას ნიშნავს „განირა“? მე არავის გაუწინარევეარ... თავი მომკვეთეს თუ რა? მე „რუსთაველისტი“ ვარ და მისი მჭერა: „თუ თავი შენი შენ გახლავს, ღარიბად არ იხსენები“.

— მაგრამ სადავო, ალბათ, არ გექნებათ იმ მტკიცებასთან, რომ თქვენ შევარდნაძის უერთგულესი კაცი ბრძანდებით?

— თქვენ წარმოიდგინეთ, აქაც მექნება იმდენად, რამდენადაც ჩემთვის ერთგულების ცნება სამსახურებრივ სფეროში არ ფარავს ამ ცნების საყოფაც-

ხოვრებო გაგებას: მინისტრი თუ თავს რიგიანად ვერ ართმევს პრეზიდენტის პოლიტიკის ცხოვრებაში გატარებას — მასწავლებელთა ელექტორატის მხარდაჭერა კი მართლაც პოლიტიკური პრობლემაა — მაშინ ის ვერ ჩაითვლება უერთგულეს მინისტრად, ხაზს ვუსვამ — მინისტრად, თორემ უერთგულესი პიროვნება იგი შეიძლება მართლაც იყოს. მაგრამ მე სადავოდ სწორედ ის აზრი მიმაჩნია, რომ განათლების რეფორმის დაწყების გამო მე თითქოს ვერ უზრუნველყოფდი მასწავლებელთა ელექტორატის ხმებს. ადგილობრივმა არჩევნებმა გვიჩვენა, რომ საკადრო ცვლილებას მოსალოდნელი შედეგი ამ მხრივ, არ მოჰყოლია, უფრო საპირისპირო ეფექტზე შეიძლებოდა გველაპარაკა. და ეს სრულებითაც არ გახლავთ ახალი მინისტრის ბრალი, უკეთესი შედეგი ალბათ ვერც სხვას ექნებოდა.

— მაშ, რამ განაპირობა, რომ ლეიბორისტებმა, განათლებისა და ჯანდაცვის რეფორმების ყველაზე შეურიგებელმა მოწინააღმდეგეებმა, ასეთი რაოდენობის ხმები მიიღეს?

— ჯერ ერთი, არავინ იცის, ეს ხმები ლეიბორისტებმა პროფესიული ნიშნით მიიღეს, თუ — იდეოლოგიურით... ანუ — ეს ხმები ძირითადად მასწავლებლების და ექიმებისაა, თუ — კომუნისტური ნოსტალგიით შეპყრობილი ელექტორატის. მაქვს სერიოზული საფუძველი ვიფიქრო, რომ მასწავლებელთა ძირითადი მასა სწორედ ერთ-ერთი ყველაზე მტკივნეული სარეფორმო ნაბიჯის — ატესტაციის ეტაპის წარმატებით ჩატარების — შემდეგ შემობრუნდა ხელისუფლებისაკენ. ჩვენ, პირველ ყოვლისა კი, პრეზიდენტმა, სიტყვა არ გაეტეხეთ და ატესტაციაგავლილ მასწავლებლობას ხელფასი მკვეთრად მოეუმატეთ. ვინც ლეიბორისტთა პროპაგანდას აპყვა — ატესტაციაზე არ გახვიდეთ, კატეგორიასთან ერთად ხელფასს არავინ მოგიმატებთ, ატესტაცია მასწავლებელთა შესამცირებლად მოიგონა მთავრობამო — ეს ხალხი დარჩა, რომ იტყვიან, ხახამპრალი, ლეიბორისტები კი — გაშიფრული; განათლების სამინისტროს მათგან მოტყუებულ მასწავლებელთა მასა მოაწყდა — სასწრაფოდ დაგვინიშნეთ ხელახალი ატესტაციის. რომ იტყვიან, თონე ჩახურდა, საჩვენო პურის ჩაკვრალა იყო საჭირო, მაგრამ...

— რა მოხდა, თქვენ ვერ ივარგეთ პოლიტიკურ მეთონედ, თუ სხვამ?

— ცოტ-ცოტა ხელი ყველამ მივაკელით: მეც, მთავრობამაც, პარლამენტმაც და მმართველმა პარტიამაც. ჯერ იყო და, ჩილემი ავტოკატასტროფაში მოხვდი და ყველაზე საჭირო მომენტში სამი თვით გამოვეთიშე აქტიურ პროცესებს; ფინანსთა სამინისტრომ მომატებულის კი არა, საერთოდ ხელფასების გაცემა შეუნყვიტა მასწავლებლობას, რითაც უკვე განწირულ ლეიბორისტებს ხელთ კოზირი მისცა — ა, ბატონო, ხომ გეუბნებოდით, პრეზიდენტის ბრძანება ხელფასების მომატებაზე ფარატიცა ქაღალდითა...

— დავიჯერო, მასწავლებლობა იმდენადაა პოლიტიკურად გაუთვითცნობიერებული, რომ ამ ანკესზე წამოვეგო?

— აკი გითხარით, ნამოვეგო და ლეიბორისტებს მისცა თუ არა ხმა, ეს კიდევ საკითხავია-მეთქი. მაგრამ ფაქტია, რომ პრაქტიკულად ვერც მასწავლებლობამ და ვერც სხვამ ხელფასები ვერ მიიღეს. მაისის ბოლოს, მთავრობის დახურულ სხდომაზე, მე განვაცხადე, თუ მასწავლებლებს ხელფასები და საშვებულებო თანხა ვერ მივეცით, მე თანამდებობიდან გადავდგები-მეთქი. სხვათა შორის, უფრო ადრე, პრეზიდენტმა მთავრობის ღია სხდომაზე მკვეთრად ბრძანა — თუ ზაფხულის ხელფასები ხალხს ახლაც ვერ მივეცით დროზე, ყველამ უნდა დაეიხუროთ ქუდი და წავიდეთ...

— მაგრამ თვითონ არც ქუდი დაუხურავს და არც წასულა...

— მადლობა ღმერთს, რომ ასე მოხდა: რომ წასულიყო, თქვენ ცოდვის ტირილი მაშინ გენახათ...

— დედა ენას დავკარგავდით, საქართველო დაილუპებოდა? თქვენგან, გამსახურდიას კულტთან ასე თავგამოდებულად მორკინალისაგან, შევარდნაძის ასეთი გაკულტება, ცოტა არ იყოს, გაუგებარია...

— ჩემთვისაც ერთგვარად მოულოდნელია კატასტროფის იმ მასშტაბის გაუთვალისწინებლობა თქვენის მხრივ, რასაც შევარდნაძის გადადგომა გამოიწვევდა და დღესაც გამოიწვევს... და გამოიწვევს, სამწუხაროდ, ხვალაც...

— და ეს თქვენი ხატოვანი „ხვალ“ შეიძლება წლობით გაინელოს?

— ეს არის ყველაზე მტიკინეული საკითხი; წინა საპრეზიდენტო არჩევნებისას, თელავში შეხვედრაზე, მე ბატონ ედუარდს მივმართე: თქვენ, ბატონო პრეზიდენტო, სამწუხაროდ, ჯერ კიდევ ისე ვერ დაალაგეთ საქართველო, რომ ქვეყანა ლიპარტიელიანმა, ლარიაშვილმა ან, თუნდაც, კვაჭანტირაძემ მართოს-მეთქი. სამწუხაროდ, დღესაც იმავეს გავიმეორებდი, ოღონდ ერთ გრამატიკულ კორექტივს კი შევიტანდი: ჩვენ, მთელმა საზოგადოებამ, ვერ ან არ დავალაგებინეთ შევარდნაძის საქართველო; დიახ, ჩვენ — ვინც სახელმწიფო საქმეებს თავი ვერ მოვაბით, ვინც ამბიციებს შევეჭმევინეთ, ვინც ტერაქტები მოვუწყეთ პრეზიდენტს... მართო პარლამენტის ჭიშკართან ან კრწანისის ზაზზე კი არა, ჩვენ-ჩვენს კაბინეტებშიც; დიახ, ფინანსურ ტერაქტებს ვგვლისხმობ. ასე რომ, აზრი — დღეს შევარდნაძე შეუცვლელია — კაცმა რომ თქვას, შევარდნაძის კრიტიკად უფრო უღერს.

და — ჩვენი საზოგადოების კრიტიკადაც.

— ისევ მთავრობის დახურულ სხდომას მივუბრუნდეთ. გადავდგებიო — კი გითქვამთ, მაგრამ სანამ ლეიკიშვილმა აგვისტოს დასაწყისში ყველა მინისტრი უკან არ გაგიყოლათ, მაპატიეთ ასეთი შედარებისათვის, როგორც ბოტმა ცხვრები სასაკლავოსაკენ, თანამდებობიდან არავინ წასულხარო...

— თქვენი შედარება უფრო ეფექტური იქნებოდა, ლეიკიშვილი პირველი თვითონ რომ არ გადამდგარიყო; წინამძღოლი ბოტი კი, მოგეხსენებათ, გვერდითი კარით უვნებელი გადის სასაკლავოდან...

— ასეთი „გვერდითი კარი“ ვაშლიჯვარში, მოქალაქეთა კავშირის შტაბ-ბინაში ხომ არ გაიჭრა?

— ლეკიშვილმა დატოვა სახელმწიფო მინისტრის — ფაქტიურად, პირველი მინისტრის — პორტფელი, თორემ ყოველგვარი საქმიანობისაგან მომიკვეთეთო, ასეთი რამ არ მოუთხოვია. რამდენადაც ვიცი, არც სხვა მინისტრები დაერჩენილვართ უშუშვერები. რაც შეეხება მთავრობის იმ დახურულ სხდომაზე ჩემს განცხადებას გადადგომის შესახებ, ქართული ანდა-ზისა არ იყოს, „მულო, შენ გეუბნები და, რძალო, შენ გაიგონეო“, მე ეს უფრო ფინანსთა მინისტრის გასაგონად და ნამუსზე შესაგდებად ვთქვი: ვინ ვინ და, რიგითი მასწავლებლისგან განსხვავებით, მან ხომ ყველაზე უკეთ უნყოდა, რომ ხელფასების გაცემაზე, უპირველეს ყოვლისა, ფინანსთა სა-მინისტროა პასუხისმგებელი და არა — განათლებისა.

— ნელან ბრძანეთ, განათლების რეფორმას ცოც-ცოცა ხელი ყველამ მივა-კელითო და ჩამონათვალში პარლამენტი და მმართველი პარტიაც ახსენეთ...

— მაშინ დამაიწყდა და ახლა ამ სიას, თქვენთან ბოდიშის მოხდით, მას-მედიაც უნდა მივუმატო.

— ჩვენ რალას გვერჩით?

— იმდენად თქვენ არა — საკუთარ თავს, რამდენადაც ვერ მოვახერხე განათლების რეფორმებისადმი ლოიალურად განმეწყო ჩემი კოლეგები.

— „ჩემი კოლეგებიო“, მასწავლებლებს გულისხმობთ თუ ჟურნალისტებს?

— ჟურნალისტებს... რა, ჟურნალისტთა ამქრიდანაც უკვე ამომრიცხეთ?

— არა, ბატონო თამაზ, სხვებზე რა მოგახსენოთ, პირადად მე კი ვიცი და მახსოვს ჟურნალის რედაქტორი თამაზ კვაჭანტირაძე... მაგრამ, რაც მინის-ტრი გახდით, თქვენ უნდა შეპკუებოდით იმ აზრს, რომ ჩვენთვის, „უთანამ-დებო“ ჟურნალისტებისათვის, თქვენ იქეცით, პირველ ყოვლისა, სახელმწი-ფო მოხელედ, ფუნქციონერად, მთავრობის ნევრად — პატიოსანი ჟურნა-ლისტი კი მთავრობის მარადიული ოპოზიციონერია...

— ჩემს — როგორც მინისტრის — მიმართ ოპოზიციონერობაზე პრესი-სადმი პრეტენზია არცა მქონია; სამუნებაროდ, განათლების რეფორმის მი-მართ იჩინა თავი მასმედიის ერთი ნაწილის აგრესიულმა, მე ვიტყვოდი, არა-სახელმწიფოებრივმა დამოკიდებულებამ.

— რამ გაყო მინისტრი და მის დროს განხორციელებული რეფორმები? უნდა გიხაროდეთ, თუ თქვენი გაიგივება მოხდება რეფორმასთან... განა ცუდად ჟღერს „სააკაშვილის რეფორმა“?

— ცუდად ჟღერს... ისევე, როგორც ცუდად ჟღერს კვაჭანტირაძის, ან თუნ-დაც, ჯორბენაძის რეფორმა. არსებითად არასწორია, როცა რეფორმას — ყო-ველ შემთხვევაში, განათლების რეფორმას — ერთ პიროვნებას უკავშირებენ.

— პასუხისმგებლობას თავს არიდებთ?

— არა, პატივს ვარიდებ თავს.

— პარლამენტისა და მმართველი პარტიისაგან განათლების რეფორმისათვის ხელის მიკლებაზე რაღას გვეტყვი?

— აქაც ძირითადად საკუთარი თავის მიმართ მეთქმის საყვედური, რამდენადაც მოქალაქეთა კავშირის, როგორც სახალხო მოძრაობის და, შემდგომ, მის პოლიტიკურ ორგანიზაციად ჩამოყალიბებაში მეც მიმიძღვის მცირეოდენი წვლილი.

— ეს ცოდეაც თუ თქვენს კისერზე იყო, ეს აღარ ვიცოდი.

— მარტო რეზო ამამუკელსა და ჯანსულ ჩარკვიანზე გინდოდათ ჯოხის გადატეხვა? თუ სერიოზულად გნებაეთ, იმ ცოდვის ტრიალში ჯერ „თბილისელისა“ და მერე კი მოქალაქეთა კავშირის დაფუძნება სწორედაც მაღლი მგონია... მაგრამ მერე და მერე ვითარება შეიძლერა. მოყვარეს პირში უძრახეო და მეც ვერ დავმალავ — არჩევნებში გამარჯვების შემდეგ მოქალაქეთა კავშირმა და მისი ბირთვისაგან შემდგარმა საპარლამენტო უმრავლესობამ ქვეყნის მართვის თვალსაზრისით მე, პირადად, რამდენადმე იმედი გამიძერუა. მმართველი პარტია ვართო — ამის დეკლარირება იოლია, რეალურად მართვის ხელოვნების დაუფლება რთული. ხელშესახები შედეგები კი აღმასრულებელ ხელისუფლებასთან მმართველი პარტიის თანამშრომლობით თუ მიიღწევა. ჩემი აზრით, მოქალაქეთა კავშირისა და საპარლამენტო უმრავლესობის ერთმა ნაწილმა ხელისუფლების საკანონმდებლო და აღმასრულებელ შტოთა შორის ბუნებრივი, დიალექტიკური დაპირისპირება შეურიგებელ წინააღმდეგობად აღიქვა და აღმასრულებლებს, რომ იტყვიან, სამკვდრო-სასიცოცხლო ომი გამოუცხადა. მხილების პათოსი საჭირო, მაგრამ მომჭირნედ გამოსაყენებელი სიმდიდრეა. ისეთი დაუინებით დაიწყო მმართველმა პარტიამ თავისივე დამტკიცებული მთავრობის უუნარობის, არაპროფესიონალიზმის, კორუმპირებულობის, ანტისახელმწიფოებრივი ქმედების, ბოლოს — გაკრიმინალების მტკიცება, თითქოს ოპოზიცია ყოფილიყოს და არა მმართველი პარტია. ოპოზიცია კი ამ შემთხვევაში ტაქტიკურად უფრო სწორად მოიქცა, თავისი საქნელი უმრავლესობას გააკეთებინა და დაამუნათა კიდევც...

— როგორ, თქვენ აღმასრულებელ ხელისუფლებაში უარყოფთ კორუფციასა და კრიმინალს?

— არამც და არამც... მაგრამ აღმასრულებელი ხელისუფლებაც განტოტვილი ხესავითაა და მეტი სიფრთხილით უნდა გადაიბელოს იგი საკანონმდებლო ნაღდით, რათა ის ტოტი არ მოეჭრათ, რაზეც ვსხედვართ.

— თეზი რომ თავიდან ყროლდება?

— ანდა ზებით პაექრობაა კარგი, ქვეყნის მართვა კი ანდაზური პრინციპით საშიში მგონია. დესტრუქციულ ძალებსაც ის უნდათ, რომ აღმასრულებელ ხელისუფლებას ამ ანდაზური ლოგიკით თავი მოჰკვეთონ. თანაც, უკეთესი იქნება, თუ მას პოლიტიკურ ხარაკირს გააკეთებინებენ.

— ბატონო თამაზ, დღეს ისევ ძველი პოლემისტი თამაზ კვაჭანტირაძე

გამახსენეთ, მაგრამ ბოლო წლებში ამ მხრივ მაინცადამაინც არ გვანებიერებდით: კრიტიკას ან თავს არიდებდით, ან ნაუყრუებდით ხოლმე; მოკლედ, უპასუხოდ ტოვებდით.

— საერთოდ, ნესად მაქვს, მე შეიძლება ვუპასუხო არაკაცს, მაგრამ ნიჭიერს; უნიჭოს, მაგრამ ღირსეულ კაცს... ნიჭიერ ღირსეულ ხალხთან სადავო ნაკლებად მაქვს, უნიჭო არაკაცების პასუხისაგან კი, ჩვეულებრივ, თავს ვიკავებ — წყლის ნაყვავა!

— მე არ ვიცი, რომელ კატეგორიაში განათავსებთ ბატონ გურამ შარაძეს, მაგრამ, რამდენადაც ვიცი, თქვენ არ გიპასუხიათ მის ბრალდებაზე — თამაზ კვაჭანტირაძემ კონსტანტინე გამსახურდია სომხად გამოაცხადაო...

— შარაძისნაირ ხალხს, ჩვეულებრივ, არ ვპასუხობ-მეთქი... ისე, ეს ჭორი „არახალა, ძველია“ ... მახსოვს, ლოვარდ ტუხაშვილიც წერდა ამაზე, გიორგი გვახარიაც... ზვიადისტურ პრესაზე ხომ ლაპარაკი ზედმეტია, ვილა არ წამოეგო ამ პროვოკაციაზე. ამჯერად, მოკლედ მოეჭრი: კონსტანტინე გამსახურდიას ქართველობის მტკიცება ისეთივე შეურაცხმყოფელი იქნებოდა მისი ხსოვნისათვის, როგორც — მუსხელიშვილმა გამრავლების ტაბულა ზეპირად იცოდაო — ამის მტკიცება ჩვენი დიდი მათემატიკოსის ხსოვნისათვის. მე უვიცებს და უზნეოებს ამგვარ სიამოვნებას ვერ მივანიჭებ, მაგრამ, რადგან ამ ხალხმა მაინც მოახერხა მოსახლეობაში ამ სიყალბის გავრცელება, ამჯერად, საჭიროდ ჩავთვალე, ჩემი პრინციპებიდან გადამეხვია და მეპასუხა უზნეო უნიჭოთათვის; უფრო სწორად, განმემარტა საზოგადოებისათვის, რომელი წყაროდან იკვებება ეს, სატირალი რომ არ იყოს, სასაცილო დეზინფორმაცია. გამოგიტყდებით, ვრცელი მასალის გადაცემას „ლიტერატურული საქართველოსთვის“ ვაპირებ, მაგრამ გპირდებით, პირველ და მოკლე ინფორმაციას თქვენს გაზეთს ვაახლებ... თუ მოგეწონებათ, გთხოვთ, დაბეჭდოთ.

— წინასწარ დიდ მადლობას მოგახსენებთ.

ესაუბრა გია კორძაძე, „დრო“, 12.1.1999

რა ხალხი იჩემებს გამსახურდიას მეგობრობას?

— ბატონო თამაზ, „სარკეზე“ ხომ არ ბრაზდებით?

— ვინც სარკეზე ბრაზდება, გაიხსენოს, პირდაუბანელი ხომ არ გამოსულა შინიდან და, ილიასი არ იყოს, სახეზეც ხელი მიისვ-მოისვას — რაიმე ურიგობა არ ჰქონდეს აკრული...

— მე ჩვენს „სარკეზე“ მოგახსენებთ, ჟურნალზე...

— პოო... სიცილი ხომ გიყვართ? ყველა ნორმალურ ადამიანს უყვარს და არც თქვენ იქნებით გამონაკლისი... პოდა, „სიცილის ოთახშიც“ იქნებით ნამყოფი. ჩემსობას მუშთაიდში იდგა სხვადასხვა ზომისა და მოყვანილობის სარკეები — ზოგი გამსხვილებდა, ზოგი განვრილებდა...

— თქვენც ასე სიცილ-ხუმრობაში გინდათ გამიტაროთ, რომ მრუდე სარკე ვართ?

— მრუდე სარკეც საჭიროა... მაგალითად, სიცილის ოთახში... მაგრამ საბაზანოში ანდა პოდუშზე — არა. თქვენს ჟურნალს კარგი ნათლია ჰყოლია, სარკე სიმბოლოა სიზუსტისა და ნეიტრალობისა, რაც ასე სჭირდება ჩვენს ჟურნალისტიკას... სჭირდება და, კაცმა რომ თქვას, აკლია მას... თითქოს აკაკისაც ეხმიანებით: „ეს გული, სარკედ ქცეული, ბუნების ნათავხედია, მხოლოდ მის სახეს გიჩვენებს, რასაც შიგ ჩაუხედია“... ვითომ, არ გამოგადგებათ „სარკის“ დევიზად?

— შესანიშნავი სიტყვებია, რალა თქმა უნდა, ოღონდ ფოტოგრაფირები-საკენ არ გვაცდუნოს...

— ჟურნალისტობა სწორედ ფოტოგრაფის ხელოვნებას უნდა ეყრდნობოდეს. ყურადღება მიაქციეთ, ხელოვნებას-მეთქი. ფოტოგრაფია ხელოვნებას არ გამოირიცხავს, პირიქით... არსებობს შესანიშნავი ნაზავი — მხატვრული ფოტო... აკაკის რაც შეეხება... მოგეხსენებათ, ყველაზე წმინდა წყალი ბაიკალის ტბაში დგას... ჩაიხედავ და ფსკერზე ყველაფერი ისე ნათლად ჩანს, იფიქრებ, ერთი ხელის ჩაყოფაზეაო... არადა, ბაიკალი ყველაზე ღრმა ტბაცაა მსოფლიოში. აკაკი ბაიკალია: მისი სინათლე სამაცდურია — დიდი სიღრმე აქვს. თქვენ არ გგულისხმობთ, მაგრამ ზოგს აკაკი შიფონერად წარმოუდგენია, გულის ნაცვლად რომ სარკე ჰქვია...

— ძველი კარგი დრო გამახსენეთ, ბატონო თამაზ — ტელევიზორს ვუზივარ და თეთროლინგიანი ლექტორი აკაკიზე მესაუბრება...

— გმადლობთ...

— ისე, ჩათქმული ხომ არაფერი გქონდათ იმ თეთრ როლინგზე?

— თუ არ ვცდები, მსგავსი რამ ამასწინანდელ რესპონდენტსაც ჰქოთხეთ და დათო ევგენიძემ საინტერესოდ განმარტა ბენდენის იმიჯური როლი თავის შემოქმედებაში...

— მეც გმადლობთ...

— კომპლიმენტს არ გიბრუნებთ, მაგრამ გიდასტურებთ, რომ თქვენს „სარკეში“ მეც სისტემატურად ვიხედები... როლინგის სტაბილურობა უფრო ჩემი ხასიათიდან მოდის... მაშინ ეკრანიდან, ჩვეულებრივ, „ჩაგალსტუკებული“ ხალხი გემოდღვრავდა... ჰალსტუხი იმ პერიოდში ნომენკლატურულობის სიგნალად აღიქმებოდა და ჩემი, ცოტა არ იყოს, გულუბრყვილო პროტესტი უჰალსტუხობაშიც გამოიხატებოდა.

— და, თუ არ ვცდები, ეს ანტიჰალსტუხური კომპლექსი მინისტრობამ მოგიხსნათ.

— მინისტრობამ ჰალსტუხს შემარიგა, მაგრამ — ვერ შემაყვარა...

— მინისტრობამ რომ ჰალსტუხი ვერ შეგაყვარათ, ეს ერთია, მაგრამ ჩემი აზრით, ხალხს რომ ვერ შეგაყვარათ, ეს — მეორე და ალბათ თქვენთვისაც ძალიან მტკივნეული.

— მართალი ბრძანდებით, ხალხისაგან ნაფერები კაცი შემდგომ ნეიტრალურ ემოციურ დამოკიდებულებასაც კი მტკივნეულად აღიქვამს. მაგრამ ვინც ავანსცენაზე ასვლას თანხმდება, მან უნდა იცოდეს, რომ ტაშს შეიძლება სტვენა მოჰყვეს, ყვავილებს კი — ლაყუ კვერცხები...

— ლაყუ კვერცხებამდე, მე მგონი, არ მისულა საქმე...

— ზოგადად მოგახსენებთ, თორემ ჩემთვის ლაყუ კვერცხზე უარესია, რა სიბინძურესაც განათლების რეფორმას უშენდნენ და ახლაც უშენენ. მერნ-მუნეთ, ეს უფრო მტკივა, თორემ პირადად მე რომ მიყეფენ — იაენანად ჩამესმის-მეთქი, ვერ ვიტყვი — მაგრამ აღარც მაფრთხობს.

— არადა, თქვენი გადადგომის შემდეგ ვნებათაღელვა რეფორმის ირგვლივ თითქოსდა ჩაცხრა...

— მარტო მინისტრის გადადგომაზე რომ იყოს საქმე, პრობლემას ადვილად მოველებოდა, მაგრამ არის ხალხი, რომელიც თვითონ განათლების რეფორმას ენინაღმდეგება გააფთრებით. უფრო მეტიც — მტერია მისი, რამდენადაც ეს რეფორმა ნაწილია თავად ჩვენი ყოფის გარდაქმნა-ტრანსფორმაციისა; ახალ, გარდაქმნილ ვითარებაში კი ისინი თავიანთ ადგილს ვერ პოულობენ...

— იქნებ ამის მიზეზი ისიც იყოს, რომ განათლება თავისი ბუნებით არის კონსერვატორული და მკვეთარ ცვლილება-განახლებას ვერ იგუებს?

— გეთანხმებით, ამიტომაც განათლების რეფორმის კონცეფციაც და პროგრამაც ისე შევიმუშავეთ, რომ გამორიცხაოდა ყოველგვარ რევოლუციურ ნგრევას არსებული საგანმანათლებლო სისტემისა... მაგრამ ჩვენ ვერც უძრაობას შევეგუებოდით და დავეინყეთ მთელი განათლების სისტემის შინაარსობრივ-სტრუქტურული გადახალისება...

— დაინყეთ, მაგრამ ვერ დაამთავრეთ, უფრო ზუსტად, არ გაგაგრძელებინეს...

— ცდებით, რეფორმირება — მათ შორის, განათლების რეფორმაც — შეუქცევადი პროცესია და ახლაც გრძელდება. არის ხალხი, ვინც ახალ მინისტრს მოუნოდებს, აბა, დავიკაპინოთ მკლავები და ყველაფერი თავიდან დავეინყოთ... ეს „საქმიანი“ ფაფხური უიშელო იმპოტენტის ეროტიკას მაგონებს: თუ რამის გამკეთებლები იყვნენ — მარტო ღმერთი კი არა, ხალხიც მონამეა — ამის საშუალება სამინისტროში ალექო კარტოზიას მისვლამდეც ჰქონდათ...

— და ბატონი კარტოზიაც, რომ იტყვიან, „აავდეს“ ამაზე?

— არა მგონია... ამას წინათ მოუუსმინე და, ჩემი აზრით, საღად შეაფასა ისეთი სარეფორმო ნაბიჯები, რომლებიც ბოლო წლებში გადავდგით: ახალი პროგრამები, ახალი სტანდარტები, განათლების ახალი კანონი, მასწავლებელთა ატესტაცია... მე პრინციპულ მიდგომას მოგახსენებთ, თორემ თითოეულ ამ ღონისძიებას რომ თავისი ხარვეზები ახლდა, თანაც — მნიშვნელოვანი, ეს მეც და ალეკოვაც სხვაზე ნაკლებ ნამდვილად არ უწყით.

— მე შესმის თქვენი, ბატონო თამაზ, როცა განათლების რეფორმის კრიტიკას ასე მტკივნეულად განიცდით...

— პატიოსან კრიტიკას — არა, ვირეშმაკულ და უპრინციპო ნაჯექ-უკუ-ჯექობანას — კი. მაგრამ სულ ამაოდ ირწმუნებენ თავს ველოსიპედის ახლად გამოგონებლები, თითქოს რეფორმა იმთავითვე იყო და ახლაც დასაღუპად არის განწირული... რეფორმისტები მიდი-მოდიან, რეფორმა რჩება...

— წელან ბრძანეთ, პირადი თავდასხმების მიმართ იმუნიტეტი გამომიმუშავდაო... მინისტრობამ გამოგანართოთ ასე?

— ლანძღვასა და შეურაცხყოფაზე იმუნიტეტი, ჩემი აზრით, მხოლოდ მიცვალებულებსა აქვთ ან ცოცხლად მკვდრებს, მე კი ამისგან ღმერთმა დამიფაროს! სხვათა შორის, მინისტრობამდეც მიწვევია „მსუბუქი კავალერიის“ თავდასხმები...

— თუ თქვენს საპრეზიდენტო ბატალიებს გულისხმობთ, იქ, თქვენ წინააღმდეგ, ვგონებ, „მძიმე არტილერია“ ჩაერთო... მაშინ ბევრისთვის ერთგვარი მოულოდნელობა იყო არა მარტო თქვენი პოლიტიკური ამბიცია, არამედ ისიც, რომ ძველ მეგობარს დაუპირისპირდით.

— გამსახურდიას მეგობრობას ახლა ბევრი იჩივებს, სხვათა შორის, ის ხალხიც, რომელთა შესახებ ზვიადი მეუბნებოდა — არ ენდო, „კავებესთანაა“ შეკრულიო. მე არასოდეს ვყოფილვარ გამსახურდიას ძმაკაცი, თუმცა ახლობელთა საერთო წრეც გვექონდა და მის ოჯახში — ტრადიციულ ქართულ ოჯახში — პურიც გამიტიხნია... ისევე, როგორც მას — ჩემს ოჯახში. ასე რომ, მე 1991 წლის საპრეზიდენტო არჩევნებში მეგობარს არ დაუპირისპირებუვარ... მეტიც ითქმის, მე ზვიადი, როგორც კერძო კაცი, რომელსაც ჰქონდა პიროვნული ღირსებებიც და ნაკლოვანებებიც, სამიზნედ არასოდეს გამიხდია.

— არც ტელეეკრანიდან ანტიილიაზე როცა გვესაუბრებოდით და არც „დრონი“ როცა „ყვარყვარეს“ ბეჭდავდით?

— არც მაშინ, რამდენადაც მე ჩემი იარაღით — კალმითა და სიტყვით (და არა ავტომატითა და პისტოლეტით) — ვებრძოდი მოვლენას და არა — კაცს...

— თუმცაღა ამ ბრძოლაში თქვენი „შთამავგონებელი“ სწორედაც კერძო კაცი იყო.

— დიახ, და ეს კაცი, არ ვმაღავ, ზვიად გამსახურდია გახლდათ.

— ალბათ ისიც უნდა აღიაროთ, რომ თქვენი იარაღი — სიტყვა და კალამი — „კალაშნიკოვზე“ არანაკლებ საშიშია...

— უფრო საშიშია... მე ჩემს შესაძლებლობებზე ასეთი გადაჭარბებული წარმოდგენა არა მაქვს, მაგრამ ოსტატის ხელში სიტყვა ზარბაზნაზე ნაკლებ დამანგრეველი არ გახლავთ...

— კიტოვანის ზარბაზნებზე?

— არც კიტოვანის ზარბაზნებზე, რომლებითაც მთავრობის სასახლეს ესროდნენ, და — არც გამსახურდიას ავტომატებზე, რომლებითაც მთავრობის სასახლიდან ისროდნენ...

— ნიშნავს თუ არა ეს, ბატონო თამაზ, რომ თქვენ აღიარებთ „პუტჩში“ მონაწილეობას?

— აღიარება იურიდიული ტერმინიცაა, ჩემთვის „პუტჩისტობის“ ბრალდება — ჯერჯერობით მინც — არავის ნამოუყენებია. თანაც მე იმას, რაც 1991-1992 წლების მიჯნაზე ჩვენში მოხდა, პუტჩს არა — სხვა სახელს დავარქმევდი...

— სახალხო აჯანყებას?

— თუ ხალხის მრავალათასიან მიტინგებსა და დემონსტრაციებს, თუ არასამხედროთა მიერ ხელთ იარაღის აღებას, თუ პოლიტიკურ პარტიათა აბსოლუტური უმრავლესობის, სტუდენტობის, პარლამენტარებისა და გვარდიის შეერთებულსა და შეიარაღებულ გამოსვლებს არა, მაშინ, ნება მიბოძეთ, ვიკითხო — რას ჰქვია სახალხო ამბოხი?

— მე ვატყობ, ბატონო თამაზ, საყოველთაო შერიგებასა და ურთიერთ-შემწყნარებლურ დამოკიდებულებას ბარიკადის მარტო ერთი მხრიდან კი არა, მეორიდანაც შეხედება ნინაალმდეგობა.

— გთხოვთ, სწორად გამიგოთ; როგორ შეიძლება მე საყოველთაო შერიგების იდეის ან ურთიერთშემწყნარებლობის ნინაალმდეგი ვიყო, მაგრამ ნინაალმდეგი ვარ უპრინციპობისა, უპირობისა, ცალმხრივობისა და მანასეობისა. ნინაალმდეგი ვარ, დაუფუჯრო გამსახურდიას სიყვარული და ერთგულება იმას, ვინც განსაცდელის ჟამს განუდგა მას; მე ფარისევლობის ნინაალმდეგი ვარ, როცა საარჩევნო ხმების სამათხოვროდ საფლავშიც აკითხავენ კაცს...

— თქვენ, ღვთის მადლით, ნააჟარიალს არ ჰგაეხართ, პოლიტიკურადაც ისევე ძველებურად შემართული ჩანხართ... ორი ათასი წლის საპრეზიდენტო არჩევნებშიც ხომ არ აპირებთ მონაწილეობას?

✓ — აუცილებლად.

— აკი ამას ნინათ დანერეთ, რომ მე შევარდნაძის კონკურენტი არასდროს ვიქნებო?

— ასეცაა... მე ორი ათასი წლის საპრეზიდენტო არჩევნებში მონაწილეობას მივიღებ როგორც ამომრჩეველი.

— ჯანმრთელობას უფრთხილდებით?

— საკუთარს — არა. ნანა კვარაცხელიას ცოდვას ვერ დავიდე: ერთ არ-ჩევენებს გაუძლო, მეორეს ველარ გადაიტანს...

— უჯერებთ მეუღლეს?

— როცა ჩვენი აზრები ემთხვევა — აუცილებლად.

— ოჯახური ტირანი ბრძანებულხართ...

— რატომ? სამაგიეროდ, ვუჯერებ, უფრო სწორად, ვემორჩილები, ელენეს, ნანიკოს, სანდროს და იკას. მარტო შვილიშვილების არა — საერთოდ, ბავშვების აზრს ანგარიშს ვუწევ.

— ეს, კაცმა რომ თქვას, სამსახურებრივად გევალებოდათ კიდევ.

— მარტო მოვალეობის გამო — არა... მჯერა, ჭეშმარიტება რომ ბავშვების ბაგეებით ლაღდება. თუნდაც ამიტომ არ უნდა გამოვლიოთ ოჯახში ჩვილი.

— მე კი, მართალი გითხრათ, მეგონა, რომ ბიჭის ძებნაში გახდით სამი ქალიშვილის მამა.

— ბიჭის ძებნა, თორემ შენც ბაგრატიონ-მუხრანსკის გვარის გამგრძელებელს ეძებდიო — გაიფიქრებს ჩვენი მკითხველი...

— რაო, საკუთარ გვარს ხომ არ ინუნებთ?

— მკითხველი-მეთქი, თორემ, ილიასი არ იყოს, კაცი უნდა ამშვენებდეს გვარს და არა — პირიქით.

— უარყოფთ, რომ გვარის ყლერადობას თავისი ემოციური დატვირთვა აქვს?

— ცხადია, არა... მეტსაც გეტყვით, ხანდახან ისიც მგონია, ტერენტი რომ კვირკვიად დარჩენილიყო, ქართულ ლიტერატურას პოეტი გრანელი არ ეყოლებოდა-მეთქი... და მაინც — კაცი აკეთებს გვარს... მითხარით, რომელი უფრო კეთილშობილურად ჟღერს: თქარ თუ ჭავ?

— თითქოს, თქარ... ალბათ მჟღერი რ-ს გამო...

— სწორს ბრძანებთ, მაგრამ ამ, ცოტა არ იყოს, „ჭყიპინა“ ჭავ-მა მოგვცა მეფურად მჟღერი ჭავჭავაძე, ხოლო ამ ზარივით „მრეკავმა“ თქარ-მა მოგვცა სასაცილოდ მჟღერი თათქარიძე... უფრო ზუსტად, ილიამ „გადასდო“ თავის გვარს ვულკანური ძალა და ენერჯია...

— ისევ ნოსტალგია გამიჩინეთ, ბატონო თამაზ, ძველ ტელეექციებზე...

— ვნახოთ, იქნებ ტელევიზიამ ეგ ნოსტალგია რაღაც ფორმით — ოღონდ არა ძველის დუბლირებით — გაგიქარვოთ კიდევ... ყოველ შემთხვევაში, ქართველ მწერლებზე საავტორო გადაცემათა ციკლი შემომთავაზეს და მალე, ალბათ, რაღაც გადანყვეტილებას მივიღებ.

— იმედი მაქვს, გადანყვეტილების მიღებისას გაითვალისწინებთ, რომ ეს ნოსტალგია მარტო ჩემი არ არის... გმადლობთ საუბრისათვის.

— თქვენც გმადლობთ გახსენებისათვის.

ისტავის ქვეყანა

— ბატონო თამაზ, პირველ ყოვლისა, ჩვენი გაზეთის სინანული უნდა გადმოგცეთ — სამწუხაროდ, უზუსტობა გაგვეპარა თქვენი სიტყვის დამონშებისას...

— საერთოდ, უზუსტო ციტირება მოარულ სენად იქცა ჩვენს პრესაში... თქვენ კონკრეტულად რომელ შემთხვევას გულისხმობთ?

— თეიმურაზ ჭანტურიშვილის ნიგნის — „სიმართლე ზვიად გამსახურდიანზე“ — პრეზენტაციის დროს რომ ბრძანეთ: თუ „ზვიადიზმი“ ვინმეს „ილიელობა“ ჰგონია, მეც ზვიადისტად მიგულოსო... „ილიელობის“ ნაცვლად დაიბეჭდა „იელოველობა“.

— აბა კარგი საბაბი მიგიციათ „საქართველო უპირველეს ყოვლისას“ ანუ სუყ-ის აქტივისტ შარაძისათვის, რომ იელოველად გამომაცხადოს.

— აკი მოგახსენეთ, კორექტურა გაგვეპარა-მეთქი. სიტყვა „ილიელიც“ შედარებით უცხოა და...

— რა, „იელოველი“ უფრო მშობლოურია?.. ისე, ცოტა ჩემი ბრალიც არის — ვერ ვამუშავე, ვერ დავამკვიდრე ტერმინი „ილიელი“, თუმცა კაი თხუთმეტი წელია ამაზე ვჯახირობ... ეჰ, ილიელები აღარ ვართ... სიტყვამ საგანზე უნდა მოიკიდოს ფესვი და, ეტყობა, შიშველ აზრს ჯერ კიდევ ვერ მოეჭიდა.

— და თქვენ გამორიცხავთ, რომ „ზვიადისტი“ შეიძლება „ილიელადაც“ მოვიაზროთ?

— გააჩნია, რა აზრს ჩაეღებთ „ზვიადისტობაში“; თქვენ რომ „ზვიადიზმი“ მამულისათვის საკუთარი თავის შენირვა გგონიათ, სხვას საკუთარი თავისათვის მამულის განირვა შეიძლება ეგონოს...

— განა ასე ძნელია ტერმინის გაგებაზე შეთანხმება?

— გარკვეულ ეტაპზე — თითქოს ადვილია... ვთქვათ, მე დაგეთანხმეთ და „მამულისთვის თავდადებული“ და „ზვიადისტი“ იდენტურ ცნებებად ჩავთვალე. მერე ნაეიკითხე ზვიადის მიმართვა აფხაზეთში მებრძოლ ჩრდილოკავკასიელ „ბოევიკებისადმი“: „თქვენ აავიზგიზეთ ბრძოლის ცეცხლი, რომელიც გაათავისუფლებს არა მარტო მოძმე აფხაზებს, არამედ მეგრელებსაც და აჭარლებსაც, სვანებსაც და კახელებსაც, კრემლის იმპერიის მსგავსად საქართველოს იმპერიად გადაქცევის ბოლომდე იდეას რომ შეუწყურია... ჩემი მხრივ, მზად ვარ თქვენს რიგებში ჩავდგე უბრალო მებრძოლად, თუ ამის ნებას მომცემთ და უზენაესის ნებაც იქნება“...

ახლა მითხარით, რა ვუნოდო ამის დამწერს?

— თქვენ გამორიცხავთ, ბატონო თამაზ, რომ ეს ტექსტი ნაყალბევი შეიძლება იყოს?

— საერთოდ, არა, მაგრამ — ამ შემთხვევაში გამსახურდიას სიტყვა და

საქმე ერთია, რაც, სხვათა შორის, საკმაოდ იშვიათი ხდებოდა. თანაც ექსპრეზიდენტის აფხაზურ ენაზე გამოსვლა გაიხსენეთ, გაიხსენეთ, რას ბრძანებდა ზვიადის იდეოლოგიური რუპორი მარჯანიშვილი, ვითომცდა აბსურდამდე რომ მიეყვანა საქართველოს გაეროში მიღება — იქ იმერეთი, კახეთი, სამეგრელო ცალ-ცალკე უნდა განეერიანდესო... მოკლედ, ვისაც ნაადრევი სკლეროზი არ შეჰყვია ან თავს არ ისკლეროზიანებს, იგი ვერ დაგეთანხმებათ, რომ „ზვიადისტი“ მამულის ზეარაკი მოვიაზროთ.

— მაგრამ, დაუშვათ, ენაში დამკვიდრდა „ზვიადისტის“ ამგვარი გაგება, მაშინ?

— მაშინ აღმოჩნდება, რომ თვითონ ზვიადი არ ყოფილა ზვიადისტი... სხვათა შორის, ეს მთლად უჩვეულო ან შეუძლებელი არც უნდა იყოს; შეგახსენებთ, ნოე ყორდანიასა და ფილიპე მახარაძისნაირი მარქსისტების შემყურე, ილიას ვარაუდით, თვითონ მარქსი გაემიჯნებოდა მარქსისტებს.

— ისე, ზვიად გამსახურდიას რომ ახლა „ნამოახედა“ და ანახა, რა ხალხი იჩემებს ზვიადისტობას, მსგავსი რამ, ალბათ, მასაც შეეძლო ეთქვა... თქვენც ხომ წერდით, ბატონო თამაზ, რომ გამსახურდიას თანამებრძოლობას ახლა ის ხალხიც იჩემებს, ვისზედაც ზვიადი მეუბნებოდა — მოერიდეთ, „კაგებესთანა“ შეკრულიო?

— დიახ, და იმასაც გავიმეორებ, რომ უღირს საქციელად მიმჩნია კაცი საფლავშიაც არ მოასვენო საარჩევნო ხმების ჩამოსამათხოვრებლად, მით უფრო, როცა მის საიქიოს გასტუმრებაში წვლილი შენც მიგიძღვის... გამკვირვებია იმ ხალხისა, ვინც ყოველდღე თბილისის ზღვაზე არბოდა, კიტოვანსა და სიგუას უმტკიცებდა, ავადმყოფ გამსახურდიას ერთადერთი ნამალი თუ უშველის — შუბლში ტყვიას — და დღეს კი ნიანგის ცრემლებს აღვარღვარებენ, ეს რა ეროვნული პრეზიდენტი გაგვიქციეს ამ კრიმინალებმაო.

— მოსკოვისა რა მოგახსენოთ, მაგრამ მანანა არჩვადეს კი ნამდვილად არ სჯერა ცრემლებისა...

— ფარისეველთა ცრემლის რომ არ სჯერა, ამაში ცამდე მართალია. მართალია იმაშიც, რომ ზვიადისა და თავის საქმეს ერთმანეთისგან არ მიჯნავს... არადა, ახლა ფარისეველთა ერთი ნაწილისათვის ერთგვარ მოდად იქცა მტკიცება, რომ ზვიადი წმინდანია, მანანა კი — სატანა. სულ ამაოდ ცდილობენ გაუთიშავის გათიშვას, არსებითში, თუნდაც მიზნის მისაღწევად ბრძოლის ხერხებსა და მეთოდებში, ისინი ერთნაირები არიან... აქ, რომ იტყვიან, ფერი ფერსა, მადლი ღმერთსა...

— ყურებს ვერ ვუჯერებ, ბატონო თამაზ, თქვენ და — მანანა არჩვადისთვის მხარდაჭერა?

— მე მოვლენათა ლოგიკას ვუჭერ მხარს... ისე, ის „ზვიადისტები“, ვინც მანანა არჩვადეს ზვიადისთვის შეუფერებელ მეუღლედ მიიჩნევენ, თვითონ გამსახურდიას აგდებენ მძიმე დღეში: რა გამოდის, ვინც მისი შესარჩევი

იყო — თანამებრძოლ-მეუღლეების ჩათვლით — ვერ შეურჩევია და აბა, დედ-მამისა და დების შერჩევას მას არავინ ეკითხებოდა! ვფიქრობ, გამსახურდიას ვითომცდა დასაცავი ფორმულა — ცოლმა, ცოლისდამ და გარემოცვამ დალუპესო — დიდი ვერაფერიშვილი არგუმენტია მის სასარგებლოდ: ცოლის კალთას გამობმულ კაცს ქვეყანას კი არა, ორ ბატს არ ანდობს ქართველი; არც — სხვათა დუღუკზე დამოკლებულსა და სხვის ჭკუაზე მოსიარულეს. ისე, მტერი არ უზამდა, რაც ზვიადისტიებმა ურთიერთქიშპობით საკუთარ თავს დამართეს. შესაბამისად, სიტყვა „ზვიადისტიაც“ ახლა უარყოფითი ემოციური შეფერილობა აქვს; დაუკვირდეთ, რა გაგებით იხმარება დღეს „ზვიადისტი“? მაგალითად, თქვენ თანახმა იქნებოდით, ნამდვილი ზვიადისტი ბრძანდებოდა-მეთქი, ასე რომ შემეფასებინეთ?

— თქვენგან — არა, იმიტომ, რომ ვიცე, რა აზრსაც დებთ ამ ტერმინში...

— ბატონმა ვახტანგ ბოჭორიშვილმა რომ გინოღოთ?

— მიჭირს, ბატონო თამაზ, პასუხის გაცემა... უურნალისტები, ნესით, „არავისტებიც“ არ უნდა ვიყოთ; მე არც შევარდნაძისტად მიმაჩნია ჩემი თავი.

— აგაშენა ღმერთმა... უურნალისტები, პირველ ყოვლისა, „ფაქტისტები“ უნდა ვიყოთ... კორექტურას ყურადღება მიაქციეთ, თორემ, იეღოველად ხომ გამომიყვანეთ, ახლა ბაბტისტად გამომიყვანთ... ენა „თვითრჯულია“ და ახლა ეს მიმდევრობის აღმნიშვნელი „ისტ“ ლამის ყოველგვარ ყოფით კონფლიქტში ჩაბმული მხარეების სახელს მივანებოთ — ნაეკიდება, მაგალითად, სკოლის დირექტორი ვინმე რაჟდენი სასწავლო ნაწილ ციალას და სკოლაც უმაღ „რაჟდენისტებად“ და „ციალისტებად“ გაიყოფა... ახლახან, ვგონებ, თქვენს გაზეთში ნაფანყდი: ერთმა ავტორმა, თავის თავზე ამერიკელი ინდიელივით მესამე პირში რომ ლაპარაკობს, გვამცნო, რომ იგი „ზვიადისტი“ კი არა, თურმე „ნაყინისტი“ და „ლალიძის წყლისტი“ ყოფილა.

— დიახ, ჩვენ დავებჭდეთ, ოღონდ ქალბატონმა ნესტან კირთაძემ „ლალიძის წყლისტი“ კი არა, „ჩაისტი“ ვარო.

— ამ შემთხვევაში ვინ ვისი „წყლისტია“, ეს მე ნაკლებად მინტერესებს — თვითონ ენობრივი ფაქტია საგულისხმო: რიგით, ყოფით, ბანალურ პიროვნებებსა თუ საგნებზე „ისტ“ სუფიქსის მიწებება კომიკურს ხდის, ამარყებს სიტუაციას, რამდენადაც ეს „ისტ“, ჩვეულებრივ, ძალიან სერიოზული, ერთგვარად საშიში, ყოველ შემთხვევაში, მოსაკრძალელებელი ცნებების გამოსახატავად გამოიყენებოდა: „კომუნ-ისტ“, „ფაშ-ისტ“, „მარქს-ისტ“, „ტროცკ-ისტ“... ახლა კი გვეყვანან „არყისტები“, „ლუდისტები“, „ხინკლისტები“ და, საერთოდ, „კუჭისტები“. დღეს საქართველო არც ყვავილების და არც ლოზუნგების ქვეყანა აღარ არის — ლიდერების, უფრო ზუსტად, „ისტ“-ების ქვეყანაა, ამიტომ უკვე მომრავლდნენ შალვისტები, ვახტანგისტები, მანანისტები და, რა ვიცე, ვილას „ისტ“ აღარ... არადა, გულისგულში რომ ჩაეძიო, დღევანდელი ქართველი, სამწუხაროდ, „თავისთავისტი“ უფროა, ვიდრე „ვინმესტი“.

— ამით თქვენ გინდათ, „ზვიადისტი“ და „რაჟდენისტი“ ერთმანეთს გაუ-
თანაბროთ?

— აქ კერძო კაცის სურვილი მოსატანი არაა, აქ ენის „სურვილია“ საინ-
ტერესო, ქართულ სადღეისო მეტყველებაში კი „ზვიადისტა“ და „რაჟდე-
ნისტს“ განსხვავებული სოციალურ-ემოციური დატვირთვა აქვთ, ყოველ
შემთხვევაში, მანამდე, ვიდრე ეს მითიური „რაჟდენი“ იმასვე არ უზამს სა-
ქართველოს, რაც — ზვიადმა დაჰმართა...

— მაინც, რა დაჰმართა?

— ზოგის აზრით — იხსნა, ზოგის აზრით — დააქცია.

— თქვენი აზრით?

— ჩემი აზრით, მას საქართველო არც უხსნია და არც დაუქცევია, ვინაი-
დან ერთსაც და მეორესაც კოლოსალური ნიჭი სჭირდება...

— დამანგრეველის ნიჭიც აღარ გემეტებათ გამსახურდიასათვის?

— მე მიჭირს პოლიტიკური ანუ მართვის ნიჭის ორ — კონსტრუქციულ
და დესტრუქციულ — პოლუსად გადანაწილება, სულ მგონია, რომ ვისაც
შენება ხელენიფება, მას დანგრევაც შეუძლია, და — პირიქით.

— ბატონო თამაზ, ნუთუ გამსახურდიას არ ჰქონდა რაიმე, თუნდაც ორი-
სამი, თქვენი მოსაწონი საპრეზიდენტო თვისება?

— ცხადია, ჰქონდა და ამაზე ვნერდი კიდევ: პირველი — მიზანსწრაფუ-
ლობა, მეორე — ინტერესთა ფართო წრე... და მესამე, იქნებ, უმთავრესიც
— ენება წინამძღოლობისა, პირველობისა. სამივე ეს თვისება აუცილებე-
ლია ძლიერი პრეზიდენტისათვის... აუცილებელი, ოღონდ — არა საკმარი-
სი-მეთქი. გამსახურდიას ერთი ღირსებაც ჰქონდა — ფარისეველ-მედრო-
ვეების ლიქნი და პირფერობა მასზე არა ჭრიდა. ზეობის უამრავი როცა დაუდ-
გა, ეს ხალხი მასთან მიღებაზე რიგში ჩამწკრივდა, მაგრამ გამსახურდიამ
ისინი უკან გამოიბუნებურა... პრეზიდენტობა ლატარეა არ არის, რომ შემთ-
ხვევით მოიგო — გამსახურდია უეჭველად ფლობდა ცალკეულ პიროვნება-
სა თუ ხალხის მასაზე ძალუმი ზემოქმედების უნარს... საერთოდ, მიმაჩნია,
რომ მას ახასიათებდა ყველა ის ნაკლი, რომელიც აუცილებლად უნდა ჰქონ-
დეს პრეზიდენტს, მაგრამ აკლდა ის ღირსებანი, რომლებიც კიდევ უფრო
მიუცილებელია პრეზიდენტისთვის.

— ღირსებები — გასაგებია, მაგრამ ნუთუ ნაკლიც აუცილებელია პრეზი-
დენტობისათვის?

— თქვენ წარმოიდგინეთ, აუცილებელია. პრეზიდენტი, ჩემი აზრით, შე-
უძლებელია არ იყოს, მაგალითად, დაუნდობელი. არ ვამბობ, მოლაღატის,
დამნაშავეის, ყაჩაღის მიმართ — ეს თავისთავად იგულისხმება... მე ხასია-
თის ზოგად თვისებას ვგულისხმობ, რომელიც მტკივნეული გადანყვები-
ლების უყოყმანოსა და მეყსეულ აღსრულებაში ვლინდება. გამსახურდია
დაუნდობელი გახლდათ...

— შევარდნაძე?

— შევარდნაძეც... იყო, ყოველ შემთხვევაში. მაგრამ გამსახურდიას, ჩემი აზრით, დაუნდობლობის საპირისპირო თვისება — შემწყნარებლობა — აკლდა, მას დანდობის, დიდსულოვნების, მიტევების უნარი არ ჰქონდა, შევარდნაძეს კი აქვს. აქვს და მაშინაც ჰქონდა, როცა ყველაზე დაუნდობელი ნაბიჯების გადადგმა უნებდა. გამსახურდია კი, ჩემი აზრით, „ცალფად“ ნაქსოვი კაცი იყო...

— თვითონაც „ცალფად ნაქსოვი“ კაცი ხომ არ ბრძანდებით, ბატონო თამაზ, როცა ასე შეურიგებელი ხართ ზვიადისა და ზვიადისტების მიმართ? ხომ არ უპირისპირდება ამ შემთხვევაში თქვენი პოზიცია პრეზიდენტისას, რომელიც საკადრის პატივს მიაგებს გამსახურდიას ღვანლს ეროვნულ-განმათავისუფლებელ მოძრაობაში და ზვიადისტებთან შერიგების მომხრეა?

— პრეზიდენტმა რომ გამსახურდიას ეროვნულ მოძრაობაში განეული შრომა სათანადოდ დაუფასა და „დაივინა“ ზვიადის მიერ არა მარტო ეროვნული მოძრაობისათვის მიყენებული ზიანი, არამედ პირადად მისდამი გამოვლენილი უსამართლობანიც, ეს სწორედ ჩემს ნათქვამს ადასტურებს — პრეზიდენტი ისტორიის წინაშე მისხალ დამსახურებასაც კი არავის უკარგავს. მას არა მარტო უნდა ახსოვდეს ყველაფერი, არამედ სათანადო ვითარებაში კიდევ უნდა „ივინებდეს“ ზოგიერთ რასმე. გამსახურდიას კი უცნაური მახსოვრობა ჰქონდა: წყენას მცირეოდენსაც არ ივინებდა, სიკეთე დიდიც არ ახსოვდა. რაც შეეხება ეროვნულ შერიგებასთან ჩემს დამოკიდებულებას, ჩემი აზრით, იმდენად მნიშვნელოვანი ის კი არ არის, ვინ ვის ურიგდება, არამედ — ვინ რას ურიგდება. ჩვენ თუ შევძელით ჩვენგან განსხვავებული აზრის ატანა, ჩავთვალთ, რომ შეთანხმება-შერიგების გზაზე პირველი და უძნელესი ნაბიჯი გადაგვიდგამს. მაგრამ შერიგება მოვლენასთან, რომელიც თავისი არსით არის შეურიგებელი — ამაოა: არ შეიძლება შერიგება შეურიგებლობასთან. შევარდნაძემ იმთავითვე სტრატეგიული კურსი პოლიტიკურ მონინალმდეგეთა — პირველ ყოვლისა კი, ზვიადისტების — შემორიგებისკენ წარმართა...

— კი მაგრამ, მისი ცნობილი განცხადება, თვითმფრინავის ტრაპზე გაკეთებული, რომ იგი მიესალმება ინტელიგენციას, რომელმაც იარაღით დაამხო გამსახურდიას ხელისუფლება?

— რახან იმ გამონათქვამს მარტო უბირი კი არა, ინტელექტუალი ზვიადისტებიც ავად ნამოაძახებენ ხოლმე პრეზიდენტს, მოდით, ციტირების სიზუსტე დაეიცვათ. შევარდნაძემ კი ჩამოფრენისას სახელდახელო მიტინგზე მისულ ხალხს, რომელთა შორის ბევრი იყო გამსახურდიას მონინალმდეგე ინტელიგენციის წარმომადგენლები, ასე მიმართა: „მე მიესალმები ინტელიგენციას, რომელმაც დიქტატურის წინააღმდეგ ხელში იარაღი აიღო“... ვინც მიუკერძოებლად განიხილავს იმ მოვლენებს, რაც ამ მისალმებას უძლოდა წინ, იგი დამეთანხმება, რომ შევარდნაძემ არა მარტო იმ კონკრეტულ-

ლი სიტუაციის, კონიუნქტურის შესაფერისი სიტყვები მონახა, არამედ ზოგადად მოვლენას მოუძებნა არსებითად და პრინციპულად სწორი ფორმულირება.

— ესე იგი, თქვენც მხარს უჭერთ ხელისუფლების იარაღით დამხობას?

— მე მხარს ვუჭერ დიქტატურის დამხობას... ყოველგვარი დიქტატურისას და ყოველგვარი იარაღით, მათ შორის ჩემი პირადი „სატაბელო“ იარაღითაც: კალმით...

— მარტო კალმით ბრძოლა რუსთაველს არ დაგვინგრევდა... რა ვიცი, პროლეტარიატის დიქტატურას კი გუნდრუკს ვუკმევდით ლამის მთელ საუკუნეს.

— ზუსტად ისევე, როგორც გარკვეული ყაიდისა და განწყობილების ხალხი გამსახურდიას არა მარტო უკმევდა, ახლაც უკმევს გუნდრუკს. ის, რომ დიქტატურას არა მარტო ეგუებიან, არამედ მიელტვიან კიდევ, არ გამოდგება იმის არგუმენტად, რომ მოვითმინოთ და შევიწყნაროთ დიქტატურა. მთავარი კი ისაა, რომ დიქტატურა — ქონებრივ პროლეტართა იქნება იგი თუ გონებრივ პროლეტართა — დასამხობია და დაემხოა კიდევ: ზოგჯერ 70 წლის თავზე, ზოგჯერ — 70 კვირის თავზე.

— დემოკრატიის დიქტატურაც?

— თუ ამ გამოთქმას ხატოვნად, გადატანითი მნიშვნელობით არ ხმარობთ, მაშინ იგი დაახლოებით ისეთივე შინაარსისაა, როგორიც — „სველი ცეცხლი“.

— მაშინ კითხვას უფრო დაგიკონკრეტებთ: დიქტატურის ნიშნები რომ შეატყოთ, ახლანდელი პრეზიდენტის წინააღმდეგ თუ აიღებთ იარაღს?

— „ვატყობ-ვერ ვატყობ“ სუბიექტური მიდგომაა. გამსახურდიას მმართველობა დიქტატურის საშიშროებიდან დიქტატურის ფაქტად იქცა. თუ ასეთი რამ შევარდნაძის მმართველობას დაემართება, მის წინააღმდეგაც იმავე იარაღით ვიბრძოლებ, რითაც გამსახურდიას ვებრძოდი; და ამის უფლება მარტო კერძო კაცებს კი არ გვექნება, არამედ მთელ ხალხსაც, რამდენადაც ადამიანის უფლებათა საერთაშორისო დეკლარაციით სწორედ ხელისუფლებას ეკისრება პასუხისმგებლობა, რათა ხალხი (ხაზს ვუსვამ — ხალხი) ამბოხებამდე არ მიიყვანოს.

— მაშასადამე, თქვენ 91-92 წლების მოვლენებს სახალხო ამბოხებად მიიჩნევთ?

— მამ რად მივიჩნიო, სამხედრო გადატრიალებად?

— ყოველ შემთხვევაში, ზვიადისტთა ერთ ნაწილს, ალბათ, ტყუილად არ უხარია, პარლამენტი ვაიძულეთ დეკემბერ-იანვრის მოვლენებს შეფასება მისცესო. მათ, ცხადია, ეიმედებათ, რომ პარლამენტი ამ მოვლენებს სამხედრო-კრიმინალურ გადატრიალებად დააკვალიფიცირებს.

— მითქვამს და გავიმეორებ — თუ უწყვეტ მრავალათასიან მიტინგებსა და

მანიფესტაციებს, თუ უნივერსიტეტისა და ტელევიზიის მკდომარე აქციებს, თუ პოლიტიკურ პარტიათა აბსოლუტური უმრავლესობის დაპირისპირებას, თუ ახალგაზრდობის, სტუდენტობის გაფიცვებსა და შიმშილობებს, თუ პარლამენტის ბუნტს, თუ ინტელიგენციის განდგომას, თუ მასობრივ პროტესტს საზოგადოების ყველა ფენისას, თუ გვარდიის ამბოხს, თუ სამართალდამცავების რეჟიმთან კონფრონტაციას, თუ მშვიდობიანი მოსახლეობის იარაღით ხელში გამოსვლას, თუ ამას ყველაფერს, ერთად აღებულს — არა, მაშინ რას ვეძახით სახალხო აჯანყებას? არც „უაკერიის“ ეპოქაა, რომ ხალხი ფინლებით და ნაჯახებით გამოსულიყო ქუჩებში — თუმცა „რომანტიკოსი“ პეტრიაშვილი ბუნკერის ტელევიზიიდან კი მოუწოდებდა მოსახლეობას, სხვა იარაღი თუ არ გექნათ, ჯავყით მაინც გამოცხადდით პრეზიდენტის დასაცავადო. თან ის თუ სადმე გაგიგონიათ, რომ სახელმწიფო გადატრიალება ოთხთვენახევარს გრძელდებოდეს, მათ შორის — ბოლო სამი კვირა საომარი ოპერაციები მიმდინარეობდეს ტექნიკის გამოყენებით? ეს იყო სამოქალაქო ანუ შინაომის დასაწყისი, რაც შემდგომმა მოვლენებმაც დაადასტურა. ამიტომაც დაველოდოთ, რა დასკვნას გამოიტანს ნეიტრალური კომისია... თუმცა მიმაჩნია, ყოველგვარ კომისიაზე უფრო პირუთენელმა მსაჯულმა უკვე გამოიტანა თავისი ვერდიქტი და ყველას თავისი მსჯავრი დასდო.

— ისტორიას გულისხმობს?

— არა, დღევანდელ სინამდვილეს, ფაქტებს, რეალობას... ისტორიას კი გარკვეული დრო სჭირდება, დისტანცია, რომ ყველაფერს თავისი სახელი დაარქვას.

— და ისტორიამ რომ დაგვმით შინაომის მონაწილენი, განურჩევლად იმისა, ბარიკადის რომელ მხარეს იდევით?

— სოლონის ცნობილ კანონს შეგახსენებთ: ათენიდან გაძევებით ანუ მოკვეთით ისჯებოდა ის მოქალაქე, ვინც სამოქალაქო ომის დროს ბრძოლაში არ ჩაერეოდა... ერთი შეხედვით, უცნაური კანონია, თითქოს — უსამართლოც, მაგრამ, მიმაჩნია, ესაა ჭეშმარიტად „მართალი სამართალი“.

— ახლა ბევრს მოაქვს თავი, დეკემბერ-იანვრის მოვლენებში არ ჩაერეულეარო...

— ჩირგვებში ვიჯექი, სეირს ვუყურებდი და მერე ნაალაფარის მოსაბოჭად გამოვედი ბრძოლის ასპარეზზეო, ამითაც ხომ არ იწონებენ თავს? არავის ეგონოს, სამოქალაქო ანუ შინაომის მომხრე ვიყო მე ან, მით უმეტეს, სოლონი, ათენის დიდი სჯულმდებელი. მაგრამ საზოგადოებას დაუდგება ხოლმე უამი, როცა ყოველი მოქალაქის ზნეობრივი მოვალეობაა დადგეს ბარიკადის რომელიმე მხარეს... ეს ბარიკადი ზოგჯერ უხილავია, რამდენადაც ჩვენს სულშია აღმართული: იქ შენი ადგილის მონახვა ზოგჯერ უფრო ძნელია და, თუ ხორციისათვის არა, სულისათვის არანაკლებ სახიფათოც, ვიდრე — რეალურ ბარიკადზე.

— ბატონო თამაზ, თქვენ ზვიად გამსახურდიას სწერდით — საჯარო გამოსვლებისას მე, შენგან განსხვავებით, არდამსწრეზე ან კარგს ვამბობ, ან — არაფერსო. ამ „არდამსწრეში“ მკედარიც თუ იგულისხმებოდა?

— გააჩნია მკედარს. მოგვწონს, არ მოგვწონს — გამსახურდია საქართველოს ისტორიის კუთვნილებაა, იმ მარადიული დრამის ავბედითი პერსონაჟი, „ქართლის ცხოვრება“ რომ ჰქვია. ასე რომ არ ყოფილიყო, მასზე კრიტიკაც არ დაეძრავდი. მეც მომწონს რომაელთა პრინციპი — „მკედარზე ან კარგი, ან — არაფერი“, მაგრამ უფრო მომწონს მათივე გამოთქმა — „მკედრებზე — მხოლოდ სიმართლე“ — და აქ, პირველ ყოვლისა, სწორედ ისტორიის პერსონაჟები იგულისხმებიან. თვითონ რომაელებს მხოლოდ პირველი შეგონებით რომ ეხელმძღვანელათ, არც ტაციტუსი ეყოლებოდათ, არც პლუტარქე, არც სვეტონიუსი და მათი მატრიანეებიც ჩვენებურ სასაფლაოს დაემსგავსებოდა, სადაც ან დუმილი სუფევს, ან მიცვალებულის ხოტბა-შესანდობარი გაისმის.

— ბატონო თამაზ, თქვენ იმდენად ერთგული ჩანხართ პრეზიდენტისა, რომ მან თქვენ მიმართ პოლიტიკური ინტერესი, შესაძლოა, დაკარგოს კიდევ — ჩვენში ხომ ანგარიშს „გადამრბენ-გადმომრბენებს“ უწევენ, რაც საარჩევნო სიებშიც აისახება.

— რას იზამ, ერთგულება დასჯადია... ვხუმრობ, ცხადია... რაც შეეხება არჩევნებს... პლუტარქეს ერთი ისტორიული ანეკდოტი მიყვარს: სპარტელი ფედერატე სამასთა საბჭოს არჩევნებიდან შინ გახარებული დაბრუნებულა. აგიჩივოსო, ჰკითხა მეუღლემ. არაო, უპასუხა. აბა, რა გიხარიაო, გაჰკვირვებია ქალს. როგორ არ უნდა მიხაროდეს, სპარტას სამასი ჩემზე ერთგული მოქალაქე ჰყოლიაო.

მე ამას მარტო სხვათა საგულისხმოდ როდი ვქადაგებდი ეკრანიდან — საკუთარ თავსაც ვმოძღვრავდი... მართლაცდა, რა აჯობებს, თუ პრეზიდენტი 235 ჩემზე გამოსადეგ კაცს შეარჩევს საქართველოს პარლამენტისთვის...

ესაუბრა გიორგი კვიციანი, „ლიტერატურული საქართველო“, 10.9.1999

სწორება თამაზისა

პასუხი კითხვებზე — ხართ თუ არა აზარტული, როგორ თამაშობთ ნარდს, ჭადრაკსა და კარტს, ვითამაშობთ თუ არა ფულზე, რა საერთოს ხედავთ თამაშსა და პოლიტიკას შორის?

— ჭადრაკისა და ნარდის კარგი მოთამაშე ანუ მომღერალი გახლავართ; „მომღერალი“, ძველი გაგებით მოგახსენებთ — რადგან ნარდსა და ჭად-

რაკზე უნინ „თამაშის“ ნაცვლად „მღერას“ იტყოდნენ; თამაშსა და ცეკვა-სიმღერას შორის რომ ღრმა კავშირია, ამას ისიც ადასტურებს, რომ, თავის მხრივ სიტყვა „თამაში“ ცეკვაზეც იხმარებოდა, მაგალითად, „ეს ბიჭი კარგად თამაშობს, თითის წვერებზე დგებაო“. როგორც ყველა აზარტული ადამიანი, მტკივნეულად განვიცდი ნაგებას, თუმცა აკაკის „ჩემი თავგადასაელიდან“ კარგად მახსოვს ჭადრაკთან დაკავშირებული ეპიზოდი, როდესაც აკაკის მამა ფუხუიანი მეტოქის დასაწყნარებლად ჭკუის სასწავლებელ შეგონებას გვიტოვებს — ნარდს, ჭადრაკს და სხვა სათამაშოებს ქართველები გასართობად ვიყენებთ და არა სანყენად, გულის მოსაყვანადო... რახან აზარტული ვარ, ამიტომ ვერიდები აზარტულ თამაშებს, უფრო სწორად, ფულზე თამაშს. სტუდენტობისას, სტიპენდიას რომ ავიღებდით, ფულზე მითამაშოა პოკერი, მაგრამ იმ თანხის გახსენება ახლა სასაცილოც კია: მოგეხსენებათ საბჭოთა პერიოდის ჯიბევაფხეკილი სტუდენტის სტიპენდიის ამბავი... მას მერე ფულზე თამაშს აღარ გავუტაცავარ.

არანაირი თამაში არ გამოვა, თუ მონინაალმდევს პატივი არ ეცი, თუნდაც — სუსტს. ჩემთვის წარმოუდგენელია, მას რაიმე დამამცირებელი ვაკადრო, თუმცა ხუმრობა თამაშის პროცესში ასატანი და ბუნებრივიცაა. ნარდს იშვიათად ვთამაშობ, ძირითადი გატაცება ჭადრაკია, რომლისთვისაც, სამწუხაროდ თუ საბედნიეროდ, ბოლო წლებში ველარ ვიცლი. ჭადრაკმა უცნაური გატაცება იცის — შეიძლება ცხოვრების დიდი ნაწილი წაგართვას. მახსენდება ლაიბნიცის სიტყვები: „ჭადრაკი თამაშისთვის მეტისმეტად მეცნიერებაა, მაგრამ მეცნიერებისთვის — მეტისმეტად თამაში“.

პოლიტიკა გარკვეულწილად ცხოვრებაა, ხოლო ყოველი თამაში, მათ შორის ჭადრაკიც, ნარდიც — ცხოვრების ერთგვარი მოდელი. ქართველი ამბობს, „ნარდი ბედია, ჭადრაკი — ჭკუა“; ნარდი მარტო ბედი არ არის, მაგრამ მეც ცხოვრების უფრო ადეკვატური და სამართლიანი მოდელი ჭადრაკი მგონია, თუმცა ნარდიც მოდელია. არ იქნებოდა ურიგო, ცხოვრებისთვის ზოგჯერ ისე შეგვეხედა, როგორც თამაშისთვის, ხოლო თამაშის მიმართ ისეთივე სერიოზული დამოკიდებულება გვქონოდა, როგორიც ცხოვრებისადმი.

„სარკე“, N 35, 1999

პაეპანი „ნატოზა“

თამაზ კვაჭანტირაძე ქვებს აგროვებს

— ბოლო ხანს პრესის ფურცლებზე და ტელეეკრანზე აღარ ჩანხართ, ბატონო თამაზ... ის დრო ხომ არ დაგვიდგა, როცა ჩრდილში ყოფნა უფრო უხიფათოა?

— რამეს ან ვინმეს უფროთხისო, ამგვარი ეჭვის საფუძველი ჯერჯერობით არავისთვის მიმიცია... ისე, დუმილი ზოგჯერ უფრო მეტყველია, ვიდრე ყვირილი. აკი, ბრძანებდა პოეტი: „დუმილი რეკავს“. კაცმა რომ თქვას, არც ვლდუმეარ. მართალია, ტელეეკრანიდან კვირაობით ძველებურად აღარ გექადაგებით და არც ინტერვიუებს ვარიგებ მარჯვნივ და მარცხნივ, მაგრამ საჭირობოროტო საკითხებზე შიგადაშიგ კალამს მეც ვაცოდვილებ. მინისტრობისას ამას თავი ვერ მოვაბი, ახლახან კი ორი წიგნი მოვამზადე დასაბეჭდად: ერთი — დამხმარე სახელმძღვანელო სიტყვიერების მასწავლებელთათვის, მეორე — უბლიცისტურ-კრიტიკული ნერილების კრებული.

— და მაინც, ვშიშობ, საზოგადოებრივი პასიურობა ამ გაგანია პოლიტიკილიში ერთგვარ „დეზერტირობად“ არ ჩამოგერთვათ.

— მუდმივად ჩემმა მტერმა იაქტიურა. ბიბლიური შეგონებაა — არის ჟამი ქვების შეგროვებისა და არის ჟამი ქვების სროლისა. ჩასუნთქვას ამოსუნთქვა უნდა მოსდევდეს, სულ ჩასუნთქულად პოდიუმზე იბრიქებიან კულტურისტები... ისე, ვინც მუდმივად ქვებს ისვრის, ქართულად მას ქვასროლია ანუ გიჟი პქვია.

— თუ სწორად გაგიგეთ, პირადად თქვენ „ქვების შეგროვების“ ჟამი დაგდგომიათ, მაგრამ ხალხს?

— მტრისას, თუ ხალხმა ქვების სროლა დაიწყო. ამას პირდაპირი აზრით მოგახსენებთ, თორემ ბიბლიური მეტაფორით ამ „ქვებში“ ფიზიკურთან ერთად სულიერი იარაღიც მოიაზრება.

— კერძოდ?

— ცოდნა, გამოცდილება, ხერხი... მართალია, მათი „შეგროვება“ მარადიული პროცესია, მაგრამ ცხოვრებაში დგება ხოლმე ჟამი, რომელიც მოითხოვს ამ „იარაღის“ უყოყმანოდ ამოქმედებას ანუ „ქვების სროლას“. ეს კი არცთუ იშვიათად რეალურ „ქვების სროლაში“ ანუ ფიზიკურ შეტაკებაში გადაიზრდება ხოლმე.

ხონჩით არაფერი მოგვეერთმევა

— ასეც მოხდა ამ ათიოდე წლის წინ, ბატონო თამაზ, როცა ამ თქვენი, წლობით ნაგროვები, „სულიერი იარაღის“ უყოყმანო ამოქმედებას, სამწუხაროდ, ბანი „კალამნიკოვმა“ მისცა.

— მეც თქვენსავით გული მტკივა 1991-92 წლების დეკემბერ-იანვრის მოვლენების გახსენებისას, მაგრამ ეს მაინც ერთი ტრაგიკული ეტაპია იმ ურთულესი პროცესისა, დამოუკიდებელი, ეროვნული სახელმწიფოს აღმშენებლობა რომ პქვია. ეს კი ხონჩით არ მოგვეერთმევა...

— გეთანხმებით, ბატონო თამაზ, მაგრამ განა აღმშენებლობისას აუცილებელი იყო ზურაბივით ცოცხლად ჩაგვეყოლებინა კედელში ჩვენი ტრა-

დიციული თანაცხოვრების წესი — მეგობრობა, ნათესაობა, ურთიერთმეწყნარებლობა?

— ეს აუცილებლობა კი არა, დიდი ცოდვა გახლდათ. ისე, თუ თანაცხოვრების ჩვენი წესისა და ჩვევების გამეტებაზე მიდგებოდა საქმე, ჯობდა სახელმწიფოებრიობის კედელში ქართული სილალე და შემწყნარებლობა კი არა, ჩვენი გულარხეინობა და ყვარყვარეობა ჩაგვეტანებინა. მაშინ იმ სისხლს იქნებ გამართლებაც ჰქონოდა.

— თქვენც ხშირად გვიმეორებდით, ბატონო თამაზ, ეკრანიდან აკაკის სიტყვებს — სამამულო ხეს ფესვების გასამაგრებლად მისი შვილების სისხლი სჭირდებაო...

— ახლაც გაგიმეორებთ, მაგრამ აკაკი მტერთან ბრძოლაში დაღვრილ სისხლს გულისხმობდა და არა თანამოძმეთა ჭიდილ-ქიშპობაში. საუბედუროდ, ქართველს საზოგადო მტერზე მეტად პირადი მტრის სისხლი სწყურია, მისი პირადი მტერი კი, ჩვეულებრივ, ისევე ქართველია.

საიდან ამოდის მზე?

— ბატონო თამაზ, თქვენთვის მზე რომელი მხრიდან ამოდის?

— ვინც მზე ჩრდილოეთიდან ამოგვიყვანა, მან ამ მეტაფორით დრო-ჟამის კვალობაზე მზის დასავლეთიდან ამოყვანის შესაძლებლობაც დაუშვა... ხაზს ვუსვამ — დრო-ჟამის კვალობაზე... ისე, მზე ზოგჯერ კერძო პირების სახლებიდანაც ამოუყვანიათ.

— გორის ციხესთან მდგომი ქოხიდან?

— მარტო იქიდან არა — კოლხური კოშკიდანაც... წელან მოგახსენეთ — პოლიტიკური ორიენტაცია ძირითადად დრო-ჟამზეა დამოკიდებული-მეთქი. ბევრად უფრო მდგრადია კულტურული ორიენტაცია, ამ მხრივ კი მზე საქართველოსთვის ისტორიულად მუდამ დასავლეთიდან ამოდიოდა. სახელმწიფოებრივი ჰარმონია მაშინ დამყარდება, როცა ჩვენი კულტურული და პოლიტიკური ორიენტაციები ერთმანეთს დაემთხვევა. ასე იყო, მაგალითად, დავით-თამარის ეპოქაში; აქეთკენ მივიღვართ ახლაც... ამასაც დაეძენდი, რომ ჩრდილოეთი ანუ რუსეთი, კულტურის თვალსაზრისით, ევროპულ-ქრისტიანული ოჯახის წევრია და ამ მხრივ პროდასავლური ორიენტაცია პრორუსულთან წინაღმდეგობრივი ვერ იქნება.

— კულტურის თვალსაზრისით — გეთანხმებით, მაგრამ — პოლიტიკის?

— დღესდღეობით პრორუსული პოლიტიკური ორიენტაცია პროდასავლურს დიამეტრალურად უპირისპირდება, უფრო მეტიც — ეჯახება. მაგრამ თუ რუსეთმაც რეალურად აიღო კურსი დასავლეთისკენ, ჩემი აზრით, თვითონ რუსეთსაც ეშველება... და, კაცმა რომ თქვას, მთელ მსოფლიოსაც, დროებით მაინც.

— ახლა ჩვენში ერთგვარ მოდად იქცა დეკლარირება: არც პროამერიკული, არც პრორუსული, მე პროქართული ორიენტაციისა ვარო.

— ეგ მამაცხოვნებულები ამას ისე გაიძახიან, თითქოს თავად ჩეჩნეთში ან ტრაბზონში ცხოვრობდნენ. როცა საქართველოს გარეთ გვიდასტურებს ვინმე თავის პროქართულ ორიენტაციას, ფასი ამას ედება, თორემ აქაურების პროქართველობა ან იზოლაციონიზმზე აფარებული ლეღვის ფოთოლი მგონია, ან სიტყვიტ „ჭახრაკობა“: აქაოდა, მხოლოდ ჩვენ ვემსახურებით საქართველოს ინტერესებს, ყველა დანარჩენი კი იმ ქვეყნებისას, რომელთა პრო-საც წარმოადგენენო. იზოლაციონიზმი დამლუპველია, მას ჩვენი ბუნება ვერ იგუებს და, კაცმა რომ თქვას, „მე ვარ და ჩემი ნაბადიო“, ამ პოლიტიკას ევრაზიის ხიდზე გადაბულ ქვეყანას არც არავინ გაგვატარებინებს. რაც შეეხება პრეტენზიას საქართველოს ინტერესთა დაცვის მონოპოლიაზე, უნდა ითქვას, რომ ნებისმიერ ორიენტაციას საქართველო ყოველთვის პოლიტიკური თვითდამკვიდრებისთვის ირჩევდა და არა პოლიტიკური თვითმკვლელობისათვის. მიზანი, ყოველ შემთხვევაში, ეს იყო, სხვა საქმე გახლავთ, რამდენად სწორად ვირჩევდით ან ვირჩევთ პოლიტიკურ ორიენტაციას.

რეიგანს დაავინყდა, ამერიკას — ახსოვს

— მაგრამ რუსეთსა და ამერიკას განა საკუთარი ინტერესები არ ამოძრავებთ?

— ცხადია, ამოძრავებთ, მაგრამ — განსხვავებული. ჩვენი „რუსეთუმეები“ თავგამოდებით გვიმტკიცებენ, ამერიკაც ისევე უპირებს საქართველოს „ჩაყლაპვას“, როგორც სპარსეთი და თურქეთი გვიპირებდნენო. როგორც რუსეთი გვიპირებდა ან გვიპირებსო, ამის თქმას ერიდებიან. არადა, სწორედ ამერიკას არ სჭირდება საქართველოს სახით კავკასიაში 52-ე შტატის შემომატება. ამერიკა მარტო ბიზნესში კი არა, პირველ ყოვლისა, პოლიტიკაში იჩენს პრაგმატიზმს და, თუნდაც რუსეთის მაგალითზე, ხედავს: სხვათა ტერიტორიების, ქვეყნებისა და ხალხის ჩამყლაპველი პირი ისტორიაში ბევრი ყოფილა, მაგრამ მათი მომწივლებელი კუჭი — არა. სწორედ ამ „მუცლისგვერემას“ გადაწყვილიან რომის, ბიზანტიის, ოტომანთა და აგერ, ჩვენს თვალწინ, საბჭოეთის ანუ რუსეთის იმპერიები. ამერიკამ, ჩემი აზრით, სხვათა მაგალითზე გაითავისა ის, რაც ქართველებმა მე-12 საუკუნიდან ვიცოდით: „რასაცა გასცემ შენია, რაც არა — დაკარგულია“. ვგონებ, მეც აბონ ციციაშვილის ჰანგზე ავმღერდი, მაგრამ — ამერიკას ახსოვს შოთას ეს აფორიზმი: თუნდაც პანამის არხის ტერიტორიაზე ნებაყოფლობით ხელის ალება გვიდასტურებს ამას.

— თქვენ, ბატონო თამაზ, თავგადაკლული პროამერიკელი ბრძანებულხართ, უფრო მეტიც — ანტირუსეთელიც.

— მე მაინც იმედი მაქვს, რომ გეოსტრატეგიული ფაქტორები რუსეთს

თავის პოლიტიკურ მოკავშირეებს უფრო ევროატლანტიკურ სივრცეში მოაძებნიან, ვიდრე ჩინეთსა და მუსლიმანურ სამყაროში. თუ შედგა რუსეთ-საქართველოს პაემანი „ნატოზე“, ყველას გული საგულეს გვექნება. ვინც რუსეთის კულტურას, მის ლიტერატურას იცნობს, ბოლოს და ბოლოს, რუსულ ენას ფლობს — ასეთი კი ლამის მთელი საქართველოა — ის ანტირუსეთელი ვერ იქნება კულტურის პოზიციიდან. პოლიტიკური ანტირუსეთელობისაკენ კი თვითონ რუსეთის „ველიკოდერჟაველი“ პოლიტიკა უბიძგებდა და, სამწუხაროდ, ახლაც უბიძგებს საქართველოს.

— პრეზიდენტს იმედი აქვს, რომ პუტინის რუსეთთან საერთო ენა გამოინახება...

— იმედის დაკარგვა პოლიტიკაში ყველაფრის დაკარგვაა, თუმცა, პირველ ყოვლისა, პრეზიდენტმა იცის, რომ ყველაფერი ერთ კაცზე არ გახლავთ დამოკიდებული, მით უფრო, რომ ამ კაცის — ჩავთვალოთ, გაპრეზიდენტებულის — პოლიტიკური ორიენტაცია ჯერ კიდევ ნათლად არ გამოკვეთილა. ისე არ გამოვიდეს, ვაის გაეყარე და უის შეეყარეო.

ალტერნატივა

— ბატონო თამაზ, შევარდნაძე უალტერნატივოა?

— უალტერნატივო მხოლოდ ღმერთია, ისიც მორწმუნისათვის. თუ უალტერნატივობას იმას ეძახით, რომ არის კაცი, ვინც ამ ეტაპზე ყველაზე უკეთ გაუძღვება ქვეყანას, მაშინ შევარდნაძის უალტერნატივობის მტკიცება მეც შემძლია. მაგრამ თუ ამ გამოთქმით ვინმე ამტკიცებს შევარდნაძის აბსოლუტურად შეუცვლელობას ანუ, ღმერთმა დიდი დღე მისცეს, სამისდღეშიო პრეზიდენტობას, ის, ჩემი აზრით, სწორედაც პრეზიდენტის მოწინააღმდეგეთა ნისქვილზე ასხამს წყალს.

— კი მაგრამ, ყვანია რომ განაცხადა პარლამენტის სხდომაზე, შევარდნაძე უალტერნატივოა?

— დევაზუსტოთ: იქ ითქვა — „დღეს შევარდნაძე რეალურად უალტერნატივოა“. სიტყვებს „დღეს“ და „რეალურად“ თავისი დატვირთვა აქვთ და სწორედ „უალტერნატივობის“ პირველ გაგებას გულისხმობს.

— არადა, სადღეისოდ შევარდნაძის ალტერნატივად, ვგონებ, მეთხოუმეტე კანდიდატი წარადგინეს.

— დიახ, და ეტყობა, ველარ განხორციელდება ირაკლი ნერეთლის ორიგინალური იდეა — დავტოვოთ შევარდნაძე საპრეზიდენტოდ სამი „კლინიკური სულელის“ კომპანიაშიო...

— ვის გულისხმობდა?

— გულისხმობდა კი არა, სამივე ჩამოთვალა, მაგრამ, ნება მიბოძეთ, ამ კონტექსტში მათი გვარები არ გავიმეორო.

— მეც ბოდიშს მოგიხდით ამ კონტექსტში შეხსენებისთვის, მაგრამ თქვენც ბრძანდებოდით, ბატონო თამაზ, პრეზიდენტობის ერთ-ერთი კანდიდატი პირველი საპრეზიდენტო არჩევნებისას... მაშინაც, რამდენადაც მახსოვს, არანაკლები ენთუზიაზმით ამტკიცებდნენ გამსახურდიას უალტერნატივობას.

— მეტიტ, ბევრად უფრო მეტიტ, თანაც ამტკიცებდნენ არა მარტო სიტყვით... სხვისი რა მოგახსენოთ და მე პირადად მაშინ ასეთი მიზანი მქონდა: უნდა გარღვეულიყო საინფორმაციო ბლოკადა და საჯაროდ თქმულიყო — მეფე შიშველია.

— ბევრის აზრით, მეფე ახლაც შილიფადაა, ბატონო თამაზ.

— მაგრამ ახლა არამცთუ ამ აზრის საჯაროდ გამოთქმას შეხედება რაიმე ნინაალმდეგობა, არამედ, საუბედუროდ, არც იმ აზრს, რომ მეფე მოლაღატე ან სულაც მაფიის ნათლიმამაა.

ტირაჟირებული „ამბობენ“

— რატომ „საუბედუროდ“, პროდასავლელი თამაზ კვაჭანტირაძე პრესის დასავლურ თავისუფლებასაც უნდა უჭერდეს მხარს.

— პროდასავლელობა პოლიტიკური ორიენტაცია გახლავთ და არა დასავლური ტრადიციების ბრმად მიბაძვა საკუთარის ხარჯზე. ინტერვიუს მიცემისას ამერიკელი, თუ ამისი მოთხოვნილება გაუჩნდებოდა, ფეხებს მაგიდაზე შემოგინწყობდათ, მე კი თავს ამის უფლებას არამცთუ თქვენთან, უცხო მანდილოსანთან, არამედ ახლობელ კაცთანაც ვერასოდეს მივცემ. სამაგიეროდ, როცა თქვენ შემობრძანდით და გამეცანით, მე ხელი ჩამოგართვით — ირანში და იაპონიაში ეს, მეტი რომ არა ვთქვა, სითაყბედედ ჩამომერთმეოდა; პოლონეთში კი, მანდილოსანს, ჩვეულებრივ, ხელზე ამბორით ეცნობიან. მე მინახავს ამ ხუთიოდე წლის წინ ბერლინის ფეშენებელური მაღაზიის ვიტრინაში კანცლერ კოლის მულაჟი, ცხვირზე ვეებერთელა პრეზერვატივით. ეს, ღვთის მადლით, თბილისში გამორიცხულია... ჯერჯერობით მაინც. პრესის ტრადიციებიც არსებობს ჩვენში და პროდასავლელობის მიუხედავად, მე ილიასული ტრადიციების მომხრე ვახლავართ.

— ბატონო თამაზ, თქვენი პოლემიკური წერილების მიხედვით თუ ვიმსჯელებთ, არც თქვენ წერთ თეთრ ხელთათმანებში გამოწყობილი.

— მერედა, ვინ გითხრათ, კრიტიკა და პუბლიცისტიკა უხორცო სუფს უნდა დაემსგავსოსო! ესეც ილიას ტრადიცია ვახლავთ — „მეხი სიტყვა“. ამ სიტყვით ამხელდა იგი თავის მონინაალმდეგეებს... და მაინც, ილიასათვის მხილებასა და ცილისწამებას შორის უფსკრული ძვეს, რომელსაც ზოგი ჩვენი კოლეგა ისე გადაალაჯებს, გინდა თავგის სოროსათვის გადაეებიჯებინოს. დასავლური პრესის თავისუფლებათ, რომ ბრძანეთ, იქ ცილისწამე-

ბასა და შეურაცხყოფას ჩვენებური ფერ-უმარილით — „ამბობენ“ — ვერ შეალამაზებ.

— როცა კორუფცია ასეა მოდებული ხელისუფლებაში, განა ღირს მას-მედიის გადახრებზე ყურადღების გადატანა?

— აკი მას-მედიაც ხელისუფლების მეოთხე შტოა... თუ — როცა ხელს გვაძლევს, ხელისუფლება ვართო, როცა არა — ვემიჯნებით? მე მიყვილია და, ამ ტირაჟირებულმა „ამბობენ“, შეიძლება, ქვეყანა მართლაც დაგვიქციოს... ეს არ გახლავთ თეა გვასალიას უწყინარი „ამბობენ“...

— ბატონო თამაზ, რახან ამას პოლიეუდის ვარსკვლავებზე „ამბობენ“, იმიტომ ხომ არ გვეჩვენება უწყინარად? იგივე რომ ეკრანიდან ჩვენს ელიტაზე თქმულიყო, მოგენონებოდათ?

— თუ მასში ცილისწამება არ იქნებოდა, რატომაც არა: ვისაც საზოგადოებრივ ავანსცენაზე ყოფნა სიამოვნებს, დე იცოდეს, რომ მისი არაფერი დაიმალება — არც კარგი და არც ავი.

მეგზურები და ეკიპაჟი

— ბატონო თამაზ, ხელმწიფის ნავში თუ მჯდარხართ?

— დასამგზავრებლად — არა, სამუშაოდ — კი: მთელ ექვს ნელინადს ხელისუფლების ხომალდში ეკიპაჟის წევრი გახლდით.

— ამბობენ, ხელმწიფის ნავში ჯდომა იმის პირველი საფეხურია, რომ მერე ეკიპაჟის წევრი გახდეთ...

— ისევე — „ამბობენ“? გეზუმრებით, ცხადია... შესაძლოა, ვინმე მართლაც საამისოდ უმიზნებს ხელმწიფის ნავს, მაგრამ აქ მარტო ერთი მხარის სურვილი არ კმარა, პირველ ყოვლისა, ხელმწიფეს უნდა აინტერესებდეს შენთან დამგზავრება.

— ახლა ბევრი იჩემებს, ხელმწიფის ნავს სათოფეზე არ გაეკარებივარო.

— ვისაც ამით თავი კიტრივით მოაქვთ, ერთი ჰკითხეთ, მისასუნინებდა კი ვინმე იმ ნავამდე? ასეც მომხდარა — გარკვეული პრინციპის გამო პიროვნებას თავი აურიდებია ხელმწიფის ნავისათვის, თუმცა ძალად იქ ჩასმული კაცი მე ჯერ არ მინახავს. ის კი ყველას გვინახავს, რომ ქვეყანასა და პატიოსან მეგზურებს — გაანათლოს ღმერთმა მათი სულები — ხელმწიფის ნავისთვის სანალმართო გეზი მიუციათ.

— ასეთები მარტო საიქიოს გეგულებათ, ბატონო თამაზ?

— ასეთები, ალბათ, ახლაც არიან, და ღმერთმა მათაც მოუმართოს ხელი ყოველ კეთილ საქმეში.

მე მარტო მაშინაც არა ვარ, რუსა მარტო ვარ

- ბატონო თამაზ, როგორი უნდა იყოს ქართველი მამაკაცი?
- მამაკაცური.
- როგორია თამაზ კვაჭანტირაძე ოჯახში?
- ძნელი, მაგრამ, მეუღლეს თუ ვერნმუნებით — სასიამოვნოდ ძნელი.
- ვისთან მეგობრობთ?
- ვისაც ჩემი მეგობრობა სჭირდება — დანყებული, სამი წლის იკოთი, დამთავრებული, სამოცდათხუთმეტი წლის აბესალომ ვეკუათი.
- ცნობილი პალეონტოლოგი, „დმანისის ადამიანი“ რომ აღმოაჩინა?
- დიახ.
- თქვენი აზრით, რა არის ქართული სუფრის მშვენიება?
- თამადა, ლვინო, სიმღერა; თუ ერთი სიტყვით გნებავთ — გაგება.
- როგორი ლვინო გიყვართ?
- ლვინო და ქალი ცუდი არ არსებობს: არის კარგი და ძალიან კარგი ლვინოები. მე ძალიან კარგი ლვინოები მირჩევნია, მაგალითად, კახური და ლეჩ-ხუმური.
- როგორ გაიცანით თქვენი მეუღლე?
- მეუღლე გამაცნო ფათერაკმა — „კიროჩნზე“ ბიჭებს ჩხუბი მოგვივიდა და ბულიგნობაში ეჭვიმტანილი ასპირანტი მაშინდელმა ქალაქის პროკურორმა არონ ტაკიძემ, ღმერთმა გაანათლოს მისი სული, თავისთან, კაბინეტში დამიბარა. იქ დავინახე, კიბეზე ცოცხალი დედოფალი ჩამოდიოდა, რომელსაც ნუკრივით გოგო მოსდევდა. ეს დედოფალი არასრულწლოვანთა განყოფილების უფროსი თამარ ფოცხვერია აღმოჩნდა თავისი არასრულწლოვანი ქალიშვილით — ნანათი. ოთხი თვის შემდეგ ნანა სრულწლოვანი გახდა, თამარ ფოცხვერია კი — ჩემი სიდედრი.
- თქვენი აზრით, რა არის სიყვარულის მთავარი ღირებულება?
- სიყვარული თავად გახლავთ მთავარი ღირებულება.
- ეჭვიანი თუ ხართ?
- ნამეტნავად, ოღონდ არა მეუღლის მიმართ.
- თქვენი ოჯახი რამდენად ტრადიციულია?
- ჩემი აზრით, უტრადიციო ოჯახი აღარცაა ოჯახი.
- „იქ, სადაც მამაკაცი ტირანია, ქალი ყოველთვის ცბიერია“. რამდენად ეთანხმებით ამ მოსაზრებას?

— ტირანს ყოველთვის ატყუებენ... კაცმა რომ თქვას, ტირანი, ქალი იქნება იგი თუ კაცი, დიახაც რომ უნდა მოატყუო.

— რა არის მამაკაცის უმთავრესი ვალდებულება ოჯახში?

— მამაკაცისა — მამასახლისობა, დედაკაცისა — დიასახლისობა; ოღონდ — ამოსავალი გაგებით: სახლის ანუ ოჯახის მამობა და სახლის ანუ ოჯახის დედობა.

— რა არის თქვენთვის ქალი?

— სიყვარული.

— სიყვარული?

— ქალი.

— სიყვარულის გამო დათმობაზე თუ წასულხართ?

— დათმობაში თუ მსხვერპლს გულისხმობთ, მსხვერპლზე წასვლა სწორედ სიყვარულის გულისთვისა ღირს.

— რაიმე შეცოდება თუ ჩაგიდენიათ, რასაც დღემდე ნანობთ?

— სინანული მაღალი ნიჭია... მხოლოდ ხერხეს ვკონია, რომ სანანებელი არაფერი ჩაუდენია... მაგრამ, მეორე მხრივ, კაცი სინანულს არ უნდა დაეთრგუნინო...

— ინტრიგის მსხვერპლი თუ გამხდარხართ როდისმე?

— ინტრიგების მეტი რა მინახავს და რა მიწვევია, მაგრამ მსხვერპლად ჩემი თავი არასოდეს წარმომიდგენია.

— შეიძლება ითქვას, რომ მეოცნებე ხართ?

— მე მეოცნებე პრაქტიკოსი გახლავართ. არაპრაქტიკოსი მეოცნებე, უბრალოდ, უსაქმური მგონია.

— ფულის ხარჯვა გიყვართ?

— მიყვარს თუ არა ფულის ხარჯვა, ამ გრძნობის მასშტაბური შემოწმების საშუალებას, სამწუხაროდ, მოკლებული ვიყავი, ვარ და, ალბათ, ვიქნები.

— ტყუილის თქმა გინევთ ხოლმე?

— ზომიერად და არა სხვათა საწინააღმდეგოდ.

— შეგიძლიათ, მიმტყუებელი იყოთ?

— ნაკლებად... მაგრამ უფრო გახარებული მაშინ ვარ, როცა მივეუტყეებ, ვიდრე მაშინ, როდესაც სამაგიეროს ვუხდი ვისმე.

— კონსტანტინე გამსახურდია ამბობდა, ქალს მხოლოდ იმდენი ჭკუა უნდა ჰქონდეს, სახლი არ გადაწვასო. თქვენ როგორ ფიქრობთ?

— ქალებს რომ ჩვენზე ნაკლები ჭკუისად ვთვლით, ამიტომაცაა, რომ ქალები გეჯობიან ხშირად ჭკუით.

— მანდილოსნებთან მეგობრობა თუ გამოგდით?

— მანდილოსნებთან მეგობრობა უიშვიათესია... ბედნიერი ვარ, რომ მე ეს განმიცდია.

- ბატონო თამაზ, მეუღლეს ღალატში თუ დაუდანაშაულებიხართ?
- მეუღლეს არასოდეს არაფერში დავუდანაშაულებივარ. შეიძლება მეჩხუბოს, შეიძლება დამემდუროს, გამორიცხული არ არის — მომკლას კიდეც, მაგრამ ჩვენ ოჯახი გვაქვს და არა — სასამართლო.
- მანდილოსნების მხრიდან თუ გრძნობთ ხოლმე თქვენით დაინტერესებას?
- მიმაჩნია, რომ მამაკაცები ამით ნაკლებად უნდა ინტერესდებოდნენ.
- საჩუქრები გიყვართ?
- მიყვარს ყურადღება... უფრო სწორად — მსიამოვნებს.
- თავად თქვენ თუ უწყობთ სასიამოვნო სიურპრიზებს თქვენთვის საყვარელ მანდილოსნებს?
- ვისაც მისდამი გამოვლენილი ყურადღება სიამოვნებს, მას კიდე უფრო დიდ სიამოვნებას ის უნდა ანიჭებდეს, თუ სხვას ასიამოვნებს. ჩემთვის ძვირფას მანდილოსანთაგან ამჟამად ელენე ვეკუასა და ნანა ვაჩნაძისათვის სიურპრიზებზე ვარ გადართული.
- ასე ადვილად და საჯაროდ აღიარებთ, ვინ არიან თქვენთვის ძვირფასი მანდილოსნები?
- რა მაქვს დასამალი... თუმცა, მანდილოსნები-მეთქი, რომ გითხარით, ცოტა გადაეჭარბე, მანდილოსნობამდე რამდენიმე წელი უკლიათ ჩემს შვილიშვილებს — ელენიკოცა და ნანიკოც თერთმეტი წლისანი არიან.
- რა ადგილს უნდა იკავებდეს მამაკაცი შვილების აღზრდაში?
- მამაკაცი შვილს დედაზე ნაკლებ როდი ზრდის, ოღონდ — ქცევით.
- ეგოისტობა თუ შეგპარვით ოდესმე?
- ზომიერად ეგოისტი ვარ. ყოველ შემთხვევაში, ჩემს ეგოიზმს ვაკონტროლებ.
- რამდენად პრინციპული ხართ და თუ იცვლით აზრებს გარემოების მიხედვით?
- „არ ვსდევ უამთაცვლას, მე იგივე ვარ მარად და მარად“... ზოგჯერ — საბედნიეროდ, ზოგჯერ, ალბათ — საუბედუროდაც.
- ემოციური ხართ?
- ვარ ფიციხი და ზომაზე მეტად აზარტული, თუმცა ჩემი ემოციებისა და იმპულსების რეგულირება შემიძლია.
- ბატონო თამაზ, რომელ ეკლესიაში დადიხართ და ვინ არის თქვენი მოძღვარი?
- ვერ ვიფარისევლებ; სამწუხაროდ, ეკლესიური არ გახლავართ და არც მოძღვარი მყავს. ისე, ადამიანი, პირველ ყოვლისა, საკუთარ სინდისს ეუბნება აღსარებას; ჩემი მოძღვარი და მესაიდუმლეც ჩემი სინდისია.
- საკუთარ თავთან განმარტობა გიყვართ?
- მე მარტო მაშინაც არა ვარ, როცა მარტო ვარ...

- როგორ ატარებთ თავისუფალ დროს, თუნდაც უქმე დღეებს?
- თავისუფალ დროს ვმუშაობ ყველაზე ნაყოფიერად...
- რომელ ტელეგადაცემას უყურებთ?
- საინფორმაციოსა და სპორტულს.
- სადილის მომზადება თუ გიცდიათ?
- არა, თუმცა, რამე იყოს, ერბო-კვერცხს შეენვაჟ. ხაშის გაკეთებაც კაცური საქმეა, უფრო სწორად — მთელი რიტუალი.
- ჩაცმის მხრივ პრეტენზიული ხართ? როლინგები ასე რამ შეგაყვარათ?
- ტანსაცმელი ადამიანს უნდა ემსახურებოდეს და არა — ადამიანი ტანსაცმელს... მსახურებაში დროის მოგებასაც ვგულისხმობ — ამ მხრივ, როლინგი კარგი „მოსამსახურეა“, გარკვე თავი და უკვე მზადა ხარ.
- რომელ სუნამოს ხმარობთ?
- არანაირს. ქალისთვისაც, მსცოვანობამდე, ზედმეტად მიმარჩნია. დაბანულ სხეულზე უკეთესი სურნელი არ არსებობს.
- თქვენი სამაგიდო წიგნი?
- სულხან-საბას „სიტყვის კონა“.
- გურამ დოჩანაშვილის „კაცი, რომელსაც ლიტერატურა ძლიერ უყვარდა“, რამდენად შეიძლება გადაიტანოთ საკუთარ თავზე?
- იმდენად, რომ ეჭვიც მიპყრობს — ვასიკო კეფერაძის პროტოტიპად გურამს, ჩემს ძველ მეგობარს, მეც ხომ არ გამოვადექი-მეთქი.
- მიზანი, რომელსაც ვერ მიაღწიეთ და ოცნებად დარჩა?
- იმედი უნდა გაგიცრუოთ — რასაც ვერ მივალნიე კი არა, ასრულებულ ერთ მიზანსაც ვერ დავისახელებთ.
- ბატონო თამაზ, თუ შეიძლება გაშიფრეთ სიტყვა მამაკაცი.
- აპოფატიკურ ღვთისმეტყველებაში ნიშან-თვისებათა უარყოფა-ნეგაციის გზით მტკიცდება, რომ უზენაესი ჩვენი გონებისათვის მიუწვდომელია; ამის გამოვლინება გახლავთ, როცა რუსთაველი ავთანდილს ლოცვისას ათქმევინებს ღმერთზე — „უცნაურო და უთქმელო“, — ესე იგი, შეუცნობელო და გამოუთქმელო... მეც, ნება მიბოძეთ, ამგვარი ნეგაციის მეთოდით დავიხასიათოთ მამაკაცი: მამაკაცი არ უნდა იყოს უძლური; არ უნდა იყოს მხდალი; არ უნდა იყოს ნუნურაქი; არ უნდა იყოს უმადური... როცა ვამბობ, უძლური ან ნუნურაქი არ უნდა იყოს-მეთქი, იმას როდი ვგულისხმობ, რომ მაინცდამაინც პერკულესი ან მფლანგველი იყოს — ანუ ამ თვისებათა საპირისპირო, ანტიონომურ ნიშან-თვისებებს უზომოდ, ქარბად ფლობდეს.
- როგორ ფიქრობთ, რატომ ჭორაობენ დღეს მამაკაცებზე, ეს დრომ განაპირობა თუ მოდამ?
- მამაკაცებზე რომ ჭორაობენ, ეს იმდენად დიდი უბედურება არ გახლავთ; მამაკაცები რომ ჭორაობენ — ესაა ნამდვილი უბედურება. ამ ჭორა-

ობითაც ვლინდება ის სენი, რომელიც ახლა, საუბედუროდ, ჩვენში ფეხს იკიდებს — კაცთა გადიაცება, ტრავესტიზმი და პლასტიკური ოპერაციების უკონტროლო, უფრო სწორად, უზნეო განვითარება... თუ ამას ჯებირი არ დავუდეთ, ისეთი ღვთის რისხვა დაგვატყდება თავს, ბაბილონის გოდოლის მაშენებლებს რომ არც მოლანდებიათ: უფალი მოგვეკითხავს თავის საქმეში ჩარევას.

— როგორ ფიქრობთ, ქვეყანაში არსებული ვითარებიდან გამომდინარე, როგორ მამაკაცებად ჩამოყალიბდებიან დღევანდელი ახალგაზრდები?

— სწორედ ქვეყანაში არსებული უმძიმესი ვითარება ჩამოაყალიბებს მათ ჩვენზე უკეთეს მამაკაცებად. ეს რომ არ მნამდეს, სიცოცხლეს არ ელირებოდა.

— რას ვერ აპატიებთ ადამიანს?

— პატიების უუნარობას.

— გმადლობთ საუბრისათვის.

ესაუბრა ხათუნა მახტურიძე, „მეოხე“, N13 (262), 2001 წ.

ბატონი ალექსანდრე თუ აბოხი?

— ბატონო თამაზ, რატომ აღიქვა ასე მძაფრად ქართულმა ინტელიგენციამ ზვიად გამსახურდიას რეაბილიტაციის მცდელობა?

— უკაცრავად, მაგრამ ჯერ დავაზუსტოთ, რაში გამოიხატა ალქმის ეს სიმძაფრე? საპროტესტო მიტინგები გავმართეთ თუ მშრალი შიმშილობა გამოვაცხადეთ? წერილი დავბეჭდეთ, სადაც პარლამენტის მიერ მართლმსაჯულების ორგანოებზე უხეშ ზენოლას ვაპროტესტებდით — ეს იყო და ეს.

— მაშ, გამსახურდიას რეაბილიტაციას უკვე აღარ აპროტესტებთ?

— რეაბილიტაცია, თუ ამ სიტყვას იურიდიულ ტერმინად ვიხმართ, მხოლოდ სასამართლოს მიერ მსჯავრდებული დამნაშავეისა შეიძლება, ექსპრეზიდენტისათვის კი სასამართლოს თავისი განაჩენი არ გამოუტანია: დანაშაულში ეჭვმიტანილის გარდაცვალების გამო სისხლის სამართლის საქმე შეწყდა. ამიტომაც პარლამენტის დადგენილება — *„ეთხოვოს საქართველოს გენერალურ პროკურორს, შეისწავლოს საქართველოს პირველი პრეზიდენტის ზვიად გამსახურდიას მიმართ აღძრული სისხლის სამართლის საქმის შეწყვეტის კანონიერება მისი რეაბილიტაციის მიზნით“* — ჩემი აზრით, არა მარტო გენერალურ პროკურორზე უხეში ზენოლის მცდელობაა, არამედ — ღია, დაუფარავი დაკვეთაც: საქმე განაახლე გამსახურდიას სა-

რეაბილიტაციოდ; უფრო სწორად, პარლამენტი ამ დადგენილებით გენერალურ პროკურორს უკეთეს — გამსახურდიას საქმე მისი გარდაცვალების გამო კი არ შეწყვიტო, არამედ ამ საქმეში გამსახურდიას დანაშაულის ნიშნების არქონის გამო.

— ეს დადგენილება არ გამოქვეყნებულა და, იქნებ, იქ ზუსტად ისე არც წერია, როგორც თქვენ ბრძანებთ: საქმე მაინცდამაინც გამსახურდიას რეაბილიტაციის მიზნით განაახლეთო.

— მე წერილს ხელი მხოლოდ მას შემდეგ მოვანერე, რაც დადგენილების ტექსტს გავეცანი, იქ კი ზუსტად ასე წერია; შეგიძლიათ, ოფიციალურად გამოითხოვოთ და გადაამოწმოთ.

— და მაინც, ბატონო თამაზ, ჩვენს ინტელიგენციას ეს წერილი რამ დაანერინა — იურიდიული შეუსაბამობითა და, თუნდაც, პროკურორზე ზემოქმედების მცდელობით გამოწვეულმა აღშფოთებამ თუ შიშმა, გამსახურდია რომ გაამართლონ, ვაითუ, ბარიკადის მეორე მხარეს მებრძოლებს დაგვეკისროს საქართველოს დანგრევა-დაქუცმაცებაზე სისხლის სამართლის პასუხისმგებლობაო?

— ვგაეარ ახლა მე, ქალბატონო ნინო, შიშისგან წამხდარ კაცს, გენერალურ პროკურორს რომ ევედრება, არიქა, არ დამლუპო, გამსახურდია დაადანაშაულე, თორემ პეტრიაშვილივით ქვეყნიდან გადახვეწა მომიწევსო?

— პირადად თქვენ — ნაკლებად, მაგრამ...

— აბა, ჭაბუა ამირეჯობს ორჯერ მოუყენეს დახვერტის მუხლი და ეს ოთხმოცი წლის კაცი ჯერ კიდევ არაა იმ ხნის, რამდენი წელიც მისჯილი ჰქონდა; ვიქტორ რცხილაძე, ცნობილი სამართალდამცველი და ამ წერილის ერთ-ერთი ხელისმომწერი, გამსახურდია-კოსტაეას საქმეში გადიოდა და, ექსპრეზიდენტისაგან განსხვავებით, შორეულ ყაზახეთში, უმძიმეს პირობებში მოიხადა სასჯელი... სხვაც ნურავინ გეგულებათ ხელისმომწერთა შორის უხერხემლო და გადედლებული ინტელიგენტი, ლენინმა რომ ხულიგნურად კამოს „დესერტად“ მონათლა. ამ წერილზე პირადად მე ხელი საკუთარი ტყავის გადარჩენის შიშმა კი არ, უფრო, ვაჟასი არ იყოს, „სხვარიგის შიშმა“ მომანერინა...

— კერძოდ?

— ნუ გაიკვირვებთ და, მე თქვენ გამო მეშინია...

— უკაცრავად, მაგრამ მე რალა შუაში ვარ?

— მარტო თქვენ გამო — არა... თქვენი რედაქტორის, თქვენი კოლეგების, საერთოდ, მასმედიის გამო... აი, თავისუფალს რომ ვეძახით. თქვენ წარმოიდგინეთ, შეყვითლებული პროზვიადისტური პრესის გამოც კი მეშინია, თვითმკვლელობის ჟინს ატანილივით რომ ცდილობს, ისტორიის ჩარხი უკულმა დააბრუნოს და, ვითომ ეროვნული, სინამდვილეში — ტოტალიტარული ხელისუფლების რესტავრაციის სამაცდურო შხამით რომ მონამლოს მკითხველი. ამგვარი პრესისა და ტელევიზიის შემყურეს, ზოგჯერ ასეთი სასწაულიც მი-

ნატრია — მარტო ერთი დღით, მხოლოდ 24 საათით აღდგეს მკვდრეთით ზეი-
ადისტური ხელისუფლება... სად დარღუბალაში გადაიხვეწება მაშინ „დარღუ-
ბალა“, მოასწრებს თუ არა 60 წუთში საქართველოდან აორთქლებას „60 წუ-
თი“... არ არსებობს „შანსი“, რომ თავისუფალი პრესის „ასაველ-დასაველს“ ამ
დროს ვინმემ მიაკვლიოს: ტელევიზიის კიბეზე მჯდომარე აქციებსაც გაგიხ-
სენებენ და სხვა ანტიზვიადისტურ პუბლიკაცია-გამოსვლებსაც; დამოიჯერეთ,
მარტო საჯაროდ ბოდიშის მოხდასა და ფულად ჯარიმებს არ გაკმარებენ —
საგანგებოდ დამზადებული „საბრძოლო“ ჯვრები ზვიადისტებს მარტო მღებ-
რიშვილის ბიჭებისთვის როდი უნდათ; არც მხოლოდ თავების დახეთქვას დაგ-
ჯერდებიან — ყველაზე დიდ, მძიმე „ზვიადისტურ“ ჯვარზე ერთ-ერთ პირ-
ველთაგანს სწორედ თავისუფალ მასმედიას აცვამენ.

— ანტიზვიადისტურ ინტელიგენციას ზე უწინარეს? თქვენზე უფრო ადრე?

— რა დიდი შელავათია, თორემ თქვენ შემდეგ, სანამ ჩვენ მოგვდგებოდ-
ნენ, მერწმუნეთ, ისევე თავისიანებთან ექნებათ ანგარიშები გასასწორებელი.
ჩემთან და ჩემისთანებთან მათი პოზიცია ნათელია, ჩვენი ურთიერთდამო-
კიდებულებაც უცვლელი გახლავთ და გარკვეული: ვიყავით, ვართ და დავრ-
ჩებით სახელმწიფოს მართვის ზვიადისტური პრინციპების შეურიგებელი
მონინალმდებლები. იმ, წარმოსახვით, ერთ დღეში ველარ მოასწრებენ, თო-
რემ რესტავრირებული იდეური ზვიადისტები ჩვენზე უწინარეს იმ პოლიტი-
კურ პარტიებსა და პიროვნებებს მისდგებიან, ვინც, შემინდეთ ამგვარი შე-
დარებისათვის, ზვიად გამსახურდიას პიჯაკზე მაკაკებივით ჩამოპორნი-
ლებულები შევიდნენ პარლამენტში, მერმე კი, განსაცდელის ფაშს, უგანეს
მას; ვინც საჯაროდ აცხადებდა, გამსახურდია ავადმყოფია და მას მხოლოდ
ერთი ნამალი თუ განკურნავს — ტყვია შუბლშიო, და მერე, მისი რეალური
სიკვდილის შემდეგ, ნიანგის ცრემლებს აღვარვარებს, ეს რა ეროვნული
პრეზიდენტი ჩამოგვიგდო და მოგვიკლა „ხუნტამო“; ვინც ზვიად გამსახურ-
დიას მესსიად, წმინდა გიორგიდ, მოსედ აცხადებდნენ და, როცა ამ კაცს გა-
უჭირდა, გაერიდნენ, სათოფეზე აღარ მიეკარნენ და ჩირგვებში ჩაძვრნენ.

— წარმოუდგენელია, ბატონო თამაზ, მაგრამ ახლა თქვენ და პრეზიდენ-
ტის ქვრივი თითქოსდა ერთ ენაზე ალაპარაკდით.

— მე ყოველთვის ვცდილობ სიმართლის ენით ვილაპარაკო და ნაკლებად
მინტერესებს, ამ სიმართლის ცალკეული ფრაგმენტები ვის მოსაზრებას
დაემთხვევა.

— იმაშიც ხომ არ ემთხვევა ერთმანეთს თქვენი მოსაზრებები, რაც ქალ-
ბატონმა მანანა არჩვამემ ტელეეკრანიდან გვამცნო: პარლამენტის მიერ
დაკვეთილ ამ რეაბილიტაციას ფასი არ ექნება, თუ ზვიად გამსახურდიაზე
საქმის აღმძვრელი თვად არ მისცეს სამართალში, ხოლო „პუტჩის“ მოთა-
ვენი არ დაიჭირესო?

— თავისი ლოგიკა ამ მოსაზრებაშიც ძვეს: თუ მართლაც მოხდა სამხედ-

რო-კრიმინალური გადატრიალება, თუ ამ კრიმინალებმა უცხო ქვეყნის შეიარაღებული ძალების დახმარებით დაამხეს კანონიერი ხელისუფლება, თუ ძალაუფლების შენარჩუნების სანაცვლოდ ახალმა ხელისუფლებამ თავისი ტერიტორია მიჰყიდა ამ უცხო ქვეყანას, თუ ეს ხელისუფლება მოქმედებდა აფხაზ სეპარატისტებთან შეთანხმებულად, თუ მან გააჩაღა სამოქალაქო ომი, თუ მან არ შემოუსვა ლტოლვილები სამეგრელოში, რითაც განირა საკუთარი ხალხი ჭუბერის გადმოსასვლელზე; და თუ ყველაფერ ამში გამსახურდია უდანაშაულოა, ბუნებრივია, ქართველთა გენოციდზე პასუხი პრეზიდენტყოფილის მონინალმდეგე მხარემ უნდა აგოს, თანაც არა მხოლოდ შემსრულებლებმა, არამედ — ორგანიზატორებმაც.

— ყოველივე ამის ორგანიზატორად კი ქალბატონ მანანას პრეზიდენტი შეეარდნაძე მიაჩნია.

— არა მარტო მას — მთელ ზვიადისტურ სპექტრს... არა მარტო შეეარდნაძე — მთელი „საერთაშორისო მასონისტურ-იმპერიალისტური ძალები“: ბუში, მიტერანი... ისევ თქვენს შეკითხვას რომ დაეუბრუნდეთ, ქალბატონ არჩვაძისა და, საერთოდ, ზვიადისტებისგან განსხვავებით, მე სწორედ ეს „თუ“ მიმაჩნია ყალბ, არასწორ წინამძღვრად და, შესაბამისად, დასკვნაც — თავიდან ბოლომდე მცდარად. ისე, ცნობილი გამოთქმისა არ იყოს, ვინც ა-ს ამბობს, მან ბანიც უნდა მოაყოლოს. პირველი და, ჩემი აზრით, იურიდიულად საბედისწერო შეცდომა პარლამენტმა მაშინ დაუშვა, როცა სახალხო ამბოხი გადატრიალებად მონათლა. მართალია, 20 აპრილის დოკუმენტში 1991-92 წლის მოვლენები ამ ტერმინით არ დაფიქსირებულა, მაგრამ ბევრი კანონმდებელი, სამწუხაროდ, თავის საჯარო გამოსვლებში სწორედ ამ სიტყვას ხმარობს.

— შევანიამ ტელევიზიით სწორედ გადატრიალება უწოდა 1991-92 წლის მოვლენებს...

— ხელისუფლების ყოველი ძალისმიერი დამბობა მის შეცვლას ანუ ხელისუფლების გადატრიალებას გულისხმობს... ამ აზრით ეს სიტყვა ასატანიც იქნებოდა, მაგრამ თუ ვინმემ „გადატრიალება“ იხმარა ვინრო შეთქმულთა წრის მიერ ე.წ. „სასახლის გადატრიალების“ მნიშვნელობით და 1991-92 წლის მოვლენებში გამოიციხა ფართო საზოგადოებრივი ფენების აქტიური მონაწილეობა, მაშინ ამის მთქმელი, ვინც უნდა იყოს იგი, ჩემი აზრით, საფუძველშივე მცდარია: გინახავთ თქვენ სადმე გადატრიალება, რომელიც თითქმის ნახევარ წელს გრძელდებოდა — გვარდიამ ხომ პრეზიდენტყოფილს დაუმორჩილებლობა აგვისტოს პუტჩის დღეებში გამოუცხადა! გაგიგონიათ „პუტჩი“, რომელშიც სამხედროების გვერდით და მათზე უწინარეს, მეტიც ითქმის, მათზე აქტიურად პოლიტიკური პარტიები, თავად ხელისუფლების ყველა შტო — პარლამენტარები, მინისტრები, სამართალდამცავები, მასმედია — მონაწილეობდეს? ამიტომაც წამოსცდა გამსახურდიას ასეთი უცნაური და შეუსაბამო სიტყვათნაზავი: „საქართველოში დაიწყო სამხედ-

რო-სამოქალაქო პუტჩი!" სამოქალაქო პუტჩი ხომ იგივე სახალხო ამბოხია და ბოლოს, გსმენიათ სადმე გადატრიალება, რომელშიც აქტიურად იყოს ჩაბმული მთელი ინტელიგენცია, სტუდენტები ახალგაზრდობა, საზოგადოების ყოველი ფენა? თუ ასიათასიანი მიტინგებსა და დემონსტრაციებს, თუ მასობრივსა და პერმანენტულ საპროტესტო აქციებს, თუ მშვიდობიანი მოსახლეობის მიერ იარაღის, ძირითადად — სანადირო თოფების, ხელში აღებას და ამბოხებული გვარდიისა და თანამგრძნობი პოლიციის გვერდით დგომა-სა და, ბოლოს, მათთან ერთად ხელისუფლების წინააღმდეგ ბრძოლას არა, მიბრძანეთ, მაშინ რაღას უნდა ვუნოდოთ სახალხო ამბოხი? თუ — ნამგლები და ცელები უნდა დაეკავებინა ხალხს ხელში, თითქოსდა „ჟაკერიის“ ან ემილ პუგაჩოვის ეპოქაში ვცხოვრობდეთ!

— და თქვენ ყოველივე ამას — დაარქვით მას, გნებავთ, გადატრიალება, გნებავთ, ამბოხი — ინონებთ და თანაუგრძნობთ?

— არც მე და, ცხადია, ნერილზე ხელისმომწერი არც ჩემი თანამოაზრენი კანონიერი ხელისუფლების ძალად დამხობას არც ვინონებთ და არც ვემხრობით, ოღონდ ერთადერთი პირობით: თვითონ ხელისუფლებამ შეგნებულად არ უნდა უგულბებლად კონსტიტუცია, არ უნდა დაარღვიოს კანონი და ამ თავისი უკანონობით ამბოხებამდე არ უნდა მიიყვანოს მოსახლეობა.

— ბატონო თამაზ, ამ კრიტიკერიუმს თქვენ მხოლოდ გამსახურდიას ხელისუფლებას უყენებთ თუ — სხვასაც?

— პირდაპირ მკითხეთ, შევარდნაძის ხელისუფლებას თუ ვუყენებ?

— თუნდაც.

— უკანონო ქმედებით რომ ხელისუფლებამ ხალხი აჯანყებამდე არ უნდა მიიყვანოს, ეს საერთაშორისო, საყოველთაო პრინციპი და ნორმა გახლავთ, ამიტომ მე ჩემი იარაღით ანუ კალმით ადრეც მიბრძოლია და კვლავაც შევებრძოლები ხალხის ამაჯანყებელ ნებისმიერ ხელისუფლებას.

ესაუბრა ნინო მეტრეველი, „ლიტერატურული საქართველო“, 6-12 ივლისი, 2001 წ.

სიტყვით ნატირები

გამოსათხოვარი სიტყვები

აკაკი შანიძეს, ვარლამ თოფურიას, ივანე გიგინეიშვილს,
თენგიზ აბულაძეს, რეზო თაბუკაშვილს, მერაბ ლორთქიფანიძეს,
თენგიზ ზეინკლიშვილს, მერაბ კოსტავას, ვოვა სიხარულიძეს,
გურამ კვინიკაძეს, რატი კიკაჩიშვილს, მურმან ლებანიძეს.



... ბრალნი ხართ, მამულიშვილნო,
თქვენი ულაშქროდ სიკვდილსა, დალაი...
ლაშქარს ვიკითხვენ სწორები,
წინ აღარ წაუძღვებითა, დალაი...
მტერთან ხმალამოღებულნო,
სწორში თავგამოდებულნო, დალაი...
სულ მამა-პაპის დროიდან
მტრისათვის რისხვის მიმცემნო, დალაი...
ჭკვიანნო, საქციელიანნო,
გამჭრელნო, მოსამართლენო, დალაი...
იმედნო თავის ქვეყნისა,
გამრიგენო მამულიისაო, დალაი...
შენდობა, მამულიშვილნო,
ღმერთმა გაცხონოთ სულითა, დალაი...

შეეძინა ერსა თვისსა

ერს იმდენად ცოცხლები არ წარმოაჩენენ, რამდენადაც — მკვდრები, დიდი მკვდრები. სიცოცხლეშივე დიდად შერაცხილთაგან ყველა როდი იქცევა დიდ მკვდრად, ყოველი დიდი მკვდარი კი მუდამ პიეებს ცოცხალ, უკვდავ, მარადიულ მოსაქმედ: „მოკედა და თავის სიცოცხლით ან ისევ საქმობს მკვდარიო“. ამ აზრით სიკვდილი უკვდავების დასაბამია, იგი დაბადებაა მარადი სიცოცხლისათვის. ძველ ქართულში „შეეძინაო“ მარტო ახალდაბადებულზე როდი იტყოდნენ, ამ სიტყვითვე გამოხატავდნენ დიდი კაცის ამა სოფლით განსელას: „და მოკედა აბრაჰამ სიბერითა კეთილითა მოხუცებული და დლითა საესე და შეეძინა ერსა თვისსა“... „და მოაკლდა ისაე და მოკედა და შეეძინა მამათა თვისთა...“

აკაკი შანიძეც მოაკლდა ამ ნუთისოფელს, მაგრამ შეეძინა ზესთასოფელს... მოგვაკლდა ჩვენ, კერძო ხალხს, მაგრამ შეეძინა მარადიულ „ერსა თვისსა“.

აკაკი შანიძე დიდი იყო... იგი არ ყოფილა მხოლოდ დიდი მეცნიერი. არც იმას ეთქმის მხოლოდ კვლევის ობიექტი, რასაც იგი იკვლევდა; დედაენის კვლევა მისივე მსახურებაა, თანაც — ორმხრივი მსახურება: ენას უნდა ემსახურო, რომ ენა გემსახუროს, გემსახუროს არა მარტო როგორც კერძო კაცს, არამედ — ნაწილს ერისას.

ერში, თუ იგი ერობს, მუდმივად არის ვინმე, ვისაც დროის რალაც მონაკვეთში — წლობით, თვეობით თუ წამიერად — თავს ადგას შარავანდელი უპირველესი მამულიშვილისა. უპირველესი ქართველის სახელს, ჩვეულებრივ, ჩვენი ერის წინამძღოლები იმსახურებდნენ; ზოგჯერ — მწერლები; ზოგჯერ — გმირები; ზოგჯერ — მონამენი... მეცნიერი — იშვიათად. აკაკი შანიძეს კი, ჩემი რწმენით, ეს შარავანდელი უპირველესი ქართველისა არაერთგზის დაედგა თავს; დაედგა მაშინ, როცა გამოსცა ჩვენი უძველესი და უწმინდესი ტექსტები; როცა გაასრულა თავისი მონუმენტური „ქართული ენის გრამატიკის საფუძვლები“; როცა აღკვიდგინა ვახტანგისეული „გეფუხისტყაოსანი“; როცა გამოგვიმზეურა ხალხური პოეზიის მარგალიტები; როცა „ხელნი დაახსნა“ თავის დიდ მონაფეებს...

ეს ნათელი ადგა თავს დიდ ივანე ჯავახიშვილს, მოძღვარს აკაკი შანიძისას, როდესაც ქართული უნივერსიტეტის ბალავერი ჩააგდო. და დღეს, ბატონო აკაკი, უნივერსიტეტის ეზოში, მის სამიწკველთან, დიდი ივანესა და მის თანამოსაგრეთა გვერდით თქვენს დავანებაში ჩვენ ვხედავთ საკრავლურ აქტს: უნივერსიტეტი თქვენზე უნდა იდგეს. ასე ჩაეშენებოდნენ ხოლმე ციხისა თუ ტაძრის კედლებს ერის ზვარაკები. ცოცხალიც და მკვდარიც თქვენ უნივერსიტეტს ეკუთვინით; ცოცხალმა თქვენი ტვინითა და გულის სისხლით ჰკეებთ იგი და მკვდარმაც მას უნდა გაუწელოთ ფესვები.

„...მოაკლდა და შეეძინა ერსა თვისსა“.

იგლოვდეთ — აკაკი შანიძე მოაკლდა კაცად-კაცადს;

გიხაროდენ — აკაკი შანიძე შეეძინა ერსა თვისსა.

„თბილისი“, 1 აპრილი, 1987 წ.

პაი, რა ბოძი წაიქსა

გამორჩეული კაცი განვიდა ამა სოფლით... საპატიოა ლინგვისტის, ლიტერატორის, საერთოდ — მეცნიერის სახელი, მაგრამ ივანე გიგინეიშვილი მეტი გახლდათ, ვიდრე მხოლოდ სწავლული. იგი „სრული“ კაცი იყო, ზნესრული კაცი, და თავის პიროვნებაში ითავსებდა მეცნიერსაც, აღმზრდელსაც, მოქალაქესაც. მეცნიერი ღრმადმინვენილი ბრძანდებოდა, აღმზრდელი — თავგადაკლული და მოქალაქე — დიდბუნებოვანი.

კაცზე, რომელიც მთელ საქართველოს, ქართულ ენას მოუკვდა, კიდევ მეუხერხულება თქმა — ჩვენი ჟურნალის რედკოლეგიას გამოაკლდაო... არადა, როგორი თავმოსანონებელი წვერი ბრძანდებოდა ბატონი ივანე იმ მცირე საძმოსი, „ქართული ენა და ლიტერატურა სკოლაში“ რომ ჰქვია. რალაცნაირად უხმაუროდ იცოდა გვერდში ამოდგომა. ვისამე თუნდაც კნინ ღვანლს თუ იხილავდა, ენისა და ერის სამსახურში განეულს, ასეთ დროს პირზე ნათელი გადასდიოდა. საერთოდაც, სხვა შუქი ევლებოდა მის განუმეორებელ პიროვნებას. ფილოლოგიის ფაკულტეტის ბევრ სტუდენტს შეუცვლია თავისი სამომავლო ჩანაფიქრი მისი ლექციების მოსმენის შემდეგ — მუზათა საუფლოდან ძირს დაშვებულან, გრამატიკული კანონების მყარ ნიადაგზე, წინათ რომ ასეთი მოსაწყენი და უსიცოცხლო ეჩვენებოდათ. ბატონი ივანეს მხოლოდ დანახვა, მარტო ორიოდ სიტყვის მოსმენაც კი საკმარისი გახლდათ, რომ მისი პიროვნების დაუძლეველი ხიბლი გეგრძნოთ. ამან თუ ათქმევინა იმ საბედისწერო ღამეს სასწრაფო დახმარების ექიმს — ღმერთმა დასწყევლოს ჩემი პროფესია, ამნაირი ადამიანის სიკვდილს რომ მაყურებინებსო...

ივანე გიგინეიშვილი მრავალ საქმეს თავკაცობდა, მაგრამ ყველაზე მძიმე ტვირთსაც თავად აიკიდებოდა ხოლმე. ყველაფერს, მისი კალმიდან გამოსულს, ნიჭიერებისა და სინდისიერების დამლა აჯდა. ვინც ამათზე მწყრაღად არიან, მათ, ცხადია, ივანე გიგინეიშვილი მარტო თავისი არსებობითაც კი აღიზიანებდა... ბატონ ივანეს გალალებულ უვიცობასთან პაექრობა ამოწყლის ნაყვად მიაჩნდა — არა იმიტომ, თითქოს „თვითრჯული“ და თავისნათქვამა ყოფილიყოს; პირიქით, მას ხომ ისეთი საქმე ებარა — ქართული

სალიტერატურო ენის ნორმათა დადგენა-შემუშავება — რომელიც უარეს კოლეგიურობასა და სხვათა თვალსაზრისისათვის ანგარიშის განწევას მოითხოვს. ივანე გიგინეიშვილს ამისი ნიჭიც უხვად ჰქონდა მომადლებული.

ენის სჯულმდებელი, ცხადია, ერია, ხალხი, მაგრამ ცალკეულ ნორმატიულ ნებსა და კანონს არა ეს ზოგადი „ხალხი“ ადგენს, არამედ — კონკრეტული ორგანიზაცია და სპეციალისტები. ამათი თავკაცი გახლდათ ივანე გიგინეიშვილი. ამგვარი ჯვარის მტვირთველმა ჩინებულად უწყოდა, რომ მისი შრომა ზოგჯერ უმადური იქნებოდა, ამ შრომის ნაყოფი კი — დაუნახავი. ბატონი ივანე ეტალონი ბრძანდებოდა სწორი და ხატოვანი მეტყველებისა; ეს, ალბათ, მის ადგილას ბევრს აცდუნებდა, ვითარცა ენის ერთ-ერთი სჯულმდებელთაგანი, წინ აღსდგომოდა ყოველ ფორმას, საკუთარი მეტყველებიდან გადახრილს. ივანე გიგინეიშვილი კი იმ პრინციპით ხელმძღვანელობდა, რომ სალიტერატურო ქართული ერთი და ერთიანი უნდა იყოს, მაგრამ არა ერთი კაცის ენა — თუნდაც მასავით უებრო მოქართულისა.

კნინი ღვანლის დაფასებაც იცოდა-მეთქი, ზემოთ აღვნიშნე... თუმცაღა, როცა საქმე ენას ეხება, იქ, ილიასი არ იყოს, „დიდ-პატარაობა მოსატანი, სახსენებელი არ არის. რაც კარგია — თავისთავად დიდია“. პირიქითაც: არც მცირე შეცოდება არსებობს ენის წინაშე... აქაც — რაც ცუდია, თავისთავად დიდი ცოდებაა, დიდი გმობა ენისა. ამიტომაც იყო, ეს სულგრძელი, მიმტყევებელი კაცი მთელი არსებით რომ აღუდგებოდა ხოლმე წინ ამ ცოდვის ყოველ გამოვლინებას.

როგორ უყვარდა ქართული სიტყვა, როგორ უვლიდა, პატრონობდა, ელოლიავენოდა მას! ასეთი გრძნობით გლესკაცი თუ ფურჩნის ვაზს...

მისი სათაყვანებელი გურამიშვილისა არ იყოს, მართლაც რომ — „ვაი, რა ბოძი ნაიქცა“...

„ქართული ენა და ლიტერატურა სკოლაში“, N1, 1982 წ.

აეაღლეა

ქართული ეროვნული მოძრაობის თავკაცი მერაბ კოსტავა მთანმინდის მწერალთა და საზოგადო მოღვაწეთა პანთეონში იკრძალება.

ასეთ პატივს ერი მხოლოდ თავის უსაჩინოეს შვილებს მიაგებს, შვილებს, რომლებიც უკვე ამ ფაქტით მამებად — ერის სულიერ მამებად იქცევიან.

მთანმინდაზე სასუფეველს იმკვიდრებენ არა მარტო „სიტყვა-საქმიანი“, არამედ „საქმე-სიტყვიანი“ ხალხი. იმკვიდრებენ ხოლმე ერისა და არა მთავრობის ნებით (ვაი რომ, ყოველთვის ასე არ მომხდარა!).

მერაბ კოსტავას მართლაც მოუდიოდა „სიტყვა გზიანი“, „სიტყვა-საქმიანი“, მაგრამ ამიტომ როდი აპყავს ერს იგი მთანმინდაზე; ეს პატივი მას მიეგო როგორც დიდ მოსაქმეს, როგორც მამულის იდეით შეპყრობილს, როგორც საქართველოს თავისუფლებისათვის თავგადადებულს, როგორც კაცს-ზვარაკს.

დიდი ზნეობრივი გაკვეთილია, სადღეისოდ მაინც, მეშრომე და მებრძოლი კაცის ესოდენი ამაღლება.

ამაღლების გზა კი მუდამ გოლგოთაზე გადის. მერაბ კოსტავა შეგნებულად დაადგა ამ გზას და ბიჯიც არ გადაუდგამს განზე.

შეუვალიც იყო და დიდსულოვანიც. მაცხოვრის მბაძავს, შეეძლო ხელთ შოლტიც აელო ღვთის ტაძრიდან მეკარმეთა გამოსარეკად... შეეძლო ფეხიც დაეხანა გზააბნეული, უძლები შვილისათვის.

მერაბ კოსტავა, ჭეშმარიტი ილიელი, სიცოცხლის საქმეს სიკვდილშიც აგრძელებს: თავის კუბოსთან აგროვებს, აერთებს, თავს უყრის საქართველოს.

და ერთიც — ურწმუნო თომათა საგულისხმოდ: მერაბ კოსტავა ჩვენს ცნობიერებაში უკვე აღარ აღიქმება კონკრეტულ პიროვნებად — იგი გარკვეულ იდეად იქცა. მისი მთანმინდაზე ამაღლებით ქართველი ერი პატივს მიაგებს არა კერძო კაცს, არამედ თავისუფლების იდეას, რომლის ყველაზე სრულყოფილ განსხეულებად მერაბ კოსტავა წარმოიჩნდა.

„თბილისი“, 20 ოქტომბერი, 1989 წ.

უკეთესი საქართველოს მასწავლებელი

სიტყვა, წარმოთქმული რეზო თაბუკაშვილის საფლავთან
1990 წლის 9 აგვისტოს

ბატონო რეზო!

თუმცა შენი სიახლოვით მათამამებდი, შენობით არასოდეს მომიმართავს შენთვის. დღეს — გიბედავ... მე კი არა, ამას შენი სათაყვანებელი ქართული მამულები, ენა-საოცრება, რომელზედაც მიცვალებულს, ისევე, როგორც ღმერთს, მხოლოდ შენობით მიმართავენ.

შენ იყავ სრული კაცი — არაფერი ადამიანური შენ არ გეუცხოებოდა. მხოლოდ ეს იყო, ამ ადამიანურს შენ ყოველთვის მალლა, ზეცისკენ ეზიდებოდი და ღვთაებრიობის ბეჭდით ტვიფრავდი.

შენ იყავ კაცი შემოქმედი — შემოქმედება კი, თვით სიტყვა გვიმზელს,

პირველ ყოვლისა, ქმედებაა, საქმეა; შენც მოქმედების კაცი იყავ, ცხოვრებას მიხლილ-მოხლილი, უცხო, შორეულ გზებს გადაებული, რათა ნამცეც-ნამცეც, მისხალ-მისხალ აგებოჭა და მოგვეგროვებინა დაკარგული, გაბნეული, გაყიდული საქართველო.

შენ იყავ კაცი თავისუფალი, რამდენადაც შესაძლებელია თავისუფლებანაგვრილი ქვეყნის შვილი თავისუფალი იყოს. და რომ ეს შესაძლებელია, შენ შენი ცხოვრებით დაადასტურე... ეს არის სწორედ სასწაული ანუ ნიშანი იმისა, რომ თავისუფალი შვილების მშობელი ქვეყანაც განთავისუფლებდა.

შესაძლოა-მეთქი, დამონებულ სამშობლოს შვილები ჰყავდეს თავისუფალი, პირუკუ კი არასოდეს მოხდება — მონებს, სულიერ მონებს, ვერასოდეს ეყოლებათ თავისუფალი სამშობლო.

შენ განა მარტო იმიტომ იყავ თავისუფალი, რომ არავის ეყმე; თავისუფალი უფრო იმიტომ იყავ, რომ, საუფროსოდ დაბადებულს, არავინ გიყმე; ძალმოსილი იყავ, ძალაუფლება კი არ გიძებნია.

შენ იყავ მაღლიანი კაცი — მაღლის გამლებიცა და მიმლებიც, მაღლიერიცა და მომმადლებელიც. შენ იყავ კაცი, უმადურ ქვეყანაში მაღლიერების ტაძრის ამგები.

დღევანდელი საქართველო, ვაგლახ, უმადურობისა და დაუნდობლობის სენს ეჭმევინება... არ ვინდობთ ცოცხლებს, არ ვინდობთ მკედრებს და, ვაი, ჩვენდა, აღარც მომაკვდავთ ვეკრძალვით.

არადა, საქართველო ცოცხლებზე მეტად თავის დიდ მკედრებს უჭირავთ... შენც ასეთ მკედრებს ხარ მისათვლელი.

დღეის საქართველო, აფურტკენილ-შემღვრეული, გტანჯავდა; გეიმედებოდა ხვალის საქართველო — დანმენდილი, თავისუფალი, ამაღლებული.

შენნაირ კაცებზეა თქმული:

*„შეილო ტანჯულის ქვეყნისაჲ,
სული დალიე ტანჯვითა,
მიუხვალ მამა-პაპათა
ამოღებულის ხანჯრითა“.*

უკეთეს საქართველოს, საბასა და ექვთიმეს საქართველოს მიუხვალ, ბატონო რეზო — კიდევ უფრო უკეთესი სახვალის საქართველოს წინამორბედო და მაცნე.

„თბილისი“, 9 აგვისტო, 1990 წ.

ნათელში...

აღმოსავლური კალენდრით 89 წელი გველისაა.

მართლაც რომ გველურად გადისრიალა ამ წელმა საქართველოზე...

დაიგესლა ქართველობა...

თუმცა გველი ჭრელია და მისი შხამი არა მარტო წამლავს, წამლობს კიდევ;

მარტო დაცემა არ ყოფილა ამ წელს, იყო ამაღლებაც, ზეობაც...

თანაც — დაცემაც არის და დაცემაც; ოთხმოცდაცხრაში მხოლოდ სულიერად როდი ვეცემოდით, არამედ — ისეც, როგორც დავცემულვართ დიდგორში და მარაბდაზე.

ვოვა სიხარულიძეც, ქართველი კაცი და ქართველი მწერალი, ბრძოლის ველზე დაეცა, რადგანაც მწერლის ბრძოლის ველი სუფთა ფურცელია და საბრძოლო იარაღი — კალამი.

არც ნამდვილ ბრძოლის ველს გაპრიდებია როდისმე ვოვა სიხარულიძე; გაპრიდებია კი არა, იგი იყო ერთ-ერთი იმ პირველთაგან, რომელთაც მიწვევებულ ნაღვერდალს, „ყოველი ქართველის გულში რომ ყოლავდა“, იქამდე უბერეს სული იმ სულგანაბულობის ხანაში, სანამ მისგან ამხელა ცეცხლი არ ამოაბრიალეს.

ამისათვის ევნო ვოვა სიხარულიძე ჯერ კიდევ 1956 წელს. მერე და მერეც მრავალგზის ვნებულა და გვემულა „მეათე მონმის“ ავტორი სულითაც და ხორციითაც.

„მონმე“ „მონამისაგან“ მომდინარეობს. თავისი „მეათე მონმით“ ვოვა სიხარულიძე არა მარტო ემონმა უზენაესს ქართული სიტყვის ძალმოსილებადში, — ენამა კიდევ ამ სიტყვისათვის.

წამება კი განწმენდის საწინდარია; და თითქოსდა სულმა ხორცში გამოატანო, ჯერ კიდევ ახალგაზრდა ვოვა, ნანამები, მაგრამ განწმენდილი, ნაადრევი მსცოვანების ნათლით შეიმოსა.

ქართველი მწერალი, უკლებლივ ყველა, მეომარია, თანაც — გველეშაპთან მეომარი.

ნათელში დაივანებს ვოვა სიხარულიძე, გველეშაპთან მორკინალი ქართველი მწერალი.

„მამული“, N1, 9 იანვარი, 1990 წ.

სიკვდილს გაეუშინაურდით...

თანაც — ცუდად გაეუშინაურდით: ამდენი და ამდენი მოკლეს, ამდენი და ამდენი დაიხოცაო — ისე შეგუებულად ვისმენთ, გინდაც ამინდის ბიუროს ცნობა მოგვესმინოს.

ერთმანეთს დავერიინით, საკუთარ სიცოცხლეზეც აღმართა ბევრმა ხელი... იხოცებიან ჭაბუკები, ბავშვები და ასეთ ვითარებაში ბუნებითი წესით განსვლა ამა სოფლიდან სამოცდაათს გადაცილებული კაცისა ჩვენს საზოგადოებას, ალბათ, ნაკლებად შეძრავს.

გაეუშინაურდით-მეთქი სიკვდილს.

ბატონი მერაბ ლორთქიფანიძე — ჟურნალისტი, მთარგმნელი, რედაქტორ-გამომცემელი — ტრაგიკული პიროვნება გახლდათ.

მძიმე ტვირთია დიდი მამის შვილობა, ზოგჯერ — გაუსაძლისიც. ბატონ მერაბს კალამი ჩინებულად უჭრიდა (ამას მონიშნავს მისი სტატიები და თარგმანები), მაგრამ, ვატიყობდი, წერა ემძიმებოდა: მოდი და, ნუ გაგიჭირდება კალამის მოსმა დიდი ნიკო ლორთქიფანიძის ვაჟს! ნუ იფიქრებთ, თითქოსდა თავის დიდ მამასთან ქვეცნობიერად პაექრობის პატივმოყვარულ ჭიას ეღრღნევიებოდა, არამც და არამც — პასუხისმგებლობის გრძნობა ჰქონდა უაღრესად გამძაფრებული არა მარტო მკითხველის, არამედ თავისი გენიალური მამის მიმართაც. ამიტომაც დაჰკანკალებდა ასე თავს მამამისის არქივს, ამიტომ იდგამდა წელებზე ფეხს, საკადრისად მოეწყო და გაეფორმებინა მისი სახლ-მუზეუმი ჩუხეუში, ამიტომ ეცვა რკინის ქალამნები, ბოლომდე მიჰყოლოდა ნიკოს ტომეულთა გამოცემის უსაშველოდ გაჯანჯლებულ საქმეს. ნიკო ლორთქიფანიძე ყველა ქართველს უნდა ელაპარაკებოდეს; ამას მისი შვილი კი არ გეუბნები, არამედ მისი მკითხველიო — უთქვამს ჩემთვის.

ბატონი მერაბ ლორთქიფანიძე საზოგადოებისათვის საჭირო კაცი გახლდათ — ინტელიგენტი იყო და იმიტომ.

ბატონი მერაბ ლორთქიფანიძე ხელისუფლებისათვის საშიში კაცი გახლდათ — ინტელიგენტი იყო და იმიტომ.

არა იარაღით, არა ძარცვა-გლეჯით — ინტელიგენცია საშიშია ტოტალიტარული ხელისუფლებისათვის თავისი სინდისიერებითა და ინტელექტით.

ბატონი მერაბი მრავალ წელს ხელმძღვანელობდა პრესტიჟულ დანესებულებას — „აპნ“-ის საქართველოს განყოფილებას. ეს თანამდებობა თავისთავად გულსხმობდა პარტიის წევრობას. ერთ მშვენიერ დღეს ხელისუფალთ აღმოაჩინეს, რომ ბატონი მერაბ ლორთქიფანიძე თურმე უპარტიო ყოფილა. მაშინ გაკომუნისტებაზე ხალხი ფულს ხარჯავდა. გამზადებული ანკეტა მიართვეს — თქვენ მხოლოდ შეგვიცხეთ და სასწრაფოდ ყველაფერს

მოგიგვარებთო. ბატონმა მერაბმა მისთვის ჩვეული პირდაპირობით მოჭრა: პარტიაში არ შევალ, სამსახურიდან კი დღესვე მზად ვარ წავიდეთ.

და — წავიდა კიდეც.

ამ სოფლიდანაც პირნათელი წავიდა.

„დრონი“, N44 (60), 15 ნოემბერი, 1991 წ.

სიმღერა გრძელდება

პირველითგან იყო სიტყვაო, ბრძანებს იოანე ღვთისმეტყველი.

„პირველად იყო სიმღერა“... — გალობს სვედიანი ინოლა... და ამასაც მიამღერებს: „და სიმღერისთვის შეიქმნა ადამიანი“...

თენგიზ ზეინკლიშვილი სიმღერისათვის შეიქმნა.

მომღერალი იყო ღვთით — ყელიდან, ყელიდან კი არა, ლომური მკერდიდან ბადაგის ხავერდოვან ტალღებს მოაგორებდა. ხმა ჰქონდა? განა მარტო გესმოდა — ხედავდი, იყნოსდი, ხელს შეავლებდი.

გიორგი ლეონიძემ ერთ თავის პერსონაჟს ასე ათქმევინა სოფლის მომღერალზე — „მაგისი ხმა ღვთიდან არი, პატივისცემა გემართებს. თავისი ხმით ემსახურება ქვეყანას“...

თენგიზ ზეინკლიშვილიც თავისი ხმით ემსახურებოდა ქვეყანას.

საპატიოა, იყო ეროვნული ოპერის სოლისტი, თუნდაც — ვარსკვლავი. მაგრამ ესეც კი არ კმარა, რომ საქართველომ ასეთი მღვლარე ცრემლი დაგადინოს... დევით ვაჟუკაცები, მართლაცდა — „სადიდგორენი“ და „სამარაბდენი“, აღვარვალებენ დღეს ცერმლს თენგიზ ზეინკლიშვილის საფლავს.

მომღერალი მომღერლად — ქართველი იყო, თხემით ტერფამდე ქართველი... უანგარიშო, გამლები, გამჩუქებელი... ალბათ, დაუდევარიც, ალბათ, წინდაუხედავიც...

რასაც პროფესიონალი მომღერლები თავს დაჰკანკალებენ, ის „უხვად გასცემდა, ზღვათაცა შესდის და გაედინების“...

ხმა შეიძლება გაყიდო...

მაგრამ ხმა შეიძლება გააჩუქო კიდეც...

თენგიზ ზეინკლიშვილი გამჩუქებელი იყო თავისი ხმისა, თავისი ნიჭისა, თავისი სიცოცხლის.

მისი ხმისა და ნიჭის პატრონს, ალბათ, მსოფლიოს ყველაზე მაღალი სცენებიდან უნდა ემღერა... არა, თავისი თბილისი, თავისი ხეობა ერჩია მილანსა და მადრიდს. კაცმა რომ თქვას, არც არსებობს ქართველისათვის საქართველოზე მაღალი სცენა.

ეს არის ქართველის ბედიცა და უბედობაც... მისი ტახტიცა და ეშაფოტიც... ქართველი იყო-მეთქი, თხემით ტერფამდე ქართველი.

შეეძლო კრიჭაშეკრული მჯდარიყო ოფიციალურ ბანკეტზე, შეეძლო პირველსავე შემხვედრ მძლოლთან ან უბირ გლებკაცთან გაბმით მოეღხინა და ემღერა, ემღერა დიღამდე, ემღერა აორტის გაგლეჯის ზღვარამდე.

შენყდა თენგიზ ზეინკლიშვილის გულისძგერა.

სიმღერაც შეწყდა.

მაგრამ სიმღერა, თენგიზის სიმღერა, არ გათავებულა.

მღერიან მაია და ნათია ზეინკლიშვილები.

სიმღერაც გრძელდება.

„ლიტერატურული საქართველო“, N28, 13 ივლისი, 1990 წ.

ვალმობილი მოვალე

ადამიანი მათუსალას ხნისაც რომ მოიყაროს და მხოლოდ სიკეთე თესოს ამტკვეყნად, მაინც მარადიული მოვალეა კაცის, ერის, ღმერთის წინაშე — რალაც ყოველთვის დარჩება გასაკეთებელი, გასაცემი, გადასახდელი.

და — პირიქითაც:

ადამიანი აკვანშივე რომც დაიღუპოს, მაინც ვალმობილია ღვთისა და კაცის წინაშე: თუნდაც თავისი მოვლინებით მოასწრო მან სხვისი გახარება, დაიმელება, ნუგეში.

გურამ კვინიკაძე 15 წლისა წავიდა ამა სოფლიდან, წავიდა, როგორც ვალმობილი მოვალე.

მოვალეა — ვერ მოასწრო მისი წილი საქნელის ქნა: ასაშენებლის აშენება, დასახატის დახატვა, გასაგრძელებლის, თავისი ჯიშისა და ჯილაგის, გაგრძელება.

ვალმობილია — დახმარებია განსაცდელში ჩაყარდნის, ხელი გაუნვდია გაჭირვებულისათვის, მარტო ახლობლები კი არა, საქართველო გაუხარებია თავისი სიჩაუქით: „მართევს“ რაგბისტთა გუნდმა, სადაც იგი თამაშობდა, არც ინგლისში, რაგბის სამშობლოში, შერიცხვინა თავი.

საქართველოსთვის არ დაღუპულა, მაგრამ საქართველოსთვის ცხოვრობდა... დუშმანის ხელით არ განგმირულა, მისმავე სისხლმა და ხორცმა, მისმავე ტოლმა მოუსწრაფა სიცოცხლე.

რას ვერ იყოფენ ბიჭები? რა ვერ გაგვიყვია მათს მამებს? რა ვერ გაიყვეს ჩვენმა მშობლებმა? ჭინჭები? მანქანები? სახელი? ის, რაც მართლა არ

არის გასაყოფელი" — ჩვენი მამული, ჩვენი საქართველო — ვაი რომ კიდევ გავყავით, კიდევ გავცვალებით და კიდევ გავყიდეთ... ახლა მოვდექით და ერთმანეთს ვკუნავთ, ვჭრით, ვფატრავთ, ვნამლავთ... არა მარტო ბებუთითა და ტყვიით — ენითაც, კალმითაც...

დღე არ გავა, ქართველი არ მოკლან...

დღე არ გავა, ქართველმა არ მოკლას...

დღე არ გავა, ქართველმა ქართველი არ მოკლას.

მე, პირადად, მარტო გურამ კვინიკაძეს, ჩემს ახლობელს კი არ ვიგლოვ, ვიგლოვ ძირში გადაჭრილ სამამულე რქას და ამაოდ დაღვრილ სადიდგორე სისხლს.

მკვლელსაც ვიგლოვ, ჩემს სისხლსა და ხორცს, სულიერად ისიც მკვდარია.

ვიგლოვ ჩემს თავსა და ჩემს თაობასაც, მამებს, ვინც გადავეცით ჩვენს შვილებს საჭირო რამ — სიამაყე და თავმოყვარეობა, მაგრამ ვერ მივუბოძეთ საღმრთო რამ ნიჭი — შენდობა და სულგრძელობა.

მივეცით ჩვენის სიჭარბისაგან... დავაკელით ჩვენივე ნაკულუოვანები-საგან.

ნაეიდა კიდევ ერთი ვალმოხდილი მოვალე.

მძიმე ცოდვას იღებს კისრად კაცი — თვითმკვლელი; მაგრამ უფრო დიდ ცოდვაში გვიდგას ფეხი ყველას, უკლებლივ ყველას — ერის თვითმკვლელობაში.

აჰა, ნიშანიც ერის თვითმკვლელობისა — ჩვენი შვილები ერთმანეთს ხოცავენ.

ნუთუ სრულდება დავითის ნაწინასწარმეტყველევი „მოსპოლვა საფუძველისა?“

მე ვინ ვარ, გზა ხსნისა რომ ვიცოდე, მაინც მწამს, რომ ეს იცოდა შოთამ:

*„მე იგი ვარ, ვინ სოფელსა არ ამოვკრეფ კიტრად ბერად,
ვის სიკვდილი მოყვრისათვის თამაშად და მიჩანს მღერად“.*

იცოდა ვაჟამ:

*„სიცოცხლე სიყვარულითა
და სიყვარული სიცოცხლით,
უერთურთისოდ ვერც ერთსა
ვერ ვიცნობთ, ვერც როს ვიცნობდით“.*

და იცის უფალმა:

„არა კაც კლა!“

„ახალგაზრდა ივერიელი“, 27 დეკემბერი, 1990 წ.

სულეთს შავიღეს ხმლიანი

რატი კიკაჩიშვილს

რატი, ცოცხალო...

სულეთს ხმლიანად შესულო...

ჩვენ ხომ სულ ასე გვეგონა, ვაჟა-ფშაველა ვილაც სხვაზე — შორეულ, მიუნვდომელ, გარდასულ კაი ყმაზე — ნერდა:

*„სულეთს შავიღეს ხმლიანი,
ლალი, ლალისა ცხენითა;
ნინ მიუძლოდეს არნივი,
ხმით მოყაშყაშე, ფრენითა.
ქება უყივლონ გმირებმა,
გარდასულებმა ჩვენიტა...“*

არა, თურმე შენზეც დაუნერია... შენზე და შენისთანებზე.

არა მარტო ზეზვამ და ქაქუცამ — ქება გიყივლეს შენმა ტოლმა და სულეთს ფეხად გასწრებულმა ბიჭებმაც: კოკა კლდიაშვილმა და სანდრო ვაჩიშვილმა, ლაშა დუნდუამ და ზურა ვაშიაშვილმა.

დღეს კი შენ და მიშიკო ქორიძე უყივლებთ ქებას თქვენს კვალზე დამდგარ ლევან აბაშიძესა და სულხან სულხანიშვილს, კოტე ჯანჯღავასა და გიანადირაშვილს.

რატი, ცოცხალო...

სიცოცხლე რომ ასე გიყვარდა, სწორედ ამ სიყვარულმა დაგათმობინა და შეგანირვინა იგი.

ახლობლის სიცოცხლის გადასარჩენად ზოგი ცურვის უცოდინარიც კი დაუფიქრებლად გადაშვებულა წყალში — ვაჟკაცები არიან ისინი...

შენ კი გამიზნულად გადადგევი ცეცხლის მორევში მამულის სიცოცხლის გადასარჩენად — გმირობაც სხვა არაფერია და გმირი ხარ შენ, რატი!

სხვათა ცოდვების, ჩვენი და ჩვენი მამების ცოდვების, გამოსასყიდადაც უშვერდი შენს ფართო მკერდს დუშმანის ტყვიას — ესეც გმირობაა და გმირი ხარ შენ, რატი!

უნივერსიტეტელი იყავი, უნივერსიტეტს შენირული, და შენმა სისხლმა, კოლხეთის მინა რომ ჩამოანითლა, უფრო გააქათქათა მისი კედლები და მისი სული.

ამ კედელზე გაკრული ქალღალი გვაუნწყებდა: „...ტრაგიკულად დაიღუპა რატი კიკაჩიშვილი“.

ოცი წლის ყოველი ბიჭის დალუპვა, ცხადია, ტრაგიკულია.

ვილაცას, უფრო მართალს, სიტყვა „ტრაგიკულად“ გადაეხაზა და ზემოდან მონაფური ხელით დაენერა — „გმირულად“...

რა ხელმა ჩამოხსნა, რატი, ეს ფურცელი და კვლავ ცივად გაგვიმეორა, რომ შენ გმირულად კი არა, თურმე ტრაგიკულად დალუპულხარ.

ეტყობა, ზოგის აზრით, აფხაზეთში გმირულად ის ჩეჩნები ილუპებიან, აქედან გაგზავნილი ფულით შეძენილი ტყვია-ნაშალი რომ დაგახალეს შენ და მიშიკო ქორიძეს.

„მამაო, მიუტევე ამათ, რამეთუ, არა იციან, რასა იქმან“...

შენც მიუტევე, რატი, მანც მიუტევე, თუმცა, ამათ კარგად იციან, რასაცა იქმან.

ჩვენც მოგვიტევე, რატი, მოგვიტევე, რომ უშენოდ ვცოცხლობთ... და ამ სიცოცხლესაც აზრი დაეკარგებოდა, სულეთში შენთან შეხვედრის რწმენა რომ არ გექონდეს.

ამიტომაც — ნახვამდის, რატი, ცოცხალო!

„საქართველოს რესპუბლიკა“, 15 სექტემბერი, 1992 წ.

შემოქმედი

შემოქმედი — ყოველთა შემქმნელიო, ბრძანებს საბა.

თენგიზ აბულაძე შემოქმედია.

შემოქმედია არამართო ამ სიტყვის დღევანდელი გაგებით, რაც უპირატესად ხელოვანს გულისხმობს... შემოქმედი გახლავთ იმ მაღალი მნიშვნელობითაც, საბა რომ გულისხმობდა — შემქმნელი, წარმომშობი, დემიურგი ახალი სინამდვილისა.

ხოლო ვინც ამ სინამდვილეს ქმნის, მასზე წარსულ დროში არ ლაპარაკობენ; შემოქმედი მარადიულია, რამდენადაც ისეთ სინამდვილეს ქმნის, რომელსაც უნარი აქვს, შემდგომ თავად წარმოქმნას ახალი სინამდვილე. ჩაპლინმა შექმნა ფილმები, რომელთაც გარკვეულწილად თავად შექმნეს არამართო დღევანდელი კინემატოგრაფი, არამედ დღევანდელი საზოგადოების ყოფაც, ფსიქიკაც.

ჭეშმარიტი შემოქმედი ისაა, ვინც მშობელს შობს.

„მონანიება“ არამართო შექმნილია თენგიზ აბულაძის მიერ, თავად ეს ფილმიც არის შემქმნელი, განმცხადებელი ახალი სინამდვილისა.

სინამდვილის შემოქმედი კი ის უფალია, რომელზედაც ბრძანებს მახარე-

ბელი: „პირველითგან იყო სიტყვა, და სიტყვა იგი იყო ღმრთისა თანა, და ღმრთი იყო სიტყვა იგი“ (იოანე 1.1); ცხადია, პირველითგან სიტყვა იყო, მაგრამ, მკრეხელობაში ნუ ჩამითვლით, თუ ხანდახან, დიდი ფილმების ხილვისას, ასეც მიფიქრია — პირველითგან იყო კინო ანუ კინეტიკა, მოძრაობა, ქმედება, თანაც — ზოგჯერ უსიტყვოც. ლიტერატურა არ შეიძლება იყოს უსიტყვო, მუნჯი, თორემ მუნჯი კინო ზოგჯერ ხმოვანზე უფრო მეტყველია.

თენგიზ აბულაძე დიდი რეჟისორი გახლდათ... ეს იმას ნიშნავს, რომ იგი ლიტერატორიც იყო. უფრო მეტიც — იყო პოეტი.

არადა, რამდენადაც ვიცი, ლექსი არ დაუნერია.

აქი ბრძანებს მისი სათაყვანებელი გიორგი ლეონიძე: „*პოეტები მხოლოდ ქალაქებზე რითმებით მოლაპარაკენი როდი არიან — პოეტური თვალით, პოეტური გულით და დიდი ოცნებით გასხვიონებულნი სხვაც ბევრი დადის დედამინაზე*“...

მაგრამ ამ შემთხვევაში მე პირდაპირი აზრით მოგახსენებთ — თენგიზ აბულაძე ლიტერატორი გახლდათ-მეთქი.

სიტყვამ მოიტანა და, ქართველმა მკითხველმა ახლახან აღმოაჩინა — ფედერიკო ფელინი მარტო გენიალური რეჟისორი კი არა, უბრწყინვალესი ლიტერატორიც ყოფილა.

ამ ათიოდ წლის წინათ ჟურნალ „ბალავერში“ (მაშინ „ქართული ენა და ლიტერატურა სკოლაში“ ერქვა) გიორგი ლეონიძისადმი მიძღვნილ ნომერს ვამზადებდი და ბატონ თენგიზს ვთხოვე, „ნატურის ხეზე“ მუშაობის შთაბეჭდილება გაგვიზიარე-მეთქი. ახალს ბევრს ვერაფერს გეტყვი, მაგრამ ჩემს სამუშაო დღიურს მოგცემ, ჩახედე, იქნებ გამოგადგესო, მიპასუხა; ვნახე და მაშინვე, იმ მასალის გამოქვეყნებისას, დავწერე და ახლაც ვიმეორებ — ამ სამუშაო ჩანაწერებს აქვთ დამოუკიდებელი ლიტერატურული ღირებულება. აღმოჩნდა, რომ თენგიზ აბულაძეს მსგავსი ჩანაწერები მოეძევება ყოველი თავისი ფილმის პირველწყაროზე და ეს მასალა, იმედია, როდისმე იხილავს დღის სინათლეს.

ქართული ლიტერატურა თენგიზ აბულაძისათვის რეალური ცხოვრების თანაბარი და, ვინ იცის, უფრო ძალუმი იმპულსიც კი იყო საკუთარი შემოქმედებისათვის — „მაგდანას ლურჯა“, „ვედრება“, „ნატურის ხე“... თავის სამუშაო დღიურში უწერია: „დიდხანს ვუტრიალე „ნატურის ხეს“, რათა უბრწყინვალესი პოეტური სახეების კინოგადანწყვეტა მეპოვა... ამ საქმეში მამველ ძალად მომეფელინა მწერალი რეზო ინანიშვილი, რომელიც, როგორც შემდგომ, გზა და გზა, გამოირკვა, სერიოზულად „მეცილებოდა“ ნივნის გულწრფელსა და ღრმა სიყვარულში. და აი, თავდაპირველად დაეხსნედიტ სამინი: რეზო, მე და ჩვენი ზიარი სიყვარული. ძლიერი სიყვარული რომ არა, სცენარი არ გამოვიდოდა“.

ცხადია, არ გამოვიდოდა!

არადა, როგორი შესამოკლებელ-შესაკრეჭი ან შესაცვლელია ვაჟას ან გიორგი ლეონიძის ტექსტი? როცა ამაზე ჩამოვუგდე სიტყვა, ბატონმა თენგიზმა გასაოცარი რამ ბრძანა: „დიდი მწერლების შემოქმედება იმითაცაა საგულისხმო, რომ იგი სხვა სფეროს ხელოვანთათვის ბორკილი არაა და ნაწარმოების მრავალნაირი ინტერპრეტაციის საშუალებას იძლევა. ეგრეთ წოდებული ეკრანიზაციის დროს მთავარია, არ უღალატო ავტორისეულ სულისკვეთებას, სხვა მხრივ კი, რაც უფრო დაშორდები პირველწყაროს, მით უფრო მიუახლოვდები მას... მთავარია, საერთო სულისკვეთება, იდეური ხაზის შენარჩუნება, სხვა ყველაფერი ლიტერატურის ენიდან კინოენაზე თარგმანია...“

დღიურიდანვე ჩანს, „ნატურის ხეზე“ მუშაობისას თენგიზ აბულაძეს განუცდია გამოცხადებისმაგვარი რამ, ერთგვარი „ცის გახსნა“, პოეტური ან მეცნიერული აღმოჩენისას რომ ეუფლება ხოლმე ადამიანს. წერს კიდევ ამის შესახებ თავის დღიურში: „გუმინ ღამით, დაახლოებით ორ საათზე, ცა გამეხსნა... ზუსტად ისევე, როგორც, ალბათ, გაეხსნებოდა იგი ნეტარ ელიოზს, კენწერობზე მოყუჩებული რომ ელოდა ჯადოსნური ხის ხილვას.“

და აი, რამდენიმე წამით გამეხსნა ცა და მე დავინახე ღმერთიკაცი ვაჟა თავისი გმირების — მინდიას, ალუდას, ჯოყოლას, ალაზას, ლელას, ლუხუმის — გარემოცვაში. ღამე იყო უკუნი და ამიტომ მათი შუქი ძალზე მკვეთრად, თვალისმომჭრელად ასხივებდა.

მათ შთამაგონეს ის, რაც მინდა თქვენ გაგიზიაროთ:

მარიტა, როგორც ეს ყოველმა ჩვენგანმა იცის, უბრალო მოკვდავი არ არის. მარიტა არის ადამიანი-იდეა (ნათელი, სიკეთე, სილამაზე, სათნოება, ჭეშმარიტება), ამ ადამიანი-იდეის არსებობისა და გამარჯვების აზრია გაგრძელება თავისი თავისა, უკვდავება თავისი მეობისა, ე.ი. უკვდავება მშვენიერებისა და მზისა.

ფილმის დამთავრებას მარიტას დასამარებით, ე.ი. ნათელის, სიკეთის, მშვენიერების მოსპობით, მზის ჩასვენებით ვერავითარ გამართლებას ვერ მოვუძებნით...

ამიტომ, მარიტას და ელიოზის სახე ასეთნაირად ხომ არ გავიაზროთ: ამ ორი გმირის მაღალი სულისკვეთება უკვდავებას ვაზიაროთ მინიერი, ადამიანური ტრაგედიის, განცდის საშინელ გზებზე, კრიზისების ცეცხლში გამოტარებით... ფილმის კომპოზიცია აი, ასე მესახება: მარიტა-ღვთაება-მზე და ეშვა მინაზე სწორედ იმ მომენტში, როდესაც აქ, მინაზე, ადამიანების ყოფა ჩიხში მოექცა. მარიტამ უნდა იხსნას ხალხი — გამოიყვანოს წყვდიადიდან.

ფილმის დასაწყისში ნატურის თვალის მაძიებელი ელიოზი მარიტას დანახვაზე შეცბება, გაირინდება, შემდეგ გაოგნებული პირჯვარს გადაინერს და ჩაიბუტბუტებს: „მზე თუ ჩამოვიდა მინაზეო“. აქ მარიტას ელიოზთან შეხვედრის ეპიზოდი დროებით წყდება. მარიტას გასხვიოსნებული ხედის შემდეგ ჩვენს წინ გაივლის მთელი ფილმი, როგორც გზა, რომელიც მარიტამ გაიარა

თავის წარმოსახვაში, ის გოლგოთა, რაც მას მოელის მიწაზე (მარიტა ხომ ნათელმხილველია და გველისმჭამლის ნიჭითაა დაჯილდოვებული). და აი, ყოველივე ამის შემდეგ გრძელდება ელიოზთან შეხვედრის შუაზე გახლეჩილი ეპიზოდი: მარიტა-მზეს თან მოჰყვებიან ელიოზი ბავშვებით, გედია, ფუფალა და ბუნბულა. მათ გვერდით ჩაურბენს ალგ ზნებული იორამის ჯგუფი; ერთს კი მოჰხედავენ სოფლისკენ მიმავალ პროცესიას და ისევე თავის გზას განაგრძობენ. თითქოსდა უბრალო, ერთი შეხედვით მარტივი საშუალებით (ერთი კადრის დამატებით) არსებითად იცვლება ფილმის კომპოზიცია, ჟანრი (კინო-რომანი-მითი, ე.ი. ის, რაც სინამდვილეში არ მომხდარა, მაგრამ რაც მუდამ არის) და გააზრებაც კი: „არ შეიძლება მოკედეს ლამაზი არსი ჩვენი კაცობისა“.

ხომ არ ვცდები?”

ხომ არ ვცდებიო, დაეჭვდა ოსტატი და — არცთუ უსაფუძვლოდ. ამ ჩანაფიქრის მიხედვით, მაყურებელს ფილმის ბოლოს უნდა აღმოეჩინა, რომ ყველაფერი, რაც იხილა, თურმე მხოლოდ წინათგრძნობა ყოფილა მარიტასი, რეალურად კი იგი ცოცხალი და საღსალამათი რჩებოდა. რაოდენ გასაგებია — რეჟისორს გაუჭირდა მარიტას რეალური დასამარება და ერთი პირობა, დააპირა მარიტას სიკვდილი რეალობიდან „მომავლის მოგონებაში“ გადაეტანა... მშვენიერება მხოლოდ წარმოსახვით შეიძლებოდა დალუპულიყო, რეალურად კი მაყურებელს იგი უკვდავი და მარადიული უნდა ეხილა. ფილმის ამგვარი დაბოლოება, დიახაც, მაცდუნებელი იყო... საბედნიეროდ, ამ ცდუნებას რეჟისორმა გაუძლო და ეს ეფექტური დაბოლოება თვითონვე უკუაგდო... ამის ახსნას დღიურშივე ეპოულობთ: „მშვენიერების დალუპვა ყველაზე ნათლად და ამაღლვებლად განგაცდევინებს თვით მშვენიერებას, რომელიც ყველაზე ძლიერი მაშინაა, როდესაც ილუპება. აი, მაშინ ალბის იგი თითქოსდა საშუალოდ დაგმანულ კარს, ერთმანეთს მიაახლებს უფსკრულით გათიშულ ნაპირებს — კეთილსა და ბოროტს... მარიტას დალუპვა ყველას უნდა შეეხოს. მარიტას დალუპვით ბნელ ძალებშიც კი გამოსახივა შუქმა და ისინი სულიერად ამაღლდნენ. ხალხი გრძნობს შექმნილი მდგომარეობის ტრაგიზმს, გრძნობს და იტანჯება. ხოლო როცა არის ტანჯვა — არის ხსნის ნათელიც; ტანჯვა იწვევს თანაგრძნობას, იბადება სურვილი თავგანწირული კივილისა, სურვილი ხსნისა, მკედრებით აღდგენისა. ყოველი ასეთი დასასრული ამავე დროს დასაწყისიცაა...“

მაგრამ ხერხი — წარმოსახვითი რეალობა ჩვენაცვლებინა ყოფითი სინამდვილისათვის და მხოლოდ ფინალში „გაეხსნა“ მაყურებლისთვის რომ, რაც მან ორი საათის განმავლობაში ეკრანზე იხილა, ეს თურმე მხოლოდ შეკუმშული წამი ყოფილა გმირის ცნობიერებაში — თენგიზ აბულაძემ გენიალურად გამოიყენა თავის „მონანიებაში“: ფილმის დასაწყისში ქეთევან ბეთანელს, ბავშვობანართმეულ, ნარეკრესიად, ჯოჯოხეთგამოვლილ კონდიტერ ქალბატონს მეზობელი უკითხავს ნეკროლოგს ვარლამ არავიძის გარდაცვალების შესახებ. ფილმის ბოლო კადრებში, მეზობელი ჩაათავებს ნეკ-

როლოგის კითხვას და ქეთევან ბარათელიც „ბრუნდება“ მომავლიდან... ამ ერთ ნუთშია — ნაკროლოგის კითხვის პროცესში — დანახილი მთელი ფილმი... და მასურებელი აღმოაჩენს, რომ არავის მოუთხრია არავიძის საფლავე, არც აბელს მოუნანია მამამისის ცოდვა, არც თორნიკეს გამოუსყიდია თავის მოკვლით წინაპრის მიერ დაღვრილი უდანაშაულოთა სისხლი... ამას, ყველაფერს, თურმე წარმოიდგენს ქეთევან ბარათელი და ამ წარმოსახვაშივეა „ჩახრახნილი“ მისი ბავშვობის უმწარესი მოგონება. ეს მოგონებაც ნაწილობრივ წარმოსახვითია, ბავშვის სიზმრისეული ფანტაზიით შემოსილი.

წარსული მომავალშია, მომავალი წარსულში, და ეს ორი განზომილება ამავე დროს, ანმყოფია შენივთებული... და სწორედ ეს წარმოსახვითი, შესაძლებელი, გამონაკონი, სახეშეცვლილი რეალობა ბევრად უფრო ნაღდ სინამდვილედ აღიქმება მასურებლისთვის, ვიდრე დოკუმენტური კადრები ოცდაჩვიდმეტ წელზე.

დღეს თენგიზ აბულაძე მკვდარია... ეს არის რეალობა... მაგრამ თენგიზ აბულაძევე გვასწავლის, რომ ყოფითი სინამდვილის მიღმა არსებობს უფრო მაღალი რანგის სინამდვილე. ეს სინამდვილე კი ასეთია — თენგიზ აბულაძე შემოქმედი, ესე იგი — ცოცხალია.

მისივე სიტყვებით ვიტყვი — ყოველი ასეთი დასასრული ამავე დროს დასაწყისიცაა.

„ლიტერატურული საქართველო“, 11 მარტი, 1994 წ.

სანთლები

1958 წელს უნივერსიტეტის პირველკურსელ ფილოლოგებს ბედმა გაგვიღიმა — ქართულ ენაში ლექციებს ვარლამ თოფურია და ივანე გიგინეიშვილი გვიკითხავდნენ. ბატონი ვარლამი და ბატონი ივანე კიდევ ჰგავდნენ და კიდევ განსხვავდებოდნენ ერთმანეთისაგან. შემჩნეულია — თანაცხოვრება ცოლ-ქმარს ერთმანეთს დაამსგავსებს ხოლმე. ეტყობა — თანამოსაქმეობაც... და — არა მარტო ცოლ-ქმარს. არადა, გარეგნულად, ერთი შეხედვით, ისინი სრულებითაც არ ჰგავდნენ ერთმანეთს. ბატონი ივანე მარტო კანის ფერით არა — სახის ნაკვთებითა და ნატიფი კიდურებით უმაღლესი კასტის „ჰინდოს“ ჩამოჰგავდა, ბრაჰმანს თუ ქშატრიას, ან სულაც — შეჭარმაგებულ კაპიტან ნემოს. განსხვავებულ ასოციაციებს აღმიძრავდა ბატონი ვარლამი: წარმოიდგინეთ კიპლინგის უსიმპათიურესი ბალუ, ოლონდ თეთრი, პოლარული — მოუცილებელი მრგვალი ამოზნექილი სათვალით... ეტყობა, ძველი

ბერძნები სფეროს ტყუილად როდი მიიჩნევდნენ სრულყოფილ გეომეტრიულ ფიგურად; არც ტოლსტოის იდეალი, პლატონ კარატაევი, გახლავთ შემთხვევით გაიგივებული სიმრგვალებსთან — ბატონი ვარლამი, გარკვეული აზრით, „სფერული“ იყო. სფერული ჰქონდა სახელიც, რომელსაც ნარნარი რ, ლ, მ ბგერები ამრგვალებდნენ; გვარიც, საიდანაც მართლაც „თოფური“ ანუ თაფლი მონვეთავდა; აზრიცა და ფრაზაც — ყოველთვის შეკრულ-დასრულებული, საესე, გაჭედილი. იგი ძირითადად დაფასთან იდგა, ცარცი ეკავა და შლიდა, ანანევრებდა სიტყვას, თითქოსდა ფრცქენიდა, ჩენჩოს, გარსს აცლიდა, რათა იქიდან მისი გულისგული, მისი ატომი ამოეღო. ჭაღარა, უფრო სწორად, რალაცნაირად ქათქათა თმა, თმა კი არა — ფაფარი, და პიჯაკზე მიპნეული ცარცის ფქვილი მას მენისქვილესაც ამსგავსებდა, ყოველად დაუჯერებელ, მაგრამ სარწმუნო ზღაპრებს რომ „უფქვავს“ ყმანვილებს.

ივანე გიგინეიშვილი კი დაფასთან იშვიათად ყოვნდებოდა, უფრო მერხებშუა მიმოდოდა და — ლაპარაკობდა-მეთქი, ვერც ვამბობ — მეტყველებდა. სიმონ სხირტლადის ნამონაფარი გახლდით და მჭევრმეტყველებით, თითქოს, ველარავის უნდა გავეკვირვებიყ... არადა, გამოცა მისი მეტყველების სიზუსტემ და სიცხადემ, გამაოგნა მისმა ხმამ: არც ფილტვებიდან, არც ყელიდან — ბატონ ვანოს ხმა უშუალოდ გულიდან ამოსდიოდა.

1982 წელს, როდესაც ბატონი ივანე გიგინეიშვილი გარდაიცვალა, სიკვდილთან უკვე გაშინაურებული გახლდით: ნავიდნენ მშობლები; აღარ იყვნენ ჩემი მასწავლებლები: სიმონ სხირტლადე, ვარლამ თოფურია, ფარნაოზ ერთელიშვილი; დამეღუნენ მეგობრები... და მაინც — თავს დიდი ელდა დამატყვდა... მართო მე არა — მთელ საქართველოს: დედაენას მოუკვდა ივანე გიგინეიშვილი.

სამოცდაათიანი წლების ბოლოს ხშირად მიწევდა ბატონ ვანოსთან სტუმრობა ვაკეში, მის ბინაზე. ესაუბრობდით ამ ცისას, იმ ბრისას... მაღალ კანჭებზე შემდგარი, თვალებბრღვილა კნაჭა ვანიკოც, პაპის მოსახელე და ბებოს ნებიერი, ყურადღებით გვისმენდა ხოლმე. ერთხელაც, ნათარგმნი სახელმძღვანელოების ენობრივ ხარვეზზე საუბრისას, მახსოვს, თავისი, თუ არ ვცდები, მეექვსე კლასის გეოგრაფიის სახელმძღვანელო გამოგვიტანა, გადაგვიშალა და ეშმაკურად გვეკითხება: „აბა, აქ რა წერია?“ ქვესათაური ნაეკითხე: „დამახინჯებანი მსოფლიოს რუკებზე“... „აღბათ, რუკის ცდომილებაზე იქნება“, — მიხვდა ბატონი ვანო და... ეს იყო და ეს — ორგვერდიან ტექსტს, ვითომ ქართულად დანერილს, ვერც თავი გაეუგეთ და ვერც ბოლო. შე — კიდევ არაფერი, ბატონი ივანე ვეფხისტყაოსნის ტექსტის ურთულეს ნიუანსებს იკვლევდა და განმარტავდა, აქ კი ისიც უძღური

აღმოჩნდა. პატარა ვანიკომ მოკლედ და სხარტად გაგვიმარტა ტექსტი და კმაყოფილმა ნიგნი თავის ოთახში გაიტანა.

— კვიცი გვარზე ხტის, ბატონო ვანო, ეს ბიჭი თქვენი ნატეხია და თქვენს კვალზეც ნავა...

— არა მგონია... ალბათ, მასწავლებელმა აუხსნა... ისე, ქართული მაინც-დამაინც არც აინტერესებს, დიდი ჩხირკედელა ვინმეა...

და მაინც, გენებმა თავისი ქნეს; ამ „ჩხირკედელა“ ბიჭმა, 22 წლისამ, ქართული კომპიუტერული შრიფტი შექმნა, ორი წლის შემდეგ კი, როგორც პატარაობისას იცოდა, თავის პაპას მიუწვა გვერდით.

საბურთალოს პანთეონში, უკანა მხარეს, ერთი სადა, საერთო საფლავის ლოდია... მარჯვნივ მეფური ხელრთვითაა გამოყვანილი — „ივანე გიგინეიშვილი“. მარცხნივ — კომპიუტერული შრიფტით — „ვანო რამიშვილი, 1967-1992“.

* * *

მსგავსებაზე მოგახსენებდით: ბატონი ვარლამი და ბატონი ვანო იმ შინაგანი შუქით ჰგავდნენ ერთმანეთს, რასაც ფიზიკური თვალი ძნელად, სულიერი მზერა კი ნათლად ხედავს და ამჩნევს.

ეს შუქი ხორცთან ერთად არ ქრება. ალბათ, გახსოვთ, როცა ასი წლის აკაკი შანიძემ მიიძინა, მისი სალუქი პირისკანი ამ შუქმა შიგნიდან როგორ გამოასხივა.

ვარლამ თოფურიასა და ივანე გიგინეიშვილს თავს ნათელი ედგათ.

ნათლად მეტყველებდნენ... როგორც მეტყველებდნენ, ისე წერდნენ... როგორც წერდნენ და მეტყველებდნენ, ისე ცხოვრობდნენ.

სანთელი ქრება, კაცი-სანთელი კი ჩაშრეტის შემდეგაც ანათებს.

„დრონი“, 18.9.1999

სხენლასხენ

მურმან ლებანიძე საქართველოს მოუკვდა.

საქართველოს მოუკვდა ღვთით პოეტი — მურმანსავე დავესესხები — „თავზარდამცემი ნიჭით“. საქართველოს მოუკვდა-მეთქი და — არა მარტო მის ძვირფას მეუღლეს ელენე ჭავჭავაძეს, ასე რომ გააუკვდავა მურმანმა თავისი სტრიქონით:

გაზაფხული შემოსულა, ლენ,
რია-რია აუტეხავთ ჩიტებს,
მე გიყიდი ნითელ-ყვითელ ჩითებს,
თეთრი ტილო მომიქარგე შენ.

შავ სუდარას გიქარგავს დღეს, მურმან, შენი უპირველესი სიყვარული,
შენი საქართველო, ვისაც ნამლად ასმევი შენს ლექსს — ხან გოლეული-
ვით ტკბილს, ხანაც ფაზარ-ხუთოსავით მწარე-შხნაკვს.

სულეთში შენ შინაური კაცი ხარ:

სიკედილზე დაფიქრებული,
იქ ვინ დამხედება, დავითელი:
ერეკლე — გაფითრებული,
ნეერგაბურდული დავითი...
ათას მშვენებით მკობილა,
რომელმან კადრე შავეთი?!
ყველაკა იქით ყოფილა,
ცხენიმც მამგეარეთ — ნავედი!

ცხენდაცხენ შედიხარ სულეთს, ნაბრძოლ-ნაჩეხო პოეტო... ნაჩეხო არა
მარტო დუშმანისაგან — შინაურთაგანაც...

ასე შედიოდა იქ ვაჟას კაი ყმაც: „სულეთს შავეიდეს ხმლიანი, ლალი, ლა-
ლისა ცხენითა“...

ჯერ კიდევ როდის გვაფრთხილებდი:

- აფხაზეთზე იმ კაცს თვალი უჭირავს,
ის კაცია, ალბათ, თურქის თემის...
და მე ვყვირი: ჩემს სისხლს დალევს უწინამც!
და მე ვმღერი: აფხაზეთი ჩემი!

ცრემლსა და იმედს — გამთლიანების იმედს — გატანს საფლავში, მურ-
მან, შენი აფხაზეთი... შენი რაჭა, შენი თბილისი, შენი, ვაი რომ, დაძიძგნილი
საქართველო.

და ცრემლების ამ ზღვაში ჩემი ერთი კურცხალიც მიითვალე, პოეტო.

„ლიტერატურული საქართველო“, 23 აგვისტო, 2002 წ.

